

PAVLI IOV II
NOVOCO-
MENSIS
OPERA

QVOTQVOT EXTANT
OMNIA.

A mendis accuratè repurgata, vivisque
imaginibus eleganter & op-
portunè suis locis
illustrata.



P. PERNÆ TYP.
BASIL. TYPIS,
CIO ID LXXVIII.



PAVLI IOVII NOVO

COMENSIS EPISCOPI NV CERINI

IN LIBROS HISTORIARVM SVI TEMPO-

RIS SECVNDI VOLVMINIS

PRÆFATIO.

AD
COSMVM MEDICEM REIPV-
blicæ Florentinæ Ducem.

PUBLICANTI mihi secundum Historiarum mearum volumen Magnanime COSME, satis superq; & præclare quidem augusti nominis tui, cui hæc dicantur, autoritatē, ab illustri patrocinio valiturā reor, aduersus eos qui fortasse comiter aut cōuitiosē postulabūt et requirēt, cur id totū luctuosissimæ tēpestatis spatiū quod à morte Leonis X. ad Rom. cladem decurrit, vel supina vel astuta præuariance pr. ete- rierim. Quibus breuissima præfatione ita censeo respondendum, vt nec culpā diffitear, nec veniā deprecet. Quandoquidē nō ad alienæ voluntatis arbitriū, sed synce- ro liberaliq; prorsus animi iudicio, hoc grauissimū scribendæ historiæ munus susceperim, scilicet vt his qui adhuc viuunt, & posteris demū, per amœna exemplorū varietate cū oblectatio- ne prodessem, & in hac vita aliquam mihi æternitatis spem, hoc tanto atque vtilissimo labore percipiendam arbitrarer. quam mihi obuenturam opto speroq; & singularem atque honestam voluptatem allaturam confido, modo sine periculo quæatur. Putabam siquidem, & insani et intemperantis ingenij fore, si libero ore loquutus nihil reticerem quod asserendæ veritatis in- teresset, & cuncta huius seculi incommoda propalarem, propterea quod inde quorundam di- gnatem inuidiosa nec iniqua suggillatione vehementer offendi posse providebam. Profecto mei instituti nunquam fuit vel encomia fallasq; laudationes ad quærendam gratiam conscri- psisse, ne que ex aduerso ad parandum odium satyricæ acerbitalis stilum exercuisse, vt à qui- busdam impudenter factum videmus. Quoniam viro philosopho, seniq; maxime turpe sit, & ineptum, sibi, vt i oportet, in graui præcipuē negotio sapere nesciuisse. Itaque peritos medicos i- mitatus, carcinomata desperatæ curationis, quæ si attrectes, & acrimedicamine laceffas, in immensum furere, & pestifera edaciq; serpigine mortem afferre solent, naturæ relinquenda, neque his vlllo pacto manum admouendam iudicau. Quamobrem existimationi salutiq; meæ consulens, diræ tempestatis materiam, tanquam abominabilis impij, operis, minime attingen- dam arbitratus sum, quando hæc aduersæ fortunæ accepta vulnera, insanæq; nostræ detrimen- tanon modò non prodenda posteris, sed pro virili occultanda esse videantur. Ea siquidem quæ Italicum nomen decorent, neque memoria reoli sine dolore, neque sine vberimis lachrymis scribi, nec sine flagitio pudoreq; posteris enarrari queunt. Ceterum quod ad rem pertinet, historiæ studiosorum iusto desiderio magna ex parte satisfecisse iudicari possum. Nam si vitas illustrium Ducum quas conscripsimus, curiosi diligenter euoluant, in Leone X. atq; Hadria- no VI Pontificibus, Pompeioq; Columna, & Daualo Piscario, Magno Consaluo, & Alfonso Atestino, totius huius fuesti seculi historiæ texturam inuenient, sic vt ea facile quæ nos vel non scripsimus, vel scripta non inconsultè supprimimus, supplere et resarcire cumulatè possint. Quanquam & hæc, singulorum librorum Epitome suo ordine ad prodendam rerum gestarum seriem explicanda censuerim. Quod si mihi quanquam pedibus capto, atque adeo grauiter se-

nescenti, Deus magnus fatalis horæ spatium extendat, perpetua proculdubio lucubratione
 nitar, vt totum id quod in clade Urbis ereptum, vel à me postea contumaci quadam indigna-
 tione prætermisum fuit, non diu à bonis mortalibus desideretur, te præsertim auspice omnis
 virtutis amantissimo, qui vt hæc conficerem atque ederem generosa cohortatione perpulsi.
 Vale. Pisis. Calend. Maijs. M D L I I.

PAULI IOVII
 I V N I O R I S.

IL L V S T R E S Populi, quos vel tulit Itala tellus
 Quibusue mater extera,
 Sen Mars assiduus quoscunque exercet in armis
 Virtute claros bellica,
 Sen quibus est studium Sophiæ complectier artes
 Gratumque Musis otium,
 Quid dubij vobis iamdudum in corde recusat?
 Ne, quæso, ne miremini
 Sireti IOVIVS iudex infasta malignæ
 Ætatis acta præterit,
 Quæse cum Diris, geminisq; sororibus orco
 Erynnis atra sustulit,
 Crimina mille trahens secum, & ciuilia bella
 Cædes & impium nefas.
 Eheu quàm melior Populis & clarior ires
 Romana cælo glora,
 Si non insanum deuoti sanguinis æuum
 Chartis notasset in suis,
 Extra odium quisquis priscorum scripsit, & extra
 Potentiorum gratiam.
 Quare vos potius IOVIO nunc soluite grates
 Bonam inque partem sumite
 Si, bene dum vestro decori, & sibi consulit ipsi
 Nomen tuetur Italum.

LIBRO

LIBRORVM QVI PRÆ-
TERMISSI SVNT EPITOME, QVÆ PRI-
MI VOLVMINIS LIBRIS SVO TEMPORVM
ORDINE OBSERVATO CONTINVATA
SERIE CONNECTITVR.

DECIMI NONI LIBRI.

10



MBRICI belli causæ & successus, resque multis in lo-
cis à Pontificijs fœdissimè gestæ libro Decimo nono
continentur; obiterque Francisci Mariæ Feltrij Vrbi-
natis Reguli multiplices victoriæ, suum regnum, quo
dudum iniuria fuerat eiectus, egregia virtute repetētis.
Maldonati quoque Hispani viri summæ authoritatis su-
spectam fidem, quod largitione corruptus videretur, a-
trocissimo spectaculo vindicatam, quum Hispani eun-
dem, & complices cogitati facinoris C. Maccium, Ferdinandum Rubrium, &
Plasollam cohortium præfectos, corona totius exercitus circumdatos inusitata
horribilis supplicij pœna confodissent. Explicat item Leonis Pontificis dolo-
rem ex adverso rerum successu, vulnereque Laurentij Medicis conceptum, &
Petrucianæ coniurationis pericula, eiusque detectæ vindicatam iniuriam,
sublatumque metum fœda nece Alfonsi Petruccij Cardinalis, & conspiran-
tium cum eo aliquot Cardinalium exilijs, & propterea supplendi senatus ne-
cessitatem, quum Pontifex unum & triginta Senatores honore purpuræ de-
corasset; egregio certè dignissimorum virorum delectu, qui ex omnibus pro-
vincijs præclaro virtutis merito petebantur: nisi à quibusdam pretio coëm-
ptus honor, liberalis atq; beneficentissimi Pontificis famam eleuasset. Hispanos
quoq; mercenarios milites, spe præmiorum, iussuq; Principum diductos
à Feltrio enarrat, & adversum Feltrio belli exitum, Vrbinateque à Medice re-
ceptos, sed nudatos mœnibus: atque item Feltrium, deferentibus eum Hispani-
nis, recepti dudum regni possessione eiectum, quum Mantuā exulatum, gra-
vioris iniuriæ metu, maturè contendisset; seipsum vel ob id in tanta Fortunæ
iniquitate probe consolantem, quod Laurentium Medicē parto inique prin-
cipatu non diu lætatem, morte ereptum audisset: & Hispanos fermè omnes, à
quibus cōtra militię iusiurandū fuisset desertus, ab Hugone Moncata navibus
impositos, ad Algerium Mauritaniæ oppidum, ubi paulò antè Didacus Vera
exercitum prævalidum superatus à Numidis & Mauris amiserat, miserabi-
lenaufragium fecisse didicisset. Eodem anno Maximilianus Cæsar apud Vela-
sum Norici agri oppidum, quum intempestivè pharmacum incertæ potesta-
tis adversus morbum, quem sibi imminere putarat, hauisset; mortuus est; vir
præstantissimis corporis atque animi dotibus inclytus. Eius Imperium Caro-
lus ex Philippo filio nepos excepit, Cæsarum proculdubio potentissimus, pro-
pter regnorum amplitudinem Hispaniæ atq; Neapolis hæreditate adauctam.
Is non multò post Imperatorijs comitijs in Germania de more habitis, com-
petitorem habuit Franciscum Galliæ Regē, incertæ suffragatorum venalium
fidei innixum, & propterea, quod Germani procures animos nutantes ad pa-

triæ publicum decus reuocassent, repulsam ferentem. Quæ causa fuit eius altè concepti odij, quod mox contracto exitiali bello inter eos erupit. Præterea eius belli initia refert, quod in Belgis gestum est à Cæsarianis, Francisco Cecchingo tumultuario Germanorum militum duce, aduersus Robertum Marchium in Eburonibus regulum præpotentem, Gallicæque factioni semper addictum, atque item Maferiam oppidum, quod ad Mosam flumen positum est, magnis Cecchingi copijs, & inusitatæ magnitudinis tormentis acerrimo, sed irritò conatu quassatam, Baiardo Gallorum duce impigro fortiter defendente. Eodem anno Selymus Turcarum Imperator apud Ciurlium Thracie pagum pestilenti circa renes enato vlcere mortuus est, quum regnasset annis octo, & aduersum nos terra marique bellum illaturus crederetur, postquam Hysmaelem Persarum regem grauissimè cõtudisset, & duobus Sulthanis Regibus deuictis atque interfectis Aegyptum & Syriam imperio adiecisset. Solymanus vnicus ex Bosphorana vxore filius nemine obsistente æmulo, tot regnorum hæreditatem adiit. Atque eodem ferè mense, quo Carolus Cæsar est acclamatus, & ipse Solymanus paterno imperatoris titulo compos est factus. Cæterum audita Selymi morte Gazelles Syriæ præpositus rebellauit, ratus se sacramenti religione solutum, quod Selymo tantum, successori verò minimè sacramentum dixisse prædicaret, & proinde sibi decorum fore arbitraretur, si coactis in vnum Mamaluchorum reliquijs, Syriam ad veterem Sulthanorum imperij conditionem, eiectis Turcis reuocare contenderet. Quando iam egregia voluntate incolæ Syri atque Arabes in id consilium sibi probè consentirent, nec defuturum in ea occasione Caierbeium arbitraretur, qui Aegypto præesset, quin se ex præfecto Regem & Sulthanum efficeret, postquam Memphiticus populus acerbo esset odio in Turcas, & in eius manu totius Aegypti arma & opes sitæ viderentur. Sed Gazelles trahendi in partes Caierbei spe depulsus, quod hic certa tutioraque consilia dubijs atque asperis præferret, & Gazelli veteri à superioribus temporibus inimico, nihil planè confideret, ita Gazellis cohortationes reiecit, vt eius legatum supplicio afficeret, ne Campsoniæ proditiōis infamiam nouæ perfidiæ scelere cumlaret. Misit etiam Gazelles legatos Rhodum, vt inde tormenta atque arma aduersus communes hostes Turcas impetraret. Per eum modum quod serò Rhodius Magister ferendæ opis consilia explicaret, superuentu Frahatis Bassæ, quem cum magnis copijs Solymanus è Cilicia in Syriam transire, & initia rebellionis opprimere iusserat: impar viribus, sed animo inuictus Damascum se recepit, ea mente, vt cum his quas collegerat copijs, quamprimum cum Frahate conflingeret. Atque ita Damasco euctis signis, vt honestè concideret, hostes inuasit, eo acerrimæ pugnae exitu, vt ipse peritissimè & constantissimè dimicans, cum suis omnibus, nihil de fuga cogitantibus interficeretur.

V I G E S I M I L I B R I.



ÆSAR per oceanum in Hispaniam deuectus, vtriusque auidi regni hæreditatem adiit: magnoque confirmatis antiquæ immunitatis legibus honorario vtriusque prouinciæ munere ditatus est. Ipso ad Belgas redeunte, Populi ingenti tumultu exorto ad arma consternati, nec obscurè rebellantes ab autoritate regionum

rum praesidium discesserunt, quod immodicè se expilari à praefectis Belgis quererentur. Quoniam Carolus Ceurius Belgae regis nutricius, ad arbitrium cuncta administrans, auræ monetæ regiae, quæ erat præstantis formæ & puritatis avidissimus extitisset. Seditiosæ multitudinî duces se præbuerunt Ioannes Padillia, Ioannes item Brauius, & Maldonatus. Atque ita exarsit bellum quo vrbs Medina Campi nundinis clara impetu Antonij Fonseca qui regias tuebatur partes, fortuito igne penè tota cremata sit. Sed confurgentibus cum regijs copijs Indico Velasco magistro equitum, & Henrico Ammirante qui erat in præfectura maris, seditiosorum copiae ad Villam Alariâ oppugnate deletæque sunt, capto Padillia cum socijs, de quibus supplicium publicè est desumptum. Nec remiserant animos seditiosi populares, quum Maria Paceca Tendili Mendocij filia eruditi ingenij & virilis animi mulier, Padilliae coniugis vexillum ne concitatae multitudinî deesset dux, gerendo bello sustulisset. Ab ea Hispanici tumultus fama Franciscus Galliae Rex excitus, recuperandi Cantabriae regni occasionem arripuit, scilicet vt Henricum Ioannis regis filium reduceret, quod pater regno pulsus in Gallia exul paulo antè discessisset. Sed Gallia secundo rerum initio Algrunium, quod olim fuit Iuliobriga, usq; progressi, conferto prælio à Velasco & Henrico superati sunt, capto ipsorum duce Asparoto. Atque ita pristina tranquillitas perturbatae Hispaniae restituta est, 10 singulari prudentia Hadriani Florentij Belgæ Cardinalis, qui Regia cum auctoritate in procuratione vtriusque Hispaniae à Carolo fuerat relictus. Eadem ætate Franciscus Galliae & Henricus Angliæ Reges, constituto in finibus Morinorum loco ad certam diem, in colloquium deuenerunt. Gallus qui cum ornatissimo totius Galliae procerum comitatu descenderat, sumptuosissimi operis tabernacula, multiplicesque papiliones patentibus in locis erexit. Britannus autem attulerat ligneam domum amplissimæ Regiæ instar cum luculentissimis ac amplissimis porticibus atque cœnaculis, quæ constabant ex materia miris modis elaborata, picta simul atque inaurata, tanto 20 fabrorum architectorumque ingenio, vt aptissimis iuncturis atque vertebris, tota plicatilis membratim diuidi, & quum luberet iocunda commutatione tolli asportarique & rursus in varias formas distingui atque erigi posset. Cæterum eo colloquio nihil plus quo homines admiratione tenerentur enituit, quam duorum maxime insignium Europæ Principum humaniter sese complectentium, aspectus atque maiestas. Ambo namque ætate, opibus & victorijs nuper partis famaue bellicæ virtutis florentes, id oris decus præferebant, vt spectantes in admirationem adducerent. Quando ex his nemo qui adesset vtriusque gentis spectator, vel decore formæ vel habitu proceri corporis, tractandorumq; armorum peritia comparari posse videretur. Nā præter equestria 30 spectacula in gratiam illustrium foeminarum, quæ vtrinque cultissimis cœtibus aduenerant, edita, & sæpius instaurata, nihil plus actum fuisse apparuit, quam vt vterque sese in mutuam comparisonem luxuriantis elegantiae prolatis opibus ostentaret. Nec multo post Cæsar, quod iam enata essent semina orientis belli inter se & Galliae Regem, ab Hispania rediens in Britanniam diuertit, non obscura obtrectatione eius colloquij, ita vt tres simul Reges coire voluisse crederentur. Sed vterque præmoliens bellum, & iam arma parans, Britannum socium sibi asciscere contendebat. Nam ille belli & pacis arbiter existimari cupiens, dudum animi sui argumentum tam aptum quam info-

lens in foribus lignæ domus supra armatum ingentem sagittarium habitu Britannico scitè perpicuum, prætulerat hoc titulo: Cui adhæreo præest. Eodem anno Solymannus maiorum disciplinam sequutus, postquam Syriam atque Aegyptū interfecto Gazelle virtute Frahatis pacatas didicit, in Pannoniam arma convertit, adortusque Belgradum, quod ad confluentes Savum atque Danubium situm egregium erat atque firmissimum totius Pannoniæ munimentum, expugnavit, Hungaris quidem propter trophæa ibi fortiter atque feliciter Turcis erepta maximè decorum: Barbaris verò supra quam dici posset funestum atque ignominiosum. Nam ibi frustra tentata oppugnatione Amurathes abavus, & proavus Mahometes magnis acceptis detrimentis inde repulsi re infecta discesserant. Solymano igitur cum paratissimis copijs adventanti, neque Hungari proceres, neque Ludovicus imbecillo ingenio Rex iuvenis necessaria præsidia opposuerunt, quod nihil inter se consentirent, & à pristina invictæ antea gentis virtute & disciplina defecissent. Eodem modo Belgradum ociosè oppugnatum, turpissimeque defensum in potestatem Barbarorum devenit, ut porta inferendis maioribus nostris cladibus panderetur. Eodem tempore Carolus Cæsar apud Vangiones Rheni accolæ Concilium Germaniæ procerum indixit, propter commotæ religionis famam, Martino Luthero Saxone cucullato novis placitis Romani Pontificis auctoritatem convellente, & pestilentissimis erroribus disseminatis imperatorum hominum animos depravante. In eo conventu Martino licuit superbe atque arroganter declamanti recitare causas, cur iure Christiano à Pontificis censura discedendum iudicaret, vel ob id præsertim quod avarissimi à Romana aula in provincias emissarii defunctorum animas in Purgatorii flammas criminum pœnas dantes, pretio venditata Pontificis clementia se eructuros profiterentur. Sed initis & protractis supra id negotium disputationibus, nihil tamen discussum est, sicut Cæsar in ea re compescenda pio animo salubria decreta ad publicam salutem excogitanda censeret, nec multò post cum Leone Pontifice percusso fœdere iungeretur. Leo nanque gravissimis de causis extimulatus, Gallos Mediolanensi principatu extrudendos statuerat, ut Francisco Sfortiæ paternæ hæreditatis iure, communibus Cæsaris atque ipsius armis redderetur. Atque ita bellum quod apud Belgas inchoatum fuerat, incrementaque in Hispania sumplerat, in Italiam translatum est, diro prorsus consilio, quum inde Italia propè omnis vetustum decus, & pristinam libertatem amiserit. Causæque item odiorum in Gallos Insubrum ex multa Lotrechij superbia crudelitateque Lescuti fratris conceptæ referuntur. Lescutus dum exules avidus persequitur cum ala equitum ad Regij portam delatus, prior Pontifici bellum infert, Guicciardino vix tuente urbem. Ob id iratus Pontifex arma expedit, delectusque imperator Prosper Columna cum Piscario atque Antonio Leva ad oppugnandam Parmam mittitur. Sed dimidia eius Urbis parte capta, reliqua pars quæ est cis amnem à Gallis impigrè defenditur. Lotrechio verò cum magnis suis Venetorumque auxilijs appropinquante, Prosper ne cum duplici hoste dimicare cogeretur, ad Niceam amnem castra reducit. Cuius irriti conatus fama permotus Leo Iulium Medicem Cardinalem patruelem suum à Florentia in castra contendere iubet. Is allata ingenti pecunia perterriti & ferè languentis exercitus vires instaurat, & ducibus animos restituit, ac mox alia ratione gerendum bellum ratus trajecto Pado atque inde

de Ollio, ad Abduam peruenit, quod erat auctus Heluetiorum nouis copijs, quas Sedunensis Cardinalis adduxerat, nusquam Gallo acie configere auso. Per hunc modum Lotrechius, quum hostes ad Vaprium vicum noctu scaphis Abduam transissent, tumultuaria ibi parum prosperè à Lescuto fratre conferta pugna, Mediolanum se recipit. Nec insequentibus hostibus defuit fortuna: appropinquante namque Piscario Hispanorum cohortes occultum naclæ aditum intra munitiones irruperunt, apud quas Lotrechius inter suburbana tecta constiterat: tantusq; fuit tumultus vt Gallicæ vndique & Venetæ simul copiae propè sine vulnere funderentur, caperetur autem Theodorus Triuultius inermis Venetorum imperator, Lotrechius tanto accepto detrimento in urbem equitatum omnem introduxit, paululumq; moratus ad arcis aream, Comensi via in fugam se coniecit nullo hostium persequente, qui ad mediam fermè noctem à Mediolanensibus Ticinensem portam aperientibus cum magna gratulatione victores exceperant. Lotrechius Vandenesio Paliciæ fratre præsidio Comi imposito cum vniuerso equitatu Leucum contendit, superatoq; ibi amne Abdua in Cremonensem agrum deflexit, Cremonamque nuper hosti deditam, priusquam præsidio firmaretur, potitus est. Sed demum nouis Bernensium et Sedunorum, qui sunt Heluetij nominis, legionibus confirmatus, Ticinum adortus, defendente Federico Gonzaga principe Mantuano expugnare non potuit, neque obsessæ circumuallatæque arcis opem ferre valuit: quoniam ibi M. Antonius Columna summæ virtutis dux tormento maiore à Prosperi patris munitionibus emisso fuerat interfectus. Intra paucos verò dies quum Lotrechius urbem Mediolanum castris ad Sextum vicum positus esset inuasurus, eique Prosper & Franciscus Sfortia cum omni Insubrum multitudine egressi urbe, sese opposuissent, ad Bicoccam vicum prælio certatum est, quo Gallis aduerso Albertus Petra Heluetiorum dux legionibus suis sclopettorum procella obrutis, cecidit. Ab ea victoria Prosper præeunte Piscario Laudem Pompeiā capit, & eodem mense cursuq; victoriæ Pisleonem supra Abduam oppidum expugnat, & mox Cremonam recipit, Lescuto honesta pactione urbem dedente, & demum Alexandria, excedente Gallorum præsidio, in potestatem redacta est. Dum hæc feliciter à Prospero gererentur, inexpectata mors Leonem ætatis atque temperaturæ robusto vigore florentem oppressit, paulo postquam de Mediolanensi victoria nuncium accepisset, atroci proculdubio toxici violentia abreptus. In eius locum suffectus Hadrianus Sextus, mira & certè pendenda, si Italiæ decus respiceretur, Senatorum factiosorum suffragatione, quum festinatis comitijs, hominem apud Batauos extremi Oceani natum & tum in Hispania agentem, virtutis nomine, cunctis senatorij ordinis prætulissent.

VIGESIMI PRIMI LIBRI.

40



ALLI per interregnum comitialesq; occupationes, ratise Parmam facile recepturos, è Cremona aduolant, & à triplici loco tribus vno tempore editis prælijs, scalis murum transcendere conantur. Sed insigni Guicciardini præsidis studio, & summa Parmensium alacritate, quum Salomon Siculus, & Petrus Baccionius Ligur cohortium præfecti acerrimè propugnarent, hostes repelluntur. parique Fortuna in Placentinum

effusi agrum, & terrorem Placentiæ inferentes, à Pontificio equitum presidio sustinentur. Sequenti anno quod Genuenses Gallicum nomen Octaviano Fregosio ducetuerentur, Cæsariani duces impetrantibus Adurnijs exulibus ut reducerentur, ad Genuam castra faciunt: hinc Prosper cum Germanis, illinc Piscarius cum Hispanis. Sed Piscarius ab eo loco qui Faba Græca vocatur, tormentis murum aperit, impetuque facto pulsus defensoribus urbe potitur, & dum victor urbem percurrit, nullo negotio Prætorium capit. Venere in potestatem ipse Octavianus Fregosius, & Petrus Navarrus, qui dudum appulerat, ut non temerè timentium civium animos autoritate nominis sui confirmaret. Eo modo Piscarius Urbem multis divitijs opulentam diripuit, priusquam Prosper ingrederetur. Flisci autem Othobonus ac Sinibaldus peculiarias Fregosiorum hostes propter fratris eorum cædem probè vindictam exercuerunt, & Antoniotus & Hieronymus Adurnij, postquam decem annos exulassent, in urbe principes constituti sunt: à quibus non multo post Castellæ arx, quæ à Gallis defendebatur, maioribus tormentis expugnata est. Eadem ætate qua tanta Vrbs capta direptaque fuerat, Hadrianus Pontifex magnis precibus populi Romani, & cohortatione senatus ad Urbem evocatus Genuam applicuit: nulla civium recentem cladem suam lugentium lætitia exceptus, indeque Liburnum navigavit, ubi à Julio Medice Cardinale, legatisque Florentinorum, & aliquot Etruscis Cardinalibus expectabatur. Paucis inde horis Cardinales sequi iussit, & felici navigatione Romam devectus est. Per id tempus Rhodus a Solymano, qui in insulam cum ducentis armatorum milibus traiecerat, oppugnabatur. Eam verò consilij ingentis & perdifficilis belli occasionem audacter susceperat Barbarus, quod Christianos reges intestinis occupatoribus didicerat. Cupiebat Hadrianus ferre opem, sed pecuniæ inopia, quominus officio satisfaceret, retardabatur. Nam quas ab Hispania advexerat pedum copias, factiosorum quorundam hortatu, non Rhodum, sed in Galliam Cisalpinam, quæ Cæsaris opes confirmarent, mittendas censuerat. Atque ita Rhodos quintum post mensem admirandis operibus & cuniculis ad deditionem compulsa est, Philippo Liladamo militiæ magistro desperatis auxilijs ad Solymanum egresso, & certa pactione urbem atque insulam dedente. Idque tantum vulnus Christianæ Reip. illatum est insanientibus aut oscitantibus nostris regibus, apud quos privata spes augendi imperij totum Christianæ pietatis decus extinxerat. Hadrianus Romæ aulæ rudis, & rerum Italicarum imperitus, serò detrimentum intellexit: exortaque est in Vrbe pestilentiae lues quæ quum severis legibus more nostro Pontifici minimè coercenda videretur, contactu egroarum ita exarsit, ut multa funera in compitis viserentur: appareretque vastari Urbem haud multo dierum spatio, nisi Græculus quidam nomine Demetrius Spartanus sedande pestilentig, favente ei turba hominum, negotium suscepisset, nemine superstitionem vetare auso. Nam ferum taurum cui dimidium cornu dissecarat, magico carmine dextram in aurem prolato repente ita mansuefactum reddiderat, ut iniecto renui filo ad integrum cornu, quo vellet perducens, pestilentiae placando numini ad Amphitheatum immolasset. Nec credulæ multitudinis spem ex toto sefellit, quum ab ea inanis sacrificij prospera litatione mitesceret morbus cœpisset. Nec multo post evocato ad Urbem Julio Medice Cardinale, Franciscum Soderinum Cardinalem custodiæ tradit, quod maligni eius animi, & adversi in Cæsarem studij indices literas intercepisset. Nam Soderinus

contra Iulium ut Florentia pelleretur, copias in Etruriam miserat, Rentio Ce-
rite duce, pereussoribusque item in Iulij cædem præparatis. Sed detecta con-
iuratione nonnulli cives Florentini, concepti facinoris capite poenas dederāt;
alii Iulio connivente profugerant. Rentius qui exercitum Senas perduxerat,
ut inde Florentia peteretur; inopia commeatus & terrore Helvetij præsidij
qui Iulio aderat, adductus, fœdum cōsiliij sui exitum tulit, vel ob id etiam quod
Feltrium Vrbinate, Malatestamque Baleonum, hic è Perusia, ille Urbino
contractis viribus ad vindicandas iniurias secum bellum Iulio illaturos credi-
disset. Paucos verò post menses quàm Soderinus custodia traditus est, Ha-
drianus fato concessit, cui protractis aliquandiu comitijs, conspiratione iunio-
rum Iulius Medices desumpto Clementis nomine subrogatus est, qui ad tuen-
dam novæ dignitatis personam, egregiè se medium inter Cæsarem & Fran-
ciscum Regem præstare videbatur.

VIGESIMI SECUNDI LIBRI.



MORIENTE Hadriano Gulielmus Gofferus appellatus Am-
miras in Italiam descendit cum quadraginta peditum & decem
equitum Gallorum milibus, & pulso ad Ticinum amnem Cæ-
sarianorum exercitu, positis ad Mediolanum castris urbem
obsidere constituit. Ineunte anno Prosper Columna moritur,
ei que in Imperio copiarum succedunt Carolus Lanoius Belga,
& Piscarius. Insubres pro Francisco Sfortia egregiè Gallorum vim & belli
detrimenta sustinent. Gofferus multa nive cœlo importunè delapsa à con-
spectu urbis discedere cogitur; cum partē copiarum Baiardum ad oppugnan-
dam Cremonam mittit, irritò eius incepto. Veneti copias suas & ducem Fel-
trium Vrbinate ex lege fœderis Sfortiæ qui opem ferant, mittunt. Quibus
iunctis exercitibus Galli aliquot in locis per partes opprimuntur, nusquam
iusto prælio contenditur. Cæsariani ponte Ticinum iungunt, Gofferus i-
dem facere cogitur, ne quæ in tergo erant oppida ad Novariam inuadenda
hostibus relinquat. Interim Ioannes Medices cum Sfortianis copijs Medio-
lanensium iuventute auctus Abiatum tormentis expugnat. Nec multò post
Ticinum transgressus, coniunctusque Feltrio Garlascum oppidum aggredi-
tur, & quanquam præalta esset in fossis aqua, vel cum interitu multorum, id
expugnat. Exinde Gofferus tot acceptis detrimentis quum se reciperet, ad
Sesithem amnem tumultuaria pugna gravi ictus vulnere funditur, biduoque
post dum tormenta defendere per Baiardum fortissimum ducem, atque ho-
stes acriter incumbentes sustinere conatur, Baiardo cadente exiit tormen-
tis, & cum multa cæde Helvetiorum terga tuentium, in fugam conijcitur, mi-
rumque videri potuit tantas Gallorum copias, validis Helvetiorum subsidijs
firmatas à Cæsarianis & Venetis sustineri atque deleri potuisse. Aderat Cæsaria-
nis Carolus Borbonius, qui paulo ante à studio sui regis malignè discedens, &
se se privato quodam Cæsari fœdere coniungēs, prodendi regis sui, impugnan-
deque patriæ consilia agitarat, quibus detectis è Gallia in Sequanos profugerat,
declaratusque patriæ hostis Cæsari operā navabat, ita ut invadendæ Galliæ consi-
lium susciperet, Hispanis avide sese sequuturos profitentibus, quod in Provin-
ciam, opulentam regionem, ubi nō defutura amicorum studia averſa penitus

à rege, & procures quosdam ad rebellandum paratos se inuenturum iactabat. Lanoius quanquam id minimè probaret, permisit vt Piscarius cum Hispanorum, Germanorumque cohortibus in Prouinciam penetraret. Sed Piscarius Malsiliæ mœnibus frustra hærens, quòd validissimo Gallorum præsidio teneretur, retrocedere coactus est, quum nemo Gallorum ad auctoritatem Borbonij nominis conferret, & regiæ copiæ appropinquarent, & Borbonius cuncta opinione sua sibi infestiora, Gallo vero fideliora reperiret. Quapropter reuersus est per maritimas Ligusticasque alpes cum copijs asperitate itinerum defessis, & his sepe, vt sunt viri dicaces, Borbonio consilij leuitatem exprobrantibus. Eo autem tempore Rex Franciscus valido conflato exercitu vt Prouincia tueretur, postquam re infecta hostes Prouinciæ finibus excesserant, consilium flexit ad occasionem repetendæ Italię, miraque celeritate Pœninis, & Coctij alpibus in Taurinos descendit, progressusque secundo cursu ita Mediolano potitus est, vt Piscarius cum Hispanis Laudem Pompeiam se reciperet, & Antonius Leua cum Germanis defendi Ticini munus succiperet. Atque ita Veneti & Clemens eius belli commutationem nequaquam ægerrimè tulerunt, quòd inuadendæ Prouinciæ, & laceßendi Galli regis consilium tam immodicum quàm temeritatì proximum improbassent, ob idque Cæsariani exulis consilio innixi, belli quàm pacis audiores apparuissent. Rex mediolano potitus, consilij anceps Laudem Pompeiam ne ad opprimendos Hispanos, an Ticinum debellandis Germanis aggrediretur, in auspicata belliratione Ticinum prætulit, vbi nulla memorabili earum rerum quæ tentasset prosperè confecta, quantum iam circumfidens & hærens mensem, diductis primo, mox & reliquis fenescentibus viribus, quòd noua Cæsarianis auxilia adducere Borbonio superuenissent, prælio decertare coactus est, quo regis aduerso, nobilissimi quique Gallorum ducum & procerum interfecti sunt, & Rex ipse gnauius dimicando sauciatus, prolabente mox equo captus est: eo præsertim effusus Hispanis & Germanis parta victoria lætantibus, quòd ipso Cæsaris natali die secundissimo euentu dimicassent, sic vt de eijciendo Francisco Sfortia cogitarent, & totius Italiæ immodicis animis imperium affectare dicerentur. Quando inuictato rerum successu elati, nequaquam alieno commodo, sed suo bellum fortiter gessisse videri vellent.

VIGESIMI TERTII LIBRI.



FRANCISCVS ineunte æstate à Genua in Hispaniam perducitur à Carolo Lanoio, qui ægro eius animo futuræ Cæsaris clementiæ spem iniecerat. Sed Cæsar multis de causis eum nequaquam videre sustinuit. Qua offensione Rex sua spe deceptus in grauem incidit morbum, ita vt infortunij sui miseras morte finiturus videretur, nisi Cæsar per humano colloquio afflictum consolatus, eum se mature dimissurum promississet. Nec multo post certo inito fœdere, Cæsar ei sororem in matrimonio collocauit. Ea Emanuelis Lusitanie regis vxor fuerat, & è tribus regis liberis, maiores natu duos pater obsides tradidit, & in Aquitaniam abire permissus est. Ex eo fœdere ingens & atrox apud principes orta est suspicio, quòd inter se Franciscus & Cæsar in perniciem quorundam coniurare dicerentur, sic vt ad regem libertati restitutum vndique legati gratulatum

tum mitterentur, & Clemens, & Veneti adiuncto Britanniae rege ad mutua securitatem noua foedera percuterent. Quibus paratis undique copijs Caesari totius Italiae imperium affectanti obuiam iretur. Nam quod iniquissimum fuisse iudicabnt, Antonius Leua atque Piscarius imperium Mediolanense Francisco Sfortiae inuadentes, eum tanquam defectionis a Caesare consilia agitantem reum fecerant, grauissimoque laborantem morbo in arce obsederant, & aliquot urbibus ereptis hostem declararant. Ea calumniae vis cum summa malignitate Sfortiae illata, Venetos & Pontificem mirum in modum pupugit, usque adeo ut consternati animis arma pararent, & Caesarianos impotenter atque superbe foederis fidem fallentes, atque impudenter sociorum existimationem contemnentes armis persequendos arbitrarentur: & Piscario interim morte subrepto ad Mediolanum arma proferrent, ut Sfortiam obsidionis & vitae periculo implicitum matura ope allata liberarent. Sed tanta fuit Antonij, Alfonsique Vastij, qui Piscarii patrueis erat frater, militaris constantia, ut non modo oppugnantium hostium vim sustinerent, sed Mediolanensibus metu cedis subactis Sfortiam extremam perpeßum inedia, ad deditiorem compellerent. Eo modo Sfortia ad Cremonam calamitatis suae iniquam sortem lugente, nova Germanorum auxilia Georgio Fronispergo duce in Mantuanum agrum descendunt, & Vgo Moncata cum Pompeio Columna Cardinale, Pontificem inducijs quas dolose concesserant ineptè confisum deceptumque, repentina in Urbem irruptione penè oppresserunt, ita ut direpto Vaticano, & templo maximo foede profanato perterritus Pontifex in arcem elaberetur, & Caesariani, quod nullus esset in arce comitatus, triduo eum in potestatem redacturi crederentur, nisi Vgo Moncata tanti admissi sceleris pertæsus, vel contradicente Pompeio, & in extremam Clementis perniciem proclinato, obsidibus acceptis in arcem venisset, & certis conditionibus pacem cum Pontifice consecisset. Hisdem diebus quibus Caesar & Pontifex infestis armis inter se decertabant, Solymanus in occasionem semper intentus qua regni fines proferre, & Christianis maximè nocere posset, Pannoniae bellum infert, quod regem iuuenem, non suo iure, sed precario propè turbidissimae genti nec iusto consensu unquam parenti dominantem, & bellicis artibus propter aetatem nequaquam satis instructum, facile opprimere se posse confidebat, vel ob id praesertim, quod neq; Pannonici regni, neq; regis ipsius salutem proximis Germanis, neque ipsis consanguineis regibus Caesari, Ferdinandoq; & Sigismundo Poloniae regi, curae futuram arbitraretur. Quando neque Germani per se segnes in aliena causa, neque Austriae domus reges Italico occupati bello, neque Polonus, ne veteres inducias temerè abrumperet, ut se commouerent adduci posse viderentur. Ludouicus rex ingenio per se imbecillo, neq; salubri ratione confirmato, inexpectata aduentantis tanti hostis fama perculsus, missis undique legatis frustra opem implorat. Hungarorum tamen concilium indicit, id est armatae multitudinis, & Rhacos appellatur. In eo sacri antistites de more stipendiarij, quas debeant in publico periculo semiplenas equitum alas, & minorem quam oporteret pecuniam in belli sumptum expediunt. Profani vero iuris procures totaque nobilitas, utpote qui veteres disciplinae obliuii nunquam Othomannorum regum castra viderant, sed minutis

tantum prælijs per incurfiones pugnare consueffent, ab innata superbis eorum
 animis arrogantia Turcas ita contemnebant, vt se vel exiguo numero ingen-
 tia Barbarorum agmina confertis manibus insolenter concifuros & deleru-
 ros iactarent. Sed unus maximè cucullati ordinis Paulus Tomoræus archie-
 piscopus Collocensis, aliquando in excursione subitario prælio cum Tur-
 cis dimicare solitus, tanta animi ferocia, tantaque speratæ victoriæ fiducia sto-
 lidè pugnax efferebatur, vt sacras ad multitudinem militum haberet concio-
 nes, & ante alios proceres studio religionis inflammatus in aduersam Barba-
 rorum aciem infesta hasta se impetum facturum polliceretur. Paulo antè
 ex Pontificia pecunia Germanorum & Bohemorum cohortes conscripserant,
 quarum præsidio stabiliri aciem equitum & sustineri Barbarorum vim posse
 putabant. Neque enim accuratè recensendo peditum simul & equitum, co-
 piæ viginti quinque milium summam efficiebant, sicut ab omnibus peritis ea
 Tomoræi audacia, & reliquorum pugnam poscentium temeritas magno-
 pere damnaretur, quando veteres milites miserrimum esse dicerent, cum eo
 hoste configere qui octuplo ampliores copias in aciem esset producturus.
 Propterea aliqui submovendum imminenti periculo regem iuvenem iude-
 cabāt, frustra consulente Stephano Verbetio, ut Regis adolescentis persona ad
 publicam salutem extra pugnae discrimen, in utrunq; belli eventum Budam
 in arce servaretur. Sed obstrepebant efferi milites, nec se, nisi rege duce pu-
 gnaturos dicebant. Tomoræus dicta sententia pervicit, ut quàm primum
 configeretur, & Rex generosus sub tutela Dei maximi pugnae signum datu-
 rus hosti obviam ire pergeret. Itaque vecordi impetu infaus quoque consi-
 lio Ludouicus ad Mugacium usque signa promouit, quod est oppidulum
 medio fere itinere positum inter Budam atque Belgradum. Iam adventa-
 bant prima Turcarum agmina, quum supremo concilio à præfectis & ducib;
 est disputatum, an castra vallata currib; ad Danubijs ripam essent tantisper col-
 locanda, donec auxilia Transylvanorū advenirent, quæ à Ioanne Sepusio pro-
 vinciae præfecto, qui Vayvoda Hungariæ appellatur, iustis itinerib; adduci fe-
 rebantur. Cæterum Tomoræus, cui novo superveniēti duci propter præfectu-
 ræ dignitatem parendum foret, ut imperij ius integrū ad spem victoriæ recine-
 ret, omnem morę causam improbens, & in sua fata præceps ruens, ita sanis con-
 silijs obstitit, ut Regem incautum in periniquū pugnae discrimen perduceret.
 Barbari nanq; quaternas equitum acies præmiserāt, quæ distinctis inter sen-
 ctis atq; diei spatijs perpetuò lacescentes regijs castris circumveherentur. Quo
 persultante equitatu usq; adeo arctè regia castra obsessa sunt, ut nemo lignum
 aut pabulum exire, aut in proximam Danubijs ripam potandis equis progre-
 di auderet nisi magno periculo, et iniqua conditione propter Barbarorū mul-
 titudinem certaretur. Qua necessitate impulsus Tomoræus instruere aciem, et
 pro antiquo decore invictæ anteagentis, dignitateque Regij nominis prælio
 configere coactus est. Aciei forma ferè simplex fuit, protensis scilicet pedi-
 tum cohortibus in oblongam seriem, ac intermixto idoneis in spatijs equitatu,
 ne Barbari numero superantes universam circumvenirent aciem, & Hungari
 penè in orbem pugnare cogerentur. Castra catenatis vallata curribus levi præ-
 sidio imposito ad dextrā reliquebantur, quib; non absurdo cōsilio Tomoræus
 alam unam lectissimorum equitum vallum propè contingentem apposuerat,
 ut ad

ut ad incerta belli rex eius firmo atq; expedito presidio protegeretur. Sed Hungarico nomini infaustus is dies, regio; maxime inauspicatus, postremam eam feri consilij rationem evertit. Nam primo progressu concurrentes acies nostrę, tametsi nihil eis Barbarorum tormenta altius librata nocerēt, nullo tamen negotio pulsę protritęque sunt, cadente præsertim Tomoræo, & reliquis ad unum fere proceribus interfectis, & Vlsaronibus, qui sunt Hungarorum levis armaturę equites, dispalatis, & in fugam versis, totoque pariter equitatu fœdē conciso. In tanta rerum asperitate, quum Barbarorum globus ad diripiendā castra convolasset, & ægrē a præsidio defenderentur; ea quam diximus le-
 10 cissimorum equitum ala quę regi præsidio esse debuerat, contineri nequit, quin opem castris afferens in Turcas oppugnantes deferretur. Eodemque seruihoræ momento Ludovicus Rex prostratis undiq; copijs, nudatus eo quod sperarat paraveratque præsidio, sese eripiens, in proxima palude reflectente se quo sex quipalmis aquę lutulento in gurgite suffocatus interiit. Ita tamen ut eum locum Cetriscus armiger eius & cubicularius genere Bohemus nota-
 ret & effugeret, & post multos dies decedentibus hostibus integrum regis cadaver Cetrisci indicio reperiretur, & regio funere tumultandum ad Albani regalem deferretur. Ab ea victoria Solymanus non obscura admiratione ductus risisse fertur, quod Hungari tanta essent animorum temeritate, tantaque
 20 infania regis consiliarij essent occupati, ut alienis viribus stultissima ratione æstimatis, ipsorum copias, quę essent exiguę, tanto exercitui obicere, quam regredi maluissent. Potitus Buda, invisaque arce quam mirifice laudabat, nihil plus ad victorię suę monumentum sustulit, quàm æneas statuas tres ingentes, quę Matthiæ bello paceque inclyti regis fuerant. Eę Byzanti in Hippodromo collocatę hodie visuntur.

VIGESIMI QVARTI LIBRI.



30 LEMENS, quod eius fama fœdē apud populum proscindere-
 tur, nec ideo tantę iniurię contumeliam animo sustineret, quoniam improvidē malignis hostibus credens confidensque dolosis inducijs, ut imperitus rerum tantum cum publicę tum privatę existimationis, tum Vaticanę suppellectilis quę erat opulēta, iacturam fecisset, abrupto tanquam indecoro fœdere, & spretis obsidibus, bellum Cæsarianis inferendum censeret. Pompeium Colum-
 nam a senatu amovet, & tanquam sacrilegum hostem aqua & igni interdicit, accersitoq; a Gallia Valdemontio Lotharingiæ Reguli fratre, quod esset stirpis Andegavensium regum, qui superiore sæculo Neapoli regnassent, terra marique Neapolitanis bellum infert. Magnus terror Campaniæ infertur,
 40 capitur Salernum; Valdemontius ad Neapolis portas, compulso intra urbem Moncata, se ostentat, & in Latio Columniæ familiæ oppida a Pontificis militibus crudeli incendio passim excitato deformantur. Per eos dies Carolus Lan-
 noius cum classe sublati Germanorum veteranis cohortibus, & Hispanorum satis valida tironum manu in Italiam traiecit. Inter Corsicam & Iluam insulas Hispanica classis medio in Pelago a tribus triremium classibus tormentis oppugnatur. Ducēs erant Andreas Auria, Petrus Navarrus, & Paulus Iustinianus Venetus. Sed aliquot navibus magno impetu pilarum incidentium per-

foratis, & una atq; altera demerfis Lanoius è summo discrimine obortæ tempestatis beneficio se eripuit, provectusq; rapido vento in Stephanium Etruriæ portum, quod est in Occidentali Argentarij promontorij latere, se intulit, atq; inde circa Campaniæ litora milites exposuit. Eius advētu Pompeius Columna cum Vespasiano atq; Ascanio Columnijs proceribus conflato exercitu ad oppugnandū Frusinonem in Hernicos pergunt. Sed mœnia tumultuarijs aggeribus permunita, fortissimorū militum manu defendūtur, qui erant ex cohortibus veteranis, quas Ioannes Medices in Insubribus Pōtifici p̄sidiomiserat. Nec multò post quod salus earū cohortium, & Hernicorū omnium cordi esset, iusto cū exercitu Rentius Ceres & Vitellius Tiphernas instructa acies supervenerūt, à quibus soluta est obsidio fūsis & coniectis in fugā Cæsarianis, & his ægrè tormenta servantibus. Exinde à quibusdam tota ea cōtentio ad falsam spem concordiae revocata est, quod Pontifex pecuniæ pressus inopia, & magnis vndiq; Cæsarianorū copijs circumventus, nequaquam diu bellisumptum sustinere posse videretur. Peropportune ad eam rem conficiendā ab Hispania in Urbem venit Cæsar Feramulca Campanus, Cæsaris literas afferens, humanitatis & æquitatis, & quod intererat ad flectendū Pontificem, religioe excusationis plenissimas. Atq; ita iterum Clemens adveniente in Urbē obsidibus ei datis Carolo Lanoio, in quo summa tum erat belli et pacis autoritas, Cæsari cōciliatur. Foedus Reipub. dirum percutitur, ea conditione ut Lanoius in Etruriam iret, Borbonium averteret, qui cum Germanis & Hispanis, auctus undiq; factiosorum & perditorum hominum copijs ad diripiendam Romam contendere ferebatur. Borbonius enim in spem diripiendæ opulentissimæ Urbis animos sustulerat, quod Germani pauloantè ad Mincium hostium copias Feltrio duce se transitu prohibere conantes submovissent, quū fortuito tormenti ictu Ioannes Medices cecidisset, cuius fortissimi ducis impetum extraordinarijs prælijs gravia incedentium agmina carpentē sternerentq; egre sustinuerant, nec multū insequentium Feltrij & Salassi, qui Veneras & Gallicas ductabant copias vim pertimescendā putabant. Itaq; Borbonio Apenninum Aretinis iugis superāti, Lanoius occurrit. Sed abnuentium pacē militum clamoribus, dirempto colloquio Borbonius proposito itineri ita instituit, ut Pontificē dimissis importunè copijs inermem, nudatumq; præsidio una celeritate facile se opprimere posse speraret. Favit fortuna facinorosis consilijs, atq; impiæ fraudi, uti iam pridem infesta Vrbi atq; Pontifici: intentissimo nanque cursu totius exercitus Borbonius ad Urbem pervenit, commeatus egens, & tormentorum expers pridie Nonas Maij: statimq; scalis appositis, Clemētem exterrito, neque ullum fugæ consilium explicante, ad eum locum, qui est contra obeliscum, humilia Leoninæ urbis mœnia superantur, frustra que ineptis armis & trepidis animis obsistente urbana multitudo, Hispani atque Germani intrant, infinitam propè hominum frustra adiectis armis vitam petentium multitudinem crudelissimè trucidant, sacrosanctum & toro orbe venerabile templum direptis ornamentis, multo cruore ad singula altaria fuso immaniter fœdant, atq; omnia sacrata vasa diripiunt, elapsoque in arcem Pontifice, Urbem semihora transcens inter Aureliam & Septimianam portam vetustate collapsis mœnibus irrumpunt, in eaq; cuncta avaritiæ, & immanitatis exempla in miseros cives edunt, arcem circumfidēt, & perductis fossis circumvallant, ne usquā Pontifici effugium pateat. Animus horret eas referre Barbarici

et cruciatus miseras, quas pertulit infelix populus, olim gentium omnium victor. Hæc enim sine multis lachrymis, neque referri, neque audiri possunt: ita ut sacrosancta civitas Deos penitus aversos à salute sua existimare potuerit, nisi Dñi tutelares Urbis quanquam ad inane solatium præclaro suo ultore numine, perfidiosi atque immanissimi latronis hostiam in ipso capite Urbis limine mactavissent. Cecidit namque Borbonius dum scalam funesta manu mœnibus admovent, per inguen dextri femoris glande traiectus, ne diræ victoriæ suæ compos tanto sacrilegio lætaretur.

PAULI IOVII NOVO.
VOCOMENSIS EPISCOPI NV-
CERINI, HISTORIARVM
SVI TEMPORIS
LIBER XXV.

AD famam usque adeo miserabili inexpectatoq; eventu captæ Urbis, ac obsessi in arce sacrosancti Pontificis, uni omnium in Italia Florentini effusè lætari videbantur, Quod diu exoptatam repetendæ libertatis occasionem sibi ex tuto oblatam perspicerent, quam dudum enudatis in Mediceos veteribus odijs intempestivè arripere tentavissent. Paulo enim antequam Borbonius Arctinas superaret alpes, & sese alienum ostenderet ab omni pacis conditione, repulso scilicet Carolo Lanoio, qui per amplam de compositione mandata detulisset, Florentine iuventutis globus paratissimis ad rebellandum animis arma cœperat, factoque impetu Prætorium occuparat. Eius audendi facinoris princeps fuit Petrus Salviatus multis propinquitatibus atq; divitijs potens. Huic nemo seniorum restiterat, quum gravissimi civium eius facti consilijq; gnari essent, utpote qui dissimulando & connivendo, avidis, verum suspensis animis tantæ rei eventum expectare cernerentur. Erat in summo magistratu Vexillifer Aloysius Guicciardini, multis quidem beneficijs Mediceo nomini obstrictus, sed apud eum hominē incertæ fidei, ab antiquo maiorum suorum studio libertatis avidum, cuncta facile obliterarat præsens occasio admittendi, maturandiq; facinoris, ea tamen simulati animi specie, reprehendere, detestariq; iuventutis audaciam cœperat, ut in re dubia atq; incipiti magistratus fidem syncerumq; personæ munus tueretur: quâdo nihil magis optare eum credi par esset, quâ ut pulsâ Mediceis civitas sese assereret in libertatem. In ea verborum contentione iuventus, quæ iam planè rebellarat, curiaq; potita extremum decretum cōmutatæ Reipublicæ deposcebat, fremere atq; evibrare gladios cœpit ad deterrēdos decuriones, è quibus Federicus Riccius severe obiurgans graviter caput vulneratus est à Iacobo Alamanno præferoci iuvene: ac ipse Vexillifer simulanter intentata sica penè violatus, quum etiam in conspectu eius Ioannē Francischæum loci & honoris decus obsistendo tueri conantem, attractū ad fenestram à seditiosis ipso præsertim Alamanno impellente, in forum præcipitem dare niterentur. Iam in aream curiæ singularum regionum signiferi sublati vexillis de more contribules suos addu-

xerant, & patritij ordinis magna multitudo ad magistratus ascenderat. Nemo enim ferè fuit vel ex ipsis amicissimis Mediceo nomini civibus, qui non properanter ascenderet, atq; pulcherrimi eius facti lætitia cōpleretur, sicut postea compertum est, omnes in unū conspirasse & defecisse existimari possent. Nam constabat signiferos regionum à Vexillifero pridie admonitos fuisse, ut parati instructique armis, quum res posceret, exortique tumultus strepitum sentirent, ad curiam progredierentur. Antonius quoq; Nerlius sacerdos factiosus in turrem curiæ extortis à ianitore clavibus ascendit, ut ad sonitum campani æris populus ad arma vocaretur. His rebus Decuriones exterriti postulant iuventute adhortantibusque patritijs decretum perscripserunt, pronunciantumq; ad populum, publico præconi dederunt. Eo Medicei adolescentes Hippolytus & Alexander Reipub. hostes declarati sunt, bonaque eorum fisco addicta, & liberati nonnulli cives, qui in custodia servabantur, quod hostilem animū in Mediceos, quos appellarent tyrannos, ostendissent. In promulgando autem atrocissimi consilij decreto, quod minimè prætermittendum videtur, Cosmus Saxetus podagricus nec insulsus Senator vultu resupino, & trepidantem sublatam voce interpellans præconem interrogavit, an ipse etiam Papa Clemens eadem qua gentiles eius exilij & capitis poena damneretur, & id quid altiore voce proboque nutu præconis par & æquum esse subderetur: Vos ergo, inquit, videritis cives, qui nihil libera patria carius habere vultis, an vobis ab hac mox iniuria sacris interdicti, familiari pane vestro satis pie vellicet, quod falsè dictum universę concioni risum commovit, quod omnes adeo perfricatae essent frontis, ut in verecundam præconis vocem ineptissimè imitarentur. Ab hac tanta perfidiosaque decreti acerbitate, quum optimates, qui aderant frequentes de ordinanda Republ. disputarent, Franciscus Feltrius Verbanas, Veneti dux exercitus, & Michael Salassius Regulus, Federicusque Gonzaga cognomento Bozulus Gallorum duces urbem intrarunt, quibus ad secundum lapidem dudum obviam ierant honoris causa Sylvius Passerinus Cardinalis legatus, ipsique duo pariter Cardinales Innocentius Cibonis, & Nicolaus Ridulphus à Leone avunculo in senatum lecti: cum his etiam aderat Hippolytus Medices adolescens, qui omnes inopinata civium rebellionem perturbati, in Urbem ingredi maturarunt, primusque omnium Petrus Honofrius Montedolius, Medicearum cohortium præfectus in forum advolat, omnique aditu regionum occupato invalis disiectisque popularium manipulis, prætorium expugnare parat. Ipsi quos diximus duces citatis equis superveniunt, certaturque missilibus ab obsessis atque obsidentibus, in magnumque metum atque periculum imperiti homines & ineptis instructi armis undique conjiciuntur. Erat curia plena patritijs, atque ea iuventute quæ primæ perfidiæ vocem sustulerat, decretumque arreptæ libertatis in Mediceos ad plebem promulgari iusserat. Quibus omnibus quum iusta ad defensionem arma desessent, neque ullus esset in curia comitatus ex conscientia admisi sceleris, extrema supplicia metuebant. Nam Honofrius eo studio ferebatur, ut curiæ fores incenderet, & tormenta proferret, quibus curia quateretur. Iam enim introductis in urbem maioribus copijs, pavidos seniorum imbelliumque civium animos, præproperæ temeritatis & meritæ pœnæ metus invalerat, tanta trepidatione, ut nonnulli inusitato egressu dilabi festinarent, consilijque inopes, & maturę opis indigi, prorsusque ad vnum semianimes, admirabilem commutati ingenij perturbationem, gestu incondito, & demissis, pudendisq;

verbis ostenderent, dolerentque planè singuli vicem suam, quòd nimis celeriter & inconsultè nequaquam animaduerso periculo nondum maturæ libertatis munus expetissent. In nullum quippe eo grauius aut periculosius salutis discrimen Rempub. incidisse ab vlla annalium memoria meminerant viri prudentes presentium & imminentium rerum casus expendere soliti, quum atrocissimam externarum gentium colluuiem incendia & clades passim afferentem in ceruicibus esse inter Senas & Aretium, alterum porro socialem exercitum quem vt Borbonio obsisteret, à Mugellano Apennini latere, euastatis militari licentia amœnissimis prædijs in urbem confluisse conspicerent. Quandoquidem nihil hic potius omisso verò hoste qui ad excindendam Romam properabat, quàm diripiendæ opulentissimæ vrbis prædam spectare videretur, vt præsentis rebellionis admissum facinus vindicaret. Sed tanta extitit in Sylvio legato, adolescenteque Hippolyto, & Medicæ familiæ propinquis ciuibus clementia, tantumque in Feltrio cæterisque ducibus æquitatis & tranquillitatis studium, vt pro conseruanda salute ciuitatis, seditiosis atque rebellibus, modò sedederent, integra fide parcendum censerent. Atque ita quum iam Medicei in non dubiam spem recuperandæ curiæ venissent, fieretque armatorum concursus ad eorum domos defendendas, & in aream currulia tormenta peruenirent, Federicus Bozulus prodijt, pacatamque dextram ostendens, cessantibus vtrinque telis, ad curiæ portam accessit, admissusque ad decuriones, ita loquutus est:

Nisi pro dignitate saluteque Italici nominis, principes Florentini, hæc armagestare regi Galliæ operam navans, quem huic civitati ab antiqua Caroli Magni conditoris vestri memoria, multisque nec unquam ferè intermissis in Galliæ reges officijs, amicissimum esse scio, huc utique nullo meo cōmodo impulsus ascendissem, quanquam ex benefactis officiosoque hoc munere suscepto, non inanem fortasse laudem expetendam rear, modò à vobis non omnino intempestivus orator existimer, si hanc libertatem quam honestè potius concupistis, quàm auspiciatò tenere videmini, vobis iam planè obsessis & circumventis, non dubio exitio futuram ostendero, dederoque obiter consilium cum vobis qui curiam tenetis, tum universæ civitati, omni ope quæ alicundè expectari possit, liquido certius atque præstantius. Æquissimas enim conditiones certæ pacis atque concordie vobis affero, quas non insani homines sicuti vos hodie esse opto, minimè repudient. Primū siquidem repentinumque illum ardorem, quo hoc facinus cœptum patratumque est, in animis vestris ita deferbuisse crediderim, ad conspectum scilicet tot armatarum cohortium atque illustrium ducum qui vos circumfident, & propius vim admovere parant, ut ea quæ publicam salutem respiciunt, nequaquam ægrè auribus vos arbitrer admissuros. Vos nanque omnes integra fide ad unum incolumes, saluamque urbem fore pollicemur. Quod si rationis & necessitatis quæ vos urget obliviscimini, & amicissime oblata repudiatis, proculdubio (quod abominari potius possim quàm avertere) hanc curiam vestro sanguine inundatam, patriamque vestram in tromisso nostro exercitu occupatam, licentiæ atque avaritiæ militum concessam, priusquam Sol occidat, cum summa uxorum & liberorum vestrorum calamitate atque miseria sentietis. Vt hæc verò præsentire & liberè proloqui audeam, multa me inducunt, & vos, uti spero, etiam præclarè admonent, sicuti huc ascendēs ab obvjs didici. Primū omnium nihil hic pro

negotij atq; periculi magnitudine, uti oporteret, accuratè paratum video, quàm arma, tela, tormenta, & præsidia deniq; omnia vobis desint, & (quod horresco referens) cuncta etiam vitæ alimenta deficiant. Harum rerum inopia profecto, vel si cunctis civibus egregiè constans & ingens animus super sit, indomitos certè spiritus celerrimè franget, si superba, atque exitiali contumacia, furto quodam arreptam libertatem, postquam fata obstant, ferocibus tantum verbis retinere conemini. Hinc siquidem nihil vobis pro salute sperandum est, quum adversa vndiq; atque aspera vobis immineant: Illinc verò benignitate magni numinis pax certa, & publica omnium securitas comparetur. Hæc clarissimi atque certissimi vades repromittunt, ipse ante alios Feltrius imperator, duoq; summæ authoritatis Veneti Senatus legati, & nos deniq; regiarum copiarum duces, qui Barbaros Italiæ vastitatem & Clementi sacrorum Principi immane supplicium minitantes gloriosè persequi, quàm infami Etrusca præda ditescere malumus. Non me præterit viri Florentini aliquanto audacius queri quàm defendi libertatem, ab his præsertim hominibus, qui vitæ fortunarumque suarum certam salutem dubijs belli casibus anteponunt, nec aliunde quàm incolumi patria cuncta vitæ commoda atq; ornamenta expectant. Proinde vos hortor fortasse propensius quàm deceat virum militarem, ut iuventuti noxam totius hodierni impetus remittere velit, modo ipsa vehementem illum quo non dubiam gloriam appetisse visa est, immodici ardoris studium remittat. Præclare enim video iunioribus, secus ac ætate prouectis, quàm odiosum sit pacificatoris nomen: & quam deniq; ingratum atq; importunum militibus nostris, ac fortasse Mediceis, in ipso præsertim speratæ victoriæ limine sit futurum, quando illi sua spe prædæ fraudentur, hi verò quosdam fortasse vestri ordinis ulcisci tanquam ingratos atq; æquo acerbius rebellantes, quàm in gratiam recipere malint. Vos itaque in vestigio & deliberare, et decernere oportet, an beneficio nostro potius quàm occulto aliquo munere Fortunæ, quæ iam vos deserit, uti velitis. Nos certè si vobis hac in re Dñi immortales mentem non eripient, decreta pacis religiosa fide sanciemus, atq; armis, si ita opus fuerit, pro dignitate nostri nominis, saluteq; vestra obnixè tuebimur. Ad ea vexillifer Guicciardinus ita perpopulæo titubantiq; sermone respondit, ut fidelis ac opportuni consilij, et usque adeo propensæ voluntatis erga civitatem, Federico gratias agere potius, quàm quid esset in causa probaturus ostendere videretur. Primores autem patritij, in quibus eminebant Franciscus Victorius, & Nicolaus Caponius, uti probos veteresque senatores & rerum egregiè peritos decebat, peroranti, ex ipsa arcti complexus, & pacati vultus significatione prorsus assentirent, multoque maximam primorum ordinum partem, eius consilia, quæ tam amicè quàm humaniter dedisset, dubio procul amplexuram confirmarēt. Ad id fremente iuventute, & his superbè atq; indigner succensente, tanquàm parum fortibus, & iam pridem longo & præpingui servitio assuetis: Quando quidem aliena virtute, alienoq; periculo partam libertatem & ultro etiam inculcatam admittere tuerique nescirent. Multi quoq; de salute potius solliciti quàm de libertate quæ iam conclamata videbatur anxie requirebant, an ex tuto, recteque publica omnium salus Pontifici offensionum odia recodere solito, committi posset. Quibus vocibus excitatis Federicus, ne timete inquit viri Florentini, hac in re siquidem ego unus me pro omnibus locupletissimum vadem, & sponsorem fore polliceor. An verò nos Pontifex cui impijs circumvento armis auxilium propere ferimus,

ferimus, vel impudenter, vel ingratè decipiet: vel deniq; seipsum à munitio fal-
 let: qui non temerè Clementis nomen desumpserit. Cuncta enim vobis facile
 condonabit, ut augustæ pietatis munus impleat, & sacrosanctæ existimatio-
 nis iura tueatur. Itaq; Federicus è curia ad suos reversus, quū renunciaret, quos
 animos in obsessis, ipsiq; præsertim senioribus reperisset, nemo fuit qui non
 concordiae studendum esse censeret: in id Sylvio enixè proclinato, utpote qui
 natura imbellis & degener, lentisq; consilijs stultę gravitatis nomen aucupās,
 nequaquam parato & efficaci ingenio tantæ defectionis noxam inconsulto
 Pontifice vindicandam arbitraretur: & uti vir sacratus ad pietatem perculsi a-
 10 nimi timorem referens, à cruento consilio penitus abhorreret: nec Feltrius, &
 reliqui duces ulla omnino mora distineri vellent, quo minus festinanter Bor-
 bonium magis confectis itineribus accedentem persequerentur. Per hunc mo-
 dum satagente cohortanteq; Francisco Guicciardino, qui de Vexilliferi fratris
 propinquorumq; suorum salute sollicitus pacis condiciones dictaverat, prola-
 ris tabulis in proximam divi Michaelis Horto tabernam concessit, facileque
 obtinuit ut his Feltrius, Veneriq; legati & cæteri duces subscriberent. Singu-
 larem enim his rerum difficultatibus explicandis Guicciardinus auctoritatem
 afferebat, utpote qui Pontificijs copijs cum imperio præesset. Summa condi-
 tionum hæc fuit, ut obsessi in curia atq; item reliqui omnes, admissi sceleris ve-
 20 niam ferrent. Quam in re Feltrius & legatus Sylvius sincere clementiæ fidem
 suam obligarent, oblivionemq; eius inconsultæ rebellionis ab ipso Clemente
 Pontifice accuratis precibus impetrarent: Florentini verò cives redirent ad of-
 fectum, pristinq; fidei obsequium Mediceo nomini præstarent, atq; hisdem
 suffragijs inducto rescissoq; recētis malignitatis decreto, novum fideleq; com-
 mutata probè voluntate conficerent, excederent ex templo curia, & Rempubl.
 magistratibus administrandam relinquerent. Hęc mutuis assensibus transacta
 sunt sexto Calendas Maias: sic ut eodem die qui Veneri dicatus erat, intra pau-
 cissimas horas Clemens & amissæ & receptæ simul curiæ, pacatæq; civitatis
 nuncium acciperet. Nec multo post Guicciardinus Vexillifer, continuato cū
 30 Octoviris decurionib. magistratu, Calēdis Maijs de more successori insignia
 tradidit, privatusq; abiit domum. Creatus nanq; est in eius locum Antonius
 Franciscus Norius Medicearū partium studiosus, cuius pater ex Pactiana con-
 turatione cū Iuliano Medice in templo fuerat interfectus. Tum verò Feltrius
 privati commodi vel turbulento eo tempore nihil oblitus, priusquam sese &
 copias ad iter expediret, à decurionibus impetravit, ut inexpugnabile Castel-
 lum sancti Lei, Vmbrico amissum bello, attributumq; Florentinis sibi redde-
 retur. Actum quoq; subinde est de renovando fœdere, in quo nuper Florenti-
 ni ea lege fuerant adscripti, ut nullum certum munus bellici oneris ipsis impo-
 neretur, nisi ex arbitrio Clementis: idcirco legati Veneri Aloysius Pisanus, &
 40 Marcus Foscarus severè postulabant, ut quid præstare conferreq; vellent in id
 bellum, disertè in tabulis exprimerēt. Itaq; ad stipulantibus Octoviris qui toti
 negotio belli & pacis cum summa auctoritate præsunt, Practiciq; ab ipsis vo-
 cantur, Florentini separatim à Pontifice, ubicunq; in Italia gerendum bellum
 foret, socijs se daturos promiserunt cataphractos equites ducentos & quin-
 quaginta: levis autem armaturæ equites galeatos bis totidem, atque item inte-
 gram delectorum peditum legionem: iuravereq; invicem se nunquam sepa-
 ratim à socijs in amicitiam cum Cesare ducibusq; eius esse redituros. Huius in-

eundi fœderis eximie astutus suasor Feltrius fuit, ex æquo in gratiam Veneti senatus, atq; odium Clementis, uti postea apparuit. Nam ab hoc fœdere Florentini pacti cum Gallo Venetoq; libertatem sibi eorum auspicijs incolumen futuram, ita Pontificem offenderunt, ut is sua spe repetendæ patriæ deiectus oblitusq; summæ eius acceptæ iniuriæ, id ipsum Cæsarem inexpectata & penè incredibili exulcerati animi conversione se contulerit, ut ipso Cæsare in Italiam evocato, ingratorum civium perfidiam vindicaret. His confectis rebus Feltrius educto exercitu, sed nequaquam ea celeritate qua opus esse videretur in eo Romanæ urbis discrimine, Romam est profectus, attonita adhuc civitate, quum nemo esset qui reputatione præteriti periculi non magnopere timeretur, & ex futuri & instantis solitudine metuendum esse non duceretur, quandoquidē necesse esset eorum animos perturbari, qui de belli eventu propter externorū hostium vim singularem atq; invicta adhuc robora Germanorum dubitare cogerentur, & ex conscientia admissi facinoris clementiæ Pontificis parum confiderent, & tum à Sylvio legato, non ipsius modo curiæ platea, sed cuncta regionū compita, portæq; Urbis singulæ, & ipsa Medicea domus firmissimis præsidijs teneretur. Cæterū abeunte Feltrio, & cum omnibus copijs Romana via iter habēte, simulatos Florentinorū vultus intueri admirariq; licuit, quum undiq; aut gratulandi, aut sui expurgandi causa ad Mediceas domos cōfluerent, non sine risu multorū, qui eos dudum ineptè loricatedos, instructosq; tumultuarijs & veteribus telis mirabundos & furentes vidissent. Tūc vero illi eisdem homines cōposita fronte solitis involuti pallijs, protectis capitibus pendulis & civilibus integumentis, quæ ipsi Etrusci capuccia vocant, egregiè blandi & supplices spectabantur, utpote qui unius tantū noctis intervallo sicut in scena histrionibus accidit, diversas ē vestigio personas induissent. Enim est natura populi Florentini, ut nullis vel ingentibus beneficijs pacati, nullis vel extremæ benignitatis obsequijs eos obstringi posse constet. Veterum nanq; potētiæ quæ in libera civitate singulis civibus dispensati dominatus erat instar, oblivisci nescit, neq; eminentiam cōspicui cuiusquam, vel etiā moderatissimi civis pati potest. Tanta siquidē ambitione, tamq; superbo livore præditi sunt, ut quū quisq; ad clavum gubernandę Reip. sedere, potiri quoquomodo communis patriæ imperio, & publicas opes privato comitudo compleri cupiat, ea inexplebili cupiditate ardeant omnes, & prorsus insaniant, quod nomen tanquā ex æquo civem, vel opibus, vel dignitate superiorem ferre velint, & clariorem quoq; virtutem, melioremq; fortunam in aliena domo nisi agnis oculis conspiciant: quando eadem ex parī merito sibi deberi iudicet, siue nequaquam mirari lubeat, si elati & peracris ingenij, noteq; tenacitatis homines, plerunq; decus in lucro præsentiq; pecuniā, & immoderatis sepeq; etiam pauperijs quæstibus reponant, eo etiam maiore reliquarum gentium admiratione, quod domi nequaquā sumptuosam, ut pleræq; aliæ civitates, sed parcam universum & bonę frugis disciplinā exemplo veterum Græcorū ex quibus orti sunt, institutam sequantur. Quanquam alioqui, uti sunt pecuniosi mercatores, supra censum & totius industriæ spem magnificis ædificijs laudem quarant. Sed his vitijs quæ supra memoravimus, facile evenit, ut intestinis discordijs ferè continenter per trecentos annos gravissimè laborarint: tanta quidem rabie, ut modò patritios, modò populares alternante victoriā, e civitate in exilium expellerent, sævis cædibus integras sæpe familias delerent, &

crudelibus incendijs in nobilissima tecta grassarentur. Nec in his malis, nunquam mitigata feritate, dispuderet à sordidissimo opifice iugum accipere, vltro Barbaros tyrannos qui liberis leges darent, adsciscere, vti miserabili conditione experti sunt, ex ipsis Michaelis Landi, Gualterijque Athenarum Reguli, & Caroli Andegauensis abominandis casibus. Per hunc modum ciuitatem magnis perturbatam iactatamque fluctibus, maiores Medicei per integrum fere seculum saluberrimis legibus compositam, cum insigni veræ virtutis gloria confirmarunt, & auxerunt: & ne quid ad summam felicitatem pulcherrimæ vrbis deesset, affuere salutari sydere ortus Leo Pontifex, & Clemens vel alio-
 10 qui moribus dissimilis. Hi continuata imperij successione atrocissimorum in seodiorum coniurationumque memoriam, ex Christiana pietate, amoreque ipso vel ingratisimæ patriæ, pacatis animis deponere voluerunt, vt in ciues suos vel nihil tale merentes, cuncta honorum commoda, & totius certioris opulentia ornamenta, insatiabili studio, rediuiuaque semper liberalitate congererent, vsque adeo iniqua & ferè insana benignitate, vt multos ex aula, de fide virtuteque benemeritos supinè prætermitterent. Quando non solum maiora minoraque sacerdotia, verum etiam vrbium & prouinciarum præfecturæ, & munera legationum sacratis viris committi solita, vnīs omnino Florentinis mandarentur. Qui etiam vectigalia, & totum denique Pontificij dominatus
 20 patrimonium ad certissimos quæstus inuasisent, eo quidem exitu, vt nihil cuiquam etiam honestissimo ad sacri vel profani iuris prouentum Etruscis cuncta abradentibus relinqueretur. Neque tamen his tantis beneficijs atque muneribus accumulate congestis, quicquam ad promerendos ciuium animos profecere, quum Leonis malo publico immaturè defuncti, omnem memoriā ingratisimis mentibus abiecissent, & tum Clementis viui regnantisque & diu etiam regnaturi maiestatem impiè contemnerent, nulla quidem misericordia eius inulitata calamitatis, quæ alienissimis etiam hominibus veras piasque lachrymas posset exprimere. Itaque Florētini (vt ad historiæ seriem reuertamur) nunquam ingenio pacati, nunquam exuta malignitate poenitentes, sed paratis
 30 animis, quos diuersis vultibus effingerent, renouare perfidiam, odiumque vetus exercere, id vnum expectabant, vt alicunde rescirent quorsum Cæsarianorum impetus euaderet. Postquam verò pridie Nonas Maias Vrbem manucaptam, Romanosque omnes aut trucidatos aut acerbissimis tormentis excruciatos, ipsumque Clementem in arce cum patribus circumuallari atque obsideri nunciatum est, nullam sibi moram attulerunt, quin eosdem animos redintegrata perfidia constanter erigerent. Breui namque effectum est, vt frequentibus conciliabulis per coronas in foro passim habitis, multi patritij, sed togati omnes Prætorij intrarent, communicatisque consilijs ad Mediceam domū contenderent, & legatum amicissimis hortarentur verbis, vt postquā Romæ res essent
 40 perditæ cogenti fortunæ cedere probè & sapienter, & Rempub. ciuibus reddere vellet. Erat legatus graui mœrore saucius ex clade Vrbis, valdeque prostratus, sed multo grauiore percussus metu, quum à Nicolao Caponio & nonnullis alijs, quos sibi amiciores putabat, acerbissimum nuncium accepisset, ita virilis consilij inops, et de sua tantū pecuniā sollicitus et tenax esset, cuncta in præceps prolabi sinneret, sibi que maximè timendū arbitraretur. Quod plerisque non temerè ab agrestibus responsis & moribus se inuisum putaret, quanquā Octavianus Medices incōcussa fide, & nonnulli fideli studio insignes nequaquam despondēdos

esse animos prædicarent, confirmandaq; liberali stipendio militum præsidia iudicarent. Sed reperiri expeditique pecunia non poterat, quod eam Franciscus Niger proquæstor, malignè apud Laurentium Strozam deposuisset, atq; extemplo Lucam profugisset, vir utique supra eam perfidiam multis impietatis & avaritiæ fordibus coopertus. Eo frustra citato quæsitoq; Mediceis & Honofrio militaris præsidij præfecto animus concidit. Hic egregiè pugnavit & intrepidus, rem ad arma deducere cupiebat, pollicebaturq; se notorum sibi civium perfidiam, multa cæde vindicaturum. Verum Sylvius tanquam iactato navigio, & naufragium adeunti persimilis, neq; consilium, neq; pecuniam expedire potuit, unisq; obiurgationibus insultantis mulierculæ domo atq; urbe cum adolescentibus Mediceis exturbatus est. Hæc erat Clarice Medices iunioris Laurentij soror, Philippo Strozæ nupta, quæ tuta suo sexu, & propriæ quitatis nomine, legatum coram rusticanum: adolescentes verò spurios, obiterq; hæreditate Mediceæ familiæ indignos, contumeliosis verbis appellarat, & domo & patria protinus excedere increpita mora iusserat; quanquam generose ei ab Hippolyto responderetur, quum eam omnino insanam esse diceret, quæ oblita sanguinis, potètiā principatus ad inimicissimos potius transferre, quàm conservare in domo propria in qua ipsa nata esset, malignè atque perversè properaret. Verum hæc frustra dicebantur, quū ad sceminam peracri iracundia flagrantem etiam accessisset Nicolaus Ridulphus Cardinalis, mitius quidem ingenio vir, sed non obscure appetens libertatis, qui cedendum fortunæ & salutem maturè consulendū esse differebat. Id in Clarice excitavit odium Clemens, qui neque Petrum filium purpureo galero exornare uti promiserat voluisset, virumq; ipsius Philippum pro obside Cæsarianis Neapoli custodiendum tradidisset. His vocibus peracerbisq; minis unā Sylvius atque ipsi adolescentes excessere patria in non dubium exilium, quanquam decuriones ad leniendam subitæ atrocitatis invidiam, abeuntes benigniore decreto persecuti sint. Hoc erat, ut adolescentibus Hippolyto atque Alexandro maneret integrum civitatis, ambobusque locus esset in Repub. ad capiendos eos honores, quos per ætatem adipisci possent, manerentq; eis incolumes totius Medicei patrimonij facultates: eos autem Philippus Strozza ex senatusconsulto comes datus, Pisas deduceret, ut arx oblata tessera reciperetur. Cæterū Strozza ex arcanis mandatis, ut eos retraheret iubebatur; quibus tamen propter affinitatem tanquam ab ætate tenera nihil tale meritis parcendum putavit. Conatus autem est Danthes Castellio ex Strozæ comitatu directo & penè incenso sclopetto Hippolytum interimere. Verum adolescentes subodorati vim sibi parari, concitatis equis inexpectatò Lucam provolarunt. Lucenses ex decreto publico eos amicissimè, & lautissimè de more civitatis susceperunt, & Florentinis per publicas literas sibi eos dedi deposcentibus, integra fide se illos conservaturos responderunt. Per hunc modum Medicea domus impotenti Fortunæ, civiumque perfidiæ ultro celsit, quum à reditu Ioannis Cardinalis electo Soderino quindecim annis patriæ præfuisse. Exinde novi creati sunt magistratus, revocata priore Soderini consuetudine, Norioque se ante exactum tempus abdicante magistratu, renunciatus est Vexillifer Nicolaus Caponius, ea conditione ut ipse & decuriones comitiale consilium popularis multitudinis indicerent, ut ex æquo cuncti cives receptæ libertatis fructu lætarentur: secundæ nanque & tertiæ classis turba insolenter postulabant, ut Reip. munera

latius

latius quam antea dispensarentur, ne populus suæ studiosus libertatis pro uno tyranno plures simul ex nobilitate superbos impotentesq; dominos esset perpessus, ita ut iam planè patritios pœniteret recuperatæ libertatis, quam nequaquam suo ordini, sed indignis plebeisq; hominibus sua magna cum invidia, & tum demum iusto cum dolore peperisse diceretur. Nec multo post Florentinis arcem Pisanam dedit Paccionus Pistoriensis custos, quū pecuniam in stipendium cohortis custodiæ, quæ aliter in fide atq; officio contineri non poterat, expetenti obtestantiq; Sylvius Cardinalis submittere noluisse. Is subledebat Lucæ cum adolescentibus Mediceis, animoq; deiecto atq; eadem avaritiæ labe oppresso, verba pro auro, & inanē spem pro stipendio Paccionianis nuncijs dabat. Qua rei indignitate atq; offensione permotus custos, quum se malignè deseriat Cardinale quereretur, nec quicquā proficeret, Antonio Francisco Albicio arcem dedit, ea tamen integræ fidei erga Mediceos constantia, ut repudiatis præsentis pecuniæ muneribus quæ Albicius protulerat, expers omnis præmij, ob idq; inops solo incorruptæ fidei testimonio contentus, arce excederet. Eodem etiam cursu, sed nō eadem fidelis animi probitate exemplum sequutus Gallerus Barga accepto scdæ pactiois præmio Liburni arcem tradidit. Interea Franciscus & Henricus reges ex ea direptæ Urbis & capti Pontificis execrabili fama vehementissimè commoti, excitiq; ad quarendū novum decus, arma parabant. Id namq; adiuto liberatoq; Pontifice, & vindicatis eius iniurijs de Cæsariorum militum immanitate longè honestissimū proponebatur, eoq; iustius & speciosius, quoniam ad utriusque existimationem maximè pertineret, tueri armis sacrorum Principē suprema propè ac inexpressibili affectum calamitate, & quod Christianæ aures vix ferrent, indignissima carceris contumelia cum Cardinalium senatu usq; adeo impiè mulctatum. Videbatur enim uterq; eorū peculiari officio obstringi, quod Franciscus suū vetus ex præclaris superiorū Gallie regum meritis partū Christianissimi cognomen ferret, & Henricus ab illustri suo studio quū Iulium Secundū Ludovici armis oppugnatum protegeret, Pontificis libertatis Defensor ex senatusconsulto fuisset appellatus. Hos quoq; duo legati opportunè adversus Cæsarem cōcitabant, Salvius Cardinalis in Gallia & Vbertus Gambaria apud Britannos, qui utrobique accuratè referēdo quanta immanitate in Romanos nihil tale meritos esset scivitum, quantoq; ludibrio sacrati episcopi in cathenis ad hastam venales fuissent circumducti, & quot demū honesti atq; infantes ex aula aut tormentis excruciat, aut in vinculis desperato redemptionis pretio trucidati perisisset, piorum hominū animos inusitata crudelitatis cogitatione suspendebāt: quando etiam permultos ante aram maximā summè venerabilis templi frustra à divinitutelaribus salutem petentes, inundato cruore pavimento cædeq; polluto cecidisse narrarent. His sermonibus per coronas utriusq; aule disseminatis, vetera novaq; utriusq; gentis odia, quæ vix dum in Cæsarem deferbuerant ex atrocitate tanti facinoris refricabantur, tanto altius quod Helvetij cū Gallo & Britanno in idem studium consensumque accesserant, quos Ennius Philonardus vetus apud eam gentem Pontificis legatus crebris cōcionibus per singulos pagorum conventus habitis, tanquā homines militares, nec tum vel agresti ingenio de religione potestateq; Pontificis malè sentientes, diligēter admonebat, ut quam Iulio Pontifici nuper circumvento & ferè oppresso sortem felicemque operam præstitissent: eandem, aut certè maiorem in liberando Clemente

adversus impios navare vellent. Debere ipsos probè meminisse in quam egregiæ virtutis & probitatis existimationem apud cunctas nationes ex celeberrimi facti gloriâ pervenerint. Retulisse siquidem inde non opima modò stipendia, quibus honestè locupletes evasisent, verum quod esset omni auro prestantius, ad perpetuum gentis decus, illum cunctis publicis anteferendum ornamentis piæ virtutis titulum, quo Romani Pontificis defensores, impiorumque principum domitores appellarentur. Itaque Lotrechius cum iusto exercitu, maioribus copijs subsequi iussis, in Alexandrinum agrum descendit, magnæque vi Boscum oppidum adortus, deiecto inde Ludovico Lodronio, qui Germanorum cohortibus præerat, oppidum cepit, castrisque inde ad Alexandriam positis eadem felicitate, quod exiguo præsidio teneretur, ea opportuna vrbe potitus est. Lotrechio quoque impigre procedenti accessere Venetorum copiarum cum iusto tormentorum apparatu, coniunctisque viribus ad oppugnandum Ticinum processerunt. Præfecerat urbi Cæsarianoq; præsidio Antonius Leva, quum Mediolano sibi minimè excedendum, nisi gravissima de causa statuisset, Ludovicum Balbianum virum egregiè fortem, & Sfortiano nomini inimicissimum, & quod ei non magnopere validæ cohortes adessent, quibus Gallicam vim sustineret, opem submisso Hispanorum supplemento laturum promiserat. Cæterum Lotrechius animadverso urbis situ, edoctusq; de his munitionibus, quas Ticinenses periculosa in parte micenium oppugnaturis Gallis opposuissent, incredibile Balbiano Ticinensibusque oppugnationis consilium suscepit. Conversis siquidem ad ipsam arcem omnibus tormentis, quæ ei ex Venetis castris collata erant, tanta vi turrem quadratam quater èst adortus, ut ea cum adiuncto arcis muro, qui ad portam ipsius arcis ad viridaria educentem pertinet, ad aperta perforataque undique penè integra concideret, proruentibus una in eadem ruinam annexis his conaculis amœnissimi prospectus, quæ Galeacius Vicecomes ante ducentos fere annos admirandis sumptuosissimisque picturis exornarat; cui ædificio propter incomparabilem structuræ pulchritudinem omnino parcendum fuerat, nisi Lotrechius ad famam celebre testimonium odi sui atque iracundiæ Ticinire relinquere voluisset, quod ante sex annos ab ea parte urbis micenia iuxta arcem frustra oppugnans a defensoribus multa detrimenta & summa eadem turre transverse oppositus accepisset. Oderat quoque Ticini urbis nomen deleti Gallici exercitus, & capti regis recenti abominabilique memoria Gallis infestum & infamè. Balbianus tantis ex improviso territus ruinis, auxilij atque omnis consilij inops, quum servare urbem non posset, luctuosa Ticinensibus pacatione se dedidit, eductusque per ruinas ad Lotrechium, sese impetrata salute conservavit. Tum verò Galli milites facto impetu per easdem ruinas nulli acriter reiecti, per arcem quod nemo crediderat in urbem irruerunt, miserabilemque in modum cæso magna ex parte præsidio & civibus captis universam diripuerunt; usque adeò dirâ victorum crudelitate, ut nec templis, sacratarumque virginum septis parceretur. Quanquam Lotrechio summa cura esset tuendi fœmine pudoris. Primum qui audacter in arcem urbemque irruerit, Hostasium Rhavennatem militem fuisse constat. Is a Lotrechio in præmium navatæ operæ, æneam equestrem statuam, quæ Antonini Cæsaris esse dicitur, impetravit, quum ea antiquitus Rhavennatum fuisset, sed post Gothica tempora a Longobardis Rhavennam diripientibus trophæi modo in

signum victoriæ abducta Ticinum fuerit, & in foro constituta. Eo modo Hosta-
 stius decorum sibi fore existimans si vetus patriæ spoliū recuperaret, & sue
 pietatis memoria eo in loco ubi ablatum olim fuerat, renovata dedicatione po-
 neretur, in forum descendit, & permittente Lotrechio cum manipularibus
 suis atq; item fabris deijcere statuam sede sua, atque excindere columnam ba-
 si suppositam superbo molimine conabatur: quo spectaculo (id enim longè
 miserrimū Ticinenses iudicabant) usq; adeo tumultuosus complorantis & de-
 plorantis populi concursus fuit, ut oblitus domesticę calamitatis furiosè in fo-
 rum decurreret, nullo modo passurus, ut patriæ quæ fortunarū omnium &
 10 publici decoris iacturam dudum fecerat, etiam nobilissimæ & vetustissimæ
 memoriæ monumentum eriperetur. Res eò erat perducta, ut cum armatis ab
 inermibus ex iurgio certandum foret. Verum Rhavennatē imperatoris Lo-
 trechij diploma proferente, omnis ea Ticinensium turba suo recenti mœrore
 & cultus deformitate miserabilis, ad prætorium contendit, atque ibi unus pa-
 tris ordinis Franciscus Boticella proiectus ad pedes ita loquutus est. Patere
 magnanimē victor, ut victis, & inauspicatę constantiæ suę meritas fortasse
 pœnas dantibus, in victoria tua lugere liceat, & virtutis tuę atq; felicitatis o-
 dium, quod nobis miseris æquo acerbius videtur, deprecari. Apud generosos
 nanque verę clementiæ laus nunquam sordescit, quum cætera ex bellicis ope-
 20 ribus atque periculis quę sita virtutum præconia, quod multis sæpe commu-
 nicentur, celeriter evanescant. Vna profectò clementia mortales superis æ-
 quat, eiusque muneris memoria, nunquam apud conservatos obsolescit. Mi-
 seri Ticinenses non suo pte quidem ingenio, aut publico decreto, sed perversa
 paucorum & planè fatali factione impulsī à vetere studio Gallorum defeci-
 mus, scilicet ut obsessi primū obsidente rege vestro, & cuncta intus atrocissi-
 mē vastantibus socijs Hispanis atq; Germanis, non deformatę modò, sed cor-
 ruentis patriæ dirum spectaculū videremus. Nec (quod meminisse dispudet)
 ex victoria Cæsarianorū qui cuncta domi & foris civilis opulentię ornamen-
 ta deleverant, vel infaustę fidei, vel constantię nostrę præmium tulimus, nisi
 30 ut ad hanc postremā adversi belli calamitatem à te expugnati eadem pernicio-
 sa Cæsarianorum societate raperemur. Sed quod in fatis fuit ab immiti Fortu-
 na iam planè transactū est, nec à te id in integrum restitui potest, scilicet ut ex-
 pugnati captiq; & bonis omnibus expoliati gravissimē mulctaremur, nec no-
 bis quicquam vel publicę vel privatę substantię superest, quo militaris avari-
 tia exaturari queat, nisi unum publici decoris ornamentum equestris statua
 veteris atq; eximię pulchritudinis, quæ in foro, vestibuloq; templi maximi à
 peregrinis virisq; elegantibus cum admiratione spectatur. Hanc gregarius
 miles Rhavennas prædę nomine sibi concessam, demoliri avehereq; navigio
 per Padum insolenter parat. Id ne pati velis ciuitas suppliciter rogat clementis
 40 si me Imperator, ut pro tua pietate magnitudineq; animi sicuti dudū tua insi-
 gni severitate pudicitiam in matronis virginibusq; nostris inviolatam conser-
 vasti, hoc inanīs, sed vetustę tamen glorię ornamentum, infelici patrię nostrę
 conserves, ut perpetuum sit cum victorię tuę, tum clementię erga victos mo-
 numentum. Manabant cunctis Ticinensibus lachrymę quando eius statuę
 iacturam instar summe calamitatis atque miserię supra direptę patrię adver-
 sam sortem existimarent. Lotrechius ad misericordiam versus, Rhavennatem
 ex adverso promissum muralis coronę præmium ex diplomate repetentem

blandis verbis admonuit, ut præmium potius navatæ fortiter operæ ex sua liberalitate oblatum accipere vellet, quàm tanta acerbissimè direptæ civitatis miseria lætari, ardereque demum invidia aliquando ei & Rhavennatibus nocitura. Itaq; vel indignabundus miles pro ænea statua pecuniam à quæstoribus accepit, quantum satis est pro murali corona ex auro puro fabricanda, quæ in fidem virtutis suæ cum elogio Rhavennate in templo poneretur. Ticino capto diversæ apud Lotrechium sententiæ dicebantur. Sfortiani ante alios legati cunctantem atque perplexum maximè urgebant, in quibus erat Franciscus Somalius inter Insubres nobilitate atq; opibus potens, Gallicæq; peritus linguæ, quod regis in castris aliquandiu militasset. Is recenti utendum victoria, & Mediolano, Antonioq; Levæ vim & terrorem admovendum diserebat, quod Mediolanenses adversissima essent voluntate in Antonium & Hispanos, à quibus sævissimæ instar tyrannidis extrema rerum incommoda pertulissent. Attenuatas namq; esse Antonij cohortes Hispanorū vario discessu, quos ipse in præsidijs apud Comum, Leucum, & Tricium distribuisset, & hos veteranorum Romana in præda detineretur, nec ipse immitti podagra iactatus, & signatæ egens pecuniæ, tantū animi habiturus videretur, ut tot adventantium hostium vim, & gravissimis iniurijs exacerbati populi tumultum uno præsertim tempore sustinere posset. Id probabat Pisanus Venetorum legatus cum quo iure fœderis Francisco Sfortiæ favens, tum Reipubl. suæ commodo intergræ victoriæ securum finem spectans. Extrudendos siquidem Mediolano Cæsarianos, & finibus Venetis cavendum putabat: quoniam potentissimæ Cæsaris vicinitas Veneto nomini maximè gravis atq; suspecta foret, ex recentis scilicet memoria Bergomi, Brixiae, Veronæq; creptarum urbium. Antonius quoq; Franciscus Albicius Florentinorum legatus, Veneto & Sfortiano præclare assentiebatur, vel ob id præsertim quod Mediolanum tanquam perennem præsentis pecuniæ thesaurum, aliquando Cæsarianis adimendum diceret. Ex adverso duo Cardinales Cibous atque Ridulphus, qui clade Urbis elapsi ad Lotrechium victorē pervenerant, & cum his Gregorius Casalio Henrici Britanniae Regis legatus, vehemētissimis precibus postulabant, ut liberanda Urbis Romæ, eripiendiq; inde Pontificis, potius quàm oppugnandi Levæ negotium susciperet. Decorum scilicet ipsi factuq; facile futurum, quando nulla graviore de causa transcendisset alpes, quàm ut tam glorioso quàm necessario duorum regum decreto expedita pietate satisfaceret. Vbi enim ad Urbem explicatis vexillis iter intenderet, valitura esse arma pro religione suscepta, eaq; passim fore auctiora firmioraque excitis undique voluntarijs, postquam latrones non Cæsaris milites, & incendiarios eversoresque sacrosanctæ Urbis persequeretur. Liberato namque Pontifice pristinam eius dignitatis atque potentiae existimationem ad fœderatos esse redituram: unde ulcisci acceptas clades, & reliquo metu atque sævitia hostium victor Italiam summa cum laude liberaret. Cæterū Lotrechij animum diversis distractum sententijs, vnus senatoris dignitatis vir Insuper, astuta & propè maligna oratione perpulit, ut omnem invadendi Antonij Levæ curam in aliud tempus differret. Quo consilio non cursus modo paratæ victoriæ interruptus est, sed expedita conficiendi belli spes omnis intercudit. Is erat Ambrosius Florentius ex veteri factionis studio Sfortiano nomini infensus, utpote qui semper superioribus temporibus Gallis adhæsisset. Itaque secreto Lotrechium aggressus: Noli, inquit, Imperator

rator existimare eandem esse suscepti belli causam, & potiundæ victoriæ rationem. Nam (quod me non fallit) tibi omnino obeundum est id peculiare munus, quod iussu regis, & ex autoritate fœderatorum virtuti tuæ iniunctum est. Id enim unum quærunt & expostulant, ut felicitate tui cursus uti velis, liberareq; Pontificem carcere cõtendas, cuius rei causa novum fœdus est ictum, & resumpta sunt arma, prospereq; transcensæ alpes, atque hæc etiam duæ valide urbes expugnatae, scilicet ut immanium hostium ferocia frangeretur, parareturque aditus ad opem capto Pontifici, ruentique Romanæ urbi opportunè ferendam, quæ propriam Regis nostri gloriam respiciunt, & socijs publicæ salutis authoribus honestissimum afferunt decus. Nec diffiteor ad sublevandam sociorum nostrorum existimationem plurimum interesse, si Mediolano potiamur: sed videndum est, ne hoc sit Gallicis rationibus alienum. Nam neque Antonianas vires elevare hoc loco lubet, neq; nostras attollere, ut cuncta nobis cessura facile credam. Certè hoc unum provideo cunctos laboris atque periculi nostri fructus, alieno prorsus commodo ineptè cessuros, non utiq; ut fœderi minus sincere serviendum putem, verum ut hoc ipsum Mediolanense imperium (uti antiqua iura postulant) aliquando ad Regem reditum recordere. Si cunctemur expugnandæq; validissimæ urbi diutius hæreamus, eludet fortasse nos Fortuna, atque illa quam petimus occasio liberandi Pontificis evolabit. Quod si hostem in ruinis atq; luxuria opulentissimæ urbis sepultum, senescenteq; ferocia ad vini & Veneris voluptates desidè aggrediare, implebis officium prudentis p̃ijq; imperatoris, occupandæq; Neapolis ex cursu exploratæ victoriæ facultatem arripies, & quod bene ominari fas est, deletis immanium latronum legionibus, quas iam pestilentia fœdè absumi vulgatis morbis audimus, undiq; victor Italici imperij compos fies. Ab hac persuasione Lotrechius non ineptas consilij causas apud legatos ostendens, traiecto Pado Parmam se demisit, atq; inde modicis itineribus Bononiam profectus, amplissima ea in urbe & copiosissima hyemare constituit, quod sibi multo maxima virium mole bellum gesturo, nova copiarum supplementa à Gallis expectanda prædicaret. Verum quibusdam sociorum eum proculdubio paratæ dimissæq; victoriæ proventum, Francisco Sfortiæ invidisse apparebat, atque ideo cunctantius & segnius quàm pleriq; flagitarèt, Romanis rebus opem ferre videbatur. Nec deerant qui non obscure existimarent, ipsum probè regis iussibus obsequentem ostentare bellum è longinquo, & multo armorum apparatu perstrepere, quàm Cæsarianos aggredi atq; lacerare malle, scilicet ne Cæsar graviore iniuria atq; periculo exagitatus, animum in ipso rerum discrimine adversus metum facile pervicacem à spe pacis atq; concordiae longius abduceret: quoniam ea esset ingenij Cæsaris vis atq; natura, ut placari precibus & ratione flecti, quàm vi & armis ad id quod spontè nollet, cogi posse constaret. Id unum si quidem Rex Franciscus ex arcano eo belli motu petebat, ut Cæsar multis rerum adductus difficultatibus ab se regios adolescentes obsides datos, oblato auro redimi pateretur. Sed postquam eas spes recipiendorum obsidum frustra tentata in irritum celsit, ab omnibus ad easdè belli cogitationes recursum est. His rebus cognitis Cæsar sive tactus religione, sive per motus infamia, aut graviterum suarum periculo adductus, Pontificem custodia & tot ærumnis liberare constituit, Franciscumq; Angelium cucullatum Franciscani ordinis principem, pietatis & probitatis nomine expiandis criminibus sibi delectum

cum Verreio cubiculario ab Hispania Romam misit, deditque ei literas super ea re ducibus perferendas, quibus significabat Philiberto Aurantio, Vgoniq; Moncatæ, atque idem Ferdinando Alarconi sibi equum piumq; videri, Pontificem dimittere, atq; eum cum omni honore verborum in pristinam asserere libertatem, subindeque sacrosanctam eius dignitatem obnixè defendi collique oportere, modo alicunde pecunia pararetur, qua militibus merita stipendia persolverent, ut quum tempus posceret, Germanorum legiones urbe Roma adversus hostes educerentur. Sedulo autem caverent certis obsidibus, ne Pontifex si fortè iniuriæ nondum oblitus, hostilem animum indueret, ipsis non magnopere nocere posset. Erant hæc Pontifici in aliena potestate constituto longè gravissima, quum nulla omnino tuta ratio cogendæ representandæque pecuniæ reperiretur; quòd infirmissima fide esset Pontifex apud creditores, uti captivus & manceps factus, neque ulla in eo nisi dubia & anceps vigeret autoritas, sic ut de promissis firmiter cavere non facile posset, quando syngraphæ nummaria, addictorumque vectigalium tabulæ, & obligationum contractus omnes ac assensuum stipulationes legitimo robore ex certa communis iuris formula carere dicerentur. In hac verò negotij difficultate uni omnium Germani indomita feritate nequaquam everse civitatis spolijs exaturati, quum promissæ pecuniæ æquas publicanorum pactiones suspicerent, superbeque reijcerent, truculentissimè cunctis qui aderant in arce, Pontificique in primis atque senatui, nisi maturè pecuniam expedirent, terribia supplicia comminabantur. Res autem eò deducta est, ut Clemens longè carissimos atque honestissimos ex familiaribus qui secum erant, representandæ pecuniæ obsides, frementibus deposcentibusque Germanis, tradere sit coactus. Hi fuere Ioannes Maria Montanus Archiepiscopus Sipontinus, & Honorius Bartholinus Pisanus Archiepiscopus: episcopi verò Antonius Puccius Pistoriensis, & Ioannes Matthæus Gibertus Veronensis. His accessere uti pecuniosi nobilesque, & arcta propinquitate Pontifici coniuncti Iacobus Salvatus Ioannis Cardinalis pater, & Laurentius Ridulphus Nicolai Cardinalis frater germanus. Horum sacratis manibus illico minaces Barbari cathenas iecerunt, & tanta truculentia ad exprimendum aurum terruerunt, ut in Campo Floræ ad erectas dicatasque latronum suspendijs furcas damnatorum more cathenati perducerentur, parato ibidem ad lege agendum carnifice, si paulo asperior concionis fremitus annuisset. Per hunc modum miserè pallentes, & extremo supplicij metu perfusi, terque in concionem producti, præclara ope magni numinis servati sunt, quum spes auri vel in efferatis diuturna immunitate animis misericordiam exprimeret. Siquidem paulopost in carcere custodibus ex institutæ cœnæ crapula, multoq; Falerno consopitis cathenas exuerunt, & per vaporarium foci tubum in summa Riariæ domus tecta extracti funibus evaserunt: tanta felicitate ut pedibus egressi urbem ad Vrbina castra, quæ tum erant in Umbriæ finibus confugerent, ubi non diu miseri tanquam illudente Fortuna in aliud prope discrimen incidere, quum eos Laurentius Martellius Florentinis præpositus copijs comprehendendos vesana temeritate censuisset: sed huius impij perversiq; hominis amentiam Feltrius & Bozzolus severissimis verbis retuderunt. Horum obsidum inexpectata atque admirabilis fuga Pontifici destinatam libertatem proculdubio maturavit. Nam Pontifex semper ad nova parandæ libertatis consilia solertissimè conversus,

propositis venalibus senatorijs aliquot galeris, qui consensu militum non obscura licitatione amicissimis Cæsarianarum partium ad eum honorem aspirantibus præsentii pecunia venderentur, brevi tantam vim signati auri, vel infami collatione coactam collegerit, & militibus numerarit, aut quū adversi rumores de secundis Lotrechij successibus sensim increbrescerent, milites in universum Hispani Germaniq; nequāquam egerrimè pacarentur, & sese ducum imperijs & dicto audientes futuros dicerent. Pontifex quoq; ad declarandum fidei amiciq; animi studium, quinq; senatores, quos Cæsariani delegerant, obfides dederat, Pisanum scilicet Venetum, eius Aloysij qui in socialibus Feltrij

10 castris legati munere fungebatur filium, & Trivultium Mediolanensem Gallicæ factioni semper addictum, Gaddiumque item Florentinum pecuniosi publicani fratrem. Hi Neapolim perducti, in arceq; nova custoditi sunt: Pompeius verò Columna pro reliquis duobus qui fuere Franciottus Vrsinus, & Paulus Cæsius vadem se præbuit, & secum postea eos ad Sublaqueanum peramoenæ salubritatis secessum humaniter perduxit. Nec multo post in componenda transactione liberandi Pontificis strenuè satagētibus Pompeio Columna & Hieronymo Morono (hos enim certis liberalibusq; promissis reconciliatos, & prius emollitos precibus, ita in partes traduxerat, ut Cæsaris decreto, quod

20 Angelius cucullatus adduxerat mirifice faverent) res appositè confecta est, eoque facilius, quod Vgo Moncata, & Verreius incerti & sæpe transversī consilij homines, Neapolim concessissent, et Aurantius apud Galeriam vicum hymaret, utpote qui suo opte ingenio captuq; mutabili & semper suspiciosè perplexo novas difficultates negotio allaturus esse crederetur. Itaq; post septimū carceris mensem Pontifex Cæsarianorum Alarconisq; præsertim iudicio dimittendus, decreto vix dum perscripto, quū se exiturum postridie dixisset, intempesta nocte evasit, nihil prohibentibus portæ custodibus, quū petasatus & penulatus subductaq; & velata barba se dispensatoris ministrum ignobili eo habitu mētiretur. Dispensator enim se preparandis alimentis exituro Pontifice ad singulas Cæsiæ viæ mansiones præcursurū dixerat. Evasit autē Urbē occulta porta

30 quæ est in Vaticani Viridarij extremo ad turrem rotundam angulo, cuius clavem ab olitore paulo antea Pontifex impetrarat, atq; eo modo elusis custodibus Hispanico militari equo vectus, quē ei dederat Aloysius Gōzaga, cognomine Rodomontes, cuius fratrem adolescentem nomine Pyrrhum Pontifex in his ærumnis propensissimè legerat in senatū, ad iter sese extendit, subterq; Cæsianum vicum, & Baccaniam sylvam Capranicæ paulum moratus, ad Orbitū oppidum naturali circumambientis vallis faxea orbita permunitū contendit, admirante moram & semidecepto Alarcone, qui ut Pontificē ad quotidiana sacra e cubiculo prodeuntem salutaret, in multam diem expectarat, non semel increpita apud cubicularios surgendi tarditate, quum Pontifex, vel obdormi-

40 scens excitandus ad iter videretur, quod ægrè uti longum & lutulentū his brumalibus præsertim diebus obeundū foret. Cæterum nihil se commovere milites, quanquam nonnulli de animo fideq; Pontificis malè suspicarentur, qui ex repentino discessu quosdam duces, militumq; primores ipsum honoris causa comitari paratos, antecaptis intempestæ noctis tenebris parum pudenter elusisset. At Florentini ubi certius didicere Clementem custodia emissum, Orbiti tutissimo Tusciæ oppido cōstitisse, atq; eum frequenti hominum concursu, qui undiq; gratulatū coibant, itemq; multis principum & civitatum lega-

tionibus coli rediuiuaque authoritate quotidie supplicibus libellis subscribendo, senatum habendo, & sacerdotia conferendo, integri & probe coalescentis Pontificatus munia obire, metu atque invidia crescentibus, in omnes partes legatos mittere, & certa armorum præsidia nouæ libertati tuendæ parare cœperunt. Sedebat tum ad clauum Reipublicæ, idem Nicolaus Caponius, quem pulchris Mediceis Francisco Norio suffectum docuimus. Is uti erat multarum rerum experiens, optimusque civis, & patriæ libertatis amantissimus: in vnum pro salute publica consilium incumberebat, ut procures civitatis ex vetere studio Mediceæ familiæ addictos complecteretur, à popularium iniurijs defenderet, in partemque Reipublicæ communicatis honoribus susciperet. Sic enim in veteratæ factionis obliuisci posse iudicabat, atque honestissimo & tutissimo consensu cæteris civibus coniungi, ut iustum & benefanum novi status robur, in affecta & ægrè coalescente Reipublicæ pararetur, quo parto nihil intus ex omnium ordinum concordia, vel foris hostile esset metuendum. Eo siquidem tempore in valescebat antiqua factio mediocrium atque infirmorum civium, nata ad conturbandam Reipublicæ tranquillitatem. Hęc namque turba tam superbè quam temere, uti superioribus seculis, recentibusque Soderini temporibus consueverant, nullum bonum civem esse putabat, nisi qui Mediceum nomē maxime & acerbissime odisset, quod à Mediceis diu se in administranda Reipublicæ præmissos atque neglectos meminissent, ac simul honores omnes ciuitatis, vni optimatibus & nobilitati, iniqua ratione tributos quererentur. Ab hoc improbo, & uti mox apparuit pestilenti minorum civium ordine quassata primo est nova libertas quam fata pepererant, & demum vniuersæ ciuitatis misere dissidentis opes attritæ, conuulsæque sunt. His popularibus importunisque civibus signiferum sese præbuerat Balthasar Carduccius vetusta potius quam nobili ortus familia, qui Patavij ius civile profitendo claruerat, odiumque sibi Pontificis acre parauerat, quum tanquā exul deplorando statum servientis patriæ, Patavij & Venetijs Mediceos appellans tyrannos, eorum famam contumeliose lacere consuevisset. Is fortunarū egens, & parū Florentiæ cognitus, inani immodicoque iudicio ad summū Vexilliferatus honorē, unde clarescere & ditari posset insolenter aspirabat, vixque livido animo ferebat magistratū ex publico decreto in tres annos Caponio designatum, quā in sede honoris æquo diutius regnare Caponium, nonnullos etiam patritios ægris animis pati intelligebat. Eranthi Thomas Soderinus, quem fraterni Vexilliferatus memoria grata popularibus mirifice commendabat, & Alfonsus Strozza ex vetere perpetuaque similitudine pertinaci studio, Mediceo nomini semper adversus. Ambo autem eadem ambitione ita erant occupati, captique, ut non improbare Caponium tantumquam ex professo ab omni Mediceæ domus dominatu abhorrentem, sed eius locum exoptare, occulta dignitatis obtreptione crederentur, quem popularium suffragijs facile adipisci confiderent. Propterea Balthasari Carduccio ex turbidi atque præcipitis ingenij vecordia res novas molienti, atque item concitanti iuventutem astute adulabantur. Itaque Carduccius maledicentiæ suæ frenā exoluens intemperanter, & criminosè Clementis dignitatem, & totius optimatum ordinis decus proscindebat, secus ac cuperet ipse Caponius, qui eum ordinem stabiliendæ libertatis causa nequaquam contumelijs exagitandum, sed asciscendum ultro in curiam, & sincera civilique honorum communicatione complectendum arbitrabatur, ut obliterari sensim posset veterum benefici-

ciorum

ciorum memoria, quæ adhuc apud non ingratos civium animos vigeret. Dixerat enim palam in coronis Carduccius rabido furiosoq; per similes, se nunquam stabilis Reipubl. decus visurum, nisi in multo cruore amicorum Mediceæ familiæ manus & pedes ablueret, & tyrannorum domum decreto publico dirui, & radicitus excindi conspiceret. Erat siquidem amenti propè ingenio truculentus, proptereaque ei obvenerat moribus eius aptum Scimitarræ cognomentum, quæ vox incurruï atque terribilis barbarici gladii genus significat, unde turbida atque insolens iuventus in foro spatiantis latera stipare consueisset, ut eo authore concessionem gestandorum armorum & custodiendæ curiæ munus, uti evenit, impetraret: postulante nanq; & acerrimè contendente Carduccio id impetratum est: quanquam decuriones nihil necesse esse responderent, ut armati curiam custodirent, quando nulla vis vel intus, vel foris à quoquam extimescenda videretur. Ea verò efflagitantium iuvenum procacitas fuit, ut vel nolens Caponius decreto assentiri cogeretur, eoq; properantius, quod seditiosos quosdā absq; periculo dignitatis, oratione coerceri posse desperaret. Per hunc modum impetratis armis iuventus per se audax & effrænis, ab ea licentia æquo fervidior atque insolentior adversus optimates effecta est. In vestibulo nanq; ipsoq; atrio curiæ, prætoriæ cohortis more stationem delecti coniuratiq; iuvenes habere cœperunt, tanta animorum ferocia, ut obsidere decuriones potius, & magistratuū dicta factaq; malignè observare, quam curiæ limen tueri censerentur. Suspectus enim quibusdam popularibus Caponius evaserat, quod studiosius quàm oporteret, propinquos veteresq; amicos Mediceæ familiæ complecteretur, quos ipsi maxime odissent, & trucidare percuperent, scilicet ut Caponio authore nō popularis quidem status uti omnes expeterent in civitate, sed optimatium aristocratia conderetur. Proinde quidā è plebeio ordine antea insolenter Caponio dixerat, tam improbè quàm falsè, quum Medicei pellerentur: Tu, inquit, Caponi nequaquam sana & opportuna libertati cōsilia agitas: nam tabernæ vinariæ frondis signum non prioris dolij vinum mutare contendis, quod nunquam à te fieri patiemur. quasi diceret, sublati Mediceis, ipsum quidem tyrannidis nomen tolli, sed veteres eius ministros & fautores nimio Caponij & optimatium studio cōservari, qui demum multorum instar tyrannorum uti antea consueissent, populo superbè atque avarè dominarentur. Sed vir civili prudentia insignis modò publicæ salutis prospiceret, hosce adversos de se rumores facile contemnebat, dabatq; assidue operam, ut Pontifex atq; propinqui eius nullis verborum contumelijs afficerentur, & quibusdam tenuibus officijs, quæ libertati cœptæ nihil officeret, iusta Pontificis in rebelles iracundia molliretur. Dixerat enim sæpè Clemens, quum tanto obrutus infortunio, & diuturna fereque lethali correptus febre decumberet, ut nos lectulo familiariter assidentes audivimus, se totas perpessæ calamitatis & torquentis morbi pœnas tot peccatis suis ac erroribus debitas, etiam si DEVS sibi miseræ vitæ finem adduceret, æquo animo laturū, neque aliud ab ingratis civibus Florentinis postulaturum, quàm ut in propinquos veteresq; amicos familiæ Mediceæ grassari desinrent, hisq; aditus civili æquitate ad honores præberetur, redderentq; item sibi Catharinam neptem, quam ad vestales virgines deposuissent: paternam quoq; possessionum fructibus potiri liceret: quando totius patrimonij vectigal civilis oneris ærario publico esset soluturus. Quantum verò ad Pontificiam maiestatem pertineret,

hoc obnixè petebat, ut nullas, nisi ex Pōtificia authoritatē sacerdotijs decimas imponerent. Hæcerant suprema languentis nec adhuc planè restituti Pontificis decreta, plena pietatis & equitatis, quibus per mercatores idoneosque homines Florentiæ significatis, Caponius indulgendum existimabat, utpote qui prudentissimi viri vim, & iam tum reviviscentē eius dignitatē, minimè exagrandam, sed spatio & levi obtemperantia, his præsertim in reb. quæ publico voto nihil officerent, leniendā censeret, hac in re certissimus vates futurus. Quando quidem sæpe, & etiam ante magistratum prædicaret, libertatem apud protervos cito perituram, nisi Respublica moderatis consilijs regeretur. Quoniam his omnibus imperiti rerum plerique ciues, aut importunis distenti odijs, arrogantius quàm deceret, tumultuose miscerentur. Nec in hoc salubris sententiæ instituto Caponius invidiam facile sustinebat, quum iuvenes qui cepia armis insolecebant, à Scimitarra malo publico concitati, eum nonnunquam Venetum ducem, solis optimatum utentem suffragijs, ad conflandam invidiam per iocum appellarent, & ciues qui parum populares videri possent, torvis atque minacibus oculis intuerentur, usque adeo arroganter, ut Iacobus Alamannus præcipitis audaciæ iuvenis, in Leonardum Ginorium honestum ciuem, quod modestiam in iuventute requirere videretur, in ipso curiæ limine ferrum distringeret, quo in loco lege lata, nefas esset arma adversus quemquam nudare, aut tumultuari. Id factum quum summi magistratus maiestatem læsisse censeretur, nec ille amens, & exitiali superbia tumens curiæ area excedere vellet, decuriones ad severitatem perpulit, apud quos Scimitarra ex vilis iuris lenitate tutari reum conatus frustra perorarat. Atque eo modo Alamannus captus, in superiore curiæ tabulato capitali supplicio affectus est. Meminerant enim illum eundem esse Alamannum, qui paulo antea curia à seditionis occupata, Federicum Riccium è numero decurionum in cōspectu Guicciardini dictatoris nefaria temeritate vulnerarat. Ab hac festinata Alamanni damnatione, quum caput eius è summa curiæ corona populo decisum ostenderetur, audacia non mediocriter apud iuventutem refrixit, & Carducci vis temerè exardescens graviter imminuta est. Paucis enim antè diebus ita excreverat, cum huius concionantis, tum furentium iuvenum licentiā, ut globo facto ascenderent ad summum magistratum, & vexillum deposcerent, quo uti bono patriæ oporteret, ordinati uterentur. Ea verò expostulatio superba atque intempestiva patribus visa est, quum seniores id negandum censerent, & Caponius fœderata iuvenum arma vereretur, quod in unius turbulenti signiferi manu foret, sublato vexillo populum ad arma vocare, atque aggredi quodcunque vel crudele facinus, & civitatem intestino tumultu perturbare. Quum verò aliquandiu diversis sententijs esset decertatum, hunc ea contentio habuit exitum, ut decuriones quod negare ex tuto non poterant, moderata atque severa conditione concederent, lata scilicet salutari lege, qua cautum est, ut id datum vexillum intra curiam ad columnam porticus defixum sisteretur, capitaleque esset his qui iniussu summi magistratus revulsissent, & extra curiæ limen extulissent. Eo temperamento Caponius insolentem turbam opportunè pacasse, & publicæ saluti cavisse visus est. Armata siquidem iuventus, quæ suoptæ consilio effrenique libidine furere grassarique cœperat, nisi severis edictis ac imperijs contineri non posse censebatur. Nam paulo antea iuvenum globus tumultuose in templum Deiparæ Virginis Nunciatæ irrumpens, ut studium

dium suum erga libertatem, & ingens in Mediceos odium ostenderet, statuas Leonis & Clementis lanceis transfodiendo, nefaria atq; vanissima temeritate deiecerant, unusq; ante alios futilis & superbus civis Oricellarius cognomento, Cardinalis Clementinæ statuæ faciem ingentis alabardæ ictu deformarat, & Chiurlus Machiavellus dextrum Leonis statuæ oculum spiculo perfoderat: quas inanes iniurias stultæ animorum truculentia indices Caponius ita graviter fuerat detestatus, ut id facinus scelestè invidiosèq; editum, pœna vindicandum esse diceret, nisi patritiorum iuvenum amplior numerus quæ infami sacrilegio manus admoverat, à perscribendo decreto eum absterruisset.

- 10 Eodem quoque vesano impetu concitata iuventus, è scutis Mediceæ familiæ puniceas pilas passim deleverat usq; adeo provecta licentia, ut Laurentianum ingressa templum è sepulchro magni Cosmi, titulum quo pater patriæ decreto publico fuerat appellatus scalpellis abraderet. In id quoque consilium non multo post callidis seniorum & optimatum artibus frænandæ iuventuti remedium periculosum certè, sed eventu civitati salutare repertum est, scilicet, ut in universum civitati capiendorum armorum iura traderentur, & descriptis à militari ætate ad quinquagesimū annum cunctis civibus cohortes sub vexillis instituerentur, quæ divisæ per quatuor tribus collegiorum signiferis præstò essent. Erant hi signiferi numero sexdecim, quum urbs divisa in quatuor re-
- 20 giones, quæ singulæ quaternos haberent signiferos peculiaribus vexillorum insignibus, eleganti diversarum imaginum varietate figuratis distingueretur. Per hunc modum Caponius communicatione armorum, quæ non obscure servidæ violentæque iuventutis animos compesceret, popularesque modestiæ civilis admoneret, civitatem in officio continebat. Pari quoque prudentia turbulentos cives legationis nomine ablegavit, Carduccium scilicet in Galliam nihil unquam pro sano cogitantem, & Galeottum Iunium apud Alfonso Atestinum, qui & ipse iuriconsultus indomitæ feritatis & pertinaciæ civis inter populares habebatur. Eadem quoque de causa Franciscus Portinari elegantibus literis instructus, & Bartholomæus Gualterottus, quanquā
- 30 ingenij inefficacis iureconsultus, quod æquo acrius factioni popularium faverent, hic Venetias, illè in Britanniam missi sunt. Cæterum ordinatæ centuriatæ cohortes maxime lætum urbi spectaculum præbuerunt, quum inter duo augustiora urbis templa erectis altaribus traducerentur, iurarentq; singuli se patriæ libertatem contempto omni periculo defensuros, neque his uluros armis, nisi adversus hostem Reipub. servitutem afferentem. Hoc sacramento usque adeo devotis animis circiter quatuor milia hominum consociata sunt, ut fideli concordia diligentiq; armorum exercitatione coalescentes, magni sui patriæ fuerint, magnoque terrori non hostibus modò qui obsessuri erant urbem, forent, sed externo ascititioq; militum præsidio, quod mercede
- 40 ad tutelam urbis conduxissent, ne militari licentia compositæ & tranquillæ urbis disciplina turbaretur, quū armati vindices præstò essent, qui paulo insolentioris facti contumeliam ulcisci possent. IN T E R eas quoq; Lotrechij moras Veneti intentiore cura melioreq; spe copias undique conducebant, quod post elapsum carcere Pontificem, Cæsarianos cadaverosa in urbe, & magis ac magis pestilenti multis utique absumptis, multisque profundo luxu diffluentibus, facile superari posse crederent, & quas in Apulia & Salentinis urbes antea possedissent, debellatis Cæsarianis ex foedere se recepturos arbi-

trarentur. Florentini quoque eandem quam cum Gallis & Venetis ante cladem Urbis (uti memoravimus) societatem inierant, secuti, ante omnia Herculem Alfonsi Ferrariensis principis filium copijs suis cum summo imperij stipendijsq; honore præfecerant. Is tum nuptias cum Renata Ludovici regis filia Ferraria celebrarat: ex qua affinitate & ipse Alfonsus pater commutato studio in eundem belli consensum veniebat. Videbatur autem id fœdus tot principum arma consociantium non æquissimo tantum, sed longè etiam honestissimo iure percussum, quod salutem libertatemq; Pontificis ab initio respexisse censeretur. Verum hos omnes Cæsarianorum arrogantia cum summa impietate coniuncta vehementer angebat & inflammabat, quum se dira vastatione & crudelibus flammis nobilissimas Italiæ urbes deleturos minarētur. Erat enim edita in vulgus fama, eos conversis signis post absumptam & dirutam Urbem pari truculentia ad evertendam Florentiam ascensuros, facile invitante inextinguibiles Barbaros, & nulli unquam certi ducis imperio parentes opulentissimæ urbis præda, incitantibus maxime eos duobus è consilio Neapolitano senatoribus Ludovico Montalto Siculo, & Antonio Venafrano, quibus uti impijs sacri imperij decus maxime erat odiosum, scilicet ut effrænataq; omnibus facinoribus contaminatam militum sociorum colluviem longè à Neapolitanis mœnibus averterent. Quibus adductos rumoribus Florentinos de renovando atq; arctius confirmando fœdere consilia maturasse constat, nimis (uti postea compertum est) celeri atq; ipsis demum exitiosa festinatione, quæ Galliæ regis & reliquorum principum prælata societate, Cæsaris amicitiam importune cōtempserint. Ingentibus tamen sententijs de eo fœdere ineundo Florentie certatū est, quum civitas in diversa studia promptis maximeq; facundis ad differendum civium ingenijs scinderetur. Movebant civitatē ut Gallorum potius quàm Cæsaris Fortunam sequeretur, amplissimæ Francisci Regis opes, gravis & excellens Veneti senatus autoritas, mirumq; locupletissimi Britannie Regis studiū, & Lotrechij præsentis rei secūde. Nam & tum Genua peropportune eiectis Adurnijs, qui Cæsari favebāt, in partes traducta fuerat, Antonijq; Levæ pertenuēs in sustinendo bello vires, & auxiliorum spes infirmæ viderentur. Quæ res Florentinorū animos per se in Gallicum nomen proclives ita impellebant, ut magna pars populi privatis addicta lucris, quæ facis opima ex negotiatione Lugdunensis mercaturæ provenirent, Gallici fœderis decreto paratis suffragijs assentiretur. In tabulis autem diserte perscriptum est, ut descensuro ad liberandam urbem Romam, invadendamq; Neapolim Lotrechio, Etruscæ iuventutis legionem adiungerent: ex adverso ipse Lotrechius regijs viribus & copijs Florentinæ civitatis libertatē conservandam ab omni iniuria, defendendāq; susciperet. Atq; ita à Gallo rege missus est Florentiā Claudius Velleius legatus, & à Venetis Antonius Surianus, qui fœderatę civitatis consilijs adessent. Non probarant id fœdus Caponius ipse dictator, & optima-
tium atq; prudentium penè totus ordo, utpote qui ei parti, cui Pontifex adhe-
sisset, omnino adhærendum censerent, & cum Pontifice honesta conditione, quæ incolumen libere civitatis statū conservaret, pacisci oportere differerent. Providebant enim usu rerum periti Clementē indomito spiritu ad pristinum patriæ dominatū aspirantem, facile oblivisci posse recentis acceptę cladis, tanquam non suæ, sed publicę omnium calamitatis, & Cæsari renovata amicitia rursus coniungi, ut illatam à rebellibus civibus peculiarem contumeliam vindicaret,

dicaret, ipsiusque Cæsaris felicibus armis in patriam reduceretur: quando quidem ipse suspirans & gemens, existimationis suæ iniuriam à Gallis vel intempestivè, vel improbè dissimulatam quereretur, ipso præsertim novo fœdere, quo se illi Florentinis adversus eorum hostes opem laturos pepigissent, cuius nondum maturi, sed certè non multo post futuri rerum eventus, verissimus vates Caponius extitit, quum multorum imperitorum numerata suffragia adversus paucos rectissimè sentientes, uti plerumque fit, maximè valuissent. His rebus cognitis Clemens seipso amarior factus graviter angebatur, quanquam ad eum Viconius Turenus à Francisco rege missus, ea quæ iam transacta essent, elevare, mollireque, & subtilius interpretari contenderet: sic tamen lenire offensum non poterat, quin ille novi consilij curam coquere putaretur: suspensio namque animo ex rerum successu in complexum Cæsaris se dare, fortunamque eius sequi statuebat. Memini me eum familiariter sicuti solebat, his de rebus mecum cōtracta fronte sermones ferentem in hæc verba prorupisse: Quid mihi Iovi vel incolumi Pontificatus dignitate, vel hac restituta sanitate vitæ opus est? si ab ingratis civibus patria pulso, & exuli perpetuo deploranda sit maiorum meorum vetus amplitudo, totumque familiæ decus & fortuna principatus? Hæc enim omnia infami ignavia amisisse atque evertisse procul dubio existimabor, nisi eadem virtute qua illa longo tempore parta conservataque fuere, & mihi & profugis adolescentibus recuperentur: referasque in annales rios iustis votis meis non semper fortunam illuisse. At Lotrechius tota ferè hyeme Bononiæ absumpta communicatis cum Veneto, Florentinoque senatu consilijs, & constitutis itineribus per Æmiliam atque Flaminiam in Picenum duxit. Iam enim quas expectabat copie Helvetiorum & Germanorum atque item Vasconum, alæque postremæ equitum advenerant, & Pisanus cum Veneto exercitu antecedens conducto Valerio Ursino ad Truentum amnem properabat. Valerius clade Romana elapsus Firmum pervenerat, ubi præpotentes habebat propinquos Brancadoræ factionis, cum Guerreria familia de principatu contendentes, cuius princeps erat Federicus Cæsarianæ factionis. Is Firmanorum castella invadebat, nec Cariato antistiti Pontificis nomine Piceni præfecto parebat. Quibus de causis Cariatus Valerium sibi adiungit, & per eum qui alam veteranorum equitum conflaverat, Guerrerium interficit. Valerius quoque quosdam Cæsarianos in Camertium iugis adortus Orpheo Aufidio duce cæso, profligarat, opulentamque exuerat præda. Nā Sarra Columna ab Urbe Camerinū profectus, Varaniæ familiæ regulos vetere atque legitimo dominatu depulerat, direpta urbe, & Catharina Ciboia, quæ Ioannis Mariæ uxor fuerat, omnibus ornamentis perfidiosè spoliata, & ad Ridulphum Varanium spurium, cui ipse sororem denupsisset dominatum civitatis detulerat. Ex ea Aufidiana præda Valerius coemptis undique equis, insignem alam auctam viris fortibus exornarat: qua fretus, cohortate Pisano ad Aternū amnem contendit, nulloque negotio, citiore navigio atque ulteriore turre potitus, tumultuarium pontem effecit, ad id operam insigni studio navantibus quibusdā Venetis nautis, qui forte ad fauces amnis erant in statione, & subducta navigia multamque materiam ad efficiendū sternendumque pontem convexerunt. Hoc nuncio Pisanus vehementer ex hilaratus est, utpote qui neque amnis ripam defensoribus vacuam, neque profluentem submersi olim magni Sfortiæ miserabili interitu nobilitatum, facile transiri posse existimarat. Itaque promotis co-

prius Valerius eadem celeritatis felicitate Sulmonenses & Preutini, Pelignique nominis gentes, in potestatem sine vulnere redegit, quod Cæsariani duces eius regionis oppida, nullo militari presidio munivissent, rati Lotrechium non illac facturum iter, sed per Flaminiam ad urbem Romam recta perrecturum. Non videtur hoc loco prætermittendum, quid Venetis cohortibus præeunte eorum equitatu a Sulmone iter habentibus acciderit. Eas siquidem ingenti nivofoque ventorum turbine exorta atrox tempestas miserabili ac inopinato cladis genere penè totas oppressit: nondum enim planè exacta hyeme, ut in algidis & montanis evenit locis serius in ver novum annus aperitur, & culminamontium præaltæ diu insident & occupant nives. Inter duas Apennini arcus fauces imminentium utrinque altissimorum montium adversis iugis, non multum lata, verum plana vallis extenditur, spatio quadraginta fere stadiorum. Hunc locum incolæ Peligni quinque milium planum appellant. Hæc autem est eius angusti itineris natura, ut exorti venti quum ingruant, contrario infese, & rapidissimo impetu convolvantur: sublatae nives è iugis deſciant, & in gyros per aera vertant, quibus media in valle iter habentes, intercluso spiritu repente suffocent & perimant. Propterea explorare oportet inconstantis cœli serenitatem, quæ subitis sæpe momentis fallax, viatores decipit: quoniam abditi introrsus specus conceptum naturali terræ habitu spiritum, ex illis inflectentium inter se montium anfractibus violenter expuant, certo semper exitio deprehenſorum, nisi intento cursu celerrimè faucibus elabantur. Perire in eo turbine trecenti fere pedites, reperti quæ sunt rigentibus membris erecti, dormientibus planè similes, quum repentinæ procellæ tempestas decisset. Cognito Valerij, Pisani quæ progressu, qui Aterni amnis transitu ponti essent, pontem quæ in eo nullo prohibente construxissent, Lotrechius qui adhuc erat circa Firmum incertus an transversis itineribus in Campaniam signa verteret, celeritatem sibi adhibuit, & Venetas consecutus copias, tormentis Aternum amnem antè parato ponte transvectis in Apuliam penetravit. Petrus quoque Pisaurius apud Lotrechium legatus, & Camillus Vrsinus cum reliqua parte exercitus Veneti sese Pisano & Gallis coniunxerunt. Constabant Venetæ copiæ mille ferme levis armaturæ equitibus, in quæ erant Epirotici & Græci generis pileati peltati quæ circiter quingenti, Andrea Cibratio duce. Reliqui Italico more galeati, thoracati quæ erant, inter quos armis splendidior, & Thracibus equis validior Valerij ala censebatur. His adiunctæ erant aliquot cataphractorum turmae, ipsa quæ præsertim Alfonsi Ferrariensis principis ala, Francisco Cantelmo nobili duce ad Lotrechium iure foederis missa. Peditatus autem constabat Germanicis cohortibus octo mercede conductis, quibus præerat Petrus Avogarius nobilis Brixianus: reliquæ cohortes erant ex delectu Italico, apud quas Gabriel Ripa veteranus summam obtinebat authoritatem. Eodem quoque tempore Gallicis sese castris adiunxit Petrus Navarrus, qui comitatibus cavens, & locorum notitia adductus cum Vasconibus suis, & Cantabris, & per Sabinorum & Aquilanorum fines, Fucinum quæ lacum, Capistrano oppido ex itinere expugnato, iter confecerat, Luceriam quæ; peruenerat. Atque ita Lotrechius positus ad Sanctum Severum castris, nusquam conspecto hoste copias recensuit, quæ & specie & numero, robore quæ; firmissimarum gentium, triginta fere millium numerum implebant. Valde montius Lothoringiæ reguli frater, qui superioribus annis ea spe Neapolim penetrarat,

trarat, & Salernum manu ceperat, ut regno quod antiquitus Andegavensium regum fuisset (horum enim ipse legitimæ stirpis erat hæres) adiudicante Clemente potiretur, legiones duas Germanorum ducabat. Præerat Helvetiæ legioni Tēdanus Comes, Bastardi Sabaudi filius, quibus addebantur subsidariæ Sclopettariorum Italicæ cohortes. Equitatus autem Gallicus peramplus erat & illustris, cui Gherlindanus Britannus ab Henrico Rege missus, pecuniariam aliam adiunxerat. Hac procedentis Lotrechij fama permoti Aurantius & Vastius operam dabant, ut Germanos & Hispanos hærentes prædereliquis, & de constituenda in Vrbe colonia cogitantes educerent. Exuisse enim usq; adeo veterē ferociam, turpiq; ocio emarcuisse videbantur, ut nisi egrè multaq; comminatione severi imperij, signa sequi velle crederentur. Sed illatus ab infenso validoq; hoste metus, & salutis & decoris cura, vel segnes animos ad iter erexit. Atque ita vacua relicta Vrbe Latina via profecti exitinere Vastius Vallemontonium Latij oppidum, quod Baptista e Comitum familia nobilis adolescens, neq; portas aperiret, neq; cōmeatum præberet, tormentis expugnavit, cruenta irruptione direpto oppido, quod in ingressu nonnulli viri fortes, & in his Beltrandus Russius nobilis Parmensis, & Gallindus Hispanus cōhortis præfectus, Vastioq; familiaris cecidissent. Exinde per Hernica oppidā in Campaniam iēre, ad levamq; deflectentes per Sidicinos, Exerninos atq; Alifanos fines, & per Serram demū, quā vocant Capreolam, ex qua facilis est ab Apennino in Apuliam descensus, Troiam pervenēre. Hec urbs ex veterum Harporum ruinis, cuius agri pars nomen adhuc retinet, ædificata dicitur, magnamq; habet celebritatem, quod edito in colle posita, subiectæ Apuliæ campos, Garganumq; montem, & Hadriatici maris litora prospectet. Lotrechius ubi hostes ad Troiam constitisse didicit, Luceriam ad Navarrū est profectus: sequentiq; nocte Valerium, quod firmis & expeditis turmis uteretur, & ipse alacri ingenio navandæ operæ esset avidus, Troiana via exploratum misit, ut aliquo excepto de hostium consilijs numeroq; ac eorum sede & castrorum ordine certius cognosceret. Inter Luceriam & Troiam medio ferme itinere, flumen exiguū verū cavis admodum ripis decurrit, in quies parī explorandi studio Vastius Hispanorum validam manum condiderat. In albescente itaq; celo Valerius ad amnem præveniens, quum paucos equites ab amne in ulteriorem ripam evadere iussisset, hostes in insidijs occultatos deprehendit. Illi co quid repererit (quod ita facere iussus erat) Lotrechium docet, petitq; ut sibi liceat transire amnē, & cum hoste manū conferere. Id severè negat Imperator, sed mox alacrium juvenū globus e Gallicis alis Valerium subsecutus cōspecto hoste, quin pertransiret, vel obtestante obistenteq; Valerio retineri non potuit. Accensum est leve primo prælium, sed sensim acrius & ardentius. quoniā multo frequentiores quā putassent Hispani pedites & equites ex depressis locis prodibant. Pugna autem eō deducta est, ut Galli quanquam summa alacritate depugnarent, in magnum discrimen perducti viderētur: quorum permotus periculo Valerius vel contra Lotrechij imperium opem ferendam statuit, ne in primo congressu ad omen universi belli aliquod detrimentum vel dedecus acciperetur, quando ea Gallorum manus ex equitibus primæ nobilitatis constaret, cui se ducem præbuerat Griffæius cum Regis gratia, tum suo bellico vigore præstans juvenis. Nec mora, suo procursu Valerius iam planè circumventos & perturbatos Gallos confirmavit, opportuneq; summotis

hostibus citra amnem reduxit. Nam aliæ atque aliæ hostium turmæ, & pedum cohortes eo consilio ex acclivibus locis se demittebant, ut aucto numero renovatoq; impetu, pulsos in amnem, præruptumq; cavæ ripæ alveum præcipites darent. Succensuit Valerio Lotrechius, quod suo iniussu amnem transisset, quasi eum puniturus, nisi Griffæius cum suis defensus, & proculdubio servatus, resq; peropportune & fortiter gesta, severi alioqui ducis iracundiam mitigassent. Postero die Lotrechius motis castris ad hostes recta contendit, in subiectisq; Troiæ campis equestri prælio summa utrinq; alacritate certatum est, nullis quidem interpositis sclopettarijs, ita ut levi cum periculo, quantum quisque eques lancea gladioq; valeret, ex cristis ac insignibus nosceretur. Ca. 10
 ptus est in eo congressu Martius Columna impiger adolescens, quem Pompeius Cardinalis patruus paulopost pecunia redemit. Cæsariani duces acclivibus in locis castrametati, distinctis atque ordinatis copijs sub Troia constiterant: posteroque die Lotrechius sese in conspectum dedit, ita aciem flecens, & copias ostentans, ut multo tubarum clangore hostes è propinquo ad committendum prælium provocaret, & provec̃tis in gyrum curulibus tormentis, in adversos ea disploderet. Sed pilæ in erectos per acclivia hostes minimū inferebant detrimentum, quod terreno statim haustæ vix uno aut altero interfecto, nec subsilirent, nec confertis aciebus inciderent, sic ut uni tantum signifero Christophoro Ario cum vexillo dextra manus falconis ictu abripere 10
 tur. Aptā videri poterat occasio conferendæ pugnæ quibusdam audacibus, quod insolentissimi hostis conspectum tam diu minimè ferendum putarent, eundemque ducem atque eosdem hostes sæpius victos acri concursu propelli & profligari posse arbitrarentur. sed Vastius et Dorbinus Aurantijs fervidos impetus moderari soliti, Gallos mora & cunctatione eludendos, refrigerataque demum earum gentium quæ impetu valerent, dimicandi cupiditate, sine vulnere, uti sæpe alias debellandos differebant, ob idque præsertim quod tum omni tormentorum carerent apparatu, & cataphractorum alas, Garzia Mamarico, & Ludonio ducibus, Neapoli profectas, atque item quorundam procerum Neapolitanorum auxilia, ipsūque præsertim cum suis cohortibus Fa. 30
 britium Mamaraldum expectarent, ne priusquam bene explorata victoria, non de regno modo Neapolitano, sed de Mediolanensi quoque imperio unius prælii alea dimicarent. Id verò unum eos ad confligendum hortari poterat, quod nondum Horatius Baleonus cum Etrusca legione Lotrechij castris applicuisset, proptereaque si pugnam differrent, hostem non novis, sed exercitatisimis sclopettariorum cohortibus firmiorem se postea inventuros intelligerent. Constabat enim ea Baleoni legio magna ex parte veteranis, quum sub Ioanne Medice ad summā bellicæ virtutis opinionem pervenissent. Verū ut postea ab ipso Vastio, Dorbinoq; audiui, Hispani & Germani nequaquā 40
 pristinam eo die animorum alacritatem ostenderunt, quum multorum mensum desidia, & luxu captæ Urbis enervati, onusti q; præda, omni decori & laudi, quæ periculo parari possent, vitam anteferre, & partis divitijs atq; ocio frui velle videretur. Per hunc modū Lotrechius frustra provocato lacesitoq; hoste, ea copiarum & pugnæ ostentatione latus, quod hostes alias pugnacissimi oblato prælio defuissent, copias suas reduxit in castra, & septē fere sequentibus diebus quid consilij agitaret hostis expectavit, quum perpetuò in eadem planicie, inter duo castra quotidiana exercitatione, minutis & diversis eque-

stribus

stribus prælijs certaretur, decoro potius quam cruento spectaculo, quū ingens
 utrinque equitum multitudo, nihil intermixtis sclopettarijs, raro lethali vul-
 nere dimicaret. Cecidit tamen e Cæsarianis Teias Aghillarius levis armaturæ
 equitum præfectus, quum aurato insignis sagulo in aciem prodisset, & hostes
 cum ab illo splendido ornatu Aurantium esse existimantes certatim adoriren-
 rentur. Hic est ille Teias immanis sævitiae Hispanus, qui capto in Vrbe Lau-
 rentio Granio Signino episcopo, Romana florenti eloquentia, quum ille e-
 gens pecuniæ, & direpta domo redemptionis pretium ægrè expediret, sacra-
 tum caput insolenti vulnere propè discidit. Interceptus quoq; est Ferdinandi
 10 Gonzagæ alæ equitum signifer Campegius cum vexillo, quum frumenta-
 toribus præsidio missus in Gallos equites incidisset. Tum verò Cæsariani co-
 gnito Baleoni adventu, qui non procul inde aberat, movenda castra statuunt,
 & recta Neapolim multis de causis contendendum censent, ut ibi certiore spè
 commeatus, & maioribus præsidijs bellum gereretur. Sergianum verò Carac-
 ciolum cum sua cataphractorum ala, duabusq; Hispanorum, & quatuor Italo-
 rum cohortibus Melphim ipsius Sergiani ditionis urbem, ut præsidio sit di-
 mittunt, multisq; relictis ignibus, crasione matutina aura tecti, deceptis Gal-
 lis & præmissis impedimentis, peditatuq; omni novissimum agmen validi e-
 quitatus præsidio firman, & per Creppacori iuga, quæ sunt arctæ fauces, e
 20 Samnio in Campaniam descendunt, serò persequentibus Gallis, qui in ea ex-
 ortæ nebulæ caligine, de discessu hostium nihil pro certo explorare potuerāt.
 Nec multo post Horatio Baleono obviam missis equitibus eius legionem ab
 apparatu specieq; militum cumulatè laudatam cum mutua gratulatione in ca-
 stra receperunt. Tum verò apud Lotrechium in consilio disputatum est, an
 hostè prælio decertare non ausum, & ex ignobili discessu in non dubiam con-
 versum fugam, uti credebāt, persequi præstaret, an expediendis commeatibus,
 nihil in tergo nisi pacatum, omniq; metu vacuum relinquere. Guidoni Ran-
 gono, qui multi usus dux habebatur, ipsiq; item Valdemontio, & præfectis a-
 larum ferè singulis, uniq; præsertim Valerio Vrsino magnopere placebat in-
 30 stare abeuntium tergis, & proculdubio à clandestino turpiq; receptu perterri-
 tos & disunctis agminibus diversa itinera capientes, toto equitatu consecrari;
 fore enim ut insigne detrimentum novissimis inferretur. Si verò hostium e-
 quitatus ora cōverteret, ut postremi agminis terga tueretur, eum per sclopet-
 tarios Etruscæ præsertim legionis, qui essent summæ pernicitatis atq; peritiæ,
 facile sustineri atq; propelli, & si fugam intenderent, exui impedimentis: quo
 eventu nihil ipsis Romana præda onustis gravius, nostro verò militi lætius, et
 ad opinionem speratæ victoriæ confirmandam atque attollendam utilius &
 speciosius accidere posset. His Navarrus (si universi belli exitus spectetur) fa-
 tali sibi & Lotrechio, cæterisque ducibus & copijs maxime funesto consilio
 40 contradixit, veterem secutus belli rationem, ne si fervidis animis abeuntibus
 hostibus incumberent, ea omnis qua tum potirentur, adipiscendi commea-
 tus facultas amitteretur. Neque enim sperare debere, ut vicos & oppida com-
 meatibus plena, per quæ antecedens & prædabundus hostis transiret, diffu-
 gentibus metu incolis reperirent. Relinqui siquidem in tergo Melphim o-
 pulentā urbem militari præsidio & peculiaribus Sergiani reguli viribus con-
 firmatam, unde frequentibus eorum eruptionibus impediri atq; intercludi
 subvectiones frumētarias posse, nemo belli regionisq; peritus non dubitaret.

ita quæ sibi Melphim omnino aggrediendam expugnandamq; videri, & circumiecta oppida in potestatem redigi debere, ut nihil hostile retrò metuant, & deficientium ab hoste eius tractus populorum fama aucti, ex tuto Neapolim usque penetrent. Hæc apud Lotrechium sententia vicit, quum nec fugientes & perturbatos prope Cæsarianos Fortuna defereret. Nec mora Navarrus cum iusto tormentorum apparatu Melphim contendit, eisque prolatæ magnæ in muro hiatus fecit, sed nequaquam usq; adeo latum, ut non plus quàm bini aut terni milites irrumpere posse appareret. Subière tamen temerè atque audacius quàm expediret Etrusca vexilla, quæ quum per ardua eniterentur, & difficiliorem opinione aditum reperirent, multis interfectis & vulneratis re tro versa sunt, egregiè propugnante Sergiano. Cæterū Vascones & Cantabri Etruscis succelsere, magnaq; vi ad deiecti muri aditum dimicatum est, maiore oppugnantium cæde atq; periculo: quoniam Navarrus ut conglobatis cohortibus latiore ingressum pararet, tormenta in eam partem cōtinenter ita adigi iubebat, ut multi qui primi ascenderant, tergis pilas exciperent, & miserabilis sociorum strages ederetur. Sed his incommodis atq; vulneribus accensipriter Vascones & Etrusci, vi facta in urbem perruperunt, neq; quisquam ferè ex Hispanis & Italis qui erant in præsidio irati victoris sævitiem effugit, manavitq; cædes ad oppidanos tanta rabie, ut infantibus & foeminis ægrè parceretur, & victores inter se de captivis & præda rixantes catervatim manus confererent. quæ res cæsum stragem accumulavit: Nam à Navarro circiter quingenti omnis generis milites desiderati sunt: ex oppidanis autem & præsidariis cohortibus & turmis supra tria hominum millia cecidisse referuntur. Captus est ipse Sergianus Caracciolus, qui constantissimè, uti debebat, suam urbem defenderat. Melphi expugnata, Venusini Gallis deditiōem fecerunt, quorum exemplum secuta sunt pleraque oppida Lucaniæ & Apuliæ, apud quæ non ingratum erat ex veteribus studiis Gallicum nomen. Atque eo modo Navarrus quum nulla hostium manus occurreret, ad Lotrechium reversus est. At Cæsariani ex itinere Arriano oppido direpto, quod Arrianienses ex vetere factione Gallorum adventum expectare viderentur, præter Avellinum & Montefusculum lacteis figulinis nobile, tripartito agmine, quum Aurantius cum Germanis præcederet, Gonzaga cum equitatu latè diffuso, quod nemo instaret hostis, subsequeretur: & Vastius cum Hispanis Nolam peteret, paucis diebus uno ferè tempore Neapolim contenderunt. Cæterum Hispani ad Nolam more suo stipendia flagitantes, vix concionantis Vastij cohortatione, ad seditionem consternati, in officio contineri potuerunt, increpita scilicet malignitate atque stultitia eorum, qui præda divites instante tergis hostis, stipendia vel merita, importunissimo tempore postularent. Ad id impudentiæ facinus milites Dorbini opera incitatos Salsedus eximie virtutis veteranus dictitabat, non obscura dignitatis obrectatione, quando is ad honorem magisterij castrorum, quo Dorbinusungebatur, vehementer aspiraret. Quade causa Dorbinus ut calumniam dilueret, capitale ausus facinus, spectante Vastio in Salsedum ensē destrinxit, ei que brachium discidit. Eius atrocis & insolentis facti conspectu acriter permotus Vastius, in Dorbinum irruit, sua manu Salsedi iniuriam, & percussoris temeritatem vindicaturus. Quo animadverso Dorbinus ex irati ducis oculis vitæ suæ periculo, in genua procumbens, gladij cuspidē comprehensi capulum duci porrigēs, hoc inquit in meam

necem

necem utere Imperator, qui iracundè potius quàm iniquè nominis tui offensa maiestate deliquerim. Tanta enim erat erga Vastium vetus Dorbini reverentia, ut effugere metu mortis dispuderet. Hic demissi & supplicis, nec mortem deprecantis habitus paratam semper in Vastio generosi animi clementiam facile excivit, ei que non modò pepercit, sed pristinum honorem qui erat summus in exercitu etiam conservavit: quod strenuissimi viri eo gravi bello virtutem magno sibi usui futuram iudicaret. Sed Salsedus nequaquam mortiferi vulneris, sed implacabilis animi dolore multos post dies Neapoli excessit è vita. Quum Cæsariani duces ad Neapolim coniunctis copijs pervenissent, & Vastius orantibus Neapolitanis, & sese omnes affatim commeatus suppeditaturos pollicentibus, castra idoneo loco extra urbem ponenda censeret, Vgonis Moncatæ, & Alarconis sententia prælata est, qui introducendum in urbem exercitum contendebant: quoniam dilabentibus, & in fidem nutantibus quibusdam Andegavensis factionis regulis, populum ab insita levitate novis rebus & regibus semper studentem defecturum crederent, quum primum Gallica signa conspiceret. Contineri enim in officio & fide facile posse præsentibus, & portas & mœnia tuentibus militum præsidjs: quando paratus esset in urbe, & in arcis horreis frumenti & commeatus omnis generis copia, vique præsertim, qua una re allici promereri que Germanorum animos constaret. Hanc reliqui duces Aurantius & Gonzaga militibus id expetentibus favere soliti, sententiam approbarunt, vel graviter reclamante Vastio, qui eo consilio urbem miserè & propè hostiliter à socijs dirèptam iri intromisso exercitu prædicabat. Sed nihil eius ante provisæ calamitatis detrimentum externorum ducum animos permovebat, utpote qui neglecto omni civium incommodo, uni tantum defensionis urbis, publicæque militum saluti prospicerent. Atque ita frustra lugentibus Neapolitanis per idonea urbis loca exercitus regionatim est distributus. Nec multò post Lotrechius cum omnibus copijs in conspectum se dedit, castrametatusque editis in collibus, & perductis perpetuis munitionibus quæ ad mare usque pertinerent, præaltis atque admirandis aggeribus se circumsepsit, ipseque in Aragonij Montaltii villa prætorium fixit, quæ exeuntibus ab urbe Campana via ad dextram relinquitur. Navarrus autem diversis constitit in iugis, qui ad levam ultra divi Martini collem vergunt, & Ianuariæ portæ imminet, & in Ioannis Roschii villa minutissima castra constituit, eo consilio ut longam obsidionem terra mariq; instituerent, & vicinas Neapoli urbes Capuam, Aversam, Puteolos & Nolam, quas occupant, præsidjs obtinerent. Tum verò Gallorum antecursores, atque admixtæ aliquot sclopettariorum cohortes ab æde divi Antonij ad Campanam usq; portam decurrerunt, in quas Cæsarianorum globus erupit, certatumque est tumultuaria pugna, sed paucis utrinq; interfectis, quum Galli aucti numero vehementer urgerent, Cæsariani cadente Verreio intra portam compulsi sunt. Hic Verreius, ut supra diximus, ab Hispania missus à Cæsare Romam ad duces mandata detulerat: verum postea depravatus malignitate quorundam, ne interesset factionibus quibus Pontifex dimitteretur, astutè quidem, sed levissimè Neapolim concesserat, primusq; improbæ suæ voluntatis poenas dedit. Exinde cunctis serè diebus levia certamina ferebantur, quum Galli audacter procurrerent, & Cæsariani erumpentes novi hostis ferociam egregie sustinerent. His minutis prælijs nonnulli utrinq; ceciderunt, quod inter-

mixti equitibus sclopettarij rem gererent, & eos dispersos Hispani levis armaturæ equites turmatim aggredierentur. Per hunc præliandi morem Roscinius Ciarius nobilis atq; fortissimus inter Etruscos iuuenis, quū suos dispalatos recpere conaretur, ab equitib. est interfectus. Interim Neapolitani inexpectata ab Hispanis atque Germanis domesticarum rerum detrimenta perpessi, & duriora indies expectantes, sese privatis obsidionis ærumnis, periculoque publico eripere cœperunt, atque inde nauigantes in proximas Capreas, Aenariam, Prochitam, & Surrentini litoris tuta ab hoste atque salubria loca se conferebant. E proceribus quoque Neapolitanis plerique dilapsi sunt, & in his mutata fide multo maxima pars Andegauensis factionis ad Gallos transijt, priusque omnium Vincentius Caraffa Montis sacrae arcis oppidi regulus, Cæsarianis diffidens rebus ad Lotrechium se contulit. Huius viri iudicium quod exactæ militaris prudentiæ haberetur, multi sunt temerè subsecuti, quod à tanto viro consilium anceps, nisi graui cum ratione susceptum non existimarent. Ex his fuere Caracciolus Murconij Comes, Ferdinandus è Pandona familia, Bouiani regulus, Federicus Gaetanus, Franciscus Aquinas Quadratae in Apulia regulus: qui demum finito bello aut securi percussi, aut bonis mulctati, maleficiae & infidæ levitatis poenas dederunt. Sergianus quoque Caracciolus qui animo tam forti quàm fideli apud Melphim captus fuerat, quum aliquandiu summis precibus ab Aurantio, ut redimeretur, impetrare nequiuisset, ab hac contumelia indignabundus Lotrechio liberanti sese addixit, dictoque sacramento à rege alæ equitum præfecturam promeruit, & decora sacri ordinis nobilium procerum torque donatus est. Interea Neapoli quanquā magna frumenti copia suppeteret, conficiendi panis difficultate usque adeo laborari cœptum est, ut Germani præsertim frumento cacabis excocto vescerentur. Nam & frumentariæ molg quæ sunt ad Sebethum fluuiolū, & aliæ quæ sunt in Glaniamne ad Acerras, atq; Suessulam, in potestate hostiū erant, cui incommode solerter occurrebatur ab Hispanis & Italis qui paruas è lapide suburbano molas manu ductiles confecerant, quibus triticum egregiè, sed nequaquam assuetim molebatur. Nec vini iam tanta supererat copia quæ satis esset Germanis, a quæ potum tanquam visceribus noxium abominantibus. Eius quidem desiderio tanquā æquum & debitū postulantes uniuerfas propè vrbis cellas cum fremitu scrutabantur, sic ut Daualam ipsius Vasti domū sæua irruptione violare non veriti, aliquot Græci vini dolia, subter hortum manufactis scrobibus recondita, ex indicio infidelis fabri detegerent, factoque totius exercitus concursu, perpotando galeis & aquarijs cuppis asportando ocysimè exhaurirent, quū modicè parcendo, omnibus per aliquot dies suffectura crederetur. Interea accitus à Lotrechio è Genua Philippus Auria, Andreae Auria Gallicæ classis præfecti legatus, cum octo triremib. circa Neapolim venit: cuius adventu propè omnis advēitij commeatus spes hostibus inrerclusa videbatur, eoq; arctius quod supra Ligusticam classem, Venetorum quoque triremes circiter viginti superato Messanae freto ad invadenda obtinendaque litora, propediem venturæ nunciabantur. Quarum fama adducti Cæsariani duces, priusquā Venetę triremes Siciliae fretū transirent, cum Philippo configere statuerunt. Habebant Cæsariani sex tātum triremes, biremesq; duas, confisiq; virtuti militum, & quatuor magnarum navium scaphis quas sclopettarijs impleuerant, & reliquis pari ratione minoribus nauigijs, quæ frahatae vocantur, concurrere rostris,

rostris, manusque conferere minimè dubitabant. Erat enim cum Vastio, qui
 cum Vgone Moncata prætoriam conscenderat, delectorum flos militum. Nam
 Dorbinus accuratè fortissimum quemq; et Cantabrico mari affuetum viritina
 delegerat, & in his promptissimos centuriones atq; signiferos, quos nihil ma-
 ris nausea atque iactatione perturbari consueſſe didiciſſet. Conſcendit quoq;
 & ipſe magiſter equitum Aſcanius Columna, & pleriq; alij viri inſignes ſua
 ſponte nihil de victoria dubitantes: & ne Germani quicquam Hiſpanis de vir-
 tute concederent, Conradino Glornio duce circiter duceti duas triremes com-
 plexerunt, magnaq; alacritate è Pauſilipo ſolventes, ad inſulam Capreas con-
 tenderunt, atq; ibi iuxta fontes ex iocundiore mora largius epulati, Conſalvo
 etiam Barectæ Luſitano cucullato, qui religioſæ ſoliditudinis cauſa illis in ru-
 pibus tugurium condiderat, concionanti aures præbuerunt. Is vehementiſſi-
 mè cohortatus duces ſingulos obteſtabatur, ut priſtina virtute uti, pietatiſque
 patriæ memores, crudeles ulciſci Ligures, atq; eos acri maxime impetu inva-
 dere ad non dubiam victoriam vellent, ſcilicet ut tot miſeros Hiſpanici gene-
 ris viros longe fortiffimos, quos illi perpetuis verberibus & contumelijs af-
 fectos, & pro ſervis remigibus cathenatos ad tranſtra detinerent, ærumnoſa
 atq; infami ſervitute liberarent. Dum prolixè atq; inflammatè Barecta concio-
 naretur, Biordus Agneſius Neapolitanus non tam Gallicæ factioni addiſtus,
 quam Hiſpanorum arrogantiaſ infenſus, in adverſum inſulæ litus ſe demiffit,
 & veloci vectus navicula ad Philippū advolavit, primuſq; certum nuncium
 tulit de numero apparatusq; & ducibus Cæſarianaſ claſſis. Quo cognito Phi-
 lippus ſupplementum unius centurię ſclopettariorum à Lotrechio poſtulavit
 & accepit. Nec diu poſt Cæſarianaſ claſſis pluribus expanſis vexillis conſpicua,
 à Capreis diſcedens in conſpectum hoſtium ſe dedit. Erat tum Philippus o-
 ram legens Salernitani litoris ad Concham ſtationem, quam promontorium
 tenue, Vrſi caput à nautis appellatum, ſuo obiectu efficit. Id abeſt non magno
 ſpacio à prominentiore Campaniæ promontorio, quod Athenęum antiqui-
 tus dictum, hodie Capellam incolæ vocant. Ea ſpecies ornatiffimæ hoſtium
 claſſis non mediocriter Ligures commoviſſe viſa eſt, ſed rei navalis periti, eam
 mox non ineptè contemplerunt tanquàm ſecus ac diſciplina flagitaret, nullas
 ad mali ſummitatem caveolas, quas gattos vocant, habentem. Eæ cavæ ſum-
 mis alligatæ malis ſingulos ſpeculatores ſimul & propugnatores continent,
 ſicuti in carcheſijs onerariarum navium fieri videmus, è quibus deni & ſæpe
 pro navigij magnitudine viceni homines ſaxis, atq; miſſilibus propugnant.
 Tum verò Philippus advocatis in prætoriam navem trierarchis, his ferè ver-
 bis eos allocutus eſt, digito adventantem hoſtium claſſem oſtendens. Viri in-
 quit generoſi invictæque virtutis, cives optimi, magnum hodie (uti video) ex
 certa propè victoria decus proponitur, quum numero triremium, cunctiſq;
 rebus bellici apparatus, & fortitudine animorum, peritiq; rei navalis præſte-
 mus. Sint utiq; hoſtes noſtri, ut ipſi iactant, egregie pugnaces terreſtribus præ-
 lijs, in navali certè cōcurſu, neq; diſcurrere, neq; ſe conglobare expedire pote-
 runt, quum inter tranſtra & anguſtis in foris ſibi ſit dimicandum excipiendeq;
 ſint, uti ſors feret, tormentorum pilæ, quum nullus receptui, aut declinationi
 locus propugnantibus relinquatur, præpediente præſertim remigum turba,
 quæ obiecta ictibus, & ſuo periculo terreſtracta, facultatem conſiſtendi, aut lo-
 cum mutandi prorſus eripiet. Itaq; quum nihil de receptu nobis ſit cogitandū,

& ne dedecus admittatur, omnino sit cum oblato hoste confligendum, existimate veterum maiorumq; nostrorum gloriam tot prosperis navalibus preliis partam, in dextris vestris atque peritia esse repositam. Hanc uti reor quisque optimus civis, non conservare modo, sed augere plurimum debet, ne degeneres atque obliti disciplinæ à socijs pariter atque hostibus existimemur. Ipsum verò Andream Auriam imperatorem nostrum præsentem adesse putatore, & virtutis ac ignaviæ futurum testem, ut fortibus digna, aut æquo iure ignavis ignominiam paret. Trierarchi vocem sustulerunt, quam alacres & pugna avidi edere solent, paucisq; verbis de excipiendi atque invadendi hostis ordine inter se constituentes, ut quæ in rem opus forent, aptè pararent, ad triremes suas continuo redierunt. Summa expediti decreti fuit, ut Philippus quinque rostratis suis in hostem inveheretur, cū reliquis verò tribus Nicolaus Lomellinus in altum evadens, ubi cœptum foret prælium, capto circuitu, reflexoq; opportuè remigio in puppes lateraq; hostilium navium prætoriam præcipuè petita audacter incurreret. Itaq; Philippus è promontorio in apertum mare progrediens, sese ad pugnam obtulit: neq; Vgo vel ob ideam detractare ausus est, quòd tres quas diximus Lomellini triremes concepto metu aufugere crederet, & iniqua conditione quinas Aurianas secum concursuras arbitraretur. Vbi appropinquatum est, ambæq; prætorie ad mutuum concursum proras dirigerent, Vastius salubri ratione Vgonem hortabatur, ut prior maius tormentum emittere properaret, ut exorta fumi caligine hosti certior ictus eriperetur. Sed Vgo qui rei navalis peritissimus existimari volebat, & dudum cunctis veteribus trierarchis ad Capreas pugnae aleam minimè subcundam differentibus, ignavia increpita contradixerat, tam diu displodere tormentum distulit, ut Philippus in id sedulo intentus, atque aptè collimans suum ingens tormentum, quod Basiliscum appellabat, in hostem emitteret. Huius immanis pila perfractis supra rostrum crassioribus pluteis, qui Rambattæ vocantur cū horribili strage hominum per foros à prora in puppem pervolavit tanta violentia, ut discerptis supra triginta partim militibus, partim navalis officij magistris & remigibus, etiam in ipsa puppe multos insignes discerperet, & in his Petrum Cardonium Siculum, Vastij propinquum, qui geminos fratres Valpergas Masinij regulos, obtreffatione amatoria apud Mediolanum interfecerat, & Leonem Talsinum Ferrariensem, à quo Gevarræ Potentiani reguli filius ex similitate Vastij cum patre concepta magnæ spei adolescens, in fons nuper fuerat confossus. His accessit Gusmanus Hispanus miræ dulcedinis citharædus, qui ioci causa (uti fata trahebant) consensis iam principibus & oratione solventibus, in prætoriam per remos prorepserat, sic ut horum cruore atque visceribus Vastius & Vgo scædarentur. At Vgoniani libratores ita suum ingens tormentum in Philippi prætoriam direxerunt, ut præpediente hostili fumo non magnum inferret detrimentum, quoniam Ligures secus ac Hispani non per foros expositi ictibus, sed ad scalmorum proiecturas, quas posticcios vocant, intra circumseptas solidis asseribus spondas proclinati, interremiges consistebant, & per fenestellas tanquam è mœnibus crassioribus sclopettis rem gerebant. Interim dispari Fortuna Cæsarianæ tres, quarum nomina hic minimè prætereunda putamus, Gibba Iustiniano Ligure veteri trierarcho, in qua propugnatoribus præerat Cæsar Feramusca, & cum hac duæ Catelani generis Secamia à Secamo impigro trierarcho, & Villamarina pa-

riter à Bernardo Villamarino nuncupatae, concitato remigio Aurianas duas
 Peregrinam scilicet & Donzelliam, quæ vox pedissequam virginem signifi-
 cabat, adactis rostris invaserunt, vehementiq; edito certamine in eas Hispani
 milites egregio ausu transfuerunt. His conspectis rebus Lomellinus opportu-
 ne ex suo flexu conversis proris uti constitutum imperatumq; fuerat, ad nava-
 dam operam advolavit, tantoq; impetu in hostilem prætoriam invehit, ut
 eo ordine, ut uno tempore tria maiora tormenta in hostem disploderentur.
 Maura puppem deterfo gubernaculo perfregit. Cæterum patrona quæ ab in-
 aurata Neptuni imagine Neptunia vocabatur, disturbato foco, & aliquot re-
 migibus disceptis malum perfringens, ita convellit, ut quod miserrimum &
 in multis lethale fuit, antennis conciderent, quarum casu complures oppressi
 sunt, & in his Hieronymus Tranensis, qui in universa tormētarij negotij præ-
 sectura Antonello patri Cæsaris munere successerat. Domina verò quæ ma-
 tronæ perornatae ad puppem signum præferebat, rostrum & reliqua proræ
 tabulata decussit. Nec mora eæ tres conversis remis iam ab hoste Peregrinæ
 atq; Donzellie captis maturè opem tulerunt. Porro Mauratum peritissime se
 se circum volvens in oppositam Gibbam minorum & mediocrium tormēto-
 rum procellam grandinis modo effudit gravi Gibbæ periculo: nam præter e-
 pilbatas & remiges fœdè occisos, Cæsar etiam Feramusca Smerilij, quod est mi-
 noris falconis genus, pila traiectus in mare decidit: ipsi verò Iustiniano tri-
 rarcho femur glande traiectum, & Baredus centuriæ sclopettariorum præfe-
 ctus, tribus mortiferis vulnerib. est sauciatus. Alia in parte Perpenniana & Ca-
 labrensis Oriana nomē accipiens à familia trierarchi, qui inclyti olim navalib.
 victorijs Rogerij Oriæ stirpis esse dicebatur, quū hostiles Syreniam atq; For-
 tuniam adortæ, utramque magno affecissent incommodo, & fere in potesta-
 tem redegressæ, conspecta suorum clade incolumes in fugam se dedere. De-
 sperata namque victoria, quod stratum viderent prætorie vexillum, & Vila-
 marinam atque Secamiam circumventas, subindeque receptas, quas Hispani
 paulo ante occupassent Peregrinam atq; Donzelliam, dispalatamq; scapha-
 rum & biremium classiculā conspicerent, sese servare Cæsari, quam cum reli-
 quis eundem adversæ sortis casum subire maluerunt, quanquam id consilium
 uti nimis properè captum à multis improbaretur. Ab hac duarum trirremium
 fuga, ex templo concessa est Philippo victoria: nam Vgo qui rotundo prote-
 ctus scuto, nudatoq; ense paululum à puppe discesserat, dextrum glande bra-
 chium, coxamque sinistram parvi falconis pila ictus ceciderat. Vastius quoq;
 in cervice iuxta aurem fictili globo incendiarij pulveris graviter vulneratus,
 crebrisque lapidum è gattis iaculationibus contusa galea malè mulctatus, &
 Ascanius Columna dextra, & altero pede debilitatus Lomellino deditionem
 fecerant. Philippo autem in paranda victoria magno usui fuerunt Mauri,
 Turcæque remiges, quos promissa libertate exutisque compedibus, & distri-
 butis armis ad prælium accenderat tanquam veteres Hispanorum hostes, V-
 gonisq; præsertim nomini infestos. Hi nanque longè fortissime atq; audacissi-
 me dimicantes in hostiles triremes transcendere nudi prorsus, & gladijs scu-
 tisq; contenti nō dubitarunt, mortuoq; Vgoni barbarico fremitu aliquandiu
 illuserunt, cadaver circumflectentes, & cum risu interrogantes, num ad invadē-
 da Africalitora esset reversurus. Per hunc modū ad Vrsi caput Amalphitani
 litoris navali prælio, quo nullum ætate nostra cruentius fuit, decertatum est.

Nam septingenti circiter veterani milites Hispani, præter totidem remiges & nautas Cæsarianæ classis, aut trucidati, aut demersi periêre: & Philippus victor in nuiversum epibatas & remiges ad quingentos, & in his aliquot peritos gubernatores & nautas, atq; unum omnino trierarchum desideravit. Ex hostilibus duas triremes, & ad has biremem, aliquot scaphas, mioparonemque unum, quem brigantinum vocant, demersit, binisque in altum, ut diximus, fugientibus, reliquas duas in quibus erat prætoria manu cepit: quibus suarum quæ tormentis quassatæ fatiscebant numerum supplevit. Præter Vgonem & Feramuscam fortissimi cohortium præfecti, interfecti sunt Macinius Daia Cantaber, Ioannes Biscainus, Zambronius atque Baredus. In potestatem vero vivi devenire, præter ipsum Vastium & Ascanium Columnam, Franciscus Hicardus trierarchus, Ludovici arcis Neapolitanæ præfecti Germanus frater, cui pugnantigravioris tormētī pīla ab ima nate pulposum femoris tori horribili, sed non mortifero ictu, quod habitus esset prepinguis, abripuit. Philippus item Cerbellio sine vulnere, & Ioannes Caietanus, Vaurius Belga, Acogna Gallus Borbonij profugi satelles, & Seronius Hispanus Neapolitani senatus scriba, illustresq; equites Camillus Columna, & Annibal Gennarius Vgonis amicitia clarī. Reliqui centuriones atque signiferi, militesque qui non essent vulneribus debilitati, iniectis cathenis ad remum translati sunt, ut in locum demortuorum & Barbarorum qui edita forti opera libertatem meruissent, opportunè succederent. Hæc fortasse aliquanto curiosius atque diffusius quam institutus præalti operis labor brevitatis admonēs postulare, descripsisse non piguit: quoniam hæc pugna inter memorabiles nostri seculi maxime funesta extitisse visa est: & ego totius eius prælij eventus certissimus testis, & propemodum spectator fuerim, quum in Aenaria, ubi tum eram Romana acce elapsus, atque liberaliter à Vastio receptus, reboatu tot tormentorum exaudito, qui per maris æquora longissimè diffunditur, commissi quidem prælij fama, sed incertæ victoriæ rumor nunciaretur. Obsecrantibus enim nobilissimis mulieribus, quæ de salute coniugum vehementer erant sollicitæ, ut honestissimum pietatis officium implerem cum duabus frahatīs validissimo remige instructis, fretus Philippi (si fortè victor evasisset) amicitia ad classes contendī. Is nihil ea victoriā elatus appulsum humaniter suscepit, facultatemque continuo concessit, ut duces captos in Mauræ trireme custoditos inviserem: quibus ideo gratissimus adventus meus fuit, quod de uxorum salutē nuncium & opportuna quædam eorum calamitati lenimenta deferēbam. Ab his de ratione eventūque prælij sigillatim edoctus, rediens ad Philippi prætoriam, mare cadaveribus constratum conspexi, sicut Philippus benignè studioseque differens, ea quæ audieram magna ex parte confirmaret, & multa quæ sibi accidissent, copiosè atque fideliter enarraret. Eius verò tanta fuit humanitas, ut à se inaurata Vastij arma, me deposcente, impetrari pateretur. Timebat enim Vastius ne Genuæ in trophæi morem, quod essent speciosissima celebri in templo, uti voto dicata suspenderentur. Quum essem apud Philippum supervenit Ioachinus Levantius Ligur à Lotrechio missus, qui deposceret captivos, sed ille negavit se daturum, quando eos ad ipsum Andreā Auriam ammirantem deducendos esse iudicaret. Vgonis verò cadaver, ut illudentium Barbarorum contumelijs eriperetur, ad Amalphim urbem delatum est, in aedemque Andreæ Apostoli tumultuarijs exequijs tumulatum. In hac urbe citiorum

rum & medicorum odoratis nemoribus æquè peramœna & celebri, Magnæ
 tis usum navigantibus hodie familiarem & necessarium, ad inventum fuisse
 incolæ asserunt. Celebratur quoq; hæc urbs admirabili liquore, qui ex sepul-
 chro apostoli quod est ad aram templi maximam, exsudat. Hunc religiose col-
 lectum æditui languentibus mirè prodesse persuasum habent. Ferunt Clemen-
 tem, ubi ex literis, quas ad eum ex ipsa Philippi victoris prætorii perscripserat
 de eventu eius navalis pugnae certius didicit, vel ob id magnopere fuisse læta-
 tum, quod ipse Vgo Moncata, & Cæsar Feramusca præcipuè cecidissent, quo-
 rum ille occupato Vaticano, & sacrarijs augustissimi templi direptis primū
 intulerit vulnus: hic vero ab Hispania pro legato Romam missus, nequaquam
 sincerae Cæsaris voluntatis ad traducendum falsus vades extiterit, ut immor-
 talis demum DEVS totum id impietatis atque perfidiæ scelus, non serus ul-
 tor vindicaret.

PAVLI IOVII NOVO-
 COMENSIS EPISCOPI NV-
 CERINI, HISTORIARVM
 S VI TEMPORIS

LIBER XXVI.



SECUNDVM adversam navalem pugnam Cæsariani duces nihil sese animis demiserunt, tametsi ex utraque classe vetera-
 ranorum militum longè fortissimos amisissent, & iam Philippo victrici sua classe captivos in Liguriam perdu-
 cente, Petrus Landus, qui postea Venetæ Reipubl. effe-
 ctus est princeps cum viginti rostratis navibus à Mes-
 sanæ freto in Campaniam pervenisset. Superioribus nam-
 que diebus Corcyram delatus, ascito sibi cum aliquot tri-
 remibus Ioanne Moro Hadriatici sinus præfecto, Apuliæ oppida prosperè
 tentans Molam, Polygnanum atque Monopolim, quod hæc urbes iam pri-
 dem moderato Venetorum imperio assuetæ, ab Hispanis cupidissimè rebela-
 rent, in deditionem acceperat, & quum Brundisini ei portas aperuissent,
 alteram quæ à terra est urbis arcem oppugnare parabat, eo belli successu, ut
 omnibus Apuliæ & Calabriae, Salentinorumque oppidis potiturus esse cre-
 deretur, nisi acceptis à Senatu literis, superare Siciliae fretum iussus, interrup-
 to victoriae cursu ad Tyrrhena deflectens litora, Neapolim vela direxisset.
 Itaque Landus adventu suo legendo oram ab Athenæo Minervæ promon-
 torio usque Misenum mare intercluserat, ne ullum omnino navigium quo
 importari commeatus posset, Neapolitanum in portum proveheretur,
 perpetuisque custodijs à Cumano littore usque ad Formias, & Caietam
 extendebatur, & turrem quæ est ad ostium Liris amnis, tormentis ali-
 quando quassarat, molisque subinde frumentarijs, quæ sunt ad Scauros

potitus, minoribus etiam naviculis, quæ moliti tritici, & recentem pomorum ac hortensium rerum copiam obsessis expetitam adveherent, commeandi facultatem eripuerat, tanta severitate, ut quosdam bis captos, laqueis in antenna suspendi iuberet. Sed is terror nequaquam erat tantus ut spem lucri in quibusdam minueret, navicularijs scilicet hominibus sæpe velocissimo intercursum triremium stationes eludentibus, quum ab Aenaria & Capreis, Prochitæque, & Surentinis vicis solventes, felici audacia sese Neapolim inferrent. Quibus rerum subvectionibus obsessi veluti oblato recenti obsonio mirum in modum lætabantur, quandoquidem ingens eis frumenti copia abunde suppeteret, unde famem vel in multos menses minimè timendam prospicerent. Quod verò conficiendi panis deesset facultas, huic desiderio varijs contusi, & ahenis excocti tritici pultarijs occurrebant. Quotidianæ quoque exercitationis maioris & minoris pecoris præda ex hostico rapta, opportunè panis inopiam sublevabat. Nam nocturnis excursionibus emissæ prædatum turmæ cum præsidio peditum semper aliquid recentis obsonij referebant. Sed unus in Campania famosus latro, qui Verticillus appellabatur, quum exul præteriti malefici veniam ab Aurantio per Fabritium Maramaldum impetrasset, obsessos in vecto multo pecore mirificè adiuwabatur. Et si quidem saltuosus & nemorosus locis assuetò notissimi erant obliqui tramites, quibus Campania, suburbanæque præsertim ad incertum iter obsita est, eratque ita familiaris vicis atque oppidis, ut quot boum iugis ager araretur in numero haberet, solertissimeque insidiosus, ubi maximè nocere cuperet, quam volebat prædam abigeret, usque adeo feliciter vitatis aut deceptis Gallis, ut una nocte supra centum boves Neapolim perduceret usque, & ad belli exitum nihil industriam suam, uti pollicitus fuerat, usquam remittens, sæpe iuxta hostium castra impunè prædaretur, sicut Gallis frustra indignantibus magno detrimento foret, & Cæsarianis singulare commodum attulisse diceretur. Sed is confecto demum bello, ita inexpectatum eius beneficii præmium tulit, ut à Prætoris Capuæ viro Hispano, & uel per runque sit eius spolijs inhiantes, comprehensus in furca suspenderetur, iusta quidem veteris malefici poena, sed omnino iniqua, si recentis publici beneficii memoria spectaretur. His Cæsarianorum terra marique obsessorum incommotis permoti aliquot Neapolitani proceres, ne inclinatae victoriae eventum cunctantius expectare viderentur, in oppidis suæ ditionis Gallica vexilla sustulerunt. Novum etiam in Brutijs adversus Cæsarianos excitatum est bellum, quum plerique circa Cosentiam Andegavenis factionis nomen ex prioris belli memoria libentissime complecterentur, cohortante eos ad rebellandum Simone Thebaldio Romano duce impigro, qui in eas regiones cum ala equitum, tumultuarijsque cohortibus (ex itinere siquidem milites conscribebat) à Lotrechio fuerat missus. Iam æstas à solstitio in autumnum inclinabat, & tertius obsidionis mensis agebatur, quum Ferdinandus Gonzaga sibi aliquid graviore eruptione tentandum ratus, Puteolana via per cryptam perforati olim à Cocceio Pausilipi montis, validam equitum & peditum manum eduxit, eo consilio ut hostes ab Aversa atque Puteolis excurrentes in insidias, uti evenit, præmissis Epirotis equitibus pertraheret. Favit astuto consilio Fortuna: nam quum Zucerus Epirota & Iannitius Hispanus sese ostendissent, non continuè se Galli equites, in quibus erant Scotorum cataphractorum turmæ, quin patefactis Aversæ portis, in conspectos statim hostes erumperent.

In quos Gonzaga qui depresso in loco iuxta Regiam Belvederij villam confederat, ex insidijs opportunè confurgens magnā eorum partem à levi armatura circumventam facto vehementiore impetu fudit, & quòd essent gravioribus protecti armis, & segnis utentes equis interceptit, usq; adeo graui cum dolore damnoq; Lotrechij, ut Aversani præsidij curam duplicato amissorum equitum numero confirmaret, quòd hostium audaciam, qui illuc usque insolenter excurrere atq; prædari consueuissent, iusto aliquo certamine vindicandam, pariq; astu acceptum incommodum omnino sarcindum esse iudicaret. Nec multos post dies Gonzaga, qui de Aversano equitatu adaucto didicerat, avidus rei gerendæ in eadem loca ampliores copias quæ frumentatorib. præsidio forent, eduxit. Nam tum demessæ segetis plenissimus erat ager, quæ res agalones et pabulandi simul, & frumentandi cupidos vehementer alliciebat. Gonzaga constituto ad tendendas insidias hoc ordine procedebat: cohortes Germanorum idoneo in loco collocantur (agminis enim frontem obtinebāt) ipse cava in valle quam latrocinijs infamem Pecoream incolæ vocant, cum equitatu levis armaturæ, & cohorte una Hispanorum se condidit, quum antea Garzie Manrico, ut cum sua cataphractorū ala in postremo agmine frumentatoribus præsidio foret, præcepisset. Theodorum verò Bocalum Spartanum senem inclytæ virtutis ducem cum suis alarijs præcurrere, & sese ad Aversam hostibus ostendere iussit, ut inde excitos præproperos natura homines simulata fuga in insidias eliceret. Sed Galli recenti suo malo edocti non iam turmatim dissipati, verum densato agmine in quo erant equites galeati amplius mille, et pluribus expeditis sclopettarijs unà desumptis, usque adeo graui impeturetro se vertentem (ui à Gonzaga præceptum fuerat) Bocalum invasere, ut quum fugientem acriter persequerentur, ei institutum iter præciderent, sic ut Græci equites cataphractorum metu, ipseque Theodorus, alia quàm putarat via per campos patientiores effusè profugere sit coactus, & Gonzaga quòd ille secus ac præceperat tam diu tardaret, suspensè miraretur. Itaq; expectabundo & circumspectanti, inexpectati hostes superueniunt, dispalantur Græci equites, frumētatoribus perturbatis præsidium, cataphractorum improvise invadentium Gallorum impetu propellitur, & in fugam conijcitur. ipse Gonzaga multitudine celeritateque hostium ferè oppressus, magnum salutis discrimen subiit, quum sese è loco ad insidias tegendas idoneo, sed sinuosè anfractuoso, celeriter explicare non posset, & ut manus hostium effugeret, dimisso equo in pedes desilire, & ab alta præruptæ vallis crepidine se deicere cogeretur, ut id faceret suadente Francisco Ario equitum præfecto: atque eo modo per medios hostium sclopettarios qui ab accliuibus locis imminebant elapsus, consenso ignobili equo quem tubicen obtulerat, periculo se explicuit. Galli qui cataphractus fuderant, Garziæque Manrici legatum alæ Suatium ceperant, ipsoque alæ vexillo fuerant potiti, in Germanos iniquo in loco malè conglobatos se conuertunt, & equorum impetu perturbatos, quanquam acerrimè resistentes, magna ex parte trucidarunt. Reliqui terga dare coacti, permixti que equitibus, per tenebrosam cryptæ iter amisso vexillifero qui signum servare frustra fuerat conatus, inter infestas equorum proculcationes Neapolim evasere. Neque postea nisi cautius à Cæsarianis frumentatum in eam regionem est itum, neque a Gallis usquam temere precursum, quod alterno successu par vtrinque audacia satis repressa & castigata videretur. Sub id tempus quum Lotrechiani aga-

nes, & hippagij pueri perducendis potum iumentis ad Sebethum amnicum
 qui frumentarias agit molas, & ad Podium quem ab Alfonfi regis villa,
 Regalem appellant, uberrimis fontibus insigne, quotidiana consuetudine a-
 quarentur, & Hispani agiles insidiosique milites manipulatim Carmelitana
 porta exirent, deiectisque agasonibus equos eriperent. Nauarrus ea offensus
 contumelia novam munitionem erigebat comprehensa casa, quæ erat inter
 Podium stabulaque regia quæ sunt ad Magdalenæ templum, ratus se eilatro-
 cinio obviam iturum, si eo loco permunito perpetuæ custodiæ stationem im-
 poneret. Hac re cognita Cæsariani duces, validam manum quæ opus distur-
 baret, fervidissima diei hora emiserunt. In his fuere Ioannes ipse Dorbinus,
 Ripalta, Baracanes, atque Baredus, qui lactissimas habebant cohortes. Stabat
 Nauarrus sub sole linteo protectus umbraculo perficiendo operi intentus, cer-
 to tamen parato præsidio, ne quicquam incommodi à repentinis hostium in-
 cursionibus acciperet. Itaque ingruente Dorbino, excitata est tumultuaria pu-
 gna, & casa egregiè à Nauarro defensa, quum multi è maioribus castris eo de-
 currissent, & ante alios Etruscæ cohortis perniciosissimi sclopettariorum. Iamq;
 Dorbinus irritò conatu regredi parabat, quum Horatius Baleonus fatali te-
 meritate longius à sua munitione progressus, ut suos ægrè ad tympani soni-
 tum parentes, sua voce compelleret, atque reduceret, inermis à Cantabro gre-
 gario milite qui sese recipienti incumbibat, adacta in tergum alabardæ cuspi-
 de, quum à nemine nosceretur interfectus est: Vir impensè audax, & æque for-
 tis, sed natura sanguinarius, utpote qui semper cædibus propter factiones
 pueritia studuisset. Cæterum Dorbinus expugnandæ casæ frustra hærens, è
 superioribus Vasconum castris, quæ erant ad Ianuariam, ut diximus, portam,
 tormentis peti cœpit. Atque ita paucis utrinque occisis aut vulneratis, ignarus
 an ille esset Baleonus quem Cantaber occidisset, vitato tormentorum pericu-
 lo in urbem est reversus. In demortui Baleoni locum Lotrechius Etruscis co-
 hortibus præfecit Vgonem Pepulum, egregiè nobilitatis notæque virtutis vi-
 rum, quem legati Florentini Marcus Nerus & T. Soderinus multis de causis
 comprobarunt. Nec multo post novi Duces, nunquam intermissa erumpen-
 di, atque invadendi hostis consuetudine, quod interdum Dorbinus facere no-
 quivisset, noctu perficere posserat, expugnandæ casæ, inuadendæque muni-
 tionis negotium susceperunt. Eorum princeps fuit Ioannes Almeda, qui for-
 cios sibi asciverat Cornegium, & Sancium Vargam. Hi cohortium suarum
 milites, albentes tunicas superinduere iusserunt, sicut sæpe aliàs factum fuisse à
 Piscario Vastioque meminimus, ut insolito cultu hostes perterrerent, & inter
 se per tenebras perspicuè dinoscerentur. Magno silentio eductum est agmen,
 & ad casam munitionesque pleno gradu perventum. Sed impetu facto cuncta
 apud hostes, quàm crediderant intentis excubijs paratiora, atq; instructiora re-
 pererunt. Nam Lotrechius unam præsertim à milite suo excubandi diligen-
 tiam exigere erat solitus, parata scilicet utrinque pœna, & propositis præmijs
 summa disciplinæ severitate fideque. Quamobrem Vascones, atque his in-
 termixti Etrusci, ac Heluetij qui de tertia vigilia in statione erant, conspectis ho-
 stibus sese celeriter erexerunt, expeditisque armis in munitione promptissime
 constiterunt, Hispanosque abrepere & conscendere conantes, omni telorum
 genere obrutos ita propulerunt, ut acervis cadentium fossa compleretur, mul-
 tique in ea sclopettorum glandibus traiecti, aut grauibz alabardis, & lanceis
 vulne

vulnerati occumberent. In quibus fuit dux ipse Almeda, mucrone per os recepto in fossam præceps deiectus. Itaque Cornegius, & Vargas strenuè reiecti, desperata expugnatione munitionis sese recipere cœperunt, verum in abeuntes & perturbatos subita eruptione facta Lotrechiani impetum fecerunt, tanta vi, ut Hispani debilitatos vulneribus relinquere cogerentur: eiusdem noctis victoria quanquam non magna, singulare tamen gaudium Lotrechio afferret. Neque postea Hispani, aut eandem causam oppugnare, aut munitiones aggredi, aut quicquid ab ea parte aduersus hostes iustis viribus tentare ausi sunt. Sed duces in id vnum gerendi belli consilium incubuere, ut nocturnis expeditionibus non modo suburbanos vicos sed remotiora etiam oppida invaderent, raptoque passim commeatu, & collecta præda reversi socios recrearent, adhortarenturque ad perferenda non diu duraturæ obsidionis incommoda, quando iam Gallorum hostium animi viresque labascere inciperent, & propiores obsessis quam obsidentibus videri possent: & iam affecta tetro castrorum odore militum corpora aut longis, aut mortiferis morbis tentarentur. Nam præterquam quod Galli Helvetique præsertim pomorum omnis generis maturescen- te vindemia erant avidissimi, quarum rerum intemperantia in gluvie facile febres erumperent, ipse etiam aer subiectæ regionis à putri depressorum camporum halitu factus insalubris, eos contagiosis ferè morbis infecerat. Quoniam Lotrechius ab initio quorundam exulum Neapolitanorum monitu tam importuno quam postea exitiali, aquæ perennis aquæ ductum concidisset, ut obsessis copiosissimorum fontium, qui multis per urbem locis syphonibus largiter lymphas fundunt, commoditatem eriperet. Necessario nanque tota ea aquæ vis multifariam corrivata per subiectam planiciem ita spargebatur, ut sensim exundante & mox subsidente humore, eorum camporum gleba putresceret, orireturque inde crassior nebula, excitata quidem sed semper indomita solibus, quæ ideo febres progigneret, et totis castris evulgaret. Ferebant etiam tum nonnulli (quod vix credibile videtur) quosdam impiiæ malignitatis milites, cum ex ipsis Hispanis qui Maurorum stirpis essent, tum ex Germanis Iudaicæ sectæ, viros herbarum succis multoque lini semine indito, superiectisque item corrupti tritici quisquilijs, vicinos castris hostium puteos, & cisternas ferè singulas infecisse, proptereaque inde potantium ventres intumescere, turgescerentibus cruribus, ora hominum usque adeo lutida macie pallescere cœpisse, ut deformato habitu vix inter se noti commilitones noscerentur, rarique iam & segnes custodiarum munia obirent. Quibus rebus diligenter exploratis constat Giahennam Bæthicum equitum præfectum, qui unus omnium prædæ erat avidissimus, & solertissimus, opportunis horis circueundo Gallorum castra, speculandoque non semel intra munitiones irrupisse, aliquot rapuisse equos, & arma in tabernaculis exposita, è focusque etiam in-
fixa verubus obsonia in urbem retulisse, quum stationum milites humi stratos, neque in pedes se erigere, invalidisque lacertis expedire & sustinere arma non posse, ad socios nuntiaret. Quia furtivi incommodi contumelia Lotrechius graviter commotus, interiorem custodiam munitionibus imposuit, eo eventu ut Giahenna non diu sua temeritate felix, interceptus sit, & in carcerem Aver-sanæ arcis perductus. Hæc quam diximus morborum labes, ab Idibus Iulijs castra irrepsit, & præter vulgus militum, primores exercitus invasit. Quam obrem plerique ducum de salute sua solliciti, relictis castris, in proxima oppida

secedebant. Per eos dies Barbelsius novus Gallicæ classis præfectus, qui propterea ab Armorico Oceano fuerat evocatus, quod Andreas Auria à Regis stipendijs gravi de causa discedens, uti suo loco narrabimus, ad Cæsarianas partes sese cum peculiari sua duodecim triremium classe contulisset, Lando se coniunxit, & ultra Sebethum ad pontem, quem vocant Ricciardum, noxiorum suspendijs infamem, proras adegit, & quas adduxerat copias in terram exposuit. Advehebat enim Rentium Ceritem, & quæstores Gallos, qui ad persolvenda militi stipendia deposcente Lotrechio pecuniam attulerant. Eius appulsæ classis conspectu Gonzaga permotus, qui tum erat in hortis Regis sub Campana arce, repente dari tuba signum iubet, ad urbis portam progreditur, affertque sibi arma præcipit, eaque celeriter induit, & cum primis equitum turmis quæ dispersim & properanter exhibant, contra hostes contendit. Hunc etiam equitatum, expeditæ peditum cohortes subsequuntur, quos omnes Gonzaga cohortatur, ut hostes descensionem facientes, impeditosque sarcinis, facto vehementiore impetu invadant. Parent milites & tumultuosissima statim pugna editur, eoque acrior quod Lotrechius validam equitum & peditum manum, quæ descendentes in litus exciperet, præsidioque foret, ad mare premiserat, Terreabant Cæsarianos, tardabantque ipsa tormenta Gallicis, & Venetis triremibus in adversum litus emissa. Sed Hispani, diverso atque audaci flexu eam munitionem quam ad mare à Gallis perductam diximus, transcendentes, tanta vi in hostes procurrerunt, ut perruptis Lotrechiani præsidij turmis, & cohortibus repulsis expositam pecunia propè potirentur, ac nisi Vgo Pepulus conglobatis turmis Hispanorum audaciam repressisset, proculdubio ea omnis pecunia ad Cæsarianorum manus pervenisset. Verum ardente prælio, & fortissimè depugnantibus Hispanis, Vgo ipse vel impigrè resistens vulneratur & capitur. Candalius quoque regis nobilitatis iuvenis Lotrechij propinquus, & inter Vasconum duces facile princeps, glande humerum trajectus, & circumventus intercipitur. Quum eo modo periculosissimum certamen esset contractum, Lotrechius novas turmas, & ante alios Valerium Vesinum laborantibus subsidio misit, cuius superventu pugna iterum restituta accensaque est, & Hispanorum impetus vehementer est retardatus. Itaque redintegrato prælio Valerius mirifica virtute confirmatis Gallorum animis Hispanos equites fundit, proterit pedites, & duos longè pugnacissimos Hispanorum equitum præfectos Arium & Mirandam circumscissit, & capit. Ab Helvetia etiam cohorte quæ gravi facta impressione hostium pedites loco pepulerat, his permixtus tertium equitum præfectus cognomento Præteus confosso eius equo captus est. Hi tres postea æqua permutatione cum Vgone atque Candalio vel tum ex vulnere moribundo, utrinque restituti sunt. Neque demum usquam ad belli usque exitum periculosius ut gravius dimicatum est. Cæterum Lotrechius tantæ classis appulsu aliquanto minore quàm sperarat signatæ pecuniæ copia sublevatus est, quum paulo post vixdum perluto veteri stipendio, novi exolvendi stata dies instaret, id iam expectante & flagitante milite uti par erat, & iratè vociferantibus præfectis, unde exhausto castrensi ærario auri egens imperator à quibusdam præfectis, ditioribusque alarum legatis oppignerata fide mutuo pecuniam accipere, & quando hæc quoque deficeret, aliquot levis armaturæ equitum turmas ex authorare atque dimittere cogeretur. Cuius infausti consilij rationē vel extrema

necessi-

necessitate expressam, ita veteres improbabant milites, ut ea parte viri hostes
 omnino superiores evasuros dictarent, atque obiter graue prorsus detrimen-
 tum se accepturos male ominarentur. Horum erat princeps Nauarrus, qui a Lo-
 trechio nunquam plane dissentire ausus, perseverandum in obsidione, minu-
 tisq; preliis, & crebris excursionibus, in quibus levis armaturæ equestris maxime
 valeret, premendum hostem esse differebat, quando rem ad summæ apertæq;
 pugnae casum deduci posse desperaret. Rentius vero Ceres per castra à Valerio
 spectatū deductus, quod cohortes morbis & praeliis attenuatas, & semiplenas
 turmas, enataque in tabernaculis gramina notasset, detestatus loci insalubrita-
 tem, atque improbens laxiorem munitionis & aggerum formam, suadere co-
 nabatur, ut contraheret castra, eaque in editiora loca subduceret, & remotum
 obsidionis genus occupatis circumiectis urbibus & oppidis in quibus divisa fo-
 rent praesidia, instituendum esse iudicabat: ut salubriore cœlo atque opportu-
 nis com meatus copiis ægri fessique milites recrearentur, nec quicquam inde
 obsessis hostibus subportari sinerent. Quibus rerum difficultatibus compul-
 sus, & diuersis distractus sententiis, secus ac antea fecerat, minores duces & ve-
 teres signiferos consultandi causa in prætorium advocavit. Nam ut tum à
 Guidone Ragono accepimus, post ipsius discessum à Troia, in eam usque diem,
 nunquam uniuersis ducibus in unum coactis, sed per partes à singulis senten-
 tias rogans, tanti belli consilia communicasse ferebatur. Nihil equidem illi,
 quod ingratum foret, auribus enunciari, aut disputando persuaderi poterat: ut
 pote qui ingenio suo indulgens errare mallet, quam alienis uti consiliis, ne quis
 quam ipso melior, militiæque peritior existimari posset. Itaque eius consilij
 exitus fuit, ut imperator natura obstinatus & pervicax, & se ipso fatali su-
 perbia elatior & pertinacior factus, è veteri sua sententia ullo modo deſci aut
 dimoveri nequirit, professus utique se potius turpi necē moriturum, quam
 ut paratæ victoriæ spem flagitioso atque indecoro prorsus receptu corrumpere-
 ret, vel si à multis defereretur, & copias atroci pestilentia totas absumi con-
 spiceret, quando iam pro constanti sibi esset compertum aduersariorum ani-
 mos auxilij desperatione magnopere frangi, crescenteque inedia, maioribus,
 quam ipsos affici incommodis, & ob id præcipue quod Germanos cum Hispani-
 sis æperixari, seditionesque miscere didicisset: ita ut de matura hostium dedi-
 tione minime dubitaret, modo veteris suæ cōstantiæ meminisset, qua tot urbes
 egregia cum laude superioribus bellis expugnasset. Erant vera hæc, sed valde
 intempestiua, atque omnium confutata sententiis, meliora scilicet consilia pre-
 uertente fato, quod ad destinatam cladem cum ipsi Lotrechio, tum Gallico no-
 mini properanter imminerebat: Quandoquidem, quod homines maxime mira-
 rentur, Fortuna ex aduerso sui propositi nimium tenax, nusquam nisi Cæsaria-
 nis rebus secundissimo instinctu adesse consueſſet. Igitur Lotrechius irritum in-
 cepto minime abscedendum ratus, eam tantum consilij partem probauit &
 arripuit, quæ reparandas copias nouis delectibus, & suorum animos recenti
 praesidio confirmandos existimabat. Quam ob rem Rentius Ceres Aquilam
 continuo mittitur, qui quatuor milia peditum ex agro Piceno conſcribat, per-
 solvendisque stipendiis pecuniam à Quæstore Aquilano, qui id facere perſcri-
 ptis literis iubebatur, accipiat, transuersisque montium tramitibus in Appiam
 viam descendere maturet: ut per Fundanos Sueſſanosque fines prætergreſſus
 Calenum & Campanum agros, ab Auersa demum vrbe, recta ad se in castra

perueniat. Erat Rentius, quanquam infaustus Urbis patriæq; suæ defensor nuper extitisse videri poterat, peritus tamen belli, & vna maximè probata fide singulariq; inuicti animi constantia insignis, & quod suscepti negotij plurimū interesset, Gallicæ factionis apprimè studiosus. Hoc supremi consilij decretum ratioq; vel ob id facile quibusdam probari posse videbatur, quod Lotrechius dediti urbem Aurantio, vel retenta arce, Cæsarianis omnibus incolumitatē, & nauigia quibus Hispani aut in Siciliā, aut in Hispaniā vti mallent, adueheretur obtulisset, & Germanis menstruum stipendium quo se domum redeuntē alerent, per suos eiusdem gentis milites qui apud se militarent, sæpè promississet. Sed tanta erat alacritas Hispanorum, Germanorumque constantia, ut se potius inedia perire paratos esse, quàm Gallis se dedere, quos antea toties vicissent, quotidie prædicarent, subindeque eadem signiferis significando per manipulos sublati dextris, quod erat subitarium sacramenti genus, se præstituros iurarent, usque adeo præclare ut dubios nonnunquam ducum animos confirmare censerentur, & omnis iam pridem de tanto hoste conceptus timor Neapolitanis decederet. Per eos dies vir è Montella Samnī oppido, se Gallicarum partium militem ab ipso albæ crucis symbolo, tesseraque mentitus, atque in insidias excurrentium Hispanorum ultro datus, quum Neapolim perducere, se magnæ atque instructæ proditiōis consilium detecturum pollicitus est, unde non missionis modo, sed multæ etiam pecuniæ premium sperare posset. Itaque uti oportebat ad imperatorem perducentibus Hispanis, qui eum ceperant, Fabritium Maramaldum cogitatē nefarię proditiōis reum fecit, quod is ad eam urbis partem, quæ Campanam & Carmelitanā portam interiacet cū suis cohortibus stationem obtineret, & portam Lotrechio proditurum promississet. Ea re subitis auribus accepta, et ad suspicacem animum transmissa, Aurantius vocatum Fabritium, & deponere gladium iussu, custodiæ tradit. Tum vero Neapolitani ex singulis tribubus consurgunt, & rei incredibilis fama vehementer offenduntur, quod præclaræ & antiquæ stirpis civis, spectatæ virtutis dux, & per omnem vitam Cæsariani nominis studiosus, ab agresti, & nemini penè cognito homine delatore, in discrimen salutis & famæ vocaretur. Propterea orabant summis precibus, ne præcipiti iudicio, sed accurata cunctatione eius accusationis cognitionem susciperet, & ille latronum more, inanis & proculdubio falsissimæ coniecturæ indicium severa in quæstione prius perpurgaret, quàm Maramaldus ad refellendā calumniam, uti æqua iura in dispari, probo atque pernobili reo caverent, tormentorum cruciatibus admoveretur. Indulsi hoc Fabritio nequaquam ægrè imperator Aurantius, alioqui in grauibus rerum momentis facile suspicax atque preproperus, quum reum peropportunè Victoria Columna tanquam Piscarij coniugis sui alumnum, efficacissimis literis commendasset. Nec multo post accusator in quæstione diu & graviter tortus, quum tormenta secus ac ante periculum crediderat, acerbiora ferre nequivisset, se pecunia corruptum, subornatumque fuisse ab inimicis Maramaldi confessus est. Atq; ita ille scelestus calumniator tanta infamia Fabritium liberavit, & talionis pœnas in frustra disiectus dedit, statimque Aurantius pristinae dignitatis atque custodiæ locum, unde iam cohortes dimoverat, Maramaldo cum multa verborum præfatione restituit. At Gallicis in castris usque adeo lentæ, atq; tabificæ febres ab Idib. Iulij ad nonas Augusti, invaluerant, ut tabernacula funeribus complerentur, & languentes passim milites,

milites aut irritis, aut desperatis medelæ subsidijs, fame sitique enecti passim
 interirent, sepulorumque tumuli frequentes iuxta munitionum aggeres con-
 spicerentur. Quapropter plerique ducum, aut tentati morbo, aut instante pe-
 riculo perculsi, impetrato discessu per causam curandæ vel avertendæ valetu-
 dinis, in proximas urbes castellaque secesserant, scilicet ut mitioris cœli faciem
 quærirarent. Veneti legati in primis freti classe ad urbem Castellimarîs, quæ
 est ad veteres Stabias concessere, conceptoque iam morbo Vgo Pepulus Ca-
 puam, Valerius Ursinus Nolam, Griffeius ad Grannianum Nuceriæ pro-
 pinquum dimissi sunt. Ipse verò Valdemontius ad Vicum Surrentini litoris
 10 urbem paulo ante se contulerat. Remanserant cum Lotrechio frigentibus iam
 consilijs pariter & viribus, Navarrus, Michael Salassus, Guido Rangonus, &
 nonnulli togati generis homines. Cæterum in Navarro veterem infracti &
 efficacis spiritus vigorem multiplicata militum funera, & expectatæ cladis nō
 temerè ingrueus metus, sermè totum eliserant, sic ut propemodū mussare in-
 terrogatus, aut respondens delirare crederetur: ipse autem Lotrechius attoni-
 to similis dissimulato animi dolore, ferociam suam & imperij vim iussis, edi-
 ctisque retinens obrepente morbo iaceret, atque eo contumacius, quod lega-
 tos Venetos, Pisanum in primis obsidis Cardinalis patrem, & secundum eum
 Petrum Pisaurium Griffeiumq; mortuos esse: Valdemontium autem supre-
 20 mo iactatum morbo, fatalem horam, quæ iam aderat, expectare didicisset. Nec
 Valdemontius vel ipso virium, & peregregij habitus vigore prævalidus diu
 vim morbi sustinere potuit, qui in spem regni triennio antea tumultuarijs vi-
 ribus fretus ad Neapolitanam portam sese ostentarat, cum civium voluntatis,
 tum fortunæ suæ, quæ stirpi regiæ inniteretur, periculum facturum. Eius mors
 Neapoli nunciatæ sicuti ingrata quibusdam Andegavensium partium, sic ma-
 ximè læta Cæsarianis fuisse visa est. Quoniam constabat quicquid antiqui iu-
 ris vigeret in Carolo primo, qui Manfredum regem occidit, & regno potitus
 est, id totum per Andegavenses provinciæ reges recta hæreditatis serie ad Lo-
 thoringiæ regulos recidisse. Nam Valdemontius genitus erat eo Renato Lo-
 30 thoringiæ principe, qui Carolum Burgundiæ regem cōmisso prælio ad Nan-
 sim interfecerat. Maiore itaque animo diligentiaque intentiore Aurantius &
 Gonzaga perspectis decumbentis Lotrechij difficultatibus, laceffendos ho-
 stes perpetuisq; vigilijs conficiendos existimabant, sicut nō modo circūeundo
 eorum castra, & stationes pertentando lacefferent, & ad capiendæ arma semi-
 sopitos & affectos morbis interdium noctuque excitando perquam molestissi-
 me fatigarent, verum etiam iustis in proxima oppida, ubi hostes æstivare di-
 dicissent, susceptis expeditionibus eos adorirentur. Paulo siquidem ante
 Gonzaga noctu confecto itinere, ad Summam oppidum quod est Vesevo
 40 monti subiectum, cataphractorum alam oppresserat, & Nolana item via
 Helvetiorum cohortem, quæ commeatibus præsidio ierat, occultatus in insi-
 dijs sub Vesevo secunda expeditione trucidarat mirabili casu, quum sub auro-
 ram iuxta nemus delitescens fulmine ala equitum ex terribili tonitru tacta, a-
 liquot tantum equos vapore exanimatos nemine è fessoribus læso amisisset.
 Iisdem etiam diebus Belmares equitum præfectus adiunctis sibi expeditis slo-
 pettariorum manipulis, aliam Gallorum equitum manum Matalonio in op-
 pido, quod est ad Tifata montē in conspectu Capuæ urbis expugnata statione
 deleverat. Saiavedra quoque natione Bëthicus diligens equitum præfectus,

recepta in prædæ societatem peditum cohorte, usque Avelinum nocturna profectio-
 ne contendit, improviseque in oppidum irrumpens, oppidanosque di-
 riplens, Martiranum Insubrem eius urbis episcopum cepit, captivumque Nea-
 polim perducens, ad contumeliam divulsis testibus, ut maiorem à captivo pe-
 cuniam exprimeret, diu torfit, vixque postea Aurantij clementia & Vastij pre-
 cibus è manibus impijs Saiavedræ creptus est. Hæc paucis diebus accepta in-
 commoda, quanquam vetantibus medicis Lotrechio languenti nunciari non
 poterant, emanabat tamen aduersarum rerum non obscura fama, sicut ipsi æ-
 gro intentis semper auribus atque oculis astantium & inuisentium facies explo-
 rati multa vel non integra delatione proderentur. Seuerè siquidem sciscitaba-
 tur à pueris, an quicquam noui de hostibus audirent: nec mendacio erat locus,
 utpote qui si audita retinecerent, flagella ad pœnam subire vererentur. Cogni-
 tis per hunc modum rebus improspere per suos gestis, necesse erat bilem com-
 moueri, atque augeri morbum, eoque modo quum bis incisa vena sanguinem
 minuere frustra esset conatus, postridie Idus Augusti indignabundus excessit è
 vita, vir certè bello egregie fortis, et pace equi pariter & iusti usque adeo tenax,
 ut severus & inexorabilis haberetur. Sed elatior quibusdam videri poterat,
 quum aspectu austeræ frontis, rarò quenkum familiaribus oculis intueretur.
 Erat ei facies digna prorsus imperio militari, quod honestas, nec deformes ci-
 catrices Rhavennate in prælio acceptas ostentaret, & toroso habitu validi cor-
 poris, quanquam mediocris esset staturæ, certum & constantem integræ æta-
 tis vigorem exprimeret. Sublatus est omni apparatu funebris pompæ, &
 in eadem villa Aragonij Montalti ubi prætorium fixerat, cumulo arena tu-
 mulatus. Qui optimo iure ætate nostra, si cæteros duces eius gentis recta æ-
 stimatione reputemus, peculiari cum laude expugnator urbium sit appella-
 tus, repetito quidem cognomento quod olim Demetrio Macedoni obvenit.
 se constat. Mortuo Lotrechio, ad neminem summi imperij cura pervenit, sed
 reliqui duces in unum coacti, quæ poterant afflictis rebus remedia castrensis
 diligentia comparabant, ante omnia à Rentio Cerite supplementa copiarum
 expectantes. At Rentius Aquilam profectus, quum copias scribere, & evoca-
 re quosque Vrsinæ factioni, Gallicisque obiter partibus addictos cogere pro-
 peraret, tota potiundæ pecuniæ spe decidit, quod quæstorem Gallum, & Ca-
 millum Vrsinum cognomento Pardum, qui Aquilanis, Præcutinæque pro-
 vincia præerat, non exhaustos modo pecunia, sed publicè obæratos etiam re-
 perisset. Itaque ad Neapoleonem Vrsinum se convertit, atque ab eo magnis
 persuasionibus cohortes impetravit. Erat tum Neapoleo recuperandis avitæ
 hæreditatis oppidis intentus, quæ post mortem Virginij avi Fabritio Colum-
 næ Ferdinandi regis concessione obvenerant. Nam per eos dies propter ean-
 dem antiquæ litis controversiam cum Scipione Columna Reatino Episcopo
 collatis signis apud Manlianum extremis Marforum finibus conflixerat, ca-
 denteque in acie Scipione ea oppida victor ceperat, quæ sunt ad Fucinum la-
 cum. Hic Neapoleo publicam patriæ iniuriam vindicare se velle professus, in-
 festis armis Cæsarianos quos in Vrbe vel in agro Romano deprehendere po-
 terat, cruenta manu persequeretur, cupiebatque Galli Regis auspicia sequi, &
 eadem stipendia promereri, quæ & Iordanes pater, & avus Virginus maio-
 res sui meruissent. Ad has Neapoleonis cohortes, alias è Piceno agro, Spole-
 toque in primis evocatas adiunxit, primasque earum Rentius uti statuerat in
 Campa-

Campaniam præmisit. Iamque Paulus Petrus Cervarius cum sua cohorte Capuam pervenerat, & reliquæ antecedentem cum Rentio consequebantur, quum Cervarius de Lotrechij morte cognoscit. Nec propter eam famam, qui erant Capuæ, venienti & postulanti ingressum, portam aperiunt. Nam Iulius Capuanæ familiæ princeps, & Fabritius Maramaldus, ad recipiendam Capuam adventare ferebantur. Qua denunciatione de muro facta, ut se periculo eriperet, Cervarius ad Rentium est reversus. Lotrechij morte Neapoli nunciata Cæsariani duces nequaquam oppugnanda castra censes, obsequiando castris, intercipiendo commeatum, & se munitionem invasuros ostentando, bellum gerebant, quod sine suo periculo & sine vulnere hostem pestilentia absumi prospicerent. Auster namque ventus per eos dies perflare & mortiferum crassioris nebulæ vaporem ex palustri ortum uliginē per castra dissipare & circumferre ita cœperat, ut alijs ex causis conceptæ febres, in contagiosum propè morbum verterentur. Itaq; Gonzaga consuetudine quotidiana partiendo per vices equitatum & sclopettarios pedites quib. expeditæ celeritatis causa ignobiles equos attribuerat, turmis admiscendo circuibat castra, & per tubicines pugnam ciendo hostes morbis atq; inedia debilitatos orbatosq; imperatore, & præfectis magna ex parte ægris aut morte absumptis, assidue exagitandos susceperat. Cæterum Aurantius ipse cum Gonzaga per exploratores edoctus, numerosum hostium equitatum suscepta nocturna profectione e castris Nolana via iter intendere, continuo cum expedita parte exercitus in eos erumpit, a medioque itinere abeuntes consecutus nullo negotio fundit, impedimentis exiit, & ferè omnibus aut cæsis aut captis cum magna præda Neapolim revertitur. Interea Galli duces asperrimis rerum omnium incommodis conflictati, & de salute publica desperantes, ad unum id consilium quod antea Lotrechius malefana obstinatione repudiarat, ex communi omnium sententia recurrunt, damnatisq; castris effugiendum censent, mensq; omnibus una est, ut Averfam se recipiant, dum aliquæ vires supersint, ne cunctis, si forte castris se tenere eaque pertinacius tueri velint, inhonestè atque miserime sit pereundum. Itaq; more militiæ tres acies, triaq; agmina instituunt, quibus singulis præsidij causa minores ternos falcones adiungunt, & equitatum æqua divisione partiuntur. Primi agminis cura Salasso regulo, Guidoniq; Ragono attribuitur. Secunda Navarro. In tertia Pomperanus Gallus, Paulus, Camillus Trivultius, & Palicia cognomento nigra singularum alarum præfecti constituuntur, & sub auroram composita agmina silentio castris educunt, desertis muralibus tormentis, & relicto omni graviore castrensis apparatus instrumento, taciti quidem & sine tuba tympaniq; strepitu euadentes, atq; eo tectius quod densissimus imber, crebris fulgetris, & multo tonitru procellosus ingruerat, aptus hercle avertendo hosti, qui nec satis explorare, nec opportunè persequi, nec quicquam gravius per eam turbidissimā tempestatem tentare posse videretur. Cæsariani nanque duces qui pridie eius diei (is fuit quarto Calendas Septembris) consilio habito, quod nonnulli militum per Gallicas munitiones infrequentem & segnem stationem morbo atque inedia propè enectorum hostium se deprehendisse nunciassent, ea ratione copias partiti fuerat, ut Dorbinus cum Hispanis adiuncto sibi Conrado Helsio cum quatuor cohortibus Vasconum castra quæ erant, ut diximus, ad Campum veterem supra Ianuariā portam oppugnaret. Ipsi verò Aurantius & Gonzaga cum reliqua parte exer-

citus ad motis tormentis castrorum hostilium aggeres aggreduntur. Sed de-
 cendente pluvia quum tantisper reserenaasset, allatum est Gallos desertis castris ad
 Averfam se proripere coepisse. Quare cognita prope totus in abeuntes equita-
 tus est effusus. Quod ad certam praedae spem quisque sibi vel iniussus prope-
 randum existimaret, nullo prope subsequente peditatu, quoniam Dorbinus
 et Helsius in oppugnandis Vasconum castris sub eam horam vehementer es-
 sent occupati, & Vascones & Cantabri Agramontio duce suos aggeres acerrime
 & constantissime defenderent. Erant in novissimo abeuntium Gallorum
 agmine sclopettarii, partim ex nigra Etruscorum legione, partim ex cohortibus,
 quae a colore vexillorum albae vocabantur, hisque praerat Caesar Scotus Placentinus.
 Ea manus primum aduentantium & irruentium equitum egregie
 impetum sustinuit, sed sclopettis semel displosis usque adeo acriter equites in-
 vecti sunt, ut universos ad secundos ictus sese instruente perturbarent, quod
 viae eius itineris cavae, & praeralta saxaeque crepidine utrinque munitae omnem
 discurrendi atque explicandi sese facultatem eriperent, magnoque Caesarianis
 usui esset equorum impetus, quando in depressa & perangusta via a paucis vel
 fortiter conglobatis sustineri nequiret. Per hunc modum perrupto & scede
 profligato Gallorum novissimo agmine, gravis illico tumultus ad medium ag-
 men pervenit, parique sorte quum frustra a primo agmine subsidia expe-
 rentur, quod id plenae passibus anteibat, ab eodem victore equitatu fusum, & 10
 parva cum cede armis, & sarcinis vexillisque militaribus & tormentis exutum
 est. Quandoquidem agra militum corpora languescuntibus dextris vix hastas
 intentarent, aut gladios distringere auderent, contra victores qui in deditis
 humique proiectos & salutem deprecantes, contenti praeda a caedibus facile
 temperabant. Navarrus ipse qui utierat aeger lectica saepe vehebatur, & tum
 festinandi causa humilem mulam conscenderat, obliquos viae tramites qua-
 rens ab Epirotis Graecisque equitibus interceptus est, Neapolimque perdu-
 ctus. Salassus vero & Rangonus expeditum nacti iter ad Averfam intacti per-
 venerunt. Sed eorum copiae usque adeo angusta portula receptae sunt, ut am-
 plius tribus horis quum singuli introirent, victores iam adesse arbitrati, diu in
 fossa trepidanter ut admitterentur expectarint. Quibus tandem intra moenia
 receptis & paululum recreatis, quum duces in arcem de urbis defensione con-
 sultarent, Hispani pedites agminatim supervenere. Hi namque a Vasconibus
 repulsi ad famam fugae hostium equitumque victoriae incitati ad iter capien-
 dum antecedentibus sese aggregabant. Primis Hispanorum cohortibus in con-
 spectum Averfae se dantibus, reliqui manipulatim se aggregabant, & quod per-
 territos atque imparatos hostes existimarent, adiuti paucis scalis quas ex subur-
 banis castris repererant, alij hastis innixi alij commilitonum humeris sublevati, e-
 reperi in muri coronam coeperunt, cohortantibus Saiavedra et Ioanne Gaetano
 qui navali praelio captus dimissusque fuerat. Hi primi omnium conscende-
 rant, plenaque iam Caesarianis muri corona, quod hostes metu praepediti nequa-
 quam alacriter arma expedire viderentur, in urbem sese vel temere dimittere
 non dubitarunt. Sed eorum paucitas Gallis animos ita erexit, ut Guidone Sa-
 lassoque ante alios prodeuntibus, & acriter inuadentibus, Hispani quibusdam suo-
 rum interfectis, aut captis, rursus subire coronam, atque inde se demittere cogeren-
 tur, sicut nonnulli religatis ad pinnas sclopettorum funiculis, per eos vel abralis
 manibus desilirent, aut periculoso saltu praecipites in fossam se darent. Ab eo
 irrita

irrito conatu Hispani quod iam frequentes armatos, et tormenta displodentes Gallos in mœnibus conspicerent, Aurantio & Gonzagæ quid rei gereretur significarunt, postulantes ut tormenta muralia atque ampliores copias summittere properarent. Quandoquidem hostes iam confirmatis animis de ditio ne colloqui recusarent, proindeque iusta vi expugnandos appareret. Itaque duces perterritis, nullum quo animos colligerent, aut vires alicunde resumerent spatium moræ dandum rati, tormēta ad Auerfam pervēhi iusserunt: quo temporis intervallo castra Gallica nullo iam defendente invasa direptaque sunt, magna prædantium admiratione, quum præter arma tormentaque magnitudi-
 ne & numero amplissima suis locis reperta, ægri etiam moribundi que milites pascim iacerent, & quod erat acceptæ cladis argumentum, in ornatissimis tabernaculis enata gramina conspicerentur. Erat ea forma castrorum situ munitioneque memorabilis, & prorsus sicuti vidimus, stupenda: sic ut plerique Cæsarianorum ducum nusquam peritius & accuratius à quoquam hac ætate castrametatum fuisse faterentur, & magnam partem eius disciplinæ à Nauarri ingenio profectam dicerent. Postero die Salassus ubi tormenta que ex Gallicis castris advecta fuerant, promoueri videt, suos componit, & distributis per idonea loca præsidjs, hostium vim expectare constituit, quod propugnando resistendoque generosa ortum stirpe armatum uti deceret occumbere, quam
 nullo Fortunæ aut virtutis suæ facto periculo turpiter se dedere honestius putaret. Eiusdem animi erant Rangonus & Pomperanus, parique alacritate & confirmatione animorum veteres milites defendendis mœnibus opportuna tela comparabant. Sed postquam ab Aurantio adactis maioribus tormentis verberari murus & mox aperiri coepit, & introrsus repetiti pilarum ingentium ictus nequaquam diu sustineri posse censerentur, eadem infestæ Fortunæ violentia in genu Salassus grauiissimè vulneratur, resiliēte scilicet perfracti tormento lapidis fragmine, quo ex acie in domum relato, magnopere imminutus est paulo ante resumptus vigor, & eo quidem grauius, quod infestibus nuncijs allatum fuerat, hostes Capuam recepisse, ad quam dubijs & aduersis suis rebus Galli confugere posse sperauissent. Nam (ut supra diximus) Maramaldus cum suis cohortibus ad tentandam Capuam proficisci iussus, sinistrorsum capto itinere, loco idoneo sibi que noto non procul ab urbe confederat, & cum Iulio è Capuana familia Cæsarianarum partium, qui alæ equitum præerat, Campanos ad defectionem sollicitabat. Erant Capuæ Vgo Pepulus æger supremum exhalans spiritum, & Iulianus Strozza (is cum nigris cohortibus præsidio Puteolis nuper fuerat) præterea ingens ægrorum multitudo omnis generis. Nam Capuæ cunctis qui morbo tentarentur in castris, certus atque salubris erat receptus. Itaque Campani moriente Pepulo, Maramaldi adventum timentes, & de Gallorū victoria nequaquā temere desperantes, dissimulato consilio, eam militum multitudinem adhortantur, ut delectis his qui viribus valerēt, aut qui iam ex longa valetudine vires recepissent, facto equitum & peditum firmiore globo, exire prædatum vellent, quod nihil iam Capuæ pecoris superesset, qua excursionē aliquam pinguioris obsonij copiam relatu-
 ros, & quo successu à suis pariter atque hostibus bellum Neapoli gereretur, certius exploratu-
 ros. Probatur id consilium ab omnibus, quod callidum & non obscuræ perfidiæ plenum Campani obtulerūt, sic ut magna manus armis & equis se instrueret, & sub vexillo statim portis egrederetur.

Sed Campani egressis, & non multo post redeuntibus portas occludunt, eadem ferme hora qua Ceruarium ut diximus cum Rentiana cohorte venientem excluderant. Ob id desperato ingressu ea manus, uti cuique libuit, dilapsa est: & Maramaldus ab averfa porta in urbem est introductus, accumulata egris Gallis miseria, quando omni armorum & vestis instrumentò expoliati caprique essent, ipsiq; Vgoni iam mortuo, & inde sacra feretro imposito, inter nautis sacrificulorum ornamenta equestris cultus detraheretur. Erat enim ex eo procerum ordine qui conchyliatum torquem Galliae regis munere eximij honoris causa gestare consueverunt. Maramaldi siquidem cohortes è rapacissimo genere hominum Lucanis & Brutijs constabant, quae ex Gallia Cisalpina, Etruriaque ingentes egerant praedas, Romaeque praesertim avarissime grassatae fuerant. Strozza autem qui cum pecunia Florentini quaestoris in arcem temere munitam confugerat, certa pactione se dedit. Ea Campanorum defectione Aversae pervulgata, nec cessantibus Caesarianorum tormentis, Aversani metu instantis cladis perterriti, iacentem Salassum adeunt, orantque suppliciter, ne pertinacia sua fidelem miserrimamque urbem in extremum salutis discrimen adducere velit, maturaq; deditio, plorantibus rot matronis & pueris subveniat, postquam cuncta sese defendere conantes deficerent. Salassus mortifero ictus vulnere, atque extremo dolore compulsus, animum ad pietatem revocat, & Guidonem Rangonum ad Aurantium mittit, qui de deditio-
ne quam honestis possit conditionibus transigat. Is uti debebat in id consiliu nitebatur, ut cunctis incolumibus, salvisq; vexillis & civitate conservata pacifceretur: sed victor Aurantij animus nonnulla superbe repudiabat. Per hunc modum aliquandiu re disputata, quod interim tormenta nullo quidem temporis puncto cessarent, & iam perruptus ad grandem hiatum murus, coronaeque pinnis nudata conspiceretur, nec Rangonus re confecta mature uti sperare rediret, Salassus militum quorundam precibus, & Aversanorum lachrymis fatigatus, per idoneum hominem ad arbitrium victoris indecoram deditio-
nem fecit. Eam vero foedae pactio-
nis conditionem, vel miseris vel victis indignam putavit Guido, qui adhuc cum Aurantio de conditionibus subtilissime contendebat, quum transactae deditio-
nis tabulae proferrentur, usque adeo eas Rangonus est averfatus, ut testaretur se æquo iure esse liberum, nec pudendis statutorum legibus, quando eius perscriptae legis beneficio uti noller. Haec ita coepta Caesariani interim recepti in urbem, quos pecunia redimere posse videbant ad unum omnes cepere. Ferunt Pomperanum in ea tantae calamitatis cogitatione defixis in caelum oculis obstupescens, acerbissimoque dolore perculsum, in vestigio concidisse, quum rigerent adhuc oculi, nec ullis fomentis ei exanimato, vita subito deliquio erepta, restitui posset. Hic est ille qui Carolo Borbonio proditio-
nis damnato, totius exilij comes fuit, & eius postea admissi sceleris pertæsus, à clementia Francisci regis alae praefecturam promeruit. Illo etiam triduo, quod multis fortium virorum funeribus Gallis maxime luctuosum fuit, mortuus est ignobili & foedo in loco Ambrosius ille Florentius Insuber, qui mali aut certe fatalis consilij dirus author, Lotrechium ut diximus, ab oppugnatione Mediolani Neapolim pertraxerat, ob idque meritas factiosae malignitatis suae poenas dedisse videbatur. Eum quoque altero tantu die antecessit Petrus Paulus Crescentius Romanus, Clementis legatus, & Paulus Camillus Trivultius praefectus equitum in eadem pestilentis do-
loris

loris miseria excessit è uita, qui omnes uti erant nobilitate clarissimi, sepulture honore caruerunt. Pridie quam Galli Aversana in via funderentur, atq; eorum Cæsariani potirentur castris, Andreas Auria ipsos captivos Alfonsum Vastium & Ascanium Columnam, quod Cæsaris stipendio sese commutavit voluntate addixisset, in Ænaria insula, ubi illorum erant uxores, lætos exposuit. Nec multas post horas Vestius Neapolim est profectus, ut ducum consilijs interesset. Is quod suæ perpetuæ benignitatis munus videbatur, Salasium Neapolim perductum omni humanitatis & munificentiae officio complexus est. Sed ille non multo post internecivo vulneris dolore mœroreque animi confectus, ultro propè accersita morte vitæ suæ finem imposuit. Vastius quoque Rangonum cum Hispanis an iure militiæ captivus dici posset, prolixè disputantem lata super ea remitiore sententia liberauit, & cum quibusdam notæ virtutis præfectis actuario navigio impositum in Ænariam abire iussit, ut inde Romam, uti probè à fidelissimis nautis factum est, adveheretur. At Navarrus cui misere capto quidam milites Hispani bina malesani atque infeliciis decreti transfugia obiectabant, in eundem pristinae, & tum supremæ calamitatis carcerem coniectus est, ea tamen Hicardi custodis indulgentia atque humanitate, ut extrui sibi in foco vaporarium camini tubum quo algens calefieret, impetrarit, sed aliquando post vel æger vel senex, quum eum sicuti alios qui eo bello defecissent, Cæsar perscriptis ab Hispania literis, capite plectendum esse censuisset, exanimatus in culcitra repertus est. Nec defuere qui crederent eum superiniectæ multiplicis stragulæ vestis pondere pressum, ultro necatum fuisse, quod Hicardus existimatione fortissimi ducis permotus, eum qui illam eandem arcem aliquando cepisset, revocata rerum fortiter gestarum memoria extra Cæsaris invidiam carnificis manibus subtrahere voluerit. Per eos etiam dies ambo Florentinorum legati Marcus Nerus, & T. Soderinus Aversæ capti, apud Hispanos Neapoli vitam cum morte commutarunt: quum Nerus pecuniam, quam pepigerat pro redemptione tardius expediret, & Soderinus auri tenax, & vitæ prodigus, impositum tanquam æquo gravius pecuniæ pretium, se persoluturum obstinate pernegasset. Verum nihil in eo belli exitu, quam infimæ multitudinis deformius atque miserius spectaculum fuit, quum semineces umbris hominum pares, pecorum modo ad stabula regiæ quæ sunt ad Magdalenam truderentur. Nam hoc pietatis officium a senatu Neapolitano ducibus ita iubentibus, ut ibi alerentur, curarenturque, impensum est. Verum corpora cuncta cœli, vigiliarum, & militaris laboris incommoda per quinque menses perpessa, usque adeo acervatim communicatis morbis à contagiosa illuvie peribant, ut pauci superessent, qui in Galliam atque Germaniam remigrarent, atque ex eorum calamitate atrox pestilentia Neapoli relinqueretur. Ab hac inexpectata multis victoria felicitateque Cæsaris, & portentosa Gallorum clade, Fortuna nequaquam adhuc suo in eam gentem exaturato plenissime odio, tam insolens quam atrox, in ipsum Lotrechij cadaver sævitiam exercuit, ut diuturni ludibrii victo, mortuoque contumeliam accumularet. Id enim Hispanus quidam impiæ atque impudentis argutiæ rapax, fabulo erutum è castris in Urbem retulit, & in regione, quam Sellariam vocant recondidit subterranea in cella, ut venalitium cadaver aliquem è Gallia pietate & reverentia insignem emptorem reperiret, qui redemptum repensò multo auro in Galliam ad Fusis gentis sepulchra referendum

arbitraretur. Sed nemo unquam vel propinquorum qui sepulturæ iacturam magnificeret, aurumque rependeret, comparuit, ita ut valde mirum videri posset, quod in nemine apud Neapolim vel ducum vel procerum in eo flagitio inusitatae impietatis & iniuriæ generosus pudor humanitatem expelleret, quum in cella vinaria tanti nominis Imperator inhumatus iaceret, secus ac Valdemontio acciderat, qui sacratarum virginum, quæ in divæ Claræ claustris degunt, mirifica pietate honestissimo templi in loco collocari meruissent, quoniam id templum Andegavenses reges Valdemontij progenitores pia liberalique magnificentia condidissent. Cæterum Lotrechij mors sicuti militibus importuna, ita supra quàm credibile sit civibus Romanis ingrata, luctuosaque extitit, utpote quæ singularem Vrbi tristitiam attulerit usque adeo, ut populus Senatusque Romanus in Capitolio non obscura summi doloris significatione e cunctis tribubus atra in veste cogeretur, ut ei quem Urbis liberatorem appellabat, quod Cæsarianos supremæ labis excidium communi gentium omnium patriæ immaniter afferentes detraxisset, iusti honoris causa parentalia decerneret, quæ eo ipso die quo nunciata mors eius est, instauratis regio cultu splendidissimi funeris exequiis, Laterano in templo quotannis celebrarentur. Id decretum religiosæ pietatis usque adeo ad diuturnam memoriam Lotrechio gloriosum videri potuit, ut non dubium victoribus, qui mortuo sepulturam invidissent, præduræ & propè infamis inclementiæ pudorem ex-
 primeret. Sub ipsam quoque Aversæ deditionem Agramontius publicæ labis Fortunam agnoscens, & reliqui cum eo Vasconum duces necessaria potius quàm æqua conditione se dediderunt, sicut multa inermium & egentium agmina, quæ se Romana via ad iter expedirent, cernerentur. Hisdem etiam diebus post Lotrechij mortem Sanseverinus Salernitanus regulus, & Hieronymus Tutavilla Sarnensis comes ab Aurantio Nolam proficisci, & Valerium Vrsinum obsidere iussi, eum vix dum se ab adversa valetudine novis viribus confirmantem, in arcem se recipere, & postremo ea conditione deditionem facere compulerunt, ut cum præsidio ad castra Gallica deduceretur, quod is erat parvo cum præsidio attenuataque equitum suorum ala, & Nolanorum paucissimi, ut ad pristinam Cæsarianorum ducum fidem redirent, ad arma parati essent. Sed in itinere cognitum est Gallorum castra nulla iam esse, quapropter Hispani equites eum iure captivum esse dictitantes, exutum armis & sarcinis Neapolim perduxerunt. Ibi de militari iure aliquandiu in ea controversia disputatum est. Verum commendatione multorum, ipsiusque præsertim Mirandæ precibus, quem paulò antè ab ipso Valerio captum, humaniterque dimissum diximus, ab Aurantio propter virtutem sæpius spectatam & generis nobilitatem, ut Romam enavigaret, impetravit. Quum eo modo res Gallica passim urgente Fortuna foedè concideret, Gallicæ Venetæque classis præfecti invadendi opprimendi que Andreæ Aurigæ consilium ceperunt. Erant enim ei concitante odio vehementer infensi, quod is à Gallo rege discedens, totius Italiae causam importunè deseruisse, & perversa ratione nequaquàm iusta de causa sese Cæsarianis partibus applicasse videretur. Itaque prodeuntes ex Prochyta-
 no freto, Auriam sub Iscla stationem habentem, ubi pridie Vastium & Ascanium exposuerat, conspicati in eum tormenta maiora in spatio viginti ferè stadiorum emittere cœperunt. Descenderam ego tum fortè ab arce ad litus prætoriamque conscenderam, ut summæ authoritatis virum, cui eram familiaris, hono-

honoris causa inviserem, gratularerque subinde quod commutata voluntate felici iudicio animum pro hostili erga nos amicissimum induisset, postquam insigni beneficio bello captos procures civili humanitate uxoribus & liberis atque penatibus restitutos videbam. Tum verò me secus ac putaram, navalis pugnae periculo implicitum cernentem, Andreas nihil prætervolantes pilas timere, & in certa puppis parte consistere iubet. Ipse molitur ancoras, aquilamque triremem omnium velocissimam præmittit, ut hostilis classis numerum certius exploret, expediriq; armamenta omnia, tormentaq; dirigi in hostem præcipit, ea mente ut cum suis duodecim tantum triremibus, vel cum
 10 multo maiore hostilium numero, contempto omni periculo audacter congressurus crederetur. Sed quum hostiles multitudine essent superiores, utpote quæ triginta quinque numerum, quæ iam freto excessissent facile excederent, Andreas prælium non temerè vitandum putavit, & in eadem statione substitit, quæ erat tutissima. Nam urbs Iscla quæ antiquitus Pythacusæ à figulinis & nō à simijs dicebatur, sterili in colle collocata in summo vertice munitissimam habet arcem, unde ei è vulgari Græco nomen est Ischia, siquidem munitissimum locum Græcè exprimit. Hæc latè maria prospectat, tormentisque maioribus in hostilem classem directis, & prægrandibus pilis in eam vel ad incertos ictus frequentissimè contortis, Venetas simul & Gallicas triremes ab
 10 accessu facile deterrebat ea conditione, ut è longinquo tantū crebris & innoxijs tormentis certaretur, & Auria lunato in loco rupium obiecta mole protectus consisteret. Arx enim ad septentrionem directis in subiectum mare cauti-
 bus inaccessa est, quum in meridiem extensæ per gradus urbi immineat. Iungitur porro hic collis Ænariæ insulæ oblongo ponte lapideo, sic ut urbs scopula imposita & ponte annexa insulæ, navibus circum navigari nequeat. Circumvolitabant tamen ex longinquo Venetæ triremes, & uno atq; altero ingenti tormento, quod Basiliscum vocabant, inanibus ictibus terrorem inferre, & nostros in altum elicere conabantur, quod subire arcem nec ex propinquo conferre triremes sine certo discrimine atque exitio se posse providebant.
 30 Itaque quum aliquandiu irritò conatu detrimentum inferre contendissent, intra fretum Prochytae unde exierant, se receperunt. Eo die tum primum Auria studium suum nudavit, aurataq; lilia, quæ erant Galliæ Regis insignia, & in extrema puppe spectabantur iracundè perfregit atque deculsit: paucissimosque post dies Gallicam classem Neapolitano excedentem litore, & quod iam Veneta fractis & deletis partium viribus ad Messanæ fretum contendisset, intentissimo cursu suæ classis persecutus est, tanta celeritate ut quædam navigia militaribus equis & pretioso castrensium rerum apparatu onusta consequeretur, & caperet, nec inde quicquam intermissa perpetui cursus diligentia, & segniores & longa navigatione debilitatas quasdam novissimi hostium
 40 agminis triremis interciperet, ut vix Tendanus regulus, quem præfuisse Helvetijs diximus, è manibus elaberetur. Locus admonet, ut quæ promiseram de alienatione Auria, & Ligustici belli causis (hæc enim à legentibus diutius expectari non possunt) ex instituto operis exoluam: & seriatim enarrem, quandores bellicæ sub unum fortè tempus geste, ne texturam historiæ intercitant, atque ineptè confundant, suo ordine per partes explicandæ videantur.

Itaque opere præteritum erit paulò altius repetere à rebus gestis superioris anni, qui toti Italiæ non modò ab atroci terribiliq; armorum strepitu, sed ab

inuitata frugum penuria, & pestilenti cœli atque aeris inclementia supra omnes, quorum patres nostri meminissent, maximè dirus & perniciosissimus fuit. Erat is vigesimus septimus supra quingentesimum & millesimum à partu Virginis, nefanda Urbis clade insignis. Igitur sub id tempus quo Lotrechius transgressus Alpes, eo modo, quo diximus, Boscum, Alexandriam atque Ticinum expugnavit, Franciscus Galliæ rex viginti duarum triremium classem Andrea Auria præfecto Malsiliensi portu emisit. Eum nuper honorificentissimo maritimæ præfecturæ titulo Amirantem mediterranei maris appellarat. Is Genuam obsidere iussus, superiora inferioraq; Liguriæ litora percurrerebat, idq; unum iniunctum diligenter obibat munus, ut frumentarias invectiones impediret. Nam tum Genuæ frumenti inopia vehementer laborabatur, & pestilentia sævire in cives cœperat, nec satis firma aderat classis Antoniotto Adurnio urbis & Cæsarianarum partium principi, qua Gallicæ classis obsisti posset. Hæc dudum onerarias duas Ferrariam & Rapallinam prospero destitutas vento apud Florentium Corsicæ portum persequuta, sese in litus ejicere compulerat, evadentibusque nautis atque vectoribus incenderat. Quamobrem fiebat ut Genuenses onerarias naves ad coemendum frumentum in omnes partes dimitterent, & quotidie effusa in portum esurientis populi multitudine adventum navium expectarent. Earum fortè duæ frumento Siculo onustæ sese in Delphini portum intulerant, ut inde expectata idonea tempestate elusa Aurinarum triremium custodia ad urbem perverherentur. Qua de causa superioribus diebus apud portus fauces Adurnius munitionem erigi, inædificarique propugnaculum, & præsidium imponi iusserat, ut ibi ab alto intrantia navigia tutam haberent stationem, & ne à Gallicis triremibus oppugnarentur terrestri cohortium præsidio defendi possent. His Adurnij consilijs diligenter exploratis Andreas classe provectus, idoneo in loco circiter quatuor millia peditum exposuit, ut à terra portum & vicum occuparet, allectus spe totius hostium opprimendæ classis. In ipso nanque Delphini portu præter aliquot Ligusticas naves frumento & mercimonijs onustas septem aderant, partim Adurniæ, partim Cæsarianæ triremes: quarum provisio periculo Adurnius ferendæ opis consiliū cepit, Augustinumq; Spinulam prætorij præfectum cum multo maxima parte prætorianorum, eò terrestri itinere proficisci iubet. Is naviter iussa faciens per montana aspera que itinera contendens ad vicum quem incolæ Bramapanem vocant, sub auroram pervenit. Tum verò exoriente sole ab hostibus, qui in litus descenderant Spinula conspicitur adeo præclare, ut quum per disruptos & angustos tramites se demitteret, multitudo numerus facile recenseretur, & Auriani ampliore numero suo confirmari obviam descendentibus eundem censerent. Erat modica planicies non longè à fano divi Michaelis trecentorum fermè passuum. Eam Auriani duces Antonius & Philippus provecti præoccupant, & Viscontem Cicadam nobilem signiferum, qui præfecti Auria gestabat vexillum cum valida sclopertariorum manu anteire iubent: ipsi mediam aciem excepturam descendentium impetum ex adverso instruunt. Viscontes nactus in his rupibus duos ingentes scopulos post eos suam manum collocat, & primos descendentium hostes, effusa glandium procella, transitu arcere conatur. Tum verò Spinula coniectus in locum unde se eripere sine ignominia graviq; suorum detrimento nō posset, quanquam numero hostium terreretur, brevi oratione militum animos

animos confirmat, docetq; hostes facile invadi superariq; posse si se prætoria-
 nos esse meminissent, quorum neq; virtutem neque impetum, aut Galli novi
 milites, aut Auriani semiremigēs laturī viderentur. Nec mora æquissimo lo-
 co se demittens, Viscontis sclopettarios ē scopulis deſcit. Hi pulſi mediam a-
 ciem ex tumultuaria ſua fuga perturbant, certatur tamen magna vi collato pe-
 de, ſed vel paucorum hoſtium Auriani iniquo declivique in loco impetum
 non diu ſuſtinent, continuo dant terga, & ſe in fugam per confragoſam viam
 præcipites conſciunt. Spinula pulſis atque perterritis capto Philippo Auria
 inſtat. Ab Adurnijs victoriæ clamor attollitur, Galliſque & Auriani timore
 10 occupati adeo perturbatē ad littus deſcendere conantur, ut pauci apprehen-
 ſis remis in triremes evaderent, reliqui caſi aut capti ſunt, aut per avias & in-
 accessas rupes effugerunt, quum multo plures eorum præcipiti ſaltu ſe eripi-
 entes profundo mari mergerentur. Parta victoriā admirabili caſu accidit, ut
 eo ipſo die Spinula ab Adurnio ad urbem revocarētur, quod Cæſar Fregofius
 a Lotrechio Genuam cum delecta manu peditum & equitum miſſus, in Po-
 ciferam Vallem ſe demiſſe, & iam adeſſe nunciaretur. Quibus iuſſis Spi-
 nula parendum cenſens, ſuſpicatus quod futurum videbatur, ut ſe diſcedentē
 Auria claſſem invaderet, trierarchos admonuit, ut ſe compararent ad præ-
 lium, & nudatas propugnatoribus hoſtium triremes aggrederentur. Quod
 20 ſi id facere præſtareque uti oportebat non poſſent, in altum ſe proriperent, &
 in quos Fortuna vel Liguriæ, vel Etruriæ portus offerret properē confuge-
 rent. Cæterum vel terreſtri victoriā adiuti, nihil egregium aut fortibus viris
 dignum tentare auſi ſunt, quod deſenſores pariter & remigēs ad prædam in-
 citati, conſpecto hoſtium adverſo ſucceſſu in triremibus contineri nequiviſ-
 ſent. Secundum verò complexi conſilium, quum enavigare cœpiſſent, nec ul-
 lo prorſus vento iuvarentur, feſſis remigibus animos ita deſponderunt, ut in-
 tutum evadere poſſe deſperarent, & continuo in eundem Delphinum por-
 tum redirent. Affuit occaſioni ſuæ intentus Auria, & invectus in hoſtes, tri-
 remes præter unam omnes cepit. Hæc fuit Iuſtiniana cognomento Gibba,
 30 reliquæ fuere in poteſtate hoſtium, eo facilius quod nexi, ſerviſque omnes ad
 tranſtra catenati ſublata voce libertatem invocallent, & propugnatores e-
 pibatæque omnes undique deſcenſione facta dilaberentur. Capta ſunt ante a-
 lias duæ Genuenſes, quibus præerat Iulianus Ripa Adurnij cliens. Aliæ fu-
 runt partim Siculæ, partim Hiſpanicæ. Capta quoque eſt & direpta prætioſi
 mercimoniſ plena navis oneraria cognomēto Iuſtiniana, quæ dudum ē Chio
 Orientis inſula in Delphini portum pervenerat. Hæc res geſta eſt ſub Idus
 Auguſti ita alternante vices ſuas Fortuna, ut qui terreſtri pugna victores fue-
 rant, mari victi, & mox debellati fuerint. Cæſar nanque Fregofius ad divi Pe-
 tri ſatium, quod vocatur ad Arenam poſitis caſtris, caduceatorem regium in
 40 urbem præmiſit, qui Genuenſes ad deditionem hortaretur, & ſi id facere ab-
 nuerent, omnia infeſti belli detrimenta, & villarum incendia dinunciaret.
 Adurnius qui paucis antè diebus ægra ſpe rerum ſuarū permotus decurioni-
 bus permiferat, ut legatum ad Lotrechium de concordia mitterent, caducea-
 torem repulit. Id autem legationis munus ſuſceperat Vincentius Pallavicini-
 us, æquiſſimasque conditiones a Lotrechio retulerat, præter id unum quod
 a Genuenſibus enixe petebatur, ut ſcilicet Savonam urbem ademptam popu-
 lo Genuenſi redditurum polliceretur. Eam namque urbem Memorantium

regis gratia validum sibi impetrasse, & præfectum nomine Moretum imposuisse terebant, eo consilio ut Savonensi portu, quod esset Galliae Cisalpinæ opportunissimus, postquam Genua aliene esset ditionis, ad omnes belli commoditates uteretur. Ea re Genuenses nihil gravius sibi accidere posserat, quàm ut Savona tot seculis civitati contributa subtraheretur, repente commutatis animis, à priore deditiois consilio discesserunt, ita ut Adurnius non obscuram spem retinendi principatus sumeret. Quapropter exploratis Cæsaris viribus noctu in eum eruptionem facere constituunt. Imposuerat Cæsar cum præsidio unius cohortis Borrachinum præfectum in æde sancti Benigni. ea est in supercilio montis, qui imminet ei turri quam à lychno nocturni luminis Pharusum vocant, despectatque dextrorsum subiectam maris plagam, in qua, ut diximus, ad Arenæ templum Fregosius confederat. Cognito hostium adventu Adurnij, & paucitate copiarum eius contempta, eos invadendos decernunt, & post intempestam noctem eductis prætorianis rectâ ad eos proficiscuntur, adeo silenti agmine, ut apud Lazariam veterem portam Borrachini excubias parum intentè speculantes opprimerent. Ab his ubi sit Borrachinus, & ubi consistat Cæsar discunt, continuoque dorsum eius promontorij conscendentes, Borrachinū semisopitum, confisumque suis excubijs capiunt, præsidiumque eius paucis cæsis, & nonnullis vulneratis fugatur, & per exteriorē rupis partem deijcitur. Fregosius audito strepitu & iam inalbescente cœlo conspecta suorum fuga, appropinquanteque hoste sese colligens, munimentum quod fors obtulit irruentibus opponit. In ea namque parte littoris ædificabatur oneraria ingens navis, cui Grimaldiæ nomen fuit. Iamque carina eius scamnis & navaliibus canterijs, quos fabri scalos vocant, erat constituta, & costæ suis incurvis asseribus intexebantur. Itaque eo navigio promunitione usus, sclopettarios opportunè disponit, & glandibus coniectis hostes ab accessu arceat. Ibi bifariam divisam pars dextrorsum ad Fregosianas copias ubi erant equites nonnulli, Martinengo duce defertur, altera contra Cæsarem procedit. Sed factum est egregia fortitudine Cæsaris, ut qui in navigio erant, hostes loco pellerent. Nam Cæsar & a puppe & a prora cum suis profiliens in ipsos Spinulanos parum constanter oppugnantes, & metu sclopettariorum perturbatos erupit, & reliqui Fregosiani Martinengum in congressu ita repulerunt, ut circumventus in medio caperetur, Spinulaque ipse deveniret in potestatem: & Sinibaldus Fliscus, qui cum clientū manu aderat parvo temporis & loci spatio ex hostium manibus eriperetur. Eo modo Cæsar semihoræ momento in ipsa propè rerum desperatione victoria potitus, pleno passu ad urbem contendit, & inter suburbana tectavia militaris, quam Fasciolam vocant, iuxta Theodori templū tumultuariam Hispanorum manum, quæ subsidio mittebatur, magno impetu fundit, & ad divi Thomæ portam provehitur. Nec diu post cives excitati Fregosij victoria uti antè statuerant, neque postea impleverant, Galliae regis imperio se dedere decernunt, missisque Ferrario & Lomellino legatis (hi enim erant Fregosianæ factioni addicti) qui portam aperirent, & Cæsarem exciperent, victores introduxerunt. Ipse princeps Adurnius, qui ad tumultum adcurrerat, ubi introductos in urbem hostes ex populari acclamatione audiit, converso equo in arcem properè cōfugit, paululumque moratus, ad novissimū consilium quod erat civilis potius pietatis quàm bellicæ virtutis, descendit. Neque enim eum animi vigorem, quem Hieronymus frater adversis in rebus tulerat Antoniottus, uti erat

erat remissiore ingenio, & podagræ vitij correptus, ferebat. Statim siquidem Philippum Auriam, quem in arce captivum habebat, liberaliter dimittit, orat ut operam æternæ laudis patriæ præstare velit, ne necesse sit in ea mutatione principatus cædibus certare, quibus intestinis malis civitas omnino lacerrareturque deleri posse videatur. Sibi quoque in eam publicæ salutis curam intento nihil fore honestius arbitrari, quàm excedere arce, ut urbanis rebus tranquillitatem adveheret. Cum his mandatis Philippus æquè fidus & alacer ab arce in aream Aurianam descendit: advocat contribules, & plerosque alios cives, appositæ oratione persuadet, ut Galliæ regis imperium lubentibus animis suscipiant, veterum odiorum & factionum oblivisci, & ab omni contentione discedere velint. Ea Philippi oratione permoti cives ad comprimendum plebis & militum tumultum per urbem discurrunt, sedaturque illico moderatione Fregosij & civium precibus armorum strepitus tanto parendi obsequio, ut nulla domus præter decurionum Prætorium concursu plebis diriperetur: sic ut admirabile videri potuerit, quod in tanta perturbatione, nullo propè effuso civili sanguine urbanæ res fuerint compositæ. Quod si Aurianæ Gallicæque triremes quæ tum aberant, eo die portum tenuissent, rebantur cives, navales turmas uti prædæ avidas non facile coerceri potuisse quin effusissimè grassarentur. Itaque singulares à Senatu atque omnibus ordinibus Cæsari gratiæ sunt actæ, quod Galliæ Regis commodo quàm propriæ dignitati atque amplitudini quàm armatus arripere poterat, studere maluerit. Erat enim Cæsar Iano patre genitus, qui tum Venetis in castris militabat, Genuæque principatus Fortuna aliquandiu, ut suo loco diximus, fuerat potitus. Data sunt ei virtutis & clementiæ nomine præmia signatæ pecuniæ & certissimi annui redditus alimenta, quæ ad posteros transirent, è senatusconsulto constituta. Nec multo post pari civilis animi propensione Adurnius arcem civibus reddidit, & cum præsidio clientium suorum patria & principatu cedens, ad paterna castella se recepit, paucisque post mensibus quum ad Antonium Levam esset profectus, apud Mediolanum sine prole fato concessit. Non multo autem post dies Genuam venit Theodorus Trivultius, qui deductus in senatum consensu civium, satagenteque in eam rem ipso Auria, Decuriones in verba regis sacramento adegit, quum paulò antè Cæsar Fregosius ad Lotrechium in castra redisset. Eius diu anni inclinante autumno quo hæc in Liguria gesta sunt, & Lotrechius reiecto oppugnandi Antonij Levæ consilio, totas Francisci Sfortiæ præsentis atque obnixè orantis spes eludens, post eas urbes, quas diximus manu captas ad oppugnandam Neapolim ire properabat. Landus Venetæ classis præfectus in Siciliam navigavit, atque ingressus capacissimum Augustæ portum postulavit à præfecto arcis, ut sibi præsentî pecuniâ coemere frumentum liceret: quod quum præfectus spontè se concessurum Venetis ex professo Cæsaris hostibus pernegasset, Landus refractis horreis, quantum sibi opus esse iudicabat, frumenti copiam navibus imposuit, ea æquitate ut pretium Siculis egregia fide persolveret. Ab Augusta autè digressus, quæ est inter Pachynum promontorium & Siracusas, superato Messanæ freto ad Æolias insulas cõtendit, circa quas triduo tempestate iactatus, & perflantibus demum modo Euro, modo Subsolano secundissima navigatione in Puteolanum sinum se intulit. Ibi quum tormentis peteretur è superiore Baiana arce, quæ est ad Baulos, in eo loco ubi olim Hortensij oratoris villa fuit,

longius secedens, directis proris atque tormentis oppugnare urbem Puteolos cœpit, ad quem classis locum Baianæ arcis tormenta pervenire non poterant. Ea namque arx in supercilio montis posita est, qui duo diversa maria despicit Puteolanum scilicet sinum, & Baianum portum, qui antiquitus Misenensis fuit, Romanorum navale tutissimum. Mare siquidem Misensis copulo illisum per arctas fauces ad lævam influit, & conclusum efficit pelagus, quod hodie perpetuæ tranquillitatis nomine, Mare mortuum appellatur, habetque iuxta ad certam æquationem fornicati operis piscinam, quæ ab incolis Admirabilis vocatur. Cæterum Landus nihil tantata per milites expugnatione ex condito iussuque Senatus, ut Gallicæ classi iungeretur, Tyrrheno provectus mari, ad portum Herculis quod est ad Argentarium Senensis agri promontorium, Auriam obvium habuit, communicatisque consilijs in Corsicam primo, atque inde per fretum quod utramque insulam dirimit, in Sardiniam trajectum est, & copiæ, quas Rentius Ceres elapsus clade Urbis Gallica pecunia scripserat, in terram expositæ sunt. Primum quod occurrit, fuit oppidum nomine Genuense Castellum. Ibi promotis proris tripartito munere tres classes uno tempore diversis in locis murum verberare cœperunt, satisque magna parte mœnium quassata & diruta Castellorum res, quanquam egregiè sagittis præsertim atque lapidibus se defenderent, grave in discrimen adductæ videbantur. Quo permoti periculo oppidani Rentio significaverunt, se certa conditione postero die dedituros. Is enim suos in acie continebat, ut cuncta quæ supervenire possent Sardorum auxilia continuo arceret, ne navalibus socijs oppugnatione occupatis ulla exterioris hostis vi noceretur. Sed in metu deditioisque consilio versantibus oborta fortè tempestas turbulenta, qua ab importuoso littore classibus erat discedendum, salutem attulit. Nam repente sublati ancoris intento usus remigio Auria ad Herculis insulam, quæ olim Diabata, hodie Asinaria dicitur, contendit, cursumque eius observantes Venetæ Gallicæque triremes in eundem portum concesserunt. Is est fidissimè recessus, & obiectum contra respicit Falconis promontorium, ab antiquis Gorditanum appellatum. Dum classes decedente tempestate idoneam maris tranquillitatem expectarent, qua freti ad expugnandum Castellum Genuense reverterentur, Rentius eos admonuit, ne renovato impetu de expugnatione oppidi cogitarent per causam obtinendi commeatus, quoniam ipse cum terrestribus copijs proximum oppidum nomine Sursam occupasset, quod erat ab incolis desertum, atque omni commeatus copia plenissimum, unde per multos menses universa classis alii posse constaret. Interea Rentio interiora insulæ pervadenti nunciatum est, Sardorum equitum alam cum ingenti sagittariorum peditum agrestium numero adventare: quibus excipendis Rentius expeditam sclopettariorum manum loco inter vepres & arbuta ad insidias idoneo collocavit, primoque impetu incautè præcurrētes hostium equites fudit & avertit, quum in primo agmine nonnulli glandibus traiectione cecidissent, & ante alios eorum dux cum signifero Bartholus cognomento Florentinus, usque adeo perturbatis reliquis, ut ea ala equitum ferme quingentorum refugiens, agmina sagittariorum perturbaret atque proculcāret. Neque postea ullo in loco amplior Sardorum manus sese ostendit. Itaque classibus Sursanæ prædæ & commeatus ingenti copia affatim repletis, Rentius ad Saxerim urbem præfecti totius insulæ sede, & Sardorum conventu claram accels-

cessit, & quod prefectus munitiorem quærens locum Caralim aufugisset, eam urbem copijs suis occupavit, quo etiam appulit classis. Tanta verò omnis generis annonæ copia reperta est cum frumenti & vini, tum etiam ad opima militum & remigum salitæ carnis & casei, numerosique maioris & minoris pecoris multitudo, ut multa ingluvie earum rerum paulò antè exurientia corpora morbis tentarentur, nec secus ac in pestilentia accidit, magnus numerus ægrorum interiret. Nam supra intemperiem Sardoï cœli, quæ vel hyeme etiam erat gravissima, ea copia cibariorum & multiplex recentium præsertim carniū usus, deficiente pane, affectis et paratis ad mortem corporibus accesserat, usque adeo miserabiliter, ut non modò in milites & remiges, sed ad aliquot nobiles trierarchos ea contagiosa labe permaneret, & dimidia pars hominum absumeretur, reliqua lethaliter langueret, & ea clades adverso prælio major censeretur. Audivi ego Auriam eius infaustæ expeditionis consilia explicantem, propterea in eam calamitatē classes incidisse, quod sicuti propositi prioris erat, regijque consilij Siciliam gerendo bello invadere nequivissent, retardat scilicet longa expectatione Rentiarum copiarum, quas ille tardius quàm expediret, constitutumque esset, è Liguria ad Etruriæ portus adduxisset, subindeque adversissimis ventis maria clauderetur. Idcirco commeatus inopia adductos Corsicæ, ut necessitati parerent, oram legisse, atque Sardiniam apprehendisse, nihil hyberno tempore infamis insulæ inclementiam reformidantes, quum æstate solū & autumnò Sardinia pestilens esse consuevisset, quasi cuncta uno tempore pro Cæsare admirabili conspiratione propugnarent, mirumque esse fateretur quod ipsorum consilijs rectissima deliberatione susceptis, tota ea navigatione adversa omnia, hostibus verò secundissima provenissent. Exinde ab infamilitore discedentes, Liburni portum tenuere, quem antiquitus Ciceroni Labronem fuisse constat, hodieque apud incolas priscum id nomen retinet. Instabat iam adventus ciconiarum prima non dubij veris signa afferentium, qui incidit in Idus Februarias, atque ita aperiente se mari Ioannes Morus primus omnium cum sua classe profectus Siculum transivit fretum Corcyramque pervenit, quem non multò post subsecutus est prefectus Landus. Gallicæ verò triremes reliquias Rentianarum cohortium sustulerunt. Ipse autem Auria ea conditione Genuam est reversus, ut cum octo triremibus Aurianis Philippum Auriam propinquum legatumque suum cuius virtuti plurimum confidebat, non multò post ad Lotrechium Neapolim obsidentem mitteret. Initio autem æstatis (ut diximus) Philippus navali prælio propè Salernum cum Vgone Moncata commissis classibus confligit, paræque victoria Alphonsum Vastium & Ascanium Columnam eo prælio captos ad Auriam perduxit. Hi pro redemptione æquum pretium pollicentes Auriam demississimis precibus orabant, ne se regi Gallo ad diuturni carceris miseriam tradere properaret. Repetebat enim eos rex multis de causis, quod lege militari & suis auspicijs capti tradendi censerentur. Sed id Auria ex privatis stipendij sui conditionibus se facturum pernegabat, quod longè molestissimum magnanimo Regi cupidissimoque ostentandæ liberalitatis atque clementiæ in captivos dolorem afferebat, usque adeo ut iracundiæ correptus Auria responsa tanquam insolentiæ & non obscuræ avaritiæ plena contumeliose detestaretur. Dicebat enim Auria nuper expetenti regi Philiberto Aurantium ab se mari captum & prægrandem pecuniam pollicentē li-

beraliter concessisse, neq; postea regem uti promississet, iuraque militiæ postulabant, pro captivo ullam omnino pecuniam rependisse, eumque pro accepto munere aliam non reddere gratiam, quam ut ipsum meritorum stipendiorum spe & longa expectatione frustraretur. Sed Auriam sicuti didicimus, ut duriores se æquo regijs postulatis, inexorabilemque præstaret, nequaquam pecuniæ cupiditas, sed ingens amor erga patriam impellebat. Genuenses namque gravissimè conquerebantur, Savonam sibi adimi, vetustissimoque ipsorum imperio subtrahi impotenti regis libidine, qui importuno detrimentoq; vectigalium præiudicio, portum atq; emporium ibi condere ad summam ipsorum contumeliam statuisset. Hoc siquidem publico dolore Auriam vehementer angi Vastius conspiciens, eius animum pertentare ausus, eo iam ægrum & nutantem perpulit, ut commutata voluntate, conversoque studio repudiataque regis amicitia Cæsaris auspicia sequeretur, à quo certissima præmia expectari possent, quæ spes omnes de liberalitate regis conceptas magnitudine honoris atq; stipendij superarent. Clemens Pontifex causis Aurianæ alienationis compertis per Salviatum legatū regem amicissimè permonebat, ut operam daret, ne Auria causam depravati animi discessusque sui nactus posset, quod vir ille possessione maris potens omnino in officio atq; amicitia retinendus esse videretur, ne si labesceret atq; deficeret ad hostem, spes omnis exploratæ prope victoriæ corrumpetur. Proinde imponendos esse iracundiæ frenos, ne publicis rebus officeret, si pertinacius vel iusto dolori indulgendum arbitraretur. Misit etiam Clemens ad Auriam T. Sangam ab epistolis, qui eum leniret, ne quid properè transigeret, hortaretur, quando perpetuum eius studium fidesque veteris constantiæ ab omnibus fœderatis exigeretur. Cæterum Auria quum audisset à Barbessio Gallicarum triremium præfecto sibi insidias tendi, & salutem eius ad sicarios propè deferri, opportunè sibi cavendum censuit, atque omnino Cæsaris amicitiam & militiam tanquam uberiorem certioremq; complectendam ratus, è Genua ad Erycem, quod est oppidum iuxta Lunense promontorium positum, cum reliquis suis triemibus se contulit, dimisitq; sub fide Vastium ad Antonium Levam, ut cum eo communicatis consilijs de conditionibus ageretur, quæ deferri ad Cæsarem in Hispaniam deberent. Atq; ita non multò post Auria torquem conchyliatum, quem honoris causa ab rege delatum acceperat, ad eum remisit, ab eaq; de more cerimonia sacramento militari se absolvit. Rex enim exactis stipendijs hominem retinere conatus, multa per Ioachinum Levantium Ligurem, què Lorechij iussu ab navali statim victoriâ captivos à Philippo postulassemur, atq; item per Petrum Franciscum Pontremulanum frustra egit, quum iam seræ poenitentiae tempus incidisset. Per hunc modum Auria singulari cum offensione Regis, magnoque eius incommodo cum Cæsare transiit, & uti diximus, cum duodecim triemibus ad Ænariam liberatos proceres Vastium & Ascanium retulit, deletisq; iam Gallis ad Aversam, & castris eorum captis, confectabundus Gallicas naves, Genuam est reversus, eo infensi animi consilio, ut Gallos urbe depelleret, neque tamen novum aut Fregosij nominis, cui ipse antea enixe studuisset, aut Adurnij, quod multis de causis iam pridem odisse videbatur, principatum induceret, sed ut omni externo dominatu repudiato, patria intestinis malis diu afflictâ oppressaque nunquam deficientibus tyrannis, in libertatem suis auspicijs assereretur. Hanc enim Genuenses in uni-

universum multis annis exoptasse potius quam sperasse videri poterant, quod eorum ingenia nunquam satis pacata, novis semper studeant rebus, & mutatione principatus tumultuque urbano magnopere gaudeant, parata semper plebe ad excitandas seditiones suo pte instructu, impulsuque procerum, qui diversas alere factiones, ostentare potentiam, & modo his, modo illis prout repentina libido tulerit, partibus adesse consueverant. Civitas siquidem prioris seditiosi seculi mores sequuta, infano & miserabili instituto non in duas uti priscis temporibus, sed in diversas atque multiplices factiones scindebatur. In Guelphos namque & Gibellinos diducta erat, quorum principes erant nobilissimae inter Ligures familiae patritij ordinis nuncupatae, Spinula scilicet & Auria ex professo Gibellinae, & Flisca atque Grimaldia, quae Guelphum nomen praeferebant. Vetere autem lege diu observata cautum erat, ne quisquam civitatis principatu potiretur qui esset patritiae gentis. Hunc enim honorem eximium populus usurparat, ea tamen conditione ut ex his esset familiae, quae Gibellinae partis forent. Nam populus eo etiam antiquissimo morbo laborabat, & super hunc etiam nova factione dividebatur, quod aliqui maioris classis quae honestissimis atque ditissimis familiis constabat, vetustate numero atque potentia patritijs aequarentur. Huius classis principes evaserant Adurnij atque Fregosij, qui Gibellinae stirpis censebantur. Hi perpetua descensione a maioribus per manus traditum supremae potestatis & imperij ex aequo decus petebant, certabantque odijs & armis, inclinante ad eos victoria, ad quos patritius ordo, & popularium amplior manus accessisset. Magna quoque spes principatus posita erat in minoris classis studio: ea enim opifices infimamque plebem continebat, cuius erat multitudo ingens, & ad capienda arma ferendasque seditiones paratior. Haec infima populi classis ante viginti annos ab insolentia, turbulentiaque ingeniorum tantum invaluit, ut sicuti suo loco memoravimus, patritios tanquam superbe dominantes expelleret, erectoque popularium statu a Galliae regis, in cuius clientela erat civitas autoritate discederet. Qui tumultus usque adeo gravis fuit, ut vix adventu armati regis perdomita civitate coerceri potuerit. Igitur sub adventum Auriae Genuenses animos a pristinis dissensionibus ad concordiam revocantes, de constituendo oblate libertatis statu, consilia inire coeperunt. Multa tum senatorum omnisque generis civium capita, eius damnati anni pestilentia sustulerat. Non deerant tamen in quibus vigeret studium complectendae libertatis: propterea paulo ante nunciata Gallorum clade, quae ad Neapolim Lotrechio acciderat de abolendis veteribus factionum odijs, parandaque fideli concordia per coronas sermones ferere coeperunt, quos quanquam non obscurae rebellionis initia viderentur, Theodorus Trivultius urbi praepositus minime vetabat, utpote qui Italicae probitatis, & Christianae disciplinae putaret nihil pace & consensu civili melius, nihilque factionum, quae saepe cruentae extitissent, oblivione tutius atque salubrius. Andreas itaque iuxta urbem ei litori, quod Sarzanium vocant, cum tredecim triremibus noctu appulsus, notos sibi cives quosdam evocavit, rostratarumque singularum scaphas militibus complevit, iussitque ut exploratum intra molem prederent. Orabant cives ut nihil bellica vi tentare properaret, ne urbs foedae direptionis periculo obijceretur. Idcirco Philippum Auriam, Christophorumque Pallavicinum in Auriam adoptatum familiam cum manu militum misit, qui per notos sibi aditus urbem intrarent, & quid facto

opus foret explorarent. Interea Galli trierarchi cognito Auriæ adventu nihil sibi moræ attulerunt, quin sublati ancoris ad prælium se compararent, & portu in altum se proveherent. Eo casu Auriæ scaphas suas revocat, recipit milites, & ad pugnam compositis armamentis procedit. Sed nox adeo obscura erat, ut classes inter se conspici nequirent, momentaneisque tantum quum tormenta incenderentur relucens flammis spectarentur. Quamobrem Auriæ non temerè tenebras detestatus, quod Gallos procursum suum prælium appetere & congregari velle appareret, expectandam lucem esse constituit. Quamora ei renunciatum est ab his quos miserat, urbem esse in potestate. Nam Philippus porta arcus positus, & Pallavicinus per Giaretam quam vocant portam iuxta navalia ingressus, pulsus ex itinere Gallorum excubis in forum pervenerant, coniunctisque viribus ipsum prætorium depulsa Helvetiorum prætorica cohorte sine vulnere occuparunt. & quum libertatis ingenuum nomen undique audiretur, Theodoro arce se tenente civitas oblita Gallici principatus libertatem complexa est. In albescente verò die quum speculatorium navigium Auriæ renunciasset, duas triremes à Savona recta navigatione urbem petentes, ignaras earum rerum quæ accidissent, adventare, Auriæ ad eas opprimendas contendit. Earum altera in alto comprehensa, alteram concitatam in littus quod Cogoretæ plagæ est, suis catenatis remigibus plenam evadentibus propugnatoribus cepit. Nec multo post sublatum Cæsariano vexillo, quo Vgonis Moncatæ prætorica capta fuerat, ad urbem suburbanæ littoris loco, qui Malpaga vocatur, classem appulit, exindeque urbem in potestate esse certior factus, Gallicas duas item triremes, quas consensu ad arma adversus trierarchos nexi remigibus occuparant, propugnatoribus ad arcem confugientibus cepit, acclamanteque ei populo tanquam victori assertori que libertatis, ad paternam domum ire contendit. Ibi concionatus ad cives sui consilij causas aperuit, & suum erga patriam adductæ libertatis beneficium, ut agnoscerent, conservareque studerent, admonuit. Ipsi cives præ gaudio plorantes, certatim gratias agentes, receperunt se fortibus animis, eo uleros beneficio, quod optimus civis & patronus omnium fortissimus præstaret. Creatus est subinde advocato in consilio populo constituendæ Reipublicæ Decemviralis magistratus, qui ordinaret civitatis statum, atque item alter qui belli & pacis munia tractaret, quod plerique conscribendum exercitum censerent, quem descendenti in Pociferam vallem Francisco Borbonio Sancti Pauli regulo opponerent. Tantum porro fuit in plerisque civibus tuendæ libertatis studium, ut ingentem pecuniam in ærarium liberaliter conferrent. Sed Borbonius retrò rebus desperatis reversus, in Galliam Cisalpinam unde venerat facile effecit, ut Theodorus Trivultius honestissima pacatione reddita arce sibi consuleret, & humanissimè dimissus ad tuta Gallorum præsidia proficisceretur. Nec multo post hisdem copiis, quæ contra Borbonium comparatæ erant, Savonam in potestatem redegerunt, Noviumque item oppidum, & Vadum castellum, quod est ad Vada Sabatia, Antonij triumviri ex Mutinensi prælio fugientis receptu clarum. Verum multo iracundiæ studio incitati Genuenses, ut bene mulctatos Savonenses relinquerent, in eorum portu duo magna navigia plena ingentibus saxis demerserunt, scilicet ut victis & æmulis omnem eius portus opportunitatem adimerent, imposita graviore etiam pœna si portum repurgare ullo unquam tempore tentavissent. Pari quoque

quoque lætitia Castelleti arcem deferentibus Gallis receptam, funditus everterunt, ne ulla extaret arx quæ reponēdo servitutis iugo vel civibus tyrannīs, vel externis regibus occasionem afferre possē cēderetur. Ferunt ipsum Auriam cohortantibus quibusdam civium primatibus, ut dominatum civitatis quem bona fors offerebat, suscipere vellet, eius rei per amplum munus mira animi integritate atque constantia renuisse, quum diceret sibi exactæ propē ætatis senī, & satis opulento, nullisque innixō liberis, ineptum fore principatus nomen, satiusque omnino esse & multo gloriosius, id donum patriæ dedicare, quā inde a quoquam privato cive vel externo principe, qui sua ope ad imperium
10 provehi posset, amicitiam & gratiam promereri, quando nihil ad veram laudem uberius, vel ad dignitatem honestius, vel denique ad reliquæ vitæ felicitatem firmiter atque splendidius fore iudicaret, quā eternæ suæ erga patriam munificentiae trophæum, post excussum ipsius auspicijs diuturnæ servitutis iugum, in foro memoriaque hominum, liberatæ a se patriæ statuisset. Nec multo post populus universus præclara ideoque perenni gratissimorum animorum
testificationē legem rogavit, quam decuriones cunctis suffragijs sanxerunt, ut Auriae statua Colossææ magnitudinis e Lunensi marmore decerneretur, locareturque in foro, cuius bali his verbis titulus inscriberetur. **ANDREÆ AVRIÆ CIVI OPT. FELICISS. QVE, VINDICI AT-**
10 **QVE AVTHORI PVBLCÆ LIBERTATIS, SENATVS POPVLVSQVE GENVENSIS POS.** Paulo antequam Ligures tam varia publici status commutatione agitati, inexpectato libertatis munere pacarentur, Cæsar nutantem partium suarum Fortunam, novis copiarum viribus confirmandam ratus, e media Germania, Saxonumque finibus Henricum Brunsvicensē regulum in Italiam evocavit. Hunc Brunsvici dominantem (quæ vrbs eruditioribus Germanis olim Tulisurgium iuxta Visurgim amnē positum fuisse existimatur) Ferdinandus rex Cæsaris frater oblati stipendijs propositisque vberioribus præmijs, ætate florentem & bellicæ avidum laudis facile accenderat, ut ad quærendum novum decus domo proficisceretur. Coe-
30 git is parvo temporis spatio validissimas peditum legiones duas, armatorumque equitum ingentem manum, descenditque Tridentinis alpebus iusto tormentorum apparatu instructus, secum adducens carros vehiculaque Germanicigenis, quibus non modo commeatus magnam vim, sed clybanos etiā minorum instar furnorum convehebat, ut Cererem expeditē vel in hostili solo percoquere atque inde se alere exercitus posset. Ad famam Henrici descendētis, Veneti de salute oppidorum ac urbium suarum solliciti, continuo Feltrium imperatorem suum, qui amissam ferendæ opis occasionem, quam Clemens in arce obsessus frustra expectasset, in Piceno atque Umbria confederat, revocandum censuerunt, ut eo Germanis opposito suæ ditionis fines ab iniuria defenderent. Sed is peritus belli, neque Germanicæ virtutis ignarus, suavit
40 senatui, ut vitæ dum omnino validi hostis impetum decerneret, nullum pugnae discrimen subiret, & suas tantum urbes atque oppida confirmata præsidijs tueretur, quando ipse neque Italicis peditibus campestri in pugna confideret, adversus præsertim eas gentes quæ ab statario ordine acierum insuperabiles viderentur: neque levis ipsorum armatura equestri nisi temerè committenda foret Germanis equitibus, qui essent cataphracti robustorumque equorum constantia atque impetu maximè valerent. Itaque eas quoque copias que Sfortianis

coniunctæ cum Antonio Leva bellum ad Mediolanum gerebant, trans Abduam revocavit, validoq; præsertim præsidio urbem Bergomum permunivit, quod fama esset illac hostes transituros tanquam Bergomatium præde inhiantes. Antonius porro Leva cognito Brunsvici adventu Abduam traiecit, atque unâ colloquutus, cum multis de causis ad oppugnandum Laudem Pompeiam perduxit. Ea enim urbs quæ prima omnium eo bello à Cæsarianis defecisset, Sfortiæ detrahenda iudicabatur. Nam Leva captum à Lotrechio Ticinumi-
 gnavia Veneti, Sfortiani; præsidij cui præerant Petrus Longena Brixianus, & Annibal Picenardus Cremonensis pessimè postea custoditum, inopinata hostis invasione receperat, ita ut eâ regionē quæ est inter Ticinum & Abduam to prædabundi Cæsariani impunè percurrerent. Quibus rerū periculis ex novi hostis adventu cumulatīs Sfortia Brixiam suadentibus Venetis se recepit, Paulumq; Sfortiam ex patre Ludovico germanum fratrem præstanti virtute virum Laudi Pompeiæ præsidio imposuit, confirmatum aliquot Sfortiani nominis cohortium præfectis longè fortissimis. Brunsvicus Brixianum & Bergomatem agros effusè populatus, & sævis etiam incendijs bellum gerens, deducēte Antonio Leva Laudem Pompeiam superato Abdua pervenit, admotisq; tormentis oppugnare cōstituit: quoniam Paulus Sfortia deposcenti Antonio Levæ, ut urbem Cæsari per insidias ereptam continuo redderet, nisi cuncta aspera & sæva experiri vellet, generosè respondēbat se à fratre legitimo urbis principe custodiæ impositum, neque fidem, neq; spem de virtute sua conceptam fallere decrevisse, neq; his terriculis & minis terreri, quibus ipse Leva quominus acriter strenueq; Ticinum adversus Gallū regem defenderet, minimè succubisset. Itaq; uti luberet mœnia tentarent, sperare enim urbem Dei maximi, divorumq; qui iustæ causæ nunquā deessent, beneficio & virtute militum suorū prosperè posse defendi. Nec multo post explorato urbis situ duobus in locis, quibus mœnia infirmissima visebātur, triduo perpetua qualificatione murum perforavit, stravitq; summam pinnarum coronam, usq; adeo lato hiatu edito, ut facile invadi urbem, & capī posse promptissimi Hispanorū iactarent. Brunsvicus enim Germanis tanquā parum ad id munus expeditis, primū prælii decus Hispanis concesserat. Neq; defuit alacritas atq; audacia ingens commendante Leva Hispanorum cohortibus, quæ primè Remiro duce subire murum cœperunt. Ii per arduum & acclivem mœnium aggerem conscendentes scuta prætendebant. Sed Sfortiani crebra glandium procella appropinquantes & subeuntes primò perfuderunt, occisisq; aliquot signiferis, qui intrare per ruinas ausi fuerant, lanceis & alabardis pulsos in fossam cruento impulsu præcipites deturbabant, sicut præ timore incommodoq; accepto instaurare prælium dubitarent, quanquam eos Antonius ignaviā increpitans, ut animos resumerent, rursusq; irrumperent, vehementer adhortaretur. Brunsvicus verò ut desinerent iniquissimo loco pugnam ciere Levam admoneret. Atq; ita Antonius receptui cecinit, quū occulto dolore angeretur, quod viri fortissimi aut cecidissent in fossa, aut lethiferis vulneribus debilitati sibi detraherentur, quorum desiderio extenuari sua præsidia, & difficiliorem defendendi Mediolani facultatem sibi futuram prospiceret. Paulus depulso fortiter periculo pro concione milites laudavit, honestavitq; muneribus eos præfectos, qui in muro & periculosa ea cōtentione singulari promptitudine dimicassent. Fuere hi Baptista cognomēto Maetus & Mannara ambo Cremonenses,

ses, Pelacanes item Bononiensis. Henricus qui eo cōsilio in Italiam venisse me-
 minerat, ut ad ferendam obsessis opem Neapolim contenderet, postquam ini-
 tia cōceptæ oppugnationis adversa funestaque provenerant, nec instaurato ap-
 paratu munitissima urbs iterum tentanda videretur, consilij inops; circa Me-
 diolanum æstivare, novaque belli ratione Cæsari operam præstare cogitavit,
 quod eadem à Mediolanensibus quæ Antonius imperare atque exigere con-
 suellet, gratuita alimenta atque stipendia se consecuturum confideret. Id veri-
 tus Antonius astuta simulatione Germano Italicarum rerum ignaro facile per-
 suasit, ut id consilium abijceret, & in Germaniam omnino redeundum arbitra-
 retur, quoniā pestilentia valde atrox iam in legiones Germanicas grassari cō-
 pisset. Nam eo infami anno pestilentis morbi lues diffusa per omnes Italiæ re-
 giones tertiam ferè mortalium partem absumpsisse ferebatur, deficienteq; pas-
 sim annona quæ immenso pretio cunctis in urbibus crevisset, multi inopesq;
 præsertim insolitis utentes cibis, contracta tabe sensim interirent. Qua de cau-
 sa Germani vel sua consuetudine pestilentia periculo contemnere soliti, con-
 spectis suorum funeribus, mortem ita timere cœperant, ut stipendiorum certa
 spe destituti, ac urgentis inedia metu adducti, perosi que externum tanquam
 insalubre cœlum, manipulatim domum redire properarent. Neq; enim petere
 Neapolim aut tuto proficisci se posse providebant, quum per infesta hostium
 itinera esset transeundum, vel si in Etruriam aut per Togatam Galliam iter ha-
 berent, quando hinc Florentinos, illinc verò Ferrarienses Æmiliam attingen-
 tes viam pro insensissimis hostibus habituri dicerentur, appareretque ipsum
 Sancti Pauli regulum qui cum novo Gallorum exercitu nuper in Italiam de-
 scendisset, occasionem minime prætermisurum, quin iunctis cum Feltrio co-
 ppijs proficiscentium vestigijs insisteret, et iniquo aliquo eius tam longi itineris
 loco, grave detrimentū novissimis inferret. Hæc Antonius suo præditus astu
 prolixè & libentissimè differebat, utpote qui collegam præpotentē sibi adsci-
 scere nollet, ne enervatam opibus Insubrum civitatem, magno suo incommo-
 do delendam truculentia Germanorum volens traderet. Ferunt Henricum
 gravissime de malignitate Antonij apud suos conquestum, quod importunis
 perversisq; eius consilijs se deceptum fuisse prædicaret, quibus ab instituto iti-
 nere petendæ Neapolis retractus totum munus sibi ex consilio Cæsaris impo-
 situm, quū tempus appeteret, obire nequivisset, atq; ita iratum cōsternato ani-
 mo per Rheticas alpes Larium lacum et Grisonū fines in Germaniā rediisse, ma-
 gna parte bellici apparatus quæ attulerat relicta, et multis equis parvo pretio di-
 venditis, quod pleriq; eorum prægrandium & graviū, attritis ungulis intume-
 scentibusq; talis debilitati claudicarēt. At Philibertus Aurantius nō sine certo
 numine Gallis adverso tanta potitus victoria, primum omnium severa lege
 præscripta, citatos nec comparentes procures qui rebellassent, aut dubia fidei
 indicia præbuissent, erecto tribunali condemnavit, bonaque eorum, edito in
 milites ingenti donativo profusè distribuit, ea ratione ut ex merito spectatæ
 virtutis, pro dignitate ducum & præfectorum, redacta in fiscum oppida bene-
 meritis adjudicaret. Ipse contentus Asculo Apula urbe, Montis sacri oppidū
 quod in Samnio Vincentius Caraffa possederat, Vastio attribuit: Ferdinando
 Gonzagæ Arrianum. T. Caraffæ exulis oppidum, Alarconi Cæcilianæ val-
 lis quæ in Præcutinis est oppida, quæ Camilli Pardi fuerant, addixit. Turma-
 rum verò præfectis, & singulis propè pedestris ordinis centurionibus atque si-

gniferis Aquilanorum castella largitus est, & in his Epirotarum præfecto nomine Saccalo Naupliensi, qui Navarrum ceperat, castellum in Salentinis dono dedit, Philippoq; Belgæ Caroli Lanoij filio, Venafrum, quod Ferdinandi Pandonij fuerat: Beurioq; item Belgæ Quadratam in Apulia, quæ Aquinatis familiæ reguli fuerat, concessit. quam largitionem eo animo ratam habuit Cæsar, ut Aurantium ea designatione præoccupasse suæ liberalitatis decus quæretur, eumq; ex alieno facile immodicum largitorem extitisse diceret. Ceterum magna vis pecuniæ ab his extorta est, qui nutasse in fide, afflatiq; defectionis suspicione, paratis in eam rem delatoribus accusarentur. Cuius classis fuisse Ferdinandus Vrsinus Gravinae regulus, & Bonifacius Oriæ oppidi in Salentinis dominus, Dragoneti lepidissimi poetæ pater antiquæ simplicitatis sokenx: Boviani autem & Venafræ regulo, & Federico Gaetano, qui in tempeste nihil de Lotrechij victoria dubitantes arma ceperant, & cum his Altomari Aversano civi, in foro cervices abscissæ sunt. Incredibile dictu est quantam pecuniæ vim ex varijs criminationibus eo anno fiscus acceperit, in eam rem severæ inquisitionis diligentiam exercente Hieronymo Morono, quem pro captivo à Borbonio Romam perductum, in liberando Pontifice tam piam quam necessariam efficacis consilij operam præstitisse memoravimus. Non toto revertente biennio ab Urbē capta, quo Genuenses toties mutato rerum statu libertatem præstantissimo Auria civis munere receperunt, & Brunsvicu rebus infectis in Germaniam est reversus, Lotrechianæque demum copiae accedente pestilentia deletæ sunt, novum in Apulia bellum exarsit, Venetis (uti supra diximus) urbes pristini sui imperij repetentibus: & nonnullis Gallicæ factionis ducibus sese his in belli societatem aggregantibus. Nam ut memoravimus à Veneta classe Monopoli capta undique milites confluebant, & tum Camillus Vrsinus, quem à Troia in Apuliam à legato Veneto missum fuisse constat, coactis circiter quatuor milibus hominum Manfredoniam obsidebat, quam Cæsariani nominis cohortes duce Petro Aloysio Farnesio tuebantur. Cum Farnesio autem aderant cohortes præter suas peculiare nonnullæ etiam aliæ quæ Petri Mariæ Rusij atque Alexandri Vitellij absentium vexilla sequebantur. Hi namq; post desperatas Pontificias res impetrata missione Cæsariatui adhæserunt, iussuq; Aurantij Farnesio se coniunxerant, qui ab initio secutus Cæsaris nomen cladi Urbis interfuerat. Gerebāt Rusij atq; Vitellij vices duopeditum præfecti, Carlottus Parmensis cognomento Eques, & Alexius Lascares vir Græcus, quibus uno consensu urbem defendentibus frustra Camillus oppugnare atq; obsidere contendebat: quanquam turrim castris suis infestam, quæ erat extra urbem, igne cuniculis supposito, totam ferè cum clade defensorum, suisq; aliquot incendiarijs artificibus excidisset. Erumpebant Cæsariani omnibus propè horis, & cum Venetis quotidiana exercitatione dimicabant iniqua conditione, quod Veneti multitudine equitum valerent, atque ex occasione ad cohibendas eruptiones, triremes obversis in litus prioris inerrumpentes hostes tormenta coniungere consueissent. Eo tempore Veneti terramariq; impigre bellum gerebant. nam præter classem quæ magno sibi usui & terrestribus copijs erat, mirifica etiam Græcorum equitum opera utebantur, qui non solū circa Manfredoniam, sed tota quoq; Apulia & in Salentinis, Gallicis admixti copijs volitabant. Conduxerant namque fortissimorum hominum turmas, qui exosi Turcarum iugum à Peloponneso reliquaq; Græcia invitati

vitati stipendijs in Italiam transire cœperant. In his fuere, quorum nomina si-
 lentio minimè prætermittenda duximus, ut præclare constet nō omnino ex-
 luisse equestris militiæ disciplinā tātopere apud eas gentes antiquis scriptorib.
 celebratam, Demetrius Maurelsius Ætolus, & Ioannes Palæologus Byzan-
 tius, duoque item Spartani Nicolaus Rhalla, & Emanuel Cladaus, & è Nau-
 plio Petrus Frossina, eo genitus Theodoro quem Brixia cecidisse docuimus,
 Ioannes quoque Coroneus cognomento Vasco, & è Zacyntho Lusius digni-
 tate equestri, Theodorusque Rhenes Epidaurius, ut Cæsarianos hoc loco mi-
 nimè nominemus, apud quos militare liquet inclytæ virtutis duces, Theodo-
 10 rum Buccalum Lacedæmonium, Demetrium Capuzzimadium è Nauplio
 & Zucerum Epirotica ortū stirpē, Megalopolitanū civē, quæ urbs hodie Lon-
 darium vocatur in centro Peloponnesi, loco valde campestri posita. Sed apud
 Venetæ militiæ Græcos à multis stipendijs præclaraque laude supra cæteros
 eminebat Georgius Bosichius, eo Dominico qui Paravino bello longè clarif-
 simus fuit, genitus: Simon quoque Romanus qui in Brutijs ab initio profectus
 eius regionis populos ad defectionem compulerat, magnasque res gesturus
 videbatur, postremo ad Montem Aureum non procul à Cosentia à Pignatel-
 lo Borellio acie superatus, per Lucaniam in Apuliam pervenerat, & auctus co-
 15 pijs quas ad eum Federicus Caraffa perducere serò fuerat conatus, Barolum
 ingressus, bellum Cæsarianis inferre cœperat. Quibus nuncijs permotus Au-
 rantius ut Apulie rebus opem ferret, Ferdinandum Gonzagam cum dimidia
 parte equitatus, qui Quadratæ consisteret, in Apuliam misit. Reliqua enim
 pars hyematum circa Aquilam dimissa fuerat. Camillus quoque Ursinus de
 Lotrechij obitu certior factus desperata expugnatione Manfredonie, cum suis
 copijs Tranium occupavit, propensissima Tranensium usus voluntate, qui à
 memoria pristini Venetorum imperij moderatum gravissimæ gentis domi-
 natum expetebant. Ex adverso Borellius Simonem Romanum ab se in Brus-
 tijs fufum, & Federicum Caraffam in Hpuliam se recipientes persecutus, cum
 his quas habebat copijs apud Andriam posuit castra, tumultuarijsq; excursio-
 30 nibus cum Cæsarianis iunctus bellum gerere cœpit, iniqua conditione: quo-
 niam eius equites magna ex parte Siculi, ineptis atque veteribus armis instru-
 cti & planè rudes, nequaquam Epirotis equitibus, arte sua per gyros hostem
 eludere solitis, pares evadebant. Quo mirifico equitatu fretus Simon cum Fe-
 derico Aufidum transgressus incursionem faciens repentinam in regiones Ca-
 nusio & Cerrenniolæ, quæ Castellum Geryonis olim fuit, subiectas, magnam
 utriusque pecoris prædam abduxit, initoque cum veteribus præfectis consilio
 demunienda urbe cogitavit. Sub id quoq; tempus Rentius Ceres, qui uti me-
 moravimus circa Aquilam, Picenijs fines cohortes coegerat, ut opem Lotre-
 chio laturus Neapolim ire maturaret, audita Lotrechij morte desperatisq; par-
 40 tijs rebus, cum his quas habebat copijs (nam magna pars militū fuerat dilapsa)
 ad mare descendens, & ad Senogalliam naves nactus in Apuliam pervenit, &
 quod reliqui ante eum duces statuerant, muniendæ urbis Baroli consilium su-
 scepit, tanta cura, tantaq; sævitia, ut eam urbem dirutis omnibus ad unum sub-
 urbanis ædificijs, evastatisque civium possessionibus atq; delitijs, nec delubris
 sacrosanctis, ueteribusq; cœnobijs parcens, luctuosum in modum deformaret,
 tanquam longè omnium gravissima obsidio expectanda putaretur. Hisdem
 serè diebus Landus qui è Campania in Hadriaticum mare redierat, coniuncto

sibi Ioanne Moro, Ionij sinus præfecto, tota classe admota Melfictam urbem fortiter expugnauit, quum à terra uno tempore Simon Romanus & Federicus Caraffa suas copias admovissent. Muralis verò coronæ decus ad Dominicum Bembum nobilem trierarchum pervenit, qui per antennas muro appositæ, primus pinnas apprehēderat. Federicus autem Caraffa, qui refrigeradi causa æstuans galeam fortè detraxerat, lapide caput ictus occubuit. His de Causa Aurantius, quod in Apuliam hostium copias augeri, insignique classis beneficio bellum in Salentinos etiam extendi providebat, aperiente se anno maioribus viribus bellum gerendum conficiendumq; esse iudicans, novos duces suis subsidio misit, Alarconemque præsertim qui Borellio lethali febre absumptus successerat, ipsumque Vastium cum tota mole peditatus, apparatuque tormentorum, ut Monopolim oppugnaret. Qua re provisâ Camillus eductis Barolo lectissimis militum suorum, atq; his triremib, impositis, Monopolim est profectus, magnisq; operibus, atq; omni telorum genere ita se permunivit, ut Vastij impetum, cuniculis murum subruere conantis, aliquandiu ludificatus irrito incepto abscedere cogeret, quū ibi iuxta eum magno periculo Pomponius cubicularius tormēto fuisset interfectus, ita ut cruento discerpti eius viscere Vastius conspergeretur, & Mendanius Hispanus cohortis præfectus, glande frontem penetrante occubuisset. Is ille est Mendanius qui sub arce Molis Hadriani vetulam olitoris uxorem impijs manibus laqueo pro ianua suspendit, quod illa expetenti Pontifici binas lactucas in fossam opera pueri funiculo alligandas, & sursum extrahendas proiecisset, sic ut detestabili eius suspendij spectaculo, prospectantis Pontificis oculi gravissimè per sex dies offenderentur, illeq; iusta indignatione permotus, hominem usque adeo impium execratus, pari supplicio devoveret. Cæterum eius Apulie belli nulla re præclare gesta memorabili, quod latrocinij & excursionibus, vastationeque urbium utrinque cerneretur, eum habuit exitum, ut pace inter Cæsarem & Franciscum regem confecta finiretur. Nam rex in eam curâ totus incumbens, ut liberos quos obsides dederat, redimeret, cunctas sociorum rationes, suæ rei memor, atq; alienæ oblitus neglexerat, Cæsarq; petendæ Italiæ cupidissimus, ut de more sicuti obrulerat pontifex, honore diadematis ornaretur, facile obsides ab se redimi passus est, quum ei ducentæ aureæ monetæ miriades pro redemptione numerarentur. Hac pace vel muliebribus ingenijs tractata atq; confecta, nihil regi felicius, socijs verò fœderatis molestius atq; damnosius fuit. Nam hoc fœdere cū Venetum Florentini facile sunt prætermissi, qui non sine calumnia Gallorū eo pacis beneficio nihil adiuti, sed magno operè iniuriâ affecti, de fluxa fide regis conquerebantur, qui tametsi pudoris plenus eam duarū civitatū offensionē in foeminas tanq̃ pacis avidiores reiiceret, atq; eas iniquè deserere videretur, quibus tamen poterat verbis humanissimè solabatur. Ludovica namq; mater regis cum Heleonora regina nuru in Belgarum fines ad Cameracū contenderat, ut ibi celebri conventu habito cum Margarita Cæsaris amita de pacis conditionib. ex arbitrio exclusa omni vel legatorum externorum, vel iureconsultorum disceptatione statuerent, adeo occultatis consilijs, ut Balthasar Carduccius vesano propè sermone reipub. suæ dignitatem atq; salutem iniquè proditam quereretur, & Veneti non obscuræ suspicarentur, ea de causa id percussum esse fœdus, ut ipsi urbibus quas recepissent in Apulia decedere cogerentur. Quæ in re Nicolaus Campanus antistes Cæsarem monuisse ferebatur, ut quæ armis non fa-

cilè recepi possent, eius æquissimi fœderis beneficio recuperanda censeret, sagente in eam rem Clemēte Pontifice, qui Rhavennā & Cerviam sibi ereptas aliquādo ex illa cōspiratione duorum regū, sibi repetendas arbitrabatur. Itaq; ad pacis consecræ nuncium Gallicarū partium duces Apulię urbes tradiderūt, ultimusq; omnium eo bello Romanus Simon tormēto est interfectus, quum Brundulinam arcem oppugnare pararet, & se incautius speculabundus hostibus obiecisset, Veneti tñ aliquando tardius sua præsidia deduxerunt. Accidit autem ut his propè diebus in agro Insubrū, sancti Pauli Regulus ab Antonio Leva acie funderetur, et caperetur, quo nūcio Franciscum regē apparuit oportune pacē petivisse, quū eam omnino deteriorē accepturus videretur, si Cæsariani de Antoni Leve victoria tempestivè divinassent. Hic Sanctopaulus Boninus non multum efficax aut felix dux, iam unum atque alterum annum in Gallia Cisalpina transegerat, incensusque odio in Ligures qui ab rege defecissent, frustra bellum inferre fuerat conatus, atque item insidias Auriaē tetenderat, quum eius domum nocturna incursione occupari, & diripi, quod esset extra urbis portam per Valacercam agrestium hominum cohortis ducem iussisset. Sed Auria domi non repertus facile periculum vitavit, neq; postea extra urbem in ea villa sine præsidio atque excubijs pernoctavit. Itaque Galli sese cum Venetis Sfortianis copijs coniunxerunt, ut Antonium Levam arctius obsiderent, egregiaq; simulatione speciem præbentes invadendi Mediolani, Ticinū continuo deflexerunt, quod ibi non multum validas in præsidio copias esse didicissent. Quorum profectione cognita Antonius parvo temporis spatio deceptus, uti cupiebat, Ticinensibus opem ferre non potuit. Erant in præsidio Petrus Biragus Insuber æquē strenuus & nobilis equitum præfectus, & Petrus Botticella patritius Ticinensis, Apontesque Hispanus, cuius virtuti Antonius multum tribuere erat solitus. Hi circiter duo milia hominum partim Italici & Hispanici, partim germanici generis coegerant, quibus addebantur promptissimi quique Ticinensium, qui pro patria supremum virtutis conatū edere decreverant. Sed bipartita oppugnatione, quum Galli paulo infra Periticariam portam oppugnare adorti essent, Feltrius summa feliciq; industria traductis ultra Ticinum maioribus tormentis, intercedente amne navalia quaterere cœpit. Nam ab ea parte mœnium angulus prominebat, qui defensores in corona constitutos protegere videbatur, quo angulo celeriter decusso latera propugnatorum momento temporis nudata sunt, sic ut pilis coronam per longitudinem detergentibus, in muro consisteret nemo, qui subeuntes hostes intruderet. Magno namque conatu Gallos simul & Feltrianos atque Sfortianos, ut subirent & irrumperent ingens cadentis muri ruina invitabat, nec propugnatores, vel multis cadentibus, retardabantur, quin pari constantia dimicarent. Verum Birago & Botticella cadentibus, & defensoribus, eorum morte percussis, vis irruentium diu sustineri non potuit. Atq; ita Aponte ipso cum expeditis Hispanis & Germanis in arcem se recipientē, urbs non multa cæde capta est. Nam quum se reciperent Germani, atque hostes obvertentibus nunquam ora, & repugnantibus instarent, toto spatio per regiones urbis usq; ad arcem atrociter est dimicatum, sic ut hæc nobilissima Longobardorum regum olim regia, & nulli in Italia urbium fœcunditate agri, & opportunitate annuum, ædificiorū magnificentia inferior, accumulatis tot cladibus, funditus propè everfa censeretur. Hac expugnatione Feltrius singularem peritiæ militaris

& efficacis industriæ laudem omnium iudicio adeptus est, quod opportune transvectis ultra Ticinum tormentis hostes decepisset, & secus quam illi credidissent, ex obliquo murum feriens latum ad irruptionem suorum aditum patefecisset. Ea die tamen nonnullos viros fortes amisit, & in his Paulum Manfredum inclyti nominis equitum præfectum, qui quum esset octogenarius & indomito corporis vigore frueretur, nunquam à militiæ laboribus atque periculis discesserat. Malatesta quoq; Cesennas nobilissimæ stirpis dum circa vineas versaretur, glande caput ictus occubuit. Quo pacto autem hic Franciscus Borbonius cognomento sancti Pauli Regulus in Antonij Levæ potestatem venerit, operæ prætiû esse reor paucis enarrare. Igitur per id tēpus quo Andreæ Auria à stipendijs atque amicitia Francisci regis discedens, atque obiter se Cæsari applicans, cum incomparabili veræ laudis præconio patriam in libertatem asseruit, Borbonius quod eius facti contumelia, detrimentoque regem ipsum vehementer angi perspiceret, totus gravi incensus odio in Auriam & Genuenses demissis in Pociferam vallem copijs ferebatur. Sed postquam ut supradiximus, insidiæ nihil processerant, & Genuenses opinione sua diligentiores paratioresque reperisset, retro Alexandriam se recepit, captaq; Mortaria, & pulsis Novaria Cæsarianis, cum Venetis & Sfortianis copijs se coniunxit, eo consilio ut novis auxilijs (erant ea peditum duorum circiter milium Hispanorum quæ à Barchinone in Italiam pervenerant) iter præcideret. Cæsar enim quod urbs Genua Gallis esset detracta magnopere gavisus, Genuenses fovendos sublevandosque opibus atque auxilijs existimabat, quod Gallo hosti ereptam Ligustici maris navigationem suo insigni commodo provideret. Verum Genuenses ea Hispanorum auxilia decedente iam periculo in urbem minime suscipienda censuerunt, quando sibi satis præsidij in concordia civium fore putarent, & externa, eiusque præsertim gentis præsidia, odissent. Erant hi tirones à fœda corporum illuvie, & longa maris nausea, deforme militum genus, utpote qui essent dudum necessario potius quam accurato delectu conscripti, magna ex parte non inermes modò, sed propemodum nudi, ut qui vili pullaque tunica, & carbatinis sparteisque calciamentis uterentur. Hos milites postquam non recipiebantur à Liguribus, Antonius Leva misso ad eos Ludovico Balbiano, ad se perducendos curavit. Hic enim superiore anno Ticini captus & Genuæ aliquandiu in arce custoditus, Gallorum manus evaserat. Is uti erat vir impiger, quum eas copias recto itinere perducere non posset, ne hostibus facilè delendas obijceret, eas per transversos Apennini tramites, asperrimasque valles difficili ærumnosoque itinere in Placentinorum fines perduxit. Nam hostiles copię inter Padum & Apenninũ constiterant, ut transire ausos circa Derthonam & vicum Iriæ invaderent, transituque prohiberent. In adverso autem Apennini latere descendentibus pacata amicaque omnia proponebantur, quod eæ regionis Pontificiæ essent ditionis. Caterum Balbianus tertiam ferè partem suorum, sævitia montanorum Ligurum abrupti eius itineris saltus insidentium amisit. In fessos siquidem & fame propè enectos è superioribus locis transeuntes sagittas & iacula suo more scutati iaciebant, & quum hæ deficerent, ingentia saxa obruendis Hispanis provolvebant, tanta locorum & armorum iniquitate, ut Hispanorum acervi profundis in vallibus præcipientes dati spectarentur, & passim quod eripi nequirent, à socijs deferrentur. Induerant siquidem Ligures sæva odia in Hispanicum nomē, quod ab his

Genuam

Genuam Liguriæ caput rapacissimè direptam meminissent. His superatis difficultatibus opportuneque deceptis hostibus Balbianus paulo infra confluentes Padum et Ticinum contra oppidum suum, cui Bello Iocosoque nomē est, lintribus copias traiecit, eamq; manum insperato incolumem Antonius Mediolani recreandam vestiendamque suscepit. Is tironum Hispanorum adventus, Insubrum calamitates accumulavit: nam præterquam quod & stipendia præberi, & domi liberaliter alere veteres Germanos atq; Hispanos cogeantur, tirones etiā seminudos, et ab extrema inedia famelicos suis larib. accipere, et domesticis copijs tueri oportebat. Hæc longè gravissima civibus, Antonius ut militi præstaret, diræ cladis vectigal excogitarat, quo omnium pecunias abaderet, & singularum familiarum fortunas everteret. Severo namque edicto vir imperiosus & sævus, a quoquam cive cererem coqui vetuerat, quum venalis tantum panis ederetur, constitutis eius monopolij tabernis, unde esuriētes magno pretio panem coemerent, tanta edicti atrocitate, ut plerique inopes laquei metu fame passim interirent. Molendi utique tritici percoquendique panis verantes leges, pavidum vulgus perhorrebat, ita ut Antonius clarissimam paulo ante atque opulentissimam Italiæ civitatem, importato ingenti luctu, longe omnium miserrimam redderet. Tanta scilicet acerbitate atque sævitia crudelissimè legis auctoritatem tuebatur, ut vel ab egentibus mulierculis, quæ desiderio panis subcinericias conficerent offulas, & in sartagine placentas oleo suffrixissent, contusoque in pila tritico farinam exprimere conarentur, prægraves poenas exigeret, sic ut non infacete quanquam amarissimè Marcus Antonius Canicula quæstorij ordinis civis, in corona diceret, per amplam uti reor cives hic noster Antonius à Cæsare gratiā proculdubio referet, quando ei supra tot clara cognomina summæ maiestatis, novæ nobilitatis ergo, Furnarij titulum adiecerit. Nam & tabernæ furnariæ & venales panes Cæsareæ aquilæ nota signati, vulgo imperiales vocabantur. Verum neque Antonius neque Cæsar ipse ab ea execrabili divinarum atque humanarum rerum labe, fideliumque Insubrum miserijs, ullam omnino infamiam ad se redituram putabant, modo opes suas adversus conspirantium hostium potentiam confirmarent. Quando neque Antonius deformatæ urbis aspectu commoveretur, neque Cæsaris absentis molliri animus, tot in Hispaniam frustra missis legatis, ut miserijs finem imponi iuberet, ad misericordiam flecti potuisset, utpote qui alieno potius cum luctu eo bello victor evadere, quàm inanis clementiæ laude potiri vellet. Quibus rebus fiebat, ut Antonius studio militum firmior factus, & numero eorum auctior, quando illis cuncta ad prædam obijceret, hostes facile contemnebat. Nam neque Venetus imperator, ita operam exigente senatu, pugnax erat, ut qui periclitari vires noller (tenuēs autem erant Sfortianæ copię) neque apud Borbonium aut firmæ vires, aut expedita consilia videbantur. Quibus vim admoveere vel coniuncti castris, & cominus congregi audent. Itaque communicatis consilijs, & abiecta oppugnandi Mediolani cogitatione, optimum factu censuerunt, ut hoc modo Antonius lenta & longinqua belliratione obsideretur. Feltrius in vetera sua castra concedens ad Calsianum supra Abduam, ubi amne ponte constrato ex Veneta regione commeatibus & copijs iuvare posset, id se præstiturum pollicebatur, ne quicquam per Martianam regionem, quæ erat refertissima omnib. rerum copijs, ad obsessos importaretur. A diversa verò parte Borbonius ad Abiatum cōsisteret, omnesq; inde

quæ subvehi Ticini emissario possent, commeatus interciperet. Sperabant enim hostes postquam vi subigi non poterant, diuturnæ obsidionis incommo-
dis minimè suffecturos. His constitutis apud Landrianum vicum, qui est ad
decimum lapidem ab urbe, Feltrius castra movens, signa ad Cassianum dirigi
iussit, Borbonium admonens, ut pari digressu ad Abiatum iter intenderet.
Sed Borbonius inclinante die nequaquam moturum castra, sed postridie Ti-
cinum se iturum dixit, quod ibi graviora quædam tormenta, impedimenta que
deponere statuisset. At Leva qui diligentissimè in eam excubabat curam, ut ex
occasione alicunde hostibus noceretur, ubi didicit Feltrium conclamatis vas-
sibus à Borbonio discessisse, suspicatus id futurum, quod usu evenit, ut Galli nequa-
quam maturè proficiscerentur, præfectos omnes advocavit, instructis que mi-
litibus, paratos ad profectionem de secunda vigilia sibi adesse iussit, cohorta-
tusque eos ut alacri studio secum expeditionem susciperent, pollicitus est post
exortum solem victos eis ad prædam Gallos se daturum. Quod si, inquit, ut
non planè reor, festinantius effugerint, postremum certè eorum agmen ceru-
simæ prædæ vobis cedit. Milites sublata voce responderunt, ut fortia consilia
digna superioribus victorijs ingenti animo agitare pergeret, se namque quod
imperasset periculosa profectionis dubiæque aleæ munus alacribus & impa-
vidis animis esse subituros. Nec mora, quanquam ipse cunctis propè membris
articulorum dolore caperetur, fulgentia arma induit, præmittit equitatum, du-
plici que instructa acie, hinc Germanis, illinc Hispanis latera cingentibus, Ita-
licis vero cohortibus tormentorum præsidio constitutis, ad hostes contendit,
quos nondum profectos & expediendis impedimentis intentos deprehendit.
Borbonius qui nihil minus putarat, quàm Antonium instructis copijs sibi ad iter
parato superventurum, quum oriente iam sole lintheata de more hostium agmi-
na conspexisset, obstupuit, graviq; metu, uti deprehensis accidere solet, nequa-
quam temerè correptus est, ob idq; præsertim quod ab hesterno consilio Gui-
donem Rangonum primo præpositum agmini Ticinum præire, atque ibi ho-
spitia parare iussisset. Imparatus itaque, & multo spatio à prima acie distinctus,
tanta perturbatione medijs postremique agminis circumventus est, ut tumul-
tuosissimè aciem instruere, & repugnare frustra cogeretur, & vi celeritateque
incumbentis hostis animo concideret. Præbuit Antonio Fortuna spatium pa-
randæ victoriæ ab inopinato casu: nam quum maioris tormenti currus, perfra-
ctis rotæ axibus media lutulenta in via concidisset, vel ob id magno fuit incom-
modo, quod Galli etiam nobilissimi equites id sublevare atque reficere conati
in pedes desiliissent. Vetere siquidem suo instituto turpe ducunt, tormenta ex
itinere ocupanda hostibus reliquisse. Hac mora sicuti Rangonus iusto festinan-
tius quàm ita facere esset iussus, tantum anteeundo confecit itineris, ut neq; re-
vocari, neque admoneri de repentino adventu hostium opportunè potuerit,
neq; obiter Antonio producendi peditatus defuerit tempus, qua pedestri acie
promota, & equitatu audacissimè dimicante, media Borbonij acies, cui se con-
iunxerat postrema, puncto tēporis terga vertere cœperit, quū Antonius in sel-
la fulgentib. protectus armis cristisque conspicuus, succollantibus baiulis in a-
ciem sese inferre iussisset, omnium namq; oculos in se converterat, quum aperta
galea adhortaretur suos voce terribili, & peracri oculorum obtutu Gallos ter-
reret. Interim Germani qui Gallis militabant, quod nunq̃ ferè aliàs acciderat,
turpissimè terga verterunt, utpote qui essent ex collectitijs, qui superiore tem-

pore Gallica stipendia meruerant, aut ex ea regione essent conscripti quæ est
 citra Rhenum, Lothoringiæque fines attingit, nec multam habet Germanicæ
 virtutis & disciplinæ opinionem. Germanos Galli pedites, & secundum eos I-
 talicæ etiam cohortes, nulla dedecoris cura subsecutæ sunt, parvaque ideo cæ-
 des edita est, quod neque a sclopettarijs inter confusos permixtosque ordines
 opera exigere potuit, neque tormenta nisi pari periculo dispendii potuerint. Ipse
 Borbonius latam fossam periculoso æqui saltu superare conatus, ab equitibus ca-
 ptus est. Nec longè ab eo, eandem sortem tulit Claudius Rangonus vir impi-
 ger, qui postremæ aciei præfuerat. Stephanus quoque Columna in fossam præ-
 cepso datus, concidente equo magnum salutis discrimen adiit, quum galeatus,
 in lacuna ferè summersus ægrè sese e manibus hostium eripuisset. Leva potitus
 omnibus tormentis atque vexillis, & duce capto, ab eius rei gestæ fama usque
 adeo inclaruit, ut nemo eius ætatis dux, vel in consilio capiendū solertior, uel
 in exequendo acutior, & efficacior haberetur: Hispanique eum si prospera ute-
 retur valitudine, Magno Consalvo eius magistro parem evasurum dicerent.
 Cæterum Galli cædo eventu superati de Guidone Rangono non obscure con-
 querebantur, quod eos deseruisse & præpropera eius festinatione prædicarent,
 quanquam ille ita imperanti Borbonio iure militiæ obsecutum fuisse testaretur.
 Sed eam impositæ contumeliæ controversiam, quæ Guidone indignante
 & provocante obrectatores Gallos, singulare certamen postulabat, Feltrius
 familiari sermone ita diremit, ut & Borbonium & Guidonem pari propè er-
 rore à disciplina discessisse iudicaret, approbantibus ipso Leva & Vastio, qui
 una Mantuæ tres clarissimi nostri seculi duces fortè coiuerant, apud Hippoly-
 tum Medicem qui tum e Pannonia legatus redibat, ab Hercule Gonzaga car-
 dinale hospitio domi susceptum. Dictis namque sententijs, quibus ego præsens
 interfui, e disciplina rationeque bellica disseruerunt, singulorum ducum esse
 muneris, qui distinctis agminibus in itinere faciundo præsent, per dispositos
 equites mutua diligentia emensi itineris spatia metiri, nihil extra conspectum
 signa præire sinere, anteriores medios, medijs posteriores, quibus passi-
 bus eant observare, ut una quæque acies ad subitos hostium in-
 cursus ex propinquo parata sit, quæ circumventæ o-
 pem ferat, & universis coactis viribus
 confligat.

PAVLI IOVII NOVO

COMENSIS EPISCOPI NV-

CERINI, HISTORIARVM

SVI TEMPORIS

LIBER XXVII



DICTATORE Caponio Rempublicam administrante Florentini recenti suo incommodo & tot adversis Gallorum casibus perculsi, in eam curam incumbabant, ut Clementis consilia diligenter explorarent, opportunaque adversus imminenti propè belli vim præsidia compararent. Non inanibus siquidem coniecturis adducti, suspicabantur Clementem ad amicitiam Cæsaris esse rediturum, ut invictis eius copijs contra ipsos uteretur. Pro-
videbant enim eum, postquam in libertatem esset restitutus, minime con-
quieturum, donec vetere patriæ dominatu potiretur, offensum scilicet Lotre-
chiano fœdere, in quo disertè perscriptum fuisset, pudenda sibi & damnosissi-
ma conditione, ut popularis Florentinæ civitatis status in clientela Galliæ re-
gis foret, defendereturque eius peculiari officio munereque, postquam suas co-
pias ad Lotrechium communes hostes oppugnantem Neapolim misissent.
Propterea Caponius non ignarus quàm graviter offensus esset Cæsar, qui nullam sibi a Florentinis iniuriam inferri debere existimans, eo Etruscæ legionis auxilio suos duces oppugnatos atque obsessos fuisse didicisset, Pontificem non iniqua quædam à civitate postulantem, molliendū potius æquissimis respon-
sis, quàm acerba negatione exagitandum putabat, ne Cæsari fœdere iungere-
tur. Erant enim gravia & molestissima eius animo quæ ad suggillandam ma-
iestatem, minuendamque nominis existimationē perscripta fuerant his fœ-
deribus, quibus se obsesso captoque in arce Alfonso Ferrariensis princeps Cæ-
saris opportunè detractus videretur, & Veneti nova conditione in fœdus Gal-
licum essent recepti, quorum ille Mutinam Pontificio imperio diu possessam per occasionem pessimè à Fortuna mulctati pontificis recepisset, ij verò Rha-
vennam & Cerviam occupassent. Quæ omnia quanquam ex autoritate In-
nocentij Legati atque assensu aliquot Cardinalium transacta essent, Pontifex nisi planè insanus, & suæ dignitati ineptus hostis foret, rata habere non pote-
rat, utpote qui de recuperanda potius amissa ditione, quàm de vindicanda ini-
uria sibi cogitandum esse censeret. Iam enim per Antonium Musetulam se-
natorem Neapolitanum, quem Viterbium accersiverat, legati Cæsaris vices implentem, & qua erat mirifica solertis ingenij industria præditus, Cæsarem Pontifici reconciliare maturantem, de concordia agere cœperat, adeo feliciter, ut propensissimis utrinq; auribus ea res tentaretur, nec multos post dies bene auspicato solennibus tabulis conficeretur. Quod ut crederent Florentini in universum adduci non poterant, ut qui Pontificem in expiabilis eius recentis iniuriæ,

iniuriæ, si generosi spiritus foret, oblivisci non posse prædicarent, quorum opinionem ob id falsam esse eventus docuit: quoniam in Pontifice tanta erat e-reptæ ab ingratissimis civibus patriæ repetendæ cupiditas, ut omnem recentissimæ calamitatis acceptæ memoriam, ipso novæ spei pondere superaret. Eodem rerum consiliorumque successu missus est cum præscriptis mandatis Hieronymus Vasonensis antistes, Pontificiæ familiæ dispensator, qui apud Bar-chinonem Cæsarem convenit, atque his ferme legibus cum eo fœdus percussit. Pontifex Christianæ pietatis titulum prætendens, miseratusque; quassatæ diro bello Italiæ vastitatem, sinceram deteris superioribus odijs voluntatem atque
10 amicitiam Cæsari offerebat, pollicebaturque; se de more capiti eius imperatorij diadematis coronam impositurum, si Cæsarianis viribus in patriam reduceretur, unde sua cum iniuria propinquis ipsius expulsis amplissima civitas Florentia fœda atque; acerbissima popularium imperitorumque; hominum tyrannide premeretur, optimatibus scilicet contumeliose atque; arrogenter eiectis, anti-quisque; ritibus divinarum humanarumque; rerum usque; adeo impiè atque; insolenter perturbatis, ut in florentissima dudum urbe publica salus, desperata concordia conclamata videretur. Adiectum est ut postquam Florentini adversum Cæsarem, consiliis incertæ Gallorum victoriæ arma tulissent, maiestatis rei facti libertate & antiquis superiorum Cæsarium concessis immunitatibus severe priva-
20 rentur, obiterque; civitati principem Alexandrum adolescentem imponeret, cui ipse Cæsar ad confirmanda fœdera augendamque; Alexandri dignitatem, Margaritam filiam se cælibe susceptam in matrimonium desponderet. Dum hæc per idoneos homines tractarentur, tumultus inusitatæ perturbationis atque; periculi apud Florentinos in curia exortus est unius male sani atque; efferati civis insolentia. Hic erat Iacobus Gerardus contumaci fronte popularis, qui non in Mediceos modo, sed in patritios omnes livore atque odio percitus ferebatur, ob id tum seipso turbidior atque; arrogantior factus, quod per id tempus sederet inter Octoviros decuriones supremæ potestatis, qui dictatori cōsultandi gratia perpetuo in curia assistent. Is literas à quodam Ioachino Serralio Iacobi Salvati
30 apud Pontificem toti summæ consiliorum præpositi cliente, ad Caponium per-scriptas, delapsasque; eius sinu malignè collegerat, nactusque; materiam calumniandi, obiurgandi que; dictatoris, eò rem turbulenta vociferatione deduxit, ut dictator perfidiæ reus fieret, accusatusque; concursu in curiam turbulentæ iuventus insultantis & propemodum vim inferentis, vitæ discrimen subiret, quum nonnulli è fenestra illico præcipitem dandum dicerent, qui aliena à salute libertateque patriæ cum Pontifice infensissimo hoste consilia agitare. nefandumque profecto facinus in necem optimi & probatissimi civis editum fuisset, qui optima fide magistratum gereret, nisi Laurentius Sægnius qui erat Octovir è decurionum numero iuvenis æquitate & constantia animi præstantis-
40 timus, superbiam & atrocitatem imperitorum, petulantiumque; civium detestatus, corpus suum furentibus opposuisset, abductumque; in suam cellam dictatorem extremo pallentem metu conservasset. Earum literarum exemplum Gerardus paulo ante miserat ad quosdam sectæ suæ cives, qui in privatam domum foro proximam convenerant, & de tollendo dictatore summæ atrocitatis consilium, accersita seditiosorum manu inierant, curiæque; superioris scalas atque; ostia occuparant, concitantibus præsertim Thoma Soderino & Alfonso Strozza, qui nequaquam ex similitudine Caponio infensi, sed ex damnatione eius hono-
hh

rem petitori videbantur, quod popularis studij prærogativa summa nobilitatis atq; existimationis homines ad dictaturam aspirarent. Postero die coacti in consilium octoginta viri, atque ñ simul qui ex reliquis magistratibus atque collegijs publica consuetudine adiungi solent, abrogatus est Caponio magistratus, atq; is honor biduo post delatus ad Franciscu Carduccium, quem nemo candidatum fore putavisset, ita ut Soderinus & Strozza sua spe deiectionis conscientia animi pudoreq; repulsæ, perversa miseræ civitatis comitia damnarant, & pleriq; irriderent, quod homo in Hispania dudum decoctor, & paucis in Republ. notus, tenuioris Fortunæ, nec præclari quanquam vetusti generis ab incondito populi studio clarissimos cives anteisset. Valebat Carduccius solertis ingenij firmitate, & perurbana eloquentia, sed qui obliquo oculo & pallida facie nequaquam decentem aut parem tanto honori habitum præferret. Sequenti die Caponius nihil ægrè ferens quod magistratu excidisset, sed de salute sollicitus, quanquam ut sese animo confirmaret, & timere desineret, amicissimi & magna pars senatus cohortarentur in pallio atro, & civili capitis integumento ad dicendam causam paratus venit in senatum, serenior utique vultu pacatiorq; animo quàm pridie, quum tum coccineam familiarem togam sumens pro se pauca, Petriq; filij salute præfatus causam suam demississime magistratibus commendasset usq; adeo supplici ter, ut innocentiam suam in dubium revocasse amicorum propensissimi iudicarent. Erat enim Caponius natura lenis, nunquam ulla in re iratus aut fervidus, utpote qui patientia & moderatione cuncta aspera ferri & superari debere prædicaret. Protulit Gerardus inimicis accusator exemplum earum literarum quas solo sustulerat, lectitaturumq; in senatu est. Cuius sententia talis fuit, uti nos ex Etrusco sermone vertimus. Iochinus Serralius Caponio dictatori salutem. Quoniam non semper tuta mihi offertur occasio scribendi, præsentem nactus nuncium nolui differre, quin te facerem de instituto negotio certior, de quo probè scis ex arcano me agere cum gravi illo, quem nosti, homine, maximeq; familiari Pontificis. Is mihi retulit Clementem satis prosperè & firmiter convalescentem, eo esse animi decreto, ut se honesta conditione cum civitate conciliet, & belli consilia penitus abijciat, neque ægerrimè sit laturus, quod populus perpetuò remp. administret, & parta libertatis iura tueatur, modo per æquas condiciones civili more propinquorum suorum ratio apud magistratus habeatur. Sed quoniam plura scribere non licet, à te vehementer petimus, ut ad condictum locum extra urbem colloquendi causa Petrum filium ad me mittas. Ab eo enim cuncta fideliter exprimente præclare cognosces, quæ in negotio conficiendo opus sint. Vale. Hæc quæ ex literis recitabantur apud suspiciosos homines in animos commovebant, ut plerique maligno per subsellia murmure oborto, cuncta perversè interpretarentur, & magna tamen senatus pars communicatis sermonibus cum proximo assidentium ordine submissè deliberando, eius rei culpam à toto læsæ maiestatis crimine suspicioneq; remouendam censeret. Inter eos qui mirificè Caponio faverunt, extitit Petrus Victorius eius contribulis, qui tum erat sexdecim vir collegiorum ordinis civis honestissimus, & de optimis literarum studijs egregiè meritis. Tum verò Caponius à dictatore causam dicere iussus, in hanc sententiam constanti vultu, miroq; omnium silentio loquutus est: SE Q V V T V S morem & disciplinam maiorum meorum amplissime dictator, prudentissimiq; causæ meæ iudices, nihil unquam

carius libera patria, nihil unquam præclara rectæ conscientiæ laude honestius duxi. Quandoquidem remp. uti probè novistis, pluris semper fecerim quam privata commoda. Pudebat enim ea expectare ferreque præmia, quæ turpi obsequio vel adulatione facile pararentur, ab his qui ex usu dominatus pro libidine cuncta dare, atque eripere poterant. Hoc instituto animi ingressus curiam ad obeunda munia civitatis per quinquaginta annos ita favi semper prospexique exoptatæ nec unquam desperatæ libertati, ut in utraque Reipub. fortuna modo fortem, modo incorruptum, nec unquam demissum animum ferrem: quippe qui vitæ innocentia, & domesticæ frugalitatis laudè contentus (quæ duæ virtutes (absit invidia) domui nostræ semper peculiares fuere) opportunitates temporum expectandas atque omnino maturè captandas arbitrabar, quo excitari, ingentibusque civium animis constitui sine perturbatione labedque civitatis securæ libertas posset. Affuere itaque Dii immortales non irritis votis civium uti pie conceptis, & libertatem inter mortuam insperato excitarent, civitati que nullo effuso sanguine, quod ipsorum miræ benignitatis fuit, largiti sunt. Hanc ego ante alios flagrantissimo studio complexus, ut diu apud nos vigeret atque floreret, omnibus consiliorum artibus adnitebar, providebamque ne infirmas eius radices ulla adversa tempestas revelleret, primumque omnium Clementem ipsum nobis his præsertim lenimentis & officiis quæ libertati nostræ nihil officerent, pacandum, aut omnino spe & mora distinendum existimabam, ne accumulatis iniurijs irritatus, alicunde nobis insidias atque arma moliatur, uti quis non imprudens ominari facile potest. Probè siquidem agnoscimus quos spiritus gerat, quo angore animi torqueatur, quod patriæ dominatum horribilis ruinæ casu oppressus amiserit: qua demum machinatione bellici conatus eum recipere cupiat, & ulcisci odia in illos, qui dignitatem eius pudendis contumelijs obtriverint. Hæc eius exagitatae mentis consilia, ut à nobis averterem, ægro blandimenta afferenda, iustasque iras mitigandas rebar, spe iniecta non iniquæ conditionis, si nos æquitate rerum potius quam importuna libidine voluntates nostras moderemur. Quamobrem per lacum Salviatum, quem non plus de vita Pontificis propinqui sui, quam de salute libertateque patriæ sollicitum esse compèrio, scioque, operam dabam Serratio internuncio, ut cum Pontifice de compositione ageretur. Verebar enim ne fœdere Gallico, quo illigati sumus, vehemèter offensus, desperato meliore consilio, vel invitatus ad Cæsarem verteretur, quod nobis magnopere cavendum timendumque hodie magis ac magis existimo. Proinde iam ab initio, ne propere cum Gallo fœdus percuteremus enixè contendebam, nisi eidem fœderi Pontifex iungeretur, scilicet ut eo honesta utrinque cautione conciliato, validiora certioraque præsidia adversus invictas adhuc Cæsaris copias pro cōmuni salute pararentur. Sed in ancipiti deliberationis negotio intempestiva uti pernoscere fas est, vicit plurimorum sententia, atque ita elapsi salubris consilij rationem omnem intercidisse, quod dolet, agnoscimus. Quæ huiusmodi fuere, ut huius officij pro securitate publica suscepti, nō contumeliam, quæ mihi gravi cū periculo paratur, sed gratiam omnino expectandā à vobis putarim. Quinque ille à nobis hæc postulabat, ut patrimonij fructibus, vectigali æqua oneris lege perluto potiri liceret: sibi puella neptis redderetur: propinquis eius aditus secundum leges in remp. petendis honoribus daretur, & quod ad tuendā Pontificij nominis authoritatē pertinet, Florentini à decumandis sacerdotijs abstineant,

& sacrosancta templorum donaria suo iniussu avara manu non attrectent: postremo etiam, ut deiectas gentilitijs insignibus pilas, privatis saltem familie ædibus aut templis maiorum suorum pia liberalitate ædificatis restitui patemur. Hæc rerum capita, æquissimi cives, si diligenter considerem, nec improbe expendam, vel si cumulatè & exactè cuncta cōcedantur, facile fatebor me non videre quid incommodi aut detrimenti reip. afferri possit, quum iam pridem eiectis adolescentibus Mediceis, quod spontè nobis tantū hortantibus dominatu excessissent, ius civitatis ex decreto publico relinqueritis, nec ideo ex si de vestra sit, dignitateq; senatus id decretum sustulisse. Bono itaq; iure repeti quod publica obligetur fide iudicare potestis, nisi aliquot civilium prædiorū redditu augeri publicas opes, & sarciri bellicos sumptus ineptè existimet ea civitas, quæ per sexdecim annos inexhaustis opibus perpetuum cum Pisanis bellum gesserit, & me teste, atq; adiutore confecerit. Nunquam enim pecunias huic urbi alendo & sustinendo bello defecturas crediderim, si sit firmum apud cives, quod rectè optare facilius quàm sperare possumus, communis concordia studio. Nec item satis provideo quid nobis officere possit puella novennis patruo sacrorum principi deposcenti benignè reddita. Nam præterquam quod eam & sexus, & ætas tutam ab omni contumelia reddant: cavere etiam oportet, ne hac in re, dum Pōtifici nocere quàm morem gerere malimus, Galliæ regis fœderati maiestatem offendamus, si regio ortā sanguine, & nihil tale merentem diutius in vestalium virginū septis adservandam iudicemus. Tantum verò abest, ut cōplectendo cives universos, atq; his honores equa lege partiendo Reip. noceatur, ut hac civili benignitate eam firmiorem florētiorēq; evasuram arbitrer. Amantes siquidem patriæ & constitutæ libertatis studiosos, veròq; bono tranquillæ pacis gaudentes, una maxime concordia lætari decet, oblivisci q; item omnis privatæ iniuriæ publicæq; simultatis. Insuperabilem nanq; civitatem, non arma, nō pecuniæ, sed unus publici decoris confectus efficit. Porro quod quarto loco petitur, ita mihi, & bono cuiq; civi æquum videri potest, ut nihil fœdus & invidiosius accidere posse existimem, quàm si spreta, & violata summi Pontificis autoritate, tanquam diro sacrilegij piaculo polluti, infami prorsus avaritiæ nomine aqua & igni interdīcamur. Postremo autem ut deiecta insignia & tituli reponantur, summa ratione indulgendum putaverim, ne gloriæ nostræ, communibusq; ornamentis stultissimè invidere videamur. Nam & si quicumque Medicei nominis principatu potius sunt, re nomineq; fuerint tyranni: in civitate tamen si non verè libera, non intolerandis certè compedibus vincta, quàm plura, quod fateri licet, gloriose laudis monumenta condiderunt, quæ homines elegantia studiosi plurimum admirantur, advenæ, peregriniq; suspiciunt, & nostri cives æquè iusta atque difficili imitatione emulantur. Quod verò ad deformatū Cosmi sepulchrum pertinet, non est quod quicquam aliud ineptius & inanius factum fuisse iudicem: quandoquidem ea dera si tituli iniuria, cuicumq; non insulso ridenda sit. Illius namque ingeniosissimi viri ossa ad perennem memoriam non angusto quidem loculo, sed luculentissima incomparabilis templi testudine continentur, quæ sine inexpressibili & propè impia totius humani generis invidia excindi delerique non possit, ut hîc prætereamus literarum sempiternæ famæ præsidia, quibus Medicei ferè omnes tam astuta quàm liberali disciplina impensissimè semper faverint. Ea namque vel nobis invitis perpetuò durabunt, nisi

nisi putemus totius Europæ gentes, ad quas historiæ manarint ad iracundiæ nostræ libidinem, cunctos annales quibus eorum nomina cum laude inserta sint inusitata conspiratione crematuras. Vos itaque qui Romanæ virtutis exempla æmulari honestissimum ducitis meminisse oportet, præclaram virtutem, vel summis adumbratam viriis tantam habere in se vim ac admirationē, ut pop. Rom. diri hostis Pœni Annibalis statuam in foro cunctis perpetuò spectandam collocasse maximè decorum existimarit. Hæc sunt crimina quibus fecisse adversus remp. accusor, unde me nonnulli fervidiorē tuendę publicæ existimationis studio provec̃ti, improbo aut certè illoto ore patriæ proditorē appellare non erubuerint, vel ob id præsertim quod huiusmodi consilia ex arbitrio meo subtilius & tectius concepta decemvirali octoviraliq; collegiis communicanda non existimaverim: cuius obiecti nomen facile diluitur, quando hi ante alios Laurentius Segnius, & Iacobus Morellius optimi cives, ac nonnulli alij ex hoc ordine me secum de hac re loquutum fuisse, & has ipsas literas quæ mihi sinu exciderint, ostendisse, præclari testes esse possint. Neque propterea quod non omnibus hæc communicanda iudicarem, parum sincero animo, parumque integra fide consilia, quæ ad summam rerum pertinent agitasse existimari debeo. Verebar enim ne disseminata apud suspiciosos & imperitos, uti sæpe accidit, latius efferrentur, atque inde eo quem optabam, sperareque licebat, successu carerent. Neque enim usque adeo angustæ & circumscriptæ potestatis dictatorem esse putabam, ut ei quæ cogitet & coquat silentio tegere non liceat, quum eius sit muneris & officij vigilando & pensitando id unum respicere, quo plurimum reip. prodesse possit. Hoc animi instituto sicuti supremi honoris ratio postulabat, dictaturam vestro insigni beneficio mihi delatam prorogatamq; privato meo tantum, non publico periculo gessi. Itaq; si peccavi, dare pœnas vel indigna morte paratus sum. Sed apud vos obsecro id moderandis sententijs, ferendoq; suffragio valeat, totius vitæ meæ cursus, in quo nusquam improbè fefelli: valeat patris mei memoria, qui pro patria pugnās, Pisano bello occubuit: valeat, ut maximè opto, pristini iudicij vestri testimonium, quo me nihil ambientem, minimeq; prehensantem hoc summo honore dignissimum existimastis, quum recens recepta libertas nequererum imperito rectore egere censeretur. Nemo quidem repente fit malus, quod de me suspicari homines nolim, quum idem sim, qui semper apud vos integer vitæ omnisque expers sceleris, sexaginta ætatis annos exegerim. Nec ideo deprecor integerrimi iudicij vestri severitatem, quàm obtrectatores mei, accusatoresq; longè maximam atq; acerbissimam requirunt, ut apud vos certa clementiæ laus paretur. Existimatote siquidem vos non de dignitate vitaq; & fortunis meis in suffragium ituros, sed facturos iudicium de publica salute, quā ita superi incolumem servant, sicuti me à vobis benigniore decreto conservatum iri & spero & opto. Caponio perorante, secedenteque in interius custodiæ cubiculum, eo modo liberis suffragijs iudicium est factū, ut magno assensu cunctis ferè sententijs absolveretur. Movebat enim populum viri gravis maiestas acrioribus calumnijs circumventa, magnoq; eius diu spectatæ virtutis & integritatis argumento curia excedentem omnes optimatum ordines domum deduxerunt tanta frequentia, ut quum ad paternæ domus limen trans Arnum agendis gratijs substitisset, novissimi agminis pars gravior & honoratior præ turba ad curiæ limen adhuc hæreret, & multi ex his

qui eum damnatum voluerant, astuta dissimulatione comitantibus admiscerentur, instarq; magni triumphi ea frequentia pompa intermixto lachrymis gaudio Caponii gentiles & propinqui, probiq; cives maximè lætarentur. Tantum verò abfuit, ut quicquā pristinae existimationis in ipso ex tanta summi honoris iactura deperiret, ut superata inimicorum acerbitate, nova quadam incorrupti constantisque animi gloria adaugeri, & reflorescere censeretur. Verum eam splendidissimi comitatus frequentiam facile inde oriens invidia corripuit, quum postridie mane duo summæ autoritatis legati Claudius Velleius Gallus, & Antonius Surianus Venetus eum domi humaniter invisissent. Quamobrem Caponius graviolem apud populares invidiam veritus, amicis admonentibus in agrum suum clam secessit. His cognitis rebus Clemens vehementer adversus Florentinos exacerbatus est, quod in omnibus eorum actionibus atrox contra se odium emeretur, nec se quicquam vera aut simulata lenitate apud corruptas cunctorum ferè ordinum voluntates proficere posse perspiceret, nec deessent, quod maximè impium & contumeliosum putabatur, qui eum sine ulla honoris aut sanctitatis præfatione nominare, Clementemq; nudo nomine appellare, & tanquam spurium neq; ideorite Pontificem creatum dicere consueissent, & in patritios ipsosq; præsertim Mediceorum necessarios, qui veteris illorum erga se beneficentiæ memoriam retineret, nec aperte studium suum pro Repub. nudare vellent, perpetuo grassarentur, Amoto namq; Caponio Reip. facies immutata videbatur, quū ius & æquum civilisq; humanitas nusquam vigerent. Vis enim & acerbitas immitisq; superbia apud efferatos cæca rabie populares & turbidam præsertim iuventutem virtutum loco censebantur. Ipse siquidem Carduccius ea mente Remp. fuerat complexus, ut eam his artibus quæ maximè populo placerent, administrandam existimaret. Neq; enim alia via suis suffragatoribus gratiam referri posse providebat, nisi se maximè popularem, acerbissimumq; patritij ordinis, Mediceaq; familie hostem futurum ostenderet, quum alioquin diligentem accurateq; industrium & factioni probè addictum senatorem prestitisset, & suscepto dictaturæ honore impavidus & constantissimus libertatis defensor haberi percuperet. Id enim sibi ex eo magistratu decus petebat, ut fide inclytus, incorruptus pecunia, & pro factione inexpugnabilis & invictus propugnator evaderet. Quæ tamen non incertæ virtutes in ipso ita elucebant, ut turpissimis inusitatæ malignitatis maculis scædarentur. Nam impio erga patriam consilio literas, quas è Gallica legatione Balthasar gentilis eius ad senatum perferrebat, aut suppressere, aut notarijs perversè interpretandas dare conabatur, ut populus commentitijs fabulis deceptus in consilio reip. deterrimo distineretur. Nam quum è Gallia nihil propensum à rege, nullumque ab eo efficax præsidium ad salutem servandæ civitatis Carducci literis afferretur, inanis spe auxiliorum animos imperitorum sustentabat. Nec quisquam tamen optimus civis, & à factione semotus reperiebatur, qui in Gallo rege iam planè Cæsari conciliato quicquam spei impetrandæ opis reponendum censeret, quod ille ante omnia vel cum sociorum detrimento liberos obsides recipere maturaret. Accessit ad hoc infame prorsus nequissimi facinoris factum, quod vehementer ipsius Carducci existimationem læsisse videri potuit. Nam amoenissimas, quæ ornamento urbi erant, Mediceorum & Iacobi Salviati villas intemperantis, & turbidæ iuventutis impetu incendijs absumendas iusserat, quanquā id

id non imperasse, sed dissimulanter delendas obiecisse fateretur, scilicet ut ex tam horribili scædoq; maleficio, nunquam veniam impetrari posse diffideret, quando id scelus promiscuæ iuventutis ad omnes ferè civitatis familias pertineret. edicto quoq; inusitato, & si religionem spectes, & testamenta piorum animorum æstimentur, maximè nefario xenodochiorum, hospitaliumq; domorum & templorum prædia confiscanda venundandaque proposuerat, & non cõparentibus emptoribus ea locupletibus, sub pœna maiestatis coemundanda addixerat, quæ impotenter decreta cum certa labe privatorum fortunas ad excidium redigebant. Verùm Carduccius lugètes sua incommoda specie pietatis admonebat, ut patriæ securitatem privatis divitijs antepondere vellent, quando incolumi patria, optima fide pecunia reddi posset. Quòd si contumacius cessarèt, officioque patrię deessent, fore ut improbi consilij pœnas darent, paulopost extremam cladem aut ab hostilibus barbaris, aut ab impijs tyrannis extra pœnitentiæ locum daturi essent. In eandem quoque sententiam paulo ante Carduccius quum esset Decemvir, mentionem primus intulerat, cum decogenda pecunia ageret, ut donaria templis religiosissimè dicata tollerentur, quòd ea non tam ad ornamentum pacis quàm ad belli subsidia collata existimari debere magnificè prædicaret. Ociosas scilicet opes, & nihil profuturas ad salutem patriæ impendi transferrique debere, sicuti charitate patriæ ducti boni cives, si salus publica quæreretur posthabendas iudicarent. Quum de his Carducci imperijs nonnulli cives mæsto liberoque sermone in corona differrent, quòd minimè prætermittendum videtur, Antonius Albertus vir honestissimus & perurbanus non infacetè dixit: Non est optimi cives quòd quicquam à dictatore commodius & mitius expectetis: nam postquam decoctori Remp. commisistis, necesse futurum esse prævideo, ut nos omnes cum ipsa Repub. decoquamus. Sed tum quum hostes longè ab urbe abessent, neque adhuc appropinquantis belli incommoda sentirentur, de ea re à Carduccio decretum fieri non potuit, quòd nondum aut certa, aut propinqua advenisset necessitas, ut opus esset civitatem infamis sacrilegij flagitio contaminare cum multo maxima offensione Pontificis, quòd nisi ex eius anthoritate ritè tolli posse viderentur: quandoquidem ea donaria extra prophani iuris vim iam sacra essent, ob idque præsertim quòd Leonis fratris memoria, qui ea ornamenta ad cultum altarium pia liberalitate contulisset gravissimè læderetur. Ita tamen eius rapinæ spes malis civibus illata est, ut id scelus Carducci successorì patrandum relinqueretur. Præbuit tamen ansam turpi consilio exequendo, quum matronas nuptialibus ornamentis, singulasque familias vetere argenti atque auri supellectile spoliandas censuisset, veterum Romanorum exemplo quum extremis Punici belli casibus matronæ dites generosa propensione omne aurum & argentum ex suo mundo, ut pecunia cuderetur, in ærarium derulissent. Carduccius quoque quum ad mœnia hostem expectaret, tam fortem quàm inexorabilem dictatorem gessit, quum proxima mœnibus ædificia, vel summæ amœnitatis dirui iussisset, ne venturo hosti munitam sedem præberent. Acerbissimè autè imperavit, ut quæ possent usui hostibus esse, omnis generis commeatus, pabuliq; præsertim in urbem conveherentur, & quæ transferri nequirent, ultro incendijs corrumperentur. Qua edicti severitate lugentibus sua detrimèta minoribus præsertim civibus ex ardente invidia, ingès contraxit odium, quanquàm id futuri belli dira cõditio flagitaret, & cunctis civibus

patriæ salutem privatis opibus anteponendam censeret. Adiecit quoque animum muniendæ urbi, ita ut si quid vetere in muro vitij aut ineptæ defensionis foret, ea omnia novis artificijs emendarentur, institutisque operibus, & curatorum collegio opportunè creato præpositus est, qui hæc omnia ex disciplina bellicorum operum implearet atque perficeret Franciscus Sangallius architectus, civis bonus & industrius. Is præcepta et documenta ducum et militum sequutus, portis nova propugnacula imposuit. Sub id enim tempus Florentini Malatestam Baleonum certis de causis diductum à Pontifice, neque ei qui Paulum patrem capitali supplicio affecisset satis fidentem, ex auctoritate Francisci regis conductum ducem crearent, Stephanumque Columnam distributis muneribus urbanæ militiæ præfecerant, minoresque aliquot duces, & in his Marium, Neapoleonemque Vrsinos, & Georgium Sanctacrucium Romanos stipendijs suis addixerant: quibus pari studio satagentibus egregiè muniri urbs cœpta est magno operarum ardore, quæ ex agro excite opus accere cogebantur. Iam enim Pontifex ad urbem acciverat Philibertum Auran- tium Cæsariani exercitus Imperatorem, & cum eo de inferendo Florentinis bello consilia inierat, confectoque bello Apulo, & Alfonsus Vastius cum Hispanorum cohortibus, & Ferdinandus Gonzaga cum equitatu in Umbriam pervadebant, ut inde in Etruriam descenderent. Increbuerat etiam fama Cæsarem ab Hispania citeriore propediem Auriana atque Hispanica classe Cœnuam esse perventurum, ad quem Pontifex tres summæ dignitatis legatos misisset, ut honoris causa illum quò iret deducerent. Hi fuere Alexander Farnesius senatus princeps, & Franciscus Angelius Hispanus, cuius diligentia Pontificem carcere eductum, ob idque summæ pietatis officium purpureo galero donatum fuisse diximus, & Hippolitus Medices Iuliano Pontificis fratrepatriu- eli genitus, & cum eo Alexander Medices Cæsaris gener designatus. Adventabant quoque è Germania novi duces cum validis equitum & peditum copijs Philippus Arescotus Belga, & Felix Vitembergus è Suevia, qui ut Cæsari præsidio adessent, Tridentinis alpi- bus sese demittebant. Ipse quoque Pontifex cum universo cœtu Cardinalium minorumque præsulum, id iter per Flaminiam viam, ut Bononiam peteret, ibique Cæsarem opperiretur sese accinge- bat. Quibus de causis Carduccius permotus in senatu retulit, Cæsarem nulla legatione excolendum molliendumque sibi videri, & eum quibusvis conditionibus oblati, ne hostis foret præoccupandum, utpote qui eius invicti imperatoris vim potius per conditiones quam armis avertendam putaret: ratus hoc facile posse impetrari, quòd iam latè fama ingrueret, Solymanum ab Hadrianopoli profectum cum innumerabilibus copijs in Pannoniam pervasisse eo consilio, ut regnum ab se iure belli partum, Ioanni- que Sepusio beneficiario iure concessum, ipsidem victricibus armis repeteret, eumque Ferdinandi armis Pannonia pulsum reduceret, quòd suæ dignitatis atque amplitudinis arbitra- retur, cum tueri atque defendere, quem ipse, vel Christiani nominis titulum præferentem liberali munere Budana in regia deposcentibus Hungaris regem constituisset. Nec barbarus tantis instructus armis inquieturus esse crederetur, nisi partem Norici Austriani- que principatus Budano imperio adiungeret, & cumulatè iniuriam acceptam vindicaret. Quibus de causis Cæsarem tanquam domestico terrore atque periculo adductum flectere consilia, ideoque ab Etrusco bello abstinere posse crederetur: quoniam Italiæ viribus barbaro hosti

hosti formidolosissimo opportunè esset resistendum. Quibus gerendis rebus Cæsarem apparebat una omnino pecuniæ inopia laboraturum, si Germaniæ robora propositis stipendijs evocata, barbaris opponenda statueret. Itaq; consentientibus patrum sententijs delecti sunt quatuor legati, qui ad Cæsarem ire maturarent, summæ authoritatis atque prudentiæ ciues: ipseq; in primis quod magnæ gloriæ ei fuit, Nicolaus Caponius è rure tanquam ab exilio in urbem revocatus, & cum eo Thomas Soderinus, Mattheus Strozza, & Raphael Hieronymus, iam pridem Cæsari notus, quod in Hispania legationis munus obivisset. His verò proficisci iussis, actitatum est in senatu, an Pontifex pari legatione ad spem pacis flectendus, aut certè exploratis eius consilijs pertentandus foret. Quod quum à plerisque tanquam æquum & planè pium probaretur, tanta fuit perversi dictatoris astutia, tantaque popularium superbia, atque impudentia, ut nec civem, nec sacrorum principem, cuius nomen cunctis gentibus esset venerabile, vel adeundum, vel excolendum decernerent; quoniam eius congressu à quo nihil è republica impetrari posse confirmarent, contagione non obscura constantia liberæ civitatis scèdari posse putaretur. Tanta siquidem popularium animos invaserat insania, ut facile suspicarentur, in optimo quoque cive deesse fidem. Quandoquidem qui legationis munus susciperent, facile muneribus adulationeque Pontificis corrumpi posse iudicaret; nec quemquam usque adeo probum crederent futurum, qui Pontificis pollicitationes, expeditaque præmia publico bono anteponenda non duceret. Superabant tamen cogitatio periculi, atque imminentis belli metus, omnem depravatorum civium pertinaciam, ita ut pudore per subsellia oborto, Petrus Franciscus Portinarius, qui è legatione Britannica redierat, ad Pontificem legatus destinaretur, cui adessent duo mediocris existimationis college. Cæterum opera Carducci nequaquàm mandata publica proficiscendi data sunt, quod ea Decemviri in itinere se submissuros mentiendo pollicerentur. Quamobrè necesse erat, ut ea legatio, quæ certis mandatis non inniteretur, inanis foret. Hæc res indigna Pontifice, animū eius vehementissimè pupugit, quū civium usq; adeo aucto acerbioris furore, insanabiles animos armis omnino perdomandos censeret. Interea Cæsar Barchinone oram solvès Auriana prætoria vectus, comitātē Portundo, qui Hispanicæ classi præerat, Genuā pervenit, præstoq; ei fuerunt Pontificis legati. Cæsar autem in ædibus prætorianis susceptus est, excepereq; cives eius comitatum proprijs penatibus impetrante hoc officij genus Andrea Auria à singulis familijs, quod ægrè Genuenses in universum suscepturi Hispanos hospites viderentur propter recentem adhuc memoriam, ab ea præsertim gente direptæ civitatis. Cæsar ipse secus ac crediderant homines, faciem prætulit lenis clementisq; animi indicem, ipsoq; iuventæ flore maximè decoram, quā honestabant mores civili modestia conditi, et eloquia benigni comitatus, sicut famam conceptæ apud Italos feritatis extingueret: quandoquidē nequaquam eius imperio, sed dira atq; immani ducum suorum acerbitate quæ perpessi essent summæ calamitatis incommoda illata fuisse crederentur. Nec multum inde Florentinorum legatos admisit, qui ab eius equitate clementiaq; demisse postularunt, ut civitati parcendum duceret, si quid fatali coacti bello maiestatem eius lesisse videretur, paratam quidem esse cuncta facere, quæ imperaret, modò eam vetere consuetudine liberam, sua qua potiti essent libertate frui pateretur, pro qua omnino cōservanda tuendaq; populus universus, non urbium

modò sibi subiectarum opes, sed liberos & coniuges, delubraque & fortunas omnes, contempto omni belli periculo devovisset. Propterea maximè decorum fore si civitas quæ esset totius Italiæ longè pulcherrima, & ad ipsius Cæsaris auctoritatem ultro se conferret, libera atque integra servaretur. Ad ea Cæsar paucis respondit, Florentinos iniquè arroganterque fecisse, qui nulla lacerati iniuria Gallis hostibus suis adhæsisent, fœdereque icto Etrusca auxilia oppugnandis ipsius ducibus Neapolim misissent. Quo in expiabili delicto superiorem Cæsarem concessas libertatis immunitates, vel ingratis vel perfidiosè corrupissent. Hæc tamen si uti maximè fœda omnino armis vindicanda censerentur, se tamen noxam, & totum eorum maiestatis crimen pro sua humanitate, magitudineque animi remissurum, si sacrosanctum Pontificem, eundemque civem suum eximiæ moderationis, quem impudenter patria eiecissent, conversis voluntatibus reciperent. Hanc unam siquidem ipsis relinquere viam parandæ pacis, quando nullo alio auspice sequestrove, eam impetrare possent. Proinde si sani forent, in id enixè satagerent, si incolumes esse vellent, ut pristinam gratiam à Pontifice honestissimo obsequio promerent. Neque enim aliter se fidei præstare, neque officio suo quod percussi fœderis legibus esset obstrictum satisfacere posse, nisi sacrorum principi & civi de Florentina Republ. optimè merito, sua patria redderetur. Ab his prægravibus Cæsaris responsis legati diverso animorum habitu ab Genua discesserunt. Caponius & Strozza provisus asperrimi belli difficultatibus, vel non æquas, & præsentis Reip. incommodas certæ pacis conditiones dubio bello facile præferebant. Soderinus autem ita horrebat bellum, ut animi anceps pacem improbareret, quod ea propter gentilitias simultates, nisi reductis Mediceis parari posse videretur. Raphael autem occulta correptus ambitione popularis factionis studium suscepit, astuta quidem ratione, ut quum esset patritius & multis nominibus Mediceo nomini obstrictus, utriusque ordinis voluntates promereret, petitionique suæ quam animo agitaret certa suffragia compararet. Itaque Soderino per causam valetudinis Pisis subsistente, quod Caponium apud Castrum novum Calphurniani saltus ex morbo perisse: Strozzam vero qui comes affuisset metu belli, & turbulentæ popularium factionis tædio Venetias abiisse didicisset, magna festinatione Florentiam contendit, ita ut intento cursu in curiam ire pergeret, & penulatus petasatusque ad præoccupanda hominum studia ad dictatorem & decuriones ascenderet. Eius adventu frequens factus est in curiam hominum concursus, quum quisque quod à Cæsare relatum esset, noscere percuperet. Ante omnia Raphael Carduccium arctè complexus, cohortatusque ut eundem quem maximè fortem pro salute patriæ animum induisset, generosè confirmaret, causas namque vel timoris vel periculi aliquanto minores esse quàm putarent, postquam Cæsarem exploratis & expensis consiliorum eius explicandorum difficultatibus adhæsisent, & ex colloquio inanis contumaciæ responsa iustis ipsorum postulatis aliena retulissent. Primum omnium advectas esse ex Hispania non multas, easque tironum inermes copias, nec satis quoque auri signati adductum, quo Hispanorum & Germanorum cum veterum, tum novorum qui à Germania expectarentur, stipendijs satisfaceret: vigere adhuc bellum adversus Antonium Levā, quod à Venetis simul & Sfortianis continenter gereretur. neque vlla alia re Cæsarem cum Pontifice certius atque propensius coniungi, quàm ipsa adipiscendi diadematis cupiditate,

ditate, propter quam invitus æquo plura quàm rebus suis expediret, indul-
 genda promittendaq; existimasset, quæ non faciliè præstari possent propter
 terrorem quem Solymanus incuteret, non Pannoniæ modo, sed paternis eius
 regnis, quando certior fama vulgaretur, eum cum trecentis milibus hominū
 egressum Pannoniæ finibus, rectā ad oppugnandū Viennam contendere. Sic
 ut non obscuro deorum immortalium munere, Florentinis auxilio ingentis
 potentiæ barbarus mitti videatur, postquā rex Gallus aliena pericula pro suo
 commodo supinè contemnens, & Venetus astutè semper cunctator inani tan-
 tum legationum specie spes sociorum sustentarent. Fore etenim ut Cæsarem
 10 Italiam attigisse, propterea pœniteret, quod in Germaniam difficili periculo-
 soq; proposito bello ad defendendum, protegendumq; fratrem secus ac putas-
 set, importunè vocaretur. Pontificem verò rerum omnium pecuniæq; præfer-
 tim egentissimum frustra suscepisse vota, quibus pertenuis arrideret occasio,
 his rerum iniitijs appareret. Itaq; viribus fortibus, & pro patria adversus tyran-
 nas pugnaturis, non defuturum victoriæ successum, nisi intempestivè despe-
 rarent: quandoquidē satis magna habituri essent præsidia cum externorū mi-
 litum, tum civium ipsorū, quibus egregiæ firmitatis mœnia proculdubio de-
 fenderent, neq; defuturam in stipendia pecuniam tanta liberalitate singulorū
 20 ordinum substantiam omnem pro libertate patriæ conferentium, postquam
 summæ charitatis studium pro salute publica suscepissent. Cæteris autē rebus
 tam fore egregij dictatoris & magistratuum curam & diligentiam, ut nullum
 vel in urbe tumultum, vel extra mœnia extimescendum hostium impetum ex-
 pectare deberent, modò commeatus dividendi cura severis legibus intende-
 retur. Hæc magnificè differendo, & Cæsaris & Pontificis apparatus, qui erant
 amplissimi, inanibus verbis elevando Raphael boni civis optimiq; popularis
 nomen ita consequutus est, ut privatae libidini incumbens, sibi ad petitionem
 dictaturæ, vel exitiosis artibus viam permuniret, unusq; ipse malo publico, pri-
 vatoq; exitio suo proclinatas iam ad pacem civium voluntates pervertisse dice-
 retur. Itaq; Carduccio ad arma paranda vehementer inflammato, constantis-
 30 sineq; pro popularibus Remp. administratē, quæ excogitari poterant pro de-
 fensione civitatis accuratissimè adversus hostes parabantur. Interea Cæsar de
 Genua Placentiam contendit. Ei adventanti tres Pontificis legati præstò fue-
 runt, ut eum Pontificiæ ditionis fines intrantem sacramēto adigerent, quo de
 more iurare cogebatur, nunquam se Pontificiæ libertati vim allaturum. Ea au-
 tem iusiurandi formula verbis ritè conceptis ex sacris cerimoniarum libris pe-
 tebatur. Sed Cæsar sui imperatorij iuris appositè memor, ita iuravit, ut se de
 iure suo nihil decessurum testaretur. Placentiam siquidem & Parmam ur-
 bes tanquam Mediolanensi imperio antiquitus attributas: quoniam id Cæ-
 40 sarum imperatorum beneficiarium semper fuisset, non obscuro, nec intermis-
 so iure repetere videbatur. Antonius quoque Leva ad invisendum edocen-
 dumq; Cæsarem Placentiam descendit. Is Cæsari aulq; proceribus cum mu-
 tua gratulatione dux mirus & incomparabilis est visus, vel ob id præsertim,
 quod tantis rebus gestis, totq; partis victorijs, vel occupante totos artus mi-
 serabili morbo, animo pariter & corpore indomitus nunquam à munere mi-
 litari discessisset. Sæpe enim lectica vectus, illigatusq; fascijs propter acerbissi-
 mos nervorum dolores acie conflixerat, expugnarat oppida, diversorū
 que hostium sibi incumbentium conatus infregerat, ita ut si prospera utere-

tur valetudine, non suæ modo, sed superioris etiam ætatis duces, fama & laude supergressurus crederetur. Is disertè atque appositè quæ gessisset, & quæ gesturus foret differens, pacem è cogitationibus Cæsaris excutere conabatur, quòd vir belli gerendi conficiendiq; avidus, unde sibi certum decus, immensasque divitias pararet, omnia sibi facilia ad plenioram victoriam de hostibus parandam, obventura prædicaret: eo quidem fortasse iactantius quàm prudentem deceret ducem, quòd Sfortianas pariter tanquam exiguas: Venetas verò copias tanquam parum efficaces, & pro alieno commodo nunquam superioris pugnae aleam subire solitas facile despiceret, eoq; præsertim contemptius & tutius: quoniam Venetos descendantibus Germanis ad oppidorum suorum præsidia, Feltrium ducem ipsum & cohortes quas ad Abduam haberent, revocatos divinaret. His Levæ sermonibus fiebat, ut Cæsar magnopere gauderet, neque tamen ab instituto parandæ pacis consilio se derici, aut longe abduci pateretur, quòd ea quæ Clementi promiserat, rata facere suæ dignitatis esse statuisset, ut tandem ipse imperatorij diadematis honore compos fieret, modereturque afflictæ Italiæ incommodis, & propterea pacem pararet ut fratri Ferdinando Turcarum circumvento armis matura præsidia dignatipso, traductis in Germaniam Hispanicis copijs præberentur. Clemensem enim, ad quem unum salutis suæ causa Franciscus Sfortia confugiebat, ratus Erufuli bellum nequaquam confici posse, nisi compositis Galliæ Cisalpinæ rebus, id præcipuè sicuti semper aliàs à Cæsare postulabat, ut ipsum Sfortiam quem infontem criminis existimare fas esset, in gratiam reciperet, & in regnum paternæ hæreditatis restitueret: ex cuius facti gloriosa liberalitate studia hominum sibi esset conciliaturus, postquam undique victori principique magnanimo nihil potius appetendum foret, quàm eximiae moderationis decus, quòd maxime speciosum atque honestissimum esset. His Pontificijs adhortationibus quanquam Cæsar omnino obsequendum statueret, magnopere tamen dulcedine maximi pulcherrimique imperij potiundi distinebatur, usque adeo ut à plerisque commutata voluntate in consilio restituendi Sfortiæ nutare crederetur: ob idque præcipuè, quoniam dum hæc per legatos tractarentur, Antonius Leva nullam gerendi belli occasionem prætermittendam ratus Ticinum urbem rursus occuparat, ingenti celeritate ad motis castris, avaro scilicet perfidiosoque præsidij præfecto Aunibale Picenardo impudentissimè atque turpissimè se defendente, ut sese incolumem cum præda omni quam undiq; cogerat opulentam ex pactione conservaret. Sed eius facti ignominia non multò post usque adeo atrociter laboravit, ut vituperantibus cunctis, ad mortem usque infania corripereetur. Pari quoque felicitate Antonius Castellum sancti Angeli Laudensi via ad Lambrum amnem positum, in potestatem redegit, misso in eam expeditionem Ludovico Balbiano cum delecta parte copiarum. Is uti erat impiger Sfortianoque nomini maxime insensus, ita oppidum adortus est, ut nactus noctem plenissimo imbre turbulentam, Sfortianis & Venetis præsidians frustrare pugnantibus, muri corona potiretur, quum imber omnem penitus sclopettorum usum, extinctis funiculis, defensoribus eripuisset. Edita est non parva cædes, quum sclopettis abiectis, ad hastas & gladios rem deduxissent, iniqua propugnatorum conditione, quando pauci, amisso tormentorum præsidio, cui maxime confidissent, tanquam deserti à Fortuna, inopinatoque timore præpediti sternerentur. Id oppidum inexpectato amissum

sum t̃to dolore Sfortiam affecisse visum est, ut geminatis cladibus, tota spe impetrandæ pacis decideret, & Clemens longè gravissimè perturbaretur, veritus scilicet ne Cæsar nova secundarum rerum fiducia impulsus, uti à familiarib. factiosisque depravatus, ad bellum sprete pace traheretur. Sed ea fuit in ipso animi constantia, eaque ratio moderationis atq; virtutis, ut ullo pacto flecti nequiret, quod conceptæ atque propositæ pacis spem, eluso Pontifice minimè corrumpendam arbitraretur. Id verò ut statueret graviter adducebatur, propter Turcas quos in Noricum effusos esse didicerat, summo Viennensium periculo, cladeque regionis, quando quidem cuncta cædibus & incendijs permiserent. Sub id quoq; tempus Rodericus Portundus Hispanicę præfectus classis Barchinonem reverti iussus summum fœdæ calamitatis infortunium subiit, commisso namque navali prælio cum Turcis prædonibus, classe exutus est, atque interfectus, tam sua exitiali, quàm Reipub. damnosa temeritate. Quomodo autem res gesta sit, paucis enarrare lubet, ut nostri homines nusquam superbia efferrī, nec barbaros, qui pertinacibus animis nullo mortis metu ferrū in nostros exercent, despicere condiscant. Portundus ex itinere prædones se adepturum ratus, qui tum Balearico in mari vagabantur, quum ad Ebusum insulam pervenisset, ibi didicit prædonum quindecim navigia, quæ remis agerentur, ad Colubrariam insulam confedissee. Ea abest ab Ebuso decem milibus passuum Frumentariaque à nautis appellatur. Itaq; evectus in spem opprimendæ piraticę classis, ex quindecim suis triremibus, validissimas octo deligit, easque cæterarum remigibus, & epibatis complet, impetratq; à prætore Ebusano centum circiter, & quinquaginta notæ virtutis propugnatōres, quos in triremes dispertit. Hoc auctus numero, confirmatoq; suorum perfidio, non dubitat quin cum barbaris omnino sit confligendum, compositisque armamentis de tertia vigilia ab Ebuso solvit, & ad Colubrariam progreditur. Barbari à medio pelagii spatio adventantes triremes conspiciunt, celeriterq; è litore se expediētes navigia conscendunt, atque arma parant. Portundus quum Ioannes eius filius iam in albescente cœlo, hostilium navigiorum classem numerasset, ideoq; admoneret patrem ne properaret congregi numero impar, vehementer eum acerbq; ignavia increpita obiurgavit, usq; adeo insolenter, ut diceret eum nō esse ipsius Portundi filium, qui hostem reformidaret biremibus t̃tum ex speculatorijs mioparonibus instructum quando ipse vel sua tantum prætoria trireme, cuncta ea barbarorum leviora navigia esset demersurus. Erat Portundus animo certè egregio & forti, sed valde elato superboq;, quando quidem ab inani iactantia contumacem & indomitum, nulla vel certi, vel præduri discriminis reputatio, nullaque vel horribilis præsentis periculī oblata facies perterreret. Tum filius qui cum virtutis, tum prudentiæ præcellentis erat, dñ faxint pater, inquit, ut nos concepti timoris dispudeat potius quàm doleat. Eo modo Portundus suæ prætoriæ ita cursum intendit, ut reliquas quæ remigio minus valebant, anteiret, & respiciens, remos tolli iubere cogeretur, scilicet ut consequendi spatium præberet, quæ ad æquandam frontem cum voce, tum maritima significatione, ut accelerarent accersebantur. Haidinus Smyrneus archipirata, cui Cacciadiabolo cognomen fuit, ubi inæqualem hostium cursum deprehendit, quod longam intercisa serie nullam conserturi frontem cum prætoria videbantur, advocatis commilitonibus navigiorumq; magistris (ita enim barbari trierarchos appellant) hoc consilij expedita deliberatione suscepit, ita dis-

visis pugnae muneribus, validiores biremes nostris hostilem classem recta ferirent: leviores autem singulas bine à lateribus aggrederebantur. Favit fortuna predonibus æqua, nostris verò infestissima: nam Aïlanes Celebinus, & Solymanus audacissimi omnium & pugnacissimi uno tempore, hic à latere, ille rectissime à prora in prætoriam inveci, priusquam succurri posset, Portundum capta Prætoria cum suis omnibus propugnatoribus trucidarunt, ita ut vexillum repente, quod magnopere cæterorum animos imminuit, sterneretur, parique celeritate Haidynus ipse triremem succedentem Ioannis Cantabri quæ à Gallo, id erat puppis insigne, cognomen habebat, conscendit, & Cantabrum cum universis navalibus socijs interfecit. Eodem puncto temporis Salecus Derehusensem triremem, in qua erat Ioannes Civeres Trierarchus proximamque huic Ioannis Portundi filij, magno impetu adortus interfecto Civerio, & Ioanne capto, propugnatoribusque omnibus trucidatis occupavit. Eodem quoque semihoræ spatio Matthæus Sances à Saba prædone expugnata trireme interfectus est. Maggalis verò postremas, & conversis puppibus aufugientes usque adeo acriter est confectatus, ut alteram in qua erat Martinus Ariegus, velis & remis prospere antecedentem amitteret: alteram verò in qua erat Ioannes Corduba, scopulis sese illidere cogeret, quæ effugientibus omnibus cum solo trierarcho, qui superesse fœdæ cladi noluerat, capta est, Turcis ex victrice classe descensione in litus facta effugientes ex trireme ita confectantibus, ut multo plures quam evaderent, integri caperentur. Aidinus tanta parta victoria tridui quietem remigibus concessit, atque inde ad Barbarussam cum septem captivis triremibus Algerium traiecit, cuius adventu victoriaque maximè læratum ferunt Barbarussam, qui ex eius victoriae fama apud Solymanum imperatorem plurimum inclaruit, quum ei Byzantium usque dono misisset splendida eius victoriae spolia, ipsumque in primis Portundi prætorium vexillum, & sumptuosi operis puppis integumentum. Hoc loco minimè absurdum putavimus, prædones barbaros proprijs nominibus appellasse. Id verò duabus de causis fecimus, quod sequentibus bellis, quæ suo ordine referentur, eorum virtus efficax, si hoc honesto nomine vis effera vocanda, sic crebro nostro incommodo multum inclaruerit, & demum illi victi pulsi que Tunetanæ Cæsaris victoriae famam auxerint, insignique omnium mari nostro navigantium lætitia latius extenderint. Cæterum Barbarussa accessione tot triremium captivorum, totque nostris hominibus ad transtra cathenatis, instructior atque validior factus, maiora animo agitare cœpit, asciscereque sibi novas vires, atque arridentis Fortunæ secundas vices experiri constituit. Iam enim fraterni imperij compos, Hariadenus vocari volebat, ad differentiam Horucci fratris, qui primò idem ab ænea barba cognomentum tulisset, cuius cognominis & Fortune hæres multis rebus in Africa fortiter atque feliciter gestis, terra marique rex metuendus evaserat, magno quidem Fortunæ ludibrio, si humilis piratæ despiciendam ab initio conditionem reputemus, postquam ad id humanæ superbie fastigium ascenderit, sicuti suo loco exordientes à prima eius è patria Lesbo profectio diffuse narrabimus. Igitur ante omnia misso ad Mœnicem insulam, quam Gerbim vocant, Tabacco trierarcho Synam Smyrnæum cognomento Iudæum summæ prudentiæ uti constat archipiratam, certo fœdere sibi coniungit. Is viginti quatuor biremibus imperabat, unique triremi, quam Gallis ereptam cognomine Nigram appellarat, cui Halicolam Corsum à pueritia alumnus

lumnum pro trierarcho præfecerat, qui & suo nomine expeditam triremem
 cognomento Calabram trahebat. Synas quum subduci & refici classem iussis-
 set, interea Tunetum contendit, ibiq; repertum insignem prædonem è Cili-
 cia, qui Halicotus vocabatur, æqua conditione transigit, ut secum ad Barbarus-
 sam enaviget, atq; ei operam præstet. Halicotus quatuor habebat biremes, &
 duas quæ Neapolitanæ fuerant, ad Argentarium montem captæ, quum for-
 tè tormentarij pulveris & pilarum certam copiam ad Cæsarianos, Florentiam
 oppugnantes, iumentis deportandâ exposuissent. Altera fuit Iustiniana Gib-
 ba quæ in litus effugientibus remigibus pariter atq; vectoribus, vacua in po-
 10 testatē devenerat. At altera fuit Aloysij Hispalensis, qui expugnata trireme in-
 terfectus est. Horum omnium viribus in unum coactis Barbarussa ad Algeriū
 classem iustravit sexaginta navigiorum militariter ornatorum, initaq; delibe-
 ratione cum socijs, urbem Gades in freto propter opulentissimi emporij famā
 adoriri constituit. Dum proposito consilio Barbarussa diligenter incumbit,
 Halicotus cum dimidia ferè classis parte Algerium mittitur, ut ibi magnam
 vim frumētī nactus, nautici panis, quē biscoctum vocant, ampliorem copiam
 paret, & reliqui cōmeatus iusto numero se instruat, armamentaq; pluteos &
 tormenta coaptet. Hæc quum Algerij, Cercelliq; impigrè atq; avidè parantur,
 Andreas Auria vehementer offensus incommodo cædeq; Portundi, vetereq;
 20 suo contra prædones odio incensus, quod publicam iniuriam vindicandam
 rebatur, validissimam rostratarum navium classem Genua eduxit, cui se Gal-
 licæ triremes adiunxerant: quoniam rex Franciscus maximè pium, sibiq; de-
 corum existimabat armis persequi Piratas communes humani generis hostes,
 oblivisci; in dudum cōciliati Cæsaris gratiam, totius simultatis, quæ sibi cum
 Auria nuper intercessisset. Auria ad Baleares insulas cursum tenuit, ibiq; didi-
 cit Piraticæ classis alteram manū esse Algerij, alteram sedere ad Cercellum. Id-
 circo consilium expedit alteramq; earum priusquam in unum coniungantur,
 invadendam censet, apertaq; mari rectā in Africam Cercellum versus cursum
 intendit. Erant ei triginta octo rostratæ omnes triremes. Has advenientes
 30 Mauri è specula promontorij olim Carapulæ, quod nos Battalium: Pœni ve-
 ro Gyra Flumar appellant, facilè conspiciunt. Id verò quod vidissent referen-
 tes, Halicoto se Barbarussæ classem quum deciperentur, adventare confirma-
 bant: sed ut id crederet Halicotus, vel ea ratione adduci non potuit, quoniam
 ea adventans classis parem navigiorum magnitudinem certa specie referret,
 quæ proculdubio esset externa atq; inimica, postquā nulla inter eam minora
 apparerent navigia, sicuti necesse esset in Barbarussæ classe, quum maiores mi-
 noresq; biremes, & parvos mioparones speculatorios ex sua consuetudine ef-
 fer adducturus. Iam sensim appropinquantēs Aurianæ triremes quales essent,
 sese intuentium oculis præclare ostendebant. Propterea Halicotus raptus in
 40 id consilium quod inopinata necessitas afferebat, singulari celeritate Christianis
 nis remigibus catenas detrahit, qui erant numero circiter octingenti eosque
 in subterraneum carcerem detrudit, partem triremium perforata carina, ne
 his potiatur hostis, in portu demergit: Turcas omnes secum adducendo ar-
 cem intrare iubet, præcipitq; Mauris ut oppidum relinquāt, & ad evocandos
 proximæ viciniae Numidas, & montanos egestes, bellicososque homines in
 auxilium accersant. Dum hæc turbatè administrantur Auria adactis prors
 portum atq; oppidum occupat, tresq; cohortes sub vexillo ad querendum car-

cerem, liberandosque Christianos servos dimittit. Nec mora, certo indicio ergastula omnia refiguntur, & cum magna gratulatione servi è summa miseria beati repente facti per triremes distribuuntur. Cæterum navales focij per oppidum discurrent, cunctasque domos diripientes, per varias regiones dissipantur, nec reclamante, revocanteque ad tubæ cantum Auria se recipiunt, quum rapinæ spes omnem pudorem in milite nuper collecto conscriptoque penitus extingueret. Id dissolutæ disciplinæ factum ab arce Halicotus deprehendens, subita eruptione dispersos invadit, opportuneque superveniunt auxilia Numidarum, qui equato peditum atque equitum cursu, inopinantibus nostris advolarant. Commissa est atrox cædes in nostros potius quàm pugna, quod nemo præpeditus complexu prædæ, & inopinato pavore perturbatus usquam consisteret, aut viriliter repugnaret: nam quisque ad repetendam classem concitatus à pluribus trucidabatur. Eam verò fugæ ignominiam iratus Auria, ut aliquo remedio sisteret, postquàm nemo imperijs suis parebat, paululum è litore triremes abduciiussit, ut spe insiliendi erepta, milites ad pugnam, salutis metu arma atque animos cõverterent. Sed tanta erat impressio Barbarorum nemini parcendum, Turcarumque præsertim qui gravibus suis incurvis gladijs rem gerebant, ut plures natandi imperiti, & malignè propter id dedecus à classiarijs adiuti, foedissimo interitu mergerentur, sic ut paulo minus quadringentos Auria desideraret, quum vix sexaginta cum Georgio Pallavicino nobili signifero vivi in potestatem hostium venissent. Verùm Auria id detrimentum æquiore animo tulit, quòd ab se tot Christiani nominis servos in libertatē assertos esse videbat, & aliquot eorum maiora navigia remulco secum abduxisset. Hac re gesta proculdubio Gadibus salutem attulerunt: nam Barbarussa ea spe deiectus ad minora latrocinia descendit. Iam Cæsar (ut ad historiæ seriem revertamur) circiter duos menses Placentiæ Parmeq; exegerat, quum optatissimum à Ferdinando fratre nuncium accepit, Turcas, qui per multos dies irritò conatu Viennam obsedissent, & cuniculis oppugnassent, desperata expugnatione retro abiisse, Solymanumque ipsum non dubio concepto pudore, quòd ei Fortuna cceptis aliàs aridare solita tantos conatus elusisset, tripartitò in Thraciam reverti cœpisse. Tempus postularet ut hoc loco quo impetu Solymanus in Pannoniam venerit, reiectusque à Viennæ mœnibus inglorius in Thraciam redierit, ex rerum gestarum serie narraremus, sed bono iure hic historiæ tractus in aliud locum omnino commodiorem atque aptiorem trañciendus videtur, ne dum singularem membra secare, & præcipuis temporibus coaptare contendimus, rerum cognitio concisè atque confusissimè legentib. proponatur. Hac singulari læticia perfusus Cæsar, rectà Bononiam contendit, quò iam paulò ante Calend. novembres Clemens pervenerat. Ex itinere autem susceptus est apud Regium Lepidi, Mutinamque magnificentissimo Alfonsi Atestini Ferrariensis principis apparatu. Excipitur ergo triumphali pompa summis honoribus, incredibili omnium lætitia, ipse paludatus, & militaribus armis una dempta galea undique protectus, albo insigni equo, regio sumptu phalerato, à Mutinensi porta in forum provehitur. Præcesserant quaterna vexilla, cum levis, tum gravis armaturæ Belgarum equitum, sagulis, cristis, & colorū varietate ita inter se distinctis turmis, ut quorum ducum essent, ab ipso insignium & vestitus argumento facile noscerentur. Successit inde peditatus toties victor, non tam opimis hostiū spolijs exornatus, quàm armorum fulgore ac aspectus feritate terribilis, ad truce-

eum tympanorum sonitum, & graves tiliarum modulos, gradu superbè com-
 posito, sub signis introductus. Quadratam umbellam auro purpuraque distin-
 ctam gymnasiarchæ, & celeberrimi bonarum artium professores in togis seri-
 cis præferebant. Latus Cæsaris à decora Bononiensium iuventute, non custo-
 diæ, sed honoris causa cingebatur. Prætor urbanus, & decuriones cum vexilli-
 fero, et à Quadraginta virali magistratu, primoribusq; patritijs splendidissimi
 succedebant. Constitit in medio foro Antonius Leva æger pedibus, sed vivaci-
 bus oculis pugnacissimi ducis habitum præseferens, ac ut magis ob recentem
 bellicæ constantiæ & rerum gestarum gloriam, omnium oculis offerretur, in
 10 sublimi sella gestatus, hinc veterana Germanorum legione, illinc Hispanorum
 cohortibus, ita prædensa acie directis, aut obversis, & tormentis in fronte col-
 locatis, ut exercitus concursurus esse videretur. Erant iuxta Cæsarem illustres
 reguli, auro in lacinijs vel solido bracteato, vel acu pingente inducto, vel ad lu-
 xuriam conciso, itemq; exquisitis armorum & equorū ornamentis maximè su-
 perbi. Secundum eos prælata est Romana Aquila aureo in vexillo picta, ac itē
 candidum aliud vexillum purpurea cruce distinctum, sub quibus totius aulæ
 familia ex flore gentium omnium delecta, & nobilissimi Hispaniæ sacrati reli-
 gione equites Cæsaris vestigia sequebantur. Prætorianus miles custodiæ cor-
 poris assuetus, diversis sub signis Hispanus, Belga, Germanus, in croceis sa-
 10 gis agmen extremum clausit, & quicquid in foro spatij reliquum fuerat, oc-
 cupavit. Erat erectus in Petroniani templi vestibulo peramplus ligneus sug-
 gestus, peristromatis, & aulæis ad loci dignitatem undique protectus, in quo
 Cardinales & episcopi, cæterique minores sacerdotes purpurati, suo quisque
 ordine confederant. In medio autem præalta in sede mitratus Pontifex Cæsare
 expectabat. Ille itaque nobilioribus tantum regulis, principumque legatis sibi
 ascitis, equo descendit, subeuntem per gradus Cardinales duo deduxere. Tum
 verò ut prodijt, omnium oculi in duos longè maximos terrarum orbis domi-
 nos sunt coniecti. Explorabat enim quisque valde suspensus & tacitus, propter
 memoriam veteris dissensionis, & recentis amicitiae, an ora ipsa interiores sen-
 30 sus nunquam ex toto fallentia, subitis illis affectionum & nutantis animæ mo-
 mentis obedirent. Erat vultus Cæsaris in gestu militari & gravi, blanda qua-
 dam lenitate, verecundiaq; perfusus. Clementis verò facies ita subito ad eius oc-
 cursum exhilarata est, ut vel ob id maximè letari crederes, quòd illū multo hu-
 maniore & augustiorē quàm putarat, esse conspiceret. Varia siquidē ab Hi-
 spanijs, & falsa quidem, de Cæsare plerique malignè retulerant, & multi etiam
 ultro trepidis animis, propter acceptas tot inusitatas clades, sibi illū finge-
 bant, uti alterum Ariovistum, aut Rotomalcem, aliquo scilicet vultu Cimbrico &
 feritate Gothica metuendum, ac ipsius denique militibus, ferocia & spiritus
 immanitate per similem, qui devictis & stratis tot hostium exercitibus, tot ur-
 40 bibus direptis, evastatisque provincijs, divina ac humana omnia dira confu-
 sionem miscuissent. Sed iam fuerat exceptus Genuæ, Placentiæ cognitus, Parmæ
 demum, Regij, & Mutinæ, cum summa omnis generis hominum gratulatio-
 ne salutatus, utpote qui passim humanitatis, abstinentiæ, pietatis, atque iusti-
 tiæ monumenta, absq; ullo vel superbie, vel crudelitatis, vel libidinis vestigio
 reliquisset. Enim verò, quo nihil est in rege popularius & gratius, aditum cum-
 ctis, atq; aures summa benignitate & singulari patientia præbuerat, dederatq;
 obiter responsa spei, æquitatisque plenissima, quæ propositis postulorum

figillatim rectissimè responderent. Illam verò militum licentiam diuturnam punitate confirmatam, ijs qui vel oblata rapuerant, vel ante diem arroganter stipendia flagitarant, supplicio protinus affectis, ita represtet, ut illo quod teneret longe maximo omnium imperio dignissimus haberetur. Sed nec cum (quanquam ætate Fortunæq; florentem) vllæ vnquam vel licitæ voluptates, à perpetuis rerum maximarum consulationibus auocabant, ita ut in eo simul iuventutis decor eximius ad Martiam laudem emineret, & consilia senili maturitate proprijs non alienis cogitationibus exquisita, elaborata, directaq; manerent. Nunquam enim præclarum, nobile & firmum eius ingenium, vel irarum impetus perturbaret, vel cæca vindictæ libido pupugerat, vel ulla humana mollietis, quin recta sentiret, expugnarat. Erat eius vultus, ut hoc quoq; curiosi minimè desiderent, argenteo & grato quodam pallore dilucidus, oculi carulei, suaves, nulla acris severitate formidabiles, & ij quidem ad ingenuum pudorem virilemq; modestiam instituti. Nasus à medio clementer assurgebat, quod magnitudinis animi signum in Persarum etiam regib. ab antiquis fuit observatum; mentum erat ad exiguam vanustioris iniuriæ paulo prominentius, & quod grauitatis speciem addebat, subcrispa & flauenti barba conuestitum; capillum verò fulgore pallentis auri, more Romanorum Cæsari circumtonsum ostendebat. Porro statura corporis, ut in ipso ætatis integræ flore & prosperrima valetudine, non ab inertis succo, sed à valido nervorum nexu longè firmissima; per amplæ item robustæq; manus ad stringendū ferrum idoneæ, crura autem venustissimè extantibus toris, trunci proportionem directa, quod tum maxime apparebat, quum equo veheretur. Tanta enim ei inerat cum dignitate equitandi peritia, ut nullus eo armato, atq; equum incitante & ingyrum reflectente, vel pulchrior, vel vividior, vel in ferendo armorum pondere patientior eques reperiri posse videretur. Cæterum ad pontificis pedes flexo genu prouolutus, ac mox dextra læti arridentisq; Pontificis erectus ad osculū, Hispanica oratione, Veni, inquit, sanctissime pater ad pedes tuos, quod summo voto semper expetiui, ut fessis Christianæ Reip. rebus communi consilio succurramus: oro Deum Opt. Max. qui me huius voti compotem fecit, ut nostris consilijs adsit, atq; hic aduentus meus Christianis omnibus sit salutaris. Tum Pontifex, certè hoc ipso congressu, inquit, sicuti Deus immortalis, & sancti cælites certissimi sunt testes, mihi nihil vnquam fuit antiquius, & iam superis gratias ago quod te videam prosperè atq; feliciter mari terraq; perductum, resq; eò deductas intuear, ut te authore de concordia omnium & solenni pace minimè desperemus. Obtulit subinde Cæsar auri signati circiter libras decem; deductusq; est summa comitate à Pontifice ad templi limen; atq; ita digressi Cæsar ad aram maximam supplicaturus superis contendit; Pontifex verò in prætorium cum vniuerso sacerdotum ordine continuo est reuersus. Nec multo post Cæsar & ipse prætorium intrauit, cui paratæ erant summa ædium partes, ita coniunctæ Pontificijs, ut inter vtriusq; cubilia solus intresset paries, aditum præbente portula, ut quum vellent, ignaris omnibus remotisque arbitris, interdum noctuque, de summis rerum negotijs familiarissimè disputarent. Eo modo sæpe arcana sensum, mutua & sincera animi liberalitate detegendo, ac odiorum origines ad fatalem vim & consiliariorum & ducum insaniam referendo, facile Dñs bene iuvantib. viam inuenere, qua pax egregiè componi, & tot malis & funestis incommodis optatus finis imponi posse vide-

reitur,

retur. Veneti per Gasparem Contarenum divini ingenij & felicitis industriae legatum non proferendi imperij, sed tuendae publicae omnium libertatis causa, adversus Caesarem arma coepisse testabantur. Proinde eas urbes quas in Apulia, Galliaque togata possiderent, Caesari atque Pontifici statim esse reddituros, adiuturosque pecunia Caesarem, si ille erga Franciscum Sfortiam clementia & lenitate liberaliter uteretur. Caesarem etiam ipse Pontifex ab initio belli fuerat obtestatus, ut Sfortiam deprecantis Italiae praecibus condonaret, vel humani iuris aequitate, si ei falso perfidiae contumelia fuisset imposita, vel illa praecleara clementiae virtute, qua reges Dei immortalibus aequantur, si in maiestatem aliquid ingrato infidelique animo lapsus admisisset. Ad quam quidem rem singulare Pontificis studium, ac insignis authoritas momenti plurimum afferebat ijs consilijs approbandis, quae honesta, tuta, decora, atque usu omnibus commoda censerentur. Nemo enim eo gravius atque prudentius de magnis rebus disputare, & diversas sententiarum opiniones acutius ponderare, confutataeque didicerat. Addebant dictis fidem utriusque Fortunae facta pericula, & quae Christianos animos facile perstringit, illa inveterata religionis opinio: & ea quoque erat promissae barbae intempestiva & veneranda canities, ut apud Caesarem cuncta pie & graviter aestimantem, & carceris & tot cladum memoriam facile renovaret. Sed tanta erat altitudo iudicij Caesaris, tanta moderatissimi eius animi religio, & tantum denique pacis & concordiae studium, ut nihil regali fastigio dignius atque praestantius existimaret, quam omnia consilia ad verum decus, ad solidam pietatem & ad animi magnitudinem revocare, ut arma in Turcas, adeo inter nos impie foedeque tractata, verterentur. Quippe qui non adumbratam, sed veram & vividam, non Fortunae adminiculis quaesitam, sed a fonte ipso propriae virtutis profluentem gloriam sectaretur. Itaque Solymano Turcarum imperatore iam a Viennae Noricae moenibus cum strage ignominiaeque depulso, atque eo Byzantium praecipiti fuga properante, quum nihil iam hostile inde amplius esset timendum, pacare cuncta constituit. Evocatur ex templo Bononiam Franciscus Sfortia: procumbit ad eius pedes, redditoque diplomate, quo illum data fide ubique terrarum Caesar saluum & tutum esse iubebat, salutem, imperium, & spes denique omnes uni Caesaris probitati, fideique committit. Quoniam innocentia fretus, omnia se ex illius equitate humanitateque sperare praedicabat. Tum vero stupentibus cunctis, viderelicuit quanto Caesar esset omni sua fortuna maior & excelsior. Certarat pro imperio Madiolanensi, desertus a socijs, ab omnibus oppugnatus, in qua contentione omnes omnium vires ingentibus partis victoribus praecclare contuderat, & quum aliquando nutante partium Fortuna, in dubia spe victoriae versaretur, honestas pacis conditiones semper elato constantique iudicio repudiarat, ne quod virtute atque una animi magnitudine erat factururus, veluti ignobili metu subactus, & praesenti impulsus necessitate fecisse videretur. Habet enim hoc in se regius eius animus, veluti excellenti & perfecta virtute praeditus, ut nunquam vel acriter urgente Fortuna, abiecte se demittat, vel ea penitus arridente intemperanter extollat. Ergo ubique victor & triumphator, supplicem in gratiam recipit, Mediolanensium ducem appellat, & tabulis Augustialibus rite confectis, totum ei paternum regnum adiudicat, neque amplioris pecuniae tributum imponit, quam ab initio & ante dissensionem imponendum esse censuisset. Nec multo post Calend. Ianuarijs solenni adiecta precatione sacra peraguntur,

ab incredibile hominum frequentia, exoptatum afflictis Italiae populis, insperatae pacis nomen excipitur. Praesentes Clemens Pontifex & Carolus Caesar, orantis Romuli Amasæi viri eloquentissimi voce Christiani nominis conservatores, ac optimi maximi Italiae parentes appellantur. Obortas præ gaudio lachrymas vix continent viri togati, optimi cives, sanctissimi sacerdotes, legati regum omnium, Gallie scilicet, Britanniae, Lusitaniae, Scotiae, Pannoniae, Sarmatiae, Daciae, Veneti Senatus, ac item Allobrogis, Ferrariensis, Mantuani, Vrbinatisq; regulorum, ac liberarum etiam civitatum, Genuensium, Senesium & Lucensium, cunctiq; demum proceres & principes, ipseq; ante alios Franciscus Sfortia honoris causa sessum inter postremos Cardinales receptus. Eodem dies tranquillitati initium, & ærumnis finem allatura videbatur. Itæ fama per urbes Italiae, externasq; provincias omnes Veneti senatus æquitatem, abstinentiam, in appetenda pace studium, in gerendo bello constantiam admirantur. Clementis verò quod desperatae pacis conficiendae implicatum turbidum quæ negotium generose divineq; suscepit graviter appositæq; tractari, prosperè & salutariter confecerit, iudicium subtile, industriam vehementem: inusitatam verò felicitatem, in cælum eximij laudibus ferunt. Cæsarem uti verè imperatorem quod omnibus proferendi imperij cupiditatibus imperaret, uti verè victorem, quod seipsum alijs parcendo præclarè devinceret: uti verè liberalem, munificum, largitorem, quod regnum dare quàm accipere maius & pulchrius existimaret, admirabili quodam genere gratulationis et laudis prosequuntur. Soli mortalium veterani, quibus natura odiosum pacis nomen esse consuevit, molestè & insolenter ferre id inexpectatum, & propterea clarissimum Cæsaris factum vehementer dolere, ac invidia commoveri, quod perpetua belli commoda, & victoriarum præmia, eo importuno pacis nomine perderentur. Summa tamen Cæsaris æquitate & liberalitate ex agro Insubrum assentiente Sfortia, præmia sunt decreta Antonio Lege, ac Alfonso Davala Vastio, minoribusq; ducibus, qui eo bello fortissimam operam navassent. Interea Cæsaris uxor Isabella puerum peperit: cui propter avi materni memoriam Ferdinandi nomen impositum. Eius nuncij lætitiæ celebrare insignes Hispaniae reguli, magnificentissimo apparatu, arteq; mirabili, ad equestris pugnae simulacrum Maurorum iaculatorum cultu, in scuta passim coniectis arundinibus decurrētes. Quum hinc Osorius Astorgius, illinc Pacecus Astalonius, ornatissimi duces singulas turmas spectante Cæsare in forum pugnaturas induxissent. Concurrere etiam quadriduo Itali, Belgæ, Hispaniq; equites cataphracti insignibus amatorijs & militaribus ornamenti valde cōspicui, panno aureo ac altero item purpureo, à senatu Bononiensi ad virtutis præmium, et in honorem Cæsaris hylari benignitate proposito, tulitq; præmium Altamirus ex ulteriore Hispania regulus, quod plures quàm quisquam alius hastas in adversis concurrentium pectoribus infregisset. Per eos dies Hispanorum & Germanorum copiae ex agro Mediolanensi, Brixianoq; iussu Cæsaris, hortatuq; Pontificis ductæ, diversis Apennini iugis in Etruriā descenderunt, hæsere tamen in nivosis saltibus gneæ tormenta, quum vapore Solis resoluta, & curruum pondere fracta glacies, cœnosæq; nives, rotas ad axes usq; devorassent. Eas copias in unum coactas, Vastius à citeriore Arni fluminis parte in suburbana ad conspectum Florentiae urbis perduxit, ut Florentini duobus exercitibus, hinc ab ipso Vastio, & illinc e veteribus castris trans Arnum ab Aurantio, obsidione & minutis

lentæ

lentæ oppugnationis prælijs præmerentur, omnisque pabulatum & lignatum
exeundi facultas, præcis egressibus concluso hosti, & nisi per summa pericula
erumpenti, penitus adimeretur: Postquam eos qui rempublicam gubernarēt,
obscuros novosque homines ad privata potius commoda, quàm ad urbis ac im-
perij, & publicam denique totius populi salutem respectantes, nihil pro sanis
facturos apparebat: Quoniam legatos cum mandatis inanibus & parum expe-
ditis de pace postulatis ad Cæsarem Pontificemque misissent, & tunc maximè
electis optimatibus libertatem illam non modo lenissimo Mediceorum do-
minatu, sed quavis acerba tyrannide sæviorem, obstinatis insanisque animis tue-
ri usque ad interitum patriæ statuissent. Interea Cæsar propter pituitæ redun-
dantiam, quam grave per hyemem cælum invexerat, periculoso anginæ mor-
bo laboravit, sollicitis de eius salute omnium animis: quoniam Philippum pa-
trem, & Maximilianum avum, ea sæpius tentatos fuisse meminerant. Sed Nar-
cissi Neapolitani medici valde fortunati peritia, qui ei ab adolescentia semper
astiterat, celerrimè convaluit. Per eos dies senatus Venetus longè omnium quas
unquam emisisset, ornatissimam legationem ad Pontificem Cæsaremque trans-
mittit. In ea fuere Marcus Dandalus ætatis honore, & optimorum studiorum
gloria facilè princeps, itemque Aloysius Mocenicus summæ gravitatis patri-
tius, & Memphitica ad Selymum legatione clarissimus, et Hieronymus Gra-
denicus vetus senator qui Romæ apud Hadrianum legatus fuerat. Porro Lau-
rentius Bracadenus florentis eloquentiæ philosophus, & Nicolaus Teupulus
gravissimarum artium, & Etruscorum carminum laude celebratus, & Anto-
nius Surianus vir eximio rerum usu & doctrina præditus singulari, & Ga-
briel Venerius vir prudens, efficax, assiduus, constans, qui Sfortiæ difficilli-
mis temporibus semper affuisset: postremo Gaspar ipse Contarenus Veneto-
rum ab excellenti virtute lectissimus. Erant in lato clavo vel aureo vel purpu-
reo ad humeros fibulato, torquati fermè omnes, & à quodam augustæ gravi-
tatis habitu venerabiles. Pontifex eis senatum dedit, advocatis etiam minori-
bus aulæ sacerdotibus, & triduo post Cæsar in peramplo conclavi constituta
se sede, proceribus circumseptus eos suscepit. Bracadenus utroque in loco oratio-
nem habuit splendidam, gravem, luculentam, exquisito laudum genere plenif-
simam, qua gratias nomine senatus agebat, quod optatissimam pacem turbu-
lentissimo tempore Christianis ferè omnibus peperisset, offerebatque Venetas
opes, si quid egregium, & summis Christiani nominis principibus dignū, con-
cordibus animis agitent. Latine oranti continuo per utriusque principis epi-
stolarum magistros, qui erant à Pontifice Evangelista Tarasconus, & à Cæsa-
re Mercurinus Cardinalis, brevi latina oratione fuit responsum. Donavit de-
num singulos legatos Cæsar quingentis aureis, & quanquam dimissi essent, a-
liquandiu tñ Bononiæ substitere, ut eum diem quo Cæsar Romani imperij co-
ronam esset accepturus, ad declarandū senatus studiū honestarent. Cæsar enim
multis de causis Bononiæ coronari statuerat, quāquam id antea Romæ faciun-
dum esse decrevisset, ubi superiores Cæsares tanquam in sanctissima sacrorum
se sede, et felici nationū omnium domicilio, Urbeque ipsa veteris imperij honore an-
tiquorum triumphis, & stupendis supremæ fortunæ monumentis longè clarissi-
ma, coronas legitimo iure suscepissent. Sed evastatæ urbis & nondū novis com-
modis sublevatæ calamitosa tenuitas, & opulentæ supellectilis ornamentorum-
que penuria Cæsarem avertabant, quamvis Romani eius spe advētus ab omni

tristitia & sordibus ad lætitiā veteremque splendorem revocati viderentur. Erant præterea Cæsari multa opportuno statutoque tempore in Germania perficienda. Nonnulli scilicet pacandī reguli, qui ad arma consternati bellum quā pacem malle videbantur: aliquæ liberæ civitates confirmandæ, quæ se ad Helvetios certo percusso fœdere contulissent: Appellandus item novus Cæsar procerum suffragiis, & deniq; Pannonicis rebus occurrendum: quoniam Ioannes Vayvoda, quem regem Solymanus Budæ statuerat, magnā regni partem obtineret, fretusq; ingentibus Turcarum præsidij, ad prima veris signa in Noricum irrupturus esse crederetur. Itaque evocatis omnibus regulis deligitur Iovis dies sexto Calend. Martias, Matthiæ Apostolo dicatus, qui erat natalis Cæsaris, semper ei faustus, & Ticinensi etiam victoriā lætissimus. Amedij prætoris fenestris patefacto aditu pons ligneus, pensilis, sublicis impositus incurvo tractu per forum & Petronianū templum ad aram usq; maximam protrahitur, & festa fronde, pictisq; tapetib. exornatur, ut sine tumultu confuidentis & prementis turbæ Pontifex & Cæsar in pompa prætervecti spectarentur. Erat de more veterum Cæsarum ut Modoetiæ propè Mediolanum coronam ferream susciperent, quæ indicaret Romano imperio firmitatem ferro & militaribus copiis comparari. Tres enim coronæ Cæsaribus debentur. Prima est argentea Germanici scilicet regni, quam suffragio procerū Aquisgrani decennio ante susceperat. Secunda ferrea regni Longobardici: Tertia verò aurea Romani imperij. Præstò igitur affuere Modoetiensium legati, cuius erant principes Polydorus Vectius, & Paulus Velanius, qui ad retinendam veteris prærogativæ dignitatem vetustissimi operis coronam, & annalium codices antiquitate pernobiles detulere. Ea erat sine florentibus pinnis, in simplicem & latum orbem circumducta, ferro introrsus tempora præcingente, sed exterius auro & gemmis exornata. Biduo itaque antequam tertiam coronam acciperet, in sacello domestico astante Pontifice sacris peractis Cæsar ungitur, ferreaque corona & cæteris regis insignibus decoratur, iisdem ferè ceremoniis quas paulo infra memorabimus. Prætulere ante Cæsarem summi honoris causa Alvarus Oforius Marchio Astoricensis aureum sceptrum. Didacus Paceus dux Ascalonius ensē gemmata vagina conditum. Alexander Medices dux Pinnensis Cæsaris gener, orbem aureum cum præfixa cruce gemmis distinctum. Bonifacius autem Marchio Montisferrati, Modoetiensium coronam. His rebus ritè confectis advenit demum dies maioris aureæ coronæ pompæ destinatus: & is quidem, quum noctu pluvisset, superis mirè faventibus, incredibili serenitate perspicuus. Ante alia Pontifex universo Cardinalium, & episcoporum ordine in mitris, & pluvialibus sacris pallijs, cæteris verò sacerdotibus in coccinea veste per pontem solenni pompa traductis in præalta sede gestatur, & comitantibus prætorianis sub umbella templum ingreditur. Iam in forum Antonius Leva pedestres copias adduxerat, & obversis in omnes aditus maioribus tormentis & signis in medio constitutis, cuncta loco perpetua militum statione firmaverat. Interim è lacubus qui in summo prætorianæ porticus fornice fuerant fabrefacti, per syphones rubra & alba vina fundebantur, panes ab alto in subiectos milites spargebantur, torrebaturque in machina vetustissimi, ut in tāta festa hilaritate milites sub armis in acie stantes, ad manum paratis obsonijs cum iocunditate vescerentur. Nunquam ab ulla memoria,

vel ad celeberrimi triumphi, vel ad inauditi spectaculi famam, maior atq; nobilior mortalium insignium numerus in vnam urbem confluxit. Erant adeo plena loca omnia quæ foro imminabant, ut multi in alto suspensis & pendens speculis, alij in ædium proiecituris & periculosis locis cum aliorum admiratione prospicerent. Ipsa porro domorum tecta pueris & fœminis in eamira cupiditate scandentibus, tantæ multitudinis pondere fatiscebant. Fuit etiam erecta inter Columnas templi ad theatrorum imaginem, podia gradibus excelsa superædificatis quoque suggestibus, unde illustres matronæ suspicerentur, & cuncta ipsæ pariter iocundissimè despectarent. Iam Pontifex sacras tunicas & chlamydes induerat, & sacra solennia ex cultis altaribus parabantur, quum Cæsar sub umbella cum ornatissimo procerū comitatu ad templi vestibulū pervenit, ita ut vix eo paucis passibus prætervecto, tabulata pontis, prægravante prætorianorum turba frangerentur. Ibi pleriq; militibus immixti fœdo casu procidentes sese pilis atq; securibus induerunt, inter quos fuit Albertus Pighius Belga theologus Lutheromastix, minima tamē pro tumultu clades incidit. Sed facile fuit æstimare ex atrocitate periculi quis in Germano milite supra ferociam militarem natura implacabili animorum habitus esset futurus, si ad certam omnium perniciem Cæsar ipse se paululū vertente Fortuna cecidisset. Sed intrepidè respectans Cæsar leniter arrisit, ita ut fortunam suam certius agnoscere videretur, quæ cœptis & votis omnibus benignissimè semper aspirasset. Erant omnia ad imaginem Vaticani templi constituta, & novæ sacellis appellationes impositæ, ut ea sigillatim ad veterem consuetudinem ex Pontificijs libris responderent. Affuere igitur Romani sacerdotes quibus sacra Vaticani templi sunt commendata. Ii ad aram Cæsarem susceperunt, lintheaq; sacerdotali tunica superiniecta in collegium eius sacerdotij cooptarūt. Eum Salviatus Cardinalis in verba ex libris Pontificijs concepta, sacramento adiecit, ita ut in summa libens iuraret, se Pontificiæ dignitatis perpetuò futurum esse defensorem. Ab hac ara duarum turrium nuncupata duo Diaconi Cardinales, Salviatus scilicet ipse, & Ridolphus, ambo ex patruelibus Pontificis nepotes ad templi limen deducunt. Flexo genu supplicentem Picolomineus presbyter Cardinalis certis precationibus expiatum in sacellum sancti Gregorij perducit. Ibi linthea tunica deponitur, sandalia margaritis & gemmis picta statim induuntur, & Dalmatica veste in morem Diaconi prius assumpta, paludamento demum convestitur. In eo habitu præcedenti Puccius Cardinalis ad Porphireticam rotam, quæ est ad Vaticani templi medium mitratu occurrit. Ingeniculatus Cæsar ad aram maximam obvertitur, solenni q; altera precatione, ut eius imperiū stabile, perpetuum, victoriarū, pietatis & laudis plenum faxit, Deo maximo, in cuius manu sunt regna, commēdatur. Sunt enim multa antiquitus à pijs præstātibusq; ingenijs cum summa verborū elegantia, & Christiana gravitate composita, quæ ex sacro libro ad status rerum & locorum ceremonias, ab alijs atq; alijs sacerdotibus in frontem Cæsaris perleguntur. Quæ omnia in illis Pontificum iam editis libris, quisque curiosus facile poterit invenire. Ascenditur demum versus aram maximam ubi Innocentio Cibo Cardinale letanias præeunte, alternis precibus piè pronunciatis, Divi divæq; omnes propitiantur. In lectisternio supplicanti Cæsari Camporius Cardinalis astitit, & de scripto oratiunculā, ut auspiciatō coronaretur, religiosè recitavit. Inde mox Cæsar à Farnesio, quoniā is erat senatus princeps &

Cardinalium vetustissimus; intra sancti Mauriti j facellum est deductus, ubi diffibulata Dalmatica, humeros & brachium dextrum sacro oleo adiectis puris, & pijs orationibus inungitur. His rebus ritè confectis solennia sacra eruditio phonaſcorum concentu, alternantibus choris, operante Pontifice, ipſo Cæſare in ſacra veſte miniſtrante protinus inchoantur, quæ miro ordine ceremoniarum, ſumma gravitate ſacerdotum, inſigni omnium religione adeo in ſerum diei ſunt protracta, ut vel piè curiosos fatigare potuerint, ſi is longè omnium clariſſimorum principum admirabilis conſeſſus ſpectantium oculos ſola in parte ſatiare potuiſſet. Neq; hîc eſt necesse, ut cuncta ſicuti ſigillatim fuere celebrata, à nobis minutiffimè referantur, quando ea in libris Pontificum beneficium publicatis ad amuſſim deſcripta videamus. Legati interim Genuenſes & Senenſes quum de loci dignitate inter ſe contumelijs pugniſq; contenderent, templo iuſſu Cæſaris exacti ſunt. Cæterū ſumma ſacrorum fuit, ut Cæſari de manu Pontificis Romani imperij inſignia traderentur. Itaq; ſolenni precatione ſemper adhibita Pontifex ei ſupplici ſceptrum aureum dedit, florenti acumine cōſpicuum, quo piè gentibus imperaret: itēq; nudatum enſem, quo Chriſtiani nominis hoſtes perſequeretur, ac pomum aureum, quem uti terrarum orbem inſigni pietate, conſtantia, virtuteq; regeret, & poſtremo thiarā illam potius quam coronam bicipiti faſtigio, multisq; adamantibus inſignem capiti impoſuit. ille piè inflexo genu, pronus exoſculato pede Pontificem adoravit. Tum demum Cæſar in illa tot gemmis ac unionibus exornata triumphali trabea ad lævam non procul à Pontifice in ſede auro protecta, ſed paulo humiliore, ſeſſum eſt perductus, & Romanus imperator appellatus. Quod ubi in foro militibus eſt renunciatum, Antonius Leva ad declarandam lætitiā, maiora minoraque tormenta diſplodi iuſſit, ita ut terribili ſonitu cælum crepitare, terra quati, & tecta nutare viderentur. Nec multo poſt Pontifex ſacraſſimæ Euchariſtiæ hoſtiam humillimo quodam oris geſtu, puriſſimæque animi habitu deſumpſit, atque eam obiter Cæſari omni labe criminum expiato religioſè communicavit. Peractis ſacris templo exceſſum, ad præparatos equos ſacerdotes, legati, proceres diſcurrunt, omnis repente multitudo in equis conſpicitur, acclamationes, tubarum cantus, tympanorum ſtrepitus audiuntur. Conſcendenti equum Pontifici Cæſar ad lævam pedes aſtitit, uti benignè auratam ſtaffam ſacrato pedi protinus inducturus. Sed pium Cæſaris obſequium Pontificis humanitas, religioſæque modeſtia ſuperavit. Ergo iunctim equo uterque albo, ſed Pontifex Thracio, Cæſar Hispanico confidentes umbellam ſubeunt, ſummę dignitatis hominibus ad eam geſtandam honoris ſimul & labori ſuccedentibus. Præcedebat miro pompæ ordine tum Cardinalium tum procerum utriuſque aulæ familia, in tergo ſigna erant viatorum, qui curſores appellantur. Ad hæc ſubſecuti ſunt ſeptem viri inſignes armis, trabeis, militaribus equis, & pedestri comitatu valde conſpicii, qui totidem ingentia vexilla deferabant. Angelus Ranucius Bononiienſium vexillifer, qui eſt ſummus apud eos magiſtratus, primum detulit cum titulo libertatis, ſecundum erat ſenatus populique Romani Iuliano Cæſarino Romani ſanguinis aſcendentis ab ipſa familiæ prærogativa demandatum. Ad hos ſecuti ſunt Ioannes Menricus, & Hotrechius Belga, hic Cæſaris aquilam, ille candidum vexillum cruce purpurea diſtinctum geſtabant. Tum demum tria ſunt prælata Clementis ſcilicet Pontificis cum Mediceis inſignibus unum, alterum ſanctæ Ro-

Romanæ ecclesiæ: tertium verò illud Christianæ crucis adversus Turcas aliquando deferendum. Signiferi fuere Leonettus Sidicinus, Ludovicus Ran-
gonus, & Laurentius Cibo prætorij præfectus. Traducti præterea aliquot
albi asturcones sine fessoribus auratis ephippijs instrati. Prætulere etiam ado-
lescētes eximie nobilitatis in scipionibus præfixos galeros Pontificis purpu-
reos quatuor. Nec multū inde succedebat Eucharistia sub aurea umbella locu-
lo cristallino inclusa, & selle generosi & tamen pacati equi superimposita. La-
terna ingens ante & circum dena funalia ferebantur. Tum demum promiscue
gentium omnium honestissimi quique succedere, ut decuit in tanta hylari-
tate regio sumptu supra quā credibile videatur exornati. Nemo enim ex to-
tal Italia paulo vir illustris non venerat, nisi vehemēti valetudine præpeditus.
Hispani, Itali, Belgæ, prout libido genijq; tulerunt, auro textile & serico om-
nis coloris eleganter variegato, itemq; Phrygijs operibus, & acupictis sagulis
spectantium oculos præstringebant. Germani in veste obscuriore, sumptuos-
sa tamen torquibus aureis relucebant. Visebantur passim equi ex omni regio-
num sobole maximè generosi, & infano sumptu toto terrarum orbe conqui-
siti. Notiores Hispanie reguli fuere Alvarus Osorius Astorgiæ marchio, Di-
dacus Paceus Ascaloniæ dux, Indicus Mendocius Saldaniæ comes, Infanta-
storum ducis filius, qui Franciscum Gallorū regem in Carpentanis regali ho-
spitio susceptum, admirandis muneribus exornavit, & Petrus Toletanus Mar-
chio Villafranchæ, Albano duce genitus, qui filiorum & nepotum sobole fe-
lix, & fide virtuteq; præditus ad regni tutelam in Hispania conquiescit. Præ-
terea paulo minores comites Agillarius Fonteius, Cosantanius Altamirus, &
supra hos, quem ingenio fideq; spectatum Fortuna extulit, Franciscus Covus
consiliorum omnium particeps, & in regno legionis sacratorum equitū ma-
gister. Sed quis reliquos nobiles, opulentos, clarorum principum progenie e-
ditos suo ordine numerarit? Neq; Italos alacritate & sumptibus inter se certan-
tes sua serie arbitror recensendos, ne si in tanta vel Fortuna vel claritate propè
æqualium equitum turba aliquos nominemus, cæteri se indignè vel iniquè
prætermittos conquerantur. Fuere tamen inter tot regulos maximè conspicui
Alexander Medices, & Ioannes Aloysius Caraffa Statilianus princeps. Bel-
garum autem longè dignissimi succedere Henricus Nansous comes cubiculo
præpositus, cuius est summus dignitatis & gratiæ locus apud Cæsarem, Phi-
lippus inde Croius marchio Arescotæ, præfectusq; equitum, & Cæsari san-
guine coniunctus, itemq; Hadrianus Roseus Cæsarianæ familiæ magister. Ve-
nerat etiam ipse Andreas Auria, cui Cæsar maris imperium detulerat, non à
cultu corporis, amictusq; luxuria, verum ab aspectu gravi & militari, ipsaque
prolixæ barbe spectanda canitie, & rerum gestarum fama conspicuus. Subtra-
xit pompæ Franciscum Sfortiam non importunus modo, sed gravis etiam
morbus. Ferdinandus etiam Sanseverinus Salernitanus princeps, ne primum
locum Ascalonio concedere videretur, intra limem domi se continuit. Fede-
ricus verò Gonzaga Mantuanus, ad exornandam urbem, ut summo cum ho-
nore Cæsar exciperetur, domi remanserat, & ob id etiam ne cum Bonifacio
Montisferrati regulo, de loco & dignitate disceptaret. Alfonsus Atestinus Fer-
rariæ dux ideo non venerat, quod Cæsar pacificator, uti postea fecit, nondum
ei diem quo pro cōcordia ad Pontificem veniret, omnino statuisset. Nec Pyr-
rhus Antonius Sanseverinus Beslennianus princeps, quamvis properaret, in

tempore supervenit. Erat cum ijs, quos diximus, minorum regulorum atq; honestissimorum equitum numerus, vestibus & equorum ornamentis magnis regibus exæquandus. Sed unus omnes omnium nationum Astorgius cruditis sumptibus superavit. Erat enim eius prætexta verè triumphalis margaritis & gemmis ad delphinorum imagines opulentissimè depicta. Ad hos sequuntur variae legationes, & mox ipsi purpurati Cardinales. Inde non procul successit umbella, sub qua duo longè augustissimi terrarum domini in mitris illis stupenda & inæstimabili gemmarum & unionum varietate pretiosis, ita collucum & temperato passu incedentibus equis, ut non certa ingenij gravitate, quales scilicet res veherent, sentire viderentur. Antecedebant umbellam ipse Montisferrati marchio solenni in chlamyde, & corona gemmis ornata, qui Cæsaris sceptrum deferbat. Franciscus inde Maria Feltrius dux Urbini, Venetorum imperator, & quoniam erat præfectus Urbis in veste purpurea Dalmatica cum inusitato in metæ formâ capitis tegumento, aurea cruce distincto, & cænijs utrinque pendentibus, nudatum ensẽ prætendebat. Philippus verò Palatinus, quem decora proceritas & obsidio Viennæ adversus Turcas fortissimè tolerata clarissimum reddebant, aureum orbem detulit in talari toga purpurea, astrictis manicis & plano pileo candidis pellibus redimito. Postremus erat Carolus Babaudius Allobrogum dux, pileolum ferens unionibus, smaragdis & carbunculis colludentem, qui quum oporteret, nobilioris officij causa, ademptam capiti Cæsaris coronam prætentis manibus deferret. Inter hos summi ordinis principes, & umbellam ipsam Cæsaris quæstor obequitabat, qui per singulas regiones certis passuum intervallis ad dimovendâ turbam, excitandamq; letitiam effusè in populum argenteam atq; auream stipem signatam imagine coronati Cæsaris dispergebat. Secundum umbellam binis cubicularijs & medicis locus fuit. Tum verò antistites opibus & authoritate præstantes, qui vel legati regum erant, ut Gabriel Agramontius Tarbensis Gallus, & Bernardus Tridentinus Germanus, vel Cæsaris consiliarij, in quibus fuit Gabriel Barenzia pace & bello rerum maximarum administrator, vel non quos ab insigni gratia Pontificis assistentes vocât, ut Hieronymus Vasionensis, qui Cæsarem in Italiam adduxerat, & cæteri demum episcopi in violaceis pallijs, & post hos minores sacri viri successerunt. Novissimum agmen clausere cataphracti equites Belgæ per alas turmasq; distincti, eo ordine indutis galeis & prætentis hastis subsequentes, ut non modò tantæ pompæ præsidio, sed ornamento esse viderentur. A templo, ut diximus, profecti, modico ad lævam flexu ad urbis umbilicum ubi est turris Asinellorum altitudine Italicarum nulli secunda. Inde per regionem albis & cyaneis pannis coopertam, quæ ad Flaminiam viam portam perducit, inter acclamationes longo tractu processum est: porticibus hinc & inde spectantium foeminarum multitudine refertis, sicut pompa omnis sine tumultu omnium oculis ad incredibilem voluptatem ostentata quietissimè spectaretur. Tum demum ad regionis bivium, quod dicitur ad Clavaturas, Cæsar à Pontifice digressus ad divi Dominici templum contendit. Ibi venientem Romani Lateranensis templi sacerdotes cum summa veneratione susceperunt, & uti Vaticani dudum fecerant, in collegium cooptarunt. Inde Cæsar ad aram divi Ioannis supplicavit, & multos omnis generis oblatos nobiles eques tri dignitate, gladio leviter percussis humeris ornavit. Nec multo post alio itinere quam ille Pontifex, ad prætorium est reversus. Erat maximo triclinio ad epulum

epulum præbendum aulæis undique strato coniunctum cubiculum Hippolyti Medices Cardinalis, in id familiariter Cæsar coronatus excluso ferme omnifamulatu se recepit, trabeam deposuit, exuit sandalia, & auream talarum togam sumpsit, atque hylaris aliquandiu ab illo tanto prætextæ chlamydis, & prægravis thiaræ pondere conquievit. Interea præcinentibus tibijs & tubis epulæ miro ordine ministrorumque silentio introferri sunt cœptæ. Itaque affuere Cæsari præsto quatuor illi principes in sua quisque solenni chlamyde, ut insignia præferrent, atque item alij illustres reguli, ut eum ad mensam deducerent. Cæterum priusquam exiret, ex eorum numero septem equestri ordini adscripsit, & ante alios ipsum Astorgium qui longè omnium in pompa cultissimus extitisset, & Philippum Palatinum, qui Viennæ divina virtute propugnando, non modo Germanos, sed Christianos omnes summo metu & incredibili periculo liberasset. Cœnavit solus Cæsar singulis imperij insignibus in mensa collocatis, quæ erat aliquot gradibus excelsa: at in alia infra gradus in conspectu tamen Cæsaris discubere, Sabaudius, Palatinus, Urbinas, & Montisferrati reguli. In exteriori verò triclinio epulum cæteris proceribus præbitum. Remotis mensis iterum Cæsar gladium cœpit, & plerosque nobiles equestri dignitate decoravit. Accidit verò dum nudatum ensẽ Urbinas porrigere vellet, ut pomum manubrio insertum excuteretur, atque eo cadente in pavementum inclusæ gemmæ ad circumstantium pedes prosilirent. Fuere qui id prodigij loco accipere viderentur, quasi futurum esset, ut Cæsar absens aliquando exercitum bene regere nequiret, capite scilicet eximie gravitatis indigentem. Alij autem felicius interpretabantur, Cæsarem ad Orientis regna unde gemmæ provenirent gladium esse vibraturum, simulque futurum, ut duces & milites ab ipsa victoria quæ gladio pararetur, ingentibus illis Turcarum opibus potirentur. Hisdem diebus quibus Cæsar Genua discedens Placentiæ subsedit, & Solymanus castra posuit ad Viennam, Aurantius ab urbe Aquila promotis copijs in Umbriam est profectus, eo consilio, ut Malatesta Baleonus, quem Florentini ex autoritate Galliæ regis sibi ducem designarant, urbe Perusi apelleretur. Reiecerat hic satis equas condiciones à Clemente propositas, quod nequaquam, ut supra diximus, eius fidei magnoperè consideret, arbitrareturque ignobili & dubia pace bellicum decus esse præferendum, unde clarescere, opibus augeri, atque omnino ut vir maximè bellicosus proferre potentie nomen posset. Suadebat Florentinis ut ad tuendam civitatis libertatem, bellum quod immineret, quantum fieri posset longius ab urbe Florentia alendum sustinendumque censerent, ne suburbanus summæ fertilitatis ager pendente præsertim vindemia, nec planè reconditis colonorum frugibus & reliquis copijs, expositoque passim ad prædam maiorem minoremque pecore ad primas hostis incursiones vastaretur, & demum populus bellicæ insolens cladis amœnissimarum villarum, uti necesse foret accidere, è mœnibus incendia prospectaret, quibus barbari insita animo eorum agresti ferocia minimè parsuri viderentur. Itaque sibi videri maximè tutum, & quod ad existimationem civitatis confirmandam plurimum pertineret, ut sibi eas quas haberent circa Cortonam & Arætium copias, pecuniamque item in stipendia submitterent: se namque sperare ut Aurantius aliquandiu expugnandis oppidorum præsidijs distineretur. Neque enim eum tanti animi, aut tantarum virium fore, ut Perusiam ex propinquo oppugnandam susciperet, quam ipse inexpugnabili situ permunitam fretusque ob-

strictorum sibi civium studio, & quo polleret fortium atq; fidelium veterum militum numero esset sine ullo periculo defensurus. Quod si Nigrarum cohortium nova præsidia submitterentur, & hostes desperata expugnatione Persuasiæ, in Etruriam penetrare, Florentiamq; contendere velint, ipsum non esse prætermittendum, quin deductis ex omnibus Umbriæ oppidis certis præsidis, iusto cum exercitu, eoque tormentis maioribus egregiè confirmato, abeuntes hisdem vestigijs insequeretur, & aliquam rei bene gerendæ occasionem pararet, circa transitum paludis, quam Glanis amnis efficit, nec aliter ea quam duobus aut tribus ligneis pontibus posset pertransiri. Id Malatestæ consilium tanquam salubre quanquam magnopere placeret Zanobio Bartholino, qui in procuratione negotij bellici Florentinorum finibus cum autoritate erat prepositus: nulla tamen ratione, vel Carduccio, vel Decemviris probari potuit, quum ille diceret, bono medico conservandi cordis, in quo vita consisteret, peculiarem curam esse reponendam, neglectis quæ ferè nihil ad salutem pertinerent, exterioribus membris: & in eandem sententiam cum Decemviri, tum decuriones faciliè adducerentur. Id quoque consilium Francisco Ferruccio probabatur, qui assuetus Nigris cohortibus stipendio militi numerando apud Soderinum solers minister prope Averfam captus fuerat, atque inde pecunia redemptus, utilem Reipub. operam præstiterat, colligendis scilicet undique veteranis, sic ut eo bello legationis militaris honorem consequutus, diu æque fortis & acer dux secundissimo studio civium uteretur, quod ex humili loco inter cives multo ausu perpetuoq; labore clarum militiæ locum sibi quæsiisset. Cæterum hæc sana consilia fatalis insita Carducci animo rabies, & inusitata expers querationis confidentia, & supra id pervicax popularium consensus, irritum faciliè rapiebant. Timebat namq; Carduccius non obscure, ne populus tot conspectis urgentis belli detrimentis perculsus, sicuti pleriq; optimatum suadebant, ad petendam pacem verteretur. In ea siquidem persuadenda Clemens multis de causis vehementissimè laborabat, ut qui parcendum patriæ, avertendaque belli incommoda putaret, ne pro paucis malis civibus, universa civitas, sævo atque irrevocabili periculo implicaretur. Interim Auranus frustra pertentato Malatestæ animo, in Fulginatam agrum progressus, vi admotam & deiectis Menavia, Montefalco, Assisioque Malatestæ præsidis, ad oppidum Hispellum, quod erat peculiare Baleonæ ditionis, castra admovebat. Defendebatur oppidum acerrimè ab his cohortibus, quibus præerant Baptista Borghesius Senensis patritius, & Leo Baleonus. Hi Hispanos post editam tormentis superioris coronæ ruinam, scalas apponere atque subire ausos, tanta vi omni telorum genere, trabibusque deiectis obruerunt, ut multi interirent alij vehementer sauciati oppugnationem relinquere cogerentur. Eo die Ioannes Dorbinus apud Hispanos primum existimationis post Vastium qui aderat locum, non claritate quidē natalium, sed fortibus factis fama latè parata promeritus, crassioris sclopetti glauco supra genu vulneratus est, lethifero quidem vulnere: nam paucos post dies Fulginium delatus interiit, quo nemo consilio manuque melior apud pedestres Hispanorum copias putabatur, Cesare faciliè eum nobilioribus gentis præferente, quod præclaram virtutem omni nobilitate digniorem, utilioremq; sibi fuisse iudicaret. Eius morte Romanos lætatos ferunt, quod is, quæ in occupanda urbe crudelissimè cædibus gratum norant, superis id scelus non sero vindicantibus, Borbonio, Vgonique Mon-

Moncatæ tertius dux Vrbi funestus, comes ire maturasset. Nec multo post Hispani duces, honestas conditiones offerente Aurantio si oppidum dederet, cum eo pepigerunt, ut salvis rebus oppidum traderent. Sed Hispani ita exuerunt armis singulos milites, atque vniversas domos diripuerunt, ut fidem ab Aurantio datam fefellisse dicerentur. Hispello & cohortibus amissis, reliquisque omnibus exutus oppidis Malatesta, quanta poterat simulatione atticipitis periculi sui consilia tegere contendebat, ob id magnopere perplexus, quod sine Florentinorum auxilijs, neque urbem tueri posset, civibus præsertim satis importune bellum detestantibus, & iam planè animis in Pontificem proclina-
10 tis, neque se inde sine gravi pugne periculo, si erumpendum & Florentiam quod vocabatur, contendendum foret, tot circumiectis hostibus certas utrinque difficultates evasurum prospiceret. Itaque ægro, sed maxime constanti animo ad necessaria deditionis consilia ea ratione descendebat, ut extra omnem urgentis belli metum, quæ necessitas afferret ad pietatem patriæ referre videretur, & civium voluntates ea ostentatione virtutis mirum in modum conciliaret. Prædicabat enim se eo esse animo, ut ab omnibus civitatis incōmodis abhorreret, nec pati velle ut cives sicuti Pontifex denunciasset, ipsius pertinacia aquæ & igni interdicerentur, vastaretur ager, & civitas vetere sua libertate, & gymnasij honore spoliaretur. Propterea se malle incolumi patria, atque integris civium fortu-
20 nis excedere, & Florentinis auxilio ire, ne officio susceptoque muneri deesset, quam patriam in periculum læsæ religionis, & totius belli discrimen devocare. Itaque ad Aurantium legatos mitterent, à quo si honestas pro se conditiones impetrarent, certa quæ fides sibi à Cæsarianis pariter & Pontificijs ducibus præstaretur, sine mora copias educturum, atque hos omni belli metu liberaturum. Aurantius Hispello in potestatem redactus, & dimissis ea conditione his cohortibus quæ se dederant, ut intra tertium mensem hostibus Pontificis nequaquam militarent, Perusiam quæ aberat spatio quindecim milibus passuum, recta contendit, positisque castris ad pontem sancti Iohannis quo Tiberis iungitur, expectabat quidnam consilij Malatesta caperet, atque ita auditis Perusinarum
30 legatis, non contempsit conditiones quæ proponebantur, vel ob id præsertim quod Pontifici curæ esse intelligebat ne Perusinus ager ulla belli clade vastaretur, sed protinus Florentinis bellicum terrorem admoveret. Propterea his conditionibus Vmbrico bello finis est impositus, Malatesta Perusia excederet, eamque urbem Pontifici regendam relinqueret. excedenti Aurantius cum universis eius copijs tutum egressum, atque iter præstaret. Cæsariani anteirent in itinere capto ad locum Tabernas dictum: Malatesta postero die subsequeretur, interim Perusini utrique exercitui commeatus copiam præberent: tutus Perusie uxori & liberis Malatestæ, atque item propinquis eius atque clientibus receptus foret, liceretque ei duodecim ænea tormenta urbe educere, eaque ad servanda ad
40 Vrbinate principem transmittere, ea lege ut his adversus Pontificem nusquam uteretur. De lite autem & controversia, quæ sibi cum Braccio & Sfortia intercederet, qui Gentilis patris heredes dicebantur, arbiter fieret & disceptator Antonius Montanus Cardinalis Vmbriæ legatus. His rite transactis, Aurantius movit castra, & ad oppugnandam Cortonam profectus est. At Malatesta dextrorsum itinere capto, recta Florentiam nullo incommodo accepto perrexit. Cortonenses qui satis valido quatuor cohortium præsidio tenebantur, quum portas clausissent, nec de posceti colloquium Vastio quicquam pa-

cati responderent, & tormenta murum ferientia oppositis novis aggeribus e-
 gregiè sustinerent, & audacissimè adversus subeuntes Hispanos præliarentur,
 Vastius portam promotis, quæ à delubro Vincentia vocatur, multis ictibus
 maioris tormenti quassatam, succendi iussit, primiq; omnium inter Hispanos
 promptissimi centuriones Securre, & Alfonsus Vallius, id munus coniectis
 facibus implevère, unoque tempore duobus in locis contractum est certamen
 valde cruentum, quum in subeuntes Hispanos ipsi propugnatores glandibus
 & saxis intrepidè rem gererèt. Sed ardentem portam duo eximiae virtutis co-
 hortium præfecti Iacobus Tabussus Vmber & Rodolphus Alsicias restinctis
 ignibus Hispanisq; repulsis pertinacissimè defenderunt. In alia quoq; parte,
 singulari constantia propugnarunt Franciscus Sorbellius, Marcus Empolita-
 nus, Goriusq; Montebenicus, eo pugne exitu, ut Hispani multis acceptis vul-
 neribus, et nonnullis interfectis, se recipere cogerentur, atq; eo maturius quod
 Securre & Alfonsus valvas concremare conantes, graviter sauciati pugna ex-
 cessissent. Cæterum Cortonenses, quum Vastius maioribus viribus redintegra-
 re oppugnationem statuisset, & per caduceatorem ad decuriones missum urbi
 excidium comminaretur, nisi intra horæ spatium portas aperirent, perterritis
 civibus, vel nolentibus præsidij præfectis, deditioem fecerunt, ea conditione
 ut incolumes ferverentur. Hæc deditiois formula præsidij milites excludebat,
 sic ut se ingratè prodi, tradiq; iratis hostibus quererentur. Sed Vastius pro sua
 humanitate ita omnes urbe exeuntes conservavit, ut armis tantum & vexillis
 exueret, quod pertinacius quam oporteret tanti exercitus vim contempnere
 viderentur. Verum non eandem exempli sortem tulerunt Castellionenses
 Cortonæ proximi, tot invadentibus copijs resistere ausi: nam dum tormenta,
 paratamq; hostium aciem despiciere videri volunt, & fortissimè propugnare,
 crescete periculo, quum se dedere velle serò significarent, expugnati direptiq;
 sunt. Aretini autem aliquanto salubrius nihil de defendenda urbe cogitantes,
 continuo portas aperuerunt, quod Capinsaccus exigui præsidij præfectus, in
 arcem confugisset, suadente Roscio Bevignanæ comite cive Aretino, qui Aus-
 rantij gratiam promereri, & patriæ suæ dominatum invadere perfidiosa va-
 nitate cupiebat. Id primū amissi Aretij incommodum Carducci non obscura
 malignitate, & Antonij Francisci Albitij temerario obsequio acceptum opti-
 mates asseverant, quod ille adversis de adventante hoste rumoribus permo-
 tus, eas copias cum Florentini nominis, tum Perusini, quæ Aretij coivissent,
 & se urbi præsidio futuras summa spe defensionis professæ fuissent, ad se Flo-
 rentiam perducere iussisset: Albitius verò factioso animo Carducci literis, quæ
 non erant ex decemvirali sententia, nimis properè atq; improbè paruisset. Ne-
 que enim dictator civium studijs diffidens, se tutum esse adversus factionis sus-
 fragia fore putarat, nisi urbem militari præsidio confirmaret, ut qui inter spem
 pacis, & belli metum nutabant, quominus hiscere auderent præsentibus ar-
 matibus terrerentur. Hoc autem suo pte ingenio consilium Carduccius ita susce-
 pit, ut nihil decurionibus communicandum putaret, ne contradicendo impe-
 diri posset, & inconsultis Decemviris ad Albitium perscriberet, qui Zanobio
 Bartholino in eo procurationis munere successerat, vir turbido ingenio, alie-
 na semper à Repub. coquens, nec quicquam stabili mente per occasionem pro-
 bans. Itaq; nullam sibi Albitius moram attulit, quin perlectis Carducci lite-
 ris, detractas undique & collectas in unum cohortes Florentiam mitteret,

provinciamque & urbem Aretium præsidio nudaret, haud dubie hostibus
 mox occupandam. Id admissum facinus Carduccio pariter, & Albitio capita-
 le fuit, quum in exitu belli, successuque temporis contra leges maligne atque arro-
 ganter fecisse ab Octoviris iudicarentur. Aretio occupato Aurantius copias
 effudit in peramcenam frequentemque oppidis, & nobilitate Trebiani vini
 percelebrem regionem, quam superioris Arni Vallem appellant, ea clemen-
 tia, ut severo edicto milites ab omni præda atque licentia cohiberentur. Eo mo-
 do per quadriduum recreato exercitu recta per Incisiam vicum Florentiam
 contendit, quæ Annibalem olim transisse ferunt, certissimo argumento quod
 10 ibi elephantum ossa ab aratoribus hac ætate reperiantur, quas bestias multo
 gelu alpium correptas amiserit. Primæ alæ equitum Hispanorum & Epirota-
 rum secundum Arni ripam descendentes, in regione, quæ Plana Ripolis, & Pa-
 radisia vocatur, magnum fugientibus incolis tumultum excitarunt, sicut sese
 insinuarent usque ad suburbana ædificia, quæ Recorbula nuncupantur. Is ad-
 ventantium hostium conspectus & fremitus à divi Nicolai porta in urbem,
 & trans Arnun in forum & curiam usque permeavit, tanta populi trepidatio-
 ne, ut plerique pavore concitante portis sese in agros cum uxoribus & liberis e-
 jicere properarent, vixque paventium turba imperio magistratuum, & obstru-
 ctis iam portis sisteretur, quum eodem tempore tormenta è propugnaculo por-
 20 tæ divi Nicolai, atque item ab adverso aggere munitionis, quæ erat trans Arnun
 Crucianæ portæ imposita, in proVectos hostium equites, horrifono reboatu
 disploderentur, & Malatesta milites suos arma capere, & in muro consistere:
 urbanam vero iuventutem Stephanus Columna sublati vexillis curiæ aream
 & fora tueri, perstreptentibus undique tympanis iuberent. Ea repente commo-
 ta perturbataque urbis facies, imbellium præsertim oculis atque auribus insolita,
 usque adeo vehementer patrum animos perculit, ut iam petendæ pacis consilia,
 quam gerendi belli potiora censerentur. Aurantius postridie speculatus urbis
 situm, à meridie apud templum Margaritæ Montichiæ castra posuit, contra
 moenia, quæ excelsi montis supercilio impositam, eam urbis partem quæ est
 30 ultra Arnun, à divi Nicolai porta, modo erecto, modo declivi muro, usque ad
 Fridianam portam præcingunt, quod nusquam eius tortuosi & inequalis mu-
 ri structura debiliior appareret, & si arduo eo colle, cui tota civitas subiecta est,
 potiretur, inde productis tormentis hostes subigi posse iudicaret. Quamob-
 rem Malatesta deprehensis militari coniectura hostium consilijs, intentissima
 cura extruendis aggeribus incubuit, æquato civium & militum studio laboreque
 tanta contentione & celeritate, ut quum facibus accensis periculosa loca noctu
 permuniret, omnis paulo antè conceptus timor civium animis decideret, vel
 ob id maxime quod Malatesta ex consilio Stephani Columnæ & Marii Vrsi-
 ni, totum divi Miniati collem templo insigni, & excelsa sacrae turris specula ma-
 40 xime opportunum, ne eo potiretur hostis, valida munitione, fossaque circumci-
 di, urbi que adijci curavisset, turremque tormentis iussisset instrui, quibus hostium
 castra in subiecta valle posita, ad destinatos ictus omnibus propè horis pete-
 rentur. Aurantius porro geminos terrenos colles è sua valle ubi castra locarat,
 molliter assurgentes, Miniatini que montis equantes supercilium occupare, mu-
 nitosque maioribus tormentis instruere constituit, quod ubi à Florentinis ducibus
 est animadversum, cohortes quæ toto montis aggere frequentibus propugnacu-
 lis præsidio erant impositæ, signo accepto in hostes decurrerunt, ductante Mario

Vrsino, cuius impetum excepit Petrus Maria Roscius ab oppido sancti Secundi comes vocatus. Hunc Aurantius ex Apulia cū veteranis cohortibus evocavit, & propter virtutem nobilitatemque generis inter carissimos in honore habebat. Itaque acerrimè dimicatum est, tantaque crescentibus utrinque auxilijs contentione prælium est confertum atque protractum, ut multis interfectis, multoque pluribus vulneratis, vel occidente sole ægre dirimeretur, & sequentibus diebus alterno impetu utriusque partis milites, ad maiorem præcipue clivum, quem Giramontem appellabant, iusto propè prælio concurrerent, nullaque in re vel audendo, vel resistendo Etrusci Aurantianis cederent, quorum principes Hispani, quod agilitate corporum armaturæque genere valerent, videri cupiebant. Ad extremum, quum his collibus aliquandiu acerrimè & cruentissimè decertatum esset, multis de causis intermissa contentione, Aurantius eos obtinuit atque permunivit, sic tamen ut casam in proximo Baoduciae villæ, quam uti invadendæ hostium munitioni opportunam occuparat, prementibus Amici Venafrani, & Perusinorum cohortibus, relinquere cogeretur, iubenteque Malatesta, totum id ædificium succenderetur, & in conspectu hostium deleretur. His prælijs mirum in modum ad capeffendam pugnam, ostendendamque virtutem, utrinque ita exarserant militum animi, ut neque Aurantius de subigenda urbe desperaret, neque Malatesta constantibus usque adeo civibus, de felici rerum exitu dubitare videretur. Nam huic tantum cum singulari diligentia ordinata dispositaque erant pro mœnibus veterum militum præsidia, ut neque vim hostium ab ulla parte, si murum tormentis aggredierentur, extimescendam prædicaret, neque intus ullam tumultus procellam oriri posse arbitraretur, postquam milites & armata iuventus mutua præsidij ope (uti oporteret) in officio religiosè continerentur, summa namque magistratuum providentia, neque esculenta in foro venalia deerant, nec quicquam aliud frustra à milite desiderari poterat, quando certa quæstorum fide, ad diem singulis cohortibus stipendia provenirent, omnisque vel iurgij, vel contentionis materia subito tolleretur severitate Zanobij Bartholini, & Raphaelis Hieronymi, qui cum autoritate summi imperij per urbem volitantes, & miram in foris & compitis tranquillitatem ad apertas tabernis, nec intermissis usquam tribunalium officijs, summæ securitatis & pacis ocium representabant. Aurantius autem præter cohortes Germanorum & Hispanorum, quæ erant vetustate stipendiorum & longæ exercitatione firmissimæ, acciverat sibi nobilissimos quosque ac fortissimos Italicæ disciplinæ procures, quos ob id quod plures secum treharent cohortes, vulgò Columellas appellabant. In his erant præter ipsos qui Romæ & in Apulia militassent Roscium sancti Secundi comitem, Petrum Aloysium Farnesium, & Alexandrum Vitellium, plerique alij, inter quos eminebant Romani sanguinis Ioannes Baptista Sabellus, Martius Columna, eiusque gentilis Camillus Mutio viro forti genitus, atque item Pyrrhus Stipicianus, & Scalengus Astensis: præterea Braccius & Sfortia Baleoni fratres peculiari odio Malatestæ infensi: & secundum hos Andreas Castalius Neapolitanus, & postea non serò applicuit Fabritius Maramaldus, & vetus dux Ioannes Saxatellus à Togata Gallia cum validis copijs accersitus, iussuque Pontificis Ramazottus cum armata multitudine militum clientiumque suorum. Nam apud montanos homines vir factiosus ab antiqua nominis autoritate plurimū valebat, ex Apœninoque in Mugellanum agrum descen-

descenderat, & interceptis commeatibus magna Florentinis detrimenta afferebat, obsiderique urbs coepta cis Arnun existimari poterat: quoniam e Bononia Felicis Vitembergi legiones, & Hispanorum tironum cohortes a Mutina transversis Apœnini iugis propediem descensuræ, & diversa ab Aurantio intercedente Arno flumine, castra facturæ dicerentur. Italici generis milites, qui his quos diximus Columellis parebant, supra viginti milia pedum summam efficere putabantur. Veteres Germani & Hispani sexdecim milium ferè numerum implebant, præter eos quos Felix adducebat, & tirones Hispanos, qui Petro Velleio Ghevara duce nondum advenērāt, sic ut veræ æstimatione ad non dubium omen diurni belli, longissimæque obsidionis utrinque vires victoriæque spes æquatæ censerentur. Quandoquidem Florentinos non pro libertate tantum, sed pro gloria civitatis, Etruscique imperij dignitate ab omnibus socijs desertos, oppugnatosque ab invictis gentibus, summisque principibus arma induisse minimè pœniteret, & unicam veræ constantiæ laudem spectantes, quicquid vel iniqua belli sors afferret tam æquis quam indomitis animis laturi viderentur.

PAVLI IOVII NOVO-

COMENSIS EPISCOPI NV-

CERINI, HISTORIARVM

S VI TEMPORIS

LIBER XXVIII.

RÆPOTENTIS nobilissimæque civitatis constantiam, quum inauspicatæ libertatis nova iura defenderet, ingentique animorum pertinacia antiquissimarum gentium gloriam æmularetur, armis fameque perdomitam narraturum, tantisper respirare, & priores spiritus resumere non puduit, dum instituti ordinis seriem sequutus, ea quæ distulimus, servato temporis tenore, suo loco referantur. Operæ itaque pretium duxi serviendum historiæ, ut non intercisa dissipatis membris, sed per partes inter se non absurde coniunctas, integra legentibus proponatur. Quo fit ut promissi memor ad Solymanum me convertam, qui ab obsidione Viennæ inglorius discesserat. Sed priusquam hæc dicere aggrediamur, opportunum esse arbitror, ut rerum in Pannonia gestarum successum paulo altius reperamus, scilicet ut boni mortales, quibus de causis cum Solymano contractum sit bellum, liquidissime cognoscant, & hinc quoque Christiani reges, quantum nobis hæc bellua ab immenso eius imperio, expeditisque opibus reformidanda sit reputando, expendendoque pericula, consilium pro publica salute dignissimum aliquando suscipiant. Igitur Hungaris ad Mugacium trucidatis, & rege ipso ad foedum interitum palustri lacuna submerso, victor Solymanus Budam recta contendit. Vrbe, regiaque positus, ad Danubium posuit castra, invisitque regiam arcem, ita tamen ut in ea minimè pernoctaret, quod antiqua Othomannorum

lege cautum sit, ut Imperator nusquam muris, sed suæ tantum custodiæ munitis confidat. Ibi ad eum delata sunt occisorum antistitem & procerum cruenta septem capita, quibus renidenti ore illuisse visus est, quum purpurati ea singula ligneo in gradu collocata, simulante honoris causa inclinata cervice, & dextris ad pectus compositis nominatim salutarent, Papasque strenuos per iocum appellarent. Sed Solymanus gravi fronte, quum singulorum nomina indicarentur, vehementer detestatus fuisse ferebatur, unum præ cæteris Ladislaum Salcanium Strigoniensem antistitem potentissimum, obiecto sceleris avaritiæ probro, quod is regem suum in tanta urgentis belli difficultate aurum mutuo deposcentem, quum multa pondera in eius thesauris laterent, ad iuvare recusasset. Tomorem porro stolidæ temeritatis incusavit, quod vir conficiendis sacris dicatus alienæ functionis munus arroganter usurpasset. Ex adverso Franciscum Perenum Varadinensem antistitem, nobilissimi generis virum, seræ prudentiæ nomine laudavit, quod imminentis publicæ cladis nequaquam falsus vates, in consilio non insulse dixisse didicisset, quum Tomoreus de committenda pugna importunè decerneret: postquam eius fatali sententiæ obfisti non posset, se providere quid cucullatus imperator postmodum esset factururus. Eum namque tanto ausu nihil omnino aptius præstaturum, quam ut celeberrimum diem Christiani calendarij fastis insereret, à cæde triginta milium Hungarorum martyrum pro tuenda religione à barbaris iniquissima prælii conditione concisorum. Eos enim Christiani martyres vocant, qui pietatis causa pugnantes, ultro egregiæ morti se devovent. Reliquos tyrones audaculos appellavit, & in his præsertim Georgium Sepusium, Transylvaniæ præfecti germanum fratrem, & multa canicie senium præferentem, Ambrosium Sercanum, nobilitate generis, opibus & dignitate illustrè. Quum verò ei Ludovici & Mariæ uxoris simulacra ostenderentur, generoso ore dixit, se adolescentis regis calamitatē misereri, qui usque adeo malè sobrios in re gravissima consiliarios nactus, pugnam absurda ratione committere properasset, & se non eade causa, ut ei adimeret regnum, sed ut acceptas ab Hungaris contumelias ultore gladio vindicaret, in Pannoniam venisse affirmaret. Propterea si pugne discrimen evasisset, proculdubio certa tributis conditione imposita ei Pannoniæ regnum redditurum, quando non sua, sed aliena culpa cladem accepisset: & sibi gloriæ futurum testaretur, si Sigismundi Regis socij sui fratre genitum, & tantis Austriacæ clarissimæ domui affinitatibus coniunctum cōservaret, tanta clemētissimi sermonis magnitudine differens, ut hæc animi sui decreta Mariæ reginæ, quæ Buda Posonium belli metu profugerat, enunciari iuberet: si cuti nos ab his qui interfuerunt accepimus, quod profecto pro falso de barbari regis æquitate humanitateque dictum videri posset, nisi præclaro testimonio ingentis suæ liberalitatis paulò post Ioanni Sepusio, nequaquam regia stirpe nato, & tum etiam hostilis animi speciem retinenti, id Pannoniæ regnum, vel nullis præeuntibus meritis dono dedisset. Exinde æneas statuas tres prisce artificij sustulit, quæ in vestibulis regiæ à rege Matthia Corvino, omnis virtutis atque elegantiae studioso constitutæ fuerant. Hæ clavigeri Herculis, citharæ, & Apollinis, & pharetræ Dianæ formas referebant, quas pro trophæo Pannonicæ victoriæ monumentum Byzanti in Hippodromo collocari iussit. Abduxit etiam tria inusitata magnitudinis, operosique artificij tormenta, quum passim ad ornamentum insignia & literæ argento sculptoria arte æri

includo

ineluso essent admiranda, quæ Illyricæ Bosnæ regis fuisse dicebantur in expu-
 gnatione Sciabatij oppidi ad Savum capta, atq; item gneas aliquot striati ope-
 ris columnas, quæ portarum epistylia sustinebant. Moratus est ad Budam dies
 ferme viginti, quo spatio innatæ sue genti sævitie indulgit: nam diversa in pro-
 ximas provincias equitū agmina prædatum sunt emissa, quibus hinc ad Gia-
 varinum usq; illinc ad Tibiscum annem regio omnis improvisa atque horri-
 bili populatione ita vastata est, ut supra centum & quinquaginta hominum
 milia omnis ætatis & sexus, aut gladio cæsa, aut in servitutem adducta referan-
 tur: quas prædatorias manus postquā redeunt in castra recepit, eodem quo
 10 venerat itinere Byzantium est reversus. Hisdem verò diebus Ioannes Sepu-
 sius à Transylvania eductis copijs, ut Regi opem ferret, sero in Pannoniam
 venit, non obscure Regis morte, & magno suo cōmodo lætatus, aspirare nam-
 que cœpit ad Pannonici regni fastigium, quando ipse nulla extante regia pro-
 le, inter Hungaros proceres esset clarissimus, & propter victoriam quondam
 de agrestibus, Georgioque Secalo Bornomissa collega partam bellica laudē
 illustri haberetur. Itaque Ioannes valido prudentique ingenio vir erectus in
 spem potiundi regni, singulos proceres diligenter prehensare cœpit, obtesta-
 ri que ne proximis comitijs Hungarici nominis decus prodere vellent, si ve-
 rustissimæ dignitatis imperium ad externæ atq; inimicæ gentis nomen traduci
 20 paterentur. Debere Hungaros probè meminisse quantas clades superioribus
 tempestatibus acceperint, quum alieni externiq; sanguinis reges sibi accer-
 rent, & adversus Turcas inauspicata eorum signa sequerentur: satis præclaro
 documento esse debere superiorum temporū calamitates, quas vel Sigismun-
 dus Bohemus, vel superior Ladislaus Sarmata ad Nicopolim semel, atque ite-
 rum ad Columbatium, & ad Varnam demum infelicitè cum hoste barbaro
 dimicantes Pannonijs importarint, quando ea detrimenta quæ vel longa La-
 dislai ignavia, vel hac dudum infelicitis filij temeritate subijmus, memorare di-
 spudeat: sub quo militaris disciplina gloriaq; Hungaricæ virtutis penè tota in-
 30 terijisse credi potest. Superesse profectò proceres Pannonici sanguinis & anti-
 que, ideoq; imperio dignissimæ stirpis, qui generosos spiritus gerant, atq; ani-
 mos restituendæ publicæ dignitati, & tuendo regno pares in hoc publico lu-
 ctu consilia fortia atq; arma expedita invictis animis proferant, inter quos usq;
 adeo demissi vel hebetis ingenij numerari nolim, vel si me nonnulli clariores,
 honore natalium atq; opibus antecedere videantur, ut me regendo regno, ad-
 ministrandoq; bello quenquam virtute aut Fortuna meliorem fore confitear.
 satis namq; fortè atq; animi virtute pernobilem præstabo regem, si ab hac cæ-
 ra fidelis animi propensione, suffragio vestro dignus existimabor. Hac viâ in-
 gressus multū rogando satagendoq; Ioannes multorū studia promeruit, eoq;
 40 facilius quod Stephanus Bator procerum clarissimus ad Ferdinandum pau-
 lo antè in Bohemiam contendisset, & Ferdinandus apud Bohemos indictis
 comitijs vehementer esset occupatus, quibus primatū & popularium præoc-
 cupatis voluntatibus rex erat appellandus. Per eos dies Hungari celebrandis
 regijs exequijs animos intenderunt, quū Ludovici integrum cadaver Cetrif-
 chi armigeri indicio repertum, è Mugaciana palude ad Albam regalem fuis-
 set relatum. Dictis namque solennibus inferijs, insigni pompa apparatuque
 tumulatum est apud ea sepulchra, quibus superiores reges condi consueverāt.
 Exinde exequijs ritè confectis, Rhacos est indictum, id est comitiale cōcilium

armatæ multitudinis, cuius authoritate acclamationeque ex vetere legis instituto Pannoniæ reges creantur. Eius autem Rhacos is fuit exitus, ut Ioannes, quum neminem in publico luctu competitorem habiturus videretur, quando nemo vel clarissimus candidati nomen profiteri auderet, magno omnium applausu rex appellaretur, præstoque ei maturè adfuit Petrus Perenus, in cuius custodia vetustissima ex rudi auro Hungarici regni corona servabatur, qua solenni cerimonia legitimi reges coronari soliti sunt. Ea Stephani primi Pannoniæ regis fuisse traditur, servaturq; in arce Vicegradensi antiquissimorum procerum, more per manus tradito servatoque. Atque ita Ioannes rite coronatus consecratusque est de manu Pauli Antistitis, qui in locum Ladislai Salicani Strigoniæ antistes fuerat suffectus, & Stephani Brodarici præfultis Vadiensis, quem propter eruditi ingenij vim, & dexteritatem in omni rerum actione singularem epistolarum scriniq; regij magistrum effecit. Americum vero Cibachum in præfectura Transylvaniæ Vayvodam sibi constituit, qui Varadinensi etiam præfulatu interfecti ad Mugacium Pereni loco dudum fuerat exornatus. Regi autem creando ex ordine militarium procerum mirifice faverunt hi, quos e Transylvania alarum præfectos adduxerat, viros bello paceq; præstantes. In his eminebant Hungarico sanguine progeniti Stephanus Verbetius, qui Romæ apud Leonem legatus fuerat, & Paulus Artandus, atq; item Gregorius Peschenius, & Nicolaus Gleffa, Ianusq; Docia. Per hunc modum dum novus rex firmandis imperij viribus, asciscendisque sibi & promerendis proceribus liberaliter atq; humaniter studet, Ferdinandum Hungarici imperij æmulum in Bohemia regem creatum didicit. Is ex vetere controversia eius litis, que agitata fuerat inter Matthiam Corvinum & Federicum Cæsarem proavum, præclara hæreditatis iura proferebat, ducta scilicet à Ladislai morte, qui in Bohemia in ipsa nuptiarum celebritate, veneno sublatus ferebatur, ambitione malignitateque Georgij Poggibrachij, qui Bohemiæ affectans regnum id paulò post occupavit: videbaturque advenisse tempus, quo Ferdinandus Bohemico auctus regno, & Caroli fratris opibus subnixus, nec oblitus futuris, Pannoniam non iniqua ratione repeteret, Austriano sanguini, ideoq; sibi ab Alberti principis memoria debitam. Neque Ferdinando præter Austriacas & Germanicas vires quorundam Pannoniæ procerum studia deerant, quum apud eum essent semitransfugæ turbulentique homines, novarum rerum cupidi, & quo facile impelli poterant livore corrupti, invidentesq; prorsus Ioanni Hungarici diadematis decus, tanquam precipitatis comitis tumultuarioque favore imperitæ multitudinis, ipso dignioribus ereptum. Nam præter Batorem, cui petendi adipiscendique regni prærogativa optimo iure obvenire posse dicebatur, eminebant & alij pari propè nobilitate, & bellica virtute illustres, Valentinus Turaccus, Stephanus Maylatus, Ianus Sala, Gaspar Seredius, Balthasar Pamphilus, & Ferentius Gnarus. His accesserat Paulus Bachitius genere Triballus, vir eximie bello fortis, qui apud Turcas Mahometanis initiatus sacris, ex necessitate fugiendæ servitutis ad nostros redierat, renovatoque baptismo Christiano ritu fuerat expiatus, & Mugaciano prælio intactus evaserat. Horum omnium hortatu Ferdinandus suo pte ingenio repetendi sui iuris avidus, confususque Bohemorum auxilijs & Noricis copijs, quibus accedebant e Rhetia superiore cohortes evocatæ, & satis magnus e Stiria, Carinthiaque levis armaturæ equitatus, Budam rectè perrexit:

cuius

cuius adventu graviter permotus Ioannes, ut qui rerum omnium difficultatis
 bus erat circumventus, nec satis haberet copiarum, quibus agnoscere stabili-
 reque novi regni opes posset, atque infirmissima apud se partim metu, partim le-
 vitate gentis studia fore perspiceret, nequaquam hostem Budæ expectandum
 esse constituit, hortatusque duces suos, ut cedenti, & adversis infestæ Fortunæ
 flatibus vela dare coacto adesse vellent cum his copiis quas adduxerat, & quas
 demum conscripserat, Pestum traiecit, atque inde nusquam consistere ausus iu-
 stis confectis itineribus superato Tibisco, ad Tocaïum castra fecit. Id erat mu-
 nitum castellum, in ulteriore ripa positum. Eius discessu cognito Ferdinan-
 dus sine vulnere Buda potitus est, ubi aliquandiu permansit, consultatumque
 est, an aufugiens hostis esset persequendus. Eorum autem sententia vicit, qui
 perterritum hostem priusquam auxilia compararet, aut nova consilia suscipe-
 ret, adhibita celeritate consequendum censebant. Itaque Ferdinandus his ma-
 xime ducibus, quos memoravimus, omnes copias commisit, qui continuatis
 itineribus quanta festinatione equorum lassitudo pateretur, & pedites gra-
 dum intendere poterant, ad Tibiscum pervenerunt, & navigiis quæ carris ad-
 vexerant connexis, contabulatoque ponte Tibiscum superantes, explicatis ve-
 xillis ad Tocaïum ubi Ioannis erant castra, instructa acie pervenerunt. Quo
 hostium superventu perculsus Ioannes, communicata cum ducibus eius peri-
 culi difficultate, consilium capit sibi necessarium potius quam decorum. Sua-
 debant enim duces promptissimis animis pugnam poscentes, contemptis ferè
 hostibus, ut ipse paululum acie excederet, amoveretque se periculo, & si ita i-
 niq̃uor prælii fors ferret, sese incolumem secundis Fortunæ casibus reserva-
 ret, ipsos namque quod turpissimum sit Hungaris ad arma natis oblatum ab
 hoste prælium detrectare, invictis atque in domitis animis adversus transfugas
 constantissimè pugnatueros. Eminebat inter duces Ferentius Bodo singularis
 virtutis & fidei dux vetus, cui rex præcipuum militiæ sceptrum atque vexil-
 lum de manu tradiderat. Is summa peritia pro numero genereque militum a-
 ciem instruxit, in medio ipse constitit cum Hungaris, cornua Transylvanorum
 copiarum tenuerunt. In Austriana autem acie Valentinus mediam pariter aciem
 cum Hungaris tenuit, ubi erat vexillum, duas medio agmini cohærentes bra-
 chiorum instar firmaverunt: hinc Stirianæ, illinc Noricæ equitum alæ. Sed
 Paulus Bachithius ex Turcica disciplina astu & insidijs uti solitus cum globo
 Vlsaronum, qui sunt levis armaturæ equites, latrocinijs assueti, remotiore in
 loco struendis insidijs idoneo contra lævum hostium cornu consedit, ita ut ex
 occasione successus qua parte oporteret in hostem impetum facturum videre-
 tur. Tum verò militum animis non multa ducum cohortatione ad pugnam
 accensis, minora utrinque tormenta currulia, quæ gallinacei ovi magnitudine
 pilam evomebant, displosa sunt: parvo quidem detrimento, quum procurre-
 re & manum conferere simul turmæ properarent, alternis utrinque cornibus
 alæ pulsæ profligatæque sunt: nam Stiriani equites Transylvanorum vim non
 diu tulerunt: quum in altera parte Noricus equitatus cataphractus, novas &
 collectitias Bodonis copias in lævo cornu prostravisset. Eodemque tempore
 ab utraque media acie paribus Hungarorum animis atque artibus contractum
 est certamen, usque adeo acriter invehendo procursandoque, ut nusquam an-
 tea vehementius & pertinacius dimicatum fuisse appareret. Sed novo cata-
 phractorum impetu, qui pulsu dextro cornu in hostium lacus ruebant, tota Bo-

donis acies vel egregiè resistens fortissimeque dimicans, loco pulsa perturbataque est, eo quidem eventu, ut ipse Bodo imperator, qui vexillum servare re parareque aciem aliquādiu fuerat conatus, incumbente Paulo Bachithio ab V. saronibus caperetur, & reliqui duces desperatis rebus profugerent, non multa; cede edita tormenta ad unum omnia, vexillaque in potestatem hostium devenirent. Quum rex ipse conspecta suorum strage, periculo ingenti fugæ cursu se eriperet ad ipsos Sarmatiæ fines, victores, uti oportebat, in Transylvaniam penetrarunt, quibus populis nullo negotio in ditione acceptis, universa provincia ad auctoritatem Ferdinandi regis se contulit: Bodo enim porro cum reliquis nobilioribus captivis atque vexillis ad Ferdinandum miserunt. Ceterum Bodo quum vel proposita libertate flecti non posset, ut sacramentum Ioanni dictum violaret, & contra eum militaret, ab clementissimo alioqui rege in tenebricosum carcerem Novæ civitatis relegatus est, atque ibi aliquanto post pedore consumptus, miser fato suo concessit. Nec multo post Ferdinandus inclinantibus in eum Hungaris ferè omnibus ex usu victoriæ rex est acclamatus, atque eadem veteri aurea corona, quam idem Perenus vir incertæ fidei, ideoque facile ad officium rediens detulerat, cum Anna uxore quæ Ludovici regis erat soror, insignitus est, celebratis eius solennis pompæ ceremoniis apud Albam regalē. Exinde Ferdinādustriusque regni rara felicitate compositus, in Bohemiam rediit, præsidesque qui Pannoniæ regnū administrarent, delegit. Hi fuere Stephanus Bator, qui cum summa potestate Prorex est creatus, cui collega addebatur Paulus Strigonienensis antistes, qui & ipse à Ioanne defecerat. Berethsaxium autem epistolarum magistrum fecit: Alexium vero Tursonem Moravæ gentis, cuius soror Petro Pereno nupserat, ærario præfecit. At Ioannes usque adeo acerbè mulctatus à Fortuna, ad Hieronymum Laschum profugit, virum inter Sarmatas ab illustri nobilitate, eruditæque virtutis nomine clarissimum. Istanti hospitis occasione lætus nihil antiquius habuit, quam ut regem in eas amissi regni calamitates præcipitatum accuratissimè recrearet, pollicereturque ei in spem recuperandæ dignitatis opes suas, quæ non erant mediocres, & quod redivivæ felicitatis interfuit, ingeniumque suum in omni actione humanarum rerum valde mirificum. Non erat ingrata Sigismundo regi ea Laschi erga regem hospitalitatis liberalitas, quanquam ne Ferdinandum offenderet amicitia atque affinitate sibi coniunctum ingenue clientis officium dissimulare videretur, vel ob id quod antea ipsius Ioanni Sepusiani tum reguli Germana soror in matrimonio regio fuisset. Qua de causa fiebat ut Laschus nihil tenerioris officij in percolendo hospite prætermitteret, nec tamen Sigismundi regis existimatio læderetur. Quum verò multum inter se colloquendo deliberandoque integrum ferè mensem absumpsissent, Laschus excelso solerti que ingenio gravissimarum rerum consilia agitare atque aptè terminare solitus: postremo ad id unum descendit, ut ab uno tantum Solymano maturam opem afflictis & perditis rebus sperandam censeret, arbitrareturque generosissimum eundem & longè maximum regem, supplicis & eiectionis preces minimè neglecturum, si ipso miserante sublevanteque restitutus foret, ex tanto beneficio se clientem factum ex auctoritate Othomannici nominis regnaturum profiteretur. Intelligebat siquidem Laschus à tanto elatissimique animi Imperatore, non regna quæ illi abundè superessent, nec facile enumerari possent, postquam magnam orbis terrarum partem impe-

imperio complecteretur, sed magnificentissimæ laudis gloriam peti, qua præ insita orientis regum animis vanitate, eum impensè oblectari didicisset. Hoc erat consilium, ut usu apparuit, Ioanni maximè salutare atque honestissimum, si expulsi atque exulantis conditionem respiceres, sed in causa Christiana non obscurè nefarium, postquam privati commodi nomine Resp. in longè maximum atque horribile discrimen adduceretur. Verùm ægra mortalium mens quum de salute sollicita parū speret, nulla unquam vel ancipitia, ideoq; sæpe nocitura remedia repudiat. Nec multo post decreto facto Laschus, qui nominis sui famam præclaris operibus extendere cupiebat, legatione suscepta Byzantium contendit. ¹⁰ Fama est Sigismundum non modo euntem non retentasse, sed iuvisse etiam diplomate, atq; instruxisse eum literis, quibus tanquam civem familiaremque suum extraordinariæ & peculiaris legationis munus susipientem, sibiq; carissimum, purpuratis & nonnullis Sarmatici etiam sanguinis, qui in aula Solymani gratia valebant, commendabat. Itaq; Laschus emenso itinere ubi Byzantium pervenit, primum omnium allatis muneribus, quæ elegantia potius quàm pretio placitura grataq; præcipuè uxoribus eorum futura non absurdè existimarat, purpuratorum nō modo, sed ianitorum etiam amicitiam promeruit: quando apud venales barbaros nihil magis in pretio sit quàm simplex vel astuta liberalitas. Inter purpuratos qui Bassæ vo-
¹⁰ cantur, eo tempore authoritate præstabant Lustebeius, in cuius matrimonio Solymani soror visebatur, & Habraymus ex Acarnania Pargæ humili vico natus, & cum Solymano à prima pueritia molliter educatus. Is Visir, hoc est purpuratorum princeps evaserat, & quum teneret regium sigillum, cunctisq; supplicibus libellis & epistolis subscribere consueffet, reliquos aulae proceres honoribus validos, ex peculiari atque firmissima gratia, authoritate anteibat. Per hunc modum insinuatus & sæpius apud purpuratos sine interprete loquutus, quod Illyrica lingua omnibus ferè in aula esset familiaris, Ioannis regis causam egit, atq; eum mirificè commendavit: nam salutato tantū Solymano sub primum ipsius adventum de negotio acturus ad purpuratos de more
¹⁰ fuerat reiectus. Neq; enim Solymanus virum Christianum intra septa aulae ad colloquium admittere consuevit. Petebat Laschus à Solymano, ut Ioannes Ferdinandi Austriæ principis iniuria, & quorundam Hungarorum perfidia regno pulsus, Pannonie rex & Othomanici nominis beneficiarius appellaretur, ideoq; Turcicis armis in regnū reduceretur, sicuti proprium esset Othomannicæ ditionis, postquam illud iure belli adiudicante Fortuna ab ea insigni victoria Solymanus felici dextra vindicatis iniurijs, devictisq; hostibus sibi peperisset. Ioannē qui commendatione virtutis publico in concilio Hungarorum omnium legitimè rex fuerat appellatus, & ritè etiam ex antiqua regni formula coronatus, nunquam si in clientelam tutelamq; reciperetur, reduce-
⁴⁰ returq; tanti beneficii memoriam animo deponiturum, egregiaq; fide gratissimi animi maiestatem Solymani perpetuo cultu veneraturum, atque ea quæ imposeret tributa quotannis persolvēdo, initæ clientelæ nomen cunctis gentibus declaraturum. Id verò si Solymanus supplici concederet, tam ipsi honorificum, & ad beneficiæ famam splendidissimum fore, quàm Ioanni utile vel decorū. Nam præterquam quod magnanimi reges beneficio dando potius quàm accipiendo Dñs superis æquētur, etiam id Othomanis magnopere conducere constaret, ut Turcæ infirmo & beneficiario regi potius finitimi sint,

quam Ferdinando, qui à Bohemis rex ascitus, & Caroli fratris, cui Germani bellicosi homines parent opibus fretus, bellum inferre, quā in finibus pacem tueri malle existimari possit. Non ineptè siquidem cavendum esse Turcis, ut quæ sibi bellando paraverunt, hñdem armis defendant, nec quenquam supra ceteros potentia atq; opibus augeri sinant. aliquando etenim fieri posse, ut Carolus autoritate virium amplissimus, in eandem indicendi sacri belli causam reliquos principes trahat, & pro religione uti superiores Europæ reges fecerint amissa, omnino repetenda iudicet, cuius viribus non facile demum resisti posset. Hæc difertissimè dicta, quū Solymano ex occulta fenestella auscultanti à purpuratis referrentur, non magni negotij fuit imperatorem gloriæ, potentiaq; avidum eò perpulisse, ut Pannonicum bellum rursus susciperet, & Ioannis preces ad animum admitteret, pollicereturq; ex usu novæ victoriæ ea concessurum quæ postularet, modò fidem tueretur, & ingrati nomen maximè abhorrendum existimaret. Interea Ferdinandus non temerè Pannoniæ regnū sibi gravi ratione confirmandum existimans, neque alicunde vehementiorem, quā à Turcis vim timens, pertentare Solymani animum atque eius amicitiam appetere constituit, ratus eam honesta conditione posse comparari, si quo iure inductus Pannoniæ regnum invaserit & cœperit, apud barbarum nequaquam abhorrentem à iustitiæ laude antiquæ suæ litis seriem explicaret, & se legitimū eius regni hæredem præclaris nostræ legis monumentis demonstraret. Existimabat enim Solymanum tot undique victorijs auctum, & iam planè tot regna fastidientem, veluti summa gloria contentum, pace parat aliquando conquieturum. Petebat autem hisdem conditionibus amicitiam atq; inducias, quibus Ladislaus & Ludovicus filius per aliquot annos ab Othomannis regibus antea meruissent, & tum etiam Sigismundus Sarmatiæ rex pari induciarū tranquillitate eius amicitia beneficio frueretur. Itaq; idoneum nactus hominem, qui hæc mandata Byzantium deferret, Ioannem Oberdanscum virum Pannoniū deligit: hunc iusto comitatu exornat, & muneribus, quæ purpuratis largiretur, decenter instruit. Sed ubi Oberdanscus emenso itinere Byzantium pervenit, Solymanus sua spe durior est inventus, averseq; se penitus purpurati à mentione induciarum præbuerunt. Nam tamen si legatus humaniter à Solymano fuerat receptus, auditusq; patientissimè in conspectu purpuratorum facundè & diligenter causam egerat, in exitu tamen legationis, nihil plus quā superbi atq; insolentis decreti responsum tulit. Dixerat enim Solymanus alienum esse à maiorum institutis, eos in gratiam amicitiamq; recipere, qui Othomannico nomini iniurias intulissent, proinde Ferdinandum impudèter facere, qui alieni iuris regnum invasisset, atq; id retinere posse confideret, quando eius vetera iura planè inania quæ ostentaret recenti sua victoria, Marte q; iudice oblitterata antiquataq; fuerint. His de causis eum toto induciarū & amicitia munere indignū videri, seq; eo esse animo ut contumeliā quam acceperit, probè vindicandam ducat, indictoq; bello rursus sibi Pannoniam omnino repetendam: tantis autem se copijs eam expeditionem suscepturum, ut Ferdinandum vel intra Norici, Germaniq; fines sit invasurus. Proinde ei omnem belli cladem pro inducijs atq; amicitia denunciaret, propereq; Byzantio excedere maturaret. Cæterum Oberdanscus ubi Viennam est reversus, quæ retulerat regijs præsidibus communicando, barbarorumq; minas & maturum Solymani adventum pronuntiando, quū nemo Germanorum,

ut ea crederet adduci posset, aliquandiu pro vanissimo nebulone habitus est. Quamobrem ut effugeret invidiam vera pro falsis interpretantium, ad Ferdinandum pervolavit. Is tum erat apud Spiram Nemetū urbem ad ripam Rheni positam, ubi petitioni suæ suffragatores comparabat, quod ea instaret apud Germanos comitia, quibus ipse coronato Carolo fratre Cæsar esset designandus. Is nuntius non mediocriter eum perculit, quod eorum quæ diceret, & se facturum profiteretur hostis barbarus, non facile fidem fallere solitus, proculdubio eventura prospiceret, alienoq; tempore auxilia à Germanis petenda viderentur, si tanto hosti obviam eundum, & Hungarorum saluti consulendū foret, Carolo præsertim fratre Italicis implicito bellis, & rebus undiq; ad mul-
 10 tam rei nummariæ inopiam redactis, qua una cogi milites & barbaris resisti posse iudicaret. Adulto vere & læto iam gramine virentibus campis, Solymanus nihil ab instituto consilio repetendæ Pannoniæ discedit, magistris equitum imperat, ut copias omnes ad signa vocent. Europeis equitibus imperabat Habraymus, Asiaticis autem Berambeius: hic ad edictum ex Asia copias in Europam traducit, ille advocat Sanzacos omnes, qui sunt provinciarum præfecti. Ab his ex vetere disciplina accersuntur Subases, Vayvodæ & Flammurani, qui distinctarum alarum atq; turmarum præfecti sunt. Hi omnes indi-
 10 to die opportuno loco conveniunt, præcipueq; apud Sophiam Triballorū urbem, quæ Europei magistri equitum certa sedes est, sicut Asiatici urbs Cuthæa Galatiæ. Præmittuntur itaque voluntarij equites, qui sunt extraordinariæ militiæ, temporarij; stipendiij ex omnibus provincijs, Transdanubijsq; præsertim ad prædæ spei evocati, ideoque eorum lingua Achangi appellantur. Eorum ingens numerus esse consuevit, utpote qui supra quinquaginta milia numerum impleant: reguntur autem imperio peculiaris præfecti, qui ex antiquissima Turcarum familia, uti virtus provehit ex vetere prærogativa deligitur. Is tum erat Acomathes Michaloglis, qui anteire magistri equitum agmina, & primus in hostilem regionem irrumpere, & latè prædari, ferroq; & incendio cuncta absumere iubetur. Itaq; Solymanus præeuntibus Europeis et
 20 Achangis, Asiaticis terga tuentibus, Hadrianopoli profectus, quintis decimis castris Belgradū pervenit, superatoq; Savo Dravoq; fluminibus iter rectā Budam extendit. Hisdem ferme diebus Solymanus Belgradum applicuit. Ioannes rex quanto maxime potuit honestissimo Hungarorum procerum comitatu septus, ipso Lascho comite ad Solymanū venit, ut honoris causa in gratiam clientelamq; suscipientem præsens agnosceret, tutelarem eius dextram oscularetur, atq; eum ut promissa præstaret, gratias agendo veneraretur. Ille gravi fronte, sed amico obtutu parum se è pulvino commovens, dextram suam fide virtuteq; præstantem, ideoq; sempervalituram apud eos quos in amicitiam
 40 reciperet, porrexit, testatus nihil sibi optatius & melius à maximo numine posse tribui, quàm ut miseros ab ipsius præsertim hostibus iniqua & indigna perpeffos sublevare posset. Proinde bono animo esse veller: cuncta enim quæ ultore gladio in bello de hostibus pararet, liberali animi decreto ei protinus esse concessurum. In conciliando autem Solymano Ioannes Habraymi Bassæ efficaci studio profecit, quæ antea per Laschum Byzantijs ita precibus atq; muneribus præoccupato eius animo, sibi benevolum amicumq; paraverat, ut regiæ causæ patrociniū facile susciperet, Aloysio Gritto præsertim internuntio feliciq; auspice. Is enim castra sequebatur, & uti erat Andrea Venetorum

principis filius, ideoq; præclara eius nominis commendatione insignis, & omnis elegantie peritus, ab intimo convictu secretioreq; consuetudine familiaris, tanta valebat gratia, ut Habraymum ab occulto quodam sydere Solymani genio non obscure imperantem, eo quò vellet facile perduceret. Grittum siquidem Byzanti natum atque educatum, ideoq; Turcicæ usque ad admirabilem facundiam peritum linguæ, generosi mores & domestici apparatus splendor, summaq; in omni re, agnoscendisq; præsertim, & perite æstimandis gemmis, quarum mangones domi aleret, mirabiliter commendabant, usq; adeo ut in eius hortos, quos apud Peram habebat, ex Italica disciplina cultissimos, Solymanus ipse oblectationis causa ab Habraymo perduceretur, atq; eo secessu iocundis sermonibus tenuioris amicitie gratiam aucuparet, inde magno quaestu vectigalibus atque portorijs præficeretur. Adventantis Solymani, rectaque Budam ire pergentis, Budenses metu perculsi, ferme omnes urbe profugerunt, & in proximas urbes, pars Strigonium, pars Albam regalem, alij Possonium demigrant. Itaque vacua penè potitur Buda, & arcem, quæ Germanico præsidio tenebatur, oppugnari iubet. Turcæ perfectis per cuniculos subterraneis operibus, vectibus & dolabris, ima turrium fundamenta subverre conantur, ut suppositis ignibus arcem exscindant. Quibus barbarorum operibus territi Germani, quòd paribus cuniculis ex disciplina obviam ire nequirent, nec tormentis sese defendere possent, & imminentis excidij propinquum iam discrimen præsentirent, de deditione signa proferre, & cum barbaris colloqui cœperunt, inter quos nonnulli erant Germanicæ periti lingue. Præerat arci Thomas Nadaustus inter Hungaros nobilitate generis, eruditiq; ingenij dotibus illustris. Is uti debebat egregie fortis custos, milites cum hostibus colloqui vetat, & in hostes tormenta converti & dirigi iubet, ignavia simul atq; perfidie eos arguit: comminaturq; eis poenam fœdi supplicij, nisi extrema queque oppugnationis pericula sustinenda censeant, & decus Germanici nominis, Ferdinandi q; præsertim, à quo stipendia acceperint, atq; opima præmia expectare possent, constantissimè tueantur. Sed iam sulphureus vapor succensi in cuniculis tormentarij pulveris, ad nares Germanorum permeabat, & ex discurrentium spectantiumq; Turcarum habitu, non obscura concausumox turris indicia deprehendebantur, quo ingentis periculi metu adducti rursus ad idem deditionis consilium redeunt, quòd præsentis vel maturæ iam cladis pavorem altè conceptum, nullus vel teterrimæ poenæ metus, aut admisi flagitij pudor, aut custodis amplissimi viri reverentia superaret. Itaq; quum Nadaustum minaci fronte vociferantem in sententiam decretæ deditionis adducere non possent, eum comprehendunt, vinculaq; iniiciunt, ne resistere aut hiscere queat, cōspirantes cum hoste salvis rebus paciscuntur. Id ratum habuit Solymanus. Cæterum quum eius præsidij milites, qui erant ferè septingenti ex conditione incolumes, sarcinisq; suis onusti in Possonium abirent, & Ianizeri occupata arce Nadaustum solutū vinculis pariter dimissuri essent, Solymanus de militum perfidia, probitateque Nadausti certior factus, quo nefario flagitio contaminatos sua lenitate indignos putaret, ut alienæ perfidiæ scelus ulcisceretur, Ianizeris ad unum trucidandos obiecit: Nadaustum verò ipsum stipendio invitatum, idq; renuentem humaniter dimisit: ipsius etiam Ioannis regis commendatione adiutus, quanquā soror eius esset in matrimonio Stephani Maylati desertoris primò, & mox atrocissimi sui hostis. Id sævæ cædis facinus immani

mani imperatoris iussu non iure modò, sed ad laudem etiam veræ virtutis atque iustitiæ patratum videri volebant barbari, qui sacramentum militiæ nullo vel præsentis metu mortis violandum censebant: quod fortasse æquum existimari posset, nisi atrox atq; perpetuum barbari hostis in nostras gentes odium, si iusta humanitatis iura æstimentur, elevaret penitus & everteret. Cur enim Germani, qui beneficio ipsius peccavissent, & diplomata concessa libertatis obtinuissent, usq; adeo crudeli nece mulctandi videri potuerint, quum ipse Solymanus in ea alienæ perfidiæ causa propriam abrupte fidei notâ subiret, & quâ querebat iustitiæ laudem tam crudeli quàm turpi sententia perverteret? Exinde Solymanus eo consilio, ut Viennam duceret, castra movens, ex itinere Altaburgum Bohemico custoditum præsidio admotis copijs adortus, vel impigre Bohemis aliquandiu propugnantibus, sed mox cadente ipsorum duce, concepto gravi metu murum deserentibus, expugnavit, interfectis ferè ad unum Bohemis. Ab Altaburgo Acanzes versus urbem Quinqueecclesias vocatam prædatum dimisit, qui intercepta ingenti omnis generis hominum præda, nemine usquã resistente prætervecti Viennam, luctuosas ad Linzium usq; excursiones fecerunt, ita ut passim atrocibus incendijs ædificia conflagrarent, & magnus Viennensibus incuteretur timor. Hjs barbarorum præcursoribus antea provisis Ferdinandus gravi incensus cura, quas potuerat evocare & cogere copias, intra Viennam contulerat, & maioribus cogendis præsidijs implorabundus opem, singulos regulos, singulasq; civitates adiens volitabat, quæ in re aliquanto quàm pericula postulabāt, segniores Germanos reperiebat, ideoq; etiam tardius, quæ vellet conficiebat: quoniam celeritate Solymani præoccupatus fuisse diceretur, in oreq; omnium esset Oberdanscus, qui tanquam non falsus vates probo ore, quæ à barbaro imperatore dicta fuerant, nō serò futura prænunciasset, & Viennenses vanitatis & incredulitatis suæ poeniteret, & tum fervidissimè quæ opus erant pro tuenda salute munimenta circa urbem præpararent. Paucis autem diebus secundū amissæ Budæ famam circiter viginti milia peditum & equitum Viennam confluxere, quibus præstantissimi præerant duces, inter quos eminebant Philippus Palatinus, Nicolaus Salma, qui Ticinensi prælio, in quo rex Galliæ captus est, inclaruerat, & secundum eum Gulielmus Rocandolphus regiæ aulæ magister Italicis clarus bellis, & Ioannes Cazianer vir pugnax natione semillyricus, cui postea Viennæ præfectura obtigit, et secundum hos Nicolaus Turrianus, Ioannes Hardecus, Leonardus Velsius, & Hector Raysachus, inter Germanicos procures cū genere, tum bellica laude illustres. Ab his præparata sunt ænea circiter centum curulia tormenta præter minora. Hæc erant ferè trecenta, quæ pilam plumbeam infra anserini ovimagnitudinem ferrent, & pro corona mœnium iuxta pinnas, earumque fenestellas in canterijs disponebantur. Circiter Idus

40 Septembres Solymanius Viennam pervenit, aliquanto tardius quàm sperarat, quòd eius cursum toto ferè itinere propter plenos & creberrimos eius æstatis imbres, amnes inflati multis in locis alveorum marginibus superatis inundantes, retardassent, ob idq; Danubius se ipso largior atq; turgidior, minus idoneam aut tutam navigationem subeuntibus tot navigijs, onerarijsq; præsertim lintribus, præberet. Igitur Solymanus quinis castris diverso atque opportuno loco positus urbem circumplexus, tantam per omnes campos tabernaculorum multitudinem Viennensibus è sacra turre, quæ à media urbe ex-

cellissima atque pulcherrima structura exurgit, prospectantibus ostendebat, ut octona undiq; suburbani agri millia passuum occupare censeretur. Habraymus montem ubi castellum est antiqui operis desertum præoccuparat, unde non interiecto magno vallis spatio totâ urbem despicere posset, extratamen tormenti iactum. Becrambeyus autem confidebat contra Purgatoriam quam vocant portam, iuxta Sancti Vlderici templum. Tertia castra erant Michaloglis: quæ secundum acclivia montis ad templum sancti Viti latissimè extendebantur. Quarta erant posita ad Scotorum portam ad Danubi ripam pertinentem, qua in parte constitutæ furant Asaporum turbæ, quibus admiscebantur validæ Ianizerorum cohortes, quæ repentinè erectis munitionibus prælongis sclopettis rem gerebant, nec quemquam in muro Viennensium consistere patiebantur; adeo namque peritè glandes dirigebant ut pluteos perforarent, atque his appositi milites sternerentur, & sedulo collimantes destinato intra sagittarias fenestellas crebrò glandes conijcerent, & in statione pro corona consistere ausos vulnerarent: superfunderetur autem tanta sagittarum vis intra urbem, ut per regiones qui non essent geledi tanquam e cælo decidentibus sagittis gravissimè ferirentur. Cæterum Solymanus ad diui Marci templum prætorij vexillum erexerat, septus hortorum lateritijs munitionibus, & per Asapos actis cuniculis mœnium fundamenta subruere, & dolabris & vocibus non uno in loco muros præcidere iubebat: nam quum muralibus careret tormentis, ad id oppugnationis genus via rectior & potior videbatur, vel ob id præsertim quod magno Viennensium commodo accidit. Volfangus Hoder Possonio exiens cum iusto tormentorum apparatu expeditisq; copijs subeuntem adverso flumine Turcarum classem eo eventu aggressus fuerat, ut multa navigia minora demergeret, & lintres aliquot magnos, quibue maiora tormenta ad oppugnationem mœnium subvehebantur, perforaret atq; demergeret, & Turcæ amissis pluribus e numero sociorû navalium, multisq; militibus, qui classi præsidio impositi fuerat interfectis, insigni clade afficerentur, paucisq; suorû amissis Volfangus Possoniû victor rediret. Reliqua tamen barbarorum classis ubi Viennam pervenit, primo impetu pontes omnes præcidit & diruit: nam Danubius paulò supra urbem in aliquot partes diductus parvas efficit insulas, quæ pontibus iunguntur, per quos Austriana via in urbem dirigitur. Ea classis ita versus arcem constitit, ut neque terra neque flumine aditus ullus liber aut tutus exituris vel ingressuris relinqueretur, & si armatorum cuneis effectis portis erumperent, facile à barbarorum multisudine intra urbem cum detrimento retruderentur. Nam paulò antè Ioannis Ardechi equites vel egregiè pugnantes & splendidis muniti armis erumpere ausi, detrimento accepto, cum ab equitibus, tum à Ianizeris sclopetarijs reliquisque sagittarijs tanta perturbatione pulsi reiectique sunt, ut multis interfectis & vulneratis Volfangus signifer cum vexillo caperetur, qui non multo post à Solymano insigni donatus veste ad suos remissus est cum mandatis, ut ad deditionem præsidiarios milites simul & Viennenses cives hortaretur. Ipsum enim, si pertinacius resisterent, pro humanitate atque muneribus quæ offerebat, in omnem ætatem & sexum gladio sæviturum. Sed ea erat omnium constantia, ut nihil tanta multitudine hostium terrerentur, & probè se mœnia defensuros confiderent, postquam nulla hostibus esse muralia tormenta perspicerent, quibus facile murus quati atque perfringi

fringi posset, nisi Volfangus è Possonio navali prælio victor aliquot inusitata magnitudinis tormenta demersisset. Neque enim quæ barbari advexerant curulia tormenta campestribus potius prælijs apta, quam pulsandis diruendisque mœnibus idonea, nullam nisi in summa corona ad pinnas vim afferebant, videbanturque peritis tot ducibus Germanorum Viennæ mœnia tanquam ab imperitis architectis antiquitus structa, ob id magnopere inepta esse atque invalida ad sustinendam gravissimam tormentorum oppugnationem: quoniam rotunda & tanquam circino in orbem circumducto nulla extantioris prominentiæ propugnacula haberent, unde oppugnantium hostium latera per obliquos pilarum ictus feriri possent. Nam neque antea Ferdinandus à quoquam finitimo vim timens, neque Vientenses qui multis annis hostem non vidissent, muniendæ urbi curam intenderant, utpote qui nihil antea vel admovente Oberdansco de barbarorum adventu timuissent, vixque terrenam nequaquam densi aggeris munitione, quæ idoneam propugnaculi haberet projecturam crexerant, circa unam tantum Carinthie portam: alij autem in locis ligneas extantis podij modò casulas protulerant, ut inde nihil ab hoste conspecti defensores gravioribus sclopettis rem gererent. Sed his falconum hostilium crebris ictibus disiectis & deturbatis, aut perpetua glandium minorum grandine terebratis, totus penè murus propugnatoribus nudabatur. tanta quoque fuit temporis exiguitas, ut duces uti oportebat ex gleba cespiteque, altiora intus munimenta erigere nequirent. Ibi enim de more constitui debebant maiora tormenta: nam magno numero imposita currubus suppetebant, quæ longissimè hostium castra globos ferreos evibrarēt, ita ut illorum nullus esset usus, quod nullo alto stabilique propugnaculo collocari possent. Apparebat siquidem si in altiores aggeres educerentur, quos hodie propterea quod emineant & excelsi sint cabellerios vocamus, magna clade Turcarum castra posse affici: nam paulo ante duo Hispani Davalus & Aquileria tormentum mediocre quod mediam colubrinam vocant, in præalta mœnium parte, usitato ergatæ molimine funibus eduxerant, cuius ictibus aliquot hostium tabernacula prostrata fuisse spectabatur. Itaque omnibus labor totaque spes subruendi muri apud Turcas posita erat in cuniculis, qui tribus in locis subter fundamenta mœnium ducebantur, quorum operum sonitum sedulo auscultantes Germani, & quo tenderent telluris commotæ pulsu certis (ut alibi diximus) plenorum aqua pelvium & tympanorum militarium instrumentis deprehendentes, paribus cuniculis occurrebant, quando necesse esset tympana solo apposita, vel ex minimo terræ motu commota membrana palpitare: vasa autem pariter concussa tellure crispantem aquam ostendere. Ad hæc suspectis in partibus murum introrsus ingentium trabium tibicinibus effulciebant, ut casura extrorsus mœnia proruerent, uti tum accidit quum excitatis ab hoste cuniculorum ignibus ad Carinthiam portam magna pars muri tremefacta, incolumi tamen turre hisceret, atque extra prolaberetur, Turcæ præpediti ruina & confertim ingredi conati facile ab armata Germanorum phalange repellerentur. Nec multo post contra templum divæ Claræ proruens murus binis hiatis editis, sed his non omnino latis Turcæ ad irrumpendum invitarentur. & quanquam propter angustias tenui cuneo intrarent, cruentum tamen, sed suo maxime sanguine, certamen cum Germanis eius stationis contraxerunt, tanta barbarorum audacia constantiaque nostrorum, ut protectæ splendentibus armis co-

hortes faciliè inermem turbam hostium temerè proruentem, & cuspidibus se se ultro offerentem egregiè sustinerent: & quòd barbari essent numero impares, multos eorum confoderent, tergaque dare, & tumultuose regredi multis cadentibus cogerent. Triduo post atrocissimè dimicatum est, quum pars muri iuxta Carinthiam portam non longè à priorè mœnium ruina ita concidisset, ut Turcæ nostrorum phalanges in pomerio constitutas, paratasque ad pugnam excipiendam patenter ruina conspicerent, adorirenturque ardentibus animis, & abiectis demum utrinque sclopettis & arcubus ad gladios incurvos & prælongos enses Germanicos, quos ambabus regunt manibus, rem deducerent, quum eadem ratione qua Germani duces hortabundi phalangem promoverent, & Turcarum præfecti suos non verbis modò feroq; ululatu capessere pugnam, sed illatis vulneribus ad prælium compellerent. Certabatur omni genere telorū igneq; missili, sic ut nusquā acrius & periculosius hoc seculo pugnatum fuisse diceretur. Ambustus est Othingus nobilis regulus, & nonnulli pariter è barbaris ordinum præfecti: quoniam Asapis & Ianizeris equites ipsi dimissis equis suisque protecti scutis & incurvis armati gladijs equestribusque hastis audacissimè miscebantur. Ad extremum quum tribus horis esset pugnatum, Turcæ insigni detrimento accepto per easdem ruinas extrorsus præcipientes dati sunt. At Solymanus tot irritis & maximè cruentis suorum prælijs permotus, supremum immanium virium suarum conatum editurus, præfectos omnes advocat, acerbissimis castigat verbis, quòd parte propè victorie defuerint, ignavissimeque contra morem invictæ gentis à limine semicaptæ urbis (quòd pudeat viros fortes) pedem retulerint. Propterea confirmarent animos, & rursus ad renovandam pugnam corpora atq; arma pararent, ne dedecus admitteretur. Se enim putare turpissimum incepto abscedere. Proinde existimarent, aut egregiè in posterum diem expugnata urbe vincendum, aut ignominiosè pereundū. Ab hac atrocè denunciatione postredie, qui fuit idibus Octobris, supremo conatu redintegrata est pugna usque adeo terribilis, ut quum barbari agminatim per easdem ruinas in urbem irrumperent progredierenturq;, & densatas horrentesq; hastis nostrorū acies contemnerent, præeunte incredibili crepitantium sclopettorum procella, collato pede pugnaretur. Sed magno statim nostrorum commodo nonnulla maiora tormenta certis locis peritè disposita collibrataq; in proruentes Turcas emissæ sunt, tanta strage edita ut milites prodeuntium ducum imperijs & minis parere desinerent, & Turcico gladio interfici quàm Christianis tormentis sterni satius & melius arbitrarentur, atq; eo modo finis Viennensium periculus est impositus, & insolentis tyranni pertinacia fracta est, non dubia cū laude Germanicæ virtutis atq; ignominia barbarorum. Postero die Solymanus sibi discedendum multis de causis iudicans, captivos quosdam ornatos veste serica, pecuniaq; donatos in urbem remisit, ut ducibus Viennensium referrent, senò eo consilio obsessum oppugnatumq; Viennam venisse, ut urbem caperet, sed peculiari de causa, ut Ferdinandum hostē suum nancisceretur, quo cum de Pannoniæ possessione nobili prælio controversiam finiret. Verum postquam eum Viennæ non esse, & in ulteriorem Germaniam abiisse didicerit, moturum inde castra, & ad quærendum persequendumq; eum tanquā præcipuum hostem esse progressurū. Proinde ipsos rectè facturos, si sese dederent. Quòd si facerent, ipsum neq; ingressurum urbem, & Viennenses præsidariosq; eorum

incolumes salvis rebus servaturum, donaturumq; perpetua immunitate. Hæc Viennenses uti à barbaro propter desperatam urbis expugnationem prolata irriserunt, maximoque rerum discrimine se liberatos confessi sunt. Nam post tridie, qui fuit trigessimus dies obsidionis, Solymanus castra movit, tribusq; itineribus, & tribus maximis agminibus iter cœpit. nam Strigoniensi via, atque item altera, quæ ad Cranium Semilliricam regionem ducit, & tertia qua iter est in Bofsinam digressum est, ita ut Habraymus ultimo loco regij agminis terga clauderet, & classis totis Danubij ripis omnes commeatu, & reliquarum rerum facultates terrestri agmini suppeditaret. Verum à tanti hostis discessu, lætitiâ ingens perfudit luctus: quoniam supra sexaginta milia Germanorum capitum in servitutem abducta ferebantur, & magno Viennensium incommodo totus ager succisis vitibus & frugiferis arboribus scædè deformatus visebatur. Solymanus autem Ioannem Budæ constituit, beneficiariumque & amicum ex diplomate & solennibus codicillis appellavit, adiunxitque ei Gritum, ut ea pararent, quæ confirmando regno opportuna viderentur. Accidit autem (quod minimè prætermittendum videtur) tametsi barbari laudem respiciat, ut Solymanus Ioannem in eius tabernaculum cum proceribus Hungaris admissum impensè rogaret, ut Paulo Strigoniensi & Petro Pereno clementer parcere, & in pristinum gratiæ locum recipere vellet. Nam Ioannes ab eorum ingenij amicitiaque plurimum abhorrebat: quoniam illi fluxa fide sacramentique immemores idem quod sibi antea dum coronaretur officium Ferdinando præstitissent, tanquam desertores oblitique Hungarici sanguinis ad Germanos defecissent. Ad id clementiæ munus quum durior se ostenderet Ioannes, atque prædiceret eos propter ingenij levitatem præclaram malignitate cumulatam, nequaquam in fide permanuros, rursusque quæ deficerent occasionem priore tupiorem inventuros, Solymanus vocem paululum intendens non barbaro, sed optimo rege dignissimam, an tibi, inquit, in hac vita melius atq; honestius quicquam evenire posse putas, quàm si ex tua clementia, qui tui sint hostes ingrati apud mortales evadant, hoc est æterni ignominie probro notati, quum in te sempiterna probi & clementis animi laus mansura sit? Nec multo post instantis iam hyemis frigora timens infesta iumentis, camelisque præsertim calidioribus sub cœlo natis, iter cœpit ad Belgradum, atq; inde in Thraciam est reversus. Cuius discessus aliquanto maturior quàm sperassent homines, sicuti Cæsarem ingenti cura metuque liberavit, ita Florentinorum animos magnopere conturbasse visus est, qui nō ineptè speravissent Cæsarem suo permotum periculo barbaris occursurum. Quid enim ineptius atq; absurdius, quod ad existimationem eius pertineret, quàm proprias vires impia quadam obstinatione alieno atq; invidioso implicasse bello, dum Noricus ureretur ager, & Ferdinandus frater novo Pannoniæ regno pulsus, patriam suam dira incendia prospectaret, scilicet ut liberam civitatem, secus ac superiores Cæsares fecissent, urbes tyrannide oppressas liberare soliti, ad veterem redigeret servitutem? Quid porro ignominiosius Pontifici accideret posse, quàm Cæsarem retentare, qui peculiare deflagranti patriæ suæ subsidium afferre deberet, suoque ingenio publici periculi causam generosa voluntate, nisi sacrorum princeps religionis oblivisceretur, esset defensor? Sed vel in deiectis tanta spe animis, nihilo secius vigeat illa pertinax voluntas, ut omnes pacis conditiones abnuerent, quæ specioso susce-

ptæ libertatis nomini officere possent, nec tamen alicunde reperirent, vel privatis vel publicis consilijs, qua ratione diuturno resisti bello posset, postquam deserti ab omnibus socijs, oppugnatiq; constantissimis duorum maximorum principum viribus nihil de belli exitu dubitarent. Id verò fiebat quòd in civitate populares dominarentur, imperiti homines, uti paulò antè uti tantum mercaturæ dediti: peritis autem rerum, patritijsque præsertim & rectè sapientibus nullus esset in repub. locus, utpote qui is tantum optimus civis existimaretur, qui acerbissimè eos civium ordines, qui antea in administranda repub. valuissent, proscinderet, & de Pontifice insolentius loqueretur, sicuti paulò antè intemperanter evenerat in publicis concionibus quas in templis facun- dissimi quidam iuvenes ad populum habuerant, ut iuventutem ad capessendam institutæ urbanæ militiæ disciplinam hortarentur, qua civitatis dignitas & publica omnium salus constaret. His autem orationibus singulari assensu atque omnium commendatione exceptis unum id maximè petebatur, ut Mediceæ familiæ dominatus probroso nomine tyrannidis appellarent, eorumq; civium ordines, qui illius beneficia muneraq; sensissent, aut producti in curiam fuissent, tanquàm improbos adulatores, oblitosq; publicæ dignitatis difuse criminarentur. Sed unus ante alios Petrus Philippus Pandulphinus, præstanti quidem avo, sed vecordì patre genitus, furioso quanquam erudito orationis genere, usque adeo petulanter in Mediceum nomen est in vectus, ut quum in templo Laurentiano Cosmi pietate atque opibus ædificato, ubi sunt Mediceæ gentis sepulchra cõcionaretur, ad abolendam tyrannicæ stirpis memoriam templum illud decreto publico funditus evertendum diceret. Multo autem equioribus auribus auditus est apud sanctæ Crucis templū Baucius Cavalcantes. Is moderatæ & perelegantis eloquentiæ nervos intendens, quæ opus essent aptius persuaserat quàm nonnulli alij qui maledicentiæ frænalaverant. In his fuerat præter Pandulphinum Aloysius Alamanus poeta Etruscus, qui multum antè nefariæ coniurationis in necem Iulij Cardinalis susceptæ, quum complices capite pœnas dedissent, elapsus damnatusque diu exul in Gallia fuerat. His cohortationibus nō iuventus modò, sed tota civitas haurior atq; paratior ad tuendam libertatem reddebatur, ita ut eximium robur in urbana iuventute esse putaretur, quæ splendidis armis & divite cultu ornata sub singulis tribunorum vexillis instructa prodibat, & uti dux eorum Stephanus Columna iussisset, militiæ munera implebat. Certabatur enim quotidie, nec urbana iuventus contineri poterat, quin veteranis militibus, ubi periculum posceret, aut virtus digna verò milite ostendi posset, audacissimè misceretur. Aurantius porrò totum Urbis ambitum, qui est trans Arnū à Nicolai porta ad Fridianam lunato circuitu complexus, ita diversarum gentium castra castris perductis munitionibus coniunxerat, ut Florentinorū eruptiones perpetua statione militū, & tormentis aptissimo loco collocatis faciliè contemneret. Ita enim fiebat, ut quicquid mœnium à media divi Georgij porta, quæ editio- re urbis clivo erecta est, Hispani eruptiones hostium ex superioribus locis observarent: Itali verò ad ortum Solis usque ad Roscianam villam extenderentur, quæ excelso ædificio insignis clivoque imposita urbem ab orientali latere trans Arnū prospectabat. Germani autem paulò remotius in valle circa Baroncelliam villam constiterant, ubi erat forum rerum venalium, & Aurantij prætorium visebatur. Nihil tamen Aurantius tentandum de oppugnatione & pro-

& prolatis tormentis usquam quassanda moenia arbitrabatur, quod murus ad mirabili structura firmissimus, nisi longo labore, multoque sumptu atque periculo aperiri diruique posset, tot praesertim propugnatoribus, qui audacia numeroque praestarent ad omnes hiatus hostilemque impetum occursuris. A Giramonte autem tumulo quem maioribus instruxerat tormentis, eius munitionis frontem quam in Miniati templi horto erectam fuisse diximus, creberrime quassandam susceperat. Nam ab ea substructione lignea altior suggestus a Malatesta fuerat eductus, unde subiecta hostium castra verberari poterant frequentibus pilis multa cum pernicie commeantium militum. Nam ab ipsa etiam ¹⁰ fœra turre quæ cuncta prospectabat, uno atque altero falcone perite constituto a quodam Lupo Florentino qui turri præerat, diligentissime res gerebatur. Eam autem turrem demissis storijs duplicibus, densissimisque culcitris & lanarum saccis circumquaque munierat, ut immixtas pilas crassa mollitie obiecta obtunderet & eluderet. Nam ab Aurantio maiora tormenta in Giramonte constituta in turrem intentissime dirigebantur, quæ causa fuit ut minutis prælijs quotidie certaretur, & multi viri fortes interirent, in quibus fuerunt Bartholomæus e Fano Fortunæ spectatæ virtutis præfectus, & Iacobettus Corsus eximie promptitudinis centurio: e Caesarianis autem Cisca Pisanus & Bonifacius Parmensis. Vulnerati quoque plerique illustres, & in his Roscius ipse, Alexanderque Vitellius, quum recipientes sese Etruscos admodum constanter ²⁰ Mario Vrsino reducente, audacissime premerent. Ea autem erat natura vulnerum ut qui glandib. circa ossa paulo vehementius essent vulnerati, difficillime mori remeviderent, & multi longa plagarum sanie tabeque affecti, irritis remedijs morerentur. Propterea Florentini operam dabant ut ampliores militum manus mercede compararent: nam præter urbis custodiam, minora etiam præsidia reliquis urbibus atque oppidis quæ erant in potestate imponenda videbantur. Magno nanque ad sustinendam obsidionem usui erant, Pratum, Pistorium, & a Pisana via ad septimum lapidem Lastra castellum, atque inde Empolis, quod est medium Etruriæ mercatu celebre oppidum, quod antiquitus Emporium ³⁰ fuit, atque inde Pisæ, & sinistrorsum Volaterræ. Itaque pecuniam in stipendium Neapoleoni Vrsino mittunt. Is in agro Romano propter familiæ clientelas & opes erat potens, & seaversum a Pontifice, & Caesarianorum hostem profitebatur, numerumque earum quæ antea habuerat cohortium & turmarum auxerat, accitusque in Etruriam penetrare iuebatur. Cuius consilio cognito Aurantius Alexandrum Vitellium, qui eius transitum impediatur, in Tifernates suos mittit. Is diligenter exploratis hostium itineribus, coacta valida manu Tifernatium, Neapoleonis copias iuxta sancti Sepulchri oppidum improvise adortus paruo negotio fundit, ereptisque vexillis et exutos armis profligat, ita ut prope ipse Neapoleo caperetur, & Vitellius re bene gesta ad Aurantium rediret.

⁴⁰ Hisdem ferè diebus quibus Alexander Vitellius ad Umbriæ fines adversus Neapoleonem est missus, Stephanus Columna audaci suscepto consilio, ad invadenda hostium castra nocturnam eruptionem instituit, quod magnæ sibi gloriæ futurum apud cives, atque ipsum Galliæ regem, cuius auspicijs operam navabat, rebatur ipso id plurimum expetente Carduccio dictatore, si non defensuros modo moenia Etruscos, sed ingentibus etiam animis castra adoriri, prodireque in aciem ausuros ostenderet. Id facinus eo ordine silentioque constitutum atque initum est, ut cum Malatesta, paucissimisque tribunis re communi-

cata, nocti subobscuram noctē ex condicō tribus portis erumperent. Ioannes scilicet Taurini cohortes à cliuo diui Georgij, & Octauiani Signorelli à Catellina porta, quū his cōcepta pugna ex instituta tessera, vel ad faciundum impetū vel ad receptum signum daretur. Stephanus ante omnes à diui Nicolai porta magno silentio per mediam vallem, quæ est inter Rosciana villæ collem & Girammotem, vbi erant perpetuæ hostium stationes iter habuit, cum Ioanne Taurino præfectorum pugnacissimo, sexcentisq; delectis militibus, quibus adiunxerat Florentina iuuentutis cohortem. Hæc Almatini Pactij tribuni vexillum sequebatur, in quo Monocerus erat depictus, eo Stephani edicto, vt nemo longam hastam deferret, ne iter habentibus & in angusto pugnaturis impedimento forent, quod secures & lato ferro breuiora hastilia, quæ partisansæ appellatur, & prægrandes enses, qui ambabus reguntur manibus ad cædē faciundā habiliora putaret, nec sclopettos magno vsui fore arbireretur, ne a strepitu, quod esset præcipue cauendū, hostes excitarēt. Stephanus quū nemo hostium sentiente præterueheretur planæ vallis spatiū, in Sarre Columnæ cohortes impetum fecit, quod propter veteres similitudines in Sarram interneciuo odio deferrebat, tanto autem silentio, vt quum ex itinere ad compitū, cui Quinqviæ nomen est, excubias semisopitas extemplo oppressas iugulasset, ad Margaritæ Montichia templum ædificiaq;, vbi Sarranarum cohortium statio erat, peruenerint, adorti q; improuiso multos trucidarint, ægrè Smaragdo Parmensi tribuno inexpectatum hostium impetum angustiore in loco sustinente. In Sarra tum fortè ægri & absentis vices gerebat, atq; opem magnis clamoribus excitatis à proximo quoque præsidio petere, & suos magnoperè perturbatos conglobare contendebat. Accidit autem magno casu vt irrumpentibus per ædificia Etruscis, et multam cædem in obuios per tenebras edentibus, lanij cuiusdam castrensis stabulum rivulis postibus aperiretur, indeq; magnus gressuum cum ingenti atq; horrifono grunnitu prosiliret, tam graui atque inexpectato impetu per crura militum peruadens, vt oppugnantium cateruas perturbaret, & multo grauior pugnantium atq; opem implorantium strepitus augeretur, & ad ipsum Aurantiij imperatoris prætorij, & Germanorum castra, tanti tumultus terror dissonus & incertus, cunctis ad arma conclamantibus, peruaderet; atque accurrentium undique auxiliorum accensæ faces, appropinquantisque ipsius Aurantiij funalia spectarentur; aliquanto hercle maturius quam Stephanus crediderat. Nam hostes nequaquam ipsius inuadentis impetum, non ante seufuros putabat, quam duorum tormentorum geminatis bombis tessera his daretur, qui opportunè post contractum certamen in auersa & ad Montichiam vbi erat tumultus properantes, erant erupturi; quum ab ipsa sancti Georgij porta, vbi præparatæ erant Ioannes Taurini cohortes, & à Catellina, Octauiani Signorelli Perusina essent subsidia, quæ erumpendi signum expectabant. Itaque quum ab omnibus partibus ad arma conclamaretur, Stephanus non temerè veritus ne sibi reditus præcideretur, vti antea constitutum fuerat, magni cornus cantu receptui cecinit, multis quidem hostium interfectis & nonnullis etiam equis in reditu captis. Deceptus utique spatio temporis, nec parum præpeditus à porcis, nullo accepto incommodo in urbem rediit; non parua tanto ausu collecta apud ciues gratia, quum ad non inanem victoriæ spem, si pari successu primis iniitijs media respondissent, operam longè promptissimam ea nocte nauasse diceretur. Ab eo noctur-

nae trepidationis periculo singuli hostium duces iubente Aurantio, nequaquam
 apertis in locis, sed novis munitionibus circumductis, se adversus nocturnos
 diurnosque impetus diligentissimè consenserunt, sic ut in posterum audacissi-
 ma gentis vim atque solertiam minimè contemnendam esse declararent. Præ-
 erat Emporio Franciscus Ferruccius Florentinus, novæ militiæ laudem quæ-
 rens, quod Neapolitano bello apud Soderinum proquæstor fuisset, multum-
 que ideo apud Nigras cohortes versatus, reip. fortem operam, ut inde claresce-
 ret, præstare cupiebat. Is Lastram oppidum, quod diximus firmo validū mu-
 ro, iusto tuendum præsidio ratus, quoniam magno usui obsessæ urbi ad suppe-
 10 tendos comæatus iudicaret, eò cum trecentis militibus tres centuriones Mi-
 chaelem Angelum Paranium, Florivantium Pistoriensem, & Octavianū Ber-
 tinorum è rogata Gallia ea spe misit, ut eos continuo per ampla tormentarij pul-
 veris copia, & comæatu adiuturū promitteret. Sed ceturiones oppidum va-
 cuum temerè ingressi, confisiq; Ferruccij promissis, dum ea parant quæ ad de-
 fensionem opus sint, hostes contra se adventare cognoscunt. Aurantius namq;
 hisdem de causis, quod id oppidum opportunum hosti fore providebat, expu-
 gnandumque censebat, ad id munus Rodoricum Ripaltam cum Hispanorum
 cohortibus è castris misit. Tum verò centuriones, quos antea dixi constantia-
 nimo Hispanos muro scalas apponentes multis vulneratis repellunt. Quare
 20 per motus incensusq; Ripaltâ ab Aurantio postulat, ut sibi tormenta muralia
 submittantur. Nec ille petenti deest, mittunturq; cum tormentis muralib. duo
 milia Germanorū, quorū adventū murus quatitur atq; perrumpitur, Germa-
 niq; illac intrare contendunt, dum Hispani ad inferiore oppidi partē scalis rur-
 sus murum aggredierentur. Centuriones deficiente sulphureo pulvere, nulloq;
 comæatu adiuti à Ferruccio uti sperarant, animo perterrentur, nec intrantiū
 hostium vim fortissimè sustinent, sic ut abiectis fœdè armis, frustra; salutem
 deprecantes crudelissimè a Germanis trucidarentur. Ab Hispanis verò reliqui
 omnes, qui in inferiore erant oppidi parte, paucis vulneratis caperentur, & cē-
 30 turiores nō iniqua sorte in Hispanos incidentes, dedentesq; se equo militiæ iu-
 re, ab his demū se centenis singulis aureis redimerent. Dum Lastra quateretur
 capereturque iam perditis rebus, supervenerunt auxilia: nam Otho Montacu-
 tus cum vexillis quatuor peditum è Prato, & Georgius Sanctacrucius, et Ami-
 cus Arsula cum equitibus urbe emissi per Signinum pontem se ostenderunt, in
 quos tantus ab hoste impetus est factus, ut equites citata fuga cōtinuò se eripe-
 rēt eodē pōte et pedites intento cursu evadētes ad Montelupū, naviculis Arnū
 transire cogerentur. Amissa Lastra Florentini quod, uti supra diximus, Rama-
 zottus cum valida mōtanorum agrestium manu ex Apœnino se demiserat, &
 Florentiola oppidulo, Scarpariaq; castello occupatis, prædatum diversas suo-
 rum manus emittebat, quæ se in Mugellatum agrum usq; ad Vicum pagum, et
 40 illinc dextrorsum ad Barbarinū oppidum effuderant, & eos cōmeatus, qui in-
 ferri obsessæ urbi possent, intercipientant: ut tot malis aliqua ex parte obviam
 irent, Othoni Montacuto imperant: ut Prato copias educat, & operam det, ut
 quos nancisci possit ex his agrestib. opprimat. Secreto etiam monetur, ut Tre-
 biam villam Mediceæ gentis, quæ est medio ferè itinere inter urbem & Scar-
 pariam intret, atq; ibi Mariam Salviatam cum puero Cosmo filio comprehen-
 dat, quod hæc Iacobi Salviati esset filia, apud Pontificem summa autoritate
 vigentis, ideoque obses paternæ fidei foret, & puer uti populares dicebant, ty-

rannico sanguine progenitus tolleretur. Sed fata quæ consentientibus astris puero Etruriæ imperium destinabant, & vlla humani consilij malignitate præuerti non poterant, ab eo facinore Othonem auerterunt; siue quod suo pro ingenio parcendum puero iudicaret, quod sub Ioanne patre nuper ordines duxisset, siue eam villam valido quorundam veteranorum, & eius vicinæ magno agricolarum numero, quos Saluiata ibi aleret, falso teneri didicisset. Trebia nequaquam adita Otho sinistrorsum deflexit ad Barberinum, vbi nonnullos ex hostibus qui aliquantam pecoris prædam coegerant, improutus opprimeret. facile itaque evenit vt eos profligaret, & prædam relinquere cogeret, atque inde Pratum est reuersus. Sed non multo post Otho in speciem patratæ cædis in quendam ciuem Lutherij prætoris alumnum reus factus, re vera autem quod apud Trebiam vti iussus erat, Saluiatam cum Cosmo filio comprehendere noluiisset, & illi opportunè ad Scarpariam oppidum refugissent, tacitæ pœnæ loco captus tortusq; est, et inde in tetrum carcerem coniectus; quod octouiralis magistratus inuidiosum fore prospiceret, si de viro fortis nequaquam evulgatæ suspicionis crimine circumvento capitale supplicium sumeretur. Eodem hyemis initio Pyrrhus Stipicianus cum suis cohortibus ad solvendam obsidionem Peccioli oppidi in agrum Pisanum ab Aurantio missum cum Florentinis copijs bis improspere confligit; semel ad turrem quam diui Romani vocant, & iterum ad Martis pagum, qui est inter Palaïam vicum atq; Montopolim. Descenderat è Calphurnianis saltibus in Etruriam Hercules Rangonus, ab Alfonso Arestino cum valida equitum & peditum manu missus (nam is Hercules ipsius Alfonsi principis filij vices gerebat, quem paulo ante Florentini numerato stipendio conductum, eorum militum ducem summum appellarent); verum deterrente Cæsare in Pontificis gratiam, ne filium mitteret Alfonso, quum adolescens Hercules toto eo belli munere subtraheretur, quin copias mitteret tanquam acceptis iam stipendijs Florentinorum sacramento addictas, adduci non potuit. Itaq; Rangonius Ceccoto Tosingo Florentinorum legato adducente, & ex præsidijs Pisanis augente eius copias, Cæsarem Foroliuiensem, cum ala Aurantianorum cataphractorum Peccioli hybernantem obsederunt, tripliciq; certamine fatigatum eò planè iam perpulerant, vt diu hostium vim sustinere non posse appareret, quum aduentu Pyrrhi relicta oppugnatione perterriti ad Pontaderam se ita receperunt, vt postredie Pyrrhus excursionem facta magnam maioris pecoris prædam abigeret, & sequentibus diebus dispositis insidijs Ceccotus atque Rangonus cum satis patenti campo adepti immisis cataphractorum turmis facile funderent; quanquàm Pyrrhus indomito corporis atque animi vigore aliquandiu fortissimè restitisset. Capti sunt tres eius cohortium præfecti, quum multi ex eius peditatu aut caesi aut vulnerati fuissent; sic tamen vt non multos post dies à Pyrrho, qui apud Castellum Florentinum copias instaurarat, in eundem agrum redeunte a victoribus Hercules cognomento Brassichella Pisani sanguinis egregie fortis fusa eius cohorte apud vicum Furculas interficeretur. Secundo verò prælio (vt diximus) maiore aliquanto accepto incommodo, quum ad Montopolim se recipere posse credidisset, eo euentu profligatus est, vt quum Michael Montopolitanus qui rursus oppidanos a Florentinis rebellantes ad fidem redegerat, è cliuo cum armatis decurrisset, Pyrrhus qui pertinacissimè equestri prælio contenderat, in præpeditam fossam præceps propelleretur, vnde quum ad

salutem nullam sibi opem superesse conspiceret, relicto suo, qui tenaci voragine hæserat, atque alieno repente consensu equo, fuga se eripuit, quo casu Pal-
 lota Perusinus & Bartholomæus Spiriteus, nonnulliq; alij clari nominis præ-
 secti in potestatem Rangoni devenerunt. Nec multo post sub ipsum brumæ e-
 xitum magno luctu occupata est civitas, quod duos indyge virtutis duces, uno
 hostilis tormenti ictu amisisset. Nam quum in horti munitione, quam iuxta
 cenobium divi Miniati ligneis substructionibus erectam fuisse diximus, Ma-
 rius Vrsinus, & Georgius Sanctacrucius speculabundi prospectarent, è Gira-
 monte emissa colubrina quæ lateritiam columnam perfregerat, interfecti sunt,
 10 quorum mortē eò lugubrius luxit populus, quod eodē ictu accumulatis fune-
 ribus interiisset Averranus Petrinius, Etruscæ iuventutis formosissimus. Exe-
 unte anno, qui erat trigessimus à partu Virginis supra mille et quingentos, Car-
 duccius dictatura se abdicat, quod is honos promulgata lege prorogari nō po-
 terat, et successorī Calen. Januarijs esset ineundus, scil. ut tāta dignitas latius dis-
 pensata, propositaque ex æquo à pluribus peteretur. Suffectus ei est Raphael
 Hieronymus, quem è legatione Cæsaris redeuntē elevatis hostium viribus, se-
 narū in pristina spe tuendę libertatis, sustinendiq; belli prolixē cōfirmasse dixi-
 mus. Hic nō singulari tantū popularium studio adiutus est, sed mirifica etiam
 optimatum suffragatione, & præclaro assensu eorū civium, qui Mediceo no-
 20 mini addicti, honestā pacem potius quàm asperū & difficile bellū probarent.
 Existimabant enim pleriq; cives, Raphaelem nequaquā tanta duritiē acerbita-
 teq; qua dudū Carduccius se totum à cogitatione pacis subduxisset, magistra-
 tum gesturum, quod multis affinitatum necessitudinibus patritio ordini con-
 iunctus, publicū bonum popularium factioni præferre velle crederetur. Sed
 eum usq; adeo nova summæ potestatis insignia spe clarioris famę inflaverant,
 depravaverantq; eius animū quorundā amicorum malignæ cohortationes, ut
 facile omnium rerū, quæ publicam salutem respicerent, oblivisceretur, & sum-
 mum decus in obstinatione gerendi belli reponeret: exitioso quidem consilio,
 cum sibi uti evenit, tum etiam nonnullis alijs qui propter insanā pervicaciam
 30 abhorrentes à pace, dignas postea improbitatis pœnas dederunt. Sed dicta-
 tor ut declinaret invidiam importuni consilij sui rationes honestissimis sen-
 tentijs atq; sermonibus contegebat, eoq; simulantius, quod dudum apud Bo-
 noniam singulari cum laude Cæsaris, Franciscum Sfortiam Mediolani prin-
 cipem restitutum, Venetosq; item, qui Rhavennam & cerviam Pontifici red-
 derent, à Cæsare ex amplissima eorum legatione in amicitiam receptos didice-
 rant. Alfonso quoq; Atestinum Ferrariensium principē, qui sub fide pu-
 blica Bononiam venisset, totam ipsius de Regio Mutināq; urbibus cōtrover-
 siam ad arbitrium Cæsaris disceptatoris relaturū: Pontificem verò dexteritate
 ingenij & longa prudentia in rem suam opportunē prædiū, cuncta quæ vel-
 40 let ab ipso Cæsare impetraturum. Propterea Germanos Apœninū transisse,
 tirones Hispanos descendere in Etruriā, & tormenta maiora per Apœninū
 superatis asperrimis saltibus transvehi ad mœnia à duplici loco ferienda ape-
 riendaq; postquam nihil adhuc Aurantius è sua parte murum maioribus tor-
 mentis pertentasset. His adversis famæ rumoribus cives in universum admo-
 nebantur, ut maturē æstimatis periculis æquam pacem aspero bello facile præ-
 ferrent, ob id iam in coronis detestabantur id Carducci consilium, quo dele-
 ctis legatis, atq; his diu retētis, et postremo sine mādatis publici decreti missis,

Pontificem non impudenter modò elusissent, sed noua contumelia plurimū exacerbassent. proinde aduenisse tempus credere, quo legati mitti ad Pontificem deberent, quando Cæsar à nemine quàm ab ipso Clemente exorari posse crederetur, neq; ob id vllò piaculo ciuitas offendi posset, si à sacrorum principe ciueq; quem alias non inhumanum, sed beneficum experti essent, supplices iustam peterent pacem, eoq; demissius quòd eam necessitate potius quàm voluntate expressam peti appareret, ab his qui diuersis obsessi castris, & à Gallicis deserti, neq; à Venetis adiuti, nullā præterquàm à Dijs immortalibus opem expectarent. Quo fremitu populi adductus Raphael, quanquā cuncta eius consilia ad bellū essent destinata, vt certius ciuiū animos exploraret Nonis Ianuar. 10 vniuersum concilium indixit, vt liberis suffragijs decerneretur, mittendi ne essent legati ad pontificem. Coiuere mille et sexcenti homines, atq; in suffragium iuere, vsq; adeo in id decretum propensis animis, vt mille supra trecentas annicoloris fabas numerarent, eorum scilicet qui probassent, reliquorum verò albæ a bonis ciuibus irriderentur. Quod aduerso inopinatoq; suffragiorū euentu fractus atq; deceptus Raphael astuta præclareq; nefaria prævaricatione vsus decretum fieri vetuit, reiecitq; ad peculiare consilium octoginta virorum, qui id Consilium explorandæ tantum voluntatis, non conficiendi decreti causa vocatum, impudentissimè decepta republica iudicarunt. Hac actione dictator præclare extitit popularis, & sicuti apud bonos ciues intempestiue atq; leuissimæ improbitatis notam subiit, ita apud populares, quos vulgo ab infanabili pervicacia rabidos vocabant, mirè laudatus est. Alteram quoq; minoris inuidiæ labem suscepit, quum postulanti Malatestæ sceptrum & vexillum supremi militaris imperij insignia, atq; ornamenta, altera eius inchoati magistratus actione concessisset, contradicentibus multis, qui supremi imperij potestatem nondum planè explorato eius hominis ingenio, aut cautè, aut nunquam tribuendam censerent. Multa nanq; in ea republica, quæ tota popularis euaserat, rapidè & inconsultè fiebant, quæ sæuitiæ labes præcipuè apud rabidos & turbidos eius factionis, tanquam necessaria probabatur: nam capitale erat obloquētibus de eo Reip. statu, aut quoquo modo cōplectendæ pacis mentionem inducentibus, siquidem vel leuissima suspicione rei maiestatis facti festinato supplicio plectebantur. In his fuere Laurentius Soderinus, quòd literas accepisset à Baucio Valorio, qui in castris prolegato apud Aurantium Pontifici operam præstabat. Iniecto siquidem laqueo é fenestra latronum more præcipitatus est, & Ficinus Marsilij clarissimi philosophi nepos, quòd Cosmum Medicem, à quo vrbs admirandis ædificijs, templisque præcipuè esset adornata, iustum patris patriæ titulum meruisse dixisset, abscisis à carnifice ceruicibus, stulti proloquij, quanquam non inepti, pœnas dedit. Carolus quoq; Cocchus, quòd in corona dixisset æquum esse, vt in libera ciuitate cuncta belli & pacis consilia per omnes ciuium ordines dispensarentur, vt vno consensu ciuitatem liberam & libertatis iura tuentem sentirent & agnoscerent, intempestiue sententiæ, quanquam non iniquæ, capitali supplicio pœnam subiit: sic vt nec cucullato Franciscani ordinis, cui Rigogolo cognomen fuit, peperciant, quòd Pontificem alloquutus fuisset, imposito maiestatis crimine, quasi tormenta apud diui Miniati templum collocata clauis per spiramenta inditis confingere cogitasset, in ipsa cuculla miser sacerdos decollatus est. Quin etiam ab in temperanti odio in Mediceos, quòd ciuitati maxime pudendum, & hostibus pariter

pariter ridendum fuit, Antoniū Carasullam à veterē infania non infusum motionem, Mediceæ domus familiarem, in eum carcerē, qui Stincus appellatur, duci iusserunt, quod perambulando urbem, vociferandoq; comitantib; et ardentib; pueris, decuriones & ediles dixisset nunq̃ recte annonam curaturos, nisi Mediceorum instituta ad memoriā præsenteq; usum revocarent, qui vili pretio commeatū omnis generis coemendum in omnib; foris proponere consuevissent. Sed Carasulla quum traheretur à licitoribus subinde dixerat (quod diuturnæ ei calamitati fuit,) Neque vos apparitores, qui me invitū perducitis, propterea minoris pretij emptam, quam sesqui aureo nivei panis heminā comedetis. Nam tum maximè annona creverat, & magna obsoniorum in urbe penuria esse cœperat, ita ut milites opimi aliās convictus consuetudinē, ut stipendijs parcerent, ad Etruscam frugalitatem redigere cogerentur. Iam sese aperuerat annus, & vere novo utrinque milites segnitiam torpida hyeme conceptam, ita corporibus atq; animis discutiebant, ut minutis prælijs quotidie certaretur, & Florentini nihil intermittebant, quin circa urbē institutas munitiones perficerent. Nam sicuti suburbana ædificia, quæ tot sæculis condita à singulis portis extendebantur, miserabili consilio funditus everterant, antemurales pro portis aggeres extruebant, tormentis atq; præsidijs impositis, ne alicunde hostis ex propinquo tormenta subvecturus atq; oppugnaturus sese insinuaret.

30 Tormentorum namque omnem apparatus, qui per Apœnini iuga, præaltasque crepidines asperrimarum vallium advehebatur, in plana ad Campum munitum oppidulū pervenerant. Huic præsidio erat Petrus Velleius cum septem tironum Hispanorū cohortibus. Is totus apparatus qui genere, magnitudineq; & numero erat admirabilis, atq; ideo hostibus metuendus, magno fabrorū labore reficiebatur, quo iniquissimo itinere luxatis currubus & perfractis rotis, in præsens usui esse non poterat. Quibus de rebus fiebat, ut Florentini Pratum oppidum ultro desererent, & ad famam tanti tormentorū apparatus, magnus agrestium & novorū militum numerus ad Cæsariana castra conflueret spe prædæ; siquidem allekti non dubitabant, quin ad motis tormentis urbs caperetur,

30 & singulari tot gentiū obsidentium letitia diriperetur. Ob eandem causam Hispanorū vexilla septem, quæ Cæsare à Bononia in Germaniam profectiōē paratē sequi noluisent, proptereaq; iussu irati Cæsaris privati stipendijs, et cū ignominia à Vastio dimissi fuissent, sub Fesulano mōte cōfederant, ita occupatis pulcherrimarum villarū ædificijs se permuniverant, ut undiq; prædatū irent, & urbe egredi excurrereq; ausis è superiorib; locis insidiarentur, sic ut nemo lignatum prodire auderet sine certo militari præsidio, ut tum accidit quum lignatoribus Cruciana porta egressis, quæ tutiorem, quod esset maximè aversa hostibus, egressum habere videbatur, cruentæ conferendæ pugnae occasio præbita est. Ibatur namque secundum Arni ripas, & lævorsum in eos campos, qui à

40 coenobio sancti Salvij plana vocantur, ubi ante ducentos annos Henricum Cæsarem Florentinos oppugnantem castra posuisse memorabant. Exeuntium autem peculiare munus erat succidere passim virgulta, atque his fasces conficere quibus in cōstruendis aggeribus ad continendas glebas intermiscendo & coequando uterentur, simulq; iumenta quædā maioris pecoris, quæ ab agricolis in urbē coacta fuerant, in herbidos campos pastū educerent. Secundum hos binterneque militum cohortes præsidio ibant, ex militibus, qui ea de causa in urbe certis locis erant collocati, ut extraordinario munere, ubi opus foret, operā

navarent. Eo die id munus obvenit Anguilloto Pisano, & Frâncisco Bardo Florentino. Pisanus propterea quod à Roscio sub quo ordines ducebat, paulò ante è castro, quod nunquã antea acciderat, in urbẽ transfugisset, ipsi Roscio ita erat invisus, ut Aurantiũ iudicio turpissimę necis exitio destinaretur. Fortè autẽ ex-euntibus porta cohortib. eius vexillum conspectum notatumq; est à Cæsaria-nis, ipsoque præcipuè Roscio, qui trans Arnum è collib. cuncta prospiciebant. Nec mora Roscius Aurantium adit, occasione opprimendi Anguilloti adesse docet, si Arnum traiciat, & frequenti atq; expedito equitatu vagos hostes pa-tentib. campis adoriatur. Probat consilium Aurantius, accersitoq; Ferdinan-do Gonzaga, & subsequentib. multis ducibus atq; præfectis, intra tertium la-pidem contra Rapazanũ pagum, reperto vado traicit, bipartito hostes invadi imperat. Ipse ante alios galeatus patenti strata via defertur versus portam, reli-qua manus ad dextrã latiore flexu concitata hostes circumdat. Itaq; præciso fere in urbem reditu Anguillottus frustra composito suorum globo præliatur, equi-tes undiq; consurgunt, peditatumq; eius serò fugam meditantem consequun-tur, prosternunt, lateq; trucidant. Ipse ingenti ictu clavę ferreæ caput percussus, quum Ferdinando Vitello Neapolitano equitum præfecto se dederet, nec ui agnitus ab eo reciperetur, quod Vitellus cum ad subeundam perfidiæ carnifi-ci tradere infame sibi fore testaretur, Ergo, inquit, Anguillottus patere, ut hoc a te impetrem viro forti, scilicet ut tua potius quàm carnificis manu concidam: atque ita vir alioqui strenuus, quodam liberali misericordiæ genere, ingula-tus à Vitello occubuit. Eius verò signifer Cicchus Buteius qui unã transfu-gerat, quum iam deditus & captus esset, manu ipsius irati Rosci per illa trans-fossus interiit. In Franciscum vero Bardum humanius res gesta est: nam ipse cum sua cohorte penè tota captus, & persoluto redemptionis pretio dimissus est, quum milites armis tantum exuerentur. In eo improvisæ equestris pro-cellæ strepitu Ioannes Vincijs, portæ custodiæ cum sua cohorte præpositus, quod esset Anguillotto familiaritate coniunctus, opem ei ferendam existima-vit, desertaque porta ad Salviana usque plana progressus est, spectator editæ cædis potius quàm non serus circumventis & oppressis adiutor, magno qui-dem salutis suæ periculo: quoniam Malatesta è monte prælii commissi cumul-tum cernens, gravioresq; impetum inde facturos hostes putans, cum Zano bio Bartholino ad Crucianam portam advolarat, quam ubi desertam custodia reperit, magno iræ impetu accensus, in vectusque in Vincijs temeritatem, la-queum paravit, quo rediens Vincijs in porta suspenderetur. Sed is quum iam rediret de adventu Malatestæ atque eius iracundia admonitus opportunè se-celsit in Salvianum templum, conscensaque sacra turre tam diu delituit, donec Malatestæ ira deferveret, ignominia tamen propter admissum summi pericu-li facinus adempta ei est portæ custodia. Cæterum Aurantius Anguilloti & si-gniferi eius cædes satis expiatum eius transfugium ratus, nihil se ulterius promo-40 vit, atque eodem amnis vado in castra reversus est. Nec multis inde diebus ex-tra Pratensem portam equestri prælio certatum est, quum forte Aurantius & Vastius explorandi loci causa cum ala equitum amnem tranassent, apud eum vicum qui Lignarius appellatur, melopeponũ fertilitate insignem. Non enim longè ab eo vado munitio quædam perducebatur ad Germanorũ castra, quæ non multum inde aberant. Ab ea nanque parte mœnia latè speculati tanquam infirmiora expugnationi destinabant, ad eosque acciti propter eandem cau-
sam

fam Petrus Velleius, ipseque Ludovicus Lodronius, quem in loco Felicis Vi-
 tembergi discedentis Cæsar Germanis præfecerat. Hi omnes quum explicatis
 & discurrentibus turmis e summo portæ propugnaculo extra tormenti ictum
 prospicerentur, atq; ad eam portam Malatesta decurrisset, ipsius iussu Iacobus
 Bichius Senensis, quem Neapolitano bello inclaruisset diximus, in procursan-
 tes Hispanos repentinus erupit, nobilisq; a solis equitibus pugna edita est: nam
 sapius instaurato impetu cum utrinq; crescentibus auxilijs novæ turmæ pu-
 gnam capefferet, adeo acriter dimicatum est, ut unus ante alios Bichius albican-
 te crista conspicuus promptissimè dimicans, vel ab hostibus impense lauda-
 retur. Eo ardentis pugnae spectaculo ipsos Aurantium & Vastium in certa-
 men allectos atq; protractos ferunt, quod Vastij hasta corolla serica ad cuspi-
 dem redimita: illius verò pileus e purpureo serico villosus turbinatus, a pleris-
 que noscerentur. Sed eum pugna habuit eventum, ut Bichius pressus multitudi-
 ne incumbentium hostium maturè nec indecenter se recipere cogeretur, re-
 ceptusque intra portam cum galeam aperuisset, honestissimis accumulatis
 laudibus a Malatesta commendaretur. Eo die tanquam ex condito tor-
 menta quæ erant trans Arnum Olivetano in podio collocata, & quæ erant
 in superiore portæ propugnaculo cessaverunt, ut equitum virtus lætius &
 tutius utrinque spectaretur. Sed Bichius non diu ea laude honoreque læ-
 tatus est, quum intra paucos dies præstandæ operæ cupiditate incensus ab
 eadem prodijisset porta, vel negante Malatesta, ut ad eam quam diximus a Ger-
 manorum castris ad Arnum usque perductam munitionem excurreret, scilicet
 ut aliqui eo vado comiteatū in maiora Aurantij castra devehentes subito incur-
 su interciperentur. In eum siquidē equo albo vectū, hostes ab Olivetano agge-
 re falcone direxerunt & contorserunt, cuius pila dextrū ei crus abripuit, perfos-
 so & cadente equo, sic ut semianimem nonnulli equitum in pedes desilientes
 sublatum intra portā cum multo luctu referrēt: neque eo mortuo quisquam e-
 quitum æquē fortem operā postea Reip. præstasse visus est. Interim Florentini
 tot fortissimis intra paucos dies ducib. infelicitè amissis, crescentibusq; in dies
 hostium viribus, ac undiq; desperatis auxilijs graviter affecti, quod difficiliora
 sensim cuncta sibi obventura prospicerent, ita suspensis animis honestæ pacis
 nomen complectebantur, ut iterum de mittendis legatis mentionem induce-
 rent. Rebantur siquidem ipso Cæsare nondum Bononia profecto, æquā a Pon-
 tifice pacem se facile impetraturos; quoniam Clementis animus vel tot exulce-
 ratus ipsorum contumelijs, cohortante Cæsare, non inani Christianæ pietatis
 verecundia, & civili quodam pudore leniri expugnariq; posse videretur. Sed
 ad eam rem toties frustra actitatam, quum quisq; gravissimus senator facile re-
 curreret, nemo tñ quid in arcano animi sentiret, in consilio publico atque ipsa
 curia liberè proloqui audebat, propterea quod plerique cives privato adducti
 periculo pulicam salutem potius negligendam q̃ odium irritatis popularibus
 periculosa cum laude parandum iudicarent, tanto consensu ut quum mustarēt
 omnes, libertas ipsa non media in urbe quæ hoc inani titulo gauderet, sed in se-
 natu maximè quæreretur. Verum non defuit in Repub. honestissimus iuve-
 nis, qui eam animorum consternationem malo publico inter cives obortam,
 gravi facundia detestaretur, atque discuteret. Is fuit Philippus Melior probo
 ore, uti sibi licebat, quod esset suæ tribus collegij signifer, e suggestu apud
 senatum frequentissimum in hanc sententiam loquutus est: Sæpenu-

mero audiui, cives optimi, ab his natu maioribus qui authoritate prudentie in hac civitate maximè valuerunt, nihil in ipso imminentis periculi limine pernitiosius esse longa deliberatione, quæ exiguo temporis spatio circumscriptâ rectè sentiendi atq; opportunè agendi facultatem eripiat. Quandoquidem magno sit usui celeriter explicare & terminare consilia, quum necessitas urget, & in medio discrimine salutis ultima remedia deposcit. Propterea sicuti præclarè video animadvertoq; extrema nobis consilia incumbunt, vel ob id tractatu atq; explicatu duriora, quòd nullum mox ubi semel statuetueris salubrem habeant receptū. unde afflictis & difficillimis rebus nova subsidia quærantur. Alia namq; atque alia in consulendo disputandi & decernendi ratione uti oportet, quum occasionum & temporū singula momenta sapientes facile respiciat. Nam sicuti initia suscipiendarum & gerendarū rerum prolixè differendo, maturè apteque expendere, & media astrictius perfinire decet: ita demum ultima expeditis sententijs claudare, nec ullam quum maturè factò opus sit aggrediendo rei occasionem elabi sinere, saluberrimum existimatur. Disputatur hodie diverso consultantium studio, num è Repub. videri possit, si in hoc asperrimarum rerum statu positi, legationem ad Pontificem decernatis, qua si optare licet non iniqua conditione ea petatur pax, quam ab initio Cæsar negavit, nisi in eam Pontifex consentiret. Primum omnium non video cur decernere mittereque legatos in salubre sit, vel quod ad dignitatem pertineat, parum decorum: quandoquidem nihil melius, nihilque honestius esse possit huic civitati, quam animos sicuti bello invictos, ita à communi concordia non abhorrentes ostendisse. Optandum enim est ut hi qui nos pervicaces potius quam fortes, importunæque infantiæ vela instantes appellant, non semper obstinatè pertinaces & imprudentes existiment, qui à bellicosissimis gentium prope omnium copijs diu obsessi, pressique his malis quæ diuturnum affert bellum, sæva armorum pati incommoda quam de concordia cogitare malimus. Nam præterquam quòd mittere legatos & de concordia æquis conditionibus agere minime pudendum est, quum ad supremæ fortunæ potentiæque principes mittantur, etiam nobis non erit inutile cum Pontificis, tum Cæsaris intimos sensus pertentasse, & quod plerunque frequentibus colloquijs evenit, ad abdita eorum consilia exploratius penetrasse: quandoquidem de compositione æquis conditionibus agendo, nihil de nostro iure depereat, quum nullam omnino pacem ab his simus accepturi, nisi ea tuta honestaque sit, & integra libertatis iura discretissimè nobis reservet. Hoc enim legati qui non sint gravissimarum rerum imperiti, sed fideles probiq; senatores, sicuti vos diligentissimè lecturos arbitramur, ante omnia cavebunt. Neque putarim, nisi me studium & amor erga patriam fallunt, Clementem tam adversum à patriæ pietate, Christianisque legibus fore, ut quum iam ægerrimè tot sumptuum pondera sustineat, nihil nobis deracundia sua vetere, tristicique severitate remittere nolit. Quòd si ille etiam atque etiam obduret, nec Cæsar ipse quum in Germaniam cogitet proclivi ad concordiam ingenio sicuti suspicari licet, hoc bello se explicare velit, nec proinde ad pacem inclinè, nos certè hoc supremo legationis officio dignitati famæque nostræ satisfecerimus, atque eò alacriter & fortiter, quo nostra pietas & fortuna urbis ducat, ire contendemus, sic tamen ut extremos belli casus ultro minimè subeundos existimem, si pius erga patriam, nec omnino insanus civis esse velim. Nihil enim magis miserum & calamitosum nobis esse potest quam

quorundam consilium, qui nefaria crudelitate potius Saguntinorum & Campanorum exemplo, quum saluti suæ impiè diffidant, una secum universam civitatem miserabili exitu interire, quàm quoquomodo incolumem servare percupiunt, secus aliquando avorum nostrorum memoria Vbertus Farinata, vel hoc uno tantū generoso animi decreto civis æternis laudibus attollendus, qui vinci exilioq; mulctari, quàm ad excidium florentissimæ patriæ cum factiosis nefarijsq; civibus conspirare maluerit. Perorante Philippo non dubitavere patres, quod eius oratio tanquam à moderato, nec harum vel illarum partium vive profecta videbatur, quin legatos omnino mittendos decernerent. Sed ea præpedientium malignitas fuit, ut non hi quos negotij magnitudo flagitabat, sed levissimæ aliòqui authoritatis, verum egregiè populares homines legerentur. Hi fuere Aloysius Soderinus, qui nihil usque adeo gravi negotio dignum abusu rerum præter familiæ nomen præferebat, & Andreolus Nicolinus assiduus & diligens potius mercator quàm senator, atque item Robertus Boncius, quem iam pridem Thomæ Soderini socii propinquitas quominus enixe concordiae studeret, maximè suspectum faciebat. Hos ubi Bononiam pervenerunt, Pontifex quod nec satis dignitatis, nec satis industriæ, sinceraeque voluntatis & fidei in his conspiceretur, adeo contempsit, ut effusè rideret, quod ad se pro eximijs senatoribus mercatores, nec primæ quidem classis e Florentia misissent. Nam quod ad elevandam legationis existimationem maximè pertinuit, apparitores ministrique vectigalium Bononiensium, in ipsorum sarcinis nexi auri-filorum ad telas aureas texendas, magnam vim mercimonij causa, ut portorium subterfugerent, deprehenderant. Quæ calliditas in nepta negotio longè gravissimo, tanquam involuta tenuissimi lucri sordibus, eo validius ridenda fuit, quod nihil certi ad conficiendam pacem prolatis mandatis attulissent, atque ita Clemens ridente etiam Cæsare, mercatorum avaritiā atque imperitiā in maximarum rerum consilio periculoque, ad exiguam lucrispem revocatam stomachatus, sic pertinaciam insanix proximam exprobraret, ut inde non obscure explosi dimitterentur. Vbi verò domum sunt reversi, quod nihil omnino pepigissent, tanquam patriæ dignitatis egregiè memores atque constantes, ab ipsa factiosorum multitudine laudati celebratique sunt, gementibus bonis civibus, qui desperata concordia nullum nisi maximè funestum belli atque obsidionis exitum expectabant. Nec multos post dies ab insigni generosoque certamine Florentinorum quatuor iuvenum inexpectatæ celebratis spectaculum est editum, quum Ludovicus Martellius inter cives nobilitate insigni, ac corporis & animi vigore florentissimus, Ioannem Bandinū pari virium ac ingenij robore præstantem, quod in castris apud hostes esset, ex provocatorio libello hostem communis patrie compellasset, proptereaq; eum ad singulare certamen devocasset in arenam, ut ibi Marte iudice uter ipsorum honestiorem causam tueretur, ostenderet. Conditionem non abnuit Bandinus, dixitq; ei si Martellius sibi ascisceret in eam dimicationem focium, ei se parem hisdem instructum armis in stadium producturum, atque ita Martellius Danthem Castellionum præferocem ex tota iuventute virum delegit, cui à Bando oppositus est Albertinus Aldobrandus vix dum pubescens immoderati spiritus juvenis. Aurantius iuxta castra locum eis sub publica fide funibus circumseptum, triumq; gentium præsidio vallatum certantib. præbuit, quū pari numero e Germanis, Hispanisq; & Italis delectæ cohortes, pugnātes simul &

spectantes ab omni iniuria defenderent. Arma fuere singulis singuli militares
 gladij, neque aliud tegumentum præter unam in dextris ex lorica ferrea chi-
 rothecam. Dantes cui sorte ducta par Aldobrandus obvenerat, quanquam
 circa brachij dextri nervos primo congressu grave vulnus accepisset, hostem
 in se infano procursu ruentem ea impavidi animi firmitate sustinuit, ut amba-
 bus manibus gladium prætendens, in os incumbentis insereret, eumque evo-
 mentem cum sanguine animam extemplo conficeret. Contrario eventu pu-
 gnabat Bandinus: nam alternante fortuna Martellio supra oculum vulnus
 inflixerat, admirabilique iudicio & gladiatoriae artis peritia hostem eludens,
 adacto supra costas gladij mucrone victum & deditum fateri coegerat. Sed
 Martellium relatum intra urbem usque adeo gravis ex adversa sorte certami-
 nis occupavit dolor, ut angore potius animi quam vulnerum dolore morrem
 accersisse crederetur. Id certamen sicuti eximiam virilis constantiae laudem
 Bandino peperit, ita Danti par ferè decus attulisse videbatur, quanquam ille
 detractis spolijs, planeque integer & omnis expers vulneris gloriose victo-
 riae suae trophaeum præferret, & spectatores præclarum totius belli omen ac-
 ciperent, quod victis pariter atque victoribus non omnino lætum finem fu-
 turum arbitrarentur. Ab hoc alterne cædis singulari certamine Florentini va-
 rios in coronis serere sermones, accendi tamen ferè omnes ad sustinendum
 gerendumque bellum, tanta obloquendi libertate, ut non milites modò, sed
 ducem quoque ipsum Malatestam nimis longæ atque importunæ cessatio-
 nis convitio perstringerent. Non enim mœnia vigilanter tantum defendenda
 videri, sed audacibus consilijs erumpendo laceflendoque aliquam retunden-
 di hostis in spem universæ victoriæ occasionem aperiendam esse discitabant.
 Viros quippe fortes & pro libertate pugnantes, nullo vel difficultium rerum
 periculo terreri debere, quominus fortiter audeant, & tentata sæpe dubij Ma-
 tis fortuna non constantiae modò, sed vividæ virtutis famam ardentissime de-
 fendendam demonstrent. Non eandem siquidem esse obsessorum & obsiden-
 tium conditionem, obsessæ namque urbis opes ab immodicis stipendiorum
 sumptibus sensim atteri, absumi interim commeatus, et spes omnium infirmari
 ri, quum ex adverso obsidentibus nihil earum rerum omnino sit defuturum.
 Qua spe freti hostes nec admoveere tormenta audeant, nec murum usquam
 tentare velint, quòd perpetuas promptissimorum militum & civium cohore-
 tes fulgentibus per muri coronam galeis atque thoracibus perpetua in statio-
 ne conspiciant. Proinde ad existimationem cum externi præsidij, tum urbane
 militiæ tuendam, omnino conandum esse aliquid valida eruptione, ne mili-
 tum torpescant manus, studiaque populi languescant, et hostes cum viris lon-
 gè fortissimis æquissimæ causæ nomen tuentibus perpetuò se dimicatu-
 ros intelligant. His sermonibus non obscure offendeantur militum animi, uni-
 versum totius suæ rei censum ad unum decus bellicum referre soliti. Sed multò
 magis hæc evulgata intemperanter Malatestæ nomen lædebant, ita ut non o-
 mnino devoranda existimaret, palamque diceret, nequaquam ea ratione qua
 imperitus populus censeret, sed ea qua probus nec incautus imperator utere-
 tur, urbis salutem defendendam, atq; ita vociferando intempestivas populi
 voces redargueret. Sed idem decurionum, reliquorumq; magistratuum erat
 sensus, præcipuaque omnium experiendarum virium voluntas: quam quum
 dux prudens frustra improbando damnandoque diutius sustinere non pos-
 set,

set, postulantibus militibus, ut id impetrari pateretur, eruptione certare constituit, severè proloquutus ad id se invitū trahi, quando hostium munitiones non modò non expugnari, sed nec sine maximo detrimento tentari posse testaretur. Existimabat Malatesta nequaquam absurdis rationibus impetum ad castra Hispanorum esse faciundum, ut acerrimæ & pugnacissimæ gentis vim experiretur, opinionemq; de eorum virtute latè conceptam aliquo illato detrimento apud Italicos milites elevaret: quod, accidere posse rebatur, si tribus uno tempore prælijs trina eruptione facta eos munitione loci confisos, & nihil tale timentes adoriretur. Neq; enim antea Hispani superioribus prælijs ad Giramontem factis sese immiscuerant, nisi per extraordinarios excurrentium manipulos: quoniam diversissima in parte essent constituti. porta nanq; divi Georgij, quæ est in excelsa collis supercilio iuxta editissimum aggerem, quem Amicus Venafranus suarum cohortium peculiari præsidio tuebatur, Hispani longo tractu occupatis villarum ædificijs usq; ad Olivetani cœnobij montem extendebantur, despiciebantque urbem è perpetuo colle, eoq; præsertim, cui Scopeto nomen est, & divi Donati templum habet, adeo Catelinæ portæ ex propinquo imminentes, ut muri corona colli subiecta, non plus quàm ad teli iactum distet, sic ut perpetuis munitionibus obsessa Romana via à Catelina porta, & Pisana item via, quæ initium habet ab ipsa Fridiana, quæ occidentalis est, cuncta complecterentur: ipsis porro Hispanis in tergo ad meridiem Germanorum castra apud Auranthi prætorium essent, & Italicæ cohortes ad diversissimam ab oriente divi Nicolai portam iuxta Arnem perpetuis custodijs obtinerent. Cæterum Venafranus, qui à suo latere Hispanos aggredi distine-
re; iubebatur, imposito muneri adesse non potuit, quū fortè eo die à Stephano Columna propter contemptum superbis verbis sui nominis decus infra Miniati templum fuisset interfectus. Neq; enim signifero sui præfecti inopinata cæde perterritus animus fuit invadendi hostis, qui in Venafrano excellens proculdubio, & maximè efficax futurus sperabatur. Sed Malatesta nihil eo casu permotus Catelina porta Octavianum Signorellum inter Perusinos præfectos nobilitate virtuteq; facile principem erumpere iubet. Hunc consequantur pugnacissimi minores duces, Binus Mancinus, Blasius Stella, Raphael Orbetanus, Prosper Cornea, Marguthes Piccininus, Caccia Altovitus, Hadrianus Cauda, & Paulus Corfus, qui intrepidè strata via inter procellam glandium dextrorsus evadentes, in collem cum Hispanis terribile maximeq; funestum certamen contraxerunt. eodemq; puncto temporis à Fridiana porta erupere cum suis cohortibus Bartholomeus Montanus & Rodolphus Assisius, qui in lævam flexi ab Olivetano monte cum Hispanis à tergo sese ostendentes ingenti ausu, impressioneque novam inière pugnam, sic ut Hispani & in fronte sustinere hostem, & in tergo ancipiti periculo dimicare cogerentur. Sed his magno fuit præsidio Baracanis Cantabri mira constantia, qui eo die solertissimi ducis, & fortissimi militis munia implebat. Nam cohortatus est suos, ut impigrè consisterent, inveteratæque virtutis ante partum decus adversus collectitios milites, urbanamque turbam tueri veilent. Itaq; coeuntibus ad vexilla undiq; Hispanis, & sclopettis egregiè rem gerentibus, adversariorum impetum constantissimè sustinebant, tantusque erat sclopettorum strepitus, & tantus volitantium glandium stridor, ut multi undiq; caderent, & longè promptissimi, qui intrepidè pugnam capellerent, vulnerarentur.

Ad eum ardentis praelij tumultum excitus imperator Aurantius proximas Italico-
 rum cohortes Andreae Castalij laborantibus Hispanis subsidio mittit,
 tormenta produci displodiq; in hostes iubet, & Germanicam phalangem in
 ipsa Romanae viae latiore area constituit. Ferdinandus quoq; Gonzagalevis
 armaturae equites inter Marignolae pagi campos, & Scopetum montem indu-
 cit, ita ut amplissimi iustiq; praelij apparatus, & à castris, & ab urbe conspice-
 retur. Nec Malatesta quanquam infirmo atq; imbecillo corpore, animo tamen
 adversus pericula indomito, & egregie provido, laborantibus suis decras, quā
 opportunè fessos & sauciatos reciperet, & novis atq; integris cohortibus pu-
 gnam saepius instauraret, quando nulla ex parte Etrusci vel in summa loco-
 rum iniquitate quicquam Hispanis de virtute concederent, donec Baracanes
 glande traiectus occubuit. Nam tum Etrusci veluti redintegrata victoriae spe
 ardentius incubuerūt, sic tamen ut pari propè virtute Rodericus Ripalta, Ma-
 cicaus, & Buccanigra mirificè resistentes Etruscos sustinerent, & mox acce-
 dentibus Neapolitanis Castalij vexillis, loco pellerent, & per deiectus mon-
 tis summos urgendo deturbarent. Quibus suorum atque hostium casibus
 animadversis Malatesta, quod multi cecidissent, plurimique essent vulnerati,
 receptui cecinit, atq; ita nihil iam tormentorum muralium metu, persequentibus
 Hispanis praelium diremptum, quo nullum eo bello cruentius editum fuisse
 constat. Nam utrinque quingenti ferme milites ex fortissimorum numero
 desiderati sunt, multi porro vulnerati mortiferis glandibus. Ante alios autem
 Octavianus Signorellus, quum se recepisset ad portam, & fessus longo prae-
 lio equum conscendere vellet, crassiore ictus glande occubuit, & secundum
 eum medio in certamine interfecti sunt Fantaccius Corsus, & Giubbonarius
 Ferrariensis eximiae fortitudinis cohortium praefecti, atque item Ludovicus
 Machiavellus Nicolai Florentinae historiae scriptoris filius, quum cohortis si-
 gnum gestaret, Petrusq; Pactius eximiae nobilitatis civis. Septem quoq; clari
 nominis centuriones graviter vulnerati discesserunt. Apud Hispanos autem
 praeter Baracanem ipsum Cencius Neapolitanus Castaliae cohortis praefectus,
 dum laborantibus suis opem ferret, interfectus est. Multi autem & in his duo-
 signiferi mortiferis vulneribus affecti sunt. Malatesta in urbem rediens Octa-
 viani mortem, & totum eius cruentae pugnae detrimentum, eo animo vultuq;
 ferebat, ut renidenti fronte obvios interrogaret, an cupiditati ipsorum incon-
 sulte pugnam poscentium planè satisfactum putarent, postquam quantum
 posset loci iniquitas, & quantum veterani externiq; militis dextrae valerent,
 facto periculo didicissent. Tantū vero abfuit ut hoc irritum adversoq; prorsus e-
 ruptionis conatu, vel civium vel militum animi perculsi aut imminuti sint, ut
 cōstans opinio vulgaretur, Etruscos, qui praestantissimis animis eruperāt, ex-
 cellentiq; virtute dimicarent, aut insignem victoriam relaturos, aut singulare
 detrimentum non Hispanis modo, sed reliquis etiam hostibus illaturos fuisse, 40
 si ab altera parte sicuti fuerat constitutum, Venafranae cohortes erumpendo
 parem operam praestitissent, nec subeuntium è reliquis duabus portis acerrimum
 initioque felicem ascensum, una potius locorum iniquitas, quam hostium
 virtus importunè retardasset. Quo animorum habitu fiebat, ut cives
 neq; praeclearius studium ostendendae virtutis in praesidiario milite requirerēt,
 neq; in Malatesta efficacioris animi atq; operae officia desiderarent, quando il-
 lis, qui pro dignitate Etrusci nominis dimicando ceciderant, decreto publico
 iustus

iustus exequiarum honos haberetur, & dux amplissimis honestaretur laudibus, vel ob id præsertim quod certissima ratione usus, ea quæ parum secundè venerant, rectè providendo præsensisset. His de causis quod instantia ad certum diem stipendia nisi ingrati viris fortibus, & de Repub. benemeritis protrahi nequirent, dictator ab inopia ærarij, & quod iam esculentarum rerū gravis penuria sentiretur, perturbata mente, elisaq; penitus religionis & pietatis ratione, ad id decretum, quod antea à Carduccio inductum fuisse diximus, invidiosum utique bonis omnibus atque nefarium descendit, quod è fanis cuncta donaria tolli atq; divendi iuebantur, inter quæ præter auream crucem prægrandibus gemmis ornatam, quæ erat in delubro divi Ioannis, etiam fuit mitra illa insignis pretiosissimis redimita gemmis, à Leone Pontifice pari liberalitate templi maximi altaribus dicata consecrataq;. Sed nemo ferè reperiebatur qui ea ornamenta profanis manibus attrectare vellet, & Bernardus Baldinus gemmarum estimator peritissimus, id impij nominis officium se præstare posse pernegaret, nisi alienis manibus violato sacrario detractæ gemmæ ipsi æstimaturo proferrentur. Sed in mora non fuit Leonardus Bartholinus ad id à Raphaele missus, qui impia voce, uti erat omnis religionis contemptor, sacrarij armaria sublati avidè donarijs, vel inhorrescente trementeque ædituo perfregit. Per eos dies magna Decemviros incelsit cura de retinendis, defendendisq; ab hoste Volaterris: nam eius civitatis animos alioqui fideles, suspectos habere cœperant, quod principes civitatis, inter quos eminebant è Maffea familia Mediceo nomini addicti Marius vir sacratus, et Paulus eruditæ elegantia studiosi homines sollicitarentur ad defectionem ab Alfonso Piccolomineo Amaphiltano regulo, qui Senis educta equitum & peditum manu post redactam in deditionem Cæsarianorum Florentine ditionis oppida, ipsumq; in primis Collem et Sanctogeminianum: in Volaterranum etiam agrū excurrebat, ut direptione iacturaq; rerum suarum permoti cives à Florentinis ad Pontificem rebellarent. Quo tempore Covonus Florentinus prætor Sanctogeminiano à Cæsarianis pulsus cum præsidio quatuor cohortium Volaterras se recepit, ut fidelium confirmaret animos, & nutantes in fide à consilio defectionis præsentimanu deterreret. Confederat extra urbem in suburbanis tectis. Dum verò de confirmanda civitate multis alloquutionibus ageret, furto quodā dum se recensurum copias simulat, in urbem irrepsit, continuoq; ascendit in aream curiæ, ubi decuriones advocatis in consilium primarijs civibus de Repub. consultabant. Primo impetu Covonus Volaterranæ iuventutis cohortem, quæ in area stationem habebat, hostili facta invasione deturbat. Quo tumultu duo gemini fratres interficiuntur, & nonnulli vulnerantur. Exinde ipsos decuriones occupata curia obsidet, eamque in potestatem redigit. Id insolens factum non tulere Volaterrani, & ut sunt militari ingenio ferè omnes, stirpe ducta à vetere Romanorum Colonia, qui Syllanarum partium fuerint, ex templo arma capiunt, fenestras saxis onerari iubent, aditusque viarum interseptis trabibus præcludunt, magnaq; armata multitudo Covonianos in curiam confugere cogunt. Eo armorum strepitu Covonus perterritus certis conditionibus pacem impetrat. Hæ fuerunt, ut cohortes dimitteret extra urbem. Paret Covonus, ex temploq; Gorium Montebenicium qui geminorum fratrum cædem fecerat, atque item Paulum Corsum cum suis cohortibus urbe egredi iubet, reliquas duas Tincto Battifolio, & Hercule Pisano ducibus pau-

Iō post cives adeo infensis vultibus urbe extrudunt, ut signiferi involutis vexillis, & milites hastas inversa cuspidē verrentes solum traherent, quod ignominiosum militiæ habetur. Cæterum Volaterrani uti planè castigata Covoni arrogantia Florentiam perscribunt, excusantes urbanum tumultum nequaquam ipsorum culpa, sed malignitate Covoni excitatum, prolixè pollicentes se in veterē fide permanfuros, si in Covoni locum improbè prætoria potestate abutentis, alium honestum atque æquum civem summitterent. Itaque Decemviri non mediocriter Covoni insolentiæ succensentes, ei Bartholum Tedaldum sufficiunt. Hic Pisis profectus adduxit quatuor peditum centurias, quibus præerant Franciscus Brocca Corsus, & Alexander Monaldus, & Muggellanus cognomento Fortuna, atq; item galeatorum equitum alam duce Amico Arsula Romano. Adventantem Tedaldum Volaterrani egressi honoris causa alacriter susceperunt, atq; eum cum paucis ea conditione introduxerunt, ut cohortes atque alarios equites apud suburbana tecta relinqueret. Eo fortè die Pyrrhus Stipicianus ad Cecinam usq; amnem advenit, & cum expedita equitum & peditum manu prædatus agrum, magnū numerum maioris pecoris abegit. Quo tumultu ad urbem perlato, Volaterrani ut prædam hosti eripiant, erumpunt, et secundū eos eodē itinere pertendit Arsula. Committitur leve prælium cum Pyrrhi sclopettarijs, quos ille cū præda antecedēs de industria in insidijs collocarat. Sed Arsula maiores insidias veritus, neq; temere volantibus glandibus equites suos obijciens, vel obnixè orantibus Valaterranis, ut continuato cursu unā persequi hostes vellet, insequendi finem fecit, utriusq; post cum suo equitatu & dimidia parte peditū discessit, Covonum semicaptivū ad dicendā causam ad Decemviros perducēs Empolim primò, & mox Florentiam est reversus. Sub id tempus Alexander Vitellius in Volaterranum agrum hostiles incursiones fecit, sanctiq; Dalmatij oppidum, & Villam magnā, ac nonnulla alia suburbana oppida manu cepit atq; diripuit, perperuisq; illatis detrimentis, quum etiam incendijs grassaretur, eò Volaterranos compulit, ut amicè secum in spem futuræ deditiois paciscerentur: nam ad eum è civitate legati missi Villam magnam pervenerant. Quibus cognitis rebus Tedaldus, quum suspicaretur cives gravi rerū suarum detrimento compulsos ad hostes omnino defecturos, cū reliquis militibus suis, incolisq; cunctis Florētini nominis in arcem se recepit, moxq; tormentis maioribus urbem quatere cœpit, infestiore aliquanto, atq; acerbiorē animo in perniciem civitatis, quā paulò antea Covonus, concepti odi iracundiam effundens. Propterea cives frequentibus circa tecta affecti incommodis, & contumeliæ indignitate permoti, Baptistam & Carolū Borghesios fratres Senenses patritios stipendio conducunt, arcem obsidere & circumvallare instituunt, accitur etiam ipse Vitellius, qui peritè doceat, quibus operibus eruptionibus hostium resisti possit. Eo autem postea discedente Volaterrani prætorio nomine potestatemq; Thadeum Guiduccium Mediceæ factionis probum civem, in locum Roberti Acciaiolij suscipiunt. Robertus enim præstantissimæ autoritatis inter Florentinos cives, qui insolentium popularium vim impotentem timentes, spontè patria excesserant, paulò ante se conciliatorem inter Volaterranos atq; Vitellium obtulerat, transactaq; pactionis testis interfuerat. Exinde Volaterrani, Tedaldo nihil iracundiam suam remittente, sed asperrimè tormentis domos perrumpente, ad Clementem legatos decernunt, qui Bononiam pertendant,

tendant, & ab eo maiora tormenta, quibus arcem evertere possint, expositulenti, obtineantque obiter à Pontifice honestissimas deditiōis conditiones. Nec multo post curavit Pontifex ut quinque muralia tormenta navigio è Genua ad vada Volaterrana devehrentur. Dum hæc Volaterris tam stulta Bartholi arrogantia, quàm peracri civium pertinacia gererentur, Ferruccius qui Empolitano præsidio præerat, de Volaterranis rebus magnopere sollicitus esse cepit, quod eo à civibus accersitum Vitellium, & arcem circumvallatam cognovisset, quanquam Vitellius postea in urbe minimè permanserat, quum dealendo persolvendoque præsidio cum civibus sumptui facile parcentibus

nequaquam convenire potuisset, ideoque esset ad occupandum Pistorium profectus, quò itidem à civibus Panciatie factionis adversus Cancellarios Guelpho nomini impensè faventes, fuerat vocatus. Propterea Ferruccius Decemviris perscribebat Volaterranæ rei tumultum minimè negligendum videri, quod iam planè cives ad Pontificem rebellassent: proinde si ipsis è Repub. fore videatur, cum valida atque expedita manu eo se advolaturum, atque ea initia defectionis celeriter oppressurum. Id verò se præstare non posse, nisi successor novo cum præsidio sibi è Florentia summitteretur. Re ad consilium delata, quod magno ad universi belli victoriani momento sibi futurum credebant, si Volaterras urbem natura munitissimam omnino recuperandam censerent,

continuo utendum Ferrucci viri strenui atque peracris opera, eique præsidium mittendum decernunt. In id decretum valde proclinatorum dictatorem fuisse apparuit, vel privata de causa, quod duas filias, quarum alteram Bardo Altvito, alteram Vincentio Thadeo nuptui dederat, in Volaterranam arcem ab initio belli tanquam procul ab armorum strepitu futuras, confugere iussisset. Putabat etiam sui privati decoris, & publicæ dignitatis fore, si arcem obsidione liberandam statueret. Mittitur itaque Ferruccio successor Andreas Iunius popularis factionis civis, & cum quinque vexillis una eunt Nicolaus Strozza, Speronus Borgenis, Nicolaus Saxoferratus, Ioannes Scuccula, & Balordus strenui cohortium præfecti. Hi magno silentio & per obscura nocte urbe egressi, elapsique per medias hostium stationes, quum diu errassent, quod militaris via vitaretur, nec facile per invios calles & inculta loca expeditum iter haberent, sub auroram ab hostibus cōspecti sunt. Ad quos persequendos Ferdinandus Gonzaga equitatum eduxit, persequutusque per aspera obsitaque virgultis & vepribus loca, aliquot eorum ad Pesæ amnis vadum interfecit, & in his Nicolaum Saxoferratum dum agminis terga constantissimè tueretur, ac nisi densata acie se proripientes, & sclopettis arcentes equitatum, cui præpeditum undique arbutis iter ad incurrendum aperta spatia minimè præbebat, fessi longo itinere ad villam turratam, quam Frescobaldiam vocant, se contulissent, proculdubio ab equatu consecrante, ad unum omnes deleri potuisse

constabat, quanquam ea vis equitatus multa inde non equorum modo, sed virorum vulnera à sclopettarijs retulisset. Nam Ferdinandi ipsius & Roscij à sancto Secundo reguli, equi nobiles vulnerati sunt, & Nicolaus Crisia Epirotarum præfectus, cui Capiti nigro cognomen erat, fuit interfecit. Quum ad Frescobaldiam equites persequendi finem fecissent, Etrusci cum singulari Strozze ductis laude toto eo liberati periculo, nemine postea lacessente, Empolim ad Ferruccium pervenerunt. Nec multo post Ferruccius Iunio successor opipidi custodia obnixè commendata, relictoque ibi cum aliquot cohortibus Pe-

tro Orlandino, Tincto Battifolio, & Vrbeo Casentinate veteranis peditum præfectis, Volaterras iter intendit, adducens secum bellicosos delectarum cohortium duces, quarum signa paulò minus duorum milium peditum summam continebant: equitum verò præfectos Amicum in primis Arfulam, & secundum eum Gerardum Gheradeschæ comitem Pisani sanguinis, & Musaccinum Epiroticæ stirpis, quorum omnium ex turmis ducenti amplius galeari equites recensentur. At Volaterrani qui hostis Ferrucci aduentum nequaquam maturè præferant, ubi signa eius conspexerunt, levi commissa pugna cedentes, eo consilio confestim in urbem se recepere, ut postquam imparati viribus instructa acie advenientem ascensu prohibere non poterant, munitiones saltem institutas impositis custodijs defenderent. Ferruccius itaque præmissis equitibus ad arcem ascendit, vixq; semihora ad quietem qua tentarent militibus concessa, quum frustra per tibicinem decurionibus, nisi extemplo se dederent, ferro atq; igne urbem vastaturum denunciasset, atq; illi tantæ rei decretum ad maius consilium referendum responderent, instructis ordinibus per diversas regiones ad expugnandam altiore munitionem descendit, tãto impetu ut milites, quos longi itineris labore fessos segnius subire prospiciebat, vulneribus inflctis pugnam capeßere cogeret, & tanta contentione ad munitiones utrinq; pugnaretur, ut neq; acrius Ferrucciani, neq; constanter Borghesij cohortes admixtæ civibus dimicare posse censerentur. Nulla alia res magis Ferruccium perpulit, ut non plenè recreato milite subita eruptione pugnaret, quàm inopia commeatus, & venturi Volaterranis auxilij metus. Protractum est certamen ad mediam ferè noctem adeo varium, atrox, & cruentum, ut quum Ferruccius ædificia propinquiora arci coniectis facibus incendi iussisset, mulierum ululatu & pugnantium clamore horifonum atque terribile redderetur. Sed Ferruccius rem obtinuit, potitusq; summa urbis parte, & expugnatis munitionibus divi etiam Augustini templum occupavit, in quo hostes sclopettis rem gerentes ex occulto multos interfecerant, eo eventu, ut nonnullos cives, & in his circiter quatuordecim milites Hispanos, qui sub Borghesij vexillis militabant, caperet, atq; inusitata crudelitate in tetrum carcerem coniectos enecaret fame, & demum ad ignominiam gentis eo modo enectos laqueis ad pinnas arcis suspenderet, quod se ab ea gente Neapoli captum atq; inhumaniter cruciatum fuisse prædicaret. Desiderati sunt eo prælio ex utraq; parte æquato ferè numero circiter trecenti: vulnerati autem multo plures, & quod longè gravissimum fuit, amissa sunt ea tormenta, quæ è vadis pridie in urbem ad expugnandam arcem fuerant advecta. Sequenti die Volaterrani quarta ferè urbis parte etiam tum ardente, uti nusquam restinctis, sed annexa quæq; populantibus incendijs, & multa item suorum cæde terrefacti, ac desperatis auxilijs impetrata salute incolumitateque rerum ad fidem pristinam Florentini imperij redierunt, sic ut pleriq; ex ditioribus cives, et ante prælium factum, & post concessam hosti patriam urbe profugerent, metu scilicet gravioris incommodi: nam Ferruccius crudeliter & immodicè victoria utendum adversus rebelles ratus, atrocissimè se vire cœperat, id maxime deposcente Tedaldo prætore non immiti modo, sed implacabili, qui privatæ iniuriæ suæ contumeliam publico civitatis excidio vindicare properabat. Ante omnia siquidem quum Borghesium cum suis cohortibus dimitti iussisset, atque ei integra fide abeunti cum rebus suis vexillisq; facultatem concessisset, quosdam

dam opulentos cives in carcerem detruxit, imperatisque pecunijs, nisi propere eas expedirent, fame sensim enecatuos minabatur. Vno quoque dicto pronuntiavit his capitale fore, qui urbe excedere auderent: & ut reliquos terreret, duos cives qui fugam fuerant meditati, laqueo ad prætorij fenestras suspendit. Distribuit autem per omnes domos milites, ut gratuito civium copijs alerentur, donec alicundè pecunia representari posset, qua pro stipendio emerito frequentibus iam id convitiose flagitantibus militibus solveretur. Nam irate & petulanter milites querebantur se parata prædæ spe excludi, quum multo sanguine parta victoria, rebellantem urbem se æquissimo militiæ iure direpturos speravissent. Sed Ferruccius non insulsa ratione Reipub. urbem quomodo incolumem servare, quam avaritiæ militum urbium excidijs vel parvo suo lucro gaudentium obijcere mallet, aliò ad parandam pecuniam ita vertebatur, ut sacrilega manu donaria antiquitus dicata templis, & religiose usque in eam diem custodita non cunctanter auferret, & res pretiosas carioresque civium in ipso belli metu in sacrosanctis virginum cœnobijs absconditas suam esse prædam diceret, denunciata capitis pœna his, qui abdita biduo non revelassent. Quod verò summo religionis contemptu factum videri poterat, cælata argento altarium frontalia atque abacos cum candelabris atque calicibus conflare iussit. Postremò divorum urbis tutelarium Octaviani scilicet atque Victoris argentea simulacra, quibus vera capita ipsorum martyrum includebantur, ad hastam venalia in foro proposuit, ingenti cum luctu civium, muliercularumque præsertim crebris eiulatibus, quæ pietatis causa conceptis votis eminentem aperto paululum vertice sanctissimæ reliquiæ calvam exosculari consueverant. Hac in re ipso duce prudentior & religiosior in universum miles est inventus. Nam quum à Volaterranis omni pecunia expoliatis capita redimi non possent, ne conflarentur, ipsi milites tacti religione pecuniam in pretium contulerunt ferè serius, quòd eorum iam alterum simulacrum aurea barba pretiosius & magnitudine augustius ad quæstoris officium delatum, propereque conflatum fuerat. Violavit etiam atque diripuit nullo pudore, nullaque prorsus misericordia, publicam ipsamque domum, in qua multa suppellex collata fuerat, ab his qui egentes exiguo fœnore res cariores oppignerare sub fide publica consueverant. & quum cives publicos redditus cogendæ pecuniæ causa, quæ militi præberetur, locupletioribus cœmundos adijcere vellet, Ferruccius licitationem fieri vetuit, quòd Tedaldus immitis & asper cuncta publica privataque civitatis tanquam rebellis fiscum respicerent, & nisi ad nutum Reipub. alienari non posse clamitaret. Hæc raptim violenterque fiebant: quoniam Fabritius Maramaldus cum magnis copijs adventare nunciabatur, & tum fortè importunè quum Ferruccius spe recuperandi Sanctogeminiani, Donatum cognomento Saltamacchiam eo ad percontandos oppidanorum animos cum iustà manu equitum misisset. Donatus erumpente acriter Borghesio fuerat pulsus, & multis suorum amissis fœdè profligatus. Ab hac adversa adventantis hostis fama ipsoque, ad Sanctogeminianum irritò conatu Ferruccius ad muniendæ urbis curam properantius ferebatur. Ceterum Fabritius quum instructa acie adventare ab ipso Ferruccio, qui in edito colle confederat, & equitatum explorandi lacescendique hostis causa præmiserat, facile conspiceretur, contracto per equites modico certamine, & repulsis hostibus ad suburbana tecta pervenit, atque ibi deiecto Ferruc-

cij præsidio, cuncta ad prædam vertens, positis castris confedit, & subitario opere, ut egressu hostes prohiberet, contra divi Francisci portam, quæ Pisana est, aggerem extrui iussit, parique diligentia à Ferruccio introrsus obstructa est, ipso turrem demoliente, ne percussa hostium tormentis, interius portæ spatium ubi statio militum consistebat, ruina obrueret. Dum utrinque minucis præliis certaretur, & Fabritius cuniculos ad eam moenium partem ageret, quæ divi Dalmatij cœnobium introrsus respicit, probrosæ militum voces audiebantur, Fabritii tanquam cæci ducis & imperij conatus irridendum, quibus maximè irritabatur, ut in Ferrucium privati odij prægravem iram conciperet, ob idque præcipuè, quoniam Ferruccius ipsius tympanistam fecialium more ad eum missum, ut sibi illico dedi urbem peteret, insolenti verbo offensus, insolentior dux miserum tanquam impiè locutum corripit, laqueo quæsumendi iussisset. Quod facinus contra militiæ morem superbè editum, ipsi demum Ferruccio exitium peperit. Accidit autem per eos dies, ut utrinque ab inopia stipendij milites foeda consternatione deficerent: nam duæ ferme integre Brutiorum centuriæ à Maramaldo ad Ferrucium transierunt, & Ferruccius ipse ob eandem causam Corsorum seditione exorta penè interfectus est. Ex his erant cohortibus, quas Camillus Appianus à Populoniæ oppido adduxerat, gens fera, peragrestis & rapax. Sed Ferruccius vel multo civium damno ita sedavit tumultum, ut in Camillum ducem odium exitiale reservaret. Dum hæc ad Volaterras gererentur, Aurantius in spem occupandæ Empolis venit, quod ibi discedente Ferruccio non multum præsidij esse, novumque prætorem Iunium ignarum prorsus belli, & ab una tantum ardentis odij in Mediceos commendatione suffectum fuisse didicerat. Itaque Didaco Sarmento negotium datur, eiq; præter suos tirones quos ductabat, Vastius veteranorum Hispanorum validas cohortes adiungit, curatq; diligenter ut iustus tormentorū apparatus ad eum perveniret. Hec ubi convecta sunt, Empolimque copię omnes pervenerunt, eo ordine oppugnatio cœpta est, ut uno tempore duobus in locis murus quateretur. Sarmentus cum Hispanis ad Ormam fluvium castris positus tormenta inter Arnū & oppidum promovit, atq; eamque muri partem quæ spectat septentriones, vehementer quatere cœpit. Ab occidentali verò loco contra Deiparg virginis templum Alexander Vitellius cum Italicis copiis oppugnare adortus est. A parte Sarmenti primū omnium Calcella Apulus tormentorum magister molas frumentarias paucis ictibus disiecit, atq; ita perfregit, ut decurrentis aquæ profluentem, quo machinæ molæque vertebantur, & fossę demum oppidi implebantur, opposito aggere lævorsum diverteret, & fossa proinde totius aquæ copia solito flumine destituta siccaretur, Hispaniq; milites illac se irrupturos confiderent. Exinde murus ducentis amplius maiorum tormentorum coniectis globis peritè verberatus, patefactusq; est, ut Hispani fossam transire, & per ruinas subire auderent, eo etiam minore periculo, quod defensoribus summa corona propter frequentes pilarum & glandium ictus nudaretur: nam supra capita oppugnantium atq; intrare conantium prætervolabant. Sed magno irrupturis erant incommodo procidentis extra & corruentis muri ingentia frustra, quibus multos cooperiri atq; opprimi necesse erat, præterquam quod præsidij cohortes, ipsiq; Empolitani strenuè, ubi periculum deposceret, hostes hastis, ferreisq; tridentibus repellebant, & in fossam deturbabant, quanquam in eo certamine Tinctus

Battifolius præfectorum fortissimus, tormenti ictu cecidisset, & iam interior-
 rem munitionem alacri concursu non virorum modo, sed & mulierum late-
 res, glebas, & tigna comportantium extruere properarent. Per eum modum
 Sarmentus quod periniquo atque admodum periculoso loco obniti, non sine
 certa perniciæ milites providebat, tanquam tormentis locum inutaturus rece-
 ptui cecinit. Eodem quoque tempore Vitellius postquam aliquantum muri dis-
 tulerat, nec satis ad irrumpendum apertus foret, abstinuit prælio, alia via ad-
 tum quæsiturus. Interim Titus Orlandinus cognomento Pullus, qui erat a-
 pud Vitellium, per Petrum Orlandinū Florentinæ cohortis præfectum gen-
 tilem suum postulavit, ut Iunius prætor in colloquium devenire non grava-
 retur, prodeuntemque sub fide publica hortatus est, ut constantiæ laudem sua
 atque oppidi salute nequaquam potiorē arbitraretur, postquam tantas non ha-
 beret præsidij vires, quibus binis ducibus è diverso oppugnantibus diu resisti
 posse cōfideret. Iunius ad ea elato in præsens animo respondit, se quinquagen-
 nario maiorem satis vixisse, proinde nihil sibi longiore vita opus esse, quæ vel
 imbellis ingenio, vel fluxæ erga Remp. fidei notam afferendo, antiquum Iu-
 niæ familiæ nomen dedecorare posset. Hæc tamen eum non ita intrepidè di-
 xisse apparebat, ut percussæ & attonitæ mentis signa non emerent. nam quū
 paulo antè sæpius ac sæpius ad Odoardū Giachinottum prætorem Pisanum
 maturam implorans opem perscripsisset, ut sibi trecentos saltem sclopettarios
 summitteret, vix demum unam centuriam, cui præerat Borna Lucensis ab eo
 acceperat, quum ægrè cum Vitellianis hostibus certando ad oppidum perve-
 nisset. Eodem metu summi discriminis adducti Empolitanorum primores
 eadem nocte quæ primum oppugnantium conatum sequuta est, legatos ad
 Sarmentum emisertunt, qui de concordia agerent, quorum princeps erat Ba-
 cinius decurionum scriba, in cuius custodia totus tormentarij pulveris appa-
 ratus servabatur. Is ut existimari potuit insigni flagitio ea pactione egisse fere-
 batur, ut oppidani essent incolumes: præsidium verò Hispanis prædæ esset.
 Oriente sole Ioannes Bandinus, quem singulari certamine palmam retulisse
 diximus, qui erat apud Sarmentum per abrupta tormentis mœnia in oppi-
 dum venit cum Lucio Mannellio, ut Iunium prætorem ad deditionem eadem
 ferè qua pridie Pullus egerat adhortatione impellerent. Sed eadem respon-
 dente Iunio non multo post Hispani facto impetu nemineque prohibente per
 ruinas ad aperti muri in oppidum irruperunt, quod Orlandinus muri custo-
 diam ut pransum iret, importunè deseruisset vel contradicente signifero, &
 illac certum periculum irrupturi hostis demonstrante. Quod flagitium vel
 turpi ignavia, vel intempestiva transactæ deditionis fiducia admissum multi
 crediderunt, non sine etiam nota perfidiæ, quando non statim Orlandinus
 pœnam veritus ad urbem nisi perdomita, & commutata republica redierit.
 Cæterum Hispani in oppidum irrumpentes aliquandiu hæserunt in fossa,
 quum adeo profundo, & inextricabili cœno præpedirentur, ut lutu lenti um-
 bilico tenus ereperent, sublevatique sociorum manibus mœnia su perarent.
 Primus omnium Buccanigra in domum Orlandini per tecta de lapsus, in
 quam omnes prope nobiliores scēminæ, multæque Florentini no minis ma-
 tronæ ut securiores essent confugerant, eas omnibus ornamentis exu itusque ad
 monilia, maritalesque anulos, & corollas divorum supplicationibus dica-
 tas. Reliquas verò domos gregarij Hispani ea Sarmentilege diripu erunt, ut

neminem e præsidio militem violarent. Iunius prætor, & ipse Orlandinus, quod summe essent authoritatis apud milites, capti sunt, parique puncto temporis Vitelliani in oppidum penetrarunt, atq; ignobiliore præda potiti sunt. Sed eos postea Sarmentus excedere oppido, & in castra redire coegit, quum Vastius ipse seram opem direptis & miseris offerens supervenisset: quantum tamen autoritate atque imperio poterat maleficia prohibendo, in violatasq; scæminas præstando, non mediocriter in ea calamitate Empolitanos est consolatus.

PAULI IOVII NOVO

COMENSIS EPISCOPI NV-

CERINI, HISTORIARVM

SVI TEMPORIS

LIBER XXIX.



DE hunc modum inter parum sincera colloquia Empoli capta direptaque, Vastius inde celeriter copias educens cum Sarmento Volaterras est profectus, quod ad expugnandam urbem Maramaldus iustum tormentorum apparatus sibi advehi crebris nuncijs postularet. Nihil enim cuniculis profecerat, nec minis Ferruccium hostem, nisi murus magno conatu quateretur terri, & ad deditionem cõpelli posse providebat propter incomparabilem naturæ loci difficultatem. Nam Volaterræ in arduo monte sitæ sunt, vetere priscorum studio excelsa quærentium iuga tanquam tutiora contra omnes hostium impetus, salubrioraque campestribus locis, quæ sæpe nullo mero caliginosis atque densissimis nebulis obsidentur: nam Volaterrani originem suam à Tyrrheno Lydorum ducere repetunt, qui olim duodecim nobilissimas Etruriæ urbes condiderit. E summo montis iugo quinque præcipue descensus oblongo dorso ad infimos pertinent campos, qui radiorum instar ad imaginem extentæ cum digitis palmæ manus, interiectis profundissimis vallibus dirimuntur, ita ut convalles transiri nequeant, quum abruptissimæ sint, atque ita densis arboribus obseptæ, ut exercitibus inaccessæ fiant: quoniam ab his aditibus scilicet stratis, quum paululum ascenderis in proximas vias nullo modo ad mutuam opem ferendâ transiri possit, quod præaltæ crepidines undiq; subsint, ad quas commeantium oculi propter profunditatem facile caligent. Ad has naturæ munitiones accesserunt mœnia antiquitatis e quadrato lapide cõstructa, quæ hodie suburbana præcingunt tectat quoniam urbs nova, quæ hodie incolitur, post calamitatem à Pannonijs acceptam, aliquanto astrictiore quàm antea muri ambitu munitur. Vastius ubi advenit, contemplatus situm admirabilis munitionis, quanquã asperrimas sibi rerum difficultates ad oppugnandum propositas videret, quod nisi ægerrimè pertrahi constituiq; tormenta non posset, communicatis cum Maramaldo consilijs,

Mſs ad Portonem, qui eſt antiquæ portę munimentum, humilem naſtus col-
 lem caſtra poſuit. Nec mora in Hiſpanos tētoria ponentes Ferrucciani auda-
 cter eruperunt, contractaq; eſt cum imparatis aſperrima pugna, ſed ferente ce-
 leriter opem Maramaldo, paucis utrinq; deſideratis in urbem compulſi ſunt.
 Exinde Vaſtius diligentius locorum ſitum ſpeculatus, ad divi Andreae tem-
 plum aliquot Fabritij cohortes, Barone Neapolitano duce tranſire iuſſit. Qua
 re conſpecta Ferruccius nullam ſibi moram attulit, quin exturbandos eo tem-
 plo hoſtes decerneret, atq; ita emiſit Camillum Appianum cum ſuis Corſo-
 rum cohortibus. Ab ea eruptione certatum eſt amplius duabus horis, ſed mul-
 10 tis utrinque interfectis & vulneratis, Camillus ſe recipere coactus eſt, eo im-
 petu incumbētib; Fabritianis, ut quū ſe obverteret, in genu mortifera glan-
 de vulneraretur, uti aſſerunt, ipſius Ferrucci iuſſu in eius odium vehementer
 incitati, quod portum ad Arcum, cuius cuſtodia Camillo fuerat attributa, hoſ-
 ſibus prodi poſſe ſuſpicioſe iudicaret, ac ſimul vitæ ſuæ periculum, quod re-
 centi Corſorum ſeditione ſubſiſſet, ulciſci properaret. Eodem quoq; tempore
 Ferruccius ſuos à Florentina porta contra hoſtes, qui ad Portonem conſede-
 derant, eruptionem facere iuſſit, ut diverſo hoſtium impetu Hiſpani, quo mi-
 nus ſocijs opem afferre poſſent, ancipiti prælio diſtinerentur. Sed Ferrucciani
 hunc audaciæ ſuæ exitum tulerunt, ut Franciſcus Brocca egregie fortis Corſo-
 20 rum tribunus, non paucis utrinq; amiſſis & vulneratis occideretur. Nec mul-
 to poſt à Vaſtio duobus in locis duplex oppugnationis genus eſt inſtitutum:
 alterum adverſus ſancti Lini cœnobium, cuius horti ad mœnia pertinent, Ma-
 ramaldo attributum eſt: alterum ipſe deſumpſit iuxta portam Florentinam.
 Vaſtius conſtitutis, partim ex directo, partim ex obliquo aſpectu maioribus
 tormentis tanta vi utrobique quaſſari iuſſit mœnia, ut amplius quadringentis
 ferreorum globorū ictibus murus ad apertus ſit, ſed multo maxime apud Ma-
 ramaldum: nam ſupra triginta cubitorum ſpatium proſtratus eſt, tanto Fer-
 ruccianorum pavore, ut quum nonnulli tormentis icti cecidiſſent, ipſeq; Fer-
 ruccius lapidis fragmine cubito percuſſus ſe recipere cogeretur, milites in rui-
 30 næ aditu nequaquam intrepide conſiſterent, & equites inſtratis equis fugam
 pararent, confugereturque undique in arcem, hoſtes interrumpere potuiſſe
 conſtaret. Fabritius namq; per audaciſſimos prius milites, qualis quantusque
 per ruinas aditus pateret, explorandum ratus, quum impetum fieri iuberet,
 quod locus ruinis impeditior, & æquo ad invadendum difficilior renuncia-
 retur, importuna cunctatione ſerò pugnae ſignum propoſuit, occaſionemque
 victoriæ corrupit, quum ab ea mora hoſtium ceſſationeq; multi propugnato-
 res redintegratis animis extruere introrſus aggerem, admirabili conſtantia atq;
 que celeritate properaſſent, Morgante præſertim Caſtellioneo ab ingentibus
 lacertis valiſſimo centurione, & Ioanne Broccardo paris animi Volaterra-
 40 no cive, rem adminiſtrantibus, nam in aggerem multuarium adiuvantibus
 maxime ſceminis, oblata quæq; & ex cœnobio abrepta, lectos culcitraſ & co-
 phinos, pretioſiſſimis etiam rebus plenos infarciebant, ut munitio in iuſtam
 altitudinē educeretur, pro qua mox acerrimē decertatum eſt, aucta ſpe propu-
 gnantium, quum Ferruccius lenito vulnere cum valida fortiſſimorum mili-
 tum manu decuriſſet, & Fabritius recēti ſubmiſſo ſubſidio, ſæpius inſtauran-
 do pugna multa utrinq; cæde edita, irrumperet eſſet conatus. Eo die inter Fa-
 britianos multum enituit Angeli Baſtardi viri Zacynthij origine Volater-

rani virtus, quum sæpius certamen restituiſſet. Altera porro in parte Vaſtius
 quanquam non adeo latè murum patefecerat, ſatis pro tempore animadver-
 ſa introitus conditione prælium iniri iuſſit, pugnatumque eſt aliquandiu ab
 Hiſpanis audaciſſimè. Sed eorum impetum ea animorū & corporum prom-
 ptitudine deſenſores ſuſtinuerunt, ut pulſi non parvo accepto incommodo
 repellerentur. Cæterum Vaſtius nihil eo duplicis conatus detrimento permo-
 tus, paucos poſt dies iterum geminam oppugnationem inſtituit, alteram ad
 ſiniſtrum eiſdem Florentinæ portæ latus, quod Pinzianam reſpicit vallem,
 alteram iniquiſſimo loco contra fontem perennis aquæ, quæ Ducciola voca-
 tur. Ibi ea forma mœnium eſt, ut murus utrinque per declivè ductus ad inſi-
 mam vallem ubi fons eſt in angulum ſe coniungat. Proinde putabat Vaſtius
 eum locum propter inæqualis loci difficultatem ægerrimè deſendi, & ex ad-
 verſo illac facile ſuos perſumpere poſſe, quum in eam partem ſodulo collibra-
 ri tormenta atq; diſplodi iuſſiſſet. At Ferrucciſ ubi periculum poſceret, nova
 opponebat munimenta, & ſupra fontem præcipuè aggerem erexit, unde col-
 locatis tormentis, oppugnantes hoſtes deſtinatis ictibus peterentur. Sed quū
 id opus novæ munitionis fervere atq; exurgere ab hoſtibus conſpiceretur, in
 id coniecta colubrinæ pila, in ſignis præfectus cognomento Scuccula interfi-
 citur, nec tamen intermitteri opus Ferrucciſ imperat: nam paulo poſt in eo fal-
 cones duos collocavit, quorum ictibus quator ex hoſtibus noti tormentorum
 libratores abrepti ſunt. Nec multo poſt ab Hiſpanis cohortante Didaco Sar-
 mento prælium eſt cœptum tanta contentione, ut aliquot vexilla Hiſpanorū
 impigrè ſummo in muro ſigerentur, inſtaurataque sæpius admodum cruen-
 ta pugna certaretur, inter fortiſſimos Sarmento armis & criſta conſpicuo, &
 ſecundum eum Macicao Cantabro, qui caſtrorum erat magiſter, audaciſ-
 mè ſubeuntibus. Verū non diu poſt Sarmentus, ſpectatæ eiſ virtuti in-
 vidente Fortuna glande traiectus occubuit, quum longiore vita dignus vide-
 retur, & Macicaus pluribus conſectus vulneribus propè exanimis retrahen-
 tibus ſuis ægerrimè ſervatus eſt. irrumpentibus autem Hiſpanis maximè ob-
 ſiciebant dolia ſaxis plena, quæ per deiectus ſtratæ viæ magno ſtrepitu de-
 volvebantur, ita ut facile appareret univerſos hoſtes anguſto in loco vel ſi o-
 mnes intraffent, ea doliorum & lapidum mole obrui potuiſſe. Nec felicio-
 re eventu certatum eſt in altera oppugnatione: nam tametiſ proſtratis mœni-
 bus alacriter ſubirent Hiſpani admixti Italis, non longum tamen certamen,
 ſed æquè cruentum ac Ducciolanum extitit. Vaſtiani quippe propiore acceſ-
 ſu facile loci iniquitatem propter hoſtium munitionem, & præſentem para-
 tamq; vim reformidantes, nequaquam pertinaciſſimè expellentibus reſtite-
 runt, quum ab utroq; latere intra pomerium foſſas perductas, & aggeres tor-
 mentis permunitos, & adverſus armatorum aciem ſe irrupturos proſpicerent,
 quando per id totum etiam edendæ pugnæ ſpatium ad inſidias diſpoſiti mu-
 rices & tabulæ peracutis cōfixæ clavis eminentè cuspide conſpicerentur, qui-
 bus indui prius neceſſe eſſet, quàm ad equitēs qui in pedes deſilierant, & ſuis
 gravibus protecti armis pugnam eſſent excepturi, pervenirent. Hiſ prælii
 multi viri fortes deſiderati ſunt, & in primis ipſe tormentorum magiſter
 Appulus Calcella, quo nemo eiſ artiſci peritior habebatur, ut qui Anto-
 nio Levæ mirificam operam ſuperioribus bellis navaffet. Interfectus etiam
 eſt Donatus Tranius, qui eiſ artis commendatione in Calcellæ locum ſuc-
 ceſſerat.

cesserat. Constat Ferruccium aliquanto maiore detrimento hostes afficere po-
 tuisse, nisi summa sulphurei pulveris inopia laborasset, quod eius paulò antè
 non modicam copiam Tedaldus, ut iracundiæ suæ stultæque ferociæ impen-
 sius indulgeret, & urbanis tectis maximè noceretur, intemperanter absump-
 serat: qua de causa Ferruccius per turmas equitum, salis nitri ad conficiendum
 pulverem aliquot pondera à vadis usq; Volaterranis proximi litoris petere
 fuerit coactus, ut sportulis ad equorum clunes coaptatis fallendo hostium cu-
 stodias in urbem cōportarentur. Ferunt Vastium à tanto irritō conatu summū
 concepisse mœrorem, ita ut nonnulli ad eum consolandum de Maramaldo
 10 obloquerentur, quasi ille in prima oppugnatione propterea cessavisset, quod
 indignaretur Vastium supervenisse, ut paratam sibi expugnatæ urbis gloriam
 eriperet. Quandoquidem ipsum nequaquam venturum, sed uti postularat,
 tormenta tantum submissurum credidisset. Atque ita Vastius adeo bile ple-
 nus ad Aurantiæ castra rediit, ut Fortunam, quæ sibi paulò antè ad Montopo-
 lim adversa atque infesta fuerat, convitiose & intemperanter incusaret. Ma-
 ramaldus autem longo circuitu per Pisanum agrum paulò antè calendas Iu-
 lias Volaterras relinquens, versus Pistorium, combustis prius vineis, atque
 everlis operibus est profectus. Florentini quanquam aliquanto maiore da-
 mno Empolim oppidum urbi propinquum, & ad sublevandam multarum
 20 rerum inopiam opportunum amisisse censerentur, quàm Volaterras urbem
 longinquam insigni commodō recepissent, nihil tamen sustinendi belli cu-
 ram ullis consilijs remiserunt, adoriendaque Germanorum castra statuerunt,
 auctore Stephano Calumna, qui non obscure Malatestæ emulus, & tentare i-
 pse aliquid suo ingenio, & erecto animo dignum facinus aggredi cupiebat, ut
 civitatis animos redimeret, qui Venafrani tanquam bellicosissimi viri impor-
 tunam cædem agrè tulisse videri poterant, nihil magis cupientes, quàm ut
 prædiani milites frequentibus prælijs sese exerceant, subeundoque vel sum-
 mi certaminis aleam, fatiscantis Reip. extremis casibus subvenirent. Hæc res
 diu explorata à Stephano, delataque ad dictatorem, quum ascisceretur in eam
 30 consultationē dux Malatesta, ipso obliquè tantum contradicente, graviterq;
 expendente totum id dubij periculi discrimen, quod subituri essent, in id tota
 deliberatio cecidit, ut ab omnibus probaretur, ipseq; demum Malatesta in eo
 negotio collegam adiutoremque Stephano fortia audenti sese offerret, quod
 Lodroni castra non nisi magnis viribus & validissimo impetu invadenda iu-
 dicaret. Quintiles iam Idus aderant, torrenteq; estu Germani in vigilijs sta-
 tionibusq; se ipsis languidiores facti videbantur, sic ut eruptiones hostiū con-
 temnere potius quàm timere consueissent. Castra eorum, ut diximus, coniun-
 cta erant templo, cœnobioq; sacratarum virginum, quod divi Donati in Pul-
 verosa nomen habet, eo ordine ut septa quadratis aggeribus, intra quos tende-
 40 bant milites, hortos virginum perpetuo vallatos muro annexos continerent,
 & dux ipse Lodronius sacris ædificijs uteretur, duobusq; ad castrorum agge-
 res propugnaculis erectis, in quibus collocata erant aliquot tormenta, utranq;
 viam, quæ ab urbe hinc Pratensi, illinc Faventina porta ferebatur, respiceret,
 & perpetua statione ab omni hostium impetu aptissimè defenderet. Itaq; ma-
 gno cōsensu, magnaq; omnium expectatione Stephanus & Malatesta copias
 instruunt, partiuntur inter se munia impetus faciundi, & triplici egressu vete-
 ranas ferme omnes atq; lectissimas cohortes educunt, ea ratione ut Florentini

populi vexilla, quæ in locum decedentium militum in muri atq; aggerum, qui erant in monte, custodiam succederent: & si casus ferret, his in locis propugnando patriam defenderent, donec milites re bene gesta ad solitam muri stationem reuerterentur. Ad confirmandos tamē armatæ iuuentutis animos vererū militū aliquot centurias interposuerūt, & quatuor cohortes conglobatas loco medio atq; opportuno cōsistere iusserunt, ducibus Francisco Tarulio & Barbarussa Bartholo, vt commodē vbi res posceret ciuibus aduersus hostes opem ferrent. Media quoq; in vrbe similiratione reliquarum tribuum vixilla constituerunt, quibus addebantur quaternæ cohortes, quæ fuerūt Pacerini, Giometti Senensis, & Corforum duæ ex Pasquinianis. His rebus aptè constitutis Stephanus Pratenſi porta milites eduxit, ad vnum omnes candidis tunicis indutos, vt inter se noscerentur, & ea specie per tenebras hostibus terrori essent. Maleſta autem ea Prati portula, quæ ad Arnū ducit, eo consilio egressus est, vt secundum flumen totum ripæ marginem equestribus & pedestribus præſidijs occuparet, vt si fortē ē maioribus Auranſij caſtris hostes laboratibus Germanis opem ferre, & flumen tranare auderent, vti accidit, circa vada amnis inuaderentur. E Fauentina autem porta tertia manus erupit; eo consilio vt superiore circuitu ad Germanorum castra verteretur, & diuerso metu illato Germanos eo temporis momento distineret, quo eos Stephanus adoriretur. Pasquinus Corſus quum præmiſſet expeditam suorum centuriam, duos hostium vigiles extra munitionem excubantes ita oppreſſit, vt altero occiſo, alter quanquā ſauciatus ad ſuos confugeret, qui adesse hostes ſemefopitis nunciavit, atque ita Pasquinus ad munitionem caſtrorū impetum fecit, pauloq; poſt conclamantibus iam ad arma Germanis, Stephanus gradum intendens, vt imparatos & incompoſitos inuaderet, apprehenſis & ſuperatis munitionibus in castra tranſcendit, impigrē rem gerente Ioanne Taurino, qui inter Pasquinum & Stephanum ipſum aggerem adortus, iaculatusque ardentes tubas, Germanos ita ſubmouerat, vt vndiq; fruſtra reſiſtente hoſte, Etruſci certatim in castra irrumperent, atque hos animoſa Florentinæ iuuentutis cohors Dante Caſtelliono ſignifero audacter irrumperente conſequeretur, & prius quā Germani Lodronij ducis ſuperuentu adhortationeq; componi & conglobari poſſent, ſædo incepto exituq; ad diripienda tabernacula diſcurrerent. Quo tumultu ingens non militum modo ſed ſcæminarum & lixarum numerus per tenebras trucidatus eſt, atque item multi ex eius noctis ſtatione, qui impetum irruentium numero atq; animis impares ſuſtinere nequierant. In ea rerum perturbatione Lodronius admirabili conſtantia circiter duo milia hominum in reſu caſtrenſis areæ conglobari, retinereq; ordines, neque vſquam acie excedere iuſſit. Stephanus ſemiparta victoria, niſi milites prædæ cupiditate adducti diſſipatis viribus pugnam ſubiſſent, increpitare reuocareq; ſuos conatus, in phalangem hoſtium denſatam non ſemel impetum fecit; ſed poſtremo, quod immota prætentis haſtis egregiē reſiſteret, & mox inducente Lodronio in diſperſos & imparibus pugnantes armis impreſſionem faceret, nonnullis vtrinque cadentibus, ipſe Stephanus vehementer eſt vulneratus lanceæ cuſpide, quæ in os recepta ei dentes excuſſit, & inguine pudendisq; alabardæ mucrone ita tranſfixis, vt exturbatus ē munitione in foſſam deiſceretur, multique ſimul vulnerarētur, atque in foſſā conciderent. Interfecto Virgilio Romano, qui diu Stephano comes repugnarat, Zagoneq; viro ingenti proceritate corporis, atq;

animi

animi vigore terribili per femur transfixo, & Ioanne Taurino hastarum im-
 pulsu extra aggerem eiecto, Etrusci se receperunt, vel ob id præsertim nequa-
 quam redintegrata pugna, quod iam ab Olivetano monte tormenta dispo-
 derentur, verereturq; Malatesta ne Aurantius è Giramonte suorum stationes
 invaderet, quas discessu militum civili præsidio, si gravior pugna incideret,
 nequaquã fore firmissimas arbitratur. Id vero uti postea cognitum est, Ma-
 latestam magnopere permovit, quod equitatum è castris hostium signo tuba
 proposito, e ductum decurrere secundum ulteriorem Arni ripam fenerat, ut-
 pote qui non temerè timeret, ne si conglobato agmine humilioribus vadis tra-
 narent, non facile sustineri possent, quin ipse erepta ab hoste receptus faculta-
 te, porta urbis excluderetur, & populus ipsis ambobus ducibus extra urbem
 diverso prælio occupatis, portaq; interclusis, incumbente Aurantio aliquod
 gravis vel summæ etiam calamitatis detrimētum acciperet. Nec tamen deerāt,
 qui Stephano laudem astruentes, assererent à Malatesta receptus signum ma-
 turius datum fuisse, obtrectatione non dubia alieni decoris, ut parem exitum
 ac ipse nuper ad Catelinam portam fuisset expertus, inconsultæ audaciæ eru-
 ptio tulisse videretur, apud cives qui non æque prudentiam cauti ducis, quàm
 bellicosi audaciam è Rep. esse iudicabant. Cæterum ab hoc irritò conatu Flo-
 rentini in universum non obscuro dolore, neq; inani concepta tristitia turba-
 bantur, propterea quod ad extremam esculentarum rerum inopiam erat per-
 ventum: nam neq; equis, neq; asinis, neq; etiam felibus pepercerant. Nec de-
 fuere è plebeijs, qui mures a vidè consecrarentur. Frumenti autem ea erat pe-
 nuria, ut panes ex milio veteri & panico, atque ea olivæ scandellæq; segete ad-
 iumenta in alimentum destinatæ, confici vendiq; inciperent, & vulgus igno-
 bile ea nigri milij segete culmosa, alias dicata suibus, quàm Trâspadani Meli-
 cam, Etrusci vero ipsi Saginam vocant, vesceretur. Vini nusquam erat copia,
 nisi quæ sacrificijs atq; ægris in medicinæ usum servaretur, potabant omnes a-
 quam hilariter, sic ut ipsi cives frugi homines hæc a militibus incommoda to-
 lerantissimè ferre mirarentur, laudarentq; eos, quod fideli perseverantia nus-
 quam excitato tumultu, suisq; contenti stipendijs, pro militari tantū gloria a-
 lienæ libertatis causam adversus exterarum gentes generose defenderent. Sed quū
 nullus belli exitus desperatis auxilijs, nisi valde lugubris atq; durissimus pro-
 spiceretur: versabat iam multorum animos cura ingēs publicæ salutis, pruden-
 tioresq; iam planè ea abominabantur supplicia esse subeunda, quæ Romani
 nuper pertulissent, si vinci armis quàm pactione se dedere mallēt. Neq; tamen
 quisquam reperiebatur, qui effari auderet, adeo erat certum his, qui ferociam
 animi deditiōis cogitatione remisissent, fœdæ mortis supplicium, ut pleriq;
 tacitè animos desponderent, eum subituri calum, quem vel iniqua fors publi-
 cis rebus attulisset. Primus omnium Zanobius Bartholinus, qui dudum à to-
 ta civitate libertatis defensor, gravitate consilij, industria, & vigilantia singu-
 lari cum summo imperio legatus extiterat, simulato corporis morbo nequa-
 quam occultè concepta animi egritudine, è curiæ limine se subduxit, quod au-
 thoritate ratione q; multorum efferatorum civium insanix mederi posse de-
 speraret, agitareq; animo quam ratione cōsiliij affectæ civitati prodesse pos-
 set, & quum nihil deditiōis pactione utilius atq; salubrius fore iudicaret, sæ-
 penumero de eare in arcano cum Malatesta & Stephano fuerat colloquutus,
 per quem tentandum Aurantij hostis animum esse statuebat: occasio vero eius

tractandę rei non semel petita est, quum munera ad ducem in castra mitterentur: idoneus autem interpretis erat Cencius Perusinus cognomento Strabo, astu atque prudentia militari insignis, proptereaq; Malatestę fidus. Is Aurantium reperiēbat nequaquam abhorrentem ab honesta concordia, quū ille ducenta tantum milia aureorū nummūm ad persolvenda militi stipendia postularēt, subindeq; peteret, Mediceam familiam servato libertatis nomine, ut antea consuevissent, pristinę dignitati restituendam: & obiter à Clemente Pontifice pręteritarum offensionum oblivionem se impetraturum polliceretur. In quas condiciones non Baucius modò Valorius, prolegato à Pontifice ab initio belli in castra missus inclinabat, sed Aurantius ipse, undecim iam propemensium obsidionis tædio affectus, & quod maxime urgebat, pecunię inopie, quod multo lusu alę ingentem pecunię vim stipendijs destinatam, gementi Valorio legato, importunissimę perdidisset, & Conradus Hefsius, vetus Germanorum dux, & valde felix aleator, eam fermę totam abstulisset, adeo importunę ut quum Hispani atque Itali debita stipendia flagitarent, Aurantius pendendis circumventus difficultatib; nihil potius atq; expeditius reperiret, quā ut expressa vel non acerbis conditionibus deditiōe, ærumnoso bello finem, imponeret. Ad ea persuadenda ipsius Valorię autoritas plurimum valebat. Quoniam ex arcanis mandatis à Pontifice de patrię salute sollicito etiam atque etiam admonebatur, ne expugnandę per vim urbis casum necessarium duceret, daretque operam, ut sine sanguine victoriā quæreretur, quod nequaquam sibi deleta patria, sed incolumi, opus esse prædicaret. Eadem etiam Pontifex perscribi ad reliquos duces, Ferdinandumque in primis Gonzagam iubebat, ea conditione, ut his certis præmijs gratiam servatę patrię relaturum polliceretur. Hęc ubi Cencius ē castris rediens Malatestę renunciabat, cum bona spe concordię Zanobio communicabatur, & per eum sedulo, & quantū fieri poterat occultę, ad eos emanabant cives, quos incolumis patrię cura totius obstinatae factiōis oblivisci cogeret. Verum recta salutariaque paucorum prudentium, insana multitudo imperitorum popularium facile superabat, ipso præsertim dictatore perversissimis opinionibus imbuto, & rem ad extremum violenti conatus casum deducere cupiente, ita ut accersendum cum omnib; copijs Ferruccium, defensis Volaterris ingenti virtutis opinione à popularib; sublatum, & periclitari extremo conatu Etrusci imperię fortunam statueret. Itaq; Ferruccius ē senatusconsulto revocatur, & quid fieri oporteat ex præscriptis mandatis docetur. Summa consilij hæc erat, ut per Pistoriensium montes ad urbem Florentiam duceret, & decedens dextrorsum à Fesulis, ipso Malatesta erumpente, atque excipiente occasionem nobilis pugnę edendę, qua patria obsidione liberari posset, opportunissimę præberet. Ferruccius qui quassata mœnia reficiebat, acceptis à senatu literis, Marco Strozza, & Baptistę Gondo, qui Florentiam missi fuerant, viris prætorijs, urbis custodiam cōmendat, & cum singulismilitum centurijs attribuit Nicolaum & Gualterotum Strozzas, Alexandrumq; Monaldum. Imperat etiam Volaterranis decem obsides, qui castra subsequantur, captoque itinere secundum Cæcinam amnem, ad vada Volaterrana descendit, atque inde per Liburnum, antiquę Labronę turratum oppidum, Pisas contendit. Ibi aliquot consumpsit dies apparandis his rebus, quę ad profectiōem pertinerent, imperandisque præsertim pecunijs, ut milites qui stipendia seditiosę flagitabāt, tumultu à Corsorum cohortibus orto, præbita pecunia

pacarentur. Eam autem viritum mercatoribus imperatam, usque adeo impotenter extorquebat, ut quibusdam præsentem laquei mortem horribili voce interminaretur, alijs porro in summa domus coenacula contrusis, nisi pecuniâ expedirent, fame pereundum esse denunciaret. Qua sævitia acerbitateque usus, sicuti Volaterranos afflixerat, ita à Pisanis magno fœnoris impendio patrimonialia distrahere coactis, tantam auri summam, quæ menstruo stipendio satis foret corrasit. Exinde Pisanos ad unum omnes qui arma ferre possent, tanquam veteris memores libertatis, proptereaquæ ab iusto odio Florentinis suspectos, patria excedere iussit, quanquam Pisanorum optimates octoginta numero, obsidum nomine Florentijs servarentur. Adduxerat paulo ante Pisas aliquot exercitatorum militum cohortes Paulus Ceres, Rentij filius, dux impiger. Cum eo belli gerendi consilia Ferruccius communicat, cogitque in unum omnes copias. productis autem omnium vexillis, quum inspicerentur singulæ cohortes, censa sunt tria milia peditum, galeatorum verò equitum numerus, & pileatorum Epirotici generis levioris armaturæ, qui erant peltati, quingentorum summam implebat. His præerat Nicolaus Masius à Nauplio Peloponnesiaco vir egregie fortis, cui Pulledro Epirotica lingua cognomen fuit, Galeatos autem thoracatosque ductabant veteres ac clari nominis præfecti Carolus Civitellæ regulus, & Amicus Arfula. Præter has copias sollicitarat etiam montanos Pistorienses homines Cancellariæ factionis, qui sicuti promittebant suis illaciter habentibus præstò futuri sperabantur. Sarcinarijs autem iumentis multis undique violento imperio contractis, supra centum ligneas tubas, quæ sulphuream flammam evomerent, imposuit, atque item decem minora tormēta, quæ moschettos appellant, & ligneis canterijs imposita subitaria in pugna ad confirmandas acies peditibus præsidio adversus equites esse consueverunt. Cum his copijs eoque apparatu, & cum aliquanta commæatus copia, biscoctique præsertim panis, more nautico, quæ properantibus per nemora & sylvas sufficeret, vel si nihil omnino parati commæatus, montanorum agrestiumque hominum tenuitate nancisceretur, reluctante genio Lucensi porta signa eduxit, conversusque ad quosdam præfectos fatali proloquio, fortissimi viri, inquit, ad subeundam durissimi eventus Fortunam ire iubemur, neque reformidanda est ulla periculi vis imminēs, quum omnino senatui sit parendum qui nos alit, & in dextris nostris supremæ salutis suæ spem reponit. Apparebat enim eum quibusdam secus ac consueffet parum alacriter loquutum fuisse, quasi divinaret, qua sorte ad Alieum arbitrium suscepta expeditione esset pugnaturus. Reliquit autem in præsidio Pisanum, qui Odoardo Giachinotto prætori parerent, cum singulis cohortibus, Matthiam Varanium Camertem, & Bettum Ranucinum Florentinum, Michaelemque à Montopoli, & cum his Epiroticæ stirpis inquilinum cum ala equitum Musacchinum, Musachio vetere forti que equitum præfecto genitum. His rebus constitutis per Lucensium agros, atque inde subter Pisciam, & Collodium oppida ita agmen duxit, ut signa sensim ad lævam in superiores montes erigeret, confragosisque & sylvestribus locis recta versus sancti Marcelli pagum progreditur. Interim Aurantius de consilio itinereque hostium per speculatores certior factus, communicatum cum paucis totius negotij consilium per hunc modum maturè explicat: Ferdinandum Gonzagam in obsidione relinquit, & cum eo ferme omnes Hispanos pedites, multoque maximam Italicarum cohortium partem, Ultra Arnum porro suis in castris Lodronium consistere, obser-

uareq; hostium motus, atq; intentius euigilare iubet. Scribit autem ante omnia ad Fabritium Maramaldum, atq; Vitellium qui in agro Pisano circum oppida Vicū, Sanctæ crucis, & Focensium pagos æstiuabant, vt coactis cohortibus ad præcidendū Ferruccio iter, vestigijsq; insistendo quanta possent celeritate maturarent. Ea quoq; Hispanorum tironū manus, quæ per aliquot menses Clauentio duce diuagata per agrū, & mutando loca raptō sese aluerat, tanquam edicto Cæsaris stipendijs castrisq; exclusa ad Altopassum confederat, Vitellianas cohortes est subsequuta, adhortante ipso Vitellio ad nauandā ea expeditione operā, qua omnē consternationis, & diuturnæ secessionis noxā redimerent, & noua promoreri stipendia properarent. Præmittit etiam e castris Roscium, Martium Columnam, & Scalengum cum suis cohortibus, atq; item Roscij alarj equitibus Theodorū Bischetmum Epirotarum equitum præfectum adiungit. Hos subsequitur veterum Germanorum legio. ipseq; postridie cum vniuerso levis armaturæ & cataphractorum equitatu e castris proficiscens, transit flumine Arno versus Pistorium contendit. Noctu autem iter faciens peruenit ad locum, cui Lagoni nomen est, castaneis arboribus frequentem, qui locus est ferè medius inter Pistorium & Gabinianum oppidulum. Ibi aliquātisper substitit, vt equos modica quiete, & milites leui ientaculo recrearet, atque interim nuncios opperiretur, qui de itinere hostium certius referrent. Eo modo quiescenti superuenit cursu citato fessus sacerdos, qui Aurantium requirens, adesse Ferruccium, eumq; sancti Marcelli oppidum intrasse, direptumq; incendisse, vnde ipse vix effugerit, anxie nunciauit, subdens Ferruccianos in tergo a Cæsarianis premi, quod ex multo sclopettorum strepitu nosceretur. Ab hoc nuntio bonæ spei plenus Aurantius, quū lagenas poposcisset, & vina latis pateris funderentur, circumiectisque in coronam ducibus Francisco Prateo, Rosalique Hispanis, & Zucero Epirotæ hylariter propinaret, densissimus repente celo dudum sereno imber effusus est, usque adeo largus, ut cunctos sub diuo perpotantes latè perfunderet, & ad omen à quibusdam verteretur. Arrisit ad id sublato lætiore cachinno Aurantius, & commilitones inquit (uti video) in hostes nequaquam temulento agmine provehemur, postquam nobis superi vina coronantes pocula benigne propitieque diluunt. Hæc fuere suprema eius verba, continuo efferrī signa iubētis, quum paulo antè ducibus sua munia in omnem eminentis pugne casum tam sobriè quàm opportunè per hunc modum dispensasset. Hos enim quos diximus duces cum universo levis armaturæ equitatu præire iubebat, quibus præsidij causa addiderat Pompeium Farinam cum trecentis pernibus sclopettarijs, monueratque eos ut passim si qua paulo angustiora in itinere reperirent loca, per quæ difficulter equitatus transire posset, idoneis tumultis certas sclopettariorum manus imponderent, ut quū hostes conspexissent, si fortè premerentur ad ea præsidia sensim se recipere possent. Quod si planiora occurrerent loca quæ non inepta equestri prælio fore prospicerent, tam diu distinere hostes lento certamine niterentur, quoad ipse cum cataphractis superveniret. Vbi equites ad Gabinianum oppidum pervenerunt, & portas sibi pandi postularunt, oppidani non aliter eos se admissuros responderūt, nisi Aurantius fidem daret sine maleficio milites ingressuros. Erant Gabiniani adversæ factionis, qui edoctis de Ferrucci adventu fallacibus responsis tempus extrahebant, quorum consilium non multo post ab Aurantianis est intellectum, quum oppidani e sacra turre conspectis e longinquo Ferruccianorum vexillis,

vexillis, eorum scilicet qui præcurrebant equitum, sacri campani æris sonitu adesse iam Cæsarianos hostes significarent, atque eo modo dum expectatur Aurantius, qui fidem præsens oppidanis daret, quod multum interesset ad victoriam parandam, eo opportuno plenoque commeatus oppido potiri, equites circumflectentes se subter mœnia versus sancti Marcelli oppidum excurrerunt, & cum antecursoribus hostium leves pugnâs ferere cœperunt. Siquidem Ferruccius sanctum Marcellum ingressus, paucis interfectis, & eorum domibus qui erant adversæ factionis crudeliter incensis, Gabinianum petere statuebat, ratus hostes nequaquam tanta celeritate occursuros. Dum oppido egredere-
 10 tur, conspexerat turbam mulierum cum liberis rerum suarum onera capitibus portantium, quæ adversa porta exiissent, in montes altissimos evadentem. Nonnulli propterea locorum periti milites, qui de adventu hostium certius cognoverant, Ferruccium cohortari cœperunt, ut eodem montium dorso, quo ire pergerent mulieres, agmina educere vellet, quod id montanum iter angustam viam, & utrinque abruptissimos haberet deiectus, sic ut hostes illac non facile persequi possent ascendentem in ea Apœnini iuga, quæ demum æquiores quanquā longiores vias dextrorsum haberent, & per eas ad Scarpariam & Mugellanum agrum descendere possent. Paulus Renti filius levem putabat
 10 impedimentorum iacturam, modo incolumes elusis hostibus eo pervenirent, quod vocarentur. Sed Ferruccius elato spiritu id consilium, quod timoris & fugæ indicium præbere posset, detestatus, rectâ progredi cœpit. Præibant equites Carolo atque Arsula ducibus, & quum non amplius duobus millibus passum Gabinianum abesset, antesignanæ cohortes, quas ducebat Bernardus Strozza, cui cognomentum Captivantio fuit, ad Gabinianam portam applicarent, postremæ aciei vexilla ad portam sancti Marcelli adhuc erant. Iter non admodum erat impeditum, sed paululum per acclivia descendere oportebat, quoniâ sancti Marcelli oppidum in ima valle positum est, & perpetuis undique montium iugis præcingi videtur. Iam Cæsariani qui cum Roscio, Theodoroque, ut diximus, præmissi fuerant, insistentes vestigijs novissimos carpebant: nam Roscius expeditam sclopettariorum manum sublati singulis in clunes equorum
 10 advexerat, quæ procurfando displodendoque magnopere hostes vexabant. Maramaldus autem à Calamecha vico, ubi pridie hostes castra fecerant, eos sanctum Marcellum petere conspiciens, ad lævam fidei viæ ducibus usus, per superiorum montium & sylvestrium tramitum compendia ad Gabinianum pervenerat. Alio quoque breviori itinere quanquam aspero, Vitellius non procul ab oppido dudum confederat. Interea Ferruccius albo vectus equo districtum tenens gladium suos hortabatur ut compositis ordinib. ad præoccupandū oppidum, quod erat in conspectu festinarent, propellerentq; urgentes hostium equites: nam Carolus & Arsula singulari virtute dimicantes, non sustinebant
 40 modo, sed redintegrato sæpius utrinque impetu per declives ripas adversos, & terga vertentes hostes se recipere cogeabant. Dum tumultuosissimè magnoque strepitu pugnaretur, quod è Ferrucciana acie certè sclopettariorum manus emittebantur, & Pompeiani, quos diximus, equitū præsidio missi, equestri prælio se immiscuerant, multiq; iam ceciderāt, Maramaldus ab adversa porta, & partim à facile disiecta mœnium maceria oppidum est ingressus, Ferruccio iam ab anteriore porta signa inferente. Atq; ita per oppidū atrox & cruenta editur pugna, sicut in medio foro magna cōtentione certaretur: nam Ferruccius ingenti

animo in pedes defiliens, abrepta pedestrilancea fortissimè rem gerebat. Nec suis deerat Maramaldus, quin magna vi factò cuneo, toto plateæ spatio potiretur. Interim ex Ferrucciano agmine pars sequuta ducem, ingressaq; oppidum operā navabat, pars deflectens secundum murum, apud castaneti ingentes arbores idoneum nacti locum, quo se adversus insultantes equites tuerentur, displosis sclopettis adversa glandium procella hostes obruebāt. Ab his, ut postea compertum est, qui erant numero fermè quingenti, quum Aurantius adducto cataphractorum agmine, ut praelio interesset per arduum ripæ callem eniteretur, vectus spadice, & gladium vibrans, gemina glande traiectus quo decidit, nec tamen statim est agnitus, quum argentea veste & auratis armis carptim exueretur. Ferunt eum prius quàm vulneraretur cum Nicolao Masio, qui primus occurrerat, singulari certamine collatis equis contendisse, quum Græcus ferrea clava ei galeam pertunderet: ipse verò equestri mucrone ad eum perfodiendum iteratis ictibus uteretur. Sed Masium cataphractorum impetum veritum, ad castaneas refugisse. Aurantium autem audacius se provehentem lethalia vulnera sustulisse. Eodem ferè tempore Vitellius in agmen secundæ hostium aciei, quam Paulus Rentij filius ductabat, ex obliquo peropportunè inVectus, ad primam ferè impressiōem ita perturbavit atque disiecit, ut omnibus vexillis in unum de more conglobatis potiretur, vel acerrimè resistente Paulo, qui dimisso equo constantissimè pugnans, aciem componens, & pugnam instaurans, ad oppidum perumpibat, ut Ferruccio opem ferret. Cæterum ubi Aurantium cecidisse, & cataphractorum agmen, sordum visu atque incredibile dictu, se totum retrò in fugam præceps dedisse vulgatum est, Ferrucciani sublato victoriæ clamore se conglobare, & perterritis insistere cœperunt, ac nisi Germani qui se nihil adhuc commoverant, sed phalangem suam instar arcis ad sociorum receptum non procul ab oppido in ordine continebant, in viam progressi tumultuarios hostium procursus represissent, proculdubio nemo equitum fugere destitisset, quum eorum plerique, & ante alios Rossales exemplum Antonij Hisceræ qui cataphractis præerat sequutus, intenta fuga usque ad Pistorij portas profugisset, tanta perturbatiōe, ut & in castris ad Gonzagam, & in urbe ad dictatorem interfecti Aurantij, fusi quæ exercitus fama deferretur. Eodem puncto temporis Vitellius Pauli cohortes oppidum intrantes urgendo cædendoque aliquandiu persequutus, opportunè deflectens ad portam, qua Maramaldus intrarat, ut ei maturam opem ferret, signa intulit, & usque adeo sævum certamen renovatum est, ut in plateam coacervatis cadaveribus impeditam penetrari vix posset. Sed Ferruccius & Paulus ex longa pugna, maximoque meridiani temporis fervore fatigati, in quandam editiorem domum se receperunt, atque inde sclopettis rem gerere perseverarunt, donec ab equitatu levis armaturæ, qui Rossalem fugientem præ pudore sequi noluerat, confertis turmis conglobato, hostium equites ad unum omnes profligati deletique sunt, quum paulo antea cohortes vel quæ oppidum ingredi nequiverant, vel quæ Ferruccij iussu extrà remanserant, Aurantiumque interfecerant, clavis utendo ferreis, quibus galeæ quidem vix resistebant, prostratæ fuissent: neque ea die magnopere victis profuerunt præparatæ ad id tubæ sulphureum vomentes ignem, quum aliquot tantū in Germanos & equites iacere licuerit, nec direptis & perturbatis impedimentis, moschetti expediti, aut canterijs, uti sperassent, imponi nequiverint.

Ferruccius & Paulus aduersæ pugnae exitum, atq; infestam Florentino no-
mini Fortunam agnoscentes, quum ipsorum milites aut interfecti, aut capti
essent; expugnatisq; atq; direptis singulis oppidi domibus, Maramaldus certa
victoria iam potiretur, se dediderunt: moxque Ferruccius, vti erat armatus, ad
Maramaldum perducitur. Tum verò Fabritius, An quū Volaterris tympanis
tam meū contra militiæ morem laqueo impiē suspendebas, te vnquam ad ma-
nus meas peruētūrū putaras? Tum ille: Hæc non iniqui semper Martis fors est,
que tibi bellū gerētī obuenire potest. Sed tu si me occidas, neq; utilē, neq; deco-
rā ex mea nece laudē feres. Sed itidem obiurgans, & ex mercatore ducem factū
10 appellans, victor ei galeam & thoracē detrahi iussit, gladiumq; gutturi impe-
git, & militibus conficiendum reliquit. Erat Ferruccius excelsō corpore, excel-
soque animo, sed admodum superbo, tumidioreque facundia; ita vt non
longo quidem belli vsu edoctus, sed naturali quodam Etruscæ solertiæ vigo-
re peæditus, singula munia cum admiratione non ciuium modò suorum, sed
militum implēdo, strenui militis & iusti penē ducis speciem præferret; sed qui
adunco naso, palloreq; multo & oculis sanguineis insitam feroci ingenio cru-
delitatem fateretur. Audiui ego postea à Maramaldo, quum eius cædis damna-
retur, se nequaquam ex priuata iniuria, sed quodam non impio pudore
percutum eum seruare noluisse, ne incolumis hostium dux, postquam tantus
10 imperator cecidisset, seruaretur. Quando sibi honestissimum fore duceret, si e-
um in gratiam militum, Germanorumq; præsertim, pro victima Auranti, ma-
nibus immolaret. Cæterum Auranti cadauer iam armis omniq; amictu unda-
tum sub ipsam cataphractorum fugam Tentauilla Gallus eius familiaris, agni-
tum collectumq; extra oculos militum asportauit, et stragulæ laneæ vesti in-
volutum in sacello collocauit, donec parta victoria susceptus in ceruicem ro-
bustioris equi, brachijs & cruribus vtrinq; pendentibus, lugubri humanæ
miseriæ spectaculo Pistoriū est deuectus; non ab simili fati sorte ac Borbonius
fuerat ereptus, quum vterq; in limine victoriæ suæ ceciderit. Ferunt in eo qui
nondum trigessimū ætatis excesserat annum, perillustres liberalis animi,
10 & pugnacis ingenij virtutes, quibus studia militum, vt alibi diximus, cum
insigni gloria, & non obscuro quodam dolore Cæsaris promerabat; quum mi-
litibus defensi Neapolitani regni oppida, tanquam sua, quæ aliena erant pro-
fusissimè largiretur; & ante alios semper in acie conspicuus pugnam ciceret.
Ortus erat Salonia familia apud Sequanos illustri, præferebatq; indolem in-
clyti futuri ducis, nisi id summæ gloriæ decus intempestiua præuaricatione,
quæ temporis spatium atque integra ætate pararetur, præferuidus affectasset.
Cecidere ea in pugna paulò minus duo milia hominum vtriusque partis: nam
multi postea ex vulneribus perierunt. In his autem fuere acerrimè pugnantes
Ferruccianorum cohortium præfecti, Capitaneus Borgenis, & duo è Cor-
10 forum gente, Paulus & Franciscus, atque item Carolus Ciuitellæ comes, qui e-
questri prælio longe omnium promptissimè dimicarat, & Alfonsus Stipicia-
nus Farnesia matre genitus, ipsius Pauli Ceritis propinquus. Ex Fabritia-
nis verò Ioannes Maius inter Brutiarum cohortium præfectos pugnacissi-
mus, & tres cum eo signiferi occisi sunt. Amicus quoque Arsula Martio Co-
lumnæ pecunia redimenti traditus, necatusq; est, quod Scipionē Colūnam pa-
truelē suū Malliana in pugna, ipsius Amici manu interfectū fuisse diceret; igno-
bili hercle facinore, sed vlitato huius seculi Romanis, qui iniuriarum perpetuō

memores, vindictæque avidi, inimicorum sanguine propinquorum suorum manibus avidissimè parentare consueverant. Mafius verò à suæ gentis equitibus captus, æquo iure militiæ facile se redemit. Captivantius quoque Strozza graviter vulneratus, curatusq; apud hostes, mille aureorum nummum pretio dimissus est, quum Paulus Ceres eadē militiæ lege aureis numinis quatuor milibus à Maramaldo libertatem impetrasset. At Florentini vel hoc adverso Ferruccianæ pugnæ eventu vehementer perculsi, nihil se animo demittebant, nihilque obiter ad petendæ pacis consilia flectebantur: nam populares insatiæ contumaciæ & summæ acerbitalis homines, quorum pervicacibus ingenijs respub. regebatur, extrema supplicia à barbaro hoste perpeti, & captæ conflantisq; patrię interitum conspiceret, quàm deditione se victos fateri malebāt. Et quoniam suprema auxiliorum spe decidissent, devenissentque ad ultimam alimentorum inopiam, qua una non civium modò & imbellium tanquā propinqua morte, sed militum vires atque animi frangerentur, ad id extremi consilij decretum decurrebant, ut longè gravissimo impetu ad salutem, aut si non ita fors ferret, non indecorum communē exitum, in hostes erumpendum esse censerent, ipso ante alios concitante dictatore, cuius mentem inveterato depravatam odio, atque ipsa afflictarum rerum desperatione perturbatam, neque religio, neque erga patriam pietas, neque ulla demum prudentiorum consilia sanare poterant, quin in ipso honore magistratus ipsoque iam proviso peritura libertatis & cadentis urbis funere, mortem oppetendam decerneret. Huic diro insistentes cōsilio, per eos dies quibus Ferruccium Pisis movere iusserāt, à Malatesta Stephanoque intentē & graviter postulabāt, ut in eandem committendæ pugnæ sententiam devenirent, & fortibus explicatis consilijs, expeditisque efficacibus armis secum adesse vellent, qui pro libertate saluteque patriæ, supremi certaminis aleam subire statuissent. Ad ea duces, quod ita ex usu saluteque civitatis, & sua dignitate rebantur esse, de scripto his verbis dictatori, decurionibus, decemvirisque responderunt, ut eos iusta militiæ ratione à temerario exitiali que decreto deterrent, utpote qui honesta pactione, ut antea per Cencium Strabonem Aurantijs sensus pertentassent, de deditione transigere, quam rem ad periculosissimum prælij discrimen deducere, multo satius atque salubrius esse iudicabant. Quum sæpè aliàs accuratè deliberando, excelsi Reipub. præsides, de eruptione consultaretis, semper nobis una atque eadem sententia fuit, ut id periculosæ aleæ discrimen tanquam funesti exitus, libero ore detestaremur. Nam pro disciplina cuncta bellicæ rationis momenta diligenter expendentes, facile providebamus, nos iniquissima locorum & rerum omnium conditione cum hostibus pugnatuuros: quandoquidem numero virium inferiores, uti præclare liquet, & vos omnes facto sæpius periculo perspexistis, nisi temerè & cæco impetu hostem adoriri expugnareque non possumus, munitissimis scilicet & distinctis vallatum castris, æquitate loci fretum, & multo tormentorum apparatu instructum. Itaque nihil à priore sententia discedimus, nostri nanque muneris atque existimationis est, ea afferre consilia, quæ civitati tuta, atque salubria sint: ea verò quæ certum incommodum, & luctum, atque adeo summam calamitatem prænunciant, repudiare penitus atque damnare: nec mediocris subinde animis nostris bellici decoris cura insideat, ne si militiæ parum peritis, quod syncerè dictū vos equo animo laturus scimus, temerè atq; indulgenter obtemperemus, nō obscuræ inscitiae, tumentisq; arrogantiæ apud univ-

universas gentes damnemur, & superos hoc tanto admissio piaculo graviter of-
 fendamus, inexprabilemque subeamus invidiam, si malè sano præcipiti que no-
 stro consilio, patriam vestram omnium florentissimam, & quod ad Italiæ pu-
 blicum decus attinet, avaritiæ atque immanitati Hispanorum & Germanorū
 occupandam atque delendam, teterrimo urbis Romæ exemplo obijciamus.
 Sed postquam à nobis nunc hoc unum postulatis, ut quæ erupturis via inter
 omnes maximè difficiles, tutior atque aptior videri possit, demonstramus: Pri-
 mum omnium scire vos oportet, castra hostium ita perductis & cōiunctis mu-
 nitionibus esse permunita, ut nequaquā ē montibus, sicuti speculando depre-
 hendimus, aliunde instructa acie descēdere liceat, quā duabus omnino vijs,
 quarum altera est secundum Roscianam villam, & subter Margaritæ Monticij
 templum, qua ad ipsa Aurantij castra pervadere possumus: altera relinquitur
 per vallem, quæ ad Gallum, ubi Hispanorum sunt munitiones, perducit: nam
 utrinq; aggeres aliquanto longius quā alibi inter se distant, ut sine detrimento
 ad ipsas usq; munitiones perveniri posse appareat. Neque enim ē Fridiana por-
 ta conservatis ordinibus erumpere licet, quod evadentibus tormenta hostium
 Olivetano in podio constituta & certius collibrata immineant, quæ singulare
 incommodū affere posse facile demonstrant, sicut Germanos etiam ē suis Pul-
 verosæ castris, cognito nostrorum egressu nihil moraturos credere par sit, quin
 at ergo vehementer atque celeriter incumbant. Pari quopue ratione quo pa-
 cto Catelina porta tuto educi agmina possunt, non videmus, quum hostiū mu-
 nitiones adeo mœnib; sint propinquæ, ut intra teli iactum portam dispiciant,
 egredientesq; non maioribus modo tormentis, sed ipsa sclopettorum procella
 obruere facile possint, prius quā componi atq; instrui ordines queāt. Quod
 si sancti Georgij portam respiciamus, liquidò nihil insanius & perniciosius ac-
 cidere posse iudicandum est, quā si illac erumpere conemur: quandoquidem
 in conspectu sit Barducciæ casæ propugnaculum, quod portæ opponitur, mul-
 titudine tormentorum undiq; permunitum, quo vetari potest et egressus ipse,
 & tota adimi instruendæ aciei facultas. Barduccio quoq; coniuncti sunt per-
 petui aggeres, qui directâ serie totius protractæ munitionis ad Giramontē usq;
 pertinet, & usq; adeo urbi proximi sint, ut aliunde q̃ duobus ijs, quæ diximus,
 itinerib; tentari eruptio nequeat. Ceterū nos magnopere permovet, omnemq;
 avdacioris consilij rationem & spem perturbat, dubius & anceps qui proponi-
 tur expugnandæ munitionis eventus. Sed esto quod impigrè aggeres conscen-
 damus, atque ipsa hostium munitione victores potiamur, num idcirco speran-
 dum est, ut Germani atque Hispani sibi desint: nec se colligendi instruendiq;
 spatium habeant: ut dispersos, & in expugnanda munitione fessos, inordina-
 tosque nostros conferta acie nequaquam invasuri credantur. An non Italicas
 cohortes, quæ & in tergo & dextrorsum sua minora separatim habent castra, in
 tanto tumultu cessaturas, quin accurrant, putabimus? Et non rectè suspicabi-
 mur Lodronianos Germanos ē Pulverosæ castris, & tirones quoq; Hispanos
 superato Arno laborantibus suis occursum? Quod si planioribus locis iux-
 ta Arnum maiore circuitu, ut quibusdam videri potest, sit erumpendum, infe-
 lici certè audacia, atq; infausto consilio agmen nostrum per patentia loca per-
 ducetur, quum universum hostium equitatū vestigijs extemplo insequuturū,
 & pedestres copias equestri nudatas præsidio perrupturum facile ominari
 possimus, præterquam quod aliquanto minore cohortium nostrarum numero

Id iter sit tentandum, quum necessario relinquenda sint firma præsidia in munitionibus, quæ sunt ad sancti Miniati, sanctiq; Georgij colles, quæ urbem tue-
 ri valeant, si forte hostes animadverso neglectoque longiore nostrorum itinere, non absurda occasione adducti, commodeque invitati, montem invadant
 & occupent, atque inde urbem vacuum militari præsidio confestim adorian-
 tur. Proinde penitatis utrinque viribus rerumque periculis in hoc decretum
 descendimus, ut nos confirmare non pudeat hostes undique numero, viribus,
 æquitate loci, apparatuque rerum omnium esse superiores, melioreque ideo
 quàm nos Fortuna, uti facto sæpius periculo, omnino pugnatu-¹⁰ros. Nihilose-
 cius tamen profite-¹¹mur, si imperabitis nullum vel salutis vel existimationis no-
 stræ discrimen reformidatu-¹²ros, modo ea quæ dictator in rem opportuna sæ-
 pius promissit, egregiè præstet, ostendemusque proculdubio, neque fidem ne-
 que industriam, neque, si dicere fas sit, virtutem probis dignam ducibus nobis
 erga vos omnino defuisse. Hæc tradita decurionibus, & per omnes ordines le-
 ctitata, quanquam iniquis auribus atque animis acciperentur, aliquos tamē de
 salute publica maximè sollicitos impulerunt, ut in tanta negotij difficultate sen-
 tentias à præfectorum primoribus separatim exquirendas censerent, vel ob id
 quòd Malatesta & Stephanus de scripto significarant, se omnes cohortiū præ-
 fectos pridie advocasse, propositoque pugnae consilio, & qua nam parte quo-
 ve itinere, si ineundi prælii opinio probaretur, erumpendum foret affirmarē,¹³
 eam esse omnium sententiam, nisi iniquissima conditione prælio certati non
 posse, sicut civitatem maximè evidenti supremæ calamitatis periculo obijci
 constaret. Itaque quum ab aliquibus probatae virtutis & fidei præfectis sigilla-
 tim sententiæ exquirerentur, neminem ferè reperiebant, qui tantæ rei difficul-
 tates audacioribus elevaret verbis, aut ullam omnino prosperè edendi prælii
 spem promitteret: quanquam ad unum omnes se dicto atque imperio obtem-
 peratu-¹⁴ros, & fortem navatu-¹⁵ros operam pollicerentur. Sed unus ante alios aia-
 tis honore, & longo militiæ usu facile superior Pasquinus Corsus, qui sub Ioan-
 ne Medice spectata cum laude ordines ductarat, quanquam inculta facundia
 non inepta tamen usque adeo liberè commemoratis difficultatibus atque peri-¹⁶culis
 differuisse visus est, ut nihil stultius atq; damnosius fore testaretur, quàm
 si eruptione pugnandum statuerent, proptereaque infensis torvisq; oculis eum
 populares intuerentur, & nonnulli comprehendendum, atque extemplo capi-
 te puniendum dicerent. Quo rumore ad eius aures perlato Pasquinus postea
 curiæ limine abstinuit, nec nisi suorum cohortibus stipatus in area versari au-
 sus est. Neque propterea magistratus quin obstinatè in sententia persisterent,
 persuaderi ullo modo poterant: nam identidem singulis diebus ab utroque du-
 ce flagitabant, ut omnino ad erumpendum corpora atque animos & necessa-
 ria arma compararent. Quibus importunis expostulationibus duces ita & de-
 scripto semper respondebant, ut magnopere ea consilia detestarentur, quando¹⁷
 manifestum totius belli, summæque rei discrimen agnoscerent, ideoque pacis
 atque concordiaæ quas rationes præferrent, ac obiter postquam de conditio-
 ne loqui cœpissent, postulabant, ut sibi ad Aurantium duos legatos mittere li-
 ceret, quorum fideli industria eius introspecti explorarique sensus omnes, atq;
 referri certius possent, quoniam de eius voluntate postulatisque, diversa ab his
 quæ magistratus dicerent, audiebantur, nec ea quidē de causa, ut ipsis tractan-
 dæ compositionis negotium eriperent, & sibi usurparent, quod publici magi-
 stratus

stratus muneris esse faterentur, sed ut exploratius quæ tractarentur, agnoscerent, sibi quæ, uti deceret atque æquum esset, tempestivè cauere. Id verò præciare confirmabant, si superbus hostis honestas pacis conditiones repudiaret, & libertatis nomen revellere, potiri quæ ad arbitrium dedita civitate contenderet, aut si populus ab omni concordie mentione aversus foret, pugnandum quæ decerneret, ipsos non recusaturos vel certissimæ mortis periculum, quin donec vita suppeteret, pro salute dignitate quæ urbis decertarent, quando se nusquam aut nobilius aut honestius vitam morte commutatu-
 10 ros arbitrarentur. Sed id unum præcipuè ab æquitate summi magistratus postulare, ut advocato maiore populi consilio, ipsis concionandi libera facultas daretur, scilicet ut propositis instantium discriminum difficultatibus, an eadem omnium foret, quæ tum decurionum esset, repudiandæ concordie atque appetendi prælii voluntas, numeratis suffragiis explorarent. Quod si ex mora & proluxa cunctatione temporis beneficio frui posse confiderent, subinde quæ remedium certum afflicti serebus alicunde afferri posse sperarent, sibi magnoperè opportunum & planè necessarium videri, urbem multitudine imbellium exonerasse, quo inopia levaretur, quum iam fames urgeret. Ipsos etenim certis præsidijis eam turbam in tuto loca mœnibus feliciter educturos, deceptis scilicet, aut si ita casus ferret, strenuè repulsis hostibus. Tum vero se daturos operam, ut milites æquissimis
 20 animis obsoniorum omnium, vini quæ inopiam ferrent, modò illis præsentipæcunia ad diem stipendia solverentur: & quando cuncta alia eos alimenta deficerent, pane etiam cibario atque fursuraceo contentos fore. Interim dum senatus his gravissimis dissentientium ducum responsis severisque obtestationibus, angeretur, ferè uno tempore in curiam certius allatum est, Aurantium postridie Cal. Augusti cum delecta parte exercitus è castris ad opprimendum Ferrucium contendisse, postero quæ die eo eventu conflixisse ad Gabinianum, ut ipse in primo congressu caderet, & eius equites terrore concepto in fugam verterentur. Sed mox tanta vi à reliquis ducibus instauratam fuisse pugnam, ut Ferrucianæ copie ipsarum duce interfecto, & Paulo Cerite capto, amissis vexillis
 30 funditus delerentur, nec iam ulla spes reparandi exercitus superesset. Quo atrocino, quanquam in universum civitas admonebatur, ut ad deditio- tractandæ conditiones tempestivè decurreret, nihil tamen principes popularis factionis qui erant in magistratibus tanto communi periculo permovebantur, sed magis ac magis duces urgebant, ita ut ab his in ipsum committendæ pugne decretum præsentem operam exigerent, qua eorum virtutis simul & fidei in extremo Reipub. discrimine periculum facturi essent. Eratis pervicacium animorum habitus usque a peo stabilis & confirmatus, ut Malatesta magnoperè miraretur, cur Florentini præsidēs nihil omnino de priore sententiarum ferocia remitterent, quando quidem res adversæ aliàs comminuere vel in-
 40 solentium spiritus solerent, ipsis autem adaucto periculo mirum in modum augerentur, sicut hæc non ab inusitata animorum fortitudine, sed à violenta quadam rabie, desperatione quæ rerum proficisci prædicaret. His de causis fiebat ut nonnulli ex primoribus popularium eam Malatestæ oris libertatem, & obsequendi contumaciam tanquam dubiæ fidei implicitam apertè calumniarentur, adijcerent quæ non ideo illum, qui natura pugnacis esset ingenij, reformidare prælii eventum, quod hostium vires insuperabiles putaret, nec quod urbanas res æquo impensius propter annonæ inopiam afflictas arbitraretur, re-

pugnare magistratum voluntati, officioq; suo deesse, sed eum prorsus Clementis promissis atq; muneribus corruptum militiæ sacramentum negligere, ob idq; se dicto atq; imperio audientem minimè fore statuisse. Nec defuit ferox culus notus senator Andreolus Nicolinus, è decurionum numero, qui diceret, Malatestam quum veniret in curiam comprehendendū esse, atq; extēplo Pauli Vitellij exemplo capite mulctandum. Quā atrocissimi de se iudicij cogitationem Malatesta facilè subodoratus, vsq; adeo grauiter tulit, vt quū inermis, & paucis à pedibus seruis humili vectus mula, quod esset tenuissima valetudine, ad decuriones consultandi causa ascendere consueffet, vir æq; ferox & suspicax, numeroso satellitum comitatu septus, eo diè ad senatum accederet, ita dispositus in limine atq; atrio curiæ scalisq; , & superiorum conclauium singulis foribus, armatorū præsidij, vt aduersus omnē intestinam vim quæ inferri posset munitionissime se confirmaret, & libero ore in confesso quereretur fidem suam in dubium à quibusdam contumiliosè reuocari, despiciq; sua consilia, quæ de compositione protulisset, studio quidem propensissimo conseruandæ ciuitatis, postquam ipsis cuncta omnino aduersa, hostibus autē, si tot irritos conatus enumerarent, prospera atque felicia prouenissent. Propterea se superos orare, vt eam mentē senatui darent, vnde ipsorum consilia complecterentur, quæ Reipub. salutaria forent, postquam eò esset deuentum, vt minimè prolixa deliberatione opus esse iudicarent. Decuriones ad ea mitissimis verbis responderunt, dilueruntq; adeo appositè totā eam suspicionem, vt ipsi & Stephano binos legatos ad Ferdinandum Gonzagam mittendi facultatem concederent, (ad eum siquidem mortuo Aurantio militari consensu summa imperij authoritatis reciderat) quibus de compositione loqui referriq; liceret. Tum vero Malatesta discessit, & re cum Stephano communicata, legati confestim ad castra hostium missi sunt. Sequenti die dictator cum decurionibus atq; decemuiris legatos audiit, qui eam esse mentem Cæsaris à Ferdinando referebant, vt incolumis libertas ciuitati seruetur, & his quidem conditionibus, quæ neq; immodicæ, neque ab vlla parte omnino spernendæ videri possent. Sed adeo malefana erat popularium voluntas, vt nihil sibi ex condicionibus detrahi vellent, quibus futurum intelligabant, vt reductis Mediceis atque patritijs, popularis status forma mutaretur, vnde ipsos qui tum publica munia in lucro haberent, magna ex parte excludi apparebat. Nam plerique non ad decus Reip. sed ad priuatum quæstum magistratum honores reuocabant, quibus mediocres & nonnulli ex fece populi homines ditari consueuissent; postquam nobilitas perculsa popularium metu in exilium abiisset. Itaq; non multum inter se consultantes propositæ concordie condiciones superbi repudiarunt, & ad pristinum experundæ prælii Fortunæ decretum redierunt, tanta obstinati animi perseverantia, vt Malatestæ eam esse senatus vltimam voluntatem significarent, ipsorum dum consilijs uti nolle, sed ab his tantum fortem fidelemque militum operam requirere. His acceptis mandatis duces vsque adeo intempestiuā atq; execrabilem decurionum, dictatorisque præsertim pertinaciam stomachati, quod ipsorum vel certissimæ rationis consilia nihil valerent, atq; improbè despicerentur ab his qui militiæ imperiti corruere, & secum in eandem ruinam extremæ calamitatis patriam cæca libidine trahere mallent, quā necessario non iniquæ factionis remedio sese suaq; omnia cōfirmare, his verbis per Cenciū Strabonem descripto responderunt. Postquam vobis excelsi Reipub. præsides immota manet

net metis, ea penitus aspernari cōsilia, quæ toties opportuna periculo quo premimur sincere studioque protulimus, nunc tandem arbitrati sumus sicuti viros militares, & non obscura præditos dignitate decet, oportetque, cunctas scilicet militiæ rationes ad bellicum decus revocantes (id enim unum ipsa vitæ carius esse debet) nobis maturè consulendum, ne vobiscum si impio vestro imperio parandum putemus, in idem exitium cum inexpiabili existimationis nostræ infamia perducamur, quandoquidem nihil turpius atque ignominiosius nobis accidere possit, quàm si huic urbi, quam undecimum iam mensem impigre defendimus, volumusq; non modò incolumem, sed salvis etiam, quòd maxime optatis, liberæ civitatis legibus florentem, horribile supremi excidij periculum ab insana inauspicatæ pugnæ cupiditate procreemus. Proinde certum est interesse nolle, neque nos duces præbere huic perversæ, ideoq; exitiabili funestæque eruptioni. Illud autem ut hoc consilij susciperemus vehementer impulit, quòd universæ civitatis iudicium sequi iustum honestumque sit, quum multo maximæ partis civium voluntates ad deditiōem proclinas intelligamus, & idcirco civibus maius consilium uti poposcimus, denegatum fuisse suspicemur, quo non dubiè adversis suffragijs pertinacia vestra frangeretur. Hæc scripta quum à decurionibus legerentur, Cencius militari libertate insolentes quosdam sermones, quibus magistratuum offendeantur animi, ita ferere cœpit, ut ex transverso decurionum obtutu non obscurus omnino metus ei incuteretur. Itaque vim apparitorum veritus ille celeriter se explicuit, scalasq; magnis passibus descendit. Quum ea ducum responsa verbaq; Strabonis aliena prorsus ab eorum mentibus & planè contumeliosa viderentur, Decemvirī cū decurionibus dictatoresq; in unum coeuntes, utpote qui elati atque severi adversa vel acerba audire nunquā antea didicissent, raptim Malatestam ipso honore militaris imperij abdicandum censuerunt, solenni q; diplomate cum summa verborum lenitate perscripto, quo se dimitti perspiceret, ad eum extemplo duos senatores, qui ea in re magistratuum decreta certius referret, miserunt. Hi fuere Andreas Nicolinus, legatione dum Bononiæ esset apud Pontificem functus, & Franciscus Zattus, ambo populares, averseque penitus à concordie studio saluteque civitatis. Habebat eo tempore Malesta trans Arnū Binianis in ædibus Catelinæ portæ propinquis, expectabatq; ut magistratuum mitescerent animi, & ad meliora consilia verterentur. Proinde admissis legatis, atque his mandata quæ habebant referentibus, usque adeo vehementer conturbatus iracundiāq; correptus est, ut Nicolinū districto pugione repetitis ictibus, sed dextra tñ debili vulneraret, quòd arrogantius quàm deceret proloquutus videretur, vixq; illum astantes milites ut legatis parceret obnixè deprecantes, lenita ducis iracundia morti subtraherent, ipse verò Zattus gravissimo metu perfunderetur. Eius à Malesta editi facinoris perinde atrocis atq; superbi fama celerrimè pervasit in curiam, & inconditum tota urbe tumultum ita excitavit, ut eodem propè momento temporis cum cives ipsi, tum milites ad arma decurrerent, & tota area singularum tribuum vexillis compleretur. Hic armorum strepitus ad id Malatestam impulit, ut occupandæ Catelinæ portæ consilium caperet, & Marguttem Perusinæ cohortis præfectum eò convolare iuberet, à quo fores refringerentur, & tormenta quæ in propugnaculo erant in hostes obversa, ad terrorem atque perniciem civium, si quid hostile auderent, illico converterentur. Tum verò dictator è fenestra armatas tribus prospectans, &

subita exardens iracundia, quod Malatesta perfidiose atq; insolenter legatos violasset, tanta animi perturbatione casum est indignatus, ut sibi omnino in hostes, armato consequente populo erumpendum, ideoq; honestè cadendum esse statueret, sibiq; instratum equum dictatoris operimentis exornatum adduci iuberet; iamq; desumptæ lorice dictatoris potestatis paludamentum, quod paulo ante in hos usus confici curarat, superindueret, & singularis amentiae quodam furore percitus, spumantibus labris & dentibus infrendens descendere pararet, sic ut eum pleriq; ex populari factione, qui desperata venia plurimum de salute dubitabant, si aduersariis succubuissent, dictatorem laudando, quatiendoq; arma, magnopere concitarent. Eoq; die profecto lugubre ciuitatis spectaculum Raphael furibundo similis edidisset, nisi constantissimi probiq; animi vetustissime familiae ciuis Cecottus Tosingus effervescentis animi motum in dictatore graui dehortatione mitigasset. Is enim propius accedens, pater, inquit, dictator, ut voceliberi ciuis utar, & te non importune tui muneris, tuæq; dignitatis, & publicæ omnium salutis admoneam. Nihil enim incommodius & pestilentius in magnis consilijs præcipiti iracundia esse potest. Proinde compestenda est hæc tua ardentis animi vis impotens; eaq; omnis ad rationem salubreque consilium omnino conuertenda videtur; ne cuncti, si eodem impetu cum externo atque intestino hoste pro dignitate tui imperij dimicaturum subsequamur, vel non inulti miserrimè tamen barbarico gladio pereamus. Nam esto quod duces ad sanitatem redeant, & milites dicto audientes esse velint; non video tamen qua via nobis sit erumpendum, nisi mœnia demoliamur, ut egredi furis latus aditus paretur. Neque enim quatuor horarum spatio tot armatæ cohortes Catelina porta educi posse constat; sic ut si sensim educantur, non ante instrui queant, quam hostilium tormentorum non dubia atq; inuitabili procella consternantur. Hos Tosinghi sermones nequaquam conuiciosè prolatos, ita nonnulli alij æque prudentes exceperunt, quod Thosinghus magni in re militari usus haberetur: nam ab adolescentia Pisano bello præclara cum laude ordines duxerat; ut in dictatore impetus omnis conceptæ iracundiæ deferueret, et sese reprehendi ciuili modestia pateretur, omnesq; propè qui aderant, ut ex vultu singulorum agnosci poterat, petendam pacem potius quam expiunda arma iudicarent. Accedit autè ut eadem hora trans Arnun magna multitudo ciuium in aream templi Sancti spiritus conueniret, & Malatestæ causam, factiq; ipsius nomen, quanquam violato ciue non magnopere improbareret, de testareturq; palam magistratuum acerbicatem, qui vel honestas concordiae conditiones abnuerent. Decuriones autem offensi iracundia, atq; alienatione Malatestæ, ne Rempublicam in summum discrimen adducerent, dissimulata iniuria Nicolini, Zanobium Bartholinum, quem tanquam amicissimum Malatestæ maximè idoneum iudicabant, ad eum inter duos supremi magistratus viatores miserunt, ut molliendo exorandoq; operam daret, ne ex eius perturbatio ne respublica detrimentum pateretur. Is facile placato Malatesta, uti optimus ciuis, & publicæ salutis amantissimus rogauit etiam eum priuato nomine, ut in negotio impetrandæ concordiae sicuti cœperat satagere vellet, quando iniquissimum esset atq; miserrimum vniuersam ciuitatem extremæ labis calamitatem subire, si paucis perditæ obstinationis, desperatisq; hominibus assentiretur, qui improbi atq; impij sui exitus famam ab excidio deletæ patriæ querere properarent. Excusauit Malatesta paucis verbis iustæ iracundiæ suæ impetum, quem

quem in Nicolinum effuderat, Cenciumque Strabonem paulo post in castra ad hostes misit. Is Ferdinandum aliquanto molliorem reperit, quod eum Valorius de salute patrie sollicitus, magnis precibus Pontificis nomine diligenter, atque vehementer obsecrasset, ut de concordia transigere maturaret, ne paucorum pertinacia, & sua cunctatione urbs nobilissima in periculum supremi casus devocaretur. Iam enim excitati in urbe tumultus fama strepitusque in castra pervenerat, exindeque alacres fiebant milites, qui opulentissimam urbem praeda suae destinassent. Nec multo post magistratum pervicacia meliorum impulsu, atque ipsa prorsus necessitate superata, ex senatusconsulto quatuor legati ad Ferdinandum decreti missique sunt. Hi fuere Bardus Altovitus, Laurentius Strozza, Petrus Franciscus Portinarius, & Iacobus Morellius, qui apud Ferdinandum atque Valorium summæ Cæsaris atque Pontificis auctoritatis nomen præferentes, his conditionibus de compositione pepigerunt. Ante omnia constituendæ atque ordinandæ Reipub. facultas arbitrio Cæsaris permittitur, sic tamen ut incolumi libertate Florentini suis antiqui iuris legib. utantur. Civitas mulctæ nomine octoginta aureorum nummum milia, ut stipendia militib. præberi possint, quadraginta in præsens, reliqua intra sex menses persoluito: de promissa verò pecunia obsidibus caveto: & quos imperet Ferdinandus numero quinquaginta cives nominatim traduntor, qui in castris custodiantur, donec pecunia repræsentetur. Florentini his urbibus & oppidis atque arcibus, quas præsidij obtineant, confestim excedunt: & quos in carceribus Florentiæ, Volaterris, & Pisis custodirēt extemplo dimittantor. Malatesta & Stephanus militum sacramentum, quod antea populo Florentino dixerint, solenni renunciatione facta statim eiuranto, obligataque fide Balanzoni Belgæ Cæsaris cubiculario promittunt, se tam diu in custodia urbis cum his copiis quas satis esse putaverint, permanuros, donec concordie conditionibus plane sit satisfactum, alimenta que civitati omnis generis commeatus à Cæsarianis interea præbentor. Ipsius verò Malatestæ officij atque muneris sit, tam diu quàm Cæsarianæ copiarum dimittantur, Florentiæ permanere, atque ipse demum urbe excedito, quum id facere Pontificis imperio iubebitur. Cunctis autem Florentini nominis civibus, libera migrandi Romam facultas esto, et quibuscunq; locis placeret, domicilium figere, habitareque impune potestas conceditor: cunctique vel Etruscæ vel cuiusvis gentis milites, qui Florentinorum stipendia fecissent, & propterea vel exilio, vel pecunia et bonis à Pontifice mulctati essent, et noxa poenaeque liberantor. Mediceorum animis acceptæ offensiones, iniuriæque sincera fide deterguntor. Hæc verò perscripta tractataque sunt in castris ad Monticiam villam quarto Idus Augusti, anno à partu Virginis trigésimo supra millesimum & quingentesimum, ea lege ut Ferdinandus Gonzaga, & Baucius Valorius prolixè pollicerentur, se intra spatium duorum mensium curaturos, ut Carolus Cæsar & Clemens Pontifex cuncta ex formula æquissimi iuris comprobarent. Per hunc modum compositis reb. milites utrinque commeari cœperunt, introiitque urbem ipse Valorius magna frequentia gratulationeque populi susceptus, dimissi que sunt omnes qui erant in custodijs, & traditi obsides, quos Valorius iudicio suo nominatim eligendos perscripserat, ex eorum numero qui Mediceo nomini inimicissimi fuisse dicerentur. Sed hi non multo post persoluta pecunia, uti fuerat constitum, in urbem redierunt. primi autem omnium Germani veteres, quos Aurantius adduxerat,

acceptis stipendijs missionem impetrarunt. Secundum eos Hispani, ultimo loco Itali. Cæterum vix dum compositis rebus Florentini longe grauisimum salutis suæ discrimen è seditione militari subierunt. Fortè accidit vt ex Pyrrhi cohortibus, duo noti nominis milites apud Hispanorū præsidia in rem suam euntes, quod ditioꝛe cultu essent, non simultatis sed latrocinij causa interficeretur, atq; eorum cadauera, vti postea ab exuvijs cognitum est, ad occultandum facinus in puteum deijcerentur. Qua crudeli iniuria offensus Pyrrhus, pares infidias idoneo in loco tendens, bis totidē deprehensos, quos patrata cædis conscios putarat, occiderat. exinde creuere odia & vtrinq; accensis ad vindictā animis, captis repēte armis cōcursum est tāta vi, vt tumultuario prælio certaretur, dirimereturq; tamen autoritate atq; intercessione ducū; sed nondum pacatis Hispanis: qui demum confirmatis viribus eo animorum impetu Italos quosq; depositis armis, nihilq; tale expectantes adorti sunt, vt multos interficerent. Tum verò Martij Columnæ, Castalijq; & nonnullæ ex Roscianis cohortes se in vnū conglobarunt, & cum irruentibus Hispanis vehemētissime conflixerunt, quo Italici nominis decus aduersus Hispanos, qui superiorib. annis hīdē de causis seditiones miscuissent, defendendū putarent; promittentibus præsertim Germanis neutris opē laturos. Verū quū tirones Hispani, qui erant trās Arnū non longe à Lodronianis castris, cognito suorum periculo, instructa acie vt veteranis essent auxilio superuenissent, subindeq; Italis creuissent præsidia, atrox certamē contractum est, eoq; Hispani iam perducti erant, vt non dubiam cladem accepturi crederentur; nisi Ferdinandus in eo valde aspero exitabiliq; tumultu, quod nihil deprecando deterrendoq; autoritate valuerat, Tamisiū monuisset, vt Germanorum phalangem promoueret, Hispanisq; se applicaret; quod Itali propter vetera in externos odia, deletis semel Hispanis, nequaquam ipsis Germanis parfuri crederentur; ob idq; præsertim quod euulgatum esset, Malatestā ex condicō, vt Italiam excusso penitus externæ gentis iugo seruitute liberaret, vrbe copias suas educiturum. Eo inexpectato promotæ phalangis aspectu talicæ cohortes cōmotæ, sese recipere cœperunt, tanquam impares, & insolenter prementibus Hispanis terga vertere coactæ sunt, tanta perturbatione, vt suis castris atque tentorijs pellerentur, & dum Hispani direptione tabernaculorum occupati essent; neq; Sabellus è Rosciana villa se commoueret, vt pulsus opem ferret; Arnū transierunt, quum iam trina Malatestæ vexilla conspicerentur; atque eo modo exuræ impedimentis sub Fesulanis collibus disperim per villas confederunt. In eo tumultu ferunt amplius trecentos vtrinq; fuisse desideratos, fauciatos autem bis totidem, sed Italicas cohortes maius accepisse incommodum, quod rerum suarum iacturam fecissent. Hīsdem diebus Maramaldus, & Vitellius, atq; item Zuccerus, cum maiore parte equitum leuīs armaturæ, in Pisanū agrum à Ferruciana victoria descenderunt, positisque binis castris in vtraq; superiore Arni ripa, & impetratis a Lucensibus muralibus tormentis, urbem intercepto multo pecore obsidere cœperunt. Quum verò Vitelliani vsque ad sancti Marci portam excurrerent, Michael è Montopoli, quem Pyrrho singulare detrimentum intulisse diximus, contineri non potuit, quin ad aperta porta prosiliret, & cum hostibus leue certamen contraheret, quo ipse audacius pugnās occubuit. Nec multo post Odoardo Giachinotto prætori, à Florētinis in ita concordia cū tessera nunciatus est missus, à quo Aloysius Guicciardinus in eius locū successurus, statim est

introducitur, cui Pisani ex templo sacramentum dixerunt. Ipse vero Odoardus traditus iam arcibus non multo post à Guicciardino comprehensus est, diuque tortus, quod paulo ante Pisis Iacobo Corsio eiusque filio Florentinis civibus summa crudelitate ex levissima suspitione cervices abscidisset, pari supplicio affectus est. Maramaldus autem atque Vitellius Pisano agro excedentes, hic per Elise vallis pagos ad Florentinum castellum, ille vero per Nevole vallis vicos ad Montecatini oppidum concesserunt, donec persoluto militi stipendio cohortes dimitterentur. Recepta patria, & e sententia compositis Etruriæ rebus, Clemens usque adeo incredibili lætitia affectus est, ut eam totum id conmitia-
10 legaudium, quo Pontifex fuerat renunciatus, superasse fateretur, diceretque urbem alias de religione benemeritam, accuratis sanctissimarum virginum, piorumque hominum precibus, incolumem proculdubio fuisse conservatam, quando Dei superi imminentem cladem præclara miseratione depulissent. Eo autem impensius exhilarari videbatur, quod Aurantius cuius ingenti merito nequaquam facile satisfacere posse iudicaret, in ipso victoriæ limine cecidisset. Is namque non obscura fama ferebatur Caterinam, ipsius Pontificis neptem, suis destinasse nuptiis, ut ex ea Mediceæ domus legitima hæreditate in Etruria dominatum conderet, in flante eum ad id quorundam præfectorum turba, qui ab Aurantio potius liberali comitate, quam à præduro parumque munifico Pontifice
20 amplissima præmia se laturos sperabant. Iam enim Francisco Ruscio quodam Aretino impellente urbem Aretium ditionis suæ facere cogitarat, Aretinorum studio non absurde comparato, quum arcem eorum à Florentinis edificatam, gemente Valorio funditus evertisset. Cæterum Pontifex, quod suæ existimationis pietatisque fore existimabat, tueri nomen quod sibi desumpserat, moderata utens ultione, paucissimorum poena contentus fuit. Duodecimviratum creari iussit, cuius magistratus auctoritate civitatis status regeretur. Is constabat ex lectissimis civibus, qui omnibus temporibus Mediceo nomini mirifice studuissent, & tum ante alios usu rerum, civilique prudentia laudem ferebant. In his fuit princeps ipse Baucius Valorius, in quem Pontifex omnem arcani consilii
30 summam contulerat, & secundum eum Zanobius Bartholinus, Matthæusque Nicolinus, & Armannoctius Detus, ambo iureconfulti, Aloysius item Stufa equestris dignitatis, Antonius Gualterottus, Andreas Minerbettus, Leonardus Ridulfus, Philippus Machiavellus, Octavianus Medices, & ipse quoque Raphael Hieronymus dudum dictator, & adversarum partium princeps: postremo autem loco Nicolaus Troschia popularis ordinis. Ab his creati sunt novi decuriones, & reliqui ex prioris formula magistratus, Raphaelque ipse Duodecimvirali honore contentus, abdicarat se dictatura, suffectusque fuerat in eius locum Ioannes Corsius optimis instructus literis, & Mediceæ familiæ multis nominibus addictus. Exinde creati sunt Octoviri, qui vitæ & necis
40 traditam à decurionibus habent potestatem. Ab his aliquanto post in curia comprehensi, rei que facti maiestatis, capitali supplicio damnati sunt Baptista Ceus, & Aloysius Soderinus, & secundum hos aliquot post dies Bernardus Castellioneus, Iacobus Gerardus & Franciscus ipse Carduccius, qui acerbissimus popularium partium fuerat dictator. Hi pro multis debitas perversis ipsorum moribus poenas dederunt, privatis quidem criminum nominibus in quaestione convicti. Non enim eo nomine damnabatur quod Mediceo nomini insensissimii hostes fuissent, & pertinacissime pro tuenda libertate propugnassent, id

siquidem non honestum modò, sed valde etiam decorum putabatur libertatis nomen constantissimè defendisse, quanquam id esset inane imperitis scilicet & sævis civibus, principatum impotètem tyrannidiq; proximum sævissimè exercentibus. Ceus ante alios acerbæ malignitatis civis, uti è singulorū confessione tormentis per Octoviros expressa, descriptaq; publicis in tabulis rerū capitalium ad memoriam eius legitimi iudicij sempiternam constat, perpetuo suæ sententię tenore concordiam detestatus, supremum ineundæ pugnæ consilium tanquam salubre vehementer extollebat, usq; adeo assiduus ut Malactam, quòd dicto audiens non esset, neq; antea ad pulverosam Stephano Germanorum castra invadenti maturam opem tulisset, capite plectendum apud Decemviros decurionesq; censuisset. Neptem porro Pontificis novennæ puellam, quæ claustris Vestalium virginum servaretur, in ipsa muri corona inter duas pinnas collocandam obijciendamq; hostium tormētis suafisset, atq; item ut Mediceorū domus urbis ornamentum decreto publico excinderetur, quòd ut certius à senatu impetrari posset, sæpius ac sæpius cum Foiano egit, ut inter sacras conciones in eam sententiam populū perducere conaretur. Soderinus autem ex legatione Bononiensi impudenti mendacio retulerat, infirmissimas esse Cæsaris vires, atq; adeo exhaustum Pontificis ærarium, ut non diu ali, contineriq; exercitus eorum posse periti rerum homines existimarent, consternatos esse Germanos, nec procul abesse à seditione frustra utiq; expectatis stipendijs: Hispanos autem ducibus nequaquam parentes rapto vivere, divagariq; per Etruriam manipulatim. Quibus falsis evulgatis rumoribus populū ab omni concordie consilio deterreri, retardariq; posse speravisset, proptereaq; Foianum cucullatum acerbissimas in templis habentem conciones, ut eadem populo nunciaret, hortatus fuisset. Bernardus Castellioneus insana propè truculentig, uti efferato ingenio vir, quum antea Aurantio bellariorum dona detulisset, Vastio cohortanti, ut Pontifici aliàs optimo civi, nec nominis sui clementiæ defuturo, patriam cōcedendam curaret, superbe responderat, sublata atq; ostentata argentea pelvi quam habebat in manibus exclamans, non alio modo Florentinos, quā in cineres redactam patriam ea pelvi reddituros. Dixerat quoq; sæpius in adversarū partium cives invecus, si hi unam tantū haberent cervicē, se illam cupidissimè uno dextræ suæ ictu, districta latiore sica detruncaturum. Confessus etiam est se perpetuis sententijs in patritium ordinem, ipsosq; Mediceos tanquā tyrannos inimicissimè fuisse proloquutum, adeo ut neptem Pōtificis nunquam reddendā esse, sed quum adolesceret, contrudendam in Marmarucos fornices, ubi tum foedissimū erat lupanar, in verecundè censuisset, semperq; in senatu à sententia querendæ cōcordiæ procul abfuisset, incitassetq; iuventutem per Dantem fratris filiū, notę ferociæ apud turbidos du cem, ut nullā aliam quā in armis, internecioneq; inimicorū, salutis spera esse putarēt, & obiter in adversam factionem effusè grassarētur. Hæc tamen di-
 ræ vel malefanz voluntatis crimina nequaquā ab ipso reo cōfessa, sed ab inimicis malignè affixa, impositaq; fuisse pleriq; crediderunt, scilicet ut invisus, effu-
 seq; terribilis, & indomiti animi senex è Repub. tolleretur. Gerardus autem quòd semper maledicentissimè de Cæsare atq; Pontifice fuisset obloquutus, se-
 vaq; malignitate Caponium probè & sapienter Remp. administrātem temu-
 lenta acculatione in discrimen capitis adductum, dictatura spoliasset, & in se-
 natu ad cōtumeliam sacrosancti Pontificis petenda esse auxilia ab immanibus
 Turcis

Turcis pro tuenda libertate censuisset, turbidumque se & periniquum in omni actione civem præbuisset, promeruit ut ab amicis Caponi immittioribus tormentis torqueretur, & ab Octoviris cupidissime damnaretur. At Carduccius sicuti recentis dictaturæ honore cæteris superior, ita quum acerbius à Norio torqueretur, graviora confessus est. arguebatur enim non obscuræ in Remp. perfidiæ, quod literas à Balthasare Carduccio apud Galliæ regem legato missas, pro concione legi ad populum vetuisset, invertique demum eas nefaria interpretatione per Donatum Giannottum scribam iussisset, scilicet ut postquã ille nihil certę opis ab eo rege, qui amicitiam Cæsaris commodò suo appeteret, populo Florentino nequaquam expectandam significasset, civium animi tota sustinendi belli spe deciderent, et ad parandam pacem verterentur: scelestoque demum hortatu suo seorsum iuventutem concitasset, ut in villas suburbanas Mediceæ gentis, & Iacobi item Salviati crudelib. incendijs desævirent, ut propter eam barbarici maleficij atrocitatem civitas omnis desperata venia, à cogitatione concordie penitus averteretur. sed multo maximè eius famam prægravabat, quod dictator inconsultis decurionibus atque Decemviris, ad Antoniũ Franciscum Albicium Areti tum legatum, ut copias omnes in urbem adduceret, malignè perscripisset, ut civitatem imparatam, & ob id de concordia cogitantem, ad gerendum bellum erigeret: contra Rempub. enim fecisse censebatur, quod eius rei consilium magistratibus nequaquam communicandum existimasset. His tamen omnibus concessum est, ut maiorum sepulchris inferrentur. Zanobio autem Bartholino Malatesta, Raphaelique Hieronymo Ferdinandus Gonzaga salutem impetrarunt. Dantem Castellionem Stephanus Columna imposita sacrificuli cuculla secum abduxit, tanquam virum egregiè fortem, qui singulari certamine pro dignitate patriæ dimicasset. Cæterum Raphael in Pisanum carcerem relegatus est: nam erumpente publico odio, summa deflagrabat invidia, quod in tormētis cōvictus esset fecisse adversus Remp. quum è Genuensi legatione rediens, atq; ante collegas præcurrens confirmandis civium animis, & ad gerendum bellum incitandis, Cæsarem atque Pontificem usq; adeo imparatos esse, atq; adeo rei numerariæ inopia pressos dixisset, ut prius oratio eos decocturos, quàm Florentinorum moeniũ, vel unã tantum pinnam caperent, vanissimè testaretur. Quo mendacio tantum diuturni belli detrimentum patriæ attulisse credebatur. primis quoque inchoantis dictaturę sue diebus, quum se à concordia minimè abhorrentẽ fingeret, deque mittendis legatis maiore populi advocato cōsilio ageretur, ac ideo collectis suffragijs manifestè pacem ab omnibus ferè peti animadverteret, nullo ea de re factò decreto, non modò optimos quosque cives, sed ipsos etiam populares ex conscientia animi perosos belli incommoda, tam improbè quàm impudenter decepisset. Pontifex autem eo animo fuit, ut Raphaeli parceret, nisi ille ex importuna verborum contentione cum præfecto arcis indignabundus, non dubiæ libertatis beneficium festinata morte prævenisset. Effudit autem Pontifex totum contumeliæ suæ odium in Foianum cucullatum, qui eum illoto ore in sacris concionibus intemperantissimè lacerasset. Coniectus siquidem in baratrum molis Hadriani totius insanæ facundiæ suæ poenas sceda morte persolvit. Nobis compertum est damnatos evadere, & longè è castris primo, et ex urbe demum profugere potuisse, quod post ipsam deditionem antequam caperentur, & de his ferretur capitalis sententia, duorum ferè mensium spatium intercederet,

quum interim Raphael literis Nicolai Scombergi, antistitis Campani, amicissimi hominis admoneretur, ut si pccatum sibi vellet Pontificem, continuo ad eius pedes supplex ire maturaret. Sed is ita hærebat curiæ, ut ambitiosa quadam ingenij vanitate, quod esset lectus inter duodecim viros, non dubia novi honoris cupiditate teneretur, & qualis dudum fuisset summæ potestatis oblivisci non posset, quin sibi per amplum in ea Rep. qualiscunq; futura esset, locum destinaret. Fit enim aut imbecillitate, aut superbia humani ingenij, ut non facile quisquam ubi peccaverit, vel secū ex conscientia se deliquisse fateri velit, nec ideo alienę severitatis & malignitatis impetū magnopere formidet. Carduccium angusta domi res, quod avaritia incorruptus ex dictatura abstinentissimas manus retulisset, necessitate quadam in urbe retinebatur, quod ad opimam alicuius urbis præfecturam aspiraret, quæ dictatorijs & consularibus viris vetere consuetudine deberetur, usq; adeo ut ea spe vir alioqui peracutus & callidus, se ipsum depravate ingenio stultè deciperet, arbitrareturq; dictaturæ suæ actiones ad duodecimvirale iudicium devocari non debere. Audivi ego à Philippo Nerlio patritio, qui actionū urbanarum diurnales cōmētarios scripsit, à Carduccio fuisse rogatū, ut pro se Volaterranam præfecturam sibi paulo ante è senatusconsulto destinata impetraret: ipsum verò eo respondisse vultu sermoneq; ut id petere ausum castigaret, qui præmia ab his, quibus magnopere nocuisset, promereri posse ineptissime speraret, ideoq; si sciret, ad tutiora consilia verteretur. Eo autem die, quo in curia custodiæ traditus est, quum duodecimvirali imperio vocaretur in curiam, nec statim ire vellet, postulavit ab Antonio Alberto sibi ex cognatione amicissimo, ut pro se in curiam ad magistratus ascendere minime gravaretur, diceretq; suo nomine, Carduccium quidem paratum venire, sed timere inimicorum insidias, ne sibi iniungere vim inferrent, scilicet ut Albertus ex vultu verbisq; qualis esset erga se magistratuum voluntas exploraret. Officium præstitit Albertus, renuntiavitque nullum aliud à duodecimviris responsum retulisse, quam ut dicerent, Carduccium satis prudentem existimari, quo responso non obscure admoneri videbatur, ut sibi caveret. Sed non multo post eo ambigente hærenteq; advenit è curia ostium pulsans publicus viator, qui eum argenteam præferens clavam in curiam deduxit, atq; inde custodiæ traditus est. Quibus argumentis & ex multis quoq; sermonibus ipsius Pontificis coniectari licuit, eum ad clementiam uti personæ memorem decebat, proclivem futurum, si amici eius claves recentium offensionū oblivisci, quàm civili sanguine manus imbuerant, luissent. Non defuere siquidem ex civibus, qui privato incitati odio Pontificem ad exercendam crudelitatem impellere conarētur, sed is cunctis in rebus quæ poenam aut præmium respicerent, vel supra æquum temperatus, importunam vindictæ libidinem moderatissime contrivit, utpote qui incendiarios, maleficosq; extreme pervicacię homines, exilio multasse cōtentus fuerit, quum adversarum partium principes, Thomam Soderinum, & Alfonso Strozam honoris causa in villas ipsorum voluptatibus dicatas relegasset: reliquam verò turbam publico damnatā iudicio, eodemq; nomine relegatam per Italiæ oppida disseminasset, ea conditione ut pro merito nunnuli efferatos spiritus retinentes insalubribus locis, sicuti Graviscis, Centumcellis, Terracina, & ad Superum item mare Senogalliæ, Pisauri, & Rhavennæ sedem sortirentur. Per hunc modum temperatæ severitatis urbe perniciosis civibus repurgata,

adve-

advenere ab Augusta Vindelicia decreti Cæsaris diplomata, solennibus latæ
 membranæ codicillis perscripta, obsignataque aureo sigillo, quibus Cæsar di-
 sertè explicabat, se idcirco ab Hispania venisse in Italiam, ut sublatis bellis certā
 atque optimam pacem afflictis Italiæ rebus apportaret, contentiones tolleret,
 partaque cum omnibus, quibuscum antea armis contendisset, concordia, sacrum
 bellum contra barbaros Turcas indiceret, quo nihil sibi antiquius atque nobi-
 lius, vel Reipub. Christianæ utilius fore existimaret. Vnos omnium verò re-
 pertos esse Florentinos, qui pacis & tranquillitatis nomen odissent, animos fe-
 roces iniquissimè retinerent, & cum privato, tum publico commodo obstina-
 10 tius adversarentur, utpote qui antea rebelles animos induerint, Mediceam fa-
 miliam, à qua privatim & publicè commoda atque ornamenta ingētia omni-
 bus temporibus accepissent, patria pepulerint, oblitique prorsus beneficiorū,
 & immunitatum, quas superiorum Cæsarum indulgentia liberalitateque retu-
 lissent, ab ipsius demum autoritate discesserint, ipsorum copias & duces ad-
 versum se Neapolim miserint, adventantique exercitui suo portas occluserint.
 Quas multiplicis iniuriæ contumelias, quum pati non posset, & suæ dignita-
 tis esse statueret rebellem civitatem perdomare, coactum fuisse inferre arma,
 postquam tentata sæpè concordia, atque æquissimis oblati conditionibus, vel
 vitio temporum, vel pertinacium quorundam civium malignitate corrupta,
 20 à pace se prorsus alienam ostendisset, proptereaquē integrum ferè annum obse-
 derit: Sed tamen quum armis fameque perdomitam iure optimo expugnare, at-
 que militibus diripiendam tradere posset, nihilo secius Cæsareg clementie nun-
 quam oblitum, populi resipiscantis pœnitentia fuisse contentum, atque ipsius
 Pontificis maximè precibus adductum conservare voluisse. Quum verò, sicuti
 ex deditiois conditionibus liqueret, ipsius Augustæ potestatis, imperato-
 rijque arbitrij sit leges condere, & Rempub. ordinare, ideo optimum fore exi-
 stimabat, quod perpetuam civitatis tranquillitatem respicere videatur, Medi-
 ceam familiam reduci, atque restitui in pristinam dignitatem. Et quoniam præ-
 clare manifesteque constat, in liberis civitatibus nunquam vigere concordiam
 30 propter diversa dissidentium facile civium studia, easque improspere semper
 atque infelicer regi, nisi stabili perpetuoque Reipub. capite gubernentur, de-
 clarat Alexandrum Medicem, quem sibi generum asciverit, Reipub. caput, cu-
 ius singuli magistratus auctoritatem sequantur, eaque dignitas ad liberos eius
 legitimos pertineat, atque his deficientibus, ad proximiores Mediceæ stirpis
 totius eius præeminentiae & dignitatis iura devolvantur, subindequē Cæsar cun-
 cta veterum beneficiorum atque immunitatum privilegia, quæ aliàs prome-
 ruerint, sincero affectu confirmat. Hæc ut perpetuò serventur imperat, & his
 qui violaverint decem myriadam puri auri mulctā indicit. Huius diplomatis sen-
 tentias, quæ latinè perscriptæ erant, Italica loquutus lingua, ut ab omnibus in-
 40 telligeretur, vertit, & promulgavit Antonius Muscettola Neapolitanus iure-
 consultus, qui tum Cæsaris legati munereungebatur, membranam explica-
 tam, aureoque sigillo & manu Cæsaris subscriptam sæpe ostendens, & legendam
 his qui vellent, libentissimè præbens. Ipso autem Muscettola perorante as-
 surrexit dictator Benedictus Bondelmontes, qui nuper eductus fuerat e Vola-
 terranæ turris carcere, in quem antea populares relegarant, is iuxta assidebat,
 hisque verbis respondit. Grata nobis atque lætissima erit hodiernæ diei recor-
 datio in omnem ævi posteritatisque memoriā: quandoquidē præclaro magni

numinis munere, & invictissimi Cæsaris beneficio optime constitutæ Reipub. ac duraturæ tranquillitatis initium auspicamur. Quod igitur felix faustumque sit Florentino populo, leges nobis latas à Cæsare, ad non dubium huius rectè atq; appositè ordinati status incrementum suscipio, venerorq; servaturumq; polliceor, ac pari studio atq; obsequio magistratus, cunctiq; civitatis ordines, qui præsentés adsunt, suscipient, atque optima fide servabunt. Tum verò ad dictatorem legatumque simul à dextris assidentem, singuli magistratus viritim accesserunt, tactoq; diplomate, atq; honoris causa inclinatis capitibus, quæ dixerat dictator approbarunt. Primi fuere decuriones, Octoviri & Decemviri, qui ab integritate iudicij, fama; probitatis boniviri vocantur. Ad hos tres Guelpharum partium duces defensoresq;, qui magistratus in urbe vetustissimus habetur, itemq; Octoviri, qui belli & pacis negotio præsunt, ideoque Practici nuncupantur. Hos subsequuti sunt Octoviri, qui summam vitæ & necis habent potestatem. Cum his iere Quinqueviri, qui ærario præsunt, itemque Septemviri, conservatores legum appellati. Post hos Triumviri fisco præpositi, & secundum hos mercaturæ Sextumviratus, & Quartumviri urbium muniendæ curatores. Postremo Duodecemviri, quibus ab initio ordinandæ Reip. munus fuerat demandatum. His accesserunt ex Mediceorum amicissimis viginti & septem primores, ita ut in universum centum & viginti primarium civium numerum implerent. Eo die videre subnotareq; licuit diversissimos eorum civium vultus, qui ordinatim ad tribunal ascendentes non obscura iusiurandi significatione in sententiam dictatoris pedibus ibant, atque his, quas dixisset Cæsar, legibus obtemperaturos confirmabant. Nam quum multi præ gaudio plorarent, quod se in posterum incolumi & pacata patria, interstinæque dissensionis & turbulentiae omni malo vacua liberataque posituros prospiciebant, diverso animorum habitu pleriq; alij tristes atq; demisso vultus certi doloris indicia præferebant, usque adeo procul à dissimulatione positi, ut emigrantis & ereptæ libertatis exequijs interesse viderentur. Basilicidem die, quæ Iulias Nonas antecessit anni trigessimiprimi supra millesimum & quingentesimum, dictaturæ simul & decurionum nomen, antiquata veterum magistratuum formula sublatum est, & principatus ex decreto Cæsaris in civitate, vel non planè libero civium assensu feliciter introductus, sic ut Alexander Medices à Belgio rediens, ubi tum agebat apud Cæsarem, inauguraretur, & Reipub. Florentinæ dux, quæ vox hodie dynastam & principem exprimit, gratulantibus penè omnibus appellaretur. Eiusdem anni principio, quo hæc Florentiæ confecto bello transacta sunt extremæ terrarum in Belgis regiones, quæ Gessoriaci litori incumbunt, repentina atque inusitata prorumpentis Oceani inundatione summā cladem subierunt, qua nobiles paulo ante urbes, frequentissimaq; oppida superfundente sese mari perire, usq; adeo miserabili calamitate, ut infinita propè mortalium multitudo intercepto fugæ remedio opprimeretur. Nam horribili prodigiosoq;, sicuti coniectari licuit, terræ motu concussus Oceanus, ita magno æstu intumuit, ut institutos antiquitus, & perpetua custodiæ diligentia ferè quotidie ab accolis instauratos aggeres, quibus submoveri arceriq; æstuantis maris fluctus consueverant, concitato quodam & vehementissimo incurso perrumperet, interiorisque plagæ terris altissimarum & reciprocantium undarum pelagus per transcendentes margines effunderet, animantiaq; subinde omnis generis irritò receptus cursu, in aridas

aridas litoris partes perfugere conantia ocissimè mergerentur, quibus longo natatu fessis & fame morientibus, marinæ belluæ non dubio pavore attonitæ, impulsaq; fluctibus conterritorum piscium agmina succedebant. Prænu-
 rant hanc cladem triduo antè densissimi imbres diraque tonitrua scintillantis
 aeris, & crebra motatio telluris, perpetuoq; biduo cōcursantium inter se ven-
 torum diversi turbines ita horribili pavore concussis mortalium mentibus, ut
 quum tecta nutarent, & ingruente inevitabili aquarum mole colluctantibus
 scilicet elementis, tota universi orbis compages resoluta, in antiquum chaos
 redigi crederetur. Ea porro calamitas longè maxima incidit Caneniphatum,
 & Batavorum insulis, quæ Selandæ & Holandæ à nostris hodie nuncupan-
 tur. Nam præter eas quæ inundantis maris impetu multorum cubitorum al-
 titudine penitus submersæ fuerant: Alendebucha quoque & Harles, & Exclu-
 sâ clara oppida, ita fluctibus oppressa devorataque sunt, ut vix sacrarum tur-
 rium & templorum fastigia extarent, quæ horribili æquè & sæpe metuenda
 excidij memoria cladem testarentur. Sed Nonæ Novembres tantis malis fi-
 nem attulerunt, quum porstidie Calendas sereno (quod mirum fuit) cœlo, sed
 mox portentosum in modum ab repentina effusi imbris, & certantium inter
 se ventorum procella commutato, dira ea tempestas accidisset, tanta admi-
 ratione mortalium, ut nulla ab orbe condito maior et gravior ullis gentibus cla-
 des post diluvium Mosaycis literis celebratum incidisse crederetur. Nec mul-
 to post sequenti mense Ianuario, par propè exitij clades Lusitanis in ipsis pro-
 culdubio visceribus terræ furente debachanteq; Æolo illata est, cuius impetu
 urbs Vlyssipo in primis incomparabile detrimentum sensit, & post eam Co-
 loniam, Sanctæ arene, & Azemburger, Almeriniq; urbium publica privataq;
 ædificia, inusitato terræmotu conquassata proscissaq; magnâ vim mortalium
 ruinis oppressere, & nonnulla etiam navigia turbulento inflati maris hiatu
 absorpta sunt, sicut Tagus insanis allidentis maris fluctibus repulsus, disce-
 dentibus in utranq; ripam suis undis, sicca in medio vada obstupentibus cun-
 ctis ostenderet, nemoq; iam tota propt Lusitaniâ tectis suis confideret, subsul-
 tante scilicet solo, ideoq; non citò desitura terræmotus vim ita præmonstran-
 te, ut regis & reginæ exemplum sequuti universi ferè incolæ tabernacula aper-
 tis in locis castrensi in more erigere cogerentur, neq; in his tamen soluti metu
 pernoctarent, quum repentinum aliquem terræ hiatū quo absorberi possent,
 non temerè extimescendum arbitrarentur. Hisdem quoq; diebus Ferdinan-
 dus Caroli Imperatoris germanus frater Cæsar est appellatus, suscepitq; eius
 novæ dignitatis ornamenta apud Belgas, opulentiore atq; augustiore appa-
 ratu ad Aquisgranum urbem, Caroli magni olim sede, sepulchroq; clarissimâ,
 quæ antiquis Nuagerra fuit, quum superiore biennio Bohemici regni diade-
 ma apud Pragam suscepisset. Nam sicuti Marcomannorū, qui hodie Moravi
 sunt, & Bohemorū, qui Ercynio saltu circundantur, & Slesitarū, qui Sarmati-
 cos attingunt fines, frequentiam & cultum Germani autoritate atq; opibus
 superiores faciliè superabant, ita utriusq; pompæ spectacula cum ipsius Caroli
 imperatoris præsentia tam opulentissimorum procerum, & antistitum admi-
 rabilis comitatus incomparabilè illustrium hominum conventum represen-
 tasse censebatur. Nihil enim vel preciosius vel operosius excogitari potuit ap-
 paratu atq; instrumento utriusq; aulæ, quum in eum totius Europæ ad exor-
 nandum triumphum lectissimæ opes, insigni studio certantium inter se gen-

tium collatas fuisse appareret: sacris namq; cerimonijs & ludis equestribus, geminatoq; præsertim epulo totius eius pompæ apparatus constitit, in quo accumulati luxus exquisitissimæ & copiosissimæ dapes alendis etiam plebeis hominibus superfuerunt. Imperator ipse usus eo prægrandi ense, quo Carolus ille Magnus omnibus sacri belli prælijs uti consueffe fama erat, quanquam esset à multo vetustatis situ eruginosus, clarissimum quemq; Germanorum & Belgarum leviter contactis humeris equestri dignitate nobilitavit, dimissisq; conventibus uni ei curæ institit, ut consentientibus Christianarum gentium regibus pia arma in Solymantum, nimio plus immodicas vires extendentem verterentur. Namq; tum constans apud pios mortales fama erat, quorundam etiam vatum oraculis comprobata, nullis quàm Austrianorum fratrum certissimis auspicijs barbarorū vires malo nostro in immensum sese attollentes posse superari: quod existimare credereq; fas erat, postquam & his Ferdinandus à matura iam indole summæ pietatis atq; virtutis Pannoniæ atq; Bohemiæ regna bellicosissimarum gentium paterno Austriæ imperio dudum adiecisset, & fraternæ demum amplitudinis, imperatoriæq; dignitatis successor & hæres esset designatus: Carolus verò augustiore maximarum virtutum & opum concursu exaggeratus undique victor inusitata felicitate ad Occidentem per Oceanum auriferis regionibus potitus, Christiani imperij terminos ad Antipodas usque protulisset.


PAULI IOVII NOVO-

COMENSIS EPISCOPI NV-

CERINI, HISTORIARVM

S VI TEMPORIS

LIBER XXX.



AR MORVM maximè ingentem terra mariq; apparatus, & qualem nulla maiorum ætas viderit, aut literæ meminerint ad admirationem posteris traditurus, paulo altius belli causas repetam, ut magis illustria sint, quæ mox dicentur. Pacata Italia Cæsar è Belgis, apud quos alterum iam annum egerat, adverso Rheno profectus, Ratisponam ad Danubium venit, ubi totius Germaniæ concilium multis de causis, & sanandis præsertim Lutheranorum mentibus, erat indictum. Eo enim tempore celeberrimis in urbibus vehementer convulsa erat Christiana religio, ob idq; in partes diducti pleriq; populi inter se bello contendebant: adeo ut Germania armis, opibus ac ingentis florens, dum insanis erroribus servit, sublato consensu, atq; interrupta religionis autoritate gravissimum vulnus acceptura videretur, eò præcipue quod eius diræ pestis venenum ad animos potentium pervaserat, qui impiè atq; arroganter ea dogmata tuebantur. In his erant Fridericus Saxonū, & Philippus Langravio Cattorū principes, Carolo & Ferdinādo infensi, veteresq; hostes Austriæ

Austriae domus, cuius opes & dignitatem maximè infringi debilitariq; ea religionis cōturbatione existimabant. Vuillermus quoq; Boioariae regulus, qui multis praeclaris cum familiae tum virtutis subsidijs fretus, ad imperium aspirarat, æquo animo ferre non poterat, Ferdinandū superioribus comitijs veluti adoptante fratre, Cæsarem appellatum, querebaturq; Romanum imperium una in Austriae domo tanquā hæreditarium perpetua quatuor Cæsarum successione confirmari, adeo ut eum vitio creatum diceret, et nova subinde comitia veluti prioribus ambitu largitioneq; corruptis flagitaret. Angebat etiam Vuillermū genus à præalta stirpe repetentem ignominia repulsæ, quam tulerat in petitione regni Bohemorum, superante suffragijs Ferdinando, quanquā ipse Bernesthenij & Cauphonis procerum, qui autoritate maximè valebant, amicitia & studio plurimū inniteretur. Quibus de causis fiebat, ut Cæsar nequaquam eorum sincera fide, aut egregia voluntate uteretur, qui vel pie sancteque de sacris potestateq; Pontificis sentirent, proptereaque minus facilem eius causæ cognitionem iudicaret, quanquam à Laurentio Campegio Cardinale legato cuncta propè firmissimis rationibus refellente, tractari, & iure optimo damnari posse Lutheri placita viderentur: ea enim non reiicienda modò atque abolenda, sed risu excipienda esse censebant, qui sacrarum literarum peritia mediocriter valerent, quando nulla constantia plures discipuli ipso magistro infaniores, provecta in immensum interpretandi lididine à primæ rebellionis argumentis impudentissimè descivissent, ut ipsi de nomine peculiares sectas conderent, & imperita multitudo ad factiones atq; intestina bella traherentur. Dum hæc exploratis procerum animis pertractant, & profani iuris controversias finiunt, certis rumoribus affertur Solymantum innumera bilibus instructum copijs à Byzantio in Mysiam pervenisse. eadem confirmat Clementis, Venetorumq; literę, magnus timor Germanis incutitur, Noricisq; præsertim, qui proximis barbarorum incursionibus abacta pecora, raptos in servitutem liberos cum uxoribus, & fratres trucidatos, incensaq; ædificia repentina belli cladē conspexerant. Fama erat ea de causa redire in Pannoniam Solymantum, ut Viennam expugnaret, à cuius mœnibus paulò antè fortiter repulsus, cum ignominia discessisset: aut si Germani duce Carolo Cæsare contra prodirent in aciem, de totius ferè terrarum orbis imperio decertaret: ipsum enim se unum esse, ad quem Romanorum imperium legitimo iure pertineret, dicere solitum ferebant. Quoniam magni Constantini, qui universi orbis Augustus imperator extitisset, sedem & sceptrum atq; urbes eius imperij teneret, uti proavus Mahometes expugnata Constantinopoli, & Constantino supremo Græcorum imperatore superato occisoque, hæc omnia iure belli capta Ottomannicis regnis adiecisset: propterea quum de Carolo sermones inciderent, vel literę scriberentur, eum nō Cæsarem, sed Hispaniæ regē superba dissimulatione vocare consueverat. Elatus enim tot suis, maiorumq; suorum victorijs, quibus à Mæotide ad Erythræi Indiciq; maris angustias, & ab extremis Illyrici finibus ad Armeniæ terminos imperium protulissent, decorum maximè & nominis sui fama dignum putabat, in Germaniam penetrare, terrorem, cedes, incendia circumferre, ostentareq; aciem, ut Carolum acerbissimis suorum cladibus permotum ad pugnā provocaret: sperabat enim eum nequaquā universo prælio certaturum, quod Germanos per causam Lutheranae superstitionis inter se dissentire didicisset, unde sibi nō dubiam erecto tro-

phæo ex aliena infamia laudem pararet, quod si eo animo esset Cæsar, ut pro-
 dire non dubitaret, & patentibus campis Christiana signa committeret: tum
 verò ipse sua occasione ad optimam spem exploratæ victoriæ uteretur, quan-
 do pedestres magna ex parte nostrorum copias circumducto innumerabili
 quitatu, fame enecare, spe prælii latè frustrari, ac demum funesta necessitate
 cedentes & dissolutos in fuga proterere facillè posse videretur. Cæterum suæ
 dignitatis esse statuebat Ioannis iniurias defendere, quem ipse in Pannonia
 regem constituisset. Is quanquam Ferdinandum maiore semper animo quam
 viribus contra se bellum gerentem contemnere poterat, Caroli tamen poten-
 tiam veritus, qui ex propinquo copijs, pecunia, autoritateq; fratri opem la-
 rus esset, a Turcis auxilia petere cogeatur. Fuere qui crederent Solymanum
 invito Ioanne in Pannoniam venisse, Polonorum scilicet & Gallorum co-
 hortationibus inductum: quoniam hi Cæsarem qui bellagerere per legatos
 singulari felicitate consuevit, gravissimo bello periculosiq; præliis impedi-
 tum videre percuperent: illi verò Ioannem uti affinitate Sigismundo regi con-
 iunctum, in Pannoniæ regno conspiciere mallent, quam Ferdinandum, ut
 gravem aliquando è tribus regnis hostem Sarmatiæ futurum. Sed de hoc quæ
 nihil pro vero sit compertum, haud temerè censuerim hos magnos piosq; re-
 gē, tanta infamia liberandos, adeo ut arbitrer Solymanum non magnopere
 his de causis & precibus permotum, tantū itineris suscepisse, sed veterem po-
 tius suum, Ottomannorumq; principum morem secutum, qui exercendo mi-
 liti bella ex bellis serere, nihil è veteri disciplina segni ab otio corrumpi suere,
 & finitimos quosq; tanquam veros hostes, prædæ, victoriæ ac laudis materiam
 putare consuevit. Quo instituto alternis annis universas copias educendo
 omnibus gentibus, cum quibus collatis signis sint congressi præter unos Scy-
 thas, bello superatis supra viginti Asiæ atq; Europæ regna imperio suo adie-
 cerint. Ferdinandus ubi sit certior Solymanum prima agmina per Thraciam
 extendisse, ad eum cum muneribus & æquissimis de pace scedereq; mandato
 tres legatos mittit, quorū princeps erat Leonardus Nogarola nobilis Vicenti-
 nus literarum & multarum linguarum peritia insignis. ij in Triballorum fini-
 bus obviam facti Solymano, humaniterq; suscepti, nihil plus retulerūt, quam
 ut castra sequerentur. His Ratisponæ nunciatis, Cæsar Germaniæ proceres,
 legatosq; liberarum civitatum alloquitur, docet in eo communi & gravissi-
 mo rerum periculo nihil tutius esse consensu, nihil dissensione calamitosius;
 proinde excitarentur ad id classicum, quo sævus & barbarus hostis cunctis ca-
 thenas & compedes, & templis ac urbibus vastitatem denunciaret, se constan-
 tissimo animo paratum esse contra hostes proficisci, ad tuendam religionis
 causam, ac nominis sui dignitatem, si ipsi fortiter & alacriter coactis copijs
 Christi vexilla & victrices aquilas sequerentur, atq; unā more maiorum, pro
 salute omnium & veteris gentis gloria bellum susciperent, accituros se conse-
 stim Hispanorum & Italorum expeditas cohortes magni roboris auxilia, qui-
 bus Germanorum statariæ legiones firmarentur, Clementemq; Pontificem in
 hos apparatus magnam auri vim collaturū, uti esset pollicitus, si hæc gnaviter
 parari & egregia fide administrari didicisset. Ad ea principes legatiq; propen-
 sissimis animis responderunt, in animo esse Germanis omnibus, ut ab antiquis-
 simis temporibus factum meminissent, salutem publicam & communem o-
 mnium, imperijq; præsertim existimationē tueri, propulsare iniurias, & Chri-
 stianæ

stituti religionis hostes bello persequi: Cæsarem verò prolixè collaudare, qui
 se ob bello imperatorem futurū profiteretur, et externa item auxilia defenden-
 dis, adiuvandisq; Germanis esset adiuncturus. Idcirco ipse, fraterq; Ferdinan-
 dus darēt sedulo operam, ut ea quæ usui essent, maturè & diligenter expedirēt:
 ipsos enim ex veterè formula tabularū Romani imperij, uti esset descriptum,
 æstimato provinciarum atq; urbium censu, delecturos milites, & ad conductū
 Viennam undiq; in una castra transmissuros. Itaq; fit decretum è summa con-
 ciliū, ut in aliud tempus Lutheranae causæ cognitio differatur, cæterisq; cōtro-
 versijs et rebus omnibus postpositis, omnes in unum belli apparatus animos
 intendant. Igitur Cæsar Alfonso Vastio in Italiam perscribit, ut veteres præse-
 ctos advocet, & per eos cohortes cōscribat, & quantum maximè, potest sclo-
 pettariorum numerum paret, simulq; Hispanos omnes Tridentinis alpibus
 ad se celeriter in Noricū adducat. Andree quoq; Auriginiungit, ut pari studio
 triremes ac plures onerarias militariter exornet, & adversus Turcarū classē
 in Græciā trañciat. Accersit etiam è Belgio, Burgundiaq; gravis armaturæ or-
 natissimum equitatū, & ab Hispania complures nobiles veteranosq; milites:
 et sibi quoq; privatim, cohortium prætorianarū nomine, duodecim milia Ger-
 manorū, ex his qui in Italia plura stipendia meruissent, mercede cōducit, qui-
 bus præficiuntur Maximilianus Hebersthenius, atq; Tamisius Italico bello
 clari duces. Vni Galli multis de causis, quas suo loco memorabimus, nihil
 huic bello sese miscuerunt: rexq; Britannus ab infami repudio legitimæ uxoris,
 quæ Cæsaris erat matertera, uti planè hostis depravatū & penitus alienum ab
 amicitia & religione animū ostendit. Interea Clemens dabat operā, ut pecu-
 niæ à quæstoribus undiq; cogerētur: volebat enim in tanto rerum discrimine,
 uti communē omnium parentem decebat, erga remp. præclarum pietatis stu-
 dium ostendere, cōciliandis præsertim Lutheranorū animis, qui eo beneficio
 atq; ea liberalitate ad sanitatē reduci posse viderentur. Erat ærarium Pontificij
 imperij penitus exhaustum superiorum temporū calamitate, præcedentibusq;
 iacturis ac impendijs: nam Etrusco bello decies centena milia aureorū num-
 mū expēdisse ferebatur. Quamobrē in senatu decretū est, ut quinq; decumæ
 sacerdotijs imponerētur, quæ res minores sacerdotes, sacratasq; virgines, & sa-
 cras hospitales domus vehemēter afflixit: nam exactores cum imperio in pro-
 vincias emissi, dum privato quæstui studerēt, incredibili acerbitate humana
 & divina omnia perturbabant, adeo ut pleriq; sacerdotes templa desererēt, &
 passim sacrata vasa & antiqua donaria cōflarentur: erant & qui prædia dicata
 altaribus venditarēt, ut decumæ solverētur, neq; honestissimus sacri belli præ-
 textus, ac extrema propè necessitas invidia leniebat: quoniam Cardinales qui
 opima sacerdotia possiderent, immunes evaserant, quasi illis ad tuendam Ro-
 manæ aulae amplitudinē de solito vitæ splendore nihil remittere moderariq;
 liceret, quum ex adverso plerisq; egentibus ultima vitæ alimenta raperentur.
 Per hunc modū coacta pecunia Hippolytus Medices Cardinalis, qui bello in-
 terfit, Legatus efficitur, ut in summe nobilitatis excelsiq; animi Legato summa
 authoritas & dignitas emineret, eodq; pignore tradito Clemens propensissimā
 voluntatem erga Cæsarem præclare testaretur. In eum iuvenem alterū & vige-
 simum agentem annū natura Fortunaq; certatim maxima dona congeslerant,
 specie formaq; corporis ac ingenij rara felicitate insignis erat, & super hæc spe-
 ctacula edendo, donandoq; liberalis famā consecutus, adeo studia populi com-

moverat, ut fugillata Clementis avaritia quadam naturæ similitudine Leonis patruī memoriam revocaret, et opes iam vel insanis ipsius sumptibus pares esse cœperant: nam ei Clemēs Pompeio Columna ad Neapolim vita defuncto, eius sacerdotia ac officia, quæ erant amplissima cōtulerat, quanquā esset ætatis ac ingenij vigore ad tractanda arma, quā ad obeunda sacra paratior: propterea quum ex lectissimis hominibus comitatū instrueret, aliquāto plures milites, quā togati viri ac antistites proficiscentem sunt secuti. Eius adventus Ratisponæ cum à Cæsare, Ferdinandoq; rege, tum à Germanis lætanter exceptus est: nam ingentē pecuniam multosq; viros fortes, & notos cēturiones ac militares equos adduxerat, & super hæc sine ullo fastu Cardinei cultus oris habitū ingenuæ promptæq; virtutis plenū præferebat. Igitur cōsilijs cum Campegio communicatis, atq; eo in Italiam dimisso, quod tum maximè nervorū doloribus laboraret, magnam auri partē effudit cōducendis octo milibus equitū Hungarorum, quos se habiturū Ferdinandus promittebat, si ad eos in finibus Pannoniæ dispersos, atq; operam adversus Turcas navare cupientes, stipēdia mitterentur: transierant enim ad Ferdinandū duo supra cæteros duces Valentinus Thracus, & Bachithius Paulus, hic Triballus erat, ille Hungarus, admirandæ virtutis homines, sed fide instabili: nam uterq; apud Solymānū in honore habitū, diu in Turcarū castris antea militantes, ac demū non ignobili transfugio ad Ioannē, atq; inde cōmutata voluntate in Germaniā venerant. His Hippolytus legatus singula vexilla honoris causā de manu tradidit, in quæis pictæ erant imagines crucifixi Servatoris nostri, ad cōmovendam vel in ferreis Lutheranonū pectoribus pietatem: addidit etiam vestes ex auro purpuraq; militares, & sicas Italicas, aureosq; torques, nec se passi sunt eorū ingentes animi liberalitate superari, quū paulo post & equum insignem cursu, & gladios more gentis incurvos æquato munere rependerint. Iam prima Turcarum agmina Samandriam pervenerāt, quum Ioannes arma expedit, Gritto negotium dat, ut Strigoniæ arcem tormentis expugnet. Situm est Strigonium in ripa Danubij triginta passuum milibus ab urbe Buda: cuius arx egregiè munita Ferdinandi præsidio tenebatur. Igitur Grittus terrestribus atq; navalibus copijs diu antea obsessam, ad motis muralibus tormentis aggreditur: cuniculi aguntur, per quos suppositis ignibus ab imo totus corruat murus, atq; extremæ in propugnaculis pinnæ ferreis pilis decutiuntur: consistunt tamen fortiter in muro Germani, seque acerrimè fortissimeque defendunt: sed cum rerum prope omnium inopia laborarent, & minus salubri aqua uterentur, pluresq; morbus plane sævus invaderet, desperata salute à Posonianis auxilia, vexillo & fumo interdiu & noctu ignibus petere cœperunt. Erant Posonijs Thomas Agriensis episcopus, & Vulcanus iureconsultus, Cæsaris Ferdinandiq; legatus: ij cognito Strigoniensium periculo ad Viennæ præfectum conscribunt, hortanturque ut priusquam Solymanus Savum traiciat, deductis à Vienna præsidijs, et demissa graviore classe, terra simul flumineq; Danubio obsessis opem ferre maturarent. Grittus enim inconditā multitudinem Vngarorum et Servianorum admixtis Turcis in castra contraxerat, nequaquam idoneam sustinendo prælio, si à peritis ordinum atque militiæ in subitum pugnæ discrimen adducerentur. Præerat Viennensi præsidio cunctisque Ferdinandi copijs Catianer, quem superiore bello adversus Turcas egregia cum laude Viennæ mœnia defendisse memoravimus. Erat Catianer sicuti in conferenda pugna fortis & impiger, ita

non semper sobrius, & turbidus in suscipiendis consilijs alacritate quadam inanis & pervicax, sive quod Turcas putabat ad oppugnandam Viennam, uti arcem belli, protinus advolaturos, & propterea eam urbem nulla ex parte nudandam iudicabat, sive quod satis virium in sola classe futurum arbitrabatur, terrestri itinere nihil tentare constituit, prætermittensque facile patrandæ rei occasionem Posonianis rescripsit, ut Nasadias quantas haberent propugnatoribus instruerent: pollicetur verò se paulò post graviora navigia maioribus tormentis referta, atque exornata more maritimarum triremium, ut Nasadijs præsidio essent, continuo submissurum. Ungari Nasadias vocant navigia oblonga remorum ordine valde expedita, biremibus prædatorijs, quæ in mari nostro visuntur, disciplina celeritateque similima. eius generis ad sexaginta in statione erant Posonijs, quas vir Germanus, cui Corporano cognomen fuit, rei navali prepositus, uti Catianer præscripserat, deducit, ac remige militeque & minoribus tormentis complet: eo consilio ut in Comaria insula, quam paulò infra Posonium Danubius efficit, desertum quoddam castellum occuparet, atque inde cum graviora navigia è navalibus Viennæ demissa applicassent, in hostium classem inveheretur: ea erat in obsidione Strigonijs distributa in stationes, ut flumine nihil omnino obsessis importari pateretur. Dum hæc ad Posonium parantur, Grittus per speculatores de hostium consilio fit certior: erant enim permulti Hungari in partibus Ferdinandi, qui non valde turpe ducebant, uti libido ferret, hac & illac transire: gens enim effera præsentis tantum gnara commodi, atque eventuum spectatrix, studiorum commutatione magnopere gaudebat, adeo ut nemo ferè in partibus Ioannis esset paulo notior atque nobilior eques, qui non aliquando cum Ferdinando rege militasset. nec satis firma etiam fides apud sacratos antistites, qui non semel animos atque opes alternæ Fortunæ successibus applicassent. Igitur Grittus celeriter consilium capit præoccupandi hostis, conferendæque pugnæ, priusquam graviora hostium navigia Nasadijs coniungantur. Erant ei Nasadiæ numero Posonianis ferme pares: gubernatorum verò scientia & militum virtute aliquanto inferiores, quam obrem in has complures sagittarios & sclopettarios Turcas distribuit: proponit præmia singulis, qui spectatum facinus ediderint, atque omnes ad præstandam gnaviter atque celeriter operam cohortatur. nec mora adverso amne per noctem ad hostes magno silentio provehuntur. At Posoniani, qui iam ad Comeriam pervenerant, ubi expulsa remorum renunciantibus speculatorijs navigijs de adventu hostium cognoscunt, vehementer perturbantur, ut ij plerunque solent, quibus præoccupari deprehendique contingit dum insidias hosti moliuntur. Erat præpositus quinque Nasadijs Pestanus senex, negotij navalis admodum peritus: is Corporanum monet, ut congressum devitet, atque sese Posonium recipiat, ipsum à postremo agmine totius classis terga validissimis Nasadijs esse defensurum. non esse credendum hostes, nisi magna de causa & certa cum spe, veluti rebus exploratis, adverso amne subijisse: proculdubio totius consilij decretum per Hungaros hostibus esse delatum, profectionemque proditam: satis honestum videri posse eum receptum omnibus militiæ non ignaris, postquam graviores naves nondum advenerint, quas etiam Catianer expectandas esse præceperit. Corporanus ingenio ferox nihil de Pestani monitis ad aures admittit, sive quod flagitiosum putaret non expectare hostem ultro subeuntem,

præliumq; poscentem, sive quod suorum virtuti nimium confusus, adversario-
rum vires magnopere despiceret: ergo prælii, signum præponitur, dividitur
classis in acies tres. Pestanus omnium primus prorumpit, profluentisque se-
cundo cursu concitatus hostes adoritur, eo impetu quatuor eorum Nasadias
perfringit, primum agmen perturbat, magnam victoriae spem sequentibus
præbet. At Turcæ consertis navigiis vim atque impetum invadentium con-
stanter excipiunt, fit prælium atrox, omittunt pleriq; remos, contis & gladijs
rem gerunt: tormentorum sonitu ac fumo, & dissono clamore tot gentium o-
mnis oculorum atq; aurium usus eripitur: ad hæc nebula crassior, uni fit, orta
diluculo, ita amnem totum & classes intexerat, ut navium magistri non plane
perspicerent, quamnam in partem flectendi remi, & proræ essent incitandæ.
erat Turcis fluminis impetus maximè gravis & adversus, sed ea iniquitas con-
iuncta inter se eorū navigia maximè confirmabat, adeo ut contra veluti æqua-
ta conditione, Posonianorum oculi adversis orientis Solis radijs ferirentur,
tum verò Turcæ discussa nebula tantam vim sagittarum adversis navibus su-
perfuderunt, ut propugnatores simul & remiges his confixi, sclopettorumq;
glandibus traiectione, in fugam verterentur. In eo tumultu Pestanus egregie pu-
gnans interficitur. Corporanus cum tredecim omnino Nasadijs, quæ celeri-
tate reliquas anteibant, adverso flumine profugit: reliquæ aut demerguntur,
aut desilientibus in proximas ripas militibus atq; remigibus vacue capiuntur:
ex mille & septingentis hominibus qui in Posoniana fuerant classe, fere quar-
ta pars interiit, cæteri terrestri itinere evaserunt, nonnulli etiam capti, dimis-
siq; ab hostibus non multo post Posonium sunt reversi. Post id prælium Grit-
tus, quod cuniculis nihil profecerat, & duo muralia tormenta ab crebro usu,
uti accidit, fervefacto metallo disrupta fuerant, arcis oppugnationem inter-
misit, ratus circumvallatum hostem, non diu obsidionis incommoda tanquā
desperatis post navalem victoriam auxilijs esse toleraturū. Sub id fermè tem-
pus Hispani, qui in agris urbium Æmiliæ viæ stativa habuerant, fertilissimæ
que tractus incolas circa Scultennam & Gabellum amnes, ad Padum usque
magnis detrimentis afflixerant, ad alpes pervenerunt. Erant in eorum ca-
stris supra viginti milia hominum, sed tertia fermè pars inutilis turbæ cum
tantum septem milia veteranorum peditum censerentur: cum multis enim
impedimentis & iumentis onusti vetere præda secum fortunas suas omnino
deferendas esse iudicabant, adeo ut nec scorta & voluptatum instrumenta re-
linquerent. Hanc militum licentiam atque luxuriam, quum Vastius præ-
cipue commeatus inopiam veritus, castigando iubendoque cohibere, sarcina-
rumque numerum præscribere vellet, ad Athesim militaris seditio exarsit.
Nonnulli enim centuriones opulenti, quibus adeo longinquæ & periculo-
sæ militiæ labor erat ingratus, concitare vulgus militum, & stipendia flagita-
re cœperunt, adeo ut non excessuri Italia viderentur, nisi consternatis, & inu-
num animi decretum consentientibus pecunia solueretur. Vastius qui ad
minuendam ipsius existimationem à paucis inimicis adversum se exagitari
multitudinē haud obscure intelligebat, dissimulandum in præsens ratus, que-
dam temporis necessitatiq; tribuit, donativumq; pollicitus quum ad Cæsarem
pervenissent, menstrui stipendij pecunia cohortes pacavit, & in Germaniam
sublatis signis est profectus, nec multo post Italicæ cohortes sunt secutæ. Tanta
enim alacritate in Cisalpina atq; togata Gallia, Piceno, Umbria, totaq; passim
Etrur-

Etruria milites bello assueti nomina dederunt, ut duplicatum signorum nu-
 merum quisq; præfectus adduceret, & Vastius nonnullos nobiles Circum-
 padanos opibus insignes, quos præfecturis honestarat, & in magnos bellici
 apparatus sumptus adegerat, superante militum multitudine cum magna in-
 vidia repudiare atq; relinquere cogeretur: non enim Italos tum primū læta
 pace perfruentes tanta promptitudine virtuteq; animi eam ancipitem duram
 que militiam subituros crediderat, ut præcipuè Germanis opem ferrent, a qui-
 bus tot clades acceperant: propterea potentes opulentosque rogarat, prolixè-
 que invitabat ad capeffandam laudem, quibus clientes atq; oppidanos mini-
 me ad sequenda signa defuturos iudicasset. Id autem invitis fecit: quoniam ei
 certum militum numerum Cæsar præfinierat, iusseratq; ut cæteris reiectis si-
 gna & cohortes uni tantum spectatæ virtuti & fidei veterū præfectorum com-
 menderet. Ii fuere Martius Columna, Petrus Maria Rubeus, Philippus Tor-
 niellus, Ioannes Baptista Castalius, Fabritius Maramaldus, & qui novissimè
 oranium alpes transiit, Pyrrhus Stipicianus, & Camillus Columna Mar-
 tij frater patruelis, veteres præfecti omnes, & bellica virtute, & studio erga
 Cæsarem admodum illustres, in his cohortibus fuere amplius quatuorde-
 cim milia delectorum peditum præter voluntarios, qui undique Viennam
 postea confluerunt. Secutus est legiones Ferdinandus Gonzaga cum duo-
 bus circiter milibus galeatorum equitum, in quibus fuit ala ab Alfonso Atesti-
 no missa, & trecenti veteres Hispani equites, & Græcorum aliquot turmae ac-
 cessere, & his pleriq; e tota Italia sine stipendio nobiles strenuq; equites, qui
 antea ordines duxerant: existimabant enim se ignominia notatos iri, si uti de-
 sides & parum pñ sacro bello minimè interfuissent. Hæc tanta multitudo ad
 Halam, salinis celebre oppidum, navigiis imposita, secundo amne Orno ad
 Boiodurum, quod hodie Patavia dicitur, Danubium intravit. Sub id quoq;
 tempus Cæsar inspectis Sequanorum & Belgarum alis, quæ erant mirificæ,
 tormentisq; maioribus, quæ Nurnbergæ præsentī pecunia compararat, ra-
 tibus impositis a Ratispona Lintium devehitur. Nunquam tot navigia, totq;
 milium à Romanis usq; temporibus Danubius tulit. erant maximi lintres ad
 effigiem terrestris ædificij cum cubiculis & porticibus fabrefacti: visabantur
 latissimæ rates equorum agmina deferentes: erant navagia tabulatis contecta,
 plena com meatibus. præter hæc, innumerabilis navicularū multitudo inter-
 mixta maioribus navigiis sequebatur. undique audire erat consalutantium ac-
 clamations, timponorumq; & cornuum ac tubarum concentus, & cum na-
 vigia defuissent, etiam ripæ frondosis arboribus convestitæ sinuosi peramce-
 nique fluminis ad iocundissimum quoddam spectaculum equestribus atque
 pedestribus copiis complebantur. Interea Solymannus, qui sextis & quinqu-
 gesimis castris Belgradum pervenerat, Savo amne multis simul pontibus con-
 strato, innumerabilem equitum multitudinem in Pannoniam effudit, relicto
 in dextra Danubio, paululum ad lævam deflectens, ut intactæ superiore bello
 regionis copiis uteretur, & in Valeriam provinciam late fertilem, & Nori-
 co ad meridiem coniunctam, quæ Stiria hodie dicitur, rectā contenderet. In
 eo itinere Guintium occurrit, quod Nicolizza vir fortis domestico potius
 quam externo præsidio tuebatur. Id est oppidum non longè ab urbe Saba-
 ria in plano positum, quadrato nec magno ambitu & modicis quidem mœni-
 bus cinctum, tenue opibus, & prorsus ignobile, nisi ab ignominia Turcarum

claritatem accepisset. Igitur Nicolizza reſectis propugnaculis, repurgata foſſa, oppidanis & paucis militibus animo confirmatis, vel ob id præcipue, quod in Turcarum caſtris nulla eſſent tormenta muralia, vires minasq; tanti hoſtis contemnere, ſequæ ad extremum rerum exitum tueri conſtituit, ut inde belli- cæ virtutis & conſtantiæ habiturus famam, aut ſi cum oppido cadendū foret. Pannoniorum fidei & fortitudinis præclarum ſpecimen æditurus. Habraimus ipſe Baſſarum princeps, cui Solymanus, quod nemini unquam ab Otho- manis datum meminerāt, ſupremi imperij poteſtatem cōmunicarat, ad Guintium provectus, Nicolizza fidem promiſſis & minis pertentat: noverat enim hominē Habraimus, dum ille Byzanti legationis munere fungeretur, eūq; veluti virum fortem ac induſtrium, ſibi & Solymano cōſervare, quā omni- no perdere cupiebat. ſed quum Nicolizza nihil pacatum, nihilque demuſſum reſponderet, copiæ innumerabiles in coronā mœnibus admoventur, aguntur tribus in locis cuniculi, ut ſubditis ignibus mœnia ab imo diſrupta frangeren- tur. Cæterum quum diſciſſo & proriente muro Guintiani præſentibus ani- mis introrſus munitiones extruerent, & cuniculis diligenter, vel à ſeminis obviam iretur, ac in ſtatione ubi periculum poſceret, audacter conſiſterent, & multi utrinque tormentarijs glandibus peterentur, Habraimus agmina Aſaporum, atque item Ianizeros prætorianos, ad eam muri partem convertit, quæ meridiem ſpectat: à Septentrionibus verò ubi multi paſſim colles exur- gunt, oppidoque imminet, curulia tormenta perducit, eo conſilio, ut terga propugnantium hoſtium, ab excelsioribus locis intercedente oppido verberaret. Ea res non ſtatim animadverſa magnum Guintianis attulit detrimen- tum, quum eodem tempore adverſi ſelopettariorum & ſagittariorum multi- tudinem vix ferre poſſent: averſi verò plumbeis pilis ſternerentur, erant ea tormenta non diruendis muris, ſed ad campeſtres pugnas idonea, levitate & brevitate expedita, ita ut commodè ſubductis rotis ſingula camelis ſingulis veherentur. At Nicolizza quanquam ſuorum clade percuſſus ſeſe non defe- rit, ſublataque ex ædificijs magna tabulatorum atque aſſerum multitudine perpetuam munitionem introrſus à muro, pedes duodecim erigit, qua mili- tes protecti atque occultati commeando & propugnando conſiſtere poſſent. eo ſubitario opere perfecto Turcæ incertis demum ictibus tabulata petebant, ita ut pauci, & caſu quidem interirent. Sed quotidiè non parvus numerus ſcœminarum, puerorum & ſenum vulnerabatur, qui concluſi domibus cum parandis alimentis, tum ſaucijs percurandis vacabant, quod in ligneas domos frequentes pilæ terebratis repente tabulatis in nihil tale expectantes incide- rent. Interim ducenti fermè equites Turcæ è caſtris ſpeculabundi prædabun- dique ultra Neoaſtadium excuſſionem fecerunt. qui quum diu vagati ad Leo- poldium vicum perveniſſent, incidere in inſidias, ſic ut inter amniculum, qui illac præſeptis ripis perlabitur, & mediam vici regionem, quæ publicum iter præbet, intercluſi fermè, omnes ab Hungaris equitibus cæderentur aut ca- perentur. Leopoldenſes enim ingenti ſtipite prælongi arboris ita militarem clauſerant viam, ut cum is ſtipes in lignea tricubitali columna ad libramen- tum ſuſpenſus eſſet, & in axe verteretur, facile quum vellent in directum ex- tenſo ſtipite à læva dextraque aditum aperirent, vel eo contraria ratione re- ducto per obliquum levi momento præcluderent. Ea enim erat agre- ſtis machinæ forma, quod eſſet undique armata præacutis ramorum truncis late

late prominentibus, ut Turcæ equites qui nec artificium moliendi noverant, nec quin infestis ingentibus stimulis induerentur, transilire audebant, tanquam indagine clausi caperentur. Præfectus alæ Pauli Bachitij, cui à vitio distorti cruris Claudio cognomen erat, detruncata humeris hostium capita Viennam detulit, & ad omen victoriæ, spectaculumq; coeuntium undiq; militum in mœnibus præfixit. Tum verò ex captivis certius est cognitum, duplo ampliores copias, quàm quisquam rex Othomannus ad bellum eduxerit, & ob id ferè innumerabiles esse in castris, ipsumq; Solymanum sine muralibus tormentis adventare, ut quamprimum collatis signis cum Cæsare confligat, aut si hostis armatus non occurrat, ferro ac incendijs cuncta obvia devastet. Eadem quoq; legati Ferdinandi retulerunt, quos serica talari veste & singulis argenteis pateris donatos à Guintio dimiserat, ut literas ad Ferdinandum Cæsaremq; deferrent. eas nos tum vidimus in oblongo & per angusto dentatæ carthæ volumine aureis atq; cæruleis literis Arabicè scriptas obsignatasq; aureo sigillo & sacculo purpureo inclusas. utpote quæ tantis involucris barbari vanissimiq; regis superbiam præferrent. In his enim usurpatis multorum regum titulis tumidissimè se terrarum prope omnium & gentium dominum ac imperatorè præscribebat: sed summa hæc erat, Se vindicandis iniurijs, quas Ioanni regi beneficiario atque amico suo intulissent, domo profectum in Pan-
 20 noniam venisse, processurumque infesto exercitu in ipsorum provincias, ac si quis contra resisteret, prælio certaturum secundissimis auspicijs Dei optimi maximi & Mahometis, qui pro iustissima causa stare consueissent. Proinde si regij nominis memores esse vellent, & armati progredierentur, uno prælio finiri posse controversiam, atq; ipsos totius orbis imperium in premium victoriæ aut datuos protinus aut accepturos. Cæterum legati uti ex captivis varijs percunctationibus fuerat expressum, multitudinè quinquaginta myriadum in castris esse referebant, & tormenta ænea curulia circiter trecenta, è quibus longè maxima vix anserini ovi magnitudine pilam emitterent: castra plena esse omnis opulentiae, securitatis, silentij, disciplinæ: Solymanum ipsum, si su-
 30 perstitutionem demeres, ab æquitate, continentia, liberalitate, magnitudineq; animi tanta fortuna dignum videri: statura esse supra mediocrem, habitu gracilliore, cervice oblonga, ore candido & exanguis, ac osseo propemodum naso, atque eo plurimum ad unco: raros patere ad prætorium aditus, sed eum cuncta benignitatis officia per Habraimū humaniter implere: lautitiam sibi castrensi more largè præbitam fuisse, nihilq; sibi extra vini desiderium defuisse unquā: universum exercitū egregiè ali vervecinis carnibus atq; criza, nullū panis esse usum, nisi subcineritij & tumultuarij: equos in universum campestri pabulo contentos esse, cuius magnam copiam eæ regiones ferant: nam prata nequaquam de tonsa falcibus, quod spontè tulerint, præaltè adultum, & planè
 40 siccatum præbent: unum esse in castris Habraimum, ad quem veluti ex æquata cum Solymano militaris imperij potestate rerum omnium summa respiciat: eum esse ingenio excelsio, gravi, expedito, & ad virtutem exornandam maximè proclivi & liberali: penes hunc maximarum & secretissimarum rerum arcana recondi, adeo ut Solymanus in eius viri consilio, fide ac vigilantia securè conquiescat: ab eo proximam dignitatem tenere Aiace & Cassimium magistros equitum, quos Bellerbecos vocant: huic Asiaticorum, illi Europæorum Sauzachos parere: secundum hos Michalogli Mustaphæ

nomen celebrari, qui voluntarijs equitibus præsit. Ii sunt eorum lingua Ancanzy, qui longè lateque præcurrere, regiones explorare, demorari, distinerè, que hostes, atque omnia ferro atque igne vastari soliti sint. hunc esse Turcica stirpe ortum Ottomannis vetustate originis parem, militari prudentia clarum, antecedere eum castra duorum dierum itinere, & sicuti superiore bello fecisset, ante alios cum centum milibus equitum intra proximos Austrig fines esse præcursurum. Interim Habraïmus quum plures dies irritò conatu in oppugnatione Guinthi contrivisset, quòd abscedere incepto neq; Solymani nequæ suæ dignitatis esse statuebat, duo inusitatæ magnitudinis propugnacula ante fossam erexit. hæc non murum modò, verum & turrim, quæ erat in angulo ad Austrianam portam altitudine superabant, ea etiam ratione murian-gulum complexus, ut ex primo, quod erat latius & excelsius frontem hostium verberaret. & ex secundo per obliquum ipsorum latera peterentur. Ea continenti totius exercitus labore quatuor omnino diebus fuere constituta, & in summameducta altitudinem, ut hinc etiam Turcarum multitudinem estimare liceat. Imperatum enim fuerat singulis propè equitibus, omnibusq; sarnarijs iumentis, ut cæsam Asaporum securibus materiam è proximis sylvis in castra cõveherent. scapos enim ramorū magnorum aut discissarum arborum decisis frondibus equali, & ea quidem tricubitali longitudine ita collocabant, ut alternis ordinibus modò recta, & modò obliqua serie, alteri scilicet alteris impositi ingentem lignorum struem efficerent, ad effigiem latissimæ turris, e qua non modò qui in muro consisterent, sed & qui intra oppidum vagari velent, à sclopettarijs & sagittarijs conficerentur. Eo opere incredibili celeritate perfectò, repletaque fossa, & compluribus in muro occisis & vulneratis, Turcæ, quam murum cuniculo disruptum diximus, in oppidum impetum fecerunt, quibus irrumpentibus Nicolizza quantas habebat copias, uti in extremo conatu necesse erat, haud cunctanter opposuit. Sed quum iam propè intra murum pervaderent prætoriani, tantus sublatus est clamor cum eiulatu ab imbelli puerorum, & scëminarum multitudine, ut stupefacti potius quàm terrii impetum represserint. Ea cunctatio sicuti subeuntes tardavit, ita animos propugnantibus in immensum adauxit. Natura enim fit, ut homines tum maximè audeant, cum repentè commutata fortuna timere desierint. Eo modo quum præfecti cohortium milites castigando atq; item verberando nihil profecissent, pugnæ finis est impositus. Referebant Turcæ se integri erumpentis ab arce præsidij strepitum, clamoremq; putasse, equitemq; districto gladio ipsis subeuntibus comminantem in aere conspexisse. eam proculdubio extitisse divi Martini speciem, qui Sabarienses omnibus dubijs temporibus certò tutelari numine conservasset. cæterum eius miraculi fides apud Nicolizzam relinquetur, à quo demum obsidione liberato Viennæ eam rem longa percunctatione didicimus. Porro Habraïmus pudore atq; ira vehementissimè conturbatus, dum vi Nicolizzæ animum pervincere nequit, honestissimis oblati conditionibus expugnat: data enim fide publica evocatum ad se in castra cum summo honore verborum eius virtutem commendare cœpit, rogavitq; ut fortunæ periculū facere desineret: oppidum in eius potestate se relicturum, si in verba Solymani iuraret, & in speciem præsidij aliquot Turcæ veluti tradito oppido reciperentur. Nicolizza qui ex octingētis strenuis defensoribus vix tertiam partem, atq; eam cõfectam vigilijs & vulneribus debilitatam,

tam, sibi superesse meminerat, omnino transigendum existimavit. Quid enim
 optatius accidere poterat, quàm ipsum cum præclara fide virtutisq; laude re-
 tinere oppidum, & cum sola verborum inanium iactura tantam suorum mul-
 titudinem supremo metu atq; periculo liberare? Quum in colloquio nullum
 timorem præferret, & præsidij vires effusè mentiendò adaugeret, affirmavit
 se antea oppidū dedere paratum fuisse ob amicitiam Byzanti initam, sed sem-
 per fuisse prohibitum, quo minus votum impleret, à Germanis & Hispanis,
 feris violentisque hominibus, qui in præsidio essent, eos quoque tum vel ex-
 orantibus pueris ac fœminis, ut ipse exiret, ægerrimè permisisse. Itaque se pol-
 10 liceri Turcis omnibus, qui illac transirent amicum fore, eisq; quos posset com-
 meatus ex copia attritæ regionis præbiturum liberaliter, & Ottomannicum
 vexillum in summa turre præfixurum. id verò quod ad Turcas introducen-
 dos pertineret, ut dediti oppidi acceptique præsidij species præberetur, se præ-
 stare omnino cupere, sed plurimū vereri ne à Germanis ac Hispanis, qui Tur-
 cum sanguinē inducti religionibus maximè sitirent, tumultu factò discerpe-
 rentur, ut demum violato iure gentium, & corrupta spe deditiōis, ad funesti
 belli discrimina sit redeundū: debere eum qui maximis eo bello rebus geren-
 dis immineret, ut se inde explicaret, spontè dediti, & in veterem amicitiam re-
 cepti voluntate et fide contentum esse, sicuti ipse quū oppido exiret, uti secu-
 20 rus de salute ac reditu sese nunquā antea exploratè fidei commisisset. Ad extre-
 mum Habraimus, virtute atq; astu Nicolizæ superatus, id tantū impetravit,
 ut Ianizerorum decuriam intra portæ limen admitteret, quibus introductis,
 & Illyrica lingua ad potandum vinum, cuius ea gens est avida, comiter invita-
 tis, & sibi & Habraimo cumulatisimè satisfecit, cum neque Germanos neque
 Hispanos in præsidio habuisset. Nec multo post Habraimus, & ipse qui non
 longè subsederat Solymanus, à Quintio discedūt, & in Carinthiæ fines ad Mu-
 ram amnem feruntur, in lævam longè à Danubio vertentes agmina, & peni-
 tus à nostris discedentes, qui iam magna ex parte trinis circa Viennam positis
 castris convenerant, ac adventum hostium alacriter expectabant. Erat enim
 30 opinio orta primò à præfectis, uti sit, ac demum edita in vulgus, Solymanū in
 Neostadianos & Viennenses campos à Quintio statim esse progressurum, ut
 equitatu, qua parte virium erat superior, undiq; præmisso aciem ostentaret, &
 si nostri obviam irent iusto prælio cōgrederetur: sed ab earatione alienum id
 iter adeo timorem antea de Turcis non ab re conceptū ex animis omnium de-
 terisit, ut qui tanta mole virium incubuisset, tantæ arrogantiæ & tanti fastus im-
 perator existimatione & dignitate spoliatus profugere crederetur, Turcasq;
 iam nostri milites, uti ignaros rudesq; militiæ munitionumq; præsertim & o-
 perum penitus irriderent, postquam oppidulū tantis circumfessum copijs, &
 tantis operibus oppugnatum, viginti trium dierum spacio capere nequiverant.
 40 cæterum tribus de causis id iter Solymanum tenuisse, postea à captivis com-
 pertum est: primò sicuti ipsi iactabant, ut ad Cæsarē breviori compendio con-
 tenderent, quem nondum à Ratispona Lintium pervenisse, cunctanterq; Vi-
 ennā devehī cognovissent: secundo quòd Neostadium, uti paludibus cin-
 ctum, magnoque tormentorum apparatu, & valido militum præsidio firma-
 tum, nequaquam sibi tentandum esse decrevissent, quo ab hostibus infesso, at-
 que in tergo relicto, ad Viennam sanis hominibus minimè fuerit proceden-
 dum: tertio, ut tutissimo fertilissimoq; itinere inter Dravū Savumq; suscepto,

quum æstas in exitum præceps & gravis imbribus autumnus suaderent, ad Belgradum reverteretur. Nos potius credimus Solymanum perspecta totius Germaniæ ad id bellum alacritate, cognitoq; Italarum atq; Hispanorum adventu, de quorum numero ad eum ampliora & maiora vero à speculatoribus veteribusq; amicis deferrebantur, repressisse animi ferociam, & tuto evastare provinciam, quàm ancipiti eventu nostrorū vires collatis signis experiri maluisse. Sub id fermè tempus quo Nicolizza Guintij maximè laborabat, Viennæ militaris seditio exarsit, non modò propinquitate hostium periculosa & penè exitialis, sed disunctione animorum, & disciplinæ conturbatione gravissima, nisi dñj immortales celerem atq; inexpectatā opem rebus propè perditis attulissent. Rochandulfus enim regiæ familiæ magister, quum in adventū Cæsaris, totq; regulatorum & legatorum hospitia præpararet, Hispanos qui in Pannonia militabant, urbe excedere, & in proximis campis extra tendere iusserat, illi id se facturos pernegabant, nisi merita stipendia præberentur, quod Viennensium hospitij affueti, omni castrensi suppellectile, pecuniâq; carerēt. in hos Rochandulfus contumaciùs hærentes impetum fecit, excitisque more militiæ ad arma Germanis & Viennensibus tormenta currulia proexit: nec se deserunt Hispani quanquam numero inferiores, & in oblongam regionem conglobati sensim pedes referunt, portamq; occupant, quæ in castra deferrebat, admissuri in auxilium Hispanos, qui dudum ab Italia venissent, atq; item Italos, qui in aliena terra viribus ut essent firmiores, antea cum Hispanis cohortante Vastio privatum fœdus inierant. Res eò perducta est, ut quum Rochandulfus vir admodum iracundus & ferox, armatus in equo vehementiusurgeret, & tormenta producerentur, contraq; Hispani obversa sclopettariorū cohorte consisterent, penè crudeli prælio certaretur: tantus erat utrinque furentium ardor ad conferendas manus, ut deprecantibus summis ducibus qui aderant, non modò non parerent, sed promiscuè omnibus minarentur, adeo ut Vastius & Antonius Leva, Hippolytusq; legatus, qui eò ad visendū belli apparatus à Ratispona decurrerat, quum deprecando orandoque nihil valerent, sese intra proximam domum recludere cogerentur. Dum arma quatuorq; atq; ignes tormentis imminet, haud dubiè cœleste aliquod numen Christianis rebus adfulsit: spontè etenim veluti ex equato utrinq; periculo milites arma depresso humi, Rochandulfo ira deferbuit, adcurrere duces, dictæ sunt cōditiones, atque æquis auribus acceptæ, promissa item stipendia, in pacandis utrinque animis Antonij Levæ, qui in sella humeris hominum inter armatos illatus ora converterat, autoritas plurimum enituit, Vastio præsertim, legatoque & Ludovico inter armatos iratosque iam deposito metu sese miscerentibus. Paulo antè ad Crementium, quod est oppidum in ulteriore Danubij ripa inter Lintium & Viennam, Hispani authore Hieronymo Leva, seditionem moverunt. Iusserat Cæsar, ut milites nominatim per manipulos atque centurias recenserentur: nam æmuli atque inimici ipsius Vastij, ut eius dignitatem & gratiam convellerent, Cæsari detulerant, falsum ab eo in cohortibus numerum militum referri, ob id Petrum Consalvum Mendocium triclinij præfectum Crementium miserat, ut milites inspiceret diligenter, & descriptis sigillatim stipendium numerari curaret, antea siquidem præfectis cohortium universa pecuniâ dabatur, ut illi iudicio suo in ea dividenda uterentur, quum discretæ cohortes in templum instituto ordine à quæstoribus citatæ essent, &

unicuique militi stipendium de quaestoris manu solveretur, militibus novum
 morem approbantibus, uni omnium ex Levaniana cohorte reclamare, tumul-
 tumque miscere coeperunt. Hæc ubi videt Vastius, qui initia seditionum au-
 dacter opprimenda esse didicerat, districto gladio in medios irrupit: duos qui
 seditiosius commilitones incitabant, ex conscientia sceleris e templo profugere
 conantes vinciri iubet. ex his quaestione habita Mendocius cognoscit seditio-
 nis authorem esse Hieronymum Levam, qui ad Athesim eius consternatio-
 nis, quam diximus princeps extitisset. Itaq; Mendocius re ad Cæsarem per ta-
 bellarios delata, brevi mandata recipit, damnatusq; Hieronymus Macicao ca-
 10 strorum magistro traditur, atq; ita ad minorem ignominiam in tabernaculo
 iugulatur, vir egregie fortis, ingenio validus: eloquentia verò & vultu antiquis
 ducibus comparandus. Ferunt Mendocium aliquanto libentius atq; maturius
 de reo supplicium sumpsisse propter simultatem Mediolani conceptam, quā
 Hieronymus in tradenda arce ipsi Mendocio Cæsaris literas afferenti parere
 recusasset. Leva sublato cæteri in officio permansere: retulitq; Mendocius, se
 plenissimas optimis militibus cohortes reperisse, adeo ut eas res ab invidis con-
 ficta, maligneque delata ipsi Vastio apud Cæsarem gratiam ac benevolentiam
 magnopere confirmarit. Dum hæc fiunt, Michaloglus iubente Solymano ex
 voluntarijs prædatoriam manum emisit duce Casono, qui superiore bello va-
 20 stabundus ad Lintium usque præcurrerat: huic præcipit, ut iter non intermit-
 tat: longè lateque totam eam regionem pervagetur, quæ est inter Danubium
 & alpes, ut de Cæsare hostiumq; copijs certius cognoscat, ac demum id præstet,
 ut maximè funestam & luctuosam Germanis adventus sui memoriam relin-
 quat. Erat per se Casonus vir impiger, & prædæ avidus, sed eo etiam prom-
 ptiorem operam pollicebatur, quod superiore incursione se maximè illustrem
 atque opulentum evasisse meminerat. Igitur in tres alas ad quindecim milia e-
 quitum, modicis tamen intervallis dividuntur, in agris latè pagisque præfer-
 tim, & in fuga plena timoris atque tumultus: magnam mortalium omnis se-
 xus & ætatis multitudinem improvise repentinique opprimunt, senes invali-
 30 di foeminaeque catenis & laqueis tracti, equorum cursum adæquare cogun-
 tur: ædificia item, & in his infantes pueros barbara feritate succendunt, adeo ut
 per centum & quinquaginta ferè miliaria rectis & transversis itineribus cun-
 cta ex continenti fumo, flammis atq; ignibus colluceret. Casonus ad Lintium
 usq; proventus, quum ad Anassum amnem tertio ab urbe lapide pervenisset,
 tantum terrorem intulit Lintianis, ut rex Ferdinandus, quod ibi nullum esset
 militum præsidium ab Hippolyto legato cohortem Italicam posceret, cuius
 præsidio Anassi pontē tueretur. Is primus omnium à Cremenio rediens, con-
 spectis ab adversa ripa Turcis, de eorum adventu nuntium attulerat: itaque eo
 confestim mittuntur viri fortes Sfortia Baleonus atq; Otho Montacutus cum
 40 valida sclopettariorum manu. Hi contractis aliquot ligneis dolijs ad caput
 pontis subitariam munitionem erigunt, continuoq; revocant Hispanicam e-
 quitum alam, quæ in prima trepidatione, Rosale veterano duce, quin Danu-
 bium transiret retineri nequierat. Sed Casonus sive ponte non animadverso,
 quod frondosæ arbores prospectum impediret, sive vado superius improspe-
 re tentato, sive ut credi par est, quod non usq; adeo audendum putaret, ut ad
 oppidi portam progrediretur, ad lævam deflexit. nec ibi rex Ferdinandus uti
 oppido diffusus diu constitit, sed ad Aciliam urbem, quæ Strabinga dicitur, ad

Cæsarem ut copias pararet, ea nocte contendit. At Casonus coacta ingenti
 præda, evastataque universa regione, quum paganos ad arma concurrentes
 passim cæderet aut eluderet, eodem ferè itinere regreditur, Solymanum ratus
 se aut Quintij, aut in proximis supra Neostadium campis esse reperturum. Sed
 is iam promotis castris ad urbem Gratiam, Stiria Metropolim, quæ est ad
 Muram amnem, iter intenderat. Id vig consilium ex falsa opinione susceptum,
 Casonum importunè decepit, atque ei pariter supremam propè attulit cala-
 mitatem; nam ubi ex frequentibus incendijs cognitum est, Turcas ad Lintium
 usque regionem latissimè & crudelissimè populari, ex omnibus castris copias
 sese effuderunt, ut transeuntibus occurrerent. Germani enim ad recuperan-
 dam prædam, vindicandasq; iniurias vehementer excitabantur, & quisq; dux
 privatum sibi consilium desumebat, quum in universum consultandi & coe-
 undi, & tempus exiguum, & hostium inaudita celeritas, omnem facultatem
 eriperent. non enim prædatorias tantum alas evagari, sed adesse robora equi-
 tatus, atq; ipsum etiam Solymanum adventare crediderant. Itaque Vastius à
 Crementio Danubium traiecit, & per nemora versus divi Hippolyti oppidū
 ad hostes fertur. Federicus Palatinus omnium auxiliorum, quæ Germania con-
 tulerat, Imperator ad Viennam superato Danubio castra movet. Austriaci
 duces Sigismundus Prandsefer, & Ricianus à Neostadio copias educunt. Lu-
 dovicus Lodronius alio opportuno loco castra constituit. idem Bohemi, Mo-
 raviq; equites, & ipsi ante alios Hungari impigrè faciunt. loca ad tendendas
 insidias quæritant, per quæ transituros hostes arbitrantur. Vastius frustra syl-
 va & nemora triduo pervagatus, quum & comneatus deficeret, & Turcæ re-
 tro conversi longè abessent, iam senescente in his locis eorum fama, Cremen-
 tium & mox Viennam copias reduxit. Secant mediam Austriam Norici per-
 petui montes, qui ab alpibus Rhæticiis oriuntur, seseque mollioribus sensim
 iugis ad Danubium usq; demittunt, adeo ut in ripa fluminis perangustum i-
 ter equis nonnunquam & curribus relinquant, ea montium congeries usque
 ad Vindelicia fines pertinere dicitur, castellis satis frequens, multis annibus
 irrigua, pecoris abundans. In hac regione multæ atq; latissimæ sunt convalles,
 partim aratris cultæ & pascuis fertiles, partim sylvis atq; nemoribus impeditæ,
 eæ ad exitus fauces habent, pertinētes ad eam planiciem, quæ Noricum à Pan-
 nonia citeriore determinat, & ad Sabariam Vespriniumq; perducit. Ad hos
 cōvallium exitus nostri duces, uti quisq; ab oppidis fumo & scloppis signifi-
 catione facta de Turcarum adventu cognoverat, distinctis locis copias admove-
 runt, intentè expectantes, unde nam hostes essent erepturi, quum in quadam
 convalle circa frumētarias molas ad amniculum Casonus aquationis commo-
 ditate inductus confedisset. Neostadienses de adventu hostium certiores facti,
 utpote qui in propinquo erant, primi omnium cum quinq; millibus peditum
 ad occupandas fauces advolarunt. Erat despectus in vallem ab edito collium
 iugo, ita ut nostri cōspectis hostium castris, ut eo declivi molliq; descensu quin
 continuo decurrerent, contineri nequiverint. erant eg cohortes quatuor expe-
 ditæ Hispanorum atq; Italorum sub Ludovico Coveio nobili atq; impigro,
 sed ea die nimis præcipiti atq; præporero duce. Nam qui modicis passibus &
 silenti agmine descendere debuerant, effuso cursu & clamore edito præcipientes
 ierunt, adeo ut cum fatigati & cursu & armorū pondere pervenirent, excitatis
 iam ad arma Turcis numero & viribus impares essent, ita occisis paucis fron-
 dato,

datoribus, qui obvii primò fuerant, adcurrentium mox equitum vim ferre ne-
 quiverunt. cecidère in prima fronte ingentibus gladijs obtruncati Ferdinan-
 dus Cabreria præfecti Sardiniae filius, & Franciscus Rocha centurio, Villaza-
 nesque signifer, & Martinus Gorea nobilis Tarraconensis. milites magna ex
 parte sunt cæsi, nonnulli in paludem profugientes umbilico tenus totam no-
 ctem latuerunt, cæteri agiliores conscensis montibus evasere, ipse Ludovicus
 vallum rusticanae areæ concitato equo, salu superavit, & ad Germanos est re-
 versus: ij Sigismundo & Riciano ducibus cum ab alto sociorū cædem fugamq;
 conspicerent, uti instructa acie descendere atque opem laborantibus ferre vel-
 lent, nulla ratione adduci potuerunt. At Casonus ne sibi in valle & palustri
 impeditoq; in loco, ubi dilucesceret, cum pedestribus hostium copijs esset di-
 micandum, captivos quatuor milium numero, ne oneri essent, barbara ferita-
 te ad unum omnes interficit, et intempesta nocte duobus factis agminibus ca-
 stra movit: alterum Ferisio duce, ad meridiem perrexit, succiso nemore & pa-
 refacto exitu, quod mirabile fuit, equitum securibus, nullo accepto incommo-
 do ad Solymantum pervenit: alterum ipso Casono duce per Storambergi op-
 pidi vallem erumpens in Palatinum incidit. is ad Leopoldium vicum cum xij
 millibus peditum, & duobus equitum gravis armaturæ, tormentisque vigin-
 ti curulibus in acie constitit. Fortè tum orta erat ex proxima palude nebula
 densior, quæ mutuum utrisque aspectum omni ex parte sustulerat, qua demū
 dilabente in adversos Palatinus tormenta displodit: his vehementer Turcæ
 perterrentur, & quū deflectere paululum nolunt, ut pilas evitent, in paludem
 proximam equos imprudenter adigunt: ibi multi tenaci in voragine impliciti
 perierunt: nonnulli equis longo cursu debilitatis & macie consumptis, quum
 extricare sese nequirent, pedites evaserunt, multo maxima tamen eorum pars
 ad nostrorum acies se convertit, solis peltis protecti, & districtos gladios in
 humero deferentes, adeo intrepide, ut ante densissimam hastatorum phalan-
 gem decurrerent, spectantibus & conservantibus locum atque ordinem non
 modo peditibus, sed ipsis etiam equitum alis nihil se in prætereuntes evaden-
 tesq; incitantibus. Tum Palatinus conversus ad suos, spectatores ergo, inquit,
 non bellatores erimus commilitones: si ut sese ultro hostes nostris cuspidibus
 induant expectamus. incitate acriter equos atq; hastas intendite, ut prætereun-
 tium agmina perrumpamus: nec mora signo tuba dato, armati equites in late-
 ra densatis cuneis incurrunt, magna equorum atque hominum strages editur:
 postremum Turcarum agmen interclusum à primis undique urgentibus ca-
 taphractis cæditur & profligatur, pauci evadunt: sternitur eorum vexillum, et
 ad Palatinum defertur: cecidit & ibi Casonus, uti impigrum ducem decuit, su-
 premo virtutis opere edito. Nam à novissimo agmine, ut suis spacium ad eva-
 dendum præberet, diu acerrimè ferrea ingenti clava dimicans restiterat. erat e-
 nim inter omnes insigni crista conspicuus, ea fuit ab aurea vagina in fronte e-
 xurgens ala vulturis, quæ ut ab omnibus nosceretur appensi atque ideo voli-
 tantis plumei veli mappulam trahebat. ea demum Cæsari dono data, occisi eo
 prælio Casoni fidem fecit. Cæterum Turcæ amisso duce vexilloque, & tertia
 ferè suorum parte desiderata, quum in patentes campos evasissent, vix emensi
 iter septem milium passuum in Lodronianas copias inciderunt. Lodronius
 enim ubi tormentorum boatum audivit, ratus quod erat, Palatinū cum Tur-
 cis prælio congressum esse, eò signa converterat, unde cavæ per anfractus val-

les iterato percussu acceptum armorum strepitum reddebant. Nec mora Turcæ conspiciuntur, & ante alios ferè trecenti, qui amissis equis in nostros pedibus tanta vi, tantaque alacritate impetum fecerunt, ut sese lanceis induere, & offerre tormentis minimè dubitarent, modò nostros vel semivivi, traieciq; vulnerarent, tantus inerat aut desperatis aut devotis animis mortis conatemptus. his celeriter interfectis affuere equitum agmina modò confectis, modò dissipatis ordinibus, in hæc Lodronius tormenta emitti vetuit, ne nostros qui terga fugientium cedendo è Palatini castris subsecuti fuerant, uti erant hostibus permixti, temerè sternerentur: ita Lodronius omisis tormentis magnū spacium directā peditū acie complexus: atq; item pari cōsilio Ioachimus Brandenburgensis cum duobus milibus equitum lunata acie venientes excepere, ibi vecordia sive temeritas hostium debitas invenit pœnas: nam sicuti intermittere fugam atque etiam fervida ora convertere cœperant, ut dextras conferrerent, & se minimè animis fractos ostenderent, ita vi atque impressione nostrorum perturbati pecorum modo cædebantur: nullæ enim eis lorice, aut galeæ, rari arcus, hastæ rarissimæ, utpote quas per nemora diversis casibus effregissent. nec deerant qui cedis facietate aliquos caperent ut ostentari possent, & demum sacri belli iure pro servis venderetur. Tanto accepto incommodo, Turcæ uti sese è nostrorum manibus explicabant, agminatim in patentes canypos efferebantur. Equi enim eorum quanquam continenti tot dierum labore & inedia confecti, natura tamen agiles & in extrema necessitate vehementer incitati, facile Germanos qui gravioribus armis & equis utebantur, vel immodico spacio reflexi in gyros, eo modo profligatos nequicquam persequentibus Germanis latissima planities excepit. ea utrinque parva habet nemora solo herbido, & raritate arborum adeo peramœna, ut equestribus præliis tota Europa nulla commodior esse videatur. Hæc exitum habet ad Neocrichum oppidum, cuius mœnia abluit modicus amnis, virentibus ripis & aquarum salubritate ponendis castris opportunus. Ibi dum Turcæ veluti superatis omnibus eius diei difficultatibus conquiescere parant, & equi virique promiscuè summa lassitudine defessi è profluente bibunt, & tenuis alimentis ex salita carne atque ea siccata in pulverem reliquias expediunt, novorum hostium superventu perturbantur. Catianer enim ipse & Turrianus equitum magister cum tribus milibus equitum diu quæritando hostes evagati: accepta demum, ut diximus, per manus ex fumo & tormentorum bombis significatione Neocrichum decurrerant: ita tumultuarium prælium exoritur. multi Turcæ uti in gramine strati deprehensique dum equos frenant, ephippiaque substringunt, latè cæduntur, mox ita æquatur pugna, ut cum fortissimi quidam validioribus utentes equis in tergo constantissimè dimicarent, reliqui capto moræ spacio ad evadendum antecederent, & sæpe conversi ac demum aversi certamen redintegrarent: nostri tamen omnibus rebus ac animis præsertim superiores ita perturbatis, fessis, vulneratisque instabant, ut passim per amplum eorum numerum prosternerent: reliqui tamen magna ex parte evasuri viderentur, nisi, quod summam Turcis attulit calamitatem, & feroces adhuc eorum animos latè perfregit, nequaquam antè expectati Hungari supervenissent. Valentinus enim & Paulus, itemque Balthasar Pamphilus & Claudius è montibus decurrentes, cum singulis alis in transversos impetum fecerunt, atque eos ad æquato equorum cursu per sexaginta amplius stadia terga cædentes

dentes sunt persecuti. Erant enim equorum pernecitare, & armorum genere,
 & pugnandi disciplina Turcis simillimi et eo terribiliores, quod recentibus
 equis advenerant, & Turcica lingua ad eos perterrendos, dum fugam incre-
 pitant, & superbè insultant, feris ululatibus utebantur. Ea die quum à tribus
 exercitibus tribus in locis esset pugnatum, summa virtutis laus penes Hunga-
 ros fuit, eò tamen æquiore conditione, quod tribus iam præliis profligatos,
 & in fugam coniectos, neque postremo paratos ad prælium deprehendissent.
 Vni Austriani Sigismundo & Riciano ducibus, qui biduo ante commilito-
 num cædem ab excelsso loco despectarant, & se demum in Neostadium ur-
 bem recreandorum corporum causa receperant, tantæ victoriæ participes es-
 senoluerunt: eos enim somno vinoque sepultos in tanta occasione Rauber
 Labacensis antistes vir gravissimus ut arma caperent & oppido exirent, ex-
 citare non potuit. Quum Hungari insequendi finem fecissent, Turcis effu-
 gium patuit, solitudines sylvarum petentibus, sed ñ demum pars ad Ferreo-
 castrum, pars ad Vesprium & Balatonem lacum in manus effusorum ad
 prædam populorum devenerunt, adeo ut ex octo milibus vix pauci ad Bel-
 gradum: nulli vero ad Solymanum in castra pervenerint. Porro Cæsar ubi
 Solymanum didicit ad Gratiā contendisse, Lintiana in arce duces ad consi-
 lium vocat, sententias exquirat an brevi & recto itinere ad hostem sit prope-
 randum, ut Stiria maturam opem ferat. Gratiā, Lintium, & Vienna urbes ita
 inter se sitæ sunt, ut æqualium ferè laterum trianguli figuram efficiant, sed à
 Lintio Gratiā iter est expedito equiti trium dierum maximè asperum, &
 convehendis præcipue curulibus tormentis impeditum, id enim quum a Da-
 nubio recesseris, per Velsiensium fines, & Salisburgam, quæ antiquitus Iuva-
 via dicebatur, perpetui montes & abruptæ valles excipiunt. Erant qui dice-
 rent cum Turcis æquiore conditione posse configi, si in regione montosa &
 per angusta, per expeditos pedites bellum gerendo, equitatus hostium, quo il-
 li maximè valerent, inutilis redderetur. Id consilium quanquam maximas ha-
 beret difficultates, quod ab ore strenuorum ducum proficisci videbatur, eò
 Cæsarem adduxit, ut Apontius Hispanus, qui apud Autonium Levam castro-
 rum præfectus fuerat, ad explorandum iter mitteretur. sed is paulo post quum
 deserti passim omnia incolarum pavore & fuga comperisset, pauca atq; ea in-
 certa de hostium itinere speculatus, Lintium rediit: tum vero ex omnium sen-
 tentia pronunciatum est, ut Vienna peteretur: ibi enim convenisse totius Ger-
 mania copias, ibi provisam re frumentaria commoditati tanti fluminis, tantisq;
 minorum amnium, qui ab utraq; ripa in id influerent, rerum omnium deve-
 ctionibus nō defuturos commeatus: & deniq; ibi recensendum lustrandumq;
 universum exercitū, & si hostis regrederetur, ante urbis mœnia collatis signis
 esse confligendū. Non defuere tamen qui petendæ Vienna consilium, uti di-
 versum ab hoste, & à gerendo bello penitus alienum haud obscure damnarēt,
 quasi hostis in ea calamitate provinciae à Cæsare omnino fuerit persequendus:
 sed aliam inferentis bellum, aliam propulsantis rationem esse constabat, adeo
 ut dignitate integra Cæsar prætorio in Viennensibus campis semel posito, i-
 gnobiles hostium motus excursionesq; spectare, & inanem strepitum superbi
 hostis à multo terrarū spatio provocantis simul & recedentis irridere posse vi-
 deretur. Itaq; Cæsar Viennā classe devectus, Hispanos atq; Italos decurrentes
 more militiæ & pugne simulachrum edentes cum summa admiratione ac vo-

luptate inspexit. Antecedebat Vastius cum pedestri fraxineo conto, auratis armis, & sua insigni proceritate conspicuus. Is densando & celeriter explicando cohortes ad varias acierum effigies, quanta arte superioribus bellis pugnatum esset edocebat. Sequenti die Cæsar Germanos invisit ferina pelle contectus, ut vel ea militari comitate quale esset erga eos studium, usurpato gentis habitu testaretur. Tum Federicus Palatinus virtute animi atque oris habitu antiquis Germanorum ducibus, qui quondam Romana arma exercere, persimilis, iuxta peditum phalanges displosis miro ordine tormentis quadrata equitum agmina traduxit. Ibi videre erat prægrandes equos ferreis bardis protectos, ingentia virorum corpora longè pulcherrimis munita armis, omnibus intortæ & rutilantes barbæ, atque ora bellicum vigorem spirantia, quales antiqui Theuthones Cimbrique fuissent, ex literarum memoria referebant. Neque enim gregarios equites tot reguli totque liberæ civitates, sed maximè generosos aut fortibus factis illustres, dum certatim studio atque opibus excellere cuperent, ad id bellum miserant. nam quicquid in Germanico nomine aut exquisiti roboris, aut delecti floris fuit, à Vistula amne ad Rhenum tam late quam litora lambit Oceanus, & Rhætici Iulijque alpibus, ac Hercynia sylva concluditur, id totum aut iussu principum nomina dederat, aut spontè conscriptis adhæserat, quando nihil tale unquam à maiorum suorum, vel antiquiorum recordatione contigisset, ut consensu uno Germania omnis pro publica salute ac dignitate arma capere cogerentur, præsertim adversus eas gentes, quæ ab ultimis Asiæ Syriæque & Ægypti finibus venissent, ut Germanos Romanorum armis indomitos & vetere militiæ gloria, & præsentis libertate spoliarent, quibus maximè rebus supra cæteras gentes omnibus seculis absque ulla dubitatione floruissent. Nec Bohemorum castra longè aberant, Slesitarum & Moravorum copiis adaucta, quas gentium inclyti duces Hardechius et Bernesthenius adduxerant. Præerat omnibus Bohemis Sedislaus Lipa, summi magistratus honore insignis. Ea gens cum lingua, quæ Illyrica est, tum castrorum disciplina & armorum genere plurimum à Germanis differt, curribus castra vallantur, ingentiumque scutorum ordine firmantur acies, equites, peditesque peritissimè sclopettis utuntur. Mos est & genti in Hercyniæ saltu latrocinij assuetæ, parvas è chalybe secures, ad certissimos ictus eiaculari, ferreas item clavas cubitales, cathena hastilibus appensas ambabus regere manibus, atque his armatos magnis ictibus prosternere. Hi populi regiones ad Albim in Hercynia tenent, quas olim Marcomanni & Hermanduri tenuerunt. Ferdinando regi parent, quum regem nequaquam è popularibus, sed ab externis nationibus, quæ virtute atque iustitia potiorem putaverint, vetere instituto sibi deligant: ita ut modo Hungaris, modo Polonis, & uti hodie videmus, nonnunquam Germanis Bohemique regnum deferatur gravi & contentiosa ambitione principum: nam qui Bohemorum rex evaserit, in creando demum Cæsare septimi suffragij prærogativa & potens & insignis efficitur, adeo ut quum Germani sex proceres ad quos comitiorum ius, potestasque pertinent, ex parî numero utrinque terni dissideant, addito demum utri libuerit suffragio suo Bohemus cum magna gloria Cæsarem pronunciet. Nec defuere aliquot Polonorum turmae, non publico, sed privato consilio bellum secutæ, connivente ad ea Sigismundo rege, qui sicuti non temerè cavebat, ne inducias violaret, quæ sibi cum Solymano erant, ita ne Christianæ causæ deesset, fortissimis viris ostendendæ virtuti locum præclarum ad-

radissimulatione relinquebat. Quum tantarum copiarum numerus iniretur, reperiēbamus Cæsarem, non deductis urbium præsidijs, non aginta descriptorum peditum, & triginta armatorum equitum milia in aciem esse producturum, nequaquam ad numeratis peditum atque equitum ministris, qui servorum loco, si labores officiaq; respiceres, æstimari poterant: si verò ætatis, ingenia, equi atque arma censerentur, nemo esset militiæ peritus, qui eos putaret vel robore, vel usu, vel ipsa spe veris militibus inferiores. Erant enim tum ad Viennam, coniunctis in castris supra ducenta & sexaginta milia hominum, quibus Ariovistus Vilermi Baioarij frater Pataviensis Episcopus cōmeatum in tres menses se præbiturum certa pactione receperat. Neque enim unquam ab ulla memoria tantū insignium ducum, lectorumq; militum ullis in castris coivisse crediderim, si singularū gentium nobilitatem, ac famam assiduis quæstam bellis & privata virtutis decora animo reputemus. Nam cohortes fere integræ ex his constabant, qui paulo antè centuriones signiferiq; fuissent, & curiæ refertæ erant veteribus præfectis, aut ijs qui egregiè pugnando, & præclarum nomen, & militaria dona, torques aureos, & aurata calcaria meruissent. Porro in quota parte virium censebitur curulium tormentorum apparatus: qui in veterum castris aut certè nullus fuit, aut qualiscunque fuerit, is omnino ætate nostra sit deridendus, cum operosas è materia turres & machinas tremenda effigie, & asperis suis tantum nominibus terribiles, maiores nostros timuisse videamus, ea tum apud Cæsarem tot erant egregiè fabrefacta, ut perpetua eorum corona instructæ acies præcingi & latè muniri, ad non dubiam victoriam facile posse viderentur. Omnium enim ducum id fuerat decretum, nihil à flumine Viennaq; discedere, nihil omnino progredi in apertos campos, ne hostium equitatus sua multitudine atque audaciâ à latere insinuat, ab urbe demum Danubioq; interclusis nostris, omnem supportandi comatus facultatē eriperet. hoc verò ordine exercitus noster expectare hostem paratus, non procul à mœnibus amplissimo in loco statuebatur. Tres peditum hastatorum quadratæ phalanges, latis inter se distinctæ spacijs pari & æquata fronte contra hostes sic locabantur, ut ipsis medijs intervallis equitatus omnis bipartitus reciperetur: neq; enim putabant numero exiguum aperto in loco extra pedites trecētis fermè Turcarum equitum milibus esse obijciendū. Dextrum cornu equitum Cæsar, lævum Ferdinandus eo modo desumpserant, ut levis armatura sclopettariorum, quæ viginti milium numerum efficiebat, undique hastata quæ diximus agmina, relicto triginta passuum spacio coronaret, horum acies longior & rarior erat, & quinque tantū militum ordinibus in latitudine constabat, ut expediti & nihil inculcati, habili manu, dum primi sclopettos emittunt, & secundi implent, alternantibus eo modo ordinibus perpetuam glandium procellam effunderent. neq; enim multum referebat, si tenuior esset: quoniam sclopettarijs omnibus, si urgerentur, paratus erat ad proximos hastatos receptus. Circumdabant ergo & frontem & latera atq; etiam terga, continuata serie, quæ duobus tantum in locis erat interrupta, ut egressus liber atque expeditus, quum oporteret, equitibus densatis absque ulla peditum perturbatione præberetur: ante verò levem armaturam constituta erant tormenta, ea ratione, ut postquam diu emissa fervefactaq; usui esse desinerent, in valli morem firmissimo quodam monimento irrupturis hostibus opponeretur. Soli Hungari extra munimenta se pugnatueros professi à Valen-

tino Pauloque ducibus in ingentes alas expandebantur. Hæc ipsa spectantibus præ gaudio manabant lachrymæ veluti concepta non sine ingenti spe de barbaris certa victoria, si se audacius superbus hostis efferret, ac nostros rotis copiis adoriretur. Cæterum Solymanus, qui è sua vetere disciplina campos quærebat, in queis nostros expanso & circumdato equitatu, nunquam minus oblata pugna fatigaret, ubi de apparatu consiliisque Cæsaris certius cognovit, ultra Muram est profectus. Is amnis antiquis Savaria fuit: effunditur in Dravum paulo infra Petoviam, urbem Romanorum castris & hybernis claram: eo superato Turcæ ad Marpurchum oppidum delati, tumultuariis pontibus effectis, Dravum transierunt: atque ita Solymanus qui universum propè terrarum orbem eius suscepti belli fama commoverat, nulla memorabili re gesta, undique repulsus & cæsus Stiria excessit, & inter Dravum & Savyum directo itinere ad Belgradum est reversus, passim sævitæ suæ veltigia relinquens, & sæpe respectans, an Cæsar in tergo esset, quando postrema agmina à paucis Illyriis & Croatis equitibus cæderentur. Ferunt eum supra triginta milia Christianorum capitum in servitutem abduxisse, & aliquot milia diversis in locis per Michalogli præsertim equites trucidasse: nam dispersæ agrestium armatorum manus, dum coire in unum conarentur, à repentinis astutisq; equitibus passim ex insidijs circumventi facile opprimebantur. Cognito Solymani discessu Cæsar, omnium opinione celerius in Italiam redire constituit, deprecante Ferdinando, ut postquam innumerabiles copię tanto sumptu tantoque labore coivissent, ea occasione atque eo apparatu uterentur adversus Ioannem, quem planè destitutum, & in magno regionis spacio disiunctum à Solymano & Buda urbe, & tota demum Pannonia facile essent expulsuri. Sed Cæsar quòd hyems suberat, et commodissimis itineribus sibi alpes omnino transeundas iudicabat, in proposito discedendi perstitit. Inviatabat enim eum ad festinandum mira cœli serenitas, eo suspectior in reliquo tempus, quòd per plures dies æstiva potius quàm autumnalis extitisset: eam tum, ut ex naturæ causis credi par est, in cœlo per xv dies apparens crinitum sidus, siccatis planè terris attulerat. pestilentia quoque contagijs serpens & in urbe, & in castris, & in ipsa demum aula multos cotidie & insignes quidem rapiebat, ut non modò Cæsarem, sed etiam constantissimum & gravissimum quemque magnopere perterreret. Id verò Cæsar & communi causæ & fratris precibus dedit, ut Italicas cōhortes omnes relinqueret, quæ adiunctis Austrianis copiis in Pannonia cum Ioanne bellum gererent: ipse autem cum Hispanis & Germanorum Maximiliani atque Tamisij legionibus in Italiam proficisceretur. Delectus verò Italis dux est, Vastio efferente, Fabritius Maramaldus, nec de stipendijs quicquam est constitutum, ut cohortes ad præstandam operam accendi, ac in officio contineri possent. Ea res primò reliquorum præfectorum animos vehementissimè pupugit, quòd unus cæteris omnibus non sine aliorum dignitatis offensione præferretur. Ut verò in vulgus militum emanavit, centuriones & signiferi notique milites veterum præfectorum suorum nomen & amicitiam secuti, se in Pannoniam non esse ituros testari, nisi rex Ferdinandus, aut ipse Vastius, aut Antonius Leva imperij militaris munus susciperent: gregarii verò milites palàm dicere missionem esse petituros, nisi trimestris pecunia solveretur, quam per se non multum pecunioso Regi, & tum maxime exhausto, defuturam esse intelligebant.

telligebant. Oderant & plerique Maramaldum, uti violentum, & in exercenda disciplina nimis severum, minimaque errata militum aut morte aut inflatis vulneribus sæpissimè punientē. Vastius non uno in loco ad milites verba fecit, cohortes monendo ut sacramentum militare respicerent, & decus quod tanta alacritate & celeritate adventus sibi ipsis ac toti Italiæ peperissent, remanendi perseverandique constantia tueri vellent: ad eos enim recuperatæ Pannoniæ laudem & gloriam esse perventuram, nec fortes viros unquam eguisse stipendijs: omnia virtute victoriaque parari, quæ certa atque explorata videretur: quantum ad ducem pertineret, eum semper satis generosum & dignum videri, qui esset rei bellicæ peritus, & strenuè hostem ferire ac profligare didicisset: in Fabritio tamen non desiderari honestos natales, & excellere comitatem, & ipsum quum vi corporis ac ingenij vigore nemini cederet, etiam ætatis honore cæteros anteire. Sed in hoc præcipuè spectari debere iudicium Cæsaris, qui eum uti potiorem delegisset, & modestiam, parendique obsequium in milite ante omnia requirere, & maximè commendare esset solitus. His cohortationibus Vastius tantum profecit, ut stipendio præbito pacari atque inflecti posse viderentur, sed ad id Cæsar quæstorum malignitate durior est inventus. Nondum enim persolvendi stipendij dies advenerat, verum id æquitate quadam milites sibi deberi postulabant, quum novo & longinquo bello sub hyeme illigari sine pecunia nollent, & arma quoque discedentes ab Italia stipendij nomine acceperant, quæ quarto demum mense per partes levi cum incommodo solverentur: ita accidebat, ut quibus arma publicæ divendita fuissent, illi maximè in alimenta vitæ pecunia carerent. Interim quum Vastius e castris in urbem ad explicandas huiusmodi difficultates perrexisset, nox advenit opportuna miscendæ seditioni, utpote quæ in certa luce pudorem metumque demeret, & ob id flagitio & petulantia locus erescere licentia præberetur. Fortè allatus erat ex urbe nigerrimus panis, planeque muccidus, quem emptum milites infixumque hastilibus ita comilitonibus ostentabant, ut cum insigni dolore bileque Ferdinandi regis nomen maledictis incesserent, qui in regno suo, ipsoque belli initio, re frumentaria negligentissimè procurata, externos exercitus ad se præcipuè defendendum augendumque venientes, eo corrupto & ob id pestifero cibi genere alendos putaret. & paulò antè insolentius etiam egerat gregarius Hispanus, qui prætorium ingressus simili pane ad Vastij pedes cum execratione duorum Cæsarum proiecto, magnas turbas excitaverat. Itaque milites ante tentoria in coronam coeuntes, dum adversa atque aspera de stipendio, de cōmeatu, de Hungarici belli difficultatibus proloquuntur ad signa Parmensium ex omnibus cohortibus plurimi confluxere. Ibi Titus Marconius Volaterranus, cæteris turbidior & eloquentior coacervatis iumentorum clitellis impositus, seditiosissimo quoque centuriorum incitante, ut pro dignitate saluteque omniū liberrimè differeret, ita locutus fertur: Ergo, inquit, commilitones, uti audivistis, Hispani in Italiam ibunt, & nostro malo in vetera hyberna concedent, atque etiam quod pudeat præclari hospites cum uxoribus nostris cubabunt: nos verò exulabimus, & in Pannonia hac hyeme cum glacie & nivibus bellum geremus: pugnaturi scilicet pro egenissimo rege, & eo quidem si Hungaros spectemus, insititio & peregrino contra indigenam acceptum suis popularibus, superque cætera omnia Turcarum copijs ac opibus longè firmissimum, & quod fortibus viris maximè mo-

vere stomachum possit, duce Maramaldo, qui sæpe cæcus ira, præcipiti crudelitate, ita latera nostra avidè gladio petere est solitus, ut non aliunde libentius, quàm ex nostra cæde & supplicio ducis nomen usurpet. neque vos qui sæpe signiferi centurionesque fuistis, usque adeo insanisse crediderim, ut sine ulla spe stipendi, aut commeatus, aut victoriæ, aut deniq; reditus sub gregario duce militetis. profectò non tam me iuvat huc venisse pro laude Italici nominis, vel non pluris quàm triginta denarijs æstimatum, & si hæcenus undetasti pendia meruerim, quàm hodie dispudet hunc fœdum antè finiti, quàm cœpti belli exitum spectare, sed in regia fortuna nullus est pudor, sicuti nec ulla equitas in referenda militi gratia: militarem enim operam hodie reges una belli necessitate metiuntur: hæc una, inquam, nobis præmia expedit, amorem conciliat, auget dignitatem, quæ omnia demum post victoriam parta pace penitus obsolecunt. Ita vobis hodie evenit comilitones, Cæsar & Ferdinandus gravissimo belli metu liberati, ut hac nostra multitudine exonerentur, nos tanquàm pecora in Pannoniam detrudere contendunt, ita ut sperent nostro sanguine victoriam esse relatuuros, aut in adversa nostra fortuna, nullam omnino iacturam facturos, si nos Turcæ & Hungari Danubijs glacie, & Alpinis nivibus interclusos, fame & ferro penitus absumpserint: verùm hæc fortasse non agnoscitis, sicuti nec planè novistis, quid hic durus, & verè sanguineus comeres vibratis in Italiam radijs portendat, certè hic nec Solymano nec Cæsari fatalis adfulget, quum verius nobis calamitatem ac interitum minetur: illi enim pari consilio securitatis atque prudentiæ pleno, viam satis aperire noluerunt, dum in diversa abeunt, atque omnes committendi prælii casus devitant. Ergo si illis planè licuit, & salva quidem maiestate egregiè cavisse, ne prælii aleam subirent, quum utrinque dimidius terrarum orbis præmium victoriæ spectaretur, nos minimè cavebimus, ne eò demittamur unde nullus nisi funestus exitus esse videatur: quum id absque flagitio & optimo quidem iure, nulla præposita mercede facere possimus, hoc modo valde præclarum tanto bello finè impositum videtis, in quo uni omnium Itali pro laude & donativo contumeliam ferimus, & ob id fortasse in Pannoniam relegamur, ut in Italiam hoc hostium re militum detractò longeque semoto, Hispanorum & Germanorum coloniæ deducantur. Profectò nimis miserum videtur, ablegari in solo barbarico, ubi omnia hostilia occurrent, nec ullus desertos & errabundos omnino pacatus locus excipiat. Experiemur quoque vel inviti quàm grave sit, atque intolerandum corporibus simul atque animis hyberni & ancipitis belli erumpas pati, atque interim ægro animo & molestissima reputatione meminisse, quid domi ab Hispanis atque Germanis liberi, fratres, consanguinei, & ipsæ denique uxores nostræ patiantur. Itaque hodie commilitones pluris interest rectè sapere, quàm fortiter pugnare. Ad certam salutem, ad verum decus occasio quæ se nobis præbet, in præcipiti vertitur, maturè factò opus est, & priusquam Hispani vasa conclament, nobis est provolandum, ut magno intervallo castra & prima agmina Cæsaris antecedentes, primi omnium Italiam intremus. si prolixè consultando paululum cunctemur, & Vastius aderit, & ipsi præfecti nostri advenient, Italici sanguinis proditores, qui nos suo quæstu & malo nostro in has difficultates adduxerunt, scilicet deprecantes, & denique fallacissimis artibus multa stipendia pollicentes. At vos, si viri estis, eos tanquàm publicos hostes à colloquijs arcebitis, atque etiam iure optimo, ut veterum scelerum

lerumpoetiaspendant, interficietis: non deerunt in hac corona viri fortes, at-
 atque etiam magnitudine animi et vitæ innocentia illis multo meliores, qui nos
 educant, agmina subsidij firmet, aciem instruant, & hac vestra virtute vestrisque
 animi feliciter utantur. Vos si sapitis expedito consilio corpora atque animos
 ad iter parate, Dii maturantibus ubique aderunt: nam facile voti compotes
 evadunt qui præoccupant. Hæc dicentem excepere turbidissimi quique ex
 varijs cohortibus laudando atque approbando cuncta ordine, uti Marconius
 perorarat, moxque fremitus tota concione est auditus, qualis apud consterna-
 tos ad arma esse consuevit. inde evulgata profectio signa sunt revulsa, &
 densato agmine ad Neostadium iter est directum. nec mora in agmine tribu-
 ni militares tumultuarijs suffragijs cum imperio creantur, nec his ubi nomen
 est recitatum, honoris recusandi facultas relinquitur. Hi fuere Montebellius
 Vmber, Nerius Tiphernas, Molearius Parmensis, Sanctiusque Picens, &
 à Mediolano gemelli fratres Glusiani, qui ad octo millia hominum secum
 traxere, reliqui partim pudore, partim metu suspensi apud Maramaldum,
 Torniellumque in obsequio permanserunt. Eo modo profectos Vastius,
 præfectique, & plerique centuriones proVecti equis ad sextum ferme lapidem
 consequuntur, orant ut consistere, nec tantum scelus admittere velint, parata
 esse stipendia docent, & precibus minas addunt. At illi obaudire, nihil mo-
 rari, ira simul atque flagitio efferata ora convertere, adeo ut in adversos mi-
 nora tormenta disploderent. Ibi Vastius dum retentare agmen, & tribunos
 deterrere, revocareque ad imperium conaretur, non mediocre vitæ pericu-
 lum adiit. In ea interpellatione Molearius, qui ut sese expurgaret, atque ope-
 ram sedandæ seditioni polliceretur, paulum extra agmen in colloquio hæse-
 rat, interceptus à Castalio præfecto iugulatur. Vulneratur & C. Anguil-
 lius Florentinus, capiturque ut eo indice seditionis authores quæstione habi-
 tanoscerentur. eo atroci facto semel consternatis, ira in immensum accendi-
 tur, ita furentibus similes multa millia progressi, ad Martis lucum perve-
 niunt: id oppidum quod portas clauserat succensis valvis expugnant atque
 diripiunt, continuatisque & maxime extentis itineribus cuncta obvia crude-
 lirabie populantur: omnia exempla scelerum passim edunt, avaritiæ, libidi-
 nis, immanitatis. His iniurijs Ferdinandus vehementissime commotus,
 quod recuperandæ Pannoniæ tota spe deciderat, & ab his à quibus summum
 beneficium expectabat, inexpressibilis iniuriæ detrimenta pateretur, omnibus
 Sciriæ, Carinthiæque populis scripsit, ut nemini Italico parceretur. id irati a-
 nimi decretum, quanquam in supplicia meritos ederetur, tamen aliquanto
 acerbius & atrocius est visum, & prorsus eo rege indignum, qui in omni a-
 ctione antea pietatis ac humanitatis laudem ferre concupisset: quoniam ne-
 minem eo periculo eximeret, adeo ut tot reliqui milites, tot legati, totque sa-
 crati antistites, atque ex omni Italia honestissimi viri in id cædis discrimen
 cum sceleratis hominibus miscerentur. Ad hanc edicti famam decurrentibus
 undique Germanis ad obsidendas itinerum angustias, multæ cædes factæ, in
 dispersos præsertim & alimenta quærentes: sed ubi conglobatæ cohortes, ad
 vestigia cædis, & ad ipsa cadavera perveniebant, tum verò animis ira ac indi-
 gnitate percitis in ædificia grassabantur, sicut passim cubitalibus literis ex car-
 bone incendiorum causam præscriberent, ut subsequentes id nequaquam te-
 mere, sed vindicandis iniurijs factum scirent, caverentque ne ipsi pariter in

saltibus impediti Germanorum insidijs sternerentur. Interea Cæsar profecturus, Viennæ edixerat, ut hoc ordine in Italiam iretur, ex primo agmine cui ipse præesse volebat, Ferdinandus Gonzaga cum levis armaturæ equitibus antecederet, inde Vastius cum Hispanis, & prætoriani equites succederent; interposito autem biduo subsequeretur Hippolytus legatus, cum toto legatorum sacertotumque & togatorum ordine, quorum omnium comitatus erat amplissimus: tertium & postremum agmen, in quo Albanus regulus cum Hispanico equitatu erat, Germanorum legiones clauderent. Sed hunc ordinem militari consilio constitutum Hippolytus abruptit iuuenili quadam impatientia leuitateque, quum natura feruido & volucri ingenio vlla in re nullam moram ferre, & nulli, ut accidit in amplissima fortuna, parere didicisset, adulantibus præsertim clientibus nonnullis, & centurionibus, quos incredibili sumptu sibi adsciuerat. Licet enim eum insana libidine militare imperium affectantem, tanto exercitu dignum ad maximas res ingenti ausu gerendas dignum esse dictitabant, ita optimo quoque familiarium frustra deprecante, relicta sacerdotali purpura, galeroque, quem maxime fastidiebat, ferina pelle contectus, cum paucis armatis equitibus præcurrit. Id factum ad altioris consilij recessum plerique reuocabant, ceu legatus in summa rerum opportunitate consternatos milites ad patrandum aliquod insigne facinus in Italiam stipendio præbito esset adducturus: sed intimi amicorum, qui eius ingenium ætatis voluptatibus occupatum, & nullo adhuc stabili vel grauiore decreto satis firmatum sæpius excusferant, nihil tale verebantur; in eam tamen suspicionem adductus est Cæsar, ut eum qui spiritu valeret, & Pontificia pecunia potiretur, ad occupandam Florentiam condentere iudicaret; allocutus enim milites fuerat, & secum adducebat Roscium præfectum, à cuius cohortibus seditionis initia emanasse ferebant. Itaque precurrentem Cæsar, nec reuocantibus ipsius nuntijs obtemperantem, ad oppidum sancti Viti cum Roscio comprehendi custodiri que iubet, ne pax tanto sumptu, tantoque labore omnium in Italia parta, eius adolescentis audacia turbaretur. Verum non multo post Cæsar, cum certiora de eare didicisset, nec patrui Pontificis animum acerbioris offensione exagitantum putaret, violatique sacrosancti legati infamia permoueretur, quinto die eum emisit, retento Roscio, qui & ipse demum facile impetrante Ferdinando Gonzaga affine, custodia est eductus, quod eum præclaro multorum signiferorum & centurionum testimonio, culpa vacantem castrensis prætor absoluisset. Quum in itinere Cæsar esset, Paulum Iouium qui has conscripsit historias, in agmine adequitantem ad se vocauit, ut eius paulo durioris facti famam leniret. nactus enim idoneum hominem, uti sibi notum, ac Hippolyto familiarem, per quem cuncta ordine ad Clementem scriberentur, docuit, non voluntatis, quæ esset egregia erga Pontificem ipsumque legatum, sed summæ necessitatis fuisse consilium. quid enim acerbius accidere potuisset vel ipsi, vel Pontifici, si Italia, ipsaque imprimis Florentia seditionum militum incursione in discrimen noui belli fuisset adducta? scire se quantopere Clemens paci quietique studeret, qui iam pridem graui iudicio & Alexandrum Etruriæ principatu, & Hippolytum senatoria dignitate contentos esse voluisset, ut diuisa & communicata in vnū consensum, deuersa

rum virium potentia, Medicæ domui firma & diuturna felicitas pararetur. Bellorum initia sapientibus maximè esse pertimescenda, quæ cum à peritis plerunque temerè atque imprudenter serantur, ubi demum creverint, nisi gravissimo conatu periculoq; vix à maximis & prudentissimis regibus tolli vel opprimi possint, non debuisse Cardinalem, qui tanti muneris personam gereret, desumere sibi habitum militare, ut seditiosos & castrorum atque militie desertores cōsequeretur, & cum ijs quæcunq; in exitu forent, consilia communicaret: nequaquam enim eum quieti vel moderati animi dedisse signa, cum neque edicto, neque precibus audiens esse voluisset: quorsum enim eius dicta factaque tenderent, quis non insanus minimè divinaret, quum ille & sua & aliena dignitate vel improbè vel arroganter abuteretur? profecto eum uti ante tentasset, Florentinæ civitatis otium conturbare cupivisse, aut certè reliquis præclaram eius importuni consilij suspicionem, quum nulla spe vel laude totam castrensis disciplinæ rationem intempestiva excursionem corrupisset. Ceterum se ea, & quidem propensissima voluntate, qua semper fuisset, Cardinalem loco fratris habiturum, satis facturumque ei molliore excusatione, cum in Italia antecedentem foret consecutus: id verò se in summa testari, quicquid fieri iussisset, id non suo, sed Clementis commodo factum fuisse, quum etiam publicam Italiæ quietem unius inquieti hominis amicitia cariorem habuisset.

Sibi verò pergratum fore, si id totum animi sui iudicium, uti ab æquitate præsentiumque rerum ratione minimè alienum, ad Pontificem accurata fide præscriberetur, quod mox Iovius diligentissimè fecit. & id quidem æquissimo animo tulit Clemens, quum & captum simul & dimissum Cardinalem uno tempore cognovisset, sæpe quærens eius ingenium à deterrimis adulatoribus fuisse depravatum, quanquam in eare Cæsar se ipso suspicior & asperior exitisse videretur: erat enim in Cæsare, nisi naturam acerbiorē facto exagitates, summa æquitas, rara modestia, patientia singularis, adeo ut in tanta fortuna nihil repentinum aut insolens, vel iudicio vel sermonibus eius excideret. At Hippolytus ubi custodia est emissus è sancti Viti oppido, quod Virunum nonnulli antiquitus fuisse putant, ingenti cursu Venetias contendit, bis cum summo vitæ discrimine per infestos à Germanis saltus feliciter elapsus, quum Mercadus Hispanus dux itineris, Germanicæ peritus linguæ, ostentatus cultu ipso regię aulæ insignibus ea pericula depulisset. Porro tribuni militares quum incredibili celeritate continuatis die noctuque itineribus ad Vacorium pervenissent, quod hodie Villacum dicitur, in ripa Dravi amnis constituerunt. is amnis aquarum mole & suo rapido cursu concitatus, nequaquam vado superari poterat: pons verò sublicius quo iungebatur oppidi portæ, ita erat insinuatus, ut per mediam oppidi regionem ad adversam portam via militaris extenderetur. Quum Vacorienses in muro essent, & in ulteriore ripa non exiguam equitum & peditum armatorum multitudinem ostentarent, tribuni in lunato ripæ tractu extensis ordinibus aciem instruxerunt, quæ aspectu ipso & genere armorum latè splendentium, & sclopettariorum multitudine terribilis non rudibus modò populis, qui à multis annis armatos exercitus non vidissent, sed exercitatis etiam militibus terrorem incutere poterat. Pollicebantur Itali, si ponte transitus præberetur, & venali com meatu iuvarentur, se continenti agmine sine maleficio eorum finibus excessuros, si id minimè concederetur, ipsos sua industria & parvo quidem cum labore inven-

turos viam, qua succis proximis arboribus flumen transirent, subindeque adnixuros ut Vacorienes inhumanitatis & contumaciae poenas darent. Parati erant oppidani commeatum dare, ponte oppidoque recipere, sed per cohortes separatim, ut singulae per oppidum caeteris omnibus exclusis, sine periculo transmittirentur. Eam condicionem minime probantibus Italis, quod neque tuta esset, neque ex dignitate videretur, oppidani qui fortunas suas cum desperatis minime in periculum temere deuocandas esse existimabant, ponticulum subitarij operis a proximo maioris pontis capite iuxta oppidi murum ad frumentarias molas celerrime perfecerunt, atque ita ad mutuam securitatem vtriusque integra existimatione, praeclare atque opportunè consultum Drauo superato, quintis demum castris, & multo pacatioribus quam antea itineribus ad Tiliauentum flumen est peruentum, atque inde dissolutis cohortibus milites vario itinere, ut quisque patriae proximus, cum execratione eius infestae militiae domum sunt reuersi. Nec multo post Caesar Italiam intrauit, singulari Veneti senatus studio liberalitateque passim susceptus: eam vero pacati amicique animi modestiam praese tulit, ut Venetae ditionis vrbes minime ingressurum esse testaretur. nolebat enim qui validissimis copijs cinctus aduentaba, ullam omnino affectati Italiae imperij suspicionem praebere, quum paulo ante ab diro bello tot urbium excidia pertaes, ut pacem adferret, ea quae victricibus armis tenebat, incredibili aequitate magnitudinèque animi veteribus dominis reddidisset.

PAVLI IOVII NOVO

COMENSIS EPISCOPI NV

CERINI, HISTORIARVM

SVI TEMPORIS

LIBER XXXI.



ADVENTANTE In Italiam Caesare, Andreas Auria cum triginta quinque onerarijs & quadraginta octo rostratis nauibus Messanam venit. ibi cum instrumenta bellica & nauticos praecipue commeatus, nequaquam ingenti cura ac diligentia a praefecto Siciliae, quem tum importune morbus inuaserat, parata atque expedita reperisset, aliquanto serius quam volebat, in Graeciam traiecit. Audierat enim Himeralem, Ottomannicae classis praefectum, in Ambracio sinu aliquandiu desedisse cum septuaginta triremibus imperite & nequaquam militariter instructis, utpote quibus vsu periti nautae gubernatoresque deessent, & remigum turba magna ex parte ad naualem operam rudis, uti ex mediterraneis saepe hominibus impotenti imperio in naues cogi solita, vulgato per singulas triremes morbo laboraret, sic ut eum nullo prope negotio si maturasset, oppressurus fuisse crederetur. Erat tum ad Zaccynthum

cynthum insulam Veneta classis sexaginta triremium Vincētio Capellio præ-
 fecto, qui insulas & urbes litoraquē Veneti imperij vigili cura tuebatur, utri-
 que iure foederis amicus & hospes, nulli socius, spectator tantum, sed ex pro-
 fesso illis futurus hostis, qui subiectis Veneto nomini populis terra aut mari
 vim intulisset. Fuere qui crederent Venetos, ut neutris æquitate officij deesse
 viderentur, uno tempore & Aurigæ Turcarum clade per Corcyreos miopa-
 ranes significari iussisse, & monuisse item amice atq; opportune Himeralem,
 ut Ambraico sinu quamprimumeducta classe Ionio mari excederet, ne ab Au-
 rianis triremibus, quæ apparatu caleritatequē præstarent, dum parum salubri
 10 instatione moram inutilem trahit, deprehensus opprimeretur. Itaque Auria
 à Lacinio promontorio, quod hodie Columnneum vocant, dimissis in altum
 onerarijs navibus, ut recta ad Peloponnesi insulas cursum dirigerent, Iapy-
 gium Salentinorum, legendo Magnæ Græciæ oram tenuit, indequē Corcy-
 ram & Cephaleniam prætervectus Zacynthum venit. Constiterat in acie Ca-
 pellius penē hostilis paratiq; animi speciem præbens, ut apparatus atq; ip-
 sam nondum vel diuturna pace senescentem maritimi negotij disciplinam o-
 stentaret; & vetera quidem odia memoriam subibant, quibus Ligures Lucia-
 no Auria duce, ipsius Andregæ tritavo, ad internitionem propē Veneti nomi-
 nis ad fossam Clodiam dimicassent, atq; inde Auria subirato tristiciæ animo
 20 Luciani interitum desleret, qui victor eo navali prælio cecidisset: sed sanctissi-
 ma religionis & foederis iura ita animos continebant, ut quum utriq; impru-
 dentes vel incauti videri nollent, præbito insigni spectaculo concursuri vide-
 rentur. neq; inutile vel iniucundum posteris futurum putaverim, si acierum
 ordo paucis verbis explicetur, quando ætate nostrā nequaquam simile conti-
 gerit, ut id literarū memoriæ mandaremus. Collocarant in alto Veneti ingen-
 tem onerariam navem quaternis funibus à puppe proraq; ad totidem ancho-
 ras, in obliquum ductis, firmissimē deligatam: ab hac utrinq; binæ galeaciæ in-
 gentium tormentorū apparatu formidabiles ita constitutæ erant, ut ex inter-
 vallo onerariæ navis frontem non æquarent, & utrinq; tantū spatij relinque-
 30 retur, quantū satis esset, ut à læva dextraq; viginti singulæ triremes, quæ erāt in
 cornib. erumpere possēt: tertia verò acies ex reliquis viginti triremibus, in qua
 erat ipse Capellius, in tergo subsisteret, hinc aut inde allatura opem, uti prælij
 casus & incursus hostium poposcisset. eo pacto onerariæ navi ad emittenda
 tormenta latum & vacuum mare, à fronte & à lateribus relinquebatur, & ga-
 leaciæ in altum exporrectæ, triremium latera tuebantur. Ab Auriana classe
 tres speculatoriæ triremes antecede bāt insigni velocitate: tres verò acies quin-
 decim triremium eo ordine subsequēbantur, quem in agmine navigationeq;
 tenuerant: ubi verò in conspectum Venetæ classis est deventū, Antonius Au-
 ria, qui primo præerat agmini, in dextrum sensim deflectens, remos sustulit, ut
 40 sequentes expectaret, & Andreas, qui medium tenebat agmen, suo cursu pro-
 gressus, sese introrsus ad cornu dextrum applicavit: Salviatus verò Rhodiarū
 totius tertij agminis præfectus, interim in levam ita cōcitavit remiges, ut pun-
 cto temporis ad medium agmen proveheretur, adeo ut æquata omnium tri-
 remium fronte, uno pariq; impetu concursuræ crederentur. Reddidēre veri
 prælij simulachrum tormenta utrinq; ad consalutationē honoris causa, exem-
 ptis pilis miro ordine displosa. Venit ad Auriam Canales nobilis vir atq; item
 fortis, Ionij maris custodiæ præpositus: per eum Capellius, portus, stationes,

comitatus amicè obtulit, excusauitq; se, quòd integra senatus fide confociare vires, & publicos hostes persequi nequaquam liceret: ob stare enim fœdus, antiquitatis cum Ottomannis percussum, quod ipse etiam Solymanus renouasset. At Auria Cæsaris nomine gratias egit, quòd senatus eo animo esset, ut maiorem æquitatis atque iustitiæ, quàm vllam bene gerendæ rei rationem respicere cogeretur, sperare se tamen Cæsaris auspicijs talem ad ingentem victoriam Venetis occasionem esse præbiturum, ut eæ fœderum compedes, ab ipsis vltro pietatis et certæ victoriæ causa cupidissimè frangerentur. Et certè quum hoc animo reputamus, nostrorum temporum condicionem deflere, Christianorumque principum insaniam detestari lubet, qui dum inter se bello aut odio dissident, ita Ottomannis parant, ut qui toties superari delerique potuerunt, non immeritò adaucta in immensum potentia, ad totius orbis imperium aspirent. Himerale enim tum in fugam acto, atq; eo, si persecuti forent, facile deletò, quæ reliqua vnquam Solymano clas sis superfuisset: qui nam Byzantijs, Cæsarianæ Venetæq; clasium impetum tulissent, nisi iuvenes prætorianos, aut eunuchos ad custodiam fœminarum domi relictos, moenia egregiè defensores credamus? quum in Pannonia procul ageret Solymanus & Græci ex ipsa vetere libertatis ac imperij sui memoria, ut rebellare ex toto possent, non quidem accessum Christianæ clas sis, sed vix ipsam tantam aduentus famam, erectis animis expectarent. Cæterum Auria vbi didicit Himeralem superato Galli promontorio, quod antiquis Acritis fuit, ad Maleam contendere, Antonium Auriam cum delectis septem triremibus qui persequeretur misit. sed ille ad Cytheram insulam vsq; frustra persecutus, quo hostes Argolicum sinum prætergressos, Atticæ Sunium atq; inde Chalcidem petere audiebat, ad classem est reuersus; ea tum in Sphragiæ insulæ portum, quem nostri Sapiëtiæ vocant, supra Methonem ad explicanda consilia se contulerat. iam enim onerariæ ab alto, remissioribus vsq; ventis, in conspectum se dederant. Fuere qui dicerent Methonem oppugnandam esse, & ante alios Saluiatus impiger iuuenis, Rhodiarum triremium præfectus: profitebatur enim se eam turrim, quæ subiectum mare despiceret, & cæteris munitior esse videretur, effreturum maioribus tormentis, et protinus occupaturum, ut potè qui situm vrbis interioresq; munitiones apprime nosset: superiore siquidem anno in eum ipsum Sphragiæ portum cum aliquot triremibus è Melita insula noctu illatus, præmisso ignobili nauigio per simulationē exponendi mercimonij, in cuius carina armati conditierant, felici dolo vrbem occupat; Iano Mario, viro Græco summæ virtutis id facinus ingenti animo patrans: sed occisis custodibus, occupataq; porta, & iam capta vrbe, nostri milites aliquanto præde, quàm decoris auidiores, quum ad diripiendas domos solutis ordinibus discurrent, facile à Turcis, qui animos receperat, turpiter cæsi expulsiq; nobilis victoris initium fœdo exitu corruerunt. ob id Auria ex priore periculo intentiorem firmioremq; custodiã adaucto Turcarum numero futuram ratus, Coronem oppugnare constituit. Distat ea vrbs à Methone duodecim ferme passuum millibus si terrestri itinere petatur, mari verò paulò minùs viginti. nam Acritæ promontorium medio ferè in intervallo in mare procurrat, & in læuo promontorij latere sensim litora curuantur. In hoc sinu sita est Corone, adeo porrecta in palagus, ut magna ex parte maris fluctibus alluatur: altera pars cuneata in latam cuspidem, transuerso muro, eoque senis turribus insigni & ferrata porta, proximam

litori,

litori, quam Insulam vocant, penitus excludit, & ita à mari recendes sensim
 attollitur, vt perpetuo saxo mœnia imposita ad trianguli formam oppidum
 efficiunt. In oppido, vt firmiore nobilioreq;, Turcæ domos habent, Græci
 insulam inhabitant, ad extremum verò oppidi angulum præalta in rupē ar-
 cem Venetī quondam fecere, quæ mediterranea despiciat & suburbana tecta;
 hæc viam militarem excipiunt, quæ in septentrionem perpetuo accliuī collis
 dorso in campos extenditur; sed ea suburbana quum ad sagittæ iactum à por-
 ta oppidi processeris, alio intermedio muro portaq; diuiduntur: porro ad ma-
 re ab vtraq; vrbis parte duæ sunt per commodæ stationes: nam quū Euri Vul-
 10 turniq; vel è diuerso Fauonius & Corus sæuius perflauerint, ex hac in alteram
 nauigia repente confugiunt. In læua statione ex vetusti operis mole portus ef-
 ficitur, verum adeo angustus, vt vix septenas triremes tutò recipiat. Auria
 terramariq; explorato vrbis situ, cohortantibus maximè Græcis, qui ad no-
 stros è suburbanis edificijs cupidissimè transierāt, aggressurus urbem, in hunc
 modum ad oppugnandum loca muniaque distribuit; Circunductæ primò
 sunt in amplissimam coronam naues onerariæ, & antè eas triremes, vt totam
 eam conuexi muri partem, quæ insulam à mari præcingit, contractiore ambi-
 tu complecterentur, proiectis in litus sub muro anchoris, vt inde per ductari-
 20 os funes ergatarum beneficio attracta nauigia, quantum maris vadum patere-
 tur, ad mœnia promouerent. Scaphis autem magnarum nauium pluteis ac as-
 seribus protectis, anchoras prouehi & in litus ad scopulos inter tela Turca-
 rum ab alto incidentia collocari iubebat. ex nauium proris nouo quodam ar-
 tificio pontes paribus extantibus antennis impositi tabulisq; constrati, à fron-
 te prominebant, ita vt summitati mœnium æquarentur, atque inde clypeata
 armatæque cohortes procursuræ & irrupturæ in oppidum viderentur. In du-
 arum verò longè maximarum nauium Grimaldiæ scilicet & Rhodiæ summis
 carchesijs ab excelsissima scilicet mali summitate, sacri, falconesq; bini consti-
 tuti erant, vt inde non propugnatores modò qui in muro consisterent, sed in-
 teriora insulæ certis ictibus peterentur. Terrestres verò copias ita diuisit, vt
 30 Hieronymus Tutauillas Sarnensis comes duceret Italicas cohortes, & à læ-
 ua parte supra molem latum propugnaculum septem tormentis quateret.
 Hieronymus verò Mendocius cum Hispanis à dextra, paulo à mari longius,
 non insulæ tantum, sed & oppidi murum totidem tormentis & scalis aggrede-
 retur. Ipse Andreas locum sibi delegerat apud molem, Sarnensi maximè pro-
 pinquum. Pontificiæ autem triremes contraria in parte Antonio Auria de-
 poscente, dextrū cornu tenuere. Saluiatus in medio Rhodias mœnibus admo-
 uit. Nunquam ab vlla memoria, tantum tormentorum ad vnā oppugnatio-
 nem collatum fuit: nam à terra quatuordecim, à mari verò centum & quinquā-
 40 ginta muralibus tormentis vno vndique tempore murus est vehementissimè
 verberatus: minorum verò tanta vis fuit, vt neq; prospici quicquam, neq; ex-
 audiri facile posset, fumo scilicet in crassissimæ nebulæ morem latè diffuso, &
 crepitu reboatuq; tormentorum cuncta quatiente. Apud Sarnensem Itali ma-
 gno animo, sed irritò incepto ad proruptum murum scalas apponere, & scan-
 dere conantes, ter à Turcis accerrimè propugnantibus insigni detrimento ac-
 cepto sunt repulsi. Neq; enim tantum muri dirutum fuerat, vt attingere scalæ
 possent, et vndiq; ab latere minoribus tormentis sternebantur, nec Turcæ è
 muro saxa, ignes, feruentem arenā, calcemque & picē lequefactam prouoluere

ac infundere subeuntibus cessabant. Sarnensis in his periculis fortiter æque
 atque feliciter versabatur, nec reuocandi milites locus erat: nam implicati
 inter se hastis et in casarum angustias, quæ muro suberant, metu retrusi quan-
 to magis à muro recedebāt, tātō apertius ac certius vulnerabātur. Periere in eo
 conatu receptuque Theodorus Boschites Græcus, qui in Italia alæ equitum
 cum laude præfuerat: atque item Franciscus Carnaus è Neapoli, & Iaco-
 bus à Capua, strenui centuriones, & cum his trecenti ferè milites, & su-
 pra mille vulnerati debilitatique, in queis fuit Alphonfus Capanius signifer,
 cui sclopetti pila ab alto demissa, perfosso oculo linguam abripuit. Ex
 altera parte Mendocius nequicquam quassato muro, quum omnia ardua¹⁰
 ad ascensum forent, cauto consilio prælii fortunam non subiit. At nauales socij
 felicius, quum Auria subeundi & scalas afferendi vti antea edixerat, tuba sig-
 num dedisset, in insulam peruasent, cedentibus muro Turcis metu ponu-
 um, quos superstantibus armatis appropinquantes continuo apprehensuros
 murum omnino crediderant. Primus ex naue Grimaldia imberbis Ligur ge-
 nere humilis, sed eo saltu satis clarus, vexillum in hostili muro defixit, proximi
 ei succedere Hidrontinus è Galeone miles, ac demum Lamba Genuenses; atq;
 ita multis interfectis insula capta direptaq; est, refugientibus infra oppidum
 per ferratam portam Turcis, qui ex eo quem diximus turrato muro, nostros
 præda occupatos vagantesq; sclopettis et sagittis vulnerabant. At primis tene-²⁰
 bris Sarnensis suos, qui sub muro conditi protectiq; multis horis substiterant,
 incolumes ad se recepit, & tota nocte laboratum est in erigendis munitioni-
 bus, quibus in oppugnando oppido ipsi milites tormenta q; ab hostiū ictibus
 tegerentur. Sequenti die plures Turcarum equitum manus, vt Coroneis op-
 em ferrent, in conspectum se dederunt: namq; singulos ferè proximorum op-
 pidorum præfectos, et fama Aurianæ clasfis, & auditus tota Peloponneso tan-
 tus tormentorum strepitus, exciuerant, aderat à Lacedemone, quam Mistrani
 vocant Zadares, cui Tridigito cognomen, is à Londario Charitena Messene
 q; expeditos equites circiter septingentos adducens, secundum litus iter facere
 cœperat, vt à dextro latere in urbem irrumperet. erat inter suburbana tecta,³⁰
 portæ quam diximus, in statione collocatus cum cohorte Theodorus Spinu-
 la, iussuq; Sarnensis milites intra sagittæ iactū intercisa militari via transuersam
 fossam oportunè duxerant. Itaq; Zadares quum ab Erasmo Auria qui in idli-
 tus triremen obuenterat, tormentis peteretur, à litore discedens trium amplius
 milium capto circuitu ad læuam peruenit, sinuosoq; itinere intra suburbana
 tecta se intulit, magno impetu ad portā prouectus, adeo vt Theodorus irruen-
 tium vim ægrè sustineret, eratq; res adducta in maximum discrimen, nisi Sar-
 nensis Theodoro cum paucis repugnāti peropportunè opem tulisset, submisso
 Petro Tolfio cum trecentis sclopettarijs: ij postremam partem Turcarum ag-
 minis retro auertere, ingressiq; suburbana, ita reliquos in fugam desperato in-⁴⁰
 gressu vrbs compulere, vt quum Turcæ concitatis equis effugere conaren-
 tur, in fossam inciderent. Ibi Zadares labente equo præceps datus interficitur,
 nec ulli ex Turcis omnino parcitur. eo modo multis occisis, capita ad munitiones
 deferuntur: quibus conspectis Turcæ qui oppido arcicq; præerant, siue me-
 tu siue commeatus & tormentarij pulueris inopia adducti, ea condicione vr-
 bem atq; arcem dediderunt, vt cum rebus suis armisq; in pacata loca discedere
 liceret. Corone capta, atque ibi præsidio Hispanorum constituto, & rece-
 ptis

pris in fidem Græcis, disputatur in consilio, an in longo portu, qui parum à
 Corone distat, ut certus tutusq; in ea ora Christianis clasibus sit receptus,
 castellum ædificare expediat, aut luncum oppugnare. Id hodie Nauarinum,
 Pylium antiquitus fuit, subiecto portu in signe, ignauia custodis Veneti, qui
 postea capite pœnas dedit, Baiazeti in Methonenſi victoria traditum. Cæterū
 Auria multis de causis, & quod nūquam defuturos portus nostris clasibus spe
 raret, ea consilia abiicit, & ad oppugnandas Patras iterum adita Zacyntho cū
 classe descendit. Deseruerant ad apertam urbē incolæ Turcæq; & in retractio-
 rem locum sub arce præalta fossa muroq; munitum milites cum magna puero-
 10 rum & foëminarum multitudine se receperant. Expositis copijs subuectisque
 tormentis octo muralibus Sarnensis ad mille sclopettarios fecernit, qui defen-
 soribus murum nudent, cæteros virgultorum singulos fascēs adferre iubet,
 ut aquata fossa ad murum scalæ deferantur. Non diu tormentis restitit mu-
 rus, Coroneo vetustate debilior. Primus omnium Ioannes, Traiani Cabani-
 lia filius, castrorum præfectus in fossam defiliit, subsequente ipso Sarnensi cū
 tribus signiferis & integris demum cohortibus, scandiq; murus certatim est
 ceptus, sed defensores Coroneis virtute constantiaque dissimiles, impetum
 nostrorum fuga in arcem facta, diutius non tulerunt. Ita vrbe paruo labore,
 & penè sine militum nostrorum vulnere celeriter capta direptaq;, ad arcem in-
 20 adito sitam tormenta subuexere. Erat oppugnatio futura difficilis, si eam mi-
 litari more Turcæ defendendam suscepissent, sed exemplo Coronensium, atq;
 item eius imbellis turbæ misericordia adducti, quum tantam multitudinem
 diu alere, vel in tanto seruitutis ac vitæ discrimine tueri posse desperarent, e-
 misſis ad Auriam oratoribus ea conditionē deditiōnem fecerunt, ut recepti in
 fidem inuiolatiq;, saluo imprimis foëminarum pudore, cum singulis vestimen-
 tis in Etoliam trañcerent. id egregiè Andreas præstitit, adeo ut inter alas mili-
 tum vtrinq; extensas exeunte trium ferè milium capitum multitudine, cū non-
 nulli petulantius foëminas attrectare, atq; his ornamenta detrahare inciperent
 corripī, extemploq; suspendi, aut iugulari iusserit. horum supplicio cæteris ab-
 30 omni licentia deterritis, eo ordine Turcæ ad naues sunt deducti, ut Sarnensis
 & Saluiatus antecederent, ipse postremum agmen cogeret vultu seверо impe-
 riosoq;, & ad sumenda supplicia, si qui paulo licentius iussa contemnerent,
 maxime parato. Quærebat enim iustitiæ & præclaræ fidei famam apud ipsos
 præsertim Turcas, ut eæ gentes religione ac ingenij captu nobis dissimiles,
 facto periculo manifestè perspicerent, in Christianis ad militare decus non de-
 esse fidem ac humanitatem, qui adeo moderatè victoria virtute parta vteren-
 tur. Exercitu ad Patras relicto, & terrestri itinere subsequi iussu, Auria ad Nau-
 pactei sinus angustias triremibus est deuectus; ibi fauces adeo coarctant eum
 influentis Ionij maris sinum, ut vno minus stadio, à Peloponneso Aetolia
 40 distet, qua ad Hellespontum interfluo mari Europa atque Asia diriman-
 tur. His angustijs gemina antiqui operis castella imminet, quæ Darda-
 nellos appellant. Fuere olim in Achaia Rhium, et in Aetolia Molycreum, sed
 Aetolicum Achaico Baiazetes, superaddita turre ingenti, et duplici muro ad-
 iecto, multo validius atq; munitius reddiderat. In his tormenta inusitata mag-
 nitudinis, multiplici fenestrarum ordine ad libellam aquæ ita constituta &
 collibrata erant, ut vel exiguis & humilioribus nauigijs ingressus, & exitus pre-
 cluderetur, nam vtrinque ad aduersam regionem emissæ bipedalis diametri

faxæ pilæ facile perueniebant, vti eadem ratione ad Hellespontum hodie fieri videmus. Auria citerioris castelli præfecto per Græcos homines extrema supplicia comminatus, si expectandam tormentorum vim putaret, facile pepigit, vt Turcæ incolumes castello. excederent: quibus nequaquam cunctanter eductis, quicquid vel annonæ, vel bellici apparatus in castello erat, diripiendum militi concessit. Reperti sunt thoraces, balistæque veteres, itemque loricae & peltæ more gentis, cum militari & minime pretiosa suppellectile. Ea spolia quum Aurianarum triremium milites nautæque efferrent, cæterisque aduentantibus ostentarent, adeo appropinquantium cohortium animos dolore ac inuidia exagitarunt, vt quum opimiorum fuisse prædam crederent, & tardius venissent, ob idque præda penitus excluderentur, continuo seditionem miscerent, ipsi Auria vehementer irati, quo primo ad Coronem, & inde ad Patras, & tum etiam ad Rhium, quasi Turcarum sanguini passim parcendum putaret, eas res ciuili pactione, quam ferro & bellica vi conficere maluisset, ita præmia laborum & vulnerum solatia militibus eripi, atque interuerti prædam, vt ipse inde apud hostes intempestiuam humanitatis & clementiæ laudem priuato nomine ferat, & soli propè nautæ Ligures ditentur; ipsis verò armatis militibus terræ & maris incommoda perpesis, nec locus ad perfectam laudem, nec spes ad certa probatæ virtutis præmia relinquantur, & quod fortibus viris minimè sit ferendum, omnium ceruicibus & iugulis laquei & pugiones, vel in minimo delicto, & sublata quidem spe dicendæ causæ proponantur. Hæc quum multiplicatis per coronas militum sermonibus dicerentur, & iam planè consternatæ essent aliquot cohortes, Neapolitanus signifer, quem strangulati ad Patras amici militis dolor incitabat, vexillum sustulit, alta voce commilitones inuitans, vt se ad opulenta castella euntem extempio sequerentur, ibi non visuros crudelem ducem, & ingentem prædam virtute quaesituros. Nec mora, illum quinque aliæ cohortes Italorum sunt secutæ, hisque vexillum Hispanorum accessit. iere citato agmine non tam iratis quam audidis animis in propinquos Græcorum pagos & villas, execrante eos Auria potius quam reuocante. Iam Sarnensis cum valida manu expeditorum militum traiecerat in aduersum Aetoliæ continentem vt exploraret castelli situm, & ponendis castris munitionem inciperet, quum Turcæ in nostros faciendo operi intentos protinus erumpunt: sed egregiè Sarnensis per sclopettarios eorum impetum sustinet, multisque vulneratis intra portam compellit, interim nondum perfectæ castrorum munitione, equites Naupacti egressi in conspectum se dedere, vt castellanis opem ferrent. nostri quanquam pauci pro castrorum spatio, quod erat amplissimū, vti ad continendas omnes copias vsitata ratione dimensum alacri tamen animo in munitionibus constitere, in aduersos sclopettis rem gerentes, & nonnunquam erumpentes, vbi audaciùs prouectos hostes conspexissent. Cæterū Turcæ multis in gyros decursionibus ad castra factis, latè omnia speculati, quum se se prouehere audaciùs, & cominus pugnare nollent, Naupactum redierunt, intromisso equite ad castellanos, vt eorum animos spe celeris auxiliij confirmarēt. At Sarnensis, qui ea spe traiecerat vt copias omnes confestim subsecuturas crederet, vbi de consternatione discessuque militum certior est factus, intermisso castrorum opere ad Peloponnesi litus, vbi Auria constiterat confestim redijt, et ad eos pagos est profectus, in quos desertores milites diuertisse dicebantur, ducibus præsertim Græcis, qui suas

suas iniurias cum lachrymis deferentes, è proximis vicis ad castra decurrerant. Eos Sarnensis nequaquam seuerè, sed comiter reprehensos, quòd adeo leuiter insanire cœpissent, haud magno cum labore ad officium reduxit. iam enim eos admissi facinoris pœnitebat, & satis verecundè signa & centuriones agnoscebant, quum villas & pastorales casas omnibus esculentis raptim consumptis, & ignobili etiam collecta præda vacuas fecissent, sed reis & ex conscientia pœnam meritis Auria seueritas tantum pauorem inferebat, vt nonnulli metu supplicij præstare dicerent cum Turcis pacisci, & apud eos stipendia facere, quàm ad seuum ac inexorabilem ducem reuerti. Sed Auria regionis & temporis rationem habendam existimans cunctis pepercit, ita tamen vt seueritatem ac iracundiã vultu sermoneq; retineret, nec veniam deprecantes recipere vellet, nisi vti cohortes decumaturus ad arbitrium militaris imperij se dederent. is pa-
 uor omnium animis incussus, pro pœna ad retinendam imperij existimationem Auria satis fecit. Nec mora, ad delendam secessionis infamiam parati animis in Actoliam sunt traducti, simulq; exposita in litus tormenta duobus circiter millibus passuum supra castellum, vt tutiore itinere conuehi possent: nam è castello Turcæ ea litora tormentis infestabant. Ea Christophorus Auria vir impiger negotio præpositus attracta funibus & impulsam militum humeris per centurias labore distributo, in castra conuexit. eodemq; tempore Cabanilia cum trecentis sclopettarijs antecedens, opportuno & ante, vt diximus, explorato loco castrametatus est. Dum hæc administratur, Turcæ Naupactum magnas peditum et equitum copias educunt, & in nostros pleno passu deferuntur. iam enim & à Corintho, & ab oppidis quæ sunt ad Acheloum amnem, totaq; Peloponneso & Actolia, præfecti equitum raptis quas poterant turmis, Naupactum conuolarant. nec Sarnensis, haud quaquam ea multitudine territus, sibi deest; ad quatuor milia peditum in vnum agmen cogit, & quadrata acie contra hostes progreditur, extra ordines verò delectam sclopettariorum manum rem gerere iubet: in tergo castellum relinquebatur, & in nostris munitionibus præsidium erat relictum, quo eruptiones cohiberi possent, & in ipsam castelli portam tormenta perire atq; opportunè directæ fuerant: insultantibus vndiq; & procursantibus Turcis, nec pedestres copias in aciem producentibus. Sarnensis se recipere, & in castra se conferre cœpit, in tergo extraordinarij ad angulum dextrum quadrati agminis constituti, sine periculo insequentes Turcas repellebāt: circumueniri enim non poterant, & cum aliquantum in aduersos procurrerēt displotis sclopettis tutissimus ad agmen erat receptus. Prælio ad occasum Solis protracto, Turcæ nullare memorabili gesta Naupactum sunt reuersi. Sarnensis in castra copias reduxit, totaq; ea nocte quæ secuta est ad aggeres fossasque perducendas milites in opere fuerunt, constitutaq; suis locis tormenta muralia quæ exterioribus ædificijs protegabantur, oriente sole turres quæ prominebant magna vi quassari cœptæ. Nec Turcæ constantissimè & acerrimè propugnando vlla in parte timoris signum dabant: erant enim in his pleriq; veteranizati in custodia oppidorum atq; arcium relictis. ad extremum is exitus oppugnationis fuit, vt perfractò muro multisq; intro varijs casibus interfectis, nostri in castellum irrumperent, trecenti ferme Turcæ, nemine capto, trucidati: nonnulli insigni animorum contumacia media inclusi turre, se ipsos & turrin totumq; penè castellum, non sine nostrorum clade, succenso tormentorio puluere cōcremarunt, tanto ruentium murorum crepitu, vt litora veluti tremoribus

periremerent, & triremes, quæ suberant ad sagittæ iactum, lapidum fragmentis penè obruerentur. Andreas è prora prætoriae triremis prælium spectauit, donauitque Sarnensem & Saluiatum singulis ingentibus tormentis: tanta enim vis æneorum tormentorum in castello reperta est, ut septuaginta milium aureorum pretium excedere diceretur. Ea demum tormenta stupendæ magnitudinis Arabicis inscripta literis, ad victoriæ monumentum Genuam delata, in portus mole constituit, ubi de piratis ad Planasiâ insulam superatis, sacellum Deiparæ virginis ex manubijs antea consecrarat. His confectis rebus posito ad Coronem Hispanorum præsidio, atque vrbe tormentis, & multorum mensiū commætu diligētissimè permunita, Mendocium ita animo confirmauit, ut fidem daret, & prolixè pelliceretur se, vel priuato sumptu, si id Cæsar facere differret, in eius auxilium classem esse transmissurum. Interim Saluiatus suis triremibus in intimum sinum prouectus, ad Lecheum vicque portum, hodie diui Demetrii vocatum, sub ipsa Corintho pauorem circumtulit, & veteris Sycionis, quam hodie Basilicam appellant, & quæ in aduersa parte est, Creusæ litora succensis hortorum ædificijs latè vastauit. Nec multo post Andreas appetente hyeme, & acceptis à Cæsare literis, quibus discessum à Pannonia Solymani, & suum in Italiam aduentum significabat, licet vsus nauigatione, Neapolim, atque inde Genuam est reuersus. Interea Clemens per Tiphernates iter habens, asperis inusitatisque itineribus superato Apœnino, ne ingrata patriæ mœnia conspiceret, per Aemiliam Bononiam venit, excœpitque Cæsarem Mantua profectum; nec quicquam ea hyeme memorabile vel cottidianis congressibus est actum, quam ut lis de repudio Henrici Britanniae regis toties agitata pronunciant Pontifice finiretur. Exardebatur enim iam tres annos rex ille, alioqui in multarum virtutum laude insignis, seu ac impotentiamore Annæ Bolaniæ, quæ in aula reginæ liberius educata, et infantiæ amatorem regem propulerat, ut Catharinam Ferdinandi regis filiam, ipsiusque Caroli Cæsaris materteram, præstantia, pudicitia, & singulari humanitate modestiaque reginam, exturbandam domo repudian damque decerneret, scilicet ut ipsa in vacuum thorum expellicatu in spem masculæ atque legitimæ prolis reciperetur. Neque enim Henricus aliam prolem ex Catharina suscepit, quam puellam iam propè nubilem, quæ suauitate formæ, & morum elegantia plurimum excelebat. Huius impuri insanique consilij fautor extiterat Thomas Eboracensis Cardinalis, perpetuis adulationibus summum potentiae locum apud regem consecutus. Is docebat, Catharinam uxorem legitimam esse nequiuisset, quoniam Arcturo fratri antea denupsisset, vetari id sacrosanctis noui ac veteris instrumenti legibus, neque Iulium Pontificem, quæ diuino iure essent constituta, vel accepto multo auro, rescindere potuisse. proinde repudian dam esse, ne incestus crimine perpetuo pollutus, post mortem sempiternis inferorum ignibus damnaretur: neque idcirco filiam videri spuriam debere, quoniam am optima fide eam factis rite nuptijs genuisset: si verò legitimam ex totos infu lae delectu uxorem duceret, ipsum & sibi, & regno ad certam successionem suscepta virili prole consulturum. Addebat Thomas, non deesse ex Parisiorum gymnasio sacrarum literarum professores, qui secundas nuptias ritè fieri posse, damnato priore coniugio, validissimis rationibus comprobarent. Hic Thomas magno Fortunæ ludibrio, quum summū dignitatis, atque potentiae fastigium teneret, & seipsum auaritia, ambitione, superbiaque tumentem capere nequiret,

quiret, præceptus datus improbæ adulationis pœnas fœda morte persolvit. Fecerunt cum Francisco regi occulta fide & egregia in diversum simulatione conjunctum, utpote qui Gallico auro, regijsque muneribus maxime gaudebat, magnis artibus repudio favisse, ut Henricus à Cæsaris amicitia ex ea longè gravissima contumelia penitus divelleretur, & subinde Gallico nomini absque ulla spe receptus, arcto & necessario quidem fœdere iungeretur. Cæterum Clemens, qui ut eam controversiam aliquandiu aleret, continendis in officio regum animis tanquam ambigui iuris ad duodecim virale iudicium reiecerat, ubi videt diversa petentes integra autoritate diutius non posse distineri, ius & æquum ita Britanni regis amicitia prætulit, ut Henricum omnino moneret, se ei intra certum tempus aqua & igni, & Christianis sacris interdicturum, nisi repulsa Anna Catharinam in pristinum coniugij locum recepisset. Ea inanis intempestivæque severitatis comminatio inexpressibili malo summoque detrimento rei publicæ postea cessit: quando rex ille non multo post ab autoritate Romani Pontificis, suaque pristina pietate discesserit. Actum subinde est de ruenda pace, quam tanto sumptu, tantisque periculis quæsisissent: nam in eam pacem, quæ publico fœdere biennio antè Bononiæ fuerat constituta, Genuenses nequaquam adscripti fuerant, quæis tum maxime insensus erat Franciscus. Gennæ siquidem imperium, uti antiqui Gallorum regum iuris, nec inclusum recentis fœderis legibus repetebat, adeo ut negotiatores Ligures Lugdunensi emporio pellerentur, nec alicui importare eorum merces fas esset, & à Malsiliensibus trierarchis infesto ubique mari, Genuensium navigia magnæ civitatis detrimento caperentur. Minabatur quoque Franciscus se in subalpinis Salassorum oppidis equitum & peditum copias hybernorum specie transmisurum, ut clientibus suis præsidio essent: nam Franciscus Salassus regulus pulso fratre, & matre custodiæ tradita, qui partium Cæsaris erant, in Galliam ad Franciscum se contulerat. Venerant quoque Bononiam summe autoritatis viri Acromontius atque Tornonius Cardinales, qui à Pontifice postulabant, ut Hispani, uti confectis bellis & pace parta, tandem Italia deducerentur, si id fieret, Franciscum regem omnes superiorum temporum iniurias satis æquo animo esse laturum, quod si in veterari aliq; in Italia Cæsaris copias ad augendam eius potentiam conspiceret, se libertati dignitatiq; amicorum & veterum clientium suorum, qui sibi in Italia non deessent æquissimo iure consulturum. Veneti quoque ullo alio, quam veteri fœdere illigari volebant, seq; omnino prestaturos profitebantur, quod disertè in fœderum tabulis essent polliciti, maturamque opem Francisco Sfortiæ protinus allaturos, si alicunde bellum eius finibus inferretur: neque enim ex dignitate Veneti senatus fore, si veluti tributum nomine annuam pecuniam tuendæ paci penderent. Ipsos enim nequaquam vereri novum armorum motum, nec si bellum fortè ingrueret, ut semel partam pacem tuerentur, vel magnis sumptibus esse parafuros: sed Veneti nequaquam permoti sumptu, qui erat exiguus, dum sese novo fœdere excluderent, duas res opportunè consequebantur, in quibus tuendæ existimationis ac libertatis maximum inerat momentum. Nolebant enim Franciscum regem veluti desperata in reliquum tempus ipsorum societate, ab se penitus alienare, atque illum eo prorsus adigere, ut cōmutato animi decreto, novam sibi amicitiam, novamque fortunam querendam putaret, e qua demum dissimulata in præsens graviore iniuria minores principes uti ingratos & aversos ulcisceretur. Nec Cæsarem

omni suspitione metuq; vacuum omnino sinere, vel sapientis consilij fore arbitrabantur, ne ille Gallos penitus contemnendos esse putaret, si tota in ipsum nomen ac amplitudinem consentiente Italia undiq; tutus & principū longē maximus redderetur: exæquari enim tantorum regum potentiam ac vires incolumi Cæsaris amicitia cupiebant. Propterea nō obscura fama ferebatur, admonitum fuisse in Pannonia Solymanū, ne universo prælio decertaret: quoniam copiae Cæsaris, & numero, & animis, & disciplina insuperabiles videntur, scilicet ne ex unius pugnae eventu in alterutra victoria, aut Cæsari, quoniam nihil gravius, aut ipsi Solymano, quo nihil miserius accidere posset, omnibus foret serviendum. In Clementis quoq; pectus altè descenderat iniuria ex iudicio Cæsaris gravissimè concepta, quum Cæsar disceptator & arbiter Rhegij & Mutinae principatū Atestino Alfonso, prædamnatis pontificij imperij iuribus, adiudicasset. Optarat Clemens, ut si aliqua de causa vel ambigui vel parum æqui iuris secundū se litem dare nollit, iudicialis arbitrij præfixum tempus elaboraretur, in ea enim dilatione neq; præiudicari Alfonso, neq; sibi & Pontificio nomini multū noceri: sed iureconsulti Cæsaris aliquādiu Pontificis legatum in spem secundissimi litis eventus malignè ludificati, accepta pecunia, ut tradidit Clemens, ut sententiam ferret, Cæsare propulerāt. Eius rei gestæ nunciū eo ipso fortè die Nonarum Maij e Belgio in Urbem venerat, qui, ut erat Urbis excidio maximè luctuosus ex acerbissimæ cladis memoria, Clementis animū magnopere perturbavit. Itaq; excludentibus sese Venetis, atq; id dissimulanter probante Pontifice, foedus est renovatū in sesquiannum. Ea fuere leges, Vt communibus copijs atq; pecunijs, si bellū inferretur, id ad tuendam pacem propulsarent. Dum pax esset, xxv milia aureorum nummūm ex veteri censu Pontifex, Cæsar, Franciscus Sfortia, & Alfonsus Atestinus, itemq; libere civitates, Florentini scilicet, Genuenses, Senenses, Lucenses conferrēt, quæ ad alendos centuriones præfectosq; equitum Antonio Levæ dispensanda traderentur. cum enim bello ducem designarāt, custodemq; pacis & ocij apud Mediolanū esse voluerant. His rebus constitutis, quæ præcipua in omni eius vita Clementis laus fuit, Hispani ita dimissi deductiq; sunt, ut ad Coronē in Peloponnesum multo maxima pars: alij ad Sicularū urbium præsidia: alij in Salentinis & Calabris ad tuendas arces mitterentur: nonnulli ultro in Hispaniam redirent. ob id factum sapienter atq; feliciter populi totius ferè Italiae, Galliq; præsertim Cisalpinæ Pontificis prudentiam, Cæsaris æquitatē, Venetiq; senatus iudicium atq; operā eximijs laudibus celebrabant, quod eorum incomparabili beneficio a rapacissimis sævissimisq; militibus liberati, de libertate, de vita, & dereliquis fortunis tum primum benè sperare inciperent. At legati Cardinales Acromotius atq; Tornonius, qui ab initio instrepere, reclamareq; & libero ore conqueri cœperāt, quod ea principum coniuratione non iniqui foederis prætextu gravissimam & minimè ferendam Gallis omnibus contumeliam inferrent, postquam eos Clemens subtiliter admonuit, ut pacati con-
40

magna

magnabelli necessitate coacturum: propterea desinerent repentini atq; ad-
 perti esse, præsentia dissimulare, futura prospicere, & præteritorum memoriam
 retinere inciperent, patientia ac tolerantia omnium rerum necessitas sæpissi-
 me superari: hac via esse Cæsarem, illa Gallos, atq; ita non immerito, & ipsos
 ingentia incommoda ab æquitate Fortunæ, & illum amplissima beneficia re-
 tulisse. Per eos dies, in gratiam Cæsaris, in numerum Cardinalium ascitus est
 Gabriel Merinus à Betica, ex infimo hominum ordine quondam ab Ascanio
 Sfortia, ac demum à Leone in lucem Pontificiæ aulæ profectus. Erat is ingenio
 ad omnia obsequia, obeundaq; maximarum rerum munera, valde acuto para-
 toq; sed literarum penitus experte, ita ut Clemens non obscure reprehendi pos-
 se videretur, quod nonnullos tum virtutis eximiæ prærogativa candidatos,
 quum hunc efferret, eodem galero cohonestare minimè voluisset. Cæsar primo
 Vere Bononia profectus, Ticinum venit, ut campos & sua victoria, & Gallo-
 rum clade per celebres, & manentia adhuc castra et munitiones inspiceret, mon-
 strante singula loca Vastio, ac eius prælij eventus enarrante. iuvabat enim Cæ-
 sarem tum maxime lætum, & curiosè divagantem ipsis in locis vestigia figere,
 quibus insigne aliquod facinus editum constabat. Nec Vastius honestissimo
 officio deerat, quum de se ipso parcissime loqueretur, & nomina meritaq; for-
 tium virorum Cæsari cum lata cum laude commendaret. Mediolani demum,
 summo omnium, & Francisci præsertim principis studio susceptus est. Is in
 privatam domum digressus, arcem ipsam Cæsari tradidit, ædificij laxitate atq; e-
 legantia, itemq; bellicorum instrumentorum apparatu, toto terrarum orbe me-
 morabilem. Inde paucos post dies superato Ticino amne, ad Viglebanum ve-
 nationibus intentus aliquandiu desedit, donec paratam esse classem, & idoneas
 ad navigandum tempestates esse ex literis Auriæ didicit, atq; ita Genuam est
 profectus. Excepit eum hospitio Andreas in suburbanis hortis, quos regio
 apparatu ita instruxerat, ut discedenti Cæsari ea ornamenta dono daret. Erant
 enim aulæa serica, & intertexti auro & purpura lecti, itemque exquisitæ ar-
 tis signa & tabulæ, quæ omnia eo nomine suscepit, ut ea hisdem in cubiculis
 & conclavibus sibi reversuro in Italiam asservari verecundè & comiter iube-
 ret, nec multo post oram solvit, profectusq; ad Stœchades insulas, quarum pri-
 mæ Malsiliæ portum efficiunt, biduo ibi constitit. Attulere ei dona tenerrimi
 commeatus Tendanus Comes Gallicæ classis præfectus, atq; item trierarchi.
 subito demum secundo vento in altum vela dedit, & paucis diebus in Hispaniam
 pervenit. Eodem quoq; tempore Clemens via Flaminia Anconam est profe-
 ctus. Eam urbem paulo antè per simulationem Turcici belli præsidio occupa-
 tam, Pontificiæ ditionis fecerat, reductis in ordinem decurionibus, qui arro-
 gantius quàm deceret libertatis nomen præferentes, Pontificum imperia con-
 temnebant: ea de causa suspectos cives relegandos curaverat, donec arcem lo-
 co opportuno conderet, ut ordinata demum Republ. nobilissimo emporio,
 sua libertas non soluta ad arbitrium multitudinis, sed astricta æquissimis legi-
 bus redderetur. Inde Pontifex Deiparæ virginis Lauretanæ templum adivit,
 & ad aram maximam miraculo et vetustate memorabilem sacra confecit, mo-
 dicisq; demum itineribus per Recinates, et Septempedanos, qui Sanseverina-
 tes hodie dicuntur, & Camertes, in Urbem est reversus. Ineunte æstate eius-
 dem anni crebris nuntiis allatum est, Turcarum classem Gallipoli eductam, in
 Peloponnesum cursum tenere. Nec multo post Mendocius, qui Corone in

præsidio erat, Petro Toletano proregi Neapoli literis significavit, se terra marique vehementer obsideri, sed egregie defensurum urbem, dum alimenta suppeterent. Verum capitum omnium inita ratione nequaquam tantum frumenti & reliqui commeatus omnino reperiri, ut id tota estate suffecturum existimaret. Proinde Cæsarem etiam atque etiam monebat, ut ante omnia Græcorum studio & voluntati, quæ esset mirifica, deesse nollet, si Coronem defendi vellet, & ad id maiores copias submitteret, facile sperari, ut Turcæ rebellantibus Græcis tota Peloponneso paucis exceptis arcibus pellerentur. Sed ab Auria præsertim maturam opem implorabat, adeo ut quum hostilis classis apparatus elevaret verbis, ut certa spes parandæ victoriæ iniiceretur, etiam eum moneret, ut datæ sibi fidei memoriam retinere vellet. His rebus cognitis Cæsar Auriam præcipit, ut classem instruat, ad id pecuniam curari iubet, & duodecim triremes, quas Alvarus Bazanius in Hispania ædificarat, se continuo transmissurum pollicetur. Igitur coactis circiter triginta onerarijs navibus, & viginti septem triremibus Auria Neapolim venit. ibi veterani Hispani, qui effragatis stipendijs ab authoritate Vastij, proregisque discesserant, occupataque Averfa urbe, & fœdè direpta, magna detrimenta circumiectis Campaniæ oppidiis intulerant, persoluto stipendio navibus sunt impositi Roderico Macicæ duce, qui erat castrorum præfectus. Conscendit & triremes cum manu nobilium militum Federicus Toletanus ipsius proregis filius adolescens, ut eo sacro bello prima militiæ rudimenta deponeret. Vastius ipse, qui se iturum dixerat, suborto ventris profluvio Neapoli substitit, fuere qui crederent dolore contumeliæ adductum potius quam occupatum morbo, ea expeditione maritima operam præstare noluisse: quoniam nuper Bononiæ dum fœdus iniretur, sibi prælatus esset Antonius Leva, articulari etiam impeditus morbo, qui in Italia, si bellum ingrueret, fœderatorum omnium esset imperator. Dum hæc parantur, Andreas ut Coroneorum animos confirmaret, ne desperatis auxilijs durius sibi consulerent, Christophorum Pallavicinum in familiam Auriam adoptatum expediti & maxime pugnacis ingenij iuvenem cum velocissima trireme Coronem misit. is interdiu per mediam Turcarum classem directa prora in portum invectus, obsessos ingenti alacritate complevit, nec multo post inspectis & diligenter exploratis rebus omnibus, ut de hostium consilijs ac viribus certiora ad Auriam deferret, meridiano ferè tempore improvvisus erupit, felici audacia inter medias hostium stationes elapsus, adeo ut spectaculum miraculo proximum cunctis præberet, & persequentes velis & remis, extento maxime cursu frustrarètur. At Auria è Neapoli Messanam provectus, ubi de maritimis terrestribusque hostium copijs, & de apparatu numeroque triremium certius didicit, omnem spem & rationem inferendi præsidij in celeritate positam ratus, nequaquam expectato ab Hispania Bazanio in Græcia cursum intendit. Audiebat enim prædonum accessione quotidie adaugeri hostium classem, Morumque præsertim archipiratum Alexandrinum expectari: cuius consilio ac disciplina præfecti Turcæ in omni eius belli administratione uterentur. Quum verò Zacynthum venisset, docentibus Venetis aliquanto ampliorem & instructiorem quàm putarat classem hostium ad Coronem stare comperit. Nam Luphtibeium Gallipolis Sanzacum, cuius præfecturæ maris imperium esse consuevit, & Solymanum Acarnanem, Morumque ipsum circiter octoginta triremes coegisse, magnumque numerum pro-

pugna-

pugnatorum ex Ianizerorum ordine in triremes distributum esse referebant, adeo ut nostros nisi pleniore vento uterentur, Ottomannicæ classis impares futuros esse iudicarent, & nonnulli propterea triremes Hispanicæ omnino expectandas atq; evocandas arbitrarentur. Ceterum Andreas, ut de classe stationeq; hostium certius exploraret, Christophorum Auriam cum insigni sui trireme speculatum misit. is quum Acritem promontorium superasset in proximo sinu universam classem conspexit iuxta litus obversis ad terram puppibus longo ordine collocatam, confestimq; inde persequētibus Turcis ad Auriam reversus retulit, duplo ampliore triremium numero quàm antea ad Coronem vidisset hostes adauctos, eosq; sibi videri non alio consilio sub Acrite in statione consistere, quàm ut confligerent, quum nostri superato promontorio ad Coronem proveherentur. At Auria qui neq; Bazanium expectabat, neq; multum ea hostilis classis amplitudine terrebarur, nihil cunctari, & instituti itineris cursum tenere constituit. Itaque suborientibus Etesijs, qui venti æstate pomeridianis horis ab occidente perflare consueverunt, nostri hoc ordine acie instructa Acritem superant, & recto cursu ad Coronem deferuntur. antecede-
10 cedebant duo maximi galeones, quorum navigiorum formam alio loco descripsimus: alterum ipse Auria magno sumptu ædificarat: alterum pari magnitudine adduxerat Belhomius Siculus. his erat iniunctum, ut in lævam vela converterent, & quum hostium classis à litore proveheretur, deiectis anchoris
20 medio inter utranq; classem loco consisterent, ut quum opus foret, tormenta quæ erant eximiæ magnitudinis in adversam disploderent. hos onerariæ naves plenis velis sequebantur: in tergo fuere triremes omnes latissima fronte onerariarum agmen cogentes: dextrum cornu Pontificiæ Rhodiæq; triremes, quibus præerat Salviatus: lævum Antonianæ hosti proximum obtinebant: mediam verò aciem ipse Auria tenebat. Turcæ ad primum conspectum à litore non discedentes procul tormenta emittere, & demum provehi cœperunt, ut ex propinquo rem gererent, cohortante alios Moro, qui audenter in nostrorum latera, et deniq; in terga vertebatur. Nam nostri quum propositum suum
30 tenerent, & nihil in lævam conversis proris rectà ad Coronem contenderent, fugæ speciem præbebant, eò præsertim quòd triremes à dextro cornu, metu tormentorum adductæ in altum magno capto circuitu ferebantur, & pleræq; aliæ ex media, Antonianaq; acie onerarias consecutæ confusius quàm deceret inter eas sese insinuabant, quanquam nullam prope detrimentum ab hostium tormentis acciperent: nec galeones cursum intermiserant, quum consistere debuissent. In ea perturbatione nostræ classis, Morus Luphtibeium est cohortatus, ut pulcherrime occasione non deesset, sed illo cunctantius & consideratius provehente sese, Auria ab onerarijs triremes explicavit, & ad Coronem secundo vento est devectus: duæ onerariæ implicatis inter se antennis, quum cæte-
40 rarum cursum equare nō possent, in tergo hæserunt. ad has opprimendas exemplo universa hostium classis advolavit. Tum verò Hispani nequaquā pro sua virtute, uti deserti & negotij navalis rudes infano pavore conterriti, in scaphas desilire cœperunt, ut nostros cōsequerentur, in suam Hermosilla ipsius scortum cum magno auri pondere demiserat, in alterā Petri Sarmenti signifer desilierat, nonnulli, mirum dictu, quanquam natare nescirent, quòd eos scaphæ non caperent, in mare præcipites se dabant, ut ad nostros enatando per-
 fugerent. Andreas cōversa prætoria à scaphis funium oram sibi porrigi magna

voce petebat, ut onerarias remulco attraheret, sed illi nequaquam funis caput attulerant, ut qui erepto consilio tantū de fuga occupati metu cogitassent. Itaque Turcæ scaphas opprimunt, & circumiecta triremium corona, onerarias adoriuntur, in minorem navem erepentes, Hispanis quod nunquam aliās acciderat, animos despondentibus eam capiunt. ex hac multis interfectis in excelso rem transcendunt, in ea cruentum editur prælium: nam amissa prora & medio ponte Hermosilla ad puppis castellū se receperat, & ab ima carina ferro tormēto saxea pila ingens emissā triremes duas, interfectis ad triginta Turcis vehementer afflixerat. At Auria perturbato, sed ingenti animo, ignominia loco ducens, si in oculis nostrorum naves circumventæ atque expugnatae caperentur, cohortatus trierarchos ut proras converterent, & remis contenderent ad opem ferendam, in hostes cursum intendit. Id conspicati Morus, & Luphtibeius & Solymanus, quod iam plenior Favonio ad Coronem sensum detraherentur, & ab ingenti colubrina, quæ in turre erat constituta, emissæ pilæ ad ipsorum triremes vel in trium milium spatio perveniebant, magno tumultu explicare remos, & desertis navibus se recipere cœperunt: in eos Auria adix pilas ferreas contorsit, & in multo spatio continenter diverberatis eorum puppibus est persecutus: iam Antonio Auria ad oppugnandas onerarias converso. Ibi Hispani qui egerrimè pugnam sustinebant, quum Turcis, uti paulo antè ipsis acciderat, commutata fortuna animus concidisset, in medio navis ponterepugnare audacius cœperant, & Antoniani mirabili celeritate undique scandentes in summa castella evasere. in ea contentione trecenti ferme Ianizeri, qui singulari virtute naves occupant, à suisque deserti fuerant, interfecti aut capti sunt. In his fuit Iusuphius senex mille Ianizeris præpositus, quem Auria sericeis vestibus, atque aurea torque donatum, ut ad similem quoque liberalitatem hostes provocaret, ad Methonem sine pretio dimisit. At præfecti classis, uti postea cognitum est, ad gravissimas verborum contentiones descendunt, quum Luphtibeius à Moro, Solymanoque Acarnane: & denique ab omnibus increparetur, quod cupientibus militibus, & singulis obtestantibus trierarchis æquissima conditione dimicare nolisset: sed ille secretiora mandata à Solymano imperatore sibi data dicebat, ut omnino servaret classem, atque omnem pugne aleam sedulo devitaret. Interea dum ad onerarias naves pugnaretur, Mendocius in deserta hostium castra erupit: nam conspecta nostrorum classe, atque inde magno timore concepto, terrestris exercitus, nequaquam plane collectis vasibus effugit: in his castris non exigua copia commeatus & castrensis supellectilis est reperta. Itaque Andreas re feliciter gesta, frumentum, vinum, & reliqui commeatus magnam copiam, tormentarijque pulveris cados plures exponit, Macicao, cohortibusque eius urbem custodiendam tradit, Græcos consolatur, hortaturque ut ea obsidionis & belli incommoda patienter ferant: Cæsarem enim in ea præcipue cogitatione versari, ut incunte Vere, terra, marique in Peloponneso cum Turcis bellum gerat, eumque nihil ducere honestius, aut ad gloriam splendidius, quam benemeritam de se Christianoque nomine Græcorum gentem ex diuturna servitute in lætissimā restituere libertatem. Fuere qui existimarent, Turcas universa classe exui ea die facile potuisse, si Auria Bazanianas triremes expectare, quam infirmis viribus à Messana festinare maluisset, sed alij eas graviore tectioreque consilio in freto Siciliae opportunè substituisse dicebant, ne Italiae litora penitus omni navali præsidio nudarentur. Neque enim

enim universas triremes in unius pugnae periculum devocari Cæsar volebat, utpote qui nequaquam præclare exploratam haberet Gallorum voluntatem, qui augendæ atque adornandæ classi ad Malsiliam toto eo anno magnopere studuissent. At Auria veterē exercitu in naves imposito, à Corone discedens ad insulam Ticanussam, quam Veneticam hodie vocant, supra Acritem constitit, ratus Methonensi portu egressuros hostes, ut prælio contenderent. Sed quum nullis artibus elici, neq; tuto oppugnari possent, uti erant mole ipsa, turribusq; protecti, Corcyram venit, atq; inde Messanam est reversus. Nec multis inde diebus Morus, quum Venetis onerarijs navibus, quæ mercaturæ causa Syriam petebant, insidiaretur, cum Hieronymo Canali apud Gretam nocturno prælio confligit. ex tredecim Mori triremibus, quatuor perfractæ demersæq; sunt, tres captæ, reliquæ magna ex parte remigibus nudatæ Alexandriam ex fuga petiverunt. in his trecenti ferè Ianizeri, qui Memphim deportabantur, itemq; ad mille Turcæ ex navali turba interfecti. neq; enim Veneti prædonibus parcent, quod cathenatis servis ad remum minimè utantur, unus ferè omnium Morus, quum nomen profiteretur, iam gravi vulnere transversa fronte suscepto servatus est, & cura ingens adhibita accitis medicis, ut sanaretur. ambo enim mutui erroris veniam deprecantes, egregia simulatione testabantur, se similitudine triremium, & falsa de hoste coniectura deceptos: nam Morus pro Aurianis Venetas se adortum fuisse prædicabat. Canales vero pro Moro Barbarussam credidisse, qui tres Venetas triremes superioribus annis interceptet. Nec Solymanus eam iniuriam iniquo animo tulit, Venetoq; legato ad Byzantium, demissa, & in erroris excusationem composita oratione satisfacere contendenti, Canalem rectè militariterque fecisse respondit, qui vim illatam fortissimè repulisset. Ex Cæsarianis verò tres triremes Adurnio duce, quæ omnium postremæ in ora Brutiorum vecturæ & mercimonijs causa aliquândiu hæserant, ad Palinurum a Sina prædone, cui Iudæo cognomen fuit, circumventæ captæq; sunt. Sub id tempus Clemens Pontifex Catharinam juniore Laurentio Medice genitam Henrico Francisci regis filio despondit, appetenteq; colloquium rege Malsiliam, ut ibi nuptias insigni conventu habito celebrarent, navigare constituit. maximè decorum enim sibi futurum rebatur, si qui Cæsaris filiam domi suæ tanquā nulum erat habiturus, regiæ quoq; & longè nobilissimæ stirpi suum sanguinē inseruisset. ea affinitas uti ambitiosius expetita, atq; id maximè colloquium importuno tempore quæsitum vehementer Cæsaris animū commovit adeo, ut minores quoq; principes, & Italiæ totius populi magnopere terreretur, quasi Pontifex qui dudum tanta prudentiæ cum laude, afflictæ evastatæq; Italiæ pacem atq; ocium peperisset, depravato demum animo & commutata voluntate renovandi belli causam esset præbiturus. Constabat enim Cæsarem urbe Mutina Alfonso Atestino adiudicata adeo Clementis animum perturbasse, ut pleriq; eam iniuriæ molestiam, quā nec ille simulanter devorasset, alienato planè stomacho percoqui minimè posse existimarent. Sed Clemens, qui consilia sua assiduis cogitationibus evigilata terminarat, magno sibi artificio & temperamento Cæsaris pariter, & Francisci regis amicitiam tuendā esse arbitrabatur. periculosum enim esse prædicabat unam tantū amicitiam colere, quæ cū alias excluderet, durissimæ servituti proxima videretur: Pontificiæ siquidem dignitatis & æquitatis esse, communem se omnibus parentē atq; benevolum profiteri, neq; adeo Gallorū re-

gem tanti nominis, & qui Christianæ religionis sæpius defensæ propagatæq; titulos præferret, contemnendum existimare, ut colloquium cupienti pieque petenti, quum id ipse bis Cæsari dederit omnino denegetur. Anne aliter excindi, aboleriq; posse Lutheranae hæresis malum, quàm si Franciscus concilio faveat, autoritate & viribus adsit, & in eam præsertim causam, sensus, & consilia Galliæ plena pietatis cum Cæsare coniungat: se profecto ea mente in Galliam proficisci, ut pacem atq; otium confirmaret. quid enim alienius à natura sua, & quid deniq; stultius, quàm pacem evertere, qua ipse ante alios tantopere gauderet, & ut ea diu frueretur cum acerbissima rerum omnium conturbatione, summa vitæ & dignitatis pericula subiisset. Proinde timere & malignè suspicari desinerent, qui sua in rempub. merita minimè nossent, aut quid superioribus temporibus essent perpessi obtuso vel ingrato ingenio minimè meminissent. Igitur inclinante æstate Ioannes Stuardus Albanig regulus cum viginti triremibus è Malsilia ad portum Veneris venit: eius vxor Catharinæ sponsæ matertera erat, ipseq; iungendæ affinitatis author, & sponsalium præcipuus interpretes extiterat. Itaq; Albanus sponsa ad Niceam Provinciæ mari devecta, ut inde terrestri itinere Malsiliam perveniret, conversis inde velis, Liburnum est profectus. Iam Clemens per Etruriam Pisas venerat, expectatq; idonea tempestate quum ad mare descendisset triremes Gallicas conscendit. affuere ex composito à Messana redeuntibus cum sua quisq; classe Auria, Al-
varesq; Bazanius & Salviatus, qui ante portum decurrētib; cum insignior-
ornatu vexillorum triremibus, displosiq; omnibus tormentis, Pontificem consalutarunt. eo die qui ipsi omnium lætissimus fuit, Clemens ad Herculis Moneci portum, qui Villafrancha dicitur, perflātibus Euris, atq; inde biduo post Malsiliam pervenit. Exceptus est ab Anneo Memorantio regiæ familiæ magistro, incredibili apparatu sumptuq;. postridie rex ipse cum Eleonara regina, tribusq; liberis affuit, totius Galliæ nobilitatem trahens. Nec multo post in solenni Cardinalium episcoporumq; confessu medius inter liberos ingenua procumbens, hilari osculo exceptus, allevatusq; est. Oravit tum Latine & luculenter Ioannes Bellaius episcopus Parisiensis, quū eum congressum sum-
mæ felicitatis maturum iam publicæ pacis fructum, fessibus Christianorum rebus allaturū ominaretur. Gravissimis inde cōsultationibus extracti aliquot dies, tanto consiliorum silentio, ut ne arbitrum quidem, qui lumen proferret, nocturnis colloquijs admitterent: ipsorum enim cubicula paries tantū cum secretis foribus dirimebat. Fama erat, utrunq; mutuis cum lachrymis recentes calamitates deflevisse, repetisseq; origines antiquorum cōsiliiorum veluti uno ordine connexis erroribus, quibus demum in tantas carceris misérias decidissent. Nec deerant curiosi abditarum rerum interpretes, qui subtiliter excepta auribus, aut ingenij libidine conficta enumerando, Clementi gravē invidiam apud Cæsarem conflarent, quasi ille iam regi certissimo fœdere iungeretur, ut
quum per occasionem cōmovere virium lacertos possent, in Italia bellum renovarent, quo simul & hic Mediolanum repeteret, & ille Rhegio & Mutina potiretur. Augebant suspicionem maturatæ nuptiæ, quæ impares regio sanguini viderentur. Siquidem nobilissimus adolescens Henricus quanquā ætate tenerior, Catharinā celebratis insigni cerimonia nuptijs ex virgine mulierē prima nocte reddiderat, cui quanquā materna oppida in Arvernīs atq; item centū milia aureorum nummū cum unionibus multisq; gemmis et pretiosa thori

thori supellectile coniugalis mundi nomine affluenter accessissent: nihil tamen exæquari videbatur: nonnullis dotem simul & novæ nuptæ natales obliquo sermone elevantibus, qui Pontificem maximè suspectum Cæsarianis redere contendebant. Vnde & illud falsè dictum Philippi Strozze legati apud regem in vulgus emanarat. Regijs enim quæstoribus, quum illis repræsentata dotis pecunia solveretur, admodum exiguam eam dotem esse pro regiæ domus fortuna dictitantibus responderat, se plurimum mirari, quod ea dignitate homines nequaquam arcani regij participes viderentur, postquā nescirent Pontificem insigni chirographo tres inæstimabilis pretij gemmas, quarum insana cupiditate maximi reges deflagrarent, in supplementa dotalia promississe: illis verò læto vultu quænam essent requirentibus, quod è sacra tiara detractas iri putaret, arridens subiunxerat, apud peritos rerum eas fore Genuā, Mediolanum atq; Neapolim. Quæ res sicuti risum movere potuit, ita & mox apud Cæsarianos subamaræ suspitionis aculeos reliquisse videbatur. Nobis certè cōstabat Clementem alienato maximè ingenio, eam Cæsaris sententiam pertulisse, qua ille Alfonso Atestino Rhegium & Mutinam adiudicarat, adeo ut iniuriam libero ore conquestus contra morē, barbam alternante manu demulceret, & alias irati animi decretū in colloquijs non nimia dissimulatione fateretur. Cæterum Malsiliæ cōvivijs, saltationibusq; triginta quatuor dies insumpta tanta principum minorumq; ordinum contentione & cura implendis totius munificentia ac humanitatis officijs; ut is conventus, eaq; nuptiæ, neque iocundiore comitate, neq; effusiore sumptu, neq; liberiore lætitia celebrari poterint. Aderant tres regis filij, in quos ora hominum vertebatur. In Francisco Delphino eminebat ingenium grave, multa reconditarum rerum cognitione defixum. Henricus autem iucunditate animi, corporis & cultus militari habitu, sermonis alacritate, Gallorum naturæ similior studia faventis populi promerebatur. In Carolo autem puero id erat decus oris, ea eruditi & admirabilis ingenij suavitas, ut nemo eo rege, prole felicior haberetur. Honestavit nuptias Heleonoræ regina, serenitate, modestia, munditijs tanto rege dignissima. Nec indigna erat nova nupta regio fastigio, quum haud dubiè Leonis decimi maioris patruī indolem à magnitudine excelsi liberalisque animi, honestissimisq; moribus referret. Ipse autem Franciscus sua peculiari liberalitatis laude supra cæteros principes maximè insignis seipso splendidior apparuit: singulis enim Cardinalibus opulentiæ ex Galliæ sacerdotijs pensiones dono datæ, honestatiq; sunt amplissimis muneribus, qui vel studio partium, vel Pontificis gratia pollebant, & nō ante omnes præcipua benignitate, qui optimarum literarum, & præstantis ingenij fama noscebantur. Hos rex ipse omnis elegantia arbiter, & nobilissimarum artium peracutus æstimator, in summam familiaritatem erudito sermone pertrahebat. Neque passus est se donis à Pontifice superari: nam quum Pontifex monocerotis bicubitale cornu aureæ cælata basi inclusum, ad depellenda epulis venena dono dedisset, id latissimo aulæo rependit, in quo Belgarum arte suprema Christi cœna cum discipulis serico atque auro intexta visebatur. Dedit & cupiditati Hippolyti Medici Cardinalis, quum ingenuo pudore maiora dona repudiasset, mansuefactum leonem eximiae proceritatis, quem è Mauritania Hariadenus Barbarussa cum legatis transmiserat. Discessurus autem Pontifex, quatuor viros Gallos legit in senatum, commendatione atque iudicio Regis delectos. Ii fuere

Odetus Castellio, cui Anneus Memorantius aulæ magister erat avunculus, & Philippus Bolonius Albani frater, & Claudius Gibrius Philippi Sciabotti amirantis avunculus, & Ioannes Venurius ab innocentia comitateq; ingenij regi carus, & cæteris ætate superior. His rebus confectis concluso iam propè hybernis tempestatibus mari circiter Idus Novēbres è Massilia solvit, tenuitque portum ad vada Sabatia: inde conscēsis Aurianis triremibus, quū Gallias remisisset, Centumcellas pervenit, terrestriq; demum itinere in Urbem est reductus: ita ut adveniens alterutra sui fama frueretur. aliqui enim, ut in libera urbe impunè accidit, eum sapientissimū appellabant, quod neptem suam maximi regis nurum, & in domo sua Augusti Cæsaris filiam rara felicitate cōspiceret: & contra alij criminose admodum id factum vituperarent, quasi deposita sacrosancti Pontificis persona privatis familiæ commodis, quàm publicæ quieti consulere maluisset.

PAVLI IOVII NOVO

COMENSIS EPISCOPI NV

CERINI, HISTORIARVM

SVI TEMPORIS

LIBER XXXII.



VIX dum exacta hyeme Cæsar frequentibus amicorum sociorumque literis admonebatur, ut etiam atque etiam prospiceret, caveretq; maximè à Francisco rege, qui conquiescere & pacem pati minimè posse videretur. Agitare enim illum animo nequaquam pacato ingēs bellum, confisumq; recenti Clemētis amicitig id unum opperiri, ut alicunde bellum erumperet. Propterea perpetuis Galiorū legationibus sollicitari aliquos Germaniæ regulos, qui Austriæ domui veteres hostes fuissent, & Vlderico Virtembergensi propinquitate ac amicitia coniuncto auxilia prebituri dicerentur. Inter quos eminebat Philippus Lantgravius Catthorū princeps, ingenio ferox, armis & clientelis potens, & super hæc Cæsari vehementer infensus. Hunc enim in disceptatione hæreditatis cum Henrico Nansao litigantem ab se Cæsar penitus alienarat, quū ipsius iudicio secundum litis eventum tulisset Henricus: unde ille è Ratispona, nondum peracto concilio, perturbatus iratusq; discesserat, adeo ut ab eo iudicio ad Martem appellaret, & se suo iure iniquissimè fraudatū suoperbo ore quereretur. Itaq; non obscure parabat bellum, auro Gallico, ut plerique existimabant opportunè subnixus, profitebaturq; se Vldericum in paternam ditionem, vel repugnante Cæsare, armis esse reducturū. Errabat exul iam multos annos Vldericus domo pulsus à Suevis, quum illi Reitlingensium iniurias vindicassent. Maximiliano siquidē vita functo Vldericus infans con filio Reitlingum admotis castris oppugnarat & cœperat. Id non tulere Suevorum fœderatæ civitates, quarum in fide erant Reitlingenses. Itaq; decreto pu-
blico

blico Vlderico bello persecutæ, eo impetu intulere arma, ut recepta urbe un-
 niversa etiam Virtembergensis ditionis oppida in potestatem redegerint. Id
 Vlderici patrimonium Carolus Cæsar uti optimo belli iure captum, coemit
 a Suevis, qui bellicos sumptus ea pecunia resarcire maxime cupiebant, Ferdi-
 nandoque fratri & domui Austriæ adiecit. Vlderico demum opem imploranti
 a Gallis & Helvetijs, & oppida sepius repetenti, cuncta irrita adversaq; obve-
 nerant, iacuitque in obscuro provincialibus invisus, quod esset ingenio turbido,
 crudeli, furioso, adeo ut uxorem clarissimis natalibus ortam, quæ Vlerini
 & Ariovisti Baioria principum germana erat, vecordi impetu diverberaret,
 10 agitaretq; calcaribus, quum prostratæ iumenti more temulentus & insanus
 insideret. Ceterum ex ea susceperat Christophorum, militari indole iuvenem:
 in hunc repudiato patre Baioarij avunculi, atque item Philippus Lantgravius
 benevolentiam & studia sua cōtulerant, et in eum apud Virtembergenses mi-
 rus amor populari quadam charitate refederat, quum illum ab arrogantia ve-
 savi patris immeritas exilij luentem pœnas cum dolore conspicerent, adeo ut
 eum desiderio veterum principum suorum paratis ad defectionem animis re-
 quirere viderentur. Postularat Christophorus aliquandiu Augusta in aula
 versatus, ut certis paterni imperij oppidis, quæ maternæ dotis erant æquitate
 ac indulgentia Cæsaris donaretur: sed in eam liberalitatem Cæsar adduci non
 20 potuit, utpote qui iuvenem ingenio patri dissimilem, nec obscuro provincia-
 lium studio in spem repetendi imperij erectum, provinciae paulo ante suæ ca-
 stellis minime insinuandū iudicabat. Ab hac repulsa Christophorus ad Fran-
 ciscum Gallia regem confugerat, qui ea tempestate insigni largitione alacris-
 tateque Germanorum procerum amicitiam expetere, itemq; miserorum & e-
 xulum causam tueri erat solitus. Nec multo post ipse & Vldericus pater regi
 bellicæ arcis Montem, quod hodie Pellicardum vocat, præsentī pecunia ven-
 diderunt. Id est in finibus Helvetiorum, ad Rauracam Basileam, inter Rhenū
 & Vosegum montem quā iter est in Tulingos, maximamq; inde Gallis præ-
 bet opportunitatem ad conducendas ex Germania copias. Qua coemptione
 30 Franciscus iam pridem Ferdinando, Caroloq; Cæsari non obscuram suspicio-
 nem novandarum rerum iniecerat. Sed tum quietis rebus in fama erat Lant-
 gravius, quem vulgo ferebant, ubi Christophorum in paterni imperij ditio-
 nem reduxisset, continuo in Italiam turbandis Cisalpinæ Gallia rebus cum
 ingētib; Lutheranorū copijs pervasurū. Is etiam a maiorū sacris religioneq;
 contumaci, atq; insana quadam ambitione discesserat, ut novæ eius supersti-
 tionis professione & patrocinio supra opes suas clarior atq; validior haberetur.
 His de causis Cæsar gravi consilio dabat operam ut pacem in Italia tuere-
 tur. Iam enim totum id tempus effluxerat, quod in fœdere præscriptum Bo-
 nonia fuisse meminimus. Itaq; Christiernæ & Francisci Sfortiæ nuptias om-
 40 nino maturandas existimavit, ut sollicitum & dubia spe nutantem principem
 in fide confirmaret, liberaretq; omni cura Venetos, & Insubres, ipsumq; Pon-
 tificem, qui Franciscū procreandis liberis operam dare, propagareq; Sfortia-
 num nomen insigni sobole cupiebant, ne Cæsar cœlibis & languentis princi-
 pis heres, Mediolanensi imperio potiretur, de cuius possessione ad exitum to-
 tius Italiae funesto eventu paucis antè annis esset dimicatum. Magna igitur o-
 mnium lætitia & gratulatione, adducta è Belgio puella: nuptiæ Mediolani ce-
 lebratæ sunt regio sumptu, & ob id populis admodum graves; sed toleratæ

tamen alacribus animis: quoniam nudata Cæsaris voluntate amplissimā spem diuturę pacis attulisse videbantur. Feltrium demum Vrbinatium principem, qui Veneti exercitus erat Imperator, restituta ei Sora urbe incredibili beneficio sibi devinxit. Abstulerat ei Soram, ut suo loco diximus, multis antè annis Ferdinandus Hispanię Rex: eam verò Carolus Cæsar Ceurio nutritio suo, qui tum incomparabili authoritate pollebat, dono dederat, cesseratque demum eius hæredibus, adeo ut Cæsar qui liberalitatem suam erga nutritiū posteros perpetuam volebat, pecunia ingenti Soram coemere cogeretur, quo munificentię genere eximium eius studium eò præclarius apparuit, quod in promerenda hominis voluntate eam urbem dono daret, quam antea penè promissam in præmium partæ de Gallo rege victorię, petenti Piscario concedere noluisse. Feltrium enim Mediceo nomini, Clementique præsertim valde infensum & maximè idoneum disturbandis illius consilijs existimabat, quum ab Vmbrię Picenique finibus molientem res novas Pontificem expeditis armis urgere facillè posse videretur. Quin & Columnię familię procures, tanquam peculiæ Pontificum hostes, Cæsarianarumque partium defensores, novis muneribus persecutus est, qui è propinquo urbi Romę imminerent, explorarent consilia motusque suspecti Pontificis, atque eum in obsequio fœderis occulto quodam metu contineretur. Quanquā Pontifex prolixè testaretur, se nunquam eius fœderis & amicitię iura violaturum. Quid enim sibi vel ad familię felicitatem optatius, quā Cæsaris filiam in domo sua nurum cōspicere? Quid denique ad personę dignitatem atque amplitudinem maius atque præstantius quàm parata pace uti, perfruique illa digna pio Pontifice Christiana tranquillitate? unde et afflictis urbanis rebus diuturnā securitatem parare, et indicto concilio perturbatę religionis ceremonias ad veteris cultus censurā revocare confideret. Sed eum tunc Pontifex suę antiquę simulationis fructum ferebat, ut quum vera diceret, ancipiti eius ingenio nulla fides haberetur. Honestavit itē Cæsar Melphitano principatu Andream Auriam, ac eius propinquos & trierarchos uberioribus stipendijs sibi obstrinxit: in eius enim viri consilio virtuteque totius Ligurię opes & classes, copiæque; navales sitę erant. Ita Cæsar undique rectissime provisum iudicabat, quum nulla omnino defectio ab his foret timenda, quos magnis preoccupatos beneficijs in fide, veteręque obsequio confirmasset. Veneti siquidem, uti antea pepigissent, se Franciscum Sfortiam defensuros pollicebantur, & Alfonsus Atestinus recepta Mutina se totum ad Cæsarem contulerat. Nec deerat studium Mantuano, qui Montisferrati principatum sibi adiudicari æquitate Cæsaris expectabat, quum Bonifacius uxoris frater, curren-
te equo lapsus, sine prole descessisset. Interea ad Coronem Hispani Græci-
que quanquam aliquot navigia, plena commeatu hybernis tempestatibus eò ab Sicilia felici cursu pervenissent, multarū rerum inopia laborare cœperunt: ante alia summa erat penuria vini & pecoris, panis fursuraceo similis erat: nam ad terendum triticum molis quotidiano labore manu ductis utebantur. Cister-
næ quoque ab assiduo tormentorum strepitu, commotis scilicet ab imo parietibus, adeo crebras & insanabiles rimas contraxerant, ut vel hiemales aquę à copiosis imbribus minimè in æstatem suffecturę crederentur. Nullos enim egressus tutos Turcarum stationes, incursionesque relinquebant: nam expediti equites ex insidijs undique prodibant, magnum numerum mulionum, armigerorumque puerorum & lixarum, quum non paulò longius ad colligendas o-
livas

10 nivas progredierentur, insidiosis incursibus interceperant, nonnullos milites
 ante portam repentina invasione oppresserant: ita enim evagabantur, ut nul-
 lo in loco diu permanerent, & omnibus ex partibus improvise adessent, ut po-
 te qui rectissimo & minimè barbaro consilio, remotam à mœnibus & maxi-
 mè longam obsidionē instituebant, ut nostrorum vim atq; impetum frustra-
 rentur, nunquam sese ad iustum prælium offerrent, & nusquam ex propin-
 quo ad pugnae casum expositi consistere vellent: editis in collium iugis specu-
 læ erant, in quæ die noctuque vigiles excubabant, ut cuncta quæ vidissent, in
 castris nunciarentur. Ea erant ad Andrussam oppidum Messenij agri, quod à
 mari ipsaq; Messene urbe quondam nobili, quæ hodie Petalidia dicitur, in-
 15 trorsus septē milibus passuum distat, & à Corone triginta quinque; ad Tiffoum
 amnem, qui Panyfus olim fuit. Existimabant enim Turcæ ex tanto intervallo
 nostros nullam unquā expeditionem esse desumpturos, quæ vix quatuor die-
 rum itinere ab armatis hominibus militari passu confici posse videretur. Cæ-
 terum milites Hispani brumalibus fermè diebus cum tædio tam lentæ & diu-
 turnæ obsidionis, tum multarum, ut diximus, rerū inopia adducti, à Macica
 duce petere cœperunt, ut contra hostes ad insigne aliquod edendum facinus
 educerentur, quando iam planè cuncta deficerent, & longinqua spes esset expe-
 ctandæ clasis, quæ vasto & sævo mari nequaquā ante Calendas Apriles, nisi
 20 infano ausu committi posse videretur: inutili enim æquè ac ignobili otio tem-
 pus teri, absumi; interea sensim cuncta famis subsidia, & cōtabescere conce-
 pta valetudine militum vires, & timeri debere pestilentiam, quæ conclusis &
 inusitato cibariorum genere valescentibus, cum sese aperiret annus, minimè de-
 futura crederetur. Postremo præstare in acie mori & non inultos quidē, quàm
 desperatione ac inedia cōfectos tanquam fœminas in suprema necessitate im-
 manibus hostibus dedi, quod si quid audacius tentent, & virtutis innatæ tor-
 tiesq; spectatæ periculum faciant, facile posse incautos, & nihil tale suspectan-
 tes Turcas opprimi atq; deleri: nunquā enim Fortunam conclusis, & misero
 ac infami otio desidibus ad futuram, uterentur iniquæ sortis beneficio, & ra-
 25 tionem & disciplinā non ad cautæ prudentiæ nomen, sed ad unam tantū invi-
 cti animi magnitudinem revocarent, futurū profectò ut ipsa præsentium rerū
 necessitas expeditam viam nobilioribus factis aperiret. At Macicaus, qui mu-
 neris impositi, ac officij deniq; sui probè meminerat, compescere has voces, &
 docere quantum flagitij admitteretur, si præsidio temerè excedendū putarent,
 ipsos nequaquam eo consilio venisse, ut in mediterraneis Peloponnesi hostes
 quærendos arbitrarentur, quos à mœnibus primo adventu, desertis castris ef-
 fugere coegissent, parsimonia & tolerantia, uti sæpe antea fecissent, eas difficul-
 cultates posse superari: neq; se dubitare, quin ad prima veris signa classem Cæ-
 30 saris, & nova auxilia sint visuri. Proinde eius insani consilij penitus oblivisce-
 rentur: quid enim levius & deniq; stultius esse, quā paucos sine equitibus in a-
 liena & incognita regione cum iusto prope exercitu, valido imprimis equita-
 tu: & multis prætorianis cohortibus longè firmissimo dimicare? & quod au-
 res vix ferre possint, relinquere desertam urbem per aliquot dies in potestate
 Græcorum, quos vel fidelissimos, neq; pro natura gentis levissimos ipsa fames
 & futuri supplicij metus inducere possint ut facile fidē fallant, & protinus ad
 veteres dominos rebellent. Proinde sibi in animo sitū esse pro disciplina tueri
 urbē, eamq; Cæsari servare, & omnia aspera prius perpeti, quàm delere urbis,

& proditi exercitus infamiam subire. Quid enim acerbius fore, quam in ipsa
 foelici temeritate, si etiam Fortuna votis annuat, nullam omnino laudem ferre
 & contra etiam militari iudicio poenam promereri? porro quid calamitosius,
 quam in aduerso euentu cum ignomina leuitatis atq; stultitiæ in vestigio per-
 nitere simul & perire? mollitiem eam esse animorum non magnitudinem, ut
 falso nomine appellarent: non enim eos esse viros fortes, qui dolore fatiscerent,
 & famis metu frangerentur, adeo ut salutem proijcere, indecoroq; vitæ exitu
 miseris finem afferre, quam statutum cælo fatum expectare malint. Erat Ma-
 cicæus, uti ab obscuro Cantabriæ oppido non natalibus, sed insigni virtute cla-
 rus fortibus factis, & multa corporis ac ingenij patientia, ab infimo peditum ore
 dine, uti antea Nauarro, Ioanniq; Dorbino cõtigisse constat, ad præfecturam
 castrorum prouectus: ob id maiore lenitate comitateq; imperij vim exercebat,
 adeo ut non elato, sed temperato ingenio in consilijs vteretur, & ad dedinan-
 dam inuidiam nunquam vsurpata ducis appellatione sese cæteris centurioni-
 bus coæquaret, inter quos eminebat spectatæ nobilitatis Didacus Touarres, ei
 us sententiæ facile princeps, & vsq; adeo vehemens, ut quum alios penè omnes
 secum traheret, vix illi à Macicæo resisteretur. Cæterum re in præsens dilata, &
 continuo demum triduo magnis disputationibus in vtramq; partem habitis
 vehementer agitata, Touarres, & Hermosilla Macicæum expugnant: ille vi-
 ctus precibus atq; iudicio militum dat manus, eundumque esse decerint, testatur
 tamen se inuitum trahi, & nimia eorum cupiditate ac intempestiua desperatione,
 totius belli summam, & salutem omnium in id discrimen adduci, in quo nulla
 propè spes secundi euentus, aut omnino tuti receptus emeretur, ad id quoque
 fortiter audendum magnopere cogeatur à Grecis de sua salute libertateq; soli-
 citis, inter quos rei bellicæ peritia, & Turcarum stipendijs clari plurimū emi-
 nebant Lazarus citeriore Macedonia oriundus, & Buseus dignitate equestri,
 & ipse ante alios Barbatius Græcorum longè fortissimus. is Turcicæ peritus lin-
 guæ, singularem totius regionis ac itinerum omnium notitiā tenebat, hortaba-
 turq; ut se duce & antesignano ad eam expeditonem vterentur: se enim datu-
 rum operam, ut occulto itinere ad hostes conspitos, aut nihil tale verentes ma-
 turè atq; opportunè peruenirent. Macicæus, qui alienā temeritatē sua pruden-
 tia & diligentia maximè sarcire cupiebat, ante omnia integro triduo cauit ne-
 quis omnino Græcorum vrbe egrederetur, ac demum Liscanio atq; Mendefio
 centurionibus vrbe commendata cū ægris ac ætatē grauib; in custodia relin-
 quebantur, hisq; iniunctum est, ut portas continuo obseruarent, ne profectio-
 nis fama ad hostes deferretur. De secunda vigilia educto agmine ad Andrus-
 sam Barbatio duce contendit, sinuosis & inusitatis itineribus, ut culta ac frequē-
 tia loca, et Turcarum custodias deuitarer. ea nocte dimidia ferè itineris parte con-
 fecta (nam à brumali solstitio longissimæ noctes erant) & exorto sole in caua et
 nemerosa valle copias condidit, atq; eo inclināte in vespērā, curatis quiete cibo
 q; corporibus, eo gradu ad Andrusam perrexit, ut paulo antè auroram hosti-
 bus appropinquaret. Erat in oppido Caranus è præfectis prætorianorum cohor-
 tium virtute insignis, & cum eo circiter tria milia peditum, in quibus fuere sclo-
 pettarij è Ianizerorum ordine mille & quingenti, cæteri è genere Asaporum
 partim sagittarij, partim hastati erant: extra oppidum verò Acomates, cui à præ-
 stanti forma Iusello cognomen fuit, in suburbanis rectis ad mille delectos equi-
 tes continebat. Summa omnium, & Macicæi, Barbatijque in primis sententia

erat, nullo cum strepitu, & suspensis quidem passibus stabula & castra equitum pertransire, adoririq; extemplo oppidum: murus enim uti non uno in loco confectus ex cratibus argillaq; ad lateritij parietis crassitudinem, & partim vetustate, partim incolarum negligentia perruptus, non omnino difficilem scanfuris, & sublevatis aliorum humeris militibus aditum præbebat: ita divis inter se munieribus & copijs Macicaus ad oppidum progreditur, Hermosilla contra hostium equites quiétus consistit, sed tanto silentio negotium patrari non potuit, quin nonnulli agasiones & stabularij Turcæ casu excitati nostros sentirent, & in dubia luce collucentibus sclopettorum funiculis prospicerent, 10 ij primi omnium vigiles, quorum nulla propè erat diligentia, et demum equites sopitos somno clamoribus editis excitarunt. Nec cunctatur Hermosilla, expectatos, & adhuc imparatos, prius quàm coeant, atq; equos ascendant, magno impetu invadit. Turcæ eo casu perturbati ædificiorum ianuis sese tutantur nostri stabula perrumpunt, multos trucidant, ignemq; stramentis iniiciunt, ut equi, viri, arma atq; ædificia eodem igne concremètur. Tum verò cuncta tumultu clamoreq; misceri: sed valde terribilis erat equorum hinnientium fremitus, qui dum vincla abrumpunt, & ambusti terrefactiq; ardentibus caudis & crinibus undiq; deferrentur, inusitati tumultus strepitum reddebāt. Eo modo res ad improvisum casum importunè deducta, excitatisque in oppido 20 Turcis, nostrorū spem fregit, atq; animos imminuit: datū enim est spatium Carano ad capienda arma, & iam Turcæ ad muri perrupti aditus portasq; adcurrerāt, animadversa q; paucitate nostrorū densatis ordinibus, ubi periculū posceret, intrepidè præliabantur. Hermosilla delendis equitibus intento, et serius quàm oporteret auxiliū ferre conante, Macicaus dum portule, quæ erat in latere, valvas revellit, sclopetti glande per frontē traiectus cadit. Interficitur & Didacus Tovarres, eandemq; fortunā milites muro porteq; proximi subeunt: auctiq; animis Turcæ, in deprehensos clara iam in luce, & disunctos facta eruptione deferuntur. Nostri ab acclivi accessu in æquum locū retrogressi, recepto & cōiuncto sibi secundo agmine, & cōversa in hostes fronte se recipere cœperunt. Hermosilla per sclopettarios latè insequētes summovebat, terga agminis 30 tuebatur, atq; expeditos ad latera disponebat adeo peritè & constanter, ut undiq; Turcæ audacius prouentes certis propè ictibus sternerētur. Iam equites qui ab incendijs evaserāt, et qui in remotis mappalibus tendebāt eò frequentes adcurrerant. Acomates cristis cōspicius in acie circumfusis alis versabatur, sed nostri ea animorū constantia gradum referebāt, ut orbatis duce ac itinere planè fatigatis, quū fortuna deesset, egregia virtus ad sustinendū redintegrandūq; prælium superesse videretur. Turcæ magno ad stabula detrimēto accepto, & pluribus ex Acomatis militibus desideratis, quòd oppressi deleriq; penitus nō fuissent, pro victoria ducebāt, atq; ita lentius urgere abeuntes, & in frequenti 40 peditū agmine persequi cœperant. sed Acomates, rapientē fato, quū occasione deesse nollet, traditos à Carano sclopettarios circiter ducētos ab totidē equitibus in clunes equorū confeltores recipi iubet, et nostros persequitur, alios equites sagittarios ac hastatos advocat, & à postremo nostrorū agmine nō discedit: sed dū multa passuū milia proVectus, audacius in nostros equū adigit, sclopetti glande per lunatā peltam trañcitur. eo cadente nostri purpureā mitram multo auro intertextam cū cristis, atq; item clypeum rapiunt: Turcæ corpore potiuntur. Eo modo duce amisso, multisq; illatis et acceptis vulnerib. persequen-

di finem fecere, indeque nostri quietiore agmine Coronem sunt reuerſi; nec diu ad Andruſſam Turcæ morâ traxere, nã auribus ac naribus noſtrorũ deciſis, atq; his ad oſtentationẽ æquatę cladis Byzantium tranſmiſſis ad Londarium, quod Megalopolis olim fuit, reliquum hyemis egerunt. Turcis verò diſcidentibus à Corone, iterũ Andruſſa à noſtris eſt repetita, vt tot fortium virorũ cadauera relicta feris atq; volueribus humarentur, & in his ſepeliendis vicini Greci ab oppido Callamata, quod olim Pharæ dicebatur, ſingulare Chriſtianæ pietatis officiũ præſtiterunt, & à noſtris Macicai caput, quod hoſtes in prælonga hafta præfixerant, planè agnitũ, cũ honore Coronem eſt relatũ. nec multo poſt ſuborta peſtilentia, multiplicatis funerib. vaſtare Caronem cœpit, eo grauior, quod ſupra cæteras difficultates acceſſerat. Quibus de cauſis Hiſpani, vt in ſumma rerũ deſperatione accidit, naſti nauigia, quæ frumentũ à Sicilia detulerant, ſuſceptis Græcis cum eorum ſupellectile, ablatisq; tormētis oppidum vacuum reliquerunt. Fuere qui dicerent Hiſpanos non metu aut iudicio ſuo, ſed iuſſu Cæſaris Coronẽ reliquiſſe; neq; enim crediderim tantum momēti in vnius vr-
bis poſſeſſione fuiſſe reponendum, vt in nullum propè exitum Cæſar grauiſſimis ſumptibus id bellum alere voluerit; quum conſtet eũ Venetis, & Pontifici, ac ipſis deniq; Rhodijs, qui in Melita erant, eam vr-
bem tuendam poſſidendamq; obtuliſſe, poſtquã in eos ſumptus pecuniam conferre grauarentur. Cupiebat Clemens prudenti ſanè conſilio, in multos annos Turcarũ metu libera-
ri, egeratque Byzantiũ cum Aloyſio Gritto, per Gerardũ Florentinis mercato-
ribus iuri dicundo præpoſitũ, vt reddita Corone in decem annos inducię eſſent. Solymano cũ omnibus Chriſtianiſ, quod maximè vt fieret Habraimus appe-
bat, nam excitato iam penè Perſico bello, in orientem animi omnium atq; arma vertebantur. Pacis ſiquidem & belli iura, vt alio loco diximus, in eius viri iudicio atq; authoritate poſita erant: neq; enim Chriſtiano nomini erat inſen-
ſus, vt credi par eſt, & paternæ religionis memoria, ſecus ac cæteri Turcæ & Schyticæ præſertim ſtirpis, qui inexorabili odio noſtros homines perſequun-
tur. Induciæ quoq; & ipſi Gritto magnopere placebant, quum in Pannoniam ad eas res componendas eſſet proſecturus: ſed dum Cæſar, vt planè interclu-
ſus hinc dedecoris metu, & illinc præclara commoditate, animi conſilium tar-
dius explicaret, tranſigendi negotij tempus effluxit, ita vt Cæſar quum Ferdi-
nando fratri aſſiduus attrito bellis, quietẽ atq; otium parare, & grauiſſimis ſub
inde eius belli ſumptibus parcere reſtituta Corone commodè poſſe videretur, ab ea cunctatione ſummæ vtilitatis occaſionem amiſerit. Sub id quoque tem-
pus Philippus Lantgravius Cattorum princeps, Ferdinando regi bellum intuli-
lit: Aderat Vl-
dericus, vt memorauimus, belli cauſam ad æquitatis ſpeciem præbens, & ob id ab omni nobilitate liberaliter adiutus. Nam Germaniæ re-
guli, vetuſto more gentis implorantibus mutuam opem, non ad eſſe neſas eſſe
putant. Hoc ſanctiſſimo liberalis amicitia iure, humiles et infirmi ſe ipſos ab
iniuria & ſuperbia potentiorum facilè defendunt. Igitur quum in ſigni ſtudio
vndiq; auxilia gratuito præberentur, Vl-
dericus paucis diebus ad quinque mi-
lia galeatorum equitum coegit. Adductæ item ſupra triginta peditum cohor-
tes, à Villermo Fuſtenbergo ſummæ nobilitatis iuvene. Argentinenſes quo-
que et Vlmenſes tormenta bellica contulerũt. nam liberæ Sueuorum ciuitates
quæ iam pridem ſocietate conſenſerant, diſſuluto demum fœdere ſeparatim re-
bus ſuis ita conſulebant, vt tum Vl-
dericus earum ciuitatum amicitia & viribus
oppor-

opportune atq; feliciter uteretur, quibus antea dum id sœdus vigeret, ditione sua & domo fuisset expulsus. At Ferdinandus suo more per legatos bella gere-
 re solitus, quã ad paranda auxilia per Vindeliciam, Noricum atq; Bohemiam
 discurreret, copias suas Philippo Palatino commiserat. Huic regio genere
 orto, & defensæ ab se Viennæ gloria illustri, peritissimi duces parebant, Con-
 radus Hefsus, qui in evastanda urbe Romæ Germanorum princeps extiterat,
 & Maximilianus Heberstenius in Italia clarus. Hi tres legiones externorum
 peditum ducabant, accesserantque subitarij delectus ex ea regione cohortes
 cum iusto tormentorum apparatu, & ad has duo milia armatorum equitum.
 10 Interim à Cæsare sustinendo, extrahendoque bello per mensarios pecunia pa-
 rabatur: sed id aliquanto minore diligentia fiebat, quàm gravis & repentinus
 hostium adventus postularet. Lantgravius enim Necharo amne superato, tri-
 nis castris in Virtembergensium fines exercitum induxit, adeo celeri ac im-
 provisâ irruptione provectus, ut regij nullis speculatoribus usi, non prius de
 adventu hostium certiores sint facti, quàm armatæ acies in propinquo colle
 conspicerentur. Ea re cognita Palatinus, qui ad vicum Louffen in valle cõsti-
 terat, equitatum repente educit, ad explorandum levis armatura præmittitur.
 Lantgraviani signa promovent, tormenta displodunt: prælium equestre com-
 mittitur: admiscuntur utrinque expediti pedites. Quum diu esset dimicatum,
 20 & regij multitudine hostium premerentur, Palatini equus tormento ictus
 cadit, ipse vehementer in talo eadem pila vulneratur. Duce eo modo pugna
 excedente, & urgente hostium equitatu fit magna perturbatio regijs in castris.
 Non deest occasione Lantgravius, & productis legionibus incumbit. Quum
 vero ab equitibus quæreret, quonã in loco essent hostes, & eos in Louffen es-
 se, qui exploratum excurrerant, responderent: Victoriæ, inquit, milites omen
 accipio, postquam hostes in fuga esse nunciantur: id enim nomen Germani-
 cæ fugam significat. Neque inane eius nominis augurium fuit. Nam regiæ
 copiar omnes nec tentato quidem certamine in longe turpissimam fugam con-
 iectæ terga verterunt, gravi admodum Maximiliani Hefsique periculo, qui
 30 retentare, conglobareque suorum aciem, & conversâ fronte se recipere con-
 abantur. Ab ea victoria Vldericus, & Stocardia, & omnibus ferè veteris im-
 perij sui oppidis incredibili populorum alacritate est receptus. Asperga, in
 quam Palatinus ex vulnere confugerat, biduo tormentis oppugnata deditio-
 nem fecit. Auracum postremo & ipsum altercatione militum, qui in præsidio
 erant, sine vulnere in potestatem cõcessit. Nec multo post quum Lantgravius
 Austrianae ditionis fines ingressurus, atque inde demum impellentibus Gal-
 lis in Italiam pervasurus esse diceretur, Ferdinando regi pax data, deprecanti-
 bus Germaniæ regulis, ea conditione, ut Vldericus beneficiario iure ab Au-
 striana familia ducto, ditione sua potiretur. Invidebant quidem Austriæ do-
 40 mus felicitati, sed eam exequatis viribus incolumen volebant. Cæterum Lant-
 gravius apud Gallos occulte invidia deflagrabat, quod eorum auro instructus
 secus quàm magnis pollicitationibus se facturum ostenderat, in tanta occasio-
 ne gerendarum rerum, represso impetu summæ spei victoriam omisisse vide-
 retur: sic ut præclare constet, Ferdinandum una maximè pecuniæ inopia id
 vulnus accepisse, quum multis diebus ab Hispania necquicquam opem expe-
 ctasset. Curarat enim Cæsar per mensarios certum auri pondus in stipendia
 militum, sed id aliquanto cunctantius quàm circumvento fratri in ea celeri-

rate hostium expediret, adeo ut victus exutusque; provincia, pacem petere cogeretur: hostes tamen ut aliquid specie honoris Cæsaris nomini tribuere viderentur, tormenta bello capta remiserunt, & Wirtembergensis iunior provincialium studio insignis, ad declarandum studium suum in reliquum tempus, tributo tenui sibi imposito, nunquam se illaturum arma Austriani principibus repromisit. Interea Clemens diuturno stomachi vitio tabefactus, sexto calendas Octobres moritur, anno Pontificatus vndecimo, ætatis vero quinquagesimo septimo. Inerat ei ab se uero ore gestusque; & sermone ipso grauitas naturalis, exculta, uti vidimus, per omnem ætatem ciuili æquitate, moderatione, & patientia insigni. Sed deerat in eo, qui fortasse in Leone fratre superfuit, generosi & liberalis animi vigor, dignus principe, et uti volebat existimari, Mediceæ stirpe progenito. Ea siquidem erat natura eius ingenij parsimonia & dissimulatione gaudens, ut illiberalis & durus potius quam fæuus atque; maleficus esse censeretur. Neminem enim plane oderat, quum neminem adamaret, præterquam ab occultiore causa conciliatos. his certe vnus adeo intemperanter fauit, ut ad summos honores, aut ad summum authoritatis locum, stabilesque; diuitias nullo pudore prouheret: multorum vero constanter obliuisceretur, qui ab optimis literarum studiis, veteresque; obsequio commendatione & premia meruissent. Hos quidem per blandè appellabat, ut imagine gratiæ detineret, sed occultè oderat, tamquam creditores. Et hercle nisi Gibertus literarum & virtutis amore incensus, uti erat in administratione Reipublicæ, optima eius sæculi sorte Clemens intimus, negantem cuncta prædurumque; principem molliendo fallendoque; ad beneficentiæ decus reuocasset, præclara profecto aliquot, fecundaque; ingenia dolore simul & pertinaci sterilitate perisset. Dedit tamen omnia vel semper nolens, quæ suis parum benigna facie denegarat, et inimicis quidem sæpius & indignis: quæ in re aliquando suspirans se miserum esse confessus est, quum animus aut præsentis utilitate inductus, aut ignobili compulsiu metu, ad id inexplicabili necessitate, vel reluctante iudicio raperetur. Ex vno enim & triginta Cardinalibus, quos legerat in senatum, vix vnum atque; alterum probabat, quod eos præteritis honestioribus, nequaquam exquisito decoroque; delectu, uti desiderasse videri cupiebat, sed vi subita inter impotentes regum preces, armorumque; strepitum circumuentus & coactus edidisset. Cæterum qui occultare naturæ vitia, & studia hominum promereri expedita liberalitate nesciebat: eximiam certè laudem adsequebatur facilitate aditus, per urbana comitate, & populari quadam molestissimarum rerum tolerantia: nunquam enim in finorum etiam hominum vel preces, vel spes ipsas iratus, aut fastiditus abruptit. In eo quoque; enitebat, quod certè familiæ proprium fuit, rerum prope omnium, præcellentiumque; artium notitia atque; censura singularis, eo admirabilior quod nullis prope literis inniteretur, verum ingenio ad infimas artes sumptuariasque rationes adeo demisso herentique; ut opificum arcana subtilitatesque; operum nimia & prope turpi solertia scrutaretur. Et certè is fuit, quem nemo vnquam in paruis rebus fefellerit, ut obiter non sit mirum, si in magnis demum, quæ publicam salutem respicerent, sæpissimè fuerit deceptus. In grauiore etenim consilio omnem vim summæ eius prudentiæ fatalis auaritia penitus elidebat, ut pote qui in proferenda pecunia, quum opus feret, adeo suspensus & anceps tristi cunctatione torqueretur, ut in perleui momento gerendarum rerum occasio facile deperiret. Hic vir profecto alioqui peregre regiè cautus, et maxi-

marum

marum rerum experiens, nequaquam vlllo planè illustri vel expedito spiritu;
 vltima animi decreta promere, & consilia terminare didicerat: vti tum maxi-
 me publicæ salutis interfuit, quum ipso consultante non omnino improui-
 fa cladè obruti fœdè perijmus. Sed excusare eum hoc loco lubet, et profectò
 iuuat, tanquam non minore ignauia suorum ducum, quàm hostium per-
 fidia in eas misérias præcipitatum, postquam excellenti demum consilio, ab in-
 signi Cæsaris æquitate feliciter ducto, pacem pepererit, magnamque Italiæ
 partem luctuosa Hispanorum militum acerbitate liberarit: hoc certè hone-
 stissimo facto, in ipsa saltè morte, qua omnis inuidia facilè extinguitur, præ-
 claram virtutis laudem meritis, nisi vti posthumus, patre crudeliter interfecto
 priusquam ab vtero matris in hanc lucem ederetur, planè infelix malè au-
 spicatam & verè lugubrem Pontificatus sui memoriam reliquisset. Sæuum
 enim id bellum, & quo Roma funestius à multis seculis non sensit, pestilentia
 propè ineuitabilis, dira fames, & prodigiosus Tyberis auctus accumulatis
 cladibus exceperet, adèò vt omnis ordo & denique populus vniuersus, diu ex-
 pectata & demum audita eius morte, magnopere lætaretur, iocatiq; summa
 libertate nonnulli gratias agerent Curtio medico, qui firma videntem valetudi-
 ne, innatoque membrorum robore præualidum, in multa spe longioris vitæ:
 nouis præceptis & commutata vitæ ratione, dubio procul occidisse credebatur.
 Laudauit eum in funere Laurentius Granius Signinus antistes Romana fa-
 cundia, ita relatis in fatalem iniuriam cladum acceptarum causis, enumeratis
 que virtutibus, vt Cardinales Reipub. probè atq; opportunè consulturos dice-
 ret, si proximis comitijs Pontificem parì animi virtute, sed ea aliquanto fœlici-
 ore creauissent. Peractis in funere nouendialibus sacris Cardinales triginta-
 quinque conclaue sunt ingressi, nam pleriq; è prouincijs in urbem ad comitia
 conuolarant. Eminēbat inter omnes in toga candida Alexander Farnesius se-
 natus princeps, quem per quadraginta annos senatorem, atq; omnes ætatis
 honore superantem Roma patria, præclaræ maiorum imagines, eximia atq; in-
 ueterata virtus, & præcellentes literæ magnopere cōmendabant; adeo vt Cle-
 mens, quum toties represso, & rursus erumpente morbo, omnem vitæ spem
 constanter abieciisset, eum sibi successorem testamento scripturum affirmaret,
 si Pontificatus hæreditate pararetur. Propterea Hippolytum Medicem etiam
 atq; etiā fuerit adhortatus, vt vnum omnino Farnesium collatis amicorum stu-
 dijs, attolendū ornandumq; susciperet, quādo nemo in administranda Repu-
 blica, & tuenda dignitate sacrosanctę maiestatis eo potior esse videretur. Subin-
 de asseuerans eius summi beneficij memoriam, vt in homine pernobili sangui-
 ne progenito, nequaquam esse perituram. Itaq; Medices & sua sponte, & suo-
 rum omnium hortatu, & amicorum Cardinalium propensione adductus, cū
 Ioanne Lothoringo, quem propter morum similitudinem vehementer ada-
 mabat, ad apertis sensibus arctè coniungitur. Hi duo longè nobilissimi toti-
 us ordinis, quum supra viginti senatores in suffragium adducerent, Pontifica-
 tum vti vellent & dare, & eripere poterant. Igitur vix paucis communicato
 consilio ad Farnesium pergunt, eumq; prius comitiorum æstus pacato ani-
 mo in cella expectantem aduoluti pedibus Pontificem salutāt. Consequuntur
 statim amici Cardinales. idem faciunt dubij; nec ipsi demum competiores &
 aduersarij diu cunctantur quin accedant, atq; eum veluti subita tacti religione
 protinus adorent. Nulla vnquam comitia à multis seculis maiore simplicitate

te, concordia, religione, inita peractaq; sunt, utpotè quæ ipsi Christiani nominis diui tutelares & principes, nullo liuore extracta fœdataue, nullo corrupta ambitu, nulloquæ metu præcipitata haud dubiè rexerint, atque finierint. Paucis enim horis & ciuem optimum, & virtutis opinione lectissimum, ut optarat potius quàm sperarat, populus Romanus Pontificem accepit: & eo quidem vberiore lætitiâ & gratulatione, quod ipsum cœleste munus Dñi immortalis ad compescendam latronum & sicariorum audaciâ, quæ in prouincijs & in Vrbe per interregnum eruperat, mira prorsus ac inusitata celeritate cumulassent. Non enim syngraphis suffragiorum obsignatis, & de more in sacratam urnam coniectis, sed publico consensu, et præclara voce totius senatus Pontifex est renunciatus, coronatusq; demum triplici thiara desumpto Pauli tertij nomine, secundo Nonas Nouembres, qua die ab eo fœlici auspicio publica hilaritate per celebri in eius honorem nobilissimi Romanæ iuuentutis per Vaticanam aream simulachro equestris pugnae edito iucundissimi decurrerunt. Hisdem fermè diebus quibus defuncto Pontifici nouendialibus sacris de more parentabatur, Aloysius Gritus Andreae clarissimi Venetorum principis filius, in Transyluania vehementi multarum gentium coniuratione obfessus, interfectusque est. Venerat is e Byzantio missus à Solymano cū amplissimis mandatis ad Ioannē Pannoniæ regē, ut Budæ consideret, tueretur in his regionibus Ottomannicū nomen, consilijsq; omnibus belli et pacis interesseret. Nolebat enim Solymanus contra Persas ad longinquū bellū profecturus quicquam in ea prouincia commoueri. Nam fama erat, Ioannē prouincialium cohortationibus inductum pacem appetere, & id demum agitare, ut quietem atq; otium a Germanis atq; Bohemis impetraret, ea condicione, ut dum vitæ superesset tràquille regno potiretur, ab excessu vitæ autem, iura omnia Pannonici regni ad Ferdinandi liberos transfirent. Itaq; hisdem fermè diebus quibus Solymanus in Armeniam cōtendit, et Hariadenus cum valida classe in Italiam, atq; inde in Africam ad nauigabat, Gritus Byzantio profectus in Valachiam superato Histro peruenit. Ducebat secum præsidij causa aliquot Turcarum equitum alas, atq; item eximiam peditum manum, in qua erant pleriq; Ianizeri numero prætorianorum; præterea multi serui liberaliter instructi, amiciq; & familiares Italici generis, & antè alios Hungari duo duces cum singulis turnis Vrbani Batiani, & Ianus Docia: quorum numerus septem millum summam facile implebat. nam & ingens lixarum turba cum insigni apparatu castrensi, militisq; camelis & impedimentis sequebatur. Valachia olim Mysia superior fuit, finitima Bastarnis & Getis, nunc ea in duas partes diuisa est, altera propinquior Histro Moldauia, altera verò quæ ad Pontum atque Boristhenem vergit, Transalpina vocatur. In Moldauia imperabat Petrus, iam pridem certo fœdere ab Ottomannis in amicitiam receptus. Ab hoc Moldauo Gritus explicato Solymani diplomate prolatisque eximijs muneribus postulabat, ut sibi in Pannoniam contendenti, consilio opibusque adesse vellet. habere enim se mandata à Solymano ad Ioannem regem, ut de pace cum Germanis ageret, statumque eius regni maximè perturbatum componeret. Accepit dona barbarus, amicitia dextram iunxit, deditque fidem se vbi opus foret, neque Solymani causæ, neq; iure hospitij inita amicitia defuturum. Nec multo post Gritus hac noua Moldauæ societate auctior et elatior factus in Transyluaniam deflexit, edicta passim proponens, ut ad se procures, ciuitatumque legati conue-

conuenirent, tanquam ad rerum omnium desceptatorem & arbitrum, legatumque Solymani, qui cum amplissimo munere regiae potestatis singulas Hungarici regni controuersias esset cogniturus. Tantum enim sibi gratiae apud Habraimum, Solymanumque parauerat, ut inusitata liberalitate fiduciaque cuncta magna atque ardua eius industriae, & virtuti committere minimè dubitarent. Erant in Gritto Byzantij nato, educatoque inter Turcas, exquisitae artes conciliandis barbarorum animis. nam eximio splendore vitae, multa largitione, frequentibus epulis, cultu demum incessuque, & illustri praesertim eloquentia aulae proceres coeperat, ipsumque praecipue Habraimum, summa Solymani gratia conspicuum, nec obscure Christiano nomini fauentem, adeo felici familiaritate sibi adiunxerat, ut ex multis mercaturae monopolij publicanus effectus, se ingentium vectigalium redemptorem profiteretur. Sed Andream patrem Venerijs ad principatum euecto, mirum in modum authoritate atque opibus creuerat, unde profusiore indies sumptu, sese uti ampliori Fortuna dignum ostentabat, usque eo largitione progressus, ut suburbanam villam in morem nostrum luculenter aedificatam, cum multa hortorum amoenitate, Habraimo ad voluptarios secessus dono daret, in quam & ipse Solymanus, eum Habraimo oblectationis causa, priuato desumpto habitu transibat. hinc ei à Turcis Beogli pernobile cognomen inditum, quod principis filium sonat. Nam domus eius ad aperta omnibus à legatis multarum gentium, maximorumque regum speculatoribus frequentabatur. Erantque specie, aut questu mercatores, qui venales gemmas, resque ingentis pretij Solymano dignas afferebant, eoque uno interprete & arbitro utebantur: quoniam in indicatura cognitioneque gemmarum, quarum studiosissimus erat Solymanus, acre iudicium adferebat. Secutus demum Habraimi castra, & ab eo in Pannonia relictus, non modo procuratoris diligentissimi, sed & optimi ducis decus promeruit, quum Ferdinandi regis exercitu fortiter repulso, Budam cum magna gloria defendisset. Hinc eum Ioannes rex quaestorem regni fecit, ornauitque Antonium eius filium sacerdotio Agriensi maxime opulento. Quo rerum prouentu elatior factus, spes suas ad immoderata atque ardua exitiabili ambitione prouehere coepit. Nam Byzantium reuersus, producente laudenteque Habraimo, in colloquium de grauisimis rebus, quod nemini nostrorum hominum antea licuit, cum Solymano deuenerat. Nec deerant qui eum crederent magnis pollicitationibus inductum, aliquando abiurata religione Christiana, ad Mahometis sacra defecturum, ut inter purpuratos, qui Vesirij Bassae dicuntur, adscriberetur. quod nequaquam verisimile nobis videtur. Quis enim arbitrabitur eum virum, qui in omni vitae decreto pius & generosus extiterit, immani flagitio nomen suum foedare, & patrem grandeum senem, sua gloria & merita felicitate perfruentem, inflicto tanto vulnere ad mortem adigere voluisse? Quando etiam praeclare constet, asportatis thesauris, ut à periculosa barbarorum tyrannide sese incolumi existimatione subduceret, fortunas suas in Pannonia collocare cupiuisse, ubi inter Christianos singulari cum dignitate summaque securitate degeret, subindeque se totius Pannoniae praefectura potiri posse speraret, si rex aliquo fatali casu esset interceptus, quum haud dubie beneficiario rege extincto Solymanus maiorum exemplo regnum in prouinciam esset redacturus. Hac inusitata cupiditate imperium militare & magnas opes affectantem Hungari, in primis quos diximus Batianus & Docia adulando cohortandoque magis

& magis incitabant. Hi iam pridem malignitate eorum ingenij à regis amicitia discesserant, sequebanturq; Gritum Solymani fauore subnixum, vt eo authore et regis emulo nouam sibi apud suos dignitatem pararent. Regiæ siquidem maiestatis nomen, veluti collega imposito, vehementer imminui, conuellique maximè cupiebant. Erat Docia præfecto Transyluanie admodum inensus, quòd sibi in quadam altercatione vociferanti genam pugno contudisset. Is erat Americus Cibachus episcopus Varadinensis, vir singulari nobilitate, summa potentia, præcellentiq; virtute, cui Ioannes secundum regiam dignitatem, primum honorem detulerat. nam & rex ipse sub Ludouico Transyluanie præfectus, quem Vaiuodam vocant, multis annis extiterat, ita vt in vnus Americi fide virtuteq; opes suas collocasse videretur. Igitur Americus Gritto prouinciam intrante, quum tardius & cunctantius iter facere, & parum eius aduentu commoueri, veluti despecto Solymani imperio diceretur, Gritti animum vehementer offendit, qui præclaro initio existimationem suam egregia prouincialium voluntate, præfectiq; obsequio excitari, confirmariq; volebat. Etiam fama erat Americum, Christiano animo ab amicitia Turcarum plurimum abhorre, neq; pati vt Turcæ prouinciæ finibus insuescerent, vt potè qui vigilanter & strenuè cauendū arbitraretur, ne prouincia viris & equis abundans, rerumq; omnium & auri præsertim, fruticis modo passim nascentis, maximè opulenta, in potestatem Mahometanorum hominum deueniret. Confederat ad oppidū Braxouium Gritus, quū pluribus nuncijs affertur, Americum aduentare, castrametatumq; inde decem millibus passum apparare sese, vt cum ornatissimo comitatu in colloquium deueniret: habebat enim secum multas equitum turmas militariter instructas. Nam Hungari ciuitatum antistites, ex sacris redditibus valde opulenti, vetere instituto alere equites, dūctareq; eos in aciem aduersus Turcas solebant, quum valde decorum putarent religionis causam à sacratis maximè ducibus defendi. Sed tum præcipuè finitimi quiq; proceres liberaliter adornati ad Americum concurrerant, vt antistiti summæ dignitatis, & præfecto, cuius imperio parerent, officij causa frequentes adessent, adeo vt is comitatus iusti prope exercitus speciem præberet. Eares Gritti ingenium vehementer commouit, quasi apertis in campis, veluti cum hoste, spectantibus copijs esset colloquendum. Enata enim erat inuidia, lethale malum, dira ali enim honoris obtreptione, quum hic singulari & planè Turcico fastu parem pati noller, & ille contumaci libertate, nobiliq; proposito superiorem in prouincia sua minimè passurus esse videretur. Quum è conuiuio discedens Gritus concepta ira fremeret, & his non obscure minaretur, qui imperijs suis minimè paruissent, tegumentum capiti detraxit, quod erat Turcarum more oblongum ex pretiosis Scythicarum Sibellinarum pellibus, manibusq; dilatans, hoc inquit, duo capita non capit, necesse ergo est vt vni tantum coaptetur, idq; rursus capiti imposuit. Eum sermonem Ianus Docia ad vindictæ suæ occasionem excipiens, rectè, inquit, assimilas Gritte, nam & hæc quoq; prouincia duos ex æquo præfectos & dominos capere non potest, nec tu herclè iure tuo potestatis ac imperij vnquam potiere, nisi hodie expedito virilique decreto, & tuam & Solymani causam defendis: Americum præfecto, illam inquam immani superbia belluam non nosti, cuius ego feritatem ac insolentiā si iusseris celerrimè frangam. Solymanum enim odit, nec regi paret, & nomē tuum contemnit, vt pote qui nō obscure ad regnū aspiret, & decere ait, vt Transyluanie præfectus in

regium

regium nomen adoptetur. Quoniam in his terris Decebalus Dacus aliquando regnauerit, quem Romanae vires, & Traiani virtus aegrè subegerint. Puta hoc homine neminem inflatus & arrogantius de se praedicare, neminem astutius & simulantius amicitias colore. Dona quidem afferet ad beneuolentiae speciem, atque etiam dextram perfidia potius quam fide praestantem iunget, ut quum praetergressus fueris edictis ac imperijs tuis illudat. Dignitati profecto, foelicitatique tuae hostiliter inuidet, quod in Pannonia belli & pacis leges sis daturus, & quum regnum praclare affectet, te vnum maximè timendum arbitratur, ne eius consilia perturbes, authoritatem frangas, & denique temeritatem atq; audaciam castiges. Non ferendus hercle tibi est hic aemulus & contemptor, atque etiam iure optimo tollendus, ut nominis tui dignitatem in limine operum tuorum, petendaeque gloriae aditu tueare. Nihil enim obrecta tore socio & occulto hoste periculosius, quem praesertim in tergo sis habiturus. Nam quum ex occasione animi libidinem nudauerit, insidiosius demum atq; lethalius nocebit. At Grittus ubi haec ad animum admisit, iam planè turbidior factus, maturandum, utendumq; imperij viribus censet: Dociam collaudat, gratiamque egregij studij erga se breui relaturum pollicetur, si aliquo insigni facinore edito, Americi superbia contrundatur. Ferunt Grittum nihil omnino durius statuisse, quam ut Americum quoquomodo comprehenderet, ut de mum Turcico more cathenis vinctus, sub custodia Byzantium mitteretur: provinciam autem regendam traderet Hieronymo Lascho Polono, qui maximarum legationum honoribus functus, Byzantij, & in Gallia egregiam fidelemq; operam Ioanni regi praestiterat, in eam spem tot aditis asperrimorum itinerum periculis, ut sicuti sibi promissum ferebat, Transylvaniae praeficeretur. Sed Ioannes quum se pro Hungaro Polonum hominem peregrinum, nec Hungarice satis loquentem, nisi periculosè vel incomodè ferocissimis gentibus praeficere posse iudicaret, necessitate quadam Americum praetulit, adeo ut Laschus, qui ingenio multarum rerum usu, & exquisitis literis instructo, praetorsus spiritus gerebat, in ea repulsa nullam vel honestorum verborum excusationem reciperet, & se deceptum et elusum ab rege grauisimè quereretur. manebat tamè in officio, & quorundam oppidorum quae rex dono dederat, in Sarmatiae finibus possessio ne potiebatur, sed non obscure alienatus interea sese Gritto in familiaritatem clientelamq; dederat, ut Solymani auspicijs alteram Fortunam experiretur, & regiterum minus familiariter industriam suam, & virtutis dignitatem ostenderet. Caeterum Dociae separatim ab Urbano Batiano, iussu Gritti validissima Turcarum ala, & in primis Hungarorum turmae traduntur. Is noctu à Braxouio maximè occultus discedit, & ad castra Americi repentinus aduolat. Quum paulo antè per Hungaros speculatores didicisset, eum patentibus in campis viam aditus causa iuxta pagum tentoria collocasse, & ut in nullo metu, sine vigile, & sine custodia militari, cum pueris & familiaribus in tabernaculo pernoctare, comitatum verò eius undique diuersos in pagos esse disparitum, ita ut tot equites non facile coire possent, quum etiam edicto in crastinum diem profectioni sese compararent. Ita Americus ignarus suae sortis, quum inimicos contemneret potius quam timeret, à Docianis satellitibus opprimitur. Iacenti & vix dum à cubicularijs experrecto, quum latè inuadentium equitum fremitus & clamor audiretur, ipse Docia caput detruncat, castra omnibus in locis trepidatione luctu & fuga complentur: Turcae equos ornamentaq; diripiunt, exci-

tantur proximiores, cunctiq; demum Turcis agnitis, inermes discinctique in
multa rerum omnium conturbatione profugiunt. At Docia tanto patratofa-
cinore Braxouium reuersus, Americi caput ab auricula manu suspensum Grit-
to spectandum defert. Aderat Laschus eius consilij & cædis prorsus ignarus,
qui quum in re atroci & subita, vt sæpe fit, omnem simultatis memoriam natu-
ralis misericordia superaret, & ob id indigna inimici morte mimine lætare-
tur, conuersus ad eum Grittus, an tu, inquit, Lasche non agnoscis hoc dera-
tum caput? magni quidem viri est, sed ambitiosi, contumacis, & maxime superbi.
Ad id Laschus, qui contracto & tristi vultu inhorruerat, tale mihi, respondit,
non est visum, quum suis in humeris conspiceretur, veluti qui plane id crude-
le factum non probaret. Tum vero omnis in Gritto verborum ac animi saui-
tia refrixit, adeo vt non sine quodam pudore iam poenitere videretur, statimq;
subiungeret, Americum quidem iure cæsum esse, sed eum capi potius quam in-
terfici cupiuisse. Nec mora pleriq; Hungari Turcæq; discedunt ad occupandos
Americi thesauros, qui in remoto inde oppido seruabatur. Cæterum ubi de eius
cæde fama percrebuit, propinqui prouincialesq; ferme omnes incredibili do-
lore cõcepto aduersus Grittum coniurant, vindicandam armis sacrosancti atq;
optimi antistitis mortem decernunt, ipsique publico decreto Siculi, et Saxones
per Colonias Transyluanie antiquitus inserti, & Podolij Semisarmatae ad fe-
rendam opem euocantur. Nunquam vllæ gentes pro salute sua & publica dig-
nitate ad propulsandam iniuriam, vel intentiore studio, vel grauiore impetu,
vel maiore celeritate ad arma concurrerunt. Paucis enim diebus supra quadra-
ginta milia peditum & equitum coiungere, adducente Gothardo Saxonicæ stir-
pis, in ea prouincia claro, Stephanoq; præcipue Mailaro duce electo, qui vn-
us maxime Americum percolebat, & in luctu publico princeps, nefarie cru-
delitatis authores latronum more persequendos puniendosq; censuerat. Por-
ro Grittus, quum tantus iratæ multitudinis tumultus cum ingenti armorum
strepitu, vel ex remotis regionibus fama atq; auribus sentiretur, incertus quid
faceret, ad oppidum Magas expeditis itineribus se recepit. Oppidani quum
Turcas ab edito conspexissent, nullo modo adduci poterant, vt portas aperirent,
tamen Docie et Batiani cohortationibus id impetratum est, ut in inferio-
rem oppidi partem copiae omnes reciperentur, ipsi vero in æditiora sese resque
suas subducerent. In colle enim erat templum cū sacratis ædificijs per amplum
& excelsum, quod arcis speciem spectantibus præbebat. Gritto id erat consilium,
vt resecto muro adiectisq; nouis munitionibus, & comparato comœatu tan-
tis per se teneret, donec auxilia conuenirent, quibus in condita hostium multitu-
do, acri et repentina eruptione pelleretur, atq; inde ipse vel amissis impedimen-
tis superato Tissa amne, qui olim Tybiscus fuit, in Pannoniam euaderet. Erat
ferè undiq; cinctus, hinc Danubio & Tybisco magnis fluminibus, inde Her-
cynia sylua, quæ non facile penetrari poterat, ita vt nullum nisi redeundo ad
Moldauiam effugium patere videretur; sed eum receptum vti fugæ per similem,
nequaquam pro dignitate sui nominis esse statuebat, quando mori prestaret
quàm indecoro deformique reditu demandatum legationis munus deferere,
conuertereque id iter ignobili metu, quod tanta hominū opinione suscepisset.
Itaque dum impigrè ad munitiones materiam comportari iubet, aggerem ex-
truit, ad laborem suos adhortatur, nunciosque simul plures et tabellarios ad
impetrandam opem in amicas regiones dimittit, superueniunt hostes terribili
cla-

clamore edito munitiones adoriuntur, temeritate tamen ac audacia potius quam ordine & bellica ratione. Propterea non terretur Gritus per sagittarios Turcas, sclopettariosque maximè Ianizeros rem gerit, multos vulnerat & interficit: ita hostes qui sine apparatu tormentorum accesserant, ad murum sagittis confixi, & glandibus traiectione repelluntur. Eo accepto detrimento Mailatus belli rationem commutat, obsidionem instituit. Docet si leviter tantum laceessant, brevi hostes sine ullo ipsorum vulnere in potestatem cogente fame deventuros. Ita distributis per intervalla copiis, latè oppidum corona præcingitur. Interim in tanta auxiliorum expectatione versantem Gritum, 10 a omnia obsidionis incommoda forti animo sustinentem invasit morbus, eo gravior: quoniam nihil omnino de auxiliis afferebatur. Nam Ioannes qui æmuli incommodo atque periculo non obscure lætabatur, quum tot gentibus æquissimo iure ad arma consternatis, nisi summa cum invidia & periculo obsistere posse iudicaret, alam tantum equitum ab æstivis evocarat, quæ lentis itineribus in Transylvaniam mitteretur. Balibei etiam & Halis, Belgradi, Samandrieque præfecti, malignitate simul & ignavia, neque provincia excedere, neque Danubium transire iniussu Bellerbeci magistri equitum sibi licere perscribebant. Ipse quoque Laschus ex socio alieni periculi spectator factus, quum paulò antè discessisset, ut equites cogere adducereq; maturaret, studium suum extenuata fide remiserat, & Megeiani qui aliquandiu pacati constiterant, perseverantia suorum obsidentium, & Turcarum incommodis invitati ex superiore loco præliabantur, & iam alimenta defecerant. His tantis circumventus malis Gritus per Hungaros dabat operam profusè largiendo, ut Transylvanis magno auri pondere distributo, in Pannoniam abire permitteretur, sed omnem avaritiam in efferatis dolore animis vindictæ libido superabat. egit demum separatim cum Muldavo, ad quem hospitalis amicitiae iure suppliciter opem implorans gemmas & uniones dono miserat, ut loci custodiam à suis laxari iuberet, & se cum liberis ex composito erumpentem, in pacatum abduceret. Paulò antè etiam à Batiano erat desertus, qui in eo metu è 10 castris hostium significantibus & eripientibus quibusdam veteribus amicis fuga sibi consuluerat. Itaque dubia spe, & urgente fatali necessitate, ad conditam horam ab ea porta, quæ ad Moldavos ducebat, erupit, dextra Solymani diplomata prætendens: sed barbarorum fraude nequaquam inventis Moldavis, in Franciscum Scendenum incidit Americi propinquum, & Mailati maximè familiarem. Hic primus omnium contumelioso ululatu tegumentum illud capitis è Sibellina pelle pretiosum rapaci manu insolenter invasit, eumq; morbo invalidum & nihil resistantem immisis equitibus comprehendit. Tum verò à Transylvanis horribili clamore sublato, eius comites copiarque & Turcæ præsertim cæduntur, atq; ita undiq; vertuntur in fugam, ut cuncti 40 ferè in eo tumultu admodum cruento, quum indagine ingentium copiarum clauderentur, interfecti captiq; sint. Servavère tamen Turcas quantum licuit Moldavi, sed eos demum infesta latronibus itinera equis & armis exutos exceperunt. At Gritus quum ante prætorium armatorum corona circumseptus interrogaretur, cur Americum iussisset interfici, nihil se tale unquam imperasse constanti animo, & gravi fronte testatus est. Conclamantibus verò cunctis ut ea hostia Americi manibus mactaretur, Mailatus eum Francisco ad supplicium tradidit, atq; ita caput ei ingenti machera detruncatum est. in eius cruore

procures, & propinqui penulas militares solenni cerimonia more gentis intinxerunt, ut diu secum exactæ vindictæ memoriam deferrent. Sed Ianus Dociā maiore ira, & graviore supplicio affectus, discerptusque est. Gritti liberos nemo nostrorum hominum amplius vidit, sed non desunt qui eos adhuc vivere apud Moldavum dicant, veluti grandi pecunia ab avo principe redimendos. Quum Gritti truncus à carnifice nudaretur, loculus in femorali cum gemmis immensi pretij repertus est, adeo ut ea omnis præda aureorum nummum quadraginta miriadas superasse dicatur ab his, qui domesticum Gritti apparatus in rationes vera æstimatione contulerunt. Nec multo post & ipse Laschus à rege Budam evocatus, non mediocri vitæ periculum adijt, quū in questione sub tormentis Gritti consilia explicare cogeretur. Sed is demum deprecante pro eius salute Sigismundo Sarmatiæ rege, custodia eductus, è regia aula in Poloniam profugit.

PAVLI IOVII NOVO.

COMENSIS EPISCOPI NV-

CERINI, HISTORIARVM

SVI TEMPORIS

LIBER XXXIII.



AD EAM æstate Solymanus Turcarum imperator, effusis ultra Euphratem ingentibus copijs adversus Tamma sum, magni Hismaelis filium, bellum suscepit, validaque simul instructa classe invasit Africam, occupandæ Siciliae atq; Italiae maximè opportunam. Conceperat enim ingenti spiritu totius orbis imperium, facile Alexandriæ magni potentiam æquaturus, uti ab Europa metu liber, atq; omni solutus cura, postquā in eo diro insanoq; Christianorum regum dissidio, consilia nostra nequaquam recta & illustri ratione ad pietatis gloriam, & publicæ salutis nomen, sed impio quodam livore ad internam perniciem vertebantur. Franciscus enim eo animo pacem ferebat, quod bellum gesserat, indomito, contumaci, & planè invicto, haud dubiè ad repetendam Italiam iterū vividæ virtutis, & totius Galliæ virium periculum facturum, si Carolo Cæsari distrahendis eius opibus, alicundè gravis hostis incumberet. Idem quoq; Britannus spectabat, quum iam pridem Cæsaris cognatione atq; amicitia, uxoris repudio foedissimè violata, à Romani Pontificis auctoritate discessisset. Ioannes item in Pannonia Turcarū præsidio tutus erat adversus Ferdinandū in eo Germaniæ motu à grece Lantgraviana arma sustententem, & rex Polonus cum Moscovitis & Tartaris bello cōtinenter occupatus, his quæ sibi cum Solymano manebant inducens fruebatur. Tuebantur & Veneti veterem pacem, adeo ut Solymani amicitiam religiose admodum colere viderentur. Neq; in ipso Clemente Pontifice tantū inerat præclaræ autoritatis, ut eum restinguere odia, & dissidentes componere facile posse sperandū foret: nam

nam Massilię apud Franciscum nudatis egri animi sensibus, commemorando & deffendo communes miseras: ita cogitationes suas protulerat, ut vindicandis iniurijs occulte consilia à quiete penitus aliena cum rege miscuisse crederetur. Cæterum Persici belli causas ab ipsis usq; avorum odijs repetitas, & eventus mutuis cladibus memorabiles, suo loco narrabimus. Invadendæ verò Africæ author & cōcitor extitit Hariadenus Mithylenæus vetere Horucij fratris cognomēto Barbarussa à nostris appellatus. is in Numidia proxima Mauritaniæ Algerij regnum à fratre antea partum adeo frequentibus victorijs amplum clarumq; reddiderat, ut nostris æquæ ac finitimi Pœnorum reguli, & va-
 10 gi Numidę, eius opes atq; audaciam magnopere timerēt, et Solymanus ad fortissimi viri famam iam publica virtutis cōmendatione illustrem frequēter excitaretur. Non alienum erit ab instituto opere breviter recensere, quibus artibus Mithylenæi fratres ab una tantū prædatoria bireme ad regium fastigium itreperint, ut hinc quoq; in hac rerum humanarum varietate colludentis Fortunæ ostenta posteri mirentur. Igitur patre Græco, atque eo Mahometis sacra secuto, in insula Lesbo geniti, quum inopiam domi ferre non possent, arrepta bireme spes suas omnes mari commiserunt, sese Camali archipiratæ in disciplinam tradentes. Sub hoc Camale Horucius, qui uti natu maior ad se ducis nomen trahebat, cum Hariadeno multa præda, multisq; servis atq; navigijs
 20 adauctus: ac demum ascitis in societatem minoribus piratis prædabundus in Mauritaniam pervenit. Eo tempore Algerij regulus cum fratre armis de imperio contendebat: hic quum Numidas equites, qui hodie Arabes appellantur, pretio sibi in auxiliū ascivisset: alter opportuno novæ gentis adventu magnopere lætatus, pecunia cum Horucio transegit, ut se defendendum suscipere, paucisq; diebus Horucius cum valida manu sclopettariorum, quibus præcipue Numidæ terrentur, eo impetu gessit atq; confecit bellum, ut Turcarum nomen cum Numidis, tum, Mauris omnibus terribile esset. His rebus gestis, atierat ingenio validus, viribus pollens, & regni maxime cupidus, quū eo bello comperisset Mauros per se inermes, ignarosq; militiæ, ac ingenio mobiles,
 30 nullaq; inter se stabili cōcordia nixos, facile per partes opprimi & subigi posse: Numidas verò vagos, et inter se dissidentes, vel in amicitia trahi, vel si abnuant nullo propè negotio sustineri, improvise fidem abrupit, repenteq; hostis factus, quos cœptis suis adversari posse putarat facile sustulit, breviq; post sævitiam liberalitatē exercendo Algerij regno potitus est. Nec multo post finitimū quoq; regulum Circello imperantem vi dolisq; aggressus expulit. distat Circellum, antiquis Carcenna colonia vocatum, ab Algerio, quod Iulia Cæsarea fuisse dicitur, ad occasum sexaginta passuum milibus, antiqua ad portū mole, & operoso aquæductu, multisq; Romanę magnificentiæ vestigijs adhuc insignis. Inde & ab Algerio mare undiq; infestum reddebat, & in mediterraneis
 40 cum expeditis cohortibus evagabatur: ita militiæ munera cum fratre alterna sorte partitus, ut nihil terra, marive pacatum relinqueretur. Ab eo rerum successu, ut regni fines aliquāto latius proferrentur, Bugeam magno apparatu invasit. Hispanis, qui in præsidio erant, ad summas rerum difficultates reductis, nec prius abstinit tam forti incepto, quā ei dextra manus tormenti ictu abrepta est: inde ferream sibi fecit, qua ad cubitū religata multis in prælijs postea feliciter est usus. Nam Algerij non contemnendum Hispanorū exercitum Didaco Vera duce circumventum fustumq; delevit, & aliquanto post Vgonem

Moncatam, qui veteranos Hispanos ab Italia transportarat, egressum in litus, iniquo nostri loco cōmissa pugna compulit in naves, subortaq; tempestate copias ferè omnes luctuoso naufragio fluctibus eiectas crudelissimè trucidavit, aut ad remum trierarchis distribuit. Ad extremum immodicæ spei plenus, & rerum proventu factus audacior, quum Tremiseni regem, amicum, sociumq; à Carolo appellatū, regno expulisset, immineretq; Orano, Portuiq; magno, quæ Hispanorum præsidjs tenebantur, Punica simul & Christiana arma, adversum se concitavit eo bello, uti suo loco memoravimus, superatum, & fuga in solitudines evadentem Hispani, Mauriq; equites consecuti cum paucis ex familiaribus interfecerunt. Horuci caput in Hispaniam transmissum circumlatumq; in lancea, populis præsertimq; maritimis insignem attulit læticiam, quod sublato prædonum rege diu exoptata securitas litoribus reddita videtur. Sed Mariadenus neq; spiritu, neq; bellica laude Horucio inferior, accitamentibus militibus imperium suscepit. Is non modò regni, sed virtutis, & deniq; artium cogitationumq; omnium, quæ in fratre eximie fuerant, hæres factus, adoptatusq; etiam in fratris cognomen, ad imperium totius Africæ aspirare cœpit: ratus ea, quæ parva essent, animo suo minora angustioraq; Itaq; arma proferre, Mauris & Numidis terrori esse, modò cum his pace ac inducijs uti, modò bellum gerere. porrò aucta classe Hispaniæ, Sardinia, ac Balearum oram prædari, asciscere sibi novos piratas, clarus æquè ac formidolosus finitimis esse. Hæc audentem & molientem nusquam Fortuna destituit. Nam Hamerem Numidam magni agminis ducem sibi infestum, per insidias interfecerat, & ad Cocum oppidum Benchades inter regulos Numidas longè clarissimus multis prælijs superatus, in solitudines abscesserat, Amidamq; in finibus Tremiseni regni adeo frequentibus detrimentis attriverat, ut sedes mutare, ac in interiora profugere cogeretur. Mari quoq; ea Fortuna res gessit, ut Vgo Moncata supra Sardiniam nocturno prælio victus, graviterq; vulneratus, amissis aliquot triremibus vix effugerit, & Portundus Hispanicæ classis præfectus, amissa fœdè classe cum filio impigro iuvene fuerit interfectus. His captis triremibus, quum aliquot etiam, quum Siculæ, Neapolitanæq; tum Venetæ rostratæ, varijs interceptæ casibus accessissent, maximè validus atque terribilis esse cœpit, auxitque sibi virium atq; animi famam ipso Andrea Auria ad Circellum repulso, quum ille oppido tam fortiter expugnato, quàm fœdè amisso, ad quingentos milites disciplinæ oblitos, nec Turcarum eruptionem sustinentes amisisset, duæq; tum onerariæ Ligusticæ, dum ad Circellum cursum haberent, onuste armis, milite, commeatu supra Populoniam, quod ingentem Genuæ luctum peperit, expugnata atq; demersæ. Postremo arcem scopulo impositam, Algerio urbi imminentem, defensamq; per aliquot annos ab Hispanis, summa vi adortus cœpit atq; delevit, ruinis profundo meris, & iacta mole, ut per commodus regiae urbi portus adderetur. Quum hac rerum gestarum fama floreret, Solymanus è Pannonia reversus, ad eum legatos misit, qui evocarent, summosq; honores & maris præfecturam Byzantium venienti pollicerentur. non sustinebat enim animo Solymanus ignominiam in Peloponneso acceptam, quum præfectus classis Himerales adeo fœdè profugiens, Coronem & Patras, castellaq; item Naupactei sinus Aurianæ classi expugnanda reliquisset. Ipsi quoq; purpurati Balsæ, & eorum princeps Habraymus in consilio & valida classe & perito strenuoque duce opus esse differebant, non modò ad

do ad recipiendam Coronam, quæ tum terra marique segniter obsidebatur, sed etiam ad tuendam veterem existimationem, quando Baiazetes ad Methonem victor navali apparatu Christianorum ferè omnium classes anteisset, & tum fama erat Auriam, qui obsessis opem ferret, cum amplissima classe in Græciam à Sicilia traiecturum. Et certè unus ipse Hariadenus inter omnes eminebat, quem ætate & maritimarum rerum usu, vigoreque animi, & parti propægatiq; regni gloria, Auriam parem dicerent, censerentque unum omnino eum Christianis classibus opponendum. Ita Sinas unus ex intimis ianitoribus ad eum legatus mittitur, advehitque eum celeri trireme Mangalis pirata Rhodi præfectus. Is ubi in Mauritaniam pervenit, ab Hariadeno summo cum honore susceptus est. audita legatione Hariadenus incredibili lætitia afficitur: inde haud inani spe concepta potiundæ totius Africæ, si colloquendi cum Solymano potestas fieret, ut quinam in Africa rerum status, & quantæ Christianorum classes, quæve animi & dissensiones eorum essent, appositè atque ordine doceretur. Itaq; Agim virum fortem, & Ramadā Celebim patruem suum Algerio præficit. his Afsanem filium duodeviginti annos natum commendat, daleque circiter quadraginta triremium biremiumque instructa proficiscitur: circa verò Tyrrheni maris oram adeptus aliquot Ligusticas naves, quæ ad coemendum frumentum in Siciliam cursum habebant, difficili & maxime cruento prælio eas expugnat & incendit. qua in pugna Delisusum piratam opulentum ipsius Hariadeno dolo interfectum ferunt, ut eius trireme de Venetis capta, quæ erat eximiæ celeritatis, itemque servis atque pecunia potiretur. Inde conversus ad Iluam insulam, Rium in ea oppidum nocturno prælio capit, atque omnibus Rienfibus in servitutem abductis, ingenti onustus præda Byzantium pervenit. Deductus est à principibus aulæ ad Solymanum, ab eoque lætissimo vultu est susceptus, vel ob id quod dono dabat, quos insigni cultu produxerat, aliquot pueros decora facie, itemq; lætissimas virgines, eunuchosq; & Libycas feras, leones & pardos. Porro reliquis diebus quum degerendo bello, & de tota ratione Punicarum Christianarumq; rerum differeret, aliquanto quàm solebat rarius & difficilius admittebatur. Suborta enim erat invidia crescentis dignitatis semper comes, ita ut pleriq; dicerent, non esse Ottomanici moris homines è piratarum ordine latrocinijs infames, regicæ classi præficere: non defuisse unquam, nec defuturos ex principis aula, qui virtute, magnitudineq; animi, & deniq; optimis artibus valerent, & ad proferendum Turcicum nomen terra mariq; fortiter atque feliciter operam præstarent: occupasse illum in Africa contra fas & æquum, hoc est dolis ac insidijs alienare regna, impijsq; armis semper esse persecutum regulos, & gentes quæ Mahometem colerent: nullos profecto ei certos deos esse, nullam fidem, utpote qui vanissimo, atque eo quidem paternæ religionis desertore, patre Græco genitus, ab ineunte ætate prædo immanis, & publicus humani generis hostis extiterit. Quum hæc efferentur Hariadenus facile intellexit quàm importunè abesset Habraimus, cuius amicitiam exquisitis officijs, annuisque muneribus colere erat solitus. Is eo tempore ad Persicum bellum profectus in Comagena ad Alepum hyemabat, Euphratem ad prima Veris signa traiecturus. Solymanus tamen per Aiace & Cassimum Bassas respōdit, eius suscipiendi negotij summam ad Habraimi iudicium deferendam videri, quod eius præcipue hortatu suasuque è Mauritania esset evocatus. Proinde si quid impetratum vellet, ad

eum in Syriam proficisceretur, ut ex eius autoritate atq; sententia, quæ in rem forent decerni atq; apparari possent. Eo modo in Syriam reiectus, quanquam non obscuro repulsæ nomine existimationis suæ iacturam facere videretur, id tamen dissimulanter tulit, atque eò terrestri itinere omnino pervolandum esse iudicavit. vir enim novi belli noviq; imperij maximè avidus, neque ætati neq; labori parcendum putabat, quominus Amani montis iuga, vel tum obfessa nivibus, transiret. Erat tum Alepi Habraimus: is singulari cum honore susceptum, & in colloquijs de genere atque ordine gerendi belli occupandaq; Africa differentem, ita admiratus est, ut neminem eo peritius atque felicius, managesturum bellum arbitraretur, Solymanoq; demum rescriberet, in Hariadenon ingenium vigere omni bellicæ virtutis laude cumulatam. Propterea ipsum rectè facturum, si in gravissimis consilijs ei viro fidem adhibeat, honoris causa inter Bassas annumeret, atque ei universæ classis imperium tradat. Eo modo Hariadenus Habraimi mirifica voluntate Solymano commendatus Byzantium redit, suscipiturque propensissimis animis: nam tanta erat autoritas & gratia vel absentis Habraimi, ut omnium planè voluntates sermonesq; adulatione vel metu ad nutus eius tanquam ad summa imperia verterentur. Advexerat secum Algerio Hariadenns Roscetem Pœnum, Muleasis, qui Tuniæ imperabat, regis fratrem, pulsum domo aliquot ante annis, & ex calamitate ad se profugum, uti mox dicemus. huic facile persuaserat, ut unà Byzantium veniret: fore enim ut se authore duceq; à Solymano in paternū regnum reduceretur. Itaq; hoc Roscete in occasionem Africani belli purpuratis ostentato, multisq; de suscipiendo bello disputationibus habitis, ad Solymanum introductus, in hanc sententiam verba fecit: Quod Ottomannis Cæsaribus ad supplicandum ingredientibus templum, præclara voce precari sacerdos solet, id unum & ego tibi precor, Solymane, scilicet ut memineris, progenitores tuos hoc tibi imperium, quo nemini maius atque opulentiùs dii dederunt, iustitiæ & pietate peperisse. hac enim via euntes nusquam sefellit Fortuna, & tu hæcenus ita institisti vestigijs, ut facile supra eorum nomen & gloriam sis provectus, quum inter tuos iustitiam coleres, & quod veræ pietatis est munus, adversus religionis nostræ hostes bella continenter gerenda, æternæ spe laudis incensus arbitrareris. Itaque captum est Taurunum, expugnata Rhodos, trucidatus in acie rex Hungarus, bis evastata incensaq; Germania, adeo ut Carolus, quem tibi Christiani imperio & virtute parem volunt, quum ingentibus nationum ferè omnium auxilijs niteretur, armorum tuorum strepitu terræfactus pugnam detraxerit. Sed quoniam ulla imperia quantumvis ampla, aut ullæ vel perillustres victoriæ, nec excelsi animi magnitudinē implent, nec gloriæ satietatem adferre possunt, idcirco adversus Parthos, Persasque victoriciæ signa præmisisti, ut æ gentes, quæ à divinis legibus impiè defecere, expiatae veluti sacris armis, & deniq; victorijs tuis lustratae, ad antiquos religionis ritus revocentur. Sed sit hoc tibi vel incepto, vel exitu maximè decorum atque magnificum, modo mihi liceat in armis atq; periculis seni factio, ea commemorare quæ expediant, & deniq; ea quæ longo usu didici ad ampliorem augustiorēq; tui nominis gloriam aperire, neq; à me hoc ambitiosius dici, fortasse interpretere. satis enim superq; Fortuna rebus meis favit, quæ me domi inopia pressum, et ancipiti cum spe eius flatibus vela dantem, ad multas victorias amplasque opes, & denique ad regium nomen evexerit. Verum super hæc nihil in ih

mihi melius dare Dñi potuerunt, quàm ut ad te venirem, & de gravissimis rebus differendo in consilium adsciscerem. Nam id quo nihil in rebus humanis bellicisque præsertim utilius atque præstantius dari potest, consilium fide & rerum experientia plenissimum dabo, & quanquam senes nihil ultra adferre posse videantur, tamen in vegeto corpore robustæ vires adhuc supersunt, ut fortem operam in omne maris terræque discrimen æquè præstare ac polliceri queam. Huic autem uni curæ ab adolescentia dies noctesq; invigilavi, Horucij fratris viri fortissimi consilijs ac sensibus inhærens, ut nostræ religionis terminos proferrem, Christianos terra mariq; persequerer, & nihil maius optarem, quàm ut tuæ classes copiarq; studij atq; opibus meis adderentur: & deniq; dux aut certè signifer, quando melioribus parere non piget, auspicijs tuis efficerer. Cuius voti si me Dñi compotem fecerint, brevi tota Africa Hispani depellentur: Mauros ad Beticæ vetus imperium in Hispaniam traiecisse audies: Pœni & Numidæ tibi parebunt, et ut Sardiniam Corsicamq; omittam, Sicilia nostra erit, ea occupata, Italiam fame enecabimus, & undiq; classibus aggrediemur discordia principum laborantem, infirmam disiectis viribus, & quantum ad eius partem Siciliæ & Macedoniæ proximam attinet, qualibet conditione servituram, modo Hispanorum iugum excutiat. Noli enim existimare, eas opes, cumq; in Italia esse consensum quæ fuerunt, quum Hydrunte capta, non Italiam modo, sed cæteris etiam populis maximum terrorem intulit proavus Mahometes. Is enim successu eius belli, ad quod sustinendum vix universi Christiani principes suffecerunt, haud dubiè urbe Roma potitus foret, ut occidentis ac orientis imperia secundum ius & equum vetere sua augusta sede iungerentur. Sed ille ab humanis repente discessit in cælum raptus, scilicet ut hoc tibi, sicuti fata sydera que promittunt, consummate virtutis opus relinqueret. Nec te hac iniecta spe summi inusitatieque triumphii vel interpello vel demoror, quominus in orientem contendas veteres impiosque hostes, & ultima supplicia meritos armis persequare. classis enim mihi erit satis, qua tibi minime est opus in mediterraneis regionibus bellū gerenti, ut dum tu Asiam subigis, ab alia parte ipsa Africa, quæ est tertia pars orbis, in potestatem redigatur. Ante omnia autem pellendus est Tuneto Muleasles inexplibili avaritia, fœda impotentiq; libidine, immani q; sævitia, dijs atq; hominibus invisus, qui duodeviginti fratribus per insidias interfectis, aut quod ipsa morte acerbius videtur, præusto oculo crudeliter occæcatis, ita regnat solus, ut neminem sibi vel consanguineum vel amicum reliquerit: nam animo tam ingrato quàm perfido paternos etiam amicos, qui ipsum insigni studio ad regnum extulerunt, ut gratiæ merita celeriter exolueret, ad unum omnes iugulavit, cum hac bellua nobis res erit, quam quum nemo amet, facile omnes oderunt: Numidæ quotidianis incursionibus exagitant, quorum iniurias ita sustinet, dedecore, ignavia, et metu infamis, ut eas ferre quàm ulcisci malit: & hic semivir Turcas viros fortes in cathenis detinet, nec augustū nomen tuum, à quo humana divinaq; iura undiq; petuntur, planè agnoscit: & quod minime est ferendum, Hispanis ad Tripolim favet, ut Agis & Moses strenui duces Turcæ Taïorea urbe depellantur. Hanc feram uti unguibus ac dentibus exarmatam, vel ob id facile conficiemus: quoniam apud nos est Roscetes eius frater, Pœnorū omnium votis ac precibus expetitus. huius persona vel in speciem nobis erit utendum, ut res, quum copias ad Tuneti portas ostētabimus sine ullo omnino vulnere patrari possit.

Tui demum erit arbitrij statuere, quem Punicis rebus præesse velis, mihi certe satis imperij & gloriæ quæsitum erit, quum tibi debellatis hostibus e Perside redeunti maxima pars Africæ devicta pacataq; tradetur. Ex itinere verò quod privati muneris nomine me polliceri iuvat, enixè dabo operam, ut suas quoq; clade lugeant Christiani, atque Auria si occurrat, suis maleficijs non diu exulet: hunc enim unum uti verum propriumq; hostem, vel à cladium acceptarum memoria, vel æmulatione gloriæ persequendum mihi desumo. eo autem oppresso tibi uni maria patebunt, & mihi crede, qui victor mari evadet: facile etiam terrarum imperia tenebit. At Solymanus qui excellentum principum more, gravi aure excepta ad animum transmittere, perpendereque cuncta, ac ingenti demum iudicio consilia terminare erat solitus, collaudato Hariadeni studio; consilium dimisit. Nec multo post in sententiam Habraimi decretum est factum, ut Hariadenus tribus Bassis, qui est supremæ dignitatis honor, quartus adderetur, essetque ei summum maris imperium, ita ut insulæ, portus, urbes, populique maritimi ei parerent, ius ei fasque esset quos veller, ubique vellet, remiges, nautas, milites conscribere, & in naves compellere. His promulgatis Solymanus postridie Idus Maias ei vexillum, sceptrum, gladiumque de manu tradit, monet ut promissis insigni facinore edito fidem præstet, eumque regia egressum Ajax & Calsimus Bassæ, ipseque prætorij præfectus celebri pompa prælatis novi honoris insignibus ad navalia deducunt, octiesque ei centena milia aureorum nummum in bellicos sumptus ex ærario depromuntur: attribuunturque ei ex ordine prætorianorum Iannizeri circiter octingenti, nec multos Byzantij moratur dies, classeque octoginta triremium atque aliquot biremium armis, viris, & comeatu abundè instructa, Hellesponto egressus in Italiam cursum intendit, relicto cum duodecim triremibus Amuraterriarcho, qui Solymanum eiusque exercitum ad Persicum contendente bellum ab Europa in Asiam transportaret. isque demum omnibus transvectis, Hariadenum ad Methonem est consecutus. Quum improvise adventu Messanæ fretum transiret, Mamertini ad arma conclamantes urbi portuique magnopere timuerunt, sed prætervectus Hipponiatem sinum in Brutiorum ora sancti Lucidij oppidum invasit, id olim Tempa dicebatur, impositum rupi, quam mare despectat, & muro haud temerè munitum, sed is à terra subeuntium Turcarum impetus fuit, ut deiectis propugnatoribus diu defendi nequiverit, eo maiore incolarum calamitate, quod nemo fuga est elapsus, quum prætor in ea trepidatione averfam ab hostibus portam diligentius reconditis clavibus obsiderasset. Inde ingenti omnis generis rerum ac hominum potitus præda, ad Citrarium contendit, ubi classem ædificari à captivis didicerat, id uti vacuum incolarum fuga statim est incensum, atque eodem igne septem triremes, imperfectis adhuc puppibus & foris concrematae. ubi verò à Capreis supra Neapolim universa classis in conspectum est data, adeo terribili spectaculo totam eam oram conterruit, ut plerique affirmarent, si hostis expositis copijs ad mœnia repente successisset, Neapolitanos in subito metu ægrè urbem fuisse defensuros. Eo cursu ad Prochitam provectus oppidum cœpit, arcisque exiguae custodibus sub fide se deditibus libertatem reliquit, & quum in Caietæ portum noctu invehere tur, ita ad Speluncam superato promontorio cursum deflexit, ut occupandæ Caietæ occasionem parum naviter prætermisisse crederetur: nam & presidium urbi arcique exiguum erat, præsertim repentino nocturnoque in metu, & Caietana juven-

na iuventus assueta maritimis quæstibus, & in prædijs occupata ab urbe per
 eos dies aberat. Spelunca oppidum extremis Fundanis montibus adiacet, qua
 desinentes rupes plagæ maris planiciem excipiunt, ex ruina quondam antri
 Tibetij Cæsaris insigni periculo in historijs Cornelij Taciti celebratum. Spe-
 luncani inexpectato appulsu tantæ classis territi vix tentata defensione animos
 desponderunt, ingressusq; hostis circiter mille & ducentos imbellis maximè
 sexus & ætatis cœpit. Refugerat in arcem Pelegrinus, qui inter Speluncanos
 divitijs eminebat. Hunc Hariadenus monuit, ut sese dederet, nec vim experia-
 retur, id si extemplo faceret, integra fide liberum futurum: si conaretur sese at-
 que arcem tueri, brevi stultæ pertinaciæ pœnas crudeli supplicio atq; incendio
 oppidi protinus daturum. nec ille metu exanguis diu cunctatur, quin spem vi-
 tæ vel in barbara fide certè propè exitij periculo potiore ducat: ita egresso in-
 litus, & ad genua procumbenti concessa libertas, & quod fuit humanitatis,
 uxor, filius et neptis inter lachrymas præ gaudio utrinque manantes restituti.
 Eadem quoq; nocte ad duo millia è Turcarum classe per asperos vepribusq;
 impeditos colles ad urbem Fundos, decem inde milibus passuum pervene-
 runt: uti creditur ducibus indigenis ex eorum numero, qui superioribus annis
 mari capti, tædio præduræ servitutis ad Mahometis sacra defecissent. Ea ve-
 rò ad volantium & refringentium portam celeritas fuit, ut Julia Gonzaga
 Prosperi Columnæ quondam nurus vix spacium sit nacta, quo seminuda iu-
 mento imponeretur, atque inde iam conspectis hostibus ad montes se prori-
 peret. Ferunt Barbarussam, uti ipse postea minimè diffiteri est visus, eam cum
 admirabilis formæ tum virtutis fama florentem capere cupivisse, ut Solyma-
 no dono daret. Cæterum Fundani cæduntur, atque omnes ferè capiuntur. fa-
 cit & deditionem Stecatus prætor imbellis, qui cum turba mulierum in tur-
 rem confugerat, quum succensis iam foribus & barbarorum clamore, & fœ-
 minarum eiulatu terreretur. Turre in potestatem redacta Turcæ ad spolian-
 dum sanum conversi, sepulchris Columniorum procerum ornamenta detra-
 hunt, vexillaq; item militaria picta auro dilacerant, onustiq; præda ad classem
 revertuntur. Alia quoque triremium manus Tarracinam divertit, ibi quoque
 populo ad montes fuga elapso, in templa sævitum, in validique senes, & ægri
 aliquot in lectulis trucidati. Is terror à Privernatibus properè Romam deia-
 tus, ita consternavit omnium animos, ut si hostis eo impetu ad Ostiam esset
 provectus, tota civitas sese in Sabinū, Etruscumq; agrum effusura crederetur:
 nam neque Clemens tum gravissimo conflictatus morbo, consuli poterat, ne-
 que amplius omnino quàm centum viginti spiculatorum Germanorum, &
 quadraginta septem levis armaturæ equitum præsidio, quo tum principis atq;
 prætorij custodia stetit, publica salus nitebatur, nec ullus erat cum peregrinis
 & inquilinis Romanorum consensus, quum quisq; privatis potius quàm pu-
 blicis rebus studeret. Coivère tamen in eo periculo Cardinales, & effractis æ-
 rarij repagulis ex autoritate senatus Hippolyto Medici Cardinali pecuniam
 deprompsère, ut tuendæ oræ maritimæ curam susciperet. is alacriter cohör-
 tes conscripsit, sed eas, uti in subitario delectu accidere solet, ex pessimo & in-
 condito hominum genere, adeo ut per summam iniuriam Privernatibus ex
 itinere cæsis atque direptis, oraque Pyrgensi & Tarquinienfi scedè vexata, nul-
 lo pudore in hostilem rabiem animos vertisse viderentur. Porro Barbarus-
 sa vetere consilio suo innixus, quum statim in Pontias aquandi causa diver-

tisset, in Africam traiecit, tanta usus celeritate, ut prius eò pervenerit, quàm ab nostra ora discessisse crederetur: voluit enim ea diversa navigatione fallere Muleassem, ut imparatum opprimeret, & ipse antea famam simultanter ediderat evastandæ Italiæ, Liguriæque præsertim & Hispaniæ, vindicandis scilicet iniurijs, quas Auria Coroneis atque Patrensisbus intulisset, ita ut non omnino inani coniectura, postquam Messanæ freto superato Italiæ litora legere, & cuncta urere cœpisset, Liguriam, ac demum Hispaniam invasurus esse putaretur. Et Veneti quoque Muleassi & Pœnis aliqua ex parte timorem minuebant, quum validam classem instruxissent, quin is decumis ex sacris redditibus sacerdotum ordini, vel idægreferente Pontifice, impositis, ut ex ea pecunia remigi-^{to} bus stipendia præberentur. Quid enim petente Africam Hariadeno, Venetis opus esse tanta classe: præsertim quæ tanto sumptu & tanta cum invidia pararetur: profectò summæ prudentiæ homines, qui Turcarum consilia Byzantij diligenter explorare & excipere essent soliti, pro certo cognovisse tot tre-^{mes} adversum Auriam comparari, ut pares & duplicatæ clades Christianis redderentur. Ad hæc quoque Muleasses per speculatores didicerat Roscetem fratrem, quem maximè metuebat, Byzantij in libera custodia esse relictum, veluti aliena tum ab Africæ rebus expeditione suscepta. Neque enim ullis armis validius se peti atque invadi posse existimabat, quàm productoregniæ-^{mo} mulo, in quem ex conscientia scelerum suorum omnes propè Pœnorum or-^{to} dines & Numidas inclinatu-^{to} ros appareret. Sed quoniam ad hunc locum est deven-^{to} tum, opere preteritum erit paucis enarrare, quæ de Muleassis imperio, moribusque Pœnorum didicimus: nam multa digna cognitu, quæ diu solis mercatoribus comperta fuere, nobis scribentibus victoria Cæsaris aperuit. Africam Romani ever-^{to} sa Carthagine, sublatisque regibus propter agrorum ubertatem multis eò deductis colonijs excolendam atque illustrandam suscepere, tenuereque eam proconsulari imperio usque ad Vandalorum adventum, quos in contumeliam Romani nominis immani rabie sævientes Belisarius devicit atque delevit. Inde facta est provincia Græcorum imperatorum, à quibus in eam quotannis duces & præsid-^{to} es mittebantur. Postremo eam invalescente Mahometis secta, Saraceni e Syria, Aegypto, Arabiaque inducti religionibus tanta vi invaserunt, ut puls-^{to} is Christianis, investaque & late propagata superstitione in Hispaniam usque victores transcenderint, & quum Afri, Numide, Mauri, & denique omnes Pœnorum gentes nova sacra facile suscepissent, in Illiberi-^{to} Beticæ regia urbe, quam Granatam nostri vocant, posita est Maurorum sedes, & Cordubæ gymnasium cum celebri bibliotheca constitutum, ubi Arabicarum literarum professores, iuventutem docendo, excipiendoque inter morientes apud Græcos optimarum scientiarum atque artium disciplinas cum insigni ingenio-^{to} rum gloria floruerunt. Nihilo secius & in his militare studium enituit, adeo ut quum diu cum Oretanis Celtiberis, & Carpentanis esset dimicatum, à Mira-^{to} molino irrumpente penè omnis Hispania Punicis armis cesserit. Sed post sexcentos demum annos, ætate nostra Ferdinandi regis virtute obsessa, captaque Illiberi, omne Punicum nomen ab Hispania pulsum. Hac tempestate in Afri-^{to} ca opibus ac amplitudine imperij cæteris præstant Tunetani & Fessani reges: sed Tunetanis ab longa imperij vetustate, eximiaque stirpis claritudine authoritas maior & augustior: nam ab his sacra & iura omnia petebantur. supra Tuneta enim itinera trium dierum urbs est Carvenna, per antiqui templi reli-

religione, & sanctissimorum sacerdotum collegio maxime venerabilis, & ob id libera & immunis, in qua functi fato Maurorum & Numidarum proceres vel è longissimo terrarum tractu tumulantur. Quoniam persuasum habent eorum animas, quorum ossa sacrosancto eo in loco sita sint, uti purius expiatis, ad impetrandam cœlestis vitæ felicitatem illorum sacerdotum accuratiore cœrimonia superis efficacissime commendari. Imperium Tunetanum octingentis fere milibus passuum in ora ab occasu ad Orientem extendebatur: nam Bugæ, & Tripolis emporio & gymnasio claræ urbes, quas Navarrus in diversis regni finibus bello cœpit, Tunetanæ ditionis erant, quum & ea introrsus ad Æthiopum harenas usque pertineat. Porro Fessani in Tingitana Mauritania impositi Salæ amni, qui in Oceanum magnarum navium capax evolvitur, bellico apparatu & militaribus copijs antecellunt, egregie enim sustinent Lusitanos, cum quibus continenter bello exercentur, adeo ut triginta equitum milia in aciem educant, paratissimisque animis ac viribus litora tueantur: reliquas regiones urbesque reguli, quos Scecos appellant, circa oram præsertim possident. At in mediterraneis Numidæ uno nomine dicti Arabes vagantur, cum Afris bella gerunt, venalemque pacem habent. his mos est belli causas excitare, alere controversias, semper armis exerceri, pecuariæ, colendique agri ministeria per servos obire, præsertim Æthiopes, quum se omnium gentium nobilissimos iactent, quod impermixti sanguinis ab antiqua Pœnorum origine progeniem ducant. Divisi in multa agmina à Nilo amne introrsus ad Atlanticum Oceanum extenduntur, & quum incertas sedes habeant, certis tamen pagorum finibus imperia præscribunt. Hyeme longius à mari ad Æthiopum fines recedere solent, tepore soli & clementia aeris invitati. Æstate vero ad vix dum maturas segetes revertuntur, ut alieni laboris fructum intercipient. Nemo apud eos præter paucos sacerdotes literas addiscit. neque enim adeo accurate, uti Mauri, sed simplici atque expedito cultu religionibus student: his haud dubie fide, integritate, virtuteque animi, et denique bello & pace meliores. Incredibile dictum est quam tenui convictu, & vires & valetudinem tueantur: nam ficu sicca, dactylis, pulricula, atque acido lacte convivium finiunt, tum vero epulantur, quum è venatione falconumque aucupijs, quibus maxime gaudent, prædam retulerint. Totius patrimonij eorum census est in equo pernici, quem seminudi egentissimique homines immenso parant pretio: nec mirum, quando vita & vigilia eorum omnis, si bellum desit, in latrocinij venationibusque consistat. Vxores adeo humiliter viris ancillantur, ut equos curent & insternant. Æstate pariter atque hyeme equites pellicea talari tunica utuntur, quod ea peregre sustineat ventos, & in magnis fervoribus soles non admittat, capiti lintheum intortis à mento spiris non indecens tegumentum, desilientes ab equis in clunes confidunt, parcuntque pedibus, ut vix exiguis spatijs obambulent. Plicatione vero assidua, contentioneque artuum, itemque frictionibus calorem excitant. Hac exercitatione procul à morborum cruciatu, medicinæque periculo ad summam perveniunt senectam: adeo ut fatalem horam minimè præsentiant, & læti evanescente potius quam intercepto spiritu, inter colloquia liberorum leniter expirent. Ex hac gente fuit Lentigesia Muleasis mater, virilis animi mulier, Doracis reguli soror, cuius ingenio virtuteque Maleasses adiutus & impulsus regnum arripuit. Nam Mahometes, qui multo luxu, & multa cum gloria triginta duobus annis

regnaverat, quum sibi vitæ finem adesse cerneret, Maimonem inter duos & viginti filios natu maximū legitimo iure regni hæredem scripturus esse videbatur, nisi Lentigesia corruptis pretio regijs satellitibus, maritum in supremis vitæ angustijs fatigatum precibus, dolisque deceptum prævertisset, ut in filium regi nominis Fortuna transferretur. Itaque Maimo qui paulo ante affectati regni suspitione ob præclaram bellicæ virtutis indolem à patre in carcerem fuerat coniectus, eo expirante dum è custodia ad imperium se proripere sperat, iussu Muleasis interficitur. Roscetes natu secundus, qui extra arcem cum uxoribus habitabat, comprehendi non potuit: cæteri fratres grassante Muleasse in suum sanguinem, barbarico more partim iugulantur, partim candenti ferro oculis admoto lumine privantur. In his fuere Barcha & Belthes atque Sactis stata ætate, & in spem imperij una matrum nobilitate procreati, qui quum Tunetum in ipsa Cæsaris victoria caperetur, ob eam calamitatem cum gravi probro atque invidia reducti Regis, apud nostros homines Punicæ sævitæ fidem fecerunt. Ex fuga quoque biduo post Laselles & Habramus, & cum his fratres quatuor vix dum puberes, in Bagrada amnetum fortè hiemalibus aquis latè inflato, trepidè vadum quærentes, Solax Numidarum dux interceptit, acceptoque pretio vir æquè venalis & sævus Muleasi ad supplicium tradidit. Porro cæteri omnium reliqui Roscetes & Abdemelech, dum supra Hadrumentum profugerent eodem penè casu, sed non iniqua sorte in Morhabitum inciderunt, à quo advoluti pedibus, & salutem suam regięque stirpis sanguinem commendantes, ita servati sunt, ut quum in Numida opulento generosi animi laus quæreretur, sævitæ tamen arbitrium Muleasi venditaret. accepta enim est traditionis merces, & interim illi uti deceptis custodibus ad Bentiensem amicum suum, ulteriorem Numidarum ducem opportunè emissi. Verum & apud hunc proditores passim grandi pecunia subornante Muleasse, alijs atque alijs petiti insidijs ad Biscarim urbem maxime mediterraneam recessere: ibi Abdemelech tædio tam ancipitis Fortunæ omni spe regni prorsus abdicata, sacratio in otio religionibus se devovit. Roscetes vero apud Abdalam urbis principem, & mox socerum adeo sollicitè atque accuratè ab omnibus Muleasis dolis est custoditus, ut etiam veneni metu, non alia temerè in convictu, quàm semesa ab se uxoreq; esculenta genero præberentur. Eo modo Muleasses paterno potitus regno, quum nemini ex regia sobole parcendum esse statueret, aliquot etiam pueros fratrum filios enecavit, paternosq; amicos Manisetem & Mesuarem in primis summæ authoritatis, quorū studio atq; ope Maimonem præoccuparat, varijs cruciatibus diu tortos & laceratos interfecit, quod præclari beneficij gratiā exolvere nollet, atq; eosidem aliquando contra se tanquā ingratum facile molituros arbitraretur. Deservijs & in aliquot novercas, impellente Lentigesia, atq; etiam cōcubinas patris nefaria crudelitate, quum ipse præposterus, & in mares proclivior in Mahometem patrem palam inveheretur tanquam mulierosum ac effœminatum, qui exhausto ærario ingentes fecisset sumptus, ut ducentę simul ad libidinem forminæ regijs in hortis alerentur, è quibus tot suscepisset liberos, qui in imperio æmuli forent, ob idque sibi in his occidendis pergrave & plenum invidiæ negotium reliquisset. & fuere qui existimarent patrem in supremo morbo, quū ex subita animi defectione ad spem vitæ sublevaretur, medicata potione à parricida filio fuisse necatum. Nec multo post Dorax, qui favente sorore delectus erat

erat Imperator adversus Mefchinem regulū Numidam peculiari nomine bellum suscepit: ab eo enim aliquot ante annis, vivo Mahomete, cuius gratia plurimū valebat, graves acceperat iniurias, et parte agri fuerat expulsus. Sed Mefchines præpotenti hosti facile celsit, uti imparatus & invalidus, scilicet ut coactis auxilijs ad propulsandā iniuriam dum hostis recederet, opportunè revertetur. Ea contentio utrinque vario belli eventu sæpius agitata, ad extremum regem ipsum in id bellum traxit, è dignitate sua existimantem, cepto semel bello non deesse, ac avunculi eiusdemque Imperatoris sui partes egregiè tueri, affirmante Lentigesia id totum Regio nomini ademptum videri, quod Dorax segniter aut cunctanter adiutus amitteret. Itaque Muleasse in Doracis castra cum magno equitatu & Turcarum mercenarijs peditibus profecto res cum habuit eventum, ut Mefchines profligaretur, & rex ardentius ostentato erga avunculum studio suo iam planè maturas segetes incenderet. Ea inusitatae ac immanis iniurię acerbitas quum frangere Mefchinis animum nequaquam posset, adeo vehementer permovit, ut eo adeunte, & tota penè Africa concitante singulos Numidarum duces, ingens & maximè periculosum Muleassi bellum sit conflatum, Roscetesq; à Biscari in spem regni sit evocatus, non uno tantum, sed proximo quoque regulo Numida, equites, arma, opes insigni studio adversus Muleassem conferente, quum quisque nisi omnes in unum icto

10 fœdere consentirent, Mefchinis exemplo rebus suis timere cogeretur. Contulere cum Mefchine consilia, copias & opes, Vlethes Iacob, atque Morhabitus clarissimi Numidarum duces, Rosceteque à Biscari educto, & regijs insignibus adornato, castra facere non longè à Bechia urbe, quæ itinere unius diei à Tuneto distat. Ea adventantium hostium fama Muleassem quanquam suo

20 pre ingenio pugnacem, sed tum solito timidiorē factum, & ex scelerum conscientia sibi diffidentē magnopere conterruit. verum is non minus astu quàm sævitia insignis adeo egregiè metum dissimulabat, ut compressis diligenti portarum custodia de Rosceterum oribus, festa hilaritate nuptias Amidæ filij celebraret, universoque populo solenne epulum præberet, & singulis tribubus

30 præter id novum munificentia genus, esculenta omnis generis congiarij nomine largiretur. Numidas verò propinquos, & Pœnorum optimates varijs artibus & donis sibi conciliarat. At ubi Roscetis adventus diutius occultari non potuit, vexilla, arma, tormenta ex arcē proferre per Doracem, Numidas quos poterat mercede conducere, ex Afris equites & pedites conscribere, obsecrare prædones Turcas, ut accepto stipendio pro se militarent. erat enim ea

40 tempestate ad Tunetum tantus piratarum concursus, quum ibi cunctis huiusmodi generis hominibus tutissimus esset receptus, ut ea urbs Turcarum colonia videretur. Cum his antea Muleasses certo fœdere pepigerat, ut captivorum prædæque omnis pars quinta in fiscum referretur, magno quidem suo

quæstu, & Tunetanorum emolumento, adeo ut sibi nullum omnino ex tot urbibus vectigal atque portorium vel uberius vel certius esse censeretur: sed his proventus, uti ab hostibus humani generis iniuste atque impie quæsitus, non multo post Tunetanis, uti mox dicetur, dignam sæva atque avarissima gente peperit calamitatem. Quum Roscetes appropinquaret, qui superato Bagrada amne in profluentis ripa cum Vlethis filia epulante exercitu nuptias celebraret, Dorax ante portam urbis, quæ ad Bardeos desert hortos, in acie constitit, Muleasse degeneri animo arcis mœnibus se tenente, cum eo erant

Solax, & duo fratres reguli cognomine Benaones, cum septem ferè milibus equitum Numidarum, magnaue Afrorum peditum multitudo, & in quo ab virtute, & disciplina, genereque armorum firmisimum erat præsidium Caradinus Turca, cum delecta cohorte sclopettariorum, & septem curulibus tormentis; his accesserat ala prætoriana Christianorum equitum, qui ex reliquis veterum expeditionum in Africa remenserant, et ob virtutem in honore habiti vxores duxerant, & nihil intereunte sobole & disciplina, extra meridianam portam in oppidulo Rebatto, à quo ipsi Rebatini dicti, templa, & domos, & familias habebant; quum Tunetani reges vetere instituto salutem suam externis & Christianis tutius quàm Mahometanis & Pœnis committendā existimarent. Prouolauit ante alios Meschines, proprius Doracis hostis, cum quatuor milibus equitum: hunc Morhabitus cum ampliore agmine continenter est subsecutus: Vlethes ipse postremam veluti subsidiariam progressis & pugnam ineuntibus cum Roscete aciem tenuit. Restitere aliquandiu regi, Dorace primos impetus fortiter sustinente, sed Morhabiti vim, non tulere Benaones & Solax; quum vndiq; perturbati, & cum multa cæde præcipites acti in fugā verterentur: defuit spatium Caradino ad dirigenda tormenta, nā repentini hostes obliquo alarum flexu non in frontē, sed in transuersos incurrant, tantusq; eo tumultu excitatus erat puluis, vt in incertum tormenta emitterentur, nec planè dignosci posset, utrā in partem prælii Fortuna in eo maxime turbulento & confuso certamine victoriam inclinaret. Constat ab ea pulueris nube occupandæ portæ, & ingrediendæ vrbis facultatem Meschinianis fuisse reaptam, quū rarefcente sensim desidenteq; puluere, & patefacta regionū strage, et fuga Rebatini primo equites, & demum Caradinus densata cohorte, sed amissis tormentis ad portam serecepissent, atq; eam simul atq; urbem conglobato præsidio seruauissent. Roscetes cruentiore quàm pro more gentis potius victoria, sed vrbe exclusus, quum nemo ex Tunetanis se comoueret, nullusque omnino vel à timore, vel à seditione, vti futurū putarat, in vrbe tumultus oriretur, ad proximam regionem quam Martiā vocant, deflexit: ea est circa magnæ Carthaginis ruinas omnium rerum copia & fertilitate, multisq; puteis & fontibus abundans, & pulcherrimis villis ac ædificiis frequens. Ibi circiter viginti moratus dies, quum frustra expectando vrbanos motus nihil proficeret, vel populantibus cuncta Numidis in oculis Tunetanorum, vt grauiore tandem periculo damnoq; eorum animos aduersus Muleassem concitaret, totum id oliuetum immani crudelitate succendit, quod summa pariter amoenitate atq; vbertate conuestitis collibus à summa arce Carthaginis ad Tuneti vsque moenia protenditur. Ferunt nullum vnquam vel obsessæ, vel bellica clade afflictæ vrbi, eo acerbius ac luctuosius spectaculum extitisse: exurebatur enim continenti incendio suburbanus ager, miseras suas omni populo è muris magnis eiulatibus deplorante: Sed conturbatis ac incensis indignitate tam immanis iniuriæ ciuibz rex aderat, consolando ac adhortando, vt eam calamitatē equis finis animis ferrent; se enim ea detrimenta singulis præsentī pecunia liberaliter exoluturum, & daturū operam vt comparatis maioribus auxilijs, Meschinis, atq; Morhabiti. & Vlethis prædia ad eorum prædam effusa populatione vastarentur. Nec multo post quū Tunetani supra præstitæ fidei sacramentum, & portas externo milite custoditas, efferatos iniuria animos à Roscetis studio penitus auertissent, Numidæ dilabi, quod eis post confectum prælium minimè probro

probroadatur, atq; Roscetem ut longè secederet, servaretq; se felicioribus consilijs monere cœperunt. At ipse quum alij atq; alij suspensum & nutantem in diversa distraherent, Numidarum perfidiam, & fraternas insidias timens, eo animum inclinavit, non improbane Vlethe socero, ut Algerium ad Barbarullam confugeret, scilicet ut illic ultiores spēs suas ad invadendum paternū regnum securius atq; nobilius agitarēt. Eo modo apud Turcam iam tum latē subactis finitimis regulis dominantem, aspirantemq; ad imperium totius Africę, in cultu propē regio permansit usq; ad id tempus, quo Byzantium, uti diximus, est devectus. Is Punicarum rerum status erat, quum Hariadenus Pontia profectus perpetuo cursu ad Bisertam improvisus appulit classem. Bisertani & tædio Muleasis, & sua mobilitate impulsī, audito statim Roscetis nomine Turcas oppido recipiunt, præfectumq; repugnantē oppido expellunt. descenderant enim Hariadeni iussu aliquot Afri familiares comitesq; Roscetis, qui eum adesse, sed prodire non posse nunciabant, fatigatum scilicet nausca læessente atq; accedente febricula mentientes. Adiacet Biserta piscosi stagni faucibus, per quas subiectum mare statis suis æstibus irrumptit, & infusum aquæ dulcissimè exorbetur & emittitur, efficitq; portum lato alveo, vel magnis navibus cōmodum, ab Vtica triginta ferè passuum milibus distantem, ab antiquis à circumfluente lacu, qui olim Tritonius fuit, Hippodiaritos appellata.

Collaudatis Bisertanis Hariadenus, utpotē qui cōsiliij sui summam in una maxime celeritate reponebat, classem celeriter eduxit, prætervectusq; Vticam & Carthaginis promontorium, eius turris atq; munitionis, quam Gulettam nostri vocant, in conspectum se dedit, ita ut eam displosis omnibus tormentis in lætitiæ atq; amicitiae signum de more salutarēt. Gulettani custodes quū salutem redderent, amicē et graviter responderunt, se in eius potestate statim futuros, qui Tunetanæ urbis imperio potiretur, iam ab excelsa Tuneti arcē cōspecta classis, & à Biserta totisq; litoribus frequētes nunchi ingentē in urbē tumultum excitabant. Erat enim civitas erecta in expectationem novi regis cū ipsius Roscetis amore, quod mite & liberale ingenium præ se ferret, tum odio Muleasis, quē avarē & crudeliter imperantem aliquot iam annos in luctuosa servitute pertulissent. Nec ipse adeo famæ suæ erat ignarus, ut alienatos ab se civium animos nequaquā intelligeret, nec præsentiret, quā parum spēi in populi studijs esset reponendum, quum principū civitatis ora atq; oculos intueretur. Erant enim Tunetani vel ob id ei vehementer irati, quod uti Roscetis bello solenni pronuntiatione fuerat pollicitus, nequaquā eorum inopiam liberalitate sublevasset, qui exustis atq; evastatis olivetis, & villis dum cōstanter ei studerent, miserabilem carissimarū rerum iacturam fecissent. Itaq; egressum arce, & in foro concionantē deseruerunt, quum ea præmia, si pro se arma caperent degeneri vultu polliceretur, quæ nec incolumis & victor præstare posset.

Monuere quoq; restitantem adhuc nonnulli, specie amicitiae, & in his Abdahar (Gerebat is tum magistratū, qui Mesuar appellatur) ut cederet Fortunę, ex temploq; profugeret, & tum fortē de adventu Turcarum rumor increbuerat, quæ res per se pavidū, & ex merito insidias undiq; timentē, destitutumq; à civibus in fugam concitavit, adeo turbata mentis ratione, ut in arce aurū & gemmas, et regia ornamenta relinqueret, occultata scilicet secretioribus latebris, ut his demum hostis potiretur. Primi omnium duo Hispani abrupta sacramenti fide a Muleasse ad Hariadenum defecerunt, Abezes ex Granata urbe, is erat in

magistratu qui dicitur Monifetes, & Fetuches Tarraconēsis, qui custodiē arcis erat præpositus. Hic Roscetes uxorem liberosq; eius, qui a Muleasse in custodia se tuabantur, statim eduxit, & regio cultu ornatos in folio Muleassis constituit: Mosesq; item, et Caradinus, & Agis prædones Turcæ detractis catenis exsolvuntur, vt cū aduentante rege, Hariadenoq; his dono oblatis, eximiū sibi gratiæ locum pararent. Abezes autem phaleratum insignem equū Hariadeno misit, quo in urbem adueheretur; itemq; alios trierarchis & ducibus distribuēdos, hortatusq; est vt maturaret: egregia etenim voluntate Tunetanos, vt eū susciperent, sese obuiam ad apertis portis effusuros. Nec mora Hariadenus expositis in terram copijs, conscensoq; equo cum quinq; milibus Turcarum ad eā portam¹⁰ peruenit, quæ stagno atq; naualibus est coniuncta, ab ea ad aduersam vrbs partem, vbi amplissima & edita arx in tumultū exurgit, lata & oblonga regio pertinet, officinis rerum venaliū frequens, & mercatorum porticu conuentuq; percelebris. At Tunetani quū Hariadenū per mediam urbem ad regiam contendentem, magnis gratulationibus excepissent, & in perpetua Turcarū acclamatione nihil præter Solymani, aut ipsius Hariadeni nomen audiretur, cōmoueri vehementer perturbariq; cœpere, incensis scilicet dolore animis, quod Roscetes nusquam compareret, diu frustra oculis requisitus expectatusque, vt eger tādē lectica aut nauigio ad urbem subueheretur. Auxere tumultum Rascetis familiares nequaquā sponte Byzantio aduecti, qui nullo metu contineri poterant,²⁰ quin mœsti oblatis veteribus amicis summissē dicerent, Roscetem frustra expectari, qui Turcarū & Hariadeni fraude in Asia et in catenis quidem esset relictus. Ii etenim natura Punico nomini fauere cogebantur, magnoque cum dolore perfidie ignominiam animo sustinebant, quū speculatorū munera obire apud suæ nationis homines & ciues, seruireq; immanibus piratis metu mortis, & patriam prodere maximē turpe & flagitiosum putarent. Eo modo detecta fraude Tunetani frementes ira circa forum conglobantur, concitatis ducem se præbet Mesuar, quem antea diximus, authoritate, spiritu, & eloquentia Pœnorum facilē princeps. Is dudum nobilioris gratiæ locum apud nouum regem quærens Muleassem repentino Turcarum aduētū perturbatum,³⁰ & ab amicis opem, fidem, fortemque operam implorantem, non modò contempserat, verū difficultates atque pericula verbis adaugendo, hostili plane animo egerat, vtille vrbe atq; arce protinus excedere properaret. Tum vero sua spe deceptus, vti erat mobili ardentiq; ingenio, reuocare Muleassem, & Turcas in arce obsidere atq; oppugnare statuebat. Itaq; ad populum ad arma consternatū ab altiore porticu conuersus, magna voce, Nefaria, inquit, fraude decepti sumus fortissimi ciues, Roscetes enim quem pro legitimo rege expectatis, in catenis Byzantijs calamitatē suam luget, nos verò nisi pro libertate ex templo captis armis enitimur, externis prædonibus perpetuò seruiemus. expediti consilij & festinatæ operæ occasionem præsens negotium vobis ostendit,⁴⁰ proinde qui seruire & venūdari nolunt, correptis repente armis Turcas inuadant: dux ipse vobis adero, vt publico consilio fraudem vlcisci, & patriā & libertatem pro dignitate Punici nominis tueri videamur. Nec mora omnes ad arma conclamant, repentino impetu Turcas inuadunt, obuios ac nihil timentes obtruncant, attollitur vndique clamor, magno tumultu arma proferuntur, Muleasses reuocatur, qui cum Dorace ad Restabianos hortos substiterat, ciuium ingenijs diffidens, sed tamen retentante matre euentum expectans. Et

rat Tunetanorum valde ingens, sed incondita nequaquā militaribus instru-
 cta armis, quæ vix sustineri posset, nisi vecordi impetu potius, & præcipiti te-
 meritate, quàm periti ducis imperio, & disciplina regeretur. Itaque concursu
 undique facto ad arcem contendunt, advolantq; ad id propugnaculum, quod
 ascensu facilius esse videbatur, portamque habebat pertinentem ad oppidum
 suburbanum, Babasvechum ab Tunetanis appellatum. In eo Turcæ vexillum
 præfixerant, ac inde fortiter ac intrepidè propugnabant: sed scandentibus A-
 fris atque omnis generis tela iaculantibus, ardentesq; faces coticremandis so-
 ribus itidem ingerentibus ægrè sustinere, & sese in retractiorem munitioremq;
 10 locum recipere cœperant, quum Baetius Hispanus, quem abiurato religionis
 cultu Turcæ Ramadam vocabant, tormentum æneum in editiorem arcis spe-
 culam, expedito consilio, ingentique celeritate impulsus humeris militum at-
 que eductum, in confertissimos hostes emisit. eo ictu multorum strages edita,
 & multo maximus ceteris illatus est pavor, quum ab tota etiam muri corona à
 sagittarijs peterentur, & quod maxime terrebat, sclopettorum glandibus ster-
 nerentur. Deerat Hariadeno temporis spatium, quo cōsiliū in re subitā op-
 portune caperet, & quid fieri uellet, militibus imperaret: nam & hostiū, quos
 pacatos putabat, repentinus incursus, & situs arcis nondum planè oculis col-
 20 lustratus, & com meatus, qui vix triduo sufficeret, ex penu atq; horreis renun-
 ciatus, etiam egregiè constanti, & in summis asperrimarū rerum periculis sepe
 versato perturbationem afferebant. Sed hunc timorem cum singularis furen-
 tium potius quàm pugnantium hostium imperitia, tum suorum militum spectata
 virtus magna ex parte minuebant, quū & n̄ successu ipso, & protractione præ-
 lii, magis spe atq; animis confirmati propugnarent: illi verò quod primis ausi-
 bus fortuna defuisset, in periculoso atq; irritō conatu conspecta suorum strage
 & vulnere fœditate, iam planè concepto metu frangerentur. Verum Dorax
 cum ala equitum Numidarū, & ipse Muleasses reversi, provectiq; per Baba-
 svechum suburbanum usq; ad portam, vel nomine ipso & clamoribus oppu-
 gnationē iam bis intermissam atq; redintegratam adiuvaant. In ea rerū asperi-
 30 tate Halis Levanus ē Malacha Bætice urbe, qui ad Mahometis sacra defecerat,
 vir belli peritus, utpotē qui in Navarri & Piscarij castris in Italia aliquot annis
 militasset, cōversus ad Hariadenum: Eruptione, inquit, nobis est dimicandum,
 si arcem defendere, ac omnium salutem recentemq; nominis tui dignitatē tue-
 ri egregiè volumus. si cominus enim collato pede manus conferantur, non fe-
 rent nostrorum impetum, qui nunquam aciem verorum militum viderunt, i-
 nanisque audaciæ protinus pœnas dabunt, quum nec in servitute nequissimi
 regis pacem pati, nec in ipso quietis ac otij limine, authores acceptæ libertatis
 grato animo ferre voluerint. Quum Halis sententiam ferē omnes lauda-
 rent, & in primis Moses & Agis, viri fortes, quos custodia eductos fuisse dixi-
 40 mus, atq; item Haidinus Smyrneus, cui Cacciadiabolo cognomen fuit, inter
 piratas longè fortissimus, comprobante Hariadeno, et prælii signū dante, dua-
 bus portis erumpunt, circumventos ab diverso latere trucidant, insignis tribus
 in locis editur pugna, magna vis inermium Pœnorum interficitur, et ipse Me-
 suar glande traiectus cadit. Tum verò ab oppugnatione discedit unaqueq; tri-
 bus pulsa loco in suam regionem. Instante demū præmenteq; Turcamilite, in
 plateis & compitis cruento maxime prælio aliquot horis est decertatum. Ad
 extremum Tunetani superati, atq; intra domos compulsi, quum non pro rea

ge, sed pro vxoribus & liberis certaretur, inde Halis recepit suos, cæde, æstu
 fiti & multo labore defatigatos. Ferunt ea die supra tria milia Tunetanorum
 disiderata, vulnerata vero ad triplum. In eo successu Muleasles desperatis
 rebus ingenti cursu se proripuit, comitante, protegenteque Doracis equitatu.
 nam persequentibus Turcis, quum in tumultuosissima fuga ægrè sese inter
 hortorum macerías explicasset, parum abfuit quin in potestatem hostium de-
 ueniret. Dorax superato Bagrada animi in pacata loca suæ ditionis cum per-
 duxit, non longè à Constantina vrbe, aluitque eum liberaliter, & summa fide
 protexit, vsque ad Cæsaris aduentū. Constantina, vt literæ saxis ad mœnia in-
 cisæ manifesto indicant, Cyrtha Numidię regia olim fuit, distatq; à proximo¹⁰
 maris litore vbi nunc tenue oppidum stationē habet nomine Collum, colonia
 Cullu antiquitus appellatū. Ceterum ea nox, quę prælium & regis fugam secu-
 ta est, Tunetanis pariter et Turcis insomnis fuit, actæ nanq; summa cura vtrin-
 quę vigile, dispositis in muro pariter & ad arcis exitus armatorū cohortibus,
 sed dies pacem atq; otium vtriusq; attulit. Nam Pœni inter tot funera suorum
 & vulnera, vtpotè qui satis improspere virium suarum periculum fecissent,
 cæso Mesuarè, pacem quàm bellum malebant, præsertim quum rex ipse pro
 cuius imperio ac dignitate certabatur, opibus atque animo fractus in solitudi-
 nes effugisset. et id quoque Hariadenus impetrare cupiebat, non ignarus eam
 quam habebat militum multitudinem, pertenui copia commeatus vix triduo²⁰
 in arce posse sustentari, summeq; rei spem partamq; victoriã deuocare in aper-
 tum discrimen, si Tunetanorum animi desperatione veniã, aut vindictæ ra-
 bie inducti, accitis vndique Numidis et Afris, ad obsidendam arcem verteren-
 tur. Itaq; impetratis inducijs Hariadenus, solenni sacramento dat pacem & ac-
 cipit, alloquitur vrbis primores, ostendit eo consilio se venisse, vt ciuitatem sa-
 uissima Muleaslis tyrannide liberaret, liberatamque quantis maximè posset
 beneficijs atque muneribus augeret simul ac ornaret: qua benignitate Tuneta-
 nos sub longè maximi atque optimi principis tutela, breui sperandum foret
 diuites atque beatos ex egentissimis atq; miserrimis euasuros. Proinde id se
 vnum ab ipsis postulare, vt Solymano & sibi eius præfecto fidem seruent, & p
 in ea libertate conquiescant, quam multo suo labore & sumptu, Deorum-
 que præsertim immortalium beneficio potius, quàm ipsorum merito suscep-
 rint. Quòd si aliquando futurum esset, vt ipsius ac Turcarum imperij & ami-
 citiæ Tunetanos pœniteret, & Roscetem omnino desiderarent, se minimè du-
 bitare, quin Solymanus regna vel Christianis dono dare solitus, si per legatos
 id peterent, eum in Africam concessio regno, & regalibus donis adauctum es-
 set transmissurus: sed etiam atque etiam cauere ne eo consilio exitialis belli
 potius quàm tranquillæ pacis materiam querere viderentur. Ad ea Abilchiri-
 nus, qui postea Mesuar est effectus, respondit, non debere eum Tunetanis suc-
 censere, si vti ob omni annalium memoria regibus antiqua stirpe editis assueti⁴⁰
 eo eiecto qui tyrannidem per decem annos exercuerit, alterum qui æquitatis
 atque iustitiæ fama floreret, sibi regem exoptarint, præsertim quum is ab ipso
 classe aduectus & penè dono datus esse crederetur. Non mirum idcirco fuisse si
 in contumeliæ nomen commutata beneficij fama, ipsi vti fraude, aut certè o-
 pinione decepti, adeo insanire sint visi, vt vinci armis quàm dolo subigima-
 luerint, quando ipsis atq; Muleasli multo satius fuisset occlusisse vrbis portas,
 quum externa classis Africæ litoribus appulisset, quàm incertis omnino rumo-
 ribus

ribus incautè credidisse. Proinde Tunetanos tanquam Fortunæ iudicio in deditionem acceptos, optimo iure paratos esse iurare in verba Solymani, atq; eo quidem æquiore animo, quod pro egenti & in suis miserijs iniqua sorte iactato, longè amplissimum & foelicitissimum terrarum orbis regem nequaquam voto, sed præter spem arridente Fortuna, quod Punico nomini bene verteret, essent consecuti. Compositis Tunetanis rebus, & creatis magistratibus Harius antè omnia operam dedit, ut Numidarum principes sibi foedere ac benivolentia iungerentur. quod ubi largitione atq; muneribus apud homines egenos, & ad ineundam dissoluendamq; amicitiam ab venali ingenio procliuves, celeriter est consecutus, Asariagam eunuchum genere Sardum, cui maxime fidebat, atq; item Halim Leuanum, cum Ianizeris & tormentis aliquot curulibus ad recipiendas Africæ vrbes misit. Paucisq; diebus nullo labore aperientibus cunctis portas, mediterraneæ pariter atq; maritimæ vrbes deditionem fecere: vna omnium vrbs Caruenna, quum se vetusta sacrorum religione, & sacerdotum domicilio immunem ac liberam existimaret, aliquandiu restitit, sed victa excidij metu Turcarum armis facile cedens præsidium accepit. Inde Hariadenus regiam nouis ædificijs exornare simul atq; munire orsus, septum in Cauedio, in quo Turcarum more pro tribunali ius diceret, instituit, conatusque est multis seruilibus operis aperire nouas fauces, ac immittere per eas id mare, quod à promontorio Carthaginis lunato flexu ad stagni munitiones extenditur. In eo litore geminae sunt turres ab aquæ salisque nomine à nostris appellatae, ubi olim ille insignis Carthaginensium portus visebatur. Id opus earatione Hariadenus efficere contendebat, ut tuto, peramploq; & maxime expedito portu vteretur. nam vadose admodum erant angustiae, quibus Guletana turris ab ortu aduersae continenti ligneo ponte committitur, ita ut triremes agrè humeris seruorum, & tractorijs machinis in stagnum impellantur & educantur. Ad his faucibus Poeni leuibus tantum nauiculis, propter humilia vada, ad urbem Tunetum adnauigant, videturque id stagnum centum ferè stadiorum diametro in orbem veluti circino circumductum, & id multo cœno multaq; vligine passim vadosum. Cæterum id opus Aquilones facile disturbant, inuecta scilicet aggestaque continuis aestibus ac fluctibus arena: adeo, ut quum priscarum molium fundamenta reperissent, Hariadenus, ne veteris portus quanquam parum commodi iactura fieret, suadentibus piratis incepto abfisteret, quum stagnum exiguo tempore expleri penitus atq; obstrui posse videretur. His rebus quæ in Africa gesta sunt explicatis. ad Persas (vbi promissimus) ex ordine temporum reuertemur. Sophus Hysmael, qui apud Persas ab admirabili rerum gestarum foelicitate Magni cognomen promeruit, quum immaturo prorsus nondum quatuor & quadraginta natus annos fato concessisset, quatuor reliquit filios, ex vnica legitimaque vxore susceptos. Eorum natus maximus totius imperij hæres extitit, nomine Tammas, ea condicione ut reliquis fratribus regnorum præfecturas impartiretur. Hi fuerunt Helcas, Becramus, & Somirza, qui sortiti eas inter se, uti ex testamento patris adscribebatur, in prouincias suas concesserunt. Assyria, vrbsque ipsa Bagadat, quæ Babylon Semiramis fuit, Helcas cum Mesopotamia cedit, Becramo Media, Hiberis, & Albanis, Caspioq; mari finitima. Somirzæ Parthia obuenerit, vicina Hircanis: qui Coraxeni hodie sunt, & ad Zagataios pertinent, qui fuere antiquitus Arii, Aracosii, & Margiani. Hi sunt Sogdiana, Bactrianaq; regionum

populi. Ipse Armenia, Perside, & prouincijs Oceano Indico proximis contentus, idem quod pater Hyfmael odium aduersus Ottomannos induerat, & tum ægerrimè ferebat Selymum, qui penetrasset in Armeniam, & Calderanis in campis iusta acie victor apparuisset, quanquam non omnino inultum, Persarum inuictam antea vim, sagittasque ipsas, & acinaces euasisse. Persico siquidem imperio subiectæ gentes, quæ hodie vno nomine Agiamij vocantur, vsque adeo turgentibus dolore animis eius Selymianæ irruptionis detrimenta sustinebant, vt aduersæ eius pugnae memoriam renouato bello, rediuiuaque virtute abolendam esse decernerent, quò antiquum Arfacidarum decus illustre semper antea, vno eo accepto incommodo obtritum planeque obscuratum arbitrarentur. Is animorum habitus apud Persas viros militares, facile iuuenem regem, & per se paternos gerentem spiritus, magnopere excitabant, vt Solymanum sibi hostem destinaret, optaretque nobilissimum bellum, quò ipsius virtus vindicatis paternis iniurijs enitescere posset. Sed Tammamum nonum iam regnantem annū nulla alia exercuerant arma, quam Hircanorum, Zagataiarumque gentium quas diximus: nam penes hos ex professo diuersæ factionis, & vt inter finitimos, bellicososque facile accidit, apud quos armorum causæ nunquam desunt, semina simultatum relicta ab Hyfmaele adhuc vigeant, vel hoc vno cognomento, quò hæ gentes Cacepas à viridicapitum integumento vocarentur, sicuti Persæ ab initio ciuilis discordiæ, propter nouæ superstitionis causam, Cuselbasæ, hoc est rubra capita, appellari consueverant. Verum his bellis ex multa fatigatione virium vtrinque enatae induciæ finem attulerant, sic vt pacis compos Tammam regnorum suorum tranquillitate frueretur, nec tamen à finibus vsquā Persæ, Gordique præsertim pupuli, latrocinij abstinerent, & aliquando insolentius prouecti superato Euphrate in Mesopotamia in Comagenem irrumperent, vt antea Sulthanorum temporibus audere consueuissent. Gordos eos esse arbitror, qui vetus nomen adhuc retinent, & Gordianam regionem Ptolemæo notam incolunt, commune omnium opinione latrocinij infames, quò prædabundi ex notis impeditisque regionibus commeantibus illac mercatoribus crudeliter insidiantur. Cæterum Selymi præsides, qui Syriacis rebus præerant, sæpius sibi inferri iniurias frustra questi, quam & ipsi tanquam violatis ab hoste inducijs arma expedirent, transuectique nonnunquam Euphratem circa Byrtham incursiones in Mesopotamiam repentinas facerent, sensim præludentes graui inchoando bello initia præbebant. Quibus rebus nunciatis Solymannus vehementer excitabatur, viriumque suarum conscius, & paternæ felicitatis memor, elato animo Persicum agitabat bellum, indignabaturque se à Christianis regnis quibus inhieret, importunè reuocari, quando Christiana arma laceissent, fortiterque audēti nunquam Fortuna defuisset. Pari nanque odio in nostros, & Persas infensus, vtrobiq; religionis causas expendebat, nam sicuti Christianos continentibus armis persequi maximè pium rebatur, ita si Hyfmaelis progeniem, quæ nouæ sectæ, peruersæque opinionis circa sacras leges auctoritatem tueretur, excindere atque delere honestissimū iudicabat. Eum itaque pari studio diuersissima bella meditantem Habraymus, qui incomporabili adeoque summa pollebat gratia inter purpuratos principes, frequentibus alloquijs impellebat, vt in Orientem arma conuerteret. Sed quoniam præpotentis, & iniusto immensæ gratiæ sub pondere perituri hominis fœdū exitum posteris tradere iuuat, Habraymi

condiciones & mores paucioribus quàm potero verbis attingam. Is ignobili
 pago supra Pargam vicum Buthrociæ regionis in Epiro natus, more Turca-
 rum præsidum Christiani nominis puerorum delectus habentium adductus,
 Scanderbassæ à prima pueritia seruiuit. Hic ille est qui truculenta irruptione
 superatis Natisone, Lipientia, Soncioque, & Tiliauento altissimis flumini-
 bus, per Euganeos fines in conspectum usque Venetiarum excurrit; tum fortè
 quum Venetus Senatus indignante Baiazete cum Gallis ad excidium Sforti-
 ani imperij coniurasset. Apud hunc Scanderbassam Habraymus Mahometa-
 nis initiatus sacris, stupenda celeritate, uti erat arguto ingenio, Arabicè legere,
 scribereq; & cithara scitissimè personare didicit: et quod ad muliebres illece-
 bras pertinebat, in genio mirus, facetissimòq; sermone periocundus, ita in gy-
 necæo gratiam famamque promeruit, ut productus ab vxore ad virum Scan-
 derbassam, viri militaris naturaque seueri animum, in omni munere tenerioris
 officij peracutus & dicax, semperque elegans oblectaret; ideoq; Solymano
 Selymi imperatoris filio tanquam festiuissimi moris seruus dono mitteretur,
 viuo adhuc Baiazète auo, atque eo etiam iocundas garruli pueri præcoces de-
 litias admittente, sic ut cum Solymano ætate sibi æquali educaretur, & ad heri-
 genium cunctis numeris elegantia responderet. Per hunc modum vnicè ada-
 matus adoleuit, tantisq; arridentis Fortunæ suffragijs usus, usq; adeo enituit,
 ut eum cunctos aulae gratia præteruectum inter purpuratos legeret, eique de-
 functi Scanderbassæ filiam opulentissimæ hæreditatis in matrimonio colloca-
 ret, Memphiticaque demum præfectura ornaret atq; ditaret. Exinde Habray-
 mus Hungarico bello totius Europei equitatus magister Balerbeci nomen
 obtinuit, & singulari prudentia virtuteque militiæ munia implens, Vesiris
 inter purpuratos dignitatem, quam nulla maior dari potest, adeptus est, quum
 Solymanus honoribus adaucto, ei quoque regij scrinij sigillum tribuisset, &
 non modò consilij arcani particeps esset, sed voluptatum horarumq; omniū co-
 mes aulam circumageret, & toto summæ authoritatis honore potiretur, ac in
 immensum crescentis potentia nomine à cunctis aulae ordinibus usque adeo
 eminentur coleretur, ut nemo iam esset qui ei parendum esse non duceret, post
 quam eum tanquam consortem imperij vel graui cum inuidia domi & foris
 amplissimi quique suspicerent. Hac itaque præclara gratia dignitateque vali-
 dus, quam ei peregregia virtutis animi, & cunctarum aulae artium officia pa-
 ratis semper in omnes obsequijs adstruxerant, Solymanum secretis alloquijs
 hortabatur, ut postquam Pannonia esset potitus victoriæ suæ modum impo-
 neret, quando Germani & gentes, quæ omnibus sæculis armorum gloria flo-
 ruissent, minimè laceffendæ viderentur. Germanos siquidè amplitudine op-
 um & virium, bellicèq; virtutis fama prepotentes, sicuti lingua & moribus ab
 Hungaris differunt, ita perpetuis etiam odijs disiungi, ut non magnopere cu-
 rent de possessione Pannoniæ, satisq; pro dignitate sui nominis esse statuant, si
 Noricus ager, qui ipsorum gentis est, communibus Germaniæ armis defenda-
 tur. Carolum verò Cæsarem cuius longè maxima sit apud Europæos omnes au-
 thoritas, minimè sibi armis laceffendum videri; quum è suis regnis pugnacissi-
 marum gentium copias conscribere atque educere queat: quandoquidem ade-
 dictum Romani Pontificis honestissimo nomine, si sacrum (ut aiunt) bellum
 suscipiatur, immensa propè pecunia à pijs hominibus ultro contributa parari
 soleat. Quæ robora autè peditū atq; equitū pro salute publica, vel tantū ab ipsis

duobus germanis fratribus cogi, produciq; in aciem possint, tum manifeste
 deprehendi potuisse, quum Viennam à nobis summis conatibus oppugnata
 fortissimè defenderint: neq; postea Carolus ipse, nuper amplissimis atq; lectis
 simis auctus copijs, vti apparuit & Christiani omnes impensè iactant, vti uersi
 certaminis alea reformidarit. Sed quanquam illū præclare inuitatum, si se ad
 pugnae casum obtulisset, à te tanto imperatore, tantisq; instructo copijs, quod
 est etiā tuę nō dubiaę felicitatis superari potuisse existimē, non diffitebor tamē
 de his gentibus suo more vndiq; ferro permunitis victoriā nisi multo nostro-
 rū sanguine parari posse. Hęc vti reor, nō ineptē te admonere possunt, vt Chri-
 stianos intestinis mutuisq; bellis implicitos confici sinas: nā attritis vsque qua-
 que eorum viribus, paulo post nullo nostro periculo certam in prædā nobis
 cedent, sic vt Parthicum bellum Germanico anteferendum omnino iudicem,
 ob idq; præsertim quod satis superq; ad occidentem imperij fines protuleris,
 quos vsq; adeo id remotas regiones extendisti, vt iam graue sit tueri parta, atq;
 tuelæ tedio, & nobili quodam contemptu, quæ est generosi animi tui immen-
 sa liberalitas, alienigenis & semihostibus donanda censueris. Quanto itaque
 magnificentiùs fuerit, si summum gloriæ decus affectes, tuis coniuncta fini-
 bus, ideoq; facile imperio tuo adiicienda, iustis armis petiuisse, scilicet vt impie
 abominataq; stirpis Hysmaelitas, auito paternoq; exemplo persequendos ar-
 mis, atq; Asia exturbandos censeas. Erit enim Ottomannico nomini maxime
 decorum, si religionis causam, vti soles, egregia pietate respicias, & ad famam
 quoque incomparabile facinus, si detestandæ superstitionis authores ex Asia
 te vindice conuellantur. Sed quænam vlla inferendi belli causa iustior atq; no-
 bilior videri potest, quàm ea qua te prophetæ Mahometis diuina dogmata ad-
 uersus impios defensurum proficere: atque obiter maiorum tuorum perpetu-
 os hostes, quod supremum Selymi patris votum fuit, vlciscendos atque desen-
 dos decernas? An hos feres qui insolenter imperitent, & quemque finitimum
 suum hostem, suamque esse prædā existimant, & te quoque tuis contentum
 finibus occupatum in Europa & Asia planè quiescentem, furtiuis irruptioni-
 bus prædabundi prouocare atq; irritare audeant? Nimirum qui Vssumcassa-
 nis proauī immani latrocino, legitimorum nobilissimorumq; antiqui sangui-
 nis regum in sedem irreperint, & rapto etiam nunc viuant. Crede mihi impe-
 rator, si hanc totius Asiæ labem pestemque, tua insigni pietate virtutēque tol-
 lendam esse constitutas, erigetur tibi proculdubio media in Perside trophæum
 incomparabilis dignitatis & amplitudinis, quod Selymi gloriam et triumph-
 um vel æquet, vel superet. Mea namque sententia aliquanto nobilius erit
 atque celebrius. Non enim tantundem est Mamuluchos conditione seruos,
 & Sultanos agrestis superbiæ Syriæ atque Aegypti regnatores iustis armis de-
 leuisse, quàm subegisse Persas fama rerum priscis sæculis bello gestarum
 gloria inclytos, qui Alexandro Macedonī toties victi atque perdomiti Magni
 cognomentum attulerint. His frequentibus alloquijs in otio pariter atque ne-
 gotio excitatus Solymanus, vehementer impellebatur, vt ab Europa in Asiam
 vertenda arma decerneret, ob idque Habraymus in arcano voti compos mag-
 nopere lætaretur. Is namq; iusti & æqui natura tenax, quum vel Arabicis im-
 butus literis nunquam ex intimis animi sensibus à Christiana professione disces-
 sisset, tactus non dubia religione deo Christo vota faciebat, ipsam Mahometis
 disciplinam vsque ad affectationem palam ostentans, scilicet vt impotens

tyrannus tantis subnixus opibus, à Christianorum principum odio commutata voluntate in Persas verteretur. Quod præclarè agnosci poterat ex perpetuo atque mirifico in mercatores Christianos patrocinio fauoreque, quo multa lucra atque emolumenta ex victigalibus, vel inuitis & indignantibus Turcis parabantur. Propterea compositè egerat cum Solymano, vt concessis decem annorum inducijs Christiani neminis principes omni suspitione Turcici belli, si Corone esset reddita, liberaret. Id maximè cupiebat Clemens, atque in eam rem sedulo satagebat: vt pote qui postquam pacem in Italia peperisset, sibi etiam ad laudem longè honestissimum fore existimaret, si verè diuturnæque tranquillitatis otium cunctis Europæ gentibus, ipsiq; in primis Italiæ largiretur. His autem impetrandis inducijs studium suum & diligentiā intenderat Aloysius Gritus, Andreae Veneti principis filius, ipsi Habraymo ex quotidiana consuetudine intimus, atque inde sensim Solymano mirifice commendatus. Hinc Clemens grauib; promissis ac adhortationibus accenderat per Aloysium Gerardum Florentinum, Byzanti inter mercatores ciues ius dicentem, vt inducias impetrare niteretur. Promittebat autem Pontifex se Antonio ipsius Gritti filio, qui beneficio Ioannis Pannoniæ regis, Strigoniensis antistes esset designatus, id opulentum sacerdotium liberali diplomate collaturum. Sed Cæsar eam de inducijs occasionem, peculiaris spe commodi præteruectus est, quum ex autoritate Ferdinandi fratris Coronæ redditurus esse videretur, vt illinc non ignobilis doni merito Pannoniæ atq; Austriæ pacem pararet. Res ita cecidit vt priusquam hæc Byzanti à Ferdinando offerri & transigi possent, Hispani præsidarij, ducis Macicai clade exterriti, Coronæ excedere cogerentur. Quo casu nihil incommodius acciderè potuisse Clemens differebat, ita vt quæ postea insequentæ sunt à barbaris terra mariq; clades, obuenturas esse mihi hæc scribenti prænunciaret. Obtulerat prius Cæsar Coronam Christianis principibus, sed neq; Pontifex, neq; Venetus senatus, neq; Melitæ insulæ magister, qui eam in insulam Cruciferos equites Rhodopulso transtulisset, neque ipse Franciscus rex præsidio tuendam, sumptu periculoque deterriti, suscipere voluerat. Cæterum Habraymus Mulearabem Damascenum sacrarum literarum, abditissimarumq; artium, & magicæ etiam diuinationis opinione Byzanti clarum, in Solymani amicitia insinuarat, vt per eum tãquam vatem speratæ victoriæ Solymanus magis & magis accenderetur, frustra eum contrarijs obtestationibus dehortante matre, quæ bella Orientis infausa Ottomaninis esse prædicabat, quandoquidè Persæ suo more refugientes, absumptas incendijs regiones frustra pugnam poscentibus relinquere, atq; hostem acie congregi paratum intentissima fuga eludere consueissent, vt Turcæ qui manu superari nequeant, difficultate rerum omnium, atq; inedia, sicuti Selymo patri vel acie victori penè acciderit, conficiantur. Maternis quoq; consilijs Roxolania vxor teneriores preces addiderat. Ambæ siquidem multis nominibus Habraymi potentiam perosæ, vel ob id quod imperatorem longius abducendo, ab ipsarum complexibus diuellere contenderet, eum sæpius Pseudoturcam, & ex animo Christianum per contumeliam appellebant. Sed hæc muliebria impedimenta facile reiiciebat Solymanus, non obscura cupiditate maximi triumphi incensus, & præ insita magnis regibus vanitate in appetenda gloria vaticinatione Mulearabis facilè inflatus, qua in re persuadenda mirus & efficax magister extiterat Vlamanes Persa, qui à Tammafo ad dicen-

dam causam citatus, quod eius milites apud Taurisium auarè seditioneque e-
 gissent, metu poenæ ad Solymanum paucis ante annis transfugisset. Hunc enim
 uirtute bellica illustrem, atq; inimicorum æmulatione et inuidia circumuen-
 tum, Habraymus fouendum, attollendumq; susceperat, sicut Vlamanes Per-
 sico bello se fortem fidelemque operam præstiturum profiteretur. Itaq; Soly-
 manus bona spe perpetuæ felicitatis confirmato animo Habraymi consilia
 complectitur, vtrumq; militiæ magistrum admonet, ut Sanguachos excitis at-
 que instructis omnibus ipsorum copiis ad signa vocent, Europæiq; omnes in
 Asiam trāsciant, & ad Niceam inter se coniungantur. Lustibeyum autem cum
 parte copiarum in Peloponneso Coronem obsidere iubet, & ab se Aloysium
 Gritum in Pannoniam dimittit, ut ibi in procuratione regni Ioanni regi ad-
 sistat, detq; operam ut rex in officio permaneat, Hungariq; procures in fide
 contineantur, & quantum fieri possit in Germaniæ finibus pacem tueatur. Ipse
 ex suæ superstitionis consuetudine votis pro victoria nuncupatis, in templo ri-
 tē se ipsum lustrat, & Vlamane Persa itineris duce usus in Lycaoniam ad Ico-
 nium, quod hodie nomen retinet, progreditur. Non enim eo quo iterat Sel-
 mus pater, in Persas eundum censebat, quum ille sinistrorsum per Ancyram,
 Sebastam, & Amasiam, per Trapezuntios fines, superato ad Arsengam Eu-
 phrate in Armeniam penetrarit; quoniam id iter multo longius & asperius
 putabatur, quàm id quod ab Iconio per Cæsaream ad Malathiam, ubi Euph-
 ratis per Antitauri valles erumpentis celebris est traiectus, quam urbem anti-
 quitus Amalthā fuisse, ut ex dimensione Ptolemæi constat, conijcimus. Hinc
 Mesopotamiæ Persarum ditionis fines sese aperiunt, quos Solymanus sinema-
 lesicio præteruectus, pabulo, & venale commearu, qui passim ab infirmis inco-
 lis præbebatur, contentus, quartis & quinquagesimis castris, ex quo ē Nicea
 Bythiniae discesserat Coim peruenit (quod oppidum in Armeniam maiorem
 ruinis Artaxatæ clarissimæ quondam urbis conditum fuisse alibi diximus)
 tanta Turcarum admiratione, quod nulla paulo validior Persarum manus oc-
 curisset, ut Solymanus veritus insidias subsistere, castraque munire coger-
 tur, quum nondum fidelibus nuncijs vbinam Tammās esset, & quid pararet,
 pro certo didicisset. Sed Vlamane cum Alcanzarum equitatu præcunte, &
 ex notitia locorum diligentius consilia hostium explorante, reperiēbat eam
 esse Tammās mentem, ut nullo in loco diu consistere, verum vrbes deserere,
 & sese in montes subducere cogitaret, nulloq; modo iusta acie conflegendum
 arbitraretur, ratus expectanda Hiberorum & Albanorum auxilia, qui læuis ar-
 maturæ operam præstare, & cataphractos Persas antecedere consueissent, ut ex
 occasione Turcas tanti itineris cursu fatigatos, & commeatibus indigentes, ac
 uti accidit, sub alieno cœlo aduersa valetudine tentatos adoriretur. His re-
 bus exploratis Solymanus castra mouit, rectā profectus in eam regionem
 in qua Tammās copias cogere ferebatur, & quum eum deserta vrbe regia
 Taurisio vltiorem montibus suppositam regionem petiuisse perspiceret, ita
 Taurisium nudatū mœnibus intrauit, ut continuo ostentatis tantum copiis,
 nihilque vexatis incolis egrederetur, & ad urbem Sultaniā non multum in-
 de distantem contenderet. Diximus alibi Sultaniā Persarum olim regiam,
 quæ adhuc vetustæ suæ dignitatis templorum ornamenta retinet, à Tamerla-
 ne Scytharum duce clarissimo fuisse deuastatam. quum ad eam urbem per mul-
 tos dies regionis vbertate fretus, Solymanus statua haberet castra, expecta-
 bundus

bundus ut Tammās à montibus descenderet, atque in aciem prodiret, ut dire-
 pte provinciae iniurias vindicaret, & nominis sui famam nihil reformidato
 hoste tueretur. Eam regionem, quam Solymanus non procul ab urbe Sulta-
 nia amplissimis occupabat castris, altissimi præcingunt montes, quorum iuga
 perpetuis obfessa nivibus è longinquo etiam spectantur. Hi montes antiqui-
 tus fuere Nyphates, Caspius, Coathras & Zagrus, orti proculdubio ab ipso
 patre montium Caucaſo, coniuncti inter se longa & diversa serie latissimas di-
 rimunt provincias, & ad ortum Solis per Zagataios ita diffunduntur per-
 petua quadam cathena protracti, ut ad Indicum usq; Oceanum, Malibarræq;
 10 regionis prominentem plagam se extendant. Hæc in Cumerum extremum In-
 diae promontorium, non secus ac Italiam Apenninus dissecat, contra Zeilam
 insulam, florentissimum Indiciſ divitijs emporium desinit. Cum in ea loca
 campis utiq; ad edendam nobilem pugnam aptissimis, Tammās descensurus
 putaretur (is namq; in Coraxenos penitus abscellerat) turbidior & sævior tem-
 pestas, quam unquam antea per id anni tempus Persæ meminissent, ex illis
 montibus descendit, usq; adeo inusitata, quod esset paulo ante æquinoctium
 æstivum, ut plenissimis imbribus, atque his concreta ex nivibus glaciæ repen-
 tina hyems invec̃ta videretur. Nam certantium inter se ventorum ea fuit ra-
 bies, ut transversis flatibus nivosa montium culmina verterentur, præaltaque
 20 nix subiectis campis incideret: qua horribili procella Turcarum castra everſis
 tabernaculis sternerentur, iumentaq; & ante alia magnus camelorum nume-
 rus interiret, & ingens lixarum, & ægrorum militū multitudo oppressa pro-
 cinus extingueretur: non parvo etiam ipsius imperatoris periculo, quum circa
 eum pleraq; tentoria, eadē procella disſiciente cōcidissent. Cuius malæ remedia
 intempestæ noctis tenebræ, & extincti passim ignes, ita præpediebāt, ut Tur-
 cæ eo averſissimo omine magnopere terrentur, donec orta luce Sol utique
 præclarus salutaribus radijs multos prope rigētes & attonitos refovit, & quod
 ad reliquam vitæ securitatem opportunè pertinebat, campos hoste vacuos de-
 texit. Nam supra totum usque adeo tantæ procellæ detrimentum improvſi
 30 hostis adventus & incursus maxime timebatur: nec deerant qui affirmarent,
 eum intempestivæ vehementissimæque procellæ turbinem à Persarum ho-
 stium magis diro carmine, & notis genti cantaminibus cœlo evocatā ad Tur-
 carum exitium. Quo gravi incommodo, & quod maxime efficax videri pote-
 rat, non levi ostento permotus Solymanus, recreato tantisper exercitu, & col-
 lectis vasīs castra sinistrorsum movit, capto itinere in Assyriam, multis de cau-
 sis id suadente Vlamane, qui Solymano non dubiam spem occupandæ Ba-
 byloniæ iniecerat. Eam urbem cum totius provinciae præfecturæ tribuerat
 Tammās post Becrami fratris mortem, Mahometi satrapæ, cui Cani cogno-
 men fuit. Hunc Vlamaneſ vetustæ amicitiae nomine sæpius antea sollicitarat,
 40 magnis oblatiſ muneribus, ut ad Solymanum deficeret. Id enim si faceret, ip-
 sum pro annui, & circumscripti honoris præfectura perpetui atque opulen-
 ti dominatus satrapiam esse consequuturum a Solymano, qui neq; rationem
 a præfectis exigere, neque eos vel mediocriter ditatos expilare consueſſet, con-
 traria ratione ac Persarum reges, qui nobilissimis provincialibus perpetua
 non obſcuræ ſeveritatis officia tenuiſſimo ſtipendiū munere obiecto impone-
 re eſſent ſoliti. Sed Mahometes his Vlamaneſ muneribus atque promiſſis in-
 corruptus, nunquam adduci potuit, ut ſidem falleret: ſic ut Vlamaneſ homi-

nem obstinatum ad motis armis terrendum, & ad defectionem cogendum arbitraretur: quoniam eum nequaquam firmis militum praesidijs munitum esse didicerat: propterea quod paulo ante ad primos rumores trañcientis in Asiam Solymani magnam partem sui equitatus, & defloratis quidem omnibus reliquis alis, ad regem id postulantem misisset: neq; eum egregia Babyloniorum voluntate uti constaret, propterea quod nonnullos cives, quorum nomina non omnino certis criminum indicijs delata fuerant, severius in quaestionibus distortos, praecipitiq; demum iudicio damnatos, ut bona in fiscum redigeret, ultimis affecisset supplicijs. Ob eas res Vlamanes maiore animi fiducia Solymano confirmabat, si recta Babyloniam ire pergeret, inexpectato improvisoque adventu Mahometem facile oppressurum, cessuramq; sibi Babyloniam nullo obistente externo milite, & a Babylonijs alienatis iam pridem animis nullum more spatium facturis, quin venientem ad apertis portis exciperent. Non defuit Fortuna Vlamani, singula ut accidit probe divinanti: nam quum magnis antecedens itineribus per compendia viarum raptato Alcanzarum equitatu, nihil eum morantibus fluvijs, ubi non procul a Babylone abesse renuntiaretur, Mahometes qui nunquam ad se venturos Turcas putarat, rebus omnibus imparatus atque deprehensus animum despondit, & se per Mesopotamiam ad Bethlim desertam urbem regia profugit, tanto Fortunae arridentis successu, ut Solymanus non multo post a Babylonijs avidissime propter odium in Mahometem susciperetur. Ea in urbe clarissima Caliphæ sacrarum principis sedes est, qui a cunctis Mahometani nominis regibus excolitur, veteremque obtinet prerogativam adoptandi, & ex certa coemptionis cerimonia confirmandi Assyriae regis: sicuti Sultanos etiam Memphiticos recenti adhuc memoria a Saracone Comanorum ducere repetita, qui Aegyptijs ante trecentos annos principatum eripuit, ut ibi Mamalucorum servorum imperium conderet. Ab hoc Calipha Solymanus veteris superstitionis instituta sequutus insignia atq; ornamenta suscepit: multaq; largitione propitiatis sibi Babyloniorum primoribus, & populis item liberali congiario delinitis, ea in urbe antiquissima propter Semiramis, pensiliumq; eius hortorum memoriam hyemare constituit. Amplissima namq; est omnium urbium cogniti orbis, si priscæ structuræ magni ambitus rectis dimensionibus aestimetur: nam urbis Romæ magnitudinem exuperat. Sed in tanta vastitate videre est præter cultissima rura, & innumerales hortos ædificijs coniunctos: atq; item per amœna viridaria pomiferis, et odoratis cõsita arboribus, visuntur etiam latissima arva, quæ ad segetem aratris proscinduntur, nec in ea sylvæ nemoraq; defunt, captivis & inclusis feris dicata, ut ad voluptatem præfectorum atq; primatum iocunda atq; expedita venatio suppeditetur. Mediam urbem interfluit Euphrates, lapideo sumptuosi operis ponte iunctus. Is a confluyente Tigri amne ita suis atq; alienis crescit undis, ut maioribus etiam navigijs usq; ad Oceanum Persicum tutissime pernavigetur: nam apud Balzaram emporium, quod est in insula Teredonis nomine antiquitus vocata, quam bicornis amnis efficit, mercimonia et cõmeatus omnis generis excipiuntur, quotidianaq; navigatione ad Ormucium freti Persici urbem & insulam devehuntur. Vtramq; autem ripam profluentis, frugiferis arboribus atq; vinetis esse cõsita constat, castigato nõ secus alveo, ac Rhenum per Germaniam descendens miro passim cultissimorum litorum ornatu conspiciamus. Babylonij in universum quanquã Syris & Arabibus sanguine per-

mixti

mixti eundem ferè colorem, staturæque habitum, & civilium morum consuetudinem, ac nostri homines præferunt, quòd eodem quo nos fruuntur cœlo, & sese excolant literis, & à reliquis barbaris captu ingenij, atque humanitate plurimum distent, mercaturam solertissimè exercent, varijs præsertim sericæ telæ textrinis. Verùm nobilitas equestris militie studio tenetur, sagittisq; maxime gaudet. Ac fuit aliquando tempus, quo è Babylonia accepta ab Indis aromata Asiæ mercatoribus divenderentur, quæ ætate nostra per Arabicum sinum Alexandriam devehì videmus: quanquam multò maxima pars Lusitanis classibus ab India per incognitum paulò antea Oceanum Æthiopici litoris in occidentem deferatur. Cæterùm quæ ab antiquis scriptoribus de Babylonjs pensilibus hortis, regiaq; admirabilis structuræ, crassitudineq; mœnium referuntur, nequaquã sunt extra fidem: nam horum ingentium operum præclara monumenta adhuc extant. Exurgit siquidem prætorium regalis amplitudinis instar arcis editiore urbis parte, quæ orientis Solis radios excipit, & præterfluentem despectat Euphratem: mœnia quoq; partim lapide, coctiliq; laterculo constructa, vel laceffente atque absumente vetustate, priscae opulentissimorum regum magnificentiæ testimonia relinquunt. Tanta verò propensione Mesopotamiæ, Assyriæq; urbes Solymano deditionem faciebant, ut ad eum qui sine vulnere tanta potitus esset victoria usq; à Balsera emporio, quod est ad ostium Euphratis in Persicum sinum erumpentis, legationes venirent, & Mesopotamiæ ad unam ferè insignes urbes Caramida, Meredinum, Orfa & Asanceva, Turcarum præsidia acciperent, & per totius Babyloniæ provinciæ oppida Turcæ milites in hybernis constituerentur. Nam præter copias ex Europâ atque Asia minore in eius belli expeditionem perductas, etiam tetrarchæ cum Memphitico Bassa, qui sunt eius Sanzachi Alexandrie, Iudææ, utriusque Syriæ & Comagenæ ad Imperatorem pervenerat. Per totam autem hyemem magnæ celebritatis spectacula edita sunt, acciditq; ut hisdem ferè inchoati iam anni Saturnalitijs festis, diverso ritu Carolus Cæsar ex Africa victor, Neapoli equestres ludos ederet, & à Solymauo Assyriæ & Mesopotamiæ regnis potito, apud Babyloniæ festæ hylaritatis, diversique apparatus spectacula celebrarentur. Cæterùm Solymanus recreatis per hyemem copijs nunquam instaurandi atque exornandi exercitus, Persicique belli curam remiserrat, utpote qui Tammalum redintegrato impetu invadendum decerneret, Habraymo atque Vlamane identidem, ut Fortuna uteretur suadentibus, adauxit quippe Ægyptiacis & Syriacis copijs in spem veniebat, Tammalum ex Hyrcaniæ montibus ad pugnam conferendam in patentes campos posse elici: & si id metu occupatus abnueret, ad gravissimam Persici nominis contumeliam veluti exprobrata ignavia, Taurisum regiam ipsius urbem in oculis occupari atque vastari. Igitur adulto iam Vere è Babylonia profectus, ductante Vlamane per idoneas regiones ad Taurisum iter intendit. At Tammalus qui Solymano apud Babyloniæ hyemante Taurisum redierat, ut qui hostem reversurum minimè credidisset, cognito eius adventu, uti imparatus, & vetere suo innixus consilio, ne usquam acie confligeret, in Coraxenos iterum se recipere instituit, certas tantum suorum manus passim relinquens, quæ sese persequentibus hostibus ostenderent, & montium valliumq; notas angustias tuerentur, observarentq; eorum itinera: nec nisi ex insidijs et carptim insequentiū hostium agmina abruptis & iniquis locis lacefferent. Eo modo recedentem, et

aliquot dierum itinere provectum Vlamanes frustra persequutus, & per captivos incolas exploratis Tammasi cōsilijs, ita iussus erat, ad Solymanū rediit, suasiq; ei, ut Taurisium desisteret, & cōfessione hostis retrō per asperos montes fuga elabentis sese victorem ostenderet, ex usuq; victoriæ eius regia potiretur. Itaq; Solymanus indignante animo, eoq; ad quandam superbi contemptus iracundiam concitato, quod nusquā Persæ, uti maximè cupiebat, ad iusti prælii occasionem se offerrent, Tammasumque ipsum in asperas maximeque steriles, & frequentibus rupibus impeditas regiones abscedentem consequi posse desperaret, secus ac superiore anno fecerat: Tarvisium, quod nullo percinctum esset muro, hostili irruptione inVectus est, miseros incolas magnis affecit detrimētis, quamquam inermes essent: ideoq; victoris imperium se paratos subire demisse profiterentur: nam milites cōtineri non poterant, tametsi a cædibus temperarent, quin singulas domos invaderēt, et ubi lubebat cunctam libidinis atq; rapinæ licentiam exercerēt. Ante omnia autem Solymanus Vlsu mcallanis atq; Hysmaelis ornamenta ex regia, quam antea Selymus prope ranter deformarat, tolli iussit: sic ut nec picturis quidē, & auratis laquearibus parceretur, & integras quasdam familias telæ sericæ opificijs celebres abducendas iuberet, magnumq; servorum numerū, & delectæ iuventutis ætatis & formæ, omnisq; sexus discessurus cōprehendi & abduci sineret. Neq; enim se tuto in amplissima urbe occupatis, & dispersis ad prædam atq; libidinem omnibus ferè copijs diu cōsistere posse iudicabat, quod Tammasum Hiberorum & Albanorum auxilia accersivisse, cataphractorumq; validissimas turmas e Parthis Medisq; & Armenijs coegisse nunciaretur. Quamobrem Solymanus hac illustri occupata atq; direptæ Persarum regiæ ad nominis famam laude contentus, circa æquinoctiū motis castris in Mesopotamiam est reversus, vixq; Coim & Calderanos campos paterna victoria claros præterierat, quum inexpectata Persarum agmina abeuntes hostes in tergo laceessere, impedimenta diripere, fatigatos & ægros trucidare nunciatum est. Crebri quoque rumores totis castris permanarant, ipsum Tammasum auxiliaribus confirmatum copijs brevi affore, qui hisdem vestigijs Armenia provincia decedentes hostes persequeretur. Quod à Turcis ideo facile credi poterat, quod iam ex opportunis vallibus frequentes Hiberorū alæ prædandi atq; insidiandi causa ab incertis locorum & temporum intervallis sese ostentarent, notisq; evadentes saltibus tanquā confisi impeditis regionibus audacter pugnaturi viderētur. Qua hostium audacia permotus Solymanus, eo ordine profectiōni intentus singula agmina expeditis præsidijs confirmanda statuebat, ut è duobus Ægypti, Syriæque præfectis, quos Bassas honoris causa vocabant: alterū in novissimo agmine constitueret: alterum verò ad ipsa medijs agminis latera, partitis utrinq; copijs applicaret. Vlamanes porro uti locorum & hostium peritus, sicuti eorum cursus deposceret, providendo atque adhortando omnibus in locis versaretur. Ad hanc præstandam operam quum amplius quadraginta equitum milia essent constituta, circiter duo etiam milia sclopettariorū ex numero prætorianorum, qui universos incedentium agminū ordines corona quadā circumseptos tuerentur, erant instituta, qui maioris etiam præsidij causa currules parvos aliquot falcones convehabant, ut è longinquo in persultantes & provectos hostes dilploderentur. Quibus præsidijs aptè constitutis facile fiebat, ut Persæ minus audacter erumperent, rarius se darent in cōspectum & remissiore quàm antea im-

teā impetum facerent, utpote qui falconum globulis, & sclopettorum glandi-
 bus magnopere terrerentur, sæpeque pugnam ciere ausi cum detrimento, e-
 quorumque præsertim, repellerentur. Per hunc modum tripertito exercitue-
 ra ire pergens Solymanus nusquā conspecto hoste, ita iter intendit, ut emen-
 sis camporum spatijs cum primo agmine antecederet, & nondum exacto au-
 tumno Amidæ consistere, atque ibi reliqua suorum agmina operiri statueret.
 Amidam hodie frequentissimam Mesopotamiæ urbem Caramidam incolæ
 vocant, hoc est cognomento Nigram: quod pingui & subatro solo ad fertilita-
 tem segetis aptissimo, arva nigerrima passim ostendat. In ea urbe Christiano-
 rum templa visuntur, & sacræ turres à Baldovino Hierosolymitani regisatre
 conditæ, qui eam urbem peculiari virtute captam suæ ditionis fecerat, quum
 Gothifredus frater Hierosolymis imperaret. Interea Tammās iustis compara-
 tis copijs è Coraxenorum montibus erumpēs Taurisum repetit: ratus hostem
 Turcam urbanis delitijs hærentem repentina irruptione oppressum iri. Sed
 eo elapso, & inspectis eius civitatis incommodis, ad iniuriam deformatæ re-
 giæ vehementer indignatus, statuit eum omnino quocunq; iret persequen-
 dum, & ad Coim usq; progressus est. Ibi verò mutavit consilium, quod multo
 spatio Solymanus antecelsisse nunciaretur, & nobilitas omnibus gravibus
 protecta armis, nisi certo cum equorum detrimento fugientes persequi non
 posse confirmaret, & se in usum conferendæ tantum pugnae, non ad longin-
 quos cursus, institutos & paratos esse dicerent: Tammās q; ipse, remissa utiq;
 iracundia ad disciplinæ rationem reversus idem fateretur. Tum verò polli-
 cente præcipuo atque fortissimo satraparum Delimenthe, se novissimum a-
 gmen adepturum, si sibi expeditorum & delectorum ab se equitum tertia pars
 tribueretur, præferocem resumpsit animum. Erat Delimenthes è Caramania
 oriundus, qui inter pugnacissimos tantam virium et animi magnitudinem in
 prælijs ostendere erat solitus, ut non temerè insanus ab inusita temeritate De-
 lis vocaretur, quod nomen hodie apud Turcas strenuissimis, & vitæ contem-
 ptoribus imponitur. Ab ea pollicitatione Tammās Delimenthem multa cum
 laude commendatum, oneratumq; amplissimis promissis bene auspicato di-
 misit: tenuitque ille confestim nota indigenis viarum compendia, ea festinan-
 di celeritate adhibita, ut hostes postremi agminis non magno itineris antece-
 dentes spatio apud Tauri montis radices (uti evenit) ad Bethlim se assequutu-
 rum consideret. Bethlis oppidum est satis clarum in finibus Persici imperij,
 quibus Mesopotamiam attingit, positum in valle non iniocunda, quā exiguus
 amnis ex Antitauri iugis delapsus alluit, habetq; arcem Persarum præsidio cu-
 stoditam. Ad id duo, quos diximus, Turcarum præfecti cum postremo agmi-
 ne ductante Vlamane pervenerant, ratiq; cuncta se evasisse pericula, quæ pau-
 lo antè à vi crebrisque hostium incurSIONIBUS timuissent, idoneo in loco con-
 40 sederant, recreandis iam tandem copijs, postquam Solymanum, atq; item se-
 cundum agmen Amidam pervenisse fama constaret, neq; ideo insequenturos
 Persas suspicarentur. At Delimenthes fidelibus & diligentissimis incolarum
 exploratoribus usus, quum non plus unius diei itinere ab hostibus abesset, cer-
 tior factus, Turcas ad Bethlim fessos itinere timoreq; omni vacuos nulla pro-
 pè cura vigiliarum & stationum septos considerare, delegit obscurissimam no-
 ctem, multaq; etiam pluvia impeditam, & hostes adoriri constituit. certiore
 facit custodem Bithlinæ arcis de cōsilio quod agitabat, ut & ille signo accepto

ab arce descendens, diversum in hostium castra impetum faceret. Tanta autem fuit atq; adeo felix temeritas Delimenthis, ut ipso ingruente, consopiti & nihil tale timentes Turcæ undiq; opprimerentur, ingensq; eorum cædes fieret, & ipsis pene Basis ad insternendos & conscendendos equos spatium eriperetur, nec in tenebris summiq; periculi tumultu prætoriani pedites, sclopettos expedirent, & currulia tormenta caperentur. Persis autem sese aggregarant montani agrestes, qui superioribus temporibus Aladolo regi paruerant, eoque debellato summa à victoribus Turcis fortunarum detrimenta acceperant. His castrensis apparatus omnis & sarcinæ camelorum in prædam cesserunt. Delimenthe verò usq; quaqua concidente Turcas aliquot Sangiachi resistere ausi obtruncati sunt: nonnulli deditioem fecerunt, & prætoriani iam Basis am-
 bobus cum Vlamane è media clade elapsis circiter octingenti, cohortante eos Delimenthe, ut se sub fide dederent, exuti sclopettis & reliquis armis in potestatem concesserunt. Ferunt nusquam Turcis maius incommodum, vel cruentissima acie fuisse illatum: quandoquidem amissis tormentis atque tentorijs, omnibusque spoliatis castrensibus vasis & impedimentis supra dimidiam partem equorum amiserint. Incidit ea clades Turcis ad tertium Idus Octobris, qui dies ingenti Persarum omnium lætitiâ postea celebratus est, quum Delimenthæ onustus spolijs & cruentam clavam, qua ea nocte mactandis hostibus plurimum usus fuerat, elata dextra ostentâs, ad Tammalum rediisset. Ea verò clades tanquam è naufragio evadentibus præfectis Solymano renunciata, usque adeo eius animum concussit, ut omnem renovandi contra Persas belli cogitationem abijceret, quod id acerbissimum vulnus, sicuti prædixerat mater ipso Mulcarabe certior vates, nequaquam virtute hostium, sed dolis veluti superiorum eorum insidijs non obscure faventibus, inflictum accepisset, atque obiter profundè & dissimulanter iratus Habraymo Byzantium redeundum esse decerneret. Redeunti Solymano ad Iconium obvii fuerunt Hariadenus Barbarussa, & Sinas cognomento Iudæus, qui nuper ab Algerio cum reliqua, quæ supererat classe, Byzantium pervenerant, terrestreq; iter susceperant, ut de par-
 ta Mesopotamia Assyriaq; Imperatori coram gratularentur, & ut (quod eorum existimationis intererat) quo eventu tantam Christiani belli molem, & ipsius Caroli præsentis impetum sustinere conati, ex summa rerum iniquitate elapsi fuissent, certius enarrarent: facile demonstrantes, neque Turcis virtutem, neque sibi ducibus industriam, sed unam omnino, quæ humanis consilijs bellicisque præsertim impotenter dominaretur, fortunam defuisse. Clementi vultu eos accepit Solymanus, atque ita ad pedes proiectos erexit, ut testaretur aliquanto esse præclarius ab infracti animi constantia, quàm à felici victoriæ successu laudem tulisse, quod innatæ fortitudinis, invictique animi mutus peculiaris virtutis specimen extitisset: nec multum referre si vel bene consulta uti multis subiecta casibus fortuna prævertisset. Proinde eodem animo quotum-
 lissent adversa eiusdem fortunæ indignationes expectarent, ipsum enim innixum potentia felicitateq; perpetua suarum actionum maturè daturum operam, ut sarcindi incommodi, spectatæque iam ipsorum virtutis latius extendendæ locus daretur. Applicantem verò confectis itineribus ad Bosphorum, ut Byzantium trañceret, Habraymus qui antecesserat, litus ei honoris causa triumphali serico stravit: atque ita bireme peculiariter adornata sublatu in oppositos septæ regię hortos se intulit. Tum verò multis de causis in Habraymum
 atrox

atrox invidia sensim erupit, immodicæ eius potentiaæ sæva comes: sic ut in arcano apud principē tota eius gratia convelleretur, ingenti conspiratione multorum procerum, qui vel æqualem vel inferiorem rebus omnibus unum ante omnes gratia eminentem ferre non poterant. Et fatalis odii semina a feminis, matre scilicet atque uxore iacta fuisse constat, quæ Imperatorem ad natus Habraymi circummagi flectique pro libidine tam impotentis servi indignum esse dicebant: mater quidem quod filius adversus auguria Persici belli periculis obijceretur, cuius provinciae bella maioribus abominata semper fuissent, usque à superioris Baiazetis memoria, in quem à Tamerlane clades diræ calamitatis incidisset, & recentibus etiam Vssumcassanis & Hysmaelis exemplis: quorum praelia nunquam nisi detrimentosa vel victoribus Ottomannis fuissent experti. Roxolana verò quæ coniugem delinimentis quibusdam, atque adeo etiam philtris uxorium fecisset, vel ob id Habraymum oderat, quod Mustapham privignum, uti ex liberis natu maximum impensissimè coleret, atque ei imperatorios honores ad aperto studio intempestivè deferret. Id enim Roxolana muliebri libidine accensa, Baiazetem filium nefaria prævaricatione Mustaphæ anteponebat, ut certus imperij hæres & successor, si fata Solymano vitam abrumperent, Ottomannicæ domui pararetur. Propterea privignum longè ablegandum in Cappodociam curarat, ne ad invadendam paternam sedem, si pater vita excederet, è proxima Magnesiæ præfectura celeriter adesse posset. In id consilium occulta largitione sollicitabat prætorianorum principes, quos ad id audendum facinus idoneos rebatur, exemplo Selymi, qui postremus regiae prolis favore prætorianorum maioribus natu fratribus regnum præripuisset. Verum ambitiosæ mulieris perversæ artes una Habraymi diligentia atque authoritate turbabantur. Is nanque quod rectum esset, naturæque muneris atque inveteratæ consuetudinis, Solymano erga filios equissimo patri probari intelligebat, tametsi uxoris molliores preces nonnunquam illum inflecterent, ut eadem quæ ipsa cuperet. quanquam absurdum iuris quam quicquam aliud æquius & iustius malle videretur. Cæterum totam Habraymi existimationem non obscura fama magnopere prægravabat, odiosa Turcis, quod Christianos ad aperto studio complecti foveret; dicere tur. nonnulla siquidem extrahantur indicia corrupti eius animi, quod Venetis largitionibus parata in eos, & Austrianos fratres arma ad orientem converteret, gratificareturque ea in re Carolo Cæsari, cui dudum Venetus senatus isto novofœdere sese coniunxisset, scilicet ut maritimis opibus potentia Cæsaris augeretur singulari damno atque periculo Ottomannici nominis. Habraymus quoque per eos dies Marcum Nicolai Venetum ignobilem mercatorem, qui ab Italia mutatis ad celeritatem iumentis ad eum Babyloniam agentem cum secretis mandatis ac literis percurrisset, redissetq; enatis non temerè paulò post his de ipsius perfidia suspicionibus, Byzantij pro speculatore comprehendi, noctuque iugulari, et in mare proijci iusserat, scilicet ut detegendo crimini certius indicium tolleretur, nec inde totius institutæ atque obitæ legationis causa iudicio nosceretur. Paulò antè siquidem Turcæ solitos suspicaciores facti, Andream Quirinum patritium Venetum apud Alepum in Comagene clarum mercatorem teterrimo supplicio affecerant, quod Caroli Cæsaris legatum, nomine Robertum, natione Britannum, in Persidem ad Tammasum penetrantem iumentis, ducibus, atq; pecunia iuvisset. Destinabatur enim Cæsar

Solymano post Tamasum debellatum usque adeo procul præcipuus hostis, qui cum Persis amicitiam & fœdus agigaret, ut per eum Tammias maiore tormentorum apparatu iuvaretur, suppeditatibus è finitima India Lusitanis, qui se propter odium Turcici nominis, Persarum amicos & socios, quum expediret, fore profitebantur. His tantis circumventus insidijs Habraymus, & conceptæ perfidiæ reus factus, mense Martio circiter Idus, superiore consuetudine quum admitteretur in regiam, nusquam postea comparuit. Ferunt eum severissimè obiurgatum fuisse à Solymano, quod summis honoribus auctus, et dignitate sibi ferè æquatus, ingratisimo animo summæ amplitudinis beneficia nefario scelere corrupisset, & meritam vitæ exitus pœnam deprehensus inveniret: neque Solymanum ullis iacentis ad pedes lachrymis ad misericordiam flecti potuisse, quum interceptas quasdam eius literas immiti vultu ostēderet, & an signum agnosceret ferocibus verbis identidem interrogaret. Eadem autem quæ sequuta est nocte, in cubiculo per eunuchum carnificis munus obire solitum, in pulvino dormitans, cultro adunco, quod de manu Imperator tradiderat, iugulatus est. Ferunt Habraymum, quum summa Solymani gratia potiretur, familiari sermone aliquando postulasse, ne se tantis honoribus onerare contenderet, ne demum amplitudine odiosa supra æquum florentem, e gradu tanquam e fastigio summæ fortunæ præcipitem dare atq; occidere necesse haberet: fidem verò in ea verba ita principem dedisse, ut nunquam ei vivo vitam erepturum polliceretur, sic ut ea inanis iuramenti religione obstrictum, ne datam falleret fidem, non aliter quàm altè stertenti necem intulisset quoniam Talismanes sacerdos divini interpretis iuris, dormientem nequaquàm censeri inter vivos, quum una vigilia totius vitæ actus constaret, asseverasset. Occisum an spectarit, dirisq; persequutū execrationibus cadaver multo pondere appenso mari mergi iusserit, ut nonnulli disertè commemorant, nihil ad historiam pertinet. Oborto certè Sole, quæstores suppellestem atque pecuniam eius omnem in fiscum retulisse constat, ita conturbatè, raptim & diligenter, ut nihil ferè præter dotem miserrimæ uxori relinquerent, & vulgata Habraymi nece, ex templo tanquam iure damnati nomen populus probrosus carminibus, & vocibus laceravit, factoque impetu statuas, quas ille ex Hungarica victoria trophæi instar ante domum suam in hippodromo collocarat, coniectis lapidibus ita deformavit, ut etiam veluti prisicarum gentium, & numinū inania simulachra turpissimo cœno descenderet. Hunc vitæ potentiæq; suæ exitum tulit Habraymus, quo nemo eorum unquàm antea, qui maximorum regum gratia potentes evaserint, ad exemplum illudentis fortunæ ante obitum fortunatior atq; felicior fuit. In eius locum Vesir cooptatus est Ajax, & Barbatussa propter rei navalis peritiam Amiras declaratus, purpuratorumq; collegio additus: Forestius autem Galliæ regis legatus, qui paulo antea Habraymi opera fuerat dimissus, ne discederet admonitus est Imperatoris iussu, quod postquam Habraymus notæ perfidiæ reus pœnas dedisset, ad veterem diuq; antea institutam Europæi belli cogitationem, uti evenit, opportunè reverteretur.

PAVLI IOVII NOVO

COMENSIS EPISCOPI NV-

GERINI, HISTORIARVM

SVI TEMPORIS

LIBER XXXIII.



ANNVS longè omnium ætatis nostræ secunda domi pace,
mira cœli clementia, lætaq; passim agrorum ubertate,
& Punica victoria insignis, Pauli tertij Pontificatus ini-
tia nobilitavit. Nam Leone decimo ad iniuriam huma-
ni generis immatura morte surrepto, qui luctuosa demum
Hadriani, Clementisq; tempora evaserant, se tum pri-
mum natos credere, salutem fortunasq; suas in tuto po-
litas arbitrari, existimareq; expiatis tot cladibus inve-
tam esse aurei seculi felicitatem. Ipse Paulus in administranda republica illu-
stri quodam in speciem diversarum virtutum temperamento, ita Pontificis si-
mul & principis nomen tuebatur, ut in omni consilio singularis pietas emine-
ret, nec tamen obscura esset amplificandæ suorum potentiæ voluntas. Nam
ante omnia, quod in rem magnopere expediebat, se neq; harum neq; illarum
partium, sed communem omnium parentem futurum profitebatur. Propte-
rea nequaquam adduci potuerat, ut id sædus renovaret, quod Bononiæ Cle-
mente, Cæsareque authoribus pro tuenda Italiæ pace haud obscure ad arcen-
dos Gallos percussus fuerat, quum ab utroque aliquod fortuna sua dignum
munus expectaret. Quin & concilium toties à Germanis veræ pietatis deser-
toribus ad terrendos Romanos Pōtifices afflagitatū, à quo gravissimis de cau-
sis Clemens diffugisse videbatur, ultro se appetere, & ad id locū, tempusq; de-
cernere paratum esse prædicabat, ut uno nobili salutarique decreto ea vetus con-
troverſia finiretur, quæ in immensum & placita Christianæ religionis, & sum-
morum Pontificum authoritatem insano quodam errore lacerasset. Missis
quoque pro tuenda sacrosancti nominis dignitate, qua privata spes tegeren-
tur, in Galliam & Hispaniam legatis assidue dabat operam, ut Franciscus uno
consensu ad oppugnandos Turcas cum Carolo Cæsare iungeretur. Cœperat
enim esse formidolosus tum ipsi Siciliæ atq; Sardinia, tum etiam Italiæ, Hispani-
æq; litoribus Mariadenus Barbarus Africa potitus regno,
immensisq; Solymani opibus ac ingenti eius classe subnixus. Sed quanquam
eximia esset Pontificis authoritas apud Gallos, nihil tamen quod ad conferen-
da auxilia pertineret, impetrari potuit. Franciscus enim, ut erat animo excelsus,
apertoq;, amplitudinem & felicitatem Cæsaris ferre non poterat, utpote qui
adeo acerbè mulctatus, ac Italia pulsus, donec amissum Gallie decus recupera-
ret, nequaquam in ea, veluti parum honesta, vel indecora pace quieturus es-
se videretur. Quicquid enim tot casibus adversa Fortuna rapuisset, id totum
iniquo iure, & læva rerum conditione sibi ademptum esse existimabat, &
eo quidem animo, ut non obscure Mediolanum, Genuamque repereret.
Id si Cæsaris æquitate, & Pauli intercedentis studio consequeretur, non mo-

dò navales terrestresq; copias Cæsaris opibus adiuncturum, sed ipsum quoq; ad Turcicum bellum alacriter uti legatum adiutoremq; Cæsari, quò iuberet esse profecturum. At Carolus qui antiquissimo superiorum Augustorum iure per manus tradito, singulos ferè totius Italiæ principatus ad se pertinere arbitrabatur, & Marte iudice ad arbitrium regulis, & liberis civitatibus leges dederat, indignabatur ea à Gallis per obliquas querimonias repeti, quibus disertissime ex fœderum tabulis excessissent, præsertim quū ipse dudum in gratiam Clementis, Venetiæque senatus imperijs urbium antiquis possessoribus liberaliter adiudicatis, & insigni pace constituta, non sine præclara æquitatis & abstinentiæ, moderationisque animi laude exercitus deduxisset, qua in re etiam plurimum Gallis esset gratificatus, qui nihil magis cupere, postulareque essent soliti, quàm ut veteres Hispani, Germaniq; milites Italiæ assueti dimitterentur, quorum præsidio ipsius potentiam & existimationem magis ac magis confirmari ac amplificari maximè iudicassent. Is erat animorum habitus in duobus longè maximis Europæ regibus, nequaquam adeo obscura contentione dissidentibus, ut amicitia, quæ inter eos publicis tantum fœderibus, legationumq; officijs, & quadam affinitatis imaginè sustentabatur, aliquando in aperta odia, & funestum bellum evasura crederetur. Meminerat Cæsar superiore anno Germanos adversus Ferdinandum fratrem Gallica pecunia fuisse concitatos, qui duce Lantgravio Wirtembergensem regulum tunc exulantem pulsos Austriani copijs in Stocardiam paternæ ditionis oppidum reduxissent. Tum verò certis rumoribus afferebatur, evocari in continentem ipsum Britannia regem, qui insano nefarioq; scelere, Catharina uxore legitima thoro & penatibus expulsa, pellicem in matrimonium duxerat, & reginam appellari iusserat, ut colloquio habito, & subinde cōsociato sibi Carolo Gheldrio Menapiorum & Sicambrorū principe, Belgicas urbes invaderet. Erat quoq; fama, Henricum Navarra regem, cui Francisci regis soror antea nupserat, paratis copijs, si bellum alicundè erumperet, veluti occupato Cæsare in Cantabriam pervasurum. Constabat etiam quæstores Gallos in proximis Helvetiorū conventibus magnas fecisse largitiones publice & privatim singulis pagis, & notis centurionibus. Nec Massiliæ navalis apparatus intermittebatur, atq; item ad Oceanū Armoricum, ubi magno sumptu stupēdæ magnitudinis onerariam navem, & pleraq; alia in bellicos usus fabrefacta navigia ædificarat. Ad hæc Franciscus novo, aut certè à maioribus intermisso & eo quidē nobili consilio, septem legiones Romana disciplina instituebat, ne sibi semper vel in repentinis bellicibus, peditatus ab externis gentibus mercede foret cōducendus. Nam Galli per antiqua consuetudine in uno præcipuè equitatu studium, spesq; omnes, & nominis gloriam reponere erant soliti. Sed ubi per frequētes sclopettarios, Romanosq; more per pedites bella geri cœpta sunt, in prælijs nulli prope usui equites esse compertum est, propter equorum graviora vulnera & densatas hastatorum phalanges, quas nulla vis equitum vel æquato ferè numero facile perumpat. Eæ legiones ex delectu exquisito septem Galliæ provinciarum scribebantur, & undique certa parataque essent præsidia ad sustinendum pariter atque inferendum bellum. Nam ad hæc etiam lustrato vetere equitatu, atque per supplementa refectionis & stipendio persoluto, quatuor milia cataphractorum, & his totidem levis armaturæ equitum censebantur. Quæ omnia, tametsi in præsens extra belli cogitationem, ac veluti ad exterrendum ingrata

Ingrata pacis ocium, edendaq; spectacula ordinari atque apparari plerisq; videri poterant, proximi tamen periculo in magnas erupturi ex improvviso belli suspiciones adducebantur, praesertim Genuenses, qui ob id Andrea Auriana viter excubante adversus Gallorum motus, terra marique vigilabant: & Franciscus Sfortia Alexandrie & Comi, Ticinique & Abiatae mœnibus novas addere munitiones. Alexander quoque Medices validissimam arcem, quam Clemente vivo Florentiae inceperat, cōductis innumerabilibus operis perficere maturabat, eo accuratius ac intentius, quod fama erat ab exilibus Florentinis, natura Gallico nomini addictis, Hippolytum Cardinalem maiorem patrualem suum ab se diduci, excitariq; ad spem potiundi in urbe Florentia principatus, quē ille æmulatione inductus, sibi deberi legitima hæreditate ab avo Laurentio, Iulianoq; patre ducta prædicabat: ea in re detestatus Clementis patris iudicium, qui iniqua prævaricatione Alexandrum sibi ætate, multisq; rebus inferiorem pretulisset, ut ipse veluti emancipatus intra septa religionis opes omnes Mediceæ domus, Etruscique regni fastigium, & nuptias demum filiae Cæsaris apud fratrem tanta Fortuna ipsius collatione indignum conspiceret. Nec deerant qui in fervido iuvene, galeri dignitati militiæ honores facile præferente, eos spiritus laudarent, tanquam honestæ ambitionis, suaderentque ut adpellendum fratrē, uti Cæsaris beneficiarium, designatumq; generū auxilia à Francisco rege peterentur. His de causis Cæsar, uti erat cauto graviq; ingenio, & eo quidem quum decoris cura, rerumq; necessitas accederent, flagranti atque expedito, omnium consilijs avertendum ratus, arma parare constituit, ut qui res novas occultè moliendo pacem turbare cogitabant, se parato instructoque rebus suis timere inciperent. Summa consilij in eo vertebatur, ut Barbarissam ad Tuncetum præoccuparet. fama enim erat, cum validissimis prædonum omnium coactis classibus, non modò uti superiore anno fecisset, Italiae litora prædaturum, sed etiam proxima æstate traiecturum in Siciliam cum ingenti Turcarum, Afrorumq; multitudine, ut ad reliquas spes proferendas, quibus barbarè atque arroganter Neapolitanum imperium concepisset, Italiam horreo potiretur. Erat eius belli ratio plena pietatis & gloriæ, utpotè, quæ publicum Christiani nominis decus, publicamq; omnium, & maritimarum praesertim gentium salutem respiceret. Extinguebat etiam Cæsar hoc honestissimo ausu omnem invidiam, quam tot parti de Christiano hoste victorijs antea vitare nequivisset: sic ut illā in eos reiecturus esse videretur, qui Punici belli spectatores, quàm socij atque adiutores esse mallent. Porro Pontifex cum magno honore verborum collaudato Cæsare, ei statim in bellicos sumptus sacerdotiorum totius Hispaniæ decumas concedit, ipseque pecunia sua novem triremes Genue exornari iubet. Has ad veteres tres, quæ in custodia Romani litoris esse consueverant, adiungit: omnibus præficit Virginium Vrsinum navandæ operæ cupidum, ut ea generis claritas præfecturæ maiorem auctoritatem adstrueret, ei que attribuit Paulum Iustinianum Venetum, cuius consilio uteretur, navali peritia insignem. Easdem quoque decumas exequata liberalitate Francisco regi concedit, quo ille munere accepto si usus posceret ad tuendam Etrusci maris, Pontificiæque ditionis oram, Malsilienses viginti triremes se missurum pollicetur, quanquā parī concessione Pontifex Cæsarianos offendere crederetur, quod ea sacra pecunia Galli minimè iuvandi viderentur, utpotè quos religionis causa nullam omnino operam ea æstate mari præstatueros appare-

ret, occupatis scilicet proprio bello ad Tunetum prædonibus. Excitata ad
 pium bellum universa Hispania, conventibusque peractis Cæsar e Carpen-
 nis Barchinonem venit. Eius adventus omnium opinione celerior, tantusque
 navalium & terrestrium copiarum apparatus haud dubie inimicorum animos
 in pace continuit, adeo ut rumores qui de Gallis, Britannoque rege, et de Hel-
 vetijs allati erant, penitus extinguerentur, regulique Italig, uti cæcometulibe-
 rati cupidius atque liberius in id bellum officia præstarent. Soli Veneti in a-
 micitia Solymani perseverantes ex fœdere, quod ante triginta annos cum Ba-
 iazete ejus avo percussissent, neutri parti ferenda auxilia censuerunt. Interim
 Andreas Auria, quem Cæsar toti maritimo negotio præfecerat, cuiq; uni pro-
 pter spectatam fidem rerumque peritiam profectionis suæ atque supremi con-
 silij decreta cōmunicarat, incredibili adhibita celeritate ac diligentia multarum
 ingentium navium, ac triginta rostratarum classem instruxit, in quibus erat qua-
 driremis una, quæ prætoriarum loco Cæsarem veheret. Ea erat laqueari aurato, &
 cæolata pictaque introrsus puppe, contexta item umbraculo ex auro purpuraq;
 intertexto, remigibus serica tunica, & epibatis omnibus vestitus ac armaturæ
 cultu plurimum exornatis. Præterea vim ingentem nautici commeatus, instru-
 menta navalia novi artificij, tormentorumque omnis generis ac telorum co-
 piam vel maximo suffecturam bello in naves distribuerat, quibus totius Ligu-
 riæ iuventutem, & ex nobilitate fortissimum quemq; certatim cunctis nomi-
 na dantibus imposuerat. Ad eum hæc ipsa ingenti cura fama que administran-
 tem, ut præclare virtuti suus honos haberetur, Paulus Pontifex gladium demo-
 re solennibus ceremonijs consecratum dono misit. is erat gemmato capulo, ce-
 lataque vagina cum baltheo aureis bullis & fibulis valde conspicuo, & præter
 eum etiam villosa e serico pileum margaritis Phrygio opere depictum. Easque
 eximij pñq; ducis adversus Christianæ religionis hostes depugnantis insignia
 magnis regibus dono dari solita, sic ut non immerito strenuus senex quanquā
 multatam navali gloria plenus, ad petendam novi decoris laudem accenderetur.
 Dum hæc Genuæ ingenti Auria, atq; Ligurum omnium studio paratur,
 Alфонsus Vastius bellica laude illustris, ab Ænaria literis Cæsaris evoca-
 tus, ad Andream Auriam pervenit, atque inde transgressus Apœninum in ur-
 be Viglebano Franciscum Sfortiam, & Antonium Levam convenit. Iubebat
 enim Cæsar ut Vastius suo antiquo pedestris militiæ imperio fungeretur, le-
 gionesq; Germanorum ac Italicorum in Africam transportaret: Antonius vero
 Leva in Gallia Cisalpina præsidio permaneret. Huic enim Cæsar, quanquā
 ducem animi virtute insignem secum adducere cuperet, omnino parcendum
 putabat: quoniam esset sævissimis articulorum doloribus conflictatus, ob idq;
 ad perferenda navigationis incommoda imbecillo admodum corpore vide-
 retur: & in Italia quidem opus erat constanti & impigro duce, qui in utrumq;
 bellicum intentissime vigilaret. Huic autem præcipue est iniunctum, ut se-
 vere edicto prohiberet, ne quis e numero veteranorum Hispanorum novi belli
 cupiditate ad mare dilaberetur. Nolebat enim solitis stationibus provinciam
 nudari, adeo propinquā Gallis, Helvetijsq; finitimā, quorum incertæ fidei ni-
 hilominus præsidio vacuū foret relinquendū. Deliguntur itaq; Itali tres præ-
 fecti, qui circiter viginti quatuor cohortes cōscribant. Is numerus quinque milium
 hominum summam efficiebat. Hi fuere Hieronymus Tutavilla Sarnensis co-
 mes, qui superioribus annis in Peloponneso egregiam sortemq; operā præsti-
 terat,

terat, & Federicus Carectus in Epantheris Liguribus, & in ora Ingauniorum, ad Finarium oppidum clientelis atque opibus potens, cui Auria vitricus erat: itemque Augustinus Spinula bello clarus. Hi statim hinc atque inde digressi celeriter ex optimo genere militum cohortes implent, tanto veterum novorumque militum concursu, ut conscriptis plerique voluntarii sine stipendio miscerentur. Interim Maximilianus Ebersteinus dux vetus per Tridentinas alpes octo milia Germanorum in Lunensem agrum perduxit, in quibus fuere plerique nobiles e stirpe regulorum sine mercede Punici belli famam sequuti. Hos humaniter liberaliterque susceptos, simul et Italos pulcherimis armis Mediolano advectis instructos, advocata concione cohortatus est, ut patientissimè dum navigarent maris tædia perferre, ac ubi terram Africam attigissent, optimè de victoria sperare vellent. Pugnatueros enim ipsos pro diis immortalibus & pro Cæsare, qui nunquā pijs & fortibus defuissent. Ita summa omnium alacritate consensu sunt onerariæ naves triginta octo, quarū præsidio Antonius Auria magnitudine animi & navali virtute uni magno Auria secundus duas & viginti rostratas adducebat. Nec multo post Vastius e portu Veneris solvit, ita ut triremibus oram legeret: onerariæ verò ad conspectum in alto velisuterentur. Sed alternantibus sepe ventis, & inflato nonnunquam mari, tardius quàm sperarat in Traiani portū ad centumcellas pervenit, quo iam Pontifex ab Urbe decurrerat, ut sacris precationibus Deum optimum maximum, divosque Christiani imperij tutelares ad victoriam de hoste parandam navigantibus propitiaret. Ita ipso Pontifice præeunte verba, & hymnos sacerdotum choro decantante, triremes navesque onerariæ, quæ mira felicitate ad equato cursu ab alto in conspectum se dederant, ab excelsa specula expiatae lustrataeque sunt. Datum est item vexillum & sceptrum Christianæ religionis in templo de manu Pontificis Virginio Ursino: postridieque Vastius cum eo nactus idoneam tempestatem, Neapolim cursum direxit. Ibi Petrus Toletanus prorex, regulique peculiari studio impensaque singulas triemes edificarant. In his fuere duo Sanseverini Salernitanus & Besennianus, itemque Spinellus & Caraffa, Hispanusque Alarco Neapolitanæ arcis præfectus. Ad has septem aliæ accesserant, quas ipse Toletanus publica pecunia cōfectas deduxerat, & noxijs nefariisque hominibus ad remū damnatis impleverat. Dum cuncti in eo apparatu essent occupati, Vastius in quosdam more militiæ animadvertit, qui perterriti nauseam maris, & longinquæ navigationis incommoda reformidantes, conceptas de victoria spes malignè extenuare, stipendij tenuitatem detestari, consternareque multitudinē, ut signa desererent, seditiosis sermonibus coeperāt. Ad authores tantū poena pertinuit, adeo ut involuti faccis profundo mari spectante classe mergerentur. In his fuere Michael Tarraconensis, & Molina qui apud Caveanum oppidum excitandæ seditionis initia præbuerant. Parato, & in naves omnis generis cōmeatu abundè congesto, impositisque militibus, Hispanisque præsertim veteranis, qui à Corone redierant, oram solvit. Eum secuta est universa propè totius Campaniæ iuventus, arreptis undique navigijs, tanta omnium cupiditate, ut nemo Neapoli relictus esse videretur. Invitarat enim comitate insigni, quosque opibus ætateque florentes, ac notos sibi militie veteranos, quod illis pulchrū esset, vel emerita stipendia, vel tirocinij præclarā indolem memorabili victoria nobilitare. Profectus est & una Federicus proregis filius, ingenio bellici decoris avido juvenis, paucisque diebus Panhormū in Siciliam

est peruentum. Hisdem quoq; diebus & ipse Andreas Auria diuersa nauigatione in Hispaniā ad Cēsarem peruenit, cum vetere sua sedecim triremiū classe, tribusq; celocibus quos galeones vacant. Ea sunt nauigia structura militari, formaq; ad omnē vel tormentorum vel tempestatis contumeliā egregiē sustinendā idonea, paulo minora onerarijs, humilioraq; instructa quadratis velis atq; etiam aliquot remis, vt ē portubus in apertū mare ad captandos ventos facile sese prouehere, & promontoria superare. His fermē vtūtur, qui piraticam exercent, quoniam innumerabilem tormentorum copiam ferant, quibus vel plurimas triremes in multa malacia ad se oppugnandum appropinquantes perfringere maioribus tormentis atq; demergere faciliē possint, quū directis ad libellā summae aquae per fenestellas validissimis colubrinis in orbem vndiq; ferreae pilae ad multum maris spatium emittantur: perflantibus verō ventis reliquorū nauigiorū cursum antecedant. Cēsar delectibus habitis circiter octo milia peditum magna ex parte tironum conscripserat, et septingentos equites vltioris Hispaniē regulis imperarat, ex vetere eius regni consuetudine legeq;. Nam superioribus bellis, quibus cum Mauris de Bæticæ imperio dimicatum est, nemo procerū fuit, qui non certā equitum manum cōferret, & contra hostes in castra perduceret, cuius impositi oneris causa magnas tulerant immunitates. Illeuis armaturae equites dicebantur, quōd nihil prāter apertam galeam & thoracē ferreis laminis squamoso opere consertam, leueq; item ex præduro corio scutum Maurorum more, & lanceā latae cuspidis, gladiumq; habilē gestarent. His omnibus copijs præerat Mendocius Tendiliū filius, cognomēto Montegius. Sed pleriq; illustres reguli, & ex toto nobilitatis ordine frequentes euocati, ad Cēsaris aulam conuenerant, qui grauiorib. protecti armis, ac instructi generosis equis pro censu & amplitudine ditionis aliquot clientes liberaliter armatos trahebant, vt loco stipendiū gratiam Cēsaris, & ex alacri pioq; studio ad nauandā operam certę laudis decus promererent. Inter hos authoritate nominis eminebat Ferdinandus Toletanus Albę regulus, non dubiā magni futuri ducis spem præbens, quū publico pietatis nomine & priuato voto vehementer incitatus, in Barbaros deferretur, vt Garziæ patris cædē vindicaret, quem ab Afris ad Girapolim Mœnice in insula cæsum fuisse docuimus. Venerat etiam ab Occano portuq; Gallico Ludouicus Lusitaniæ regis germanus frater, cuius soror in matrimonio Cēsaris spectabatur, cum classe viginti quinq; nauium eius generis quas carauellas vocant, Indicis nauigationibus assuetas, magnaq; rerū omnium & tormentorū onera & quantamlibet irati maris iniuriā faciliē perferentes. In his videre erat excelsum galeonem incomporabili tormentorum apparatu per munitum. Ea in classe duo milia peditum descriptorum præter nautas recensebantur. Applicarant etiā ē Belgico Oceano per Gaditanū fretum supra sexaginta onerariæ naues, quæ copias pasim paratas, & cōmeatus singulis mediterranei maris portubus susciperent. His aduectus fuerat magnus damnatorum numerus, quibus per Belgicas vrbes vita ex decreto Cēsaris idcirco fuerat concessa, vt in supplementum remigum in triremibus operam præstaret. Nam eius generis hominum ærumnoso in labore faciliē deficientium inopia momēti minimē leuis futura credebatur. Itaq; Cēsar copijs & com meatibus in naues distributis, totoque ad edictum exercitū designata nauigia ea lege conscendere iussit, vt nemo scortum aut puerum nisi ætate militari secum adduceret, ē Barchinone orā soluit, tenuitq; cursum in Magonis portū minoris insule Balearis, atque

atque in deturbulenta navigatione in Sardiniam Caralim pervenit, quo nuper Alphonſus Vaſtius ex Sicilia cum ſua claſſe applicuerat. Nec multo poſt Ceſar ipſo Auria reliqui conficiendi curſus rationes explicante, atque adhortante ut omnis moræ cauſa præcideretur (nam Hiſpanica claſſis iam penè tota convenerat) in Africam traiecit, & in Vtica portum, quem Farinam nautæ vocant, leni Coro remigum laborem ſublevante univerſam claſſem intulit. Magno autem caſu una omnium prætoria quadriremis, qua Cæſar ipſe vehebatur, dū intraret, fabuloſo in vado hæſit. Quo animadverſo periculo Auria expedito conſilio dimidiam partem vectorū & remigum in adverſam ſpondam declinare iuſſit, tanta agilitate, ut ad imperium canentis fiſtulæ quadriremis utripondere ſublevata impulſaq; demū dextro remigio eum arenæ tumulum evaderet, & incolumis cum plauſu univerſæ claſſi redderetur, nequaquam leviter cōmoto Cæſare, qui ſimile vitæ diſcrimen Philippū patrem ſubiſſe memorabat: quum ille in Oceano tranſverſa abreptus tempeſtate in arenæ cumuloſperiturus incidiſſet, niſi ingentis fluctus beneficio elata navis atq; ultra extantē fabuli cumulum transportata, magno miraculo Britanniæ litus evaſiſſet. Ab Vtica mox diſcedēs claſſis circumvecta promontoriū Carthaginiſ, totumque eius regionis litus, quā Martiam vocant, exciſæ quondam ſuperbæ urbis ruinis, & nova regionū hortorum amœnitate celebratum, appulit contra turrem, quā de ſubiecto fonte Aquariam vocant. Hæc eſt in ea plaga, ubi ſtabula elephantorum florēte Carthagine fuiſſe putamus. Nam & Cotum inſulā & totius antiqui portus formā, navaliaq; quibus Romani victores inviderint, tantæ vi vetuſtas mutare & abolere facilè potuit. Barbari qui ab imminentibus Vtica collibus, alijsq; paſſim ſpeculis, & ab excelsa arce antiquæ Carthaginiſ, quam Byrſam fuiſſe memorant, adventum & curſum explicatæ claſſis cōſpexerant, Hariadeno Barbaruſſe renunciarunt, hoſtilem claſſem innumerabilibus omnis generis navigijs cōſtare. Erant enim ſeptingentæ ferme naves, in quibus duæ & octoginta roſtratæ triremes frequentibus exornatæ vexillis conſpiciabantur, quæ ſpeciem æquo maiore & terribiliore hoſtium oculis præbebāt.

Verum id Barbaruſſæ animū magnopere perturbavit, quod alij atq; alij præcurrentes nunciabant, in claſſe pro certo eſſe Cæſarem ipſum Chriſtianorum maximum Imperatorem, tantasq; equitum & pedītū copias ampliſſimæ claſſiſuiſſe impoſitas, ut nemo qui arma ferre poſſet, in Hiſpania atq; Italia relictus eſſe videatur. Hoc affirmari à quibuſdā ſervis Mahometani nominis, qui præterita nocte ex utriſq; cōpedibus ex hoſtili trireme in proximi litoris dumeta feliciter enataſſent. Non putarat enim inſolēs Barbarus, noſtrarumq; virium contemptor, Cæſarē periculosis in explorati maris caſibus in ignota præſertim, ſterili, ac æſtuoſa terra, dubio bello ſe cōmiſſurum: ſed quod captivi à piratis Tunecum perducti dicere ſolerent, per legatos, ipſumq; præſertim Auriam non Tunetū quidem ipſum, verū ignobilia tantum eius org oppida tentaturū. Cuius confirmandæ opinionis ante alios author fuerat Aloyſius Præſenda honeſto loco Genuæ natus, qui in itinere ſupra Adrumentū captus, in libera prope cuſtodia Tuneti habebatur. Ab hoc Barbaruſſa crebris percunctationib. multa de Italicarum rerū ſtatu moribusq; noſtris tanquā à perito diſertoq; homine ſpem præbens maturæ libertatis, ſibi opportuna didicerat. Hunc itaq; ira percitus, quod falſa pro veris de Cæſare aſtutè perfidiuſq; narraſſe crederetur, ad ſe perductum, oneratumq; malignitatis contumelia in veſtigio interfici iuſſit.

Hæc immitti in fontis hominis cæde, tanquam vanissimæ suæ crudelitatis ex-
 piato dolore, Barbarussa ad gerendi belli cogitationes se conuerit: pri-
 mumque omnium aduocatis in consilium trierarchis, quibus propter specta-
 tam virtutem maximè fidebat, docuit viris fortibus nihil omnino de victo-
 ria dubitandum: quando eam ipse hisdem de causis iam pro certa atque ex-
 plorata perciperet, quibus Cæsarem id difficile atque anceps bellum (si non
 omnino insanus foret) minime suscepturum credidisset. Quis enim inquit, re-
 gionis non ignarus (ut hic vires nostras non extollam) hostem non iudicet am-
 bitiosæ cupiditatis inconsultæq; audaciæ pœnas daturum? qui inquisitimo an-
 ni tempore solstitialibus diebus in loca æstu torrida, & aquæ prorsus indiga,
 minutissimisque obsita arenis, quas ventus in ora atque oculos incedentium
 verteret, certaturus aduenerit? An hostium milites, quos audio magna ex parte
 esse tirones, grauibus onustos armis faciliè progredi regrediue, aut in vestigio,
 ut varius improvise pugnae casus deposcat, fortiter consistere posse arbitra-
 mur? Quum præalta & faciliè cedens arena, ad suras vsque pedes deuoret, ne
 ordines rectè constitui sinat. Qua porro bellandi arte, & peditum Turcarum
 vim, & Numidarum equitum perpetuò laceffentium repentinos impetus
 sustinebunt, aut eludent? Si verò tot sunt, quot istiasserunt, quinam commea-
 tus, si bellum trahatur, tantam hominum colluuiem pascent? Hoc profecto
 bello, viri fortes, nouū & incomparabile trophæum in terra Africa defigemus,
 quod Carolus summæ opulentia & dignitatis hostium imperator aut truci-
 datus concideret, aut optimæ futurus prædæ in nostrā veniet potestatem. Quod
 ad me attinet enixè dabo operam, ut nihil vel armorum, vel commeatus, vel
 auxiliorum administrando atque gerendo bello vobis desit. Vetera enim ar-
 mamentaria pandam, aperiam horrea, referabo ararium, & ad Numidas quos
 iam amicitia conciliatos habemus pecuniam in stipendium, exoptataq; geni-
 munera confestim mittam. Tunetanos verò in spem præmiorum exigua mer-
 cede in officio contineri, & hostibus obijci faciliè posse scitis. Hoc autem vnum
 militiæ munus à vestra virtute vehementer exoptulo, ut Guletam quæ non
 vrbs modò, sed totius imperij, & subductæ præsertim clasfis certissimum est
 propugnaculum, acerrimè & constantissimè defendatis: in eam enim hostis
 primo impetu deferetur. Vos itaque eam mihi & Solymano imperatori inui-
 ctis animis seruatote, ut irritò incepto tentata, & à vobis fortiter defensa, hos-
 tis Cæsar deceptus sua inani opinione, & tota existimatione sui nominis spo-
 liatus, non iam de expugnanda vrbe Tuneto, sed de reditu, saluteq; desperet.
 Hæc quum dixisset, trierarchi vno consensu responderunt, se paratissimis ani-
 mis cuncta facturos quæ imperaret, nec commissuros, ut dedecus pristina sua
 virtute indignum admitteretur, & id iureiurando singuli confirmarunt. Hos
 omnes Sinas Smyrnæus dextro captus oculo, quem Turcæ Cæsutem (hoc est
 Iudæum) vocabant, cum ætatis honore tum militaris prudentiæ autoritate sa-
 cilè anteibat. Huic proximi accedebant Haidinus Cilix, cui propter terribilem
 impetum Cacciadiabolo cognomen erat, & secundum hos Salecus ab Ionia,
 & Tabacchespirata Laodicens, & ex ordine Ianizerorum Giaffer centurio,
 virtute animi & corporis viribus insignis. Is Guletae situs est, ut lateritia tur-
 ris eum adiecta munitione his faucibus imminet, per quas Carthaginensis si-
 nus mare ad australe litus allidens, sensim in stagnum sese insinuat, quo paruis
 nauigijs ad urbem Tunetum aditus patet. Neq; enim hæc palus longior est,

aut latior duodecim miliaribus, sed utrinque ita humilia sunt vada, ut nisi medio eoque profundiore alveo pernavigari queat. Ingressum à mari turris prohibet, quam circumadiectæ munitiones augent, ea amplitudine, ut iustæ manus præsidium facile capiat. Hanc Barbarossa multis tormentis instruxerat, ut suam classem, quam intra stagnum propulerat, ab hostili iniuria tueretur. Carthagenensis autem sinus ea forma est, ut eius ingressus ab alto adnavigantibus abscondatur: quoniam Clupeæ promontorium antiquis Mercurij & Pulchri vocatum, multum in occidentem Solem sese extendit, & introrsus demum se reflectens, alterum efficit promontorium, olim Apollinis, hodie Zafranum à nautis appellatum. Inde vero lunato ambitu ad Guletæ fauces recurvatur, & ad lævam Radæ urbis calidarum aquarum salubritate celebris, regionem relinquit. Ex adverso autem collapsæ Carthaginis situm spectat, atque item colles olivæque & litus ipsum Aquariæ turris, qua nostra classis appulerat. Cæterum Guletæ fauces pons ligneus cum adversa orientali parte coniungit, quo transirent qui ab Tuneto terrestri itinere commeabant. Huc enim atque illuc Turcæ iter habentes sese divisim per vices excubijs permutare erant soliti. Nam rerum omnium copię in quotidianos usus per stagnum levioribus lembis advehebantur. At Cæsar tota classe ad anchoras constituta, pronuntiari iussit, ut milites expediti in triremium magnarumque navium scaphas desilirent, & toto litore descensiones facerent, quod usque adeo compositè administratum est, ut tota undique litora Barbarorum agminibus nudarentur. Neque enim nostrorum clamorem & sclopettorum strepitum ferre potuerunt, quin in fugam nullo contracto certamine protinus se darent. Veteranos Hispanos Itali, & hos demum Germani subsecuti sunt, cunctosque munitis castris Vastius consistere, nec temerè vagari iussit, donec equites, & relique omnes copię, totusque tormentorum apparatus in terram exponeretur. Descendit & Cæsar ipse bonæ spei & certæ alacritatis plenus, qui alas hostium occupantes litora, & descensum nostrorum prohibere conantes in fugam versas cōspexerat. Erexit autem prætorium idoneo in loco inter duas turres, quarum alteram vocari Aquariam diximus; alteram Barbari Salinariam appellant. Interim variæ militum manus emissæ sunt, quæ proxima explorarēt loca, & cisternas puteosque quærirarēt, hostiumque simul casas, & vicos mapalibus similes occuparent usque ad summos colles, ubi vetusti templi ædificia viscebantur: quo in vertice duarum cohortium Italicarum vexilla præsidij causa cōstituta sunt iuxta antiqui operis aquæ ductum, quo olim magna perennis aquæ vis in urbem Carthaginē perducebatur. Afripedites, equitesque præsertim Numidæ velox, insidiosum, & summi laboris militum genus omnibus horis locisque, repentini ac infesti nostris occurrebāt, locorumque notitia cōfisi, uti erant inermes & agiles nostros sæpe incautos ac impeditos armis circumfistebant, sagittis, iaculis atque lapidibus rem gerentes tanta feritate, ut nemini vel dedito parcerent. In quibus fuit Hieronymus Spinula Ligur centurio, cui Numida eques ictu inversæ lancee prostrato ab equo desiliens, priusquam subveniri posset, caput præcidit, & cōscenso rursus equo celeriter asportavit. Eadem quoque mala fors incidit Federico Carecto regulo: is quum à Vastio exploratū duceretur, eius lateri hærens sclopetti glande traiectus est. Sed ea hostium agilitas ferociaque Cæsarem minimè retardabat, quin ipse cum paucis exploratum iret, et in conspectu volitantium undique Numidarum cuncta oculis perlustraret: ea quidem animi constantia, ut ab amicis gravioribus fru-

stra admoneretur, ne minorum ducum munia tanto suo publicæq; salutis periculo usurpare vellet. Iam Vastius non longè à Guleta legiones promouerat, crebris passim obliquis fossis sinuosè perductis, & constitutis munitionibus, ut tutò milites cōmeare, in opereq; versari possent, & continuos tormentorū hostilium ictus pauescere desinerent. Faciebāt autem opus non serui modò remiges, sed milites ipsi omnium ordinum magno quidem cum labore, verum alacritatē singulari, ut post quibus Cæsar præsens ac indefessus esset adhortator, & pleriq; duces certatim ligonibus & batilibus pròptas manus admouerent. Erat enim extensæ munitionis ingens spatium. nam Cæsar nequaquā properè, sed paulatim proferenda opera censuerat, ut tutò produci milites & tormenta muralia opportunè subuehi, atq; inde inuadi hostes possent, qui nihil omnino apud nostros remissum, aut paulo negligentius munitum esse patiebantur. Tantos siquidem spiritus barbari prædones sibi desumpserant, ut vitò erumpere, et nostros ad conferendas manus prouocare, accedereq; propius ad munitiones, atq; eas subire auderent. In prima erecti aggeris fronte, præcipuum sibi locum depoposcerat Sarnensis regulus, elatus spectatæ virtutis fama, quam Peloponnesiaco (ut diximus) bello fuerat adeptus. Is rotundi ambitus aggerē, muralis instar propugnaculi, sed paulo quā ex disciplina oporteret angustiorē erexerat: nam in medio tabernaculum splendide extensum, ferè totum loci spatium occupabat. Intra hunc aggerē quanquam arctè, cohortes suas contulerat. Sed vir æquo acrior, & parandæ laudis auidior, quum fortè hostes in conspectum se dedissent, quin in eos confestim erumperet, contineri non potuit. Salecus enim ausu astuq; piratico insignis, cum delecta suorum manu, ad eius munitionem excelso tabernaculo conspicuam aduolarat, magnumque & repentinum tumultum apud nostros excitarat, sic tamen ut sclopettorum glandibus repulsus, coactusq; se recipere videretur. Tum verò Sarnensis quibusdam præfectorum suorum contumeliosè appellatis, quod eos timidijs & cunctantius egressuros & subsequituros appareret, in hostem callidè tergavertentem, ira feruidus erupit, obuios acriter vulnerans atq; prosternens scilicet ut fato suo non inhonestam viam aperiret. Ita Salecus nostros satis magno intervallo à cæteris disiunctos, edendæq; cædi opportunos videns, ad suos conuersus, milites, inquit, quam exoptastis de hoste prædam indagine clausam tenetis, proinde conuertite ferrum fortiterq; pugnate, ut nemo ex his audaculis tironibus viuus aut integer euadat. Nec mora conglobantium sese ea fuit impressio, atque is in hostem impetus, ut nostri pauciores aduersus multos non diu resisterent, sed tumultuosissimè terga darent. Sarnensis ipse antè alios acerrimè depugnans cum Belingerio affine suo cohortis præfecto trucidatur: reliqui eandem in fuga oppressi Fortunam subeunt. Cæteros intra munitionem confugientes irretitosq; tabernaculi funibus, quò minus expedita fuga se reciperent, Turcæ audacter intrantes contrucidant, à quibus argentea suppellex ipsius Sarnensis properè direpta est. neq; fuit quisquam ex proxima Hispanorum statione qui satis maturè socijs perturbatis & profligatis opem tulerit. Ferunt enim Hispanos sociorum Italorum cladem non omnino tristibus spectasse oculis, tanquam bono iure indignantes, quod propinquæ hosti, ideoque periculosi custodiæ locum arrogantia quadā Sarnensis desumpisset, qui nouus propè miles, quanquā apprimè nobilis et valde pugnax, id ambitiosius quā deceret primi honoris causa à Vastio impetrasse diceretur: caput eius

cum

cum dextra ad Barbaruffam delatum est. At nostri, barbaris ex successu eius diei lætitiā crebris tormentorum bombis celebrantibus, magnopere tristes, vix animis accepti incommodi ignominiam sustinebant, querebanturque itidem ab Hispanis nequaquam alacriter fuisse adiutos. Sed Vastius, quā multum valebat, molli oratione afflictos est consolatus, sic ut eos non virtute hostiū, sed ipsorum & preproperi ducis timeritate contractū fuisse detrimentum, ostenderet. Verū id totum, quod malè auspicatum accidisset, probè expiatum videri ipsa ducis cæde, qui totius accepti incommodi author extitisset. Proinde confirmarent animos, et quicquid dedecoris esset admissum nova virtute sarciendum existimarent. Hispanos autem seueris castigauit verbis tanquam parum misericordes, quod nequaquam amice erga socios voluntatis suspicionem parandi odij plenam, leui de causa præbuisent. Sed Fortuna non iniqua plerumque libidine, bona pariter & mala inter mortales dispensare solita id Hispanis non indulsit, ut ab hesterno inflicto vulnere diu socios contemnerent: par enim eis dedecus Tabacches attulit. Sub aurorā nāquē erumpens cæto & festinato procursu Hispanorum munitiones adortus, vsq; adeo vehementer stationem perturbauit, ut consenso aggere aliquot desides & operis labore fessos, alios reposita repetentes arma, in fossa opprefferit, clamoreq; edito reliquam custodiæ manum valde perterritam terga dare coegerit. Atq; ita Barbari momento temporis fossorij potiti ferramentis, & rapto Francisci Sarmenti vexillo, quod erat in summo aggere defixum, interfecto que in fossa Mendefio cohortis præfecto, qui ab multo abdomine grauis, fugam capessere naquiverat, multis improviso cæsis & vulneratis, prius se receperunt, quā auxilia adcurrentium cohortium superuenirent. Adcurrit & ipse Cæsar armatus ad tumultum totis castris excitatum, seuerè increpitis, qui commissum stationis locum trepidè deseruissent, & vsque adeo segniter et supinè custodias obissent, aduersus eum hostem qui suo astu, velocitate, atque audaciā repentinus, & insolens, & ferox, à peritis ipsisq; præsertim veteranis, nisi tenere contemnendus videretur. Id insigne editum facinus pudorem Italis abunde deteruit, quum dedecus Hispanis opportunè communicatū viderent, & eo quidem acerbiorē aduersi euentus sorte, quod veterani disciplinæ parum memores alquanto inusitatus & turpius deprehensi cæsiq; fuissent, quā Itali tyrones, qui committendę pugne studio temerè progressi & elici, et conferto certamine a multis trucidari facile potuerint. Sedato tumultu Vastius veteres præfectos, primorumque ordinum centuriones in tabernaculum vocauit, conuersusq; ad eos, viri, inquit, alioqui semper fortes, qui multas incomparabilesq; victorias mecum Cæsari inuicta virtute vestra peperistis, paucis omnino verbis cohortandi videmini, ut pristinum spectatumq; semper bellicum vigorem ad animos reuocetis. In vobis enim (ut vidio) quod piget, pudetque, antiquæ partē laudis memoria penitus refrixit, te insolito metu obtorpuerunt manus, & noua pigritia corpora alanguerunt, ut non horum inermium prædonum insolentiam vestro forti ausu frenandam vindicandamq; putetis. Irrisistis, ut nonnulli obiectant heri sociorum inauspicatæ promptitudinis coniunctā cum pœna temeritatem: at illi hodie vestram incuriam degeneremque segnitiam iure optimo rident, sic ut hoc commune dedecus vestro præsertim aliquo celebre & pulcherrimo facto abolendum esse fateamur. Censeo itaque & seuerè iubeo ut ad nouam parandam laudem arma atq; animos quamprimum præparetis,

& hostes si rursus laceffant, & munitiones tentent, eruptione facta fodiendo eorum inermia pectora, & terga cædendo, malè mulctatos intra Guletæ portum compellatis. Strenuè instantibus atque prementibus fortasse aderit Fortuna, vt inimixti perturbato agmini, munitiones intretis simul & occupetis, in quibus ipsorum spem omnem repositam videmus. Quod si hoc secus acciderit quàm sperandum sit, saltem cum Cæsari, tum mihi decorique vestro, vel hoc vno insigni conatu abunde erit satisfactum. Ad ea continuo Aluarez Gradeus, Cisnerius, Rodericusque Ripalta, & cum his Sarmentus, Didacus Abyla, Franciscusque Ruitius, responderunt se vsq; adeo præstantem operam nauaturos, vt in ipsis neque vim, neq; omnis periculi contemptū, aut expectatæ quærendæ laudis ardorem, viris fortibus impigrè pugnare solitis dignum desideraret. Nec Barbari aduerso nostrorum successu elati, quin eadem consuetudine audacter erumperent, plus tridui mora conquierunt, meridianoque tempore Giaffer, cui id munus fortè contigerat, cum Ianizeris, Afrorumque iaculatorum manu superiores munitiones inuasit, ratus se ea hora nostros, cum labore operis, tum Solis feruore confectos, in statione segnes & imparatos aggressurum. Iam Barbari inopinantibus nostris, vti remissa passim eius feruentissimæ horæ custodia, aggerem conscenderant, & certatim in subiectos vndique glandes, sagittas, & lapides conieciabant, quum extemplo ad leuem tympanorum sonitum sclopettarij nostri sicuti fuerat imperatum, duobus simul locis eruperunt. His Vastius subsidiariam manum ex galeatis thoracatisque militibus, qui alabardis, breuioribus hastis, aut partesanis lato ferro Italorum consuetudine rem gererent, opportunè submisit. Phalanges autem suo ordine compositas intra munitiones constituit, vt si quid leui armaturæ durius accideret, eam pedem referentē pedites reciperent, & ad pugnam parati simul castratuerentur, coeptique certaminis euentum expectarent. Pugnatum est vtrinque summa contentione: nam Ianizeri quanquam graui nostrorum impetu repellerentur, vti milites pro dignitate prætoriani sui ordinis nusquam terga dare soliti, non multum constantia aut virtute animi nostris cedebant. Sed Giaffer ipso, qui ante alios ardentius dimicabat, duobus simul glandibus trajecto, cadenteque, ora conuertere fugamque respicere cæperunt, & mox expirantem ducem erigere atque referre conantes, redintegrata ob id acriore pugna, quum alij supra exanimem vtrinque cecidissent, effuse in fugam se dare coacti sunt, nostris tanto ardore persequentibus, vt Guletani receptis primis periculum veriti quartam ferè suorum partem obseratis repente portæ valuis excluderint. Verum hi deflectentes versus stagnum, postico ferè aditu, qui nostris erat inexploratus, intra munitionem se receperunt. In eo tumultu, quod Sinas totam munitionis coronam propugnatoribus egregiè muniuisset, periculosus atque difficilis nostris receptus est datus, Didacusque Abyla nouellariæ cohortis signifer, in hostili aggere vexillum defigere ausus, multis simul glandibus petitus, & sagittis confixus occubuit. Neque tamen vix illo potitus est hostis, quum illud proximus miles ex occupantium manibus intrepidè rapuisset. Rodericus quoque Ripalta crassioris sclopetti glande collisa vehementer galea grauè vulnus accepit, multoque plures è nostris in receptu quàm in pugna desiderati sunt: quoniam e tota munitione Barbari omnis generis tela & tormenta (quod extra suorum periculum antea tanquam in permixtos fieri nequiuerat) certatim contorquebant. Eo tamen die Barbarorum audacia egregiè repressa est,

& spes

& spes expugnandę munitionis nostris non obscure præbita, quod ex propinquo munitionis natura consideratius explorata certam victoriam aggressuris promittere videretur. Nam ea inter omnes enata erat opinio aliquanto infirmiorē esse, quā crederent Guletę munitionem, persuasumq; habebant eo aditu, quem diximus, postico & nostris incognito per stagni marginem irrumpi potuisse. Qua de causa Sinas animaduerso aggeris vitio, quod non esset perpetuus nec lateritio ædificio coniunctus, nouum & subitarium ex remis munimentum erexit. His enim longa serie humi defixis, & funium lorica, transuersoq; leuiorum asserum munimine confibulatis, ingressum præsepit, ne aut intrare hostis, aut suos ex obliquo intercedente paludis parte conspectos, certis sclopettorū ictibus petere posset. At Cæsar paucis diebus in ipso rerum apparatu deliberationeq; consumptis, statuit non esse terendum tempus, quin protinus Guletanis vim omnem, et verum terrorem admoueret: multę enim eum res ad expedienda consilia vehemēter hortabantur, suorū in primis animi abunde restituti, hostium verō non vano planē metu perculsi, quos nouo præsidio erigi in spem, cōfirmariq; nolebat. Didicerat enim varia Numidarum agmina mercede conducta ad Tūnetū appropinquare, contra suos aduersa tētari valetudine, vt pote qui interdū immoderato Solis feruore torrerentur, noctu verō largissimo cœli rore madefacti, astrictis, & propē gelatis artubus rigerent, nec aqua dulci aut planē suaui leuendę sitis desideriu explerent, nec exoptata ægris recentis obsonij subsidia clas̄is præberet; militari namq; industria effossi toto litore putei, et Aquarię item turris latices iniucunda falsugine redundabant, sic vt ægri pariter & incolumes compressa acrioribus pomis siti facili contabescerent, quanquam his malis Cæsar insigni pietatis cura liberaliter obuiā iret, & Ferdinandus Gonzaga Sicilię præfectus, rerum propē omniū aduersus in ediam & sitim, imminentesq; morbos opportuna præsidia, onustis pluribus nauigijs, in castra illico subsecuturus transmississet. & Alarco Neapolitanę arcis custos, completa ingenti naue, pari studio ad Cæsarem esset profectus. Iam enim Aurianę clas̄is, Hispanicęq; præsertim nauticus paupis mucorem & cariem sentire cœperat. Itaq; ad Idus Iulias promotę sunt munitiones in conspectum hostium, prolatusque omnis tormentorum apparatus. Hęc omnia protegabat oblonga munitio ex vimineis corbibus vsitata ratione confectis, & ligneis item vinarijs dolijs quę arena sola complebantur, quod Africę solū his in locis neq; glabram neque cespitem ad opus faciendum præberet. Auria suo vsus munere a mari oppugnandę Guletę negotium suscepit, ita totius clas̄is diuisis ordinibus, vt rostratę naues sibi per vices tripertito succederent, displosisque tormentis cædendo, sequentibus locum darent, maiores verō onerarięque naues idoneis in locis ad ancoras constitutę, ex castellis prorarum & puppiū, & ab excellis summi mali carchesium itigiter operam nauarent. A terra autem tribus in locis tripertito pariter singula munera diuisis inter se per nationes copijs Vastius partiebatur, vt singulę acies ex æquo attributi laboris onus, et speratę laudis fructum sentirent. Nunquam ab vlla hominum memoria, postquam tormenta ad excidium humani generis reperta sunt, vel acriore vi, vel maiore apparatu, exactioreque diligentia munitus vsquam locus est oppugnatus. Tanto enim crepitu, adeoq; horribili reboatu fragor ingentis terrę motus instar est editus, vt non quati modō & grauissimē concuti, verum tota passim terra hiscere, & iam iam mortales absor-

bere videretur. Mare autem quod modo tranquillitatem pacati æquoris ostenderat, fluctuosius concitari in orbes, remotaq; etiam pelagi spatia, repente excitata flauenti spuma cõturbari, lateq; feruere spectarentur, quũ cœlum superfusa tot excitatis ignibus fumea caligne, omniũ oculis esset ereptum. Ab aurora ad meridiem maioribus colubrinis nusquam est cessatum. Itaq; turris cum adiecto suo antemurali terebrata vndiq;, & penitus diffracta sic concidit, vt tormenta suis apposita fenestellis, horumq; libratores, corruentium parietum, & proficissæ testitudinis ruina contegeret, munitionesq; circum omnes, nudatæ propugnaculis latè passim perfossæ atq; desiectæ, non omnino difficilem nostris ascensum præberet. His ad accendendos animos cucullatus sacerdos crucifixi Christi seruatoris ligneam imaginem præferebat. Nec mora cohortes quibus singulis senæ scalæ erant attributæ, eo ordine vt tum hostilem munitionem inuaderent, quum signum tubarũ cantu esset datum, nostrorumque tormenta cessassent, cohortante iubenteque Cæsare procurrerunt. Neq; diu Barbari quamquã in subeuntes tela omnis generis, naualiq; artificio misilem ignem tenaci flâma armis adhærentem conijceret, vim nostrorum tanquam terrefacti, magna; introrsus obruti clade sustinere potuerunt, sed occupatâ a scandentibus munitionem, amissa spe defensionis deserere, præcipientesq; se in fugam dare coacti sunt. Sinas ipse cum ducibus ponte ligneo se eiecit in aduersam continentem, leuq; litore intrito cursu Tunetum profugit, quo itinere multo maxima pars suorum sese proripiebat. Alij cæsi pulsiq; in stagnũ detrudebantur, quos enatare conantes, & dextri litoris appetentes marginem Hispani equites & sclopettarij præsertim venatoria consuetudine passim opprimebant, tanta confectandi voluptate, vt tota paulus Barbarorum cadaueribus constrata videretur. Nostri paucis amisissis, omni tormentorum apparatu, totaque iam pridem subducta (vt diximus) hostium classe sunt potiti, quo nihil iucundius Cæsari Hariadeno verò acerbius accidere potuit gementibus piratis, qui maris & totius nauigationis facultatem, qua vna maximè valerent, amisisse querebantur. Constabat enim Barbarissam in ancipiti deliberatione aliquandiu steterisse ambiguum, tuereturne regnũ terrestri manu, an ipsam potius maris possessionem, retineret, qua ipse ab ineunte ætate facto sæpius Fortunæ sue periculo, duo opulenta regna, & longè clarissimam peritiæ naualis existimationem esset consecutus. Sed in superbo ambiziosoque homine vel improbantibus tricerarchis præualuisse confirmandi regni cupiditatem, tum maximè sibi aduerso Pœnorum studio, qui alienigenã, & multa cruentũ cæde prædonem sibi regem impositum abominati, reditum Muleassem expectabant, quem veteres amici ex Tunetanis expeterent, & præcipuus inter Numidas auunculus Dorax se reduiturum polliceretur. Verum ego postea ab ipso Auria accepi, Barbarissæ nihil famæ de aduentu Cæsaris credenti, tempus omnino defuisse, quo classem deducere atque instruere posset: nam quæ intra Guletæ fauces reducta, in ipsa paludis tuta statione seruabatur, nisi magno ergatarum & funium molimine, longoque militum & seruorũ remigum labore extrahi, appararique non poterat. Neque enim Barbarus vir acutus, ac utriusque militiæ peritissimus, vtro bique si copias diuideret, rem iustis viribus, & bona spe geri posse iudicabat. Qua de causa, sicuti superiore libro demonstrauius, nouũ intra paludẽ portũ efficere, mareque apertũ nouis faucibus ad occasum excauatis immittere cogitabat, & iam magna ex parte perfecerat, vt expeditã instructamque suis armamen-

tis clas-

tis classem securo in loco, & vndique tormentis permunito continerent. Sed
 cum pertinacissime vacante operi, & passim veteribus Carthaginensis molis
 reliquijs occurrentem aquileges deterruerunt, affirmantes exiguo tempore
 futurum, vt Guletæ munitio à continente abscissa, & redacta in insulæ for-
 mam, nouo terrestri præsidio (si vsus posceret) confirmari atq; defendi non
 posset, & allidentis maris fluctus perflante Aquilone stagnum inuectis arenis
 oblimarent, exaggeratisq; vadis summæ utilitatis Tunesana nauigatio tollere-
 tur. Cæterū Barbarussa rāto accepto incommo-ō perturbatus & exterritus, ve-
 nientem ad se cum reliquis Iudæum ita turbido infestoq; supercilio excepit,
 vt ignauiam cunctis, fœdumq; terrorem nimis propere conceptum exprobra-
 ret, grauiq; admissi dedecoris contumelia prosequeretur. Ad ea tamen Sinas
 pro omnibus respondens, Hariadene, inquit, quamdiu cum hominibus arma-
 tis certandum nobis fuit, vti planè scis nec hostes dissentunt, operam existima-
 tionem nostra, & tuis auspicijs dignam edidimus, vbi verò nobis cum diro Sa-
 thana, furijsq; eius infernalibus, qui in nos horribili cum incendio terræ mo-
 tum extremi terroris atq; periculi excitarunt, repugnare necesse fuit, tibi mi-
 rum videri non debet; si immortalium humani generis hostium inusitatam
 vim effugimus, vt tibi meliore Fortuna de imperij vrbisq; tutela certaturo inte-
 gri seruariemur. Neq; nos dispudet, tanquam iterum pugnatu-ros, eo periculo
 creptos videri, è quo tu si interfuisses summæ constantiæ vetus dux, & mi-
 les, non turpè modò, sed planè honestum (si libero ore tecum loqui li-
 cet) incolumen emeruisse arbitrare. Hæc in primo congressu dicta fuisse ab
 his qui sermoni interfuerunt didicimus. Hariadenus compresso animi dolore,
 verborum contentioni finem imponens, leniore oratione singulos vehemen-
 ter est cohortatus, vt secum pro republica saluteque omnium aduersus hostes
 bellum sustinere, intentissimaq; cura gerere vellent. Seperare enim se postquā
 ampliora iam Afrorum peditum auxilia, & ingentes Numidici equitatus tur-
 mæ appropinquarent, hostes non diu Guleta capta latatu-ros, indeque mox
 ad paranda quæ opus erant omnem industriam studiumq; conuertit, prolata
 statim ex ærario ampliorē pecuniā, dispensataq; liberaliter inter Afros & Nu-
 midas, vt propensiorum confirmaret amicitiam, & nouo beneficio dubios ob-
 stringeret. Interea rex Muleasses ex vltiore Numidia cum modico propin-
 quorum & clientium comitatu ad Cæsarem in castra peruenit. Confederat in
 sella regia Cæsar medio in pretorio, in quod admissus est Muleasses suo cultu
 mitratus, cui lintea fascia a mento demissa guttur protegebat, & tibiae talaris
 adornabat vestis è serico viridi & cyaneo discolor. Erat is procera statura,
 suffusco vultu, planèque virili, sed oculorum lumine ita peruerso, vt spectan-
 tes malignè contueri videretur. Postquam verò exosculatus est Cæsaris dex-
 tram, tapete substrato, humi collectis cruribus more patrio sedens, per inter-
 pretem in hanc sententiam est locutus: Nullo meo, ter maxime imperator, in-
 signi officio prouocatus, quod ita religiones quibus dissentimus tulerunt, in
 hanc terrā armatus, & iam planè victor aduenisti, nō sine, vti reor, præclaro in-
 stinctu magni numinis, quod & nos pari pietate colimus, scilicet vlturus sum
 mæ perfidiæ & crudelitatis tyrannū & prædonem, humani generis hostē a-
 trocissimū, de quo propè iam partā expugnata Guleta, & capta classe victoriā
 ita prouideo, vt propediem eū ma'eficiorū omniū te vindice penas daturū spe-
 rem, et eo quidē meo vberiore gaudio, quod sclicitatis atq; victorię tuę fructus

ad me sit rediturus, me quidem in paternum & auitum regnum restitues, quod à summa tua equitate atque virtute supplex & exul sperauerim. Erit enim tibi in primis vtile planeque decorum, si me, regem antiquissima stirpe progenitum, & magnis Numidarum & Pœnorū propinquitatibus clientelis que validum, complectare. Nec recuso vel tributum pendere, vel me beneficiarij iuris nomine Christiani imperatoris clientem profiteri. Fidei vero meę nullus erit locupletior vades, quàm accepti beneficij memoria, quę apud me liberosq; meos erit indelebilis, vel ob id præsertim quod ingrati nomen abominer, & exhorream, perenniꝫ amicitia vestra adeo propinquis e Sicilia Sardiniaq; præsidijs confirmari mihi opes, & Punice gentis studia conciliari nõ ignarus rerum intelligam. Cæsar ad ea respondit, se eo animi decreto in Africam traiecisse, vt multorum temporū iniurias, quas Barbarussa cunctis regnorum suorū litoribus intulisset, armis vindicaret, maleficientissimumq; hominum genus piratas excinderet. Huic voto suo piẽ cõcepto Christi Dei numen secundū belli successum dare, aspiraturumq; iam procul dubio, vt Tuneto capto summa victoria potiretur. Tum verò se cuncta ei quę ex vsu rerum fructuq; victorię forent, benignè concessurum, modo fidem non falleret, quę sibi suspecta tanquam Punica videri posset, nisi eam beneficij memoria regio in animo gratissimè confirmaret, aut armorū metus abundè tueretur, quādo hisdem viribus & regna benemeritis dari, & rebellibus adimi facile possent. Muleasses maxime grauem se præbuit, tanquam pristinae Fortunæ suæ nihil oblitus, qui cum Cæsar porrecta manu humaniter complecteretur. Ita verò comem ducibus se ostendit, vt ad spectaculum in quo conspici vellet, quum hasta longa peritissemē quassata, & cōuoluta in auersos & aduersos ictus, edmirabiliter se exerce-ret, et serio præliantibus nostris admisceri cupere videretur: per otium autem cum philosophis de natura vniuersi, & de motu cœli, potestateq; siderum exactissimè ex Auerrois disciplina disputaret. Ei Cæsar tabernaculum tendi et hospitalis munificentia munera in quotidianos vsus præberi iussit. Vastius & Albanus, & secundum hos reliqui proceres omni honore adhibito susceperunt. Cupientem verò castra conspicerē, spectatum comiter deduxerunt, vt quas aggerum moles nostri celeriter extruxissent, quantus tormentorum esset apparatus, quę custodiæ armatorum in statione pro castris excubarent, & quantam vim peritiæ militaris, tot legiones non lingua modo, sed ipso oris habitu, & cultu armorum maximè diuersæ præferrent, præsens agnosceret, intuereturq; oculis an tot lectissimarum copiarum præsidia, quę Cæsar inuictus imperator, ipsius qui iam reduceretur insigni beneficio in Africam adduxisset, ad debellandos hostes satis forent. Muleasses ante omnia numerū atq; ordinem tormentorum, & incredibilem in foro rerum venalium omnis generis copiam, miramq; præsertim coementium passim militum tranquillitatem, vehementer est admiratus. Nec multo post duces confertis in arcano sermonibus diligenti percunctatione multa ab rege ad gerendū bellū opportuna didicere: de Tunesanorum in primis studio & viribus, de situ item vr̃bis naturaq; mœnium, & munitione arcis, de suburbanis puteis & cisternis, & quam longè lateq; proxima oliueta, quę densissimi nemoris speciem præberent, ad ortum Solis protenderentur: quales porro Afrorum & Numidarum essent copię, quę mercede conductæ tirāno operam nauarent. Id postremo non inani coniectura, tanquam mox euentu minimè cariturum, constanti ore protulit, Barba-

Barbarissimam nequaquam mœnibus, quæ tot nostrorum tormentis non magno labore prosterni possent, esse confisurum, sed omnes sub signis ad ostentationem educturum copias, ut inconditæ multitudinis conspectu procursuq; terrere nostros, & immisso Numidarum equitatu, magnisque de more gentis sublati clamoribus perturbare niteretur. Nec tamen Turcas pedites, quibus unis maxime fideret, & parcere vellet, in aciem esse producturum: verum reliquam Afrorum turbam obiecturum armato hosti, ut quid efficere posset, extra suorum periculum, Punico tantum sanguine vir astutus & callidus experiretur. Nihil enim eum suis nationibus magis alienum, magisque miserum arbitri, quàm si collatis signis collatoq; pede confligeret cum eo hoste, qui phalanges splendenti protectas ferro, & prælongis horrentes hastis stabili gradu promovens, nudos iaculatores & sagittarios, carpentesque incedentia agmina inermes Numidas irrisurus esset, & nullo negotio prostraturus. Nostros autem nihil omnino perpeffuros aut sensuros infestius quàm ardorem Solis & obortam inde sitim, cui tamen malo facile occurri posset crebris aquæ subvectionibus. Eam namque è propinqua classe utribus, & cupis ligneis per servos & frequentibus naviculis per stagnum abunde posse comportari, dispensarique per acies, quanquam in proximo non longè à mœnibus veteres cisternæ satis magnam vim aquæ dulcis sitientibus præbituræ crederentur, nisi eas malignus atque atrox hostis communi incommodo venenis inficeret. Hæc suo ordine ad Cæsarem perlata, eum in sua spe non dubiæ victoriæ confirmarunt, isque totus in eam cogitationem generoso consilio incubuit, ut nihil militaris studij curæque remittens quàm primum universas copias Guleræ & Tuneto admovendas decerneret. Cæterum parandis his rebus instruendisq; militibus, & noscendis hostium consilijs, quum impensè vacaret Cæsar, varia nostri quotidie cum Numidis prælia serebant, sic ut semel iusta prope pugna cum barbaris certaretur, quæ initium hoc modo habuit: Barbari æneis aliquot tormentis inter oliveta dispositis, pilas continenter in castra iaculabantur. Ea re cognita Cæsar omnibus Italis & veteranis compluribus Germanorum Hispanorumque cohortibus aggeri & castris præsidio constitutis reliquas copias & equitatum educit, quum paulò antea Montegium equitatu Hispanico præfectum contra hostes præmisisset. Cum Barbaris aliquandiu vario eventu certabatur: nam tametsi per aliquot sclopettarios pedites satis prosperè contra hostes nostri rem gerebant: Hispani tamen equites, uti ex clientibus procerum parum armorum usu peritis conscripti, Numidarum & Turcarum equitum vim ferre non poterant: sic ut inspectante Cæsare perturbati & terga dantes, ad gravis armaturæ vexilla confugerent, & ipse dux Montegius vel acerrimè pugnans solido thorace Numidica cuspide perforato graviter sauciaretur, atque ægrè servaretur: & idem vitæ periculum vulnere accepto adiret Garzias Lalsius nō genere modo, verum poetica lauro perillustis. Hunc sauciatum & circumventum Federicus Caraffa nobilis Neapolitanus suo hostilique sanguine perfusus servavit. Id autem pugnae genus eiusmodi erat, ut magno impetu primo procurrerent: deinde quum premerentur, consultò terga darent, & hostium impetum cedendo refringerent: rursus conversi infestis signis irruerent in hostem. Sed aliquanto iniquius Hispani: nam tametsi optimi generis equos adduxerant, minimè tamen eos huiusmodi prælijs insuetos habebant. Quoniam equestri exercitatio post depulsos Bætico im-

perio Mauros iam pridem exolevisset, præterquam quod hastarum longitudine etiam Barbaris erant impares, ideoque pauci adversus multos ingruentes consistere non audent. Cæsar ubi suos a Barbaris acius premi, ac cedere paulo longius vidit, celeriter cum gravioris armaturæ equitibus ad volatucius adventu & acris impressione Barbari tormentis currulibus amissis, præcipientes sese fugæ mandarunt. In eo concursu Cæsar ipse, uti ante agmen armatus constiterat, divum Iacobum, quod est Hispanorum equitum tutelare numen, pro tessera clariore voce invocavit, & in Barbaros ita in vectus est, ut non duobus modis intrepidi, sed pugnacissimi etiam militis officium præstaret, coronæque civicae honorem promereretur, quum Andream Pontium equitem & Be-
 10 tica nobilem equo perfollo deiectum, & graviter in facie vulneratum, ideoque circumventum ab hostibus suo interventu servavisset. Vni eo die e nostris paucissimi equites Græci, duce Lazaro Coroneo, Barbaros usque adeo mirabili feriendo atque eludendo arte, præsentique audacia repellebant, ut sæpe tergæ congerent. Sed Græcorum & Lazari inusitata ferocia temeritateque fiebat, ut quum abeuntium agmina laceffendo instandoque intemperanter persequerentur, oborto pudore Barbari indignanter in id procax & pileatum hostium genus ora & signa converterent, redintegrataque pugna refugientes effusa con-
 20 fectarentur usque ad cataphractorum alas, quas Græcorum periculo commoveri laxarique necesse foret: id graviter ferente Cæsare, qui abeuntium terga po-
 30 tius a nostris eo tempore quam ora pugnantium spectanda iudicabat, tanquam equitatu suo valde perterritus diffusus: sicut Lazarum sæpe revocatum, nec dicto audientem districto gladio persequens, nisi laxatis fortè ephippii cingulis ex equo in arenam prope decidisset, percussurus esse crederetur. Per eos quoque dies accidit, ut barbarorum circiter triginta milia ad occupandam turrem, in editiore antiquæ Carthaginis tumulo sitam, magno studio & velocitate contenderent. In ea turre Cæsar, quod castris immineret, paulo ante præsidium paucorum militum reliquerat. Barbarorum agmen magus quidam sacerdos Numida superstitioso ululatu edito præibat, spargens circumquaque quædam syngraphas, quibus Christiani nominis militibus dirum exitium imprecabatur, iamque nostros inclusos turri, atque igne & fumo circumventos vehementer premebant, quum Cæsar ipse protinus promotis equitum & peditum aliquot ordinibus, Barbaros invasit, atque omnes celeriter mago sacerdote ante alios interfecto, terrore percussos in fugam coniecit. Audivi ego postea a Cæsare, quum apud Neapolim mihi scripturo totius partæ victoriæ seriem enarraret, se balistariorum equitum alam magno proculdubio usui contra inermes hostes futuram, eo die plurimum desiderasse, ut Numidæ & equitorum præsertim, quos magno parant pretio, ideoque secundum vitam longè habent carissimos, verutis configerentur, instauraturumque propterea eius scorpionarii ordinis dudum intermissi, & sensim exolefcentis peculiarem alam, 40
 qua si opus foret adversus Barbaros uteretur, sicuti ipse paulo ante inter prætorianos custodiæ corporis equites habere consuevisset. Per hunc modum Hispanico equitatu percusso, plerique putaverunt nostros equites, si universo prælio certaretur, neque numero neque genere armorum Numidæ hosti pares futuros: exploratam tamen per sclopettarios, & ceteros pedites victoriam existimari, qui audacter effusos adoriri, & sese in olivæ insinuare, conderetque ad occasionem invadendi hostis solerent, & multa illis ex occulto detri-
 50 menta

menta inferrent, ut tum accidit, sicuti supra demonstratum est, quum conglo-
 batam in proximo tumulo Afrorum manum, constitutaque ibi duo currulia
 tormenta in nostros sæpe displodentem, facto impetu depulerunt, potitique
 tormentis, aliquot eorum in capeßenda fuga pertinacius hærentes contruci-
 darent. His de causis quæ supra commemoratæ sunt, nonnulli graves toga-
 tique homines bello minimè imponendum finem, sed maturè recedendum ex
 Africa dictitabant, quòd satis profecisse Cæsar videretur, vel ad laudem, quam
 iam non mediocrem Guleta capta, occupataque hostium classe esset consecu-
 tus, vel ad utilitatem, totis scilicet Europæ litoribus prædonum metu libera-
 tis, & tum maximè quum vulgò milites fœdis atque mortiferis alvi profluvij
 laborarent, ægrorumq; numerus in dies augeretur: ex adverso autem præpo-
 tentes Numidarum reguli veteres Muleasis inimici ad Barbarussam perve-
 nisse nunciarentur. Horum intempestivas voces Cæsar opportunè compescen-
 das ratus, contra eos gravi oratione differuit, tanquam ineptius atque timi-
 dius, quàm homines constantiæ & virtutis opinione ab se in consilium rece-
 ptos deceret de rerum successu, futuraque victoria angustissimis usque adeo a-
 nimis dubitarèt. Eam enim se ab ipsis tanquam inutilem & prorsus infamem
 studij operam non requirere, ut de salute sua potius quàm de dignitate solliciti
 esse velint. Ea siquidem ante susceptum & bono eventu semiconfectum bel-
 lum, prius quàm in Africam trañceretur, commemorari debuisse; nam tutò se
 in Hispania bello vacuum conquietescere, atq; omnes maritimæ oræ iniurias &
 miserorum querelas contemnere facile potuisse. Cæterum gravissimis (uti ipsi
 scirent) de causis eò esse perventum, ubi ad retinendam cum publicæ dignita-
 tis, tum privati nominis existimationem, aut opima parta victoria, aut si id su-
 peri nollent, honesta saltem morte famæ satisfaciendum esse censeret, quan-
 do ipse omnem vitandi dedecoris, & parandæ laudis rationem ipsa vita cario-
 rem semper habuerit. Proinde sibi satis impavido, vel adulari, vel fortibus in-
 auspiciatum terrorem incutere desinerent, & quicquid ad belli exitum fortuna
 adveheret, se duce constantibus animis in crastinum diem expectarent. Con-
 flicturum enim se iusto prælio, aut si hostis abnueret, admotis tormentis Tu-
 neti mœnia quassaturum, ea mente, ut Deum divosque omnes, quos susceptis
 ritè votis propitiasset, sibi pro pietate & summæ equitatis causa bellum geren-
 ti proculdubio affuturos crederet. Cæsar præsidio Guletæ imposito, dirutæ
 munitionis aggerem instaurari, captaque tormenta more nostro subditis ro-
 tis reconcinnari iussit, quæ magnis inserta trabibus, & navali rudique artifi-
 cio armillis præcincta ferreis, neque verti commodè, neque aptè dirigi facile
 poterant. Indeque latè explorata regione, quæ inter oliveta & dextros stagni
 margines nudum & expeditum iter ad urbem ostendebat, castra promovit,
 ita composito agminum ordine, ut parati ad pugnam instructa acie adversus
 omnes insidias, incursusque Barbarorum iter facerent. Ad lævam Itali stagno
 proximi, Hispani ad dextram oliveta spectantes, mediam Germanorum pha-
 langem suo incedentem passu utrinque tuebantur. Iuxta hanc erant tormenta,
 & secundum hæc impedimenta totius exercitus. In principijs Vastius, penes
 quem concessu Cæsaris eo bello, eoque præsertim die militaris imperij pote-
 stas erat, speculabundus & hortabundus versabatur. Albanus valido equitatu
 delectisque cohortibus confirmatus, in postremo agmine curabat. Cæsari in
 medio apud vexilla locus fuerat attributus, cuius lateri cohærebat Ludovicus

Lusitaniæ regis frater. Italis peculiaris erat adhortator princeps Salernitanus, Hispanis Alarco dux vetus, et Germanis Maximilianus Ebersteinus, sed cunctis ordinibus adequitans armatus Cæsar aderat, alacri vultu & fiduciæ pleno, commemoratis superiorum temporum victorijs, quas sibi invicta virtute peperissent. Eo autem die ab ipsis operam longè gloriosissimam expectare, postquam adversus Christiani nominis hostes, qui essent inermes, dimicandum foret. Itaq; fortibus animis armorum pondera, cedentis arenæ molestias, pulveris & Solis æstus, & ipsam denique sitim tantisper ferrent, dum conspecto hoste conferi manus possent. Victoriâ profecto Deum divosq; omnes, pro quibus pugnarent, haud dubiè præbituros. Ipsos autem manere opulentæ prædæ præmia, quæ ex direptione ditissimæ urbis expectari possent. Succlamatum est à cunctis agminibus, ne his quas commemorasset difficultatibus angeretur, sed speraret suos milites cuncta incommoda æquissimis animis toleraturos, ut egregiè pugnando veterem spectatæ virtutis opinionem non fallerent, & ipsum non in Africa modo, sed Hierosolymis recepto Christi sepulchro supremum summæ gloriæ Imperatorem constituerent. Subduxerat Vastius à dextra Hispanorum acie, quæ oliveto erat coniuncta, duas sclopettariorum manus, quas manicas vocabant, quod cornuum instar diverso Italorum agmini eo modo erant coniunctæ, ut admixtis eorum sclopettarijs ad oliveta ulq; longo tractu sese extenderent, & cum Barbaris dispersim extraordinario pugnae genere præliarentur, Barbarique ad postremum usq; agmen carpendo signa verterent. Verum eos Albanus pari ordine per sclopettarios & institutas ad id equitum turmas egregiè reprimebat. Iam ad cisternas, quas Muleas, & plerique alij periti regionis indicarant, erat perventum, hisque procul conspectis, nostri sub ardentissimo sole pondereque armorum, lacessente immodica siti fatiscientes, potandi desiderio abruptim ordines deferere, & ad eas citato cursu deferri cœperunt, frustra vetante, comminanteq; Vastio, qui magno incommodo dissolvi aciem, & propinquos hostes ultro ad rem bene gerendam accersiri nostrorum impatientia providebat. Quum ille retentando verberandoq; nihil proficeret, eò decurrit Cæsar ut præsentis authoritate ægre parentes in ordine atq; acie contineret. Verum ubi valida atq; intoleranda sitis sudantia corpora perurgeret, neq; cōspectus Cæsaris, neq; vis imperij quicquam valebat, quod multi tum prope exanimis in arena procumberent, ita ut Cæsar quosdam properantius se demergentes ut potarent, hasta tragulæ percuteret. Tum quoq; Arpinas insignis Centurio, qui Tullij Ciceronis nomen ferebat, & sub Clemente Pontifice Urbis prætori Magaloto dextram detruccarat, avidè potabundus in cisterna periit. Per hunc modum temeritate castigata celeriter ordines sunt restituti. Hoc autem merito illis accidisse videbatur: quoniam Vastius pridie totis castris pronunciari iusserat, ut quisq; miles utriculum aquæ, aut vini lagunculam sibi ad zonam subligaret, quanquam publica diligentia per acies opportuna adversus sitim remedia plenioribus vasis circumferrentur, quæ in re Germanis largius indulgendum fuit. Nec defuere qui propemodum exanimati à proximo commilitone aquæ semihauftum binis aureis ægre impetrarent. Composita igitur acie signa adversus hostes promotæ sunt: Barbarus enim magnis peditum & equitum explicatis agminibus, in quibus Barbarorum consuetudine multa ad terrorem inanemque speciem vexilla spectabantur, ad tertium ab urbe lapidem pervenerat, productisque aliquot

aliquot currulibus tormentis nostrorum aciem, uti prædixerat Muleasses, perturbare conabatur. Vastius crebro displodente Barbarussa, nec ullum tamen detrimentum Christianis ordinibus afferente, tormenta proferri in primam aciei frontem iussit, ut his adversi hostes impeterentur. Eca verò quum ægrè tardeque adduci animadverteret, quòd iugatis servis & funibus traherentur, currumque rotas arena devoraret, & pilæ ferreæ, sulphureique pulveris cadi. remigum & nautarum humeris segniter comportarentur, consilium repente mutat. Cæsarem edocet, sibi nequaquam videri contendendum esse tormentis in ea occasione, qua milites pugnae desiderio incitati summa omnium alacritate signum sibi dari vehementer expeterent, rem omnino fortissimis militum dextris, fortunæque ipsius bono eventui semper aspirantis audacter esse committendam: Nedum (inquit) tormenta non semper magno usui repentinis in præliis futura, serò expectantur, inutili mora augeatur Barbaris animus, & totus hic non dubiæ victoriæ prænuncius militum animis conceptus ardor importuna cunctatione refrigescat. Ad ea Cæsar ab erecto in spem invictoque animo pugnae avidus: Davale, inquit, si tibi hoc probatur, quòd disciplinæ ratio mihi pariter ostendit, signa canere iubeto. Hoc ille exemplo faciam respondit, subiungens æquum esse, ut qui toti propè terrarum orbi imperaret, ei parere condisceret, quem gravi cum onere pudoreque eo die tanti exercitus ducem, abdicato Imperatoris nomine esse voluisset. Itaque iure meo, inquit Davalus, iam utor, inbeoque, ut hinc abscedas ad mediam aciem ubi sunt vexilla, ne fortuito incidentis pilæ casu, universa communis Fortunæ salus unius hominis periculo, inexpiabile subeat discrimen. Ad id subridens Cæsar, & ne id timeret subdens, quando Augustorum Cæsarum nemo unquam tormenti violentia concidisset, confestim ad signa se contulit. Itaque pugnae signo multo tympanorum crepitu, & tubarum clangore edito, in hostes est procursum, aliquanto plenior ordinum gradu impetuque præsertim levis armaturæ, quam Sol cuncta exurens deposceret, ut emissas ab hoste pilas periculi spatium emensi celeriter evitarent. Erat in prima procurrentium fronte Ferdinandus Gonzaga, cuius eo die extraordinaria opera utebatur Cæsar, quòd nullum ei esset certum in exercitu militaris imperij munus. Is concitato equo primus omnium insignem Afrorum ducem hasta transfixit, districtoque gladio & repetitis ictibus ita proximos perturbavit, ut consequentibus nostris hostilem aciem facile perumpendam fundendamque præberet. Tanta autem extitit glandium procella, ut ante congressum trecenti amplius ex Barbaris sternerentur: ex reliquis peditibus consisteret nemo, sed agminatim desertis tormentis ad Barbarussæ aciem confugerent. Is incumbens nostrorum neque vim, neque conspectum diu tulit, sed præ dolore atque ira dentibus infrendens equum convertit, in urbemque cum Turcis est reductus, postquam suscepti consilij initia adverso conatu minime processerant, nequaquam universo prælio decertandum rebatur, ut qui Cæsaris copias intolerandi æstus incommoda, multarumque rerum, & quæ præsertim inopiam non diu perferre posse crederet, speraretque ab his hostium difficultatibus præberi sibi posse occasionem rei benè gerendæ, si tantisper defensis urbis incenibus cunctaretur. Numidarum autem & Afrorum agmina, quæ nostris undique circumfusa nihil memorabile gesserant, ad Babasuecham atque Restabiam suburbana tecta diverterunt. Alij ad Bardeos usque hor-

tos sese extendere : reliqui in Rabatinorum ædificia urbi coniuncta recepti
 sunt. Cæsar ea hostium fuga, quorum centum millium numerus esse fereba-
 tur, magnopere lætatus, eodem in loco ubi hostis constiterat, castrametatus
 est, inito statim susceptoque consilio, ut sequenti die omnem tormentorum
 apparatus Tunetanis mœnibus admoveret. Interim Barbarussa non ob-
 scuro percussus metu, multisque simul distractus curis, se ipso factus atrocior,
 inusitatae crudelitatis consilium cœpit, occidendi scilicet servos Christiani no-
 minis, ita circumposito & incenso tormentario pulvere, ut ad unum omnes
 in ergastulis concremaret, certus id exequi, nisi Iudæus Sinas execrabile faci-
 nus dissuasisset, testatus huiusmodi consilium viro forti tot victorijs indylo, to
 regijsque diadematis honorem præferenti indignum existimari, quando non
 multo post esset futurum, ut patrati tanti sceleris ipsum maxime pœniteret.
 Quid enim esse quàm concepti summi timoris & supremæ desperationis in-
 dicium ? quæ duæ res asperum sustinenti bellum gravissimè nocerent, &
 anteaquæ vitæ decora deturparent. Caveret proinde ne ex atrocissimi facti
 fama Solymani Imperatoris inexpressibile odium adversus se concitaret, qui o-
 mnis inhumanæ feritatis expers, immania scelera detestari & vindicare con-
 sueffet. Vivere igitur sineret Christianos fatalibus suis vinctos cathenis, quam
 diu fors ferret, qui diligentissimè custoditi atque inermes, non multo post usui
 esse, nec sine certa pernicie sese commovere possent, si inauspicata libera-
 tis cupiditate tenerentur. Ab his profecto nec dari hosti, nec sibi eripi, vel
 denique morari speratam victoriam posse. Erubuit ad hæc tyrannus, con-
 cellaque miseris vita arce est egressus, & in longè maximum Urbis templum
 concionaturus se contulit. illuc enim principes Tunecanorum evocarat, ut
 quæ ad defensionem urbis paranda essent perdoceret. eorum verò animos
 adhortatione confirmaret, quibus iam pridem arma tanquam suspectis ad-
 emisset. Hæc agente Barbarussa maxime lætus & felix miserrimis servis diem
 illuxit, mox ater conversa Fortuna valdeque funestus Barbaris rediturus.
 Id namque diri tyranni votum non diu regi celarique potuerat : certus siqui-
 dem barbaræ crudelitatis, imminentisque adeo atrocis periculi rumor per
 totam arcem usque ad ergastula permanarat, misericordia quorundam liber-
 torum, qui domini truculentiam abominati, tactique religione animos ad
 veterem, veramque pietatem revocarant, primates servorum sibi notos per
 secreta colloquia ad libertatem excitantes. In his fuere Franciscus è Mede-
 lino Hispaniæ oppido, & Vincentius Catareus Dalmata, defectæ virilita-
 tis eunuchus. Hic Giafferagas vocabatur : Illum à pueritia educatum, & A-
 rabicas edoctum literas, Hariadenus in delitijs habuerat, & Memim appel-
 labat. Hi duo memorabile, maximeque pium facinus ausi, patefacto carceris
 aditu, erectis in occasionem, & audacter consurgentibus, ad abrumpendas ca-
 thenas instrumenta præbuerunt, atque ita præclaro magni Dei miraculo
 circiter sex millia nudorum hominum, varijs rebus, saxisque præsertim dex-
 tras armantium, in Turcas erupere. Iam Ramadas è Bactia Hispaniæ oppi-
 do, præfectus arcis, inexpectato atque horribili tot cathenas effringentium
 strepitu excitatus cum armatis, quos repente cogere potuit, ad arcis portam
 decurrerat, in cuius limine Siculus iuvenis ingenio manuque promptissi-
 mus, arrepta repaguli trabe, unum atque alterum custodem prostraverat, ob-
 feratisque ferreo vecte postibus porta fuerat potitus. Sed Ramada impe-
 tum

tum faciente, Siculus uti erat inermis conficitur, & reliqui portæ aditu depelluntur. Ipse reſerata porta ſibi ac ſuis egreſſum parat, & cum aliquot generoſis equis & ſarcinarijs iumentis, quibus carioris ſupelleſtilis partem raptim impoſuerat, ad Barbaruſſam acerbiffimi caſus nuncium ferens contendit. At Chriſtiani exutis compedibus tumultuariæque interfectis aliquot Turcis, totam occupant arcem, armamentarium refringunt, atque omni regia gaza, commeatu, armisque potiti, ab excella parte arcis de ſua victoria Cæſarianis ſignificant, partim fumo, partim flammis ab incenſo ſulphureo pulvere excitatis, expanſoque demum vexillo, quod Sarmenſinæ cohorti apud ageres ademptum fuiſſe docuimus. Hæc tamenſi dubiæ ſignificationis argumenta, noſtri in multo ſpacio nequaquam præclare perſpicerent: crebris tamen Tunetanorum ad Cæſarem, Muleaſſemque transfugijs adducebantur, ut gravem omnino apud hoſtes exortum eſſe tumultum crederent, & Cæſar cum expedita manu Giahenum & Buccanigram, qui ſervis opportuniè rebellantibus opem ferrent, ad explorandum urbi atque arci appropinquare iuberet. Interea Hariadenus Iudæo in primis, qui importunè obſiſtendo expeditum, & ſalubre conſilium evertiſſet, falſisque item Dijs ſuis crebrò maledicens, ad arcem revertitur. Obſerata ianuæ ſupplex & propè lachrymans ſervos orat, mœnia portamque tenentes, ut ſe cunctis parcere integra fide paratum extemplo recipiant. At illi veteris novæque Fortunæ ſuæ memores, iuſtoque exacerbati odio, in eum cerratim lapides conijciunt, adiectisque contumelioſis vocibus ſummovent: ſic ut ille ira & dolore præpeditus & furens, in conſpectos ſua manu ſagittas dirigeret, & rebus planè perditis & clamatis, deformem in fugam verteretur. Secuta ſunt fugientem Turcarum agmina, quorum numerus ſeptem millium ſummam implebat eo conſilio, ut ad urbem Hipponam, quam hodie Bonam vocant, divi Auguſtini præſulatu celebratam, ſe conferrent. Ibi enim ſuas triremes conſcendere, marique potius, quàm terra reliquos Fortunæ ſuæ caſus experiri volebant: quoniam Hariadenus in ſtagno iuxta urbem & arcem influente, triremes quatuordecim tantam in ſtatione tutiſſima reliquerat, ad incerta belli, ſi opus foret, deducendas. Armamenta autem cum remis atque tormentis depoſita erant in arce, quam ſuo præſidio tuebatur. Cæſar ubi hoſtem deſperatis rebus effugere, Bardeosque prætergreſſum hortos, ad Bagradam amnem, qui à Pœnis Magiordech appellatur, extentis itineribus properare certius didicit, Tuneti portis omnes copias admovit. Adventanti præſto antè aſſuere civitatis magiſtratus, qui allatis portarum clavibus deditiõnem facerent, eiq; incruentæ victoriæ felicitatem gratularentur: ſe autem gratiſſimo animo, quod eſſent ſerviſſima Turcarum tyrannide liberati, cuncta quæ imperaret, protinus eſſe facturos. Id unum petere ab æquitate optimi & clementiſſimi Imperatoris, ut milites extra urbem in caſtris continere, & civitatem cumulato obſtrictam beneficio inviolatam præſtare vellet, poſtquam Muleaſſem antiquiſſimæ ſtirpis Iſpſorum regem, ſingulari benignitate reducendum adduxiſſet. Nihil enim milites ex urbanis rerum omnium copijs, quæ ſuppeditari poſſent, eſſe deſideraturos. Pro ſuis quoque civibus deprecator aderat Muleaſſes, vehementer de civitatis ſalute ſolicitus. Sed Cæſar quanquã ad id præſtandum ſatis propenſo animo eſſe videretur, tamen quod de Punica fide nō temerè dubitabat, et quã Tunetani per Muleaſſem pecuniã ſe in ſtipendium præbituros antea promiſiſſent

astutē & cunctanter extrahendo tempus expedirent, utpote qui de supremis Barbaruffæ consilijs eventum expectabant, ut ad id prolixè polliceretur adduci non poterat, & quominus Pœnis quicquam certum de eorum salute promitteret, vel ob id admonebatur, quod turbidas frementium militum voces audiebat. Dictitabant enim se periniquè simul & ingrati tot navigationum ac itinerum extrema perpellos incōmoda iusto victoriæ præmio fraudari, postquam ipsos illuvie obritos & inopes, nihil iam aliud sustēteret & aleret, quàm oblata spes prædæ, quæ sibi lacera veste vix pudenda tegentibus, exustisque longo labore & siti inclementer eriperetur, scilicet ut Tunctani religionis hostes perpetuique receptatores & hospites immanium prædonum Christiana victoria lætari possent. ipsi autem victores elusi undiq; suas ærumnas perpetuo lugerent. Suspenso adhuc Cæsare Vastius cum parva manu ad arcis portam accessit, & à servis qui se in libertatē vendicarant, cum insigni gratulatione receptus est. Inspectati autem Barbaricas opes, & totum arcis apparatus, servus Ligur absconditæ pecuniæ latebras indicavit. Demerserat enim Barbaruffa in cisternam ad triginta milia nummū aureæ monete, pluribus insute culcis. Hos expiscatus Vastius, à Cæsare prædæ donativiq; nomine, ut sibi concederentur faciliè impetravit. De se enim omnibus bellis optimè meritum, & ex natura liberalis ingenij inter principes eius ætatis maximè largitorem, commovere dignissimum existimabat. Verum arce inexpectata felicitate in potestatem redacta, & iam diripientibus cuncta servis, miles diutius contineri non potuit, quin agminatim intraret urbem, & per cunctas regiones ad prædam discurreret, Tunctanis nihil ferè hostile expectantibus, & magno eiulatu edito Muleassidis fidem frustra implorantibus. Paulo siquidem antè conspecto Muleasse gens æquè mobilis & infida, pronaque in adulationem magnas inusitata lætitiæ significationes manuum plausu, & crebra gesticulatione corporum, secundisque acclamationibus omnis virorum & mulierum ætas ediderat, scilicet ut antiqui in nostros odij libidinem recondere, ob idque victores nostri nullo eorum merito ad misericordiam flecterentur, quum ex conscientia incertæ fidei id summæ calamitatis incommodum ultro sibi ipsis contraxissent. Primus inhiantium prædæ impetus, uti invadentium & effringentium fores varij casus tulerunt, promiscua cæde cruentus fuit. Sed Hispania atque Italia in avaritiam pronioribus, Germani ab insita animi feritate Mahometano cruore sitim explere properantes, ita cadaveribus cuncta compleverunt, ut imbellem omnis sexus & ætatis turbam, ad inanum Deorum templa confugientem sine discrimine trucidarent, & pavimenta damnatis in templis multo inermium sanguine inundarentur. In eo cadentium miserorū strepitu, lugente obtestanteq; Muleasse, Cæsar sævitiæ modum imposuit, pronunciarique iussit capitale fore, si quis Tunctanum violaret civem, aut in servitutem abduceret. Fieri tamen nequijt quin multi, adolescentesq; præsertim, & formosiores sceminæ ad classem raperentur: nam socij navales fama diripiendæ urbis exciti ad urbem convolabant. Quamobrem Muleassi licuit, quos noverrat è manibus prædantium in libertatem exiguo pretio vendicare, sic ut unam ex uxoribus eius, quæ antea inter carissimas fuisse dicebatur, binis redemptam aureis constet. Cæsar ingressus arcem servos, qui clarissimo facto summæ parandæ victoriæ occasionem præbuerant, collaudavit, divisaque virginitas certa pecunia, qua sese alerent, liberos fore dixit, pollicitus navigia, & com-

commeatum, quibus in suas terras transportarentur: Medelinum autem & Giassetem, quos Barbarussæ alumnos, & effringendi ergastuli authores fuisse docuimus, pecunia, vesteq; donavit, à quibus postea multa de Barbarussæ consilijs, arcanisq; moribus didicimus. In ea arcis direptione tria incomparabilis iacturæ detrimēta Muleasses deploravit, Arabicorum voluminum in primis, quæ conturbata atq; direpta bibliotheca perierunt. Asservabantur enim antiquissimi codices, non disciplinarū modò omnium præcepta, sed superiorum etiam regum res gestas & Mahometanæ superstitionis interpretationem continentes, quo rex ipse postea me audiente, se unius urbis pretio (si fieri posset) avidè redempturum disserebat. Secundo loco fuit unguentorum odoratique Indici aromatis officina, in quā patris Mahometis exemplo, prodigiosi sumptus, in usitataeq; luxuriæ orientis opes contulerat. Siquidem plumbeis in loculis, æburneisq; arculis tanta vis ambræ, musci & zibeti (harū rerum antiqua vocabula adhuc ignoramus) in balnei quotidianos usus, & nocturnos diurnosq; cubiculorum suffitus erat recondita, ut ingentis auri ponderis pretium excederet. Quæ tamen omnia Hariadenus victor militari duritia subagrestis, & damnarat, & effusè contemplerat. Postremò varia maximeq; pretiosa pigmentorum genera, ab ignaris servis atque militibus præsentis tantum & manifesti lucri spolia quærentibus, stultè prætermissa dissipataq; sunt. Nam acervi plures cærulei transmarini, quod cyaneum efficit colorem, & à Græcis authoribus lazurium vocatur, in armarijs reperti sunt, multiq; culei, cocco & lacca Indica pleni, quæ purpuræ colorem æmulantur, & à pictoribus eximijs, & lanarum telæque sericæ infectoribus magno coemuntur pretio. Quæ omnia tum fœdè pessundata nemini prædè futura disperierunt. Ingens quoque balistarum, & nostri moris telorum & armorum, thoracumque præsertim ex laminis, & galearum apparatus est repertus, agnitæque sunt in his cassides, ocreæ, fœmoraliaque Gallorum equitum, ab eo tempore quo Ludovicus rex Galliæ Tuncetum ante trecentos annos obsederat, à Pœnis de Christiano hoste parta, quæ ad eius belli memoriam custodita servabantur. Interea Hariadenus ad Bagradam amnem, qui Maiordech à Barbaris appellatur, iter intendit, vadoque propter æstatis siccitates facile reperto, transgressus est, ne quicquam persequente vel laceffente Numidarum ala, quam Muleasses ex veteribus amicis, avunculiq; Doracis clientibus coactam, abeuntes Turcas persequi iusserat. Eo namq; ordine Barbarussa iter habebat, ut postremo suorum agmine certis sclopettariorum & sagittariorum præsidijs morè militiæ confirmato, neque manus conserere, neque appropinquare quidem ausos facile contemneret, & Hipponam omnibus suis incolumibus, uti statuerat, intactus evaderet. In transitu tamen Bagradæ amnis Haydinum Smyrneum inclyti nominis piratam desideravit, quum is in magno Solis ardore longoque itinere fessus, & multo adipe prægravis cogente siti ex profluente avidius potando disruptis præcordijs in ripa expirasset. Hariadenus ubi Hipponam pervenit, primum omnium recreandis copijs bidui quietem dat, concioneque habitata universos consolatur, hortaturque ut quodcunque incommodum iniqua fors attulerit, id nequaquam hostium virtuti, sed servorum perfidiæ tribuendum existimare velint. Fortunam invictis patientissimisque animis ferendam, eamq; nova virtute conciliandam arbitrarentur. Sibi esse in animo classem educere, atq; inde continuo Algeriū proficisci, ubi maioribus præsidijs cōparatis,

classeque adaucta, & novo suscepto consilio, rem ipsorum votis parem, & sua
 existimatione nō indignam sit ausurus. Nunquam ulli duci ab adversorum
 eventu fracto subactoque, alacrioribus animis à militum corona succlamatum
 fuisse memorant, quum ultro deposcerent, ut quæ vellet vel gravissima atque
 asperrima universis imperaret. nihil enim se recusaturos, modò ad rem geren-
 dam educerentur. Itaque incredibili studio & promptissimis suorum viribus
 fretus, triremes quatuordecim demersas in stagno, ipsoque profluentis flumi-
 nis vado admirabili celeritate educit, suisque impositis armamentis protinus
 exornat. In margine stagni aggerem erigit, productaque munitione in eam
 tormenta confert, non inani coniectura iudicans non multo posse nostrorum
 classem affuturam, ut egressum impediret. In eo quoque consilio Cæsar & Au-
 ria pariratione versabantur, ut hostem evadere parantem præoccuparent: rati
 eius classem priusquam deduci ad ornarique posset, si pars ipsorum classis eo
 mitteretur, tormentis in statione demersuros. Ad eam rem conficiendam ab
 Auria deligitur Adamus Centurio Genuensis, nō magnopere rei navalis pe-
 ritus, sed affinitate Auria & multis divitijs æquè fidus & potens. Is certum tri-
 remium numerum socijs imperat, & sublato vexillo cum quatuordecim tan-
 tum rostratis ad Hipponam provehitur, certam facilemque victoriam, ingenti-
 temque inde sibi laudem de imparato hoste se adepturum sperans, quod in ap-
 paratu instruendæ classis occupatum Barbarussam fore crederet. Sed postquā
 Bisertum prætervectus Hipponæ appropinquare cœpit, Barbarussam incom-
 parabili celeritate classem eduxisse, & munitionem tormentis instruxisse cer-
 tius didicit. Quare vehementer perturbatus consilium mutat, monentibus
 trierarchis, ut omnem certaminis aleam deviraret, quod in sociorum triremi-
 bus, Hispanicis præsertim, Siculis & Neapolitanis rari essent propugnatores,
 ut qui ad prædæ spem antea, iniussu in terram descendissent: ideoque iniquissi-
 ma conditione cum Barbaris numero, feritateque præstantibus pugnaturus
 censeretur. Itaque opportunè prudens obverti proras iubet, & velis remisque
 regreditur, ut maiorem partem classis accersat. At Barbarussa, uti postea co-
 gnitum est, diu in incerto habuit, an nostrorum classem ad spem victoriæ con-
 sequeretur, postquam pari triremium numero foret confligendum, an potius
 in veteri proposito petendi Algerij persisteret. In hanc sententiam inclina-
 runt trierarchi, ignari prorsus infrequentia imbecillitatisque nostrorum: atque
 ita occasione magni certi que proventus prætermissa, modico Turcarum præ-
 sidio arcis imposito, oram solvens Algerium enavigavit. Redeunte autem A-
 damo rebus infectis plerique principes ægerrimè tulerunt, quod incuria quo-
 rundam imperio ægrè parentium, & flagitio sociorum navalium, qui iniussu
 in litus descendissent exoptatæ victoriæ occasio elapsa videretur. Hoc enim u-
 num eo bello ad summam Cæsaris felicitatem defuit: nam præferoci hosti sui
 classis à nostris erepta aut demersa fuisset, nullus omnino tutus ad fugam lo-
 cus relinquebatur: quoniam innumerabiles Numidæ Turcarum ex professo
 hostes per mediterranea ærumnosum iter habentem ex notis saltibus inva-
 suri, & priusquam Algerium perveniret, omnino deleturi crederentur. Cæ-
 terum Auria graviter indignatus sibi & suis, nec tamen desperans hostem
 se adipisci posse, cum tota sua peculiari classe, cæterisque validioribus socio-
 rum rostratis, Hipponam contendit. Cognito autem Barbarussæ discessu ur-
 bem cœpit, murosque diruit: arcem verò quam tormentis in potestatem rede-
 gerat

gerat præsidium imposuit duce Alvaro Gometio, regressusque est ad Cæsarem. Cæterum Gometius, tametsi vir erat bello fortissimus, usque adeo tamen avaritia erga hostes pariter & socios evasit infamis, ut iudicii metu manus ad turpem vitæ exitum sibi conscisceret, & Cæsaris iussu arx ipsa, quæ nisi magno sumptu defendi poterat, funditus everteretur. Exinde consultatum est de Muleasse: Cæsarque eum Tuneti regem maiorum suorum consuetudine regnatorum cōstituit, binosq; tantum falcones ad aucupium, & binos è Numidia per nices equos tributum nomine quotannis imposuit, ea conditione, ut Christiani nomini amicus: Turcarum vero gentis perpetuus hostis Cæsaris nomen coleret, & Guletano præsidio, quod ex Hispanis amplius mille imponebatur, stipendium persolveret. Cogitatum subinde est de oppugnanda urbe Africa, quæ in Adrumentino sinu valido Turcarum præsidio tenebatur. Hæc urbs antiquitus parva Leptis fuit, hodie à nostris Africa, & à Barbaris Mahemediæ appellata. Sed adversæ tempestates classem superare Clupeæ promotorium (hæc hodie Calibia dicitur) & sese in sinum Adrumentinum, quem vocant Mahometæ, inferre prohibuerunt itaq; ita classis Siciliam tenuit. Cæsar Panormi & Messanæ triumphali pompa exceptus est, donatusq; passim pecunia Rhegium traiecit, & per Brutiorū oppida hospitaliter à Sanseverino Besenniano regulosusceptus Neapolim pervenit. Quum esset in itinere, nunciatum ei est, Franciscū Sfortiam è vita decessisse, cuius morte gravissima exorta sunt bella. Nam Franciscus Galliæ rex, Cisalpinæ Galliæ imperium à Cæsare sibi concedi postulabat, cum suo iure antiquæ hæreditatis à Valentina Vicecomite repetito, tum præclara Maximiliani Cæsaris concessione, qui id tabulis rite confectis, acceptaq; honorarij muneris pecunia, Ludovico regi post exactum captumq; Ludovicum Sfortiam adiudicasset. Sed Cæsar non ignarus quantum sibi auctoritatis, potentia, & certi quotidianæ pecuniæ proventus, ex Galliæ Cisalpinæ possessione imperioque accederet, ullis precibus adduci non poterat, ut opulentissima Italiæ pars præpotentibus Transalpinæ Galliæ regibus adijceretur. Hos enim parto Mediolanensi imperio (uti eos iam pridem fecisse meminerat) minimè quieturos existimabat, sed aviditate proferendi imperij, aliena ipsiusque in primis regna protinus invasuros. Neque eum quominus constanter in sententia sua maneret, Italiæ principes deterrebant, quibus potentiam suam, tot auctam opibus magnopere suspectam, ideoque formidandam intelligebat, uti recenti exemplo didicisset, quum illi authore Pontifice ad arma consternati cum dirarum omnium perturbatione, vel sæpe victi, multatque omnibus adversæ Fortunæ malis, hoc pertinacissime exposculassent, & demum impetrassent, ut Mediolanum Francisco Sfortiæ redderet, Hispanosque milites omnibus populis graves deduceret. Ex adverso Franciscus nihil æquum in seque propensum à voluntate Cæsaris expectans, nec tamen ea in re animum despondens, ut qui armis adversus Cæsarem primus uti nollet, extincto Sfortia, in Carolum Sabaudium arma vertit, ut per eius ditionis fines expeditum sibi iter in Italiam pararet. Causam autem inferendi belli hanc præferbat, quod Sabaudius Nicæam Provinciæ urbem, antiquitus à Gallis certa pecunia oppigneratam sibi eripi nollet, ne opportuna & munitissima urbe, quæ Galliam ab Italia disterneret, exueretur, Rege eam plurimum flagitante, restitutaque pecunia redimere contendente. Is enim urbem excelsa arce validam, & propter Herculis Monæci portum, magnas

navigationibus commoditates afferentem, si bellum gerere oporteret, magno sibi usui futuram providebat. Alienarat rex iam pridem animum ab amicitia Sabaudij gravibus ictus offensionibus. Nam is tametsi Francisco erat avunculus, uxoris tamen Lusitanæ illecebris depravatus, defatigatusque assiduis precibus (hæc erat uxoris Cæsaris germana soror) neglecto Gallo, se totum ad auctoritatem nutumque victoris Cæsaris ita contulerat, ut urbem Astam ab eo sibi dono oblatam accipere non recusaret, filiumque tanquam fidei obsidem in Hispaniam Cæsari educandum mitteret, quæ tum importunè atque impudenter admissa fuisse Galli disflerebant. nullum enim Gallo certius erat in Italia patrimonium ipsa urbe Asta, quam amplius centum annos sine cōtroversia possedisset. Verum eam Cæsar qui Gallos Italia penitus eiectos, ulla ad spem reditus in Italia certa sede potiri nolebat, avidè expetenti Lusitanæ, nec abnuente viro eius, facilè concessit, quæ urbs coniuncta inclusaque Subalpinis oppidis Allobrogico regno præclarum amplitudinis & roboris decus additura videretur. Fuit aliquandiu magno consiliorum æstu iactatus Sabaudius vir egregiè probus, ad æquitatemque proclivis, nec alieni unquam appetens, nisi esset uxorius, an Gallo regi de Nicæa obsequendum foret, quum in ea nullum aliud quam inveteratæ possessionis ius sibi esse fateretur. Verum Franciscus Sfondratus senator è Mediolano Cæsaris nomine legatus in Allobroges missus, cum ab huiusmodi consilijs impensè deterruit, testatus eum adversus Cæsarem facturum, si quicquam cum rege Gallo pepigisset. Eo modo Sabaudius, ne Cæsarem offenderet cognationis iura, & Allobrogum principum veterem amicitiam, quæ hætenus cum Galliæ regibus inviolata permanerat, eam minaci obtestatione perterritus, tueri non potuit, miserabili profectò conditione, quod quum neutrum offendere vellet, utrique demum, sicuti mox evenit, se prædæ futurum prospiceret. Nec mora Galli duce Philippo Sciabotto, quæ à præfectura maris Ammirantem vocabant, coactis copijs, eum Transalpinis oppidis, quæ pertinent ad Allobrogum fines inermem desertumque ab omnibus exuerunt, transgressique alpes aliquot munita oppida Subalpinæ regionis, in primisque Taurinum, Fossanum, Penarolum, & Cherium occuparunt, nisi Antonius Leva eductis Mediolano copijs, cuncta invadentibus occurrisset, repressaque Gallorum audacia iusti exercitus vim rebellantibus ostendisset, futurum erat, ut Vercellæ, & magna pars Subalpinæ ditionis in potestatem Gallorum devenirent. Neque tamen ulla res in ipso bene cœptæ, provenientisque victoriæ cursu Philippum magis retardavit, quàm Ioannis Lotharingi Cardinalis adventus. Is enim à rege ad Cæsarem cum amplissimis de pace mandatis missus, ubi in castra ad Taurinum pervenit, sua auctoritate, quæ apud regem erat eximia, Philippo persuasit, ut subsistere citra Duriam amnē: neque ulterius arma proferre vellet, ne summæ spei paratæ pacis atque cōcordiæ occasionem offenso exacerbatoque Cæsare corrumperet. Existimabat namque se Cæsarem super premissis armis, suspensoque bello molliorem & faciliorem inventurum, utpote quem neque vi subigi, neque ullo rerum suarum periculo permoveri posse intelligeret, ut quicquā suo nomine indignum cum armato hoste pacisceretur. Id Lotharingi consilium ægrè admittebat Philippus, detestantibus præsertim ducibus, peritioribusque præfectis tanquam importunū, inutile, & grave mox incommodum ex fera pœnitentia gerendis rebus allaturum. Aderant enim lectissimi procures, ducesque, & præter Gallos in quibus eminebant Montegianes,

nes, Palicia, Burrias, etiam Italici nominis Stephanus Columna, Paulus Renti Ceritis filius, & Sergianus Caracciolus Melphiae regulus. Sed contra omnes Lotharingi sententia valuit, vel ob id quod Philippus eius viri dignitati, & ad rem conficiendam ab arcano Regis peculiaris officij summam authoritatem afferenti tribuendum putaret, & se satis his belli prosperis initijs ad laudem profecisse videretur. Ad id inexpectatum ingratae pacis nomen milites gerendarum rerum studio vehementer incensi extemplo perturbatis deiectisque sua spe animis usque adeo indignanter in iram exarserunt, ut plerique praedolore gladios abicerent, hastasque diffingerent, iactis in ducem probris tanquam non postea resumpturi: vel si imperio iuberentur, postuam importuna celsatione Imperator uti parum bellicosus imperitusque rerum sese a cogitatione belli, cursuque victoriae ad incertae pacis spem convertisset. Neque id postea militaris iudicii factum inane extitit, quando & tum paratam victoriam interpellasse, & graves demum Gallico nomini clades importasse videri potuerit. Eo namque intempestivi consilij decreto, non multo post Philippus non infcitiae modo, sed prodicionis prope apud regem accusatus, tanta exarsit invidia, ut honore bonisque severa damnatione spoliaretur: atque inde summam calamitatem aditurus esset, nisi foedis probris laceratum prostratumque ab exilio uxoris affinitas & clementia regis erexissent. Hyemarat enim Caesar Neapoli amenissima in urbe, excultus procerum omnium liberalibus officiis, et quod ad popularitatem pertinuit, per octiduum Carnevalium dierum, qui pro Lupercalibus a nostris instituti sunt, Tuncitanae victoriae laetitiam, editis equestribus ludis, magnificentissime representarat, in quibus ipse Maurisiano cultu decurrit, saltantiumque illustrium foeminarum choreis, remissa ingenij severitate personatus interfuit, eo quidem licentius, quod per eos dies Margaritam filiam, Alexandro Medici iam pridem destinatam celebratis nuptiis in matrimonio collocarat, preclara cum laude summae probitatis, quod non secus ac vivo Clemene veteribus promissis integram fidem attulisset, quanquam ne id faceret interPELLARETUR a Florentinis patritijs, qui exules facti Neapolim coibant, usque patrocinio Salviati & Rodulphi Cardinalium, Alexandrum omni existimatione, principatumque Etruriae, & denique uxore, vel paratis nuptiis spoliare nitebatur, quum uno consensu ingentia auri pondera quotannis offerret, si repudiato genero, eoque Florentia exacto, civitati pristinam libertatem restitueret. Eum siquidem per contumeliam spurium exagresti ancilla genitum, immitemque nobilissimae patriae tyrannum, scriptis atque editis orationibus appellabant. Sed Caesar civitatem Gallico nomini non obscure faventem, optimoque belli iure propter infidelitatis noxam, omnia hostilia de se meritam, ita oderat, ut omnes restituendae libertatis condiciones repudiandas iudicaret, eo praesertim tempore quo excitari ingens bellum providebat, quum paulo ante ab ipsis exulibus Hippolytum Medicem Cardinalem ab Alexandro, qui patruelis erat frater, depravatum atque diductum meminisset, ut eorum dissidio Mediceae domui excidium pararetur. Hippolytus siquidem exules Florentinos, veteresque familiae hostes sibi asciverat, vanitate ingenij inductus, ut per eos Alexandro atroces insidias moliretur. Eum enim astuti homines, validaque facundia, & miris consulendi artibus instructi, eo perversa atque insana ambitione correptum perpulerant, ut Etruriae principatum in sua fata praeproperus affectaret, abdicareque se honore purpurei galeri vellet, atque inde ad eiusdem filiae Caesaris nuptias aspiraret: quod nisi sublato Alexandro fieri non poterat. Cuncta

enim tum sibi secunda, si Cæsaris gener euaderet, obuētura confidebat. Itaq; dū in eius infani sceleris cogitatione versaretur, per Baptistā Ciboū Masiliensem episcopū, Innocentiūq; Pontificis nepotē, teterrimā necem ex incenso tormentario puluere Alexandro machinatus est. Harū autem inlidiarum indicia Deo maximo detegente ab Alexandro deprehensa sunt, atq; illico Romam ad Paulum Pontificem delata. At Pontifex tametsi ruituræ Mediceæ domus excidio quod aliena cum inuidia pararetur, mirē gauderet, in spē scilicet ingentis lucri ex amplissimis sacerdotijs, quę in Farnesios nepotes transferrentur, tamen Alexandri iniuriā omnino negligere videri noluit, quū Octavianum Zengam hominē facinorosum ex Hippolyti satellitibus, nefarij cōsilij conscium cōprehendī iussisset. Eo capto Hippolytus vehementer exterritus, detectæq; malignitatis suæ pudorē confusus, ex vrbe in Catilum Tiburtini agri castellum profugit, atq; inde non multo post ex pœnitentia concepti facinoris cōmutata voluntate, ad sanitatē redire, et quorsum euaderent maligna exulū consilia sero agnoscere cœpit: sic vt Alexandro se conciliare, & a Cæsare pacis condiciones accipere percuperet. Qua de causa Neapoli conducto nauigio, ad Cæsare in Africa bellū gerentem enauigare properabat. Verum Petro Toletano prorege cinauigiū pernegante, ad oppidū nomine Iter Fundani agri, quod est viæ Appiæ impositum, inops consilij substitit, vbi oborta pestilenti febre, iuuenis longē omniū eruditī ingenij nobilitate, decore vultus, & illustris vitę splendore florētissimus sexto die ex humanis est ereptus, magno hercle exulū letitia, quorū Philippus Strozza erat princeps, & Pontificis cōmodo, quum hic eius spolijs suos ditaret, illi verò vno erepto alterū tanquā fratris ope destitutū, vti mox euenit, facile tolli posse diuinarēt. Nec defuere exules authore Strozza, qui eius imaturę mortis causam ad venenū referre cōtenderent, vt Alexandri existimatio ea infami suspicione suggillari videretur. Verū ob id Andreas Etruscus epulas mēsis inferre solitus, temere accusatus, quū diu tortus fuisset, & nihil de eare cōfiteretur, carcere tanquam insons eductus est, affirmantibus præsertim medicis nullum esse venenum, quod certo ex intervallo lacefferet et fureret, sicut in tertiāna febre bilem efferuescere videmus. Is. n. morbus cui Hippolytus cecidit ad statæ periodi exacerbationē redibat, ideoq; eius morbi casum ad nouā permutatī aeris intemperiem referrent, qua nōnulli ex eius comitatu iuuenes etate florescentes pari oppressi morbo cōcidissent. Nec multo post Cæsar audiēdis populorū querimonijs, qui in usitata regulorū acerbitate auarissimē se vexatos et expilatos cōquerebantur, seuerē intētus didicit minoris insulæ Balearis populū a Barbarissa supremā cladē accepisse. Is enim vt supra docuimus, fatali nostrorum incuria erroreq; maximē pœnitendo Hippona elapsus, vbi Algeriū peruenit, resecta classe, eaq; nautico cōmeatu optimē instructa, & cura rerum Afani filio, cui tutor atq; adiutor Salecus aderat, demandata, Byzantiū enauigare constituit, eo animo vt ex itinere prædabūdus Cæsariang ditionis oram percurreret. Primū autem omniū in Ramadam Baetium Tunetanæ arcis præfectū capitali supplicio animaduertit, q̃ minus in tenta custodia carcerē ergastulaq; nexorum obseruasse, indeq; totius amissi regni cladē attulisse putaretur. Hunc inter liberos, Christianę religionis desertores, longē carissimū habuerat, solerti eius planeq; Bætico ingenio in omni hætenus rei bellicæ negotio magnopere delectatus et adiutus. Ab Algerio itaq; oram soluens in Magonis portum, minoris insulæ Balearis, Barchini Magonis vt credi par est, vnde nomen accepit, mor

rit, morte & tumultu nobilem, se intulit, Punicoq; ad fallendū usus dolo, ita intravit, ut Cæsariāne classis speciem, explicatis Christianorum insignium vexillis præberet, & ab effusis ad spectaculū oppidanis, multis de more tormentorum bombis salutaretur. Magnum enim numerū huiusmodi vexillorum Barbari varijs casibus, Portundoq; præsertim Hispanicæ classis præfecto super Sardiniam aliquot ante annos oppresso nostris ademerant. Adiuvit etiam astum dolosi hominis Lusitana navis, quæ in eundem portū tempestate impulsā ancoras iecerat. Præfectus namq; eius Consalvus Perelia, eadē captus imagine pilas ferreas tormentis eximi, eaq; inani sonitu ad lætitiæ signū honoris causa dis-
 10 plodi iusserat. Sed postquā à tot rostratis repentē circumventus Barbarorum ora, & peregrina arma, simulateq; amicitiae dolos propius & certius agnovit, sero sese atq; navigiū strenuē tutari conatus, à Barbaris cruento certamine expugnatus trucidatusq; est: iniquiore etiam eius sorte, quod navigium reticulato ex funibus velamēto contegi muniriq; solitū, tum fortē tanquā tutissimo in portu minus necessario eo munimine careret. Capi enim non posse videbatur, nisi cetera cum pernicio in silientium, quū inferius per castella & foros parata essent venabula, quibus conscendere ausi transfoderentur, & validis colubinarum ictibus rostratas facili perfringi demergiq; posse appareret, nisi Perelia earum globos pernicioso adulationis officio incautus eximi iussisset. Eo
 20 modo Lusitanis ad unū interfectis, Barbarussa ad oppugnandum oppidū tormenta cōvertit: sed quum oppugnatio fortiter se tuentibus oppidanis, Turcis durior evaderet, præfectus imbellis, metuq; occupatus, de oppidi deditione cū Barbarussa transegit, ea conditione, ut cum uxore & liberis incolumi libertate servaretur. Atq; ita scelesto præfecti consilio Magoniani ad unū omnes miserabili infortunio capti, & in Africam abducti sunt. Verū præfectus integra fide servatus, non multo post admissi flagitij pœnas dedit, quū eum Martinus Durræa insulæ præfectus laquei supplicio puniendū imperasset. Barbarussa autem universam prædam Algerium retulit, atq; inde autumnales Boreæ flatus contemens, pari audacia, felicitateq; longissimæ navigationis, uti antè statuē-
 30 rat, Byzantium pervenit. Interea Cæsar acerbè bellū adversus Gallos coquens, nec obscurè parans, quod summi eius cōsiliū summæq; prudentiæ fuit, Venetos in partes traduxit, diu opinione suspensos ab excessu Francisci Sfortiæ, nec temerè de Italiæ libertate dubitantes, quando longissimè providerent, si Gallia Cisalpinæ imperium, uti hæreditas postulabat, reliquis tot Cæsaris regnis accederet, præpotentem accolam sibi præcipuè formidandū parari, quod Cæsar regna regnis adnectere solitus, quæ sibi legitimo iure ab indulgēte fortuna tribuerentur, uti immensa auctus potentia, si æquitatis ac amicitiae oblivisci vellet, vicinas ultra Abduam urbēs invasurus esset, recenti Maximiliani & Ferdinandi avorū exemplo, qui eas Mediolano antiquitus contributas, abreptasq;
 40 impotētibus Venetorum armis repetissent. Sed tum Cæsaris nomen in tanta erat gratia atq; existimatione apud Venetos, ab ea præsertim Punicæ victoriæ laude, ut pleriq; ea favere, provehereq; eius opes dictis sententijs mitimè dubitarent, ipso præsertim Urbinate Feltrio copiarū Imperatore ante omnes propensissimo, qui uti erat indefessa atq; admirabili facundia potens, multos quō vellet patritios impellebat. E senatorio autem ordine aut præmiorum spē allecti, aut suo pte ingenio accensi, quod ita fore è republica crederent, Cæsari mirifice favebant. M. Antonius Contarenus, qui ei aderat longa functus lega-

tione domi verò & in senatu M. Antonij Cornelij perpetuo studio, illustri-
 que eloquentia, partes Cæsaris subleuabantur. Nec deerant plerique senio-
 res, in quibus multus semper fuit Aloisius Mocenicus, qui nihil nisi pacatum,
 & ab summa æquitate moderatum, vel ab armato, vti semper inuicto Cæsare,
 expectandum esse differeret, quanquam exactæ prudentiæ grauisimarum-
 querum experiens ipse Gritus princeps, multa reipublicæ prorsus aliena
 detrimentosaque ex eo fœdere obuentura diuinaret. Sed ea quæ Gritus dice-
 ret, vti facile apud imperitos euenit, vehementer eleuabat perpetuum eius &
 pertinax studium erga Franciscum regem, quod tantus rex, præclarus Veneti
 imperij restitutor, nisi ingratus & improbe deferendus videretur, eo præsertim
 tempore quo Mediolanensis imperij hæreditatem, aut beneficio liberalitate-
 que Cæsaris, aut vi & armis, vti sæpè antea, esset aditurus. Itaque facile electi
 fuerant in legatione, quæ ad Cæsarem de Punica victoria gratulatum Neapo-
 lim mittebatur, Cæsariani nominis apprimè studiosi: contra verò ijs patritijs
 honorifico diuersæ legationis munere imposito, qui reipublicæ studentes,
 commodo Galli regis fauerent, Romam non obscure ablegati sunt, ne domi
 consilia Cæsarianæ factionis intercedendo atque impediendo perturbarent.
 Nec multo post Neapoli de fœdere transactum est, his ferme legibus, quibus
 Sfortiæ principatum tueri tenebantur, spemq; præberet Cæsar id flagitanti-
 bus, futurum esse vt Mediolanense imperium sua Augustali authoritate, nouo
 regulo maturè concederetur. Id enim maximè Venetus expetebat, ne sibi
 cum Cæsare regum maximè opulento atque inuicto, sed cum infirmo, alieni-
 que arbitrij Fortunæ obnoxio, de finibus certandum foret. Hoc tamen di-
 fertè condicionibus non adscripsit Cæsar, qui id se facturum videri volebat,
 quando id vt faceret villo modo adduci non posset. Statuebat enim in arcano
 nunquam Mediolano esse decedendum, nisi armis pelleretur, sic vt eum præ-
 clare pœniteret, id paulo antè Italiæ precibus condanasse, quum in Norico
 Turcarum arma perstreperent, & Solymanus grauiores opinione pauen-
 tium hominum clades illaturus crederetur. Hoc federe Cæsar peropportune
 confirmatus certius & efficacius consilia de bello aduersus Gallos gerendo ini-
 re explicareque cœpit, atq; ingenti cura in Germania delectus equitum & pe-
 ditum per fratrem Ferdinandum, amicissimosq; sibi procures haberi iussit,
 deditq; operâ per legatos, vt ab Heluetijs impetraret, ne vllam in partē se com-
 mouerent, sed eius belli spectatores tantum esse vellent, quod sibi necessario
 suscipiendum foret prò salute Caroli Sabaudij, qui immaniter à Gallo rege ip-
 soq; sororis filio, improuisis ac impotentibus armis vndiq; vexaretur. Pertine-
 re enim ad dignitatem Rom. imperij, vt federatorū beneficiariorum, & ipsius
 præsertim Sabaudij propinqui sui opes, præsidio suo defendantur, ac quantū
 fieri possit, ex æquo Christiana arma conquiescant. Proinde Heluetios tanquā
 imperio Sabaudiaeq; principibus antiquo fœdere cuniunctos nihil vtilius atque
 honestius facturos, quàm si ab ea contentione abessent. Heluetij nihil se temere
 decreturos responderunt, memoresque officij sui vtriusque partis iura fœde-
 rum ac amicitia seruatuos, donec eorum arma Reipub. Heluetiæ neque peri-
 culosa neq; incommoda fore summi ipsorum magistratus iudicarent. Appare-
 bat enim regem Gallum nullas omnino alias quàm Haluetiorū copias pro sa-
 lute defensioneq; regni esse coacturū. Verū, quod maximo vsui fuit, Cæsar his
 legationibus impetrauit, ne cohortes apud eos mercenariæ conscribi, & addu-
 cin

ci in Italiam adversum se paterentur, quod eos Cæsar retineri non posse intel-
 ligebat, veteribus utique obstrictos fœderibus, & præmijs qui laboranti ex-
 terno bello Galliæ præsidio forent. Quâ de causa adductus fuisse dicebatur
 Philippus Ammiras, ut Lotharingo Cardinali potius pacem suadenti, quàm
 Gallis bellum atque aciem deposcentibus obtemperaret. Nam frustra cohortes
 ab Helvetijs deposito stipendio postulanti, quibus aciem Gallicam stabili
 robore confirmaret, ut conscriberentur negatum fuerat, quum tamèn ex ad-
 verso Antonius Leva eius gentis tumultuarias cohortes duas in castris habe-
 ret. Egit quoque Cæsar cum Maria sorore, quæ Belgis imperabat, ut quantas
 10 ea maxime posset pecunias cogeret, quibus validæ copiae à Germanis condu-
 ci, Belgarumq; item & Sequanorum equitû alæ, equis & armis instrui atq; e-
 xornari possent, quando sibi in Galliam cum duobus magnis exercitibus ini-
 tio æstatis irrumpendum esse statuisset. Propterea cogendæ pecuniæ studio
 diligenter incumbens, dabat operam, ne unius qui timeri poterat auri defectus,
 sed diverso sumptu adversus præpotentes hostes grave & geminatum, nec cito de-
 siturum bellum molientem, in cursu gerendarum rerû impediret. Nam præter
 eam signati auri summam, quæ à Neapolitanis & Siculis honorarij muneris
 nomine cōferebatur, supra triginta myriades aureorum nummum, ab Hispani-
 niæ regnis expectabat. Id autem præsidēs exactis ante diem vectigalibus, aut
 20 his publicanorum Ligurû societatibus cum gravi fœnoris impendio addictis
 suppeditabant. Multam quoq; auri vim singulis Mediolanensis imperij urbi-
 bus imperabat. Nec deerant qui expetentem liberaliter adjuvarent, quum Se-
 nenses & Lucenses, tum ipse maxime Alexander Medices gener, Etrusci prin-
 cipatus compos factus. Ea autem imposita bellici sumptus incōmoda, Hispani
 quæstores ducesq; Cæsarem maturè & cumulatè refarturum remissurumq; o-
 nera prædicabant, ex ea ingenti auri copia ditatus, quæ ex auriferis occidenta-
 lis Indiæ regionibus in Hispaniam adveheretur. Tum enim reperta fuerant ad
 Australem Oceanum in adversis Paria & Darienæ terræ regionibus, Peruræ &
 Cuschæ regna immenso auro refertissima, quod nullo fodientium aut legen-
 30 tium labore paretur, quando id in domesticos conquinariosq; usus, rudi arti-
 ficio fabrefactum, sed non planè putum Hispani apud Indos inveniant. Eius
 autè omnis copia advecta Hispalim in officinam publicanorû ea lege confere-
 batur, ut vectigalis nomine quinta pars esset Cæsaris, reliquum negotiatores con-
 flarent, & demum admixta purioris venæ auro, reiectisq; exactæ cōflaturæ in-
 tertrimentis, ad pondus puritatemq; monetæ Cæsaris Hispanica nota cudi cu-
 rarent. Non ineptum hoc loco fore existimaverim, si qui hæc reppererunt tan-
 quam publica laude dignissimi memoriæ prodantur. Nam postquâ Colum-
 bus Ligur admirando ingētis animi capto, eruditoq; iudicio vir, & uti quibus-
 dam apparet Hercule Græco inusitatæ famæ gloria maior & illustrior, alterum
 40 propè terrarum orbem vasto atq; intentato prioribus seculis Oceano, ad occi-
 dentem nobis aperuit, non defuere alij atq; alij ex Hispanis eo apud Hispalim
 defuncto, qui pari emulatione laudis, & spe quæstus eadē litora sequuti, ulterio-
 res novæ terræ, quam Pariam vocabant, terminos queritarent, dispari quidem
 fortuna suscepti cursus, quum nonnulli eorû (ut credi par est) immenso in explo-
 ratoq; absorpti Oceano nusquā apparuerint, & aliqui ab Antropophagis, qui
 Canibales appellantur, capti comestiq; fœdā miserabilis audaciæ memoriā re-
 liquerint. Ea terra Æquatori subiecta (ut suo loco memoravimus) a Gaditano

freto rectâ inter occidentem atq; miridiem nauigantibus emenso bis mille am-
 plius leucarum itinere occurrit, frondoso ingentium rupium promontorio,
 tanquam rostro Oceanum proscindens: nam æquis lateribus, litora infinito
 tractu, hinc ad occidentem, illinc ad meridiem immensis adhuc spatijs exten-
 duntur. Sed post Columbum tres ante alios ex Hispanis foelici ausu, & rebus
 gestis maximè clari & memorabiles extiterunt, Ferdinandus in primis Corte-
 sius, qui in postremum occidui litoris sinum delatus ad Mexicana regna ter-
 restri itinere contendens, subactis Indis Themestitana vrbe potitus est, quum
 fabricatis nauigijs eam vrbe falso in stagno positam, ædificijsq; & incola-
 rum frequentia Venetæ vrbs instar admirabilem, multis prosperè factis præ-
 lijs expugnasset. Maxicana genti, superis viuôs homines, sed maleficijs dam-
 natos, immolare fas est, placariq; numina humano sanguine credunt, & post
 mortem non interire animas persuasum habent, vt credi par est, ex disciplina
 superstitioneque Druidarum, quorum summa authoritas antiquissimis tem-
 poribus in Gallia pariter atque Britannia viguisse constat. Ita vt Cortesio non
 omnino difficile fuerit, subactam armis gentem per se ingeniosam & docilem,
 tormentorumq; miraculo terrefactam ad Christi cultum abdicatis idolorum
 superstitionibus traduxisse: literas enim iam nostras admiranter & lubenter
 discunt, reiectis hieroglyphicis imaginibus, quibus annales conscribere sole-
 bant, varijs picturis regum suorum memoriam posteris tradentes. Quorum
 annalium volumen ex perpetuis, sed introrsus complicatis folijs confectum, ti-
 gridisq; maculoso tergore protectum, vir illustris Franciscus Couos, Cæsaria-
 ni scrini magister, mihi dono dedit. Mexicanos pro rege suo et pro libertate
 dimicantes, nulla res magis exterruit quàm equestris turmae impetus, quum e-
 quitem integrum esse animal Centauri specie putarent. Sed postquam equi
 duo Indicis confossi sparîs, mactatiq; clauarum ictibus conciderunt, deprehen-
 so errore, detracta statim equis coria, vsq; adeo exactè tomento repleuerunt, vt
 viuorum effigiem repræsentarent, & in templo tanquam admirabilis rei specta-
 culo suspenderent. Cæterum Cortesius à Mexicana regione per occidentalem
 lineam terrestri itinere profectus, non longè abesse maria ab incolis didicit,
 paucisq; diebus ad litus exterioris Oceani peruentum est: vnde si classes ades-
 sent, peti posse consideret per Antipodas, Sinarum regna Catainasq; oras ad
 orientem nostrum, iam pridem aditas Lusitanis non longè à quibus in eo tra-
 ctu beatæ multo aromate atq; vnionibus Molucchæ insulæ sub æquinoctiali
 linea sitæ esse dicerentur. At Cortesio perpetuis Hispanorum historijs celebra-
 to, claritate nominis æquari potuit Blascus Nonius, nisi turpissimo vitæ exitu
 pristinae laudis decus obscurasset. Ab hoc enim diu peruagante Pariaë terræ, &
 Darienæ regionis litora, repertus est isthmus ad Vrabanum sinum, quo duo
 ingentia maria dirimuntur. A Comogro siquidem ingentis amnis ostio Darie-
 nisq; litore per inaccessos prope montes monstrantibus iter indigenis Blascus
 summa iuga tenuit, & subiectum in aduerso litore vatisissimi pelegi sinum con-
 spexit, in quo auri et vnionum ditissima regna reperta sunt, atq; item conspe-
 ctæ aditæq; aliquot insule earum rerum opulentia insignes. Itaq; inuento mul-
 to auro Blascus breuiorem transitum quærens, non plus inter se distare diuersa
 maria quàm centum miliaribus deprehendit, sicuti in Oceaneis decadibus Pe-
 trus Martyr Anglerius scitè refert, verū itinere adeo densissimis nemoribus &
 abruptis petris, frequentibusq; fluuijs impedito, vt nisi magno cum labore pe-
 riculo.

riculoq; illac nostri permeent, quum pasim in hospita ac insidiosa gentes ve-
 nenatis instructae sagittis occurrant. Quibus de causis Blascus eius tractus regu-
 lis aut muneribus delinitis, aut cruenta acie subactis, quatuor castella, vt com-
 meatibus ab vtroq; mari tutissimus esset receptus; opportunis intervallis con-
 stituit: aedificata etiam classicula in proximo portu, cui diuo Michaeli nomen
 fuit. Caeterum dira auri sitis nouiq; imperij libido, Blasci animum non multo
 post occupauit, eo rerum exitu, vt affectati regni crimine damnatus capite ple-
 cteretur. Indignus hercle eo supplicio nisi perfidiosè defecisset, quod ad laeuam
 longo tractu Perurana & Cuscana regna auro & gemmis scatentia successoribus
 10 Almagro atq; Pizarro demonstrarit. Ibi enim ferunt nullam aliam quam
 solido ax auro priuatis in domibus vasorum omnis generis supellectilem repe-
 riri. Montium rupes ingentis adamantibus, praecipueque sinaragdis, et cya-
 nis, & carbunculis collucere, flumina proinde vniuersa auream arenam trahere.
 Solum fecunditate rerum omnium incredibili, & perpetuo fere autumno flo-
 rere. Ex mira quoq; coeli clementia, homines integra valetudine, seculi aetatem
 implere, sic vt intempestiua mors Blasci videri possit, quo auctore tanta vt dixi-
 mus vis auri & gemmarum in Caesaris aerarium deferatur. Sed supra Cortesi-
 um & Blascum, portentosa nauigatione inclytus fuit Magalanes Lusitanus
 exul, qui aspicio Caesaris alterum Pariae terrae litus in orientem obuersum, quin
 20 que nauium classe percurrit, legendoq; oram praeteruectus lineam Capricorni
 atq; ostia immensi Argentei fluminis, vti Hispani vocant, ferorum gigantum
 instar praegrandes homines belluarum pellibus contactos reperit. Nec mul-
 tum inde, vti auidè querebat prope Antarcticum circulum in anfractuosa fau-
 ces audacter inuectus est, non inani conspectura iudicans noui orbis terras illac
 irrupente Oceano esse permeabiles, eumq; profecto sinum non longo tra-
 ctu in apertum ad occidentem pelagus desinere. Neq; eum ratio ex naturae le-
 ge ducta fefellit, qua terra omnis circumfluente Oceano varijs sinibus ambitur.
 Ad laeuam niuosae rupes spectabantur, suis culminibus primam aeris regio-
 nem excedentes. Ea pertinebant ad eam plagam perpetuo gelu (vt credi par est)
 30 rigentem, quae Antartico subest. Sed nec in ea coeli parte polus vti aquid Arcti-
 ci contingit, lucidiore aliquo astro notatur, quum paruae stellae nullo vel certe
 languido fulgore nitentes, polare punctum designent, duabus nubeculis stabili
 pigroq; rotatu immobili poli sedem ita circuiuentibus, vt vrsae nostrae tenorem
 & speciem nautis obseruatoribus, nusquam fallente magnetis vsu certissime
 praebat. Procedenti per occiduam lineam Magalani tortuosae & inaequales sem-
 per fauces occurrebant, mare autem modo fluctuosum, spumosisq; vorticibus,
 & saeuo mugitu reboans, modo tractabile & pigrum prout obiectis incideret
 cautibus, aut in latos sinus expansum deferueret, vario velorum flexu persulca-
 bat, nusquam arctiorem sinum trium miliarium spatio, nusquam septem latio-
 40 rem nactus, quum a dextra depressiora litora arboribusq; vestita, nulla tamen
 apparente hominum cultura, ad leuam verò cuncta gelu horrentia, maximeq;
 scopulosa spectarentur, collucerent tamen ad dextram excitati introrsus ignes
 ab incolis, vt de aduentu nouae clasdis proximis populis significarent. Cate-
 rum Magalanes diu crebris orationibus sustentatos delinitosque nautas, qui
 iam animos desponderant, quod neq; progredi neque regredi, nisi incerta vige-
 spe posse crederent, post vigesimum & septimum diem ex quo sinum intrasset,
 in apertissimum vastissimumq; Oceanum eduxit, ad dextram vela deflectens,

ut pote qui terras ad antarcticum ultimæ continentis esse putarat, & ad lauam
 mitiora omnia se inuenturū arbitraretur. Quando iam ad Tropici capricorni
 circulum, & ad ipsam Æquatoris lineam rediret, sub qua Moluccas quas quæ
 rebat insulas omnino sitas esse didicisset. In dextra itaq; Perurana & Cuscana
 regna, totumq; illud immensum Pariaæ terræ occidentale litus relinqueban-
 tur, quod Blaschus post transcensum Vrabani isthmum Hispanis successo-
 ribus, ad condenda regna, ferendaq; etiam, propter auri sitim, intestina praelia
 demonstrarat. Nihil enim inde Magalanes terrarum vsquam vidit, præter du-
 as insulas quæ desertæ appellantur, perhibentq; eas cosmographiæ periti ex di-
 ametri ratione Italis esse antipodas. Discessit inde Magalanes, planè consumpto
 to omni commeatu, lenissimis atq; his vno tempore perennibus vsus ventis,
 trimestri confecto cursu, obuersis semper ad Æquatorem proris non Moluc-
 cas quidē attigit aromatū præciosorum fertilitate celebratas, verū immensi pro-
 pè ambitus insulas, Iauanā, Pornem & Subuthā, ipsa Britannia maioris, è qui-
 bus Moluccæ satis exiguae, sed præstantia rarioris aromatis insignes incolarum
 digitis tanquā propinque monstrabantur. Sed Magalanes fatalis voti sui com-
 pos, in limine qui eas viderat adire non potuit: cum Mauthane siquidē insulæ
 regulo, Suethani socij regis auspicio, acie dimicans occubuit, eiq; suffectus est
 Serranus, qui nihil commodius duxit, quàm ab his insulis inhospitaq; terra per
 fidiolæ gentis protinus excessisse, q̃ sibi ad paucos redacto numerosa bellicosæ
 eius gentis manus iustum incuteret metum, quoniam ferreis gladijs & præpi-
 lis hastis vterentur. Verum dum adit regulos Serranus, amicitiasq; & fœdera
 iungere, ac Christianæ religionis cultū inducere contendit, & quod institui e-
 rat, naturam et magnitudinem Moluccarū scrutatur, regulis vno consensu ad-
 uersus peregrinos ad arma concitatis in Bornæ insula captus, misereq; à socijs
 desertus est, qui insidias veriti, publicam salutē noui ducis libertate, & vitæ an-
 reponendā censebant. Atq; ita cariophylli & cinamomi, nucisq; miristicæ sur-
 culos ex natali solo colligentes, ut testimoniū certā fidem referrent, ex quatuor
 nauibus vetustate semicorruptis duas magna cura, vñ illarum armamentis ma-
 teria & clavis refecerunt, Eurisq; vela dantes incogniti Oceani immensis spa-
 tijs vsq; adeo audacter se crediderunt, ut præteruecti auream Chersonesum,
 et Samosatarū, quæ Taprobana olim fuit, Gangeticiq; item sinus emporia, &
 Cumerum promontorium, ac deniq; Caledutham superarint, nusquam à Lusit-
 anis conspecti qui Indicā oram præsidijs obtinebant. Inde verò ad Bongspei
 promontoriū cursum habentes, eo superato dextro rursus per Aethiopiæ litora
 ad Hesperides insulas contra Praxium promontorium, altera tantū naui, non
 amplius quā viginti duo homines semiuiui peruenere. Ibi qui totū vñdiquē em-
 si orbis ambitū circuierant, Barbarorumq; mille insidias, & omnem maris seui-
 tiem euaserant, à Lusitanis insulæ præsidibus custodiæ traditi sunt. Nec multo
 post tamen ex his Hieronymus Plegaphæta Vicentipus, voto pro salute redi-
 tuq; suscepto, ad Clementē Romā venit. Is tanto subternaugati orbis miracu-
 lo fidelibus testimonijs comprobato, multa nostris admiranda, obseruandaq;
 posteris, pictura & scriptis adnotata deposuit: sic ut Magalanes nihilo scelicior
 Blasco, sed inusitata laude præstantior existimari possit, nisi inauditi antea freti
 faucibus adiuuentis, tantæ rei infirma adhuc fides famam eleuaret, quum nemo
 hætenus à viginti quinque annis eas fauces sedulo quæritans intraret, aut vide-
 rit. Ne-

rit. Neq; operæpretium esse reor, vt à legentibus hoc loco, & ad historiæ contextum properantibus, veniam deprecet, quod me ij tres viri inclytis heroibus comparandi, ab instituto longius abstraxerint, quando eos omni laude ad perennem nominis famam exornandos putem, veterum Græcorum more, qui ingeniorum fecunditate & gloria pollentes, non ipsos modo admirandarum rerum, & regionum inuentores, sed minorum etiam artium opifices, carminum suorum præconijs æternitati consecrarunt.


PAVLI IOVII NOVO-

COMENSIS EPISCOPI NV-

CERINI, HISTORIARVM

SVI TEMPORIS

LIBER XXXV.



ADULTO iam vere Cæsar Neapoli profectus, Non. Aprilibus à Capena porta Romam intrauit, triumphali exceptus pompa ab omnibus sacerdotum, Romanorumq; ciuium ordinibus. Adduxerat præsidij causa veteranam Hispanorum legionem, & septingentos equites cataphractos, eò minore populi lætitiâ, quòd pleriq; eosdem militum atroces vultus agnoscerent, qui recentis cladis, omniumque suppliciorum, quæ perpesi essent, memoriam renouabant: eo quidem grauius & acerbius, quòd Paulus Pontifex nouo exemplo ad exornandos regionum arcus, singulis mercatorum & opificum collegijs pecuniam imperasset, scilicet vt Cæsariani importuno sumptu studio se colerentur, à quibus summæ calamitatis iniurias pertulissent. Exceptus est ea parte Vaticanæ domus, quæ exornata laquearibus aureis, & marmoreo insignis podio despectat Urbem, qua etiam Alexander sextus Corolum Galliæ regem suscepit. Exinde dissimulata persona cum paucis perambulauit Urbem, miratusque rotundi templi, quod olim Pantheon fuit, incomparabilem structuram, in summum fastigium eius testitudinis per plumbeos gradus ascendit, vt vniuersam urbem oculis subijceret. Quatriduo autem moratus Romæ, non obscura succensus bile in Gallos pridie quàm proficisceretur grauisimam habuit concionem, qua animi sui intimos sensus ardentissima facundia denudauit, quòd Gallorum legati penè conuitiese postularent, vt Henricus regis filio Mediolanensis principatus dominatum beneficiario iure adiudicaret. Id siquidem Cæsarem concessurum perplexis paulo antè sermonibus promississe Claudius Velleius asserebat. Quibus propè importunis atque alienis reflagitationibus Cæsar ita offendebatur, vt fidem suam nulla certa pollicitatione obstrictam Gallorum procacibus verbis fugillari ægerrimè ferret, respondendumq; ideo Gallis, & nomen suum à callumnia defendendum generosa concione arbitraretur. Itaq; grauiter commotus, in eo conclau, in quo Paulus Pontifex iturus ad sacra obeunda solennes amictus induere, & gemmæ

ta tiara exornari consuevit, aduocatæ concionis instar in corona stans verba fecit, astante Pontifice, cunctoq; senatu, & principum ferè omnium legatis, sic vt circumfusa totius aulae turba Hispanico sermone loquutus audiretur, Primum omnium veterem odiorum causas, quæ adhuc inter Gallos Austria namque domum vigerent, facundissime commemorauit, ostenditque neq; Franciscum regem, neque superiores Gallia reges, ictorum foederum legibus vnquam stetisse, quum sibi Burgundiam ereptam, & repudiata atque iniquissime intercepta connubia quereretur, & passim Franciscum regem acerbè perstringeret quòd bello victus, captusq; ac humaniter dimissus, nihil eorum quæ pro obtinenda libertate pepigerat, custodia statim exiliens, præstisset, sed abrupta fide iurisiurandi, totum propè terrarum orbem aduersum se tam ingratè quàm impiè concitasset, quum ad Turcas vsq; miserit legatos vt hostilia pari odio aduersum se molirentur, scilicet vt inania aut exolata iura ostentans Cisalpinæ Gallia dominatum inuaderet, quod sibi Augustali atq; legitimo iure partum, tanquam tuendis reliquis ipsius regnis maximè opportunum, omnino sibi retinendum statuerit, ne sibi maritimum adeundæ Hispaniæ, aut terrestrè adeundis Germaniæ et Belgarum regnis tutum & liberum iter præcidatur: quandoquidem nequaquam sit dignitatis in Cæsare per alienas terras transitus facultatem precario petiuisse. Propterea Franciscum nefario ausu Caroli Sabaudij auunculi sui Allobrogum regiones in Transalpinis, et Ligurum in Subalpinis immaniter occupasse, vt inde ad intuendum Mediolanense imperiū ire pergeret, Gallorum consuetudine, qui nouarum provinciarum audi, quin aliena & proxima quæq; occupent, neq; pudore, neq; iure contineri queant. Quarum rerum in uestigio eos sæpe poenitere oporteat, quum vi & armis æquo semper Marte iudice, eorum insolentia retundi reprimiq; soleat. Id vero agrestis impudentiæ sibi videri, quòd Franciscus Mediolanensis imperij possessionem ideo sibi concedi expeteret, vt singuli minores eius liberi, sublata omni honoris atq; potentiæ obrectatione pariter exornentur atq; ditentur, ne scilicet Henricus iusto dolore angitur possit, quum in fratre minore Carolo Aurelianensem principatum, in Francisco autem maiore, non Gallie modò, sed Britannia etiam citerioris coronam, ex paterna hæreditate conspiciat. Non hoc equidem esse vel dignitatis vel Fortunæ suæ, vt alienos potius quàm suos liberos exornet, & stultissima ratione intempestiuæ liberalitatis laudem quærat, qua inimicæ stirpis dubiaq; fidei hominum opes augeantur, quibus aucti rursus aduersum se instructiores, vt semper fecerunt, inquieta arma resumant. Itaque neq; hæc insolenter postulanti tributurum, neq; passurum vt Sabaudius Carolus tanta cum iniuria spoliatus dimidia parte regni, diutius ab se, vt antiquitus in Romani imperij clientelam recepto oporteret, iustam atq; certissimam opem imploret. Proinde se recta ad Alpes, & in Galliam vsq; progredi statuit se, vt propinqui sui, sociique principis, & Romani imperij clientis iniurias defendat. Hæc adeo graui concitataque facundia, oreque flagranti protulit, vt subiungeret, se inuitum in id bellum trahi, in quo multas gentes nihil mali meritas et insontes, ipsorum principum iracundia atque obstinatione, cladem essent subituræ, propterea pietate Christiana tacto sibi satius videri, & reipublicæ quidem utilius, vt ipse & Franciscus ad singulare certamen descenderent, enseq; et pugione dimicantes controuersiā finirent. Tum vero Pontifex clementiora ornatus, Cæsaremq; cōplexus obsecrauit, ne vel non inique iracundiæ impenius quam

quam pietati indulgere mallet, Gallosq; oratores Maconium & Velleium que
dam respondere paratos diremit. nam hi ab initio concionis à Cæsare frustra
postularant vt Gallica lingua vti vellet, vt opportuna ipsorū responsa accipe-
ret. Sed Cæsar se ideo Hispanicè loquuturū dixit, vt à pluribus id idioma Roma-
no eloquio proximum acciperetur. Per hunc modū prolato animi sui decreto,
etreiectis regijs legatis, per Casia viam in Etruriam contendit. Senenses intra
tem ipsorum fines Pientia vrbe liberaliter exceperūt, veteresq; suo studio Cæsa-
rib. addicti, quū Senis appropinquaret, erectis passim triūphalibus ornamen-
tis, cum exquisita Tunetanæ victoriæ gratulatione, subeūti portā vrbis clau-
10 ad declarandā antiquę propētionis fidem obtulerunt. Alfonsus Picolomineus
Amalphi regulus equi frena rexit, cunctiq; demum ciuitatis ordines, viriq; sa-
crati præcinentes hymnos, ad aram templi maximi deduxerunt. Suscepit eum
pereleganti hospitio, miroq; ornatu perpolito Marius Bādinus, in quo vel ob
id quod Archiepiscopi germanus esset frater, summū Cæsarianarū partium, &
popularis factionis studium eminebat. Nam eo tēpore populares in factiosa ci-
uitate principes euaserant, quū obsolescente potentia antiquę nobilitatis, reli-
qui duo ordines, qui tū Nonarij & Reformatores appellabātur, eximia autho-
ritate in Repub. Pandulfo Petruccio principe potiti, impotenti demum popu-
larium impetu per cruētas contentiones interfecti pulsiq; fuerant, quoniā Cle-
20 menti Pontifici, & Gallis fauisse credebantur. Inuisit Cæsar urbem luculentis-
simè omnibus, quę excogitari poterāt, elegantie ornamentis instructā, specta-
uitq; mirabundus innumerabilem prope scēminartum multitudinem. nam he
inter Italicas præcellentis formæ, & elegantis ingenij singulare decus constan-
ti omnium ferè fama obtinent. Exinde iuuentus extremæ iucunditatis spectan-
ti Cæsari theatrales ludos edidit, per histriones variarum linguarum cum
multo sale leporem affectantes, pugilque omnis Senensium ætas ab inuetera-
to ludicri certaminis studio ad Cæsaris oblectationem incomparabili ardore
dimicauit. A Senensibus autem ad Florentinos prouectum Cæsarem Alexan-
der Medices gener excoluit, & Cosmianis in ædibus ita suscepit, vt Etruscis ar-
30 tificibus ex mirifica ingeniorum solertia simulachra, varijq; generis pēgmata
erigentibus, non modo superasse Senenses, sed veterum Romanorum magni-
ficentiā equasse censeretur. Inuisit Cæsar arcem nuper ab ipso Alexandro con-
ditam, instructamq; admirabili tormētorum apparatu, vsq; adeo mirabundus
vt quum tanta vidisset præsidia, quando reliqua sibi curæ fore diceret, graniter
obtestaretur generum, vt liberis operam daret, de vnaq; præsertim salute cor-
poris sollicitus esset, tanquam in subacta armis ciuitate regnanti, insidiæ amul-
tis forent pertimendæ. Paucos pulcherrima in vrbe moratus dies, discessurus
exitinere Caianam adiit villam, admirabili structura terreno in cliuo ædifica-
tam à magno Laurentio Medice, nullumque tum ea loci facie, tum erudito
40 ornatu, iucundius ædificium se vidisse testatus est. E Caiana Pistorium atq;
inde Pisciam, & mox Lucam intrauit tanta alacritate amicæ ciuitatis, vt
neque splendidius excipi, neque donari liberalius, neque vberius ali exercitus,
comitatusq; omnis posse procures iudicarent. Inuisit etiam vrbis de sua liber-
tate sollicitæ munitionem, intra extraq; muros circundans, laudauitq; militaris
peritiæ erecta propugnacula: triduoq; moratus, ornatissimæ quanquam mo-
dicæ ciuitatis opulentiam, quæ tyrannis aliquando seruiuerit, & superioribus
temporibus Cæsari auspicijs libertatis iura defenderit, decurionibus commē

dauit, & vt in colenda fide perseverarent admonuit. Luca profectus per Macrae amnis valles, Apuanosque saltus Apœnino transgresso ad Aftam urbem contendit, vbi reperit Fossanum ab Antonio Leua expugnatum, & Franciscum Salassum regulum alienatum à Gallis, proptereaque deficientem Antoni opera in partes traductum, quanquam eius equites fide integra erga regem, eam ad hostes euntem minime sequerentur, sed ad Gallorum praesidia decestati praefecti sui facinus redirent. Quo foelici rerum initio Caesar, vt Alpes mature transiret magis & magis accendebatur. Philippus siquidem Sciabonius Ammiras, vt supra docuimus, damnosa interpellatione Ioannis Lotharingae Cardinalis spe pacis deceptus, à cogitatione belli discesserat, & oppida, quae redegit in potestatem praesidijs confirmans, audito Caesaris aduentu ad regem redierat, existimabatque occupata facile se defensurum aduersus Caesarianos, nam Tuarini custodiam Burria viro forti attribuerat, & Paliciam illustri Sciabania stirpe progenitum iuuenem, proptereaque auiti decoris auidum, cum duabus alis grauis & levis armaturae equitum, & tribus peditum vexillis Fossani collocarat, quum paulo ante Hanebaldus Penerolum tuendum suscepisset. Caeterum Palicia aliquandiu tormentis oppugnatus ab Antonio, & multarum rerum inopia pressus, quod malignitate atque perfidia Francisci Salassi, ad Caesarem transire cogitantis, vti ille iussus erat nec satis commeatus accepisset, nec demum frustra expectatus, vti promiserat, vllam opem attulisset, plane deceptus, victusque his malis atque periculis Antonio deditioem fecit, ea condicione vt cum suo omni praesidiario milite incolumis abiret, sed generosos equos & militares ad vnum omnes, rerentis tantum ad iter in Galliam obeundum humilioribus, cunctaque simul tormenta victori relinqueret. Habebat in animo constitutum Caesar omnino inuadere Galliam, vt ita faceret ab Antonio Leua in arcano persuasus, sic vt de itinere tantum rationeque inferendi belli à ductibus sententias esset quaesiturus. Exploratam enim & plane certam fore victoriam diserebat Antonius, si domi suae Gallos nihil hostile metuentes, & imparatum adhuc regem adoriretur, & copias quae erant magnae atque mirificae ad praedam ditem opulenti regni statim induceret, lateque euagaretur. Neque enim apparebat regem prelio certaturum, nullis praesertim Heluetiorum auxilijs fretum, & ad Flandricos fines nouum contra se Belgarum exercitum expectantem, quando nihil infanlius atque miserius Francisco regi videri posset, quam si Galli periculosam pugnae aleam subirent, quandoquidem in vnum aduersi praesidii casum atque discrimen, & salutis omnium & imperii Fortunam adducturi crederentur. Vna siquidem celeritate aiebat Antonius preoccupanda esse Gallorum ingenia, ne expedire consilia, & sese colligere possent, postquam diuerso perturbati bello, & ancipiti distracti metu, tantas vires quantas opus esset ad resistendum habere nequirent: proindeque nusquam in acie consistere audentes, terram patriam passim terrifico hosti peruastendam permissuri essent. Bestias feras nusquam aptius atque facilius à venatoribus opprimi & capi conficique posse, quam in ipsarum cubiculis & lustris, vbi cum catulis commune vitae periculum subeant. Antonius ex prouentu victoriarum suarum, vsque adeo Galliae militiae elatus contemptor euaserat, vt ex vaticinatione quorundam futura praedicentium, Carolum Galliae regem euasurum, & se voti compotem apud Parisios in ipsa victoria fato concessurum profiteretur. Huic tanquam immodico, & vt videri poterat interpestiuo consilio, vnus ante alios Vastius ipse & Fer-

& Ferdinandus Gonzaga ita refragabantur, ut Vastius de scripto sententiam suam proferret, & postea publicaret, & Taurinum ante omnia expugnandum censeret. Eadem erat sententia Gonzagæ, qui Gallos Fossani expugnatione perterritos, si tot vires, quæ iam paratæ essent, Taurini mœnibus admoventur, minime laturos arbitrabatur. Non enim vel cives ipsos natura imbelles, vel ipsorum præsidij Gallos, qui non essent multi, iustum oppugnationis impetum toleraturos, quod si fortius aliquandiu sustinerent: nullam tamen tantam undique obsessos, qua se alerent, commeatus facultatem habituros: ideoque brevi facturos deditionem affirmabat. Taurino siquidem, quod esset

provinciae caput, in potestatem redacto, cuncta facile reliqua oppida ad pristinam ipsius Caroli Sabaudij naturalis atque humanissimi principis fidem esset editura: atque eo modo firmissima Poëninis & Coctij Alpibus claustra posse imponi, ut in posterum ab Italia Transalpinae gentes arcerentur. Porro Cæsar ire in Galliam certus, præterquam quod unius Antonij Levæ iudicio virtutisque plurimum tribuebat, tribus etiam de causis in id bellum ingenti animo ferebatur, quod Mariam sororem Belgis imperantem, uti erat virilis animi mulier, e Belgio Gallis arma inferre iussam, & iam per amplas cogentem copias, commutato consilio neque eludere neque deserere volebat. Pro certo quoque didicerat Gallos ab Helvetijs auxiliares legiones sua consuetudine ob-

laris stipendijs in communi eius gentis concilio impetrare nequivisse, quod astutagens neutri partium ex professo studere videri cupiebat, ut aucta apud Gallos sustinendi belli necessitate opem suam carius vendicaret. Postremo quod Franciscus Salassus Antonij Levæ opera à Galliæ regis amicitia veteris clientelæ, militiaque diductus in partes transisset, & Galli nullum prope peditatum præter duas Germanorum mercennarias legiones, quas Gulielmus Frustembergius dux turbidus, & multorum perditorum atque exulium militum collector adduxerat, cui rex confideret, essent habituri. Reliquas enim copias ex Galliæ delectibus constare, quod genus militum e singulis eductum provincijs non magnum militiæ usum habere iudicabat. Quod si paulo audacius atque felicius in mediâ Gallia res gereretur, Gallos profecto domesticis incommodis permotos, & Taurinum, & reliqua oppida sine vulnere deserturos. Adjuvabat etiam decretum Cæsaris Andreas Auria, qui non dubiam spem præbuerat, Rhodanum amnem stabili triremium suarum catenato ponte posse coniungi, & per Narbonensem regionem ab Hispania, tum commeatus, tum omnis generis auxilia bene gerendo & conficiendo bello expectari posse predicabat. Suberat etiam in arcano Cæsaris occulta spes potiunde per prodicionem Massiliæ: nam sicuti postea à præclaris ducibus accepimus, per Antonium Levam quosdam, qui eam urbem proderent, sed qui postea fidem mutarint, promissoque defuerint, tentatos fuisse constabat. Itaque coeuntibus iam undique longe maximis equitum & peditum copijs, Cæsar multiplici itinere, sed præcipue per maritimas alpes, & per Tendanos colles Provinciae fines intravit, subse-

quente à Savonæ portu Auriana classe, quæ multas Italicarum cohortium copias sustulerat, quibus Ferdinandus Sanseverinus Salernitanus princeps imperabat. In his clari veteresque præfecti eminebant Augustinus Spinula Ligur, & Petrus Maria Roscius Parmensis sancti Secundi regulus, Hippolytusque Coreggius, & Hieronymus Sanctovitalis Salensis. Horum primo impetu capta direptaque est urbs Antipolis, quæ est ultra Varum amnem posita

contra eas insulas, quas Lerones antiqui, nostri hodie Leres vocant. In ea op-
 pugnatione, quod ab armatis agrestibus impigre defenderetur, & triremes à
 mari admotis proris tormenta in socias cohortes, tumultuario procursu mu-
 rum invadentes aberrante ictu disploderent, amplius trecentos milites Saler-
 nitani amisit: atque inde Ferdinandus Gonzaga cum suo equitatu adductis
 secum aliquot Salernitani cohortibus ad urbem Gratiā proVectus, eam sine
 vulnere in deditiōem accepit: subsequenteque universo exercitu, ipsoq; Cæ-
 sare ad Forum Iulij celebrem olim urbem, & Vocontiorum planam, frequen-
 temque ædificijs regionem penetratum est, in Alpibus quodam omine capto
 ex sylvarum incendijs, quæ continenti flamma ardentibus facile pinetis, non
 parvum numerum calonum atq; lixarum, mercatorumq; & mulierum præ-
 fertim castra sequentium turbam combusserat: concrematis multis impedi-
 mentis & sarcinis, quibus milites, ne eodem igne corriperentur, opem ferre ne-
 quiverant. Fuere enim tum qui dicerent his ignibus victoriā portendi, quod
 prelucentes undiq; flammæ lætitiā prænunciarent. Alij à periculoso ingres-
 su infaustum belli successum, & iacturam impedimentorū, uti postea evenit,
 significari contendebant. Cæsar circa forum Iulij advenientes copias in unum
 coegit, productasq; sub vexillis lætus inspexit: nam sicuti à Vastio accepimus,
 nusquam maiores & ornatiores copias Christiano bello Cæsarem unis in ca-
 stris habuisse constabat. Nam Germani quinquaginta serè cohortium vexilla
 implebant, quæ Germanica consuetudine paulò minus quingentos pedites
 singulæ continebant. Has legiones imperio regebant Tamisius dux vetus, &
 Gaspar Georgij Franispergi clarissimi ducis filius. Hispanos autem octo mi-
 lium numerum superasse, cuius gentis nusquam antea tantam multitudinem,
 adeoque militariter instructam se vidisse dux ipse testabatur. Hunc Hispano-
 rum numerum superabāt Italici, qui præter descriptos conductosq; stipendio
 voluntariam & liberam prædæ spe militiam sequebantur. Magnum autem
 gravis armaturæ equitum numerum Maximilianus Iselstenius Belga ex Bur-
 gundia, inferioreq; Flandria adduxerat. Sed cataphractos omnes vel Italici vel
 Hispanici generis dūctabat Ferdinandus Toletanus Albæ regulus. Veterano
 autē levis armaturæ equitatu præerat ex suo veteri munere Ferdinandus Gon-
 zaga. Huic adiunxerat Alexander Medices alam Etruscā Valerio Vrsino
 duce, quæ manus in universum mille galeatorum equitum summam efficie-
 bat. Tormenta verò magna ex parte suppeditabat clāsis, quæ oram legere ius-
 sa, commeatibus etiam ex propinquis litoribus castra sublevabat. At Francis-
 cus de animo Cæsaris adversum se vehementer concitato, & de singulis insti-
 tuti ab eo belli consilijs edoctus, quod ad eum Ioannes Bellayus Cardinalis Pa-
 risiensis memoriter excepta atque descripta ea Cæsaris concione, quæ in Vari-
 cano habita fuerat, dissimulato habitu, mutatisq; ad celeritatem iumentis in
 Galliam percurrisset, tota sua inani spe cōcordiæ deiectus, facile agnovit quan-
 to cum incommodo Philippus Ammiras paulò antea ad Taurinum in ipso
 cursu benegerendarum rerum fuisset retardatus, & quā ipse esset imparatus,
 ad sustinendum bellum gravissimi hostis, à quo terra mariq; præmissis ingen-
 tibus copijs peteretur. Hæc anxie quoq; confirmabat Cardinalis Lotharin-
 gius, qui apud Senas frustra cum Cæsare de compositione fuerat colloquutus,
 assereratq; ea mente esse Cæsarem, ut non modo Mediolanensis imperij pos-
 sessionem sibi retinendam esse, sed asperrimo in visceribus Gallie excitato bel-
 lo, Bur-

lo, Burgundiam citeriorem, quæ ad Heduos pertinet, armis repetendam decerneret. Itaque Franciscus uti pericula postulabant, undique evocatis ad bellum beneficiarijs suis, & tota nobilitate arma capere iussa, legiones iam pridem institutas in provincijs accersebat, cogebatque circa Lugdunum, ut inde ad Avinionem progrediretur, ex propinquo irrumpentium hostium adventum & impetum dispositis præsijs exciperet. Interim per Legatos dabat operam ut ab Helvetijs iusta auxilia mercede compararet, & Picardiæ fines validis copijs adversus Belgarum irruptiones confirmaret: nam à Maria regina conscribi magnum exercitum Henrico Nansoo duce atque induci in Galliæ fines audiebat, quæ poterat etiam diligentia eos duces, quos in præsijs Subalpinæ regionis decedens Ammiras reliquisset, pecunia & novis copijs confirmabat. Nam Iacobus Medices ad obsidendum Taurinum relictus à Cæsare, & Franciscus item Salassus passim bellum gerebant adversus Gallos, sic ut cruenta minuta prælia in expugnatione oppidorum ederentur, quibus clari nonnulli fortissimi que viri utrinque caderent. Nam M. Antonius Cusanius Insulber, quum emissus Taurino ad oppugnandum Sabinianum contendisset, positusque exteriore templi ædificio magnam vim telorum & armorum omnis generis è Cæsarianis ibi præparatam succensa domo concremasset, & Scalen-gum subsidio cum cohortibus ire ausum commisso certamine profligasset: in ipsa victoria vir excellenti virtute glande traiectus occubuit. Interea Franciscus nihil quod ad salutem Galliæ pertineret, intentatum relinquens, in Italia parandas novas copias, Genuamque Cæsari opportunissimam urbem detrahi posse ratus, ad Mirandulam conscribi novum exercitum iussit. quæ in re studiosi Gallici nominis duces cogendis undique cohortibus operam dabant, Caninius Gonzaga, Cæsar Fregosius, Annibal Novellarius, & Pallavicinus Vicecomes Insulbrum clarissimus, quibus etiam accesserat Petrus Strozza Florentinus exul. His omnibus rex præfecerat Guidonem Rangonum, cuius militari ingenio magnopere confidebat. Itaque Guido cum octomilibus pedum præter Parmam atque Placentiam ire pergens, Derthonensibus ex itinere recommeatum ei præbentibus præter Scriviam amnem, Genuam superato Apennini iugo proventus est. Interea Cæsar è foro Iulij motis castris ad sancti Maximi Vocontiorum oppidum pervenit, passim effugientibus incolis, sed plenos varijs commeatibus vicos ita relinquentibus, ut Cæsariani alerentur simul & aliquantam prædam reperirent, quum nulla hostium armata manus occurreret. Erat autem adeo multa singulis in pagis rusticanisq; tugurijs præter triticum, multiplexq; legumen, aridæ ficus & amygdalæ, casei, & salitæ carnis copia, ut si frumenta deessent, his cibarijs multo amplior exercitus per multos dies ali posset, postquam adulta iam dum estas fructus recentes affatim undique suggereret propter admirabilem pomiferarum arborum, quibus ea terra passim consita est, frequentiam. Auria quoque in Tolonæ portum classem intulerat. Is antiquitus Taurenta portus fuit, turremque habet, quam metu tormentorum territis custodibus Auria in potestatem redegerat, commodeq; terrestres copias cunctis subsequenti classis per oram copijs sublevabat. Galli autem edicto regis quantum poterant frumenta & commeatibus omnes longè ab ora maritima, itinereque hostium ad remotiora ædificia, munitaque loca reducebāt, cui negotio præpositi fuerant Montegianus insignis equitum præfectus, & Boissivus Gofferus Arcturo patre, aulæ regiæ quondam magistro.

Gulielmoq; Ammirante, qui ad Ticinum cecidit, patruo clarus. Hi cataphractorum & levis armaturæ equitum binas alas adduxerant, & tres peditum cohortes, quæ equitibus præsidio forent, progressique in eas partes, per quas Cæsariani iter facturi videbantur, paganos excedere ædificijs & demigrare, & domesticas copias retrò avehere, ne his potiretur hostis, cogeant: qui segnius id fecissent, atrociter mulctabantur: sic ut accumulatis antea pabulis faces subdere, & fœdè vini dolia perrumpere, ac frumenta quæ asportari non poterant, eodem igne corrumpere lugentibus incolis properarent. His conficiendis rebus occupatos hostes, exploratores Epirotæ ante euntes, suoque more prædam quæritantes, ad Brugnolam oppidum processisse Gallos Gonzagæ renunciarunt. Is uti maximè cupiebat longius & introrsus ad hostes nondum percurrerat, ægreque à Cæsare impetrare potuerat, ut suo munere fungi, quod esset utilissimum & propè necessarium noscendis hostium consilijs permitteretur. Cæsar enim uni Antonio cuncta deferebat, qui sine se quicquam tentari, ut laudis cupidissimus nolens, hostes ipsos tota mole copiarum invadendos, nec aliter excitandos esse differebat. Itaque cohortante Vastio, & Cæsare permittente, Gonzaga omnem ferè levis armaturæ equitum multitudinem ad iter expedit, postulatque ut Tamisius cum legione Germanorum secum eat, ut equitibus præsidio sit: primosque omnium præmittit Paulum Luciaschum, & Zucerum Epirotam, spectatæ solertiæ atque virtutis veteres præfectos. His præcurrentibus ad Brugnolam Montegianus atque Boissivus ab incolis, qui refugiebant, de adventu hostium cognoscunt: & quum alter extemplo abeundum esse, nec ullum pugnae discrimen subeundum diceret: alter Montegianus ingenio elato ferocique, turpe sibi fore testabatur, si de profectioe prius cogitaret, quàm ora hostium vidisset. Nec multo post undique Cæsariani volitantes conspiciuntur, & Boissivo se subducere parante Montegianus equitibus tuba signum dat, ut arma capiant & conscendant equos. Gonzaga novas turmas primis submittit, imperatque ut præliando hostes distineant, donec ipse cum reliquis alis, & Tamisius cum legione ad oppidum perveniant. Itaque invadentibus Cæsarianis prælium oritur, obvertunt se Galli equites, & fortiter repugnant tanta constantia roboreque densatæ alæ, ut primi pellerentur, sed aucti subsidijs pugnam instaurarent, quo casu Sampetorius Corfus, qui cohortibus præerat, ad equitatum utrinque lunato flexu cohortes peritè applicat, & per sclopettarios rem gerit, multiplicatisq; insultantibus Cæsarianorum turmis atrox prælium editur, duoque fortissimi præfecti, Pelacanes Bononiensis, & Stephanus Puveius virtute animi & decore formæ nemini secundus, ideoque Gonzagæ carissimus, interficiuntur. Sed superventu Valerij Vrsini, & Cantelmi Populensis reguli cohortes perturbantur, proculcatæque eorum impetu capto Sampetrio proteruntur: funduntur equites peditum præsidio destituti, paucisque interfectis ad vnum omnes, ita ut nec tubicem effugeret, capiuntur. Montegianus ipse vesana ferocia diu repugnans à Marsilio Brixiano equite capitur: eandem sortem subiit Boissivus, repertusque abiectis insignibus gregarij equitis habitu ad Gonzagam de facie agnitus deducitur. Eo die Gallorum temeritate Montegianiq; præsertim insolentia id acceptum incommodum fuisse constat, quo Brugnola effusè direpta est. Exinde cognitum est ex captivis, regē ad Avinionem copias cogere, nihil tamen de pugna cogitare, nisi Helvetiorum auxilia recepisset, quæ impetrata fuisse, & iam esse in itinere

nere Galli distabant. Cæsar eo felici initio letatus, supra Massiliam ad Aquas Sextias castra promoverè cōstituit, atq; itē propius Massilię mœnia intueri, & certius explorare, an aliquis in ea urbe tumultus à proditoribus novisq; rebus studentibus civibus sentiretur. Itaq; diu urbis munitiones ex propinquo contemplatus, quum nemo suorum sciret, cur in conspectum se dedisset, paulò post ad castra rediit: & Vastius in Arelatensem usq; agrum excursionem fecit, eo eventu, ut pleriq; Arelatenses nihil hostilè expectantes, vagatiq; per villas ruraq; ab equitibus interciperentur. Per eos dies Franciscus rex, Franciscū Delphinum filium hæredem regni & nominis destinatum repentino oppressum morbo amisit, tanta totius aulæ mœstitia, ut ab omnibus æquato dolore iuvenis florentissimus, virtuteq; bellica insignis, & regijs præditus virtutibus tanquam immiti fato ereptus, effusissimè lugeretur. Nec defuere qui suspicarentur eum veneno fuisse sublātū: cuius nefarij criminis repentè reus factus quidā Sebastianus Montecuculus pœnas dedit, quum ab equis in compito in diversa currentibus discerperetur. Nonnulli præcipiti iudicio eum damnatū ferebant, tanquam insontem, qui dolore victus inter immania tormenta, ut calamitati suæ finem imponeret, se reum miser fecisset, & authores tanti facinoris Antonium Levam & Ferdinandum Gonzagam nominasset, qui obruti tantæ infamiae nomine calumniam à perdito impudentissimòq; homine temerè impostam anxie diluere cōtendebant, quum nonnulli Delphinum ex nimia iactatione in ludo parvæ pilæ æstuantem, sudoreq; madentem, frigidam intemperanter hâuisse prædicarent, nullis præsertim apparentibus veneni indicijs, quando præcordia visceraque eo immodico rigore correpta extincto penitus innato calore mortem accerferint. Quum ad Aquas Sextias castra haberet, nec iam classe iuvaretur, quòd magnum regionis spatium à Tolonæ portu ad Aquas Sextias intercederet, itinere præsertim latrocinijs infesto, quòd incolæ desperatione rerum suarum notos saltus insiderent, & viatores præsidiaq; eorum invadentes interficerent, fames in castris sentiri cœpit, quòd cocta Cerere carerēt, & fructibus noxijs milites uterētur. Nam tamen frumenta undiq; superiebant: nulla tamen molendi tritici erat facultas: quoniam à Gallis paulò antè molæ frumentariæ perruptæ disiectæq; fuerant: ac nisi ab Hispanis, & quibusdam Italis resectæ custoditæq; certis præsidijs molæ forent, nemo in castris vel inter procères nobilissimos erat, qui convivijs panes apponeret. Quibus de causis fiebat, ut Germani præsertim morbos cōciperent, atq; eo pestilentiores, quòd musto ex uvīs nō planè maturis expresso è galeis avidè biberent, quæ ventres facilè contaminabant: sic ut interneciva profluvia passim orirentur, & funeribus castra complerentur. Quibus malis obviam ibat Cæsar validis iustisq; præsidijs ad classem missis, ut inde opportuna famis subsidia peterentur. Nam Auria multa tritici copia abundans pluribus simul furnis & clibanis Cererem excoqui iubebat, cæteraquæ expediebat cibaria, & in his nauticum panem, cuius magnam vim in classem ideo cōtulerat, ut terrestribus etiam militibus deserviret. Mirabantur homines cur Cæsar tam diu apud Aquas Sextias ferè inglorius hæreret, nec quicquam pristino ardori suo simile moliretur, nec generosa consilia digna ipso celeriter expediret, prius quàm exercitus, Germanorumq; præsertim, gravioribus morbis tentaretur, & Helvetij hostibus auxiliares supervenirent, qui brevi affore nunciabantur. Languebat ferè quarta pars legionū, & multo plures morbos absumpserat, inter quos fato cesserat al-

ter ducum Gaspar Franispergus cum minoribus præfectis atq; signiferis supra
 viginti. Ipse quoq; Antonius Leva prioris sui consilij non obscure poenitens,
 rarius & segnius apud Cæsarem sententiam dicebat: perplexusq; atq; obrutus
 magnitudine difficultatis Fortunæ manus dabat, decumbebatque corpore æ-
 ger, atq; animo deiectus, ita ut Cæsar ipsum de victoria despondentis animum
 agnosceret, & Vastius ex prioris sententia Levæ oppositus, difficultatis causas
 cōficiendi & repræsentandi panis militibus afferret, nihil ad inferendum stre-
 nueque gerendum bellum obstare, quando Germani cæteri; milites tritico
 cacabis excocto Neapolitanæ obsidionis incōmoda patientissimè tolerassent:
 ideoque intempestivè parumq; honestè turpem Cæsari: ignominiosam verò
 ducibus maturari, receptus vulgato inter milites rumore famam parari, proin-
 de milites quò iuberet Cæsar dum vires essent integræ, fortiter esse perruptu-
 ros, vel si hostem regem ad Avinionem æstivantem invadere cuperet, vel ad-
 to Lugduno in Burgundiam antiquæ suæ ditionis pervadere luberet. Cæte-
 rum quum in his versaretur consilijs Cæsar mari delatū ab Auria tristem nun-
 cium accepit, quo Guidonem Rangonum ad invadendā Genuam appropin-
 quare, et in Pociferā vallem se demittere ferebatur. Igitur Auria de patriæ salute
 vehementer sollicitus expedito consilio septingentos circiter milites Augusti-
 no Spinulæ legendos attribuit, continuoque triremibus Antonij Auria de-
 vehendos imponit. Antonius pari studio sollicitudineq; ad ferendam patriæ
 opem incitatus, ususq; nocturnæ auræ flatibus, velis & remis ire contendit, in-
 gressusque portum cives magna trepidatione liberavit: nam tota ferè civitas
 inexpectato metu perturbata eò descendebat, ut plerique uxores & liberos, va-
 rioresque res suas navigijs imponderent: alij plebsq; in primis rerum novarum
 prædæque avida, reduci Fregosios, & vetus Gallicæ servitutis iugum induci
 clamitans, correptis armis ad defendēda mœnia discurrebat, sic ut incerto stu-
 dio per regiones urbis tumultuosè deferretur. Sed conspecto Spinula, qui va-
 lidam præsidij manum adduxerat, primos cives obliti veterū factionum, me-
 moresque receptæ libertatis, in qua beatius viverent, magna ex parte levati
 metu recreantur. Iam hostes ad sancti Thomæ portam, quæ est ad occidentem,
 pervenerant, allatisque pluribus scalis & conscensis, in summum murum eva-
 dere, coronamque occupare nitebantur. His conspicui cohortatores aderant
 Guido ipse atque Fregosius, qui quum frustra portam sibi aperiri amicè ingres-
 suris postulassent, adversum à civibus responsum retulerant: propterea; viam
 admovendam rati acerrima atque audacissima conscensione facta in urbem
 transcendere conabantur, eo quidē maiore Genuensium periculo, quod ad or-
 rientalem portam, quæ ad Feritorē hodie Bisamnem fluvium ducit, Pallavici-
 nus Vicecomes, & Hercules Fregosius Cæsaris frater altera castra fecissent, ut
 diverso pavore illato cives ad deditionem compellerent. Cæterū supra sancti
 Thomæ portam non longè ab ea turricula, per quam Piscario duce Adurnios
 proceres reducente, urbem ante quatuordecim annos captam fuisse memini-
 mus, magna contentione certatum est, eo successu, ut Baptista Corsus cogno-
 mento Farina agrè locum defenderet, & Guidoniani vexilla in summi muri
 pinnas audacter efferrent. Verū superventu Spinulæ ingenti animo propu-
 gnantis, ereptū est ascendenti signifero vexillum, ipsoq; vulnerato atq; in præ-
 ceptis deturbato, repressisq; subinde et vulneratis, qui scalas subibant, ea mœniū
 pars usq; adeo egregiè defensa est, ut quū Hector Neapolitanus invadentium
 pugna-

pugnacissimus cecidisset, Guido multis suorum amissis & vulneratis receptui cani iuberet, tanquam redintegraturus pugnam uti videri volebat. Cæterum dux prudens, quod nulla ad quassandum murum, atque ideo ad terrendum hostem tormenta secum adduxisset, neque uti sperarat Fregosius, ullus omnino in urbe faventis populi tumultus oriretur, admonitis socijs, qui erant ad Ferritoris portam copias collegit, regressusque per dextros Pociferæ vallis montes in agrum Subalpinū, Tanaro amne superato, ad Gallicos duces pervenit, ingenti equidem metu atq; periculo, uti inopinatis casibus accidit, liberata civitate, quanquam Guido in discessu oblata ex itinere oppidula diripuisset. Inde Guido proventus ad Astam, quum nemo Cæsarianorum prodiret, abacta aliquanta præda maioris pecoris, ad oppugnandum Carinianum contendit, quod oppidum infirmo custoditum præsidio adortus, uno atque altero tumultuario certamine sub mœnibus edito, ad deditionem compulit, ibiq; magnam vim parati à Cæsarianis commeatus nactus, Taurinensium, & reliquorum præsidiorum inopiam, æqua dispensatione opportunissimè sublevavit. Nec multo post admotis copijs Carmagnolæ, munito oppido, quod Salassie ratidionis, potitus est. Quibus rebus gestis tametsi ab irrita spe potiundæ Genuæ frustra bellum suscepisse videri poterat; his tamen captis oppidis egregiè nominis famam tuebatur. Quibus cognitis rebus Cæsar & Auria, periculosa levati cura, magnoperè lætati sunt. Per eos dies Cæsare circa Aquas Sextias commorante, & pestilentibus morbis legiones pervastantibus, quū Nansous cum valido Belgarū exercitu Galliæ fines ingressus levibus quibusdam equestribus prælijs prosperè factis ad oppugnandam Peronam, quæ est urbs Picardiæ ad Samorobrinam amnem posita, contendere nunciaretur, Helvetij vel nihil ex decreto magistratuum impetrante rege, ingenti multitudine voluntariorum eius gentis ad stipendia, quæ offerrentur excitata, duce Calcemito descenderunt, & Gallos adventu suo ita confirmarunt, ut Cæsar de belli exitu timere videretur. Erant enim Helvetij delecta ferè viginti milia peditū, quæ conniventibus pagorum magistratibus arma capere, dare nomina apud questores Gallos, & sublati vexillis proficisci permittebatur. Nam sicuti antea magistratus publicæ Cæsari se in neutram inclinatueros partem promiserant, ita quod stipendiorum & lucri iacturam cunctantes facerent, pagorum ferè omnium iuventus exercendis nata armis ferre non poterat, ut ei bello non interesset, quum plures eminere, qui ex scedere veterū pactionum minimè committendū prædicarent, ut Galliam tanto circumventam periculo contra ius & æquum indefensam diripi paterentur. Habendam enim esse rationem perpetuæ societatis, qua ad tuendam Galliam præclaro scedere Galliæ regibus essent obstricti, à quibus omnium temporum perpetua atq; opima bello et pace premiaretulissent. Calcemitus autem quanquam corpore pusillus, ingētis tamen animi præfectus, quem prælio ab Bondincum prosperè facto adversus Ferrarienses multum inclaruisse memoravimus, in corona dixisse ferebatur, nequam esse ex commodo dignitateq; Helvetiæ gentis circumventum diverso bello, graviq; luctu oppreßum regem, qui florentissimum regniq; hæredem ex liberis amiserit, parum pia atq; inepta magistratuum celsatione deferere, scilicet, ut viri fortes stipendia facere & virtutis præmia ferre soliti, sua spe lucri, atque occasione parandæ laudis defraudentur, ut finitimos Germanos veteres hostes, ipsamque præsertim natura infestam Helvetio nomini Austria;

nam stirpem immodica potentia augeri sinant tanquam non aliquando ipsorum libertati negotium allaturam. At magistratus prætoresque pagorum non obscure Gallo favere cupiebant, quanquam avarius atque tenacius quam oportet secum egisse ab initio quæstores Gallos dicerent, qui intempestive veluti nondum inchoato bello pecuniam in stipendia minime se prolaturus dixissent; atque eo modo integro publicæ fidei pudore dum nihil publicæ de mittendis auxilijs decretum esse testarentur, privatorum militum cupiditati, & publico commodo dum conniverent, nec euntes & nomina dantes retentarent, publicæ existimationi callide satisfacere volebant. His tantis confirmatus auxilijs Franciscus rex certius exploratis hostium consilijs, atque eorum incommodis, quæ contagiosa planè lues pestilentiae modo in dies validius serpens afferebat, animadversa quæ apud eos salubris & expetiti commeatus difficultate, secundo Rhodano de vectis exercitus impedimentis ad Cabellonem processit. Baveus Colonia posita est ad amnem Druentiam in Rhodanum influentem, egregiamque habet ponendis castris opportunitatem. Ibi Anneus Memorantius totius Galliae equitum magister, cuius tum propter eximiam militiæ peritiam, maximeque sobrii & perspicacis ingenij præstantiam summa erat apud regem autoritas, dimensus accurata ratione admirabilique munitione complexus latissimum spatium vallata castra erexit, quibus undique tormentorum corona permunitis, amplissimæ copiae contineri, atque his infesta reddi itinera poterat, quæ ad Cæsariana castra, & ad maritimas comeationes, viasque Alpium pertinerent. Nam per superiores dies Paulus Ceres cum valida manu Italicorum & Gallorum equitum, expeditarumque cohortium Druentiam flumen tranando, nonnulla detrimenta ex occasione dispersis hostibus intulerat. Perfectis igitur ad Cabellonem castrorum munitionibus, atque intra has equitatu è tota Galliæ recepto, & collatis in eas Fustembergi mercenarijs Germanis, & Gallicanarum legionum copijs, Helvetij expectabantur, qui iam aderant, usque adeo multiplicatis cohortibus, ut nemo eius gentis domi relinqui videretur: quoniam plerique & bellicosissimus quisque suo pte ingenio ad iter incitati, neque duces, neque vexilla expectanda censebant. Id impensius & alacrius gentis studium, si cui maxime sumptuosum Galli quæstores sibi fore providebant, ita Cæsari imminuta spe eius conceptæ victoriæ, procedendi atque audendi consilio frangebatur: nam (sicuti nonnulli paulò antea probarant) si discedere longius à mari, et per Lugdunensem agrum in Burgundiam penetrare percuperet, id neque tutum, neque facile videbatur, quod maximis hostium copijs in tergo relictis, atque his quas antea despexerat, adventu Helvetiorum mirifice confirmatis, rex proculdubio ex occasione certaturus credebatur, cuius rei consilio si casus incideret, nihil alienius & iniquius accidere posse Cæsari cuncti ferè duces affirmabant, & tum maxime in Antonio Leva intolerandi totius corporis, omniumque propa artuum dolores, ita animum lethifera vexatione fatigabant, ut omnem eius ingentis animi vim eliderent, ipseque deceptus sua spe immodica destinatæ victoriæ intra paucissimos dies ad mortem adigeretur. Visus est Leva accepti vaticinii sui fidem implevisse, quum in Gallia, uti cupiebat, extremum vitæ diem obierit, & relatus in Italiam apud templum sancti Dionysij penes Mediolanum insigne sepulchrum meruerit: sed non apud Lutetiam uti crediderat, ubi Dionysiano celeberrimo in templo tumulum cum elogio funeri destinasset. Eo mortuo Cæsar de consilio reliquorum ducum, nihil ultra eo bello tentata

prælii

prælii Fortuna se recipere, atque in Italiam redire constituit. Interea à Paulo Pontifice binæ legationes in Provinciam pervenerant: altera Trivultio Cardinale legato, quæ Franciscū regem respiceret: altera Rodolpho Pio Carpenie, quo Cæsar adiretur. Eorum adventus quanquam serus, non omnino irritus fuit: nam propterea quod ex diverso factionis studio inter se dissidebant, idonei videbantur, qui ab utroque armato principe pñs precibus impetrarent, ne summo Reipubl. Christianæ incommodo armis concurreretur. Quæ legationes quanquam nihil quo ad levandas similitates, & minuendam eius sui-
 10 pti belli controversiam pertinerent: eximium tamen sacrosanctæ æquitatis id Pontifice, qui pacificatoris nomen quærebat, specimen præbuerunt. Eo modo Cæsar magis & magis ingravescente autumno, deductis undiq; præsidis, & cõstitutis agminibus per easdem maritimas Alpes subsequente classe in Liguriam ita est reversus, ut ipse cum tota ferè aula ad mare iter haberet, turremq; quandam agresti Gallorum præsidio munitam, quod iter illachabentibus Cæsarianis infesta esset, & Garziam Lassium Hispanicæ nobilitates bellica laude, & poetica lauro insignem lapide ictum interfecisset, multa vi expugnaret, de-
 20 senloresq; deditos, quod pertinacius restitissent supplicio affici iuberet. Tum vero Franciscus quibusdam Gallorum facili paratæque victoriæ defuisse vi-
 30 sus est, quod abeuntis hostis vestigia statim non esset subsequutus: nam plerique etiam ex Cæsarianis affirmabāt, novissimis agminibus grave incommodū afferri potuisse: quoniam Germani, & non parva Hispanorum pars lentioribus morbis tentarentur, & equites Germani, Belgæque præsertim magnam equorum multitudinem, aut exustam fervoribus æstivis, aut turgentibus talis debilitatā amisissent. Sed nos postea huius cessationis causam ab ipso rege requirentes, hanc fuisse reperiēbamus. Primū omnium quod Helvetios cū Germanis tanquam perpetuos eorum hostes committere nollet, spectante præsertim Fustembergo, neis offensus iniuria, si fratres & consanguineos suos ab Helvetijs Germanico nomini inimicissimis trucidari cõspiceret, propterea indignabundus ad tuendos suos verteretur, quum ipse Fustembergus tanquam
 40 omnis sacramenti cõtempitor, ingenio impius & præceps facile secessionem fœda consternatione factururus crederetur, & ipse multis eruditus antiquorū documentis, à certo & tutissimo disciplinæ militaris præcepto discedere nollet, quo fugienti hosti nō fabricandos modò pontes, sed auro etiā sternendos veteres censuissent: satisq; sibi gloriæ, & laudis partū eo bello fuisse, postquā tantos impetus, tum Cæsaris in Provincia, tum Nansoi in Belgis egregiè regno incolū sustinuerit & finib. expulerit. Per eos namq; dies Nansous irritò conatu magnis Belgarū, & Germanorū adductis copijs Peronā urbem frustra oppugnat. Cæterū Cæsare triremibus Genuā advecto, Aurianisq; in ædibus ornatissimis suscepto, Vastius per Ingaunos Ligures exercitū, Hispanosq; præsertim in Subalpinam regionem reduxit, quod ibi Gallorum præsidia accessu Guidonis Rangoni firmiora, nihil his in partibus bellum remitterent, novoq; ausu vicina oppida invasuri viderētur. Quo successu autē Nansous bellum gesserit, Peronamq; oppugnarit, paucis operæ precium erit enarrare. Perona oppidum est Galliæ Belgicæ, ad Samarobrinam amnem, quem Somam hodie vocāt, Veromāduris antiquis vicinū populis, qui etiā nunc vetus nomen retinēt. Id autem determinat Gallorū ditionem a Flandris Cæsaris imperio subiectis. Palustris ea est regio, & quod ad sacra attinet Novioduni antistitis autoritatē

respicit. Perona tamen si neque magna sit, neque ideo urbis nomen habeat: frequentes tamen habet incolas generosos, & Galliae regibus valde addictos. Exercentur Peronenses belli tempore quotidianis ferè excursionibus & praeliis cum finitimis, Bapalmenisq; praesertim. Bapalma siquidem ad Flandros pertinet, extremoq; in limite posita adversae ditionis Peronam respicit. Hoc itaq; oppidum quum Caesariani duces neq; praesidio valido, neq; multo com-
 meatu, neq; exquisito opere satis munitum existimarent, omnibus copiis ag-
 gredi statuerunt, quod Perona capta facilem sibi in Galliam aditum patefactu
 iri providebant. Priore autem consilio sancti Quintini oppidum Samarobri-
 norum praecipuum, hybernisque olim C. Iulij Caesaris clarum invadere cogi-
 tarant, sed accurate & praeterea munitionis validiq; praesidij fama Nansoum a-
 verterat. Hic enim genere Semigerminus summæq; dignitatis regulus apud
 Caesarem favente regina copiis praerat, habebatq; in castris circiter viginti mi-
 lia Germanorum peditum: equitum verò partim è Menapiis atq; Sicambriis,
 qui nunc Clevenenses appellantur, atq; item ex Eburionibus, reliquisq; Belgis
 septem milia equitum: magnum autem numerum tormentorum muralium,
 magnamq; vim militaris instrumenti expugnandis urbibus undiq; sibi adve-
 hi iusserat. Hec dum à Nansoo pararentur, Galli senatorij ordinis publicis ne-
 gotijs praefecti apud Lutetiam: quoniam rex abesset, atque in Provinciam Ce-
 sari sibi obviam eundum statuisset, animadverso Peronensium periculo, prius
 quam Nansous hostis perveniret, eius oppidi custodiam Florantio Roberti
 Sedagij filio tribuerunt. Is pluribus bellis clarus, uti paternae virtutis æmulum
 decuit, Marescalchi dignitatem fuerat consequutus. Mareschalchi siquidem
 muneris est ordinarium regis equitatum inspicere moderariq; & in arduis
 praeliis primam aciem ducere. Itaq; Florantius equites cataphractos centum
 quinquaginta, milleq; legionarios pedites delectos ducens, celeriterq; Pero-
 ram contendens, ante Nansoi adventum pervenit, & Peronenses ex vetere
 suo studio promptissimos ad sustinendum hostium impetum, defendendam-
 que patriam, magnifica concione in foro habita confirmavit. Dammartinum
 regulum summæ virtutis atq; constantiae virum arci tuendæ imposuit, qui suam
 peculiarē alam cataphractorum dimissis equis introduxerat. Cercheium autē
 virum egregiè fortem peritumq; militiae peditibus praefecit: equitatum verò
 omnem attribuit Ioachimo Hangelsto summæ spei, & iam spectatae virtutis
 iuveni. His rebus quæ ad munitionem pertinerent instituendis atque paran-
 dis occupato Florantio, Nansous cum omnibus copiis supervenit, comple-
 xusque oppidum lunatis castris Idibus Augusti tormenta promovit, quæ e-
 rant cum numero, tum magnitudine obsessis maximè formidanda. Itaq; quum
 Peronenses postulanti Nansoo ut se dederent, alacriter respōdissent, se nequa-
 quam adeo demissi esse animi, ut se patriæ mœnia defensuos dubitarent, post-
 quam his regionū militum praesidijs essent confirmati, qui sæpenumero ipsos
 hostes obsedissent, & ipsi alias arctissimè fuissent obsessi, non modò hostium
 minas cōtemnere, sed armatos vim inferre ausos multis in locis fortissimè repu-
 lissent. Adactis autem tormentis Nansous usq; adeo terribili violentia murum
 quassavit, ut mœnia per partes cōvulsa perfractaq; prociderēt, & patentes adi-
 tus per ruinas Caesarianis præberētur, quibus succedentib. & audacter irrūpere
 conantib. ferrea atq; perpetua cataphractorū acies dimissis equis pedes pugnas
 opponebatur. Certabatur autē cominus hastis atq; securibus: sic ut Gallica acies
 immota

immota constantissimè irruentes sustineret atque propelleret: nam Florantius
 submittendis recentibus subsidijis diligenter intentus, nusquam deerat: exem-
 ploq; suo ardentissimè propugnās, & unumquemq; vel militū vel oppidano-
 rum ad resistendum accendens, in muro impavidus versabatur, sic ut quū per
 quinque horas cruento praelio esset dimicatum, Nansous multis suorum amissis,
 & vulneratis se reciperet, atque alia ratione oppidum expugnandum esse
 arbitraretur. Erat arx oppidi non multum ab his mœnibus, quæ ab hoste
 quassata fuerant, antiquissima turre insigni, quam à Julio Cæsare olim condi-
 tam fama per manus tradita Galli prædicabant. Hanc Dammartinus, quem
 diximus, defendendam suscepit, atque inde tormentis rem gerendo subie-
 cta hostium castra detrimentis afficiebat. Proinde Nansous nequaquam tor-
 mentis demoliri eam posse ratus, cuniculos instituit, ut suppositis tormenta-
 ri pulveris cadis, noto artificio erumpentibus flammis turrem excinderet.
 Nec Nansoum concepta fefellit opinio: nam actis subter fundamenta binis cu-
 niculis Dammartino nihil sentiente, intra paucos dies perfecto opere subditis
 ignibus repente revulsa funditus turris corruit, ruinaque Dammartinum op-
 pressit, & cum eo nonnullos ex præsidio. In ea turre Peronenses referebant
 superioribus temporibus regem Galliarum à Veromandurorum regulo per insi-
 dias captum, ibique custodiæ traditum vitæ finem invenisse. Cæterum Nan-
 sous expugnata vel excisa turre, penitusque ad aperta nihil profecit, ut inde vel
 arcem vel urbem iterata ingenti conatu oppugnatione caperet. Nec multo
 post desperata victoria obsidionem solvit, & intra Flandriæ fines regressus est.
 Florantius verò restitutis tumultuario opere mœnibus ad regem contendit,
 qui Cæsare Provinciæ finibus excedente, in interiora Galliarum redierat, ab eoq;
 quonam eventu hostes Peronam oppugnassent certius didicit, collaudatoq;
 Florantio, Cerchioque & Ioachimo Hangestio militaria dona ad argumen-
 tum eximiae eorum virtutis tribuit, & ut dijs immortalibus gratias ageret, qui
 Galliam propitio numine summi periculi discrimine liberalissent, per triduum
 supplicationes haberi iussit. Florantius autem non multo post ardentissimis
 solibus & Peronæ dudum militari labore exustus, lethali concepto morbo fa-
 to concessit, paremque non multum inde Hangestius, qui Florantio suffectus
 fuerat, eodem bello apud sancti Pauli oppidum, interfectus: honestum vitæ,
 atque militiæ finem imposuit. Sub id tempus quo Cæsar Provinciæ finibus
 excesserat, & Nansous improspere oppugnata Perona armis atque incendijs
 Galliarum fines populatus in Flandriam dissolutis copijs redierat, Franciscus pa-
 res hosti rependendas clades ratus, quas coegerat copias in Belgicos fines in-
 duxit, magnoque apparatu Hedinum munitissimum oppidum, Britannico
 limiti vicinum, in ea Belgij parte, quæ Artesia vocatur, adortus est, multoque
 maximo tormentorum apparatu admoto, quinquagesimo obsidionis & op-
 pugnationis die in potestatem redegit, quod Belgæ multis imparati rebus in-
 opinatum hostium adventū sustinere nequiverant, nec regina post dimissum
 à Nansoo exercitum obsessis maturam opem afferre potuisset. Id oppidum a-
 missum maximè pupugit Cæsarem, qui facile intelligebat Gallos nullis par-
 suos sumptibus, quin illud egregie atque celeriter permunirent, tuerenturq;
 iusto præsidio tanquam opportunissimū ad reliquam eius provinciæ regionē
 invadendam. Itaq; sororem admonuit, ut vires repararet, et per idoneos duces
 redintegrato impetu hostes nihil tale expectantes invadere maturaret. Nec mo-

ra Belgarum proceribus ad bellum excitis, vexilla explicantur, & milites ad signa coguntur. In his fuere Hadrianus Beurenus, & Philippus Arescotus e Croia familia, quæ est summæ dignitatis apud Belgas, & vetere suo studio fida Cæsari, Galloque maximè infensa. Cæsariani itaque magnis freti copiis, quanta belli clade poterant fines Gallicos intrantes, ad Hedinum delati, quod validioribus, quàm putarant præsidij teneretur, lævorsum ad Teroannam Morinorum urbem deflexerunt, atque acri obsidione, oppugnationeque instituta expugnare conati sunt. Obsessorum res ad grave periculum deducta videbatur, propter commeatus & tormentarij pulveris inopiam. Sed Galli qui apud Ambianos castra habebant, certiores facti de sociorum difficultatibus, coactis undique sarcinarijs iumentis & plaustris, his rerum copiis quibus Teroannenses egebant, opem ferre statuerunt, suscepitque negotium Hanebaldus cum ingenti præsidio ordinarij equestratus, & evocatorum atque nobilium eius provinciæ, qui ei muneri deesse sibi ignominiosum fore iudicabant. Itaque usus nocturno itinere fretusque peritis itineris ducibus, Teroannam sceleriter pervenit, atque urbem, uti oportebat, non commeatu modo, sed novo etiam præsidio permunivit, serò sentientibus, & prohibere conantibus Belgis. Sed Hanebaldus quum alio quàm venerat itinere, tanquam brevior et tutiorque se reciperet, conficiendique itineris liberum ab hoste spaciū relinqueretur, quosdam e suis Gallicæ nobilitatis immodico pugnae desiderio incitados, neque prohibendo, neque iure imperij comminando continere potuit, quin illi in proximam, nec se commoventem Belgarum aciem stolidam irruptione incurrerent, & ad pugnam audacissimè provocarent. Quorum insolentia permoti Beurenus & Arescotus, ita illos exceperunt, ut multis interfectis & captis, densatas alas in reliquum Gallorum agmen immitterent. Erat apud Hanebaldum Georgius Capuzmadius Epirota vir multis versatus in prælijs, qui quum Cæsari militaret, paulò antè in Subalpina regione à Gallis quadam excursione fuerat interceptus. Cæsare vero eum minimè redimente, oblata à Gallis stipendia accepit, quibus eius viri virtus minimè contemnenda videbatur. Is Hanebaldo suadebat, ne quod egregie per fecisset stolidè corrumpere velleret: proptereaque sibi videri deferendam esse eorum procacium iuvenum manum, quæ temerè neglecto imperio certamen contraxisset, tanquam periculosum omnibus futurum, nisi se ad receptum celeriter expedirent. Sed Hanebaldus, quum neque ea quæ diceret Epirota facile probaret, neque quosdam ex sibi notis circumventos ab hostibus deferere velleret, incumbenibus demum Belgis, ita in fugam tumultuosissimè coniectus est, ut quum per paludem ligneis constratam pontibus essere vadendum, perfractis passim primorum transitu pondereque pontibus equi cœno haurirentur. In his fuere ipse Hanebaldus & Capuzmadius. Ea autem fuga eum habuit exitum, ut quingenti ferè equites levis armaturæ Italici Epiroticique generis anteirent, & persequentibus hostibus ad Hedinum confugerent ubi in præsidio custoditi æstivabant. Hi ferme trecenti numero, recentes in oppido nacti equos conscenderunt, atque eruptione facta persequuti hostes, & prælii & itineris labore fessos tanto impetu tergis instando perturbarunt, ut nemo ferè eorum madentibus sudore equis resisteret, multi que sine vulnere caperentur, quorum permutatione adiecta aliquanta pecunia Hanebaldus dimissus est, Capuzmadius iniqua sorte iussu Cæsaris tanquàm transfuga

fuga capitali supplicio affectus. Eiusdem anni, qui fuit trigessimus sextus supra millesimum & quingentesimum, ineunte æstate, qua hæc à Cæsare atq; Nansoo adversus Gallos tentata improspere gesta sunt, Henricus Britanniae rex novum inusitatæ severitatis facinus edidit, Anna Bolenia uxore adulterij damnata, & palam capitali supplicio affecta. Hanc siquidem quum infani prope amoris libidine correptus, Catharinae uxori repudij libellum misisset, in coniugalem thorum receperat. Causam autem repudij probasse ferebatur Thomas Volseius Cardinalis Eboracensis, quo nemo mortalium vanitate dignitatis atque potentiae superbior, nemo fortunis opulentior, nemo ingenij malignitate atque adulatione Britanniae pestilentior fuit. Prætenderat siquidem religionis titulum in adulationem regis novas appetentis nuptias, quod Catharina Arcturo ipsius regis fratri Germano antea nupsisset, asserere enim ex placitis Christiani dogmatis nefas esse eam ducere uxorem, quæ in fratris thoro inter maritales complexus concubuiisset. Hanc causam aliquandiu iactabant inter se iureconfulti, divinarumque legum periti, quum Clemens Pontifex obstrictus officio, neque Henricum neque Cæsarem offendere destinasset, lata sententia, sed tergiversante Pontifice ea lis eum habuit exitum, ut Henricus, uti æqua iura postulabant, periniquè atque impiè Catharinam repudiassè in gratiam Cæsaris decerneretur. qua iniuria animus malefano amore depravatus veterem suam omnem virtutis & pietatis laudem & gloriam abdicaret, nova & damnata religionis dogmata sequeretur, & ab authoritate Romani Pontificis discedendum censeret. Quare rebellionem ad sævitiam animum impulit, multisque supplicijs damnatorum procerum aulam funestavit: sublato antea alios, ut is promeruisse videri poterat, ipso Thoma Volseio Cardinale, qui nefarijs consilijs prævertisse regem atque infatuasse invidentis populi iudicio accusabatur: sic ut rex postea districto sæviore gladio nonnullos verecundæ probitatis viros, & literarum doctrina illustres interfecerit, in quibus fuere Thomas Morus regij scrinij magister, & Rossensis Cardinalis. Boleniæ itaque regalia tradita sunt ornamenta, & tanquam ex legitimis nuptijs communicatus genialis thorus. Quibus animadversis iniurijs Catharina miserabiliter thoro domoque pulsa, quum dolorem sustinere non posset, fato concessit. Exinde Bolenia sublata veluti pellice, thoriq; æmula inauspicato triumphans, & masculam prolem affectans in spem successionis regni, existimavit Henricum ingravescente iam ætate, & à multo abdomine pigrescentem, parum idoneum fore, qui marem progigneret, quod antea foeminas tantum suscepisset. Quamobrem nefaria concepta libidine uteri foecunditatem adulterino semine experiri constituit, pellecto ad concubitum Georgio fratre Germano, ut is detestabilis, ideoque incredibilis extra omnem suspensionem scelus contegeret. Sed non multo post fraternos concubitus inanes experta, adiecit procacem animum, nec præsentibus contentum, ad Norreium & Bruertonium equites ex aula illustres: sicut his exaturata ad Marcum etiam musicæ artis magistrum sibi familiarem inverecundè descenderet. Hæc flagitia ab ancilla, quæ cum amatore suo ludens severius ab ipsa Bolenia castigata fuerat, ad regem delata sunt: atque eo modo tortis atque interfectis adulteris Bolenia damnata est, astante inter iudices & suffragium suum ferente Thoma ipso Bolenio patre. Producta exinde in vestibulum Londiniangæ turris, satis interrito vultu pedissequas circa se plorantes servandi pudoris admonuit, collectaque subter reti-

culum coma lacteam ceruicem, quæ tantopere regi placuerat, carnifici latum stringenti gladium porrexit. Exinde rex Semeram virginem celebratis nouis nuptiis matrimonio sibi iunxit. Hæc mediocris familiæ nobilitate regi impar, sed ingenuo pudore statæ formæ, quod ad genium responderet egregie par, hunc peperit Odoardum regem, quem colit Britannia, quod in eo repudiatis vitijs paternæ tantum virtutis indoles effulgeat. Sed is partus regi faustus, matri infœlix extitit, quum ex partus dolore statim perierit, quartis & quintis nuptiis apud immodicum regem locum relinquens.


PAVLI IOVII NOVO.

COMENSIS EPISCOPI NV.

CERINI, HISTORIARVM

SVI TEMPORIS

LIBER XXXVI.



ICanius qui fuit à partu Virginis supra mille & quingentos trigessimus septimus, varia bella in diuersissimas orbis terrarum partes dispersa continebit: sed quæ magnis potius regum contatibus, quàm certis aut peramplis victorijs famam tulerint, idcirco tamen non parua legentibus afferent voluptatem; quoniam admirabilem grauisimorum consiliorum rerumq; gestarum varietatem explicent; proindeq; maximorum principum animos intueri agnoscereq; iuuat, qui bella ex bellis ferere, proferreque potentiam, quàm pacem frui malunt, scilicet ut nomini dubiū decus varijs Fortunæ lufibus subiectum superba contentione per anxios ancipitesque labores quærant. Antè omnes Solymanus parandis nouis regnis tam sua insatiabili quàm visita Ottomannis regibus cupiditate incensus, ad occupanda Indiæ emporia, pelendosque inde Lusitanos animū adiecit, nequaquam sibi decorum aut tutum fore existimans, si Christiani nominis gentem præpotentis Lusitanæ regis opibus fretam, maximeq; inuictis clasibus pollentem, firmatis imperijs inueterascere in India sineret, ubi iam pleriq; reges antiquissimis ritibus fabulosa numina colere soliti, Mahometana sacra suscepissent. Recentiquoque bello quod cum Tammafo Persarum rege gesserat, inter eius auxilia Lusitanos sclopettarios, tormentorumque magistros, qui maiora tormenta fusili metallo fabrefacere, periteque dirigere Persas hostes suos docerent, militasse didicerat. Cæterum Solymanus magno afficiebatur incommodo, quod Lusitanæ classes Arabici sinus nauigationes interclusissent, quibus Memphim atque Alexandriam aromata atque odores, Indicaque omnis generis mercimonia aduehi in Europam solerent, magno quidem totius Ægypti vectigalium detrimento, quum ea mercium negotiatio ferè omnis per immensum Oceanum in Hispaniam

niam averteretur, dispensareturque inde per emporia Belgarum, Britanno-
 rumque, & extremæ Germaniæ, quarum regionum regna, Gothosque popu-
 los Venetorum advectionibus repleri paulo antè solitos constabat. Provide-
 bat quoque Solymanus eandem curam incessisse animo Campsonis Memphi-
 tici Sultani, qui sub id tempus quo eum invadebat Selymus pater, ingentem
 classẽ Rubro in mari ædificasset, ut inde Lusitanos fretum Erythræasque an-
 gustias ingredi ausos, non Arabico tantum sinu, sed ulteriore etiam India, ubi
 iam munitas arces condidissent, expelleret: sed Amyrasis & Ray salomonis
 præfectorum dissidio atq; perfidia factum est, ut tantorum sumptuum appa-
 ratus in felicem exitum habuerit. Itaque Solymanus adhortante Ægypti præ-
 10 fecto ingentem triremium classẽ instituit, quã Lusitanos adoriretur. Præe-
 rattum Ægypto Solymanus Eunuchus natione Epirota propter militaris in-
 genij solertiam inter Bassas receptus. Is materiam ædificandis triremibus à si-
 nu usque Attalico Ciliciæque cæsam & dedolatam Pelusium devehì curabat;
 atque inde adverso Nilo Memphim ratibus perducì iubebat, ubi ita magnum
 navalium fabrorum numerum coegerat, ut paucis mensibus multas plicatiles
 triemes efficeret, quæ demum camelis membratim ad Suetiam olim Arsinoes
 portum Rubri maris per arenas siticulosæ regionis trahebantur, atque ibi in-
 textis carinis & erectis malis, atque instructæ omnibus armamentis in mare
 20 deducebantur. Id iter à Memphi ad Suetiam octoginta milium spaciũ im-
 plet. Constat autem antiquissimis temporibus dum Ægypti reges ad exten-
 dendam nominis famam prodigiosis operibus vacarent, fossam pernavigabi-
 lem à Memphi ad Arsinoem, admirando labore sumptuque fuisse perductam
 ad summas convectionum commoditates, quæ demum oblimante vetustate,
 arenis scilicet alveum sensim opplentibus, quanquam pernavigari nequiret:
 Niloticam tamen aquam secundum amnis incrementa ad ipsas Arsinoes cister-
 nas deferēbat. Sed huius quoque salubris aquæ copia atque usus ferè omnis ad-
 ventu Arabum Mahometanæ sectæ, qui illac irruperunt, & totam ferè Afri-
 cam superato Nilo usq; ad Atlanticum Oceanum invaserunt, ita est interrump-
 30 ptus, ut eius regionis incolæ à remotis quibusdam puteis saliores & iniucun-
 dos ad potum latices per utres camelis impositos petere cogantur. In hoc isth-
 mo terræ, intimoque Arabici sinus termino, mons Sinas natura saxeus & ab-
 ruptus in cælum exurgit, adeo ut difficilem laboriosissimumq; ad cacumen e-
 vadentibus ascensum præbeāt: nam in summo iugo quo maria despectantur
 positum est delubrum divæ Catherinæ dicatum, quod peregrini ex omni Eu-
 ropa Christiani religionis causa adire solent, immensoque pijs animis gaudio
 concepto, monumenta Mosaicæ historiæ de Mari rubro, quod Pharaonis im-
 pijs regis copias transire ausas miraculosa inuridatione totas oppresserit, oculis
 intueri liceat. Hanc quam diximus fossam Sesostris Ægypti rex opulētissimus;
 40 & uti aliqui tradunt, pyramidum etiam structura inclýtus, & post eum Ptole-
 mæus ipse Philadelphus, profundius excavare cogitarunt, ut mediterraneo
 mari Rubrum immitterent, atq; Indica regna eorumq; opes Ægyptijs finibus
 expedita navigatione coniungerent: sed ille præpropèra morte interceptus,
 vel insanum opus intermisit. hic verò à peritis naturæ rerum admonitus ab in-
 cepto maturè destitisse fertur, ne totam Australis Oceani aquarum molem
 Græciæ atq; Asiæ, quæ nō dubium gentibus altero veluti cataclysmo in vecto
 exitum afferret, insana ideoq; abominabili gloriæ cupiditate infundisse dice-

retur. Igitur singulari studio atq; industria eius Eunuchi, qui sæuo imperio circumiectas gentes ad id opus adigebat, incredibili celeritate octoginta circiter insignium nauigiorum clas sis effecta atque adornata est. In ea fuere rostrate triremes viginti, & biremes viginti & septem, præaltæ verò triremes, quas Veneti Galeacias vocant, ad ferenda maxima tormentorū & mercimoniorum onera opportunas numero quatuor: nauēs quoque capaciores aduehendis comēatibus, & toto militaris apparatus ornamento idoneas, quas Mahonas vocant, septem. Reliqua porrò nauigia quæ erant iustæ magnitudinis supradicti numeri summam efficiebant. Hanc classē conscendit Eunuchus, quum in eam nautas, gubernatores, & remiges, fabrosq; nauales Venetos contruserat.¹⁰ Nam paulo antè imperatoris Solymani iussu Venetæ triremes mercaturæ causa Alexandriæ portum intrantes, à Barbaro custode eius turris quæ pharum habet, contra fidem abrupta pace hostiliter interceptæ fuerant: ita vt Antonius Barbadicus & Hermolaus Barbarus patritij earum præfecti cum omnibus ad vnum nautis atque vectoribus custodiæ traderentur, & mercimonia apud fiscum scriberentur, eiusq; omnis naualis turbe delectu habito Eunuchus quos idoneos putarat Memphim, atq; inde ad Suetiam in classē distribuerat. Iam enim Solymanus leuissimis de causis odio in Venetos concepto bellū coquebat aduersus nostros, vt credi par est, à quibusdam qui nimia felicitate Cæsaris offende bantur vehementer incitatus. Sublato namq; Habraymo, qui singula²⁰ ri patrociniō Christiani nominis gentes apud principem fouerat, Lustibeus & Ajax purpurati abstinendū à rebus Persicis differebant specie pietatis, quod Ottomannica arma non in Mahometanos, sed in nostros continenter exercenda censerentur, præclaro maiorum exemplo, qui semper Christianis bellis cum triumphali gloria victores discesissent, vt ipse nuper esset expertus quum de Belgrado, Rhodoq; expugnatis, atq; interfecto Pannoniæ rege admirabiles victorias retulisset, quas frustra tentando quum Mahometes proauus, tum abauus Amurathes superioribus annis expetissent. Satis sibi gloriæ partem existi mare debere, q̃ Tammašo Persarum rege maiorum regiā expulso, & in Hyrcaniam vsq; fugato, cunctarum gentium testimonio victor Assyriæ regnum, vr.³⁰ bemq; ipsam Babiloniam cum Mesopotamia Persis ademerit, nec vllam adierit cladem, nisi quam aduersa numina cœlo demiserint. Neq; enim niues et sæuos ventorū turbines, quos apud Sulthaniam pertulerit, aliud omnino quàm Mahometis nomen obiecisse, immodicè scilicet persequenti Persas: quoniam nefas esset gentem, vel insanis superstitionibus deditam, tanquam verū & commune ipsi s numen colentē interficere, penitusq; delere. Eandem proinde esse cum sacerdotum, tum ipsorum ducum & militum voluntatem, vt arma in Italiam verterentur. Facile siquidem occupari posse Salentinorum regionē, quæ extrema Italiæ sit, & à conspectu Epirotici litoris modico traiectu dirempta classibus pateat. Eo etiam tempore Ioannes Forestius Galligragis legatus post mortē Habraymi, sicuti diximus, in aula permanere, muneriq; suo continēter vacare iussus, ostendebat Cæsarē, qui vnus tanquam præcipuus hostis odiosis sinē petebatur, nequaquam tanta habiturum præsidia vt tueri Apuliæ oram vno tempore, & Gallis in Subalpina resistere posse confideret, quandoquidē rex ipse cum magnis copijs in Italiā ipsa eadem æstate descendere statuisset. Sub id quoq; tempus ad Solymanū pro transfuga se contulerat Troilus Pignatellus exul Neapolitanus nobili ortus familia, peritusq; militiæ vir, propterea quod

quod Andream eius fratrem Rhodiæ militiæ equitem Petrus Toletanus pro-
 rex, aliquāto severius quā ipse putarat, capitali supplicio cōdemnasset. Quo
 iniuriæ dolore permotus rectā profugerat ad Solymanum, ab eoq; liberaliter
 militiæ inter Mutfaracas fuerat ascriptus, cuius ordinis equites è toto terrarū
 orbe lectissimi, quæ velint numina colere permittuntur, peculiaremq; tantū u-
 ni eunti ad bellū Imperatori operam præstant. Eius siquidē transfugij causam
 probarant Barbari, & Troilum quod duxisse apud Cæsarianos equitū ordines
 secundam militiæ famā didicissent, purpurati maxime idoneum fore iudicabant,
 quem ipsis invadendæ Apuliæ cōsilijs adhiberent, tanquā multa de situ litorū,
 10 atq; oppidorum cōditione opportuna traditurum, & cuncta ad id bellum se-
 cunda fore pollicentē. Troilus etiam quarundā machinarum artificia ligneis
 atq; minutis exemplis vir ingeniosus & vaser apud rudes earū artium Barba-
 ros protulerat, ad sustinēdum vel improvisum hostium impetum, si per oram
 maritimam descensiones fieri prohibere conarentur: cuius artifici formis So-
 lymanus ita oblectabatur, ut quū pluteos currules, præfixosq; ferreis venabu-
 lorum mucronibus, uti apud Ravennā à Navarro excogitados fuisse diximus,
 maxime miraretur, hominem tanquā subtilioris maximeq; efficacis industriæ
 purpuratis magnoperè commendaret, Lustibeioq; præsertim, quæ classi cum
 imperio præfecerat, quanquam in ea Hariadenus ipse Barbarus ab sua singu-
 20 lari scientiæ navalis existimatione spectatus emereret. Affirmabat quoq; Tro-
 ilus esse Apulorum omnium, & Salentinorū voluntatem, ut oblata occasione
 à Cæsarianis, à quibus immodicis tributis diu vexati essent, omnino deficerēt,
 modo Galli aliqui conspicerentur, quibus Turcarum beneficio in terram ex-
 positis, & classis præsidio confirmatis se dederent. Seniores etiam Turcæ me-
 minerant, quam facile ante quinquaginta annos occupata Hidrunte, eaq; de-
 mum urbe peregrei defensa, quam grave periculosumque Italiæ in Salenti-
 nis bellum excitassent, quo haud dubie non Neapolitano modo regno, sed ip-
 so etiam Romanæ urbis imperio Acomates Bassa brevi se potiturum sperasset,
 nisi ipse Mahometes Imperator præpropere ereptus fato totam eam spem pa-
 30 rata victoriæ præcidisset. His persuasionibus adductus Solymanus, terra ma-
 rique uno tempore Italiæ arma inferre constituit, tanta celeritate expediti con-
 silij parata classe, & terrestribus copijs è Thracia sinistrorsum per Tessaliā
 proficisci iussis, ut penè prius improvisus in Epirum pervenerit, & cum ducen-
 tis armatorū milibus circa Macedoniæ oram ad Aulonem cōstitit, quā By-
 zantio profectus à nostris crederetur, qui Barbaros vel ob id in Pannoniā re-
 versuros existimabāt, quod fama increbuisse Austrianos Germanos nequa-
 quam cum Ioanne rege, Turcisq; qui essent apud limites in præsidijs, inducias
 tanquā parum equas servaturos, classis autem numerosa pariter & ornatissima
 in Ionium delata, à Cephalenijs atq; Zacynthijs penè prius spectata est, quā
 40 Veneti sua consuetudine iustam classem creato maris præfecto ad tuendam ip-
 sorum ditionis oram versus Corcyram navigare, atque inde terrestres atq; ma-
 ritimos Barbarorum motus observare iuberent. Ceterum Solymanus è Thra-
 cia profectus, emensusque totius Macedoniæ latitudinem, nihil eum moran-
 tibus fluvij, ad Scardos montes perrexit, & per eorū valles ad mare descendit.
 Hi montes ad Taulantios, & Dassaretas, atque Dardanos, qui hodie Albani
 sunt, pertinent. Eo autem itinere vel magna & subito inflata flumina facile tra-
 iecit, & ante alia post Hebrum (qui hodie Mariza dicitur, non longe ab Am-

phipoli clarissima olim vrbe Macedoniæ regum, Seres hodie vocata, vbi Barbarorum moneta peculiari officinæ sede cuditur) Strymonem amnem, Marmarum ab incolis vocatum. Exinde Axium, qui nunc Vardaris appellatus ad septimum lapidem iuxta Thessalonicam in mare decurrit, & secundum hunc ipsum Halyacmonē, qui hodie dicitur Asambaba, Mustaphæ purpurati sumptu, qui Selymi gener fuit magnificentissimo pontē iunctum. Is amnis in Thermaicum sinum effunditur, non procul ab Heraclea sentica descendens, quam nouo nomine Scopiam esse nonnulli Græcorum affirmant. Nec multo post Lustibei & Barbarussa ab Hellesponto Maleam superantes ad Ficerium, orgæ Leucadiæ portum dulcis aquæ fontibus clarum, aquandi causa perueniunt, indeq; Acarnaniæ ac Epiri litora lambentes præteruectiq; Corcyram vbi Veneta classis Hieronymo Pisaurio præfecto stationem habebat, mutua salutatione multis de more tormentorum bombis amicissime celebrata, ad Aulonem per Piscofas fauces quas Laous amnis stagnans efficit, classis partem intulerunt. Tum verò Solymanus Italiam quam habebat in conspectu extemplo perendā ratus, vt si cœpta prosperè prouenirent, ipse etiam totis copijs traiceret, Lustibei, & Barbarussam transfretare, atq; explorare Salentinorum voluntates iussit. Aderat eis Troilus exul nauandæ operæ cupidus. Is vt peritus rerum, quod insignes vrbes Brundisium & Hidruntem egregiè munitas Cæsarianorum præsijs teneri intelligebat, ab Iapygio promontorio, quod hodie Hidruntinum caput appellant, in sinum Tarentinū ad dextram deflexit, ad Castrum oppidum. Distat id octomilibus passuum ab Hidrunte, habetq; arcem collis dorso impositam. Id erat ditionis Mercurini Catinariæ viri Vercellensis. Hic nequaquam militiæ assuetus improviso Barbarorum aduentu exterritus, atq; omnibus ad resistendū imparatus rebus, persuasus etiam Troili internuncijs, ita deditiōem fecit, vt Barbari ab omni maleficio se temperaturos pollicerentur, oppidanis in eandem pactionem cum ipso regulo facile credulis, propterea quod Forestium Galliæ regis legatum adesse existimarent: sed is ad Aulonem substiterat lethali oppressus morbo, vbi paucos post dies interijt. Itaque Barbari, naualesq; præsertim turmæ prædæ inhiantes, neq; Troili deprecatione permoti, neq; Lustibei & Barbarussæq; imperijs parentes, oppidum sublato clamore diripuerunt, delectaq; ætatis captiuos cum Mercurino ad classem duxerunt. Verum Lustibei non dubio pudore fidei perfusus Mercurinum incolumem dimisit. Eodem autem tempore magnus omnis generis hominum & maioris pecoris numerus toto Salentino litore ab equitibus Turcis interceptus est, nam per Hippagogas latiores naues, quas nostri Palandrias vocant, transfuchendis equis idoneas, nonnullæ equitum turmæ nocturna vsæ aura ab Aulone traiecerant, sic vt à Tarento Brundisium vsque Salentinus ager magno metu atq; periculo quateretur, cui non dubiam ab Italia pestem superis auertentibus, inexpectatam opem attulit vnus Veneti trierararchi temeritas. Is fuit Alexander Contarenus spectatæ nobilitatis atq; virtutis trierararchus, qui cum circumerrantibus Turcis triremibus casu quodam improvisus occurrisset, nec Turcæ, sicuti ex consuetudine debebant, honoris causa vela dimittere, & inanibus bombis pacati animi significationem ostendere vellent, in eos superbiæ suæ atq; odi violentiam subito conuertit, incitatisq; remigibus in Turcas rostra direxit, perforatasq; magno impetu hostiles duas demersit, in quibus Vistamæ Gallipolitanus præfectus interijisse dicebatur. Id facinus à Contareno,

tareno, vti postea apparauit, malo Reip. importunissimè editum, referebatur
 ad priuatam simultatem, quod mercatoriu n nauigium ipsius Contareni, quod
 ab oriente pretiosas merces aduehebat, à Turcis Prædonibus paulo ante fu-
 isset interceptum, sic vt Contarenius ex priuata iactura concepto odio indul-
 se dolori, et publicam causam neglexisse diceretur. Paulo ante quam Turcæ
 in Salentinum agrum trañcerent, Andreas Auria Cæsariana clesis præfectus
 apud Messanam certior factus, Solymanum ad Aulonem positis castris con-
 stitisse, classemq; eius eodem peruenisse, iratus sibi quod nulli hostium clas-
 10 parti, sicuti maximè cupiebat, occurrisset, superato Spartiuenti promontorio,
 quod olim Zephyrium fuit, per Ionium vela dedit, & se ad Zacynthum &
 Cephalleniam vsq; prouexit, sperans, vti euenit, aliquibus nouissimi hostium
 agminis nauigijs occursurum. Fortè incidit in aliquot eius generis nauigia
 quæ à Turcis Schiratia vocantur. Ea erant onusta varij generis commæatus
 copia, & lino vtiq; Alexandrino; quod mercimonij causa priuatim à nautis de-
 ferebatur. Ea clasicula ad Solymanum contendens, vbi procul Auriana vexil-
 la conspexit, non Ligusticam atq; hostilem rata, sed Venetam amicamque
 temerè iudicans, vbi propius errorem suum detexit, nihil tentata defensione
 irrumpenti Auria se dedit, qui omnibus vel Turcis vel Aegyptijs Mahome-
 20 tani nominis captis, & ad transra triremium traductis, translata continuo in
 triremes præda omni, nauigia incendit. Per eos dies per quos Ionium vndiq;
 circuitis atque exploratis insulis Auria percurrerat, Solymani binas triremes
 incenderat. His triremibus Iunusbeius supremæ authoritatis interpres, quem
 Barbari Dragomanem vocant, à Solymano ad præfectum clas- pro legato
 missus Corcyram aduehebat. Siquidem quum Turcæ insulæ appropinquā-
 tes nullam honoris causa de morè salutationis significationem fecissent, Vene-
 30 ti aliquot trierarchi tantam inesse Barbaris arrogantiam indignantes, in eas
 hostilem impetum fecerunt, & in litus Turcas se ejcere coegerunt, sic vt mag-
 na Turcarum pars cum ipso Iunusbeio ac Acroceraunis latronibus caperen-
 tur. Iunusbeius tamen ægrè se explicans, & præsentis pretio se redimens ad So-
 40 lymanum est deductus: vacuas autem atq; desertas ambas triremes Auria illa
 cunctiora explorans nactus, quod semifractæ vti grauius elisæ nequaquam
 sibi adducendæ viderentur, protinus incenderat. Ex ea re Barbari in Venetos
 odij sui vim omnem tanquam ab iusta causa vehementer intenderunt, vt apud
 Solymanum de iniquissimi facti iniuria prolixè conquerentes, id in immen-
 sum paulo post ad hostiles acerbitates prouherent, quamquam Venetus præ-
 50 fectus cunctis humanitatis officijs cum Iunusbeio eius facti nouitatem periculi
 que dolorem expiare niteretur, quod ab vtriusq; imprudenter nauales discipli-
 næ leges importuno casu violatas ostenderet. His fortuitis paruarum rerum
 successibus, non dubia abrumpendæ pacis initia apud Turcas quæsitæ sunt;
 60 eoq; validius & properantius, quod per eos dies Auria diligentissimè inter-
 diu noctuq; sulcando maria atque omnes portus explorando, nactus triremes
 hostium duodecim, apud Merleias quas vocant insulas supra Cassiopeū Cor-
 cyræ promontorium positas (hæ fuere antiquitus Ericusa, Marathæ, Elaphusa
 & Malthace) nocturno atque cruentissimo prælio deleuerat, Turcis ferè
 omnibus aut prælio occisis, aut in concursu demersis, quum pauci viui atque
 integri in eius potestatem deuenissent. Erant enim duo genera pugnacissimo-
 rum militum Turcici nominis, qui incredibili virtute propugnantes triginta

quinq; instructissimarum triremiū impetum ita sustinuerunt, vt faucij grauis
 simis vulneribus fessiq; pugnando occumbere quā se dedere maluerint, des-
 pondentesq; animos singuli macheras incuruas, quas magno parant pretio, in
 mare proijcerent, ne his nostri potirentur. Hi erant Ianizeri ex pretorianorum
 ordine, atq; item delecti equites, quos Spaches appellant, perpetua equis me-
 rentes stipendia: nam tum suos quisque equos terrestri itinere per Aetoliam &
 Acarnaniam per agasones suos ad Solymani castra præmiserant. Ea autem vi-
 ctoria non multum Auriam letatum fuisse constat, quum magnum numerum
 ex propugnatoribus suis atque remigibus, magistrisq; triremium amiserit, &
 Antonius ipse Auria in eundē pugnae princeps, vehementer vulneratus disce-
 10 sisset. Ea verò nocturni eius praelij fama fuit, vt si quatuor aut quinque trire-
 mes Turcis subsidio superuenissent, dubio Marte Auria, aut certe grauiore cū
 detrimento pugnaturus crederetur. Parta victoria Andreas ad Leucam pro-
 montorium orientale Corcyrae contra Paxum insulam paruum, quæ retinet ve-
 tus nomen, classē contulit, vt aliena suaq; accepta incommoda certius inspi-
 ceret. Nec mora quod audiret Barbarussam à Solymano cum octoginta trire-
 mibus aduersum se proficisci iussū non longē abesse, anteuertit iter, & abdu-
 ctis aliquot, quæ erant integræ, hostium triremibus captiuis, feliciter emensus
 Ionium ad Lacinium promontorium, quod hodie Culumnas vocant, perue-
 nit, atq; inde Messanam ad repetendam classē traiecit. Hoc insigni ab Auria 20
 detrimento affectum, & geminata contumelia à Veneto lacesitum Solyma-
 num, vique adeo acri iracundia exarsisse ferunt, vt Barbarussæ maledicendo as-
 perrimè succenseret, quod per incuriam segnioremq; impetum nusquam vri-
 lem operam prestitisset: Venetis autem grauisimè comminatus, capitalis odij
 clades denunciaret, a quibus se despectum, & vana antiquæ pacis specie decep-
 tum differebat, ita vt eos proculdubio cum Cæsare ab occulta societate consen-
 sisse iudicaret. eos propterea Auriam vti semper alias opportuno consilio, &
 comitatibus adiuisse, recepisseq; portubus, & vt ille aptius atq; feliciter ad-
 uersum se impune prædaretur, vndiq; per Græcos speculatores nauigationum
 indicia detulisse. In hunc modum suapte iracundia inflammatus imperatorem;
 Lunusbeius ipse Dragomanes, et Barbarussa, atq; Ajax, nouis additis facibus,
 vt pacem abrumpere incitabant: ille quidem priuatam vlturus iniuriam, hi
 verò vt commutata belliratione, maiorem prædam, vberiorēque laudem si-
 bi pararent, vt potè qui proximis insulis inhiarent, Corcyraeque præsertim &
 Zacyntho, Cephalleniaq; postquam in Italiā ad inuadendum expugnandum
 que duriora omnia spe ipsorum essent inuenturi: quando quidem nec rex Gal-
 liae adhuc transisse Alpès, nec aliquas paratas ad inuadendam Italiam habere
 copias nunciaretur: & fama esset Petrum Toletanum proregem Neapoli eg-
 ressum cum magnis copijs aduentare, et passim maritimis in urbibus augeri
 præsidia, & iam Turcas equites, qui ab Aulone in Salentinum agrum traie-
 40 cissent, à præfecto totius Iapygiae Scipione Sommeio viro impigro passim im-
 pugnari, atq; interfici dicerentur. Itaq; Solymanius ira percitus commutato cō-
 silio bellum aduersus Venetos decernit, & ab Aulone castra mouens Vagiuf-
 sam amnem, quem veteres Ananitem vocabant, superat, & ad Communitiā Bu-
 troiæ regionis castra constituit. Communitiæ locus olim Regij Fontis nomen
 habebat, vnde vberissima profluit aquatio portui mirè opportuna. Quum eo in
 litore Solymanus haberet castra, Acroceraunij agrestes ferique homines, qui
 Chimeram

Chimeram incolunt montem, immane consilium susceperunt, tabernaculi regij noctu inuadendi, concitante eos Damiano quodam latronum duce, abstrusorum collium qui sunt in ijs rupibus & syluis peritisimo. Non reformidabant vllum vel certæ necis periculum viri rerum omnium egentes, ideoque latrocinij assueti, & nullos certos colentes Deos, vt incredibili præda atq; inulitati facinoris gloria potirentur; si longè maximum terrarum orbis imperatorem in tabernaculo semisopitum, & frustra tot custodij consilium occiderent: magno siquidem silentio ferarum more sese insinuatuos concubia nocte in stationem facile sperarant: sed Barbaris ad id audendum facinus paratis Fortuna defuit: nam dux ipse Damianus è notis rupibus delapsus ad explorandum prætorij situm, & circumiectæ stationis formam, vigiles & excubantes prætorianos non fefellit: conspectus enim in arbore ex fragore abruptæ frondis, vti erat semipensilis et speculabundus à Ianizeris est comprehensus, & per tormenta detectis quas parabat insidijs, iussu imperatoris belluæ captæ modo discerptus est, vnde mox magna illis agrestibus clades illata est, emisiss scilicet in eos Asapis & Acanzis venationis modo ad trucidandum, & quam maxime possent delendam horridæ atq; infamis gentis stirpem. Ab hac enim genus ducunt Huscoci maritimi prædones Dalmatiæ scopulis assueti, & Haidones qui Illyricis nemoribus inerrant, & cunctis mortalibus ex professo hostes, vsq; ad interiores Pannoniæ limites latrocina exercent. Per hunc modum Solymanus dirum agreste genus ad satietatem vltus Corcyram oppugnare constituit, Barbarussam cum omni tormentorum apparatu è continente in insulam transgredi iussu. Is paulo antè reuocatus ab Iapygia ad Saxonem insulam, edito ingentis tormenti bombo vniuersam classem ex ea significatione contraxerat, & eodem cursu nusquam reperto Auria, per fretum Corcyreum ad Regios Fontes, Solymani que castra peruenerat. Quibus Turcarum consilij opportune perspectis Pisaurius aliquot triremium propugnatoribus, & validissimis remigum detractis vtrunque arcem oppidi aucto præsidio communiit, & se impari mari Barbaris fore iudicans, cum vniuersa classe ab insula se subduxit et in Hadriaricum sinum profectus est, eo consilio, vt cum socia altera Veneta classe, cui Ioannes Vetturius præereat, se coniungeret; & litora Venetæ ditio nis contra Barbaros tueretur, pugnae casum subire paratus, postquam & sibi auxilio futurus Auria videretur, accedenteque Vetturiana classe superiores existimari possent. In id quoque consilium Pisaurius si pugnandum foret; Alexandrum Buondelmerium ingentis & propè stupendi apparatus galeoni præfectum, qui tum erat circa Zacynthum, admonuit, vt in Dalmatiam ad se nauigaret. Paruit imperio Buondelmerius nauandæ operæ cupidus, deuectus que est ad insulam Cursulam, quæ antiquitus Corcyra nigra fuit, Meliteis olim catulis ad foeminarum delitias clara: Cæterum Pisaurius atq; Vetturius suas classes in Rizonicum sinum, quem hodie Cathareū vocant, intulerunt, quum Solymanus magnam copiarum suarum partem ad diripiendos Corcyreorum vicos transmisisset. Pagos namque omnes & notos vicos perscrutati Barbari infinitam propè miseræ gentis multitudinem captam in seruitutem abduxerunt. Ad oppidum autem Aiace purpuratum & ipsum Barbarussam singulis aduectos nauiculis propius accessisse constat, vt certius quæ opportuna essent ad oppugnandū specularentur. Sed ea visa est turrati oppidi & frequenti præsidio confirmati, portusq; munitio, vt eam Solymano inexpugnabilem

esse renunciarent. Præerant Corcyrae duo Patritij Veneti Aloysius Ripa, & Simon Leonius. Hi non temere Barbarorum vires quæ terra marique erant maxime metuentes, eò descenderunt vt suburbana tecta quæ erant instar oppidi perpulchra atq; magnifica vltro excinderent, ne his transgressi Turcæ potirentur, atque his protecti ad oppidi murum tutius atq; facilius accederent. Fuit ea res maxime funesta et lachrymabilis, quum etiam remotiora ab oppido prætoria, & villas ad commoditatem atque delicias longa in pace ædificatas Barbaricis facibus absumi conspicerent. Sed in summo discrimine publicam salutem respicere summæ rei periculum cogebat, eaque omnia quæ tum ardebant libertate incolumitateq; ciuium viliora ducebantur, quando nullo sumptu refici atque instaurari non magno tempore posse appareret. Cæterum præfecti quos diximus, longæ obsidionis metu adducti, quod nequaquam tantum commeatus in vrbe esse conspicerent, vt diu à Barbaris terra marique acriter obsessi inopiam ferre possent, omnem imbellem populi multitudinem extra oppidum expulerunt, adeo tristi lugentium spectaculo sæuoque remedio, vt quum Turcæ idoneis in locis munitiones, & propugnacula militarium operum instructa tormentis circa urbem erexissent, miserabilis ea multitudo eiecta foras in fossis pernoctare cogeretur, et quum turbulentissima fortè tempestas extrema Augusti mensis nocte incidisset, multi præsertim puerimatum ceruicibus implicati, ea spurcissimi imbris iniuria, & propinquorum Barbarorum metu miserabiliter interirent. Vnum ex omnibus Corcyreorum castellis, nomine Angelocastrum, in mediterraneis insulæ ad quietum decimum lapidem ab vrbe positum, frustra oppugnantibus & comminantibus Turcis, oppidanorum egregia virtute defensum, supra tria milia humanorum capitum, quæ eò confugerant prospere conseruauit quum passim diuersæ Turcarum manus cæteris locis diram vastitatem attulissent. Turcæ ad terrendos Corcyreos occupato monte, multa in eo tabernacula constituerant, & è scopulo, qui Maripetrus vocatur, maiores pilas in oppidum contorquebant, & contra oppidum in ruinis conflagentium ædificiorum occultè consistentes sclopetis ita rem gerebant, vt plerosque apparentium in coronam mortis certissimis ictibus vulnerarent, & circumuecti triremibus singula è propriis maiora tormenta disploderent, maiore tamen obsessorum metu quam damno. His de causis, quod parum proficerent, sicuti antea confirmasse diximus duces ipsos Lustibeium, Barbarussam, & Aiacem, Solymanus susceptæ expeditionis pertæsus, soluere obsidionem & Byzantium reuerti constituit non sine pudore irriti conatus, quod vtrobique, & in Salentinis, & Corcyra, Fortuna vel iusta vel immodica eius vota fefellisset. In hoc decreto erat Barbarus imperator, quum certius didicit à suis nulla fide cum Castrensibus rem gestam fuisse, qui deditioe facta secus ac crediderant pro beneficio, summæ crudelitatis atque avaritiæ contumelias retulissent, direpti scilicet & abducti in seruitutem, quum incolumi libertate saluas omnium Fortunas fore sperauissent. Quo maleficio suggillari maiestatis ipsius nomen iudicabat, qui semper in sponte deditos fidei atque iustitiæ obseruantissimus esse consueisset. Captandos siquidem Christianorum animos certa spe humanitatis atque clementiæ, vt in exemplum idem reliquæ gentes adducerentur: nec esse omnibellicæ cladis acerbitate diuexandos, qui vltro honesta pactione à veteribus dominis deficerent. Itaque expiandam omnino esse eius patrati facinoris infamiam

infamiam putauit, generosoq; animo quos comperit maleficij authores fuisse supplico affecit, & Castrenses captiuos omnes diligentissimè perquisitos, impositosque nauigijs ad penates suos reduci iussit. Quum administrante Barbarussa ad edictum copie omnes decedere insula, & in aduersam continentem transire iuberentur; Corcyrei discessu hostium animaduerso eruptionem fecerunt, ut institutas ab hostibus munitiones diruerent: sed qui fidentius & inordinatius exierant, quod nondum Turcæ omnes discesissent, eorum superuentu in oppidum compulsi sunt, nondum planè euerfis operibus: sub æquinoctium tamen à Turcis Corcyreorum detrimentis finis est impositus. Constat autem eo bello supra sexdecim milia è Corcyreis omnis sexus & ætatis capta atq; abducta in seruitutem fuisse. Solymanus itaque castramouens, legente oram classerecto per Acarnaniam & Aetoliam itinere, positis commodæ aquationis causa ad amnes qui occurrebant castris, ad Aractum scilicet, qui Ambracium influit sinum Arctæum de vetere eius amnis nomine hodie vocatum, & Acheloum Aetoliæ, qui propter eximiam aquæ claritatem ab Incolis Aspropotamus hodie vocatus in Naupacteum sinum euoluitur, Byzantium est reuersus, deditq; extemplo operam ut à Cassimo Bassa, Nauplio, & Epidauro, in Peloponneso reliquis Veneti imperij urbibus bellum inferretur: idemque ut facerent Illyrici præfectis imperauit, ut multis simul in locis vno tempore Veneti Turcico bello vexarentur. Discedente autem Barbarussa atq; appellente classem, propter aduersas tempestates, ad Butrotum, quod oppidum clarum antiquitus vetus retinet nomen, id omnibus incolis incursu naualis turbæ captis, atrociter direptum atque deletum est. Per eos dies Pisaurius Venetæ classis præfectus inito consilio cum collega Vetturio, in eum Dalmatiæ sinum qui ad Scardonam claram olim urbem pertinet, classem intulit, expositisq; militibus, ad oppugnandam urbem duxit. Distat ea à proximo litore septem milibus passuum, tuebaturq; eam vir Turcici nominis a fuscédine oris Athiops vocatus. Is oppugnantium vim diu sustinere non potuit. Nam Veneti decussis toto muro propugnaculis impetu facto in urbem perruperunt, & cæsis autem captis hostibus eam diripuerunt, edictoq; præfecti vetera mœnia funditus euerterunt, ne Turcæ repetita possessione opportunæ urbis castellum ibi inædificarent, instaurandeq; & muniendæ urbis occasionem arriperent. Imminabant siquidem Barbari, ab immensa eorum proferendi imperij cupiditate, maritimis urbibus Venetæ ditionis, ut quum eas minutis ac assidujs incursionibus mediterraneo omni ferè agro spoliassent, etiam ad ipsa maritima oppida iustam vim ad mouerent. In ea contentione finium Veneti operam dabant, ne Turcæ opportunis locis potirentur, quæ ab ipsis facile ad vexanda vicina oppida muniri posse intelligebant. Erat oppidulum cum arce distans à mari sex milibus passuum Obroatium à Dalmatis appellatum, quod antiquitus, uti reor, Argyrutum fuit. Hinc Turcæ Vscoccis feris prædonibus admixti latrocina exercebant, patebatq; his ad prædæ receptum id vnum maximè castellum. Quibus de causis Vetturius cum sua classe qua Hadriaticum sinum cum imperio tuebatur, ab Hiadera exiguo eius maris sinu circumuectus copias exposuit, ita ut propugnatores naualesque socios triremium in ordines componeret, Gabrieliq; Ripæo Veronensi copijs præfecto Obroatium continuo oppugnandum imperaret. Veneti inopinantes adorti Turcas peracre certamen inierunt. Sed quoniam muralibus tormentis carebant, nec minutis pilis quicquam

proficerent, & idcirco de expugnatione desperarent, superuentu Amurathis, qui cum paucis equitibus Turcis, & tumultuaria Vscoccorum peditum manu oppidanis opem laturus adcurrerat: nostri conspectis Turcis repentino terrore perculsi, primoq; impetu in fœdam coniecti fugam instantibus Barbaris, & multo clamore maiorem ipsorum multitudinem adesse præbentibus, cæsi profligatique sunt, tanta ignauia vt quum nemo se militem esse meminisset, neq; se conuertere, aut in hostem arma stringere auderet, eo exitu vt vix Gabriel ipse præfectus conscenso equo desertisq; militibus cædi se eriperet, sic tamen vt ignauiae ignominia notatus, non multo post seueritate Pissauri præfecti in ipsa prætoriae prora capite plecteretur. Amurathes autem re bene gesta cum multis captiuis, multisque hostium spolijs ad præfectum totius Illyrii Vstrefum, cuius erat alumnus, reuerteretur. Hic Amurathes è Sico oppido ciuis, quod hodie Sebenicum vocant, ad Mahometis sacra defecerat, felicique virtute omnibus Pannonicis & Dalmaticis bellis inclaruerat, adeo vt honestissimis honoribus & præmijs ab Vstrefo indulgenter ornaretur. Paulo siquidem antea insignem apud Clissam de Christianis victoriam retulerat, ex qua facile famam consequutus à Solymano imperatore iusta præmia retulerat. Erat supra clarissimam urbem Salonam, oppidum Clissa in edito colle per munitum, quod ab infirmo regulo Christiani nominis tenebatur, cui Petro Croficcio nomen erat. Id his in locis ad sustinendas Turcarum incursiones magnam habebat opportunitatem: apparebatq; magno Christianorum incommodo Clissam in Barbarorum potestatem esse deuenturam, nisi communi finitimorum auxilio aduersus Turcas defenderetur. Sustinuerat diu Croficcus insultantium perpetuoq; insidiantium Turcarum arma. Sed is, vt erat tenuissimae Fortunæ regulus, viribus diffidens, totiusq; viciniae periculum ostendens, ad Ferdinandi regis, Pauliq; Pontificis auxilia decurrerat, vt eorum matura adiutus ope, sese atq; oppidum tueretur. Ferdinandi namq; plurimum intererat, longe à suis finibus Barbaros arceri, qui Seniam urbem, quæ in ora est, ad se pertinere dictitabant, quod Pannonicae ditionis esse videretur. Pontifex autem suae pietatis & officij esse meminerat, tueri Christianum nomen aduersus impios. Non im-
plorauit frustra opem Croficcus: nam Pontifex eum conscriptis Anconae cohortibus, et opportuno tormentorum instrumento, atq; item comœatu liberaliter adiuuit, quum pari studio Ferdinandus Nicolaum Turrianum virum bellipertum cum duobus milibus Germanorum misisset. Turcae per id tempus duo castella subitarie munitionis instituerant, vt Clissam arctius obsiderent: alterum aedificabatur paulo supra Salonam non longius quam sex milibus passuum ab oppido Clissa (Id Maleuicinum Dalmatae vocabant) alterum in aduersa parte quæ ad mediterraneam regionem vergit. Hinc facile iudicabat Croficcus, si institutæ munitiones ab hoste perficerentur, breui desperatam fore Clissanorum salutem. Itaq; Turrianus, et Lucas Anconitanus, qui Pontificijs præerat auxilijs, vtrumque castellum adorti, eas munitiones diruere cœperunt, quum fortè Amurathes opportunissimo tempore superuenit cum trecentis equitibus, & expeditis peditibus septingentis, ab ipso Illyrici præfecto missus. Is terribili impetu facto, clamoreque sublato nostros inuadens tanta vi perculit, vt neq; Itali, neq; Germani audacter prælium exciperent, sed nusquam densata acie profligati terga verterent, non secus ac Gabrieli Ripæo ad Obroatium accidisse meminimus. Petrus ipse Croficcus quum incitato equo aufugiens ad mare peruenisset,

exitiali

exitiali consilio equum dimisit, & in navigium se intulit, ut ad salutem compendio parvæ navigationis uteretur. Cæterum id navigium prægravante insipientium ex fuga militum multitudine, è litore vel multo adnitentium remis & contis conatu propelli in altum mare arenoso è vado non potuit, sic ut Turcæ supervenientes, & ipsum unum Petrum præcipue petentes, in navem insilirent, trucidatisque omnibus ademptum Petri caput ad Amurathem referrent. Quo capite Clissanis ostentato oppidani terrore correpti, & exiguo freti comœatu, desperatis rebus aufugientes, vacuum oppidum victori reliquerunt. Turrianus autem, & Lucas qui equis ad fugam usi fuerat, dimidiam suorum partem, quæ cæsa aut capta fuerat, desiderarunt. Cremontius quoque Turriani præfectus, quum se per diversos tramites ad Vanizzam vicum confugere speraret, à consecrante equitatu cum universis peditibus ferè ducentis interfectus est. Non parva quoque Spalatensium incolarum, qui temerè Salonam processerant, turba ut Malevicini castelli expugnationem atque excidium spectaret, superventu Turcarum equitum in receptu portæ oppressa est, nihil eam protegente arcis custode, qui in Turcas tormenta dirigere poterat. Is siquidem abruptæ pacis ignarus, nihil Turcis à Veneto nocendum esse existimabat. Sub id quoque tempus idem Amurathes Nadinum castellum Iaderensis agri, quod est edito in monte pro specula positum, per prodicionem avari custodis occupavit, magno eius provinciæ incommodo: quoniam Christiani amissa ea specula improvisis quotidie Barbarorum incursionibus vexabantur. E Nadiniana siquidem arce antea custodes, quum Barbaros procul conspicarentur, circumiectis eius viciniae oppidis de hostium adventu modò ignibus aut fumo, modò propositis vexillis, & certis tormentorum bombis significabant, ut incolæ cognito periculo celeriter ab invadentibus se eriperent. Tum verò fiebat ut Turcæ occupata specula, uti nusquam animadversi, impune grassarentur. Sed Veneti his exagitati iniurijs non multo post misso in Dalmatiam, qui Iaderæ præesset, Camillo Vrsino paria ferè hostibus detrimenta rependerunt. Nam ab Laurana oppido coactis copijs duo præfecti in Turcos progressi fines Ostrovizzam oppidum manu expugnarunt & incendierunt, & Obroatium, quod nuper amiserant, per Iulium è Montevechio Umbriae, virum militiæ peritum receperunt. Sed id quod non rectè commodè custodiri posse iudicabatur, à Camillo Vrsino ex præscripto senatus dirutum & solo æquatum fuit. Eodem autumno quo Solymanus Corcyrae insulam effusè populatus Byzantium redibat, & de Dalmatig castellis cum Venetis certabatur, gravissimum ex insperato detrimentum Ferdinando regi ad Exechium à Turcis illatum est, quo nullum ætate nostra vel futurius vel ignominiosius, si trucidatum quatuor gentium militum & ducum florem, & foedam ducis fugam reputemus, Christiano nomini extitisse visum est. Superiore bello Turcæ à Mugaciano prælio victores, eam citerioris Pannoniæ regionem, quæ Poslega ab Hungaris appellatur, sibi vendicarant, eo decreto ut nequaquam Ioanni Regi tradendam, sed sibi eam omnino retinendam existimarent, propter opportunitatem expediri itineris, quo ipsi superato ad Belgradum Danubio pervasuri in Pannoniam uti consueissent. Poslegam duo amnes, Savus & Dravus longo cursu ab occidente raptis secum aliquot minoribus fluvij in orientem versi, æqualiq; ferè semper spatio inter se distantes totam præcingunt & alluunt. Savus è Iuljs Carnicisq; Alpibus placido alveo navigabilis delabi-

tur: Dravus autem è Valeriæ regionis, quam Stiriam vocant, Noricisq; montibus emergens Mura fluvio comite recepto, in Danubium evolvitur, pariq; exitu Savus ad Taurunum, quod est Belgradum, Danubio sese immiscet. Cæterum ab occasu Crassus amnis penè eam efficit insulam. Hæc regio à fronte atque utroque latere amplissimis septa fluminibus ab Illyrica meridionali que ripa Savo dirimitur: Dravus autem citerioris Pannoniæ margines lambit, effectoq; eius terræ cuneo ad Danubium extēditur. In ea urbs est nobilis quinque templorū, quæ ibi constituta sunt, nomine Clara. Tota autē regio oppidis frequens & rerum omnium abundans dirimente Savo, Turcicis finibus ad Illyricū iungitur, finitimaq; est Croatiæ atq; Corbaniæ provincijs, quæ perpetuū cum proximis Turcarum præsijs Illyrici atq; Bosnensis regni bellū gerunt. Eo tempore præerat Belgrado Mahometes Iahiaoglis spectatę virtutis atque prudentię autoritate inter Barbaros dux summus, cui Solymanus non temerè ingenio eius cōsiliis, limitum præfecturam, tutelamq; Pannonici regni commodo Ioannis regis attribuerat. Is superiore anno ita præsijs vires exercuerat contra nostros, ut multo astu validisq; armis fretus supra triginta castella regionis, quæ ad Despotis Rasciæ patrimonium pertinebant, in potestatem redegerit, & Illyricę præfecturæ, quæ Bosnensis appellatur, adiecerit. Vnum vero ante alia summæ opportunitatis castellum, quod est in Bosoga, nomine Exechium accuratissimè cōmunivit, quod id ad traiectū Dravi in Pannoniam pertinere providebat. Itaq; Mahometes iustis erectis munitionibus, cōplexus insigne templum atq; eius oppidi cœnobium, Exechium totius belli arcem fecit, unde innumerabiles agebat prædas atq; arma nostris passim insidiosus, atq; terribilis inferebat: manebat tamen certa induciarum conditio, quæ ex inveterata consuetudine in his locis minuta prælia & extraordinarias incursiones ad mittebat, quod ex disciplina videretur, relinquendā esse militibus exercendę virtutis, insuefaciendisq; equis occasionē, quæ nihil pacis tranquillitatē abrupter, nisi iustis copijs cum iusto tormentorum muralium apparatu vis inferretur. Hoc falso induciarum nomine usi superiores Hungari à Matthiæ regis temporibus cum Turcis bella ferere cōsueverant. Sed mutato bellandi more, eas militandi leges regiæ Germanicęq; copiæ alienas, & sibi magnopere damnosas experiebantur, quod Turcæ graviores armatorum equitum impetus pernicipibus equis facile eluderēt, & fatigatos demum ex multis flexibus & gyris nostrorum equos, & plerunq; equites onustos armis opprimerent. His de causis Ferdinandus improbè laceratus, utpote qui ægre ferebat inducias vigere, quas Solymanus suo commodo adversus Persas bellum suscepturus indixerat, nec eas pati posset, tanquam inutiles damnosasq; paranda arma iudicavit, non obscuro consilio, ut si Turcas possessione Possège depelleret, inde mox superato Dravo rectā Budam repetito iure suo adversus Ioannem proficisceretur. Rex enim generosus ferre non poterat Pannoniæ regnum impotentibus Barbarorum armis sibi ademptum, & quod iniquissimum videbatur, alieno homini nullis subnixo iuribus, nec regia orto stirpe, se spreto contemptoque in contumeliam prorsus Austriani domus, quæ tantæ esset dignitatis & amplitudinis, dono datum. Non deerant tamen apud eum qui dicerent, nequaquam temerè excitandum bellum adversus eam gentem copijs atque pecunia, terra marique insuperabilem, nisi uno consensu & sumptu omnium Europæ principum arma caperentur. Fore enim providebant ut Solymanus toties laceratus

cessit nihil de sua feritate in nostrum sanguinem, nihilque de sua proferendi
 imperij cupiditate remitteret, quandoquidem suæ dignitatis existimet ultro
 lacescentes hostes ulcisci, nullam à quoquam ferre iniuriam, & nullam deniq;
 aut iuris aut facti contumeliam pati, utpote qui dudum ex levi offensione, u-
 niusq; tantū demersæ suæ triremis iniuria cum Venetis vetustissimæ pacis le-
 ges abruperit, & tanquam impotens tyrannus nullā penitus excusationis ra-
 tionem auribus admiserit, ut ex instituto Ottomannicæ ambitionis immani-
 bus suggentis latrocinij ianuam aperiret. Erant vera hæc & prudenti alioqui
 regimagnoperè probabantur, sed singulæ eius imperij gentes usq; adeo erectis
 10 ad suscipiendū id bellum ingenij ardebant, ut si tantæ occasionis bellum dif-
 ferretur, se nunquam postea adversus Turcas arma laturos confirmarent. Ca-
 rinthiæ quippe Stiriaq; & Croatiæ ac Noricæ gentes, incursionibus Barbaro-
 rum expositæ, & toties bellicæ cladis perpessæ calamitates, rebantur parvo ne-
 gotio Turcas ea provincia posse expelli, quod Mahometes non magna habe-
 ret vires, neq; maiores exacto iam penè autumno, instanteq; hyeme, habiturus
 crederetur. Apparebat etiam Cæsarem valida fratri præsidia summissurum,
 quod cum Gallo rege de maturis inducijs agere didicissent. Ita Ferdinandus
 magna alacritate omnium undique milites cogit: Evocat tanquam ad solenne
 sacri belli edictum pios atq; fortissimos quosq; præfectos & regulos, breviq;
 20 iustus exercitus, genere tamen delectuq; militum quàm numero validior effici-
 tur, in quo phalanx erat Germanici peditatus, cui cohærebant tanquā cornua
 aliquot Italicæ cohortes, quas ex sclopetarijs Ludovicus Lodronius in Rhetia
 Tridentinis alpibus Italiaq; propinqua, & in Gallia Cisalpina cōscripserat.
 Hic peditatum peculiari imperio regebat. Coiverant ad regia vexilla Bohemi
 equites & Slesii, Moraviq; his coniuncti, qui fulgentibus armis tegebantur.
 Nam Carinthiæ Stiriaque equites (his Ioannes Vngenotus: illis verò Antius
 Macer Saxonica stirpe ortus præerant) medio quodam armaturæ genere ute-
 bantur, quum Hungari, quos ductabant Paulus Bachithius & Ludovicus Pe-
 30 chrius magna ex parte peltati essent, & levis armaturæ Vlarones appellaren-
 tur. Horum omnium numerus octomilium equitū summam implebat: pedi-
 tum autem omnis generis sexdecim milia censebatur, quibus aderat validus &
 numerosus omnis generis tormentorū apparatus. Erant hæc copię usu belli atq;
 animis delendo vel maximo Barbarorum exercitu pares, si acie & iusto cōcur-
 su certandū foret: atq; his imperaret dux gravis, & uti sepe aliàs extitisset probè
 fortunatus. Is erat Ioannes Cazzianer genere Croatus, quem multis exercita-
 tum bellis, & defensæ nuper Viennæ fama inclytum, rex Ferdinandus impi-
 gri pugnæque hominis ingenio captus ad summum militaris imperij decus
 evexerat, quanquam eum plerique à turbida, parumque sobria mente præci-
 40 pitum esse contenderent: ideoque alæ potius levis armaturæ equitum, quàm
 totius exercitus præfectura digniorem. Nunquam enim Ferdinandus ipse
 quodam consiliorum eius, in timorumque amicorum non improbando insti-
 tuto belli, præliorumq; periculis obijci erat solitus, & tum præcipuè quum ad-
 versus Turcas certaretur, à quibus plures Europæ reges superiore tempestate
 in acie deletis eorum copijs essent trucidati: sicut rex ille egregiè pius & fortis,
 & in quo nō deerat bellicus vigor Maximiliano avo dignus, non timore qui-
 dem, sed fatali tot Europæ regum infortunio adductus, summa prudentia vi-
 tandos Barbarorū impetus existimasse censeretur. At Mahometes his cognitis

rebus quæ adversum se parabantur, e' proximis Pannoniæ præsidij militibus ac-
 cerit: neque ei Budæ præsidēs ulla in parte desunt, quin auxilia submittant.
 Bosnensis autē alios Vstrephus, qui ampliorem ex omnibus Europæ Sanza-
 chis equitum numerum alebat, Amurathem alumnū suū recenti Clissana
 victoria clarum cum numerosa ala exercitatisimorum equitum mittit. Huic
 quoq; adduntur pedites expediti ex feris montanisq; hominibus præsentī pe-
 cunia conducti, qui uno nomine ab Hungaris Haydones, à Dalmatis Husco-
 chi, à Turcis & Illyrijs Martellosij vocantur, qui sagittis & sclopettis rem gere-
 re, & saxa fundis vibrare didicerunt. Discinctum & agreste id hominū ge-
 nus est, sed pernicitatis indomitæ & frigoris & inediæ patientissimum. Hanc
 turbam regebāt, & sua virtute & disciplina confirmabant certæ Ianizerorum
 manus prætoriani ordinis, deductæ ex singulis præsidij, & usque etiam à Bel-
 grado atque Samandria evocatæ. Hos consequebantur plerique ex Rascianis
 & Servianis, spe stipendiorum & prædæ allekti, invitantibus passim Turcis
 singularum provinciarum quæstoribus, qui liberaliter coeuntibus ad signa
 duorum mensium stipendia persolvebant. Itaque communi studio sua undiq;
 auxilia conferentibus Sanzachis, Mahometes copias, neque numero, neque
 virtute nostris contemnendas coegit, & ad Exechium hostes expectare consti-
 tuit. Iam Cazzianer ad Caprunzam oppidum pervenerat, satis accurate atq;
 opportunè antea initis & constitutis rei frumentariæ rationibus, si eius impe-
 rij atq; præceptis totius commeatus curatores celeritate & diligentia respon-
 dissent. Erant quippe viri totius provinciæ clarissimi alioqui negotio pares
 planeque industrij, qui auctoritatem Simonis episcopi Zagabrienensis respicie-
 bant. Is nanque Simon siue studio supra æquum plurimum incensus, siue im-
 becillitate iudicij deceptus, ingentem totius annonæ copiam in castris ad mul-
 tam usque pretij vilitatem se suppeditaturum promiserat, quod huic ministe-
 rio qui procurarent quatuor collegas cum imperio sibi substituisset, quibus
 vectores indigenæ, partim curribus, partim navigijs operam præstantes,
 multis enatis passim impedimentis respondere non poterant, neq; confere-
 tium tarditas ex tuto castigari poterat, quum validi & præpotentis hostis pro-
 pinquitas totam corripiendæ tarditatis facultatem eriperet, & Mahometes dis-
 positus per Savum & Dravum Nazadarū præsidij, alisq; equitum undiq; vo-
 litare iussis, aut cōvectiones nostrorum perturbabat, aut promisso maiore an-
 nonæ pretio utriusq; amnis accolis certi tutissimiq; lucri spem nusquam defi-
 ciente pecunia proponebat. Sed eam spem nusquā defuturi commeatus duo in-
 primis augebant, Simon ipse Zagabrienensis, qui undiq; per suos, quos diximus
 vicarios magnam quàm poterat curruum multitudinē conquirebat, & Iodo-
 chus Lilembergus, qui regio cōmeatui ex peculiari munere præerat. Is magnā
 vim moliti tritici, viniq; & ordeī, atq; item panis nautico more biscocti certam
 copiam subsidia famis ægrorumq; remedia sibi minime defuturam polliceba-
 tur. Huic accedebat Franciscus Barthianus hac inani commeatus spe impulsus
 tanquam peritus regionis omnium rerū abundantiam promittens. Itaq; Caz-
 zianer à Caprunza movet eo ordine, ut alternis diebus modò ipse, modò Al-
 bertus Schichius Bohemorum dux præcederent, quod honori Bohemicæ gen-
 tis id concedendum esse censuerat, decimoq; vix die ad arcem Verucze perve-
 niunt, quæ circiter quadraginta miliarium intervallo à Caprunza aberat: mi-
 noribus nanq; itineribus propter septem prægrandium tormentorum diffici-

lem con-

lem convectionem progredi necesse erat. His de causis itinerumq; difficultatibus, si non sentiri, provideri tamen à peritis annonæ penuriâ cœperat, quod ea quæ expectabantur tardius confectis itineribus, maleque explicatis rei frumentariæ rationibus nondum adveniebant, necesseque esset ea absumere alimenta, quæ ad duriores casus non incipientis, sed producti longius belli reservassent: propterea Severis literis & Simon & ceteri curatores asperrimè castigabantur, iuebanturque omnem adhibere diligentiam, ne ante adventum auxiliorum, qui non diu è longinquis regionibus advenissent, tantæ spei sperata victoria non virtute hostium, sed desidia curatorum propter commeatus inopiâ corrumperetur. Interea Cazzianer & Schichius tantisper cōsidendum atq; expectandos commeatus censent, mittiturq; exploratum Paulus ipse Bachithius cum ala mille Vfaronum, & expeditis sclopettariorum Italicorum cohortibus duabus, qui ad Zopiam arcem præcurrat, atque operam det, ut ex captivis hostium consilia cognoscantur. Bachithius ubi ad Zopiam ab hostibus conspectus est, Turcæ, quod adesse universum exercitum existimabāt, nullam sibi moram attulerunt, quin avecto omni commeatu aut corrupto, incensaq; arce ad naves subiecti amnis confugerent. Ex his tamen Bachithius in fuga aliquot capit, quorum indicio Cazzianer reperit, quod antea per suos speculatores compertum habuerat, unum esse Mahometis & Turcarum omnium consilium, ut ad Exechium positis castris consisterent, hostesque expectando de eius loci possessione dimicarent. Eo biduo Saxonum equitum ala supervenit, atque alia auxilia copiarum & commeatus non procul abesse nunciabantur. Disputatur in consilio an progredi, opperiri ve reliquum sociorum agmen, & commeatum qui advehebatur, expediret, postquam hostes ad Exechium uti didicerant, pugnandi copiam facturi dicerentur. Est mons qui Slavoniam atque Posslegam dividit, & in longum protenditur, à dextra eius montis radice per Posslegam: à sinistra autem per Slavoniam ad Exechium iter patet, Slavoniam Dravus, Posslegam Savus, atque item alij ignobiliore amnes alluunt. Ab hac parte iter saltuosum, & convehendis maioribus tormentis asperum atque difficile: sed pagorum atque villarum copia frequens, arcesque passim & castella plura continens: in altera porro iuxta Dravi ripas iter campestre, & planum rarioribus ædificijs unica arx Zopia impedire poterat: sed ea tum ultro ab hostibus cremata nihil difficultatis & moræ illac transituris allatura credebatur. Igitur in consilio decernitur omissa Posslega per Slavoniam omnino iter esse faciendum. Antecedit usque ad Zopiam Ladislaus Moreus Hungarus cum Vfaronibus trecentis, quibus cataphracti Saxonum cum duobus vexillis præsidio succedunt. Illinc octo dierum itinere ad Valponium, quæ est arx permunita Petri Perenij ditionis perveniunt. Occurrebat progressuris flumen Crassus, qui vado transiri non poterat. Ibi nostri dum fluvius ponte iungitur atque consternitur ad traiectum septem dies immotis castris absumunt: perpetuis tamen horis itur in consilium, in quo variæ dicuntur sententiæ. Iuniores Exechium continuo properandum: alij Exechio omisso proximum quoddam castellum nomine Villach, ex hostico, aut aliam huic proximam quandam arcem obsidendam censebant, quum cæteri cautiore reliqua auxilia & commeatus, quæ parata & promissa à Scamburgo regulo adventa recdebantur, expectanda dicerent, quod nihil nisi consideratius q̃s agendum esse videretur, qui gravissimi momenti expeditionem suscepissent. Cæ-

terùm fervidis atque audacibus sententijs dictis, plerique ex adverso omnem moram grave detrimentum cessantibus allaturam testabantur: frustra siquidem singularum provinciarum auxilia, si sensim progredi, cessare, cunctariq; libuit, evocata fuisse: si cautius agendo Cazzianer perplexè cunctetur, neque in hostem alacriter infesta signa vertat, procul dubiò milites & equites tanquàm à ducibus vitato hostium congressu, reformidatoque prèlio in patriam essere verisuros. Satis quippe commeatus, satisque virium esse in castris, ut de victoria non dubitent, si duces consilia atque animos inanibus atque superfluis deliberationibus exoluant, nechyemem expectent. Neque enim hostes Barbaros alias multitudini suæ confidere solitos, quum non magnas tum habeant copias Christiani exercitus tot tormenta trahentis conspèctum esse laturos, & continuo Exechium desperata defensione deserturos, neque ex fuga in persequentes, & fulgentibus protectos armis ora conversuros: quandoquidem cataphracti nostri equites inermem eorum turbam, si resistere audeant perumpendo prostraturi videantur. Huic sententiæ iuniores, qui nondum Turcarum arma fuerant experti, tanta alacritate atque ferocia favebant, ut vel bidui mora paratam atque expeditam interpellari victoriam existimarent. Exemplo igitur procedendum esse statuunt, & copias recensent. Censa sunt ad decem milia equitum utriusq; armaturæ: quo equitatu si robora equorum ac hominum ornatum, munimenta q; armorum solido ferro fulgentia certius estimentur, nihil apparatus atque validius ullo subituario bello coactum fuisse plerique indicabunt. Sed peditatus, qui erat ex omni provincia lectissimus vehementer erat imminutus, utpote qui vix octo milibus integrorum militum constaret: nam magnus iam agrorū numerus in castris esse cœperat: reliqua pars quum multi etiam longo itinere fatigati, & passim hærentes dilapsi essent, vulgoque omnes propter lutulenta itinera palustri cœnosaque illuvie deturpati, ex autumnaliq; pluvia madentes & algentes, affectiq; pariter inedia nequaquam satis apti aut firmi ad sustinenda imminentium præliorum incommoda viderentur. Inter nobiles autem duces morbo gravissimè laborabat Iulius Hardechius. Hunc Valponio in oppido subsistere: reliquos omnes trium dierum cibaria parare & secum ferre iubent, ac sperare paulò post certam omnis generis commeatus copiam usq; ad pretij vilitatem in castra obventuram. Præscriptis autem legibus edictum sub pœna capitis proponitur, ut nemo Turcarum hostem vivum capiat, vel ultro se dedentem, nisi quum planè confecto prèlio sit debellatum: nemo item præda se oneret, quandoquidè eam omnem æqualiter inter milites se divisuros duces promittunt. Hoc edicto à præconibus & tympanistis per omnes ordines promulgato, iter quod planius & rectius apparebat, ad Exechium suscipiunt. Tertio die perveniunt in vallem quandam ad tertium ab Exechio lapidem, atq; ibi castrametantur. Postridie Turcarum agmen conspicitur, & à nostris acies instruitur. Verùm id nullo certamine comminus edito tormentis tantum maioribus repellitur. Sequenti verò die effusis ab oppido hostibus levia certamina conferuntur, & multis utrinq; interfectis, æquo Marte disceditur. Eo die Simon Zagabriensis antistes cum suo equitatu, aliquantaq; annonæ copia supervenit, cuius advètu apud nostros minuitur timor de inedia paulo antè conceptus: sed interdicuntur à ducibus levia certamina, quòd plures ex nostris vulnerarentur, & Turcæ suis usi artibus facile superiores evaderent, quum sclopettarios Ianizeros, Alaposq; sagittarios turmis

suis

fuis admiscerent, & equitibus nostris sua agilitate freti multa vulnera inferrent, quod nulla ratione nostris interdictum videri poterat, quum militum animi, qui pugnae studio, & mutuis cum hoste congressibus accendi, & de victoria bene sperare soleant, eo demum ignobili ducum iudicio frangerentur, quasi hostium vires, pugnandique artes nostris nosci vetarent. Dicebant enim ab huiusmodi extraordinarijs praelijs Mugacianam cladem initium coepisse, reservandosque ideo milites & equos in ipsum universae pugnae diem, ut recentissimis virorum & æquorum viribus pro victoria certaretur. Ab hoc decreto imperatur tormentorum magistris, ut in hostium agmina ubi ea prodire
 10 conspexerint, maiora statim tormenta dirigant, quibus perite administrantibus fiebat, ut Turcae à coniectis subsilientibusque tormentorum globis certa acciperent detrimenta, neque miscere, uti cuperent, levia certamina possent. Hoc animadverso periculo Mahometes in proxima palude, quæ ab exundante stagnanteque Dravo amne erat enata, Nazadas multas sclopettarijs completas instituit, quæ totius paludis margines obsiderent, & nostros aquatione prohiberent: castra etiam nostra, quæ erant in conspectu coniectis in ea minorum falconum globulis infestarent. In singulis namque Nazadarum proris constituta erant in canterijs, & aptè collibrata minoris generis tormenta, quæ à nostris moschetta de nomine minimi accipitris vocantur. Eivalli in qua nostri loca-
 20 rant castra, imminabat collis non planè arduus. In eo erat pagus, in quo Turcae constiterant, levi praelio nostros excepturi. Ad eos deiciendos postero die ab omnibus ad arma conclamatur, instruiturque acies, & ne hostes suis tumultuarijs praelijs laceessere aut perturbare nostrorum agmina queant, in progredientes dirigi atque displodi tormenta iubentur, alacrique nostrorum successu Turcae locum deferere coguntur. Sed illi loco depulsi ad demorandos nostros pagum continuo succendunt. Neque tamen nostri à proposito itinere discedunt. Interim pagum totum flamma pervadit, atque inde hostes ad unum incolumes se ad suos recipiunt. Tum vero à ducibus superato colle Exechium in planicie ad Dravi ripam positum cōspicitur. Id circiter duo milia passuum à colle abea-
 30 rat. Ibi Cazzianer loco aquationi, pabulationi & lignationi idoneo castrametatur, imperatque tormentum maius ante castrorum portam provehi, facturus periculum, an inde emissa pila oppidum Exechium attingi possit: sed id longius quam oculis appareret abesse compertum est, quum pila altius etiam coniecta paulò supra medium eius vallis spacium pervenisset. Hoc facto periculo & certius æstimata loci distantia nostri duces facileprehendunt, si ab ea oppidi parte castra admoveantur, oppugnandi & quatiendi causa exercitum necessario periniquum in locum esse deducendum: nam à colle illo, quem tenebāt, & duobus circiter passuum milibus ab Exechio distare diximus, contra oppidum aperitur campus declivis, qui spaciosam vallem efficit, quam pla-
 40 nè totam detegit castellum editum ex coenobio Christiano, temploque, ut supra diximus, à Mahomete ædificatum. Id, ut credi par erat, diligenter ab hoste permunitum, ita descensuris nostris & castrametantibus imminabat, ut nemo nisi insanus castra hostium tormentis exponenda iudicaret. Itaque illud desumunt consilium conspicati, scilicet ultra Exechium satis editam planiciem ipsa valle superiorem: atque ideo oppidi mœnia æquantem. In eam castra transferre, tormentisque murum adoriri constituunt, sed in eum locum ex tuto se mutare castra non posse provident: quoniam circumeundus erat rursus collis, & sal-

tus trium milium passuum, qui à dextro latere iter præbebat, ut in eam demum planiciem, quæ oppido imminet descenderetur: quod iter diversum & laboriosum erat, ob id præcipuè quod via regia, quæ ad Valponiū ducebat, ineptè descrebatur. Neq; enim exercitus noster tantus erat, ut totum oppidū Exechium, in quo supra sexdecim milia hominū esse ferebantur, perpetua obsidione in corona cingere posset, neque tanti erant in obsidentium castris commeatus, ut absque continua subvectione inedia laborandum non esset, quando hostium equites cuncta perpetuis excursionibus itinera obsessuros, atque omnem commeandi facultatem erepturos appareret. Dum varijs certaretur sententijs, & modo huc, modo illuc inclinaret Cazzianer, exorta est à gravissimis viris ¹⁰ portuna sententia, qui hisdem in castris, atque eodem colle persistendum esse censebant, illicque nostros commeatus, qui non procul à Valponio esse dicebantur, expectandos, & ad præsidium curruum, quibus annona convehebatur, tria milia equitum mittenda, neque ullo pacto exercitum in difficultate eius asperrimi saltus, qui intercedebat, & maxime crebris arbutis esset impeditus perducendum videri. Nonnulli verò alij levissimis sententijs annonam apud hostes esse tenuissimam, proindeque eos oppido inclusos, inopiam & famem non diu laturos: nullā quippè alijs expectandorum commeatum certā esse spem: sic aut oppidum deferendum, & fuga saluti consulendum, aut denique iniquo loco pugnandum esse Turcæ milites existiment. Hæc à transfugis ¹⁰ Christianis se cognovisse dictitabant, affirmabantque Mahometem peculiari sua supellectile preciosa navigijs imposita fugā moliri, nec ultra tertium diem obsidionis incommoda toleraturum. Proinde sibi videri saltum illum facile posse superari, ipsis ad oppugnandum alacriter pervadentibus. Bellum verò trahere perniciosum: postquam tanta esset in castris biscocti panis copia, ut ea tantū præter alia obsonia universus exercitus moderatè partiendo in septimū usque diem ali possit. Idcirco non esse committendum desidiosè, vel timidè, ut tam infestus hostis, tamq; oppulenta præda è manibus emitteretur. Quo spatio Scambergum regulum cum novo commeatu, novisque copijs adventurum facile sperarent. Interim non esse cessandum: propterea quod tantum tempo- ³⁰ ris, inclinante in hyemem autumno, & imminentibus Idibus Octobribus sit absumptum, ut nisi quid egregium properè tentandum sit, brevi exclusis tempore rebus utique infectis cum ignominia sit decedendum. Apparebat etiam quassato uno propugnaculo, quod erat in adverso oppidi angulo tumultuariè extructū, nulla ratione hostes ab ea parte nostris posse resistere: illac etiam rectum iter hosti ex Belgrado ad necessarias rerum subvectiones liberè commeandi penitus eripi, quo itinere intercluso proculdubio futurum, ut Rasciani & Coloni omnes nostris necessaria omnia subvehant, concursuramq; omnino magnam eorū multitudinem immaniū Turcarum tyrannidē pertæsam, cuius opera & oppidum expugnari, & Christiani Exechiani, qui non paucio- ⁴⁰ res Turcis in suburbanis tectis remanserant, ad defectionem adduci posse. Hec ut efficacius confirmarent, asseriebant cuncta propè, quæ essent apud hostes tormenta numero fere ducenta versus vallem ita à Barbaris fuisse disposita, ut nisi magno cum labore dimoveri traduci que non possent. Non enim curribus & rotis more nostro erant imposita, sed trabibus, magnisq; stipitibus inclusa, utpote quæ armillis ferreis, aut funibus materiæ colligata essent, & solo circumcirca adactis cuneis confirmata. Qua ratione inutili Turcæ nullam

tradu-

traducendis, & uti oporteret, convertendis tormentis facultatem habituri cre-
 debantur. Hæc igitur sententia vicit tanquam nobilior, & apud viros fortes o-
 mino decentior. Itaque postero die nostri longiore circuitu saltum superant,
 & instructis agminibus ad eminentiorem, quem diximus, campum contem-
 dunt. Tum verò Mahometes ex coniectura loci animadverso nostrorum
 consilio, & cognita profectioe statim per compendia viarum nota ipsis in sal-
 tum mille expeditos equites, & Ianizerorum sclopettariorum delectam ma-
 num præmittit, qui ultimum nostrorum agmen carpant. Id ex Italico & Bo-
 hemico pedite constabat. Bohemus in fugam vertitur: Italus strenuè resistit,
 cui ægrè sustinenti subsidio mox advolant gravioris armaturæ Carinthii equi-
 tes. Hostis terga dat, parvoque accepto incommodo nostri saltum evadunt.
 Castris positis, quæ ad oppugnationem erant idonea, diligenter instruuntur,
 & summo diluculo instructis aciebus proceditur, & post decoram armorum
 ostentationem hosti pugnandi fit copia. Sed ille oppido se continet, nostrosque
 tormentis eminus ex propugnaculo petit, ex adverso nostri maiora duo tor-
 menta in proximum tumulum educunt & emittunt, quorum pile & aggerem
 & mœnia magno terrore hostium penetrasse conspiciuntur. Interim nostri in-
 tegrum ferè eum diem hostium tormentis expositi in acie consistentes, & ad
 pugnam descensiones hostium frustra expectantes, aliquo sed non magno
 vel à frequentibus hostium pilis accepto incommodo sese receperunt. Mahome-
 tes siquidem gravi consilio suos pugnam flagitantes cōtinebat, de nostrorum
 inedia certior factus, & ut ferebant transfugæ, severiore epistola à Solymano
 imperatore admonitus, ne ullo pacto vivus locum defereret, atque cuncta ibi
 obsidionis hostilisque impetus mala, nisi teterrima atque ignominiosissima
 nece perire mallet, fortiter sustinenda decerneret. Per hunc modum quum
 nostri gerendæ rei avidi nusquam congregiente hoste distinerentur, absum-
 proque omni comœatu totus exercitus inedia premeretur, nec in consilijs
 quotidianis duces ullum salubri consilio locum reperirent, & certissimus fu-
 turæ cladis timor mentes omnium occuparet, Balthasar Pamphilus ex ordine
 Hungarorum procerū dux spectatus in consilio his verbis loquutus est: Præ-
 posterè duces, inquit, agimus, dum enim quo pacto hostes superari possint
 prolixè consulimus, exercitus nostri vires præ inedia usque adeo debilitantur,
 ut milites iam planè non obscura fame tabescentes, neque incessu regant cor-
 pora, neque languentibus lacertis arma sustineant, & in universum fortissi-
 mus quisque animum despondeat, & desperata pugna occasione miserè atque
 deformiter cadendum esse conspiciat. Itaque nobis maturrimè ante omnia fami-
 quæ nos vehementer urget, occurrendum arbitror, sic ut hinc castra movenda
 censeam, & ad Hermandum castellum illicò deflectendum, ut eius expugna-
 ticæ castelli comœatu, qui non erit exiguus, universus recreetur exercitus, de-
 pulsoque famis periculo, ad reliqua, uti usus docebit, belli consilia redeamus.
 Aberat id castellum ab Exechio decem milibus passuum, in quod plerique Tur-
 carum uxores suas et liberos, atque item preciosiores sarcinas contulerant, qui-
 bus tuendis rebus viginti circiter Turcarum præsidium fuerat impositum.
 Erat Castello coniunctus pagus intercedente non magna fossa: murus au-
 tem quadrati ambitus ex vetere structura erat sine extantibus propugnaculis,
 sic ut Balthasar affirmaret nullo propè negotio expugnari posse. Laudatur
 ab omnibus consilium, ipseque author Pamphilus præmittitur ad explorand-

dos castellanorum animos, occupandumq; pagum, arridet cœpto Fortuna, sed in dedito pago tritici multò minus opinione sua reperit: vini tamen inveniuntur aliquot vegetes, cuius copia languentib. militibus opportunissima fore credebatur. Itaque ad eam famam signa convelluntur, & ad Hermandum castra moventur: secunda noctis vigilia ita turbatè confuseque disceditur, ut agmina vix agnitis vexillis malè cohærentia fugæ potius quàm profectionis speciem præberent. Nihil tamen Turcæ se commovent, insidias veriti, & quod solvæ obsidionis commodo sublevati, nihil temerè noctuque præsertim conandum existimarent. Vbi perventum est, duces caverunt, ne pagus primorum incursu diriperetur, ad iniuriam subsequentiū agminum, quibus æqua portione totus is commeatus erat dividendus. Tum verò castellum ex pago proVectis tormentis oppugnari cœptum, protractoque certamine usque ad meridiem, quod lateritius murus quassationi difficilior quàm existimassent, reperiretur, & Turcæ quanquam paucissimi fortissimè propugnarent, debilitati tamen vulneribus deditionem fecerunt, quum in eo certamine quinquaginta fere ex nostris milites cecidissent. Aperto castello bina tantum farinæ tritici, & totidem milij vasa reperta sunt. Tum verò videre licuit duces occulto quodam pavore consternatos & tristes, quod pro amplissima præda, & multo in plures dies suffecturo commeatu aliquot tantum mulierculas & pueros reperissent, & vix in toto pago castelloque tantum commeatus nacti essent, quantum in biduum cunctis sufficere posse videretur. Dissimulatur tamen id incommodum a ducibus, & stolidæ suæ credulitatis vitium mustantes incusant: pollicentur tamen exercitui amplissimam commeatus copiam instaurato ponte subiecti fluminis. Siquidem Bodrogus amnis ab adversa parte oppidi decurrit, ita profundus atq; cœnusus ut vadari nequeat: proptereaq; Turcæ muniendi sui causa, revulsis aliquot sublicis & demptis asseribus pontem sustulerat. Igitur advocantur fabri, adnitentibusque omnibus continenti trium dierum labore pons reficitur. Sed ea contabulatio nequaquam tantæ erat firmitatis, ut maxima tormēta, quæ erant ponderis ingentis sustinere posse crederetur. Castris interim fossa munitis, qua hostium repentinè insultus sustineri, & currus qui valli loco castris erant circumdati commodè transvehi possent. Quarto die currus totius exercitus transvehuntur cum minoribus tormentis, secundū hæc è maioribus sex transmissa sunt: sed sub septimo quod erat longè maximum, pons tanto sub pondere fatiscens est interruptus: quamobrem coacti sunt duces illud, ne tanto spolio potiretur hostis, ex calefacto metallo, malleis diffringere. Septimo autem die cunctis rebus commodè traductis, pons iterū ne insequenti hosti pateret, disiecta tignorū materia, succisisq; sublicis est intercisus. Superato Bodrogo, atq; eius ponte corrupto persequendi nostros facultas Turcis eripitur, nisi paludem illam multorum milium passuum itinere circumire, quàm periculosi amnis vadum tentare malint. Hic rursus in consilio disputatur, an maiora tormenta ad expeditius iter confringenda sint, ne his potiatur hostis. Eius sententiæ secundus author existit Cazzianer, profiterurque se peculiari suo sumptu si cupri fragmenta inter curruum sarcinas distributa convehantur, brevi refecturum: scalas autem & reliqua bellici apparatus instrumenta, ne hosti cedant igne absumenda censet, & quanto expeditius iter haberi possit, versus Valponium celeriter capiendum, ubi copiæ ab aliquot dierum inedia iam semienectæ varijs esculentarum rerum copijs recreari queant;

quantitas alij per Posslegam redeundum dicebant, & oppidum Iuvancha exi-
 mēre protinus expugnandum, quum in eo magna frumenti & vini copia a
 Barbaris & incolis servari diceretur. Pari quoque celeritatis impetu aliud in
 proximo castellum nomine Gara omni genere commeatus plenissimum ex-
 pugnari posse videbatur, priusquam Turcæ circumdata palude longum id iter
 emensi ad insequendum supervenirent: neque tormenta usque adeo præcipi-
 ti pudendoque consilio quæ essent nobilissimum totius provinciæ præsidium
 atque ornamentum diffringenda, sed potius ut in præsens eorum usus hosti e-
 ripiatur, si id extremi casus necessitas ferret, stilis ferreis per spiramenta adaectis
 10 esse configenda. Postremo nihil esse turpius, quam ut rebus infectis de receptu
 cogitarent. Trahitur in hanc sententiā ipse Cazzianer, indictaq; profectio,
 quod ex cōtinuis imbribus iter difficilior reddebatur, ipsa quoq; tarditate tor-
 mentorum impeditis in locis sæpius hæretur atq; substititur. Ita progressu lon-
 ga passim mora præpedito, magna cum difficultate tria milia passuum confi-
 ciuntur: eoq; modo vespere nostri pariter atq; hostes singulari diligentia lon-
 gissimum emensi iter, uno tempore ad Iuvancham perveniunt. Sub hoc castel-
 lotenue erat oppidulum, in quo nullus Turca remanserat. Oppidani nostris
 statim portas aperiunt: neq; milites ingressi à præda contineri queunt, vinum
 cuius non modica erat copia dum certatim potant, vegetibus effundunt. Illinc
 20 tamen a ducibus graviter increpitantibus depelluntur. Eadem nocte hostes
 oppidum succendunt, & tam ædificia quam ea omnia quæ nostri non diripue-
 rant, corrumpunt: cōclamatur ad arma, quod hostes undiq; nostris immine-
 rent, in albescenteque cœlo diversis in locis acri certamine dimicatur: sed longè
 vehementissime ubi Bohemorum turmæ locum tenebant. Ibi dum nostros
 Turcæ equites acrius urgent, Petrus Raschinius Bohemorū legatus, quē Ma-
 reschalcum vocant, indignatus usq; adeo insolenter incumbentes hostes, con-
 secto ex fortissimis globo, eos facto impetu ita summovit, ut pulsi multis acce-
 ptis vulneribus late dissiparentur. Sed Barbari more suo in pugnam celeriter
 revertentes, & recentibus suorū subsidij adiuti, victrices nostrorū turmas cir-
 30 cūstunt, & laxatas per partes concidunt. Acciditq; ut Raschinius ipse fortis-
 simè dimicans, vel totis undiq; protectus armis unā cum suis caderetur. Tum
 verò nostri duces de profectioe statuentes, quaternos currum ordines insti-
 tuunt, qui incedentium agminū utraq; latera protegant. Principia minus valis-
 dis militibus dantur, firmo tamen præsidio in fronte constituto: agmen clau-
 debant maxime strenuæ atq; integræ cohortes & turmæ. Per hunc modū val-
 lato utrinq; agmine procedentibus nostris, sicuti frequentes occurrebant tu-
 muli plerunq; nemorosi, qui iter præpediebant: ita hostes à circumveniendis
 infestandisq; nostris opportunè prohibebant. Hac re animadeversa Mahome-
 tes expeditos Ianizeros & Martellosios, qui viarum & nemorum compendia
 40 nossent, præmittebat, attributisque eis parvis falconibus qui rotis agebantur,
 angustias præoccupare, & in his nostros laceßere iubebat, & quum in aperta
 loca egrederentur, ad alias ultteriores angustias insidendas refugere: alas verò
 equitum quæ apertis in locis perpetuò iter habentibus instarent, atq; agmina
 distinerent. Qua Barbarorum astuta velocitate nostri sæpe victi laceßitque
 multa passim vulnera atque incommoda referrent, eoque iniquius, quod nul-
 la Barbarorum manus paulò firmior usquam consistere, neq; nostrorum im-
 pressionem expectare auderet: sed uti erat a duce præceptum, à congressu re-

fugere, & carptim sagittis & glandibus, falconumque globulis, uti locus posceret, rem gerere cōsueffet, quum tamen ad fauces paulo patentioris campi esset perventum, & nostri Vsarones audacter prēlium miscerent, augerenturq; agmina Turcarum, & edendæ nobilioris pugnae occasio oblata videretur, ipse ante alios Paulus Bachitius adhortator & bellator insignis falconis globulo ictus atque interfectus est, quum & plerique alij viri fortes ex suis Hungaris tardius explicato certamine cecidissent. Eo interfecto qui inter nostros duces militaris ingenij solertia, atque ingentis animi fortitudine plurimum eminebat, magnus timor totis castris incussus est, quum nemo esset, qui eo ductante dimicanteq; adversus Turcas de victoria dubitaret, quando & tum, & alias si-
 10 ne eo unquam prosperè dimicatum fuisse meminissent. Eo tamen praelio qui Hungari urgere Turcas, & sui ducis mortem ulcisci contenderent, tanta vi hostes repulsi sunt, ut multis suorum amissis, falconum currus deferere cogerentur: sed ea fuit apud pedites nostros animorum & corporum imbecillitas, ut præcurrere, & currus destitutos occupare, reduceréve nequierint, & ex adverso hostium pedites pedum velocitate mirabiles, ipsique præsertim Ianizeri è sylvis equites nostros glandibus impeterent, à persequendisque suis opportunè deterrent, & recepta rursus tormenta incolumes aveherent, ex institutoq; suo nostrorum agmen præcurrere atque laceßere perseverarent. His incom-
 20 modis, omnisque generis commeatumum inopia afflicti nostri milites, quum neque ullo adversus famem subsidio nutantia corpora, neque ulla auxiliorum spe animos sustineret, extremæ calamitatis casum omnes horrebant, coq; trepidantius, quòd Mahometem nova validaque recentium copiarum auxilia è Belgrado, Samandria, atque Nicopoli expectare, vel incertis rumoribus audivissent, simulque prospicerent ex Vsarionibus plures præsumpta fuga salutis consulere, neque ulla aut consolandi aut minuendi timoris ducibus attonitis inesset authoritas, qua alias lætis atque magnificis alloquutionibus consternatæ metu copie confirmari consueissent. Quum verò in campum satis patentem oppido Garæ subiectum esset perventum, multorum confirmatione nunciabatur, hostes proximas & cōtinentes sylvas, per quas nostris eundum erat, de-
 30 cisis passim & transversis obiectis arboribus præsepisse, ne per eas vel tormenta vel currus traduci, & equites nisi dissolutis turmis induci possent. Ea res è vulgata in castris ultimæ desperationis mœrorem attulit, eoque etiam gravio-rem: quoniam Ladislaus Moreus, atque alij locorum periti dicerent, duas tantum evadendi vias superesse: alterā qua per sylvas itinere decē milium passuum ad Valponium ibatur, eamq; quòd interfecta sit, novo Barbarorum opere dimissis impedimentorū curribus, relictisq; maioribus tormentis esse penetrandam: alteram porro versus castellū, quod Zenthuerzebeth vocāt, quod ipsius Ladislai Morei erat ditionis, & aliquot milibus passuū à Gara distabat. Quæ via si caperetur, hostes proculdubio propter locorum angustias à nostris per-
 40 sequendis necessario cessaturos. Verum in consilio præfertur via, quæ ducit ad Valponium, quòd illic commeatumum esset satis, & pecunia à rege Ferdinando in stipendium missa, quæ sufficeret in totam hyemem Valponiana in arce servaretur. Itaque dimissis illis tormentis, quæ convehi non poterant, succensoque pulvere tormentario, atque corruptis reliquis exercitus instrumentis & sarcinis, quæ equis imponi nequibant, properandum esse: obiectos siquidem arborum truncos facile distijci, & parvo vel ipsorum tantum augurum

rigarum labore repurgari iter posse prædicabant, & quemlibet ex ductoribus atq; præfectis curare debere, ut ipsorum equites et pedites expeditissimi sint, et dato signo statim proficiscantur. Profectionis verò signum futurum esse instrumentum quoddam musicum, quo fistulator è sacris turribus in Germania, Viennæque præsertim adpropinquantem auroram prænunciare solet. Id tibi genus Germani Schalmeyen appellant. Signi dandi cura inchoandaque profectionis ipsi Cazzianeri data est. Huic ultime deliberationis decreto nonnulli qui adversarentur reperti sunt, & dicere auderent, hostium multitudinem multo minorem esse nostro equitatu, atque eadem serè qua nostri urgentur, cibarium inopia premi. Præterea Barbaros cum gravioris armaturæ equitibus nostris iusto prælio cōgredi nunquam ausos, sed latronum more ex insidijs tantum nostros adoriri, & quum ex viarum angustijs nostræ copiae explicantur, illico refugere. Cæterum non esse adeo immunum castellum & oppidum Gara, ubi hostes castrametati sint, ut expugnari nequeat. Proinde viris fortibus, necessitateque multarum rerum astrictis, experiunda omnia, & tandem audendum esse aliquid: nam fugam non solum turpissimam ipsis ducebatur, qui salutis periculo famæ decus anteponunt, sed cunctis qui nihil præter vitam respiciant perniciosissimam omnino futuram. Quod si profectio noctu fiat, futurum esse ut palantes, vagique per diversos tramites nemoribus inerrent, neque in tenebris posse dinolci ab ignavia virtutem. Usarones qui pante alios nullo pudore diffugituros: Turcas autem castris nostris adeo propinquos esse, ut nulla ratione eos discessus noster celari queat, præsertim si pulvis tormentarius succendatur, & tormenta maiora inclusi ignis violentia diffingantur, propter necessarium bomborum & malleorum strepitum. Quibus de causis confligendum omnino esse iudicabant, nec credendum falsis rumoribus, qui de novo hostium exercitu spargerentur. Magnum profectò Deum ipsosque divos cœlites pro religione, & Christiani nominis gloria decertare paratis proculdubio certissimam opem allaturos. Tum verò cœpta est consultatio de ægris, qui curribus vehebantur, aut inter impedimenta collocati, a novissimo militum integrorum agmine cogeantur. Apparebat enim tantam ægrorum & sauciorum multitudinem intellecto profectionis decreto, planctu & questibus, uti miseris & desertis necesse erat accidere, tota castra completuram, quorum lamentationes & eiulatus aucturi pro certo illi credebantur, qui vel fratres vel consanguineos conturmaresque suos & amicos usque adeo miserè & scedè derelictos nunquam postea visuri essent, cuius universæ perturbationis tumultum & voces necesse foret pervenire ad aures Barbarorum, qui non longius abessent quam intra minoris tormenti iactum. Propterea unumquemque corpore atque animo debere adniti, ut tantulum id iter quod pertinebat ad Valponium fortiter atque alacriter conficerent, quando bona etiam spe occursum essent multis curribus recentipane, variisque cibarijs abundè onustis, quia Valponio in castra submittebantur, sicuti à certis nuncijs esset auditum. Eo comæatu siquidem recreatis viribus, susceptique subinde amico oppido, esulentorum omnium copia plenissimo, reliquos omnes præsentis difficultatis atque periculî casus ex tuto superaturi essent. Ut verò sauciorum & ægrorum salutis ratio haberetur, affirmabant eos iugalibus currum & quadrigarum equis posse imponi, eorumque infirmissimos insidentium equorum clunibus arcto complexu posse sustineri. Postre-

inò magnificis verbis eleuando hostium vires, vanissimeq; et iactenter attollē-
 do suas, id quod tum iter salubri consilio caperetur, non turpis fugæ quidem,
 sed honestæ profectionis debere existimari, quando ipsi non equitatus modò
 genere & numero hostibus superiores essent, sed peditatu etiam ipso vel gra-
 uiter morbis attenuato pares & firmiores, si non iniquissimo loco sit dimican-
 dum. Hæc quum pugnantibus sententijs in consilio iactarentur, res eò deducta
 est, vt quisque ducum perturbato iudicio alienas à communi salute cogitatio-
 nes susciperet, nullaque dedecoris cura habita, in vnam tantum vel ambiguam
 spem salutis fugam meditaretur. Ex aduerso Mahometes certissimis vius ex-
 ploratoribus, & de omnibus nostrorum incommodis per singula propè ho-
 rarum momenta certior factus, suamque inde victoriam prælagiens, intentis
 excubijs, & insessis longè lateque per alternantes equitum turmas itineribus,
 vigilantissimè nostrorum motus obseruabat eo consilio, vt quum nostri castra
 mouerent, atque agmina proficiscerentur, ex pristina sua consuetudine dis-
 iunctos, & vtī accidere necesse erat, impeditis in locis sæpè dissipatos, apud
 opportunas locorum angustias inuaderet. Ita enim equitatum peditatumque
 suum omnem circa notos nemorum saltus disposuerat, vt magna quadam lu-
 nati flexus indagine circumdatos inclusisse videretur. Erat iam propè exactum
 secundæ vigiliæ tempus, insomnesq; omnes sollicitis mentibus ita exeundi sig-
 num expectabant, vt minimum quodq; moræ spatium apprimè ingratum &
 incommodum singulis videretur, & clari nonnulli duces vecordi instinctu
 moras abrumperent, & iniussu discedere atque anteire cæteros properarent.
 Huius flagitiosi discessus initium ortum esse aiunt ab Vsarionibus Hungaris,
 qui tramitū & nemorum notitia freti, Valponium versus cursum intenderunt.
 Hos Ladislaus Moreus inhonesto exemplo imitatus ad Zenthuerzebeth ca-
 stellū suum contendit. Hos quoq; Stiriaci omnes obliti pudoris Ioanne Hūge
 noto præfecto duce, qui tuendo cogendoq; nouissimo agmini fuerat destina-
 tus, tumultuosè properantibus turmis sequuti sunt. Idem fugæ consiliū sibi quo-
 que præsumperat Antistes Zagabriensis, cuius ingens laterna per syluas erra-
 bunda noscebatur, minore tamen aliquanto infamia quàm cæteri, quū vir sa-
 cratus nunquā arma induere, aut in pugnam prodire sui muneris esse putaret.
 Interim Cazzianeri trepidè nunciatur Vsarones effugisse: idem fecisse Ladisla-
 um & Hungenotum cum Stiriacis turmis reliquos nihil expectato, vt institu-
 erant, tibiæ cantu instruere se in eandem fugam. Tum verò planè vecors & at-
 tonitus imperator equū conscendit, oblitusq; signi dandi, q̃ ceteros, vtī postea
 dicebat, iam præcessisse crederet, sese inermis in eandem eiecit fugam, deserto
 vtiq; prætorio, quod erat argentea supellectile, cæterisq; ornamentis opulen-
 tum. In eo dilabentiū tumulto Lodronius excitatur, et quum ministri impera-
 torē effugisse dicerent, intrepidè respondet, proculdubio fieri non posse, vt ab
 illo tam turpiter, & tam perfidiosè defereretur, atq; ita sicuti erat multarum no-
 ctium peruigilio & diurnis laboribus grauiter fatigatus, in tabernaculum redi-
 ens quieti se reddidit. Nec multo post perlato castrorum strepitu ad aures Ma-
 hometis Barbari omnes consurgunt, & sese ad inuadendos hostes comparant.
 Sed Mahometes quod hostes tentarent certius cognoscendum, atq; ideo expe-
 ctandā lucem censet, suosq; instructos subsistere, et prodeundi signum, quod
 equestris tympani leui pulsu per ordines dari solet, silentio expectari imperat.
 Dux enim vetus planeq; senex multis aduersus nostros exercitatus prælijs de-
 simulata

simulata fuga subdubitans, in pugnam nisi loco suis æquissimo incautè per-
 trahi nolebat, utpote qui antea non iusta quidem acie confligendo, sed carpen-
 do per partes suo more bellum conficere statuisset. In albescente cœlo rursus
 excitatur Lodronius: imminentium Barbarorum quendam audit fremitum,
 & se à multo maxima copiarum equestrium parte desertum videt, frustra se
 proditum queritur: nihil tamen animo se demittit, & pedites alloquitur, hor-
 taturque ut pristinae suae virtutis memores esse velint, & quod tum iniqua
 rerum sors discrimen afferret, una animi fortitudine superandum existiment:
 viris quidem fortibus de honesta morte, non de turpissima fuga, quæ etiam fu-
 10 tura esset incerta, esse cogitandum, sibi omnino cōstitutum esse, qui sæpius eos
 multis bellis feliciter ductarit, repulsis hostibus in pacata loca reducere, aut u-
 nā secum egregiè pugnando non indecoro vitæ exitu mortem oppetere. His
 fermè verbis ad Lodronium milites cōfirmantem Carinthij equites, atq; item
 Saxones, Austriaci, Bohemiq; qui probè parentes imperijs profectionis signū
 à duce indictum sibi dari frustra expectabant, nec ignominiosæ fugæ comites
 esse voluerant, concurrerunt tanquam ad virum longè fortissimum, obsecran-
 tes, ut pro desertore duce imperij munus susciperet & impleret: ipsos enim que
 iuberentur facere minimè recusaturos, & quàm diu vires atque arma superes-
 sent pro religione, proque optimo rege pertinacissimè cum Barbaro hoste pu-
 20 gnaturos. Non suscepit delatū munus Lodronius à generoso quodam pudore
 se indignum professus: id tamen pro sua pietate magnitudineque animi tantū
 exercitus indignam sortem miseratus, quàm diu à fortuna licuit cum præfatio-
 ne susceptum exercuit. Ferunt eum quum concionaretur ad milites, atque o-
 mnem fugæ spem detestaretur, & vehementer improbaret, repertum fuisse
 Germanici nominis veteranum militem, qui comiter nec insulse dicere aude-
 ret: neque verò Lodroni, dux optime, usque adeo turpis fuga apud te videri
 potest, quum eam nobili equo vectus circumspectare existimari possis. Intel-
 lexit Lodronius veterani militis argutiā, ingentiq; animo descendens in
 pedes, stricto gladio equi suffragines detruncavit, præclare exclamans, hodie
 30 commilitones me ducem pariter & militem pedibus pari sorte vobiscum pu-
 gnantem habebitis. Vos date operam ne opinionem meam sefellisse videami-
 ni, ut victores evadatis, aut non inulti decoro mecum vitæ exitu militiam fi-
 niatis. Reliquos perro equos peculiares suos pari humanitate notis sibi mili-
 tibus, qui languerent ex vulneribus aut morbis dono dedit, & in his Picenar-
 do Cremonensi cohortis præfecto, quum tum fortè rigida febre quateretur,
 & se fuso cursu è manibus hostium eriperet. Vix primæ turmae, primæque le-
 gionum cohortes sublati vexillis castrorum septis exierant, quum Barbari
 undique ingruentes sese truci ululatu edito ab omnibus partibus circumfude-
 runt, & multa simul prælia ex itinere ab equitatu conseri cœpta sunt, eo even-
 40 tu, ut nostri modò egregiè sustinentes, & modò renovantes impetum, Barba-
 ros insolenter urgentes latè propellerent. In his diversis prælijs Antius Macer
 Fuchstatus Saxonicae stirpis Carinthiorum dux ardentissime pugnans, quum
 ab insignium ornamentis Imperator à Turcis esse putaretur, est obtruncatus,
 parique sorte amplius viginti quatuor illustribus nominis equites capto ab ho-
 ste eorum signifero trucidati sunt. In his fuere tres reguli Andreas Reschius,
 Christophorus Hernaus, & Georgius Himelbergus. Alio autem in loco cru-
 entissimum editum est certamen cum Saxonibus, Misnjs, Thuringis atque

Franconibus, qui Saxonum equitum vexilla sequebantur. Horum enim vel
 eximia virtute depugnantium supra triginta sex splendidiore, aut præfecti
 aut signiferi, aut alarum legati occubuerunt, Chuenrico Saxonum primario
 duce capto, qui postea in vinculis apud Barbaros interiit. Inter eos qui in-
 terfecti sunt nobilissimi fuere Sebastianus Methescus, & Iacobus Scullem-
 burgus. Eadem quoque irritæ virtutis sorte Austriani elabente Nicolao Tur-
 riano eorum præfecto, aliquandiu resistentes, ad extremum deleti sunt, quam
 ex his virtute atque natalibus clari cecidissent Fettaius, & Hofchirchius reguli,
 & secundum eos Hohenfelder & Aanspurger, atque item duo e Naidega lami-
 lia clarissimi proceres, & cum his Lambergerus, & Velezerus viri honestissimi
 cecidissent. E superiore etiam Austria Rhetia finitima desiderati sunt Guli-
 mus Folgehenstorfus, Leonardus Lambergus, Bernardus Scharfembergus,
 & Gaspar Bergcheim, & Schellembergus, qui domi & foris cum dignita-
 te conspicui fuerant. Verum longè maxima cædes edita est in Bohemos
 equites in quos è transuerso à Ianizeris continenti glandium procella per-
 turbatos veteranae Turcarum turmae acriter inuectæ grauibus & incurius
 gladijs frustatim cædendo arma, & clauis ferreis pertundendo cassides passim
 sternebant, quum nemo circumuentis opem ferret, & dux ipse gentis Albertus
 Slithius è media cæde, maturius quàm oporteret se recepisset. Peditum verò
 phalangem è quodam superiore nemorosæ paludis margine à Ianizeris Asa-
 pisq; qui nusquam congressi selopettis tantum atq; sagittis eminus rem gere-
 bant, magno affectam detrimento & planè fluctuantem Amurathes cum Bos-
 nenibus alis è diuersa parte inductis turmarum cuneis ita perfregit, vt disiecta
 conturbatis vexillis & implicatis hastis tota solueretur, atq; intercurrente feroci-
 ter hoste gladijs atq; securulis concideretur. Lodronius ipse equitum incursum
 atq; impetu raptus in palustrem locum adactus est. Ibi quum grauer saucius,
 & lubrico præpeditus ceno supremæ virtutis conatum edidisset, adhortanti-
 bus eum Barbaris vt se dedere quàm interfici mallet, cum tribus cohortibus
 quæ ei superfuere ita in deditionem est receptus, vt cum reliquis suis omni-
 bus, tanquam eximia virtutis hominibus proiectis ad terram armis seruaretur.
 Iam enim vel immites Barbaros multoq; nostrorum cruore conspersos cædis
 satietas coeperat, vsq; adeo vt plerisq; languescerent manus, & ad prædam au-
 dissimè verterentur confectantes eos qui dispersim hostiles manus vacillante
 & trepido passu effugere crediderant, eò quidem successu vt magnus numerus
 pro mancipijs caperetur, pauci pedites euaderent, & reliqui penè omnes qui
 non ante prælium vt diximus effugerant, toto campo cæsi spectarentur. Hoc
 enim pudendum Exechianæ stragis incommodum superiorum temporum
 funestissimas Christiano nomini illatas clades superasse ferebatur; nam flos
 equitum & peditum inauspicati ducis temeritate & culpa, potius quàm hosti-
 um virtute deletus interiit, sicut omnes ferè prouincias assiduo luctu funesta-
 rit. Nunquam enim antea acciderat, sicuti videre fuit, è Sigismundi Cæsaris,
 Ladislaique regis aduersis prælijs, vt Barbarus & victor & incruentus euade-
 ret, ita vt nostros qui ad Exechium ferè inulti ceciderint, & detrimentum ac-
 ceptum graui etiam ignominia cumulasse videri possint. Mahometes nullo
 prope suorum sanguine tanta potitus victoria, & direptis castris nostris, in pra-
 tulo quodam cadaueribus repurgato confedit, epulatusque hylariter, nobiles
 captiuos et splendida spolia, vexillaque in primis ad se deferri iussit, laudatisq;
 palam

palam his omnibus praefectis, qui egregiam eo die navassent operam, signatae pecuniae plures culeos a quaestoribus sibi afferri iussit, a quibus depromptos de manu aureos & argenteos nummos pro meritis donativi nomine militibus dabat, productosque captivos ad unum omnes, qui non essent gregarii diligenter inspexit, singulorumque nomina & dignitates in commentarios perscribas praesens redigi iubebat. His vero qui detruncata capita, aut decisas nostrorum vultibus nares, & anulatas dextras afferrent, statim pecuniae praemia tribui iubebat. Lodronius quum gravi ex vulnere iactationem ferre, nec vivus cum reliquis captivis Byzantium perducı posse videretur, a custodibus
10 est interfectus, caputque eius postea transmissum. Nam sicuti nonnulli viri nobiles, & in his Laurentius Strejtpergus & Dietmarus Losenstainus retulerunt, qui redempti reducesque ad uxores & liberos penatesque suos postliminio reversi sunt, inter captivos, qui a Mahomete cum vexillis conspicuisque aliquot castrensis apparatus instrumentis, splendidisque praesertim & inauratis thoracibus & galeis per legatos Solymano offerebantur, tria summorum ducum capita argentea in pelvi conspecta, agnitaque sunt. Ea fuere Pauli Bachithij olim transfugae, & Antij Macri, qui Carinthiaco equitatu praefuerat. Ludovicique item Lodronij, qui pedestres copias imperio regebat. Ea tyrannum obliquis oculis aspexisse, & tanquam tabo fluentia averlatum: caeterum
20 atroci nutu iussisse, ut captivi illico caederentur: sed deprecantibus Ianizeris, ut quos strenue pugnantes sub fide coepissent, tanquam viros fortes servare vellet, qui in servitute fortem etiam operam ipsis praestare posse crederentur, remisisse vultum, militibusque obtemperando humaniter multos fuisse conservatos. Ipse autem Cazzianer castrorum signorumque suorum impius desertor, quum profugisset ad Castellum suum, a cunctis proditoris exercitus accusabatur, & tanquam inexpiabilis infamiae totius patriae labe, & publicae cladis author maledictis incessabatur, sic ut nec prodire in publicum, nec celestem lucem aspicere posse diceretur: tanta siquidem desflagrabat invidia, tantoque odio apud omnes regiae aulae ordines laborabat, ut in eum famosa carmina argute factitata per omnes Germaniae urbes a pueris cantarentur, sic ut
30 eum pro tropheo quod referri debuerat, coronaque victoriae furca & laqueum meruisse dicerent, adderentque pari merito ei supplicij consortes Schlitum Bohemum & Vngenotum Stirianum, ac Stambechium Carinthium, qui ducum omnium fugacissimi fuissent. Quibus execrationibus misere perstrictus Cazzianer, postulavit a rege, ut sibi tuto venire ad dicendam causam liceret: nam paulo ante scripserat ad senatum provinciae Carniolae praefectos, famam suam contra ius & aequum a calumniatoribus inimicis suis maledicentissime lacerari: propterea se iturum Viennam purgandi sui causa, & inique obiecta praclaris insignium virorum testimonijs diluturum, sperareque se pro sua anteactae vitae cunctis in bellis fide, virtuteque, ut quum multas res pro regis
40 dignitate atque amplitudine prospere gesserit, pristinam ab eius clementia gratiam recuperaturum, quando ea calamitosi belli errata fatali potius impulsu, quam hominum errore provenissent. Concessit rex ut tuto veniret, exceptusque est ambiguo vultu: sed quum eius causae cognitio disceptatore rege aliquanto longius quam reus volebat, protraheretur, atque interim honesta sub custodia servaretur, Cazzianer morae impatiens, & de damnatione saluteque subdubians, effugere, quam iudicium expectare maluit: simulato namque morbo lateri-

tium sub cubili pauimentum noctu sensim per commissuras cultello scalpens, vno atq; altero facile exempto laterculo subiectam testudinem aperuit, atque inde ex linteis lodicibus effecto fune se demisit & foeliciter effugit, quum paratos extra arcem ex condicto equos ad fugam celeres arripuisset. Nec multo post uti erat fluctuoso atq; præcipiti ingenio vir, desperatis rebus ad Turcas transiuit, eum libenter excipiente Mahomete, pollicenteq; ei præter opima stipendia totius Croatiae præfecturam, ad imaginem beneficiarj regni, si Solymano sincera fide ad subigendas Austriani imperij vrbes operam præstaret. Tum verò constituta iam præscriptis legibus transitione, ut cum aliquo munere ad Mahometem rediret, cum Nicolao Sdrinio eiusdem prouinciæ regulo, sibi uti rebatur amicissimo, fidentius agere cœpit, ut vnâ secum transiret, in spem certissimi præmij, quando Solymanus erga ambos, non secus ac cum Ioanne rege liberaliter egisset, beneficentissimè acturus existimari deberet. Promissum Sdrinius, aut certè se promittere simulauit, in sententiam inuitantis concessurum, parataq; & instructa transitione cum ala familiarium equitum ei transeunti comitem futurum. Verum Sdrinius conuerso animo impietatis deducus, & tanti sceleris facinus secum reputans, in amicum veterem vel nihil tale domi suæ expectantem, perfidiam exercere, quàm regem aut religionis nomen offendere maluit, Cazzianeremq; post epulas dirus hospes obtruncavit, ita ut detruncatum caput inuisi & merito damnati ducis ad regem mitteret, in præmiũque honestæ perfidiæ interfecti à se amici castello, atque omni illius substantia potiretur.

PAVLI IOVII NOVO-

COMENSIS EPISCOPI NV

CERINI, HISTORIARVM

SVI TEMPORIS

LIBER XXXVII.



RORTISSIMIS Germanici atq; Illyrici nominis gentibus vetere sua bellicæ laudis gloria ex fœdo receptu ad Exechium spoliatis, altera ad huc militiæ parte, quæ maritima est, et nauali scientia continetur, Barbaris potiores esse videbamus. Quandoquidem Veneti ante alios, & Genuenses, rei naualis disciplinam ab inueterata maris possessione, clarissimisq; rebus gestis, præstantissimè tuerentur. Sed huius maligni sæculi Fortuna aliena prorsus & infensa Christianis, labante scilicet veterum disciplina, virtuteq; obsolescente, eò summis vtriusq; gentis ducibus in aleam experiundi periculi perductis, ita Barbaris fuit, ut nostri ad Actiacum promontoriũ collatis improspere viribus, in fugam acti tota nauali existimatione exuerentur. Quomodo

autem

autem id vsque adeo infelicitè euenerit, breuius quàm potero ex ordine rerum & temporum enarrabo. Veneti diuersis Turcarum iniurijs terra marique insolenter exagitati, quum Solymanus Coreyra vrbe impotenter oppugnata, multoq; immanius peruaftata infula, superbè pacem abrupisset, et tum in Peloponneso Epidaurum & Nauplium ipforum ditionis vrbes per Cassimum Bassam continenter obsideret, atque oppugnaret, nullam sibi moram attulerunt, quin aduersus tyrannum nullas vel iustæ satisfactionis, vel demissæ deprecationis rationes admittentem, bellum gerendum censerent, inuitantibus eos Cæsarianis, & Paulo Pontifice pro sua dignitate plurimum cohortante: nam recentis periculi metu adducti, quum Salentinos Hariadenus inuasisset, preclarè admonebantur, vt Italiæ cauendum existimarent, postquam Ottomannica clasfis nimio plus quàm liceret insuefacta nostris litoribus aliquando non Salentinos modò, sed ipsas Hadriatici sinus vrbes aggredi, sicuti manifestè appareret, ausura crederetur. Cæsar quoq; graui cura cum Sicilia, tum Africæ rebus prospiciendum ratus, ingentem suo nomine triremium & nauium numerum, quæ Venetæ & Pontificiæ clasibus iungerentur, in id bellum se collaturum promittebat. Itaq; pèr totam hyemem quæ subsecuta est, per legatos diligentissimè elaboratum est de numero genereq; classium: de militibus imponendis: de asciscendis socijs, comparandaq; pecunia, diuidendisq; sumptibus, vt quàm validissima atq; ornatisima clasfis in proximam æstatè, distributa in singulos principes impensæ portione, pararetur: & in Græciam aduersus Barbarum tyrannum educeretur. In id consilium Paulus Pontifex ad sextum Idus Februarij in Vaticano senatum habuit, & quod bene verteret populo Christiano fœdus percussit adstipulantibus Ioanne Manrico Aguillario pro Carolo Cæsare: Marco autem Antonio Contareno pro Veneto senatu, sub his conditionibus vt Cæsar octoginta duas triremes instrueret, totidem Venetus, ipse verò Pontifex triginta sex pararet, vt ducentarum triremium numerus efficeretur. Venetus postulanti Pontifici quot vellet fabrefactas, armamentisq; omnibus instructas triremes mutui nomine ex arce sua nauali daret, remigibus & propugnatoribus à Pontifice in eam expeditionem implendas. Cæsar autem, atq; item Genuenses onerarias naues militariter instructas quibus comæatus & pedestres copiæ conueherentur, subministrarent. Renunciati quoq; sunt classium duces: Cæsarianæ ipse Andreas Auria: Venetæ Vincentius Capellius, Pontificæ autem Marcus Grimanus Patriarcha Aquileiensis, cui comès & adiutor adderetur Paulus Iustinianus, nauali prudentia virtuteq; aliàs inter Patritios cum laude spectatus. Cautum verò est vt terrestribus copijs, si descendendum in hostile litus foret, Ferdinandus Gonzaga Siciliæ præfectus cum imperio præesset: & si quid Christianis armis de Barbaro hoste pararetur siue in Græcia, siue in insulis, ipsaq; Dalmatia, id totum optima fide Veneto imperio, toties antea à barbaris lacerato adderetur: Cæsar autem ex sua liberalitate, quantum vellent socij, tritici Siculi venalem copiam æquo pretio præberet, atq; eam sine vlllo vectigali atq; portorio exportari sine ret. Hisdem autem temporibus quibus Solymanus in Epirum venit, tentataq; frustra Italia apud Sulentinos, & direptis Corcyreis cum Venetis antiquæ pacis fœdera abrupit, Alfonsus Vastius in Subalpina regione expugnatis magna vi validissimis Gallorum præsidijs apud Cherium, Albamq; Pompeiam, atq; Clarascum, eò Gallorum duces amittendæ totius eius prouinciæ perij

culo calamitatis adegerat, ut imminutis militum praesidijs, & absumptis com-
 meatibus, de retinenda tuendaq; Taurino vrbe desperarent, et ad regem in
 Galliam accurate perscriberent, se armis circumuentos, & frumenti inopia la-
 borantes, nisi maturam opem afferret, cuncta hostibus fame compulso esse
 concessuros. Ferunt regem quum in venatione esset occupatus, & certum de
 suorum periculo nuncium accipisset, aliquandiu in equo immobilem stesisse,
 et rigentibus oculis crebro barbam demulcentem, atq; itidem frontem atque
 oculos dextra perfricantem grauisimè suspirasse, sed ingenti statim animo re-
 diisse ad rationem, decretoq; secum facto ferendi auxilij consilium suscepisse,
 tanta firmitate magnitudineq; animi, ut semihoræ spatio, quid sibi in eam ex-
 peditionem ituro parandum foret incredibili celeritate describeret: aduocatis-
 que demum proceribus, ipsoq; praesertim Anneo Memorantio, in equo sedes
 munia singula idoneis hominibus acri iudicio imponeret, ut ea quæ ad paran-
 das copias conuehendosq; commeatus pertinere videbantur, summa diligen-
 tia in spem poenæ aut præmij certissimam expedirent. Rex namq; qui omnes
 propè suæ ætatis tenaci atq; expedito immensæ memoriæ captu, perenni-
 gore superauit, quid & quantum peculiaris commeatus vnaquæq; prouincia
 suppeditare posset, quæ nam itinera, quæ flumina ad conuectiones faciliora vi-
 cinioraq; forent, & è quibusnam statuiis aut hybernis equitum alæ accersendo
 celerrimè conuenire possent, mira ardentis ingenij figuratione atq; velocitate
 repræsentabat, sic ut eum rationes itinerum & nauigationum præcipuasque
 rerum omnium copias, vel remotissimarum etiam ciuitatum tanquam ex indi-
 ce memoria tenere, usu rerum periti proceres rerentur. Ab eo namq; subita-
 rio belli decreto statim perspectum est quantum rex ipse, cum ingenij magnitu-
 dine, tum quodam memoriæ inenarrabili robore, propter singularè rerum sua-
 rum notitiam valeret, vel mollissimis interdū voluptatibus occupatus: & quan-
 tæ essent Gallici imperij facultates, eiusque gentis quanta essent ad parendum
 studia facilè apparuit. Paucissimis siquidem diebus, quod cunctis maxi-
 mè fuit admirandum, tanta vis omnis generis commeatus liberali prouinci-
 alium studio, curaq; vel ab ipsis extremis Pyrenæi montis partibus, atq; Armo-
 ricis Oceani ciuitatibus collata est, ut singuli amnes quibus Gallia omnis ad
 incomparabilem conuectionum commoditatem pernauigatur, et cuncta de-
 niq; itinera innumerabilibus nauigijs & carris complerentur, omnesq; ad edi-
 ctum commeatus, suos imperatis vecturis ad urbem Gratianopolim peruche-
 rent, quò etiam equitatus, et pedestres copiae conuenire iubebantur, ut inde va-
 rijs tramitibus per Coctias Alpes in Italiam transcenderetur. Ferunt erepisse
 per dorsum Alpium supra triginta milia sarcinarij generis iumenta omnibus
 annonæ copijs onusta, quibus rex ipse praesidio ibat, quum antè Henricum
 filium cum Memorantio præmisisset cum expedita parte exercitus. Ipse Ger-
 manos Gulielmi Fustembergij (hi circiter septem milia censebantur) addu-
 cebat: quibus non magno interuallo Heluetiorum sex milia, atque Italicorum
 quatuor milia iungebantur. Reliqua pars peditatus ex Vasconibus, & ex de-
 lectu Gallicarum legionum ad parem ferè numerum constabat. Grauis arma-
 tura equestris nouissimo loco succedebat, tormentis ante per abrupta atq; in-
 uia summa celeritate transuectis: paucorumque dierum labore superata sunt
 summa Alpium iuga atq; inde mollioribus passim callibus descendi coeptum,
 Vastius cognito regis aduentu ad Montecaleriū oppidū castra fecit, præmisitq;
 Cæsarem

Cæsarem Masium Neapolitanum, & Camillum Columnam Romanum, qui opportunos ad descensum hosti saltus certis præsidijs occuparent. Hos Henricus ipse regis filius & Memorantius septi nobilium equitum globo, qui dimissis equis per anfractuosos tramites pedibus rem gerendam putabant, disiecta passim glacie niueq; tanta vi adorti sunt; vt Masius & Columna pulsi disiectiq; locum quem cœperant amissis equis desererent, et Memorantius inde sinistrorsum paratos commeatus cum valida equitum & peditum manu, ad Taurinenses inedia laborantes maturè transmitteret. Exinde Francisco rege subsequente, Sebusiana via Gallorū agmina se demiserunt, neq; quisquam hostium obstiruit, moxque ad Vilianam oppidulum peruentum est; vbi Neapolitanus centurio cum paucis antiquæ turri præsidio impositus, subiectum iter viæ militaris impediēbat, nec vllam deditiois significationem dabat. Cuius stulta pertinacia offensus Memorantius, quod indignum esset regem nisi pacato itinere transire, ni statim se dederet necem comminatus, tormenta produci iussit, atque oppugnare turrem cœpit. Nec mora præsidij intellectu periculo animum despondentes necessitati cessere. Sed Memorantius centurione conseruato, quod sibi dissimiles nactus esset milites, & regis stipendijs adscripto, milites eius præsidij ad vnum omnes laqueo suspendit, qui importuna temeritate tantam vim regij exercitus se ferre posse credidissent. Ab hac
 20 Viliana turre Franciscus compositis copijs per plana loca descendit, præcurrente Gulielmo Langæo cum ala leuis armaturæ equitū vsq; ad Montecalereum, quo in oppido ad Padum posito Petrus Ciconius Infuber expediēdis comeatibus præpositus, ingentem frumenti viniq; et pecoris, reliqueq; annonæ copiam ex ipsa incolarum messe atque vindemia contulerat, vel improbante Vastio quid oppidum ab initio defendi posse minimè confidebat. Ad primum itaq; Langæi aduentum Ciconio imparato, & deferente commeatus suos omnes, occupatum est Montecalereum, regiusq; inde exercitus parto de hostibus per amplo cōmeatu sese affluentissimè aluit. Constat Vastium ipsi Ciconio vehementer iratum fuisse, quod ille in spem priuati quæstus tantam vim
 30 commeatus in alia tutiora vtiq; & commodiora oppida, vti ipse iusserat, non esset dispersitus. Propterea quum Ciconianis carris, qui oppido oriusti educabantur occurrisset, trahentibus plaustra bobus crura manu sua præcidisse, interficiq; iussisse, vt ea quoq; iactura Ciconius afficeretur. Cui facto fugæq; Ciconij superueniens Langæus, regi non illepide renunciauit, eo die se luculentissime cœnaturum, postquam sibi duo hostium clarissimi, cuni pistoris & caupo nis, tum lanij operam præstitissent. Ciconius scilicet qui dignitate erat comes, atq; ipse Vastius tanti nominis imperator, postquam hic occisis bobus præpingue parasset obsonium, ille verò albicantis coctæ Cereris, & optimi vini cadis onusta plaustrareliquisset. Cogitauit subinde Vastius circūiectis oppidis
 40 propere communitis, vel impar viribus hostes ad pugnam lacessere, instructo vniuerso equitatu qui per nocturnum tempus regia castra inuaderet, & Gallos more suo audacter in pugnam erumpentes ad instituta insidiarū loca, vbi peditatum, ipsosq; præsertim sclopettarios disposuisset, ex occasione pertraheret. Sed ea nocte susceptus labor Cæsarianis, quum nusquam se obtulisset hostis, in irritum cecidit. Audiui ego postea à Vastio non iusta pugna, sed tumultuario tantū prælio hostes aggredi cupiuisse, quoniam peculiare suum robur in Germanico pedite constaret, quem Federicum Fustembergum superiore æstate

adduxisse memorauimus, qui eius Gulielmi Gallo regi militantis germanus erat frater: ita ut nequaquam rectè fraternæ acies in pugnae discrimen conferendæ crederentur, quandoquidem vterq; frater alterum deprauare, & ad se traducere contenderet: quâ in re Gulielmus astu & viribus superior tanquam fratrem facile Germanico sanguini parsurum, et à victore iam rege amplissima præmia relaturum in partes facile perducere posse quibusdam suspicacibus ingenijs appareret: quanquam Federicus virtute religioneq; animi melior, constantissima fide suū decus tueri statuisset. Quum Cæsariani regijq; pari studio suarum partium oppidis nouo præsidio, nouoq; comœatu confirmandis occupati essent, et Vastius intentè prospiceret, quo nam vexilla regia verterentur, è Belgio literæ allatæ sunt regi, quibus certior fiebat illustrium sceminarū auspicijs inter ipsos certantes armis principes propinquos suos inducias percussisse. nam Eleonora regis vxor, & Margarita item soror virilis ingenij mulier, quæ Nauarræ regina vocabatur, ad Mariam Pannoniæ reginam Cæsaris germanam contenderant, detestantesq; diri belli causas tanquā inanes vsq; adeo appositè egerant, ut Maria ad idem vtriq; parti vtilissimum pietatis decus vehementer accenderetur, hisdemq; ferè condicionibus, quibus antè septem annos ea immania diuturni belli incendia restinxerant, induciæ dicerentur in eam descriptæ formulam, quam principes in spem mutui colloquij certissimæque pacis essent probaturi. Itaq; Memorantijs Vastio significauit inducias esse factas, matureq; ipsum a Cæsare resciturū, quibus condicionibus in posterum ab armis esset discedendum. Harum induciarum beneficio maximè lætatus est Vastius, vel ob id quod pecuniæ inopiâ plurimum angeretur. nam si producendo bello expedienda essent stipendia et confirmandi in officio milites, necesse fore prouidebat ut immanibus tributis impositis Galliæ Cisalpinæ ciuitates expilatas diu antea euerteret. Menstruam siquidem per id tempus iussu Cæsaris pecuniam ex censu cunctis omnis generis prouincialibus imperarat, tanta quæstorum exigentium acerbitate, ut populus passim diri seculi calamitatem lugeret, neq; ipse Vastius suo pte ingenio liberalis, & minimè rapax abstinere à lachrymis, utpote qui firmiorem Cæsari eius dominatus possessionem futuram arbitraretur, si Cæsar beneuolentia iustoq; amore continere populos quàm impotentibus avarissimisq; imperijs coercere mallet. Nec multo post à Cæsare de hisdem inducijs certior factus, dignum se ipso humanitatis officium suscepit, & ad Carmagnolam regem castra habentē honoris causa inuisit. Profectus est è castris suis cum ornatisimo præfectorum & centurionū equestri comitatu, ut quibus fideret viribus, virisq; polleret Gallis ostentaret, nam Hispani antè alios ornatui mirè studentes vetera victoriarum suarum insignia, aureos torques & cristas, ut maximè essent conspicui desumpserant. Federicusque ipse Fustembergus quum Vastij lateri hæreret, fratrem tanquam degenerantem à familia obliquis & trucibus oculis nihil porrecta dextra salutauit. Rex enim copias suas qua transiturus esset Vastius hostiū imperator ita digesserat in ordines, ut cuncta pedestrium maximè copiarum præsidia ostenderet. Exceptus est vastius læta tormentorum omnium displosione salutat, deducen-
teq; Memorantio magistro equitum honoris causa inter regem Delphinumq; filium medius est receptus, tanta humanissimi regis comitate, ut sicuti ipse hospitem, ita tot eius duces et centuriones à Gallis qui eosdem ducerent ordines complecterentur, & salutandi regis causa singuli ad dextrā osculandā deduce-
rentur

rentur. Multa demum rex ipse cum Vastio colloquutus, repetita veterē familia-
ritate, de induciarum ratione & tota spe pacis luculentissimē disseruit, quæ ne-
quaquam operæ prætium esse putamus vt hoc loco referantur. Constitutis
autem inter se finibus Subalpini imperij & præscriptis legibus, quibus vtriusq;
præsidij milites vterentur, Vastius Mediolanum reuersus est, & rex ipse Alpes
rursus transcendens in vltiorem Galliam cœpta iam hyeme redijt, sic vt hic
aduentus regis in eos ipsos dies inciderit, quibus Ferdinandi regis copiæ ad
Eszechium victæ deletæque sunt. Per eam verò quæ subsequuta est hyemem
Paulus Pontifex enixè operam intendit, vt Carolus ipse Cæsar & Franciscus
reipublicæ causa in colloquium venire minimè grauarentur. Cui honestissi-
mæ postulationi neuter se aduersum præbuit, quod is conuentus multis de cau-
sis vtriq; multum expedire censeretur, vel si publicum decus Christiani nomi-
nis respicerent, vel si priuatus prouinciarum suarum incommodis, quæ tot diu-
turni belli detrimenta pertulissent, consulendum existimarent. Summæ liqui-
dem pietatis munus suscepturos apparebat, postquā Solymanus vndiq; Chri-
stianis clades importaret, si ipso sacrosancto Pontifice sequestro pacis atq; con-
cordiæ controuersiam multarum gentium malo diu alitam finire maturarent,
vt Europeis gētibus certę pacis tranquillitas pararetur, atq; obiter de sacro bel-
lo aduersus impios gerendo coniunctis viribus cogitandū esse iudicarent. Op-
portunissimā autem omnibus futuram conuentui sedem Pontifex decernebat
apud Nicæam Prouinciæ urbem, quæ erat ditionis Caroli Sabaudij Allobro-
gum principis. Is vtriq; arcta propinquitate coniunctus, & vtriusq; dissidētis
iniuria multo maxima regni sui parte spoliatus, ius sibi reddi perpetuis queri-
monijs postulabat, putabatq; eo principum colloquio disceptationeq; in inte-
grum restitui debere, postquā tam diu pessimè mulctatus frustra hætenus di-
vum atq; hominū fidem implorasset. Itaq; ad magnā spem futuræ concordie,
& Cæsar ipse ab Hispania adducente eum Auria in portum Herculis Moneci,
qui Villafranca hodiæ dicitur, secunda nauigatione peruenit. Franciscus au-
tem quum Pontifex ipse cum maxima senatus parte ad Alexandriā excipiente
eum ipso Vastio cum legatione Mediolanensium, Nicæam peruenisset, profe-
ctus per Prouinciā ad Villanouæ oppidum vltra Varum amnem terrestri
itinere magna omnium lætitia peruenit. Cæterum Pontifex qui tantum itine-
ris laborisq; exactæ ætatis senex studio reipublicæ susceperat, impetrare non
potuit, vt ipsi reges in complexum atq; colloquium se postulante præsentēq;
deuenirent: vterq; tamen seorsum in villa quadam suburbana Pontificem Chri-
stiano more venerati sunt. Eleonora autem regina cum Margarita priuigna
lectissimorum morum puella, Ioanne Lotharingiæ Cardinale, atque ipso An-
neo Memorantio classe deducētib; Cæsarem fratrem inuisit. Erant qui tum
existimarent neque Cæsarem neque Franciscum, postquam è tam longo ter-
rarum tractu ad Pontificem peruenissent, à colloquio (vt credi par est) abhor-
ruisse, sed quodam occultiore consilio Pontifici tantæ voluptatis & laudis fa-
mæque successum inuidisse, quasi existimarent Pontificem nequaquam stu-
dio religionis, sed priuatim sui commodi spe ipsorum colloquium expetisse:
quoniam Margaritæ Austriæ, quæ Alexandro Medici nupta fuerat, nuptias
pro Octauio nepote affectaret, & Clementis exemplo Victoriā neprem do-
mui regie coniectis, in Vandomium oculis inserere percipere videretur. Cæ-
sar tamen per internuncios Francisco pollicitus est, se in eius complexū priuē-

quam in Hispaniam renauigaret, uti mox euenit, deuenturum. *Pau-
 dies Vastius, quum in colle qui portui imminet castra haberet, in morbum
 cidit valde periculosum, quo impeditus quum adeundi regis officio func-
 quiret, me qui ipsi languenti aderam, ut ipsius munus implerem, ita ad re-
 gem misit, ut ad eum nobilissimus Insubrum proceres, qui produci cupiebant,
 trireme mecum adueherem. Excepit singulos humanissime rex in omni re ad
 parandam beneuolentiam & gratiam proclinatus. Erant enim illustrium fa-
 miliarum honestissimi scilicet Vicecomites, Bonromei, Somali, Pusteruli,
 Galeracti, & Cribelli. Sed ea in re Vastius opinione sua mirum in modum de-
 ceptus est, quum de concordia regum fidentius sperasse videretur. Volebat
 enim summæ nobilitatis Mediolanensium primores suo beneficio conciliari
 Francisco, qui ex usu futuræ concordiae Insubrum imperio potiturus esse crede-
 batur. Nam fama erat, Cæsarem Mediolanensis imperij possessionem Carolo
 Aureliano regis filio ex autoritate Augusti imperij collaturum, ut parta pace
 tum demum aduersus Turcas amplissimis Gallie opibus vteretur. Sed qui usu
 rerum valebant, atque intimos utriusque principis sensus iam pridem introspe-
 xissent, liberè prædicabant, neque Cæsarem vlla pactione opulentissimo Insubri
 regno decessurum, neque Franciscum ex aduerso donec eo potiretur arma posi-
 turum. Hoc tamen obtinuit Pontifex, ut inducias à reginis, ut diximus, in Bel-
 gio conceptas & promulgatas ipsi reges in nouem annos solenni ad stipulatio-
 ne sancirent. Quum de his rebus commeantibus à Nicæa hinc ad Villafran-
 cham ubi constiterat Cæsar, & illinc ad Villanouam ubi erat Franciscus, crebris
 legationibus ageretur, inusitati casus res accidit, aspectu quidem primo inopi-
 natè terribilis, sed mox ridenda iocoso exitu. Stabat in anchoris Cæsariana clas-
 sis in ipso Villafranchæ portu, ita ut prætoria ipsius Aurie quadriremis do-
 mui qua susceptus erat Cæsar, ipsiusque etiam cubiculi fenestræ subiceretur, et
 reliquæ triremes diuersas anfractuosi portus stationes obtinerent, magna que
 naualis turbæ reliquorumque hominum multitudo per ea litora vagaretur,
 quum nonnulli sub meridiem otiose mariæ & colles à tergo in altissima Alpi
 iuga assurgentes prospectarent, densam nubem fumi instar in altum eleuatam
 conspiceret atque ita notare cœperunt, ut quum è proxima turrata villa ederetur,
 nec ea densi pulueris nubes desineret, sed ex interuallis continenter augeretur,
 plerique ex his qui spectabant proculdubio significationem esse aduentantis ini-
 micæ classis affirmarent, & tanquā Barbarum ad opprimendos summos Chri-
 stiani nominis principes Pontificem & Cæsarem aduentare proclamarent.
 Ea vox fama que delata in portum, peruagataque oppidum incredibilem cunctis
 pauorem attulit, sic ut ubique magnopere trepidaretur, & Vastius ipse è taberna-
 culo profiliens turbatè induta galea, & abrepto scuto ad Cæsarem cum ipsa sta-
 tionis cohorte descenderet, hortareturque ut in accliuia atque ardua illarum rupium
 cependura, & telis atque lapidibus aduersus Barbaros si fortasse illac ascendere
 conarentur, rem gerendam censeret. Stetit impavidus Cæsar, nec de periculo
 quicquam temere credidit, tamen Auriam tolli anchoras iubentem, & tumultu-
 osissima classiariorum festinatione triremes obuerti, atque omnes demum vel
 incolas, vel externos animis maxime perterritos esse conspiceret. Quum vero
 iam speculatoria nauigia ab Auria statim emissa, vndique pacata maria renun-
 cialsent, & ad turratam villam exploratum plerique processissent, compertum
 est, à villico eam nubem densi pulueris, quæ fumi speciem referret excitatam
 fuisse*

fuisse, quum ille in area fabarum acervum cribrando & ventilando à siliquis
 fecerneret. Multis siquidem ex intervallo ventilationibus, quæ triginta sex tri-
 remium numerum repræsentabant, ab initio notatæ numeratæque fuerant, ut
 primam Barbaricæ classis antecuntis partem esse, vel nautici homines iudica-
 rent, quanquam nullum omnino ullius classis, vel ab altissimis tectis & colli-
 bus, aut velum, aut malus, aut antenna apertissimo in pelago conspiceretur.
 Quo præclare agnito factum est, ut omnes ex summa trepidatione in risum in-
 conditosque cachinnos solverentur, sic ut ipsorum principum & ducum in-
 tellecta præproperè credulitatis contumelia, nō obscurus pudor mentes per-
 10 funderet, atque is inaudite trepidationis inanis metus iocosus omnium sermo-
 nibus celebraretur. Actum subinde est inter Cæsarem atque Pontificem, uti
 antea cōpositum fuerat, de suscipienda navali expeditione adversus Turcas:
 nam nova legatio à Venetis supra veteres legatos ad Pontificem Cæsaremque
 pervenerat, cuius principes erant Nicolaus Teupulus, nobilium literarum fa-
 ma clarus, & M. Antonius Cornelius, qui Venetijs senatoriæ eloquentiæ lau-
 dereliquos penè omnes anteibat. Hi siquidem æstate iam adulta festinandum
 esse, atque apparari classes postulabant, postquam Venetijs cuncta iam parata
 essent ad navigandum, magnoque incommodo futurum esse differerent, si re-
 liquos æstatis menses effluere sinerent, quibus mari res geri posset. Nec multo
 20 post Franciscus discedens à Pontifice in regnum suum est reversus: Pontifex
 verò Genuam pervenit, exceptusque est hospitio in Flischorum ædibus, quæ
 sunt excelso in loco ad Violatæ templum positæ. Exinde classem conscendit,
 partimque mari usus, partim terrestri itinere post solstitium ad Urbem per-
 venit. Cæsar autem ad Massiliensium oram delatus, circa Fossas Marianas ex
 condicto regem eò descendente cum liberis sua quadriga prætoria huma-
 niter excepit, atque arctè complexus est. Impetrante quoque Cæsare Franci-
 scus Andræ Aurix superiorum temporum iniurias facile remisit, quum ad
 exosculandam dextram produceretur, subindeque plures horas arcanis ser-
 monibus principes impenderunt, tanta vel eorum qui aderant, vel illorum
 30 quid postea ab alijs didicissent, exultatione, ut ferè nemo reperiretur, qui non
 plane existimaret, Reges ipsos deteris odijs conciliatos fraternæ amicitix fœ-
 dera concepisse in spem maturæ pacis atque concordix. Vnus tamen Paulus
 ipse Pontifex pro veteri sua prudentia, ut id crederet adduci non potuit, post-
 quam parum pio, subagrestique amborum principum consilio colloquijs ex-
 clusus, eius elam appetitæ amicitix ratio, quæ nullam synceræ virtutis & reli-
 gionis speciem præ se ferret, nequaquam compositi animi diuturnam simula-
 tionem habitura putaretur. Mutua siquidem ambitione correpti, quum hic
 parta armis, possessaque retinenda omnino, defendendaque statueret: ille ve-
 40 ro Galliam Cisalpinam, quam nuper non obscuro iure possedisset, pro digni-
 tate sui nominis repetendam arbitraretur: nullo siquidem concordix arbitrio
 sibi opus esse existimabant, qui utrique aliquid detrahendum concordix cau-
 sa iudicaret. Certa quoque inter utrumque eminebat obrectatio asciscendi sibi
 Pontificis: quoniam is omnino cui Pontifex socius accederet altero multis re-
 bus potentior evasurus videbatur, sic ut uterque potius cavendum putaret, ne
 Pontifex alteri æmulo in societatem applicaretur, & gerendo bello socium se
 præberet, quam ut eum magnis concessis muneribus promerendum arbitra-
 retur. Gravius tamen in eam rem incumbibat Cæsar, utpote qui antea Nova-

riam urbem Petro Aloisio Farnesio expetente Pontifice dono dedisset, & tum
 filiam quoque viduam Octavio Farnesio, vel adhuc prætenere adolescenti in
 gratiam vi Pontificis in matrimonium maturatis nuptiis collocare minime
 gravatur. Cuius contractæ affinitatis factum Cæsaris consilia altius detexit,
 quum spreto Cosmo Florentie principe, qui id coniugium supplex expetebat,
 filiam vel tum renuentem immaturæ ætatis adolescentuli thoro illigare, quæ
 non Pontifici morem gerere maluisset, quin & Cæsar paulo post etiam non
 obscure impedit, ne Victoria Octavij generi soror Cosmo iungeretur, quod
 nequaquam in rem suam fore provideret, si Romana potētia cum Etrusci im-
 perij opibus in unum belli & pacis fœdus misceretur. Qua de causa Cosmus ho-
 nestissimo usus consilio Cæsaremque respiciens, cuius se clientem esse profiteba-
 tur, ab eo prolis causa uxorem postulavit, qua maximè fideli & verecunda po-
 stulatione permotus Cæsar, quod legitimi atque æquissimi iuris videretur, ei de
 manu sua clarissimi generis puellam Federici Toletani Albæ reguli inter pri-
 marios Hispaniæ procures virtute animi, fide, atque opibus præstantissimi, ne-
 ptem desponsavit. Hæcerat Eleonora Petro ipsius Federici filio pro rege Nea-
 politano genita, quæ magno Deo utique & divis approbantibus Cosmum pul-
 cherrima prole in spem lætissimæ successionis parentem fecit. Ceterum quum
 enavigaturus esset Cæsar, ad eum legatio Mediolanensium pervenit, deplora-
 tura iniurias, quas Hispani milites seditiosè ad arma consternati, et ab authori-
 tate Vastij discedentes, eorum agris inferebant. Coiverant siquidem e Subalpi-
 nis præsidij audito induciarum nomine singule cohortes, ut merita stipendia
 flagitarent, quæ aliquot mensium sibi deberi predicabant, usque adeo proterve
 atque insolenter, ut uno consensu profiterentur, se neque imperio Vastij audien-
 tes futuros, priusquam sibi alicundè tot debita stipendia præsentī pecunia sol-
 verentur, sic ut interim ex præda victitando fertilissimæ atque amoenissimæ re-
 gionis vicos vexatis atque direptis agricolis impudenter atque atrociter perva-
 starent, miserrimique incolæ iusto terrefacti metu desertis messibus diffugere co-
 gerentur. Eo modo Hispani e militibus immanissimi latrones effecti, occupa-
 ta universa messe: nam tum defecta erant frumenta, aut in agris, aut in arvis ra-
 pientium prædæ exposita. Latrocinantium autem vexilla, castraque fuerant con-
 stituta ad peramplum Galeritæ oppidum, mercatu celebre, ita appellatum de
 nomine olim Galeritæ legionis, quæ à C. Iulio Cæsare in his locis confedisse,
 cōdidisseque coloniam existimari potest. Id est positum media ferè in regione a-
 gri Insubrum, quæ oppidis & vicis frequens summam fertilitatis & opportu-
 nitatis obtinet claritatem. Ea siquidem Ticino amne clauditur, uberrimisque
 diffusa campis ad Abdum usque sese extendit, sic ut urbs Mediolanum quan-
 dam umbilici speciem præbeat. Consternatæ autem multitudinis ea erat licen-
 tia, impunitate sensim aucta, ut nequaquam ea regione, quam obtinerent, con-
 tenti remota etiam oppida truculētis imperiis terrerent, atque ab eis quotidiana-
 ni tributū numeratæ pecuniæ vectigal exigere, & segniter parentibus omnē
 cædis atque incendiorum cladem denunciarent. Quamobrem Baptista Ar-
 chintus civili facundia insignis, qui erat legationis princeps, in hunc ferme mo-
 dum Cæsarem est alloquutus: Perampla Mediolanensium civitas immensis
 nuper opibus potens, sed recentibus diribelli ærumnis atque miseris defor-
 mata, quum suis malis finem imponi, & sibi ad diuturnam tranquillatem sub-
 tutela tui nominis aditum pandi, in hac præsertim tanta spe futuræ pacis faci-
 le cre-

le credidisset, inopinatio novam, & prioribus quidem malis acerbiorē eladē subit: nam si calamitosum est bello ab hoste diripi, multo quidem miserius est in pace vastari a socijs, atque inexpiabilis contumelię detrimenta & iniurias pati. Proinde miseri Insubres, æquissime Cæsar, ad te confugiunt, & vehementer orant, ut pro Augusta tua virtute, religiosique animi clementia & pietate se defensos & conservatos velis ab immanitate impudentissimorum latronum. Hi sunt veterani Hispani tui milites, qui dum victorias de hostibus tibi pararent, ea licentia opes nostras iampridem, sicuti calamitosi & violenti seculi iura postulabant, prædæ sic habuerunt, ut etiam nunc extremum nobis sanguinem exhaurire contendant, quum te debitorem suum ex dilatis stipendijs rapaces & immodici petulanter effingant, ut causam non iniqui militaris iuris se nactos appareat, unde liberè & impune oblata quæque diripiant: gravi quidem offensione æquissimi tui nominis, sed multo graviorē rerum nostrarum incommodo: vel ob id quod quæ imperaveris ex usu tuo a nobis pecuniæ subsidia ad egestatem redactis in posterum præstari non poterunt. Occupavere illi nefaria seditione excitata Insubrum agri opulentissimam regionem, interceptisq; messibus cuncta in prædam vertunt, & in proximā quoq; vindemiam avidissime spectant, nimirum qui ab authoritate Vastij ducis, tenatusq; & deniq; a maiestate tui nominis inverecundè rebellant, cōfisiq; armis Insubri nominis homines tanquam ad obsequia iussaue tua paratissimos facile contemnant. Matura itaq; opē tua, iustissime Cæsar opus est, ne dum frustra conquerimur de iniurijs, miserabili excidio fertilissimæ regionis mulctemur. Duplex siquidem ferendæ opis ratio tibi offertur Cæsar: nam aut stipendia, quæ milites improbè reflagitant, si iusta sint, præsentī pecunia persolvenda sunt, aut si iniquiora peti videbuntur, neque tibi præsens auri facultas suppetat, nobis concedas obsecramus, ut impune salvoque maiestatis tuæ numine nostras iniurias de perversissimis latronibus domesticis freti armis ulciscamur. Æquum enim est, ut illi qui tuas victorias insolentissimis maleficijs deformant, & tibi undequaue victori, optimoque principi hac impunita scelestaque defectione veræ virtutis tuæ laudem, & denique speratam apud omnes gentes gloriam eripiunt, dignas inusitata contumacia, atque impiæ rebellionē poenas pendant. Cæsar nihil ad ea respondit, sed contracta fronte, austeroque vultu Archintum tanquam nimis libero ore loquutum, ad Peronotum Granuelium summis negocijs præpositum remisit, ita ut ipse Cæsar perianitorem continuo eum permoneret, ut legatum audacius loquutum asperis castigaret verbis, vel ob id præsertim, quod non obscure prædicaret, Insubres extantis contumelijs ad arma excitos, nisi Cæsar provideret, Hispanos ad unum omnes tanquā improbæ extremæq; malignitatis & avaritię homines parvo negotio concisuros. Itaq; Granuelius adeuntem legatū contumeliosè prope reprehendit, quod nimia oris libertate usus, principis maiestatem arroganter offendisset. Qua in re Archintus eo modo officij sui necessitatem excusavit, ut multo plura atq; atrociora Mediolanenses facturos testaretur, ut res suas atque universæ immeritæ civitatis iniurias vindicarent, addens spumanti ore, Ergo Granueli, qui Cæsaris consilio præes, si non omnino ferus sis, pati poteris, ut ea civitas qua nulla aut fidelius, aut accuratius Cæsaris nomen colit, indignis perpetuisq; nefariorum militum latrocinijs evertatur, quando ea vos omnes nō modo præbitis stipendijs ditet, sed universam etiam Cæsaris aulam a

multis annis alere consueſcat. Cæterum neque à Granvelio, neq; ab ipſo Cæſare his graviſſimis obteſtationibus quicquam aliud impetratum eſt, præter literas, quibus Vaſtius admonebatur, operam daret, ut aliqua paſſionis ratione tanto provinciæ incommodo mederetur. Hæc ubi ſub ipſum Cæſaris à Nicæa diſceſſum ex legatione renunciata, & per urbes Ciſalpine Gallie evulgata ſunt, uſq; adeo tantum ex rei indignitate odium Cæſari crevit, ut omnes ex rerum deſperatione facile defecturos appareret, ſi mitior & clementior, qui dedentes reciperet dominus offerretur. Immoderatis ſiquidem pace belloq; tributis oppreſſi, novam etiam tum menſtræ exactiōis onera pertulerant, quæ nunquā deſitura boni mortales crederent, donec viveret Cæſar, atque Italiæ imperio potiretur. Sic ut non alia de cauſa victorias de hoſtibus quæſiſſe exiſtimari poſſet, quàm ut ſerendo bella ex bellis perpetuo milites aleret: atque ideo ſubactas provincias immiti dominatione ad egeſtatem redigeret. Optabant ſiquidem provinciales, ut Cæſar nequaquam ſimilis evaderet quibusdam ſuperiorum temporum Cæſaribus Germanis, qui non in amore atque benevolentia ſubiectarum gentium, ſed præcipuum potentiæ ſuæ robur in veterano milite præda alito reponere conſueviſſent, ob idque Henrici, atque utriuſque Friderici, & Ludovici Baiorij, & Caroli quarti exemplis miſeras Italiæ civitates, quæ liberæ atque opulentiſſimæ dicerentur, ſibi prædæ deſtinaſſent, poſtquam illud vetus inclytæ laudis & famæ ſtudium, quo generoſiſſimi olim principes præclaras res bello gesserint apud huius ſæculi principes vigere deſierit. Paucis ſiquidem poſt Carolum magnum ad veræ pietatis & gloriæ decus rapi viſi ſunt, quum nemo ferme arma tractarit, ut bona pace parta fruere-
tur, & admirandis iuſtæ virtutis monumentis ſæculum ſuum florentius & luculentius efficeret: ſed ut victorijs & bellis nunquam modum imponendo inſatiabilem animi libidinem poſteris teſtaretur. Id enim hodie præclarum atque magnificum videtur ad mutuas clades inteſtinis graſſari bellis, ut immanem illam belluam ab oriente noſtris diſſidijs excitatam provocemus, vaſtaturam proculdubio cuncta, quum nos valido concitata impetu affectos viribus miſereque diſſidentes invaſerit. Porro Vaſtius his acceptis à Cæſare literis, quum pacandis militibus, & ad officium revocandis ſatageret, ſingulos eorum tribunos, quos ex urna ſorte eductis nominibus cum poteſtate imperij in ſingulas hebdomadas creabant, & propter publicæ cauſæ patrociniū honoris gratia electos appellabant, ſigillatim pertentabat, anteaſque omnis maleficii impunitatem & præmia inſuper pollicendo mollire contendebat: ſed veteratores eximij, quum ex opimis rapinis diſceſcerent, & ex tanta licentia luxurioſiſſimè viverent, nec quicquam timerent, nihil ſani conſilij contemptis Vaſtij monitis, atque promiſſis ad animum admittebant, utpote qui corruptis moribus in delicto perſeverare quàm ad vetera militiæ munera reverti malleant. Quamobrem eò res utrinque altercando deducta eſt, ut Vaſtius, qui multis de cauſis Cæſari obtemperare velle videbatur, vel rebellibus nullo pacto vim admovendam eſſe iudicaret, ſed imperandum populis pecuniam, quæ ſeditioſo, ac ob id atrocem pœnam merito militi præberetur. Ea imperata, ad ſummam undecim myriadum, quum paucorum dierum ſpacio exigi non poſſet, neque milites promittenti duci fidem adhiberent, Vaſtius non recuſavit filium eis obſidem tradere, ut interim dum repræſentaretur pecunia à maleficijs abſtinerent. In ea tranſactione cautum eſt, ut milites à Gallia Ciſalpina de-

decedentes, uti iubebat Cæsar, navali bello, quod tum adversus Turcas enixe parabatur, operam navarent. Deducti itaq; sunt ad classem, quæ in Liguria exornabatur. Fuere hi qui classem impleverunt circiter quinquaginta milia hominum. Reliqua verò pars per Tridentinas Alpes in Germaniam est traducta, ut in Pannoniæ præsijs disposita Turcarum incursiones sustineret. Accidit autem, ut quum secundo Eno flumine deveherentur, duo navigia illis petris rapido profluente paucis enatantibus mergerentur, ita ut Cisalpina Gallicæ homines à multis execrationibus eos ultore Deo magno meritis maleficij pœnas dedisse crederent. His foederibus, quæ antea Romæ inter Cæsarem & Venetos, socio atque authore Pontifice percussa fuerant, & de congressu Cæsaris, & Francisci regis, Pontificisque protectione, Byzantij nunciatis, Solymanus, quum adversum se maritima arma parari prospiceret, Hariadenum Barbarussam exornare classem iussit, ut mature Hellesponto egressus hostibus occurreret, & quanta posset detrimenta, aditis, vexatisque insulis, Venetis inferret. Quo accepto imperio Barbarussa ingenti cura, laboreque classem refecit, deductisq; ad litora, quos antea descripsisset, provinciarum remigibus, navis implevit, atq; omni militari apparatu diligentissime instruxit. Hellesponto, Gallipoli que proventus in Cretam insulam cum centum triginta navibus, quæ remis agerentur, cursum direxit: primumque omnium superato Cyamopromontorio, quod hodie Spatae nomen obtinet, Caneam urbem, quæ Cydonia olim fuit, adortus magnam suorum partem temere exposuit: nam Gritopatrio prætore firmis præsijs tuente urbem, Turcarum impetus eum habuit inconsultæ audaciæ successum, ut quum undiq; è mœnibus & propugnaculis cum multo reboatu maioribus, & minoribus tormentis peterentur, atq; Italicę duę cohortes eruptione facta perturbatos hostes invasisent, multis suorum amissis Barbarussa receptui canere cogeretur. Constat eum quum suos revocaret ad classem, nimia navalis pugnae trepidatione supra mille Turcas, qui longius prædatum à litore processerant, deseruisse, qui ad unum omnes non multo post ab armatis Cretensibus interfecti sunt. Exinde Drepano promontorio, quod Melacham vocant, superato in Amphimaleum sinum, qui hodie nautis Suda est, classem intulit, quum Ioannem Morum totius insulae præfectum multis millibus Cretensium coactis, atque adiuncto Italicarum aliquot cohortium præsidium Cydonis opem celeriter allaturum didicisset: inde ad Rithimnam, quæ est hodie Retimum, urbem nobilem processit, pariq; eventu ab ea urbe munitissima repulsus est, quod priusquã triremes ad oppugnandum appropinquarent, Rithimnenses contortis in eas maioribus colubrinis, non parvoq; detrimento illato eas avertissent. A Retimo ad Dion promontorium, quod Fraschea hodie dicitur, profectus est, moxq; deflexit ad urbem Candiam, ab hoc Dionis promontorio decem millibus passuum distantem. Hæc urbs olim Cytheum fuit, hodieq; toti insulae nomen suum præbet. Hanc Barbarus contemplatus, quod eam longè omnium munitissimam rebatur adori non est ausus: sed sese ad orientale insulae caput, quod est Salmonium, convertit, Ceciliamque oppidulum, desertum ab incolis, succendit, atque ita Cretensibus litoribus abscessit. Nam Vincentium Capellium Venetæ classis præfectum, qui iam Corcyram appulisset, Cretensibus rebus maturam opem allaturum intelligebat. Quae de causa Alexandrum Bondelmerium cum suo insigni galeone, atq; altero ingenti navigio, quod Barciam vocabant, omni tor-

mentorū copia, præsidioq; militum instructissimo comitante Pasqualico patritio cum viginti quinque triremibus Zacynthum pervenisse speculatores renunciabant. Per idem quoque tempus veluti maligno quodam exorto sydere, par diræ consternationis insania invasit Africanas Hispanorum cohortes, quæ aliquandiu meritis stipendijs fraudatæ, atq; ea frustra postulantes seditiosè tumultuari apud Guletam cœperant. Propterea Bernardinus Mendocius Hispanicæ classis præfectus non temerè Numidarum atq; Afrorum propter incertam gentis fidem, arma veritus, quum seditiosorum tumultum, oratione & precibus sedare non posset, ea labe hominum exonerare Africam cogitavit, ita ut eos omnes in Siciliam transveheret. Nam eis neque stipendia à prorege Siciliæ, neque alimenta in ipsa summæ fertilitatis regione defutura pollicebatur. Sed postquam in Siciliam pervenêre, quod neque Ferdinandus Gonzaga prorex expeditam pecuniam se habere diceret, neq; Siculi tot externos hospites privato sumptu alendos æquis animis susciperent, Hispani, ut erant veterani ad sex milium numerum, agros atq; oppida impetu facto invadere cœperunt, indignantes quod ex forti fideliqu; tot Punicis bellis navata opera, ingrati demum speratis stipendijs excluderentur, nec quibus miseram vitam cōfecti vulneribus & morbis, & egentes tueri possent, ex agris, minusq; benignis incolis alimenta reperirent. Quibus de causis necessitate quadam eius flagitiosæ secessionis scelus obtegentes, signa & duces atq; signiferos deseruerunt, & qui erant iuxta Messanam apertos pagos diripere aggressi sunt, ceterosq; eis in prædam ante omnia vici nullis obsepti muris, Castaneta, Montefortis, S. Lucia, quorum incolæ ad munita oppida confugientes, & de suis incommodis frustra conquerentes atrocis & verè hostilis iniuriæ famam ex fortiorum impotenti impetu per totam Siciliam excitabant. His scedè direptis ad Castrum, munitum oppidū perrexerunt, murumq; undiq; corona expugnare conati defendētib; sese Castrensibus ita repulsi sunt, ut amissis ad quadraginta militibus, multisq; relatis vulneribus, quod fortè sæva tempestas cum denso imbree exorta sclopettorum funiculos extingueret, re infecta se recipere coacti sint. His cognitis rebus Gonzaga, Alvarem Sandeum, castrorum magistrū, qui incolas Siculos in unum cogeret atq; armaret, & in seditiosos impetum facturi speciem præberet, in loca opportuna præmisit. Sed usq; adeo his pagorū direptionibus efferatæ erant Hispanorum mentes, ut proregis deprecationes, atq; imperia contemnerent, nullamque pacati animi, ut redire ad sanitatem se velle ostenderent, significationem darent, sed effusius quotidie atq; crudelius in Siculos grassarentur, uti tum accidit, quum Sandeus cum armata agrestium multitudine in conspectum se dedisset. Hispani nihil his territi minis, minime dubitarunt, quin interiectam vallem illico transirent, factoque impetu, omnem eam Siculorum turbam profligarent, & in præaltos montes aufugere cogerent. Exinde præfectorum & signiferos loco, qui à seditiosis discesserant, nec tam fœdæ consternationis socij esse volebant, tribunos crearunt, qui electi dicebantur. Horum imperium triduo finiebatur, atq; eis alij succedebant, omnibus tamen qui certo perpetuæ potestatis iure præesset, quendam Herediam cunctis suffragijs extulerunt. Hunc erudita facundia præpotentem, quod antea cucullatus sacerdos, & in sacris concionibus exercitatus fuisset, supremi scribæ & consiliarij munus implere iuebant. Huic autem attribuerunt rerum capitalium ministrum Mondraconem Cantabrū, qui oblatos quosq; equos arripiebat,

ripiebat, quos apparitoribus suis distribueret, exornataq; inde numerosa ala,
 ad parandos commeatus, rapiendamq; omnis pecoris prædam, regiones pro-
 ximas percurrerebat. Primum omnium Hæredia persuasit militibus, ut in Ro-
 cella oppido, quod nobilis Siculi è Spataphora familia ditionis erat, omnia
 impedimenta & sarcinas, scortaque & inutilem famulantium puerorum tur-
 bam deponerent. Quo facto ad oppidū Randatium, quod est ad radices Æth-
 næ montis positum (id olim Triatium fuit) hostili animo duxit. Randatiani
 ubi formidabiles ad se Hispanos venire cognoverunt, ad eos cum infulis sacer-
 dotes præferentes crucifixi Dei Christi vexillum, qui iniuriam deprecarentur,
 emiserunt, eisq; bina cœnobîa perampla, quæ erant extra oppidum, hospitali
 iure concesserunt, ita ut si à maleficijs temperarent, quotidie ab oppido se ciba-
 ria gratuito summissuros pollicerentur. Confederunt satis æquo animo in cœ-
 nobijs Hispani: sed fortè accidit iniqua oppidanorum sorte, ut Hispanus miles
 è muro glande sclopetto emissus sit interfectus: quo casu facile permoti milites,
 non obscure exoptatam expugnandi oppidi occasionē arripuerunt: sic ut con-
 citati ad arma admotis proximæ portæ ignibus, fores concremarent, & val-
 vas ardentes multo hastarum nixu intus propellerent, & in oppidum irrum-
 perent, quumque media ferè nox esset in foro constitutis ordinibus nusquam
 discurrêdo consisterent. Tum verò animadversum est, oppidanos per adver-
 sam potam, quæ dudum semiobstructa fuerat ægrè effugisse, & in domibus,
 non parvam rerum suarū copiam, et scēminas natu grandiores deseruisse: Atq;
 ita Hispani potiti oppido, Hæredia iubente partiti inter se hospitia, per regio-
 nes vigilias instituerunt, tresque ibi menses per hyemem usq; ad prima Veris
 signa opiparè & copiosissimè omnibus abundantes rebus hybernarunt. His
 tantis maleficiorum contumelijs affectus Ferdinandus, tamen verà vi, atque
 armis ea latrocinia coercenda, atq; omnino vindicanda existimaret, adhortan-
 tibus præsertim Siculis proceribus, & suam peracrem in conficiendo negotio
 operam pollicentibus, nihilominus alia prius ad sanandas seditioforum men-
 tes experiunda remedia iudicabat, quod veteranam atq; in victam militum ma-
 num, nisi multo cum sanguine, & funesto utrinq; successu superari non posse
 provideret. Neq; enim militibus pares videri poterāt Siculi, vel in universum
 viri acres armisq; dediti, ut qui semper inter se contentiosi sanguinarisq; sint,
 & privatim quisq; loricā aut thoracem & galeam, vel in pace induat, & varijs
 atq; mortiferis quibusdam utatur telis, quæ in hostem eminus cōtorquentur.
 Ea sunt spari tripedales acuto præfixi ferro, & manubriatæ fundæ, quibus ex
 coriaceo nidulo volema saxa Balearico more iaciunt: & huius generis armato-
 rum hominū supra viginti milia se coacturū Simeon Vintimilia, Hieracensis
 regulus pollicebatur: vir quidē corpore pusillo, sed generosa animi magnitudi-
 ne præditus, & peramplis opibus potēs, qui vetustū Siciliæ decus adversus ex-
 ternos tueri magnopere cupiebat. Sed proregi Ferdinādo tum Cæsari, tum Si-
 culis calamitosum fore videbatur, si is tumultus temerè excitatus, uti accidere
 necesse erat, dubio & cruentissimo prælio finiretur, utpote qui reputaret sum-
 mis viribus milites, qui iustis & militaribus armis essent instructi, desperata sa-
 lute esse dimicatuuros, neq; Siculos multitudine sua, atque ineptis in acie fretos
 armis, veterani militis impetum diu laturos intelligebat. Igitur alio modo sibi
 agendū ratus, ut seditiosos pacaret, & ex tuto eorū improbitatem atq; insolentiam
 ulcisceretur, per idoneos eorum præfectos, qui apud contaminatum sce-

leribus exercitum remanere noluerant, & in officio apud proregem persiste-
 bant, agere coepit. Hi fuere ipse dudum castrorum magister Alvarus Sandeus,
 & Ioannes Vargas, & Sancius Alarconus, & Alfonsus Vives, qui apud mili-
 tes eximiam auctoritatem obtinebant. Per hos agebatur apud milites, ut ad sa-
 nitatem redire vellent, postquam prorex eis integra fide omnis malefici impu-
 nitatem promitteret, & quatuor mensium stipendia praesenti pecunia persolu-
 turum polliceretur: quod si milites sibi usquequaque Siciliam magno Caesaris in-
 commodo pervastandam susciperent, nemini unquam ad penates reditum in Hi-
 spaniam fore, atque omnes simul tanquam perfidiae damnatos hostilia totius Si-
 ciliae arma adversum se publico edicto concitata infelicitate experturos. His de-
 nunciatis Heredia, fortunae suae ignarus, gravem & luculentam concionem ad
 milites habuit, facileque persuasit, ut oblata stipendia accipere, & redire ad offi-
 cium, quam iratis Siculis obijci, notatque infamia patrie exilio mulctari mallet,
 Sustulere universi dextras, & conditionem approbarunt, modo sibi de impu-
 nitate caveretur: & multi quidem Gonzagae severitatem non temere veriti po-
 stularunt, ut sibi liberorum natu maximus pro obside traderetur. Sed res dedu-
 cta est ad iusiurandum, et ad sacramenti religionem: eo pacto atque ordine, ut a-
 pud vicum, cui Linguagrossae nomen est, medio fere itinere inter Messanam
 atque Randatium institutis solennibus sacris, & prorex & legati exercitus con-
 venirent, id magnopere probante Ioanne Varga, quem plerique veteranorum
 parentem appellantes maxime colebant. Primos enim honores gesserat in e-
 exercitu per annos viginti, quum Aurantius, interfecto ad Hispellum Ioanne
 Dorbino, hunc praecipue Vargam illius signiferum supra caeteros Hispanos
 plurimum extulisset: sic ut milites salutem suam fidei eius committere mini-
 me dubitarent. Erant Hispanorum vexilla vigintiquatuor, e quibus delecti
 sunt singuli, qui ingenij solertia, & corporis habitu maxime praestarent, & le-
 gatorum nomine cum ipso Heredia, dandi accipiendi que sacramenti munus o-
 birent. Itum itaque est ad Linguagrossam vicum, ubi praesto adfuit ipse Ferdi-
 nandus, compositisque rebus sacra peragi coeperunt. Quum vero ad medium
 sacrorum esset deventum, quo redemptoris Christi hostia populo ostenditur,
 in eam praecedunt verba hinc Varga, illinc Haeredia eo modo iuratum est, ut
 legati simul & prorex ipse dextras attollerent, atque ita ea quam diximus de im-
 punitate atque stipendiis conditione transactum est. Accidit autem, ut quum
 a praecedunt verba ad attollendas dextras vocarentur, & legati omnes id ex-
 pedite fecissent. Ferdinandus autem cunctantius facere videretur, unus e lega-
 tis nomine Villalobos praclare vocem attollens: Si cuncteris prorex, inquit,
 iurare, nec dextram sincero animo extendis, nos quoque ab huius sacramenti
 fide discedemus. Tunc vero prorex oborto pudore praetere manum extendit.
 Fuere qui ab ea proregis cunctatione existimarent, eum pro conscientia sacra-
 menti votum suspendisse, conceptisque verbis ex animo iurasse tam foedae pa-
 ctioni, quae vi necessitatis exprimeretur (uti eventus postea docuit) nequa-
 quam festaturum. Per hunc modum peractis sacris & cunctis lecte ad stipulan-
 tibus constitutum est, ut cohortes per urbes atque oppida spargerentur, ut com-
 modius alii, praebitisque stipendiis in officio contineri possent, veteresque prae-
 fecti quos diximus, ad sua munia redirent, quorum iussis milites ex disciplina ob-
 sequerentur. Nec multo post singulae cohortes ad Augustam, quae Megara o-
 lim fuit, Syracusas in Leontinos, Calatamque Hieronis, & Taurominium,

aliaq; oppida sub vexillis contendere. Quum esset Tauromini^j Ioannes Vargas, ad eum Gonzaga scripsit, ut ipsum Herediam atque Carantium, qui designandis hospitij apud seditiosos praefuerant, comprehenderet, victosq; sibi navigio celeriter Messanam devehendos curaret. Prestitit officium Vargas, & nihil tale timentes ambos, uti praecipitum fuerat, Messanam devehit iussit, ubi illico arctae custodiae traditi sunt. Ad alia quoq; oppida simili ratione Gonzaga perscripsit, ut singulae cohortes suum electum, qui sacris interfuisset, victum praefectis arcium traderent: atque ad unum omnes illi viginti quatuor diversis in locis uno tempore comprehensi, perductique sunt Messanam. In eos autem iustae iracundiae suae Gonzaga usque adeo severe & graviter evomuit, ut uno die damnatos ad furcas, latronum more laqueis suspendi iussit: atq; haec furcae toto litore, ut a praeternavigantibus spectari possent, erectae sunt. Ex his altissimam Heredia detruncata prius per carnificem dextra, honoris causa promeruit, cui comites fuere hinc Mondraconius, atq; Carantius, illinc Villalobos, qui inter sacra iurantem Gonzagam arroganter interpellarat. Sed horum omnium supplicio conceptus alte dolor in Gonzaga expiari non potuit: dedit enim operam, ut quos maxime facinorosos extitisse didicerat, omnibus modis atque omnibus locis interciperet. Quam in re praefecti arcium, & praetores urbium, quum de scripto monerentur, operam sedulo praestiterunt, usque adeo diligenter, ut qui neq; excipi, neq; deduci Messanam poterant, custoditos necarent, & cadavera in subiectum mare proijcerent. Hoc enim incolumi sua fide ab his praesidibus peculiari suo iure fieri debere Ferdinandus censebat: quoniam qui antea quum arcium & oppidanorum praefecturas acciperent, Caesari sacramentum dicentes, se cunctis in rebus iustitiam obnixè culturos promississent, ideoq; in reos maiestatis, indicatis singulorum nominibus, lege ageretenerentur. Verum Alvarus Sandeus apud Messanam truculentiorē carnificinam instituit: nam multos, qui Messanam ad forum rerum venalium exornandi sese causa veniebant, vel invitatos ad cenam, & varijs modis per aleatores lenonesque pellectos comprehendebat, statimque per servos Aethiopes perneccatos in mare proijciebat. Id supplicij genus maturabatur spitamali quodam ligno, ad cervices laqueum intorquente, quod Hispani Garotum appellant: sic ut ad multa Siciliae litora, a Messana ad Taurominium, & inde ad Syracusas atq; Augustam, cadavera Hispanorum illisa scopulis, & foede fluctibus lacerata spectarentur. Quare certius comperta reliqui Hispani tanto terrore concepto concuti coeperunt, ut plerique quæsitis frustra navigijs excedere insula niterentur. Interdictum namque fuerat omnibus nautis, ne quemquam militem navigio exciperent, aut alio aveherent, sic ut multi in ea cogitatione, abeundi que consilio mature comprehensi saeviente in eos Alvaro, scelerum suorum poenas darent. Ad extremum reliquam militum partem, quæ novis multiplicatisq; stipendijs exaturari nequibat, Gonzaga ipso Vastio multo severior inexorabiliorq; praebito menstruo stipendio, navibus avehēdos in Hispaniam imposuit. Quam ignominiam usq; adeo graviter milites tulerunt, ut postquam improbitatis atq; perfidiae notati in patriam aveherentur, animis contumeliā ferre nō possent, cōmilitonumq; exemplo se laquei poena puniri male predicarēt. Ab hac tāta animadversione in seditiosos carptim patrata, eā Ferdinandus sui nominis famā tulit, ut Siculi suis cōmoti iniurijs, singulas cohortes tanq̃ maleficientissimi generis hominū ex vetere disciplina decumari debuisse

na decubuisse prædicarent: Hispani autem eum tanquam hominem præduræ
 severitatis, & supra æquum inhumaniter atrocem, avidumque prorsus Hispa-
 nici sanguinis in occulto maledictis laceratum diris execrationibus onerarent,
 & ex adverso ab recēti facti memoria, Vastij lenitatē pari seditionis crimine
 offensi, laudibus immodicis in invidiam proregis attollerent, qui ea in rema-
 ximè benigna ingenij temperie usus, necis pœnam delicto graviolem iudica-
 set, ideoq; tantum monendo molliendoq; animos militum, & stipendialibe-
 raliter persolvendo, totū compescendę tollendęq; seditionis negotium ex sen-
 tentia cōfecisset, utpote qui Hispanico sanguine progenitus, extra omnē pœne
 suspicionem universæ consternationis maleficia sincera fide singulis condo-
 nare, quàm ullius omnino sui militis sanguine generosas manus scdere malue-
 rit, Ceterum tantū absuit, ut id Gonzagæ factum à Cæsare minus probaretur,
 ut præclare ei succenseret, quod indulgentius agendo cohortes singulas nequa-
 quam repetita severitate decumasset, & in Vastio indignam iusto militarique
 duce ineptē quæsitam clementiæ laudem effusè detestaretur. Quo iudicio Cæ-
 saris & Vastius multum de pristina sua apud Insubres gratia amisisse visus est:
 Gonzagā verò ipsum vel indignantibus Hispanis ad amplissima præmia pro-
 vectum fuisse constat, quum ex adverso nonnihil de concessis antea stipendijs
 atq; muneribus, Cæsaris iussu, per quæstores Vastio detractum fuerit: Gon-
 zagam tamen Hispaniæ magistratus ad dicendam causam citarunt. Verum is
 comparatis ad defensionem luculentis orationibus, ut in Hispaniam profic-
 ceretur, & iam navigaret, prohibuit Cæsar, ne pervulgata per Hispanias tot
 scelerum & suppliciorum labes, animos provincialium altius offenderet. Nec
 multo post Sicilienses cohortes collatis quæstorū indicibus, quibus nomina
 militum describebantur, circiter trecentos commilitones desiderarunt, atque
 hæ transvectæ in Italiam, classem Cæsaris apud Tarentum atque Brundisium
 conscenderunt. Sunt qui asserant Sicilienses cohortes, non quum statim ab A-
 frica transvectæ in Siciliam fuissent, seditionem ad Randatium miscuisse, sed
 quum sequenti anno post maritimam expeditionem in Siciliam reportatæ fu-
 issent: verum nihil ad rei notitiam pertinere putamus, an tum, an postea admis-
 sæ seditionis pœnas penderint. Eo siquidem tempore antecedentibus Vene-
 tis, Andreas Auria superato Messanæ freto, sublatiisque passim militibus, ad
 Corcyram insulam cursum intendebat: eò namq; Vincentius Capellius cum
 imperio atque universa Venetorum classe pervenerat, coniunctisq; eo modo
 classibus apparebat Barbaros tantam vim Christianæ classis non esse laturus,
 & congressum & pugnam omnino vitaturos. Tum enim Hariadenus Barba-
 russa Ambracio sinu cum tota Ottomanica classe se continebat, & de adventu
 nostræ classis certior factus, ut illac nostri intrarent propter arctas fauces expe-
 ctare videbatur, tanquam ex æquissimo loco dispositis utrinq; tormentis in-
 trantes oppressurus. Paulo siquidem antè Grimanus Patriarcha cum Pontifi-
 cijs triremibus è Corcyra progressus, ad fauces eiusdem Ambracij sinus, Pre-
 vesam oppidum in ipso Actiaco promontorio positum, ad motis triremium
 proris oppugnare adortus fuerat. Sed is conatus explorandi causa susceptus,
 eum habuit eventum, ut quum Iustiniana triremis Paulo duce audacter arctas
 intrasset fauces, atque aliquot hostilium tormentorum sinistro navis latere pi-
 las exceperet, expositi sint in terram milites cum tribus tormentis, quibus & à
 terra, & à triremibus aliquandiu quassatum Prevesæ castellum fuerit, sic ut
 appa-

appareret expugnari potuisse, nisi Turcæ, ab Aetolia acciti, ab obsessis cum valida equitū & peditum manu supervenientes, nostrosq; magno clamore edito aggressi aliquot interfectis & vulneratis, reliquos in mare umbilico tenus ad scaphas triremium cōfugere coegissent: quanquā Alexander Interamnas, peditum præfectus, vel graviter faucibus aliquandiu constanter Turcarum impetum sustinisset. Per hunc modum Patriarcha repulsus, sublati in naves, quæ exposita fuerant tormentis, Corcyram rediit, nihil eius consilij pertæsus, postquam quales essent angustiae sinus explorasset, atque hostium classem toto sinu ad anchoras stantem ex propinquo prospexisset. Concesserant tum classes nostræ in Gomunitiæ portū, quæ est contra Corcyram in continenti, ad eum locum uberrimæ aquationis, qui antiquitus Regij fontis nomen tulit, atq; ibi præfecti omnes, quidnam primum tentandum foret, dictis sententijs consultabant. Referente autem, quæ viderat, Patriarcha, ante alios Ferdināus Gonzaga eius erat sententiæ, ut expositis militibus atque tormentis Prevesæ castellum magna vi expugnandum censeret. Quo expugnato, constitutisq; in promontorio, castelliq; ruinis maioribus tormentis elabi non posse hostem, atq; eius classem summis detrimentis affici atque deleri posse disserebat. Nam ut egressus hosti totus eriperetur, in ipsis faucibus onerarium navigium lapidibus magnis minutisq; repletū demergi iubebat: atq; item tres galeones, qui erant e tota classe tormentis instructissimi contra ostium earū faucium produci constituiq; valido atq; obliquo rudentum nexu in anchoris iubebat, ut si Barbarus sinu evadere in altum conaretur innumerabilium pilarum procellam in limine faucium exciperet, atq; ibi omnino demergeretur. Ad ea Auria respondit, id Gonzagæ consilium dictu quidem speciosum, sed factu, atque exitu periculosum atq; difficile videri. Nam primum omnium exponere in terram milites ancipitis periculi rem esse, quod credi par esset, Aetolicas copias, uti dudum Grimano teste fecerint, minimè defuturas, quin oppugnatis atque obsessis suis maturam opem ferrent: quorum superventu nostros pedites vim incumbentis equitatus ægrè toleraturos appareret, & si quid eis iniquo in loco opinione durius accideret, naves profecto onerarias destitutas militari præsidio, quod esset miserrimum, hostibus præde futuras. Ipsi porro peditatui iam in terram exposito grave periculum imminere: nam si aliqua autumnalis tempestas ita incideret, ut onerariæ naves pariter, atque triremes à scopuloso litore se recipere, & altum ad salutem vela dare cogerentur: unde tum suppeditari posse alimenta, non modo desertis inimico in litore, sed ingruentes undique hostes pugnando sustinentibus. Id certè evenire posse nemo maritimarum rerum peritus dubitavit, sic ut fortissimis viris spes omnis receptus, & fugæ importuna malignitate subitæ tempestatis eripi posse iudicemus. Cælum quidem autumnale ex mutabili natura temporis ad repentinos ventorum turbines edendos paratum non insanis nautis esse pertimescendum, uti iam multis recentium naufragiorum exemplis compertum esset. Propterea si hostis extra sinum ad pugnam elici non posset, ipsis tutius atque utilius videri, superari Leucadem, ipsamque Neritum saxis asperam, & directo cursu in Naupactum sinum classem inferre, ubi & expugnari posse Naupactum oppidum, mœnibus non magnopere munitum, & multa obiter oppida, quæ ad intimum sinum Corinthiacumque Isthmum pertineant, impune diripi atque evastari posse, Græci homines prolixè confirmarent, quod na-

vigationis iter si teneant, accidere posse ut Barbarussa vel pudore adductus, vel ingenti periculo permotus, sinu egrederetur, & conferendæ pugnae facultatem ipsis optantibus & paratis præberet. Hanc gerendi belli rationem quam Gonzaga propositas difficultates infirmare & tollere contenderet, Capellius ipse & Patriarcha probare visi sunt, utpote qui maritimo potius quam terrestri conatu audendum esse censerent, subitaque tempestatis pericula potius quam hostes, quos æquo mari contemnebant, non temerè formidarent, Naupactumque si expugnaretur, quod Veneti imperij Methonensi bello fuisset, ipsis ex lege fœderis accessurum sperare possent. Exinde Auria constitutis totius classis ordinibus à Gomenitiæ portu profecturus, onerarijs navibus, 10 quæ erant septuaginta duæ, Francum Auriam gentilem & propinquum suum præfecit, quod magni usus maritimis in rebus haberetur. Ex his tamen quatuordecim Alexandro Bondelmerio attribuit, Is enim universam anteire classem & Franci navigationem observare iubebatur. Sed quinque etiam triremes (eæ siquidem in universum erant numero centum & triginta quatuor) delectæ sunt, remigio & velis maximè agiles atque expeditæ: proptereaque speculatoriæ vocabantur, quæ galeonem contra sinus fauces dare anchoras, & consistere iussu præcederent, atque hostilis classis motus explorarent. Turcicæ namque triremes quatuor cum expeditis totidem biremibus sinum egressæ per fauces in altum evaserant. Sed conspecto galeone ut triremes nostras, quæ 20 adversum se directis rostris impetum facturæ videbantur, effugerent, eludendo rursus intra fauces se receperunt. Itaque Auria dato signo, ut reliquæ classes se consequerentur, ad Prevesam contendens, universas triremes extendit, ita ut ab hostibus facile numerari possent: quoniam si minora navigia suo studio voluntateque classem comitantia recenserentur, iusta supputatione supra quinquaginta & ducentorum navium numerum implevissent. Quo spectaculo magnus (ut aiunt) timor Barbarussæ animum incessit, qui tametsi natura intrepidus, nostrorum virtutem & disciplinam non magnoperè formidandam putabat: ingētis tamen classis amplitudine atque apparatu vehementissimè permovebatur. Neque enim maior à priscis temporibus in Ionio nostrorum classis 30 conspecta fuerat, ita ut quidam Eunuchus ex Solymani ianitoribus Barbarussæ comes datus, eum cunctantem subtimideque perplexum in urbanis & planè superbis verbis insolenter obiurgaret, quod in provocantes Christianos & pugnam cientes, non statim sinu erumperet, atque eos adoriretur: quia in re non salutem suam, qui conspectum hostis ferre non posset: sed Solymani imperatoris decus respicere deberet, qui gloriæ suæ multum splendoris ea turpi cunctatione detrahi nollet. Pro dignitate siquidem Ottomanici nominis experiundas esse vires. Nam si bello fortis & pugnax esset, uti profiteretur, non desperandam esse victoriam. Quod si fortuna votis virtutique Turcarum invideret, non defuturos Solymano trierarchos, ipsis si vincerentur meliores, & Ponticas syl- 40 vastantam ad cōficiendam classem materiam suppeditaturas, ut duplo maior & ornatior viris atque remigibus classis edificari facile posset. Postremo id quoque addidit Eunuchus, Barbarussæ cavendum esse ne metu honestissime mortis, quæ adverso etiam prælio esset incerta, ab irato Solymano fœdæ necis periculū subiret. Nec mora vociferante adhuc Eunuchō, conversus ad Salechum archipiratam: Ergo, inquit Barbarussa, vir fide virtuteque præstantissime, nobis ut video, vel iniqua conditione pugne fortuna tentanda est, ne huius semiviri

latrantis delatione pereamus, atq; ita classem educere cœpit, quum iam Auria ad Leucadē vela flecti iuberet, ratus hostem his faucibus timore prepeditum egredi non ausurum. Tenebat propositæ navigationis cursum Auria, & secundo usus vento ad Leucadē provehebatur, quū à speculatoribus, qui in carchæio summi mali galeonis Bondelmerij constituti erant, Auria significatū est, hostilē classem exire sinus angustias & sinistrorsum secundū litus flecti. Hanc oram, quā Barbaricæ classis sinistrum cornu lambebat, paulo antè Grimanus præoccuparat, eo consilio, ut si hostis ab angustijs prodiret, cōmoditate litoris excluderetur. Sed non multo post iter mutare iussus, atq; inde recedens ad reliquas sociorū triremes se contulerat, atq; ita evenit ut Barbarus terræ litus obtineret. Nam callido pro necessitate utens cōsilio, si ab nostra classe impotenter urgeretur, prorsus in hostes obversis terræ puppēs applicare, expositisq; militibus à terra classem exarmatā viris atq; tormentis, uti usus posceret, mitiorē navigiorum, quā virorū iacturam fore iudicans, defendere decreverat. Cæterū Auria ea erumpentis hostiū classis significatione cōmotus, ut qui iam triremes ad stationem sub Leucadē, quæ Suessula dicitur, adegerat, tametsi quod non putarat accidisset: animū tamen egregie componit, & classem uti imperatum antea fuerat, ad ineundam pugnam comparare sese, & prætorix suæ signa sequi iussit. Iam tota Turcarum classis in apertū pelagus evaserat, eo ordine, ut

10 Hariadenus ipse mediam teneret aciem, ubi eius prætoria purpureis pluribus vexillis exornata cōspiciebatur. Dextrum latus obtinebat Tabaches: sinistrum vero Salecus pari propè triremium numero instructi, qui Tunetanis prælijs inclaruerant. Nam eo die Barbarussā produxit octoginta septem triremes: biremes autem rostratas circiter triginta robore triremibus pares: leviores verò triremes & mioparones tot erant, ut navigiorū omnis generis centū quinquaginta, quæ remis agerentur, summā efficerent. Mediæ autem aciei cohærebant cornua, tanto ordine, ut quo verteretur prætoria alas extendentis aquilæ speciem præberet, fatereturq; mirabundus Auria, sicuti hæc cum postea narrantem audivi, neq; habilis, neq; firmitus, aut omnino decentius classem à perito

30 duce educi potuisse. Antecedebant Barbarussæ classem triremes circiter viginti, partim rostratæ, partim leviores, quæ omnium erant velocissimæ, cui præerat Draguthes archipirata, multis postea in nostros maleficijs clarus. Constat Capellium ineundæ pugne avidū, è sua puppe in scapham descendisse, advectūq; ad prætoriam Auria, illum compellasse his verbis: Quid tibi, inquit, princeps, hac proposita prælii edendi longè pulcherrima occasione faciundum sit vides: ego certe, si me fortè cum Venetis triremibus te gnaviter sequuturum dubitas, iam à te ad declarandam Veneti senatus voluntatem, studiumq; meum primam aciem deponco, primaq; prælii pericula fortiter subibo: splendidumq; thoracem, quem induerat, ostendens, & palma pulsans: in hoc enim uti pium

40 & impium decet Venetum præfectum, aut gloriose vincam, aut victus honestissime occumbam. Egit gratias Auria, laudatoq; eius ingenti studio, rogavit, ut se præeuntem subsequeretur, & quid fieri oporteret, intètus observaret: se enim quid fieri vellet, opportunè signum daturū. Iam prima biremium manus ad galeonē appropinquabat, & aliquot triremes à Saleco missæ, id ingens navigiū oppugnabant: ea tamen conditione, ut quū non multū appropinquaret, nec ob id multum nocere possent, neq; in eos pariter è multo spatio Bondelmerius tormenta contorqueri sineret, non multum utrinq; proficeretur. Ex-

pectabat enim vir rerum naualiū apprimē peritus, vt propius accederetur, ex improviso ſæuam omnis generis tormentorum procellam in ſubeuntes effuſurus. Neq; cum ſefellit opinio: nam Turcæ audacius accedentes, adeo graui glandium & pilarū grandine perſuſi ſunt, vt inhibere remos, & magno accepto detrimento trepidè ſe recipere cogerentur. Auria interim reuocabat naues, quæ præceſſerant, & galeonem ſuum remulco protrahi iubebat, & triremium trierarchos intercurrentibus per nauiculas nuncijs hortabatur, vt ſeſe animis ad ineundam pugnā confirmarent paratiq; eſſent ad imperia, quū tubæ cantu atq; explicato maximo vexillo ſignum daretur. In eo autem conſilio, decretoq; erat Auria, vt niſi onerariarū nauium fretus præſidio, conſligendum ſibi non eſſe iudicaret, vt poſtea confirmatione maiorum minorumq; ducum, qui aderant, didicimus. Idem pariter aſtutus hoſtis prouidebat, qui pari vtrinq; triremium concurſu procul ab onerarijs, quæ caſtellorum erant inſtar, dimicare cupiebat. Nam tum fortè ventus omnis ita ſubfederat, vt æquora ad edendam nobilem pugnam pacata fluctibus & planè conſtrata præberentur, et Patriarcha prouectus ad Auriam eam inuadendi, delendiq; procul dubio hoſtis facultatē non prætermittendam prædicaret, tantoq; ardore vociferaretur, vt propinqui ores trierarchi inuitantis vocem audirent, maximeq; mirarentur quòd Auria rem prælio committere dubitaret. Is enim onerarias naues in vnum coeuntes ingentibus gyris atq; meandris ſubſequentē triremium ordine circuibat, & ex nauali peritiā, nouum aliquod atq; inexpectatum hoſti facinus editurus videbatur, ſic vt id ipſe perſpicax & minimè præceps Barbaruſſa, vt poſtea compertum eſt, facile crederet. Id Auria crebro rotatu claſſem ſuā circuens, earatione faciebat, vt ad ſe hoſtiles triremes perliceret, & in prouectas è caſtellis excella-rum nauium propius & certius tormenta dirigerentur, atq; ipſe demū in perturbatas, quæ erat certa vincendi ratio, directis proris inueheretur. Interim ſubſiſtente Barbaruſſa, & quorſum ea hoſtis flexuoſa nauigatio recideret ſpectante, quòd dolum aliquem ſuſpectaret, cornuum ſuorum triremes, iam vergente ad occaſum ſole, diuerſis in locis rem gerebant, pars in oppugnando galeone fruſtra perſeuerabat, pars aggreſſa onerarias duas, in quarum altera Buccani-
gra cum ſua Hispanorū cohorte vehebatur, in altera erat Macinius Mongaia Cantaber, vſq; adeo grauiter coniectis in eas pilis affligerat, vt perrupto malo incenſisq; velis, & multis Hispanorū & nautarum interfectis, peritūre crederentur. Alia verò pars duas onuſtas com meatibus circumuentas naues, quarum altera erat Veneta, altera Dalmatica, coniectis ignibus concremaret: paucis in ſcaplas deſilientibus, aut ad propinquas ſociorum naues adnatantibus. Duas etiam triremes ſub ipſum crepuſculum, quæ lentiore utebantur remigio Salecus interceptit, quarum trierarchi erant Mozenicus Venetus, & Bibiena Etruſcæ ſtirpis vir ſacratus. Secundum has triremes capta eſt Aloisij Figaroæ Hispani nauis, tametiſi ſuæ cohortis milites aliquandiu pugnaciffimè ſe defendiſſent. In ea captus eſt cum ipſo Figaroa patre filius adoleſcens nobiliſſimæ formæ, qui poſtea deductus ad Solymianum Mahometis ſacra ſuſcepit. Is quum principis cubiculo aſſueuiſſet, poſt tertium carceris annum miſero patri libertatem impetrauit, donatumque liberaliter in Hispaniam remiſit. Tum verò cum tonitru turbatis nubibus grauis imber & procella flantibus Euris exorta eſt. Nec dubitauere noſtri, quum vidiffent Barbaros attollere dolones, quin & ipſi præuente Auria dolonibus ſimul et maioribus expaſis velis, ſe in

de expli-

de explicarent, & quò ventus ferebat, ad Corcyram unde venerant verterentur, usq; adeo dissipatis agminibus, ut intēto etiam remigio nequaquam se recipere, sed confusē & turpiter effugere viderentur: sic ut Auria tanti usus, tantæq; peritiæ, & tantæ deniq; existimationis mari dux, eò die nullus Imperator extiterit. Ferunt Barbarussam nostros eodem vento ad aliquantum spaciū persequutum, nec quem hostes elabendo cursum tenerent, per tenebras planè cernentem substitisse: quoniam nostri duces in singulis suis prætorijs lumina extingui iussissent, quæ erectis ad puppē ingentibus laternis præferri solita sunt. Proinde ipsum in cachinnum versum sæpe repetisse hæc verba Hispanico sermone prolata: Ergo Auria lumen abiicit, ut certius fugam suam tenebris recondat? Quasi miraretur nostros tanquam magno metu occupatos, omnis decoris, modo se eriperent, oblivisci, quam manus conferere maluisse. Ea verò apud omnes Corcyræ applicantes opinio fuit, ut præclaro oborti repente venti beneficio, vel cum ignominia è summo periculo se ereptos faterentur. Cæsariani autem præcipueque Ligures, ut Auria nomen ab omni infamia vindicaret, tam fœdi exitus culpam ex obliquo in Venetos referebant, quòd ab initio præsidium Hispanorum militum, quòd distribui in Venetas triremes debebat, ut propugnatoribus firmiores in congressu hostium evaderent, superbe repudiassent. Venetis namque triremibus non planè confisum Auriam, & propterea temperasse à prælio disserebant: ob idque præsertim, quòd evadente angustias Barbarussa, illæ ferme omnes collectis velis & per iuncos ad antennis subligatis, eas ad summitatem mali celeriter eduxissent, scilicet ut repente præcillis iuncis, expedita ad quem vellent fugæ cursum vela ventis inflati da præberent. Quum in ea mutui erroris obtrectatione, inestiticiaq; & dolore turpissimi eventus versarentur, Macinij Cantabri navis, vel quassata perforataque quæ perijisse credebatur, Corcyram applicuit: eius autem Macinij miræ constantia fuerat defensa. Nec multo post ipse Barbarussa non contentus nostro dedecore, nec hostes inopinata procella sibi è manibus ereptos æquo animo ferens, ad Paxum insulam provocabundus ad pugnam pervenit. Ea insula centum ferè stadijs ab ultimo orientali, quòd Phalacrum olim fuit, Corcyræ promontorio distat: sic ut exprobrare nostris fugam, & si è portu prodirent, cū eis acie congressurus esse videretur. Quamobrem Gonzaga fremens, ut qui superbi hostis arrogantiam ferre non posset, singulos adijt duces, rogavitque, ut pro dignitate Christiani nominis animos viresque componerent, & feliciore virtute insolentis Barbari vim omnino retundere niterentur: resque eò deducta est, ut Capellius, quòd antea nihil tale iubente senatu suscipere recusarat, Hispanorum certa præsidia quæ offerrentur, se in triremes recepturum polliceretur, quaternaque acie Barbaros invadere decernerent. Quartam enim aciem Ferdinando Gonzagæ honoris causa attribuerant. Verum hæc consultatio tam diu prolata est, ut Barbarussa adversam circa nonas Octobres metuens tempestatem retrocederet, & sibi abundè satisfactum existimans in sinum Ambracium reverteretur. Ab ipso autem hostis discessu de expugnando Dyrrhachio cogitatum est: sed quum à Capellio totius Dyrrhachini litoris stationes navigijs malè fidæ prædicerentur, non multo post in Rizonicum sinum, quem Catareum vocant, cursum direxerunt, ut Castronovum Turcicæ ditioris oppidum, in eo sinu positum expugnarent. Ea enim forma est & natura sinus, ut tutissimum atque ingentem præbeat portum, mareq; sese ad Orientem

intorquens in intimo recessu Catharum, oppidum Veneti imperij alluat: sic ut per quasdam fauces, quæ protracta cathena præcludi possint, nauigijs adeatur. Tota regio apricis, & egregiè cultis collibus peramœna est. Sed Catharum, obstantibus ad dextrâ montibus, ita opacum redditur, ut incolæ sub brumam breuissimis solibus vrantur. Castrum autem nouum, quod multis ante annis Chersego regulo à Mahomete fuit ademptum, apricius est, sed nequaquam Catharo munitius. Castrensiu ædificia ab infima oppidi parte, quæ mare aluitur, & turritam munitionem instar arcis habet, per dorsum collis assurgunt. In summo autem Castellum habet natura potius, quàm arte munitum. Oppidani partim Dalmatici, & partim Epirotici sunt generis: sed qui iampridem¹⁰ immixti Turcis à Christiana religione defecerant: mercaturæ student, & paruis nauigijs quæstum faciunt. Nulli Turcæ milites erant in præsidio, quum binæ tantum quas diximus infimæ munitionis & superioris castelli arces, à paucissimis Turcis custodirentur. Itaq; intransibus sinum clasibus, magna vi admotis tormentis, priusquam oppidum ab incolis aliquandiu defensum caperetur, socij nauales Venetæ classis per remos murum scandentes ad infimam partem intrarunt, & mox ab expositis Hispanis oppidum quoq; per rupto muro captum est, quum ibi duo insignes cohortium præfecti Buccanigra Hispanus, & Cæsar Iohas Firmanus interfecti cecidissent. Multa eius oppidi, sed nequaquam pretiosa domesticarum rerum præda fuit: sed ingens omnis²⁰ ætatis & sexus incolarum multitudo in seruitutem abducta est: quanquam multi ex his nunquam se à cultu Dei Christi discesisse dicerent. Triduo post, superius castellum præsidarij Turcæ frustra pacti in columem fore libertatem, & vitam, dediderunt. Quum id oppidum communibus viribus captum ex fœdere Venetis deberetur, occupatum est ab Hispanis, quos Auria Ferdinandusq; Gonzaga extra Italiam alere cupiebant. Itaq; vel ægrè permittente, & à Venetijs super ea re senatus consultum expectari debere frustra postulante Capellio, Franciscus Sarmentus cum quatuor millibus veteranorum militum, qui apud Insubres à scelerata secessione, regionem ad Galeritum oppidum peruastrarant, Castronouo præpositus est. Eam rem molestissimè tulisse³⁰ natus, quod id oppidum communibus partum armis non sibi ex lege fœderis, sed Hispanico præsidio concessum fuisset. Suspectabat enim Hispanorum ingenia auida imperij, atque assueta rapinis & maleficijs, tanquam ex occasione Catharensum rebus vim allatura: vsq; adeo indignanter eam iniuriâ patritijs æstimantibus, ut auerso à Cæsarianis animo susceptæ eius detrimentosæ expeditionis singulos patres pœniteret, & decemviri in spem pacis inducias à Solymano petendas esse decernerent: quæ vel ob id opera Laurentij Griti, iqui Andree principis fuerat filius, benignè atq; celeriter impetratæ sunt, quoniam Galliarum regis legatus Antonius Rinco Byzanti purpuratos opportunè docuerat id fœdus, quod apud Neapolium cum Cæsare à Venetis dissentiente multo⁴⁰ maxima senatus parte percussum fuisse, intuitisq; demum ferè omnibus id recens bellum susceptum esse memorabat. Quum hæc agerentur, nunciatum est, Barbarussam, ut Castrensis opem ferret, eduxisse classem: sed quum ad Saxonem insulam peruenisset, aduersa tempestate oborta non modo retentum fuisse, sed aliquot triremium, quas atrox ventus Africo atq; Austro permixtus Acroceraunijs cautibus illisisset, iacturam fecisse diceretur: uti facile apparebat ex armamentis, eiusque naufragij fragmentis, quæ toto ferè Dalmatico litore

litore natantia & eiecta visebantur. Ea re certius cognita Capellius eius animi fuit, ut eductis classibus Barbarussam eo incōmodo perturbatū persequeretur, cui cōsilio favebat & ipse Gonzaga, qui amissum decus ad Leucadē nobili aliquo facinore edito redimendum esse differebat. Sed Auria multis de causis tanquam importuni ausus consilium facile improbens, sibi in Italiam redeundum ita statuit, ut continuo vela ventis daret, plurimum indignante Capellio, qui advocatis suæ classis trierarchis omnibus contumeliosam rationem in Auriam effudit, ita ut seipsum detestaretur, qui se alieno imperio subiecisset, eosq; moneret, ne unquam externi cuiusquam præfecti imperia subirent, postquam
 10 vel ignavia vel malignitate homo Ligur, Veneti nominis antiquus hostis, conceptæ atq; exploratæ victoriæ deesse, & Italicæ navalis discipline existimationem, scēdo importunæ cessationis & fugæ exitu dedecorare voluisset. At Auria consilio apprimē gravis hæc verba, atque hosce vel adversos de se rumores facile contemnebat, quum cuncta quæ ageret, ad commodum Cæsaris revocare esset solitus: ita ut per ironiam Valerius Vrsinus, qui tum aderat Veneto stipendio addictus, nihil nisi peritissime & consultissime ab Auria administratum atque omnino gestum diceret, quando Venetos cum Solymano commisisset, & diuturno maxime bello ianuā, uti exoptare videri posset Cæsar, vel
 20 ipsis nolentibus Venetis aperuisset: & id certē ne amisso quidem ullo navigio probe præstitisse iudicari deberet. Non deerant siquidem factiosæ malignitatis homines, qui interpretarentur id contractum cum Turcis bellum, magno Cæsari commodo cessurum, quod Venetos tanti irritati hostis vim terra marique diu non esse laturos appareret: ideoq; eos tanquam exhaustos opibus, atque pecunia, cō breviredigi posse asseverarent, ut his terrestres eorum imperij urbibus, superioribus temporibus impotenter occuparint, aut vi, aut aliqua demum pactiōe, quam necessitas exprimeret, uti nuper conspirantium regum bello fecissent, decedere cogerentur. Cæterum Castronovo capto, atque his, quæ diximus, Hispanorum præsidij Sarmiento duce impositis, atque obiter abeuntibus classibus eam iniuriam usque adeo graviter atque superbe Solymanus tulit, ut magno apparatu id oppidum, terra marique repetendum decerneret, augeretque iratus Venetis in Peloponneso copias, quibus & Nauplium & Epidaurus acriter oppugnarentur simul & vehementer obsiderentur. Singulare autem gaudium concepit, quod totius propē Christiani nominis classes, quas antea plus æquo magnificare erat solitus, adversum se coactas Barbarussa omnibus propē rebus inferior omni existimatione spoliatas, toto mari effugere coegisset. Incunte igitur Vere, Barbarussa refecit classem, & novos remiges in supplementum maritimis regionibus imperavit: atque cum, uti oportebat, propugnatorum ex Ianizeris præcipue numerum, & exercitissimum quemq; ex alijs ordinibus, in classem descripsit, duasq; ingentes onerarias naves, quas Mahonas vocabat, ad ferenda totius tormentarii apparatus, & castrensis instrumenti onera celeriter ædificavit. Decretus quoq; est in id bellū dux alter, qui terram gereret Vlamanes Persa. Is bellicæ virtutis commendatione in demortui Vstrephi locum in præfectura Illyrica, quam Bosnensem vocant, suffectus fuerat. Hunc enim alibi à Tammafo Persarum rege transfugisse memoravimus. Hic operam dedit, ut septem minores Sanzachi cum eorum equitum affuetis turmis è proximis regionibus sibi adiungerentur, conduxitque non multa pecunia pedites eius generis, qui Haidones, V-

scochi, Martellosij, Chymeriotæ, & Morlachi vulgo appellantur: agreste ho-
 minum genus, syluis atq; nemoribus prædandi causa assuetum: sed durum &
 velox, indomitiq; vigoris aduersus omnes cœli iniurias, & in omne bellifa-
 cinus paratum atq; expeditum: vtpote qui nudis pedibus, aut tantum carbatini-
 natis per rupes & cautes confragosarum vallium asperrimorumq; montium
 crepidines, mira, vti in capreis videri est, celeritate discurrant: & sagittis & fun-
 dis eminus, cominus autem præpilatis quibusdam sparis, paruisq; securibus,
 ab ancipiti mucrone, quum eas nonnunquam contorqueant mortiferis, in
 hostes vtantur. Hos enim Vlamanes, non qui pugnarent modo, sed qui opus
 facerent, munitionesq; erigerent, maximè idoneos (vt Turcis parceret) & pro
 pè sibi necessarios existimabat, quibus omnibus Testegim Turcam præfece-
 rat, qui Habraimi Bassæ citharædus fuisse, & improba delatione illius damna-
 tionem maturasse dicebatur. Itaq; adulta ætate, quum Barbarussa eduçta Hel-
 lesponto classe in Rizzonicum sinum peruenisset, eodem tempore Vlamanes
 cum triginta millibus equitum & peditum in summis montibus sese ostendit.
 Barbarussa prius quàm primas sinus fauces intraret, Draguthem & Corse-
 tum piratas cum triginta validis biremibus, quas galeottas vocant, ad explo-
 randum præmisit, ita vt Castronoui mœnia accedentes, sinu quodam à tor-
 mentis se protegerent, indeq; aquatum ad proximum fontem, quem Artifa-
 rium appellant, in terram exirent, in quos extemplo Sarmentus Macinium
 Mongaiam cum sua cohorte, et Lazarum Coronæum cum turma equitum e-
 rumpere iussit, commissioq; certamine Turcæ multis eorum interfectis & cap-
 tis terga dare, & ad Galeottas adnatare coacti sunt. Exinde Barbarussa applicu-
 it cum nonaginta triremibus, & tribus quas diximus Mahonis, totumq; tri-
 duum absumpsit in exponendis tormentis, erigendisq; eorum munitionibus,
 quæ nisi noctu administrari perficiq; poterant, propter perpetuam tormen-
 torum omnis generis pilarum procellam, quæ in opus facientes ab Hispanis
 effundebatur, sic vt eo triduo Turcarum amplius mille tormentis icti interfe-
 ctiq; sint, in queis & ipse cecidit Agis Hariadenus, qui in Africa ad Taioream
 urbem iuxta Tripolim sese regem effecerat: cuius morte Barbarussam non me-
 diocri dolore affectum ferunt, quod inter veteres amicos longè omnium pru-
 dentissimus atq; fortissimus haberetur. Barbarussa multo cum labore cædeque
 suorum perfectis quæ instituerat operibus, supra quinquaginta quatuor maio-
 ris generis tormenta promouit, in queis erant duplices colubrinæ septem, stu-
 pendæq; item magnitudinis quatuor basilisci, qui ferreum amplius centum
 pondo globum euomebant. Reliqua erant eius generis quæ duplices mediq;
 canones vacantur: præter sacros & hierofalcones: atq; item mortaria quæ lapi-
 deas immanes pilas in sublime iaciebant, vt supernè decidentes terribili ruina
 domorum tecta deformarent. Ex hoc numero, vti oportebat, circiter quartam
 partem Vlamani impertitus est, vt à Septentrione diuersam à sua oppugnatio-
 nem institueret. Ipse enim ab oriente è triplici loco diuisis muneribus cum Ta-
 bache & Halileuano viro Hispano, qui iam pridem ad Mahometis sacra de-
 lapsus TUNETANO priore bello singularem peritiæ militaris laudem eximiosq;
 inde honores apud Barbarussam & reliquos Turcas promeruerat, quater mu-
 rum cœperat. A mari quoq; Salecus ad motis triremium proris certum propug-
 naculi locum oppugnare iussus, eum ferendi muri tenorem seruabat, vt quoti-
 die sub auroram, & quum sol inclinaret in vesperam denis per vices promotis
 triemi-

triremibus murum verberaret. Vsq; adeo autem per aliquot dies acriter & continenter quassata sunt mœnia, vt Sarmentus vel opportunè intus contra pro-
 cidentem murum noua munimenta noctu præcipuè erigens, ægrè patefacta
 loca refarciret, & tam multa tormentorum verberatione magnopere terrere-
 tur. Nam tametsi integros nouem menses vacuos à bello nactus, nihil par-
 cendo militibus aduersum hostes, quos omnino venturos ad oppugnandum
 ominabatur, nouos aggeres erexisset, & reliqua in rem opportuna opera per-
 fecisset: duabus maxime de causis angebatur, quòd saxeo in loco glebam & ces-
 pitem ad construendas ex disciplina munitiones desideraret, nec à quoquam
 10 maturam opem sibi afferri posse speraret. Nam tametsi ab Auria, qui Brundu-
 sino in portu Cæsarianam classem continebat, duo nauigia onusta commea-
 tibus, atque his rebus, quæ ad apparatus tormentorum pertinerent, superio-
 ribus diebus acceperat, multaq; adhortatione ipsius Auria subsidia pollicentis
 fuerat confirmatus, nihil tamen eum deducta in pugnae periculum classe, qua
 ipsi subueniretur, tentaturum arbitrabatur. Itaq; quum Sarmentus tot ruinis
 vno tempore vario in loco sese opponere conaretur, Turcæ perampla turre,
 quæ muro interiore quadrato cingebatur, potiti sunt: eo successu, vt ad terrendos
 nostros in fastigio Barbaricum vexillum erigerent, atq; ex ea munitione, quæ
 erat circa turrem, sclopettis atque sagittis primò, mox etiam tormentis inde
 20 collibratis Hispanos impeterent. Quum impigrè resisteretur à nostris, Sar-
 mentus ad ima fundamenta eius munitionis cuniculum agi iussit, quem vulgo
 Minam vocant, vt suppositis ex tormentario puluere ignibus, quum Turcæ
 maxime vrgerent, & in oppidum irrumpere conarentur, ex repentinis flam-
 mis disruptæ munitionis ruina, inopinantes opprimerentur. Sed ea res
 aduersum habuit euentum: nam quum ingruentibus Turcīs opportunè cuni-
 culo ignis subderetur, ea collata materia incendiarij pulueris, importuno quo-
 dam lentore concepto, tardè & segniter flammā corripuit: ita vt frustra in ho-
 stes exitum quærens repulsa flamma in nostros reuerberaretur: multosq; igne
 correptos absumeret, & in his ipsum cuniculi magistrum Michaelē Fir-
 30 minum, è Cæsarea Augusta citerioris Hispaniæ. Accidit etiam vt eodem tem-
 pore apud superiorem oppugnationem Vlamanes aliquantam ab attigua ar-
 cemuri partem prosterneret, & Barbari tanquam victores sublato clamore
 plurimum exultarent. Quibus rerum difficultatibus adductus Sarmentus e-
 dixit, vt qui milites essent fauciati, neq; operam pugnando præstare possent,
 sese in inferiorem arcem reciperent, quo Aloisius Arius, et Macinius Monga-
 ia incommodè vulnerati concessissent: reliqui autem supremum bellicæ virtu-
 tis conatum edituri, medio in foro se conglobarent, vt non inulti extremum
 communis Fortunæ casum subirent. Nec mora cruentissimum irruentibus
 Turcīs certamen est editū, sed nostris iniquius, quum plenus imber sclopetta-
 40 rijs, qui vni omniū peritissimè rem gerebant, funiculorum ignes extinxisset, &
 necessario non hastis modo, sed gladijs vterentur: æquiore Turcarum condi-
 cione, qui innumerabiles sagittas in nostros spargebant. Multi præterea hostiū
 equestri ordinis, pedibus pugnare iussi, prælatis equestribus peltis incur-
 uos suos enses ita in nostros exercebant, vt galeas ferreaq; humeralia facile dis-
 cinderent, atq; ad vnum ferme omnes vel fortissimè repugnantes trucidarent:
 sicut vtraq; pars ardore prælii accensa per strata cadauera peruadere ad suum
 hostem, & confertis manibus pugnare minimè dubitaret. Cecidit in eo conatu

fortissimè dimicans Cusanus Burgundus, qui propter sæpius spectatam in pugnis virtutem Hispanicæ cohortis præfecturam meruerat. Sarmentus ipse tribus sagittis intra galeam os confixus, fessusq; longa vigilia & diuturno pugnae labore, in vestigio aliquandiu tela vitabundus fortiter perstitit, & quum pugnando honestam mortem oppetere quàm pedem referre mallet, & Sancium Friam cohortis præfectum fugam circumspectare conspiceret, eum seuerâ voce increpitans manu comprehendit, et locum tueri iussit, sic ut secum congruentibus hostibus consistere, atq; occumbere cogeretur. Is namque Frias turbidis & peruersis consilijs salubria Sarmenti imperia sæpè contempserat, & improbitate quadam malignitateq; ingenij meliora, atque opportuna ad salutem suadentibus transuersum se præbuerat, & omnium seditiosissimus apud Insubres fuisse ferebatur. Itaq; ambo, nequaquam pari virtute, detruncati ab hostibus in vestigio conciderunt: cæteris omnibus pari sorte, sed non eadem generosi animi fortitudine ad vnum interfectis. Nam quosdam abiectis gladiis, uti erant longa dimicatione fatigati, confectiq; vigilijs, salutem à Barbaris frustra passis manibus petiisse ferebatur. Interfecti sunt in eo tumultu cohortium præfecti Ioannes Cantaber, Dominicus Arriadanus maior, Scronius Taraconensis, et Oliuerius Valentinus. Qua suorum terribili cæde terrefactus Arius, & qui cum eo in inferiorem arcem confugerant, quod nullis viribus, quibus sustineri posset victor hostis, niterentur, deditiōis vexillo expanso significacionem hostibus fecerunt, atq; ita eos integra fide Hariadenus in seruitutem vita incolumi facillè recepit. In his fuere præter ignobilem militum turbam, præfecti spectatæ virtutis & dignitatis, ipse Arius, atq; Macinius, Didacusque Maschefa. Præterea viri Græci strenuissimi equitum præfecti Lazarus ipse Coroneus, et Andreas Scrapula è Nauplio. Reliqui quibus expedita deditio saluti fuit, fuere omnis generis hominum circiter octingenti, in quibus eminebat Hieremias Ligusticæ stirpis, qui eius oppidi episcopatum impetrarat. Hi omnes à Barbarussa in seruitutem Byzantium asportati sunt, præter vnum Maciniū Mongaiam, qui cum ab eo quæreretur, sollicitareturque impensius, ut ad sacra Mahometana deficeret, atq; insolentius oppugnatae & conseruatae naui suæ casum iactaret, Barbarussa ei iratus ad proram triremis ceruices abscindi iussit. Sarmenti cadauer inter tot occisorum acervos agnoscere non potuit, quanquam id Barbarussa multæ pecuniæ & libertatis proposito præmio diligentissimè perquisisset, quod caput eius ad Solimanum mittere decreuisset. Exinde inflatus victoria, & quod iam Rizzanum castellum in propinquo positum Veneti custodes tot hostium conspectu perterriti Turcis dedidissent, Catharo vrbi inhiare coepit, ita ut vrbi prætorem minacibus literis sollicitaret ad dedendam sibi urbem, ac nisi continuo portas aperiret, se moenia tormentis aggressurum denunciaret. Erat is prætor patritij ordinis, nomine Ioannes Matthæus Bembus, insigni virtute constantiaq; animi præditus. Is per literas Barbarussæ respondebat, nullum Catharo in vrbe Ottomanis ius esse, propterea si vim inferret, eum recentium induciarum, quas concessisset, leges violaturum non sine contumelia sui imperatoris, qui nunquam iusiurandi fidem fallere consueffet. Quod si iniquo iudicio rem ad arma deducere cuperet, ipsum qui cum imperio præffet vrbi, daturū operam ut improbè vim illatam paribus tormentis propulsaret. Ad ea subiratus victor Barbarus in vltimū sinus recessum aliquot triremes promouit, displosisq; tormentis oppugnaturi speciem

diem præbuit. Cui Bembus prætor egregiè constans & impaudius, totidem
 tormentorum suorum bombis & pilis strenuè respondit, & præsidium arma-
 tum in incenibus Barbaris ostendit. Quare animaduersa Barbarussa inhibuit
 remos, reuocatisq; anterioribus nauigijs ad Castronouum est reuersus, delini-
 rusq; exinde prætoris Bembi muneribus, nihil expectata induciarum fide,
 quam paulo antè de scripto exegerat, sinu excessit, rogauitq; Bembum, vt præ-
 claro induciarum testimonio præbito, quibus posset rebus Vlamane Illyri-
 cæ prouinciæ præfectum amicè subleuaret. Castronouo per hunc modum, vt
 diximus, à Turcis fortiter expugnato, atq; inibi Hispanis ad vnum omnibus
 aut trucidatis, aut si qui ex deditioe cædeq; superfuissent ad transtra triemiū
 relegatis, nostrorum ducum animis non dubius cum pudore timor incescit,
 facile reputantibus quales quantæq; forent Barbarorum militum vires, quan-
 tæq; opes Solymani superbī hostis terra mariq; ad propulsandam vindican-
 damq; iniuriam nuper extitissent: sic vt prijs animis homines intestina bella at-
 que disidia principum magnoperè detestari inciperent, & de concilianda pa-
 ce sacroq; bello communibus studijs cogitandum arbitrarentur. Quum verò
 Vastius Mediolani fortissimæ legionis interitum deploraret, Insubres ipsi ta-
 citè lætabantur, diuicq; Donati numen frequentatis passim altaribus impensè
 percolebant: cuius numen ritè factas à populis immaniter dereptis in Hispa-
 nos execrationes nequaquam inanes esse voluisset, postquam ipso die annuo
 eius memoriæ dicato, ad septimum Idus Augusti rapaces homines maleficio-
 rum pœnas dare coegisset, & id aliquanto cumulatius quàm non planè decu-
 matis Siciliensium Hispanorum cohortibus accidisset. Admonebantur autem
 nostri principes attenuatis opibus infirmi, vt magis & magis cogendo auro va-
 carent, quod vel cum incomparabili subiectorum eorum imperijs populorum
 iniuria acerbitateq; diligentissimè faciebant, honestam sacri belli suscipiendi
 causam præferentes: vanissima tamen, & semper vsurpata ratione, postquam
 priuato potius commodo cupiditatiq;, quàm publico decori publicæq; salutis
 studere consueuissent: maximeque mirarentur, cur Solymano ab inexhaustis
 thesauris, tot pecuniæ in bellicos sumptus suppetere, quum ipsi vel semper
 expilando prædandoque, vnius tantum belli copijs ægerrimè stipendia solue-
 rentur: & Barbarum ex aduerso, pluribus simul in locis terra marique di-
 uersa alere bella perspicerent, vt tum acciderat quum, eodem anno Otto-
 mannica arma ad opugnandos Lusitanos in Indiam vsque protulisset. Adia-
 ficata siquidem, vt diximus, ad Suetiam, olim Arsinoes, portū Rubri maris in-
 genti classe Solimanus Eunuchus cum Moro Alexandrino, sinus Arabici an-
 gustias egressus, præteruectusq; Persici maris sinum ad Indum vsque amnem
 peruenerat: magnisq; viribus Dium urbem, Lusitanorum portum, ad flumi-
 nis fauces positum oppugnat. Cuius belli is exitus fuit, vt Eunuchus post op-
 pugnatos per multos dies terra mariq; Lusitanos, quum eos indomitæ virtu-
 tis esse reperisset, incepto absistere, & desertis maioribus tormentis ad Ade-
 manum, nobilissimi emporij urbem, redire sit coactus, vbi planè fractus animo,
 quod nihil ex voto prouenisset, ipsum Ademanum regem, sub fide ab se voca-
 tum, in antenna prætoris suæ laqueo suspendit, eiusq; gaza omni surrepta, vr-
 bem claustris complectentium se montium, & lapideo insigni muro muni-
 tissimam, occupauit. parq; sæuitia appulsus ad Zidæ portum, vnde terrestri
 demum itinere Mecha vrbs, totius Arabiæ sepulchri Mahometis religione

clarissima aditur, Zibitinum regem, sumptuosis muneribus gratiam eius appetentem interfecit, praesidijs eius aule omnibus sub fide immaniter trucidatis, sic ut mox ille semiuir apprime rapax & cruentus ad Mecham deferretur, ut se apud pseudoprophetae fontem expiandis tot sceleribus religiosè ablueret, Moro cum classe ad Suetiam redire iussu. Huius Rubri maris siue Arabici sinus longitudo à Suetia ad ipsas freti angustias mille, & quadringentis passuum millibus extenditur, quum latitudo maior vix ducentorum milliarium summam impleat. Id verò totum quandam humani cruris figuram exprimit, quandoquidem abscedentibus vtrinque litoribus sensim se aperiens magis ac magis paulatim dilatetur, donec ad angustias quas vocant Azanias in fauces coarctetur. Ab his olim Oceanum à meridie Austri flatibus intumescens illac violento impetu se infudisse ac deuoratis terris eum sinum effecisse perhibent, multis refertum insulis & scopulis, proptereaque nauigantibus importunum. Insularum longè maxima circa medium sinus affirmatur Camera-na, quæ tamen tota ferè inculta est, extantibus tantum quibusdam arcium vestigijs. Incolæ Æthiopici coloris sunt, & tuguria palmarum folijs intexta inhabitant, præcipuamque piscationi operam impendunt, sicut plerumque virnantes conchas margaritarum in profundo legant. Ab alto fretum intrantibus sinistrorsum sinuatur mare, ubi est insula nomine Delacia, quæ proximæ continentis regno subiecta est. Id Barnagasium vocant, & magni Preterianis Abysfinorum regis imperio paret: cuius etiam ditionis sunt cuncta ea litora, quæ usq; ad Suetiam in infimo sinu positam protenduntur. In hoc litore Erecocchus portus visitur Abysinae regionis, è quo Indiae merces ad interiora Æthiopum regna trans Nilum amnem deferuntur. In aduerso autem Arabico litore Zida per celebris portus reperitur, quo applicant peregrini, qui religionis causa ad urbem Mecham duorum dierum terrestri itinere distantem contendunt, ut Mahometis sepulchrum inuisant, quanquam id pleriq; inane esse asseuerent, quum illum apud Medinā Talnabim ex humanis excessisse, atq; ibi tumulatum fuisse prædicent, quæ vrbs pertinet ad fines arenosæ solitudinis, quæ Arabes à Syris disternat. Extra autem freti angustias ad laeuam Ademum occurrit, celeberrimum, ut diximus, Foelicis Arabiae emporium. Inde ad Orientem nauigatur ad aliud fama & celebritate par emporium, nomine Ormutium, ad fauces Persici sinus in insula positum, indeq; reliqua Indorum regna, usq; trans Indum, & Gangem, & auream Chersonesum adita subactaq; à Lusitanis versus Sinarum regiones, eorum clasibus adeuntur. Egre-dientibus verò Rubri maris fauces, immensum illud Australis Oceani pelagus dextrorsum occurrit Troglodyticoque in litore Selana Mombazanaq;

& Melindia regna, ad insulam diui Laurentij atque ipsum extremum Æthiopiae promontorium, Bonæ spei vocatum, anfractuosis & lacinatis litoribus protenduntur.

PAVLI IOVII NOVO-

COMENSIS EPISCOPI NV-

CERINI, HISTORIARVM

SVI TEMPORIS

LIBER XXXVIII

AM plures dies Genuæ subsederat Cæsar confirmandæ valetudini intentus, quæ paululum commota fuerat ex in clementia Prouincialis cœli: vnde vastatis legionibus, tot milia hominum; Germanorumq; præsertim, contagiosa tabe perisissent. Vehementer etiam erat occupatus explicandis grauisimarum rerum consilijs, quæ perpetuo curarum nexu, ex rebus in Gallia parum secundæ gestis succreuisissent. Quamobrem monebatur ab Auria, vt peragenda conficere maturaret, priusquam hybernis tempestatibus recrudesceret mare, quod subessent brumales dies, nec certa esset per Alcyonios dies maris tranquillitas, quæ sicuti nequaquam ad certam diem stata, sæpe præueniēs, & nonnunquam seriūs aduentans, nauigare ausis non semper arridere confuisset. Cæsari enim in Hispaniam erat enauigandum; sed duæ res maximè retardabant, quæ dignitatem eius, & iam ardente bello in Subalpinis rerum securitatem respicerent. Arx siquidem Mediolani priusquam ipse Italia excederet, Hispano custode, Hispanoq; præsidio munienda videbatur, & Montisferrati conditionis imperium, quod esset ex Cæsariana lege beneficiarium, legitimo heredi adiudicandum. Id censebant Cæsarianorum partium studiosi, quum eius regionis opes magno momento ad sustinendos Gallos, eo bello futuras prospicerent, propter Padi amnis validorumq; aliquot oppidorum opportunitates. De hæreditate enim eius imperij grauis oborta erat controuersa, diuq; ea magna competitorum contentione iactabatur: constitutis namque à Cæsare iudicibus, & contestata lite, prolatisq; antiquissimorum iurium documentis, tres simul litem ferebant, Federicus ipse Gonzaga, Carolus Sabaudius, & Franciscus Salassus, diuerso ambitu, diuersaque spe ingressi litem, ius sibi reddivno tempore flagitabant: spes eorum alentibus iureconsultis: vtpote qui priuato quæstui, & factionibus facile deseruirent. Cæterum præclarum omnino ius erat Federico, in cuius matrimonio erat soror Bonifacii, qui ex lapsu currentis equi perisisset, non obscura hæres fraterni imperij, quum Sabaudij atque Salassii iura nimis obsoleta et incerta putarentur. Salassus ab recenti merito, quod deserto Gallo rege ad Cæsarem opportunissimo belli tempore se contulisset, non obscuram præmij spem præferbat. Sabaudius verò nulla sua culpa, sed causa Cæsaris, cui vel malo suo studendum iudicasset, magna parte principatus miserè expoliatus, resarciri sibi incommoda Montisferrati dominatus concessione, ex benignitate Cæsaris postulabat. Sed his in rebus Cæsar æquus disceptator, & iuris sui consultissimus, crecto tribunali, ita litem

diremit, vt secundum Federici iura meritaq; pronunciaret, et Aluarum Lunam, à quo Federicus in ditionem duceretur, eligeret. De arce autem Mediolanensi pari celeritate transactum est. Nam Maximilianus Stampa vetus custos, post Sfortiæ mortem se Cæsaris nomine in custodia permanfurum professus, nullam moram attulit, quin arce excederet, quanquam ex vetere suo maximeque fideli obsequio, & studio insigni in Cæsarianum nomen, relinqui posse in eadem præfectura sperauisset. Sed Cæsar Hispano potius viro quam Insubri, quanquam generoso spectataq; fide prædito, fidendum ratus, cæteris in rebus Stampæ postulatis tanquam studioso partium, Insubrumq; procerum splendidissimo, collata Soncini oppidi ditione, benignè atq; indulgentissimè satis fecit. His confectis rebus dimissisq; ab se totius prope Italiæ regulis, ipsoq; præcipue Alexandro Medice genero, & Federico Mantuano, qui Casalem Montisferrati caput ab Alvaro Luna deduceretur: nactus idoneam tempestatem in Hispaniam secundissimè nauigauit. Sub id tempus Gallorū duces per ea, quæ nuper occupassent, Subalpinae regionis oppida, diuisis copijs, præsidia confirmarant. Eranthi ferme omnes Itali, quod Gallos magna ex parte ad presidium terræ patriæ, quum Cæsar in Prouinciam irrumperet, Franciscus reuocarat. In his fuere præter Paulum Rentij Ceritis filium, & Annibalem Gonzagam cognomento Nouellarium, Guido Rangonus, Cæsar Fregosius, Caniniusq; Gonzaga, qui paulò antè nequicquam tentata Genuæ expugnatione, ad Subalpina Gallorū oppida se receperant, & quædam minora castella pulsis Cæsarianis occuparant. Excubabant autem in eam curam, vt proferrent fines, opportunèque aliquo ad gerendum bel. um oppido ex insidijs potirentur. Hoc idem ne facile accidere posset, sedulo præcauebat Vastius. Is paulo antè ex Transalpina prouincia regressus, Puerino in oppido Hispanorum, Italarumque cohortes recensuerat, animaduersisque ac exploratis Gallorum præsidijs atque consilijs, Cherium instar vrbis ingens oppidum, Taurino ad quintum lapidem propinquum, ex itinere aggredi, atque expugnare cogitarat. Sed ea re adactis tormentis vix dum cœpta, quod ibi Rodericus Ripalta castrorum magister, oppidi situm mœniumque naturam speculando, ictu minoris tormenti fuisset interfectus, & Annibal Nouellarius extructo insigni propugnaculo, cum delectis cohortibus oppidum tueretur, ad Astam in hiberna concesserat, Ioanne Barga in præsidio Villanouæ constituto, & reliquis item cohortibus per circumiecta castella distributis. Huic negotio præpositus erat Franciscus Marchio Salassus, qui à Francisco rege ex fluxa fide discedens, ad Cæsarem Galliam inuadentem se contulerat, præbueratque non obscura malignitate callidam operam, vt Fossanum oppidum ab inopia commeatus à Gallis præsidiaris Antonio Leuæ dederetur: sedulo enim dux illè apprimè astutus & vaser Salassum quibusdam offensionibus à regijs ducibus alienatum, multa pollicendo, à Regis amicitia clientelaq; ea condicione diuulserat, vt ei præfecturam Hispanici peditatus Cæsaris nomine promitteret, quam Daulæ domui à multis antè annis præclaro fidei atq; virtutis merito rex Ferdinandus concessisset. Ei quoq; Leua filiam nuptui se daturum pollicebatur: quibus emolumentis inuitatus sine pudore fidem mutare, regemq; deserere potuerit, sed iusta cum obtreptione Vastij, inuidiaq; multorū, id infamis consilij præmium appetisse apparebat, quanquam Hispani cohortiū præfecti, & centuriones nonnulli, malignis ingratissq; ingenijs cum probro Vastij ipsum Salassum tanquā

verum

verum opportunumq; ducem, ideoque efficacius atq; nobilius arma tractaturum, impudenti adulatione complecterentur, utpote qui sibi licere cuncta, & impunè rapere posse omnia ex indulgentia novi nec adhuc à Cæsare confirmati ducis sperarent, uti videre fuit, quum apud Caragium oppidū, devicto Turrisano Gallicarum partium tumultuario duce, trahenteq; secum ad bellum inconditam agrestium multitudinem, inusitatae crudelitatis cædes ederetur. Salassus namque Hispanos, ut in deditam & ad terram armā proijcientem miserrorum hostium multitudinem, atrocissima cæde grassarentur, immaniter fuerat cohortatus, eo eventu ut ingens hominum multitudo mortem suppliciter deprecantium crudelissimè fuerit trucidata, quod usquam antea vel ab effertis & Barbaris factum fuisse nemo meminerat. Qua crudeli indulgentia Salassus se bene auspicatum fuisse promissæ præfecturæ honorem, & conciliasse sibi hostili sanguine & præda Hispanos insolentissimè iactabat. Substiterat Albæ Pompeiæ Federicus Gonzaga, expectans ut ex sententia iussuque Cæsaris à Casalensibus in urbem reciperetur, & Montisferrati princeps populari acclamatione præclaro iure hæreditatis appellaretur. Sed Alvarus Luna ad tradendum de manu urbis imperium solenni cerimonia in urbem præmissus: ea in re nō alienas modò, sed planè rebelles civium voluntates reperiebat. Erant plerique principes Guelphi nominis, qui antiquissimi dominatus ditionem patriamque in potestatem Mantuani, novi ignotique sibi principis devenire iniquissimis animis ferebant, malebantque parere Gallis, opulentissimique regis imperio, qui Cisalpinæ Galliæ possèssione, eiectionis Cæsarianis, potiturus esse crederetur, quam perferre Cæsarianorum acerbitates, qui perpetuis æstivis atq; hybernis amica oppida miserabiliter vexare, ac evertere consuevissent. Vigebat etiam tum memoria apud Casalenses Guliermi principis, qui Gallicam alam ducere, & Regis gratia magno civium suorum commodo pollere erat solitus. Nam quisq; uti erat genere nobilis, & spiritu alacer in alam equestri stipendio scribebatur, sentiebantq; fermè omnes cives, ex ea militia & peculiari Regis benignitate non obscura emolumenta, quæ erant honestissima, his præsertim civibus, qui principis benevolentiam ex fide virtuteq; aut in aula foris, aut in aula domi meruissent: quarum rerum nihil sperarēt ex dominatu Mantuani, quod Cæsarianæ militiæ honores & præmia nequaquam ad Italos, verum ad Hispanos atq; Germanos & Belgas verterentur. His depravatos opinionibus Casalenses duo ante alios, ut ad Gallos deficerent, assidua cohortatione sollicitarat Guliermus Blandratus, professione iureconsultus, sed ingenio seditiosus & acer, planeq; militaris, & Christophorus Guascus, Guelphæ factionis princeps apud Alexandrinos, qui eius ardentioris studiū nomine extorris & exul factus Gallis militabat. Itaq; Casalensium quorundam civium opera accersuntur Galli, hisq; ad ingressum porta proditur, populo inexpectata re tanquam ignaro eius consilij vehementer commoto atq; exterrito: sed mox subticente, & nihil sese ad arma commovente, quod publico nobilitatis consilio id facinus patratum fuisse crederet. Burria Gallorum præfectus primus omnium urbem intravit, promptissimos Vasconum peditum, in equitum tergis confessores, festinandi causa secum adducens, edicensq; ut alij atq; alij pedites & equites ex Varulengi oppidi præsidio deducti se præeuntem consequerentur. Eo modo ad condictam à proditoribus horam quietissimè in urbē receptus, circumvallare arcē parat, ne quis inde in aream erumpere

re possit. In eam namque Mantuani ipsius legati cum Alvaro Luna confugerant. Nec mora, Gallis impigrè operā navantibus, Burria, Blandratus, & Guasclus arcis egressum circumvallant atque præsepunt, fossa quæ subitarij operis satis lata profunda quæ perducitur, lunatus quæ erigitur agger, in quo adversus erumpere tentantes præsidium imponitur. Cæterum occupatis in opere Gallis, eius rei gestæ nuncius ad Vastium illico defertur. Is tum exercebatur apud Aftam in ludo parvæ pilæ. Hac re audita nihil ipso ore perturbatur, sed erecto animo expeditum capit consilium ferendæ opis, id quæ miro silentio contegit, ac signum tuba dari iubet, ut milites illico arma capiant, & se proficiscentem summa festinatione subsequantur. Parent edicto milites, & per lutulentam itinera summa alacritate viam capeunt, rati se properè perducere ad occupandum aliquod hostile oppidum, unde opima præda peteretur. Sed non prius consilium aperuit Vastius, quàm ad Alferium vicum est perventum. Tum verò advocatis præfectis, quàm stultè atque arroganter Casalenses ad Gallos descenderint, patet facit: eorum perfidiam extemplo vindicandam edocet, spemque omnem ulciscendi hostis in celeritate positam ostendit: hortatur singulos, ut vel difficilissimi itineris laborem impigrè sustineant, ut paratæ victoriæ fructum contemendo atque accelerando secum percipere velint. Itaque tota ea nocte, vel præalto impeditum cæno iter nusquàm fuit intermissum, indignantibus Hispanis, quod Casalenses usque adeo fœdum facinus admisissent, ob idque adeo accensius spe prædæ animis celerrimè pervadunt. Orto iam sole perventum est ad arcem: continuo quæ Vastius ab Alvaro Luna, Ioanne quæ Pescherio arcis custode perdiscit, quas munitiones Galli contra arcem crexerint, quo animo sine Casalenses, quibus viribus nitatur Burria Gallus. Speculanti autem muri altitudinem Vastio, eius equus, è quo dudum descenderat, ex transversa hostium munitione tormenti pila interficitur. Sed nihil eum id inane ostentum terret, postulat quæ sibi extrorsus ab arce dimitti scalas, quibus murum ab arce ad Padum pertinentem aggrediatur: Nam milites per arcem receptos (quominus expeditè atque audacter ad invadendam hostium munitionem progredierentur) pons arcis ligneus, prolatus fortè gravioris tormèti pondere effractus assertibus interruptus, importunè retardabat, & dispositi post aggerem hostium sclopetarij in ipsos erumpere audentes subitam glandium procellam se effusuros intentis ignium funiculis ostendebant. His igitur scalis arreptis & apposis, non dubitavèrunt milites, quin audacter conscenderent, & sese in urbem deicerent, quod vetus agger mœnibus appositus, ex veteri consuetudine introrsus esset acclivis. Verum Galli è munitione, ab altisque privatis ædibus sclopetis rem gerentes, multos eminus vulnerabant, atque sternebant. Quare animadvertens Vastius exteriorem fossam scalis coniungi, superiectisque assertibus contegi atque erigi in muri coronam præcipit, ut conferta acie milites tanquam per acclivem pontem conscenso muro in urbem intrarent, auctoque eorum numero, qui iam transcenderant omnium animos confirmarent, & in arcem conglobata acie deferrentur. Non desuèrunt sibi Galli quin acerrimè prælium committeret, sic ut aliquandiu cruentissimè dimicaretur. Nam ut ad manum quoque ventum est, dubia victoria videbatur. In eo enim congressu Hieronymus Mendocius, Rhodiæ militiæ adscriptus, & in Peloponneso virtute clarus, qui erat Hispanorum princeps, glande traiectus cadit. Petrus Giaena mortifero sclopetti ictu sauciatur, occiditurque immoderate fortitudinis adolescens, Vgone Mon-

ne Moncata genitus, quem navali prælio iuxta Salernum ab Aurianis victum, interfectumque fuisse docuimus. Exarsere ira Cæsariani, prodeunteque & cohortante Vastio, in hostes impetum redintegrant. Nec Galli impressionem ferre possunt, statimque profligantur, diffugiuntque per privatas domos, quas perforatis parietibus inter se ad permeandum coniunxerant. Sed passim expugnatis domibus hostes ferme omnes aut trucidantur, aut se victoribus dedunt. Capitur ipse Burria: Blandratus feliciter effugit. Gualcus dum tentaret Vadum in Pado, quum nullam veniam speraret, si in Vastij potestatem venisset, se temere commisisse amni, & perisse creditus est, quod nusquam postea comparuisset. Casalenses vel Guelphi Gibellinique nominis ad unum omnes admissi facinoris in vestigio poenas dederunt, quum capti a milite pecunia se redimere cogerentur. Vastius templorum decus, mulierumque pudicitiam cordi habuit: multos servavit: accitusque Federicus liberalitatem suam in multos suarum partium cives exercuit, in luctuosaque victoria, quæ voluptate peculiari minimè careret publico consensu receptus est. Nec multo post Vastius præmisso Burria, qui in arce Mediolani custodiretur, Mediolanum contendit, eo animo ut Iacobum Medicem, fratremque eius Baptistam comprehenderet, quod ab inimicis iniqua delatione consensisse cum Gallo hoste dicerentur. Erant enim Medicei propter antea acti belli memoriam avarissime & crudelissime Larso in lacu gesti, magnæ apud Mediolanenses quosdam principes expositi invidiæ, sed qui a Francisco Sfortia earum rerum veniam essent promeriti. Quum ambos Vastius post epulas cœpisset, his suspicionibus ita sese Iacobus explicuit, ut pro vetere sua clementia Vastius eos nequaquam capite puniendos existimaret, ne alienæ libidini, malignitati que servivisse diceretur, reiecto que ad Cæsarem iudicio, eos demum recipit in gratiam, atque eis ablatum a quæstoribus argentum restitui iussit. Quum Vastius Mediolani veterum Saturnalium more natalitia Dei Christi festa celebraret, apud Florentiæ inusitata perfidiæ, summæque immanitatis facinus postridie nonas Ianuarias admissum est à Laurentio Medice in Alexandri principis atrocissimam cædem. Cuius execrabilis facti causam & modum quam brevissime potero explicare pro instituto operis, operæpretium esse putaverim. Alexander ubi nuptijs cum Margarita Cæsaris filia Neapoli confectis, Florentiam est reversus, opportunis civilium actionum decretis, institutisque præsidij dominatus opes confirmavit, & maximè compositi & diligentis futuri principis specimen dabat, ignoscendo veteribus inimicis, studiososque Medicei nominis & propinquos beneficijs sublevando, & quod erat gratiæ popularis, rectissima ratione inter cives ius dicendo, quum infirmorum etiam civium preces & querimonias benignè ad aures admittere nunquā pigeret. Sextum & vigesimum nato annum corpus obvenerat mediocris certè staturæ, sed valida atque habili nervorum compage firmissimum, militiæ laboribus utique par, atque omni ingenuæ exercitationi quum expediret, aptissimum. Sed eius animus levitate juvenili in Venerem usque adeo procax erat & præceps, ut ei novæ nuptiæ fordesceret thorax, ac dignitatis suæ & valetudinis, & denique salutis curam abiecisset crederetur, quum Laurentij patris exemplo, novis semper stupris ac adulterijs obnixè gauderet. Ea de causa noctu per urbem cum armatis sæpe ita vagabatur, ut nonnunquā contracto cum obvijs cruento certamine summum vite discrimen adiret. In eius intumam familiaritatē sensim sese miro astu insi-

nuarat Laurentius Medices, effictis moribus, & his in adulationem et destina-
tum dolum callidissime compositis, quibus infatuatum atque deceptum prin-
cipem opprimeret. Erat is Mediceorum omnium Alexandro sanguine maxi-
me propinquus, ætate ferme æqualis, ipsisque paternæ domus cubiculis adeo
coniunctus, ut secretiore ostio ad commeandum committerentur, communi-
catis scilicet seræ clavibus, quibus quum utrique luberet, sine arbitro conveni-
endi facultas daretur. Nam unde facile capi princeps poterat, amatoriarum cus-
piditatum, quibus ille insatiabilis & vagus semper arderet, unus ipse Lauren-
tius & conscius & arbiter erat effectus. Eruditi siquidem & arguti ingenij ille,
cebris ad omne lenocinium erat paratus, & efficax, adeo ut non absurdos ver-
sus, qui essent instrumenta libidinis, pangere, nec inamœnas Etruscæ fabulæ
comœdias factitare, & in scenam edere soleret: simulabat enim se unicam ex
his studijs delectationem petere: propterea abdicare penitus arma à latere, que
cæteri ex aula gestarent, cruorem reformidare, & prorsus se imbellem esse, atque
ocij avidum ostendere. Ad hæc pallente vultu & fronte contracta deambula-
bat solus cum paucis parcissime sermones serens, vasta & silentia urbis loca fre-
quentans, & non obscuras ebullientis atræ bilis notas ita præferens, ut nonnul-
li eum irridere tacite inciperent: alij acutiores eum aliquod insolens & trucu-
lentum facinus coquere, prorsusque meditari suspicarentur. Nam quibusdant
in aula & suspectus & invisus esse cœpeart, quod Neapoli cum Strozis exu-
libus consilia de interficiendo principe miscuisset. Sæpe enim apud exules ma-
ledicentissimo ore in Alexandrum fuerat inVectus, quum ille incerta adhuc
Cæsaris soceri gratia suspensus, spurcissimis inimicorum libellis & delationi-
bus oppugnaretur, dixeratque se maturè viam inventurum, qua communis
patriæ tyrannus ex tuto tolleretur. Cæterum geminata veluti perfidia, quid e-
xules cogitarent, quidve molirentur, ad Alexandrum illico deferrebat: prolatis
que nonnullis literis & syngraphis, præclaram studio, officioque suo synceræ
sedulitatis fidem adstruebat. Id quum rescisset ex suis speculatoribus Petrus
Strozza, versipelle Laurentij ingenium, tanquam duplici ancipitique perfidi-
a infame generosè atque indignanter detestatus, Pandolpho Puccio veteri
suo sodali fortè obvio, quin de ea re præceps colloqueretur linguam moderari
non potuit, apertè dicens: Ecquam ineptus est & sui ignarus, Pandulphè, hic
vester Alexander, qui Laurentio Medice summæ perfidiæ adulate tantope-
rè delectatur, quando is quotidie nobis se illum omnino interfecturum iactan-
ter repromittat. Non defuit officio suo Puccius, uti erat ex amicorū cœtu præ-
cipuus, sermonemque Strozze totum principi detulit. Nec multo post Ale-
xander Laurentium in cubiculum vocat, quid audierit enodat. Ad eam illè abso-
luta simulationis proditor, composito vultu subridens, ita respondit, ut cun-
cta ea quæ Strozza dixisset, vera esse fateretur, verum non inepto artificio iam
pridem ab se instituta. Quonam (inquit) princeps, tutiore aptioreque modo
mihi erunt exacti speculatoris partes implendæ, nisi ut me tibi ex arcano ini-
micissimum esse prædicem? scilicet ut hac subtili simulatione secreta omnia e
præcordijs inimicorum eruantur, & salutis dignitatiq; tuæ egregiè prospiciam,
vel hac mea diligentia, quanquam ea meo nomini periculosa & turpis appa-
reat. His verbis, uti credi par est, antea meditatæ, suspicionem omnem facile a-
vertit, apud principem iam planè fato suo obstrictum, & nihil de homine cun-
ctis amicitia, gratiaque iuribus, & peramplis beneficijs coniunctissimo suspi-
cantem.

tantem. Cæterum ut certius atque lethalius falleret, his tantis delationum arti-
 ficijs, etiam fraudulenta omnis lenocinijs obsequia solerter addebat: nonnun-
 quam principem ab effræni licentia intemperantem, ad sacratas virgines per-
 ducens, quarum ipse nefarijs amoribus usq; adeo perditè delectari consueffet,
 ut nequaquam magni Dei ultoris numen timeret, quòd eius sacrilegij reos ne-
 quaquam serò uti impios teterrimo vitæ exitu, vel hoc præclaro amborum e-
 xemplo damnare conspiciamus. Itaque Laurentio supra sesquianum in hac diri-
 sceleris cogitatione versato, nec alienæ fidei quicquā temerè committenti, for-
 tuna infesta principi, per sequestram venerem patrando facinori exoptatæ se-
 10 curitatis occasionem præbuit: saluti namque quum ante omnia cavendum ar-
 bitraretur, ut post editam tyranni cædē (sicuti aiebat) liberatæ ab se patriæ gau-
 dio gloriæq; suæ salvus interesset, multa hætenus tanquam parum tuta expē-
 diendæ fugæ loca & tempora repudiarat. Fortè tum erat in ipsa principis vici-
 nia matrona pernobilis, venustæq; formæ, sed certissimæ atq; inexpugnabilis
 pudicitia. Hanc quòd mirè placeret principi, ad tendendas insidias idoneam
 ratus, conciliando eius amoris operam suam atque ingenium amanti obtulit,
 eoque propensius, quòd ea sibi esset arcta propinquitate coniuncta, atque ideo
 maximè familiaris. Itaque ea nocte, quæ Ianuarias Nonas antecessit, postquam
 cœnatum est Laurentius cōposito dolo in aurem Alexandri insusurrans, per-
 20 fidioseque mentitus, dicit in adamata muliere vel ingenuè casta, & diu relu-
 ctante, expugnatum esse pudorem persuasionibus atque promissis, eademque
 nocte eam in complexū eius deventuram: ea tamen cōditione, ut totum id re-
 ligioso silentio cōtegat, & quæ eius nomine ex sua fide præmia pepigerit, libe-
 raliter præstet. Simulabat siquidē à muliere mutua pecuniæ subsidia peti, quæ
 ipsius viro, uti iam princeps norat, nō obscurè decoquenti suppeditarētur, con-
 firmandis scilicet eius Fortunis & mercaturæ rationibus, quæ vehementer ef-
 fent conturbatæ. His postulatis tanquam honestissimis facile annuit Alexan-
 xander, matura spe exoptatæ libidinis incensus, statimque cœnaculo exiens in
 domum attiguam ipsius Laurentij (uti sæpe alias) deducitur, ablegareque ab
 30 se cubicularios duos, qui aderant, iubetur: ne illi quicquam ex re composita in-
 stantique subodorari possent. Sistitur ergo incautus princeps in cubiculo, ip-
 soq; etiam proditoris lecto, ut ibi tantisper conquiescat & expectet, donec in-
 tempesta nox adsit, & silentia adducat, per quæ utrique, uti expediat, tutissi-
 mus trāsitus paretur. Breve siquidē spacium angustæ viæ inter principis postu-
 cum & matronæ fores intererat. Parato expectare, extentoq; in thorū principi
 suadet, ut gladium discingat, quo mollius cubet. Id quum ille fecisset, Lauren-
 tius gladij capulum vaginæ baltheolo dissimulanter, ut sæpe fit, ita convolvit,
 ut si eum præsidij causa repeteret princeps non facile vagina educi posset: hor-
 tatur demum ut obdormiscat, donec ipse rebus compositis & instructis rever-
 40 tatur. Discedens Laurentius reliquit lumen, circumductoque ad lectum co-
 nopeo, cubiculi fores post se trahit, quæ ultronea sera claudebantur. Tum ve-
 rò cōpositis è sententia insidijs Laurentius iuvenē, Scoruncunculum nomine,
 sibi à pedibus famulantem, cui ipse homicidij reo vitam à principe impetrarat,
 ad se vocat, hortaturque ut sibi fortem operam, sicuti antea promississet, presta-
 revelit, in confodiendo insigni quodam homine nomini suo inimicissimo: a-
 nimis tantum opus esse, neque eius aspectu debere permoveri, quòd res extra
 periculum transigi possit. Ille alacriter respondet, se non recusaturum, quin ut

aliquam accepti beneficii gratiam persolvat, quantumlibet insignem virum si iubeat ipsum, denique principem obtruncet. Ad hæc Laurentius egregie divinasti, inquit, mi frater, ipse est, inclusumque eum hoc cubiculo, dormitantemque tenemus. Nec mora ad apertis tacite foribus cubiculum ingrediuntur, ascito etiam comite vili agasone familiari, cui tanquam elumbi atque tardipedi à contrario sensu Freccie cognomen erat, quæ vox Italicè sagittam exprimit. Laurentius expedito breviori gladio stertenti costas transadigit. Ille exterritus tanto vulnere, in aduersam lecti spondam se deiecit, repensque manibus & genibus subter lectum emergit. Ei sese erigenti Freccia malam discindit: alij arreptum scabellum presenti animo pro scuto opponentem circumstant, atque ictus ingeminant. Ille rabidæ feræ per similes Laurentium inuadens, proditoremque adeo alta voce vocans, ut tota domo (sicuti ex mulierum testimonio constat) ex audiretur, leuæ manus pollicem dentibus apprehendit atque perfregit: quo dolore correptus, opem sibi à Scorticunculo afferri postulavit, ab eoque iugulatus princeps multum euomens cruorem prosternitur: confossusque demum alijs vulneribus lecto impositus est, nec quisquam ad tantæ rei strepitum familiaria accurrit, quod Laurentius multum antea ad fallendos familiares cum sodalibus eo in cubiculo multa cum vociferatione scabellis & scutis, hastisque colluctari, ad imaginemque iocosæ exercitationis perstreperare consueisset, ut in eam diem dolum pararet. Interfecto per hunc modum principe, quum percussori detegenda cædes, idque facinus desecto atque exposito interempti capite omnino propagandum, & vocandus ad libertatem populus foret: stetit ei aliquandiu attonita, & valde suspensa mens ex cogitatione patrati sceleris, usque adeo ut oblitus suæ gloriæ, quam unam à tanta perfidiæ labe se petisse postea iactabat, in ipsam salutis suæ curam totus incumberet. Propterea ad Angelum Martium illico contendit, qui principis occupati, aut absentis vices implere erat solitus: ab hoc facile impetrat equos publicos, & aperiendæ urbis portæ tesseram: simulans fratrem in Cafagiolia villa mortiferis ventris torminibus torqueri, quem condendi testamenti causa omnino ea nocte invisere percuperet. Indulset petenti Martius, quod iniussu principis nemini præterquam ei singulari gratia pollenti erat concedendum: atque ita ille acceptis & incitatis equis, sicarios suos educens Bononiam, atque inde Venetias pervolavit, ut optatissimum Philippo Strozze nuncium afferret. Constat eum in discessu T. Zephio, qui domesticis rationibus præerat, funesti cubiculi clavem dedisse, iussisseque ut ante diluculum ingrederetur, & quid reperisset certis civibus nunciaret, quibus Medicei dominatus felicitas gravis & invisa videretur. Implevit iussa Zephio, sed nemo ex his hîscere, aut se omnino commovere ausus est, quod neque Zephio, neque ipsi Laurentio tanquam ab ambigua fide suspecto satis crederent, seu id esset effectum experiundis civium animis, ut qui preproperi forent nimia credulitate in noxæ capitalis crimen precipites darentur. At sole iam exorto duo cubicularij, quos ab se Alexandrum, quum proditoris domum intraret, ablegasse diximus, quum tota nocte eum frustra perquisissent, trepidi id totum deferunt Innocentio Cardinali, qui uti erat propinquitate atque amicitia coniunctissimus, honestiore in parte ædium habitabat. Is quid acciderit principi, perturbata mente divinat, accersiturque statim in consilium Franciscus Campana, epistolarum magister, amboque nihil dubitant, quin incautus princeps à Laurentio in ipsius cubiculo sit interfectus, compressoque

foque dolore ereptum proculdubio principem internis tantum lachrymis lugendum, nec usquam quærendum censent, postquam renunciatum est Laurentium mutatis ad celeritatem iumentis per Apœninū iter extendisse. Egregiè autem compositis vultibus simulant, edicuntque civibus de more in aulam ad salutandum principem venientibus, illum obdormiscere, quod tota nocte ludibundus cum sôdalibus vigilasset, foreque ut quum pransus esset, perionatus prodiret, in eiusque rei simulationem multa vestis luper calibus & theatralibus apta ludis circumferretur. Cæterum per tabellarios eximie pernicitatis Alexandro Vitellio, Rodulphoque Baleoni perscribunt, ut magnæ periculo-
10 saque rei causa, quantas maximè possent copias ex Aretinis & Cortonenlibus agris celerrimè cogant, Florentiamque perducant. Idem ut faciant præcipitur præfectis cohortium descriptarum in Mugellano agro, cuius tractus incolæ fortissimi deditissimi que Mediceo nomini existimantur. Nec prius principis corpus quæsitum conspectumque est, quam primis tenebris, ne id in plebe adhuc ignara veræ cædis tumultum excitaret. Itaque pauci familiares ita iubente Cardinale tapeti involutum in Laurentianam ædem clam detulerunt. Erat tum in Trebia villa Cosmus Medicès, decimum octavum ætatis agens annum, ad quem nihil tale expectantem secundissimo cursu Etrusci imperij Fortuna ferebatur, ipso Ioanne Medice duce fortissimo ex Maria Salviata genitus, quē
10 Germanis ad invadendam vastandamque urbem Romam ingruentibus, servituræ mox Italiæ fato potius quàm suo, ad Mincium tormenti ictu cecidisse docuimus. Is quum patritiæ iuventutis sôdalibus venationem edidisset, ex frequenti & repentino incolarum concursu cohortes tanquam urbani tumultus causa Florentiam accersi videt, Laurentiumque Medicem in singulis militaris viæ mansionibus equos mutavisse, & rectâ per Apœninū extendisse iter comperit, nec inani coniectura statim adducitur, ut principem à Laurentio interfectum, aut omnino vulneratum esse non dubitet, eoque firmius quod duos principis familiares post aliquot horas eadem festinatione prætervectum persecutos esse didicerat. Sed admiratur cur sibi à matre diligentissima fœmina
10 nihil sit enunciatum. Id verò accidebat, quod nemini ad exitum portæ urbis paterent. Nec multo post ingruente iam nocte, supervenit vir agrestis certissimum interfecti principis nuncium afferens: cuius cædis editæ certior factus, accurata vultus simulatione cum dolore ex acerbissimo principis casu, tum læticiam ex Laurentij parricidio statim cômiscet, & silentio contegit. Nam sic ut illum ex animo amabat, colebatque, ita hunc maximè oderat, tanquam insidiosæ malignitatis adversariū: nam ei litem intenderat Laurentius de paterna atque avita hæreditate valde gravem, ob idque explicatu difficilissimam, quod in ea protrahenda supinus princeps Laurentio non obscure favere putaretur. Tum verò ea re paucis communicata Cosmus sibi ad urbem eundum censet, cohortantibus quibusdam patris militibus veteranis, qui cohortes ad iter paratas adducebant, & se custodiæ causa eunti comites offerebant. Sed eis gratias eius oblati officij agens, & nocturnum iter multis de causis vitandum existimans, id armatorum præsidium repudiat, proficisci que eos, nec quicquam de festinatione remittere iubet, dicens se prima luce subsequiturū. Nolebat enim videri, quum ad urbem applicaret, armata præsidia quæsiuisse. Postero igitur die quū intrasset, modicum trahens comitatū, passimque ab obvjs miro studio salutaretur, perrexit ad principis ædes, ascenditque petasatus & penulatus ad Cardin-

lem: professus ideo se venisse ut communibus lachrymis ereptum principem lugeret, & quā posset patriæ principe defensoreque orbatae fidelem operam præstaret. Complectente eum Cardinale, & ut bene speraret, seduloque conceptam spem dissimularet admonente, ad matrem se contulit, frequenti populo, omniq; turba prætorianorum, qui armati vestibulum domus tuebantur, ita avidis oculis, propensisque animis introeuntem inspectante, ut læto exortomurmure advenisse eum iuvenem summæ spei integriq; pudoris, magnanimi patris spiritum gerentem prædicarent, qui principatum exciperet, & id totum parricidij scelus egregiè vindicaret. Nec mora pleriq; ex paternis amicis benevolisque civibus eum adeuntes arctè complectuntur, suadentque ut sese erigat, & de principatu adipiscendo bonā spem induere velit. Ipsos enim cum amicis & propinquis primorum civitatis ordinum enixè curaturos, ut præclara atque certissima senatus suffragatione sublevetur. At ille uti rei gravissimæ momentum postulabat, a summis viris edoctus, molliter respondit, seq; miravultus tranquillitatis alienum à cogitatione dominatus ostendit, ut qui mediocritate Fortunæ suæ contentus foret, modo urbanis rebus non incerta securitas paretur, & sibi cives honestum inter patricios in republica locum relinquunt, usque adeo demisso animo sermoneque reiectis amicorum adhortationibus, ut nonnulli indignantes subiratiq; in eo tanquam nimis humilem, algentisq; spiritus habitum reprehendere auderent, addentes, eum nequaquam Ioanne magnanimo patre genitum videri, qui ad magna imperia, ingentemq; semper gloriam aspirare, generosoq; ausu decora quæq; appetere, & maxime ardua fortiter complecti, virtute duce, consueffet. Quibus de causis fiebat, ut adolescens ingenui pudoris plenus, verecundia vehementer angeretur, quod amicorum faventium studia ineptè & periculosè parvisacere crederetur, parumq; virili animo tantæ spei occasionem elabi sineret. Sed expediebat hos rumores astuta aure transmittere, commodeq; sapere in præsens, quando spes omnis posita esset in dissimulatione, qua capi facile conciliariq; præsidēs apparebat, quorum mentibus hæreret illa ipsa non obscure grata omnibus imago deploratæ libertatis. Erant hi quadraginta octo viri, apud quos numeratis suffragiis componendi civitatis status, declarandiq; principis summa erat potestas. Horum ferè omnium una mens erat, abolere principis nomen, veteremque excitare libertatem, quæ tantis belli incommodis sepe erepta, & virili consilio semper recuperata nunquam bonis & strenuis civibus defuisset. Sed primores civitatis infaustum popularis status nomen horrebant, ad quem sublato unius dominatu continuo recidendum esse providebant, recenti maxime exemplo, quum eiecta Medicea familia, populares, plebeiq; homines impudenter Remp. invasissent, quibus insolentissimè atq; acerbissimè dominantibus, irrita prostrataq; nobilitas fuisset, & civitas importuna imperitorum civium obstinatione in ultimū terribilis excidij, & veræ demum servitutis discrimen perducta conspiceretur. Itaq; singuli ferè primates, qui solertis ingenij atque inveterata prudentiæ autoritate valebant, quanquam avidissimi essent repetendæ libertatis, & patriæ amantissimi: media tamen consilia in eo negotio salutaria fore iudicabant, ne iterum invictissimi Cæsaris præpotentia arma provocarent. Placebat enim moderatæ potentiæ princeps, qui patriæ legibus obtemperaret, ipsorumque optimatum perenni consilio uteretur, scilicet ut plebs curiæ muneribus exclusa ad opificia sua rediret, assuesceretque parere

parere melioribus, & patritio ordini, quem tantis affecisset contumelijs, meritas improbæ temeritatis pœnas penderet. Plebi & mediæ classis hominibus maxime erant infensi Franciscus Guicciardinus, Matthæus Strozza, Franciscusque Victorius, & Robertus Acciaiolus, iam pridem gravissimarum rerum consilijs assueti, qui moderatæ potentiae dominatum ferre, in quo ipsi se gratia auctoritateque insignes fore minimè dubitarent, quàm ab ingratis-
 10 mis & sordidissimis civibus iniuriam pati malebant. Ab his quum honestissimus quisque in sententiam traheretur, quadraginta octo viri per apparitores ad consilium vocati sunt. Habitus est is senatus ex dignitate Cardinalis, supe-
 20 riore in cœnaculo Mediceæ domus. Valida autem armatorum præsidia, & in compito exteriori, & intus in cavedio ad scalas, singulasque ostiorum valvas, ab Alexandro Vitellio disponebantur, qui dudum singulari usus celeritate cum cohortibus advenerat, & Cosmo studiosissime favebat. Quum senatus cogeretur, & Cosmus è penetribus suis ad Cardinalem fautoresque suos redire statueret, mater eum retentare atque obtestari cœpit, ne ea cupere aggredi-
 30 que properaret, quæ ipsum in valde periculosam salutis & dignitatis aleam perducerent, propter malignas & occultas multorum voluntates, & insitum natura Florentinis omnibus arripiendæ libertatis studium, cui, uti paulo ante exper-
 40 ti essent, nisi cruentis armis resisti non posset. Ad ea adolescens non dubiè ar-
 50 ridentis Fortung suæ conscius: Desine me, inquit, pia mater tam sollicitè adhortari: nam eò mihi omnino eundum est, quò Fortuna vocat, quæ hanc ipsam pa-
 60 randi summi decoris occasionem tam honestam, quàm necessariam nomini nostro benignè demonstrat: nec eam utique si negligatur, uti reor, ad nos pos-
 70 stea redituram. Neque enim fas est deesse nobis ab ignobili metu, quum Dñs nequaquàm invitis ad oblatum decus rapimur, ut fidem fati virtute sequamur. Meminerat siquidem à Basilio mathematico, Græcoque item ariolo, ex inspe-
 80 ctione volæ manus, ingentis opulentiae hæreditatem sibi portendi, quòd in ipso genituræ horoscopo idem Capricorni felix astrum mirabili cōspirantium
 90 syderum aspectu irradiatum esse dicerent: sicuti olim evenerit Augusto, & ho-
 100 die Carolo Quinto imperatori, qui propter inventum subactumque ad occi-
 110 dentalem plagam novum terrarum orbem, ipsa prope immensa imperij am-
 120 plitudine Augusto æquiparandus videri possit. Cum hoc animi decreto ad Cardinalem pertendens Cosmus, senatores qui iam confederant, neque seve-
 130 ra, neque demissa fronte salutavit, ne conceptam spem intuentibus proderet. Cæterum amicissimi, quos diximus, pro eo ita pensabant, ut magna pars se-
 140 natus, nequaquam de eligendo principe, sed de ordinanda Republica, se pro-
 150 lixè consultaturam crederet, utpote quæ vexilliferatum, tanquam imaginem
 160 temporarij principis erigendum arbitraretur, quo aliquis ex ipso ordine or-
 170 nandus atque attollendus foret, qui publici imperij dignitatem solita honora-
 180 bilis personæ maiestate tueretur. Tum verò Cardinalis, Cosmo in subdiale
 190 pavementum ad deambulationem se recipere iussit, ne uti compositum fuerat,
 200 sententijs senatus interesset, exorsus ab immanitate parricidij periculoque ci-
 210 vitatis, patres (inquit) quod est Deorum immortalium munus, uno avulso
 220 non deficit alter aureus, qui affectæ orbatæque Reipublicæ subveniat, Cos-
 230 mum præclare indicans, qui certè nobilitatis, temperatiq; ingenij atq; incor-
 240 ruptæ probitatis adolescens, tanquam Alexandro maxime propinquus, ex
 250 Cæsaris tabulis in administranda Republica successor esset designatus: ipsos

ergo probè recteq; facturos, si eam Cæsaris legem observarent, à qua discedere nefas sit. Neque ex usu commodoque civitatis videri possit, si violata fide, quibusdam aliò flectendas esse voluntates appareat, ut novus rerum status inducatur. Iura siquidem Florentini imperij ex ipsorum voluntate, autoritateque Cæsaris, addicta familiæ Medicæ, & solennibus codicillis cōfirmata, nisi stultissima prævaricatione, à quoquam extra perniciem violari non posse. Quandoquidem eius improbè initi susceptiq; consilij authores necesse sit in ipso malefici vestigio pœnitere, tam propinquis scilicet atq; expeditis Cæsarianorum copijs, quæ omnem infidelitatis suspicionem celerrimè ulcisci queant. Porro Cosmum tanto cive genitum, qui nuper intermortuum militiæ decus apud Etruscos ad æternam laudem excitavit, tantisque nobilitatis eximie ex Salviata matre propinquitatibus septum, non alio quàm ipsorum usurum consilio, daturumq; operam, ut ipse rerum rudis & imperitus publico consensu obloquentissimi & moderatissimi principis famam consequatur. Serebant inter se tacitos sermones patritij, perplexique animis consideratius atque languidius deliberabant. Nam Canisianus, ineptus & futilis senator de subrogando Alexandri filio ex concubina vix trimo, ad quem Cardinalis paulo antè respicere videbatur, mentionem intulerat: & Pallas Oricellarius se neq; principem, neq; ducem in Rep. velle professus, non recusare dixerat, quin pro alba suffragij faba capitis pœna plecteretur. Sed hunc Franciscus Victorius modestiæ admodum, ut federet iussit, suoq; suffragio, quod inter tot senatores tantum modum foret pro insana libidine, uti luberet, uteretur. Illum vero vehementer increpavit, quod spurius infans contra ius tabularum Cæsaris, patriæq; bonum & æquum adulatione vanissima Cosmo iam planè viro natuq; legitimo & maturo virtute cōspicuo præferendus videretur. Guicciardinus quoq;, cuius tum summa erat autoritas, quod popularis factionis statum in patritios grassari solitum vehementer abhorreret, & de libertate, quæ optimatum cōsensu regi atq; defendi posset, desperare videretur, Cosmo non obscure favens, præclara voce differebat, se non passurum, ut Sciumpi iterum regnarēt. Sciumpos enim vetere Etrusco vocabulo ad cōtumeliam appellabāt ex populi fece proletarios & despicatos homines, quorum audacia fretus Michael Landus avorum memoria, elanificij taberna profiliens, urbis dominatum eiectis miserabili cum iniuria patritijs invasisset: identidem dicens ad salutem civitatis expedire, ut aliquod in Rep. caput emereret. Atq; ita nonnullis è primo ordine civibus in sententiam traductis, in proximum cubiculum secessit cum Roberto Acciaiuolo, Franciscoq; Victorio, & Matthæo Nicolino iuriconsulto, qui in unam ferè sententiam conspirabant, opinioneq; prudentiæ, & civili autoritate multos vel dissentire paratos, aut certè perplexos in sententiam perducturi, uti evenit, credebantur. Secedendi autem causa fuit, ut unà constituendi principatus conditiones perscriberēt. Volebat enim Guicciardinus inter eos facile princeps certis legibus astringi potentiam dominatus, atq; abolere odiosum in libera civitate ducis nomen, toties in Medicea familia repetitum, non obscuro quidem patriæ studio, quod non inepta ratione dissimulabat, utpote qui præclare diceret, ducis nomen nequaquàm gratum Cæsaris auribus futurum: qui antea non temerè Alexandrum ipsum, vel etiam generum in literis, quas ad eum perscribere esset solitus, nunquàm Florentiæ ducem appellavisset, vel ob id præsertim quod recepta civitate, constitutaq; Rep. neq; Clemens Pontifex, neq; civitas id tituli decus

tus ab se, qui tum rogandus fuerat, et maiora benignè concesserat, nequaquam
 petivisset: nam uti cautus & prudens iurèconsultus minimè tum de ducis no-
 mine controversiam importuna mentione commovendam esse existimabat,
 nec creandi ducis iura, quæ ad liberam civitatem omnino pertinerent, imperia
 re ad Cæsarem inepto præiudicio transferrentur, quandoquidem non crean-
 di, sed confirmandi tantum, quæ ipsi sua civili antiquissima lege sancirent atq;
 decernerent, facultas esset apud Cæsarem. Conditions erant hoc modo per-
 scriptæ: Cosmus quod bonum faustumq; esset, Reip. præficeretur, nec dux, sed
 caput modestiorè nuncupatione vocaretur. Neminem nisi civem, quum ipse
 abesset, in civitate vicarium relinqueret, quod elata nobilitatis ingenia superio-
 ribus temporibus, & Gori Pistoriensis, & Passerini Cortonensis, & demum
 Statij Romani iussa fastidissent: & quod Etruscæ frugalitatis fuit, duodecim
 milium aureorum nummum summa in annui domestici apparatus sumptum
 contentus foret, quod æquo graviores impensam fecisset Alexander, qui de-
 cem & octo milia quotannis in convivio absumere consuevit. Quum hæc per-
 scriberentur, deferrenturque ad singulos senatores, ac his omnibus prolixè ana-
 nueret Cosmus, & in senatu diversæ sententiæ aliquanto lentius dicerentur,
 quæ faventium Cosmo studia postularent, exortus est in compito ex ignobili
 rixa, ingens apud milites armorum strepitus, quo exaudito pleriq; senatorum
 timore concuti atq; pallescere cœperunt, nec temerè quidem, quod à Vitellio,
 ex vetere odio paternæ necis civitati inimicissimo incitari milites ad prædam &
 cædem facile suspicari possent. Ad fores quoque eius cœnaculi audita vox est
 cuiusdam admonentis, ut quod vellent senatores decernere illico maturarent:
 quando Vitelliani, vel ipso ducis imperio diu reprimi non posse viderentur,
 quin captis iam armis ad obviorum prædam & cædem discurrerent. Eares si-
 ve orta casu, sive conficta consilio, senatores ad ineunda suffragia opportune
 compulsi, præclaroq; omnium assensu, quem præsentis periculi necessitas ex-
 primeret, Cosmus reipublicæ caput est renunciatus. Is è subdiali in senatū vo-
 catus, & universis gratias agens, ea quam dedissent summi honoris potestate
 non alio quam ipsorum iudicio consilioque se usurum testatus est, ad apertoq;
 senatu, tanta acclamatione, tantoque applausu omnium perstrepuerit domus, ut
 milites prædæ avidi admixtiq; plebeis, gratulandi causa, ad Cosmæ matrem ir-
 rumperent, domumque totam, frustra ea prohibente, sed tamen filij felicitate
 impensè læta diriperent, & ex magno simul metu solitudineque tota civitas
 ad hilaritatem verteretur. Nec multo post Laurentius Medices parricida & pa-
 triæ hostis ex senatusconsulto declaratus est, bonisque proscriptis, præmia eius
 percussoribus aureorum septem milium constituta, & domus eius ad perpe-
 tuam ignominiam à tecto ad ima fundamenta lato hiatu proscissa est. Paulo
 etiam ante Cardinalis quum in attollendo Cosmo obnixè satageret, ab eo, si prin-
 cipatu potiretur, hæc postularat, scilicet ut nihil unquam ad gratiam aut o-
 dium flexus iustitiam exactè colendam arbitraretur, nec unquam ab authori-
 tate Caroli Cæsaris discederet: Alexandri indignam cædem graviter vindica-
 ret, et liberos eius pupillos ex concubinis susceptos, benevolentissimè comple-
 cteretur. Quæ omnia postea cumulatè implevit: nam admirabili prudētia ius
 dicens, & noxios plectens, perpetua non iniquæ severitatis, atque clementiæ
 moderatione, iusti nomen promereri postea contendit, & fideli obsequio,
 liberalique studio erga Cæsarem grati animi sui existimationem curatus est,

eo quoq; maiore gloria, quod inexpectata quadam lenitate summam clementiæ laudem tulit, quum à nemine, vel propinquo, affineq; rogatus, sed sponte uno edicto exules, & relegatos omnes ab Alexandro in patriam reduxisset, & sincerissima fide in gratiam receptos, oblitus veteris iniuriæ perpetuo fovendos suscepisset: ipsum verò parricidā usq; adeo intenta diligentia est persequutus, ut quum ille è Gallia Byzantium profugisset, eum Solymanus hominis perfidiam execratus, avi Baiazetis exemplo, qui Bandinum tanquam impietatis reum olim tradidisset, capiundum dedendumq; censeret, nisi ille insidias veritus propere Venetias se contulisset, ut ibi aliquot post annos cum avunculo Soderino trucidaretur, haud dubiè in gratiam Cosmi, duobus Volaterranis militibus Bebio scilicet, qui fuerat ex prætoria cohorte Alexandri, atque Cecchino Bibbona ultro superioris domini mortem vindicantibus, & ob id quidem generoso magis animi decreto, quod proposita publicè à senatu præmia repudiassent, quum se satis lucri facturos existimarent, si exoptatum Cosmo, de parricidæ cæde facinus liberaliter edidissent. Iulium autem liberaliter educari iussit, & Iuliam patris ora atq; oculos referentem Restantio Cantelmo in Præcutinis pernobili regulo, nuptui dedit. At ubi Romæ & per omnes Italiæ urbes, nunciatum est Alexandrum, unius civis, eiusdemq; gentilis & propinquum, adeoq; amicissimum sodalis perfidiosa manu fuisse trucidatū, triduoq; post Cosmum Medicem, ei in eodem honore principatus ex senatus consulto subrogatum, mira omnino res videri cœpit, quod civitas suo pte instinctu erecta in spem libertatis, in tanto interfecti principis murmure nihil prorsus se commovisset, quando nulla essent in urbe militum præsidia præter unam satellitum custodiæ corporis centuriam, quæ nec pueris explodentibus & more patrio saxa vibrantibus suffectura videretur. Quibus de causis Laurentius percussor diversissima nominis sui fama iactabatur: uti sunt ferè cunctis in urbibus factiosa ingenia, quæ cuiusque magnæ rei editæ rationes excutere, subijcereque censuræ suæ insolenter & proterve solent, ut partibus, quibus sese semel addixerint, propensissimo studio, sermoneque pæssim & perscriptis undique literis opportune deserviant. Vni omnium Florentini, præcipueque exules Laurentium miris laudibus in cælum sic attollebāt, ut eum M. Bruto gloria parem dicerent, qui amore patriæ divinum libertatis revocandæ studium, contempta vel amicissimi tyranni gratia ostendissent. Multos utiq; illum laudis consortes ex senatu adiutoresq; & conscios pensitati patratiq; facinoris habuisse: hunc verò nemini, quod diu concoxerat pulcherrimi ausus consilium detexisse, satisfecisseq; sua manu communi voto, simul & patriæ caritati, ut civibus, si animos viriles induerent, ad excutiendum servitutis iugum tuta atq; expedita via pararetur. Ast alij hæc omnia in universum, uti humaniores, æquissimiq; homines secus interpretabantur, quod Laurentius nequaquā studio asserendæ libertatis, sed incredibili malignitate, vecordiaq; impiæ mentis adductus, ad id patrandum scelus descendisse videri posset, postquā cuncta humanitatis, amicitiae, propinquitatis, & deniq; tenerioris sodalitiij iura subverterit. Quandoquidē eum ignobili fraude interficiendū suscepit, qui omnes sibi timendos præcavendosq; ratus, ipsi uni optimo iure salutem cōmitteret, utpote qui esset fortunarū omnium & tanti etiam principatus ex autoritate Cæsaris præclarus hæres & successor designatus, nisi magno suo incōmodo perversus & impius parricida damnaretur. Cur enim inde laudē nisi falsam ac omniū fere iudicio

dicio turpem, odiosamque insuper truculenti nominis famam expeteret: unde
 nullum patriæ commodum, nullum familiæ decus, & nullam deniq; sibi pri-
 vatim ab ulla vindicata iniuria voluptatē, aut publicè gratiā pēperisset. Quan-
 doquidem id admissum scelus omnem vesang feritatis estimationem diro pon-
 dere exuperasse censeatur, qua sanctissimos penates, in quibus inclytus ille su-
 perior Cosmus progenitus natusq; sit, & illud ipsum patrum atq; avorum ge-
 niale cubiculū, socialisq; lecti culcitras, tanti amici atq; hospitis cruore desceda-
 rit. Num interempto ut videri volebat impotēti regnatore prius sibi celeri fu-
 ga prospiciendum fuit, quā repræsentanda civium oculis atq; animis exoptata
 10 potius quā quæsitā libertas? Detegere herclē cædem illum oportuit, nec oc-
 cifum lodicibus occultare, ut populus antiquo servorū morē ad pileum voca-
 retur. Sed in fatis erat, ut sine perturbatione amplissimæ civitatis adstrueretur
 Cosmo imperium, & percussor omni sua spe deceptus detestabilis flagitiū sui
 non seram vel diu profugus & exul poenā subiret. Nec hac in re prætermitten-
 dum videtur, quod falsè & graviter de Laurentio mecum loquens Guicciar-
 ditius protulit, illum scilicet quocunque animo fuerit, tria quæ ei contrario e-
 ventu responderint, ab eo facinore edito quæ nollet quæsisisse, quum amicis-
 simum principem occiderit, inimicum capitalis odij ad principatum extulerit,
 & patriæ graviolem quā volebat diuturnæ servitutis conditionē invexerit.
 20 Ferunt nonnulli eum non tantum amore patriæ, sed immensa quadam magni
 alicuius edendi facinoris cupiditate, vehementer exarsisse, quo oblitterata, aut
 obscurata recentis infamiæ nota claresceret. Vivo enim Clemente ut studium
 gentilium suorum eruditæ virtutis & elegantiae æmulari videretur, antiquis
 Romæ statuis capita detruncans ab arcu præcipuè Constantini noctu abstu-
 lerat, fremente populo Romano, et frustra illum, quisquis esset, ad supplicium
 trahi iubente Pontifice. Sed non diu immanis furti author abscondi potuit,
 quum ille cognita ira Pōtificis defossa præda Vrbe profugisset. Itaq; Clemens
 stultissimæ levitatis atque libidinis scelus execratus, ita eum Mediceæ familie
 probrum & labem appellavit, ut populus Romanus eum ex iusta iracundia in
 30 Capitolio asperrimis decretis perpetuo exilio damnaret, senatorque urbis po-
 testate consulari eum non impunè modo, sed cum præmio etiam Romæ occi-
 dendum ediceret, & in academia Romana, quod ad eam quoq; tanta iniuria
 pertinere censeretur, Marius Mossa Mutinensis in eum luculentissima oratio-
 ne perscripta, maledicentissimè invecus eternæ infamiæ notam inureret. qui-
 bus virulentis telis undiq; confixus, suoq; pudore excito insanabilem sentiens
 dolorem, consilium suscepit, priore quidē scelestius, sed quod honestissimæ
 laudis ex eventu speciē præferret, scilicet ut novitate & magnitudine anteeun-
 tem iam latè famam obscuraret & obrueret. Prædixere Alexandri cædem, &
 Cosmi imperium, is ante omnes, quem diximus Ariolus Græcus, magno mul-
 40 torum miraculo, quum & illi non modò cædem, sed certū quoq; percussorem
 indicasset, qui esset ipsi intimus, habitu gracili, vulticulo buxæo, & suspensa ta-
 cirurnitate ferè cæteris in aula insociabilis. Cosmo autem pro constanti polli-
 cetetur brevi fore, ut hæreditate cresceret opulenta, audiente quidem Alexan-
 dro & subridente Cosmo, quum absumentus morte prius foret magnus pro-
 pinquorum numerus, quā ulla ad se vel tenuis hereditas perveniret. Iuvenis
 quoq; Perusinus minister à dapibus nomine Horatius, quum febre torqueretur
 ex vapore, uti credi par est, atregibilis, ter noctu visum habuit, quo principē

à Laurentio iugulari apparebat, quæ rerum imagines ægrum perpulerunt, vt
 Paschalis principis medico enunciaret ad principem referendas. Sed Pascha-
 lius officio sollicitè fungens, ea mente principem reperit, vt eam somniantis æg-
 ri fabulam esse diceret, admirans cur tota domus in Laurentij odium conspi-
 rasset. Hæc præclaro Cosmi principis testimonio scribere voluimus, vt non
 semper de futuris vanam esse diuinationem curiosi mortales intelligant. Eo
 die (is fuit quinto Idus Ianuarias) quo Cosmus ad principatum bene auspica-
 to prouehabatur, in ipsius villa Castellia suburbani tractus, mira et planè pro-
 digiosa omnis generis florum vbertas, cunctis stirpibus erupit: quum rigore
 pertinaci vicina prædia adhuc inhorrescere viderentur, & vni ferè omnium
 (quod mirum esset) Cosmiani horti ad adulti veris similitudinem singulari
 iucunditate florescerent. Eadem nocte quæ creati principis diem sequuta est,
 Alexander Vitellius composito multum antea in eam occasione, vt pleriq;
 existimant, insigni dolo, arcem occupauit. Præfecerat ei ab initio Alexander
 princeps, Paulum Antonium Parmensem, fide quidem integra, sed nullo mili-
 tiæ usu viriliq; astu præditum, qui, quum fortè nocturna in rixa, dum princi-
 pem protegeret, sibi decisæ nares fuissent, eius opimi muneris præfectura fue-
 rat donatus, vt deformati oris fœditas aliqua ex parte eo beneficio pensaretur.
 Huic Vitellius delectos ex suis Tiphernatibus milites, custodiæ causa attri-
 buerat, sub Mendula astuto vafroq; centurione genere Salentino. Per hunc
 persuasis militibus ex composito excitata est in arce repentina seditio falso ru-
 more excito, quod præfectus noctu pecuniæ culeos è muro demitteret, atque
 arcem in spem ingentis præmij exulibus traditurus esse diceretur. Ex ea voci-
 feratione perfidiosaq; insolentia tumultuantis turbæ, quum sese purgare præ-
 fectus vellet, impetu conspirantium facto, consilij & virium inops compre-
 henditur, Mendula clauis extorquet, & vti significatione facta conuenerat,
 Othonem Montacutum Vitellij præfectum, qui eum eo horde ad extimos fos-
 se cancellos peruenerat, ad apertis portis introducit. Aduenit etiam illico Vitel-
 lius ipse, extrusq; per minas & contumelias Parmensem custode, tota arce po-
 titur, nouasque vigilias disponit, et Cosmo principi nunciari iubet, sedatam
 esse seditionem, rem in tuto esse, atque arcem in eius potestate futuram polli-
 cetur: egregio hercle tum animo, nisi postea, vt aliqui existimant, voluntatem
 maioris præmij spe adductam magno quidem Cosmi detrimento mutauisse
 diceretur. Cuius conceptæ suspicionis nomen vt auerteret, apud Cosmum præ-
 sentibus senatorum amplissimis prolixè testatus est, se nemini præterquam
 ipsi Cosmo, sicuti iure deberet, dediturum arcem, modo is in fide clientelaque
 Cæsaris permaneret, proptereaq; se duos è liberis promissi obsides daturum;
 sed id pignus tanquam minimè necessarium Cosmus generosè abnuit, vt non-
 dum confirmati hominis conscientiam arctius atq; nobilius obstringeret. Fe-
 runt nonnulli, Vitellium Mediceæ gazæ oculos adiecis-
 se, quam Margarita Au-
 stria orbata coniuge, mœrore-
 q; & metu occupata, in arcem deducen-
 te Cardinale confugiens, planè totam,
 vsq; ad ignobilis instrumenti supellectilem se-
 cum asportarat: utpote qui eius partem,
 vt postea accidit, in præmij nomen si-
 bi obuenturam sperauisset. Nec multum
 inde Vitellius, ad Cæsarem syngra-
 pham misit, qua arcem securitatis causa
 ab se occupatam, ipsius Cæsaris nomine
 defensurum promittebat: neq; ulli tradi-
 turum vnquam, nisi ex voluntate eius
 id facere iuberetur. Dum hæc Florentiæ
 aguntur, & Romæ de cæde Alexan-
 dri certius

dri certius cognoscitur, exules Florentini, Bartholomæo Valorio, & Antonio Francisco Albicio cogentibus, ad Salviatum Rodulphumq; Cardinales concurrunt: de recuperanda libertate vehementer consultant: cōsilio Maconium Galliae regis legatum adhibent. & quum nunciaretur Cosmum in interfecti locum ex senatusconsulto fuisse subrogatum, amissam omnes recuperandæ libertatis occasionem dolent: conqueruntur de pigritia, ignaviaq; civium, qui opportunissimo tempore nihil se commoverint: senatum incusant, atque patritios imbecillitatis, importuniq; timoris, qui tyranno fortiter, opportuneq; sublato, Cosmum nimis præcipiti deliberatione, expeditis suffragiis suffecissent: sic ut nō excutere iugum dominatus, sed mutare dominum tanquā priore mitiorem cupivisse videri possint. Itaque ardentibus animis paranda arma censent: properandumq; Florentiam decernunt, ut priusquam novi principatus vires coalescant, tanquam præteneræ adhuc & invalidæ, excitatis ad liberandæ patriæ studium civibus, convellantur. Incensos proclinosq; ad bellum Cardinales, cæterosq; exules incitat Paulus Pontifex, conferenteq; pecuniam Maconio, in Umbria, Pontificijque imperij provinciis milites conscribi sinit. Suis namq; rebus atq; consilijs cum privatis tum publicis conducere iudicabat, si Etruriæ imperium æquabili restitutæ Reipublicæ consilio, potius quā unius principis nutu atq; auspicio regeretur. Agnoscebat siquidem senon obscuro metu, in fensq; hoste fuisse liberatum sublato Alexandro, qui gravissimè de subagresti avaritia, inhumanaq; duritie ingrati Pontificis fuerat conquestus, quod defuncti Hippolyti Cardinalis supellectilem, in qua erant vetera Mediceæ familiæ ornamenta, ad hastam vendere, quā sibi æqua pecunia redimere cupienti concedere, maluisset: qua ex re tanquam inexplabili iniuria exacerbatus, multis nominibus ingratum Pontificem appellare consueffet, & testari se aliquando eius contumeliæ dolorem expiaturum infesta populatione, quod esset valido cum equitatu expeditisque cohortibus, ad cremanda Farnesiae familiæ oppida usque ad Vlsinensem lacum irrupturus, sic ut non temerè Pontifex eadem pericula converso in Cosmum odio præcavenda duceret: quandoquidē erecto novo principatu, & vigente eadem causa privatae simultatis, nomen tantum non animum principis esse mutatum existimare posset. Itaq; Cardinales expedita pecunia Paulum Rentio Cerite genitum conscribere cohortes, & in Aretinum agrum contendere iubent. Ipsi ab Urbe proficiscuntur, & Florentiam ire pergunt. At Cosmus de eorum consilio certior factus, per Vitellium, Rodulphumq; Baleonum copias cogi atq; opponi transituris iubet, accersitq; in agrum Fesulanum Hispanorum cohortes, duce Francisco Sarmiento, & quæ sibi in urbe præmunienda erant diligenter instituit. Eo etiam securiore fiducia quod ad Hispanos accesserant duo vexilla Germanorum ex his, qui ab Algeriano bello in Hispaniam delati in Italiam demum venissent. Nam Alexander dubij, & in officio Cæsaris non obscure nuntantis Pontificis consilia suspectans, & in eum capitale propè odium coquens, sese externis præsidij confirmare statuerat, & Vastius cognita Alexandri cæde Pyrrhum Stripicianum, qui Cosmo, uti expediret, Cæsariani nominis præsidia compararet, Florentiam miserat. Fama erat ideo venire Cardinales ad patriam, ut publicarum rerum statum componerent, quasi neq; rectè, neq; ex usu civitatis, optimates subrogato novo principe publicis rebus consulissent. Quamobrem fiebat, ut Cosmus eorum adventum miraretur, quod uterq; ip-

sum arcta propinquitate contingeret, ipseque Saluiatus esset auunculus: eorum vero consilium rideret potius quam timeret, quoniam propinquis confusus copijs, nihil de optimarum fide, constantique erga se studio dubitaret. Hi namque ius suum tueri volebant, existimationemque iudicii sui, factique causam se defensores esse testabantur. Interim Cardinales & exules ad Montem Politianum recepti, ubi de aduentu Hispanorum ad urbem certius discunt, & Baleonus cum equitibus ad Clanis pontem peruenisse nunciaretur, tantisper subsistunt, & per idoneos homines ciuitatis animos explorant. Præmiserant Cardinales cum literis ad primores factionis Georgium Ridulphum. Is quod esset exul tanquam temere ingressus comprehenditur, magnoque correptus metu, quas deferret literas profert, postmodumque dimittitur. Tum vero per mutuas legationes actitatum est, an colloquijs potius quam armis de publicis rebus esset disceptandum. Cosmus honoris causa venientes ad se cum inermi comitatu in urbem recepturum profitebatur: sin cum copijs quas adduxissent venire malent ipsum quoque introductis Hispanorum præsidijs salutis suæ & dignitati consulturum. Saluiatus non satis sibi virium adesse cernens, quod se plurimum consilio & colloquijs apud ciues valiturum confideret, suadet Ridulpho, atque item Gaddio, qui tertius impellentem Maconio vel nolens accesserat, ut omnino in urbem iretur inermi comitatu, sicuti sacerdotes pacis potius quam belli auidos deceret. Eos Cosmus obuiam honoris causa progressus, tanquam propinquos spectabilesque sacri ordinis ciues hilariter suscepit. Sed intrantibus urbem non aliter à populo acclamatum est, quam ut pilarum nomen ingeminatis clamoribus attolleretur. Qua significatione animorum Cardinales ægraspe suscepti consilij sui, ad paternas domos deducti sunt. Nec multo post inter crebras salutationes ciuium frustra pertentatis voluntatibus Saluiatus Cosmo suadere cepit, ut abdicato principatu honestissimo inter ciues loco contentus esse vellet, qui ei maxime gloriosus atque tutissimus foret in libera ciuitate suis legibus viuere florereque solita. Id si faceret, mansuram ei dignitatem amore & gratia ciuium amplissimam, qua maiores ipsius ab ciuili moderatione principes ciuitatis euassissent: collaturamque ei ciuitatem ex senatus consulto insigne præmium annui redditus, quo adiutus supra paternas opes splendidissimi ciuis disciplinam & cultum tueretur. Repeteret ipse animo, quo spiritu, quæ animorum constantia, ciues paulo ante libertatem appetierint, partamque demum defendere conati sint, & quam non diu regnarit impositus Tyrannus, vel apud desertos ab omnibus socijs subactosque conspiratione totius Europæ atque omnibus demum exutos armis. Hæc à se commemorari libenter atque lubentius, quod extra pudorem & bonus esset ciuis, ac propensius auunculus. Dñi boni facerent, ut optima consilia quæ secura essent atque honestissima ad mentem inani ambitione vacuam admitteret. Fore etenim ut ipse hoc officio veræ pietatis, & is summæ gloriæ spe ductus iusto melioris animi decreto incomparabilem ferret laudem, nec eam quidem vlllo vnquam tempore perituram. Ad ea Cosmus virili constantia respondit, se neque vllum honorem iusto maiorem in patria, neque principis locum Alexandro erepto que fuisse, sed integro pudore repudiare noluisse quæ vno consensu senatus ex lege Cæsaris detulisset, ne ineptus foret, si degeneri animo oblatae dignitati se minime parem esse fateretur. Eum qui esset auunculus hac Fortuna sua lætari debere, nec inimicè aut certè parum pudenter hortari, ut non usurpatum, sed collatum

collatum ultrò dictaturæ nomen stultè deponeret. Se quidem auspicio invicti
Cæsaris Rempublicam gesturum civili æquitate, non impotentis principis
more, sperareque, se ex rectis consilijs probitateque vitæ, multos sibi ex inimi-
cis amicissimos esse redditurum, daturumque operam, ut potentie suæ nomen
nemini bono civi invidiosum foret. Salutem porro suam Dñs immortalibus
cordi futuram se credere, qui ex benefactis nemini probè pieq; regnanti atro-
cem unquam vitæ exitum attulissent. Itaque desineret secum agere dere tran-
facta: sibi namque in animo situm esse quid fata obtulerint, quidve ultra etiam
promittant, virtute duce prosequi atque suscipere: firmissimoque decreto non
10 deesse fortunę arridenti. Quòd si armis sibi vis afferatur, ostensurum se ea con-
stantia esse præditum in retinenda dignitate, ut non prius extrema omnia ex-
periri & perpeti, atque armatum si oporteat interfici, quàm honore iam rece-
pto & feliciter inchoato deijci malit. Salviatus ab hoc colloquio discedens, fa-
cile sensit, quos spiritus gereret sororis filius, vel imberbis adolescens, & quàm
angustè sibi esset sperandum de civium voluntate, iudicioque populi, quum
nemo sese cupidum rerum novarū, aut omnino popularium partium studio-
sum ostenderet. Proinde irascebatur iam sibi tanquam nimis properè rem dif-
ficilem ingresso, quæ respectu propinquitatis certum & non dubium quoque
metum afferret, tot scilicet Cosmi præsidjs eorum adventus causam improban-
20 tibus. Milites namq; passim dispositi domos Cardinalium dissimulanter ob-
servabant, sicut interdium noctuq; adeuntes cives notarent, nihilo secius tamen
Cardinales ipso stolato cultu & senatorijs insignibus tuti, quum nihil de insti-
tuto consilio remitterent, specieque quotidiani convictus nonnullos invitare,
& familiarius complecti solerent, eis Cosmus per Vitellium renunciari iussit,
ut urbe excederent, & sese ad sua munia senatoriæ dignitatis reciperent, ne in
ipsos militi invisos odia atque arma verterentur. Valorio quoque per acerbè
cædem interminatus est, qua periculi denunciatione Cardinales extemplo ur-
be profecti, Bononiam se contulerunt: quibus in Apœnino obvius factus est
Philippus Strozza exulum princeps, quo cum eadem quæ dudum improspe-
30 re venerant, belli gerendi consilia instaurata sunt. Negocium itaque parandi
atq; inferendi belli Petro Strozze ipsius Philippi filio permittitur, quòd secū
nonnullos ex prima nobilitate exules traheret, & summo navandę operæ stu-
dio ardere videretur. Is pecuniosi patris opibus fretus, auctusque militari lau-
de, quòd Gallis apud Taurinū non obscura fama militasset, non defuturas sibi
copias existimabat. Venerat in spem occupandæ eius urbis, cui Burgo sancti
Sepulchri nomen est, in finibus Etruriæ, qui ad Umbriam pertinent. Per id e-
nim tempus Burgenses intestina discordia laborantes, mutuis inter se cēdibus
defæviebant: forteque evenit, ut nonnulli his de causis prætorio iudicio extor-
res facti, Strozze urbem occupandā se præbituros pollicerentur, creditumq;
40 est ab hac proditione civitatis præfulem minimè dissensisse. Is erat Alexan-
der Rondinellus vetere odio, sed accuratè compresso Mediceis intensus, ad
quem colloquendi causa Franciscum Pactium & Philippum Valoriū filium,
Bertoldumq; Corsinum ex numero exulum intrasse constabat. Cæterum ubi
ex non incerta fama percrebuit, Strozzam cum cohortibus adventare, & iam
eius vexilla conspici, in universum Burgenses, ne ullam infidelitatis suspicio-
nem darent, ad sonitum campani æris, arma capere atque egredi porta cœpe-
runt. Quo cognito Strozziani elusi spe sua, & oppidanorum multitudine

perterriti, adeo celeriter signa verterunt, vt Apœnini dorsum illico transcenderent, & ad Sestinum ignobile castellum improuisò occupandum verterentur. Sed non minore fide virtuteq; Sestiniani, quàm Burgenfes, vel nullo militari præsidio defendente, subeuntes Srozzeanos pepulere, aliquot eorum interfectis, & in his Nicolao Strozza, & Moretto Signorino exulibus, ac reliquis tanto impetu deturbatis, vt in præcipitem fugam se darent, & per alueum Arimini amnis, qui Mariza ab incolis dicitur, intra Pontificij imperij fines se reciperent. His aduersis partium conatibus nihil animo se demisit Strozza, communicatisq; iterum cum Saluiato cæterisq; exulibus, tertiæ expeditionis consilijs, maiore apparatu, grauioreq; impetu Etrurię incumbendum esse constituit. Quarum rerum factus certior Cosmus, valida etiam ipse præsidia, felicioresq; (vti euentus docuit) adula iam æstate comparabat: ampliore fiducia vel ob id expectandos esse hostes existimans, quod iam sui principatus iura ipsius Cæsaris propensissima voluntate confirmata, ex bullatis & solentibus codicillis acceperat, & id quidem vberiore Cæsaris benignitate, quod hisdem titulis atq; honoribus, quibus antea Alexandrium generum consentiente ciuitate indulgenter exornasset, Cosmum quoq; principis & ducis nomine appellandum censuerat. Ab initio siquidem per Auerardum Serristorium legatum Cosmus à Cæsare postularat, vt quicquid senatus Florentinus ex ipsius authoritate ab initio receptæ vrbis institutus, Alexandro concessit, id totum quoq; sibi tribuendum decerneret. Qua significatione amoris & gratiæ vsq; adeo corroborata est apud omnes Cosmi existimatio, vt vetera in Mediceos ciuium odia detergi, & penitus extinguere confirmari autem amicorum studia, & subinde exulum conatus contemni posse facile appareret, Vt verò in nuptialem thorum Margaritæ filiæ ex sponsalibus succederet, quæ viduæ puellæ neque inepta, neq; ingrata videri possent, impetrari non potuit: quod eam iam Octauio Pauli Pontificis nepoti ex arcano despondisse fateretur. Tertio loco reddi sibi arcem petebat, quam Vitellius iniussu Cæsaris se minimè redditurum asseuerarat. Ad id ita Cæsar respondit, vt non in præsens concedi debere diceret: sed integram ei spem, nec optato euentu cariturâ relinquere videretur. Cæsar enim suo pte ingenio nunquam plenissimè de quoquam externo bene suspicari solitus, Cosmum propinqua spe illata recipiendæ arcis in officio continendum rebatur, postquam ei filiæ nuptias denegasset: admirantibus cunctis, quod Mediceo florentis ætatis & formæ iuueni, in non dubiam Etrusci imperij possessionem recepto, Farnesius incertæ adhuc indolis & Fortunæ, duodecim annorum puer, præferretur. Verum inualefcentibus Gallorum armis, & incumbente Solymani classe, vnus antè omnes Pontifex, cui Nouaria dono data minime suffecisset, aliquo insigni munere conciliandus erat, vt Gallo regi, tanquam impiè Turcas ad communem Christiani nominis perniciem euocanti, sese hostem non iam perplexè sed aperte futurum esse pronunciarer. Hi duo principes ætate nostra (vti existimare licuit) supra reliquorum regum ingenia, non eximia modo admirabiliq; prudentia: sed occulta ambitione, profundoq; astu insignes, commodis tantum suis, nullo ambiguae fidei cum pudore seruiebant: Pontifex, vt suæ domus opes vel malo publico vehementer augeret, Cæsar porro vt finitimis subactis, vetus sibi imperium, in Italiaq; præsertim, assereret: vt inde amplificatis viribus & dignitate confirmata, sicuti innata virtus & aspirans Fortuna promitterent, maximæ partis Europæ dominatu

natu potiretur. His sensibus nunquam planè synceris plerunq; fiebat, vt inter
 se per inania promissa colluderent, et quantum integra amicitie dignitate fieri
 posset, vterq; callidis semper consilijs mutuas simulationis artes inducerent, ne
 alter ab altro decipi, aut traduci facile posset. Neq; enim ab hoc Galliae rex ho-
 nestè deferendus, neq; ab illo etiam tutò contemnendus Pontifex censebatur,
 quando vtrinq; cuncta ad mutuum commodum praesenti lucro aut futura spe
 non ineptè pensarentur. Per id tempus in Subalpina regione Galli cum Cæsa-
 rianis ita gerebant bellum, vt detrimenta atq; pericula diuersis rerum euenti-
 bus vtrinq; exaequata videri possent. Nam per heymem exercendo militi conti-
 nuandoq; bello varijs susceptis expeditionibus vtriq; ex hostili agro aliquot
 oppida aut expugnarant, aut oppugnata ab aduersarijs cruento saepe certa-
 mine defenderant: enimuero sicuti superiore aestate Cæsariani Fossano potiti
 fuerant: ita per heymem Galli Italici aucti copijs Bargiam vi expugnatam, cap-
 to ibi Annibale Brancatio Neapolitano, in potestatem redegerant, & Raconi-
 sium oppidum per amplū, noctu inuadente intranteq; per arcem Petro Stroz-
 za, atq; ei subsidia equitum adduciente Cæsare Fregosio, ita coeperant, vt com-
 misso per regiones tumultuosissimo certamine, Cæsarianos oppresserint, ca-
 dentibus eo in prelio ex victoribus Thoma Ronchio Nouellariae cohortis pre-
 fecto, & Latino Vecchia Romano: Quæ duo incommoda non multo post
 Cæsariani Caragiana cæde & Casalensi victoria rependerint. Sed ineunte vere
 Salassus quum occupata Carmagnola, arcem, quam Stephanus Balia Muti-
 nensis pertinacissimè tuebatur, oppugnare pararet, tormentumq; librando in
 propugnatores dirigeret, glande ipse traiectus occubuit. His vero animis ex-
 ceptus est Salassi interitus, vt non Gallicarum modo partium pleriq; sed & æ-
 qui homines in neutram inclinantes partem, eum tanquam perfidia nota infa-
 mem, meritò occisum dicerent: Hispani vero tanquam virum fortem laudibus
 prosequerentur, & Vastius dissimulata offensione, interioreq; letitia, seuerius
 fortasse quàm oporteret, Stephanum non multo post protracta & demum des-
 perata defensione, laqueo suspendi iuberet, vt ea victima æmuli Salassi mani-
 bus parentare videretur. Eo autem successu incommodum vtrinq; æquatum
 videbatur, quò paulo antè Galli Annibalem Nouellarium, qui nobilitate atq;
 virtute par esset, apud Buscham ignobile castellum, nocturna oppugnatione
 fortuito minoris tormenti ictu interfectum desiderassent. Sub id tempus Hu-
 merius, nouus dux Gallus, cum recentibus copijs ad reparandum bellum à re-
 gemissus, ab Alpibus descendit: cuius aduentum summumq; imperium Gui-
 do Rangonus, Gallicanorum ducum quos diximus, vsu belli, ingenijq; soler-
 tia longè optimus, non diu ferens, à militia regia profectus in Galliam disces-
 sit. Nec multum inde secundum Guidonē & ipse quoq; Caninius concepta ex
 leuissimis delationibus cum Fregosio simultate, à Gallis sese alinauit, singu-
 lari certamine cum eo certaturus, prouocatorijs in ea controuersia editis li-
 bellis, quibus Itali milites superbis insanisque ingenijs ferociam animi osten-
 tare, & inane decus tueri, cum exitio saepe turpi, fœdoque fortunarum & no-
 minis detrimento, pertinacissimè student: secus ac exteræ gentes, quæ fe-
 rè omnes honestiore decreto, militiae et in acie tantum aduersus publicum
 hostem virtutem ostendere fas esse iudicant. Caterum Humerius, qui magna
 virium & nominis famam, quod Delphini nutricius fuisset, specie ferox ad-
 uenerat, satis celeriter opinione hominū decidere visus est: quū sese nequaquā

pro natura Gallorum pugnacem, & in consilijs explicatum, sed planè timi-
dum ostendisset: Quod opportuna quæq; gerendo bello consilia, vel non in-
epta occasione inducta, & oblata à cæteris ducibus, tanquam periculosa respu-
ret. Delatus enim ad Astam, recenti validoq; impetu eam urbem occupatu-
rus existimari poterat, si paululum sese prouehere, & Astenses nudatos iusto
præsidio, & in Gallicum nomen ex antiqua dominatus consuetudine procli-
natos, ostentata acie tentare voluisset. Tuebatur siquidem eam urbem Anto-
nius Aragonius non magna manu militum, sic vt Vastius eius periculo vehe-
menter angeretur. Antonius de salute sua, vt iuuenis opulentus atq; pernobi-
lis, maximè sollicitus, nec bello abundè exercitatus, anxie à Vastio opem sibi
ferri postularet. Accidit autem, vt quum subsidio cum semiplena Hispanorum
cohorte Franciscus Ruicius aduenisset, Antonio animus confirmaretur, ob id
que Humerio obtinendæ vrbs facultas spesq; omnis minui atq; adimi videre-
tur, retrocedendumq; inde statueret, quod aduentare Vastium ex inani rumo-
re, & prelio certaturum arbitraretur: frustra reclamante Paulo Cerite, qui inua-
dendæ, oppugnandæque vrbs sibi nihil periculi verito aut recusanti, id mu-
nus demandari postulabat. Is detestatus regis consilium, qui pro impigro bel-
licosoque duce ciuilis modestiæ fideiq; & suspicacis naturæ hominem, secus
ac aliàs esset solitus, trans Alpes misisset, abeuntis exercitus terga peculiari
delectorum præsidio firmavit. Apparebat enim Cæsarianos alacriter in ho-
stes castra mouentes erupturos: atque ita mox euenit, vt à nouissimo agmine
conferta pugna certaretur, & Paulus audacius proruentes excipiens, expedi-
to cohortium flexu multis hostium vulneratis, & quibusdam interfectis, in-
cumbentium audaciam reprimeret, & eo congressu Cola Toraldus nobilis
Hispanicæ stirpis Neapolitanus interficeretur. Humerius nihil ultra laceffente
hoste, ad Albam Pompeiam profectus, extra urbem statim castra posuit: quo
cognito Vastius & ipse iuxta Astam inter duo cœnobîa castra metatus est: San-
seuerinū Besennianum regulū qui vniuersis equitibus præerat, turmas omnes
secundum Tanari amnis ripam extendere iubens, vt quid moliretur hostis, pa-
ratus ipse ad obsistendum certandumque emissis speculatoribus expectaret.
Quum Humerius segnius cunctari prospiceretur, & Vastius animaduerneret
in dies augeri Gallorum copias, & de aliquot oppidorum fide dubitaret, à Fer-
dinando rege duas sibi, ad præsidium Subalpinae regionis, Germanorum legio-
nes mitti postulauit, idq; celeriter cum publicæ causæ & fratris Cæsaris cōmodo
tum iustis Vastij precibus Ferdinandus tribuisset, dux legionum Federicus Fu-
stembergus, inclyti inter Germanos nominis regulus, Tridētinis Alpibus des-
cendit: quibus in legionibus pleriq; ex Norica atq; Vindelica iuuentute nobi-
les, & procerū propinqui nomina dederant. Erat hic Federicus, eius Guliermi
qui Gallo regi militabat germanus frater, dissimili ingenio vir: utpote qui fra-
trem peruerso iudicio, neglectaq; religione, militaribus rapinis, & improbo
semper quæstui, defraudatis stipendio militibus turpissimè deditum, & quod
nefariū videbatur, contra Germanici nominis decus externi atq; inimici regis
auspicia sequentē, probò ore, atq; exacte virtutis fame superaret. At Humerius
aduentu Germanorum cognito, vt viribus atq; animo hostibus impar, copijs
quas habebat dispartitis, oppida tuenda cōmisit, ea ratione diuisis muneribus,
vt singulos duces oppidis præficeret: Azaliū è Togata Gallia virū iactabundū
potius quàm fortem, Cherio imposuit, attributis ei præter Italicos milites duo-
bus

bus Vasconum vexillis: Clarascum autem opportunum oppidum, Cæsari Fregosio defendendum dedit. Albæ verò præpositus est Iulius Vrsinus, eo Mario genitus qui Florentiæ maioris tormenti pila ictus occiderat. Fregosius ea conditione demandatum munus suscepit, ut se fortem operam aduersus omnem hostium impetum præstaturum testaretur, si ab Humerio, sicuti ille prolixè fidem dabat, intra quadragesimum diem certa commeatus & militum supplementa summitterentur. Iulius Albanis inspectis mœnibus, quarum vitia passim eminebant, & ea nisi longo labore aggeribus permuniri refarciriq; possent, tutelam loci cum excusatione inopiæ multarum rerum susceperat. Humerij ad hortationibus & spe promissæ opis excitatus. Cæterum Humerius constitutis præsidij nihil sibi moræ attulit, quin inglorius in Galliam reuerteretur, & Vastius non multos intermitteret dies, quin ad oppugnandum Chærium omnem tormentorum apparatus conueheret. Oppugnatio autem cœpta est ab ea parte mœnium, quæ diui Augustini templum respicit, quod murus ab ea parte debilis appareret. Azalius satis peritè atq; opportunè ex disciplina munitionem erexerat ingressuris hostibus, tabulata æquata solo eminentibus præcutis clauorum stimulis, quibus pedes ingruentium configerentur, obiecerat: multumq; sulphureum ignem, qui de more aridam materiâ corripere, occultis in locis excitandum ita instituerat, ut egregiè prospexisse periculo videretur, si eundem animum ad ingenij solertiam afferret, quem antea iactando prætulisset. Nam ubi ad actis maioribus tormentis murus quati diruiq; cœpit, tantoq; spatio continuata quassatione patefacta essent mœnia, quanto satis foret ad inuitandos milites, proponente pugnae signum Vastio, Itali Hispaniq; pariter in oppidum per rupe runt: quo tumultu acerrimæ inuasionis, Azalius vsq; adeo trepidanter atque imperitè se gessit, ut nemo ferè suorum in eo loco pugnaret, nec ipse, ubi periculum deposcebat, conspiceretur. Eo namq; impetu Cæsariani Azalias munitiones superarunt, ut nihil eos per strata tabulata eminentes clauorum cuspedis retardarent, nec ea sulphureorum ignium fomenta, quæ ad edendam flammam erant parata, suo tempore ignem conciperent, & dux ipse fœde animum despondens, vitæ discrimen effugeret, continuoq; trucidatis aut captis præsidarijs, turpi in latebra caperetur. Dum Cæsariani in urbem penetrarent, Vascones timore præpediti ad id propugnaculum, quod superiore anno Annibal Nouellarius erexerat, se contulerunt: atq; inde (nihil ibi consistere ausi) ut se in longiorem fugam proriperent, exterius in fossam humore carentem se demittere cœperunt, quod eius munitionis agger satis esset humilis, facilèmq; descensum præberet. Id conspicatæ Germanorum cohortes, quæ constituta phalange, subsidiaria in acie constiterant, eos ad vnum omnes numero amplius trecentos, vel vltro sese dedentes, impetu facto trucidarunt. Totius verò oppidi mulieres, quæ pauore attonitæ in turrem confugerant cum carissimis ornamentorum suorum rebus deditionem fecerunt, cesseruntq; in prædam. Didaco Arzio castrorum præfecto, qui id coniectura futurum iudicans, & opimiorum prædam quærens, primus omnium aduolarat. Cæteri vicatim singulas domos diripientes, captos earum dominos, pecunia se redimere cœgerunt. Azalius verò ipse perductus ad Vastium, cunctis risui fuit, quod nihil ei tot rerum apparatus, quum oportuit, vsui fuissent, & idcirco oneratus infamia rei male gestæ, multo auro se redimere coactus est. Expugnato per hunc modum Chærio Vastius ad Clarascum mouit castra. Nec mora exploratis ad-

versariorum viribus, animaduersaq; per speculatores ea mœnium parte quæ nouis munitionibus careret, maluit eam partem adoriri, quàm vllam aliam, quæ faciliorem oppugnationem ostenderet: vel ob id præcipuè, quod nulla extantium propugnaculorū, quæ latera subeuntium ferirent, munimenta haberet. Volebat enim Vastius quàm maximè posset militum parcere sanguini, incruentisq; victorijs lætari potius, quàm à cædiū sæuita famam parare. Quod tamen secus accidit ac volebat. Nam tametsi hostilis murus vel antiqua vel noua munitionis proiectura penitus carebat, ob idq; milites nisi à fronte ab ipsis defensoribus peti feririq; & facile propelli possent, tamen satis profunda vallis intererat, quæ profossa totam muri faciem muniebat: vsq; adeo difficilem cum descensum in eam, tum & ascensum ad præruptam vi tormentorum mœnium coronam habebat, vt quum magna muri ruina edita esset, & milites ardente animo pugnae signum sibi dari flagitarent, hoc impetrato in descensu atque ima fossa, quæ erat lutulenta, & in ascensu demum perfracti & cadentis exterius muri ruina conflictarentur, & maiorem quàm putassent conscendendi muri difficultatem reperirent: quod non planè ad amussim, quantum exteriora fossæ labra à mœnibus distarent, & quàm præceps descensus, arduusq; inde ascensus foret, oculis metiri potuissent. Verum propter ea accepta hostium telis detrimenta, non refrixerat ardor militum, nec Vastius forte incepto ab sistendum ratus, ab expugnandi oppidi spe deciderat, sed vt prælium instauraretur crebro summis recentibus præsidijs atque etiam Germanis (ipsis id obnixè postulantibus) quanquam ægrè, locum ad inuadenda mœnia concesserat, vt Germani qui se ad bellum natos existimabant, Hispanorum atque Italorum virtuti & audaciæ contemptis periculis æquarentur. Itaque redintegrato ardore omnium, tanquam æmulatione decoris adiuersis gentibus certaretur, asperrimo conatu conscensum dimicatumque est, maiore Cæsarianorum detrimento, quod Fregosiani milites per noctem, Petri Pratenfis ingenio, munitionem in summa prærupti muri corona subitariam erexissent, comportatis ibi madentis fimi cumulis, quibus propter mollitiem tormentorum pilæ hærebant, nec lentore prohibente, penetrare in oppositas hostium cohortes poterant: quæ ea repentina nouaq; munitione protectæ, ex tuto propugnabant: sic vt euadentes in summum ruinae supercilium hostes sclopettis traiectos, alabardisque & lanceis acriter repullos, in fossam præcipitarent, terribili cum ruina succeditum, & subire magno nixu conantium, quum magno cum fragore armorum collidentium, sese vitui pariter atque exanimis debilitati artubus cumulatè canosa in fossa volutarentur. Hac peracri contentione quum aliquot horis esset dimicatum, amplius ducenti interfecti, & supra ferè quingenti mortiferis glandibus & saxis vulnerati sunt: & in his Vulcanus immoderatæ fortitudinis adolescens Guliermi Rocandulphi clarissimi ducis filius, ex Germanis occubuit, æquato cum aduersarijs detrimento, quod Liuius inclyti imperatoris Liuiani filio propugnati ingentis tormenti pila caput fuisset ereptum. Huic Fregosius rapida grauatus febre suas partes cum imperio, quod esset magnæ spei adolescens, & militibus carus, concesserat. Eius immatura morte Fregosius vehementer permotus, tentatus importuno atq; acri morbo, & Humerianis auxilijs diffidens, quod tempus in id condictum per aliquot dies effluxisset, & tormentarii pulueris inopia laboraret, nec satis ampli commeatus copia superesset, se dedere constituit,

si à Vast-

si à Vastio honestis conditionibus acciperetur. Atque ita non diu post ab
 Aloisio Gonzaga, qui erat apud Vastium Fregosio arcta cognatione atque
 amicitia coniunctus, res tractata & confecta est æquisimis legibus, quod Va-
 stius offensus & ipse Vulcani immatura morte, & fortissimorum quorundam
 iactura, reliquorum militum periculosis laboribus et sanguini parcentum pu-
 tarer, compertumq; haberet aduersariorum animos tales esse, ut in defensione
 fortiter oppetere, quam contra decus pacisci mallent. Erant enim apud Frego-
 sium acerrimi cohortium præfecti Cæsarina Salentinus, & Baptista Corsus
 cognomento Lega, quorum maiores Corsicæ insulæ imperium tenuissent, &
 10 præter hos duo Veronenses Antonius Beuilaqua, & Ludouicus Montanus,
 atq; item Philippus Corsus, vetus cohortis dux. Deditiois condiciones in
 hunc modum perscriptæ sunt, ut Cæsari Fregosio saluis rebus, incolumiq; præ-
 sidio, & explicatis vexillis excedere liceret: tormenta ipse relinqueret & comnea-
 tum: sed ei quod sua pecunia coemisset, frumentum à Vastio solueretur, & oppi-
 danis nulla afferretur iniuria. Atq; ita comitatē Cæsarianorum equitatu, atq; eum
 passim ab iniuria defendente, ad Penarolum oppidum peruenit, indeq; in Gal-
 liam profectus est, ut regi rerum difficultates explicaret. Claraseo autem poti-
 tus Vastius Hieronymum Sangrium, & Cherio Ferdinandum Lofredium
 præfecit: & ad expugnandam Albam continuo duxit. Animaduerso autem eius
 20 urbis situ ultra Tanarum amnem tormenta perducta constitutaq; sunt, eo Va-
 stii iussu, ut binæ & penè inter se coniunctæ quassationes fierent, quarum alte-
 ra Hispanis, altera Italici ad inuadendum erat assignata: quod Germanis par-
 centum idcirco Vastius iudicabat, tanquam campestri prælio aptioribus, quam
 subeundis muris: quod id munus agiliora militum corpora atq; expeditiones
 animos requireret. Erat in castris euulgatum, quosdam Hispanorum signi-
 feros acerbis à Vastio verbis fuisse castigatos, quod sibi et gregarijs suis, pro
 cono parua vexilla galeis imponere iussissent: utpote qui ante alios ad prome-
 rendam laudem, ac murum & prima pericula se subituros insolentius iactassent,
 nec demum murali in pugna ostentatae audaciæ fortiter respondissent: qua ob
 30 iurgatione Hispani in uniuersum permoti, quod Clarasei perficere nequiuis-
 sent, Albæ ingentibus animis se præstituros testari nitur, exorta inde apud Ita-
 los æmulatione, quod sibi præcipi decus indignarentur: cuius obtrectationis is
 extitit successus, ut Itali proximos loco Hispanos æquandi aut superandi cupi-
 ditate, ante acceptum signum, manipulatim ad cursum se incitarent, & in præ-
 ruptum murum, nec satis quidem apertum euolarent. Hac insana sed planè de-
 cora quorundam signiferorum properantia accidit, ut multi viri fortes intra
 urbem irrumperent, & Cæsariana vexilla, cum intus ab hostibus, tum extra à
 Vastio totoque exercitu in summis mœnibus & decussis muri pininis specta-
 rentur. Sed Iulius Vrsinus introrsus à muro ad iactum lapidis firmam mu-
 40 nitionem erexerat, ex vimineis turriculis more militari gleba & cespite rep-
 letis: atq; etiā accelerandi causa ligneis ibidem vinarijs dolijs contra hostes con-
 stitutis: quo munimento cohortes tutæ à maioribus hostium tormentis, quod
 essent depressiore in loco, in primos hostium subeuntes, incensis sclopettis
 glandium procellam effunderent, atque audacter munitione egressi ingredi
 ausos, quominus ferociter inuaderentur, reiectos extra in præceps propelle-
 rent. Quare repentina scandentium perturbatione, Antonius Lofredius Cicchi
 senatoris Neapolitani filius, qui primus in murum euaserat, impigre resi-

stans occubuit, & Scipio Montebellia cohortis signifer postratus, cum vexillo captus est: Marcus vero Priuerans, qui primum illato signo virtutis decus affecerat, ita se explicuit, ut incumbente hostium multitudine, in columnis cum vexillo ad suos reueteretur. Neque enim facile qui primi subierant à subsequen-
tibus confirmari poterant, quum magno casu ingens & vetus populi arbor, quæ erat interiore in aggere, forte succisa hostilis tormenti ictu, transuersa ita procidisset, ut ea casus inclinatione tanquam noua munitio obiecta, irrupen-
tibus magno esset impedimento: proptereaque irritò conatu, qui iam ascende-
rant, pulsi ab interiore hoste, & iniquitate loci deterriti, omnes extra prorue-
rent: quibus sese recipientibus grauior incidit clades ab infimo propugnaculo, quod erat eminens in fossam, & sua proiectura hostium latera conspiciebat. Id erat concameratum lateritia testudine, & per idoneas fenestellas ex occulto
emittendis tormentis facultatem præbebat, Casamacta; militari nomine vo-
cabatur. Hanc cum manu sclopettariorum tuebatur Marconius Volaterranus, qui certos atque mortiferos ictus è destinato sese recipientibus inferebat, et nisi
fumus admodum densus interius spatium nullo ad effugium inuento forami-
ne, multa edita caligine sclopettarios præpedisset, magnum profecto hostium
numerum inde tanquam ex insidijs interfecisset. Hic ille est Marconius qui
apud Viennam, ut supra memorauimus, Italicas cohortes ad arma consterna-
tas, & multis de causis nequaquam in Pannonia præsidio heymandum cen-
sentes, turbulentissima concione in castris habita, perpulit, ut in Italiam redi-
rent. Eo ex Casamacta periculo, post non paruam militum iacturam, animad-
uerso, Vastius receptui cani iussit, ut aliunde tormenta aptius et efficacius ad-
moueret, quum Iulius audacia & multitudine Cæsarianorum perterritus, des-
peransque opem sibi alicunde ferri posse, quod nihil de Gallicis auxilijs audiret,
ad exemplum Fregosij se dedidit: hisdem ferè conditionibus quibus ille Claras-
co excessisset: sed aliquanto iniquiore sorte, quoniam ab his qui præsidio dati,
ut in fines Gallicos deducerentur, excedentium impedimenta latrocinij mo-
do, in itinere direpta fuissent. Neque eam illatam vim, admissumque inique faci-
nus Vastius vindicauit, quanquam prædatores equitum præfectos, & in his
Rosaliū & Iuaniam Hispanos, & Bellottum Sequanum, Epirotamque Zuce-
rum, seueris verbis castigasset. Alba in potestatem redacta, motis castris
ad Penarolum illico contendit, eo animo, ut id oppidum, quod tormentis ex-
pugnari non posset propter loci natura atque arte muniti difficultatem, longa
saltem obsidione fatigaret: Taurinoque simul commeatus spem, quantum excur-
sionibus effici posset, paulatim abscinderet. Hoc tanto rerum successu Vastius
supra recepti Casalis victoriam mira celeritate partam, Cherio demum et Cla-
rasco, atque Alba vrbe intra octauum atque vigesimum diem fortiter expugna-
tis, pristinam virtutis suæ animique magnitudinis opinionem, non modo apud
æmulos, ipsosque etiam hostes mirifice confirmauit & auxit. Hisdem die-
bus quibus Vastius expugnatis, aut deditione in potestatem redactis ali-
quot oppidis aduersus Gallorum duces prosperè bellum gerebat, Florenti-
ni exules repetendæ rursus Etruriæ consilium susceperunt, cohortante Salua-
to Cardinale, & concitantibus Gallis, ut vndique Cæsaris vires distrahe-
rent. In id bellum Philippi Strozze persona poscebatur, quia esset summæ
existimationis inter exules, & maximè pecuniosus haberetur. Sed uti erat ar-
morum imperitus, & parum fortis ad perferenda castrensiū laborum incom-
moda,

moda, negabat se id munus esse suscepturum, ne postquam duo ipsius liberi Petrus atque Robertus his periculis immiscerentur, nullum ipse salutis & Fortunarum discrimen esset aditurus. Hæc ita firmo animi decreto differēbat, ut Petrus filius gerendi belli cupiditate iuveniliter inflammatus, patrem ipsum vehementi, & planē inverecunda obiurgatione castigaret, nec obscure ei atrociam comminaretur, si in ea spe recuperandæ patriæ tot patritijs deesset, & nihil sibi generose conandum esse statueret. Quibus verbis Philippus à filio, quem unice diligebat, vel reluctans expugnatus sese non modo socium, sed etiam urgente fato antesignanum præbuit. Inter armatos exules eminebat ipse Petrus Strozza, & Bernardus Salviatus Cardinalis frater, constanti, compositoque ingenio vir, militiæ maritimæ asuetus. Hi Capinio Mantuano operam navante, cohortes apud Mirandulam conscripserant, & Bononiæ conductis passim militibus copias auxerant, quod Pontifex eius consilij gnarus, & non occultus uti credebatur belli concitator, hæc fieri pateretur. Favebat autem exulibus mirifice Hieronymus Pepulus Bononiensis, cuius erant multæ in Apenninō montanorum hominum clientelæ, descendētib;que in Etruriam, tutā itinera per paternas possessiones, suggerēdis comitatibus opportunas demonstrabat. Hæc tametsi occultē apud Bononiam pararentur: de his tamen sigillatim Cosmus princeps certior fiebat: & quanquam esset præsentis pecuniæ difficultate oppressus, quod eas publicè sine gravi offensione civium imperare non poterat: eas tamen ab amicis atque affinibus mutuas exigebat, ut militari præsidio totam confirmati iam à Cæsare principatus existimationem tueretur. Erant in eius consilio præter Innocentium Cardinalem, & quosdam togati ordinis cives, Alexander Vitellius, & Pyrrhus Stipicianus acerrimi duces, iamque valida & fidelis militum manus undique accersita Florentiam ita coiverat, ut nihil de intestino tumultu dubitaret Cosmus, hortatuque ducum, adventanti hosti non fortiter modo repugnandum, sed obviam audacter eundem decerneret. Primum autem omnium Pistorio cavendum censeret, ne hostis studio amicæ partis fretus, ea opportunissimā urbē potiretur. Pistorij liquidem duæ vigeant factiones, æternis inter se odijs cruentissimè de potentia dimicare solitæ, quarum altera Guelfi nominis Cancellariā vocabatur, favebatque popularibus Florentinis: altera autem erat Panciatica, Gibellinæ & Medicæ factioni addicta. Huius princeps erat Nicolaus Bracciolinus vir militaris & maximè cruentus. Illius verò pari autoritate se duces ferebant Franciscus Habraus e Gatesca familia, & Battus Rospillofus. In hunc etiam modum Pistoriensis erat divisus ager, ut Panciatici planis & campestribus in locis nobilitate atque divitijs præstarent: Cancellarij autem montanis in locis numero ampliore hominum æquatis opibus valerent: propterea fiebat, ut Cosmus Panciaticæ factionis vires, introductis in urbem eiusdem factionis agrestibus confirmare contenderet, ex adverso exules concitatis ad arma Cancellarijs invadendæ urbis spem conciperent. Sed Cosmus confirmandos nominis sui studiosos militari præsidio, atq; urbem tuendam existimans, Pistorium præmisit Federicum Montacutum cum duobus delectorum pedum vexillis, accersitusque e summis montium pagis Castagninus Tannarius Panciaticis favens cum multitudine armatorum suæ factionis descendere parabat. Quibus cognitis rebus exules per Mattanam Cutellianum seditiosum & sanguinarium hominem, & eum quem diximus Battum, sæva incerta

dia in adversæ factionis ædificijs excitari iusserunt, ut Panciatici conflagranti Penatium suorum terribili calamitate adducti, ad vindicandam iniuriam elicerentur, Pistorioque exire, & ad sua defendenda proficisci, nec ideo Cosmianis rebus ullam opem ferre cogerentur. Iam exulum copiarum per Apenninum ad Fabricam vicum pervenerant, aliquanto lentius & tardius quam expediret confectis itineribus, quod in iugem bidui pluviam incidissent, ita ut eorum principes Philippus atque Valorius cupiditate inviscendæ Etruriæ fatali festinatione reliquos anteire maturarent, & ad montem Murlium usque descenderent, existimantes eius regionis hominum studia ad occupandum Pistorium, invadendamque Florentiam sibi minime defutura, quod propinquas & validas vires traherent, quibus nullo modo Cosmus resistere posset, qui neque diu alere copias sine pecunia posse, nec quas haberet adversum se ducturus crederetur, ne civitas parata ad recipiendam libertatem tumultu excitata, tanquam præsidio nudata rebellaret. Mons Murlius collis est in extremis Apennini radicibus, qua desinit in campos, metæ modo in acclive fastigium ductus, præaltam in summo antiqui operis habens domum instar arcis, duplici muri corona, sed ea vetere & passim collabente permunitam cum lata area amoenissimi prospectus. Eam arcem ademptam olim Florentinis, Castrucium Lucensium Tyrannum adiecta munitione confirmasse annales tradunt. Totus collis undique olea, vite & pomiferis arboribus ita est constitutus, ut certis etiam gradibus ubi fruges ferantur, aratrum admittat. Viæ militari imminet, qua à Pistorio Florentiam itur. Ab hoc septem milibus passuum: à Prato autem tribus distat. Tanta verò fiducia exulum principes in ea villa constiterunt, ut nihil omnino timerent, & Valorius villam suam, quam Baroniam vocabat, ab se non civili, sed regio prope sumptu ædificatam, tertio inde stadio securus inviseret, spaciareturque ociosus in xystris, villicum de futura vindemia speque oleæ, & de proventu insitarum arbuscularum, & de perdicum aucupijs diligenter interrogans: sic ut nonnulli mirarentur hominis insaniam supra modum, privatæque Fortunæ conditionem ædificantis, & nihil ille de adverso rerum eventu, quem fortuna temere progressis adveniret, dubitare videretur. Philippus contra cæco percussus metu, ut qui nullum circa se præsidium cernebat, deambulare solus, & sæpe sciscitaretur Zanobium Nerlium villæ dominum, an in tuto esset: nec suspirare desineret, donec procul conspectis Petri filij vexillis animo sese confirmaret. Petrus enim ut præsidio foret his qui inermes ad montem Murlium processerant, disunctus à gravi copiarum agmine provolarat, castraque ad radices montis iuxta viam militarem collocarat, constitutis idoneo in loco quatuor minoribus tormentis, quæ secum advexerat. Nec multo post Fedinus ex numero exulum impler & audax, cum aliquot equitibus prædatum emissus usque ad Pratum, ereptos agricolis boves, & minoris pecoris aliquantam prædam ad exules retulit, improbante id factum Philippo, qui intempestivo atque improbo militum suorum maleficio susceptæ pro libertate adipiscenda expeditionis nomen fœdari nolebat: indignabaturque mirum in modum, quod Battus & Mattana veteribus factionis odijs studentes, sævo incendio cuncta prope eius tractus domicilia delevissent, quasi Barbarorum more incendijs & cædibus ex usu victoriæ sævituræ forent, quum incolæ beneficijs atque humanitate, parcendo, nec factionum agnoscendo odia, alliciendi & conservandi, potius quam detri-

detrimentis afficiendi non infans ducibus viderentur. Præmiserat Cosmus
 ad Pratum equitum turmas duas ducē Poctio Insubrē, Rosa item Vicio pā-
 tris veterano impigro cum expeditis sclopettarijs equites consequi iussit. Po-
 ctius explorandi causa usque ad hostes processerat, levique pugna edita, am-
 isis duobus equitibus retrocesserat. Huic tendendas insidias tanquam incon-
 sulte iterum erupturo Strozza ratus, Sandrinum Filicarium cum iusta manu
 sclopettariorum, Parusianæ villæ tectis (eā est militari in via) sese occultare iu-
 bet, nec se commovere, donec hostile exeuntis Poctij agmen pertransiret, quod
 demum à tergo invadideberet, ut Poctius interclusus a tergo simul & à fron-
 10 te caderetur. Ipse enim Strozza è castris suis stadia duo progressus ad pon-
 tem torrentis aquæ delectorum signa statuerat. Sed longe aliter quam pu-
 tarat, insidiarum eventus cecidit. Cosmus enim de consilio suorum ducum
 in celeritate summam belli rationem reponens, adoriendos hostes esse censue-
 rat, antequam reliquæ eorum copię quæ sequebantur, primo agmini Stroz-
 zæque sese iungerent. Rei gerendæ consilium hoc ordine explicatur, ut ipse
 Cosmus in urbe consistat, emissæque Margarita Austria, ut Pisistrum tanquam tu-
 tiore in urbe commoretur, bellica munia Vitellius & Pyrrhus suscipiant, ma-
 ximeque occultata profectio noctu ad hostes contendant. Cæterum Cos-
 mus qui Sarmentum cum Hispanis è Fesulano agro acciverat, astuto consilio
 20 eis designari, pararique hospitia certis in urbē regionibus iubet, subindeque
 admitti in urbem eorum impedimenta, & inutilem servitiorum turbam, ut
 species ingressuri præsidij hostium speculatoribus præbeatur. Primis autem
 tenebris obserari cuncta urbis portas præcipit, ne quisquam exeat, & Hispa-
 norum cohortes extorsus præter mœnia, ad Pratum iter intendere iubentur.
 Parent Hispani egregie Sarmento duci suo, & plenis passibus ire pergunt. In-
 terim per portam arcis Alexander & Pyrrhus Italicas cohortes educunt, eas-
 que Rodolphus Baleonus cum equitatu subsequitur, & omnes simul Pratum
 intempesta nocte perveniunt. Nec quiescendi ultra semihoram, quia paratis
 obsonijs & poculis modicè ientarent, spaciū militibus datur. Nec mora Vi-
 30 tellius educit agmen, præcipitque Gaspari Prateni iuventutis præfecto,
 ut occludat portas, caveatque diligenter, ne quisquam egrédia-
 tur, qui certum
 nuncium de adventu suo itinereque ad hostes perferre possit. Hoc verò or-
 dine ad hostes contendit. Præibat cum suâ prætoriam cohortem, atque expeditis
 sclopettarijs Borghesius, cui cum turmā equitum cohærebat Poctius. Hos
 modico intervallo cum Italicis cohortibus subsequēbatur Otho Montacutus,
 eius agminis frontem lectissimis centurionibus firmatam ita perducens, ut ei
 Rodolphus Baleonus universos, quos habebat equites, ad dextram applica-
 ret. Succedebant peditum agmini ipsi duces Vitellius & Pyrrhus: secundum
 verò eos Sarmentus Hispanos accelerare iubebat, qui ideo in postremo ag-
 40 mine collocati erant, ut tanquam subsidaria acies, quantum fieri posset, inte-
 gra atque intacta servaretur, quod in his extremis cohortibus Etrusci imperij
 salus constaret. Eo modo incedentes Cosmianæ copię ad Parusianam, quā
 diximus villam, ubi Sandrinum in insidijs à Strozza collocatum fuisse dixi-
 mus, pervenerunt, nemineque hostium se commoventē, ad pontem & ad
 Strozzeana demum castra contenderunt. Neque enim, uti iussus erat San-
 drinus, sibi prius erumpendum esse iudicabat, quā hostile agmen, quod ex-
 xiguū fore putaret, totum pertransiret. Atque ita quum maius & continen-

totius exercitus agmen, vel obscura nocte transire cerneretur, ut ducis sui imperio pareret, erumpendi occasionem amisit, seque eiciens extra viam militarem altiore circuitu, ad pontem, ubi Strozza constiterat, regredi coepit. Sed is fuit properantium hostium, equitumque invadentium impetus, ut Strozza deceptus suo consilio funderetur, & ut quidam existimant, quum pugnando resisteret, ignotus ab ignoto equite caperetur, sed se felici conatu e complexu hostis statim, ut erat nixu validus & pedibus velox eriperet: hostes vero in castra eius, ut nulla munitione consepata, eodem cursu pervaderent, captisque à Borghesio tormentis, ea repente diriperent, quod Strozzeani nullo ordine constitutis, nec displotis his levissimis falconibus, tanquam perturbati & 10 disuncti viribus, in fugam præcipientes se dedissent, nemine consistere, aut in unum corpus sese conglobare auso: quoniam uti in tenebris accidit, Aurora fortè nymboseior omnem spectatæ virtutis & ignaviæ casum absconderet. In eo tumultu Michael Angelus Romanus Strozzeanæ turmæ præfectus impigrè resistens equo deturbatur & capitur. Ipsi Baleono equus per armos glandetrajicitur. Cadit etiam constantissimè repugnans Ioannes Macstracius è Togata Gallia vetus centurio, paucis quidem interfectis aut vulneratis, sed multis captis, quum Baleonus cum equitatu dispalatos, & in montes effugere conantes, per tria miliaria esset consectatus. Eo tam levi certamine Vitellius potitus hostium castris, vexillis, atque tormentis tanquam rebene 20 gesta, regrediendum esse iudicabat, ne superventu Salviati cum iustis copijs, qui non amplius quatuor milibus passuum abesse & properare dicebatur, partæ victoriæ successum in discrimen adduceret. Sed Pyrrhus atque Othore clamantes felici cæpto audacter incumbendum, expugnandamque omnino arcem, ubi hostium capita essent, sine consilio, nudataque integro præsidio, utendum Fortuna censebant. Atque ita concedente Vitellio, & Hispanos cohortante, ut ad prædam Italos subsequerentur, Otho portam primæ munitionis, quæ in arcem exteriorem perducit, occupat, aliquot ibi utrinque desideratis, & ad alteram portam facto impetu provolat, quæ per arcem in villam arci, ut diximus, similem aditum præbet. Hanc exules interius tumultua- 30 ria materia obstruxerant, desertaque corona exteriore, quæ podij effigiem ostendit, sese in superiorem pinnatam ædificij partem contulerant, inde sclopettis & prægrandibus saxis sese defendentes. Sed ita eius inferioris coronæ spacium undique Cosmiani occupant, ut nemo ex propugnatoribus caput exerere auderet, quin illico pluribus simul glandibus peteretur. Oppugnantes tamen maximè infesti erant tres sclopettarij, qui è sacra turre exterioris templi terga & latera scandentium & invadentium destinatis ictibus feriebant. Dum aliquandiu acriter certaretur, & iam cecidissent nonnulli, & ante te alios cohortium præfecti Mendula Salentinus, & Sebastianus Pisanus, Otho fores coniectis facibus eo euentu succendit, ut flamma intus congestam 40 in aditu materiam omnem corripere, ardereque iam coniuncta portæ cœnacula inciperent, & totum cavedium, superioraque arcis cœnacula, ubi exulum principes erant, fumo & terrore complerentur, eoque trepidantius, quod Caccia Altovitus egregiè prudens & fortis peditum præfectus, in defendenda porta cecidisset, qui solus ab initio locum tanquam hostium audaciæ expositum, aut properè vel tumultuario aggere muniendum, aut celeriter deferendum esse censuerat. Milites quoque per subterranea loca, quod ædifi-

ædificium substructionibus impositum, subtus ubi cisterna erat, totum erat
 permeabile, in superiora revulsis ferreis fenestræ clatris emergebant, ita ta-
 men ut nonnulli properantes incumbentium reliquorum impulsu uti in ob-
 scuro facile accidit, in cisternam nullo ad os circumseptam podio præcipites
 darentur, & demum portulam, quæ in lævo latere arcis erat, aperirent. In-
 terim nihil incendiij flammæ aut prunas veritus Otho, uti erat protectus ar-
 mis, scuto ad os prælato, per ardentem portam irrupit. Hunc pari audacia &
 contemptu ignis alij atque alij secuti, cavedium, & circumambientem porti-
 cum occuparunt, exulibus iam in extremo vitæ metu adeo perculsis, ut ve-
 lum è fenestra proferrent, quod erat deditionis signum: momentoque tem-
 poris occupata ab hostibus arce, exules ad unum omnes capiuntur, Bamba-
 lino Aretino audaci cohortis præfecto, Philippum Strozam sibi notum
 comprehendente, quum se Strozza Alexandro Vitellio commendaret. Nec
 mora Vitellius & Strozam, & reliquos equis imposuit, Floréntiamque per-
 duxit. Unus qui expeti poterat Petrus Strozza fœliciter (ut diximus) ela-
 psum, ad Salviatum cum universis copijs adventantem pervenit. Eadem no-
 cte horaque qua hæc ad montem Murlium fiebant, fœlici quodam augurio
 geminata victoria Cosmo affulsit: nam egressus Pistorio (uti constitutum fue-
 rat) Federicus Montacutus Othonis frater, Cancellarios ad Abbatiam, quam
 vocant Pactianam adortus, quum viri agrestes armatæ cohortis impetum
 minimè ferrent, ipso Mattana interfecto, Battoque fugato, ac reliquis cæsis
 & profligatis victoriam retulit, Bracciolino in adversæ factionis inimicos us-
 que adeo immaniter animi sævitiam effundente, ut captum & deditum im-
 herbem nobilis familiæ adolescentem cruenta manu iugularet. Battus ipse
 pernecitate pedum usus evasit: Franciscus vero Habraus, qui ad Poggiolinum,
 ut diximus, constiterat, ut Tanarianos descendentes invaderet, frustra to-
 tam noctem observavit: audita & inspecta oculis sociorum calamitate, qui
 cum Mattana fuerant, & cognita ex crepitu sclopettorum montis Murlij ex-
 pugnatione, eodem cursu quo Battus ad Salviati copias se recepit, quo iam
 Petrus Strozza pervenerat, certum cladis acceptæ nuntium perferens, &
 Salviatum adhortans, ut descendere maturaret, & hostibus dissolutis ac præ-
 da occupatis victoriam eripere vellet. Sed ille ipso Strozza cautior, negavit
 in id iuniperetum (aspera & senticosa loca eius itineris ostendens) se demis-
 surum: quas tamen haberet copias & tormenta, postquam insensæ Fortu-
 næ reluctari non liceret, maturo tutoque reditu servaturum. Atque ita trans-
 versis Alpium tramitibus per Ferrariensis ditionis fines, Mirandulam ite-
 rum cum Capinio se recepit. Nuntiata est Cosmo victoria, quum esset in
 templo Nunciatæ Deiparæ virginis, ut ibi pro ea vitæ vota susciperet, quæ ei
 cumulatæ lætior extitit, quod ipsis Augusti calendis inciderat, quo fœlici die
 Augustus Cæsar olim nutantis imperij nomen Actiaca victoria confirmas-
 set, quum ipse Cosmus eundem, uti Augustus, horoscopus in genitura na-
 ctus Capricorni sydus pro argumento in insignibus gestare consueisset. Per-
 actis sacris reversus domum, productos ad se exules ea fronte suscepit, ut ni-
 hil victis insultaret, sed dubia severitatis & lenitatis signa miseris relinque-
 ret, blandè monens, ut eodem animo, quo bellum suscepissent, adversi exi-
 tus Fortunam ferrent. Exinde minoris classis captivi, qui antea damnati
 iudicijs, & recenti facinore maiestatis rei fuerant, in foro pars securi percussi,

pars laqueo necati, triste spectaculum populo præbuerunt. Principes autem Valorius ipse cum Philippo filio, alteroque Philippo gentili suo, eius Nicolai filio, qui à Leone Pontifice detecta Boscolana coniuratione summa clementia servatus fuerat, & secundum hos ipse Antonius Franciscus Albicius turbido instabilique ingenio vir, & vetus, peracerbusque exul, rerum capitalium iudicibus Octoviris atque tortoribus traditi, confessi que cuncta conceptæ perfidiæ atque malignitatis consilia, in carcere securi percutiuntur, cadaveraque eorum affnibus maiorum sepulchris inferenda conceduntur, tantibus eorum supplicio plerisque ex populari factione civibus, quod ipsi ñdem Albicius atque Valorius, vel seras veteris delicti merito vitæ exitu perire nas darent, quando eos detrudendi è summo magistratu decennalis dictaturæ, atque urbe expellendi Petri Soderini, authores & principes ante vigin-
tiquinque annos fuisse meminissent. Ab his enim ereptam civitati libertatem, Mediceorumque inductum dominatum, quem tyrannidem vocarent, vel parum libero ore prædicabant. Ambo enim ab eo facinore edito, quum honestissima tulissent præmia, rursus à Mediceis defecerant: Albicius quum perverso eius ingenio nullus gratiæ vel dignitatis locus, nullumque extraordinariæ liberalitatis præmium in patria satis placeret: Valori vero profundæ cupiditati nullæ opes quantumvis magnæ satis forent, utpote qui vecordi superboque ingenio ad summum civitatis imperium aspiraret, usque adeo male occultatis sensibus, ut à Philippo Strozza, ipsoque item Albicio dissentiens, ad montem Murlum in deliberatione, ad iurgium intempestivamque altercationem contumeliosis ferè verbis descenderent, & unusquisque ceteros celeritate præcurrere, & præoccupare in urbe hominum studia nitetur, quæ ipsis præproperis immatura festinatio proculdubio perniciem attulerit. Horum siquidem trium diversa erant consilia, sicuti in quæstionibus & tormentis protulerunt. Valorius, ut diximus, ab ætatis honore dominatum affectabat perpetuæ dictaturæ nomine, sicuti antea Soderino obvenisset. Philippus populari favore, & gratia totius iuventutis, quam comitate, largitione, honestisque atque inhonestis artibus, uti tum urbis mores ferebant, sibi conciliarat, validissimè subnixus: & uti habebatur pecuniæ ditissimus, ac affinitatibus potens: liberum supra magistratus omnes iucunda conditione principatum in urbe sibi destinabat, Laurentio Medici profocero similis evasurus. Cæterum Albicio nihil nisi turbulentum cogitanti ea mens erat, ut in veteres inimicos odium exerceret, eorumque sanguine & Fortunis truculentum exaturaret animum. Quibus de causis, uti verissimo constat argumento, Philippus Strozza Valori immodicam ambitionem, & diram Albici crudelitatem prædamnans, utrique necem afferre cogitavit, quum in eorum cædem allekti præmij, se promptissimas manus allaturos pepigissent Sandrinus Filicharius, & Cecchinus textoris filius, iam pridem ab adolescentia Philippo addictus. Hic in fuga captus, proditorum more in foro suspensus est: ille è prælio effugiens, aliquanto post, quum in suspicionem mutatæ fidei Strozze venisset, ab his (ut fertur) Ferrariæ trucidatus est. At quum diu Strozza in arce à Vitellio, & demum à Ioanne Luna, cui arcem tradi Cæsar iusserat, custodiretur, miserque auro oblato, & datis impensè muneribus sese redimere frustra contenderet: ad extremum Cosmus à Cæsare impetravit, ut sibi traderetur, de nece Alexandri atq; Hippolyti Cardinalis quesituro,

lituro. Quod ubi Philippus rescivit, nè perferre immitia tormenta, & in perniciem amicorum arcana fateri, & indignam natalibus suis necem subire co-geretur, animum tam generose quàm impiè despondens, gladio, quem Hispanus carceris custos temerè exiens reliquerat, gutturi apposito, eo nixu & corporis pondere incubuit, ut quum exeuntem Hispanum adacto statim ver-
 de ostio exclusisset, nec cito postes cardine revelli possent, patefacto aliunde ingressu exanimis cruento in pavimento reperiretur: relicto in mensa chiro-grapho, quo testabatur, se qui rectè vivere nescivisset, generoso animo vitæ & miseris finem imposuisse. Indignus certè eo vitæ fœdo exitu, quum inge-
 nio erudito, apprimèque liberali, summè graciosus apud cives, & elegantis-
 simus evasisset, nisi de superis atque inferis malè sentire, apertiusque illudere Christianæ disciplinæ præceptis esset solitus: atque inde procacius quàm de-
 ceret Vestalium virginum amoribus servire crederetur. Ferunt Cosmum mi-
 ti ingenio clementiæ laudem excipere paratum, servare Strozzam quàm sup-
 plicio afficere maluisse, quod Ioanni patri amicorum atque sodalium intîmus
 fuisset, nec suopte ingenio, sed Petri filij impulsu, & inimicitias, & denique
 fatale bellum adversum se suscepisset. Quod ideo credere facile fas sit, quum
 in eadem causa Paulum Valorium, ipsius Bartholomæi supplicio damnati
 filium, Philippique Strozze generum designatum, Bracciumque item Guic-
 ciardinum, Verium Castellionem, T. Canisianum, & Chiurlum Macchia-
 vellum, quos iure occidere poterat, diuturni tantum carceris pœna dignos iu-
 dicasset: & Ioannem Adimarium, Americumque Antinorium, & Lepro-
 nium Rinerium ab Hispanis captos, sese pecunia (quum æquo iure id posset
 vetare) redimere permisisset, quod parcendum edendis supplicijs, & finem
 acceptæ iniuriæ, conceptoque odio imponendum arbitra-
 retur, & gentilibus damnatorum bo-
 na liberaliter adiudi-
 caret.

PAVLI IOVII NOVO-
COMENSIS EPISCOPI NV
CERINI, HISTORIARVM
SVI TEMPORIS

LIBER XXXIX.



CÆSAR ab Hispania per mediam Galliam in Belgiam profectus, non Gallorum modo suopte ingenio exoptata facile credētium, sed principum omnium animos magna pacis expectatione suspenderat. Neque enim perit rerum, qui æquissimo iudicio, & studio maxime libero vigerent, fieri posse existimabant, ut regum longè maximus, ingenio gravis, & veræ gloriæ percupidus, Francisci regis antiquas spes publico omnium consensu confirmatas diutius frustraretur, quū tanto apparatu, tantisq; honoribus exceptus, nihil apud generosum Regem de salute subdubitans, vultuque maturæ pacis spem præbens, clarissimas Galliæ urbes percurrisset. Postularat quoque Cæsar à Pyrenæis digressus, ut legati communi consilio ad Venetos mitterentur, qui nunciarent deterfa animis odia, amicitiamq; subinde sincera fide renovatam, ea mente ut præclaro fœdere icto, consilijsq; Christiana pietate dignissimis ingenti animo susceptis, in Solymanum dirum verumque hostem totius Europæ arma verterentur. Descenderant itaq; ut legationi maior inesset auctoritas cū ornatissimo comitatu ipse Alfonso Davalus, Cæsaris in Italia dux summus, & Hanebaldus ab insigni fide & vigilantia Gallicis copijs ad Taurinum præpositus, exceptiq; fuerant admirabili pompa, quum eis Landus princeps solenni thalamago, quod buccentaurum vocant, & multis exornatis triremibus occurrisset. Erant tum Veneti ab recenti Turcico bello varijs acceptis incommodis vehementer afflicti: nam præter Corcyram, multis millibus hominum in servitutem inde abductis, latè vastatam deformatamque crudelibus incendijs, & Obrovacium in Illyrico infœlici temeritate tentatum, etiam Creta, & insule Cyclades gravissimas clades acceperant, negotiatoresque Veneti non modo Byzantijs, sed tota quoque Syria ac Ægypto capti, in cathenis servabantur, bonaque eorum & preciosa mercimonia Barbari præfides in fiscum retulerant, neque sublato commercio & deserta navigatione ulla spes erat exercendæ mercaturæ, ob idque privatæ opes, quibus publicæ steterant, everfis multorum Fortunis concidebant, adeo ut post pacem ad Hidruntem unius trierarchi turbido, insolentique ingenio abruptam, temere sumpsisse arma adversus tantum hostem, improvideque fœdus cum Cæsare percussisse poeniteret, cum periculosi belli, cuius prima vulnera, damnaque ad ipsos recidissent, prægrave exitiosumque onus se subisse perspicerent, in nullam præsertim spem victoriæ terrestri, sed debellandæ tantum classis, cuius animi ac virium nuper cum ignominia ad Leucadem periculum fecissent. His de causis à Solymano inducias impetrarant, adiuvante, uti suprâ memoravimus, Gallorum rege, qui eos à fœdere amicitiaque Cæsaris divellere cupiebat, ut

Auriana

Auriana demum classis numero longarū navium impar, Hariadeno vacuanti maris possessionem concedere cogeretur. Induciarum verò iam prope totum tempus effluxerat, incideratque Venetijs tanta inopia frumenti, ut sæva fames in propinquo spectaretur: neque eos Cæsar, vel id ex fœdere postulantes, frumento Siculo sublevabat, quod tum multo gravius quàm antea vectigal alio tantibus imposuisset, adeo ut illud tritici venalis pretio & vecturæ pariter æquaretur, nec ulla omnino paratior spes erat frumenti comparandī, quàm e Macedonia & Græcia, si cum Solymano ad antiquam pacem amicitiamque recurrerent. Is enim paucis ante annis pari penuria laborantes liberaliter adjuverat, ingenio nequaquam Barbaro, præfatus inhumanum esse & principe indignum ex aliena calamitate lucrum expectare, quum alendos iudicaret, qui ex ira Deorum immortalium interceptis frugibus miserabile vitæ periculum subirent. His de causis plerique optimatum ad non dubiam spem avertendæ famis, antiquam pacem repetere, & tantis sumptibus, qui maximè diuturni ac intolerabiles futuri viderentur, finem imponere cupiebant. Erat quoque liberis sermonibus evulgatum, Cæsarem præalto avidoq; ingenio, sed eo in omnem modestiæ simulationem probè composito totius Italiæ, & denique Europæ omnis imperium affectare: unos autem Venetos omnino esse reliquos, qui obstarēt, & vigilanter libertatē suam tuerentur, quum cetera imperia inusitato quodam & prorsus fatali arridentis Fortunæ munere in eius potestatem devenissent. Proinde illum validis subnixum rationibus non ineptè quidem expectare ex eo prægravi bello, ut Veneti publica privataque ac singularum quoque imperij sui urbium, consumpta pecunia, attriti ac inopes, opportuniq; iniuriæ redderentur: quandoquidem ipse Cæsar & Ferdinandus frater non obscuro, sed diverso iure septem illis Venetiæ urbibus imminerent, quas antea Maximilianus avus Gallo coniunctus, armis cœpisset. apparerebat enim socias civitates, si pecuniam conferre cogerentur, uti acerbius ex pilatas fidem facile mataturas, quum duorum fratrum consilio concitatis Germanis, qui undique fines clauderent, repentinum bellum inferretur. Propterea senatus magnopere dubius, in ancipiti sententia versabatur. horrebat enim Turcarum arma à ducentis annis Veneto homini semper funesta: instantem timebat famem, obscuraq; Cæsaris consilia suspectabat: quarum rerum pericula, una statim cum Solymano confecta pacē tollerentur: sed non deerant, qui eam vehementer improbarent, ex ipsa scilicet quorundam potentium factione, quæ iam pridem depravatis antiquis moribus malo reipublicæ enata erat, confirmataque demum Neapolitano fœdere, quo nihil toti Italiæ importunius accidit: ex obliquo siquidem, ut Cæsari faverent, pacis authores sententijs atque suffragijs oppugnabant, quando ea pax non ingenti modo auri ponderē, sed maximè damnosa atque turpissima duarum urbium concessione ab infido immanique Barbaro redimi videretur. Erant eæ Nauplium & Epidaurus, quæ reliquæ ex omnibus ante bello amissis in Peloponneso Venetis parebant. eminebat etiam in ipsa mentione pacis subeundæ invidiæ ac ignominie non obscurus pudor, quum Venetus præpropèro decreto ac infami præiudicio, uti subtracto navali apparatu quo plurimum polleret, Italiæ oram Barbarorum classibus evastandam proderē videretur. Is erat animorum habitus, quum legatis à lectissimo civium ordine in curiam deductis datus est senatus. Coiverat autem tanta hominū multitudo, ut amplissimo conclavi comitijs di-

cato, minimè caperetur: multi enim Hanebaldum Gallorum ducem bellica laude florentem intueri, sed omnes maximè Davalum cum sua proceritate & dignitate oris conspicuum, tum rerum gestarum fama clarissimum, orantem audire cupiebant. Is à latere principis exurgens, in hanc fermè sententiam præclara militarique facundia locutus est. Præclara magna numinis, divorumque omnium providentia factum esse reor, serenissime Dux, huius amplissimi senatus, ut duo longè maximi Europæ Reges, qui modò perpetuis armis inter se contendebant, non dubia tacti religione in mutuos synceræ amicitiae complexus devenerint, in id unum protuldubio cōsiliū, ut constituta pace, conturbatis, & tam diu affectis Christiani imperij rebus dignam ipsorum nomine tranquillitatem afferant, & suscepto sacro bello tot acceptas a Barbaris clades ulciscantur. Hoc ut vobis viri Veneti nunciaremus, Reges ipsi nos huc miserunt, ut pari studio, quo vos semper arsisse pro dignitate huius amplissimæ civitatis compertum est, opportunè incenderemus. Vos siquidem unos præ omnibus, qui tantum navali apparatu disciplinaque, & maritimis copijs valentis, in sacri belli, speratæque victoriæ societatem asciscunt, & dignos existimant, qui peculiares totius victoriæ fructus nanciscamini: quandoquidem renovato conatu & coactis tot classium viribus nemo non videat Barbaros mari omnino inferiores futuros, tametsi se ad Actium victores dudum evalisse iactent, quum non virtute, sed inexpectato intempestæ procellæ beneficio, victrices iam prope manus nostras evaserint. Nobis enim certa ratione pietatis innum tantas undiq; vires conferentibus, cuncta cœli & terræ marisque numina propitia aderunt, atque animos profectò ut vinci discant, Barbaris eripient. Quamobrem de terrestribus etiam copijs nostris bene sperare fas est, quandoquidem ad eas, quas modò Cæsar ad Viennam ipso Barbarorum imperatore in fugam coniecto in aciem produxerit, accessura sint non modò totius Gallie equitatus & peditatus perampla auxilia, sed suos etiam magni roboris exercitus Sigismundus Sarmatiæ rex, religionis atque virtutis nomine contra impios feliciter pugnare solitus, nulla interposita cunctatione sit adducturus, sic ut de explorata iam propè victoriā minimè sit dubitandū. Hæc itaq; pie iuncta consilia, quod Christiano nomini secundissimè cedat, Cæsar atque Franciscus ut suscipiatis, & iustæ gloriæ atque victoriæ spem votis ritè nuncupatis, complecti velitis, plurimum cohortantur, vosque salutari decreto ab amicitia Barbarorum pios fortesque animos avertere suadent. Generosis enim animis vestris omnino turpissimum videri potest extendisse inducias, & infamem atque insidiosam pacem pio atque iustissimo bello prætulisse. Neque enim opulentissimam hanc rempublicam, vel magnis propositis belli sumptibus, à bono & æquo deterreri decet: nam quod præsentis est & diu exoptatæ occasionis, si semel vicerimus uno aut navalis aut terrestris victoriæ provenitu cuncta superiorum temporum accepta incommoda, incomparabili vestra cum laude farcientur. Ad ea Landus publico nomine respōdit, Nihil unquam ab ulla patrum memoria Veneto senatui vel specie legationis ad dignitatem honorificentius, vel ad publicam securitatem ipsa spe pacis optatius ac opportunius evenisse, postquam duo longè maximi Reges duobus præstantissimis ducibus legatis missis certam inter se cōcordiam & maturam pacem nunciarent, ipsis certè ad sempiternæ laudis nomen maximè gloriosam: Venetæ autem Reipublicæ tantis difficultatibus circumventæ apprimè salutarem, mi-

rem, mirumque in modum etiam reliquis Europæ principibus expetendam, si publico consensu confociatis viribus de sacro bello sincera & religiosa fide cogitarent. Tum enim Venetos neque sibi, neque reipubl. defuturos, quin inducias, quæ cum Turcis essent, nequaquam fœda pace, sed constantibus armis atque victoria finirent: proinde supplicandum esse Deo maximo, divisque omnibus, ut Reges totam eam spem pacis, quam mutuis colloquijs complexibusque afflicto terrarum orbi pollicerentur, pio decreto & felici eventumaturè & gnaviter implerent. Sequentibus porro diebus legatos de morè in collegium paucorum vocatos lectissimi senatores interrogarunt, an quicquam de legibus scirent, quibus ea pacis & amicitiae fœdera sancirentur, ac obiter, putarent ne, Cæsarem in usum pacis Cisalpinæ Galliæ imperium Francisci regis filio concessurum? Subticente ad id Hanibaldo, Davalus nihil plus exploratum se habere quàm convenisse inter se Reges, idque appetisse Cæsarem respondit, qui gravissimis de causis fessæ & labanti Christianæ reipublicæ succurrendum existimarit: id verò quod vel cæci præclare intuerentur, nequaquam expediri posse perficique fœliciter, nisi Cæsar pro magnitudine animi plurima concedendo, donandoque Francisci regis votis annueret, voluntatemque redimeret. Generosus, inquit, patres conscripti, gravem etiam rerum suarum iacturam facile contemnit, quum amplissima veræ laudis ac ingentis famæ commoda latè prospiciat. Erant hæc dictu valde magnifica, grataque auribus, sed inveteratæ prudentiæ homines nihil penitus ad animum admittēbant, ut Cæsarem, cuius vel intimos sensus tractando explorandoque sæpius novissent, temerè crederent Mediolanensi imperio decessurum. Id enim unum Gallus repetebat, pro quo per viginti ferme annos commoto & perturbato terrarum orbe infelici contentione dimicasset. Movebat senatum novæ ac inusitatæ legationis auctoritas supra veteres legatos Didacum Mendocium Hispanum & Gulielmum Pellicerium Gallum qui aderant, ob id maxime suspecta, quod nihil certum discussumque præter spem futuræ pacis attulerat, ita ut plerisque magno Cæsaris commodo ad fallendum instructa atque adornata crederetur. In eo enim totius artis momentum verti videbatur, ut Venetus in spem concordiae communis adductus, consilium cum Solymano de prorogandis inducijs & petenda pace penitus abijceret. Eam autem alieni arbitrij aleam subire seniores imprimis periculosum atque omnino insanum esse iudicabant: quid enim ipsis sperandum, si Fortuna conceptæ paci successum eriperet? nisi ut deserti ab omnibus, obiectique immanibus Barbaris stultæ credulitatis gravissimas poenas darent? Sed vel inanem spem pacis Marcus Antonius Cornelius haud obscure Cæsari favens mirifica, illustrique facundia sustentabat: disserebatur contra à Francisco Donato, qui principe loco dignus antiquam divini & maxime constantis ingenij auctoritatem sententijs suis afferebat. Itaque senatus veluti magno in æstu diversis magnisque fluctibus iactabatur tanta contentione, ut patres in curia consultando, expendoque integras ferè brumales noctes absumerent. Erat tum senatus instar quassatæ navis rimarum plenus: hac & illac enim perfluebat, quod antea nunquam acciderat, usque adeo ut sententiæ, decretaque inexorabili antea silentio religiose custodita, non modo ad præsentēs legatos, sed in provincijs quoque literis emanarent: tanta enim erat insania susceptæ semel factionis, in clarissimis etiam senatoribus, qui ex professo noscebantur, ut an-

riqum illud decus optimæ reipublicæ odiosa paucorum ambitione & venalibus studiis atq; suffragiis prodi videretur. Propterea animadverso vitio Marcus Foscarus profunda prudentia vetus senator dixit, rempublicam prodi multitudine & malignitate suffragiorum, breviq; perituram, nisi paucorum fidei iudicioque salubriter commissa maturè sanaretur. Erant enim ex ordine rogatorum, qui dicerent sententiam, & in suffragium irent homines ferme ducenti. Hac multitudine offensus ad quinquaginta viros, qui usurerum, fide, caritateque patriæ probarentur, gravissimi atque maximè arcani consilij summam revocabat. Itarebatur multorum infamiam paucorum sapientia superari, sed tanta mox Foscarus invidia deflagravit apud multitudinem, quum ea se consilij excludi, notariq; infamia levitatis atque imperitiæ minimè pateretur, ut vir ille inter summos senatores facile excellens, & quo nemo gravitate iudicij potior habebatur, rogatorum ordine sit eiectus, spoliatusque omni honore, diu in singulis comitijs pudendam reipublicæ repulsam tulerit. Verum ei non multo post, quod divinè & sapientissimè providisset, magnæ gloriæ cessit, detectis his qui reipublicæ arcana prodiderant, severissimeque damnatis. Hi fuere patritij ordinis Mapheus Leonius, & Constantinus Cabatius decemviralis collegij scriba. Reliqui autem complices cum Francisco Valerio, qui patritio patre ex damnato coitu genitus, perfidiosæ largitionis minister, & interpretis extiterat, laquei poenam inter geminas columnas in foro tulerunt, quum paulo antè Leonius, atque Cabatius in Galliam profugissent. Ceterum ea de pace contentio hunc habuit exitum, ut senatus urgente præsertim fame, concordie principum diffidens; & tamen eventum expectans, tres legatos decerneret: ex his duo ad Cæsarem Franciscumque regem explorandis eorum consilij mitterentur: tertius, qui erat Aloisius Badoerius forensi eloquentia insignis, ad Solymanum maturè contenderet. huic adiunctum est, ut desperatæ inter Reges pacis famam præoccupare niteretur, sed daret operam cunctis ingenij artibus, largiendoque præsertim, ut Nauplium & Epidaurus Veneto nomini servarentur: quod si id ab astuto insolentique Barbaro impetrare nequiret, necessitati daret manus, & quavis conditione pacem conficeret: eam enim decemviri è Republica fore existimabant, secretoque de deditioe urbium in mandatis adscripserat, veriti scilicet imperitiæ multitudinis vim atque tumultum, quæ inde veluti satis honestam nata causam reclamandi intercedendique, proculdubio saluberrimi consilij decretum evertisset; neque enim in dubium vertebatur, si cunctarentur, & serò pacem peterent, quin Solymanus ex aliena imbecillitate necessitateque impotentis animi cupiditatem extenderet, nec daturus esset pacem afflictis atque desertis, nisi quod esset ipso Venetæ urbis excidio penè acerbius, Cephalenia, Zacynthus, ac ipsa denique Corcyra traderentur. Itaque Davalus & Hanebaldus, qui ea de causa venerant, ut cum Turca pacem impedirent, nihil omnino diligentius effecere, quam ut eam Veneti proviso rerum suarum periculo conficerematurarent. Fit enim plerunque in consilij humanisque rebus, ut alioqui rectè speratus, & facilis successus nimia diligentia & cura corrumpatur. Neque dubium fuit, quin Hanebaldus in speciem tantum personam legationi præstitisset: clam verò per Guliermum Pellicerium veterem legatum pacem ac amicitiam cum Solymano persuasisse crederetur: atque ita evenit, ut quum Badoerius apud Byzantium, impetrandæ pacis gratia

gratia certam pecuniā vrbium loco polliceretur, Solymanus eum tan-
 quam impudentem mināciter obiurgaret, ac non aliter se daturum pacem,
 quā acceptis vrbibus, testaretur: quoniam de decemuirali decerto certior
 factus, eius rei transigendæ potestatem legato datam esse ex literis ostenderet.
 Quamobrem Badoerius cum pudore redargutus, perfususque non dubio
 mortis metu, vbi arcana mandatorum Solymano, & purpuratis detecta esse
 conspexit in eas condiciones pacem accipere coactus est, quæ Nauplio, atque
 Epidauro traditis sanciretur. Quibus etiam Peloponnesi vrbibus accesserunt
 duo Dalmatiæ castella, Nadinum, atque Labrana: graui quidem cum dolore
 10 uniuersi senatus, postquam de tam iniqua transactione Venetijs est rescitum:
 vnde mox Badoerius atroci inuidia deflagrauit, quum ea dedisset, quæ ex
 mandatis dare non posse credebatur, vsque adeo in eius nomen asperè con-
 citato populo, vt vix demum detecta Cabati perfidia, quin exilio, & bonis vel
 insons mulctaretur egerrimè seruatus sit. Interea Cæsar dimissis Francisci re-
 gis liberis, qui officij causa persecuti Valentianum vsque processerant, quum
 de concordia perscriptis conditionibus acturus esse crederetur, integrum
 tractandæ pacis negotium in aduentum Ferdinandi fratris reiecit. Is tum è
 Norico, vt explicandis consilijs interesset, Rheno deuectus aduentabat. Ni-
 hil enim dum esset in Gallia Cæsar egerat de pace, nihilque præter iucundissi-
 20 mos sermones audierat: quum id antea consilio, vt mox apparuit, subtili
 potius quàm honesto per Anneum Memorantium petisset: ne si alienæ po-
 testatis factus in solo nuper hostili minus liberè minusque utiliter de pace
 transigeret, totius institutæ liberalitatis suæ gratiam defloraret: quando ea de-
 mum apud omnes opinio foret, quæ facile tolli non posset, vt ipse nequaquam
 ex animo & satis generosè, sed ignobili metu, & cæco pudore circumscriptus
 ad iniquas pacis condiciones descendisse crederetur. Id verò faciliè recepe-
 rat Gallus, quum certo excelsi animi decreto hospitales mensas, quibus regina
 ipsius Cæsaris soror cum lectissimo scæminarum comitatu ad hilaritatem indu-
 ceretur, nulla penitus amaritia perfundendas existimaret. At Cæsar ab ea
 30 mora dilationeque Gallorum animis in vltiores spes opportune traductis,
 contra ac plerique arbitrabantur, Gandauum recta contendit, præmissa Ger-
 manorum legione, adductisque secum Belgarum alis, quibus antea vt præsto
 adessent locum diemque præscripserat. Gandauenses desperata Gallorum
 ope, quod pacem cum Cæsare occultè confectam crederent, occulto metu con-
 territi, & præoccupati celeritate Cæsar, in pompæ morem gratulantes se ef-
 fuderunt: sed ea erat apud salutantes recentis facti conscientia, & contra is oris
 habitus portam intrantis, vt hic non natalis soli vrbem, et patriam altricem
 pueritiæ, sed inuisa & prorsus inimica mœnia tecta que subire videretur: illi
 porro cum in oculis Cæsar, dubiam lenitatem agnoscerent, tristi vultu, &
 40 summisso murmure se poenitere faterentur, quod non pro patria armis forti-
 ter desumptis, portas ab initio clausissent. neque enim vi subigi expugnari que
 poterant, quum amplissima ciuitas vel subitario tumultu supra quadraginta
 hominum millia facile armaret: sed Gandauenses cum iuri suo tum viribus au-
 dacius confisi grauiorem quàm putassent contumeliæ noxam subierant, eo-
 rum consuetudine qui vbi facinus admiserint, vt id demum extenuent, cul-
 pam sua potius quàm aliena conscientia metiuntur: siquidem, vti memorauimus,
 tanquam liberi & immunes Mariæ reginæ, quæ Belgis præerat, pecuni-

am in Gallici belli sumptus imperanti insigni contumacia restiterant, adeo ut paratam victoriam interpellasse viderentur. Id facinus altè admodum & grauiter in pectus Cæsaris descenderat, quòd ab ea ciuitate in qua esset natus initium detrectandi imperij exortum videbat, summo quidem rerum suarum periculo, quando in eadem causa prouinciæ omnes perpetuis tributis exhaustæ ad non dubiam rebellandi occasionem Belgarum exemplo vocarentur. Nam Hispania omnis dudum conferendis pecunijs fessa, & ob id consternata animis, in conuentu liberas voces ediderat: Insubres quoque ex opulentissimis ad egestatem redacti, diuque vel in pace immaniter vexati, frustra apud furcias Cæsaris aures præsidum acerbiter quererebantur: Neapolitanum vero regnum, quo nihil spoliatiùs vnquam fuit, euersum exutumque omni pristina dignitate conciderat: & in Sicilia cum annuis tributis tum nouis rei frumentariæ victigalibus, & frequentibus Hispanorum æstiuis hybernisque euastata, occasio potius rebellandi qua consensus deesse videbatur. Itaque Cæsar ulturus iniuriam, quum iam pacato planè animo videretur, dispositis per urbem custodijs multos vno tempore comprehendi iubet. Nouem ex his, quos turbido ingenio aut facundia insigni & militari præsertim audacia compererat, iudicio damnatos, uti reos maiestatis interfecit: his paucos post dies sexdecim desiderio libertatis, & populari potentia suspectos addit: de quibus pariter in foro, conterritis omnibus, supplicium est desumptum, Ab hac reorum poena veteres demum ciuitatis immunitates vno edicto abrogat, leges dissoluit, totum id ius abolet, quo magistratus creabantur, ingentique pecunia ciuitatem mulctat, quæ in sumptum ædificandæ arcis transferretur. Instituebat enim per amplam arcem opportuno vrbis loco, insignie templum atque cœnobium diui Beonis memoriæ dicatum complexus, ut Gandauenses iugum seruitutis ex merito ceruicibus impositum sentirent. Erant qui in eos aliquanto grauius, quam expediret, animaduersum arbitrarentur, quòd per uicacis ac indomitæ gentis is esset animus, ut vi subactus conspecto semel cruore odium iramque recondere, nec vllis subinde lenimentis flecteretur, ut ex toto demum in vindictam exercendæ seuitiæ locum aperiret. Damnantissimis seueritatem Cæsaris totius Germaniæ liberæ ciuitates, horrebantque imprimis impolitæ arcis nomen, uti nouum & maximè infestum libertati, ita ut Gandauensibus tanquam socijs, si Cæsarem casu aliquo Fortuna defereret, recuperandæ libertati maturam opem laturos uiderentur. Sub id tempus Ferdinandus ad Cæsarem venit, expectabaturque sollicitis legatorum animis toties inita nec vnquam tamen confectæ pacis euentus. Venerat per eos dies sub fide publica Villermus Cleuensis regulus, affinitate ac amicitia Gallogi acriter coniunctus, is a Carolo Gheldrio, qui sine liberis decesserat, hære testamento scriptus Gheldriæ regionem sibi finibus coniunctam obtinuerat, inuito iratoque Cæsare, qui suo Augustali iure dicendi instituendique principis auctoritatem sibi ereptam indignabatur. Cupiebat enim eum conciliare obligareque certis beneficiarij principatus legibus, ut, quod erat in intimo sensu, conducendi è Germania milites Gallo regi facultatem eriperet. Nam è Menapijs atque Sicambris, qui hodie Cleuenses Gheldrijque vocantur, nunquam Gallo regi mirifice cohortes legionesque proposita mercede defuerant. Nihil Villermus de pacis euentu dubitabat, Gallumque ex commodo suo neglectis socijs atque clientibus, modò Mediolanum reciperet, cuncta facturum arbitra-

arbitrabatur, ob id se conferre ad auctoritatem Cæsaris, eique pro Gheldria sacramentum dicere, Christiernamque (ea Francisco Sfortiæ nupta fuerat) ex Cæsaris sorore genitam, vxorem ducere paratus erat, sed Gheldriæ ducis, & principis nomen, dum vita maneret, concedi, conseruarique sibi beneficio Cæsaris postulabat. In ea re tribuenda Cæsar nihil vnquam, nisi ex maiestatis dignitate facere aut pati solitus quàm expediret, durior est inuentus, quum præfecturam tantum abrogato principis nomine se concessurum respondisset. adeo enim decoris erat tenax, vt futura commoda facile contemneret, modo præsentia vel ancipiti periculo tueretur: sed pari ingenio & Germanica constantia Villermus quum speciosi susceptique simul tituli honore spoliari nollet, pro quo armis certari & nauiter occumbere minimè recusaret, se consulturum prouinciales suos dixit, & sub ea qua venerat fide intra fines est reuersus. Iam enim paratæ pacis metus multorum dierum mora refrixerat, & Galli eum oportune monuerant, ne quid temere transigeret, quum varijs coniecturis non infirmas modò, sed penè extinguitas esse spes pacis significassent. In eodem quoque metu fuerat Henricus Britannix rex ab inextinguibili iniuria, qua reginam repudiij dolore ad mortem adegerat, Cæsari auersus. Summæ enim dignitatis legatos in Belgium miserat, qui in rem Cæsaris multa pollicerentur, vt tutum, si pax fieret, ad eius amicitiam receptum pararet. Commouerat & ea colloquij fama Solymannum vsque adeo, vt indignabundus inconstantis ingratiq; animi Gallum regem incusaret, iamque timere inciperet, ne in se à coniuratis regibus Christiana arma verterentur. Ob id Antonius Rinco legatus atrocis supplicij percussus metu speculatorium nauigium occultè parauerat, quo se per noctem celeri fuga in Pontum eriperet. Germani quoque principes, qui Francisci studia secuti cum Austria domo graues infestis armis simultates susceperant, non obscure admonebantur, vt priuatim rebus suis consulerent. quas enim vteriores spes ipsis relinqui, vt dignitatem & denique penates tuerentur, si Gallus commodo suo conciliatus Cæsari ipsos desereret atque, irato merita poena plectendos obijceret? Iam enim Cæsar & Ferdinando ostentato pietatis studio dederant operam per idoneos homines, vt principum liberarumq; ciuitatum legati Haganoam in Tribocibus mitterentur, vt ibi colloquendo disceptandoque de placitis, & verò dogmate rerum diuinarum maior demum & augustior conuentus apud Vangiones indiceretur: quo illam auditu foedam, et valde pestilentem Lutheri de religione controuersiam finirent. erat hic præclarus admodum prætextus, sed in recessu animi Cæsaris graue consilium incubabat, quo scilicet potentix suæ maiores opes astrueret. Iudicabat enim Germaniæ regulos multa & maximè liberali indulgentia, dissimulatio- neque earum rerum, quæ religionis causam moresque respiceret, et multa denique lenitate alliciendos. Sic enim ab amicitia Gallorum auerti posse, sic dissolui occultas coniurationes & clientelas, nudarique certo atque expedito præsidio Galliam rebatur. hæc in arcanis erant, palam verò communis omnium concordia, & consensus in religione, & digna Germanico nomine ingentia auxilia aduersus Turcas petebantur. Ceterum Cæsar diu cum fratre collocutus, quod diutius extrahere moras, suspensasque hominum voluntates incolu mi pudore tenere non poterat, conceptum antea inconcussi animi decretum protulit, misitque ad Franciscum regem cum mandatis Pelusium familiarem

suum, qui Io annem Lotharingum Cardinalem, ipsumque Anneum Memo-
 rantium conscribendis pacis conditionibus antea delectos euocaret. Summa
 mandatorum hæc erat, Cæsarem nihil lubentius complecti quam pacem,
 quanquam Reipublicæ potius quam sibi profuturam, proinde multo am-
 pliora augustioraque, quam Franciscus expeteret, communis concordie cau-
 sa concessurum. Imprimis asciturum sibi in generum Carolum Francisci filium,
 eundemque sororis suæ priuignum, atque eum ex iure Augustæ maiestatis, &
 dotali nomine Belgarum regem effecturum, quo nihil honorificentis atque
 beatius exoptari posset: quando Franciscus in sua domo alterum e duobus li-
 beris iam regem Galliæ designatum, alterum nouo & maximè decoro floren-¹⁰
 tis, & contingui regni diademate insignem esset habiturus: qui mutua fraterna
 que ope, coniunctisq; sensibus opulentissima regna tuerentur. Neque remotas
 spes maximarum rerum, quæ in abditis fatorum essent, obiter spernendas vi-
 deri, quando eas sapientissimi viri præalto alendas consilio, & bonis euentibus
 commendandas semper existimarint. Posse enim Fortunam, quæ suapte li-
 bidine mortalium votis illudendo varietate casuum magnopere guaderet,
 Philippo pariter, & Hunrico inuidere prolem, & quod Dii penitus auerter-
 rent, immaturæ etiam ætatis vitam abrumpere. Tum enim Carolum aut
 certè ex eo communis sanguinis stirpem, totius ferè Europæ regna legitimo
 hæreditatis iure, & rara felicitate complexurum. Quod verò ad Galliæ Cisal-²⁰
 pinæ imperium pertineret, cum sibi cum Ferdinando fratri ineptum simul ac
 infaustum videri inde decedere, sicuti antea cum totius Italiæ præcibus ali-
 quid dandum arbitraretur, liberali animo decessisset. nihil enim aliud esse
 quam Italiæ humeris detruncari caput, quo reliqua eius imperij membra re-
 gerentur. Periniquæ autem malignitatis esse, quod ea regna plerique morta-
 les Fortunæ suæ penitus inuiderent, quæ nequaquam quæsitæ armis, aut im-
 potenti cupiditate, sed quodam humanæ sortis iure atque ordine oblata colla-
 taque ad manus felici hæreditate peruenissent. Porro non esse ex usu iuris
 & equi, obstrui sibi aditum & portus ab Hispania in Liguriam venturo, quum
 Genuenses commodo suo Mediolanensis imperij Fortunam subsequantur, ³⁰
 subindeque etiam tolli tutum atque expeditum iter in Germaniam, quæ sibi
 pro maiestate nominis nequaquam alieni arbitrij beneficio repetenda uideret-
 tur. Ad ea Franciscus quanquam, uti spe opinioneque deceptis plerumque ac-
 cidit, vehementer animo commoueri videretur, pacato tamen, sed renidenti
 vultu respondit, se gratias agere Cæsari, quod multo ampliora speciosioraque
 quam ipse sperasset tributurum incredibili benignitate polliceretur: cæterum
 se usque adeo non esse inuerecundum, ut illi auita regna, & denique natale so-
 lum eriperet. Proinde potiretur Belgicis regnis, quæ optimo iure sua essent,
 eaque posteris possidenda transmitteret: itaque æquum videri, ut de composi-
 tione loqui desinerent, postquam ipse aliena non cuperet, & ea tantum quæ ⁴⁰
 antiquo et multiplici iure sibi deberentur, uti Fortunæ casibus interceptare-
 petisset, emprurus etiam ea graui pretio, et magno Cæsaris emolumento, ut
 afflictis vtriusque imperij gentibus certa, & maximè diuturna pax cum publica
 laude redderetur. Erat enim noua atque inexpectata conditio, quæ offere-
 batur, multum aliena a rationibus Galli Regis, opportuna autem Cæsari, qui
 publicæ pacis cupidus existimari volebat, quum iam totius ferè Italiæ im-
 perij compos factus, e certis veluti opibus cuncta quæ animo conciperentur
 sibi

sibi facilia fore prospiceret. Hæc autem à Cæsare tanto silentio tegebantur, ut ne Farnesio quidem legato communicanda iudicaret, quod hercle ingenio pioque principe indignum non insulsis videri poterat: quando ille in tanta conuentus opportunitate ab auo Pontifice gratulatum missus, vel infesta hyeme, & niuosis Alpibus in Galliam peruolasset: sacras enim opes conciliandæ paci, cunctasque item Pontificij imperij facultates obtulerat, si fœdus pacemque percuterent, atque obiter de componenda religione, & de indicendo sacro bello digna ipsis consilia flaganter expedirent. Sed legatus auito ingenio iuuenis cuncta vel ex colloquijs illustrium fœminarum planè didicerat, ita ut in Granuelium totius arcani Cæsaris conscium, cuncta illiberali silentio supprimentem, enudando quæ ipse rescisset, ut pudorem intempestiuæ taciturnitatis exprimeret, falsâ comitate iocaretur. Cæterum id quoque legati animum valde pupugerat, quod se inconsulto ad Hoganoam legatorum Germaniæ conuentus esset indictus. Quid enim vel ad dignitatem religionis, vel ad Germaniæ salutem, vel ad Christiani orbis præsidium auspicato consuli perficique posset sine auctoritate sacrosancti Pontificis? qui earum rerum summus arbiter & disceptator esse deberet: postquam eximia pietate illustrique studio insigniem semper dedisset operam ut dissidentes componeret, neque vnquam in tantis nauigationum, ac itinerum incommodis grandæuus senex ætati aut vitæ pèpercisset, profectò malis artibus de pace agi, quando ruente Republica ad confirmandas tantum augendasque priuatas opes omnium studia verterentur. Nec multò post, quod diutius manere nequaquam suæ dignitatis esse statuebat, in Vrbem rediit, relicto apud Cæsarem Marcello Ceruino eximiæ grauitatis & fidei familiari, cui paulo antè Pontifex senatorij ordinis ornamenta transmiserat. His etiam rumoribus admonitus Badoerius Venetus legatus, qui Byzantijs Solymano aderat, pacem conficere maturauit: quæ tametsi periniqua erat, concessis vrbibus (quando nullus nisi admodum infelix et luctuosus suscepto bello exitus foret expectandus) apprime tamem necessaria in eo grauiore rerum periculo videbatur. Scio me aliquando liberius quam deceret totius præsertim orbis gesta perscribentem in explicandis principum consilijs, quibus haud dubiè perituri sumus, ab instituta breuitate discessisse, sed certè boni mortales in hac publici doloris, & iam propinqui luctus causa longius prouecto facile omnino veniam dabunt, quum intelligent, quanta inania summi reges præclaram occasionem non propulsandi modo, verum ingenti victoria delendi eius hostis amiserint, qui accersitus vltro in ceruices nostras cruentum gladium securus exercet, exercebitque tamdiu insolenter atque fœliciter quamdiu vigeant reges, qui nulla pietate, et summa vecordia perdendo orbem nefarijs inter se armis depugnent: scilicet ut postquam mutuas vires attriuerint, occidentis quoque imperium cuncta iam ex tuto fidenter inuadenti Barbaro fœdè relinquunt. Enudato Cæsaris consilio ac ob id desperata concordia, quum induciæ vbique vigerent, exortum est in Pannoniæ bellum repentina morte Ioannis regis, qui tum in Transyluania prouinciæ præfectos minus dicto audientes armis persequabatur. Sed quoniam ab hoc initio perpetuas nobis clades lubet ominari quum dissensionis nostræ nullum finem videamus, ut cuncta sua ordine clariora legentibus fiant, paulò altius cœpti belli causas repetemus. Confecerant inter se pacem Ferdinan-

dus atque Ioannes pari desiderio quietis & otij, ambobus certè vtilem, sed ex eo rerum statu necessariam potius quàm honestam, maximè autem exoptatam Hungaris, quibus vel diductis in partes cauebatur, vt Fortunæ incolumes manerent, vel his qui antea exules Ferdinandum secuti solum vertissent: vrbes quoque, oppida, vicos, arces, quæ tum in potestate essent suis quisque præsidio tueretur. Ioannem verò Ferdinandus regem appellaret, quum eum antea sermone, ac literis Vaiuodam è veteri Transylvania præfectura vocare esset solitus. In tabulis autem conscripti obsignatique fœderis disertè fuerat appositum, subscribentibus nonnullis Hungarorum principibus, vt si Ioannes vita excederet, Ferdinandus totius Pannoniæ imperio potiretur: eatum condicio in arcanis habita suppressaque est metu Solymani, cuius id regnum esset, tanquam belli iure captum, & beneficiario tantum nomine Ioanni liberaliter attributum. neque enim erat putandum, si id resciret, vt ille natura Fortunaque sua plurimum superbus insolensque omnis contumeliæ, id regnum tantis sumptibus atque periculis partum, defensumque ingrati hominis testamento, ad inimicæ gentis hæredes transmitti pateretur. Quum de concordia enim Ioannes ageret, consuleretque super ea re Solymannum, is non probarat modò, sed humaniter etiam amiceque suaferat, vt ærumnoso, ac ancipiti bello certam ac honestam pacem præferret, vtpote qui contra Parthos in Asiam traiecturus vllam omnino noui belli materiam in Europa relinqui nollet. sed in tantæ rei arcano syncera silentij defuit fides. Ferunt enim Hieronymum Laschum pro Ferdinando suscepta legatione Constantinopolim contendisse, detexisseque omnia Solymanno, publicatis inter Bassas puratos criminosis legibus, quibus pacem duo reges inter se confecerant, vt inde longè maximum ac inexpiabile odium Ioanni conflaretur. Tantum vir ille multis alioqui eximiæ virtutis ornamentis valde conspicuus, iniuriæ dolorique dederat, quum à cæde Gritti, sicuti suo loco memorauimus, custodiæ traditus, vixque dimissus Sigismundi regis precibus, à Ioannis amicitia discessisset. Exinde Solymannus Ioanni vehementer iratus, vt eum summæ contumeliæ nomine cumulatè oneraret, ingratum appellauit, conuersusque ad Luphtibeium, quàm indignam, inquit, infidis capitibus Christiani hi duo reges coronam gestant: postquam impostores longè turpissimi nullo hominum pudore nulloque Deorum metu deterrentur, quin ex commodo mutiæ fidei sacramentum dissoluant. Cæterum Ioannes re cognita sibi vehementer timens, per idoneos homines operam dedit, vt eius facti calumniam multo auro multisque donis oppurtunè dilueret: sed tantam postea contumeliæ, quæ non suam modò, sed Reipublicæ salutem in discrimen deuocaret, à Ferdinando sibi indignè impositam apud principes grauiter est conquestus, misso ad id Statilio, Albæ Iuliæ Episcopo, qui ad Venetos Paulumque pontificem, ac demum ad Franciscum in Galliam probrosum eius iniuriæ nomen detulit. Nec multo post Ioannes regno in spem antiquæ felicitàtis singulari diligentia restituto, Budaque præsertim admirandis operibus opportunè communita, vxorem duxit Isabellam Sigismundi Sarmatarum regis filiam, virili eruditoque ingenio puellam, & quod alliciendi animi multum interfuit, Italice lepore, & venustate Polonica peramabilem. Abhorrebat à nuptiis Ioannes, vt iam in eo ætatis flexu valetudine tentatus, sed procerum Hungarorum precibus id dederat, suadebant enim amicorum præcipui ac ipsi familiares, vt

res, ut cælibatum abrumperet, daretque operam liberis, ut Hungarici sanguinis proles legitimo & maxime illustri coniugio pararetur, quæ regnum exciperet, renouaretque Zapolia familiae nomen, quod esset in ea domus orbitate periturum: nam Georgius regis frater, quem Mugaciana clade cum Ludouico rege cecidisse meminimus, nullos reliquerat liberos. accedebat & vetus cognatio cum Sigismundo: nam is in priore coniugio Ioannis sororem habuerat. apparebat enim finitimi regis noua affinitate amicitiaque res Hungaricas maxime confirmari. Probabat & has maxime nuptias Solymanus, qui antea in Ioanne cælibis vitæ statum religiosa voce damnauerat, quod eas ex amicissimi sociique regis sanguine expetitas videbat: sed non æquè placuerat Ferdinando, quanquam & ipse Sigimundi filium regem Sarmatiae designatum sibi generum ascuiisset, utpote qui liquido prospiceret Hungaros, præcipuo contemptu atque odio externæ gentis superbos, si puer ab his nuptiis susceptus foret, extemplo in sui sanguinis prolem studia conuersuros. Cæterum Ioannes iam noua nuptia in spem virilis prolis aluum gestante expeditionem aduersus Transyluaniae præfectos suscepit. Erant enim Maylatus Gritti cæde celebratus, & Balassus quem ipse Maylato collegam addiderat, quum fallaci arrogantique ingenio hominem suspectum haberet. is enim fastidito præfecturæ nomine, stabilis imperii certas opes & noui denique regni decus affectabat. Pari namque ambitione atque perfidia petierat à Solymano, ut ex eius autoritate Transyluaniae rex appellaretur, vetere Deceballi Dacorum regis exemplo, qui à Traiano Cæsare bello victus, in eadem prouincia regnarit, id si impetraret, sacramentum Ottomannis imperatoribus se dicturum pollicebatur, quotannisque pensurum tributi nomine certum auri pondus, cuius non parua copia in beato ac admirabili Transyluaniae solo fruticante natura sponte nasceretur. Verum Solymanus infidi hominis impudentia commotus, quod cum antea Gritti & Turcarum cæde cruentum oderat, totius negotii literas ad Ioannem misit, ut vel inde moneretur, quorum hominum fidei summæ opportunitatis ac opulentiae prouinciam commendasset. Ita Maylatus contumeliosè reiectus à Turca, Ioanniq; detectus, commutata consilii ratione ad Ferdinandum se conuerit, ne postquam regni spe decidisset, præfecturæ quoque honore vindicante id facinus Ioanne, cum perfidiæ nota pelleretur. Erat tum in partibus Ferdinandi Thomas Nadaustus, erudito nobiliq; ingenio vir Hungarus, qui sororem Maylato nuptui dederat: is certa prouinciæ pactione propinquum suum in partes facile traduxit, egitq; ut Maylatus Transyluanos ad defectionem occultè concitaret. Idem etiam Balassus ipse facturus putabatur, quem Ferdinandus per Melchiorem illius fratrem ad transeundum antea sollicitarat. Sic enim nutabant apud utrunque regem iura pacis & fœderis, ut verbis amicitiam colere, animis autem liuore atque adio turgidis bellum parturire viderentur. Nam Liscanum Hispanorum peditum præfectum, summa licentia veteranorum more in Italia prædari solitum, agrestes Hungari cum maxima cohortis parte ad Cassoviam trucidarant: quum eis vindemiarum & messis collectos fructus impotenter eriperet, multisque demum maleficijs utrinque æditis transcensisque limitibus fœdera violarent. Accidit autem peropportune turbandis rebus, ut Ioannes Transylvanis pecuniam imperaret, qua Solymano tributa biennio intermissa penderentur. Id erat novum peracerbumque validæ ac indomitæ genti, quæ vel ob

id iniuriam ferre non poterat, quod aurum enatum patrio in solo ad imma-
 nes Turcas proprios ipsorum hostes indignè deferretur. Itaque consternati ad
 arma, non obscurè imperia detrectabant, Maylato scilicet Balassoque rem
 proclinatam adiuuantibus. dicebant enim ea pecuniæ summa decem annis
 sustineri posse inimica Turcarum arma, nisi patriæ virtutis honos, concessis
 ultro & traditis omnium Fortunis, adeo foedè & turpiter proderetur. Igitur
 Ioannes ubi videt eorum contumaciam rebellionem proximam ad arma spe-
 ctare, serpentis mali initijs occurrendum esse statuit, premisisque Valentino
 Thuracco, Petroque Pereno, & Petro Vicchio summæ dignitatis ducibus,
 ipse quanquam ex recenti morbo tenui adhuc ac infirma valitudine, in Tran-¹⁰
 sylvaniam rheda peruolat. Commendarat autem reginam Ioanni Staro au-
 læ magistro, res vrbanas Aconi præfecto vrbis, arcis custodiam et regiam su-
 pellectilem Benedicto Baioni, summa verò belli & pacis consilia Gregorio
 Peschenio seni fortissimo, qui antea Budam cum Gritto contra Germanos
 insigni cum laude defenderat. Itaque diuisis inter se copijs regij duces diuersas
 vno tempore regionis partes inuasere, circumlatoque terrore belli atque osten-
 tata clementia regis, qui cum adesse nunciaretur, ita rem gessere, ut plures
 qui præfectorum impulsu defecerant ad officium redirent, nonnulli contu-
 maciæ poenas darent, & pauci denique præfectos iam planè coniectos in fu-
 gam sequerentur. Maylatus enim viribus impar, & ex conscientia salutis plu-²⁰
 rimum timens, nusquam in pugnae casum se obtulerat, incertis itineribus eua-
 gabatur, modo percurrere campos, & syluis improuiso erumpens, modo se
 notis vallibus, atque nemoribus occultabat, ut persequentibus nequaquam
 abiecti, sed constantis intentisque animi vestigia relinqueret, ad extremum er-
 rando fessus quum vndique vrgeret hostis, & Balassus longius abscessisset, in
 oppidum Fogaras se contulit. in id opere naturaque munitum thesauros Grit-
 teæ prædæ condiderat. Itaque percupidè regij admotis castris prolatisque
 tormentis obsidere atque oppugnare cœperunt. Constiterat Ioannes ad Si-
 binium per amplum Mysiæ oppidum, quod itinere vnus diei distat à Foga-¹⁰
 ris. Ibi in consilium aduocatis prouinciæ honestissimis, qui vel in magistra-¹⁰
 tu essent, vel dignitate ingenioque præstarent, quum de Maylati perfidia
 graueret conquestus, docuit quantæ necessitatis esset Turcarum amicitia
 tueri, à qua nisi magno cum incommodo & certa clade discedere non
 possent: propterea quum Barbaris tributum esset exoluendum, ad tranqui-
 litatem opulentiamque prouinciæ pertinere, ut præsentis non admodum gra-
 ui damno, spem certam futuræ vtilitatis anteponerent, quando ea pax legiti-
 mo tributis nomine parata, ad amplificandas priuatorum opes, vberimos
 demum rerum omnium prouentus manifestè promitteret. se itaque venis-
 se, ut inspectis prouincialium Fortunis, imperatæ pecuniæ onera leuaret,
 moderaretur exactionum rationes, vectigaliaque minueret, ac in opibus par-⁴⁰
 cendo plurimum indulgeret. Hæc salubri æquitatis ac imperij tempera-
 mento administrantem, quum Transylvanorum animos ad obsequium flexis-
 set, acrior inuasit morbus, quem inter suscepti belli curas, à solstitio graues
 æstus, & longi itineris citata vectatio, non planè sanis & diu quassatis vis-
 ceribus attulerant. Obsidebatur interim Maylatus, quum decumbenti, & affectis
 tremore membrorum remedia paranti, allatū est reginam foelici partu mirè indolis
 puerum

puerum edidisse. Tum verò Hungari in credibili lætitia exultantes regiam complent, ad regem gratulatum irrumpunt, tormenta de more disploduntur, adueniunt e castris duces, gaudium in exercitu dispensatur, paraturque conuiuium, in quod vel inuitus rex ipse procerum cohortantium manibus infertur. id ei omnium lætissimum atque supremum fuit, nam quum festæ hilaritati & perpotantibus amicis deesse nollet, incautius ac liberalius genio indulsit: ex indereuocata est febris quæ iam planè defecerat, cuius vim diu sustinere non potuit. Quum verò finem vitæ adesse conspiceret, filium testamento reliquit hæredem, Georgiumque Varadinensem antistitem propter eximiam fidem, & Petrum Vicchium sanguine sibi coniunctum, tutores instituit, obtestatusque est singulos proceres per antiquum Hungarici nominis decus, ut sui sanguinis potius quàm externæ atque inimicæ gentis regem in Pannonia regnare paterentur. Futurum enim esse, ut Solymanius regni tutelam susciperet, si ad eum legati cum muneribus properè mitterentur, qui puerum ex eius autoritate regnaturum paterna conditione reciperent. Fuit Ioannes pacato clementiq; ingenio, & ad beneficentiam æquitatemque maximè propenso. Aberat enim illa innata Hungaris ferocia militaris, quum literarum studio & multis vtriusque Fortunæ casibus eruditus, nequaquam virium imperu, sed accurata consilij ratione regeretur, nemo enim eo cautior, & vigilantior in negotio, nemo quum animum remitteret in otio vrbanius atque iucundior fuit. Is virorum fortium clientelas perpetua hospitalitate & beneficentia partas, certos principum thesauros esse dicere erat solitus: quod grati et memores vna sæpe forti fidelique opera omnes sumptus cumulatè persoluerent, ingrati verò cum ignomina alienæ virtutis testimonium ferre viderentur. Suppressa est tantisper mors eius, dum cum Maylato de compositione transigeretur: significarant enim regem in tanta suscepti filij lætitia pristinæ gratiæ locum, & denique ipsum præfecturæ munus ei liberali clementia relicturum, si in suum filijque legitimi futuri regis nomen iuraret. Non detrectauit conditionem Maylatus pluribus malis circumuentus: atque ita cadauer à Sibinio, comitante magna parte exercitus, delatum est Albam regalem, vbi sepulchra regum visuntur, solenni que die, ac insigni cerimonia noui reges coronantur: sed priusquam à Sibinio mouerent castra, consilio habito, eandem, quæ ornata instructaque viuentem rege fuerat, legationem ad Solymanum decreuerunt: iereque confestim summæ dignitatis legati Ioannes Exechius Quinque ecclesiensis antistes, & Stephanus ipse Verbetius iam natus grandis, & scrini regij magister, quem Romæ sub Leone legatum vidimus. Tuleremunera pateras ex auro eximij operis decem, cæ lato autem argento inauratas centum: item sericas purpureas & amethystinas aureasque textili opere figuratas, more Barbarorum, in talaris vestes quadraginta, auri que simul Hungarica nota signati quinquaginta pondo, quæ biennalis tributi nomine penderentur. Ita à Sibinio rectis itineribus relicta ad læuam Valachia, superato que in Triballis Danubio per Thraciam Byzantium peruenere. Interea apud Albam regalem insigni pompa apparatuque regis funus est celebratum, impositaque infantis capiti solennibus ceremonijs antiqua illa ex auro corona, quæ Stephani Hungarorum primi regis fuisse dicitur, asseruabaturque religiosa admodum custodia in arce Vicegradensi. Neq; enim Hungari satis rite factum legitimumque regem arbitrantur, qui eam publicè delatam ca-

pite non gestarit. Propterea & regi infantilæto auspicio dum sacro fonte ablueretur, Stephani nomen indiderant, renouata memoria antiquissimi regis, qui id regnum foelici virtute condidisset. Cæterum ius imperij Isabellæ reginæ communi procerum studio delatum, ea lege, vt in publicis literis filij matrisque nomen præscriberetur, eodemque titulo regia moneta cuderetur: sed in Georgio summa imperij potestas eminebat. præerat enim ærario, tesseræque arcium tenebat. Porro arma, milites, vexilla penes Valentinum visebantur. Medius inter hos Petrus Vichius, quod regem sanguine contingeret, tutorque esset adscriptus, neutri suspecta & proinde stabili nominis auctoritate florebat. Sed quoniam Georgij nomen hoc funesto bello, quod scripturi sumus, perillustre fuit, operæprimum putauit aliqua de ingenio eius enarrare, vt quibus artibus gestum sit bellum, nobileque id regnum Hungarorum infania ad Turcas deuenerit posteris prodatur. Natus erat Georgius in Croatia, ciuitatis Pannoniæ Illyricique finibus propinqua, educatusque ab ineunte ætate in domo Ioannis, apud quem virtuti ac industriæ certissimus erat receptus, quum antea sacris temere initiatus, vitæque duriciem sero pertæsus, à suscepta professione discesisset. Itaque miro obsequentiq; ingenio Ioannem regno pulsum exulantemque secutus, tantam in dubijs asperisque rebus fidei, pietatis, ac expediti consilij laudem promeruit, vt Cibaccho Gritti scelere ad Braxouium interfecto, Varadinensem episcopatum sit adeptus. Exinde validis opibus confirmata auctoritate, aulam regnumque regis commodo semper fidus circumgegit atque foeliciter rexit: sed tanta erat naturæ diuersitate, vt quum in omni actione expediti præstantisq; viri personam indueret, compositus ex contrarijs moribus & ad omina natus esse videretur: in peragendis enim sacris feriarumque ieiunijs Christianæ disciplinæ tristitiam demisso vultu sermonemque ita implebat aut effingebat, vt is idem esse credi non posset, qui in grauib; demum belli pacisque negotijs tantam vim erecti ardentisque ingenij gnauiter afferret. Optimorum siquidem equitum turmas alere, thoracatus in aciem prodire, frequentibus conuiuijs, atque muneribus milites conciliare, magnorumque ducum more pœna & præmio dignitatis nomen tueri erat solitus. Nemo præterea eo diligentius regni opes inspexit: nemo vectigalia, aurifodinas, pastiones, salinasque vtilius locauit: nemo subtilius cogendæ pecuniæ rationes adinuenit, qua vna re certissimus apud reges gratiæ locus paratur: vsque adeo, vt Ioannes præcipua se eius viri industria regnare fateretur, & ipse Ferdinandus hostis sæpe diceret, nihil se prorsus inuidere Ioanni, quam vnum cucullatum, qui galeatis decem millibus tuendo regno potior haberetur. Igitur Georgius suscepta pueri tutela, in omni ciuiliū militariumque rerum officio multus esse, prouidere ingenti cura, vt in vnum Hungari consentirent, ne vllus alicubi nouarum rerum tumultus oriretur, quo infirmi adhuc regni initia turbarentur. At Ferdinandus nunciata morte Ioannis, repetendæ Pannoniæ cupidus, nihil dubitat quin arma paret, ac eam omnino occasionem, quæ à Dijs immortalibus oblata videretur, festinanter arripiat. Aderant enim plerique reguli ducesque Hungari eius secuti partes, & ante alios Alexius Thurso, Ferentius Genarus, & Petrus Bachithius, Pauli fortissimi ducis frater, cuius morte Turcarum victoriam ad Exechium nobilitatam fuisse docuimus, itemque Balthasar Pamphilus, Franciscus Capolnaus, & Ioannes Castelamphus, qui à Varania principū Camertium domo stirpem ducebat, & ipse denique Sereus Gaspar,

virtute

virtute bellica illustris, sed latrocinij & multiplicis rapinae infamia notatus. li omnino vnum illud esse tempus docebant, quo in patriam cum dignitate reduci possent, & eo quidem autumnno confici posse bellū, si maturarent, quando Turcarū aduentum propinqua hyems excluderet, nec plane in vnum consentirent Hungari procures, qui reginae studia sequerentur: non enim adduci posse viros nobiles, vt Georgio cucullato desertori sacri ordinis deseruirent: postquam ille varijs simulationum artificijs deprauato reginae ingenio, praecipue occupatisq; thesauris, solus regia potestate potiretur. Iplis porro, qui rectē
10 sentiendo exules facti viderentur, patere locum non honestae modo, verum etiam paramplae dignitatis & gratiae apud reginam, hortatore praesertim sponseq; Georgio, si ad infantis pueri aulam, & denique ad propinquos, paternosq; lares redire vellent: sed dedisse fidem vel externo regi, qui virtute fideque praestaret, altero scilicet repudiato qui vel gratisimum Hungarici sanguinis nomen praetulisset. Proinde Ferdinaudum imperitē ingrateque facturum, si ea quae adesset praetermissa occasione suscipiendi belli consilia traherentur. Quid enim foedius accidere posse magno regi, atq; eidem Caesari designato, quam si viros strenuos fidelesque, ipsius auspicia nomenque secutos, turpi cunctatione defereret, qui mirificas equitum alas ductantes insignem ante a-
20 lios in ipsis praeliorum periculis operam pollicerentur? Nec minore studio Germani duces bellum suadebant, utpote qui militiae dediti aut primos honoret, aut alarum & cohortium praefecturas in exercitu se adepturos sperarent, unde stipendia primum ac inde laus, praedaq; praesertim, praecipua laborum ac vulnerum praemia, peterentur. At Laschus, vir Sarmata, belli pacisq; artibus abunde instructus, consilio potius quam armis repetendū Pannoniae regnum summa oris libertate praedicabat. Nouerat. n. ille regum omnium ingenia, moresq; gentium, quum totum penē terrarum orbem, regiasq; omnes varijs legationum muneribus functus percurrisset. Summa sententiae eius haec erat, vt regnum à Solymano peteretur, eo beneficiarij iuris nomine, quo id dono datum Ioannes accepisset. Posse enim supplicando adulandoq; facile impetrari
30 ab homine generoso, & ab insita Barbarorum animis vanitate, ineptē saepe gloriam affectanti, quod vi atq; armis minimē posset extorqueri. Abunde se nouisse Solymani spiritus, et praetumida purpuratorum ingenia: illum contemnere opes, et tot regna fastidire: hos verò inexplibili auaritia & arrogantia ingenti, nihil magis optare ac suadere quam bellum. Proinde cauendum esse, ne eo repentini belli strepitu parata atque intenta Turcarum arma excitarentur, quibus resisti non posset, nisi coactis totius occidentis viribus bellum inferretur. Id autem vno omnium consensu expediri posse, sed ne id videant, fatali caliginē suffundi regum oculos, atque ita Christianorum concordiam longē lateque deploratam à Dijs superis in meliora tempora reseruari: postquam reges
40 nuper à mutuis complexibus infecta pace discessissent. An non, inquit, Gallus elusus spe sua, ac vti cupit existimari, mirè traductus ad hanc nouam peracerbi doloris offensionem recrudescente antiquo vulnere implacabile odium resumet? Faceat omnis simulatio magnis inimica consilijs, atq; omnem prorsus adulationem vel ingrata regis auribus veritas anteuertat. Ille profectò non de generis animi, vti caeco dolore conuulsis plerumq; accidit, iratē atq; inimicē dabit operam profuso auro, quo multum abundare dicitur, vt grauiore difficultates Caesaris consilijs innectat, designatos Germaniae conuentus pertur-

bet, principum distrahat voluntates, sibiq; eos in primis largitione obnoxios reddat, qui Romani imperij decus æqua sorte virtuti ac meritis dari dispensariq; solitum, Austriæ domui vehementer inuideant, vti quæsitum hæreditate: quando iam in hac tot Cæsarum perpetua serie, vti ab longa consuetudine, legitimi iuris nomen induerit. Occultè itaq; conspirabunt naturaque cessatores eximij nullam omnino aut certè seram opem ferent, quum Turcarum auxilia ad tuendum puerum regem aduolabunt. Neq; est cur quisquam finitimos prefectos speret huic causæ vel retardante heyme defuturos, honestam enim & planè decoram ferendæ opis speciem præferentes, haud dubiè pupilli & viduæ iniurias defendent, vt occultæ cupiditati ad occupandum regnum adiutus parètur. Contracto namq; semel certamine, vel si Fortuna primis ausibus nostris arrideat, æternum profectò tibi erit bellum cum eo hoste qui inexhaustas opes, inuicta robora hominum, indomitos spiritus, & deuotos in necem nostram militum animos sit allaturus. Ita fiet, vti auguror, & vtinam sim falsus vates, vt si Pannonia petatur armis, tibi demum de Austria, auitoque imperio sit dimicandum. Ad ea rex respondit, vera esse quæ diceret Laschus, sed in arcano consilio si proferretur, aliquid residere, quo adduci posset, vt existimaret omnino mouenda arma. Illud verò magnò opere probare, vt Solymani animus illustri legatione tentaretur. Neminem verò potiore ipso Lascho, qui Barbaro gratus, familiarisq; purpuratis omnibus, eandem ferè superiore anno legationem suscepisset. Non recusauit id munus Laschus, & paratis rebus omnibus quæ in negotio opus erant, à Vienna Byzantium est profectus. Sed Ferdinandus nihil à priore sententia discedit, bellum parat, præsentis fratris opibus subnixus, nec obscurè diffidens Hungarorum ingenijs, quibus ea transfugij causa satis honesta semper fuit, quæ præsentis commodi speciem præculerit. Imprimis Nicolaum Salmam, quem Cæsar virtutis opinione in illustrium equitum ordinem cooptatum aurei velleris torque donauerat, ad reginam mittit, qui tabulas nouissimi fœderis proferat, hortetur eam, vt regno decedat, quòd recenti pactione alieni iuris esset factum. Porro etiam atque etiam moneat, ne suas & pupilli pueri spes morando & tergiuersando corrumpat. Concessurum enim puero Ferdinandum Sepusianam prouinciã, vti antea diserte ex tabulis ambo reges conuenissent, & ipsi quoque reginæ peram plos redditus, & quicquid in dotale nomen obueneret. Quòd si ea legitimi fœderis obliuisci vellet, ei tum opportunè denuntiaret, neque Carolo Cæsari, neque Ferdinando regi defutura arma, quibus regnum repeterent, tanquam antiquo iure, & nouo multorum Hungarorum consensu Austriæ domui contributum. Exceptus Budæ Salma ægrè impetrauit vt ad reginam admitteretur: Georgius enim & Vichius muliebri ingenio diffidentes, denegatum colo qui officium nimio reginæ dolore et lachrymis excusabant, quum se peculiari munere mandata audire referreque paratos esse dicerent, postquam viduæ reginæ regisque pueri tutelam demandante, obtestanteque Ioanne rege suscepissent. Sed eam regina de se imbecilli iudicij opinionem, quam tutores conciperent, ad contumeliam reuocabat, quum Sarmatico et Sfortiano sanguine progenita, non viriles modo, sed planè regios gereret spiritus, diceretque sibi in necem manus se allaturam, nisi legato aditus in cubiculum daretur. Id erat atratum obscurumque, vt pote quòd de more cœlestem lucem excluderet, ipsa ignobili in strato residebat, neglecto ornatu, & pallida facie, sed oculis nihil tum

hilum in lachrymas proclīnatis: voce tamen & cervice gestu ita composita, ut diuturno defessæ luctu exaruisse potius lachrymas, quam discessisse ex animo mœrorem ostenderet. Fœminę siquidem mentem regnandi cupido iam invaserat, atque ita possidebat, ut omnia imminentis belli pericula contemneret, ac ipsos denique Barbaros, ut regium nomen tueretur, omnino evocandos existimaret. Itaque Salmæ cum multo verborum honore mandata explicanti demissè respondit, eam esse Fortunam sexus ac ætatis suæ, ut orbatâ rege coniuge, & diuturnis corporis ac animi doloribus perturbata, neque suscipere, neque terminare consilium queat, quum in re longe gravissimâ

10 Sigismundum patrem omnino consulendum existimet: eius autem Regis tantam esse virtutem atque iustitiam, ut Ferdinandus nullo alio disceptatore atque arbitro in ea controversia uti velit. Proinde se petere spacium ac idoneum tempus, quo pater consuli posset. Se enim ab eius sententia minimè discessuram, ac idem facturos proceres Hungaros arbitrari: quod si id moræ spacium denegetur, atque armis agendum putent: egregiam certè laudem non ferent, inquit, Cæsar & Ferdinandus, si viduam fletu consumptam, & vagientem in cunis puerum Regem oppugnatum advenierint. Salmâ eo modo dimissus, quum ad Ferdinandum redisset, reginam in potestate Georgij esse, nec eam agere aut effari quicquam, nisi prius ex ore illius ac nutibus acceptum

20 retulerit. Illum enim regnare cupere: reliquos verò Hungaros partiri inter se honores & præfecturas: postremò homines quæstus & potentiæ avidos infantis Regis nutritios & regni procuratores esse malle, quàm esse clæss & spectatores magni atque externi Regis, qui præferocem gentem lingua moribusque dissimilem, & Hungarico nomini prorsus inimicam in Pannoniam condendis passim colonijs esset adducturus. Hæc se audisse explorasseque: propterea sibi videri spem omnem positam in armis, sed celeritate utendum, ut imparati & à Byzantio legationis eventum expectantes, penè priusquam arma caperent, aut consilium expedirent, Budâ pellerentur. Neque enim temerè reginam totam spem pacis ad arbitrium Sigismundi patris reiecisse, qui

30 tum in ultimam Lithuaniam ad Moscovitarum usque fines abscessisset: ita enim integrum circumagi posse annum priusquam responsa vel per celeres tabellarios referrentur. Interea parari præsidia excirique posse Turcâs, ac inde conflari bellum multo maius & gravius, quàm putarent. Proinde si in Pannonia regnandum arbitraretur, abiecta omnia cogitatione parare classem, & copias cogere maturaret. Nec mora Ferdinandus suppeditantē pecuniam Cæsare, conscriptis cohortibus, ac evocatis equitibus, congestoque in naves satis amplo comœatu, iustum exercitum secundo amne Danubio Strigonium demittit. Ea urbs Pauli antistitis constanti studio erga Ferdinandum, Ioannis imperia, & bellicos conatus semper eluserat. Præerat Austrianis co-

40 pijs cum imperio Leonardus Velsus è Rhætia superiore Tridentinis Alpibus propinqua. Is ad Germanicum animi robur perspicacis ingenij vim addiderat, multisque de causis aperiendum iter ad Budam arbitrabatur. Occurrebat enim à Strigonio euntibus Budam medio fermè itinere Vicegradum: id in supercilio editi montis arcem habet cum sua altitudine, tum pulchritudine operis longè lateque conspicuam: despectat enim præterlabentem Danubium, ripamque fluminis perpætua munitione sibi coniungit. Nam ab arce per declivem præruptamque crepidinem deductus est murus:

isquæ ubi in extremam ripæ marginem desinit, egregij operis turrem habet, quæ tormentis instructa navigantibus opponitur: claudit quoque & ipsum terrestre iter, quum portæ immineat, per quam invito custode nemini aditus patet. Intra portam autem angusta, sed oblonga planicies adverso flumine se extendit, ubi villa regia visitur, ad voluptarios secessus inchoata antiquitus à Sigismundo Cæsare, absolutaque demum ingenio Matthiæ regis, qui virtute & gloria Hungarorum Regum ultimus fuit. Ab his ædificijs horrisque Velsius tormenta promovit, oppugnavitque perpetuis diebus novem resistente acriter præsidio, cui præerat Valentinus cognomento Litteratus, inter Georgij clientes fide & constantia insignis: sed ea vis erat ingentium tormentorum, ut perrupto muro propugnaculi interiora nudarentur, multosque propugnatores testudinis, tectique ruina obrutos nihil cessantibus tormentis opprimeret. Tum verò Litterati pertinacia periculo victa, atque obiter accensi suorum cæde Germani milites inter deditionis significationes irruerunt, primis interfectis, reliquis captis, Litteratus ipse servatus est, ut veteres captivi Budæ custoditi, permutatione facta reciperentur, in ea expugnatione Velsius ad ducentos milites impigros desideravit. Tum demum à Vicegrado proVectus classe, cui Budensis numero & magnitudine navium inferior nihil obstiterat, amnem transgreditur, Pestumque occupat ab hostibus desertum, & ad Vacciam eadem celeritate contendit, eamque sine vulnere redigit in potestatem: nec mora ad citeriorem ripam conversa classe revertitur, promotisque inde castris ad Budam est profectus, ut per colloquia Budensium animos tentaret, exploraretque reginæ consilia, & ex propinquo ostentatis copiis atque tormentis civitati terrorem incuteret. Iam enim Perenus ipse inter Hungaros nobilitate atque opibus facile princeps, quamquam filium Solymano fidei obsidem dedisset, ad Ferdinandum transferat, oneratus scilicet ingentibus promissis: nam ab ipsa statim victoria regij scrinii, sigilliq; magister in locum Verbetij futurus erat, dabanturq; ei dono aliquot opulenta oppida, quæ ambiguo iure in potestate Thursonis erant. defecerant etiam à regina Stephanus Rascaius, & Franciscus Francapages Agriensis antistes summo loco natus, pietatisque studio & severæ vitæ disciplinamirabilis, quem conciliandis regibus ad Cæsarem cum Brodarico suscepta legatione Neapolim pervenisse docuimus. is magnam professione religionis auctoritatem secum afferebat, quasi integro iudicio Ferdinandi causam probasset: sed ei postea Georgius intempestivi ambitus levitatem, criminosis epistolis obiectavit, quod purpurei galeæ honorem commendatione Cæsaris affectasse videretur. Cæterum Velsius obsessurus potius quam oppugnaturus urbem, ad Aquas Calidas castra locaverat: eg vergunt in occasum, distantque à mœnibus stadijs fermè duodecim. mirabilis autem earum natura fertur, quum scaturientis aquæ tantus sit fervor, ut pede vix tentari possit, & in eam à lanijis proiecti sues facile depilentur, nec ranæ tamen inteseant, quæ frequentes innatare conspiciuntur. Agebant undique prædas Germani, idque iniquo animo à socijs Hungaris ferebatur, quum plerique aut sua aut propinquorum pecora diripi, ac incendi pagos, & trahi vinctos imbelles agricolas viderent, ita ut sæpe cum Germanis deprecando, prædamque extorquendo, armis contendere cogerentur. Ex altera parte Budenses equitum alas emittebant, quibus Germanos egressos castris invadebant, & finitimos vic-

cos ab

cos ab iniuria hostium tuebantur. Nam Valentinus Thuracus virtute bellica nemini secundus, qui militare imperium obtinebat, mirificum levis armaturæ equitatum in urbe acciverat. Summa eius consilij erat, ut nihil in discrimen adduceret: expectabat enim alacriter ut Germani promotis castris ad oppugnandum portis appropinquarent, aut si Velsius cunctaretur, spaciumque præberet: interea Turcarum auxilia supervenirent. Dum eo modo ad Aquas Calidas Germani sederent, Balthasar Pamphilus inter Hungaros duces admodum clarus, quum progressus à castris ante portam urbis evagaretur, postulavit à custodibus potestatem sibi fieri cum Valentino colloquendi: cupere etenim plurimum salutare veterem amicum, & aliqua deferre, quæ ad commune Hungarici nominis decus pertinerent: nec mora, concedente Valentino, cum turma suorum est receptus, aliquantoque post in castra rediit, afferens se cum ducibus comiter ac hilariter comportasse, collustrandoque urbem inspexisse præsidia, tormenta, aggères, quibus Budam, nisi ampliore apparatu, & commodiore anni tempore, ac multo maioribus copiis expugnari non posse crederet. Ea res Velsium vehementer commovit: suspicaci ingenio Germanorum more de externæ gentis fide uti lubrica, incertaque magnopere dubitantem usque adeo, ut iratè succensendo Pamphilum castris excedere iuberet, quod iniussu Budam intrasset, ac insolenti privataque libidine cum hostibus colloquendo adaugendoque eorum vires, totius exercitus animos fracta spe victoriæ debilitasset. Itaque Velsius nihil tentata oppugnatione discedens, ad Vicegradum iterum se convertit, ut præaliam illam arcem, & regiæ coronæ custodia celebratam, tormentis expugnaret. nec diu Hungari præsidio impositi vim ingentium pilarum tulerunt, quum eadem ruina, qua turris ad Danubium ad aperta conciderat, nobilissimi ædificij testudines, pinnaeque & propugnacula, nihil intermissis ictibus concussa frangerentur. Eo modo interfectis aut in deditionem acceptis Hungaris arx capitur, minore aliquanto militum iactura, quam turris inferior paulo ante fuerat expugnata. nec multo post ad Albam regalem contendit, ut per colloquia civium principes tentaret: nam Perenus, cuius apud Albanos insignis erat auctoritas per idoneos homines adhortando pollicendoque immunitates ac præmia nonnullos perpulerat, ut à regina desicerent: dicebant enim in consilijs & coronis, calamitosum civitati fore, si infantis regis adolescentiam omnino expectandam arbitrarentur, postquam Ferdinandus cum suis tum validissimis Cæsaris opibus innixus, in proximo spectaretur, qui apud ipsos legitime coronatus, iure potior ac armis atque Fortuna superior stultæ ipsorum pertinaciæ iniuriam evastato agro ulturus esse videretur. His sermonibus celeriter est effectum, ut civitas, quæ vi armisque expugnari non poterat, multa consilij ratione, mollibusque colloquijs ad Ferdinandi fidem redierit, præsidiumque acceperit. nam quum eo Valentinus advolasset, oclusisque portis non admissus, ac ob id graviter iratus, suburbanam popularetur, Albani Perennianos equites acciverunt, quorum præsidio non urbem modo, sed proximos etiam pagos tuerentur. His rebus gestis Velsius ad Strigonium castra reduxit, vel ob id quod Germani cum Hungaris rixas miscerent. Vtraque gens enim ab innata feritate & truci contumacia, quum in implacabilem iram cruentis semel armis exardeat, deprecantium ducum imperia facile contemnit: nam per eos dies adeo atrox certamen

inter se ab levi causa contraxere, ut quum præfecti incurrerent, ducesque ipsi dirimendo prælio corpora sua opponerent, Perenus lapide ictus, & Velsius in crure vulneratus, ab ea contentione discesserint. Verum ad hæc gravior quoque in Pannonia bellum gerentibus hyems suberat, & turbidis vocibus à milite gregario stipendia petebantur: quas ob res Velsius renum etiam morbo vehementer affectus, in hyberna copias dimisit, Pestumque imprimis præsidio imposito, & novis erectis munitionibus firmavit: propterea quod frequentibus nuncijs, nec incertis rumoribus afferebatur, Turcas in propinquis eorum limitibus arma parare, ut Budensibus auxilio festinanter advenirent. Nam ubi regina à Ferdinando copias cogi, navigijs tormenta impo-¹⁰ ni, ac expediri commeatus certius cognovit, decernente Georgio, nihil ad salutem opportunius habuit, quam à finitimis Turcarum præfectis maturam opem implorare. Ii erant Vstrephus Bosnensis, & Mahometes Belgradensis, & Amurathes, qui trucidatis copijs nostris, & Clissa supra Saloniam capta, in Dalmatiæ finibus constiterat. Vstrephus præfecturæ honore, cæteros Europæ Sanzacos anteibat. Illyrici siquidem vexilla omnibus præferuntur, cuius amplissimus est equitum numerus, & regio longè latissima. Is locum beneficio potius quam virtute fuerat consecutus: quoniam Baiazetis filia in matrimonio eius fuit, eratque tum in senium vergens, ac inerti ocio præpinguis, tuebaturque præfecti nomen singulari virtute alumni sui Amu-¹⁰ rathis, qui ad laderam armatum Venetorum equitatum subita incursione profligarat. Propterea facile reginæ postulatis respondebat, se copias inconsulto Solymano minime finibus educturum. Eadem ferme responsa erant Mahometis: nam provincia pedem efferre iniussu Imperatoris nefas esse dicebat: sed is ex itinere à Lascho præoccupatus magnis promissis atque muneribus, ut nihil se commoveret, diuque cessaret, prolixè quæstui, atque item æmulationi serviebat. Vstrepho enim homini ignavo parere, ac eius signa sequi vir longè fortissimus ac ætatis honore superior indignabatur. Neque Amurathi tutum erat à Gradisca Illyrica discedere, ubi erat in statione adversus Crovattos, nisi iussa signaque præeuntis Vstrephi sequeretur. His de¹⁰ causis regina diu frustra, ut opem ferrent, Turcas præfectos obtestata, ad legatos qui Byzantij erant omnium difficultatum suarum articulos perscribebat, ut per eos Solymanus imminentis periculi certior redderetur. Nondum pervenerat Byzantium Laschus, morbo scilicet currendi diligentiam subtrahente: sed præmiserat Ptolemæum Ariminensem medicum ad purpuratos, Luphtibeiūque imprimis familiaritate sibi coniunctum; magnisque antea ex cultum muneribus, per quem omnia se impetraturum sperabat. sed frustra fuit Ptolemæi adventus, tametsi suspendendis Barbarorū consilijs cum Bassa, ac ipso deniq; Verbetio collocutus opportuna, nec ingrata auribus, attulisset. Solymanus enim, qui ius suum ac beneficium defendere suæ dignitatis esse⁴⁰ statuebat, magno sibi commodo ac magnæ item gloriæ futurum rebatur, si ostentato pietatis studio viduam, pupillumque in tanta calamitate protegeret. Itaque advocatis legatis, tribusque purpuratis assistentibus, se eo animo Ioanni regnum concessisse dixit, ut ad liberos eius transmitteretur, tam diuque posteris eius stirpis Pannoniæ regno potirentur, quam diu accepti beneficii memoriam retinerent. Proinde ad declarandam liberalitatis suæ constantiam, se arma sumpturum, daturumque operam, ne Germani hostes il-
lati

lati belli exitu lætarentur: tradiditque demum legatis, puero regi deferenda, firmatæ amicitia, susceptæque tutelæ insignia, purpuream auro intertexto regalis cultus togam, & clypeum elaborato umbone rotundum, ferream item clavam manubrio aureo, & incurvum gemmata vagina gladium. exinde Vîtrêpho, Mahometique præfectis severissime perscripsit, ut exemplo e ductis copijs reginae opem ferre maturarent, nec ulla adversæ hyemis excusatione uterentur: quod si tarditate aut negligentia detrimentum acciperetur, ipsos continuo capite poenas duros. Vix dum Hungari legati cum donis præ lætitia Budam redire festinantes discesserant, quum Laschus Byzantium
10 pervenit, ibi edoctus è Ptolemæo de successu legationis Hungaricæ, quum mandata exponeret, & æqua conditione regnum petere pergeret, multusque in ore eius esset Carolus Cæsar, uti fratrem excitis totius Germaniæ copijs adiuturus, commoto ad id Solymano, custodiæ traditur, obiurgantibus itidem purpuratis, Rostaneque præsertim Solymani genero, iuvene elato atque iracundo: dicebat enim ultimo supplicio dignum, qui insolenti orationis libertate sereni vultus maiestatem offendisset, ludificatusque regem regum amicitiam peteret, quum interim impudenter in Pannonia bellum gereretur. Interea Mahometes & Vîtrêphus nihil deterrente hyeme dispersos in hybernis equites ad signa vocant, navales socios conquirunt, classemque Dravo & Sa-
20 vo fluminibus in Danubium deducunt. Neque enim perite & commodè in Pannonia bellum unquam geritur, nisi subsidio magnæ clâsis tormenta, com meatus, impedimenta que ad opportunitates utriusque ripæ convehantur. Sed tantus per eos dies adulta hyeme & diu perflante Borea, rigor extitit, ut astricto præalta glaciè Danubio, cuncta navigia ad Tolnensem ripam vadis inhæserint, usque adeo ad tollendam navigationem marginibus latè gelu concretis, ut vix in medio tantus amnis, quum iam planè in ipso cursu pigresceret, apertus & liber profluere spectaretur. eares magno incommodo Turcis fuit, tardavitque eorum adventum, quum necessario ad tuendam classem consistere, atque ibi castra ponere, ferreque sub tentorijs præduræ hyemis as-
30 peritatem squalenti in solo cogerentur. Incredibile dictu est, quum inde discedere flagitiosum, & capitale quidem putarent, quanta animorum pertinetia & patientia corporum, rerum omnium difficultates superarent, vel equis, quibus nihil apud eos carius existimatur, frigore ac inedia consumptis, & concepto inde morbo passim intereuntibus. sed mitescente hyeme aperuit sese annus, Favoniusque primo Vere in vecto Aquilonibus successit, exoptatus Turcis reginaeque lætissimus. Nihil enim cunctatus Mahometes, remiges supplet, pedites Martelosios ex Illyricis montibus accersit. Ii sunt latrones eximii pari feritate, pernecitateque speluncis & cavis arborum pro domibus utentes, parva secure & brevi spiculo armati, sed Numidarum more duces habent, & stipendio muneribusque trahuntur, ita ut facile compendia viarum ac mon-
40 tium fluminumque naturam exercitiis demonstrent. Idem quoque facit Vîtrêphus, ambobusque Valentinus è Buda obviam profectus cum valida Hungarorum manu coniungitur. Regina præfectos muneribus colit, com meatum suppeditat, ænea tormenta, quibus inimica oppida expugnent, haud cunctanter attribuit. Itaque inito consilio Danubium copias traducunt, & ad Vacciam deferuntur. Ea urbs nequaquam militariter defensa capitur, trucidatisque nonnullis Barbarorum more protinus incenditur. Inde Pestum op-

pugnatum ire pergunt, & ab occasu castra locant. Præerat Pesto Barcocius Hungarus, prætorianæ alæ præfectus: sed aderant plerique Hungari duces, & imprimis Germanorum dux Otho Fotiscus cum decem cohortibus. Ab his quum Turcæ tormentis murum quaterent, equitatuque circumeundo urbem magnum terrorem obsessis incuterent, oppidum egregiè defenditur. Nam Turcæ in equo pugnare soliti ex propinquo aggredi murum, ruinasque subire & contemnere hostium tormenta (conspicua præsertim intus hostium phalange) stultum ac miserum putabant: quod Ianizeri pedites, quorum virtute cuncta facile perumpant, nulli aut paucissimi in castris essent: Illyrici vero Triballique classiarj pedites, & quos diximus Martelosj, rudes ad id pugnae 10 genus, ac ingenio prorsus armisque inhabiles viderentur. Equestribus tamen prælijs certabatur, quum sæpe Hungari erumpendo vagantibus Turcis occurrerent. Erat in oppido Marius Spicecasius, è Neapoli militaris architectus, is adversus hostium castra, more Italico, quadratum aggerem multa conseptum materia ad instar latissimæ turris erexerat, in summitateque tormenta collocarat, quibus Turcarum munitiones atque tentoria ab editiore loco petebantur. Similiratione, & ab arce Budensi interfacente fluvio ad Pestana ædificia pilæ ferreæ volitabant. Regina interim parcius com meatum Turcis præbebat, utpote quæ sibi annonam, nisi parcè metiretur, priusquam frumenta maturescerent, defuturam timeret: quoniam Cæsar è Belgio in superiorem 20 Germaniam profectus, ad Ratisponam conventum habere, novosque exercitus parare nunciabatur. His de causis, & quod multi equi conceptis antea morbis agminatim interirent, Turcæ re infecta, trajecto rursus Danubio restitutisque egregia fide tormentis intra fines redierunt: sed in receptum non defuere Hungari, quin erumperent, & novissimos cædendo ad multum spacium persequerentur: Ferentio Gnaro imprimis impigrè rem gerente. Eo enim die Achomates, qui cogendo agmini præerat, insignis inter alarum duces ab insequentibus Hungaris est interfectus. Eadem hyeme in Vangionibus totius Germaniæ legatorum habitus est conventus, in quo Peronottus Granuelius insigni gravitate pietateque religionis casum deploravit, obsecrando 30 Germanos nomine Cæsaris, ut tantis atque adeo diris dissensionibus speratum toties & nunquam impetratum finem imposerent, quibus diviniæ humanæque res pudenda miserabilique insania in præceps traherentur. Luthero enim hæresiarcha adhuc superstite, qui ante viginti annos eadem in urbe ac eodem Cæsare conventui præsidente, inducta placita defendere conatus fuerat, impunitusque discesserat, plerique alij novas diversasque à Luthero sectas condiderant, publicatisque dogmatibus antiquas hæreses excitant, quas superioribus seculis sanctissimorum Pontificum & sacerdotum decreta, concilijs toto terrarum orbe celebratis, legitimè sustulissent. Miserat eo Paulus Pontifex Thomam Campegius Feltrensem episcopum, 40 atque item perillustres Theologos, qui de sacrarum literarum interpretationibus disputarent adversus Lutheranos. Ii novum sibi nomen induerant, Protestantesque appellari malebant: quoniam deserti Ducis mores planè dissolutos & scædos concepto pudore damnaverant, qui vel in ipsa Germania pristinae virtutis eius existimationem evertissent: horum princeps erat Philippus Melanchthon, qui Latinæ facundiæ deditus, nova & ipse placita mitiore ingenij veneno publicarat. Pro catholicis stabat Ioannes Ecchius,

vetus atq; admodum robustus sanæ eruditionis propugnator, & Iulius Pluggius præful designatus Numbergensis. His unis datus est loquendi locus in confesso legatorum, præfidente Granuelio, alternisque diebus dixerunt ac responderunt. Iamque de peccato originali protestantes se cedere fatebantur, utpote qui astuto consilio quum dociles, tum veræ doctrinæ cupidi existimari cupiebant, ut conceptam infamiam obstinatæ dissensionis effugerent, & tum demum in reliqua veterum sanctionum capita ad convellendam Romani Pontificis auctoritatem sævius atque liberius grassarentur, si in re nequaquam levi à priore sententia discessissent. Sed eam alternæ disputationis contentionem Granuelius, quasi iam bonæ spei plenus, quod aliquid pio pacificatore non indignum consecutus videretur, ad Ratisponensem conventum reiecit. Primo enim vere Cæsar à Rheno ad Danubium profectus, Ratisponam Germaniæ regulos liberarumque civitatum legationes evocarat. Perveneratque eo ab Roma legatus Cardinalis Gaspar Contarenus eximia virtute atque doctrina clarissimus. Nec multo post affuere plerique reguli antistitesque Germani, & ante alios Albertus Cardinalis Maguntinus omni officio ac pietate catholici dogmatis & Pontificiæ potestatis causam complexus, ediverfoque Philippus Lantgravius, Cattorum princeps, Austriæ familiæ non obscurus hostis, qui in exorabili pervicacia, tanto ferocis ingenii spiritum Lutheranorum vela inflabat, ut Cæsar, ne rem summæ spei ad publicam salutem foeliciter inchoatam ulla animi commotione perturbaret, Bucerum damnatæ sectæ Theologum in illius porticu concionari pateretur. Eminebat enim in Cæsare studium veræ pietatis, idque semper exactis Christianæ vitæ ceremonijs ostenderat, sed humanarum rerum curis plurimum angebatur: propterea dissimulandum, indulgendumque in præsens obduratis cæco errore, & longa impunitate corroboratis hominibus existimabat: ut eos mollissime conciliatos, in his quæ religionem respicerent, ad patrum maiorumque suorum instituta reduceret. Id enim ad optimi non modo pîque, sed & longè etiam maximi principis nomen parandum pertinebat. Nam si ipso auctore disceptatoreque ea de religione contentio, atque omnis discordia tolleretur, compositis statim Germaniæ rebus nemini dubium aut difficile futurum erat, quin Turcarum armis egregiè resisti, Pannoniæ regnum recipi, & Gallorum contundi spiritus: & denique firmus atque peramplus in Italia dominatus constitui posse videretur. Itaque magno consilio Cæsar Augustani conventus formulam ex conscripto atque edito libello subsecutus, constituit, ut à ternis utrinque theologis Christianæ legis veritas indagaretur. ñ fuere à catholicis, ipse imprimis Ecchius, Iulius Pluggius, atque Groperius. Defendebantur autem Protestantium partes à Bucero, Melanchthone, atque Pistorio, quorum disputationibus delecti præsidebant, Federicus Palatinus vir magnitudine, probitateq; animi inter Germaniæ regulos facile excellens, quem universis imperii copijs ad Viennā præfuisse meminimus: huic aderant principum ac liberarum civitatum studio appositum aliquot sacrarum literarum professores, qui auscultantis Cæsaris auctoritate regebantur. Quum in hunc modum ad Ratisponam religionis causa iactatur, Ferdinandus de Pannonicis rebus discessuque Turcarum certior factus, alacri animo ad eandem spem obtinendi eius regni continuo redit, Caroloque fratri facile demonstrat, nequaquam incepto abistendum, postquam Fortuna satis foelicibus initijs arrideret,

nec reversuri essent Turcæ, qui adverso conatu asperitateque hyemis & com-
 meatus inopia fatigati, deserta regina intra limites concessissent. Itaque novæ
 copiae in supplementum Velsiani exercitus antea conscriptæ, quum id de Tur-
 carum adventu crebri rumores postulassent, e Norico in Pannoniam mittun-
 tur, præficiturque eis Vilermus Rochandulphus regiae aulae magister, qui
 dudum ut Pestanis opem ferret, Posonium usque descenderat. is viridi admo-
 dum senectæ, ore militari, constantique ingenio, gravissimi ducis habitum
 præferebat. nam Veneto bello ante triginta annos cum laude ordines in Ita-
 lia ducarat, Pannonicaeque regionis peritus habebatur, quod tutante semo-
 nibus Ioanne rege, Budam vel infelicitèr oppugnasset. Velsius etiam non
 armorum usu aut studio militum, sed ætatis tantum ac officij dignitate infe-
 rior, locum facile concedebat, quod laceffente morbo videretur inutilis, invi-
 susque esset Hungaris, & à Pereno contracta simultate dissentiret: sed nihil
 quoque in oppugnanda urbe strenuè facturus credebatur, quod antea apud
 deliberantem regem oppugnandæ Budæ consilium exquisitis disciplinae ra-
 tionibus improbasset. Fit enim sæpissime, militiæque præsertim, malignitate
 atque superbia humani ingenij, ut plerique vinci malint, quam victoria po-
 tiri, quæ alieno consilio parta susceptæ semel ex adverso prolataeque opinio-
 nis famam ad dedecus extendat. Nec mora Rochandulphus, triumferemen-
 sium com meatu, qui secundo amne deferretur diligenter instituto, muralia
 tormenta à Viennensibus mutuatur, itemque à Bohemis & Slesitis atque Mo-
 ravæ auxilia accersit, veteræque exercitu inspecto acceptoque Budam profe-
 ctus eam obsidere, oppugnareque instituit: sed ab alijs omnino locis secus ac-
 cipe antea animo concepisset. Immutata enim erat urbis facies: nam ingenia
 propugnacula peritissime constructa, novarumque turrium moles admira-
 batur, quas Ioannes architecti Bononiensis ingenio fretus muniendis portis
 addiderat. Imprimis ab ea parte, qua ipse Rochandulphus decem ante annis
 magna edita murorum strage mœnia verberarat, admirabilis è lapide constru-
 cta munitio visibatur. Ea nobilium Horsacorum ædes complexa in Corum
 ventum prominebat, obtusioræque angulo ac insigni proiectura, cui tormen-
 tariæ inerant fenestrae, diversa utrinque mœnia defendebat, ita ut longè om-
 nium facilimus ad oppugnandum aditus demonstrato periculo tolleretur. ab
 ea enim parte excelsus atque perpetuus collis, in quo Buda opportunè posita
 conspicitur in planiciem definit, quum ab aquilone orienteque æstivo, unde
 Danubium despeçtat, accessus maximè arduus ac impeditus, per angustis &
 tortuosis callibus ostendatur. In Sabatina quoque porta, quæ Budam veterem
 ad lævam Vicegradumque perducit, iustæ amplitudinis propugnaculum e-
 rat e ductum, quo directæ in meridiem mœnia libratis sedulo tormentis ad al-
 titudinem scandentium hostium facile raderetur. Ad orientem porro Solem,
 ubi arx est sumptuosis tot regum operibus ad latissimum undiq; prospectum
 ædificata, lapideam per amplam turrem mediocri altitudine opportunè con-
 struxerat, quæ ita iungebatur adhærebatque arci, ut exterius cum ponte por-
 tam haberet, qua liber egressus descensusque tutissimus ad flumen per fossam
 concisa rupe, excavatoque solo, vel septenis in acie armatis nō incommode præ-
 beretur. Neque enim antea ab arcenisi per urbem magno circuitu ad Danubium
 aditus patebat, sed mons præaltus ex adverso arci urbiq; imminens, inter-
 cedente valle, atque ea, quam diximus, fossa, ita assurgebat, ut media montis

arcis fastigium æquaret: summo autem cacumine regiones plateæ, interiora-
 que urbis tormentorum ictibus subiecta spectarentur. In eo templum erat
 divo Gerardo, à quo nomen ducit, dedicatum, cuius numen pestilentia rite
 invocantibus salutare esse pictæ imagines, & persolutis votis appensa donaria
 cumulatè testantur. In hunc montem Rochandulphus, quod eum ad oppu-
 gnandam arcem, terrendamque reginam idoneum rebatur, tormenta per-
 duxit, vehementerque adeo quassavit novam turrem, ut ingentibus disrup-
 tiliis collapsura videretur: summa enim corona, pinnæque deciderant, sed
 triplex erat arcis murus, durioresque ob id expugnandi atque invadendi, in-
 tercedente præsertim valle, difficultates ostendebat, verum nemini dubium e-
 rat, quin summæ arcis ornamenta præaltæque testudines, uti ad Vicegradum
 acciderat, refringi diruique posse viderentur: sed Rochandulphus suo an Re-
 gis consilio incertum, nobilissime regis parcendum existimabat, quum exor-
 natas porticus, & per picta laquearibus aureis cœnacula brevi concasura con-
 spiceret, quæ ab ipsis demum victoribus, neque desiderari, nisi magno cum
 dolore inanis pœnitentiæ, aut instaurari, nisi immenso auri pondere, & longo
 temporis spatio censerentur. Cæterum per præcones, quibus ad commean-
 dum induciæ perpetuæ inviolabili iure gentium manebant, reginamhorta-
 batur, ut servitutis compedes abrumperet, quas Georgius intestinus hostis si-
 mulatò tutelæ nomine, ipsius & pueri cruribus innexisset: paratum enim esse
 amplissimum principatum liberalitate Regis, in quo ipsa cum dignitate ad se-
 curitatem conquiesceret, puerumque nutrirer: quod si ea omnino munera, uti
 mentis inops, ac ignara periculi repudianda arbitraretur, ac imminentis cala-
 mitatis casum obstinatè contemneret, se daturum operam, ut maioribus tor-
 mentis ac ingētibus mortarijs, quæ in sublime casura demum ad excidium te-
 ctorum marmoreas ingentes pilas excuterent, totius arcis ac regis contigna-
 tiones exitiabili cum fragore frangerentur. Ad ea Georgius respondit, non
 esse adeo insulso ingenio reginam, ut Pannoniæ regnum Sepusiano principa-
 tu permutare velit: Rochandulphum verò sibi valde delirum ac insanum se-
 nem videri, quod quum antea in hisdē fossis graviter vapularit, id modo stoli-
 dè quærat, ut ad perniciem cumulatæ temeritatis pœnam mulctetur. Proinde
 viros fortes pro patria regeque Hungaro adversus temulenta agmina sobriè
 propugnantes terrere desineret: nihil enim eos immanium globorum strepi-
 tu commoveri, verum se unum ex omnibus à Rochandulpho privata humani-
 tatis iure comiter postulare, ut tormenta aliquanto mitius disploderet: esse
 enim sibi scropham domi unicam prægnantem, quæ tot sclopis, & bombis ex-
 territa, abortum magno convivarum suorum dolore factura videretur. Erat
 enim Georgius perurbanus & dicax, atque adeo Germanorum contemptor,
 ut quum ex his duos milites regijs in hortis ædificia succedentes, à Budensi-
 bus interceptos supplicio affecisset, in eadem furca totidem pariter porcos ad
 ignominiam suspenderit. Nec multo post Rochandulphus à monte Gerar-
 do ad sepulchra Iudæorum nihil loci nomen abominatus, motis repente ca-
 stris omnem tormentorum apparatus transtulit. Is locus à Iudæa porta
 inter orientem atque meridiem non iniquus, quanquam sensim acclivis,
 ad proxima vineta protenditur: sed longinquam, & propterea periculosam
 habebat aquationem, quum intentis semper ad insidias, & repentinis Valen-
 tini equitibus, Danubius magno circuitu peteretur. Sed Germani dispositis

custodijs, certoque praesidio aquatoribus adiuncto, egregie cunctis difficultatibus occurrebant. At Georgius ubi hostem ad sepulchra castrametantem vidit, nihil de solita urbanitate ad iocandum remittens, à Rochandulpho petiit, ut errati veniam daret, quod eum nuper falso delirum senem appellasset: quoniam in aequiora loca traductis castris sapiens omnino mentisque integer evasisse videretur: postquam proprio in loco, & ipsi exactae ætatis seni, multumque irritò labore fatigato, & damnatis pariter copijs aptissimo confedisset. At Rochandulphus ferream curulem caveam, uti feræ belluæ, Georgio comminatus, à duabus simul partibus ad distinendos hostes oppugnare constituit. Hungari Pereno duce, atque his adiunctæ Bohemorum cohortes inter Horsacam munitionem, & Sabatinam portam tormenta protulerunt. Ipse cum Germanis à Iudæa porta ad arcem, qua regij visitur horti, tantallvi quassavit murum, ut pars concussa perfractaque procideret: pars verò premente atque impeente interno aggere, quem intus Budenses subitariae munitionis causa mœnibus adstruebant, inexpectato casu in exteriora laberetur. Eares propugnantes magnopere conterruit, quod dijs veluti adversis ipsorum diligentia se cus ac sperassent, irreparabili damno repente edito novum periculū attulisset, sed tantæ occasione defuit Rochandulphus, sive re nequaquam satis liquido perspecta, quum inter perpetuam tor dispolosis utrinque tormentis fumi caliginem, elatique ab ruina pulveris densissimam nubem omnia conderentur, sive quod pro ingenio cunctantius & suspiciacius cuncta administranti expediti consilij vim omnem mora fatalis eriperet: nec Germani statariæ pugnae assueti facile adduci possent, ut in extraordinarijs & repentinis oppugnationum casibus Hispanorum, ac Italorum, Gallorumque more alacriter atque celeriter murum subirent. Cæterum utique adeo mœnia tormentis adaperata prostrataque cernebantur, ut in longitudinem unius fere stadij eminente tantum ad altitudinem stature hominis antiquo aggere, vel brevibus scalis se facile scansuros, ac in urbem irrupturos milites dicerent. Iamque nox aderat apud Germanos curandis corporibus quam rei gerendæ aptior. Ex vetere etenim gentis disciplina tenebras ac insidias perosi decora tantum ea vulnera existimant, quæ spectante exercitu in præclara luce susceperint. Itaque aliquot prolatae sunt scalæ, & per tenebras magno silentio iuxta ruinas appositæ eo consilio, ut sub auroram compositis ordinibus conferti milites subirent. Cæterum Budenses ab hostili mora spacium nacti, incredibili diligentia, omnisque generis sexusque hominum frequentia, novum intus aggerem protinus erexerunt, animadversisque hostium scalis eas continuo rapuerunt. Porro Germani sub auroram instructa acie per acclivia subeuntes tanta vi munitiones sunt adorti, ut Otho Fotiscus in perruptam domum, quæ muro coniuncta erat audacissimè penetrarit, cæteræque cohortes, quum præeuntem quem-
que militem succedens humeris sublevaret, in ruinis vexilla præfigere niterentur, sed Budenses mira constantia irrumpentium impetum tulerunt, cohortante, propugnanteque Georgio, qui deposita cuculla galeatus toto aggere volitabat. At Germani quum aliquandiu periniquo loco multis acceptis vulneribus irrumpere conati essent, nec armis modò, quibus acerrime cominus cedebantur, sed valida etiam corporum impressione scutatis a fronte vehementer incumbentibus urgerentur, nullo ordine se re-

cipere co-

cipere cœperunt, sed receptus perturbatos in fugam confestim vertit, atque eo quidem maiore cum incommodo: quoniam uti videre licuit, quanto longius à mœnibus recedebant, tanto atrocius atque frequentius omni missilium genere & tormentarijs maximè glandibus sternebantur. In eo tumultu Rochandulphus supra octingentos milites amisit: nam quicumque paulo gravius sauciati in castra se retulere incuria & contemptu vulnerrum putrescentibus facilè plagis interibant. Perijt & paucos post dies distracto vi tormenti, resilienteque lapide haudquaquam ab initio lethaliter ictus Hieronymus Iadarensis, Austrianae classis præfectus. Pari quoque eventu, sed minore accepto detrimento, Perenus ad Sabatinam portam repulsus ab oppugnatione discessit. Exinde Budenses adeo animos despectis hostibus sustulerunt, ut erumpere sæpius auderent, ignaviamque exprobrantes contumeliosis significationibus è muro Germanis illuderent. Tentavèrè demum Austriani duces effossionibus atque cuniculis murum subruere, inditoque ac demum succenso intus tormentario pulvere, ad apertisque mœnibus subitarium in urbem aditum parare, quod plerique adessent milites è Rhætia argentarijs fodinis assueti, Bohemique præsertim insecturis metallorum operam navantes, sed Budenses deprehensis hostium consilijs atque operum inijs, nota atque instituta ratione, dum fossas introrsus ex obliquo pertraherent, certaue erupturis incendijs spiramenta relinquerent, diligenter atque foeliciter occurrebant: urgebantur tamen tanta variarum rerum inopia, ut nequaquam paulo longiorem obsidionem pati posse viderentur, & famè laborantis populi querelis locus esset, usque adeo, ut urbana multitudo tumultuarijs vocibus imponendum esse finem inediae, publicoque periculo, & deditionem omnino faciendam succlamaret: sed tanta inerat Georgij ingenio auctoritas cum summa in omnes casus urgentium rerum industria, ut quum concionanti similis in forum prodiret, quò vellet vel corruptos alienatosque civium animos impelleret: parum tamen abfuit, quin urbs ipsa, quæ vi capi non poterat intestina fraude proderetur. Erat inter Budenses vir Hungarus in iure dicundo prætoria functus potestate, nomine Bornemissa: is Georgium vehementer oderat, quòd in iudicio, & civili contestata lite, à Iudæo decoctore multus steterisset, qui astuta consilij simulatione nequaquam suo, sed Bornemissæ malo susceptæ mercaturæ rationes conturbabat. Itaque livoris plenus vindictæque percupidus, Francisco Revalio, qui in Austrianis castris ius dicebat, se daturum ad ingressum exoletam portulam promissit: ea erat in sepulchretis solennis templi Deiparae virgini cognomento Germanicæ dedicati, eratque usui pacis tempore per declivia peccantibus flumen: rem igitur ad se per Revalium delatam ita probavit Rochandulphus, ut nihil tamen Hungaris in tantæ spei negotio committendum arbitraretur, secus ac ipse Bornemissa præcipue deposcebat, utpote qui sine sanguine tot insontium civium, quorum salutem privato facinore proderet, rem patrare exulibusque omnino Hungaris uti vellet, quibus erga patriam & propinquos, notosque ipsis pietatem & clementiam minimè defuturam speraret, quando Germani per se crudeles, totque incommodis & contumelijs irritati, noctu præsertim irrumpentes, ne pueris quidem, & foeminis parsuris viderentur. Cæterum Rochandulphus more gentis ad inanæ prudentiæ nomen, nemini integram fidem præstare solitus, ut exclus

sis Hungaris solus conceptæ victoriæ famam usurparet, usurum se Hungaro-
 rum opera simulat, Revaliumq; decipit à quo etiam filium obsidem acceperat:
 nam ad constitutam horam intempesta nocte omnibus nihil sese per castra
 commovere, & conquiescere iussis, delectas quatuor Germanorum cohortes
 silentio ad portulam præmisit, Condeo filio cum ala Germanorum equitum
 in statione constituto, ut quum à receptis intra urbem Germanis proditori-
 busque, uti convenerat, maior, & militaris viæ porta refringeretur, confestim
 cataphractus equites induceret. nec Bornemissæ in ipsa perfidia fides defuit:
 ad aperta enim portula, quam diximus, cohortes magna ex parte suspensis ve-
 stigijs sunt introductæ: sed quum Bornemissa singulis intrantibus Revalium¹⁰
 summissa vocere requireret, neque alio quam Germanico fremitu responderetur,
 intrepido alioquin animo, uti plerunque accidere deceptis solet, impro-
 visus obrepit pavor, ita ut anceps atque incertus consilij, nec præeuntibus, i-
 gnaris scilicet quem primum urbis locum occuparent, dux esset: nec Germa-
 ni contento iam gradu in tenebris fraudem suspectantes alacriter procede-
 rent, quum respectare ac ab ultimis itineri & gerendæ rei signiferum petere co-
 gerentur, nō fecellit Budensium excubias incedentium agmen, quum vel levi-
 ter calcata humus, offensaque arma perstreperent, accensisque sclopettorum
 funiculi late spectarentur. Itaque petito nec ab hoste reddito tessera nomine
 ad arma conclamatum, sed id sero erat, iam semicapta urbe, nisi divi Budæ²⁰
 telares deprehensis & errantibus adversi, tanti iam patrati facinoris audaciam
 in subitum metum vertissent: tanta enim animorum consternatione regredi,
 portulamque repetere tumultuosius quam Germanos milites deceret, pro-
 perarunt, ut in angustissima porta affligerentur, impedireturque exitus ha-
 starum strue, quam primi proiectis armis effecerant, ut levius ac expeditius in
 castra profugerent. Urbanus Bacianus, qui vigilias ea nocte circuibat, pri-
 mus cum expedita cohorte evadentibus supervenit, adductæque eo sunt à
 Vichio late iam cognito auditoque tumultu validæ peditum atque equitum
 manus, quæ more militiæ in foro ad incertos belli casus excubabant, ita auda-
 cissimi Germanorum, qui primi irruperant cum novissimi agminis facti in³⁰
 fugam se converterent, trucidantur, capiunturque nonnulli, & in his Borne-
 missæ familiares: nam ille inter primos evaserat. de his autem Revalijque i-
 tem amicis à Georgio quæstiones habitæ, erutaque est varijs cruciatibus to-
 tius proditoris series, & de confessis fœdi crudelisque spectaculi supplicium
 est desumptum, Revalio in castris se ingratis maligneque proditum conque-
 rente, & lugente plurimum Bornemissa, qui parto proditoris patriæ cogno-
 mento, omnem substantiam amicis ac affinis miserè perditis amisisset. Ita-
 que Rochandulfus, quod consilia & conatus omnes Fortuna præverteret, &
 totis castris inconsultæ, pervicacisque superbiæ vel gregariorum militum iu-
 dicio damnaretur, nec dolorem ac infamiam corruptæ tantæ occasionis at-⁴⁰
 que victoriæ animo sustineret, reliquas belli cogitationes ad obsidendos ho-
 stes convertit. At Solymanus his rebus, quæ à Cæsare fratreque eius adver-
 sus reginam parabantur, opportunè cognitis, tuendi proferendiq; imperij ex-
 plicat rationes, hostium consilia & facultates expendit, adhibetq; in consilium
 purpuratos Bassas, ac ingenti animo, divisis copijs delectisque ducibus, u-
 no tempore locis omnibus statuit occurrendum. In primis Solymanus A-
 carnæ Eunuchus in Mesopotamiam mittitur, qui Babylone consistat, Tam-
 masum-

malumq; Persarum regem à Tygridis ripa deterreat. is nuper Ægypto præ-
 fectus, multis ædificatis triremibus enauigatoq; Arabico sinu, et superatis Ru-
 brimaris angustijs, in Indiam peruaferat, interfectoq; Ademi rege, Lusitanos
 ad Dium emporium vehementer oppugnat: Mahometem verò purpura-
 tum, natione Dardanum, qui obsessæ reginæ opem ferat, in Pannoniam pro-
 ficisci iubet. deligitur & Vstrephus ex Illyrico quartus ordine purpuratus, qui
 Mahometem subsequatur, subsistatq; Belgradî, intentus ad ferendam opem, si
 Mahometes validiores hostes inueniat. attribuitur & sua clas sis Hariadeno
 Barbarussæ, cui antea maris imperium erat delatum, vt daret operam ne quid
 10 detrimenti in Græcia atque Epiro ab Auriana classe reciperetur. Paulo enim
 antè Auria Siculis Neapolitanisque triremibus sibi adiunctis Turcas & Pœ-
 nos Turcis faventes, Clupea, Neapoli, Adrumento, Ruspina, Tapsoque, &
 denique tota ea Africæ regione, una excepta urbe Lepti, quæ Mahomedia à
 Pœnis, Aphrica à nostris dicitur, ad Mænicis usque insulæ Syrtes depulerat,
 Mulealsisque Tunetani regis imperio parere coegerat. Eæ urbes hodie sunt
 Calibia, Susa, Mahometa, Monasterium, Sfaxia, & Africa, quæ Pœnis Me-
 hemedia dicitur: tum enim Auria ingentem exornabat classem, ut ad expu-
 gnandum Algerium in Mauritaniam transfretaret. Et quoniam Solymanus
 Maylatum in Transylvania Ferdinandi rebus studere, bellumq; moliri didice-
 20 rat, aduersus eum Mustapham Nicopolitanum præfectum superato Danubio
 contendere iussit, imperauitq; Petreio Moldauo Valacchorum principi, vt
 Mustaphæ bellum gerenti præsto adesset. Is Turcarum copijs triginta milia
 suorum equitum adiunxit, magnoque astu Maylatum, vt mox dicemus, in po-
 testatem redegit. Ipse autem Solymanus plus æquo Christiana arma veritus,
 Cæsarisq; imprimis consilia & totius Germaniæ facultates, non absurda, quā
 quam tum maximè vana ratione, animo reputans, Hadrianopolim proficisci-
 tur, tertium ex propinquo exercitum, si opus foret, subsidio duobus præeun-
 tibus purpuratis allaturus, retento secum Rostane genero, quem inter Bassas
 ascuerat, Luphtibeio scilicet gradu pulso, relegatoq; in Macedoniam, quod
 30 vxori, quæ Solymani soror erat, desertum sibi relinqui coniugalem thorum pe-
 racterbe conquerenti, obiectantiq; dissolutas libidines, indignè ac insolenter
 manus inieciisset. Igitur Mahometes, rei gerendæ pariter ostendendæq; virtu-
 tis cupiditate incensus, iustis confectis itineribus, paulo post solstitium in
 Pannoniam peruenit, adiuncto sibi ex itinere altero Mahomete Belgradensi:
 accitisq; item Bosnensibus copijs, quibus Vstrephus dudum fato functus, Pe-
 stano bello præfuerat. Huic in præfectura successerat Vlamanes Persa. At
 Germani, vbi de aduentu Turcarum certius cognoscunt, varijs inter se dictis
 sententijs decertant. disputatur enim in consilio, præstet ne obsidionem solue-
 re, an contra ire hostibus prælioq; certate: sed impellentibus fati, vt Turcæ Pan-
 40 noniæ regno potirentur, Rochandulfi sententia vicit. Is nihil tutum quod
 esset indecorum putabat. Pestum namq; transire, aut Vicegradum Strigoni-
 umq; redire, vti aliqui suadebant, adeo flagitiosum turpeq; rebatur, vt ingenio
 tota aduersis conatibus perturbato, vrgenteq; Fortuna, vinci atque emori in-
 columi constantiæ laude, quàm exercitum seruare malle videretur. Castra
 itaque in aduersam vrbs partem ad Gerardi montis radices transferuntur,
 qua mons inter Budam & castra positus, recedensque à flumine latam ab
 oriente planiciem relinquit, eo consilio vt aduentantes Turcæ, quos nihil

à classe flumineque discessuros videbat contra rectam tormentisq; munitam castrorum frontem procedere, & per iniquo loco transitum tentare cogentur. Ea enim erat natura loci ut castra hinc præalta imminenti montis crepidine, illinc verò ad læuam præterfluenti Danubio munirentur, in tergo autem præualidus agger erat erectus, contra portam turremque, quam Budenses, quòd flumine abluatur, Aquariam vocant. Nam ab excelsa vrbis arce, duo brachia pinnati muri per decliues præruptosq; descensus ad flumen ducta erant, tantumq; loci in ima ripa interceptiebant, quantum in summo tota arcis amplitudo complectebatur. In eo spatium cum stabulis regijs vetera erant naualia, binisq; portis ac turribus præcludebatur id iter, quod iuxta flumen haud multum lato ripæ margine in campos perducebat. Porro in dextram ab ipsa fronte Rochandolphus perpetuam munitionem in aduersum montem traxerat, ibique minora castra in queis erant Hungari, editiore loco posuerat. Parua quoque insula ponte constrato castris iungebatur: in ea erat lunatus agger, maioribus tormentis egregie munitus, quibus & subeuntia hostium nauigia, & ea, quam diximus lata planicies ex obliquo peterentur. Cogitabat etiam stabili atque perpetuo confertis inter se nauigijs ponte constructo, Pestanis mœnibus castra committere, indeque nouas copias opperiri aduentantis hostis impetum sustinere, diuturna q; maxime obsidione Budenses premere: nam tantus commeatus tantusq; rerum bellicarum apparatus ad Pestum fuerat institutus, ut vel in multam heymem abunde sufficeret. Cæterum appropinquantibus Turcis Valentinus cum duodus millibus equitum legati munere functus occurrit, quid hostes parent, quales, quantiq; sint, utrumque Mahometem diligenter edocet, opportuna ponendis castris loca demonstrat. Itaque Mahometes Bassa audacter promotis agminibus quinque ferme stadiorum spatium ab hoste confedit, circumdatque sese celeriter ingenti fossa per Asappos pedites, quibus in opere faciundo Turcæ plurimum vtuntur, totamq; eam planiciem tabernaculis innumeris complet: Belgradensis verò Mahometes rei bellicæ pertissimus, per colles, qui sese molliter inflectunt, Gerardoque monti relicta planicie coniunguntur, editiorem capit locum, Hungarorum magis quam Germanorum castris propinquum. Tum verò legati Turcæ ducum nomine ad salutandam reginam urbem intrant, magnam maioris minorisque pecoris multitudinem ex Hungarorum tamen pascuis abactam dono dant: mirantur subitarios aggeres, terrificosque hostium conatus, Budensium constantiam laudant, profitenturq; se eorum iniurias celeriter ulturos, excultiq; donis discedunt, Budamq; demum pariter ac ipsa castra mutua securitate commeantibus vtrinque Budensibus & Turcis patuerunt. Tanta autem apud vrrunq; Mahometem, cum verbis, tum omnibus officijs humanitas atque prudentia spectabatur, ut nequaquam simulata aut temporaria inter Turcas & Hungaros amicitia, cuius nomine ad ferendam opem aduenissent, sed maxime sincera & diuturna vel ab astutis pueri nutritijs crederetur. Grauib; enim dictis sententijs, Georgio imprimis Vichioq; et Valentino suadebant, ut deposita similitate, reuocare exules vellent, communi careque eis solitos honores, et denique in vnum Hungarici sanguinis corpus consentire: omnes enim, nisi desiperent, dum rex Stephanus adolesceret, securatque beatè regnatos, & deniq; postquam sub tutela præsidioque maximi atque iustissimi imperatoris tuti essent, Germanica arma facile contemp-

turos,

uros, quæ neque valere per se possent, neque omnino commoueri, nisi concitantibus Hungaris, quibus patriæ desiderium satis iusta belli causa videretur. Cæterum binis vtrinque eo modo constitutis castris, binæ quoque classes accedebant: in Austriana erant biremes vigintiquatuor, maioris minoresque Nasadæ, quarum formam nauali prælio ad Stringonium facto, supra retulimus, circiter octoginta, onerariæ verò naues & magni lintres paulo minus centum: Turcarum verò classem omnis generis nauigij, dimidio minor censetur. Hanc tortuosi litoris cubitus in altum exporrectus, effectio intus latissimo sinu, opportunè ab hostium tormentis protegabat: pari quoque ratione prominentis ripæ, Austriana in altero consimilis profluentis flexu, deligatis ad ripam proris, tutissimam stationem obtinebat, actuariæ autem obiectu parua insulæ tegebantur. Nam Turcæ proximam huic Cæpelliam insulam è regione castrorum occuparant, in superioreque parte, vbi Danubius veluti rostro scinditur, munitionem erexerant, indeque paribus tormentis parua insulæ aggeres & commeanitia nauigia diligenter infestabant. Cæpellia quadraginta amplius millibus passum in longitudinem extenditur, pagis ædificijsque repleta, ac ideo opportuna, vt si eam ab initio Rochandulphus, sicuti iudicabant Hungari, occupandam muniendamque suscepisset, appareret Turcas nequaquam castrametandi facultatem habituros, aut omnino relicturos classem, si ad occidentem, vbi antea Rochandulphus constiterat, magno circuitu castra ponere voluissent. Quid enim eo consilio insanius, ac exitu calamitosius amissa classe Turcis accidere potuisset: sed nemo vel exactè prudens cuncta prouidet, quum euentus supra cladis incommodum infelicitibus reprehensionis etiam grauem notam relinquat. Non putabat enim diuidendas esse copias priusquam noua è Norico auxilia superuenirent, quum frequentibus prælijs & graui autumno ingruentibus morbis, vehementer attenuatæ, nequaquam Turcarum numerum adæquarent, & Budenses totis copijs diuersoque latere ad omnes Turcarum motus erupturi viderentur. Pugnabatur quotidie minutis prælijs circa planicem ab equitatu, & ad superiores munitiones, ac in monte ab extraordinarijs peditibus. Nam Mahometes Bassa præter sagittarios Asappos, egregiam etiam Ianizerorum manum, & Belgradensis Illyricos, & Triballos adduxerant: sed equites vtrinque pari alacritate pugnam ciebant, quum promptissimus quisque aut paulo nobilior eques ad ostentandam virtutem ex aduersa acie parem sibi eum, qui armis ac insignibus conspicuus obuersaretur, ad singulares concursus prouocaret, vsque adeo iucundo pugnae genere, vt militari comitate per aliquot horarum inducias, cessantibus bona fide sclopettarijs, vt vera virtus emereret, hastis tantum & gladijs certaretur. In his exercitationibus Germani sæpius inferiores Turcis euadebant, vtpotè qui robustis atque prægrauibus equis, ac ob id statariæ præsertim pugnae assuetis, more gentis vterentur, quos si procurrere, aut denique refugientem hostem consectari vellent, segnius omnino quam oporteret incitarent, & tum faciliè eludendo breuem eorum impetum, Turcæ agiles è manibus elaberentur, nati scilicet ad liberas excursions è veteri disciplina, in qua celeriter insultare ac euitandis ictibus equorum cursum inflectere, reuertique demum, & cum dispersis cominus pugnare consueuerunt: sed similes edocti artes Hungari exules, paribus armis ac animis, vel multo plures Turcas faciliè sustinebant, quum latis protecti scutis,

validisque pariter ac pernicipibus equis insidentes, loricati galeatique magna ex parte Turcarum inanes hastas sagittasque contemnerent. Erat inter Germanos duces insignis Risciacus Suevus: huius filius impiger adolescens, quum ignaro patre in aciem prodijisset, strenueque decertans spectante ante alios atque admirante virtutem patre, a cunctis vel ignotus effuse laudaretur, priusquam se explicaret a circumfusis hostibus est interfectus. Tum vero Risciacus casu equitis vehementer commotus, ignarusque suae sortis, conuersus ad alios duces, omni, inquit, laude perornandus videtur hic quisquis sit equitum longe fortissimus, ac omnino publici funeris honore tumulandus. Id quum ab omnibus pari pietate probaretur, infelicitis filij ad longe iniserrimum patrem cadauer est relatum, verioresque tum omnibus obortae sunt lachrymae, sed in patre repentinus dolor profundius ad vitalia peruasit, atque ita ille paulo post, quum rigentibus oculis stetisset, nihil effatus interijt. Exinde Rochandolphus graui edicto quemquam pugnandi causa castris exire vetuit, adeo seuera lege, ut vnum atque alterum egredi pugnareque ausum in furca suspenderit: continendos enim milites existimabat, quod Germanicus equitatus omnibus rebus esset inferior, quod Ianizeri sclopettarij mirifice pugnarent, quod expectare nouas copias oporteret, quae res adeo suorum animos imminuit, & Turcarum spes in immensum adauxit, ut contemptius ac insolentius Germanorum munitiones aggredi auderent, ac intra castra proximos vallo sagittis & glandibus vulnerarent. Germani siquidem quum castris perducerent fossam, imperite excauantes, ac exterius omnem glebam proijcientes, alterum propere aggerem, intercedente fossa, hostibus vtilem effecerant. Inde etiam superiore loco improuisi, nec plane conspecti in stationem iaculabantur. Solae Pereni turmae ab editioribus castris saepius in comineantes a Buda Turcas erumpebant: ita ut paucis tantum insidiarentur, & quum Turcae aut Valentini equites valida manu vrgerent, intra munitiones & ad maiora castra se reciperent. Iam transierant multi dies ab aduentu Mahometis, magisque ac magis Turcis atque Budensibus animi viresque crescebant. Porro apud Austriacos ad non dubiae cladis omen, debilitata virtus, attritae vires, inexplicita consilia, & denique quo vno subsidio res humanae bellicaeque praesertim constant, spes fractae viscebantur: sustentabant tamen animos frequentes literae Ferdinandi, peramplaque existimatio Caesaris, nequaquam in eo rerum discrimine fratri germano copijs atque pecunia defuturi, atque ipsa demum ducis constantia, quae apud eum omni ratione potior erat, ut inde celerius in sua fata traheretur. Eo modo quum vtrinque quotidie tormentis maioribus atque minoribus certaretur, Turcae ab editioribus locis, & e proximo Cepelliae promontorio conspectati segnes in insula Germanorum stationes, communicato inter se consilio, ut e duobus castris vno tempore diuersas hostium munitiones inuaderent, in albescente coelo in insulam cum expeditis nauigijs aduolarunt, adortique magno silentio semisopitos, penes priusquam sentirentur, aut sese Germani captis armis conglobarent, supra sexcentos milites trucidarunt: reliquis vero ex repentina clade tantus incidit pauor, ut quum perfugerent in castra: nec perturbatos angustiae pontis facile caperent, multi vtrinque decedentes profluente mergerentur: transeuntes vero e Barbarorum classe, quae in aduersum pontem proras adegerat, confixi sagittis interirent. Tumultuatum est vehementer totis castris

castris, quum Turcæ pluribus simul locis magno clamore edito, & ingenti strepitu tormentorum munitiones invasisent, parique metu atque periculo à reliquis Germanis Bohemisque ac ipsis Hungaris desperato penè subsidio certaretur. Sed ad recuperandam insulam, neque his Germanorum cohortibus, quæ in extremo ad flumen aggerè in statione constiterat, neque socijs navalibus, aut expediti consilij celeritas, aut præsentis animi magnitudo defuit. Nam cohortante Heberstulfo castrorum magistro, ne à Barbaris Christiana signa atque tormenta rapì paterentur, Marioque simul Neapolitano, qui tum classi præerat, biremes maioresque Nasadas propugnatoribus plenas ad insulam appellente, tanta vi Turcis cadavera spoliantibus, ac ut tormenta capta protinus aveherent ad naves propellētibus incubuerunt, ut trucidati compulsi-
10 sique in naves, ac à terra simul & à circumfusis biremibus profligati, tormenta simul ac insulam victoribus equata clade reliquerint. Ferunt ea die Barbarorum classem deleri potuisse, si nostri victoria utentes, adiutique secundo cursu atque impetu tanti amnis in puppes fugientium rostratas proras adigere, commixti-
20 que descendere voluissent, sed tormenta quæ in ipsa Capellæ fronte, & in adversa castrorum ripa à Turciserant constituta, anceps omnino descendentibus periculum ostendebant: facile enim multa demum post confectum subitæ rei certamen animadversa sunt, quæ in ipso commoti discriminis articulo opportunè provideri non poterant, quum vel expeditis atque fortissimis ducibus plerunque consilium ac mentem repentini casus eripiant: Barbarorū tamen Nasadæ quatuor demersæ sunt, & tres captæ, multique in eo tumultu aut tormentis discerpti, aut absorpti flumine perierunt. Heberstulphus ipse, quum ante signa fortissime dimicaret, tribus sagittis per apertam galeam receptis grauter vulneratus discescit. Sequentibus autem diebus Turcæ tametsi
30 villa in parte munitiones expugnare nequiverant, propugnaculoque Bohemorum semicæpto inde multis acceptis vulneribus expulsi fuerant, magis tamen ac magis trepidatione nostrorum alacriores facti, tanto contemptu ex omnibus locis laceffendo prouocandoque infestabant castra, ut nullum ferè quietis spatium succedentibus in stationem cohortibus relinquerent, et nostri diutius castra se tueri posse, crescentibus præsertim hostium copijs, atque animis, desperarent. Nam Vstrefus Bassa à Belgrado recentes quotidie milites, receptis ad se ægris atque faucijs, suppeditabat, & Valentinus adiuncta sibi delecta Turcarum manu Ianizerisque sclopettarijs, è superioribus castris Perenianos equites depulerat, occupatoque Gerardo monte, ad eum usque locum, ubi ingens lignea crux erecta conspicitur, multis hostium stratis ita pervenerat, ut auersa castra ad Aquariam turrem vergentia audacter iuaderet, magnusque totius castris tumultus oriretur, quum nostris vndique circumfuso hosti esset repugnandum. Sed præter singularem Germanorum Bohemorumque in omni labore atque periculo perseverantiam, magno usus fuerunt Pestanorum tormenta, quibus Valentini copiae intercedente Danubio petebantur, sic ut plerosque equites libratis ad descensum maioribus colubrinis interficerent, & reliqui in tutum se recipere cogerentur. Ferunt ea die Valentinum nihil Hungaris exulibus, sed Germanis maxime insensum, certo iure priuatae humanitatis ac amicitiae, perfidum equitem Pereno suasisse, ut se Hungarosque omnes festinanter imminenti clade eriperet, quoniam bellua ingens quæ vniuersos vno hiatu deuoraret, aduentare nunciaretur, Solymanus

enim cognitis his rebus, quæ à Cæsare Ferdinandoque pararentur, ratus eos ad Budam cum magnis copijs descensuros, statuit tantæ occasioni, quæ nobili prælio, gloriosæq; victoriæ casum aperiret, magnis itineribus occurrendum. Itaque Perenus apud Rochandulphum ducesque liberè locutus, quæ accepisset, retulit, testatusq; est, nisi de receptu decerneretur, sibi atque Hungaris ad salutem esse consulturum. Quum sententiæ variarent, sed omnes tamen Pestum noctu perfugiendum arbitrarentur, vnus Rochandulphus fatali obstinatione pernegabat, se iniussu Ferdinandi regis à Buda discessurum. Itaque Salma celeri mioparone Viennam mittitur, qui regij iudicij decretum referat. Interim vrgente metu, frementeque Pereno, statuunt noctu silente luna quatuor commeatibus ad Pestum trajcere. In primo tormenta maiora & Hungaros, in secundo equites Germanos atque Bohemos, in reliquis peditatum omnem cum castrensis impedimentis collocabant. Toti autem nauali negotio præfecti sunt, qui sine tumultu transueherent, Barocius Hungarus & Germanis Balthasar Pocanius. Neque enim Danubius (vti antea se facile perfecturos crediderant) perpetuo ponte iungi potuit: nam eo iam cœpto & penè contabulato, vis tanta ventorum & tempestas oborta est, vt amnis ingenibus excitatis fluctibus sæuus, tot nauigiorum dissoluta compage, iuncturarum trabes violenter effringeret, atq; inde magni lintres abruptis anchorarijs funibus, profluentis impetu raperentur. Itaq; primis & secundis transeuntibus Fortuna non defuit. Nam tametsi cœuntia in vnam partem nauigia Budenses Turcæq; per diem ab æditis locis despectantes, id quod erat facile suspicarentur, & varias quisq; pro ingenio noui motus causas adduceret, nihil tamen de repentina hostium fuga providebant, sed ea commeantium nauium frequentiam tentos & diligenter speculantes diu nequaquam fefellit. Nam Vsarones duo perfugæ ad Georgium Valentinumq; institutæ fugæ consilium derulerunt, ab his extemplo certiores facti duo Mahometes totis penè copijs ad oppugnanda castra contendunt, tormenta curulia producuntur, præeuntibus Ianizeris, cæterisq; peditibus, iuniores equites dimissis equis succedunt, terribiliq; vultu edito stationes adoriuntur. tum verò Austrianis detecta ipsorum fuga animus concidit, resistunt tamen acriter Bohemi, pariterq; ij Germani, qui iuxta flumen ad insulæ pontem excubabant. Tumultuatur autem totis castris & in ripa maximè, quum quisque pauore concepto naues conscendere, nullo ordine nulloque pudore, vel per mutua vulnera properaret: cuncta enim terribiliora, vel fortibus viris reddebat nox intempesta & nubilo tum cœlo perobscura: Rochandulphi autem in tenebris, tantoque fremitu suorum a hostium clamore, reboantibus vndique tormentis, nullum erat imperium. Is tum supra ægritudinem animi, admirabili & prorsus fatali casu vullneratus decumbat, quum fortè literas ad regem perscribenti, ex hostium castris ferrea falconis pila tabernaculo incidens arcamque oppositam ictu perfringens, resilientis tabulæ fragmentum in læuum eius humerum grauiter adegisset. Cæteri porro peditum duces, quum iam transuectis equitibus foelicem fugam, quæ sibi eriperetur, vehementer inuiderent, vti proprio occupati metu, nec publicum discrimen priuatæ saluti præferentes, hærebant potius, quàm irruentibus hostibus repugnabant. Itaque superiora primum castra, vbi Perenus constiterat, à Belgradensis Valentiniq; copijs occupantur, Germani

Germanique toto Gerardo monte præcipiti fuga dispalantur. Neque interim Budenses paratæ occasione ad intercludendos hostes defuere, quin ab Aquariæ turris porta, et per eam fossam, quam à Ioanne rege perductam ad flumen diximus, confestim erumperent, & ab aduersa castrorum parte stationes iam planè desertas inuaderent, coniectisque in hostes igniuomis globis tentoria incendere niterentur. Georgius autem tam subito quàm foelici consilio ad stabula regia pabuli strues succendit, tantaque inde latè refulgens flamma repente emicuit, ut quum Danubius nitido vndarum æquore igneæ lucis splendorem exciperet, repercussuque diffusum ad Pestanam vsque ripam diurno lumini persimilem euibraret, tota ea, cum terrestris tumultus, tum naualis fugæ fœda facies spectaretur. Tum verò tormenta vndique in fugientem classem directæ contortæque sunt, ut non solum ab Aquaria turre, summaque arce à Budensibus, sed à binis etiam Turcarum castris & à Cepellia, vel ad incertos ictus conturbata nauigia peterentur: tanta quoque locis omnibus inuicta luce, Cassonus qui classi præerat, expeditiora nauigia, remis per aduersum flumen contendens, in latus hostilis clasdis incitauit. Itaque conferto nauali prælio, quum à nostris iniqua ubiq; Fortuna certaretur, lintres onerarij aliquot militibus pleni capiuntur, nonnulli tormentis perforati demerguntur, repletur totus amnis cadaueribus, miserabilique præsertim turba natuarum & militum enatare conantium. Nam quum inferiorem munitionem Ianizeri, stratis primis cohortibus perrupissent, reliqui; Germani per pontem in insulam perfugerent, ac in tergo falcatis ensibus cæderentur; honeste mortis metu in amnis gurgitibus turpissimam mortem queræbant, quum aut præaltis rapti vorticibus, aut à nauigijs hostium armis repulsi detrusi; crudeliter interirent. Trecentis ea nocte nauigijs incredibili conturbatione inter se commixtis & aliquandiu hærentibus totus penè amnis vno veluti ponte constratus apparuit: sed Austriacæ biremes maioresq; Nafadæ desperatis rebus incolumes sese celeriter è manibus Turcarum explicantes, à puppibusq; hostes tormentis submouentes, ad Comaram ascenderunt. Terrestres verò copię in castris eandem Fortunam tulere, sed decoro maximè vitæ exitu Bohemi impauide repugnantes, & Othonis Hecchi;que summi peditum ducis cohortes aduersis vulneribus conciderunt: nonnulli autem per iuga Gerardi montis euadentes, quum instante hoste ad crepidinem quæ castris imminabat peruinerent, obscuritate & metu animos confundente, præcipites decidebant. Multi etiam à Decumana porta, quum Budensibus occurrerent, & quisque hostium vario ingenij habitu clementiam aut crudelitatem exerceret, cæsi aut seruati sunt. Vbi verò Sol oriens nostrorum stragem Barbarorumque victoriam detexit, circiter tria milia hominum omnis generis, quæ accliu tumulo more militiae sese ad Gerardi templum erectis vexillis conglobarant, à circumfusa multitudine trucidata sunt: eorum temen pars ferè tertia, quum proiectis ad terram armis salutem peteret, deditionem fecit, ut maiore demum vitæ ludibrio, ad spectaculum ipsa morte turpius seruaretur. Eodem quoque tempore Cassonus victrice classe ad Pestanam ripam delatus tantum terrorem his qui euaserant, tuerique moenia facile poterant, vel solis clamoribus & tormentorum bombis intulit, ut equitatus trepida fuga, quum se portis effunderet, in angustijs affligeretur. Vsq; adeo enim Germani pristinae virtutis obliti, ad

Turcarum nomen trepidebant, ut quum in nauigijs linteata capita conspicerent, relicta mensarum argentea supellectile, ac omnibus carissimarum rerum sarcinis, et curribus desertis, attoniti inermesque profugerent: hæseretamen Vsarones Hungari, apud quos omni metu mortis prædæ auuiditas præualebat, diripiendis mercatorum tabernis occupati. nam omnis mercimonijs nobile ac opulentum emporium Pesti fuerat institutum, confluentibus scilicet vndique mercatoribus in tutam sedem muniti commodissimiq; oppidi, quod extra belli periculum, militaresq; tumultus, modico faciliq; traiectu castris iungeretur. Ceterum Cassonus nemine mœnia aut portas defendente protinus irrupit, prædantiũque aliquot cecidit. Tanta autem feritate peruagando oppidum, Christiano cruore lætatus est, ut ne ægris quidem, quorum magnus erat numerus, & sceminis lixarum more Germanorum castra sequi solitis parceretur, omnes enim promiscue Barbari trucidabant, nisi quos aut ad seruitutem forma & robur, aut teneræ ætatis flos, ad spem libidinis reseruarent; ita ut eo bello supra viginti millia Christianorum capitum varijs casibus interempta tradantur. Capta autem sunt Pesti & in castris, insulaq; et in nauigijs in ripam nondum exposita exactæ pulchritudinis muralia tormenta triginta sex, minora autem quæ canteris & curribus imponderentur, centum & quinquaginta. Porro tormentarij pulueris pilarumque ferrearum ac armorum atq; telorum & parati com meatus in totam heymem adeo ingenti copia potitus est hostis, ut ea præda multo maxima pars victoriæ Barbarorum æstimatione censeretur. sed nostri qui iudicio prudentiaq; valerent, nihil vel tantæ opulentia iacturam, quando sarciri iustaurariq; mediocri pecunia posset, reputabant, quum verum detrimentum, ac insanabile susceptum vulnus vel tacitis animis agnoscerent, quo Germanicæ virtutis ac disciplina existimationem, iniuiolatam antea Romanis imperatoribus, vna atq; altera ad Exechium, & Budam, pudentia Christianis omnibus fuga, sine vulnere hostium penitus amisissent. Ipse autem Rochandulphus, quum expugnata munitione medijs in castris pugnaretur, & concidi in tabernaculo quam tantæ cladi superesse mallet, vel renitens & fremens a medico cubiculique præfecto, qui iacentem deferere nolebant, sub
latus nauiculæq; impositus ad Comaram insulam ascendit, atque ibi paulo post, Samario in vico vulneris ac animi dolore extinctus, funestam diræ obstinationis atq; superbia suæ memoriam Germaniæ populis reliquit.

PAVLI

PAVLI IOVII NOVO-

COMENSIS EPISCOPI NV-

CERINI, HISTORIARVM

SVI TEMPORIS

LIBER XXXX.



AT SOLYMANVS, qui maioribus, quàm vnquam antea, confectis itineribus aduentabat, vbi de suorum victoria certius cognouit, institutam properandi diligentiam remittens, quintis castris Budam peruénit. Nam tanta celeritate cōtenderat, vt prætorianæ cohortes, præter eorum discipline consuetudinem, festinantis equitatus cursum adæquare cogerentur. cupiebat enim interesse prælio, neq; Augusto mense volebat excludi, qui mensium

20 omnium occulto quodam auspicio sibi in primis patriq; Selymo militiæ felicissimus extitisset. Nam & magnum Hysniælem in Calderanis campis, & Campsonem Gaurium Memphiticum regem ad Singam, & postremo Ludouicum atq; Hungaros ad Mugacium vltimis Augusti diebus acie deuictos memorabant. Quum & plerique duces eodem etiam mense à Baiazete Methonem expugnatam meminissent. Consedit autem in aduersa ad Budam veterem regione, offensus odore cadauerum & foeditate amnis tot corpora per omnes ripas euoluentis, vt purius atq; nitidius aquaretur, & Strigonien-sibus ex propinquo terrorem incuteret: nam Tartarorum agmina magno à castris intervallo præcurrere solita, ad Vicegradum extendebantur. Victore itaque
30 exercitu ad se traducto, atque vnis omnino munitis castris, ante omnia virtutumque Mahometem impensè collaudat, sed Belgradensem, cuius eximia virtute consilioque sine iactura militum administratum & confectum bellum fuisse didicerat, totius Græciæ equitum magistrum dicit, alios pro merito adauctis stipendijs datat, vel ad præfecturas prouehit. Exinde captiuos produci iubet. erant circiter octingenti, qui prælongis vincti restibus ante ora ducum instructosque ordines ludibrii causa trahebantur. ex his notos duces nobilesque aliquot, quibus parceretur, delecti sunt, & ante alios Balthasar Pocanius, quem funesta ea nocte, transuehendis copijs præfuisse docuimus, & Tayf
40 eius dux vetus, eo bello vigilum præfectus, reliquos ad vnum omnes barbarus imperator, alioqui clementiæ laudem quærens, & nunquam antea in nostros crudelior, è conspectu abductos tironibus trucidandos dedit, truci nutu, & seua voce prolocutus, talem eos omnino mereri poenā, qui quum per legatos nequaquā syncerè de pace agerent, astute bellum intulissent. Eminebat inter captiuos excelsæ proceritatis Noricus miles: hunc in contemptū Germanicæ gentis pomilioni, qui erat in delictis filiorū, capite præalta captiui genua vix adæquant, occidendū tradidit, ita vt indignæ necis iniuriam crudeli contumelia cumu-

laret, cum diu incuruo puerili acinace, per lulum risumque cæsis cruribus prostratus vir ingens iugularetur à nano, qui inter adhortationum ludibria repetitis ictibus, dum ægrè perfoderet, eo spectaculo principum oculos satiarat. E captiuis autem vnus omnino Bursichius Bohemorū dux nobilis incolumis euasit, reginæ beneficio & Mahometis indulgētia paulo antè redemptus. Patrata ea ignobili & sæua cæde Solymanus regi puero dona misit phaleratas tres equos eximiae pulchritudinis, frænis habenisque aureis & gemmatis ephippijs exornatos, totidemq; ex auro textili regales vestes: proceribus autem Hungaris præter singulas talaris togas, aureos etiam torques. Legati qui munera tulere perhumaniter à regina postularunt, vt puerum regem cum proceribus in castra mittere, omniq; dubitatione deposita cuncta sibi ac filio secunda atque foelicia sperare vellet. Ea enim magnitudine animi esse Solymantum, qui reges omnes non modo potentia Fortunæque, sed pietate atque iustitia superaret, vt puerum, quem semel paterno iure tutela sua ac amicitia dignum omnino defendendum suscepit, comprobante demum victoria non modo conseruatum velit, sed amplioribus antiqui regni spatijs ad augendum existimet. Proinde cupere regiam prolem coram intueri, agnoscereque paternam indolem, infantemque de manu amplexandum tradere liberis suis, vt bene auspiciis renouatæ tutelæ initijs perpetuo tenore cum Ottomannis firmæ ac ideo immortalis amicitiae fundamenta iacerentur: ipsam verò filiam nurusque loco incolumi dignitate semper habiturum, quod eam autem secus ac amanter cuperet, non inuiseret, prohiberi eo humanitatis officio antiquis Ottomannorum institutis, quibus principes suos ac alienas mulieres in alienis tectis intrare vetuissent. Porro Solymantum non vsque adeo temperantigæ honesti decoris esse oblitum, vt socij beneuolentissimique regis filiam eandemque beneficiarj ac amici regis nuper vxorem, & in similem regis Fortunæ maiestatem crescentis pueri matrem ætate formæque florentem, in castra atque adeo in intimum tabernaculum admitti pateretur: ne integrum eius pudicitiae nomen, quod in reginis vnica & perillustri cura esset tuendum, vllis suspicionibus inuolueret. Ad eam tum regina, non occulto metu teneros sensus in materno affectu facile confundente, perplexè admodum respondit, sed monente demum obtestanteque Georgio, ne dubitantis suspicionem leui & nihil profutura cunctatione Barbarorum animis inijceret, puerum regalibus crepundijs exornatum carpentoque aurato impositum cum nutrice lectissimisque matronis in castra misit, comitantibus cunctis serè proceribus, quibus dona legati detulerant. Excepere aduentantem progressæ aliquantum è castris honoris causa ornatissimæ turmae equitum, inter castrenses vias prætorianæ cohortes, illatumque in tabernaculum, Solymanus humaniter inspexit, perblandè cum nutrice collocutus, liberos suos qui aderant complecti atque exosculari latè vagientem iussit, certo amoris pignore obligantes, quem beneficiarium atque amicum, quum pariter adolesceret, essent habituri. Ii erant Selymus & Baiazetes Roxolana matre geniti, aui & proaui nomina referentes. Mustapham enim Circhasia priore vxore susceptum, regio & planè militari spiritu iuuenem, veluti ablegatum ad Magnesium in Ioniae præfectura reliquerat, quum ingenio viribusque vigentem & non obscuro militum studio subnixum iam planè metuendum existimaret:

inductus

inductus enim, vti planè vxorius, Roxolanæ blanditijs, aut sicuti plerique ferebant, per Trongillam Iudaicæ sectæ nobilem magam amatorijs veneficijs deprauatus, Selymum, excluso Mustapha, succellorem imperij destinabat: quod Mustaphas intempestiua atque neferia cupiditate nimis sera fata patris aui Selymi exemplo præuenturus esse uideretur. Cæterum Solymanus, quum Hungari procures cum purpuratis pranderent, certos duces, quibus antea negotium dederat per simulationem visendæ vrbs immisissis cohortibus Sabatinam portam occupari iussit, vsque adeo tacitè & dissimulanter, vt nec custos satis otiosus commeantis turbæ spectator, portæ aditum
10 alienæ potestatis factum sentiret. nam quum frequentes sedato passu manipulatim intrarent, multi etiam ex composito, vt patrandæ rei suspicionem auerterent, veluti iam lustrata vrbe, in castra redibant, modò plateis foroque & compitis omnibus celeriter occupatis, & nusquam tumultu edito prætorianorum præfectus per regiones pronunciari iussit, vt Budenses omni timore deposito limine se continerent, matureque si vitam æ libertatem & denique Fortunas incolumes vellent, arma traderent: paruere imperio ciues, prolatisque armis in fidem recepti Turcas hospito receperunt. Tanta autem exitit Barbarorum tranquillitas atque modestia ex seueritate disciplinæ, vt nemo hospitum asperiore dicto factoue sit violatus. Tum
20 verò Solymanus vbi renunciatum est, pacato & nihil resistente populo, urbem in manu esse, puerum, quanquam nox incumberet, ad reginam remisit, retentis apud se proceribus. Erant ñ Georgius ipse Varadinensis antistes, ærario præfectus, & Petrus item Vichius regis propinquus Ioannis testamento tutor relictus: Valentinus quoque copiarum dux summus, & Stephanus Verbetius epistolarum & scrini regij magister, & Baciaus Vrbanus, custodiæ præsidijque vrbs præpositus. Ea uis impotentis Barbari inopinantibus improuiso illata, singulorum animos magnopere conterruit: auxere etiam pauorem minus familiares purpuratorum vultus, verbaque intempestiuis querelis inuoluta. nam perductos in confessum, tam seuerè, quàm impudenter interrogando criminandoque iustæ propè questionibus subiecerant, ita vt
30 grauissimarum rerum consiliorumque omnium rationem repositum viderentur. At regina, vbi urbem serio doloque occupatam, & procures in castris retentos videt, metu & dolore perturbata supplices libellos ad Solymanum perferre orat vt fidei datæ, quam recentibus mandatis prolixè ac humaniter confirmari, & denique pristinae suæ lenitatis & clementiæ obliuisci nolit: ideoque procures ob egregiam fidem fortemque operam de se, Turcicoque nomine benemeritos, incolumes remittat. Agit hæc per Rostanem, atque eum munerebus explet, missa etiam è suo cultu corolla per insigni ex vnionibus cum gemmato emblemate, quæ eius vxori Solymani filia mitteretur. Exinde per quatuor dies de Pannoniæ regno apud Solymanum pugnantibus sententijs disputatum ferunt: Mahometes et Custrephus parum inter se diuersi puerum regiae
40 prolis, principesque gentis Byzantium abducendos censebant, committendam autem Budam præfecto, non tam acri quàm moderato prudentique, qui molli ter imperando indulgendoque Hungarorum animos seruitutis metu liberaret, conseruatisque omniū Fortunis paulatim ferendo iugo insuefaceret. At Rostanes ingenio mitior, atque eo quod vti gener firmiore gratia valebat, ab omni vel cupiditatis vel adulationis suspitione remotior, totius deliberationis summam

ad decus reuocabat, quum diceret longè maximo atque optimo principi, qui nullo vnquam dedecore nominis famam onerasset, nihil omnino esse turpius quàm contra ius & æquum susceptæ antea tutelæ ac defensionis, parta demum victoria, foeminæ pariter ac infanti puero fidem fefellisse. Ex aduerso Mahometes Belgradensis, qui Iahaoglis vocabatur, nunquam nisi peracerbus in nostrum nomen & maximè truculentus leniora consilia vehementer improbat. Erat enim Turcici sanguinis patre, nomine Iaha Bassa, Mahomete quondam purpurato progenitus, exercueratq; Hungarica arma per multos annos ab Illyrico limite, sub Balibeio præsertim fratre, quem Mugaciana acie claruisse meminimus, sed demum ex calamitate nostri exercitus ad Exechium, & hac quoq; ad Budam Germanorum infelicitate, tantam militaris consilij ceperat opinionem, vt extra ordinem in consilium cum purpuratis admitteretur. Is rogatus sententiam, scio, inquit, Solymane, quum postremo loco sententia dicitur, dissidentis nomen inuidiæ expositum videri, neq; proinde fieri posse, quum planè dissentiam, quin oratio mea vestris auribus ac animis grauis molestaq; sit, sed non recuso vel arrogantis nomen, modo malignitatis & ignorantiae notam deuitem, dum ea recolo quæ ex vsu præsentium rerum tuis commodis tuæq; amplitudini mirificè conducant. Concedi enim aliquid ætati meæ, & si dicere liceat, etiam rebus gestis, iure postulo; quum belando, dimicandoq; in Pannonia senex factus, ea de statu atq; opibus huius regni, ingenijsq; hominum didicerim, quæ prolata in medium magno vsui esse possint, vt de hac re quæ decreti pœnitentiam non recipit, rectissime statuatis. Quinquies iam per hos viginti annos armatus in Pannoniam venisti, & ego non obscurus omnino aut dux aut miles, omnibus non modò bellis, sed prælijs interfui, puto vt vindicares iniurias, imperij fines proferres, & deniq; optima pace potirere; quæ certa esse non potest, nisi armis atq; victoria paretur. Itaque Belgradum infame domicilium asylumq; latronum immanium, & quondam funestis maiorum nostrorum conatibus nobilitatum, fortiter expugnasti, quum inde Hungari per inducias patre tuo Parthicis occupato bellis, Myfortum & Illyricorum fines impune vexauissent. Eosdem porro quintum post annū, quod nefaria crudelitate & teterrimo supplicij genere legatos nostros interfecerant, vna acie cum rege ipso trucidasti, Budaq; potitus, vt præclarum magnitudinis animi tui, vel remotissimis nostri nominis hostibus specimen daretur, delegisti ex reliquijs profligatæ gentis, quem diademate protinus ornares, non regio quidem ortum sanguine, & nullo hercle alio merito cognitum, quàm quod dudum & priuatus & publicus hostis extiterat, quū validissimas contra te è Transyluania adducens copias, fratrem virum ipso fortior rem gladio nostro interfectum amisisset. Exortus est demum nouus hostis rex Noricus, qui Hungarum beneficio tuo regnantem expelleret, atq; ita aduersus Germanos tertium bellum suscepisti, vsq; adeo vehemens, vt reducto statim rege fugatisq; hostibus non modò Viennæ mœnibus, sed interiori etiam Germaniæ terrorem intuleris. At biennio vixdum exacto idem rex neq; pacem pati neq; bellum ferre solitus, quum præsentis Caroli fratris opibus inniteretur, Budamq; nostro defendente præsidio frustra oppugnasset, te iterum exciuit, iniurias cædibus ac incendijs vindicantem, quod tuæ dignitatis esse statuebas, eum tueri armis, quem inuisitata liberalitate regem effeceras, maximeq; optares cum duobus fratribus de occidentis imperio, nobili pugna edita, decertare.

Sed illi,

Sed illi, quum urendo vastandoq; avita eorum regna percurreres, adventantis fremitum non tulerunt: secutaque demum pax est inter Hungarum atque Germanum te indulgente probanteq; quum adversus Persas ire properares: sed eam Germanus ita fregit, ut nisi ego ad Exechium delecto ingenti eius exercitu, perfidiam opportunè vindicasset, tu omnino Babylone accersendus viderere: sicuti modo Byzantio, multis itinerum superatis incommodis advolasti, ut nobis maturam opem ferres, daresque supremam operam, sicuti planè speraverim, ut rebus in Pannonia firmissimè constitutis, tot laborum ac sumptuum incommoda, pro alieno commodo quinque suscepta finiàntur. nisi
 10 uti video aliquos optare, nunquam tibi tutelam hanc pupilli & viduæ censes dimittendam, infiniti scilicet laboris atque periculi plenam, cui par pretium non sit ea gloriæ species, quæ animo tuo excelso honestique semper decoris avido, ab his uti arbitror, nimis sapientibus obtenditur: verum hanc uti planè rudis sapientiam gloria redundantem non intelligo, quæ in ipso cursu victoriæ nervos elidit, nec in castra à peritis imperatoribus unquam admittitur: quo fit ut te maioribus tuis, qui duodeviginti regna in hoc imperium contulerunt, quum scilicet omnino cupiam, sapientiorum esse nolim: quid enim insipientius dici potest, quam semper esse stultum? hoc est aliena curantem sua omnia, salutem, opes, dignitatem, in discrimen sæpissimè devocare? Satis
 20 fecisti, uti arbitror, & cumulatè quidem officio pietatis & fidei, atq; etiam gloriæ, si ea potius mansuetudine, clementia, lenitate, quam invicto consilij robore, pertinacique vigore militaris animi comparatur, his enim instrumentis ardens semper & invicta virtus Ottomannos provexit & extulit: ille autem, uti mihi videntur, adumbratae laudis imagines ociosorum & desidum regum animos delectent, armatis certè nunquam maioribus tuis, nisi post debellatos hostes, triumphosque actos, ac erecta trophæa, placuerunt. Sed hæc arbitrio, iudicioque tuo, cui maiora ingenia concedunt, tribuantur. Ego certè si bellorum casus, & non incerta rerum momenta longè prospicio, eam minime quam animi libido suadet, consilij rationem sequar, quum ipsa, quæ cunctis
 30 rebus dominatur, & me vehementer urget, multo meliorem necessitas ostendat. Ante omnia Hungari, ut ipsis minime confidamus, præclare nos admonent, quum rapinis, transfugijs atque perfidia infames, inter se dissentiant: nec eorum exules desint, qui Germanos concitent, & continenter bellum gerant: reginæque item & pueri opes infirmæ, quæ tantæ esse non possunt, ut præpotentem propinquumq; hostem sustineant. Necesse ergo erit alienum regnum nostris tueri auxilijs, quæ minora iusto exercitu sine magno nostro discrimine, detrimentoque adduci nequeunt. Magnis porro, uti solemus, peditatu, tormentis, classeque instructis exercitibus singulos per annos, tanti itineris & laboris expeditionem suscipere, extremæ dementiæ opus videtur. Neque enim ex Ottomannici nominis dignitate putaverim, quotannis ad plorantis
 40 petentisque opem foeminae preces commoveri, nisi arma sustinere, quam inferre utilius atque nobilius putes. Itaque censeo hoc regnum uti iure belli toties captum defensumque more maiorum in provinciam redigendum, reginam patri remittendam, puerum alendum Byzanti intra septa regiæ, nostrisque legibus imbuendum, proceres necandos, evertendasque eorum arces, ac ex omni regione familias insignes, quæ ferociore spiritus gerant, in Asiam traducendas: reliquam porro multitudinem, quæ agros colat, atq; urbes inha-

bitet, impositis præsidijis conservandam. hoc uno siquidem decreto, Solyma-
ne, & Hungari se perdomitos intelligent, & Germani, nisi temerè utique ac
inforteliciter de Styria atque Austria dimicare velint, Pannoniæ finibus abisti-
nebunt. At Solymanus priusquam de re tanta decerneret, sacrificandum ratus,
tertio Calēdas Septembris, qui dies Mugaciana victoria erat insignis, Budam
cum liberis intravit, delecto celebri templo, quod Deiparæ virginis erat dica-
tum. Illud enim antea sacerdotes Mahometano ritu expiantes, divorum scili-
cet nostrorum sublati altaribus, imaginibusque deletis, Deo maximo conse-
crarant. Nec multo post eo temperamento decretum edidit, ut singulorum
sententias appositè moderatus, parem omnino viam securitatis simul ac digni-
tatis tenere videretur. Budam enim Turcico præsidio custodiendā censet, re-
ginamque obiter monet, ut æquo animo urbe atque arce excedere velit: ipsam
enim cum puero ultra Tybiscum in Lippa regnaturam, regione admodum
pacata atque opulenta, & quod non mediocri etiam solatio esse possit, Sigis-
mundi patris finibus propinqua, donec Stephanus puer agnoscendo regno
fœliciter adolescat. Eisdem porro eum tutores atque nutritios habiturum:
Vichium quoque Temesvariensis præfecturæ Sanzachum maximè illustrem
atque potentem fore: Verbetium verò senem, ut legum totius regni urbana-
rumque rerum peritissimum, Budæ Hungaris ius dicturum: se verò daturum
comites e prætorianis alis, currusque & sarcinaria iumenta, quibus mundus
muliebris, gazaque omnis regia in Lippam aveherentur. Itaque regina vel cum
lachrymis & tacito gemitu, tyranni perfidiam detestata, sed tum necessitati dis-
simulanter cedens, arce atque urbe excessit: ea a Barbaris imposita lege, ut tor-
menta ænea, & quicquid militaris instrumenti armamentarijs inerat, & com-
meatus in horreis omnino relinqueret. Proceres quoque unā profecti sunt: qui
tamen si peracerbo rerum eventu tristes incedebant: recepta tamen libertate sa-
luteque, de qua per triduum desperarant, perquam effusè letabantur. Solus o-
mnium Valentinus antiquum Barbarorum odium præsentis perfidiasensit, in
castris sub custodia retentus, quod circa Balatonem lacum prævalidas oppor-
tunasque arces obtinebat, quod novem antè annis ad Neocricum, uti memo-
ravimus, in profligatos Cassoni equites crudelissimè desævisset, quod vir in-
genio maximè pugnaci, indomito, liberali, Hungarorum multitudinem milite-
randi studio sibi devinctam, quò vellet impellere posset. Eius enim viri vir-
tus spectata militiæ, cum Turcis omnibus, tum ipsi maximè Belgradensi, qui
eum ambiguis criminibus obiectis odiosum reddiderat, omnino formidan-
da videbatur. Emanarat quippe fama, neminem ex Hungaris exulibus equi-
tibusque Germanis evasurum fuisse, nisi Valentinus Perennii hostium ducem,
ut sese imminenti clade cum suis celeriter eriperet, opportunè monuisset. Ne-
que id ille vel captus pernegabat, quum generosa & contumaci fronte, idem
semper se facturum fateretur. Quid enim, inquit, nobilius esse potuit, quàm
nostræ nationis auxilia, quæ cognationis & sanguinis privataeque benevolen-
tiæ necessitudinem includant, externis verisque hostibus detraxisse: Vt hisci-
licet minore nostro cum periculo vincerentur, & illi clade erepti superessent,
qui ad referendam gratiam insperati, acideo insignis beneficii memoriam re-
tinerent. Egit tamen regina sedulo, quanquam proprio mœrore occupata, ut
Valentino libertas impetraretur, & id quidem à Rostane per Agurchum Si-
gismundi patris legatum, virum inter Sarmatas genere & bellica laude illu-
strem,

strem, qui victoriam de Germanis partam gratulatum advenerat: sed id tantum humaniter est impetratum, ut Solymanus, quum nihil Valentino se noturum promitteret, non incertę libertatis spem præbere videretur. Dum hæc Budæ fiunt, Ferdinandus belli eventum Viennæ expectans, ubi suos fœdè profligatos, & ducem mortifero ictum vulnere in Comaram evasisse, adventareque Solymanum didicit, Leonardum Velsium quanquã sævã diuturni morbi rabe afflitum, quod paulò antè non infelix dux oppugnandæ Budæ consilium improbareret, in Comaram descendere iubet, qui reliquias fusi exercitus excipiat, fugientes undique sistat, speque auxiliorum com meatu atq; stipendijs territos, & rerum omnium inopes confirmet. optimum quoque ratus victori Solymano moram iniicere, qui Viennam usque repentina incursione pervasurus esse credebatur, legatos ad eum mittit, qui oblatiis novis conditionibus pacem peterent. ij fuere Nicolaus Salma, quem felici sua sorte pridie quàm castra à Turcis caperentur, ab exercitu legatum ad regem missum fuisse docuimus, & Sigismundus Lithestanius præclara nobilitate rogatus senex. Tulere munera excelsum Germanico more ex auro poculū, lectissimis exornatum gemmis, eruditeq; insuper admirationis argenteam machinam, in qua non horarum modo spacia: sed errantium etiam syderum motus, menstruiq; Solis ac Lunæ coitus, exactissima ratione monstrabantur: intus scilicet dentatis rotis certisq; ponderibus, admirabili momento, vel in multum ævum minutissimas temporum mensuras dispensantibus, quum inter celeres tardosq; orbes, in tam vario inæqualiq; polorum ordine audaci quadam supremi motoris æmulatione cuncta congruerent. Ea à peritissimis astronomis excogitata, perfectaq; Maximiliani Cæsaris fuisse dicebatur, cuius ingeniū nobili semper studio, nec deterrente unquam sumptu, rara atq; admiranda concupivit. Cæterum legatos appellentes egressosq; navigijs Cassonus oblatiis equis quibus veherentur, in castra perduxit, deditque eis conspicuo in loco tabernacula picta, eximijs tapetibus constrata, missaque sunt à Rostanè castrensium laetitiae munera, vinumq; imprimis nobile, tam ipsis lege veterum quàm nostris, Germanisque præsertim expetitur. Purpurati postero die, dum Solymanus non procul in prætorio pranderet, legatos prandio exceperant, ita ut in gratiam nostri moris non in solo, uti solent, collectis cruribus, sed altiore in mensa cathedris humilioribus purpura contextis, sedentes una discumberent: solus Belgradensis extra ordinem virtutis ac ætatis honore admissus, in pulvino infra purpuratos assedit. Legatorum verò comites ex singulis nationibus iuvenes generosi spectandi studio famulantes, apud tetrarchas epulati sunt, numero quadraginta sex. hos Turcico nomine Sanzachos vocant, hoc est insigniferos, quod militari cum imperio provincijs præsint: singulis enim pro insigni, equina cauda hastæ præfixa ante tentorium figitur, prodeuntique in aciem sericis demum vexillis vario colore turmas atque alas distinguuntibus, illa eadem pæsis crinibus nivea cauda præfertur. Epulæ Barbarorum è Danubio facile potantium una oriza, unisque omnino vervecinis carnibus coeptæ finitæque sunt, adeo simplici astrictoque apparatu, ut non obscurè nimiam luxuriam nostris exprobare viderentur, qui mensarum decus, quo uno præcipuè uobilitatem ac insaniam ostentamus, nequaquam naturæ desiderio, sed immensa gulæ libidine definiant: ut obiter non sit mirum, eos consilio atq; armis invictos & semper victores evasisse, quum talem voluptas

tem, quæ in hac nostrarum gentium vita longè potissima censetur, uti capitalem bellicæ virtutis hostem, domi & foris penitus abdicarint. Igitur remotis mensis legati ad Solymantum sunt introducti, ita ut singulos bini purpurati in medio arreptis brachijs quadam honoris specie sustentantes ad dextræ osculum perducerent. neque enim Turcæ externos homines ad tyrannum aliter admittunt, quàm ut sinum scrutentur, an ferrum sub veste lateat, implicatisq; eo modo brachijs commovendæ manus potestatem facinus ausuris dissimulanter eripiant, quanquam assidenti in thoro circumposita, parataque ad manum clypeus cum acinace clavaque ferrea, ac item arcus & sagittæ conspiciantur. Illata quoque est illa machina succollantibus duodecim servis, quæ Solymani animum, & Barbarorum oculos admiratione complevit. Adduxerant enim artificem, qui solutis machinæ fibulis interiora admirabili rotatione circumacta repanderet; is libellum quoque detulerat, attritæ vel luxatæ machinæ remedia continentem, tradentemq; præcepta, quibus tot orbium cursus nunquam interitura ratione regeretur. Ea enim ingenij subtilitate Solymanus fuit, ut non modo sacris literis, quibus superstitionis suæ leges continentur esset eruditus, sed Astronomiæ Cosmographiæque præsertim curiosè operam daret, Hammone medico ex Bethica oriundo perdocente, quum vir acutus singulas terrarum regiones, sinusque maris in membranis, depictisque orbibus demonstraret, ut inde regius animus per ocium utili & per amœna delectatione caperetur. Petebant legati, ut Pannoniæ regnum Ferdinando concederetur, hisdem ferè conditionibus, quibus id paulo antè Byzantijs Laschus petisset. Tributum enim sicuti Ioannes pendere consueisset, quotannis se pensurum pollicebatur, adducturumque in eadem pacis ac amicitiae fœdera Carolum fratrem, ut in tergo ab omni bellico metu liber, quod maximè percipere videretur, exemplo Selymi patris ad Orientem imperij fines extenderet. Neque enim ipsum dicebant, vel generosè vel rectè facturum, si Ioannem fato functum, vel infantem eius filium, qui hæres minimè putaretur, ulla in re Ferdinando regi compararet, quod ille neque officij merito, sed alienæ Fortunæ beneficio sublatus, alieni iuris locum invasisset. non eum hercè Regem impotentibus armis ritè factum videri, quum nec procerum omnium consensu rex acclamatus, nec legitimè coronatus fuisse videretur. Præclara siquidem iura Austriarum principum vigere, quanquam tum oppressa armis, eaque aliquando valitura, quibus freti Pannoniæ hæreditatem sceleriter adirent, nisi iniquitate Fortunæ intercepta raperentur. Cæterum dimisso antiquo iure, nihil se potius habere, quo illati belli nomen excusarent, quàm recentis in itæ pacis tabulas, quibus Ioannes soletini tot procerum astipulatione Ferdinandum regni successorem reliquisset. Illum profectò certi iuris conscientia permotum, vel ipsum authorem defensoremque suæ dignitatis præiudicio vehementer offendere, quàm Christiani nominis causam impiè prodere maluisse, quum prævaricatione turpissima, beneficiarj iuris oblitus, fidem sacramento interpositam, tam ingratè quàm astutè sefellisset: ut ipse qui inter reges potentia magnitudineque animi excelleret, & bello paceque iustitiæ nomen tueri videretur, postquam ingrati hominis contumeliam neglexisset, Ferdinandum tantis affectum iniurijs amicum et beneficiarium mallet, quàm perpetuum hostem. Nihil enim ei, vel ad æquitatis famam honestius, vel ad diuturnæ pacis securitatem utilius, vel ad liberalis animi laudem omnino gloriosius

riosius futurum, quàm si antiquissimæ stirpis regem, virtute, fideque præstan-
 tem, delectum a Bohemis, ab Hungaris exoptatum, a Germanis autem Roma-
 ni imperij Cæsarem designatum, summique imperatoris germanum fratrem
 tributario nomine Pannoniæ regem appellaret. Solymanus iucundo vultu
 laudatis muneribus biduo post per Rostanem respondit, Ultimam hanc esse
 pacis ac amicitiae conditionem, ut Ferdinandus urbes, oppida, arces, quæ in
 ditione Ludovici regis antea fuissent, continuo redderet, ac in posterum Pan-
 noniæ finibus abstineret: se vero qui toties bello laceratus graves sumptus
 gravesque labores subisset, levi pœna contentum fore, eam esse ut ad confer-
 vandum invictæ maiestatis decus Austriæ tributum imponeret, tum verò i-
 nita amicitia solenne fœdus percussurum: quod si ea conditione gravarentur,
 obiterque bellum, quàm pacem mallent, se adnixurum continuis armis, ut
 Pannonico regno adempta, evastatis Austriæ regionibus vindicaret. At le-
 gati quanquam ad tributum nomen tantò fastu, tantaque Barbarorum arrogan-
 tia inductum, quum summæ potentiæ, summæque dignitatis fratres indignè
 contemni quererentur, in iustam propè iram exarserant, ut susceptæ legatio-
 nis propositum tenerent, afflictisque rebus spacium daretur, inducias postu-
 larunt, per quas Ferdinandus atque itidem Carolus Cæsar consulerentur: sed
 nec id impetrari quoque potuit, quum inducias astute peti perspicerent, qui-
 bus gerendarum rerum inclinante iam autumno, vertenteque se in iuges plu-
 vias, occasio tota deperiret. Petivère demum ut Balthasarem Tayscumque
 duces captivos pretio redimere liceret: hos enim in cathenis viderant. Ad id
 Rostanes respondit eos, si pax ea quæ dicta esset conditione pararetur, sine
 pretio dimissurum: porro si bellum foret, non de futuram occasionem, ut ca-
 ptivorum permutatione redderentur. Licuit autem legatis circumducente,
 monstranteque Rostane opulentiam atque ordinem castrorum intueri: sed
 quum munimenta, quæ intra fossam clitellatis camelis perpetua serie cathena-
 tis, currulibusque tormentis constabant, atque item stationes attributaq; di-
 stinctis militum generibus tentoriorum spacia mirarentur, silentium ante o-
 mnia peræquale atque perpetuum in tanta frequentia stupendum fuit. neque
 enim aliter quàm significatione manus, & nutibus parati intentiq; milites re-
 gebantur. Solymani porro insigne prætorium, uti par erat, cunctis excelsius
 & sumptuosius, quum quadratæ arcis effigiem exprimeret, oculos pulchritu-
 dinè & maiestate operis adimplebat. a quatuor enim angulis totidemque me-
 dijs ab omni latere fastigiatis, pinnatisque turribus cingebatur. Intererant ad
 commeandum latissimæ porticus, sicut area in palæstræ modum, in medio ad
 domesticas exercitationes relinqueretur. Interiora quoque papilionum vela-
 menta, Babylonici operis acu picta, sericique funes, quibus tenderentur, us-
 que adeo elaborata pretiosaque fulgebant, ut æstimationis nostræ modum ex-
 cedere viderentur. Adnotatum est omnium ordinum tabernaculis, tentorio-
 la esse coniuncta, quibus latrinæ inerant, eo institutæ ordine, ut novæ scrobes
 quotidie fierent, repletæque statim arena iniecta tegerentur. In macellis quo-
 que pariter profundæ fossæ visebantur, in quibus lanij totius exenterati peco-
 ris exta sedulo tumulabant. Ita fiebat, ut castra nullo odore tetro afflata, non ad
 salubritatem modo, sed ad iucunditatem repurgatis omni in parte regionibus
 non Barbarorum, sed eorum qui militiæ disciplinam condidissent, castra cen-
 serentur, prædamnatis hac in re stativis nostris, in quibus præter ingratam na-

ribus atque oculis multarum rerum foeditatem, pestilentes enasci morbos sa-
 pissimè videmus. Legatis multiplici veste, pecuniaque donatis atque dimis-
 sis, Solymanus Belgradensem, latè longeque citra Danubium Austrig fines
 populari, ac incendere: Cassonum verò voluntarijs equitibus præpositum in
 Moravos, qui Marcomanni antiquitus fuerant, excurrere iussit, sed præda-
 bundos, magno insperatoque earum gentium commodo plenis imbribus
 inflati amnes opportunè morati sunt. Exinde vir Hungarus, nomine Soly-
 manus, qui ab incunte ætate bello captus Mahometis sectam sequebatur, à
 Solymano Budæ cum imperio præficitur, qui cum Verbetio daret operam
 summa æquitate ius dicendo, popularesque quondam suos familiarius allo-
 quendo, in spem diuturnæ tranquillitatis adduceret. His rebus confectis, dies
 circiter viginti ex quo venerat Budæ commoratus in Thraciam redire consti-
 tuit, quòd autumnales pluvix matureque hyemis frigora suberant, & magni-
 tudine multorum annium, quibus Pannonia ex omni parte ad difficultates it-
 inerum irrigua præcincta que est, intercludi posse vereretur. Ex itinere autem
 Laschum legatum, suffectum navigijs liberaliter dimisit. Eum enim privato
 virtutis eius ac amicitix nomine in gratiam receptum, Byzantio secum addu-
 xerat: sed demùm nova offensus iniuria custoditum reliquerat Belgradi, quum
 ex speculatorum literis Antonium Rinconem, veterem apud se Byzantiæ le-
 gatum, remittente cum mandatis Francisco rege è Gallia redeuntem, in Pado 10
 amne à Cæsarianis interfectum cognovisset, sed Laschus per literas prædare
 ostendit, Ferdinandi regis nullum esse in Italia imperium, easque regiones
 Caroli fratris præsidijs teneri, potuisseque Rinconem hostilis terræ in flumi-
 ne temerè navigantem, iure capi ac interfici, quando ei tanquam exuli capitis
 poena damnato, quòd natale solum in Hispania vertisset, ad hostesque trans-
 fugisset, omnibus Cæsaris imperij finibus esset interdictum. Sed Laschus diu
 eo beneficio uti nō potuit: regressum enim in Sarmatiam conceptus antea ve-
 hemens oppressit morbus, ita ut plerique ex aula Germani fatum ad invidiam
 vertentes non tabifico quidem fluentis alui vitio, quo diu laborasset, sed lentis
 tyranni venenis omnino sublatum contenderent, quum vir ille omni virtutis 15
 ac elegantix laude insignis, & longiore vita dignus, in ea reipublicæ Fortuna
 vel ab ipso Rege lugeretur. Cæterum redeunti in Thraciam Solymano, ad
 Dravum amnem nunciatur, Stephanum Maylatum Ferdinandi secutum par-
 tes, ac ex professo Turcarum hostem dolo comprehensum in Petri Moldavi
 potestatem devenisse, pacatamque ex omni ferè parte Transylvaniam in fidem
 concessisse. Eare Solymanum magnopere lætatum ferunt: Maylatum enim
 hominem bellicosum, ingenio contumaci, regnandi cupido, pronoque ad mu-
 tandam fidem vehementer oderat, quum ab eo Gritum & Turcas interfe-
 ctos meminisset, Transylvanosque indomitam gentem ad arma natam, du-
 bioque bello potius quàm certa pace gaudentem, ab eo concitatos perspiceret, 40
 quos moderato benignoque imperio pacare quàm iusta vi ac armis subigere
 malebat. Sed quoniam in Petri Moldavi perfidiosi cruentique hominis men-
 tionem incidimus, operæpretium putavi, quo dolo Maylatum cœperit, & qua
 Fortuna sævitiaque in recuperando regno usus sit breviter enarrare, ut sicuti iam
 planè tempus nos admonet ad Germaniæ concilium, consiliaque Cæsaris nihil
 intercisa rerum serie opportunè redeamus. Solymano in Pannoniam cōten-
 dente, Moldavus adversus Maylatum evocatus, uti suprà memoravimus, cum
 Achomate

Acomate Nicopolis præfecto castra coniunxerat. Erant enim præter pedites, quorum numerus more gentis erat exiguus, supra quinquaginta milia equitum. nam & suas quoque Transalpinus, alter Valachus imperatas antea copias præmiserat. Maylatus multitudine hostium circumventus, imparque viribus desperatis auxilijs, quæ à Ferdinando maiore belli mole occupato frustra postularat, uti superiore æstate prementibus regijs foeliciter accidisset, in oppidum Fogaras confugit. ibi enim, uti loco natura atque arte permunito, totius substantiæ & bellici quoque apparatus instrumentum, ipsaq; præsertim Gritteæ prædæ spolia servabantur. admotis copijs Achomates postquam vi atque tormentis, non nisi multo temporis spacio, multoque labore arcem expugnari posse videt, dolo ac insidijs vincendum ratus legatos ad Maylatum mittit: hortatur ut Solymanno se dedat, appellariq; ab eo amicus, quam iudicari hostis malit. cuncta enim ab eo prospera atque secunda sperari posse, qui vel hostibus regna dono dare sit solitus: se verò qua polleret authoritate apud Imperatorem amicè daturum operam, ut eius clementiæ & liberalitatis fructum sentiret, ornareturq; ipsa Transylvania præfectura, quam paulo ante sibi concedi tributi nomine concupisset. tantis siquidem copijs circumfesso nihil esse tutius, quam honestis conditionibus pacisci, idque salubre consilium celeriter expedire, quo præter certam salutem opes conserveret, dignitatemque reuineat.

Adventare enim cum victore exercitu Solymannum, qui inanem spem sustinendæ oppugnationis certo supplicio vindicaret, si eius imperijs parere præferoci vel obstinato animo intempestivum esse videretur. Ad ea Maylatus, qui pacis atque concordiae consilia dubio bello potiora providebat, se neque pacem abnuere, si non iniqua conditione pararetur, neque Solymanni imperia, quæ summe æquitatis esse consueissent, detrectare, graviter respondit: Proinde si obsides darentur, se colloquendi causa, ut de conditionibus coram ageretur in castra venturum. Postulabat autem ut filius Achomatis impiger iuvenis pro obside traderetur: id quum se facturum pater negaret, quod filius à pueritia Solymanno de more dono datus, paterni iuris potestatem evasisset,

pro uno insignes quatuor alarum præfectos daturum pollicetur. Accepit conditionem Maylatus paratæ fraudis ignarus, magnoque ac ornatissimo comitatu educto, Gritteas exuvias superbe ostentans, in castra hostium contendit. Exceptus est comiter atque magnificè: sed ex prima salutatione colloquium, ut non incipi modo, sed commodè etiam finiri posset, in sequentem diem differtur: quo Moldavus notum sibi hospitem solenni epulo exceptum comprehenderet. Eo modo Maylatus fervente convivio in rixam arridente dolis Fortuna pertrahitur: ex composito enim à Moldavi compotoribus importuni primò sermones, ac inde maxime criminosi adeo protervè ac petulanter inducti sunt, ut vel obscuræ contumeliæ vir insolens, & natura quidem iracundus, minaci dextra gladij capulum perstringens è mensa se proriperet: ita insurgentibus convivis frustra fremens, seque proditum inclamans comprehenditur. Nec mora concursu Moldavorum tabernacula diripiuntur, comitatusque eius omnis, qui pretioso cultu avaræ gentis oculos ad prædam illexerat, armis, equis: & denique rebus omnibus exuitur, & capitur. Vociferante adhuc Maylato supervenit Achomates: tam acerbè, quam simulanter Moldavum reprehendit, quòd hospitalis mensæ iura cunctis intemerata gentibus immani facinore edito subvertat, quòd ab se præstitam securitatis fidem vio-

let, fortissimosque viros Turcici nominis obsides ad necem prodat. Ad eam Moldavus specie contemnentis, respondet, se gravi de causa Maylatum cepisse, eumque porro inculumem Solymano servaturum, ad quem omnino pertineat sententiam ferre, iure an iniuria captus fuerit. Nec multo post arx ipsaliberatis obsidibus deditur: incertum metu an perfidia custodis, quod de salute Maylati, totiusque eius comitatus libertate sollicitus, aut non obscure magno inductus pretio, deditorem maturasse diceretur. Ita duo Hungarorum longe nobilissimi duces Valentinus, atque Maylatus, qui uni omnium antiquum illud Hunnici sanguinis decus intestinis primo odijs, & mox Turcarum armis foede proculcatum erigere possent, invicti certe armis: sed perfidia decepti, in potestatem Barbarorum devenerunt. Occupatis Fogaris Transylvaniferè omnes, concedente demum Solymanno, in Stephani pueri Regis nomen inclinatissimis animis iuraverunt, quod iustum miteque imperium Ioannis patris in ea provincia per triginta ferme annos fuisse meminissent, tulereque sæpe dona puero, fidei pignora, quum Isabella mater cum Georgio Vichioq; tutoribus in Lipa regione confedisset. Eam multarum rerum abundantem Maros amnis Hercynijs saltibus effusus interfluit, præcipitiq; demum cursu in Tybiscum evolvitur. Hunc plerique Sergetiam antiquis vocatum asseverant, in cuius aversi & mox reducti fluminis vado Decebalus Daciæ regem, urgente victricibus armis Traiano Cæsare, thesauros condidisse ferunt, quum Barbarum in ea rerum desperatione se ipso crudelior, ne latebræ secreta prodarentur, artifices atque operas ad unum omnes in vestigio perfecti operis necavisset. Cæterum ad confluentes Marum atque Tybiscum Segadino celebri in oppido, nova à Turcis præfectura constituta est, quam eo nomine salutarem ominamur, si donec adolescat puer, obtinendi regni prærogativa videatur, quod minimè credi par est, in hac perditæ vel insipientis seculi Fortuna, postquam immani Galli regis & Cæsaris dissidio, dum Germani cunctatores eximij turpissimè bellum gerunt, non Pannoniæ modo regnum, sed universam quoque Christiani nominis rempub. Barbaris hostibus impiè prodi conspicimus. Cæterum de Petri Moldavi ingenio, uti supra polliciti sumus, ex rebus ab eo gestis liquidius patebit, si aliqua de Valachia regno, regionisque situ, & gentis moribus, uti ignota multis, ex instituto operis referantur. Imprimis Valacchiæ regulos antiquissimæ stirpis ferunt, repetita origine à Flacco præside Romano, qui illustri virtutis argumento suum nomen provinciæ reliquerit. ab eo enim tempore Mysiam, quæ ultra Istrum ad Scythicas gentes extenditur, Flacciam appellari cœptam constat, quæ demum corrupta sensim voce in Valacchiam abiisse perspicimus. Apud Valacchos enim non Romane modo disciplinæ certi mores & leges vigent, sed ipsa quoque Latinæ linguæ vocabula servantur. Ea gens equitatu pollet: nam quisq; vel egētissimus domi equum alit, quo prædatur & militat: scuto, hasta, gladio, uti Hungari solent, & nonnunquam lancea missili, atq; arcubus rem gerunt. Equi eorum pectorosi robustiq; non pernecitate quidē in cursu, sed perseverantia & viribus maxime probantur: proinde tenellis mos est nares proscindere, ne angusta respiratio ne fatigentur: quando nec mediocris equi sit laus triduo vel per æstivos soles bellicæ agitationis laborem pertulisse. Deum Christum colunt, sed Græcorum ritus secuti, deceptiq; opinione à nostris dissident. Apud eos patrum nostrorum memoria regnavit Dracula belli pacisq; artibus clarus, & diu Turcarum hostis

hostis, sed ex calamitate Ladislai regis, qui ad Varnam ab Amurathe superatus interijt, certo inito fœdere tributum pendere coactus est. Ab hoc Dracula Petrus pronepos, qui hodie regnat, imperium accepit, vir ingenio quidem militari, sed maxime turbulento, crudelitateque simul atque perfidia infami, nam cum finitimis belli pacisque studium nequaquam stabili fide, sed in diem occasione & commodis metitur, suaque pariter ac aliena arma nemini unquam certus hostis, sed improvisus semper exercet. Cæterum Valacchia omnis in duas partes, duoque imperia distinguitur. Altera ad meridiem vergit terminata Danubio, atque item ab occasu Transylvaniae fines attingens ad oppidum Severinum, ubi Traiani pontis admirabiles pilæ triginta quatuor, nequaquam totas obruente Danubio visuntur. Ab oriente autem piscosum habet lacum, quem Hierassus amnis, ab accolis Pruthes vocatus, efficit: suisque demum aquis adauctum & late stagnantem relinquens, in Istrum evolvitur. Ad septentriones autem finitur Hoyna in nobili flumine, & directis ad Istrum terrestribus terminis, curvata admodum regionis fronte contra Peucem insulam, spargente se tum primum in ingentes ramos profluente Istro, antiquis scriptoribus notam, quam hodie Barillatiam dicunt. Hæc Valacchia pars à nostris Transalpina: à Turcis autem communi utriq; nomine, quod nigrum frumentum ferat, Carabogdana minor vocatur. Regulus qui in ea hodie regnat, regiamque habet Ternovizam, continuo parendi obsequio Turcarum amicitiam tuetur, aureorumque nummum myriadem tributum nomine quotannis pendit: ac ea vel indecora pace perfruitur, quod impune fidem mutare nequeat, quum in opposita Danubij ripa, Serviae Bulgariaeque praesidia in antiquis Triballorum, Myforumq; sedibus spectentur. Coluit & per amplis annuis muneribus Ioannem regem, cuius praesenti ope adiutus rebellantes Transalping procures oppresserat. Altera Valacchia pars agrorum & pastionum amplitudine maior, armentisque & militaribus equis opulentior, ab amne, qui mediam interfecat, Moldavia dicitur. Is ortum habet paulo infra Hierassi fontes è Transylvaniae montibus, quibus antiqua Dacia ad ingentis theatri similitudinem obversa in occasum scena praecingitur, delapsusque Zucaviam Petri regiam praeterfluit, atque inde violentus Hoynam, Dobovizam, Argiamq; parvos, sed perennes amniculos secum trahens in Oltham effunditur. Oltha vero qui antiquitus Alutas fuit, non Transylvaniae modo, cuius partem ab adversis montibus descendens rigat: sed Moldaviae & Transalping minora flumina in orientem reflexus ad Nicopolim in Danubium rapit. Omnium vero amplissimus Tyras, qui ab indigenis vocatur Nester, ab Aquilone Moldaviam terminat: ortus enim è Carpatò Sarmatiae monte, & recta in Euxinum contendens, Russiae, Podoliae, & Tartariae demum fines attingit. Tenuere autem has regiones antiquitus Roxolani, Arpij, & Tauroscythae, ita Moldavia ad Pontum usque protenditur, tantumq; orae maritimae ad orientem intercipit, quantum ab ultimo Istri ostio, quod antiquis Lithostomum fuit, à Tyra profluente relinquitur. In hoc litoris tractu Moncastrum insigne oppidum, in vestigio Harmonacti antiquae urbis conditum, Ottomannis paret, Moldavo multis ante annis ademptum, quum Turcarum arma ad expugnandum Theodosiam, quae Cassa dicitur, in Tauricam penetrassent. Sed pro Moncastro, quod vel ob id amissum videretur: quoniam à Christianis Dracula stetit, Matthias Rex, ut eius Draculae fidem volunta-

temque redimeret, Cizoum Cechillam oppida dono dedit. Ea sunt in extrema Transylvaniae parte, qua per saltum Moldaviae iungitur. Sed in Petro proferendi imperii libido ingens his omnino finibus minimè terminatur. Cum Sarmatis in Podolia repentinis incursionibus bellum gerit, quum id totum quod intra Tyram & Hierassum Moldaviae inseritur, sue ditionis esse contendat, quin & Transylvaniae quoque animum adiecit, quum Ioanne & Ferdinando dimicantibus, in contrariaque studia diductis proceribus, Pannoniae regnum alternante Fortuna iactaretur. Confugerat Ioannes ad Sigismundum Sarmatiae regem Ferdinandi armis Buda pulsus, & desertus ab Hungaris, quibus natura mos est insitus cum Fortuna fidem mutare, quod nihil inde eorum modo utile sit, arbitrentur, nec rerum suarum consilia in spem longinquam, sed ad praesentis commodi casus expediant. Ita Petrus Perenus, Valentinusque Thuracus, praecipui Ioannis duces ad victorem transierant, & ut externo Regi operam fidemque probarent, oppida Transylvaniae, quae Ioannis praesidio tenebantur, circumductis copiis expugnabant. Sed Moldavus, scedum id facinus praeventente Fortuna, inexpectatus hostis in Transylvaniam irrupit, utpote qui Cizovio Cechillaeque timendum putaret: quae oppida ab Vladislao, Ludovicoque regibus repetita atque oppugnata meminerat. Ferdinandum quoque Germaniae copiis & Caroli fratris opibus fretum, longè maximum, sibi què obiter metuendum, Pannoniae regem futurum existimabat: vel ob id maximè, quod Solymanus Persici belli cogitationibus occupatus, nequaquam grave bellum pro Christiano rege suscepturus esse videretur. His de causis Moldavus Austriacos, oppida passim expugnantes, non longè à Braxovio in Barzae campis adortus tumultuario atque improvise pugnae genere profligavit, & quo maior & clarior victoria redderetur, omnibus etiam tormentis exuit. Nec mora Ioannes ea hostium clade magnopere laetatus, per legatos inexpectati atque ideo summi beneficii Moldavo gratias agit, postulatque magnis precibus atque promissis, ut sibi ad repetendum regnum adesse velit. At ille successu rerum seipso ferocior, nequaquam alieno commodo victoria utendum ratus, invadendae Transylvaniae consilium capit, confusus maximè tormentis de hoste captis: nam aeneis atque muralibus antea caruerat, quum exilibus & ferreis rudi què artificio fabricatis uteretur, quae circa oram Ponticam navigantibus extorta, aut parvo empti pretio comparasset. Primo itaque impetu Vestricium insigne oppidum occupatum est, atque eodem terrore pagi aliquot in potestatem sunt redacti: postremo ij omnes qui irrumpenti denegato commentu hostiles animos ostendissent, gravibus affecti incommodis infesti victoris vim atque saevitiam senserunt. His extemplo cognitis Ioannes ditionis suae iniurias deprecatur, id nisi incæpto absistat, Solymantum iniquo animo laturum ostendit: sibi què demum reddi Vestricium postulat, sed id quidem humaniter. Neque enim tum gravius succensendum existimabat, ne ferocis impertuniquè hominis vim iniquissimo rerum suarum tempore acrius exagitaret. Ad ea autem ingenio suo utens Moldavus amicè quidem respondere, prolixè admodum adventus sui causas referre, & quo demum periculo pro aliena salute atque potentia conflixerit iactanter enarrare. Postremo dicere se eius animi non esse, ut cuiquæ vel insigne beneficium oblectari velit: verum à regia dignitate minimè alienum arbitrari, si Ioannes in victoriae præmiū beneficiique memoriam

riam id oppidum ab se manu captum, Cizovioque propinquum condonaret, vel ipsius Solymani exemplo, cuius liberalitate Pannoniæ regnum acceperit. Sed paucos demum post dies Moldavus, sive quod supra spem ea expeditione profecisset, vel quod Solymani nomen in ea causa offendere vereretur, ab acta ingenti omnis pecoris præda in Valacchiam rediit, conversusque demum in Sarmatas, qua cum gente de finibus, uti supra diximus, sæpissime dimicabat, Pochutiam vastabundus percurrit. Ea est regio inter Hierussam & Tyram ultra Chamenetium Podoliæ emporium, in ulteriore Poloniæ ditionis ripa, contra Zuhannam Tyræ impositum. Neque enim veteres termini, de quibus ambigere exercendo arma, quam ex æquo & iure disceptare, atque odium pati Moldavi maluit, Cheronio vado finiuntur. id enim locus est ad Hierassiamnis traiectum longè facilimus: nec Sarmatæ adversus improvisum hostem numero equitatu & tormentorum cuncta quatientem consistere audebant, priusquam suorum auxilia supervenirent: sed adventu demum Ioannis Tharnovij, qui prætorianas cataphractorum alas adduxerat ad Obertinum castellum se cõglobarunt. Erat Tharnovius militaris disciplinæ peritia, & consilij gravitate antiquis ducibus exæquandus. Moscos enim ad arcem Starodubam ingenti prælio superarat, sæpeque Tartarorum irruptiones felicivictoria vindicatis iniurijs represserat. Is in temeritate hostis victoriæ spem reponens, perpetuo carrorum munimento castra vallaverat, magnaquetimoris simulatione suos continebat. Tum verò Moldavus, qui pugnae avidus tum tota mole copiarum advolarat, ostentare aciem, pugnam ciere, exprobrare imbelles animos, & circum munitiones magno clamore edito decurrere: postremo quum nemo in aciem prodiret, prolatis tormentis munimenta castrorum verberare atque prosternere. At Tharnovius, qui aliquandiu singulari patientia, ut in contemptum deveniret, militum ardorem monendo obtestandoque represserat, ubi videt currus maioribus globis diffringi, indeque perturbari ordines vallo proximos, gravique fremitu a tota acie, ne inulta ac ignobili morte cadendum foret, prælium deposci, confestim ab hostium temeritate suorumque periculo erumpendi consilium capit: constanti atque lætissimo vultu insignes quosque equites nominatim atque signiferos adhortatur, ut acerrimo impetu in latrones, suo more contra vim fuga uti solitos, erumpant, maximè conferti pugnent, intentisque mucronibus inermia pectora perfodiant. Erant circiter septem milia equitum, quorum maior numerus fulgentibus armis protectus visebatur, in tres omnino acies distincta, totidemque castrorum obversa portis, ita signo dato Decumana porta panditur prima acies, in quam dux moris hostium peritus non temerè pugnacissimum quemque contulerat, in Moldavos erumpit: magna editur cædes, totisque agminibus tumultuatur. neque enim insolentes Barbari tantæ virtutis facinus Sarmatas ausuros crediderant: sed mox adcurrente & cohortante Petro universa Valachorum multitudo circumfusa in perrumpentes Sarmatas convertitur. Nec occasione deest Tharnovius: à dextro enim lævoque latere castrorum duabus ad apertis repente portis, instructas ad id secundam & tertiam acies in latera hostium inducit: ita Moldavi inermes à cataphractis triplici certamine distracti circumventique in medio conciduntur, & in fugam vertuntur, sequentibusque peropportunè equitum victoriam peditum cohortibus, universa tormenta capiuntur. Petrus ipse, qui acerrimè dimicando totam penè pri-

mam aciem oppresserat, cum globo delectorum equitum sese è manibus hostium eripiens suscepto vulnere profugit. Eo prælio Valacchorum quatuor millia cecidere: nobiles vero notique duces supra quadraginta capti, in quibus fuere Clogoffetes consilij & scrinij magister, atque item familiæ præfectus, & pari nobilitate ac forma iuvenis pocillator, quorum desiderio & cladis & vulneris magnopere dolorem intenderat. Hos omnes & tormenta circiter quadraginta octo, in quibus Ferdinandi Regis gentilitia insignia eri incisa visebantur, Tharnovius ad Sigismundum regem Cracoviam perduxit, eiusque pugnae atque acti triumphii similitudinem egregie depictam ad memoriam posteritatis in templo dedicavit. Exinde Petrus tanto accepto incommodo, amissisque præsertim Austriani tormentis, quibus subnixus se formidandum finitimis ostentarat, aliquandiu conquiescere est visus: ita tamen ut Moldavi à latrocinij nihil cessarent, nec à Transylvanis, vel ipsis quoque Transalpinis suggestis finibus abstinere: sed antiquo recentique odio Polonis infesti, in eandem Pocchutiam incurrendo prædandoque indomita arma sæpius exercerent. Quibus de causis Sigismundus, ne semper adversus repentinas, diversasque vagantium incursiones iustus exercitus magno & inutili sumptu cogendus foret, invadendæ atque delendæ penitus inquietæ gentis consilium suscepit. Nihil tamen prius conandum ratus, quam Solymani animum exploraret, quod Petrus Vylacchiq; omnes in clientela Turcarum essent, quorum amicitia atque præsidij tuti viderentur, Byzantium legatos misit, qui quotidianas propè adversum se Petri & Moldavorum iniurias deferrent, ac antiqua limitum documenta literis & picturis ostenderent, peterentque demum ut sibi liceret amicitia incolumi salvisque foederibus immanium latronum iniurias vindicare: se nuper ea tantum poena, quam ipsi nefaria ac ob id infelici temeritate ad Oberrinum contraxissent, contentum fuisse, quum Poloni facile persequendo, ac in intima Moldaviæ penetrando, profligatos cum scelerato principe ad internicionem delere potuissent. Ad ea Solymanus respondit: Ottomanici moris esse clientes suos, qui probè imperio & dicto audientes sint, ab externa iniuria constanter tueri: eosdem porro si humani iuris obliviscantur, arroganterque delinquant, graviter punire. Propterea Sigismundum hunc ab se fidelis amicitiae fructum relaturum, ut nullo suo cum labore atque periculo hostem, qui vel toties humaniter castigatus furere non desineret, merita poena mulctatum videat. Oderat enim Petrum Solymanus, uti violentum, indomitoque ingenio ubi arma valerent cuncta perturbantem: utpote qui Gritum ab eo abrupta fide deceptum atque obtruncatum, insontesque demum eius liberos in Moldavia crudelissime necatos meminisset: sed nec tributum quotannis pendi solitum ab eo Byzantium mittebatur: cuius officij nomen adeo arroganter contemnebat, ut quum nulla ambiguae libertatis signa forti regulo præferenda prædicaret, se bellica virtute immunem factum profiteretur. Stephanus quoque per id tempus Petri Germanus frater, tanquam imperij æmulus superbe domo expulsus, detectis multis sceleribus, invisum antea fratris nomen apud Turcas infame reddiderat. Nec multo post Solymanus cum ingentibus copiis è Thracia profectus, Istro ponte iuncto iuxta Peucem in Valacchiam pervasit: cuius adventu territus Moldavus, quod viribus esset impar, & à suis defereretur, cum paucis per nemora & solitudines in fugam se coniecit. In arce siquidem Zuchuae, quam munierat obsidionem

obsidionem veritus, se continere, aut in campis cocto equitatu consistere minime ausus, errando fallendoque insecutos hostes, in Transylvaniam cursum intendebat, quum Transalpinus imperio accitus in id bellum a latere incumberet, & armata Polonorum manus in finibus spectaretur, diffusaque Turcarum agmina undique perurgerent, & ad Ponticam oram appulsa hostium clas-
 10 dis naualis effugij facultatem eriperet. Itaque diu circumeundo, quum magna aliquot flumina incomparabilis equi virtute feliciter transisset, ad Al-
 uiam amnem, tum maxime imbris inflatum, saevis vorticibus natandis e-
 qui vires superantem, peruenit. Erat usque adeo lassitudine, inedia, dolore-
 15 que perditarum rerum & foede mortis metu consternatus, vt mergi flucti-
 bus mallet, quam ab infenso fratre, vel a Turcis ad supplicium capi: sed haec
 animo volutanti non defuit Fortuna extremis mortalium casibus illudere
 solita: oblatus enim est piscator Transylvanus, qui forte admota nauicula
 ripam subierat: ab eo siquidem magnis promissis et precibus impetrauit, vt trai-
 ceretur atque eo duce pedibus per syluos notosque tramites Cizouium du-
 ceretur. In eam enim arcem cognito Turcarum aduentu uxorem et paruos
 liberos carioremque suppellectilem, vt quantutissime seruariantur, paulo
 ante praemiserat. At Solymanus vbi Petrum ex certis fugae vestigijs per
 auias solitudines euadentem Valacchia finibus excessisse fama comper-
 20 tum est, Moldauos in fidem recipit, eos omni timore liberat, Stephanumque
 Petri fratrem Moldaviae regem constituit: sed quum ad veteris tributi sum-
 mam nihil adderetur, certam agri partem adimit, quae Moncastro proxima
 videbatur: atque his confectis rebus in Thraciam reuertitur. Interea rex Io-
 annes ad Solymani motum excitus, cum triginta millibus equitum in Tran-
 sylvaniam peruenit: in speciem quidem, vt studium suum ostenderet, tan-
 quam in id bellum vires suas additurus, sed occulto consilio, vt prouinciae fi-
 nes tueretur: nam magnopere timendum putabat, ne Turcae per simulationem
 petendae Moldaviae reflexo cursu in Transylvaniam penetrarent. Secundum
 enim eam pacem, quum cum Ferdinando rege secretis conditionibus initam
 30 fuisse docuimus, quod legatus Laschius priuato dolori nimium indulgens By-
 zantij cuncta prodidisset, usque adeo se iniuriam suspectumque apud Solyma-
 num fuisse meminerat, vt cum multis legationibus eius facti suspicionem agre
 diluiffe videretur, vix multa largitione apud purpuratos gratiae nomen su-
 stentaret. Itaque ea sollicitudine liberatus, vbi Petrum desertum a suis, ac
 exutum regno in Cizouium confugisse didicit, ad obsidendum eum festinat:
 ratus aduenisse tempus, quo veteres iniurias vlcisceretur, gratisque inde
 operam Solymano praestaret, & Stephani quoque animum eo beneficio pro-
 merendum arbitraretur. Pro inconstanti enim & turbulento alterum fratrem
 noua imperij Fortuna contentum, ac in tutela Solymani quiescentem, regno
 40 finitimum exoptabat. Durauit obsidio supra quatuor menses, suppetebant-
 que obsessis alimenta, idemque animus nullis fractus incommodis Petro ade-
 rat, vt ad supremas spes usque fortiter obduraret. Sed non eadem erat constan-
 tia in defensoribus: ij erant partim Transylvani, partim Moldau, qui ex vxor-
 is comitatu in oppidi custodia remanserant: facileque dissentiebant, quum
 non vna omnium persistendi causa videretur. Rex namque omnibus extre-
 ma supplicia denunciarat, nisi postquam effugia perpetuis stationibus cir-
 cumspecta conspicerent, vt iam undique desperatis auxilijs, triduo ad certam

veniam se victos deditioe faterentur. ea res in Moldauo contumaces spiritus fregit. Itaque vir acutus, eorum more qui ex ipsa necessitate periculi habile ingenium ad prudentiam flectunt, prius quam suorum dissensio in apertam cruentamque seditionem erumperet, maturandum ratus, liberali facta deditioe portas aperuit: id tantum praefatus, ideo se ipsum vxoremque & oppidum fortunasque omnes dedere, quod plane sciret, Ioannem regio prorsus animo, aliquanto facilius iniuriam obliuisci, quam vllius beneficij memoriam deponere consueisse. Proinde se tantam spem nequaquam temere desumpsisse, vt plane consideret sibi misero apud eum, qui in persimili calamitate aliquando miser fuisset, humanitatis & clementiae locum minime defuturum. 10
 Ioannes hominem complexus consolatusque bono animo esse iussit, confirmauitque data fide se Cizouio contentum fore: quod oppidum vti Pannonicae ditionis superiores reges repetissent: ceterum arcis possessionem apud ipsum vxoremque vno tantum mutato praesidio permanfuram, in qua tuti ab iniuria, certique salutis meliorem rerum euentum expectarent. At Stephanus vbi fratrem deditum in potestate Ioannis esse didicit, per legatos Solymanum orat, vt Petrum sibi tradi imperet: eo enim viuo Moldauiam nunquam dicto parentem, nunquam pacatam, nunquam externo aut intestino bello vacuum fore. Nec mora Solymani literis frequentibusque nuncijs deposcitur, Ioannes ius & aequum datae fidei proponit, negat se tantum sceleris admis- 20
 surum, vt miseri sponteque dediti salutem prodar: id autem Solymani imperio cui parendum esse fateretur, se daturum, vt Petrus: quo omnis amittendi regni metus Stephano demeretur, tam diu quam Solymanus veller, in eadem custodia permaneret. Postremo quum seuerioribus literis repeteretur, quod iam purpurati ea cunctatione laedi maiestatem existimarent, medium, ac ob id Petro admodum salutare consilium sumpsit, rescribens, se Petrum non captiui more, sed legati nomine Byzantium cum insigni comitatu transmissurum, vt coram obiecta crimina diluat, et si fas sit, veniam quoque impetret: modo Solymanus a magnitudine animi erga prostratum, seque imprimis religione datae fidei obstrictum, non incertam clementiae & lenitatis spem praebet. 30
 Non discessit ab humanitate Solymanus, vtpote qui seruandae fidei necessitudinem honestissimo excusationis nomine apud regem vel tacitus probaret, nobilemque illum expetitum magnis regibus, sed raro oblatum a Fortuna clementiae laudis fructum decerpere cuperet. Itaque non obscura significatione confirmatis amborum animis, Petrus suis opibus studioque Ioannis exornatus Byzantium mittitur: commendatus praeceteris purpuratis Lophitibeio, cui ampliora dona detulerat, vt praepotentem ex aula patronum sibi in dicenda causa compararet. Dedit & gemellos vniones superbi piri magnitudinem adaequantes, qui ex Grittea praeda fuisse dicebantur, vt his pro in- 40
 auribus Solymani filia Rostani desponsata in nuptijs ornaretur. His sibi conciliatis, vbi admissus est, adeo luculenter causam dixit, vt quum susceptorum a se bellorum causas atque successus, aerarij inopiam, Gritti causam, fratris & procerum dolos, ac antiqua iura finium cum Polonis enarrasset, veniamque supplex petisset, indigne mulctatus a Fortuna videretur. erat enim eius viri excellens bello virtus, quanquam ingentibus vitijs atque sceleribus aequaretur, militaribus Turcarum animis ad admirationem spectata grataque, vsque adeo vt purpurati vel nulla largitione corrupti virum fortem tantis illustrem

illustrem casibus, neque impotenti Fortunæ invictum animum conceden-
 tem, omnino defensori crederentur. Verum Solymanus suspensio iudicio ne-
 que damnavit reum, neque penitus absolvit, ne Ioannis nomen abruptæ fidei
 contumelia sugillaret, vel ipse parum sceleribus infensus abiecta severitate vi-
 deretur. Itaque Moldavus in Peram Ligurum coloniam est relegatus; bene-
 ficio quidem ingenti, quum ibi nequaquam obversantibus Turcis ad lenien-
 dum exilij dolorem alendamque spem recuperandi regni, cum Christianis ho-
 minibus versaretur. Erant ei præter numerosam familiam plures Hungari
 comites liberaliter instructi. Græci quoque quibus cum religionis ritus erat
 10 communis, & mercatores Italici, Turcæque item, ut epulando vinum pota-
 rent, domum eius frequentabant, ita ut vir ille comitate cunctis obviis, prin-
 cipalis aulæ speciem referret. Nec diu voto eius Fortuna defuit: Stephanum e-
 nim avarius ac iniquius quam putassent regnantem populares obtruncat. Fit
 magnus in Moldavia tumultus, quum sublato Rege multitudinis studia in
 Petrum verterentur, & contra nobilitas ei vehementer infensa, quemcunque
 alium præferendum putaret: nequaquam temere meritis pœnas pertime-
 scens, si iratus & sævus ab exilio vocaretur. Sed Boiæres, qui sunt ex ordine o-
 ptimatum, ipsa populi multitudine auctoritate, atque opibus potentiores a-
 dolescentem Moldavum nomine Alexem regiae stirpis, qui diu in Podolia i-
 20 nops exularat, celeriter evocant, principem constituunt, in Zucavaque regia
 appositis præsidijs confirmant. Hæc ubi Byzantijs nuntiata sunt, Petrus ani-
 mos attollit, purpuratos novis muneribus aggreditur, prehensat omnes: sed
 in Luphthibeio recuperandi regni summam spem reponit. Interim Molda-
 vorum legati à Boiæribus instructi Byzantium perveniunt, postulantes ut
 Alexes regij sanguinis, uti omnium expetitus votis & publico consensu rex
 acclamatus, postquam Stephanum fata sustulerint, Solymani liberalitate con-
 firmetur. Tum verò Petrus purpuratos obsecrare, ut nihil de pseudoregulo
 eminentem regiam stirpem temere crederent, illius nomen & genus antea in-
 cognitum testari, idque inductum commento & malignitate Boiærum dictis
 30 tare, ut ipse avita regni sede per summam iniuriam excludatur. His de cau-
 sis Moldavi minus æquis auribus auditi sunt: vel ob id, quod nequaquam
 modestè & reverenter in deligendo creandoque Rege properantes Soly-
 mani liberalitatem atque iudicium prævenissent. Itaque legati continuo ad
 suos domum perscribunt, angustas omnino spes sibi ostendi, ut quicquam
 pro Alexe impetrari posse credant: præoccupatas enim esse purpuratorum
 voluntates occultis magnisque muneribus, commovereque sese vehemen-
 ter Petrum, atque contendere ut per Turcas reducat. Proinde sibi diffici-
 les aditus præberi, frigidaque ab omnibus & plena pudendæ dilationis respon-
 sareddi. His cognitis Boiæres, ut tyrannum veluti non dubiam cladem ipsis
 40 allaturum novis consilijs regno penitus excludant, legatos dissimulato ha-
 bitu ad Carolum Cæsarem, Ferdinandumque regem mittunt, qui doceant quo
 in statu periculoque Moldavi novi principis res sint, peditum auxilia implo-
 rent. Ea si impetrentur, Moldavos iuncto fœdere promittant Christianorum
 regum socios, & Turcici nominis perpetuos hostes futuros. Rem autem præ-
 sentis necessitatis in eo occasionis momento verti, ut si decem millia peditum
 submittantur, ipsi cum quadraginta millibus equitum omnem vel maximi
 Turcarum exercitus impetum sustinere audeant. Sed Ferdinandus fratre

Cæsare peragendis conuentibus occupato, quòd multas longum id iter difficultates habere videretur, nec conducendo militi pecunia suppeteret, ei negotio, quod maximè liberalis officij celeritatem exigere videbatur, adesse non potuit. Cæterum ea legatio, quæ diu celari non poterat, per speculatores Byzantijs nunciata vsque adeo in Petrum Turcarum studia accendit, vt Solymanus supplicem ac adiutum purpuratorum precibus, clientemque se & denique fidelem seruum Ottomannici nominis iureiurando profitentem in gratiam receperit. Nec multo post Himbrachor stabuli magister, dignitate & virtute bellica illustris, qui Petrum regijs ornatum insignibus in Moldauiam reduceret, est delectus: paucisque inde diebus coaëto exercitu ad Danubium ponte iungendum contendit. Tum vero Boiæres metu perculsi, quum desperatis Christianorum auxilijs multitudinem consternatam, & magnopere Turcarum arma formidantem conspicerent, summo concepto scelere obtruncandi Alexis consilium desumunt: neque enim antiquæ rebellionis noxam, nisi immani aliquo perfidiæ facinore deleri posse iudicabant. Nonnunquam enim accidit, vt mortalium animus scelere semel occupatus, quum in præsentis periculo timor ingruit, facile vel inusitati sceleris infamiam contemnat. Ita infontis ac intempestiui principis coniuratorum concursu patratæ cædes, accumulataque feritate iacenti caput deciditur, vt Boiæres veluti expiata vetere perfidia atrocem aduersum se tyranni animum eo cruento munere mitigarent. Arrisit Petrus exoptata dona ferentibus, placati-
que animi speciem præbuit, quum diligentiam maturati beneficii simulata oratione laudasset: vt ipse qui sæui ultorisque animi decretum recondere vellet, donec abiret Himbrachor. Is egregia omnium voluntate passim receptus, Petro Zuchauia regis in sede constituto, acceptisque muneribus, in Thraciam rediit. Nec mora Boiæres circiter viginti detegente odium tyranno, alius alia de causa comprehenduntur, & securi percutiuntur: non ini-
quo quidem iure, vel ob id supplicio damnati, quòd veterem iniuriam apud tyranni animum recenti beneficio pensari posse existimarint. Hæc sunt quæ de Valacchia, vno scribendi tractu sub vnum aspectum prodenda censuimus, nihil in hoc temporum seriem rebus gestis adæquantes, ne maiora bella quæ imminet, concisa in partes, & variè passim intermixta, quod maximè fugiendum videtur, confuso planè ordine, ac ob id dissipato historiæ lumine referantur. Hisdem fermè diebus quibus Röchandolphus ad Budam cum Turcis Budensibusque Hungaris bellum gerebat, & Solymanus aduentare dicebatur, Carolus Cæsar Ratisponæ conuentum dissoluit, confestimque magnis itineribus in Italiam est profectus. Is autem Germanorum conuentus, qui Christianæ religionis commodo ad sanandas Lutheranorum mentes indictus fuerat, hunc habuit exitum, vt postulante Cæsare, Germani proceres & liberæ ciuitates decreta persciberent, quibus Guillelmus Cleuensis regulus, quòd neglecta Augusti imperij auctoritate Gheldrensis principatus hæreditatem adisset, hostis iudicaretur: contra vero Carolus Sabaudius, qui Gallorum armis regno exciderat, publico totius Germaniæ consensu sumptuque, vt iam receptus in clientelam, reduceretur, seuerissimoque obiter edicto caueretur, ne quisquam Germanici nominis miles Gollorum stipendia mereret: fratri vero ad Budam cum Turcis rebellibusque Hungaris bellum continuum alenti auxilia præberentur. Hæc vt facilius impetrari possent.

possent, Carolus totas eas conceptę hęresis opiniones Luthearnis nihil pñ, sanique consilij ad animos admittentibus condonavit, ita ut cunctis, quę vel-
lent de divinis rebus & placitis, impune sentirent, donec indicto celebratoq;
sacrorum antistitum concilio omnis oborti erroris controversia supremis di-
sputationibus tolleretur. Id autem Cęsar, ut intra biennium fieret, cum Paulo
summo Pontifice curaturum promittebat, ita ut vel abnuente Contareno le-
gato, concilio locum in ipsa Germania delecturus esse crederetur, vel exitiali
pręjudicio Pontificię authoritatis, damnoque Gallicarum nationum, quę
salutem ac libertatem inimicę gentis arbitrio commissurę minimę videren-
tur. Propterea Cęsar discessurus ę Germania obnixę postularat a Pontifice,
ut sibi in Italiam venienti ac in Africam traiecturo, ad Lucam occurrere vellet,
quod mutuis colloquijs deliberando, de tota ratione consilij statuendum es-
se videretur. Erant qui dicerent, eó verti consilia Cęsarıs, ut consilij nomine,
quo sacri imperij dignitas in discrimen vocaretur, Paulo Pontifici non ambi-
guum terrorem incuteret, atque ideo sollicitum in officio ac amicitia, quam
arctissimę contineret, & Germani obiter, sive concilium cuperent, sive ex con-
scientia neglectę perturbatęque religionis iuris & æqui iudicium formida-
rent, pręclare admonerentur, totius negocij summam ipsius arbitrio atque
sententia contineri. Nec Paulus eius colloqui aut loci conditionem abnu-
rat, pristinę suę pietatis & constantię tenorem secutus, utpote qui semper
antea consilij censuram ultró deposcere, neutrumque se & sincera utrinque
fide medium inter dimicantes Reges profiteri consuevisset. Non defuere Ger-
mani proceres gliscente fama de adventu Solymanni, Rochandulphi que se-
cordia, qui discedentis Cęsarıs nomen tam falsę quam improbę lacerarent:
qua in re Philippus Lantgravius ironico lepore multus erat, ut qui non teme-
rę Cęsarem oderat, neque Romani imperij Fortunam ex æquo ante virtuti
egregię expositam, dignissimis proceribus exclusis in Austrię domus hęre-
ditatem concessisse pateretur: dixisse enim eum in convivio ferebant, Caro-
lum mirę fortem ac impavidum imperatorem videri, qui tanta esset animi
magnitudine, ut Turcas quanquam multos uti inermes imperitosque mili-
tię facillę contemneret, & nobilioris victorię triumphum in transmarina pro-
vincia quærendum arbitraretur, dum Solymanno Ferdinandus frater obfiste-
ret, cuius tam expedita & vehemens virtus, & tam paratę facultates forent,
utin Austria domo uno tempore geminata victoria parari posse censeretur.
Alij porro apertius ac indignantius dictitabant, neque constantem, neque
strenuum imperatorem videri, qui urgenti a fronte nobilissimo ac infensissi-
mo hosti terga daret, patrimoniumque Barbarorum incendijs expositum,
atque inde fratrem accepta clade perterritum, impię fœdeque desereret, ut de
immanis piratę spadone servo victoria levis in terra Africa quæreretur. Ni-
hil enim profici, vel ad ipsius laudem, vel ad Germanię salutem ac dignita-
tem, si quum Italarum ac Hispanorum cohortes accersendę in Noricum fo-
rent, ę Norico detractę Germanorum legiones in Africam ducerentur. Cę-
sar enim Hispanię precibus adductus expeditionem susceperat, adversus A-
sanagam Tunetano bello illustrem, qui Algerij cum imperio a Barbarissa
fuerat relictus. Apud eum prędones Turcę coibant, Hispanięque litora
prędabantur, tanto orę maritimę damno metuque, ut Hispani a Gadibus
ad Pyreneos montes dispositis in ora speculis atque præsidijs ad incertos ca-

sus excubare sublata nauigatione cogerentur. Propterea Cæsar classem parauerat, cohortesque in Italia, Sicilia, ac Hispania conscripserat, totusque animo in Africam ferebatur, utpote qui antea Solymantum minimè venturum putasset, & satis virium ad expugnandam Budam in Rochandulphi diligentia & foelicitate fratris positum arbitraretur. Fuere qui existimarent, Cæsarem constantiæ suæ ac innatæ virtutis nunquàm oblitum, eos tum aduersos de se rumores, aliquo certè cū pudore, sed insigni patientia contempsisse, quum vir eximiè prudens neque salutem, neque existimationem suam Turcico bello implicandam putaret, in quo veræ dignitatis ex infœlici conatu iacturam facturum esse videretur, si temere ac importunè consistere, & vanitate pugnacis animi potius quàm certa virium fiducia inductus congregari vellet cum eo hoste, qui immensis copijs ac opibus subnixus vel totius armatæ Germaniæ impetum multitudine equitatus esset elusus. Consilia enim cogendi magni exercitus, qui victoriæ spem præferret, tempus ipsum, & maturatus Ratisponensis conciliij exitus excludebant: quando nec decreta pecuniæ, nec expediti commeatus, nec satis explicatæ procerum voluantes forent, vsque adeo ut non incertum esset aliquos ab impio luore calamitate potius quàm Cæsaris victoriæ gauisuros: verum multo grauiore cura Cæsar angebatur, ne si in Pannonia nequaquam pari spe utilitatis, & metu incommodi occupatus hæreret, Galli arrepta occasione Cisalpinam Galliam inuaderent, quum interceptis legatis inducias violatas esse quererentur, ac in alijs demum Italiæ partibus bellum erumperet, cuius enata iam semina spectabantur. Nam per eos dies Ludouicus à Bononia, Armeæ familiæ iuuenis, turbido ingenio vel ancipitem nominis famam quærens, apud Senenses multa vsus largitione egerat, ut consilio male sana deprauataque moribus ciuitas, ad Gallos à Cæsare deficeret: sed fluxa eorum fide, qui dum muneribus explerentur defectionis initium se facturos promiserant, belle proditus in potestatem Hispanorum deuenerat. Contendens in Italiam Cæsar in Tridentinis Alpibus Octauium Farnesium, miræ indolis adolescentem adscitum sibi generum cum insigni comitatu obuium habuit, moxq; ad Athesim Alfonsum Vastium qui Insubrum nobilitatem insigniarum morum cultu exornatam, ac item delectos ex Hispanis veteranos adduxerat, ut comitatus è Germania per se exiguus, intentusq; itineri, ea illustri auctus frequentia dignus Cæsare spectaretur. Affuit properanti supra Veronam insignis legatio Venetorum, præbitaq; sunt præter gratuitos commeatus, munera magnis hospitibus in itinere dari solita, nihilque inde Cæsar Cremonæ Laudæque Pompeiæ commoratus, Mediolanum contendit, exceptusque est incredibili studio ciuitatis, nec leui quoque sumptu reliquarum vrbiū, quum nihil augustius & opulentiū in ornamenta triumphalis pompæ excogitari præstariue potuisset, tegerenturq; obiter coloratis velis vniuersæ regiones, quibus à Romana porta ad templum maximum, & in veterem Vicecomitum principium curiam, tanto hospite parem, sub vmbella aurea duceretur: sed ipse atra in penula vilique pileolo spectari voluit, multis lugubrem habitum admirantibus, quum sceminarum & plebis curiosa simplicitas pictam ex auro trabeam & fulgentem gemmis in Cæsaris capite coronam expectaret. Nec dissimilis animi habitus in graui parumque hilari eius oculo notabatur, ita ut eadem, quæ

dem, quæ pridie accepta ad Budam fuerat, prælagire videretur. Reuocauit tamen eum à seueris cogitationibus Maria Aragonia ipsius Vastij vxor, cunctas ætatis suæ fœminas excellentis formæ, præclaræque virtutis, & fauentis Fortunæ muneribus antecedens: nam quum sæpe antea illustrem pudicitia famam fœlici fœcunditate nobilitasset, tum fortè marem pepererat. Huic summi honoris causa Cæsar, quum sacro fonte lauaretur, humaniter præstito Christianæ pietatis officio adesse voluit, eumque de nomine Carolum appellauit. Ita vt mox comiter in ea festa hilaritate nobiles matronas ad tibiarum modulos saltantes spectaret. Aduenere demum legati singularum ciuitatum, menstrui tributio nera peracerbè afflictis populis imposita deprecantes: sed eas preces vel iustis querelis suppliciter additas ita audiit, vt parum clementer in aliud tempus reijceret, triduoque post nullam indulgentiæ spem, sed eundem & quidem ab ipsa remedij desperatione grauiorem miseris gemitum relinquens, Genuam contendit, vbi ex Ferdinandi fratris literis de Germanorum clade, Turcarumque victoria, & Solymani aduentu certius cognouit: quo nuncio adducti Vastius atque Auria dictis sententijs suadebant, vt petendæ Africæ consilia in verum tempus differret, & cum his quas conscripserat Italicis cohortibus & Germanorum legione quam adduxerat, in Italia moraretur, vt inde ad opem fratri ferendam deterrendosque Barbaros, reuersuri speciem præberet, tuereturque interim Italiam aduersus Gallos, quos nulli omnino occasione defuturos prospicerent, si aliquod forte incommodum, aut vi Pœnorum, aut iniuriâ tempestatis acciperetur. Nihilo secius Cæsar stabili proposito constantiæ nomen vel magno discrimine retinendum ratus, in Africam abnuente etiam Fortuna transfretare constituit, vt Turcas in Pannonia bellum gerentes contempsisse potius quàm timuisse videretur, conuersus enim ad eos qui in consilio erant, magna, inquit, ratione, vt in Italia permaneam suadetis, sed multo maiore arbitror in Africam contendendum: nam si substitero, è Germania certè reformidatis Turcis diffugisse videbor, cuius admissi dedecoris opinio tolli non poterit, nisi susceptis innixi consilijs exoluendo promissis fidem, & maturè trahendo, iudicij atque animi nostri famam bono euentui commendemus. Fortunam enim, quæ nos terra deserit, per fluctus fortiter audendo experiri lubet: quum Algerium multis de causis, priusquam maria hybernis aquilonibus claudantur, expugnari facile possit: cuius voti si me Dñi compotem fecerint, contemnemus certè Gallorum minas, atque his profectò clasibus & copijs, quibus stipendia graui sumptu persoluta videtis, si temere sese commouerint, vltro eorum audaciam retundemus. Interea Paulus Pontifex ab Roma æstuoso itinere Cassiam emensus viam Lucam peruenit, improbantibus medicis, quod lethale foret, nisi pleno imbre infractis caloribus ab Urbano cœlo discesisset. Sed is vel exactæ etatis senex, certo semper ingenij vigore, & temperata ob idque fœlici vitæ disciplina, ita fallebat annos, vt cuncta ætatis pericula quæ publicam salutem includerent facile contemneret. Quid enim mihi vita opus est, sæpe dicebat, nisi vt hæc suprema officia, quæ vnâ omnino sacri nominis personam respiciunt, cadenti reipublicæ optima fide persoluamus: quandoquidem diuinis ita monemur fatis, vt pietati & voto pu-

blico vel morte ipsa satisfacere, quàm infami desidia vitæ cupiditatem extendere malimus. Quòd si insanire principes pergant, & magnus Deus à salute Christiani populi penitus auersus susceptis votis adesse nolit, natura quidem vel in otio, vel in labore non intempestium vitæ finem afferre poterit, præclari certè studiij perpetuæque voluntatis honestam famam nulla vis inuidiæ nobis eripiet. Nonnulli quoque senatores euntem retentare conabantur, imprimisque Francisci regis legati, qui in nullam spem pacis ituro, postquam ab ea Cæsar auersus obduraret, non modò valetudinis in commodum, sed parum etiam synceræ equitatis calumniam imminere differebant, quoniam timerent, ne Cæsar honestissima petitione in belli Punici sumptum pecuniam impetraret, quæ demum occulto consilij exitu ad excidium Narbonensis Galliæ verteretur. Magnorum enim principum congressus atque colloquia absentibus semper suspecta, in alienamque perniciem verti occulta conspiratione existimantur. Propterea Franciscus, ne se incauto atque imprudente Prouinciam admota classe repentinus hostis inuaderet, ad Masiliam & ad Rhodani pontes legionarios Gallicæ disciplinæ pedites, & veteranas equitum alas vt præsidio forent maturare iusserat. Sed Paulus vt frustra aliàs ad Niceam recrudescentia pereuntis reipublicæ vulnera omnino Cæsari detegenda, indicandæque vitia serpentis pestis existimabat, vt vno concordiæ remedio sanarentur, ac præclerè Dñs ac hominibus testatum foret, neque ardens studium, neque vehementes preces, neque in summo vitæ contemptu diligentiam in optimo sacrorum principe defuisse. Ea quoque de causa vt ire pergeret magis ac magis accendebatur, quòd suborta erat inter Franciscum & Cæsarem noua simultas, veluti inducijs Rinconis atque Fregosij cæde violatis, veterisque odij flamma, compressa aliquadiu induciarum fide, in multo atrocius quàm antea belli incendium exarsura credebatur. Egerat per aliquot annos Byzantij Antonius Rinco Francisci regis legatus apud Solymanum, vt sæpe diximus, remissusque a Barbaro paucis antè mensibus in Galliam ad regem peruenerat, comitante cum ala equitum Cæsare Fregosio, ne per Bergomatium fines & Volturæ nam vallem, ad Curiam Rhætiarum transeunti à Cæsarianis insidiæ tenderentur. Cæterum acceptis nouis mandatis à Rege, quæ ad confirmandam amicitiam pertinebant, rediturus Byzantium, superatis Pœninis Alpibus in agrum Taurinum inter præsidia Gallorum descenderat, vt inde se Venetias proriperet, ac demum tutissima nauigatione in Epirum adueheretur. Placebat Rinconi per se obeso, & fortè ceruice ac humeris exstillicidio laboranti, vt iactatio vitaretur, duobus nauigijs secundo Pado deuehi, frustra improbante Fregosio, qui vel in publica induciarum fide cum regij commodi, tum priuatæ salutis rationem Hispanorum ingenijs minimè committendam ratus, per easdem vel asperas Rhætorum Alpes reuerti aut certè noctu pernicibus equis Placentiam peruolare mallet. Sed fatalis illius pertinacia huius prudentiam facile peruicit, vt amborum interitu dirus Christiano nomini casus incideret, quo intestinis affecta malis respublica, nihil iam non ausuris in perniciè nostram Barbaris proderetur. Ab Hispanis enim qui per speculatores cognita eorum nauigatione in insidijs terra pariter ac flumine diligenter excubabāt quum, meridiè ad Ticini hostiū peruenissent, ab armatis

lintribus

lintribus, qui tecti fronde ex occulta statione repente prodierant, circumuenti iugulatiq; sunt. Perijt cum Fregosio Bonifortius centurio, seruatus autem est Camillus Sessulanus Fregosianæ alæ præfectus, isque cum omnibus nau-
tis ne patrata cædis fama certo indicio vulgaretur, Cremonam deuectus est, & in arce custoditus. Alterum porro nauigium, in quo erant comites cum scrinijs multaue pecunia, occupatis hostibus in aduersam ripam intactum
10 feliciter euasit, indeque vectores simul, & nauæ terrestri itinere per nemo-
rosos calles occultati Placentiam allato rei gestæ nuncio peruenerunt. Cæ-
terum cadauera post duos menses elapsi custodia nauæ, iuxta confluentes
10 Padum & Ticinum semisepulta, ob idque discerpta feris, & tæbe consumpta
monstrauere, ita ut Fregosij manus ex antiquo vulnere vno manca digito fa-
cile nosceretur, ac augendæ repræsentandæque iniuriæ causa ad Franciscum,
ab vxore, quæ casum deplorarat, auulsa cadaueri & loculo condita deferre-
tur. Scio Gallos non inepta suspitione, nequaquam eos statim interfectos pu-
tasse, sed prius in quæstione cruciatos, ut arcana legationis tormentis eliceren-
tur: sed de hac subtili coniectura, quum nihil adhuc compertum sit, rem
vtique dubiam in medio relinquemus. Verum ab eo atroci facinore Al-
fonsus Vastius, qui Cisalpinæ Galliæ cum imperio præerat, incredibili
inuidia deflagrauit, quod inducias in nouem annos ad summam spem pacis
20 Niceæ indictas, violasse, & contra naturam generosi eius ingenij, inhumana
cæde cruentus euasisse videretur: tanquam famæ suæ minime parcendum pu-
tarit, modo apud Cæsarem, vel ignobili & criminoso officij genere gratiam
mereretur. Sed Vastius eius impolitæ contumeliæ notam vel iure, vel per-
scriptis, ac ideo publicatis libellis ita diluit, ut id postquam iure cognosci non
peterat, vel singulari certamine, si dignitate compar offerretur, diluturus esse
crederetur. Cæterum complures Rinconem iure cæsum existimarunt, quod in-
uidiosissimæ legationis munere suscepto, aduersus Christianum nomen Bar-
baros concitare, occasionesq; gerendi belli indicatis Cæsaris consilijs demon-
strare diceretur. Fregosio autē immerenti vitâ malignitate atq; odio ereptâ di-
30 cerent, quod vir bellicosus & acer, ad Genuæ totiusq; Liguriæ principatū aspi-
raret, vigentē adhuc apud populū non ingrata Iani patris memoria, qui Genu-
ensium princeps extitisset. Itaque Pontifex Lucam venit, præmisitq; Alexandrū
Farnesium Cardinalem, qui Cæsarem ad Viæ regiæ stationem triremibus ad-
pulsū, venientemque ab octauo lapide exciperet. Ad portam autem affuere
Cardinales ac antistites, atq; item ordo Lucensis, qui intrantem sub vmbella de-
ducerent. Curia prætoria, vbi decuriones sedent, Cæsari data, Pontifex ad anti-
stitis domos templo maximo coniunctas diuertit. Ter Cæsar ad mutua collo-
quia Pontificem adiit, ille Cæsarem semel. Introductusq; est Moninius Galliæ
regis legatus, ad id tum missus, ut quereretur Fregosium atq; Rinconem captos,
40 atq; eos sibi reddi postularet: neq; enim tum interfectos esse constabat. Cæsar
ad id, apud se ius induciarum inuiolatum esse inuiolabileq; mansurum respon-
dit, quicquid verò illis dissimulato habitu nequaquam nomen profitentibus,
dum in Pado nauigarent, præter spem accidisset, iniussu suo & se ignaro peni-
tus accidisse. proinde si admisi facinoris authores indicarent, eos omnino com-
prehensurum, et ad supplicij pœnam Gallis traditurum. Res uti in Pado acta
erat, per nautas indicata non obscuram habebat coniecturam: neque Paulus

induciarum, quarum ipse ad Niceam author extitisset, disceptator esse poterat. Quoniam de his an starent, vel eo scelere violatae essent, iudicium ferre intempestiui atque omnino ancipitis negotij res fore videretur. Facile demum fuit Pontifici optimis literis ac humanis rebus vehementer erudito, apud Caesarem in tanto praesertim recentique ad Budam accepti vulneris dolore, singulas plagas, quas nobis Barbarus hostis inflixerit enarrasse, ostendisseque pericula, quae affectae ruentique Reipublice de caelo imminerent: postquam infami contumacia ad exitialem insaniam, dum priuatas rationes intestinis armis tuemur, ruina publica oppressi perituri simus. Erant non iniquae pacis conditiones, & Carolo quidem Sabaudio longè gratissimae, quibus Franciscus pro Carolo filio Mediolanense imperium praecipuo Caesaris munere deposcebat, quum inde demum cunctas Galliae facultates, & copias sacro indicto bello collaturum profireretur. Contra Caesar iratus Gallo toties, victo ac tum indomitos spiritus gerenti, quid antiqui & recentis sui iuris, quid denique suae securitatis ac dignitatis foret grauissimè differebat, inuidere prorsus Fortunae suae Gallum caeco liuore corruptum, qui perturbare omnia, impedireque victorias solennibus votis pie conceptas, & denique Barbaris ad commune excidium irrupturis viam sternere mallet quam ipsum pati verè esse Caesarem, Augustoque in Italia imperio potiri: ad quod non ambitiosis armis, sed optimo iure et praecleara atque inopinata quidem haereditate perueniret. Neque se adeo Italicarum rerum imperium, aut igniarum Gallicae consuetudinis, ut si Mediolano liberaliter decedat, minimè timendum existimet, quin à Gallis noua semper ac immoderata cupientibus reliqua Italiae atque Siciliae imperia protinus inuadantur. Eam enim, inquit, pacem semper optauerim, quae ad honestum decus persequendis Barbaris occasionem aperiat, non quae ad insignis ignominiae nomen intempestiuè liberalem auitis regnis expoliet. Pontifex ubi nihil de pace impetrauit, suadere conatus est, ut quas in Africam copias esset traiecturus, postposita nauigatione Turcis opponeret, ad fratris Austriaeque praesidium, si ea recenti victoria Solymanus vteretur. Sed Caesar fatali innixus consilio in sententia permansit: nihilque magis eo colloquio decretum est, quam ut concilium, quod petebat Caesar, & Pontifex uti rectè peragi posset exoptabat potius quam sperabat, in annum sequentem indiceretur. Id verò decretum plerique diuinarum ac humanarum rerum usu periti, & libero voto publica tantum commoda respectantes intempestivae atque praeposterae voluntatis esse iudicabant: quando nihil absurdius videretur, quam vnum in locum atque consensum totius Christianae professionis antistites euocare, qui de sacris dogmatibus morumque censura constituent, priusquam inter reges positus odijs humanarum rerum controuersiae finiantur. Expetendam enim prius atque parandam pacem, maturae demum salutarem synodum foelici foetura parituram. Propterea non temere veteris seculi patres regesque illustri pietate ad coelestia bona potius quam terrena ingentibus animis anhelantes, pacem optimam optimae & iustissimae parentem appellauisse, quum tranquillae & securae pacis beneficio coeuntibus regibus plures sublatas haereses infinitaque Reipublicae vulnera concilijs ubique terrarum celebratis, obducta atque sanata meminissent. Quas enim vel odiorum nubes, vel bellorum rempestates, Claramontensis synodi serenitas non disiecit & depulit: quem demum dignitatis
amplitudi-

amplitudinis & gloriæ prouentum Christiano nomini non attulit? Sed cum
 in sacrosancto Pontifice summa vigeat authoritas, religiosa populorum om-
 nium veneratione conciliata, corroborataque maximorum regum obsequiis,
 ac ardentibus studiis: ita ut illi Gottifredum ad Hierosolymas sacra vadentem
 via subsecuti, verè Christiani Heroes, Federicus Anobarbus imperator, Ludo-
 uicus Gallia, Richardus Angliæ, & antè eos Boemundus Apuliæ reges, mil-
 leque alij reguli magnitudine animi maximis pares, auita regna facile con-
 temperint, de iure suo decesserint, lites & grauissimas vltro simultates Rei-
 publicæ condonarint, quæ sitæ scilicet pacis laudem odiorum libidini tactis
 10 religione animis præferentes, Quoniam haud dubius in cælum aditus
 mirifica pietate, & decora bellicæ virtutis monumenta æternis eorum nomi-
 nibus pararentur. Sed illi non ideo ad Niceam, de Turcis, de Persis ad
 Antiochiam, & de Saracenis ac de Ægyptijs ad Hierosolymas Christiana
 trophæa defixerunt, ut cum summo dedecore, pudoreque huius sæculi, succes-
 soribus suis dementiam, impietatem, atque secordiam exprobrarent: quando
 ab illis gloriöse parata, & iam pridem fœdè amissa recuperari posse diffidimus,
 nec iam in tanta nostra desidia, tantoque Barbarorum audaciæ successu, a-
 uersis à pietate atque concordia omnium animis, patrimonia, aras, & pœnates
 fati alacriter tueamur. Cæterùm Pontifex, Deum maximum diuosque
 20 omnes de more, ut nauiganti Cæsari foeliciter aspirarent, suppliciter præcatus,
 quum Octauium Farnesium ad ponendum militiæ rudimentum in socerū
 Cæsaris contubernio, studiū sui atque beneuolentiæ obsidem collocasset, per
 Pistorienses montes Bononiam contendit, atque inde per Æmiliam atque
 Flaminiam modicis itineribus in Urbem est reuersus. Interea Cæsar Italicis co-
 hortibus, quas Camillus Columna, & Augustinus Spinula subitario delectu
 conscripserant, atque item sex millibus Germanorum, quorum duces erant
 Georgius Ratisponensis, et Baro Seisnecus natalium claritate nobilior, in
 oneratis naues distributis, è Lunensi portu soluit, cum triginta quinque ro-
 stratis nauibus, edixitque magnorum nauium magistris, ut ad Baleares insu-
 30 las cursum intenderent. Sed in altum prouectas quum oborta tempestas in
 conspectum Corsicæ detulisset, atque ita disiecisset, ut per biduum aberrarent,
 Cæsar mitioribus demum ventis in Syracusanum portum, quem hodie ab op-
 pido præcisæ rupi imposito Bonifacium vocant, classem intulit. Id oppi-
 dum in extrema parte insulæ Sardonio freto imminet, despectatque Sardiniam
 modico traiectu in austrum exporrectam. Collectis demum nauibus & paca-
 to mari ad Hypsitanas aquas flumine Thyrsu portuque & Algarensi noua
 vrbe nobiles prouectus est. Eo quo appulit die, bicipitem vitulum agrestis
 mulier Cæsari dono obtulit, auersantibus cunctis id monstri omen, postquam
 in primo cursu venti instabiles ostentatæ serenitatis fidem improbè fefel-
 40 lissent. Inde quoque quum Baleares peterent, alteram ab Africo subiit pro-
 cellam, prima quidem labore atque periculo sæuiorem, quum fractis quo-
 rundam antennis velisque discerptis per aduersus fluctus longa vehementique
 remigum defatigatione in minoris insulæ portum, Barchini Magonis no-
 mine celebrem, contendissent. Ab hac demum Cæsar in maiorem Balearem
 tota classe traiecit, singulari affectus lætitia, quod Ferdinandus Gonzaga,
 Siciliæ præfectus, per opportunè cum Siculis triremibus onerariisque Italicis
 centum quinquaginta nauibus appulerat: is nautici præsertim panis &

reliqui commeatus ingentem copiam, vel longo bello suffecturam attulerat. Expectabatur autem ab Hispania cum sua classe Mendocius, sed ille Cōri flatibus coactus, quum imperatæ nauigationis cursum tenere nequiuisset, vltimi consilij propositum ad tempestatis occasionem flectens scēlici compendio Algerium rectā contenderat. Ita Cæsar diligentia Mendocij nihil diffusus, ratusquē id omnino euenisse quod acciderat, hortante Auria secundo vento vela dedit, biduique nauigatione Algerium peruenit. Quum appropinquaret clas̄is, admirabilique ordine expansa atque directā in conspectu hostium constitisset, duæ prædonum biremes, quæ ab oriente Algerium petebant, à promontorio oram legentes imprudenter in sinum delatæ sunt. Earum maiorem Viscontes Cicada trierarchus rostratæ suæ nauis ictu demersit, altera veloci remigio incitata intra portus molem incolumis euasit. Mendocianæ interim triremes promontorium Apollinis, quod hodi Casineum vocatur, superantes, magna lætitiæ significatione displosis omnibus tormentis Cæsarem salutarunt, et subsequenter Hispanicam classem non procul abesse nunciarunt. In ea erant Cantabricæ Belgicæque naues magnæ supra centum, sed multo plures lenunculi, quos Hispani Scarzapinos vocant. Sustulerant autem præter peditum cohortes, magnum equitum numerum ex totius Hispaniæ iuuentute: nam plerique nobiles, neque conscripti, neque nominatim euocati, sed priuato sumptu armis & equis liberaliter instructi, ut Reipublicę operam præstarent, naues summa alacritate conscenderant. His præerat Ferdinandus Toletanus Albæ regulus, non modo sua virtute superioribus bellis inclytus, sed priuato & quidem pernobili voto perillustis. ingenti namque pietate magnitudineque animi excitus, Garcie patris mortem vltum ire properabat: hunc enim in Mœnice insula ad Gerapolim, contra Pœnos occubuisse docuimus. ceterum hæc omnia nauigia velis agebantur, neque ex malacia promontorium superebant. Iam enim venti summa serenitate inuecta perflare desierant, sed à recenti tempestate mare commotum & vehementer adhuc fluctuosum ita planis litoribus allidebat, ut nullo pacto exponi milites in siccum possent, nisi vmbilicotenius marinis vndis abluerentur, quo incommodo milites affici nolebat Cæsar, ne per se tædio maris atque nausea confectos repentinis ac audacibus Barbaris etiam madidos atque rigentes obijceret, & Hispanos quoque duabus de causis expectandos iudicabat, ut vniuersis admotis copijs cum maiore vi tum maiore etiam spe victoriæ oppidum inuaderet, & communicare integram reigerendæ laudem Hispanis vellet, quorum precibus studioque & insigni liberalitate adductus bellum suscepisset: sed ea vel bidui tantum fatali mora, quanquam recta atque honesta ratione duceretur, non exploratam modo victoriam interpellauit, verum ingenti nostrorum incommodo sæuituræ Fortunæ occasionem aperuit. Interea Cæsar idoneum hominem ad Asanagani cum mandatis misit. Is significatione facta pariterque à Mauris reddita (excusso enim linteolo fiebat, ut colloquendi causa in portum tuto descendi posset) humaniter admissus postulauit, ut oppidum vi & fraude ab Horuccio occupatum, & demum ab Hariadeno Barbarussis fratribus ad perniciem humani generis communitum, ex templo dederet Carolo Cæsari terrarum domino, qui immanium prædonum vltor aduenisset. Id si faceret, & Turcis abeunde quod vellent, & Mauris incolis incolumi omnium Fortuna, suis lagibus viuendi potestatem

testatem fore: ipsum porro ingentia bello paceque præmia laturum, mudo se in Sardinia natum, & sacro ablutum baptismate meminisset. Pulcherrimam enim offerri occasionem, quæ ad veri numinis cultum redire, maximique obiter imperatoris fidem & liberalitatem complecti posset: ut de crudeli tyranno exactæ virilitatis iniuriam vindicaret. Quod si cunctandum, & vim tanti apparatus expectandam arbitraretur, inclusos proculdubio eundem pertinaciæ exitum luros, quem funesto exemplo ad Tunetum pertulissent. Ad ea Asanagas respondit, insanum omnino sibi eum videri, qui oblata ab hoste consilia sequeretur: interrogavitq; renidenti ore, quanam fiducia adductus Cæsar, 10 oppidum expugnare posse confideret, quum ille extemplo hoc, digito ostendens classem, quem videtis, tormentorum apparatu, veteranorumque peditum ac equitum virtute respondisset: & nos quoque in risum effusus subiecit Asanagas, pari præsidio atque artificio mœnia defendemus, ut locum binis iam vestris cladibus nobilem, nova Cæsaris calamitate clarissimum reddamus. Erat enim vulgatum Algerij anum grandævam magicis artibus & mirabili vaticinio maxime celebrem, quæ antea Didaci Verræ & Vgonis Moncatæ naufragia & clades prædixisset, Algerianis publice dixisse, ita ut oraculo tempus præscriberet, quo Christianus imperator oppugnare oppidum ausus, ab infelici conatu, magnam terra & mari calamitatem esset aditurus. Eius 20 autem vaticinij famam in spem secundi eventus confirmandæ multitudini opportunam, ita alebat ac excitabat Asanagas, quanquam magicas vanitates astuto militarique ingenio non admitteret, ut non iam erigere suorum animos: sed nostrorum quoq; mentes, quum se importuoso in litore in hyemem coniectos perspicerent, terrere videretur. Erant in præsidio Turcæ tantum obstringenti, sed magna ex parte equites, summæ spei summiq; roboris manus, ad paucos enim Asanagas erat redactus. nam multi viri fortes Mendociana, ut diximus, navali pugna perierant: multi cum Draguthe archipyrata, ab Auriatis in Corsica capti fuerant: deleverant & aliquot eorum navigia varijs in locis Rhodiæ, Neapolitanæ, Siculæque triremes: sed multo plures etiam desi- 30 derabantur, qui tum fortè ipsius permisso aberant, & apud Sciriphum interioris Mauritaniæ regem religionis authoritate ac armorum gloria florentem, adversus Lusitanos ad Athlanticum Oceanum militabant. Reliqua multitudo vix quinque millium numerum implere ferebatur. Constabat autem partim ex Mauris indigenis, partim e Granata Bæthicæ oriundis: accedebant & multi e Balearibus insulis, qui superioribus temporibus coepta rebellionem ob idque poenam timentes ad Mahometanos ritus confugissent. Sed Numidarum duces magnum equitum & peditum numerum effecerant, qui extra urbem vagi patentibus in locis noctu ac interdiu lacescentes nostrorum agmina perturbarent. Hos diligenter Asanagas proposita mercede missis 40 que muneribus ad optimæ spem prædæ suo pte ingenio nobis insensos e proximis regionibus evocarat. Neque cuiquam vel parvos liberos vel uxores ex oppido in tutiora loca & remotas arces educere, aut ulla omnino signa timoris dare liberum fuit, indicta scilicet supplicij poena, si quis animo consternatus, parum alacrem in periculo ostendisset vultum, aut minus virilis consilij vocem edidisset. Cæsar per Auriam exploratis litoribus ab occidentali parte, quæ frequentibus scopulis erat incommoda, & superioris naufragij recordatione infauusta videbatur, ad tutiorem ab Oriente stationem classem appli-

cuit: eo ad descensum ordine constituto, ut sexaginta rostratae onerarias subeundo demittentes se milites exciperent, exceptosque statim scaphis, actuarijsque naviculis imponerent, à quibus in litus continuo deferrentur. Tanta autem fuit in obeundo munere omnium diligentia expeditaque celeritas, ut quum insilientium multitudini plures scaphae, inter se alacriter officijs certantes, abunde suppeterent, peditatus omnis, nihil praeter arma ferre iussus, momento temporis in litus descenderit. Caesar quiete & cibo recreatis militibus tres acies numero militum pares instituit: erant enim praeter equites, & evocatos, ac officio & voluntate auctoritatem atque fortunam Caesaris secutos, circiter viginti millia descriptorum peditum: singulis autem aciebus ter-
na currulia tormenta ad deterrendos procurfantes Numidas attribuit: progressusque inde aliquot stadia non procul ab oppido consedit loco tuto atque opportuno: nam castra ea ratione locata erant, ut binis utrinque fossis naturam munirentur, quas delapsi iugis torrentes, sicuti repentinae aquae fert impetus, adeo profunde excavarant, ut subter exesis defractisque marginibus, neque equiti, neque pediti commodus nisi per pontem transitus daretur: ad levam porro ita assurgebat collis, ut e ductis in verticem tormentis interiora oppidi aedificia dirui atque infestari posse viderentur. Algerium olim Iubae regia, uti alio loco diximus, à Romanis Caesarea Iulia vocata, in tergo asperos & excelsos habet montes: directa autem muri fronte ad septentrio-
nem mari alluitur. Insula vero parva, arce nuper insignis, eam Hispani Pitinonem vocant, obiecta oppido portum efficit, sed neque tutum à Borea, neque multarum navium capacem, quanquam Barbarussa, uti alibi meminimus, erepta Hispanis arce atque ea diruta ad insulam egregio conatu molem adiecerit, ut continenti iungeretur, quum translatis in id opus è classe Christianis remigibus ingentes lapides è Tipasae ruinis asportasset. Ceterum oppidi moenia sensim e ducta in colles ad meridiem: ita molli flexu cuneantur, ut erecti trianguli faciem procul ostendant. in summo enim fastigio propugnaculum inductae calcis albo conspicuum ad parvae arcis & speculae similitudinem exurgit: privata autem introrsus aedificia, quum à planiore iuxta-
tus regione sensim recedant, in montem veluti extenduntur, decenti vel ob id serie, quod supra tecta singularum aedium alienis extantibus fenestris subiecta maria despectantur. Curvatur autem litus lunato flexu ab oppido ad promontorium Matafufium, in quo antiquae urbis Tipasae, quondam à Romanis Caesaribus Latij iure donatae, extantes adhuc reliquiae visuntur. Toto autem eo tractu oblonga, sed angusta planicies extenditur, nam ubi à litore aliquot stadijs recesseris, sensim enascentes tumuli desinentem planiciem excipiunt. inde enim tota regio innumeris collibus intumescit, absceditque sensim augente natura in altissimos montes, qui longa serie oppidum à tergo praecingunt. Vltiora ad Numidas pertinent, qui more suo divagantes
translatis armentis atque mapalibus non infertiles agros, concessis ad annuam quietem glebae inducijs foeliciter arant, & multo pecore, quo uno summae eorum opes censentur, herbidi soli campos depascunt. Caesar tribus per nationes distinctis castris, ab oriente oppidum complexus, in maximam spem veniebat expugnandi oppidi, quod sibi ad eam partem tormenta producere, atque acriter oppugnare statuenti classem magno usui futuram iudicabat, quum è triremibus, summisque malis atque carchesijs magnarum navium
propu-

propugnantium hostium latera ex obliquo tormentis peti posse prospiceret: murus enim per acclivia perpetuo collis dorso erectus, uno extructo aggere, sicuti planis in locis opportunè fieri videmus, neque protegi, neque defendi poterat. Hispani sub præaltis montibus editiora loca tenuerunt, circa medios colles Germani iuxta prætorium confedere: Itali autem planioribus locis ad mare, ac ideo portæ oppidi magis propinquis. Interim dum tormentorum apparatus administrante Petro Cova, qui ei negotio cum imperio præerat, navibus educitur, & equi per trochleas moliendo suspensi, demissique funibus exponuntur. Numidæ in summis montibus supra Hispanos magno clamore edito se ostenderant, omni telorum genere desuper subiectos facile ferientes: notis enim montium tramitibus se demittebant undique veloces & repentini, sed more gentis procul laceßendo potius quam cominus urgendo pugnam ciebant, quibus præliolis toto integro die ad noctem usque certatum est, nullo quidem periculo, sed longa Hispanorum defatigatione, nam inductis etiam tenebris Barbari, alij alijs succedentes, neque a loco, quem infederant, neque ab instituta iaculandi consuetudine discesserunt. Vbi enim excitati ignes viscebantur, in eas continuo partes magna vis telorum, lapidumque præsertim modo grandinis effundebatur: cui incommodo nostri extinctis repente ignibus occurrebant, silentio expectantes lucem, ut tandem collato pede certaretur. Ita sub exortum Solis cohortante Alvaro Sandedo castrorum magistro Hispani vel per ardua atque impedita fortiter enitentes deiectis, pulsisque Numidis montium vertices occuparunt, nactique pastores casae, ad quas in speciem munitionis se reciperent, conglobati constiterant. Eo die tanta confluit Numidarum multitudo, ut nostri penè circumventi, quum duas acies fecissent, in orbem pugnare cogerentur. Sed Siciliensium cohortium virtute Numidarum audacia premebatur: hastati enim fulgentibus galeis atque thoracibus muniti, iacula facile contemnebant, & sclopetarii a lateribus insultantes, plumbeis emissis glandibus avertebant. Numidæ pedites è iuventute deliguntur, seminudi, promissa cæsariæ, nihil præter iacula gestantes, equitibus se permiscunt, atque ita mutuo confisi præsidio rem gerunt, tantaque pedum velocitate congressus nostrorum devitant, ut a statarijs non facile vulnerarentur. Equitum vero prælongas & præfixo utriusque ferro ancipites lanceas, ad aversos etiam ictus arte mirabili quassantium ea erat agilitas, ut nemo nostrorum acie excederet, quin statim interceptus lethali cuspide figeretur, scutis ad effigiem cordis è corio oblongis & levibus sese atque equum in occursum receptumque usque adeo habiles protegunt, ut exiguo summi periculi præmio ad condictum proposito, septena iacula intorquenti se offerant, singulaque vel hastæ celeris commotione detorqueant, vel scuto in obliquum exporrecto certissime declinent. Interea dum Numidæ in noctem usque ex omnibus locis decurrendo ante castra volitarent, & cuncta apud nostros, quæ bellica ratione institui explorarique poterant, egregie provisæ viderentur, fortuna Christiano nomini multo quam unquam antea gravior ac infestior spes Cæsaris interruptit. Ipso siquidem tormenta, equos, commeatus, ac impedimenta exercitus expectante, imber à prima statim vigilia maxime gelidus ac procellosus adeo intempestive & graviter est effusus, ut quum tota nocte nihil remitteret, totus exercitus ingenti accepto incommodo perfunderetur, turbulentissimaque obiter tempestas mari repen-

tè orta, classẽ iactatam immensis fluctibus compulsamque vehementer vectorum turbine, miserabilis naufragij periculo in litus adigeret. Excubabant extra castrorum fossam, quam lapideo ponte iunctam diximus, tres Italicae cohortes, quas Camillus Columna medijs fermè spatijs ab oppido & ponte inter acclives tumulos ficus arbusculis consitos ita collocarat, ut sensim per ardua collium extensis manipulis ad Germanos usque pertinerent. Eæ quum densissimæ pluviae, sævique frigoris iniuriam tolerantes integram noctem in statione perstitissent, tot malis usque adeo confectæ sunt, ut nec afflictis corporibus animos, nec corpora languentibus animis sustinerent. neque enim vel stare, vel humi procumbere facultas dabatur: quum eius soli plana pariter atque ardua præalto & lubrico cœno, quod ad suras usque impressa vestigia devoraret aut eluderet, impedita tenerentur. In hæc cohortes inalbescente cœlo Turcæ equites, Maurique pedites intermixti, qui summa vigilantia nostras stationes observabant, intellecta occasione celeriter eruperunt, tantaque vi undique magno clamore edito sagittis, iaculis, & multo maxime lapidibus adorti sunt, ut quum iam à pluvia extinctis funiculorum ignibus lagunculisque sulphurei pulveris madefactis sclopettorum usus penitus esset ereptus, pauci hastati ingruentium impetum sustinerent, & reliqui omnes in fugam vertentur. Sed consistere ausos ab longa utique vigilia ac inedia semivivos, algoreque tremantes Turcæ celeriter obruncarunt, interfectoque signifero Cellesiae cohortis, vexilloque discerpto, fugientium tergis institerunt, tanta audacia persequendo cædendoque, ut quum trepidos in castra compellerent, nonnulli hostium fossam superarint, ad tabernaculaque pervenerint. ex his præferocem Maurum cominus congressum Lucius Romanus quanquam sauciatus fortiter interfecit. Exaudito fugientium tumultu Camillus à Caesare missus protinus eò devolarat, conglobatasque aliquot cohortes ultra pontem in hostes eduxerat, Barbarique iam confirmatis nostrorum animis repulsi atque impetum remittentes, veri aut certe simulati timoris & tumultuarii receptus signa dabant: quum Ferdinandus Gonzaga, cuius prima secundum Caesarem in exercitu erat autoritas, iratus cohortibus loco pulsus supervenit, cohortatusque viros fortes, ut fugæ dedecus nobili conatu diluerent, in hostes impetum facere atque acriter persequendo intra portas compellere iussit: id verò Columna nisi magno cum periculo fieri posse testabatur: sed Gonzaga generosi ardoris plenus vel iniqua sorte, gravique periculo ignominiam Italicae omnino demendam existimabat, irrumpendi in oppidum occasionem dari posseratus, si coniunctis in fugam Barbaris intermixti tutique ob id à tormentis ad portam incitato cursu convolarent. Nec mora cohortes duce Augustino Spinula magna alacritate, magnoque impetu hostes invadunt, in fugam concitant, cædendoque terga intra portam compellunt, tanta vi celeritateque ut nostri obductas repente valvas in porta contingerent, & multi hostium exclusi, notis itineribus ad aversam portam, & in montes elaberentur. Tum verò Barbari ex ipsa muri corona in temerè progressos omnis generis tela & tum maxime lapides iacere, sauciare, sternere, terrereque clamoribus, & illi qui extrinsecus refugerant ad pugnam reverti: porro qui portam clauserant, rursus erumpere, & hærentes nostros aut se recipientes adoriri. Neque Italici, quum calentibus animis advenissent, vigoris constantia deerat, si tutam ad receptum viam Fortuna reliquisset: missilibus enim obruti

strati-

stratūque tormentis, uti in ipso conatu spe deceptis facile accidit, consilij inopes, ora atque animos in fugam verterunt, non confertis quidem: sed per diversos calles dissipatis agminibus. Erant enim tyrones collectitij generis subituario delectu festinante Cæsare in unum coacti, ita ut milites inter se ignoti essent, nec in una legione à quoquam alienæ cohortis centuriones atque signiferi noscerentur. Ita peropportune erumpens Asanagas, qui ex oris habitu cultuque regio facile nosci poterat, immisis Turcarum turmis & Mauris peditibus nostros in fugam præcipientes egit, uni ferè omnium Rhodij equites, qui sub navali vexillo pedibus pugnabant, egregie repugnando per sinuosas convalles constantissime se receperunt, amisso signifero atque aliquot fortissimis viris, qui punicea in veste candida cruce prætexta galeati toracati que in postremo agmine constiterant, sed persequentium Barbarorum vim ac insolentiam paucorum veteranorum mirifica virtus retardavit. In his fuere cum ipso Spinula Franciscus Balneus nobilissime stirpis è rogata Gallia cohortium præfectus, Titus item Amerinus, & M. Antonius Porretanus, qui ad ligneum pontem (is non longè à porta distabat) intrepidè consistentes excepta thoracibus iacula in hostes remittendo, hastisque maioribus provectos & inermes fodiendo aliquot acceptis illatisque vulneribus spatium fugæ, & ob id multis salutem pepererunt, sed ea erat inæqualis & lutulenti loci diversitas inter cavas vias & tumulos ad mare declivēs, ut Barbari regionis usu periti, undique valide ac intemperanter urgerent, intermixtique nostris, & à suis interclusi, ubique tumultuosissimo & nostris iniquissimo pugnae genere versarentur. Erant Barbari cum numero peditum & telorum genere, tum locorum notitia opportunitateque pluviae & tanto casu obortæ tempestatis, ac ipsa denique Fortuna nostris superiores, quum sclopettarijs, in quibus ad non dubiam hostium perniciem certa spes victoriæ posita videbatur, ab imbre displodendi facultas esset erepta, & pedites Mauri balistis arcuferreis, more iam apud nostros exoleto, veruta vel loricatis lethalia, & arcubus frequentes sagittas intorquerent, pavoreque & cursu pariter exanimati nostri pedites ab insultante Turcarum equitatu sternerentur. Eo modo nostri qui ab initio audacius procurrerant, quum novissimi agminis in receptu facti essent, cædente terga hoste, quinque stadiorum iter ignobili cadentes morte cadaveribus compleverunt, atque hi ante alios qui ad mare ex fuga deflexerant, ibi enim à Numidis, qui conspecto classis naufragio ad prædam devolarant, circumventi trucidati que sunt. Sed prima nostrorum agmina tanta trepidatione ad lapideum pontem, & ad castra fugam intenderant, ut nemo ducum in tanta & repentina rerum iniquitate publicæ salutis & militaris consilij rationem perturbato animo retineret, & Dñs iratis cuncta ad summam cladem terra marique uno tempore deleta crederentur. Verum ipse unus omnium Cæsar adversus omnem urgentis Fortunæ contumeliam invictus & intrepidus, sibi atque alijs eo die summus imperator fuit: quum perditis prope rebus opem ferens, opportunissimo tempore cum Germanorum legione decurrisset, præmissis è legione tribus vexillis, quibus fuga sisteretur, & castra certo recentique præsidio ultra pontem firmarentur: sed tantus fugientium animos pavor occuparat, tantusque erat incumbentium Turcarum impetus, ut Germani non temerè aliàs terga hosti dare soliti, tanquam linteata capita formidantes, neque aspectum oculis, neque arma hostium firmis pectoribus susti-

nerent, sed continuo cœdē conversi eodem fugientium agmine raperentur. Tum vero Cæsar provectus equo districtum tenens gladium & fugam increpitans, phalangem promovit, oreque maximè celso ac impavido, Germanica utens lingua: Quando, inquit, commilitones insultanti hosti frontem ostendetis, si quum in vestigio pro dignitate Christiani nominis, Germanicæque gentis gloria, & pro salute omnium sit dimicandum, præsentē Cæsare, paucosne & inconditos inermesque Barbaros timetis? Nec mora quum hæc diceret, ad non dubiū pudoris motum exorto alacri fremitu, indignabunda legio, quod ad præstandam operam cohortatione indigere videretur, sese contra hostes effudit. Eius adventu permoti Barbari, & quod iam nobilium ducum virtute Italica acies planè restituta spectabatur, subsistere pedemque referre cœperunt: seu veriti tormenta curulia impressionemque nostrorum, seu se satis eruptione profecisse iudicantes, quum ad summā consecuti belli victoriam, horribili tempestate quassatam classem perire conspicerent, & multi, Maurique præsertim, ad spem certioris prædæ, ubi nullum omnino periculum ab hoste foret, ad subiecta litora properarent. Inusitata enim & planè fatali diversorum ventorum coniuratione, ad ciendam atrocissimam tempestatem, usque adeo mare commotum intumuerat, & totis litoribus immani fluctuum repercussu frangebatur, ut iactatæ naves nutantibus malis atque inter se proris adversis ac puppibus fervente æstu concurrentes, anchorarios funes & quosque validos rudentes abrumperent, collisæque demum atque diffractæ spectante exercitu mergerentur. Eundem quoque tempestatis casum tulere Hispanicæ naves, & ad unum Scarzapini omnes, quæ Calsineum superare nequiverant. Ita ut totum id litus ab occasu ad Cercellum usque oppidum, quod paucis ante annis Andreæ Aurix infelici conatu nostris cognitum à Turcisque possessum suo loco diximus, eiectarum navium fragmentis ac hominum & equorum cadaveribus sterneretur. Numidæ enim alij atque alij pariter emontibus inspecta nostræ classis calamitate celeriter se demiserant, neque inermibus eiectitijs neque fœminis parcentes, secus ac Cercellani Turcæ, qui enatantes vel avarè, vel humaniter ad servitutem conservare, quam interficere malebant. Periére paucissimis horis circiter centum & quadraginta navigia, quæ sine remigio quadratis velis agerentur. Rostratæ porro quum à media fermè nocte in multam diem pertinaci remigum contentione & magistrorum diligentia in anchoris perstitissent, neque diutius tempestatis iniurias ferre possent, obruique timerent, iacturam triremis facere ac sese in litus remis & velis vehementer incitare minimè dubitabant. Sed enatantes à Numidico equitatu totis discurrente litoribus, semivivi & frustra se dederunt in ipso salutis limine cædebantur. In his Lazarus Amareus & Genua nobilis trierarchus est interfectus, videreque erat omnis generis liberos oblata servitute servis remigibus Barbaris salutem cum fletu commendantes, ut illorum qui modo conversa Fortunæ conditione catenas ad transstrare liquerant, & ad libertatem exultanter enatabant, significatione & vocibus à Numidarum sævitia tegerentur. Eratque spectaculum diversis casibus valde atrox & ubique maximè funestum, quum quisque pro animi habitu, natandique peritia in ipso certæ cladis ancipiti metu, dum genus mortis præoptat aut refugit, vel merfus undis, vel hostili lancea transfixus, ad suum omnino vitam finem destinante fato raperetur. Nemo tamen erat, qui non maximè cædem & vulne-

vulnera perhorreret, navisque discrimen, & tempestatis eventum expectare, quam prævenire vitæ exitum mallet. Eo modo facile accidebat, ut ea immanis hostium sævitia, uti vehementer reformidata nautis atque vectoribus, multas triremes, quæ ad naufragium decreto atque incitatione paventium litus appetebant, aliquandiu conservaret. Sed postquam rostrata insignis, qua Ianetinus Auria vehebatur, uti maxime propinqua litori cohærentiumque triminium pulsata ictibus propelli ac arenis impingi conspecta est, non sustinuit Cæsar, ut spectatæ virtutis iuvenis, & præfectura multarum triminum clarus, nullo ferente opem in oculis ipsius avunculi Aurigæ Barbaris trucidatus interiret, statimque Antonium Aragonium cum tribus Italicorum cohortibus ad litus misit, quarum adventu coniectis in fugam Numidis ille quidem ita servatus est, ut eius salutem aliquot triminium iactura sequeretur: multi enim Numidarum timore liberati, consilique præsidio, ut se quoque maris periculo & tot tempestatis incommodis expedirent, proras in litus intulerunt, ac nisi aliquot intrepidi navarchi damni dolore ad acerbiteriam & contumaciam ingenia vertentes, districtis gladijs per foros discurrendo & mortem comminando, nisi remos inhiherent & se continerent, vectores & remiges deruissent, maxima pars rostratarum exemplo superiorum omnino deperisset. Ipse Auria non tam sibi quam Cæsari iratus, qui disciplinæ navalis rationem & certos inclinantes autumnii dies, navigantium observatione prædamnatos neglexisse videretur, incredibili animo contra tempestatem indomitus permansit, suadentiumque preces, ut se conservaret, adeo fortiter reiecit, ut eos acerrimis verbis tanquam publicæ salutis proditores ad imam carinam descendere iuberet. Pari quoque perseverantia Virginij Vrsini Anguillarij quatuor triremes, totidemque Rhodiæ earum æmulatione, vincente metum pudore, & Siculæ aliquod ac Neapolitanæ atque Hispanicæ cuncta tempestatis incommoda foeliciter pertulerunt. Eo casu quindecim omnino triremes desideratæ sunt, quarum detrimento supra tot navium onerariarum naufragia, etiam tum sæviente ventorum rabie, tantus cum luctu dolor, tantaque rerum desperatio, in valde lugubri supremæ cladis expectatione, totum exercitum occupavit, ut nedum tyrones & milites de sua tantum vita solliciti, sed longe fortissimi duces de publica salute cogitantes animos desponderent. Nunquam enim ab ulla annalium memoria ullas bello copias graviore calamitatum concursu, vel seipsa sævior Fortuna perculerat: quum cibarijs omnibus eo triduo consumptis, nullus quo tantisper in ediam ferrent, commeatus adesset, tabernaculaque deessent, quibus in tanta perpetui imbris iniuria, & lutulentæ regionis sceditate ad quietem laborare, inedia, frigore, vulneribus, confecti milites regerentur, in tantisque demum incommodis ingens cura & præterito metu quidem acerbior, omnium mentes magnopere conturbabat, reputatione immanis naufragij, quum tot amissis navibus exoptatus in patriam reditus, in terram Africam proiectis & miseris, fato Cæsaris interceptus esse crederetur. Afflictorum tamen spes, quas apud mortales nulla sortis iniquitas penitus abrumpit, constantia Cæsaris egregie sustentabat. Ipse enim mirabili alacritate cuncta munia providentiæ militaris ac humanitatis officia cunctis invictus malis, & conspectu maxime serenus adimplevit: nam postquam castra constitutis præsidijs atque vigilijs contra obstrepentes Barbaros firmata sunt, defati-

gatis ducibus, imprimisque Albanio in ipso pugnae tumultu magnopere fesso, foedeque madenti, ut sibi parcerent, quietique se darent, imperabat: solabatur faucios, ac in ea tabernacula quae forte substiterant (nam cuncta penè vis ventorum everterat) referri foverique curabat, ut quum sibi ipsi loricato madefactoque non parceret, pleniore cum laude voluntates militum promereri videretur. Desideravit eo die hostili occisos manu milites circiter trecentos. In his cedere praefecti, aut noti centuriones, Ioannes Calaber, Pancratius à Neapoli, Cancinius Ligur, Mirabilis Insuber, & Iacobus Strasoldius è foro Iulio, numeroque Rhodiorum equestris ordinis Didacus Hispanus, Georgius Arvernus, & Guido Roscius Neapolitanus. Vulnerati autem multo plures ducentis, & in his Sulmonensis princeps Philippus, Caroli Lanoii filius, sub illo sagitta ictus: sed maximum in demersis nautis detrimentum acceptum esse censebatur, quorum iacturam innumerabilia tormenta aenea mari hausta plurimum augebant, & ob id cumulatione damno, quod in potestatem Barbarorum, quum pacatum mare urinantes admitteret, ad publicam perniciem perventura providerent. Nec multo post Andreas Auria, uti erat in praesentiendis tempestatibus unicus naturae maris, & coeli, nubiumque spectator, diffusus loco, ad Matafusium promontorium cum classe proripuit, quod tutiorem ibi stationem & sine crepidine litora ad consensiones militum commodiora didicerat: commonefacto Caesare, ut illuc terrestri itinere contenderet. Ita Caesar comprobato consilio, ad sublevandam inedia equos & primo quidem iugales ab initio trahendis tormentis ante omnes classe eductos, ac demum militares interfici iussit, cohortibusque divisit. nam ad excitandos ignes ex naufragijs ligna affatim suppetebant, Fortuna veluti uno eo beneficio torum iurias compensante. Postridie Caesar ab Algerio discedens, quum triplici agmine & aëris atque faucibus in medium receptis, septem millia passuum confecisset, persequente & circumfuso undique Barbarorum equitatu, ad torrentem, quem Punica lingua Alcaraz vocant, pervenit. Is imbribus valde inflatus, retroque ad ostium ventis pariter, ac irati maris fluctibus compulsus tantum excreverat, ut qui paulo ante humilem vel infirmo pediti vadum praebebat propter aquae rapiditatem ac altitudinem, nec à valido quidem equite transiretur. Castra itaque eo loco atque ordine necessario posita sunt, ut quum trianguli formam referrent, eius duo latera utrinque mari & flumine: reliquum verò perpetua armatorum statione munirentur, neque enim à mari tanquam à certo ad levam munimento quaerendis humilioribus vadis erat descendendum. Quamobrem multis tranare ausis, cursuque amnis celeriter abreptis, Caesar ex reliquijs navium malos ac antennas passim nactus, subitarij operis pontem perfecit, atque eo non omnino in commodè Italos atque Germanos traduxit: Hispani enim in superioribus locis vix suras adaequantia profluentis vada repererant. Neque postea Turcae, qui insequerentur, conspecti sunt. re- vocarat enim eos Asanagas persequendi & lacessendi negotium Mauris & Numidis relinquens, qui quum iam à sclopettarijs currulibusque tormentis, quae unicuique agmini gentique ad praesidium attributa fuisse diximus, egregie peterentur, in aëros maxime debilitatosque vulneribus à nostris destitutos, atrocissime se viebant. Nulli enim erant, qui inter angustas spes salutis, proprio metu occupati, alienae calamitatis misericordia moverentur. Sequenti porro die, superato alio minore flumine, ita ut milites summa aqua pectoribus extarent,

tarent, tribus tandem castris ad classem est perventum, quæquam Matalusij
 promontorii modico flexu tegeretur exercitus omnis in Tipasæ antiquæ ur-
 bis ruinis iuxta mare confedit, loco ita opportuno, ut cadentium murorum
 reliquæ ad admirationem Romanorum operum adhuc extantes, adversus
 Barbarorum audaciam non inutile munimentum præberent. Iam mare re-
 missioribus fluctibus agebatur, ventique perflare desierant, ac ea erat conse-
 cuta tranquillitas, ut exercitus in naves imponi ac in Europam reportari com-
 modè posse videretur. Itaque Cæsar lætis omnibus edixit esse navigandum.
 eo præscripto ordine, ut primò Itali: deindeque Germani, ac Hispani demum
 10 peculiariæ ipsisque notas naves conscenderent. sed tot navibus naufragio ab-
 sumptis, quum onerariæ naves tantam militum multitudinem vel angustè
 collocatam capere minimè posse censerentur, pronunciatum est gubernatori-
 bus, dominisque navium, ut equos ad unum omnes in mare projicerent, quod
 pietate Cæsaris indignum foret, vel generosos & incomparabiles equos gre-
 gariorum militum, aut deniq; lixarum saluti prætulisse. Ea res procerum do-
 minorumque præsertim animos vehementissimè perstrinxit: non privari e-
 nim modo se ad belli usum inestimabili carissimarum rerum instrumento, sed
 20 militarium equorum florem, nequaquam supremâ necessitate ultro intercidî,
 & in reliquum tempus extinctis admissarijs, irreparabilem orbata Hispania,
 præcellentium equorum sobolem interire prædicabant. Spectabantur itaque
 cum dolore ac inani misericordia generosi & militares equi toto pelago elatis
 cervicibus ad proximas quasque naves irrita spe salutis tanquam ad litora con-
 tendentes, quum demû longa defatigatione superati, consumpto spiritu mer-
 gerentur. Sed vix dum dimidia pars militum conscenderat, quod scapharum
 inopia vel cupidè properantibus tarditatem attulisset, quum Vulturnus & Eu-
 rus, aliq; mox venti, in orbem conspirantes, secundam penè primâ vehemen-
 tiorem tempestatem excitarunt. Quo casu nihil expectatis imperijs una quæ-
 que navis sublato plena militè, ne in scopulos adigeretur, eò direxit cursum,
 quò vis ipsa ventorum plenè velis per alta maria rapiebat. Abierè quidem
 30 celeriter, è conspectu disiectæ penitus in contrarias regiones, naufragij famam
 ac penè omnium interitum commemoratione periculi in omnes insulas ac Ita-
 liæ portus deferentes. Sed nec quæ à multis narrantibus audiui, superata peri-
 cula & miserabiles casus, susceptaque pro salute vota in templis deorû immor-
 talium suspensis imaginibus religiosè persoluta narraverim: quum astrictæ
 brevitatis studio, quo in explicanda gravissimarum rerum veritate in tanto vo-
 lumine maximè tenemur, legentibus ad ineptam ingenij gloriam amœna di-
 verticula quæsiuisse dispudeat. Eum tamen tempestas habuit eventum, ut aliæ
 quæ naves iam planè quassatæ, sensimq; absorptæ in conspectu aliarum perie-
 rint: ex alia autem promptiores scapham occupantes, pereuntium sociorum
 40 testamenta supremasque preces ad uxores & propinquos retulerint. Sed mi-
 rabilem casum duæ naves Hispanis militibus plenæ subierunt, quum in pri-
 mo cursu reflantibus ventis ad Algerium detortæ, magnisque rimarum hiatis
 bus integros fluctus admittentes fatali in litore defecissent. Concurrerat ad li-
 tus Numidarum equitatus subsequente Maurorum multitudine, ut eiectiones &
 desertos à fortuna trucidaret. non enim Barbari spontè se dedere paratos, &
 nihil præter salutem sub fide publica postulantes recipiebant, sed expetito
 sanguine circumvenire & vulnerare magnopere contendebant. Qua fe-

ritate atque insolentia permoti Hispani, virilibusque animis indignantes, quod apud Punicam gentem neque iura humanitatis neque militiæ leges valerent, avaritiaque eorum omnis, quæ apud inopes rerum omnium ac egen-tes summa semper esse consuevit, immani crudelitate vinceretur, arma protinus expederunt, densatoque agmine in orbem pugnantes, ad oppidum con- tenderunt, usque adeo constanter & fortiter emenso spacio, ut coronam ho- stium multis illatis vulneribus à fronte sæpius effringèrent, & à lateribus in- vectos prælongis hastis egregiè summoverent. Tum verò effundentes se Tur- cas appellarunt, & per eos si vita incolumi reciperentur, Asanagæ in servitu- tem se dedere nunciarunt: quod in homine Sardo Christianis orto parentibus¹⁰ & tot præcipuè libertis & familiaribus Hispanici nominis stipato, neque hu- manitatem neque fidem omnino defuturam sperabant. Ita prodiens Asana- gas præclaro iure voluntarijs servis fidem præstitit, depulsisque Numidis ad unum omnes humaniter conservavit, quum solerti ingenio vel semivir, è tot mancipijs tanti proventus lucrum, cum honesta etiam clementiæ laude con- iunctum, secus ac Barbari mirum in modum æstimaret. Ipsi autem Germa- nis ea terra marique accepta incommoda, contagiosam penè pestem attule- runt: quoniam montani homines & è mediterraneis regionibus ad non con- specta antè maria deducti, neque perturbantis nausæ, neque diuturnæ iacta- tionis tormenta tolerarèt, quod & antè corruptis visceribus profluvio labo-²⁰ rare cœpissent, quum ex inedia toto eo triduo, quo ad Typasam est devenum, palmularum bulbosis radicibus & cepis agrestibus vescerentur, quibus ma- lis & aliquot demum naufragijs effectum est, ut ne tertia quidem eorum pars incolumis in Germaniam redierit. Sed unius magnæ navis longè durissi- mus eventus omnium funestos casus miserabili calamitatis exitu superavit. Hæc enim quum in ea quadringenti fermè omnis generis milites veheren- tur, inusitatis atque diversis erroribus ita mediterranei maris situs atque in-³⁰ sulas omnes circumivit, ut quum portus appeteret, nova semper ventorum commutatione, è conspectu ipsoque limine tutissimarum stationum ac ur- bium raperetur, hominesque paulatim consumptis edulijs fame tabescentes, ad insolitam in vivis corporibus maciem, oraque lurida pervenirent. Post quinquagesimum autem diem, quum serò admodum navis exoptatam ter-⁴⁰ ram attigisset, alimentisque se milites refovere contenderent, neque ullis om- nino cibus veluti iam extincto colore proficerent, paucissimis diebus ad unum fermè omnes alius alio celerius aut tardius omnino perierunt. Cæterum Cæ- sar, obtestante Auria atque imperante, invalescentem procellam effugiens, cum rostratarum classe prætervectus Africæ litora ad Orientem in Holcachi- tem sinū se intulit, in quo sita est Buzia, antiquitus Vzigatha Ptolemæo dicta, quā suo loco ab Hispanis duce Navarro manu captā atq; direptam fuisse me-⁴⁰ moravimus. Castellū tribus munitū turribus in ea parte urbis, quæ mari allui-
tur, paucorū Hispanorum præsidio tenebatur: urbs autem ipsa paulo antè gy-
mnasio & nundinis ac Horucij Barbarussæ, qui dextram ibi manum tormen-
ti ictu abreptam reliquit, calamitate percelebris, ab ea clade deletis incolis
penè tota perierat. Nec Hispani plus suburbani agri possidebant, quàm quan-
tum tormentis & armis adversus obsidentes Numidas tuerentur. In præsi-
dio autem perexiguus omnino commeatus est repertus, sed maioris mino-
risque pecoris non ingrata, quanquam tenuis, copia viros insignes recreavit.

Quum

Quum verò in maximam spem com meatus devenisset Cæsar, quod Ligustica navis, cognomento Furnaria com meatu onusta lætis omnibus in conspectum se dedisset, tempestas invaluit, navisque arantibus vada anchoris, in litus ad naufragium eiecta est. Ita tamen, ut eiectionis & salsa alluvione semicorruptis rerum penè omnium cibarijs, excipiente ea confestim navali turba, crescentem inopiam opportunè sublevaret. Interea Cæsar quum plures iam dies inflato mari, ac alternantibus ventis conturbato, in multa idoneæ ad navigandum tempestatis expectatione substitisset, & spe novi com meatus omnino decideret, ne habitæ supplicationes, vota que suscepta divorum iracundiam mitigarent, Siculas duce Gonzaga Rhodiasque triremes ab se dimisit. Boreas enim in Corum se verterat, præbebatque spem ad experiendam mari & fluctibus Fortunam, omni cunctatione tutiorem, ita quanquam turbulenta: scælici tamen navigatione, in Vtica portum, qui Farinas hodie vocatur, celerimè delatæ sunt, ibique præsto affuit Muleasses rex Tunetanus, Gonzagamque plurimum exoptatis esculentarum rerum muneribus liberaliter adjuvit. atque inde demum incolumes ad unum omnes Drepanum traiecerunt. Nec multo post, à Cucchio montanorum Pœnorum regulo legati ad Cæsarem venerunt, intra paucos dies com eatum affatim et magna item auxilia adversus Turcas pollicentes: sed eos Cæsar Punicæ fidei liberalitatique diffusus amicæ voluntatis ac officij nomine pecunia donatos remisit: quæ legatio demum evulgata per Barbaros magno incommodo paucos post menses regulo celsit. nam tanquam amicus Christiani nominis Punicique hostis ab Asanaga regno fuit expulsus. Iam defatigatis planè ventis usque adeo resederant tempestates, ut mare sedatum atque tractabile videretur, & periti nautæ cum metu periculorum imminentium, tum præteritorum tedio navigationi se committere minimè dubitabant. Disputabatur omnibus prope horis in concilio navarchorum, sententijsque dictis, quum alij in Sardiniam aut Corsicam, alijsque eodem lecto Africæ litore, & tutiore cursu Siciliam petendam esse dicerent. Tandem aspirantibus Euris, Cæsar ad Baleares cursum direxit, divæ etiam Catharinæ maligno sydere tranquillam nactus tempestatem: atque inde demum ad novæ Carthaginis portum appulit, tantis acceptis detrimentis seipso vel admiratione suorum vel inimicorum iudicio planè maior & augustior, quum durissimis terræ marique iniquæ sortis casibus invicto semper animo conflictatus, suæ propriæ, nec ulli ducum aut militum communicatæ laudis triumphum de devicta Fortuna reportasse videretur.

PAVLI IOVII NOVO

COMENSIS EPISCOPI NV-

CERINI, HISTORIARVM

SVI TEMPORIS

LIBER XL I.

NDVCII S Rinconis atq; Fregosij morte sublati, Franciscus, uti maxime de cuit, longa pacis expectatione deceptus, suæ dignitatis esse statuebat quamprimum ulcisci iniurias, ac uno tempore summisque opibus, non modo Subalpinis oppidis in Italia, sed ipsis quoque citerioris Hispaniæ, Belgarumque finibus arma inferre: neq; prius abstinere incepto, quam honesta pactione Cisalpinæ Galliæ imperio potiretur, aut postremo superatus & Galliæ exutus regno in eadem adversa belli Fortuna concideret. Omnes enim in eundæ concordie cogitationes abiecerat, quum præclaris admodum coniecturis, Cæsaris ingenium stabili decreto, ab ea rerum compositione, quæ Mediolanum eriperet, penitus aversum esse deprehendisset, gravi quidem incommodo ac infamia Annei Memorantij magistri equitum, cuius consilijs, ut aliqui dicebant, parum synceris se totum Rex adaptus, nec de æquitate Cæsaris desperans, traducendum fallendumque tradiderat. Ille enim induciarum author, & expetitæ pacis interpres, quum summa gratia intemperanter abuteretur, ex sermone Cæsaris ad regem cuncta secunda ac exoptata retulerat: si ve id ex fide colloquij crederet, si ve publico Galliæ commodo mentitus, quod ea toties funesto eventu damnata belli causa aliquando deferenda videretur, postquam Franciscum ab occulto fato Cæsari minime parem, tot bellorum exitu, Fortuna iudicasset. Sed Galli procures adduci non poterant, ut quicquam à Cæsare de reddendo Mediolano prolixè vel liberaliter promissum existimarent, quum nihil ab eius ore nisi grave ac insigni sobrietate definitum excidere consueffet. Dicebant enim Memorantium conciliaffe sibi Cæsarem parum fidelibus officijs: idque unum non occulto astu contendere, ut regem decoris avidum, iustaque ob id & necessaria arma meditantem, ad turpe exitialeque ocium devocaret, certa que subinde indoles, & innata vis bellica filiorum Regis, sublati armis desidia & voluptatibus enervanda proderetur. Eo modo, qui militiæ atque aulæ maximis honoribus potens, totum regem unus occuparet, diutissime regnaturum. Itaq; rex privato iudicio convictum, et publicam invidiam ægre sustinentem, in Centeliam villam manentibus honorum titulis relegat: eam ipse in Bellovacis regio sumptu ad maximæ Fortunæ voluptarios secessus extruxerat. Nec quisquam omnium repertus est, qui ruenti opem ferret, quod non modo filios Regis & procures, qui facile ubi ex toto nocendi locum adversæ sortis casus ostendit, vel levis contumeliæ meminisse decorum existimant: sed illustres quoque aulæ scæminas in inexorabili vindictæ libidine gaudentes, propensissimo in eas rege varijs offensionibus alienasset, usq; adeo, ut eum Ludovici undecimi gravi exemplo, qui Aloysiũ Luxemburgum

burgum capite punivisset, tollendum censerent: quoniam eo damnato invidiosum illud summæ equitum præfecturæ nomen tolleretur, quod propter nimiam, ob idq; sanis regibus suspectam potestatem non temerè antiquatam struendæ ambitiosi hominis potentiæ revixisset. Sed Franciscus in omni re clementiæ laudem querens, mitissimo poenæ genere contentus fuit. Cur enim rex generosus vel ingratum & invisum acerbius vulneraret? Cur denique Solymanni barbari principis sævitiam imitaretur? qui Habraimum pari suspectæ fidei nomine, pariq; odio muliebri, achisdem ingenij moribus & immensæ gratiæ fortuna Anneo similem occidisset? Cur denique vel magna delicta spectatis virtutibus minora non duceret, in eo præsertim, qui secum ab adolescentia familiariter educatus, vigilantia, sobrietate, industria, militarique laude cæteris Gallorum ducibus superior haberetur? Amoto Memorantio rex ipse consiliorum omnium summam præparato animo ad gerendum bellum sibi desumit, gravissimarum rerum literas sub brevi ac ob id fallaci compendio offerri solitas, intenta cura perlegit, suoque fretus ingenio responsa notarijs dictat, ærarij rationes excussis quæstoribus diligenter inspicit, in omniq; obeundo munere nova diligentia, novoque labore veteris incuriæ nomen emendat. Eo tempore Langeus, qui Taurino Gallicisque præsidijs in Italia præerat, solerti ingenio dabat operam, ut decreti belli consilia tegerentur. Si qua enim controversia cum Cæsarianis de finibus ac iniurijs oriretur, compressis suporum armis, per legatos apud Alfonsum Vastium de iure militari expresscriptis conditionibus disputabat. Ita induciarum imaginem sustentare conabatur, ut quum occasio rei bene gerendæ adesset, in hostem improvisa arma proferrentur. Nam statim à Rinconis atque Fregosij cæde vehementer fuerat intentus sollicitandis ad defectionem oppidis, quæ hostium præsidio tenerentur, inclinatis multorum animis ad mutandam fidem, quum æstivis ac hybernis Cæsarianorum militum ad extremam redacti inopiam, mitiora omnia apud Gallos futura existimarent. Sed Alexandria detecta proditio incertam adhuc induciarum fidem exolvit, & deprehensi cum literis speculatores suspecta utrinque consilia atque arma reddiderant: quibus de causis Davalus novas cohortes conscripsit, ut maiore præsidio propinqua hosti oppida confirmaret, dubiæ incolarum fidei parum credens, & sæpe insidias à Langeo suspectans, quem contra Gallorum morem eruditis pacis bellique artibus instructum ingenio semper excubanti paratoque non temerè cavendum intelligebat. Quina utrinque oppida, quæ gerendo bello maxime opportuna didicerant, paribus præsidijs tuebantur: regij Taurinum & in proximo Montemcalerium descensu Regis ab Alpibus interceptum, Sabinianum item, Penarolumque & cinctum palude Varulengum: Cæsariani autem præter Astam coloniam, & Vercellas urbes, Vulpianum Taurini cervicibus impositum, Fossanum item, foelicium Antoni Levæ operum supremum, & Cherium & Clarascum & Albam, quæ ab initio belli nequaquam temerè à Gallis occupata: sed neque fortiter demum aut foeliciter defensa, Davalum magna vi terrefactis, superatisque præsidijs recepisse docuimus. Minora porro oppida, uti inclusa certis limitibus, quos induciæ in mutuos consensus antea præscripsissent, raro aut certè nullo stabili milite tenebantur, quod ea vel una incolarum fide & domestico præsidio satis custodita existimarent. Clarascum cum tribus cohortibus, alaq; una Cremonensi tuendum susceperat

Hieronymus Sangrius Neapolitanus. Is à Daualo per literas monitus, ut ab hostium insidijs diligenter caueret, vigilijs circuibat, & præsidia idoneis locis collocabat: sed quū militū animis propter rei frumentariæ causam minus propensis vteretur, Galli intēpesta nocte à tribus simul partibus adorti, scalis oppidum cœperunt, ab eo loco quo Centalius Allobrox ascēderat. nam ab ea parte, qua à Daualo quassatū expugnatumq; oppidum diximus, Vasconū cohortes fortiter repulse fuerant, & Blandratus excitatis hostium custodijs irritō conatu ad portā hæserat. Quum irrumpentium Gallorum clamor audiretur, Sangrius qui in medio foro submittendis quōpericulum vocaret præsidijs aliquandiu constiterat, desperatis rebus in arcē se recepit. milites dimidia ex parte capti sunt: reliqua manus ut profugeret, ex muro occupatis hostibus se demisit. Fuisse qui putarent non defuisse occultæ perfidiæ suspicionem his manipulis, qui nullo propè accepto vulnere stationis locum negligentia & metu reliquissent. Ceterum biduo post Sangrius, quod nullum antea comineatum pararat, quam iumenta aliquot onusta cibarijs sub præsidio Tanarum vado traidentia, quæ Pyrrhus submittebat, in proximo spectarentur, certa pactione, ut inde saluis rebus & duobus tormentis abiret, arcem reliquit. Sed alia Gallorum manus, quæ eadem nocte ad tentandam Albam contenderat, dissimili euentu audaciæ ac diligentiae suæ periculum fecit. adorta siquidem vrbis muros, eximia Francisci Landriani cohortium, quæ intentæ excubabant, virtute depulsa est. Albanis incredibili studio atque animo propugnantibus, adhortante præsertim pro salute patriæ decertantes eorum antistite Hieronymo Vida, poeta celeberrimo. Sub id quoque tempus, duce Ludouico Birago quatuor Gallorum turmae, quæ sclopettarios celeritatis causa in equis confessores acceperant, Varulengo ad oppidum Verucam, quod Pado imminet, profectæ, alam, quum Epirota dux Zucerus abesset, negligenter æstiuantem oppresserunt. His rebus cognitis Daualus, quod Gallorum consilia iam planè abruptis inducijs ad gerendum bellum verterentur, imperata vrbibus pecunia Germanorum cohortes mercede conducit, ex Insubrum iuuentute delectum habet, profectusque Mediolano vltra Padum ad veteres copias contendit. ei-
us aduentu permoti Galli in eadem oppida, in quæ æstiuarant, maturè concesserunt. Ipse autem deductis & coactis in vnum omnibus ferè præsidijs in minora oppida impetum facit: quoniam Clarasum valido vigilantique tutum præsidio non nisi magnis copijs magnoque apparatu expugnari posse didicerat. Itaque celeri cursu ad duodecim oppida in potestatem sunt redacta: in quæ fuere Villanoua, Raconisium, Carmagnola, Caramanum: quorum accessione Daualus tametsi Gallorum audaciam abundè compresserat, nequaquam tamen Claraschi amissi iacturam vel captis tot oppidis æquasse videbatur. At Franciscus, qui antè initium renouati in Italia belli cuncta, quæ longo grauisimoque suscepto certamini abundè sufficerent, inexhaustis ad id Galliarū opibus, insigni cura compararat, inferendi belli munia liberis dispersit, peritosque rei militaris duces, qui ætatem consilio manuque regerent, attribuit. Generosi etenim iuuenes matura iam indole ætateque florentes vnum illud ingentibus animis, quod tantæ Fortunæ deerat, bellicum decus quærebant: nec eorum alacritati nobilique voto rex deerat: utpote qui tenero gaudio perfusus, præclara cupientes emittere, & famæ ostentare percuperet. Henricus tacito ingenio, pallida facie, grauibuscque oculis, materni aui spiritus gerebat.

rebat. Carolus verò patri similior, fulgore rosei vultus, vigoreque liberalis animi ac eruditis apertisque moribus amari, quàm metui malle videbatur. Hic Belgarum fines invadendos desumpsit, illi Hispania citerior decreta est. sed huius consilij famam silentio compressam volebant, ut simulatione Italici belli deceptus Cæsar, & Davalus ambiguo distractus metu, ubi opus foret, periculumque vocaret, nequaquam maturè expeditis præsidij occurrerent. Henricus enim quum citra Rhodanum milites cogeret, in Italiam per Coctias Alpes transitori speciem præbebat. Interea Belgarum fines diversis & repentinis Gallorum incursionibus vexabantur. incumbere enim è
 10 Morinis Arthesiæ provinciæ Vandomius adolescens, ad quem certo stirpis ordine, si Francisci soboles interiret, Galliæ regnum redibat. Is adiuncto sibi Obiesio, totius regionis equitum præfecto, magnum terrorem ad apertis hostium vicis intulerat. Forteque dum Tervannam urbem, Britannico bello claram, comiteatu & novo item præsidio muniret, Belgarum equitum alam profligarat. Ea erat Hadriani Beureni, aulæ Cæsaris magistri, cuius imperio eius tractus præsidia regebantur. Carolus autem Aurelianus, cui aderat Claudius Guisus Lotharingiæ reguli frater, de Germanis Lutheraniæ factionis nobili victoria clarus, superato Mosa flumine ad Lucemburgum Leucorum olim urbem penetrarat. Ea regio ab urbe metropoli nomen ducit, per-
 20 tinetque ad Arduennam sylvam, atque hinc ad Eburones, & illinc ad Trevirorum fines extenditur. Nec Lucemburgenses valido ac improvviso hosti diu restiterunt, quin se dederent, quod eæ copiæ, quæ à Mariæ Cæsaris sorore coagebantur, nondum advenerant, & tantus erat apud gentem nequaquam pro veteri gloria belli satis peritam urgentium Gallorum metus, ut mutare fidem, quàm belli clades subire mallent. Ita nullum ferè oppidum fuit, quod Aurelianum ad apertis portis non reciperet, præter unum Enuosium, quod præ alta fossa, latoque muro, & à tertia ferè parte palustri aditu munitum, Germani milites præsidio impositi tuebantur. Sed Aurelianus nihil earum rerum difficultate deterritus, magna vi oppugnare coepit, quassatusque aliquandiu murus est, & repetito militum conatu fortiter tentatus: egregiè repugnante Ger-
 30 mano milite, ita ut oppugnatio alacriter coepta, quum opinione durior ac asperior evaderet, militumque vires ac animos hebetaret, omittenda videretur. Id consilium iuvenis de decoris metu & spe laudis adductus non probabat, vel suadente Guisio, & patre Rege per literas revocante. Is enim secundis adversisque rerum suarum exemplis dux peritus, & vetus miles filium monebat, ut pertinaciæ, quæ exitiali insanitiæ esset persimilis, finem imponeret, nec se longius à rationis finibus cæca cupiditate abduci pateretur. Fortunam enim quæ eius belli initij & medijs benignè cumulateque faverit, æquo animo ferendam esse, etiam si conversa nequaquam postremis successibus arrideat. Ita-
 40 que abscedere incepto turperatus, locum mutare, & in tumultum tormenta transferre constituit: quibus singulari militum studio laboreque subvectis, tanta vi propugnacula deiecta, defensoribusque nudata sunt, ut perculsis metu oppidanis Germani mercenarij milites, pacti ut sibi sub vexillis abire liceret, atque omnium Fortunæ incolumes præstarentur, deditionem fecerint. Eo successu Aurelianus magnopere lætatus, cum Germano milite liberaliter egit: oppidanos verò ad spem immunitatis excitatos in fidem recepit: summa quoque cura adhibita, ut Guisio docente ac administrante oppidum novis

adiectis operibus inexpugnabile redderetur. Dum hæc ad Lucemburgum fierent, Guilermus quoque Cleuensis regulus, Martino Rossemio duce, in Brabantia bellum excitabat. Is enim, uti supra retulimus, cum à Cæsare tum nimis duro seueroque, ut Gheldriæ princeps appellaretur impetrare nequiuisset, ad Franciscum in Galliam se contulerat, percussoque solenni foedere, ei Franciscus sororis filiam ex Henrico rege Nauarræ susceptam desponderat, ut geminata propinquitate quàm arctissimè iungeretur. Ludouicus enim Francisci socer, eius nominis rex Galliæ duodecimus, ex magna Cleuensis amicitia natus erat. Ab hac affinitate societateq; maximi regis Guilermus in spem veniebat, ut Gheldriam, quæ sibi ex Caroli auunculi testamento in hæreditatem obuenisset, vel non ferente Cæsare facillè tueretur, atque eo quidem foelicius quod ei foederi socius abscriptus erat Daciæ atque Noruegiæ rex Christianus, qui Christierno propter nefariam eius crudelitatem impiosque mores in carcerem ad vitæ exitum coniecto opportunè successerat. Huius erant ditionis Cymbri in Chersoneso continentis siti (eos Indigenæ Holsatios & Danos vocant) terribilis quondam Romanis, sub bina cæde Marianisque victorijs delicti, hoc demum sæculo celebres esse desierunt. Promittebat Christianus mutua opetuenendis regnis armatum equitatum armatasque fortissimarum gentium legiones, & quam magno vsui futuram crederent, validam classem, quæ secundum Frisiorum & Batavorum littora duceretur. In intimo enim sinu eius peninsulæ in Gothicum pelagus excurrentis, Lubecum, portu nobile emporium, innumerabilibus mercatorum nauigijs frequentatur. Indeliquidem ad Gothorum & Suecorum regna, per insulas vrbibus refertas, vasto maris anfractu, Liuoniæ Sarmatiæque, & postremo Moscouiæ quoque littora classibus petuntur. Fauebat Cæsar damnatæ Christierni causæ: quamquam hominem rabidæ feræ persimilem, ac idè cauæ inclusum oderat, hortabaturque Federicum Palatinum, illis transmarinis imperijs ab eximia virtute dignissimum, ut ingenti animo ea regna capesseret, quæ sibi certa vxoris hæreditate prouenirent, duxerat enim Palatinus Christierni filiam, ex matretera Cæsaris genitam. Propterea nouus rex Christianus firmando regno ad augendisque opibus nouas amicitias nouasque societates sibi ineundas existimabat. His constitutis rebus, ac animo ad bellum parato, Cleuensis cum regia pecunia domum reuersus per Rossemium è Menapijs atque Sicambrijs lectissimas copias coegit. Erat enim celebre gratumque militibus Rossemij nomen, quod dux vetus & impiger prædæque auidus, cuncta ea vel aspera factu quæ astuto grauique ingenio secum agitaret, manu fortiter atque foeliciter conficere consueffet. Excitari siquidem vetus disciplina videbatur Francisci Cechingi, cuius memoria apud veteranos rapinis assuetos adhuc erat insignis: quum ille, uti suo loco docuimus, in summa licentia & latrociniorum impunitate, ad corroborandam infamis militiæ disciplinam exactæ seueris leges inuenisset. Propterea plerique etiam nobiles, qui inueteratiorum consuetudine sese clientesque suos latrocinijs alere nequaquam turpe ducunt, ad Rossemij signa audissimè confluebant. Nec erat quisquam, qui vel belli causam, vel omnino quod duceretur sciscitando perquireret, cuncta enim ad victoriam ac opimam prædam diligentissimè prouisa milites putare, nihil fore inuium arbitrari, ac eos denique iure optimo hostes censere, aduersus quos dux ipse vexilla vel incertis auspicijs explicaret. At

regina Caesaris soror, quæ Belgis præerat, ubi fama perlatum est à Rossemio tot copias cogi, ad Guilelmum legatos mittit, qui eius animum explorent, coactique in ipsius finibus tanti exercitus causam perquirant: ille ambigua respondet: putare scilicet eam militum manum ab initio, ut contra Turcas duceretur, à varijs ducibus conductam, ac ideo finibus excessuram: ipsi porro nihil opus esse copijs, quum undique bona pace cum finitimis utatur. Populis autem ad arma natis liberam semper fuisse potestatem, eorum auspicia sequi, quorum vel occultato nomine stipendia præberentur. Nec multo post Rossemius, motis castris in Eburones, ad Legionem clarissimam urbem, quam hodie Leodium vocant, iter intendit, ut consilium altè conceptum, compressumque silentio diversi itineris simulatione tegeretur. Ad immensas enim opes Antuerpiæ urbis tacitus anhelabat, neque arduum rebatur opulentissimo totius occidentis emporio potiri, si populos, qui iam pridem à patrum memoria finitis bellis pingui ocio & mercaturæ studijs dediti nunquam arma, nisi in ipsis spectaculis induissent, imparatos & nihil hostile timentes improvisus invaderet. Petebat ab Eburonibus, ut sibi in Galliam copias ducenti transitus daretur: At illi armatis externorum copijs spontè iter, commeatumque præbere, ex dignitate eius gentis esse pernegabant, cuius amplissima urbs & nomen & claritatem ex calamitate Romanæ legionis integra adhuc bellicæ virtutis gloria retineret. Itaque Rossemius, quod à vetere proposito discedere nolebat, in lævam iter flectens, ad Mosam singulari celeritate contendit, repudiatis humilioribus vadis, ut Brabantinorum custodiæ fallerentur: nam regina virilis animi mulier atque æmula fraternæ virtutis, quot potuit equitum præsidia, & subitarias item cohortes irrupturo hosti periculosis in locis obiecerat: quibus rebus solerti coniectura prospectis ac exploratis, Rossemius ad Ravasthenium pertendens lintres atque naviculas nactus flumen traiecit, populatusque Toxandriam regionem, tantum toti ferè Brabantiae terrorem intulit, ut pagis fortunisque relictis & dispersis pecoribus agrestes in munitiora oppida confugerent, ac urbes quoque ipsæ inusitato pavore complerentur. Eo modo, qui sine maleficio ierat, direptis ac incensis pluribus vicis capta, aut in miserabilem fugam coniecta magna hominum multitudine, ad Roiam insigne oppidum pervenit: quo capto direptoque ad Verembecium & Horscotum progressus, atque inde passim vastabundus per Berliam descendens, ad Hostratum castra promovit. Id est oppidum inter Belgas arcis ac mœnium structura domorumque elegantia: & denique rerum omnium amœnitate pulcherrimum. in id ingens scæminarum & puerorum turba confugerat: multi quoque nobiles undique carissimarum rerum sarcinas comportarant, sed quod magnopere deposcebat Rossemius, in eo magna vis pilarum & tormentarij pulveris servabatur: qua una re plurimum indigeret ad expugnandam Antuerpiam: id enim in voto erat, idque unum ad susceptæ expeditionis finem explendis infinita præda militibus ante omnia petebatur. Hostratenes præsentis instructique exercitus minis territi (omnibus enim cædem atque ignem tectis, ni extemplo se dederent, sævus hostis truculenta voce denunciabat) desperata defensione animos ad maturandam deditionem inclinaverunt, atque ita quum scæminarum ac imbellium deprecationes fortium virorum consilijs officerent, danti fidem Rossemio portas aperuerunt, nec in lauro

num duce præclare defuit fides : nemine enim violato nihil ademptum est, præter ea quæ in ipsa deditionis conditione postularat, sulphurei scilicet pulueris cados centum, pluresque item ferreas pilas, & quatuor tormenta muralia. hæc enim ad expugnandas vrbes circumferendumque terrorem magnopere pertinebant. Quum ad Hostratum milites plenissimi oppidi copijs recrearet Rossemius, per exploratores didicit, Renatum Aurantium Nanfoi filium, summæ inter Belgas potentia iuuenem, Breda paterno nobili oppido cum validis copijs exisse, ea mente, vt Antuerpiensibus auxilio accurrens hostium aduentum celeritate præueniret : iam enim Rossemij consilia non inanibus coniecturis noscebantur, omnesque vni præsertim Antuerpiæ, Ambuaritorum olim coloniae, cauendum putabant : qua vrbe defensionem omnium fortunæ seruantur, neglecta verò & perditæ, reliquæ Belgarum ciuitates eandem summæ calamitatis cladem subirent. Necesse erat vtrique diuersa & pari propè via Antuerpiam contendenti, Briscotum petere, quod erat castellum septem milium spatio vrbi propinquum, ad id viæ militares in vnum coibant. Rossemius expediti et durati in armis exercitus studio & diligentia foeliciter vsus, vt hostibus iter præcideret, ea celeritate præcurrit, vt Aurantiani magna ex parte tyrones, vti ad laborem solemque ferendum insoliti, vix tres post horas pari emenso itinere spatio peruenerint. Erat ante Briscotum lata planicies, Rossemio minime opportuna tendendis insidijs, quod arboribus tumulisque careret : is enim adulescentem pugnae audum, & nihil præter alacritatem pugnacis animi ad conferendas manus afferentem, quonam astu eliceret & circumuenire posset intentissime cogitabat. Igitur inepta ad id, quod perfici posset, regionis solique natura, commentum nouitate mirabile, a solerti ingenio desumit. Legiones enim toto campo pronis pectoribus procumbere iubet, & equitatum, cui præerat Longaualles ipsius Cleuensis equitum magister, ad aduersam castelli partem diligenter occultat : duabus tantum turmis via militari præmissis, alaque demum vna grauis armaturæ constituta inter raras achumiles arbusculas, quæ sub oppido ad amoenitatem consistere ociosè tenuem umbram præstabant. Ductabat Belgas equites vir impiger nomine Libertus : is haud magno spatio antè peditatum prouectus quum raram & exiguam apud hostes equitum manum ac inter arbusculas non multos equites & pedites versari conspiceret, antecursores tantum aduenisse, grauioraque agmina tardius sequi ratus, & profligari posse paucos, & castellum præoccupari facile iudicauit. Nec mora a pluribus res ipsa vti inspecta iudicataque fuerat, ad Aurantium desertur. Is cohortes ad properandum cohortationibus incitabat : miro autem assensu Libertii consilium probatur : nec ille sibi vllam omnino moram affert, quin extemplo galeati sequitibus ad inuadendos hostes procurrat. At Rossemiani primum impetum fortiter excipiunt, sed mox, vti fuerat imperatum, dant terga tanquam impares, cæterum in fugam coniectis extemplo fert opem alagrauis armaturæ, quæ inter arbores constiterat, æditurque insignis pugna : crescentibus verò Belgis Rossemiani partim consilio, partim necessitate atque impetu vrgentis hostis laxatis habenis longissime fugiunt, eodemque cursu Belgæ intemperanter terga cædentes ad arbusculas pertrahuntur, easque Rossemius hastatis hostium cataphractis magno impedimento futuras antè

ante providerat. Festinabat Aurantius cum peditatu, ut victoriæ equitum interesset: quum dante signum Rossemio legiones veluti nouo miraculo terra æditæ repente prosiliunt: attolluntur vexilla, timpana crepitant; & quo maxime terreri hostis potuit, erectarum hastarum ingens sylua conspicitur, prodeuntque simul cum Longaualle equites ex inlidis; & in terga lateraque hostium alas recuruant. Tum verò Belgæ perterriti, ac indagine veluti inclusi, neque viribus neque animis pares undique profligantur. Libertus temeritatis dat pœnas & capitur: cohortes ne tentato quidem certamine ad terram arma proiciunt. Aurantius ipse, quum inter confertos hostes versaretur, erumpente equo fuga elapsus, certum suæ cladis nuntium Antuerpiam tulit. Incredibile dictu est, quantum eius aduentus ciuitati per se antea metu consternatæ terrorem attulerit, ex ea enim re male gesta desperatis auxilijs plerique ciues ad graues armorum tumultus insoliti, in ipsis custodijs pallentia ora præferebant. Sed respublica in consules egregie fortes inciderat, Lucium Vrsulum et Nicolaum Schermerium: creatique fuerant virtutis eximie prefectus vrbs, dicundique iuris prætor, & Marchio summus omnium signifer, qui darent operam, ne vllus omnino vel negligentie vel exercendæ perfidiæ locus inquilinis aut malis ciuibus relinqueretur. Externos nam opifices, genere Sicambros atque Menapios, ad dicendum conceptæ erga Cæsarem fidei sacramentum adegerant, expulsis qui dicere recussassent. omnes qui arma ferre possent, in cohortes descriptos priuatis aut publicis armis instruxerant. ad hæc pomerium cum multa priuataram ædium ac hortorum strage fuerat dilatatum, nouusque agger institutus, vbi vetustate collapsa mœnia desinebant. Quotidie etiam magna vis priuati aeris ex domesticis vasis ad fabricanda tormenta conflabatur, per singulas quoque vrbs regiones certam tormentarij pulueris mensuram dictim conficiendam vicomagistris imperarant, cauereque se uero edicto, ne quisquam e custodia stationisque loco vel in fortuito incendijs discrimine, vti mos erat, ad restringendum ignem discurreret: fraudem enim atque perfidiam suspectantes omnes excitandi tumultus causas accurate sustulerant, ut ne horæ quidem nocturnis diurnisque officijs spatia populo nunciantes vlllo in loco pulsarentur, edictoque sublatus esset in sacris turribus campani eris sonitus, ne coniuratis ad patrandum facinus signum daretur, nam suspectos aliquot & cogitatæ proditiõis ex quæstione reos custodia ad pœnam tradiderant. Sed tantis custodijs quum vrba multitudo in tanti ambitus vrbe minime sufficeret, nec vti imperita bellicarum rerum operum labores atque vigilias alacriter ferret, peregrini mercatores reipublicæ fortem fidelemque operam nauarunt. Italicorum prima liberalis atque promptissimi studij laus fuit, in his eminebant Ambrosius Bustius Insuber, & Paulinus Fundrius Lucensis, qui in Italia ordines duxerant, & tum maxime ad componendas acies instruendosque tyrones spectato grauique munere fungebantur: horum æmulatione Lusitani, Germanique, et item Britannij negociatores longè ditissimi vexilla sustulerant. Magno quoque præsidio aderant tres vrbanæ societates, quæ antiquitus institutæ per dies festos voluptatis causa militaribus armis exercebantur, quum in certamine ad proposita præmia arcubus ligneis ex disciplina Britannica sagittarent: alij præpilata veruta arcu ferreis balistis emitterent; alij autem validioribus sclopettis uterentur: His forum diuisis excubijs erat attributum, ut inde dubijs in rebus

contra hostem per tesseram consulum iussu ducerentur. His rebus ad vrbis custodiam summa consulum diligentia constitutis, ac inter spem & metum erecta ciuitate Rossemius sine suorum vulnere & sine cæde hostium optimam spolijs victoriam consecutus, ad vrbem castra promouit. Nec mora regio more araldus cum mandatis in vrbem mittitur (hunc vel arroganter & acerbè proloquentem ne verbo quidem violare fas est) Postulat vt in fidem Gallix Daciæque regum se dedant. Horum auspicijs Rossemium multis victorijs illustrem bella gerere, nec quicquam durius à ciuibz petere, quàm iusiurandum: leges enim illis ac immunitates veteris libertatis præclare et liberaliter adauctas perpetuò incolumes futuras, quod si vim expedire, quàm sanis consilijs parere mallent, daturum operam vt prolatis tormentis, immissoque veterano ac inuicto milite funestum contumaciæ exitum quammaximè lugerent. Ad ea consules grauissimè responderunt, ciuitatem ea esse dignitate atque ea virium existimatione, vt fidem mutare longè turpissimum putet: ea verò potentia atque animi magnitudine, vt latronum immanium castra despiciat, breuique iccirco Rossemium, si congrederetur mœniæque subiret, merito supplicio tot scelerum pœnas daturum. Iratus itaque Rossemius frumentarias molas quæ latis rotarum radijs excepto vento voluebantur latè disiecit. Confederat ad Donnum vicum, non longè ab vrbe, intererantque frequentes suburbanæ arbores ita vt prospectum adimerent, ac earum densitate castra tegerentur, quòd è mœnibus, qui in statione erant, vel ad incertos ictus tormenta displodere nunquam cessarent. Crescente periculo crescebat metus, suspensaque ciuitas noctis euentum expectabat: quum valde timeret, ne tormenta occultata defensaque tenebris ad mœnia proferrentur. Propterea populus metu sæuius, cum magno pudore consulū & summo dolore nobilitatis postularat, & quod necesse fuit quamquā indignum maiestate tantæ vrbis, etiam impetrarat, vt per ampla sacratarum virginū cœnobiaz, Carthusianumq; venerabile templum, quòd subessent mœnibus, iniecta flamma delerentur: ne edito ob idque opportuniore tormentis loco potitus hostis, tutius ac audacius in oppugnatione versaretur. Acciuerat etiam consules à Flandra regione, quæ est secundū Scaldem vrbi propinqua citius duo millia validorū agrestium. Horum turbam, quòd esset inermis, thoracibus, lanceis, atq; securibus instruxerant, vt populo tot noctium dierumq; laboribus atq; vigilijs fatigato requies daretur. Nec multo post Rossemius ab eo singulari externorū et ciuiū consensu & diligentia, occupandæ vrbis consilio depulsus discedere, ne tentata quidem opugnatione constituit. paratiores enim quàm antea credidisset hostium animos, & firmiora præsidia repererat, et tum maximè mirabatur nullum triduo popularem editum tumultum, nullam obortam seditionem, nullumque omnino excitatum incendium. quis enim plebem inopem in tanta vrbis opulentia, alienæ foelicitatis inuidam, prædæ appetentem, in fide ac officio permanfuram putasset? Sed eam profectò dædèdè Fortuna vrbis auertit. ferunt enim Rossemium attonito similem, pecunia corruptum inuitis & improbantibus cohortium alarumque prefectis, devictoria nulla ratione desperasse: quum non vno in loco, nondum perfectis aggeribus, ea inuictorum militum robor, ad primos impetus in vrbem peruasura crederentur. erant enim supra duodècim millia delectorum peditum, et armatorum equitum duo millia, nec ampliorem numerum se deposcere Rossemius

semius dicebat, vt cum duplo maioribus copijs ad certam spem victoriæ aper-
 to in campo confligeret. Itaq; discedens concrematis miserabili incendio subur-
 banis delicijs, Louanium Grudiorum olim clarissimam urbem iter intendit.
 Nec maleficijs ac incendijs finem imponebat, Ramsto & Dufella oppidis ex
 itinere direptis, Lira vrbe nequaquam tentata, quum prætereuntem Liren-
 ses emisiss pluribus tormentis auertissent. Louanienses quoq; et ciuium multitu-
 dine, & munitione vrbis, & peregrinæ iuuentutis præsidio confirmati, hostis
 aduentum atq; impetum fortiter tulerunt: in eam enim urbem liberalium ar-
 tium gymnasio clarissimam, magna hominum multitudo confluxerat, fama ta-
 10 men valuit, ciuium primates salubri consilio, ne patriam in discrimen publicæ
 salutis adducerent, sese multo auro à latronum iniuria redemisse. Cæterum
 Rossemio Brabantiae fines euasante Henricus Francisci regis filius, sicuti de-
 cretum erat, Narbona profectus, ad Pyrenæos montes perrexit, vt Perpennia-
 num, quod est in aduersis montium radicibus occuparet. Id minore cum inui-
 dia peti videbatur, quod nostra memoria Gallicæ ditionis fuisset. Eam enim
 urbem à Marco Perpenna Sertorij percussore conditam, Carolum octauum
 Ferdinando Hispaniæ regi tradidisse docuimus: quum hic maioribus suis bel-
 lo ademptam repeteret, ille verò inuadendi Neapolitani regni cupiditate in-
 census, in Italiam deferretur, nec eius litis occasione quicquam hostile ab Hi-
 20 spania timere vellet. Recepta itaq; est ab Hispano, aut infami aut certè parum
 honesta conditione, quum eius belli se spectatorem fore, nec ideo Aragonijs
 gentilibus consanguineisq; suis opem laturum promitteret, & tum fama esset,
 Turpenium quæstorem infido venaliq; ingenio hominem lagenis argenteis
 moneta aurea repletis corruptum, qui in consultæ regiæ liberalitatis auctor ex-
 titisset. Erat Henrico spes omnis occupandæ vrbis in celeritate posita, vt prius-
 quam auxilia conuenirent, inopinantes ac imparatos inuaderet, neque enim
 Gallorum consilia diu regi potuerant: ipso præsertim Alfonso Daualo sæpius
 ad Cæsarem perscribente, vt Hispaniæ finibus caueret: illac enim irrupturos com-
 pererat, quod nunquam ei, cum in omni re semper liberali, tum in hac utilissi-
 30 ma militiæ parte maximè profuso ad exploranda hostium consilia, vel certissi-
 mi nuncijs, vel audacissimi speculatores defuissent: præoccupare enim officij
 merita per amplis donis, & larga demum secretaque manu præmia soluere
 erat solitus. Tanta verò quibusdam Cæsariæ aulæ proceribus ab elato
 animo Gallorum inerat contemptus, vt nihil de eorum aduentu creden-
 dum putarent, respondereturque propterea Daualo, vt de alieno pericu-
 lo sollicitus esse nollet, ipseque potius prouideret, ne conuerso ad Italiam
 hoste rebus suis timere cogeretur. Sed vbi levis armaturæ equitum ala
 intra fauces penetrauit, Perpenniano tantus incidit pavor: vt ciues, qui à
 multis annis pacem colendo arma nunquam induerant, paruos liberos ac
 40 vxores & pretiosior supellectilis in munitiora oppida comportarent, & de
 salute magnopere dubitare viderentur. erat enim murus vetere structura per
 se tenuis & infirmus ad vim tormentorum perferendam, & propugnacula
 antiquitus aduersus balistas erecta his maximè fenestris carebant, quibus ac-
 cedentium ad fossam hostium latera ferirentur. Cæterum Henricus modi-
 cis confectis itineribus parum viles moras trahens, muniendo firmandoque
 oppido spatiū hostibus dedit. Expectandas enim Helueriorum legiones existi-
 mabat, quæ superato Rhodano ardentissimis solibus confectæ tardius seque-

bantur, ut tota mole exercitus intra hostium fines irrumperet, utpote qui de celeritate remittere, quā equestribus & expeditis cohortibus tantā rem aggredi mallet: ne si parum scēlici conatu tentaretur, imminuta dignitate Hispanos primo successu lætos à concepta formidine ad animi constantiam revocarēt: sed quantum existimationis ac virium, & in omnes etiam casus certæ securitatis ea cunctatione quærebat, tantū pulcherrimæ occasionis ad exploratam victoriam deperibat: coactis enim in unum copijs Henricus aliquanto serius, quā prima consilia in festinatione posita requirebant, Perpennianum pervenit. Moverat à Leucata, quod est ultimum Galliae Narbonensis oppidulū, transieratque inter stagnum & Pyrenæos montes, ut Salsas castellum, anti-
 quis Salsulas vocatas evitaret. Petitur enim Hispania via militari inter mare & stagnum exaggerata: cui eximiæ munitionis id castellum imminet, tanta loci opportunitate, ut inde si Hispani custodes velint, quemque tormentis accessu facile prohibeant. Id Carolus, Perpennianum fraude sibi ereptum indignatus, uti memoravimus, interfecta in expugnatione citerioris Hispaniæ nobilitate, diruerat. Refecerat statim Ferdinandus, adeoque firmo præsidio munit, uti Ludovicus demum exorto Neapolitano bello id frustra vel maximis viribus oppugnarit, præcurrente Italico equitatu ac obvia in prædam vertente, magnus terror hostili provinciæ est illatus, prima scilicet excursione interceptis aliquot illustribus scēminis, quæ Perpenniano excedebant, ut in muni-
 tiora castella confugerent. Henricus ad urbem castra promovit, perductæque sunt fossæ ad altitudinem hominis depressæ tortuoso notoque opere, ut milites à tormentis hostium protecti erectis demum vimineis pluteis tutissimè commearent, tormenta que producerent: quibus confectis ad arcem, pinna-
 rum corona, editioraq; propugnacula petebantur, nec consistendi in muro, et propugnandi hostibus potestas foret. Sed Galli firmiora omnia paratioraque quā antea putassent, apud hostes reperiiebant. Magno enim incommodo Gallis cesit, Helvetios expectasse, securitatiq; potius, quā festinationi studuisse, & quod minus expediret, traxisse etiam moras inutiles expediendis omnis generis cōmeatibus. nam Gallorum consuetudine non ad inedia modo, vel opulenter avertendā in hostili terra, sed ad conviviorū quoq; apparatus a Tolosatibus, remotisq; populis vina affatim & sumptuosa obsonia petebantur. Inter has igitur Gallorum moras Albanus regulus in urbem venerat, & Maciucca, Cerbellioneq; notis in Italia veteranis, munitioni custodiæq; præpositis, ad cogendas cohortes Gerundam discesserat. Mendocius quoq; castris præfectus ad oram urbi proximā sociorum navalium egregiam manum, duce Bezerra, viro impigro, & tormenta cum peramplo pilarū & sulphurei pulveris apparatu peropportune & diligēter advexerat, commotaq; universa Hispania Cæsar edixerat regulis omnibus, ut quā maximè peditum & equitū copie pararentur. Neq; Davalo ferendę opis cura defuit: cū Andrea enim Auria col-
 locutus, veteranas quatuor Hispanorū cohortes ex Subalpinis præsidijs triremibus in Hispaniā advehendas deduxerat, Legionēq; item Germanorū unam, quę onerarijs navibus imponeretur: misso etiā Petro Gevarra rei bellicę admodū perito, qui instruendis regēdisq; tyronib. vetere suo castrorū magistri munere in Hispania fungeretur, iniunctūq; fuerat Antonio Aurig, et Garcie Tolitano, ut cum Neapolitanis Siculisq; triremibus Africanas cohortes e Sicilia atq; Sardinia in supplementum earum, quæ ex præsidijs detractę essent, Savo-
 nam

nam transportarent. His cognitis rebus Henricus perplexo tentantique simili, an oppugnanda vrbs foret, cum ducibus disputabat: nondum enim maiora tormenta protulerat, quibus mœnia grauissimè quaterentur. aderant autem alios summæ auctoritatis Hanebaldus et Brisaccus, qui peditatui præerat, Paulusque Rentij Ceritis filius, leuis armaturæ peditum præfectus, & Stampenius genere & regis gratia pernobilis, qui honoris causa Heluetijs erat præpositus: quod vir opulentus liberaliter epulando largiendoque auidæ gentis studia prometeri posse videretur. Hi ab ipso statim initio sententijs inter se discreparant, quum Paulus diuersam muri partem (ea erat à conspectu arcis remotior) validè quassandam non ineptâ ratione censuisset. Reliquis Hanebaldo libenter assentantibus, cui minime decòrum foret à sententia discesse. Fit enim plerumque militiæ, vt duces vanissimo iudicij genere deteriora, quæ sua sint consilia sequi malint, quàm probare meliora, quæ videant: quod alienis ingenijs cedere turpissimum putent. Itaque tormentorum magistri, ex Hanebaldi consilio, in decutiendis pinnis nihil omnino profecerant: quum ex aduerso Hispani & ab arce, & à portæ propugnaculo, pares pilas in ora tormentorū hostilium certissimis ictibus contorsissent; rotasque curruum cum nece proximorum opportunè perfregissent. Eam enim portam, quæ Elmensis dicitur, ita obstruxerant, vt antemuralis turricula, ubi pons ligneus subductilis erat, multo cespitem multaque arena ad altitudinem præaltæ contignationis compleretur, è qua demum tormentis impositis ac in solido collocatis, hostium castra atque opera peterentur. Acciderat quoque sed aliquanto maiore ludibriò, quàm damno, vt quum cohortibus, quæ operibus atque tormentis præsidio erant, tardius in statione succederetur, proptereaque ieiuni in sextam horam milites ardentissimisque solibus perusti sensim vt pransum iretur, locum tanquam periculo vacuum relinquerent; Maciucca repentinus erumperet, paucos fugaret, potitusque tormentis, ea ferreis stilis in spiracula coniectis, ita vt minime displodi possent, configeret. Sed id patratum facinus abducere etiam tormenta contantibus nequaquam lætitiæ fuit: superuentu namque Vasconum Italicarumque cohortium Hispani intra portam cum cæde compulsi, Brisacco ante alios, vt ducem decuit, vehementissimè dimicante, foelicis audaciæ laudem tardi receptus, cruenta pœna æquatam ipsorum confessione retulerant. His casibus euenerat, vt nemo esset in consilio, qui discedendi sententiam non maxime probaret. adiuuabant rem proclinatam alarum duces, quod consumpto vndique pabulo, equi nobiles macie confecti cum summo dolore equitum aridissimis in locis interirent. Suberat etiam non occultus pauor, nec temere quidem ex tanto Cæsaris apparatu conceptus. Is enim maturare nunciabatur, & aliquot iam cohortes ab Albano præmissæ (has veteranus Oliuar ductabat) nullo prohibente in vrbem peruenerant: quarum accessione tantus iam erat Gallorum contemptus vt pecus ab initio intra urbem receptum, sub mediocri præsidio in proxima prata pastum emitteretur, integrisque gregibus, frustra insidiante ac insultante hoste in urbem reduceretur. Verum id adeo licenter, impuneque facere obsessos non diu passi sunt Sanpetrius Corsus, & Ioannes Thurinus. Nam conditis in conualle cohortibus Hispanos quotidiana consuetudine armentis præsidio audacter prodeuntes, improuiso acrique impetu adorti, multis interfectis & captis, ipso spectante Henrico, intra urbem compulerunt, qui Sanpetrium virtutis causa aureo torque, & cohortem pecunia donauit. Hi quoque duo

præfecti Paulum Rentij filium cum delecta manu equitum excurrentem ad Helnam, quæ Ebura olim fuit, secuti Hispanos circiter ducentos obsesibus auxilio venientes in itinere peracri edita pugna deleuerunt: in qua Vicinij Vrsini iuuenis virtus enituit, quum ei equus ab hoste suffossus fuisset. Cæterum Henricus, postquam omnia in dies difficiliora fore prospexit, abunde officio votoque satis factum ratus, si incolumi exercitu in Galliam rediret, Miglîjs & Hillia oppidis ex itinere direptis ad patrem est reuersus. Is ad Volcarum urbem, Monpelerium hodie vocatum, citra Narbonam confederat, vt ex propinquo communicatis consilijs in omnem occasionem ferendæ opis paratus adesset: porro venientem & quodam nobili pudore perfusum quod cœptis Fortuna defuisset, complexus, festiuè admonuit, ne fraternæ laudis obtreccatione plus æquo angeretur, si Fortuna cœptis suis minus alacriter arrisisset videretur (aderat enim Carolus rebus prosperè gestis à Belgis reuocatus) satis eum his cœptis claritatis & nominis esse consecutum, postquam Hispaniæ fines euassasset, redissetque incolumi exercitu, & nullo accepto detrimento: vt in secundis demum votis Fortunam constantis animi virtute superaret. Redeuntibus copijs enata est controuersia iudicij militaris, quum Hispani captarum nobilium scæminarum propinqui, eas sibi liberaliter reddi postularent, negantibus Italis iurè belli captas sine pretio dimissuros. suffragabantur Hispanis ipsa ratio humanitatis, & mos antiquus, quod imbellè genus omni vexatione indignum censeretur. proderat autem Italis recentis Romanæ cladis exemplum. Constabat enim non matronas modo, sed infantes etiam pueros summa Hispanorum acerbitate multo auro redemptos fuisse. Sed rex apprime liberalis donatiuum militibus ex merito per quæstorem dari iussit, exultasque muneribus scæminas dimisit. Eadem quoque liberalitate vsus est erga Germanos, quos fluctuante nauigio ad Stechadas à Genua delatos Virginius Vrsinus ad motis triremibus numero ferme trecentos cœperat: & eo quidem maiore clementiæ laude, quoniam Cæsariani multos Subalpino bello captos ad triremes atroci cum iniuria relegassent. Fuere qui existimarent, inuadendæ Hispaniæ consilium in occulta spè venturæ Turcarum classis ab initio fuisse collocatum: Barbarussa enim ea æstate se Hispaniæ litora vastaturum promiserat. Eo autem in mare nostrum prouecto nemini dubium videri poterat, quin obsesibus portubus Aurianæ nauigationes interclusæ tollerentur, Hispaniaque duplici petita hoste vires distrahere cogeretur. Propterea Henricum classis expectatio ne suspensum, neque ab initio maturasse iter, neque demum, quin celeriter reciperet, oppugnandæ vrbi herere voluisse: patre itidem reuocante, quum Dexius à Rhodia militia trierarchus ad euocandam classem Byzantium missus, indeque reuectus Masiliam certum negatæ classis nuncium retulisset. Quomodo autem ea res, quæ Francisco non mediocrem inuidiam apud quosdam Cæsarianæ factioni addictos peperisse videtur, Byzantijs agitata sit, operæpretium erit explicare. Interfecto Rincone Franciscus Antonium Polinum, qui institutæ legationis munere fungeretur, ad Solymanum misit. Is erat ex Langæi disciplina sobrio, solerti que ingenio, & quod intererat, corpore ad perferendos itinerum labores egregiè subacto. Militabat enim Subalpino bello, legati que nomine ad Alfonso Daualum confirmandis inducijs sæpius ierat: quo suscepto munere, eam excellentis industriæ opinionem erat adeptus, vt Daualus prudentiorum eo neminem Gallum se nouisse testaretur. Itaque

Polinus

Polinus per devios tramites Venetias delatus, atque inde enavigato sinu Sibiricum usque, quod antiquis Sicum celebre oppidum fuit, transversis itineribus per Illyricum Mysiam ad Solymannum Budam redeuntem pervenit. Munera ei allata sunt, quum nemini sine dono ad Barbaros aditus pateat. Fuere operosae suppellectilis, ad usum ornamentumque abaci, argentea vasa sexcentorum pondo. Purpuratis vero praetorijque praefecto, atque item ianitoribus sericae omnis generis, aut ex cocco laneae talaris vestes quingentae. Solymannus perlectis literis, auditisque mandatis, quum Rinconis casum graviter ferre videretur, Polino promisit, se regi Gallo iusta arma propter violatas inducias adversus hostem Carolum paranti, neque mari, neque terra, quin opportune opem ferret, defuturum. de his autem rebus nihil explicari posse apud properantes, tum vero quum Byzantium pervenissent, purpuratos ad postulata ex communi consilio responsuros. Petebat ante omnia, ut classis, Harriadeni Barbarussa duce, ad oram Provinciae, excipienda Gallicis portubus futura aestate mitteretur, peteretque Solymannus a Venetis, ut cum Gallo rege contra Carolum foedus percuterent, & socia arma in communem omnium hostem verterentur. Non intermisit studium Polinus, quin sibi ad rem impetrandam, toto itinere purpuratorum animos, ampliorum quoque spe munerum propitios pararet. Quum vero ante calendas Decembres Byzantium esset perventum, Solymannus quae antea promiserat se praestaturum pollicitus, Polino persuasit, ut in Galliam cum literis reverteretur: atque inde a Rege suo inferendi belli terminata consilia referret: interea se missurum ad Venetos Iunusbeium, saepe antea eo legationis munere perfunctum, curaturumque, ut quam amplissima classis pararetur. Polinus eo responso maxime laetus, dona retulit binos insignes equos, & gladium gemmatum, mira quoque celeritate ad regem contendit. Is tum confederat ad Abelleium Fontem in villa, agresti in loco, ad venationes suo ingenio & regio quidem sumptu aedificata. Eo usus ocio Franciscus per triduum Polino operam dedit, descriptisque locis atque temporibus, quibus arma inferre statuerat, datisque amplissimis mandatis, cum nihil remissa festinatione Byzantium reverti iussit. Polino Venetias delato, Iunusbeius nondum applicarat. In ea autem expectatione, ut nihil temporis ad maturandum deperiret, Pellicerius vetus legatus, & cum eo nonnulli ex Gallica factione Veneti homines adire tentareque senatum. Apparebat enim Venetos commodo suo consilia mentientes ad ineundum foedus, hortante praesertim Solymanno, facile descensuros, quum Maranum oppidum ad Venetas paludes citra Aquileiam in ipso Venetiarum limine positum, percussi foederis praemio cessurum videretur. Id ante triginta annos Austriani Germanis proditum Beltrandus incola adiuvante Turchetto centurione Germanis fraude eiectione occuparat, sublatoque Gallico vexillo Petrum Strozam Florentinorum exulum principem, ad praesidium cum cohortibus circa Venetias conscriptis evocarat. Id patratum facinus ita senatui displicebat, ut in spem recuperandi oppidi deveniret, & ipsi Galli non imprudenter evulgarent, si Venetus Francisci regis amicitiam repudiaret, ac ideo percutere foedus nolleret, id oppidum finitimis potius Turcis dono daturus, ut Barbarorum classibus receptus foret, quam passuros, ut Germanorum armis repeteretur. Venetis autem nihil molestius ac omnino perniciosius incidere poterat, quam e Veneto portu spectare ambiguae suspectaeque fidei Barbaros navigationum

suarum cursus infestis reddētes, admixtis scilicet prædonibus, quibus ex cornu
 posito oneratis culpæ nomine maleficia tegerentur. Itaque Polino senatus da-
 tur: is Francisci regis causam luculenter agit, interfectorum legatorum casum
 deplorat, Cæsaremque tanquam conceptæ inchoatæque tyrannidis invidia
 oneratum graviter perstringit. Illum enim nequaquam vera virtute ac animi
 magnitudine ad summam potentiam niti, sed multo furo multisque fallacijs
 secus ac superiores contenderint: illos namque tyrannis eiectis civitates ser-
 vitute liberasse: hunc liberis prægrave iugum imponere, & dissimulanter
 quidem, ut imperiti rerum verborum lenitate adducti decipiantur. Per hunc
 modum Cisalpinæ Galliæ civitates primò licentia militari, & ea semper im-
 punita crudelissimè direptas, & demum immanibus tributis deformatas
 spectari, & occupatis arcibus Etruriæ compedes iniectas esse: Senenses sub
 Hispanico præsidio servitutem ferre, quum civili dissensione libertatem ami-
 serint: Lucensibus ita libertatem relinqui, ut eam quotannis pecunia redime-
 re cogantur: Siciliæ verò atque Neapolis tantæ modò dignitatis ac opulen-
 tiæ regna, usque adeo spoliata esse Fortunis omnibus, uti opportuna præfe-
 ctorum avaritiæ, ut Turcarum imperia ad miseriarum finem exoptent ipsos
 porro Venetos, qui rerum omnium periti, suarumque præsertim actionum
 accuratè memores esse consueverint, quantam fidem ex Neapolitano foedere
 Cæsar præstiterit, satis præclare confiteri, vel ob id quòd inedia subactis, ea
 quæ paulo antè Barbarus vel ex professo Christiani nominis hostis humani-
 ter dederat, vitæ alimenta denegarit. Proinde senatum tempestivè, si un-
 quam antea & sapienter ad eum se recepisse, apud quæ data fidei ac humanita-
 tis iura servarentur, quum in socio parum æquo astutoque veteris invidiæ &
 cupiditatis documenta prospiceret, ad invadendas scilicet eas urbes, quas fa-
 tali bello ereptas, Francisci demum ope recepisset. Quibus autem artibus
 Cæsar, quum per mediam Galliam summis exceptus honoribus in Belgium
 pertransiret, regem deceperit, ipsos novisse, quum ab ea promissæ pacis osten-
 tatione, affirmante coram Davalo, ut ad traducendum legationi maior inef-
 fet auctoritas, par prope discrimen rerum suarum adierint, eiusque rei fabula,
 in ea scitè agenda Cæsar totum maiestatis pudorem consumpsisset, orbem ter-
 rarum fama compleverit. Propterea Franciscum vindicandis iniurijs inten-
 tum contra Cæsarem bellum parare, ut donec sua recuperet, aliena continen-
 ter invadat, orare Venetos tanquam veteres socios amicosque Gallici nomi-
 nis, ut sibi adesse velint. Ipsi herclè uno consensu bella gerentibus, ea quæ op-
 tarent victoriæ præmia minimè defutura: quòd si fortè abnuant foedus, & se-
 dere, neutrumque iuvare utilius putent, ambos proculdubio dijudicante For-
 tuna graviter offensuros, ut demum à victis odium referant, & à victoribus ini-
 iuriam expectent. Decreto autem initoque foedere, quod plurimum interes-
 set, Solymano rem longè gratissimam facturos. Eum enim valde commo-
 tum lacesitumque recentibus iniurijs in Pannoniam cum innumerabili exer-
 citu proficisci statuisse, pariterque exiturum cum ingenti classe Barbarissam
 adversus communem hostem, quibus consilijs communicandis Iunusbeius
 Venetias mitteretur. Nec de belli eventu quicquā dubitandum videri, quum
 ipsi uni Veneti proprijs usi viribus satis esse videri possint, ut Cæsarem exosum
 populis, & rapinis milites alentē, à duobus potentissimis totius orbis regibus
 undiq; terra mariq; petiitum, Cisalpinæ Galliæ impotenti dominatu celeriter
 detru-

detrudant. Ad ea Senatus per aliquot dies extracta mora, ut interim Iunus-
 beius applicaret, graviter respondit, amicitiam Francisci regis, quam studiosè
 percolerent, ornamento sibi non oneri esse debere: parè quoq; observari cum
 Cæsare, à quo discessisse videri nolint, tametsi fastidito eo gravi fœdere, quo se
 Neapoli parum fœliciter implicassent, ad Solymannum eius hostem amicitia
 repetita contulerint: proinde patres conscriptos, ac omnes civitatis ordines è
 Republica existimare, tueri pacem, uti multa duris temporibus incommoda
 perpeffos, quæ vel sero tranquillitatis ocio sarcirètur. Cæterum si explicata si-
 gna & planè inchoata bella conspiciant, tum mature deliberaturos, tuerine
 10 pacem expediat, an bello permisceri, quum trium maximorum totius orbis
 principum amicitia perfruantur. Appulerat interea Iunusbeius, publica-
 que domo, latè instructa exceptus fuerat. Is petebat, ut leges renovati fœderis à
 Badoerio Byzanti conscriptæ senatus auctoritate sancirentur, Francisci-
 que Regis causam ita senatui commendabat, ut nihil plus peteret, quam ut eam a-
 micitiam, quam cum Gallo tuerentur, propensiore studio, novisque officiis
 adaugere vellent, postquam ipse Solymannus, fratrem appellatum, gratia at-
 que opibus iuvandum adversus Carolum Hispaniæ Regem suscepisset. Ni-
 hil enim, ut fœdus pecuterent, aut arma caperent, postulabat, secus ac Poli-
 nus & Pellicerius vehementissimè cupiebant: utpote qui fervidè instando,
 20 denunciandoque cuncta facile impetrari posse crederent, ob idque Barba-
 rum frigide proloquentem, auro corruptum suspicarentur: verum ut postea
 pro certo constitit, tanta eminebat in mandatis ac literis Solymanni, alioqui
 superbi, æquitatis atque modestiæ ratio, ut nihil ab invitis exigere vellet, quod
 ex commodo præstari minimè posse videretur. Itaque Polinus frustra contri-
 tis apud Venetos aliquot diebus trireme publica Ragusium devectus, ac in-
 de mox discedens magnis itineribus Byzantium contendit. Quum festina-
 ret, Achomati magistro equitum in Pannoniam properanti, in Thraciæ fini-
 bus occurrit: hunc de Germanorum apparatu, cœptoque itinere, & de Fran-
 cisci consiliis edocet: ubi verò Byzantium est perventum, cuncta spe sua du-
 30 riora apud Barbaros invenit. Pernegabant enim purpurati educi posse clas-
 sem, quod serius quam oporteret, ad rem impetrandam advenisset. Verni
 certè æstivique temporis, ad navigandum aptissimi, tres iam menses effluxe-
 rant: ita ut Polinus ingenti cura doloreque vehementer angeretur, quod ne-
 que Venetis, neque Byzanti, in tractando utroque negotio, satis felix aut
 tempestivus extitisset. Advenerat etiam Dexius trierarchus, ut adventantis
 classis nuntium in Galliam deferret. Is in Belgarum fines latè penetrasse, &
 Hispaniam invasisse regios liberos cum ingentibus copiis enarrarat. Proinde
 Polinus, uti aliena fide deceptis ac inanis industriæ suæ successum deploranti-
 bus facile accidit, sese graviter affligere, perversos ac instabiles Barbarorum
 40 mœurs execrari, implorare fidem Solymanni, conventosque privatim singu-
 los purpuratos obtestari, ne Regem spe classis in Hispaniam provectum, &
 Belgarum fines invadentem desererent. Ea enim celsatione neque honesta i-
 psis neque utili, sui regis decus prodi, interpellarique victoriam, quæ iam ex-
 plorata, partaque è manibus emitteretur. In his autem obtestationibus adeo
 multus erat ac assiduus, ut fastidio quam gratiæ propior videretur, iudicaretq;
 Solymannus Eunuchus eius querelæ causam gravi oratione finiendam, atque
 ita evocato in prætorium Pollio assidentibus collegis, quibus ipse quoq; Ha-

riadenus propter præfecturæ maris dignitatem addebatur, ad eum conversus:
 Hic, inquit, locus, viri Galli, expediendis gravissimarum rerum consilijs opti-
 mi Imperatoris iudicio fidelibus servis datus, uti decet, quotidie ingredienti-
 benevolentia atq; odio vacuos excipit, & præclare quidem admonet, ut liberè
 loquamur. Neque velim, ut hæc oris libertas nuncia veritatis, atque ideo fide-
 lis amicitie custos auribus vestris acerbæ molestaque sit. Nam postquam rex
 vester Ottomannici nominis socius atque amicus est appellatus, neque remit-
 tere amoris officia, neq; amicitiam vestram fastidire iam possumus, quum vos
 mirificè amet imperator, vosque suis opibus vehementer adauctos: devictisq;
 inde hostibus potentia & dignitate maximè florentes velit: sed postulatis ve- 10
 stris nulla inest æquitas, nulla modestia, ita ut vos iniquos in verecundosque
 vocemus: alij verò minus benevoli, veris nominibus importunos ac impuden-
 tes appellent, postquam uti nimis improbè procaces, amicitie rationes ine-
 prissimè conturbatis. Fœdera enim paribus commodis, exequatisque sumpti-
 bus, & mutuis periculis confirmantur. Quòd si studia atque officia negligen-
 do nihil rependeris, celeriter obsolescunt. Ita vobis evenit, viri Galli, qui in
 nostro periculo semper obliviosi supiniq; in vestro semper erecti & egregie
 memores, nequaquam factis, certisq; auxilijs, quum opus fuit, sed inanibus
 tantum literis atque legationibus amicitiam coluistis. Dicite obsecro, quod
 unquam studij vestri, vestræque operæ signum apparuit: quo saltem hostium 20
 nostrorum animus vel ambiguo metu distineretur: quum Carolus totius occi-
 dentis copijs instructus in Pannoniam venisset, atq; interim in Græcia Corone
 Patræq; hostili classe quaterentur, Tunc tumq; demum tantis petitû classibus
 caperetur. Sed hoc vobis condonamus, illud certè vix ferèdum videtur, quod
 nec tantis iniurijs nostris, uti par erat, indoluistis, quum cruento cōmuni hosti
 tot nostri nominis crudeliter interfectis, officiosè gratulandum existimaveri-
 tis. Pervenit demum ad Aulonem noster imperator, magno vestro commo-
 do in Italiam traiecturus: sed nec tum, quæ à vobis iactanter largeq; promissa e-
 rant, Apulorum erga vos studia in appulsu nostræ classis reperta sunt: nec vos
 in superiore Italiae parte valide incumbendo commovistis: ita neque nobis op- 30
 portuni, neq; vobis unquam tempestivi vel utiles bene gerendorum rerum oc-
 casionem semper amissistis: sed neque tum, neque postea vestro consilio & con-
 sociatis armis unquam eguimus. Venetus enim suo malo & vim pariter, & fi-
 dem nostram expertus est, & reliqua Mars iniuriarum nostrarum præclarus
 ultor secundissimè confecit, quum arbitrio vestro inducijs cum communi ho-
 ste confectis ad nos invadendos, eius vela tam iniquè quàm impudenter inflas-
 setis. Ceterum sine vestra ope tantos hostium impetus egregie retudimus, quum
 hic ipse Hariadenus & classem ad Ambracium profligarit, & latrones Hispa-
 nos ad Castrum novum felicissimè trucidarit, indeque receptis nostris urbi-
 bus alienas cœperimus. Nullius ergo meriti causa vobis tenemur, sed harum 40
 rerum oblivisci malumus, quàm vobis semel in amicitiam receptis deesse. Fa-
 ctis enim fidem tuemur, sed spectare tempora, pericula metiri, occasiones a-
 gnoscere, eius est, qui non temerè Fortunæ aliquid committendum existimet.
 Tardiùs quàm oporteret, ut classis educeretur, advenistis. Præcipiti namque
 æstate pestilens imminet autumnus, ita ut neque mature conscribi remiges, ne-
 que in naves contrudi tuto liceat. In longissima enim navigatione quis nava-
 lem turbam ad insoliti cœli mutationē morbo tentari solitam, vitæ periculum
 mini-

minimè adituram credat: quis naufragia vel in reditu non pertimescat: quum hic ipse Hariadenus Augusto mense tantus in re navali magister ad Acroce-
 raunios scopulos illisus, tot triremes amiserit. Hyeme refici, Vere adornari at-
 que educi classis debet, estate navigatur tuto, bellumq; geritur. Id ut fiat, reipu-
 blicæ causa, Imperatori persuademus. Neque enim emissa semel classis vel mul-
 to auro, quo vel immenso, & per tot secula congesto Ottomannica domus
 potitur, restitui potest. Tu hæc amice dicta, si sapiis, æquo animo feres, impera-
 tor porro ipse viderit, an tibi sit indulgendum. Illi certè & nobis libero voto
 10 satisfecimus. Hæc verba ab Eunuchò severe pronunciata, eo gravius Polini a-
 nimum perculerunt, quòd ex ore Solymanni mitti videbantur, & is quoque
 auscultasse omnia credi poterat. Imminebat enim à tergo confidentibus pur-
 puratis fenestra æreis obsepta clatris & obtenso velo protecta, ut ipse impera-
 tor, quum vellet, nec omnino sentiretur, gentium omnium querelas & lites
 audiret, notaretque ingenia iudicantium, quorum ex eo metu æquitatis atque
 iustitiæ cura multo intentior redderetur. Nec Polinus ab hac repulsa purpura-
 tos detestatus spem abiecit, deditque enixè operam, ut per Capiagam ianito-
 rem largitione conciliatum ad ipsum Solymannum sibi aditum pararet. Pre-
 stitit officium Barbarus: atq; ita Gallus, quòd paucissimis nostrorū hominum
 antea licuerat, in intimum prætorium est introductus. Aderat Bederius inter-
 20 pres, per quem actitata recensendo magnis precibus rogabat, ne regem triplici
 bello hostes invadentem, ea promissæ classis expectatione frustraretur. Ad ea
 Solymannus clementi ore & paucis admodum verbis, non sua voluntate, que
 esset stabilis atque mirifica, sed ipsius tarditate, ac æstatis inclinatione occasio-
 nem educendæ classis elapsam respondit, pollicitusque est, se primo verè du-
 plo maiorem, quàm peteret, classem amico fratrique suo regi adversus Caro-
 lum communem hostem, sine dubitatione transmissurum. Cum eo itaque re-
 sponso Dexius trierarchus in Galliam reversus, uti supra docuimus, effecit, ut
 Franciscus extemplo filium ab Hispania revocaret. Redeuntibus autem copijs
 quum hybernorum subesset tempus, nec in Belgis, propter anni tempus quic-
 quam ultra moliri vellet, Helvetios ferme omnes, atq; item aliquot signa Ger-
 manorum persoluto stipendio divisit. Italicas autem cohortes Hanebaldo tra-
 didit, quæ in Italiam ad Subalpinum bellum ducerentur. Provinciàm enim,
 quanquam fructuum omnium copijs abundantem, commeantium tamen mi-
 litum frequentibus affectam incòmodis, hybernorum vacatione sublevandã
 existimabat, & in Italia alendū omnino bellum rebatur, vel ob id quòd & Ger-
 manorum integram ferè legionem, & veteranas Hispanorū cohortes in Hispa-
 niam subsidio missas intelligebat. Itaq; Hanebaldus durissimis nivosisq; Al-
 pium itineribus in Italiam profectus ad oppugnandū Cunium oppidum con-
 tendit. Id ad radices Alpium in plano sitū, præcinctumq; duobus parvis amni-
 40 bus, in Tanarū confluentibus, magnam habebat opportunitatē ad gerendum
 bellum: quòd Fossano proximū esset, Montevicoq; finitimū. Oppidani præ-
 claro studio Cæsari favebant: sed ut præsidium acciperent nunquam adduci
 potuerant, vel admonente obtestanteq; Davalo, ut à Gallis maximè caverent.
 Tanta enim erat metus Cæsarianorū militum, summa licentia ac impunitate
 sociorum fortunas in prædã vertentium, ut vim hostium minore cum peri-
 culo sustinendam arbitrarētur. Sed ubi adventum hostium certius senserunt;
 non de vano conceptus pavor usq; adeo apud infirmos viribus crevit, ut quod

anteà repudiarant, à Davalo militare præsidium postularent. Misit itaque Petrum Portum à Vicentia, nobilem strenuumque alæ præfectum: is cum sexaginta galeatorum equitum manu, acceptis in clunes totidē confessoribus sclopetarijs, usus tenebris per stationes hostium ad oppidum penetravit. Eius adventu Cuniates bona parte metu liberati, impositum extruendi intus aggeris munus alacriter susceperunt. Nec multo post quàm Davalus de oppidi salute sollicitus, ad Petrum Ciconium, qui Fossanum præsidio tuebatur, sæpe perscriberet, ut Cuniatibus maturè opem ferret, Blalsius Summanus cum cohorte una eadem fœlicitate, qua Portus ierat, per medios & semisopitos hostes ad oppidum pervenit: amissa tamen circiter dimidia militum parte, quum alijs ob-¹⁰ obscura in nocte rectum iter tenere nequivissent, alijs periculo territi segniusque sequentes retrò per devia dilapsi amisso in tenebris pudore vexilla reliquissent. Hane baldus ad motis maioribus tormentis magna vi murum quatiebat, pinnatum ruina fossam compleverat, duosque aditus ad irrumpendum parabat. Portus & Blalsius diruta mœnium obiectis lanarum saccis, congestaque omnis generis materia & gleba sarciebant. Omnibus propè horis certabatur, impigre populus militibus intermixtus propugnabat, usque adeo pari omnium studio, ut fœminæ nequaquam tormentorum ictus formidantes, comportando onera corbibus, & militi cibaria ministrando virilem operam præstarent. Galli instauratis per triduum prælijs conscendere murum conati, semperque²⁰ repulsi multis suorum occisis, pluribus vulneratis, desperata expugnatione oppidi discesserunt. In postremo certamine Guiliermus Blandratus, qui antea, ut diximus, Casalem urbem Gallis prodiderat, glande traiectus interiit. Sanpatrius Corsus in adversum os lapide excepto deformiter vulneratus, Ioanni que Turino brachium scalarum ruina debilitatum, viri fortes supra centum desiderati, & in his Italarum & Vasconum signiferi quatuor, & insignes nonnulli equites Galli, qui pedibus pugnare iussi alacriter subierant. Quum sereciperent Galli, & maledictis incescerentur, honesta quædã alioqui mulier, sed tum nequaquam integro pudore, ut abeuntibus illuderet, nudatos clunes sublata veste feriendos è summis mœnibus ostentavit. Cuniates spectatæ virtutis me-³⁰ rito, Portum & Blalsium præmia donatos dimiserunt: nec multo post Hanebaldus, nullibi cœptis arduis de fortuna revocatus in Galliam, in Alpibus nivium procella obrutus penè interiit, multis ex comitatu, & in his fratris filio multa mole nivium miserabili mortis genere sepultis. Nec multis inde diebus Langeo, ab rege in Galliam evocato, profectoque, Cæsar Maxiùs à Neapoli inusitata calliditatis dolum reperit, quo Taurinum belli arcem Gallis eriperet. Discessu siquidem vigilantissimi ducis minus intentas diligentesque custodias futuras ratus, quatuor agrestes carros, per quos venale fœnum in urbes conveyitur, adeo solerti ingenio concameratos fabricarat, ut quum exterius virentis fœni speciem præberent, interius seni loricati milites conderentur, qui demum⁴⁰ ingressis portam carris, in medio aditu laxatis machine fibulis repente profili-
rent, hastisque hostium correptis, quæ ad parietem per rastrella dispositæ ad manum essent, custodes confoderent, & tandiu angusto in aditu carrisque occupato locum tuerentur, donec instituta ad succurrendum una atque altera validorum atque perniciem sociorum manus adcurreret. Franciscus enim Isclanus, Hispanusque Mendocius, modico intervallo idoneis in locis occultati fuerant, ut carros ingredienti-
celerrimè consequerentur. Sed his aut animus, aut certè fortuna, quæ

na, quæ dolis illudebat, importunè defuit: quum primus enim carrus ab igna-
ris doli bubulcis, foeliciter esset introductus, erumpentibusque armatis insidi-
g nudarètur, cataraçta à fabro ferrario, qui fortè aderat, opportunè demissa sub-
sequentes exclusit. Ita primi frustra socios expectantes, decurrente ad excita-
tum clamorem Buterio duce, à Vasconibus sunt interfecti, uno tantum capto
conservatoque ab Italis Alexandro Magio, nobili Insubre, ut auctorem atque
ordinem insidiarum aperiret. Isclanus quoque qui ad patrandum subitæ rei
facinus, sed non in sua fata serus adcurrerat, è muro glande percussus interiit:
milites verò tormentis pariter petiti è conspectu sese celeriter eripuerunt. Ea res
10 uti novo insidiarum genere instructa atque perducta penè ad exitum, Gallo-
rum animos magnopere conterruit, admonuitq; ut nullam omnino custodiæ
diligentiam adversus Maxij ingenium superfluam putarent, quum ab eo ad
rendendas insidias parato paucis antè annis: ipso etiam ægrè defendente Bu-
terio portæ eiusdem propugnaculum noctu scalis captum meminissent. Cæ-
terum Langeus, qui iter in Galliam susceperat, nivosis in Alpibus concepta
gravi pituita, citra Lugdunum interiit, vir animi virtute, ac optimarum litera-
rum notitia Gallis omnibus ea ætate superior, & dignus herclè longissimo vi-
tæ cursu, quum supra Bellaia nobilis familiæ nomen, sobrij & maximè con-
stantis ingenij mores, quod paucis eius gentis viris militaribus contingit, ad
20 bellum attulisset.

PAULI IOVII NOVO-

COMENSIS EPISCOPI NV-

CERINI, HISTORIARVM

SVI TEMPORIS

LIBER XLII.

30



VB id tempus Germania omnis, excitata Ferdinandi
regis precibus, gravissimisq; Hungarorum procerū ob-
testationibus permota, adversus Turcas bellum suscepit.
Nemo enim erat, qui animo dolorē ac ignominiam ferre
posset: postquam propinquis & fratribus ad Exechium
foeda in fuga trucidatis, & nuper ad Budam Rochandul-
phi exercitu turpissimè fuso, delectoque, vetere belli glo-
ria decidissent. Nec quisquam erat, vel Austriæ domui
40 graviter infensus, qui acceptum dedecus nobili ausu sarcindum, Budamque
omnino repetendam esse non duceret. Admonebantur & desides non dubio
vicini periculi metu: quoniam apparebat, Turcas nusquam vinci solitos, per-
petuoq; bellandi studio & consuetudine procedendi, prædā & prolati imperij
famam quærentes, occupata Pannonia minimè quieturos, breviq; futurum ut
Germani, nisi Hungaris diro bello obrutis opem ferrent, irrumpente victore
Barbaro, iniqua domi conditione pro focus ac uxoribus & liberis certare coge-
rentur, Celebris tum erat Nurnberge regulorū, & legatorum omnium pro-

pè gentium conventus, diuque in eo Pontificij cum Lutheranis de Christiani dogmatis veritate contenderant, sed ea contentio eum habuit eventum, ut Lutherani insigni contumacia placita sua defendentes, concilio locum in ipsa Germania deligi postularent. nunquam enim id concessurum Pontificem rebatur, ne Constantiensis concilij exemplo dignitatis atque salutis aleam subiret. Sed id petentibus, uti mox dicemus, Pontifex probitatis ac innocentiae suae fiducia, publicae concordiae votum secutus, liberaliter indulxit. Cæterum decreto bello, imperata adductaque sunt à regulis & liberis civitatibus ad triginta millia peditum, & equitum armatorum septem millia Germanici nominis, in his eminebat Mauritius Saxo nobilissimæ stirpis regulus. Legionibus magna bellicæ virtutis opinione præerat Conradus Hessius, direpta urbe Roma ingentes divitias consecutus, & Volfgangus Theodoricus è Suevia nobilis. Supremi autem militaris imperij nomen delatum est Ioachimo Brandeburgensi regulo, quem Turcico ad Viennam prælio interfuisse docuimus: ita tamen ut summa consilij potestas ad Octoviros pertineret. Hos natu grandes rerumque peritos in concilio delegerant, qui imperatori non multum foris in militia versato adessent: Ioachimus enim uti parum efficax nihil ferè præter generis nobilitatem & regij cultus instrumentum, liberalesque convictus in castra detulisse videbatur. Vbi Viennam est deventum accessere Ferdinandi regis copiae: nam præter Austrianos nominatim evocatos, Hungarotus Styriae præfectus circiter decem millia equitum effecerat. In his erat Illyricorum ala, Bartholomæo Croato duce impigro, cultu insignis, virtuteque mirifica, & Nicolaus Sdrinius cæde Cazzianeris hospitis æque laudatus & infamis: Hungaricus autem equitatus quindecim millium numerum efficere dicebatur. Nam Gaspar Seredius vir impiger, laudis & prædæ avidus, cis Danubium multos Vsarones rapinis assuetos, ad signa convocarat. alia quoque validior manus Andreæ Bathoris vexilla sequebatur: veteranas verò turmas, quæ circa Agriam ultra Danubium hyemarant, ductabat Perenus Petrus auctoritate, potentia, usuque militiæ Hungarorum nobilissimus. Nec ipse Georgius Varadinensis antistes, quem à Solymanno in tutela regis pueri, reginaeque in Transylvania ad Lippam relictum diximus, tanto excitatus apparatu, Christianæ causæ defuturus esse credebatur: sed astuto constantique vir ingenio, cum nihil sibi ante belli eventum temerè præmoliendum arbitraretur, ita fortiter tantibus regijs, amicisque veteribus verba dabat, ut transeundi spem præberet, nec obligaret fidem ullo literarum testimonio, quo Turcis inita consilia proderentur. Paulus quoque Pontifex, quod erat mirificæ voluntatis & liberalis officij munus, tria millia delectorum peditum Viennam ad exercitum misit, hisque ducem attribuit Alexandrum Vitellium: expetente rege magnis precibus, ut is præcipuè mitteretur, qui spectatis operibus pugna-
cis & egregij ducis famam quæsiisset. Italos enim duces & milites rex ipse, uti
maximè idoneos expugnandis urbibus querebat: nam paulo antè Philippum
Torniellum cum aliquot cohortibus mercede conduxerat, & Iacobus Medice
Danubianæ classis præfectus alterum iam annum in Pannonia secundæ no-
minis fama militabat. Sfortia quoque Palavicinus, summæ spei, summeque nobili-
tatis adolescens, per eos dies ornatissimam sexcentorū equitum alam, circa Pa-
dum conscriptā in Pannoniam adduxit. Descensum est secundū dextram præ-
terlabētis Danubij ripam, miro quidē ordine, sed adeo modicis ac intermissis
itine-

itineribus, ut Itali Hungarique duces iam adultæ æstatis meliorem partem gerendis rebus opportunam segni ac inutili mora absumi testarentur: fremebatque ob id ante alios Medices, qui multum antea regem fuerat adhortatus, ut ad prima Veris signa, prius quam Turcarum præsidia adaugeri & confirmari novis militibus possent, expeditas copias cum classe dmitteret: futurum enim esse, ut strenuè atque celeriter invadendo non Pesto tantum, verum & ipsa quoque Buda potirentur, quod Solymanus Budæ præfectus, quem natione Hungarum & professione Turcam conciliandis Budensium animis à Solymanno imperatore relictum diximus, pestilentia absumptus interficeret,

10 eumque pari fato subsecutus esset Stephanus Verbetius, qui propter summum in Germanos odium Turcarum beneficio apud suos cives prætoriam potestatem fungebatur. Sed ea consilia peritè atque salubriter oblata Ferdinandus, aulæ suæ principibus immodicè credens, in eam maximi apparatus occasionem distulerat. Mos enim erat amicorum intimis obrectare alienæ virtuti, improbè suspicari, mentiri, & neminem in aula pati, qui certa virtute ad regis gratiam niteretur. Hisdem artibus nulloque pudore, omnibus gratiæ fisci, & opibus immaniter direptis, summæ benignitatis & clementiæ regem, avitoque ingenio bellicæ laudis appetentem, militari existimatione spoliabant. Nunquam enim eorum adulatione circumvento hostilem aciem videre licuerat,

20 quum per legatos gerenda bella & regi nominis maiestatem nequaquam manu, sed consilio procul à periculis tuendam suassent, recenti quidem exemplo fortunæ Cæsaris, qui per duces tot trophæa de Gallis hostibus erexisset, quum duo Pannoniæ reges temerè in aciem progressi, occisi, & ipsorum genti & nomini valde insignem calamitatem attulissent. His de causis Ferdinandus in una securitate prudentiæ nomen reponens, tam procul à periculo quam à fructu speratæ laudis remotus, Viennæ substitit expediendis comitatibus, qui navigijs secundo flumine in castra deferretur. Iam enim Ioachimus, quum tantæ tarditatis infamiam ægrè sustineret, vel maximè lentis itineribus ad Strigonium usque pervenerat. In promovendis castris talis ordo perpetuo tenore

30 servabatur, qui tametsi nullo usui fuerit, & ad periculum faciendum eventum cernerit: prodendus tamen, quia optimus, ad exemplum posteris videtur. Trinta sub signis Hungarorum turmæ, moris hostium locorumque peritæ explorandis regionibus anteibant. Pontificiæ cohortes sequebantur, eæ siquidem primi pedestris agminis frontem obtinebant, Vitellio lætanter & alacriter Germanis ducibus gratias agente, quod sibi potissimum, uti primis obiecto periculis, nobilem ostendendæ virtutis locum dedissent. His uti par erat Sfortiani splendentis armaturæ equites ad mutuam opem ferendam erant coniuncti. Succedebant continenti ferè ordine tres distinctæ maiores alæ, prima Pereni et Bathoris, secunda proregis Hungaroti, tertia Germanica gravis armaturæ: deinde modico intervallo peditum legiones quadratis agminibus.

40 Apud has tormenta leviora falcones & minores colubrinæ ad campestris usus supra quinquaginta equorum iugis trahebantur. In dextro latere legionum adequitabat imperator cum robore Germanorum equitum, qui fulgentibus protecti armis (nam & plerique ferrea tegumenta equorum pectoribus & clunibus indiderant) insuperabilis, & longè pulcherrimi agminis speciem præbebant: longa verò series carrorum atque rhedarum, quarum apud Germanos infinitus erat numerus, extra aciem ducebatur, ita ut irrupturis hostibus esset

obiecta, intercedente duorum stadiorum spacio, quo explicari posset equitatus. Inclinate solē castra ponebantur, ea instituta ratione, ut lunato circuitu connexis curribus & pluribus simul tormentis, Germanici nominis copias circumvallarent, reliqui omnes Itali atque Hungari excluderentur, et una tantum Germanorum equitum manus extra munimenta pernoctaret. ob eam rem Vitellius ut contra subitas hostium incursiones tutior foret, editos colles & nemorosa loca sedulo quæritabat. E singulis autem legionibus singulæ cohortes, quæ circa rhedas in statione consisterent, sorte ducebantur, & si quis hostium incursus tumultum excitaret, duo millia equitum descripta erant, qui dimissis equis pedestri ordine, cohortibus opem ferrent, vallumque defenderent: ad lævam reliquum castrorum latus alluebat amnis aquationibus, & in omnes comitantis classis commoditates opportunus. Nunquam enim à Danubij ripa discedendum esse didicerant superiorum ducum exemplo, qui in Pannonia militassent, & recenti monitu Ioannis Tarnovij Sarmatæ, qui Moldavica victoria clarus, uti summus bello dux eo exercitu, multorum iudicio votoque ad certam spem victoriæ, longè dignissimus habebatur. Is enim invitatus à Rege, quum tanti muneris operam præstare noller, ne Sigismundum regem suum, in vetere Turcarum amicitia quiescentem offenderet, salubre consilium dederat: præclare monens, ne unquam à ripa discederēt, nunquam se vel à refugientibus & perturbatis hostibus ad pugnam in campos elici paterentur. Nihil enim aliud Turcas omnibus ludificandi artibus instructos, eo bello quesituros, quàm ut nostri aviditate conferendæ manus progrediantur, à flumineque discedant, quo se celeriter ad ripam insinuent, circumfusoque innumerabili equitatu & laxatis latissimè turmis cataphractorum impetus eludant, & demum intercluso commeatu nostros etiam, uti Ludovico regi miserè accidit, aquatione prohibeant: quod ad Budam vero pertineret, severa voce dixit, bis antea parum fœliciter tentatam, tertio etiam periculo tentari posse, capi que, sed existimare munitiones adauctas, & Turcas aliquanto Hungaris constantiores, ad interitum usque pugnatuos, quo animorum decreto nostris militibus insuperabiles iudicaret. Nec de invicta gente, quæ veterano & maximo polleret equitatu, magnam insignemque victoriam ratione concipi & rectè sperari posse nisi beneficio Deorum immortalium parta concordia, omnes totius Christiani nominis equites, & opes in unam aciem congerentur. Erat enim fama edita in vulgus, Solymannum cum ingentibus copiis amittendæ Budæ periculo excitum in Pannoniam rediturum, aut si ipse subsisteret, missurum auxilio Europæi equitatus magistrum, qui suo more commoveri minimè posset, nisi equitum sexaginta millia ducerentur. Sed eius consilij eventus secus ac putarant, ancipitem casum tulit. nam sicuti ad decernendas cogendasque copias magnopere contulerat, ita ad descensum continuo maturandum magno incommodo fuisse videbatur. Gravis enim nec insolitus de Turcis timor, quanquàm magnificis verbis egregiè tegeretur, Germanorū animis incesserat, usque adeo, ut planè rudis imperator, quanquàm ingenio fortis, minimè festinandum putaret, ne sue gentis exercitus in ea loca demitteretur, à quibus adverso demum flumine, nisi parta victoriā difficilis esset receptus. Ex arcano enim cōsiliij decreto statuisse ferebatur, nullā pro Pannoniæ regno, vel dimicationis, vel certi periculi aleā subire, sed tueri tantū Noricos fines, & Germaniæ vires ostētare, quib. deterreri posset Barbarus, si veluti cōcessa Pannonia minime

nimè contentus, Germanos quoque laceſſere cogitaret. Sed certi demum ſpe-
 culatores è Samandria reverſi, quum eos omnes de Turcis falſos rumores ex-
 tinxiſſent, tanti dedecoris tardidatem ſuſtulerunt. Nam vix mille Ianizeros
 pedites, & biſ totidem equites Budam adveniſſe, & claſſem numero genereq;
 navium regiæ multo inferioreſſe eſſe nunciarant. Valebat & plurimum ad
 timorem minuendum cunctationemq; tollendam Hungarorum opinio plè-
 na bonæ ſpei, plenaque rationis atque iudicij, affirmante præſertim prædican-
 teque Pereno, nullam Turcarum manum, quæ vel mediocris & exigui exerci-
 tus nomine digna videretur, ad Budam inventuros, ſi continuoſcenderent,
 10 nihilque amplius iam penè corruptæ occaſionis inſigni flagitio perdi paterent
 tur, quòd Solymanno alternis eſtatibus bella gerere ſolito, is annus ſtatè quie-
 tis & ocij foret, nec ullam omnino validæ iuſtæque expeditionis ſuſpicionem
 adduceret. Hiſ de cauſis quum omnium militum animi ad profectionem cre-
 cti viderentur, & iam ipſe Ioachimus abrumpendam moram putaret, Danu-
 bium tranſire conſtituit: id non probabat Medices, qui quum Strigonij inte-
 grum annum in præſidio fuiſſet, Turcasque ſæpius ad portas excurrere auſos,
 multis interfectis & captis, latè reſpreſiſſet, rebus Budenſium diligenter explo-
 ratis, petendum regni caput eſſe diſſerebat, monſtrabatq; iter expeditum, quo
 facile in conſpectum Budæ biduo pervenirent. Idem erat Pereni iudicium,
 20 eadem Hunganoti que voluntas, ſed cum ducis, tum conſultorum omnium
 mens erat, ante omnia Peſtum oppugnare, quòd minore cum labore fieri poſ-
 ſe videretur, atque inde demum perſpectis hoſtium conſilijs, cognitisque vi-
 ribus ad veteris Budæ ripas reverti: tum enim milites multò alacrius expu-
 gnandæ Budæ pericula ſubituros, ſi Turcas, quòd bono ominiforet, in prima
 contentione deviciſſent. Hæc opinio magnopere probabatur ipſi Barcocio,
 Othonique Foriſco, qui paulo ante Peſtum contra Mahometem inſigni cum
 laude defenderant, locorumque naturam & mœnium vitia, & quicquid inſti-
 tutis ab ſe nec perfectis munitionibus deeſſet, exactè noverant. Cæterum ea
 res aliam quoque moram attulit: nam Danubius in inſulam ſancti Andree,
 30 & inde ad Vaccianam ripam traiectionis gemino ponte & laborioſo quidem
 opere iungendus erat. Vno demum atque altero ponte flumine conſtrato pe-
 tenda erat Vaccia urbs antea nobilis: ſed Mahometis bello, uti antea diximus,
 incenſa, & demum evaſtata à noſtris copijs penè tota corruerat. Nec erat quiſ-
 quam qui ante alios adire atque explorare locum vellet: occultatas enim in te-
 ctis atque ruinis inſidias timebant: quòd nemo adhuc hoſtium eſſet conſpe-
 ctus, nec ulla ſubeſſet cauſa, cur aſtutæ & promptiſſimæ gentis conſilium, ad
 metum potius quam ad dolos ac inſidias referrent. In ea cunctatione, adhor-
 tante Ioachimo, Vitellius alacriter id munus ſuſcepit, ita ut fidem daret im-
 perator Germanorum cohortes poſtero die ſecuturas. Itaque Vitelliani cæ-
 40 leriter conſecto itinere urbem ab incolis deſertam intrant, nec quenquam ho-
 ſtium, qui ſe in conſpectum daret, inveniunt, ita univerſus exercitus ab inſu-
 la in ulteriorem ripam eſt traductus. Descendit & uno tempore Medices or-
 natiffima claſſe, ut aliam minorem inſulam à fano divæ Margaritæ nuncupa-
 tam (ea eſt paulò ſupra Budam) occuparet, nec obſtitere hoſtes, qui tota ripa
 ſeſe diffuderant, è Budaque veteri minoribus tormentis claſſem tranſitu pro-
 hibere conabantur. Sed claſſis ſingulari militum alacritate, & contentione rea-
 migum incitata, adiutaq; plurimum ſecundo rapidiſſimi fluminis curſu, pau-

cis acceptis vulneribus, insulam apprehendit, classemque hostium subeuntem coniectis in eam maioribus pilis ad suburbanam Budæ stationem compulit. Porro inter insulam & continentis ripam, ubi iam pontem effecerant, in spacio duorum stadiorum erecta quadrata munitione, parva castra, quæ septem cohortium præsidium acciperent, constituta sunt, ut onerariæ naves duplici defensæ præsidio nihil timerent, & qui sub sarcinis in castra contendebant, securè commearent. nam & interdum aliquot turmæ equitum cohortibus addebantur. Quum magno circuitu, vitandis Budensium tormentis, ad Pestum ire pergerent, ex transfugis reperiiebant Balim Epirotam, qui mortuo Solymanno Hungaro urbis præfecturam excepisset, in præsidio habere circiter 10 duo millia equitum: tria verò ex Illyrico Vlamam Persam adduxisse. Is deserto Tammafo Persarum rege Solymannum secutus, uti supra memoravimus in expugnatione Castri Novi ad Rizonicum sinum insignem operam navarat. Ad hos accessisse mille equites Amurathe Dalmata duce, Obroati & Clissæ cladibus nostris claro. Advenisse autem Byzantio ex numero prætorianorum Ianizeros pedites mille, quibus præerat Segemenes Acarnan, eximia virtute chiliarchi locum meritis. Reliquos pedites ex genere latronum agrestium Martelosios aut Mysos remiges esse, quos faciundo operi potius quàm exercendis armis idoneos exigua mercede conduxissent. Classem verò constare paulo plus sexaginta Nafadis, decem biremibus, paucisque magnis lintribus, quos undiq;educta sponda crassis afferibus contabulassent. Imperasse autem cunctis Solymannum, ut Budam & Pestum cæteris omnino neglectis oppidis, summa vi defenderent, propositaque esse præmia fortibus, & supplicia ignavis: si quid porro propugnantibus durius accideret, Achomatem magistrum equitum (Bellerbeyum ipsi vocant) e Triballis accerterent: confedissem enim eum ad Sophiam urbem, ut maturè opem ferret, monuisseque Sanatos, ut parati profectionis imperium expectarent. His rebus exploratis castra ad oppidum promoventur, Turcæ conspectis nostris Vacciana porta rumpunt: Hungari singulari alacritate equos incitant, tumultuario prælio concurritur, sed paucis utrinque cadentibus, pari successu vires experti, 30 Turcæ in oppidum, Hungari in castra revertuntur. Vitellius à Septentrione, qua una in parte oppidum tutò oppugnari posse videbatur, propinquum muro locum cœpit. Germani vallatis castris paulò remotius tetenderunt. Oppidi mœnia quadratam figuram efficiunt, & à Meridie profluente Danubio, & per angustam ripæ marginem relincente, opportunè muniuntur. Vtrunq; autem latus ab Oriente pariter ac Occidente, tormenta maiora, hinc ab arce Budæ, illinc à Gerardo monte, ad certos ictus constituta, ita detergebant, ut sine certo exitio, neminem nisi imperitum & insanum usq; adeo infestis in locis castrametari posse perspicerent. Buda enim editis collibus imposita, dirimente Danubio Pestum in plano situm contra respicit, dominaturque latè campis 40 longo prospectu, ita ut nullam partem à tormentis metu vacuam relinquat, præter eam, quæ ad Agrianam portam obiectu oppidi protecta spectantibus eripitur. Postero die quum Vitellius, ut statuendis tormentis locum exploraret cum tribus cohortibus & duabus Sfortianis turmis ad mœnia processisset, nec quisquam hostium conspiceretur, Turcæ repentina eruptione e duabus portis nostros invaserunt, initumq; est certamen paribus primò animis ac viribus: sed postquam nova manus peditum & equitum subsidio suis advenit, nostri

nostri pedites primo, mox & equites perturbati dissipatique Ianizerorum
 vim ferre nequiverunt. secus enim ac nostri crediderant. Ianizeri summa agi-
 litate suspensa ad utrunque latus anteriore tunica, peritissimè longioribus
 sclopettis utebantur, celeritateque mirabili, ubi aliquis è nostris concideret,
 aut occiso equo sterneretur, iacentibus capita detruncabant. Nec lato scuto
 protectus eques, longioreque hasta prævalidus, & gravi gladio aut clava fer-
 rea galeas pertundens armatum nostrum equitem timebat. In ea pugnae ini-
 quitate perterritis militibus, Vitellius conglobata cohorte una, accensi sq; pu-
 10 dore suorum animis, insolenter urgentes Ianizeros gravi impetu summovit
 atque disiecit: quibus expulsis, quod decorum Vitellio fuit, peropportunè ser-
 vati sunt Vistarinus nobilis adolescens è Laude Pompeia, equitum præfectus,
 & Ludovicus Trechius à Cremona, primus Sfortianæ alæ vexillifer, qui vul-
 neratis & cadentibus equis, sub multo armorum pōdere in manibus hostium
 iam penè colla cēdentium prociderant. Sed Laurentio Camerti, cohortis præ-
 fecto, opem ferre non potuit, eandemq; Fortunam tulere Mazza Cortonen-
 sis vir egregiè fortis, & duo cum totidē signiferis ex Vmbria centuriones. Ex-
 plicante se Vitellio & suos recipiente, apparuit Turcas, si ampliore exissent
 numero, maioreque impetu incubuissent, nostros ad unum prius quàm suc-
 curri possent, delere potuisse: sed in eo repētini prælii tumultu, quum vires ad
 20 conandum Barbarorum audaciæ defuissent, non usque adeo animi nostro-
 rum sunt imminuti, ut esset quisquā qui ad abolendum dedecus in aciem pro-
 duci non cuperet. Ita Vitellius ad sarciendum incommodū dolore vehemen-
 ter incitatus, satis iam cognita natura hostium & perspecto pugnandi more,
 cōfirmatis accensisq; militibus, hosti insidias parare constituit, ante alios Pere-
 num admonet, ut occasione gerendæ rei paratus & intentus esse velit. Consi-
 debat Vitellius in hortis regijs muro præcinctis, qui æquali mille passuum spa-
 cio à maioribus castris & ab oppido distabāt: ex his hortis duodecim cohortes
 sub signis educit, reliquas intra septa cōsistere iubet, progrediturq; magno cir-
 cuitu ad inferiorē fluminis ripam. Nec hesterno successu elati hostes, quicquā
 30 morē sibi affarunt, quin cōspecto nostrorum agmine Orientali porta Flumen-
 tanaq; pariter erumpant, & ad nostros magna alacritate deferantur. At Vitel-
 lius suo periculo cautior factus, uti statuerat ac optarat, Turcarum impetum
 densatis ordinibus excipit, sclopettarios ab hastatis protectos, & sese in dextrū
 genu proclinantes, displodere iubet, vehementi strepitu prælium miscetur,
 multi cadunt, & Turcæ pertinaci audacia invec̃ti cuneis nostrorum aciem ef-
 fringere conantur, sed cohortes fortissimè resistunt. Interim, quū iam Turcæ e-
 quites atq; Ianizeri frequēti multitudine portis exissent, & multi pariter à Bu-
 da cōtemplati certantiū agmina, ut victoriæ interessent, transvec̃ti navigijs ci-
 teriorem ripam cōplevisent, Vitellius opportunè timorē simulat, sensim sed
 40 conferta acie se recipit. Tum verò hostes clamorem tollunt, & vehemētius ex
 omni latere nostros perurgent, & equites ad cædenda terga discurrunt. Id Pe-
 renus attentè conspicatus, ubi iam satis magno spacio Turcas insequendi cupi-
 ditate abductos, à portis discessisse videt, expeditas turmas inter oppidum &
 aversos hostes inducit, celeriter turme locū occupant, & regressurum hostem
 portis intercludunt. Adcurrit cum reliquis Perenus, validaq; Germanorū e-
 quitū manus duce Mauritio Hungaros cōsequitur. Tū verò Turcæ, animad-
 verso periculo, pedem referre, indagine se clausos intueri, in fugam ora atq; a-

animos cōuertere. Nec consilio votoq; Vitelliani defunt, promoti enim hāsta
 torum agmine & vtrinq; sclopettarijs in cornua expansis Barbaros inuadunt,
 eos vndiq; circumfusæ Hungarorū turmæ & occurrentes Germani equites in
 medio trucidant. Tantus erat conuersis & fugientibus illatus terror, vt pleriq;
 præcipiti cursu ad portā delati intentis hastis suorum terga configerent, illisq;
 in angustijs & mox cadentes sequentibus ingressum obstruerent. Multi quoq;
 quum ē ripa, propellente equitatu, in flumen præcipientes agerentur, & naues in
 tanta perturbatione conscendere nequirent, aut interfecti, aut abrepti flumine
 perierunt, Nafadaq; vna nudata remigibus in litore capta demersaq; est. Eo die
 Segemenes Ianizeros supra centum desiderauit, quum ex reliquis ad quadrin- 10
 gentos omnis generis amisisset. Huius editi facinoris summa laus ad Vitelliū
 peruenit, qui egregie atq; foeliciter structis insidijs suorū cædem celerrime vin-
 dicarat: secunda omniū confessione data est Pereno, qui per opportuno tempo-
 re & acuti & pugnacis ingenij insignē operam præstitisse ferebatur. Spectata
 quoq; est & nobilis virtus in Mauritio, qui inuectus acriter in hostes, & ab his
 circumuentus equoq; deiectus, tanto periculo fortiter se eripuit. Ab hac vel par-
 ua victorianostri adeo creuerunt animi, vt Ioachimus proferri tormenta, &
 continuo quati murū iuberet. Itaq; erectis vimineis corbibus, quos multa gle-
 ba ad altitudinem stature hominis replebant, vt pluteorum more tormenta
 protegerent. Productus est omnis tormentorum apparatus: sed longius quā 20
 oppoteret tormeta à Germanis constituta murum quanquam veterem, nec
 plus quinq; pedibus latum, languidissime feriebant. Quod si paulo demissius
 aut æquo altius librata essent, facile accidebat, vt pilæ vanis ictibus solo incide-
 rent, aut trans Pestum ad Budam vsq; iacerentur. Animaduerso vitio Medices
 atq; Vitellius monendo docendoq; à Germanis impetrarunt, vt propius ad-
 mouerentur. Eo modo quū murus quadraginta maioribus tormentis asidue
 quateretur, magno hiatu ad ingressum patefacto, repente corruit. Nec dubita-
 uit V. ius se primū profiteri, qui primi periculi locū atq; discrimen subiret,
 si Germani cum expedita legione, ascendentes Italicas cohortes à latere seque-
 rentur. Annuere Germani, atque id se facturos sublata manu promissere, segni 30
 mox ac indecora cunctatione à fide discessuri. Plerumq; enim accidit, vt qui an-
 tè periculū fortem operam pollicentur, in ipso demū discrimine turpissimam
 præstent. Ab alio autem latere Hungari pedites, agreste hominū genus, & cæ-
 teris audacior equitum iuuentus, quæ ad æquandum parī virtute bellicum de-
 cus dimissis equis pedibus pugnare minimē recusabat, locum desumpserunt,
 truciq; vlulatu edito, quo præstandę operę studium ostentabant, Italos tumul-
 tuario procursu ad subeundum murum inuitarant. Expectantibus cunctis, vt
 ineundæ pugnæ signū daretur Vitellius non pluribus verbis suos cohortatus
 quā vt se in Italianatos in conspectu fortissimarū gentium pugnatos esse
 meminissent: ipsis enim & patriæ maximē decorū fore, si antè alios nobili ausu 40
 ad hostem prouecti, præcipua virtutis laude potirentur. Neq; enim de pugnæ
 euentu foeliciq; victoria dubitandum, quū pro superis & dignitate Christiani
 nominis, cum inermi atq; foedisima gente dimicarent: manere victoribus am-
 plissima præmia ab optimo liberaliq; Pontifice: egregie autem fato functis, vt
 optarent, æternæ foelicitatis in cælo sedes. Simili modò delectos veteranosq;
 socios nauales, quos ē nauibus eduxerat, Medices accendebat. Perenus Hunga-
 ris, Germanis Hessius aderant. Mauritius Saxo, & Torniellus ad tormenta
 cum

cum magna manu equitum & peditum in statione constiterant, ut si hostes more suo erumperent, munimenta tuerentur. Erat mirum apud hostes silentium usq; adeo, ut nonnulli traiecissee hostes crederet: Ségemenes enim exactae disciplinae veteranus compresso omni strepitu tacite cuncta administrabat. Is novum ab Vlamane praesidium acceperat, fossamq; intra murum praetaltam declivi utrinque margine perduxerat: interiora autem in labro vimineos corbes more nostro, atq; item vinaria dolia arena, cespitemq; repleta collocarat. Post eam munitionem Ianizeri confidebant: secundum eos sagittarii, & demum equites hastati, scutatiq; qui pedibus pugnare iussi erant. Ad utrumq; verò fossae caput fenestratum aggerem erexerat, ut qui e nostris conscenso per ruinas muro in fossam se demitterent, non maioribus tantum tormentis ab utroq; latere emissis discerpti: sed flamma etiam expulvere sulphureo, aridisq; virgultis repente excitata ad unum omnes correpti delerentur. Signo dato quatuor signiferi, sequentibus cohortibus, audaci cursu in murum per ruinas evolarunt: sed dum vexilla defigunt, & fossam munitionesq; hostium mirantur, & pari spe metuq; ad descensum animos parant, repentina grandine sagittarum & glandium obruuntur. Nihilofecius adhortante Vitellio, alij atq; alij intrepide succedunt. In his eminet Carolus Meliteus, nobilis adolescens, cui Vitellius erat avunculus, & cum eo praefecti aliquot, & strenui centuriones. Caeterum Germani pedites neq; spe victoriae, neq; sociorum periculo permoventur. Hessius, alienae cladis spectator, conferta legione sub moenibus consistit. Hungari quoq; qui alacriter procurrerant, nec conspecto quidem hoste a moenibus recedunt. Ita fortuna, iam pridem Italicae virtuti plurimum infesta, nostros deserit: Meliteo humerus glande traiecitur: praefecti cohortium Rufus & Fiolla Tiphernates cadunt, occisisq; signiferis vexilla deferuntur. Nec Turcae occasione desunt, partim e propugnaculo, quod biennio antea Barcocio ac Othone Fotisco defendentibus erectum diximus, partim a transverso aggere profiliunt, & tota muri corona diffunduntur, spirantibus spolia detrahunt, & capita detruncant, et mox glandibus, sagittis, & multo maxime lapidibus deiectos, nec se recipientes non cessant incessant. Eadem quoq; telorum vis legioni Germanorum incidebat, ita ut multo plura, quam quae nihil audedo, uti egregia cunctatrix, vulnera devitarat, ab ignobili demum constantia exciperet. Pudore siquidem locum tenebat, ne quae turpiter sub moenibus hesisset, si se prima reciperet, secundi dedecoris infamiam subire videretur. Idem spectans, sed diversa ratione, Vitellius nullum timoris, nullum receptus signum dabat, utpote qui universas cohortes multas sterni, quam ullum vel minimae laudis locum legioni relinquere mallet, quum se ab ea desertum, & penè proditum, maiore ira quam dolore quereretur. Audita praeclare vox est Turcae Italica lingua proloquentis, Cur vobis Itali viri fortes non parcitis, nec segnibus Germanis pugnae locum relinquitis? mens una nobis est Italici parcere, & Germanis uti maxime ignavis temulentiam excutere, ne amplius nos laceant. Tum vero Hessius, pertinacia multis vulneribus expugnata, legionem reduxit, & cohortes Italicae continuo se receperunt, adeo dissipatis omnium ordinibus, quum a tormentis hostium celeri fuga se eriperent, ut multorum opinione constaret, si Turcae omnibus portis erupissent, magno detrimento nostros affici, & castra ad singulare ignominiam conturbari posse viderentur. Eo conatu potius, quam prelio septingentos e nostris desideratos ferunt: sed aliquanto plures ex foeditate vulnerum: nullis aut certe absurdis ad ea reme-

dijs toto demum itinere perierunt. Medices quoque dum ad cohortandos milites discurreret, immanis tormenti afflatu potius, quam ictu humi cum equo prostratus summum vitæ periculum adiit. Quum in muro pugnaretur Ioachimus ipse & Hungarotus vsque adeo infami consilio & loco ab omni tormentorum discrimine subducti pugnae euentum expectabant, vt Torniellus atque Fotiscus adeos accersendos non obscura eius flagitij cum obiurgatione contenderint, vt confirmandis militum animis collocandisque praesidijs, qui vni summæ imperij potestatem tenerent, adesse & conspici vellent. Sed nostris fortiter repulsis Barbari nihil se commouerunt, ita in castris sublatus est omnis tumultus, & curandis vulneribus militi quies data: sub noctem vero Ioachimus duces in consilium vocauit, disputatumque est grauibz sententijs, an abscedere incepto quàm expugnandi oppidi discrimen iterum subire satius foret: quum à plerisque Germanis ea, quæ tutissima, vt longè optima, probaretur. Tum Vitellius, an hoc, inquit, turpe sit, vos ipsi videritis, viri Germani, qui vobis præcipuum militaris disciplinæ decus perpetua laude ab inuictis maioribus vestris traditum, non iniquo iure vindicatis. Quis enim vel gregarius miles est, qui Christianæ militiæ nomen, si pari cum ignominia tam propere reuertimur, quàm tardè descendimus, non in præsens modo (tanto scilicet admissio dedecore) quàm in reliquum tempus existimatione spoliari non uideat: exultabit certè Barbarus, vt iam aliquot inflatus victorijs, & Germaniæ vires, Romanis olim gentium victoribus formidabiles, inani tantum fama constare conspiciet. Ego quidem & cohortes meas, vel accepto incommodo, alacres & prælium poscentes video, nec oppidum posse capi diffido, si vno atque altero in loco murum quatiamus, paribusque animis ac vno simul tempore, triplici constantique acie inuadendos hostes arbitremur. Neque enim fortis, vel eximius imperator esse potest, qui non omne vel inique fortis periculum contemnit, vt publicæ dignitatis & priuati nominis decus defendat. Hæc dicente Vitellio introductus est speculator, qui Achomatem superato ad Belgradum Sauo, ad Drauum peruenisse referebat. Huius aduentu vel astutè simulato, vel inaniter credito, Germani deliberationibus finem imponunt, atq; inde mouenda castra, redeundumq; Viennam censent: quod præcipiti autumnno matura heymis suberat, quod multi ex legionibus vulgatis morbis deperibant, quod maximè timendos imbres diuturna serenitas prænunciaret, quod deniq; fossa interior, ante spem conceptæ victoriæ nostrorum cadaveribus replenda videretur, nec tutus demum receptus foret, si Achomates expedita suorum agmina de more præmissurus, ad Tolnam traiecto L... hærentibus in oppugnatione oppidi superueniret. Erant militum omnium animi, si iterum mœnia quaterentur, ad præstandam supremi conatus operam intenti paratiq;: sed dux ipse reputatione periculi, ab omni sua parata laude discesserat, vt ignarus belli, aut certè, quod potius de generoso credi velim, octo- uirali iudicio cricumscriptus: quanquã hesternò certamine, dum cuncta armis tormentisque perstreperent, ita crueto spectaculo subtractus fuerat, vt nusquã conspiceretur, vno fermè ex omnibus regulis Mauritio Saxone excellenti virtute Germanorum decus tuente. Ob id veteres pleriq; Germani milites, eius ignobilis consilij dedecus, confusis tristi pudore animis non ferebant, atroci quodam fremitu indignantes paucorum ignauia publicum inuictæ gentis nomen prodi: & Hungari quoque feris vlulatibus amissam spem recuperandæ patriæ

patriæ deplorabant, incusantesque Deos atque Germanos, de infesta ipsorum
genti fortuna querebantur, usque adeo, ut tanti roboris exercitu dignus Impe-
rator inanibus votis optaretur. Maximilianus quidē Cæsar Germanis: Mat-
thias verò Corvinus Hungaris, qui iam pridem consummata belli gloria fato
functi posterorum ignaviæ locum reliquissent. Cæterum Ioachimo decreti
propositum tenente, Itali duces, qui discessum dictis sententijs improbarant,
ægrè impetrarunt, ut sequenti die in speciem renovandi certaminis, tormen-
tis mœnia quaterentur, nihilque milites ad iter pararent, sed sub signis, nullo
tumultu edito, in statione consisterent, quo susceptæ profectionis consilium
10 tegi posset, & distineri hostis, qui nullam ad insequendum moram facturum es-
se videbatur. At Segemenes ubi nostros tanto fortissimarum cohortium de-
trimento perterritos videt, prima luce equitatum omnem & validas peditum
manus, quæ refugientibus equitibus præsidio forent, audacter emittit, pluri-
bus in locis cum Hungaris pugnatur, nec virtute, aut eludendi arte nostri ho-
stibus cedunt: resque eo deducta erat, ut in conspectu Germanorum ac Italo-
rum indictis inducijs singulari certamine, ex utraque acie conspicui & prom-
ptissimi quique infestis hastis concurrerent, usque adeo fide integra, ut utrin-
que Barbari Hungaris, & Hungari Barbaris inviolata comitate miscerentur,
nostrique duces tanquam ludicro spectaculo virtutis ac ignaviæ iudices inter-
20 essent: acciditque, ut insignis dux Turca Vitellium sibi ostendi posceret, atque
ad eum (nam armis satis erat conspicuus) virtutis nomine amplexandum pro-
curreret. Eo die supra quingentos equites nondullis utrinque interfectis
ac vulneratis concurrisse constat. sequenti porro nocte, reducto omni tormen-
torum apparatu, exercitus ad classem ripamque Danubij iter extendit. Tum
verò Barbari nostros discessisse conspicati, sese omnes effuderunt, clamoreq;
sublato, quo nostris turpem fugam exprobrarent, postremis agminibus instite-
runt. Traiecerat & ipse Vlamanes, premebanturq; adeo nostri, ut nisi magno
accepto incomodo sese explicare & agmen consequi posse viderentur, nisi Vi-
tellius vexilla sisti convertiq; ordines suos iubens monuisset Hungaros, & se-
30 cundum eos Germanorum cataphractos, ut impetu facto, & densatis turmis
urgentem hostem impeterent. Ita armatus equitatus intentis hastis inVectus
non summovit modo hostem, sed proturbatum & frustra terga dantem late
cecidit. Nam postrema Turcarum agmina, uti procul à periculo, nec perspe-
cti nostrorum acie, quæ repente se converterat, nondum equos ad oppidum con-
terant: ita primi intemperanter urgentes præcipitis audaciæ pœnas dede-
runt. Duravit ea tumultuosissima hostium fuga, pugnaq; in multam noctem,
quum clausis portis exclusi hostes ad Danubium usq; secundum mœnia cursum
intenderent, nostriq; avidè persequerentur, & cuncta tormentis undiq; emis-
sis, in communi periculo perstreperent. E nostris autem ducibus, suprema in-
40 signis virtutis opera egregiè navata interiit Iacobus Truces nobilissimæ stir-
pis Valpurgæ regulus, qui Suevorum equitatus præerat. Is quum equo ex vul-
nere procumbente oblatum alterum conscendere conaretur, interfectus est,
caputq; eius hastæ præfixum ad Vlamanem miles detulit. Trunco autem no-
stri potiti sunt, qui demum Vacciæ omni funeris honore collato tumulatus
est, hoc ipso publicæ pietatis officio dignissimus, quod eius sacri suscepti belli
præcipuus adhortator extitisset. Eo accepto incommodo, multisq; desidera-
tis Vlamanes equitatum continuit, patuitq; inde expeditum iter nostris infami

festinatione Germaniam repetentibus, quibus magno usui classis fuit. Medicis enim praefecti diligentia, tormenta omnia in naves sublata sunt: ægrorum tamen per ampla manus segniter extremum agmen subsecuta classem conscendere nequivit, ita ut superventu Barbarorum septingenti ferè Germani semi-animes, crudelissimè in oculis nostrorum obtruncarentur. Duces verò nostri iam tertio ac infelici ad gravem ignominiam conatu, Turcarum vim atq; peritiam experti, amissum militare decus tristi cogitatione deplorabant, quum iam Pannonici regni obliviscendum, & pro salute Germaniæ consilia capienda faterentur, postquam summi reges, obliti veri decoris, veræq; pietatis dum privatis odijs decertant, rem publicam Barbarorum commodo, enervandam, perdendamque immani animorum obstinatione suscepissent. Italis ab rege dimissis, redeuntibusq; in Italiam egregia fide stipendia persolvit Angelus Medices praefecti classis frater, quem Pontifex ob singularem industriam Vitellio quaestorem dederat, ut fratrem Vitelliumque hisdem sensibus coniunctos in amicitia contineret. Ab rege autem, cum multa virtutis commendatione, Vitellio atque Angelo aurata pocula dono data. Sed eas copias per Villacum & Carnicas Alpes atque Veneriam domum iter habentes lentus potius, quam sævus morbus à castrensi illuvie, ac alieni cœli, & pestilentis autumnii iniuria conceptus, vehementer afflixit: usque adeo, ut ferè dimidia pars militum desiderata sit, & Tiphernates principem civem, cum meritis laudis lauream redemptam ex domesticis funeribus atra in veste susceperint. Sfortiani quoq; equites cunctis ferè equis macie cinctis, pedibus in patriam redierunt. Cæterum ut rei malè gestæ fœdus exitus, ad minuendam infamiam avertendosq; hominum sermones alicuius insignis facti novitate tegeretur, Perenus Petrus affectati regni suspicione, regionumque livore circumventus in arce Strigoniæ à Liscano Hispano iussu regis capitur, traditurque extemplo Medici praefecto classis Viennam deducendus. Quum caperetur, avarè ac inhumani: er agens Liscanus aureum torquem collo detraxit, exiitque veste quæ pretiosis Sebelinarum pellibus suffulta erat. Id factum, uti clarissimo viro atque infanti indignum, adeo Hungarorum animos contumeliæ dolore consternatos perturbavit, ut supra duodecim milia equitum maledictis Germanicum nomen incessendo sublatis continuo signis domum redierint. per eos enim dies nunciatum erat, Pereni filium ex aula Solymani à Rasciano servo fœlici astu eductum in Transylvaniam evasisse. Is admodum puer Solymano fidei obses datus intra septa regiæ cum nobilibus coætaneis adoleverat. Nam Perenus patre victo sublatoq; Ludovico, quum Ioannem nequaquam regia stirpe progenitum, Pannoniæ regno potiri vehemèter indignaretur, ad Ferdinandum, uti summæ nobilitatis principem, Cæsaremque in concilio Germaniæ designatum transierat: ea spe ut primum sibi post regem in Pannonia potentiæ locum pararet. Sed pari quoque ingenij mobilitate, quod omnia apud Ioannem sub maiestate Solymani tuta atque fœlicia: apud Ferdinandum autem dubia ac infirmissima spectarentur, cogente pudore (ne Germanis æternis hostibus Hungarico sanguini imperij decus erepturis favere videretur) auctore Habraymo Bassa, cum Ioanne in gratiam rediit: agrè ut reciperetur impetrante Solymano, quum Ioannes Perenum fluxa fide, vario instabiliq; iudicio hominem testaretur: proindeq; iterum ab se defecturum esse prædicaret. Ad ea Solymanus in hanc sententiâ gravissimè respondit, sicuti ab his qui sermoni interfuerunt, didi-

dicimus. Quid tu igitur, Ioannes, ad gloriam maioris à Deo magno, si sapi-
 expotare potes, quam ut Perenus à fide discedens, dum ingrati atque improbi
 nomen subit, generose clementis decus tibi relinquat. Exinde Perenus in ho-
 nore habitus integra fide regem coluit: sed mortuo demum Ioanne ad inge-
 nium rediit, quum Georgium tutorio nomine regnantem ferre non posset, &
 à Ferdinando sollicitatus eadem ambitiosè affectata transfugii præmia inanè
 spe præsumeret. Itaq; filius Byzantio fuga elapsus, quum incredibile gaudium
 afferre videretur, summam calamitatem misero patri attulit: à regis enim i-
 gnavisq; hominibus, quibus aliena virtus oneri, & calumniæ virtutis odio ge-
 nita magno questui semper fuit, excitatus erat rumor, Perenum adolescentem
 10 simulata fuga elapsum, cum Solymano transegiſſe, ut pater Hungaros propo-
 sitis rerum omnium immunitatibus ad Turcarum studia traduceret, præmium-
 que illi foret Pannonici regni præfectura, in spem quoq; propinquam regis
 nominis, si fata Stephano infanti Ioannis regis filio, adolescentiam invideret.
 Perenus quoq; non levem aut obscuram vim famæ suspicionique præbuerat,
 quum per hybernorum tempus ab Agria cum præfectis Turcarum comiter
 & liberaliter agendo amicitiam mutuis magnisque muneribus coluisset, & id
 quidem aliquanto studiosius & luculentius quam deceret, cum eo præsertim
 hoste, cum quo nullum esset ab adversa religione commercium, nec ullæ tum publi-
 20 cæ ad otium induciæ vigerent. Sed tantus inerat Pereni ingenio fastus & splen-
 dor propè regius, ut ei ferme centum generosi & militares equi, vacui sessoribus
 præducerentur, ob idq; Ferdinando regi parum cultu decoram aulam aut certè
 exhaustas opes exprobraret: quum ille usquequaq; à familiaribus suis immani-
 ter direptus tenui apparatu, ægrè regis nominis splendorem tueretur. Ea lu-
 xus ostentatio regionum animos nefariæ direptionis conscientia perculsos, ita
 altè perstrinxerat, ut cuncti ad opprimendum Perenum coniurantes, eum di-
 gito commonstratum olere diadema regium, nec privatum pati nomen pos-
 se prædicarent, adeo pronis & suspicacibus ad id Ferdinandi auribus, ut quum
 vera testataque de familiaribus minimè crederet, genio deceptus, falsa de alie-
 30 nis libentissimè ad animum transmitteret. Eam quoque affectati regni nutan-
 tisque ingenii suspensionem vehementer auxerant literæ; Pereni ipsius manu
 ad quosdam duces Hungaros scriptæ, proditæque regi à Francapane Agrien-
 si antistite. hic enim Pereno valde infensus erat, quod ille militari licentia to-
 tius Agriensis sacerdotii peramplos redditus alendis suis equitibus intercepisset.
 his autem literis opima novaq; stipendia suam auctoritatem sequentibus
 polliceri videbatur. At Perenus cum omni honore verborum à Medice Vien-
 nam perductus, quum portæ appropinquaret, audiretque obviam Medici ad-
 venisse Philippum Torniellum, rogavit ut sibi ad aperta rheda alloqui viros
 fortes generososq; liceret. Id verò facile concessum est, quod tanta viri claritas
 40 & spectatæ virtutis studium non custodia modo & carcere, sed nec ambigua
 fidei suspensione digna videretur: isque ad eos conversus: Me miserum, inquit,
 quem in fontem immanis invidia circumvenit: sed multo miserior Ferdinan-
 dus, cui domestici latrones & fortunas, & amicos; & deniq; regium decus eri-
 piunt. Ita enim fit, ut hac præcipiti delati nominis mei iniuria Hungaricam gen-
 tem à studio fideq; penitus avertat, ac ob id de Pannonie regno non temere de-
 speret, postquam mihi claritate natalium nulli secundo, & iam tribus bellis fortis
 fidelisq; navatæ operæ præmia ab iusto rege promerenti, de filio Barbarorum servi

tute erepto lætari non licet : quum pro incomparabili gaudio iniqua mea forte , non dubius vitæ metus antè oculos obuerfetur . An delatores ignauia suæ conscij, in ipsa de me calumnia præcipui testes , capto custoditoque parcent : qui nec famę vnquam regis pepercerunt, clarissimus enim quisq; vel criminis insons quum capitur, non conceptæ quidem noxæ pœnas, sed aduersam fati sui sortem subit, me tamen animus integer scelerisque insons, quod vnum Dij certi iudices calumnia circumuentis & miseris solatio relinquunt, hac cura liberat, liberabitq; hoc crudeli infamiae onere Ioachimus imperator, cui oborta suspicio netale mihi periculū imminere prædixerim, et me obiter insonem interfici malle, quàm iudicio corā non adesse, confirmarim, et tum quidē,¹⁰ quū tantis meis septus copijs nullius vim timerem. Hæc obsecro nobilis officij verba Ferdinando renunciate, vt in discrimine mei captis maturè generoseque deliberet, & quantū inter amicos & delatores intersit, suo non alieno ingenio fretus intelligat. Nimis profectò miseri sumus duces, si re male gesta ita plectimur, vt præuertisse belli Fortunam videamur. Deserti certè ad Exechiū scedeq; amissi exercitus Cazianer iustas fortasse pœnas dedit, quū inusitato oppressus metu imperij munus defereret, nec in ipso duce dedecoris quàm mortis metus grauior esse videretur, vltro enim sese custodię dedens, ita cōcepti pauoris crimine damnatus est, vt desperatis causæ suæ præsidijs effracto carcere, tam scelesto quàm infœlici consilio ad Turcas transfugerit. Sed neq; summū imperium a-²⁰ pud me dudum fuit, neq; nos victi sumus : si non vicimus, quod nobili certè receptu persequentis hostis insolentiā egregiè reprefferimus. Pannoniæ autem regnum affectare & tum promereri beneficio Solymani facilè potui, quum Ioanne rege morte sublato, expedienteq; arma Ferdinando, clientelæ opesq; meę & Hungarorū in me studia, non leui ad victoriam momento valitura spactarentur : nec absurdam ob id, vel intempestiuam spem consilijs viro Christiano indignis afferrent. Pugnaui igitur, pugnaboq; dum viam contra Turcas, si se æquum Ferdinandus in hac calumnia inimicorū malignitate conflata iudicem præstiterit. Perorantem Medices, vt in clementia æquisimi regis spem reponeret humaniter adhortatus est, moxq; fidele officiū præstitit, ipseq; demū Tor-³⁰ niellus venantē nactus regem, ne quid durius de Pereno statueretur, opportunis precibus molliuit. Nec multo post Perenus, quū in dicenda causa, vt palam audiretur, imperare nequiuisset, in ciuitate noua custodię traditur, vel nouę perfidiæ, vel, vt credi par est, antiquę leuitatis diuturno carcere pœnas daturus. Ita tres omnino reliqui antiquissimæ stirpis Hungari principes promerendo Pannoniæ regno pares, Valentinus atq; Maylatus, ac ipse Perenus, paribus propè insidijs virtutis inuidia circumuerti, omnē spem excitandi Hungari regis discordi ac ob id afflictæ ipsorū genti sustulerunt : quū hic fera instabilis iudicij sui pœnitentia sortem lugeat, illi verò ad Euxinum Pontum, in cathenis mortem miseriarum finem expectent : grauiore tamen Pereni conditione, quum illis à re-⁴⁰ ligione desciscenribus, maximi militiæ honores à Solymano liberaliter offerantur : hic vero nihil à deprauato rege mitius expectet, quàm vt in carcere mœrore ac illuue confectus intereat . Hunc habuit euentum id bellum ex concilio Germaniæ aduersus Turcas susceptum, quod magnæ cladi plerisq; æquandum videretur, quum Ferdinandus à Bohemis & Slesitis atque Morauis, qui militū delectum collata pecunia redemerāt, subsidia instantis belli nequicquā absumpserit, amissaq; existimatione Germaniæ viriū, vti in iuriæ

expositus

expositus ac inermis, audaces alioquin Barbaros, & tum ab ipsa victoria insolentes aduersum se concitarit. Sub id tempus Paulus Pontifex suo vetere indicendi concilij proposito innixus, Tridentum tanto conuentui maximè opportunum delegit: cupiebat enim satisfacere Cæsari, indulgereque his Germanis, qui ab auctoritate Romani pontificis Christianisque ceremonis impiè descuiissent, actum maximè vllam urbem extra Germaniæ fines ipsis tutam aut commodam fore pernegarent. Eò autem, vti plerique putabant, audaci periculo quoque decreto, Pontifex eleuandam omnem timoris suspensionem existimabat: quo celebri edicto, si qua omnino aut cæci metus, aut improbe cunctationis nota superioribus Pontificibus inhæsisset, peculiari sua cum laude penitus detergi atque aboleri videretur. Ita enim fiebat, vt Tridentinos Germanica loquentes lingua in ditioneque Cæsaris constitutos, nec ipse quidem Lutherus hæresiarcha insanie pœnas veritus, reformidaret: quum patrum memoria Vicleffium & Husium, pari impietatis nomine damnatos & Constantiæ concrematos audisset. Sed postea præclarè compertum est, Pontificem hac in re Cæsari in spem priuati commodi obsequi voluisse. Igitur circiter calendas Nouembres, anno à partu virginis supra millesimum quingentesimo & quadragesimo secundo, Pontifex ex senatus consulto, tres senatorij ordinis Cardinales Tridentum misit, qui bene auspicato inchoandæ synodi futuræque, tot gentium frequentiæ sedem pararent, Paulum Parisium diuini ac humani iuris professione insignem, Reginaldumque Polum Britannum, qui supra regie stirpis claritatem, & latinæ facundiæ laudem nemini serè fœlicius partam, perfectum Christianæ virtutis habitum præferēbat, Ioannemque item Moronum, secunda morum atque doctrinæ fama per omnes Germaniæ conuentus legationis munere perfunctus. Hos secuti sunt aliquot præclari nominis episcopi: nam Pontifex ad representandam eius ordinis dignitatē, excellenti ingenio doctrinæque supra centum descripserat, qui de veritate rerum diuinarum saluteque labantis Reipublicæ in confessu gentium omnium disputarent. Venientes Christophorus Madrucius, Tridentinus episcopus, pari splendore humanitateque vir liberaliter excepit: nec multos post dies Peronotus Granuellius ab Hispania Genuam triremibus delatus, profectusque inde Tridentum, inchoatæ synodi famam excitauit. Cæsaris enim occultè mandata detulerat, quibus indicti concilij decretum locumque ad eam celebritatem opportunè atque rectissimè delectum approbabat, testabaturque eo vsurum esse Cæsarem maximo Reipublicæ commodo. Quoniam ipse ad prima veris signa naues consensurus, vt corrigendis publicis moribus censuram ageret, impiasque aut certè obscuras in religione opiniones inuecta vera luce reuelleret, concilio adesse statuisset, nobili pioque Sigismundi Cæsaris exemplo, qui Constantiæ rebus ritè compositis terrarum orbem diris erroribus & pestilentissimo schismate liberasset. In eam quoque sententiam Antonius, ipsius Granuellij filius, præcellentis ingenij iuuenis, Atrebatum antistes, luculentam habuit orationem, non obscure emisit quibusdam aculeis Pontificium nomen, quod sacrorum principes perpetuis ludificandi artibus, tam diu tergiversando, necessaria atque ideo suprema publicæ salutis remedia distulissent. Negauere tres legati se quicquam publicè de mandatis audituros, ne vno eius aduentu synodus ritè cœpta crederetur. Eam enim grauisimarum rerum & dogmatum cognitionem ad vniuersas Christianę professionis gentes pertinere expectan-

dosque propterea sacratos viros, qui ab vltimis Hispaniæ Galliæque finibus, & à Germanico Sarmaticoque Occani litore venturi crederentur. Tum enim de Republica optimè sperandum videri, quum saluberrimo omnium consensu ad impetrandam pacem sanandosque mores, & decernenda pia arma aduersus Solymanum, ingentia studia, ac vniuersæ denique omnium opes conferrentur. Eo enim Graueilius tendebat, vt Pontifex terrore concilij iniecto, ab instituta sacrosancti parentis ac iudicis æquitate discedere, proferreque arma aduersus Gallum pro Cæsare cogeretur: cum immāni enim hoste foderatum, exitiosamque in immensum Christiano nomini, Barbarorum amicitiam colentem, eo titulo maioribus quondam eius maxime specioso, quem præferret, indignum dicebant. Putarat etiam ab initio Cæsar, veterē suo incensus odio aduersus Gallos, Pontificem in partes facile preducturum, vti maximis obsequijs atque muneribus deuinctum concessa paulò ante Noua, ria, prælataque demum Farnesia domo, in qua (repudiatis aliquot illustribus generis, ipsoque præsertim Cosmo Etruriæ principe excluso) vnicam filiam, Mediceas opes dotali hæreditate secum trahentem, nec tum Octauio quidem coniuge ad nuptias satis maturo liberalissimè collocasset. Quibus de causis amarior factus Cæsar, legem in Hispania promulgarat, ne cuiquam externo pensiones, auctoritate Pontificum sacerdotijs impositæ, soluerentur, Michaelēque Syluam Lusitanum Cardinalem legatum, pias dignasque periculo cohortationes afferentem contumaci contemptione reiecerat: quum Syluæ collega Sadoletus Cardinalis in Gallia perhumaniter esset auditus. Certissimis enim speculatorum nuncijs ac literis comperit habebat Pontifex, Solymanum ea quæ imminabat æstate terra marique atrox bellum Christianis illaturum, & tum quoque circiter quatuor Hispanorum milia ad extremos Sabinorum fines hyberna protulerant, imminabantque ita per Valeriam viam Tyburtinis montibus, vt quum non longè à Pontificijs finibus Fabritius Columna, & Franciscus Vrsinus (ille paterna ditione exutus, hic iudicio rerum capitalium absens damnatus) exules versarentur, non inanem metum Romanis incuterent, omnino similes ex funesta memoria valde atroces Columniorum & Cæsarianorum casus facile timentibus. Sed in Pontifice ad nulla vnquam terricula trepidanti, & Reipublicæ nunquam oblito, ea inerat æquitatis atque iustitiæ cura, vt priuato nomine ingratus, quàm publico incommodo parum grauis disceptor, Christianiq; officij prorsus imperitus existimari mallet. Prouidebat enim Franciscum, præclaro recentique suo & superiorum Galliæ regum studio de Pontificio nomine benemeritum, nequaquam temere alienandum: vt pote qui lacessitus iniuria, à Romani Pontificis auctoritate indignanter discessurus esse videretur. His de causis plerique senatores in contraria studia diducti, vt anteà capti sacerdotiorum muneribus magnæ partis senatus cum pudore ac infamia diuenditæ libertatis Cæsari & Gallo diuersis sententijs fauebant, vsque adeo intemperanter, vt Dionysius ex ordine seruorum cucullatorum in senatum traductus, Franciscum auito Christianissimi cognomine spoliandum, persequendumque armis & diris imprecationibus diceret, obstrepente senatu intempestiuæque facundiæ insolentiam reprehendente: quum Dominicus Cuppius Romanus, Senatus princeps, interrogando respondisset, in cuius ergo tutela rei Romane salus et dignitas erit?

si pro Cæsare, à quo proditi perditique summæ calamitatis incommoda pertulimus, contra eum quem insigni merito liberatorem vr̄bis fatemur, diuina ac humana arma nefario decreto expediamus? Non infacetè quoque alius senator ad proximos conuersus subiunxerat, *Parcite*, inquit, patres, non iniquo enim iure latrat, qui famescit: ad opimum enim sacerdotium inops Dionysius quum anhelaret, liberalitatem Cæsaris peracri studio prouocare nitebatur. At Pontifex sermones graui admodum aure exceptos ita contracta vel remissa fronte transmittibat, vt nihil ea patrum contentione grauari putaretur: ingenio siquidem egregiè composito, & per omnē gratem senatorijs artibus exaggerato, maximū
10 prudentiæ munus existimabat, detegere hominū studia, nudare volūtates, scrutari atque introspicere sensuū recessus: in magnos scilicet vsus publicarum actionum: quæ omnia tum solerter adsequebatur, quū in negotio dissentienti materiā simulata consultatione præbuisset. Hinc collecta parataque habebat responsa, quæ legatis daret, excusationeq; legitima in alternos vsus opportunè translata vtriusque principis offensiones eruditissimè deuitaret. Detexerat & tum late profundeque principum animos, tamē si eos antea, tanquam à concordiae nomine plurimum abhorrentes, satis habebat exploratos: quum forte Cæsar ad eum vti communem omnium parentem, sacrosancto que iure omnis humanæ litis disceptatorem literas perscripsisset, quibus in Franciscum vehementer
20 inuectus superiorum temporum iniurias, ruptaque toties fœdera, & concitatum ad Christiani nominis perniciem Solymanum querebatur. Nec ideo dubitasset Franciscus, quin publicato ad defensionem insigni volumine obiecta confutaret, adeo vt binis criminosis libellis ad inextinguibilem contumeliā editis, vtrinque regij honoris fama immaniter dilacerata spectaretur, eaque obiter arcana prodita, iniustæque diræ factorum notæ omnem spem conciliandæ pacis excluderent. Ea siquidem maledicta in grauisimo momento læsæ maiestatis insanis peruiacibusque animis, vti verè propria ducebantur, quando omnis calamitas conflagrantis orbis non ad ipsos, sed ad miseras aliasque gentes pertineret: quum integro pudore tueri regium decus
30 vellent, & tamen hoc duorum & viginti annorum curticulo supra ducentas vrbes euastatas, castella amplius tria millia deleta, totaque ea contentione ducenta millia hominum Christiani sanguinis interfecta faterentur, & subinde nihil permoti vel acerbissimo humani generis odio, Deos ipsos, vti nunquam miserorum precibus affuturos, abdicata pietate contemnerent. Cæterum Granuellius Tridento profectus, eadem, qua venerat, celeritate ad Germanos peruenit, qui conuentum ad Nûrumbergam indixerant. Deferebat enim certissima Cæsaris animi decreta, quibus grauisimarum rerum munus expediret. Ante omnia Guilelmus Cleuensis regulus ad auctoritatem Cæsaris erat traducendus: cohortandæ liberæ ciuitates, vt Ferdinandus regi tuendo Pannoniæ regno adessent: Saxonum, Cattorumque principes Henrico Brunswicensi conciliandi, quorū armis propter sacerdotij controuersiam ditione nuper esset expulsus: prouidendū ne Germani milites impune ad Gallorū stipendia transirent: & commouenda denique omnium studia ad conciliū celebrandum: qua in re Lutheranorū voto potius quam exquisitè Pontificis causæ fauere videbatur. Neque enim conciliū libero gentium omnium concursu celebrari poterat, nisi prius pax ipsa regumque concordia pararetur, atque ita fiebat, vt promissiones Cæsaris, quibus Lutheranorum animos promerabat, nec

ambigua ad id Pontificis voluntas, tanquam inanes nihil ad causam profutura à plerisque irriderentur. Quis enim ab Hispania clarus antistes (quum in Gallia Georgius Maximiliano Cæsare genitus Valentinus episcopus, in itinere sub ipsam Rinconis atque Fregosij cædem esset interceptus, & Oceani Mediterraneiq; maris navigationes Punicarum et Gallicarum clasium metus sustulisset) Tridentum omnino eundum esse arbitraretur? Quis demum in Gallia insignis vir sacratu per Rhæticas Alpes in eam urbem se conijcere auderet: quæ ad vnum buccinæ cantum in potestate Germanicæ multitudinis futura crederetur, vel nolente obstanteq; Ferdinando, cuius eximiâ fidem in ipso periculo implorasse frustra esset. Nemini enim in dubium verti poterat, quin legitimum atq; solenne concilium ipsa pace natura posterius censeretur, quoniam sublatis vndiq; bellis humanas res tranquilla pace constitutas rerum quoq; concordia sequeretur. Sed hæc cunctis exoptata parari minime potest, nisi viri Christiani de interitu religionis valde solliciti, pacem antè omnia ab obstinatis principibus vel coniurantes exposculent. Interea tantis in Belgio detrimētis affectus Cæsar, & vehementer indignatus, Gallos ab se toties devictos, se præsentē Hispaniæ fines intrare ausos, ingens bellum parabat. coniuxerat enim sibi nouo fœdere Henricum Britannia regem, vt eius gentis auxilijs, quibus Galli antiquitus magnopere terreri consueuissent, ditissimiq; regis auro adiutus, multo quàm antea validiore impetu Gallia fines ingrederetur. Fuit ea societas ingrata suspectaq; Pontifici, vtpote quæ sacrosanctæ maiestatis nomen maligna contemptione suggillaret. Vix eam enim homines qui pacem sperarent, non initam modò, sed ne tentatam quidem credebant: mirum enim plerisque videbatur, Cæsarem tanta pietate, tantaq; honesti decoris existimatione præditum, summas iniurias animo deponere, inexpressibilisq; odij penitus obliuisci, vt quum in Gallum atroci odio deferretur, atque ei omnino grauisimè nocere vellet, nullam vel Pontificiæ dignitatis vel obligatæ fidei rationem habendam putaret. Henricum antea Clemens Catharinam uxorem, quæ Cæsaris erat matertera, per iniqua animi libidine repudiantem, filiamq; subinde, vt spuriam à regni successionē procul addicantem, postulatē te vrgentēq; Cæsare, sacris interdixerat, iusta quidem, sed intempestiua seueritate: quum ille contumelia perturbatus ab auctoritate Romani Pontificis repente discesserit, sacrorum imperium & templorum opes inuaserit, ac immani demum truculentia Rossensem Cardinalem, & Morum, Christianæ virtutis exempla, multosq; item sacratos ac insones viros occiderit. Non se fellerat quidem eximiæ alioqui prudentiæ Pontificem eius ancipitis iudicij euentus, sed Cæsari iusta petenti prolixēq; item pollicenti, nunquam se cum Henrico sine auctoritate pontificis in gratiam rediturum, supremæ potestatis officium diuino iure vel negari vel differri non poterat. Itaq; exitialis ea simultas causa commodoq; Cæsaris suscepta, eò recidit, vt Henricus omnem iracundiæ suæ impetum in Pontificium nomen verteret, consumptoq; ob id vetere odio, Cæsari iungeretur, repudiata paulo ante Gallorum amicitia, quod Iacobum Scotia regem antiquo ipsis iure fœderatum, ascitumq; à Francisco generum, contra Anglos de finibus contententes adiuiuissent. In ea autem contentione quum æquatis cladibus esset dimicatum, Iacobus florenti corporis specie insignis (veneno an fato suo incertum) subito certè correptus interiit, defecitq; in eo Stuardæ familiæ generosa progenies, quæ à Roberto rege, eodem nomine quinq; Iacobos

tobos reges non intercisa stirpis serie tulerat. Sed occulta & admirabili sorte id
 regium decus singulis maximè funestum fuit, primò scilicet à coniuratis in con-
 clavi trucidato, secundoq; demùm diffracti tormenti, dum id probaretur, violen-
 tia discerpto, quum mox tertium parricida filius, iusta acie ad Sterlingum oc-
 ciderit, ut is demum ordine quartus, nobis memoriæ prodentibus, ab Anglis
 ad Floddon prælio cæsus, meritas sceleris pœnas daret, quintoque filio eā-
 dem infaustæ domus damnata regni hæreditas pararetur. Eo mortuo re-
 gnum, rege orbatum, ambiguis primò hæredibus, vagientè scilicet in cunis
 regia prole, ac mox victoris Henrici arbitrio gubernandum celsit. Scoto-
 10 rum enim procures, & in his Maxuvellum regulum auctoritate insignem,
 exoptata libertate multoque insuper auro donatos, eo consilio in Scotiam di-
 miserat, ut Anglicam factionem excitarent, cuius auspicijs rex novus, eoque
 beneficio Anglis astrictus, qui ad Henrici nutus imperaret, corruptis comi-
 tijs crearetur, pulso antè alios Davide Betonio Cardinale, qui Anglis æternis
 hostibus prodi patriam paucorū flagitio pati non poterat. Is non multo post,
 uti suo loco dicemus, cum Grimano Patriarcha Pontificis legato, qui è Gallia
 in Scotiam traiecerat, communicatis consilijs Anglicos conatus fregit Gallo-
 rum ope, & fortissimarū gentium auxilijs reductus, quæ priscæ virtutis ac in-
 nocentiæ decus tuentes, Picti olim dicti, hodie Sylvestres appellantur. Is Sco-
 20 ticarum rerum tumultus Henrico, cur à Gallis discederet, non inānem cau-
 sam præbuit, paravitque inexpectatam occasionem Cæsari, qua recentis ini-
 mici opibus frētus antiquos hostes Gallos persequeretur. Itaque Cæsar cum
 Britanno ictis foederibus, & ad gerendum bellum tempore constituto, Hispani-
 a excedere ac in Italiam, ut in Belgas properaret, ad navigare constituit: antè
 omnia Philippū filium sextum decimum ætatis agentem annum, Hispaniæ re-
 gem appellat: ei totius regni civitates per legatos sacramentū dicunt: deligitur
 ipse Franciscus Covos, qui adolescentis ætatem regat, & negotiorum omnium
 summæ præsit: Ferdinandus verò Toletanus Albanus regulus militaribus
 copijs præficitur. Peractis autem conventibus, in quibus multa Cæsar, suppli-
 30 cibus libellis subscribendo indulgendoque liberaliter concesserat, supra qua-
 draginta myriades aureorum nummū conferuntur, rexque Lusitaniæ Ioan-
 nes grandi pecunia Cæsaris tantos ex futuro bello sumptus subeuntis inopiam
 sublevat. Erant enim uno tempore conscribendæ cohortes, quæ secum naviga-
 rent, & quæ præsto essent, ut eas Martinus Corduba, Alcaudetis regulus ad-
 versus rebellantes Tremisenios in Mauritaniam transportaret. Postremò
 quæ per Oceanum, in Belgas ad Gallicum bellum ducerentur, earum nume-
 rus duodecim millium Hispanici generis peditum summam implebat. Ger-
 mani verò ab Genua superiore autumno ad Perpennianum transvecti, Hi-
 spaniæ præsidio relinquebantur. His administratis & confectis rebus Cæ-
 40 sar Auriæ perscripsit, ut rostratas naves ad idus Apriles Barcinonem addu-
 ceret, ut quum onerarijs equitatus esset impositus, expeditè conscensuro nul-
 la omnino mora ad navigandum afferretur. Non defuere plerique procures,
 qui eo discessu Cæsaris, uti minimè redituri, non obscure gauderent, quòd sub
 nimis magno principe, imminuta licentia, seipsis minores facti viderentur.
 mos enim erat Hispaniæ regibus eos indulgenter observare, à quibus coli
 quàm metui mallent. Ita fiebat, ut nobili pudore potius quàm terrore regiæ
 potestatis adducti imperijs & legibus parerent, quum incidente bello, rogati

humaniter liberali studio graviq̃ue sumptu operam navare consueſſent. Elata enim generosaq̃ue ingenia certam fidem præſtant, nec ab æquitate diſcedunt, at ſi contempſeris facile coniurant. Propterea Cæſar Padillianæ rebellionis, tantiq̃ue tum popularis periculi memor, liberas quorundam voces indignas regijs auribus, famoſosq̃ue itẽ libellos, & atrox Mendocij Infantiſorum reguli facinus, mira prudentia devorarat, ut Philippo conciliata tranquillaq̃ue omnia traderentur. Mendocius enim, quod ad exemplum memoriæ prodendum videtur, in ipſo ludorum equeſtrium ſpectaculo præfectum rerum capitalium, ſceptro turbam ſuperbẽ dimoventem, quod nec ſibi parceret, diſciſſa gladio facie violarat. Is conſpectus cruor proiecti ad pedes aciniuriam deplorantis uſque adeo Cæſarem commovit, ut quum in reum lege acturus videretur, uniuerſi Hiſpani procures ſpectaculo, ac ipſo denique Cæſare deſerto ad Mendocij domum accurrerent, vel contra prætorianos, ſi vis afferretur, ianuam deſenſuri. Sed Cæſar gravi iudicio totum iuſtæ vindictæ impetum ad diſſimulationem revocavit. Hiſpania enim eo tempore quanquam non infida Cæſari: aliena tamen ab eius conſilijs, quibus bella ex bellis ſerebantur, videri poterat: quod perpetuis pecuniæ collationibus, varijsq̃ue delectibus per tot annos graviſſimẽ fatigata, magnum incommodum publice ſentiret: tanta ſiquidem vis auri contra legem commeantibus præſertim Ligutijs triremibus fuerat exportata, ut illa grata oculis Ferdinandi, ac Iſabellæ aurea nomismata nuſquam comparerent: nihil enim ad publicas opes pertinere cenſebatur, ſi qui milites, aut quæſtuosus in provincijs gerentes magiſtratus conſecta in privatas domos peregrina præda divites evaſiſſent, & publico malo virorum paſſim in oppidis numerum ipſa ſceminarum multitudo ſuperaret, nec requieſcendi coaleſcendiq̃ue provinciæ auri atque hominum feraciulla ſpes, exercente Chriſtiana arma Carolo relinqueretur: quum Hiſpanorum legiones ſingulis prope annis, non in omnes modò Europæ regiones, bellicoſæ gentis victorijs atque ſepulchris claras, & totam denique Africam: ſed ad Beatas quoque novi orbis inſulas in tanta ſiri gemmarum & auri colendis colonijs advehantur.

PAULI

PAVLI IOVII NOVO-

COMENSIS EPISCOPI NV-

CERINI, HISTORIARVM

SVI TEMPORIS

LIBER XLIII.

10 **M**AGNVS, & nunquam antea gravior orientis undique belli metus, usque adeo desperata pace Europam invaserat, ut nemo esset, qui non maxime timendum putaret, ne Solymano clasicum canente, concursuris inter se vesano impetu nostris regibus, humana divinaque omnia miscerentur. Conspecta quoque naturæ prodigia, quæ non temere maioris semper mali prænunciā creduntur, multorum mentes novæ cladis expectatione suspende-

20 rant. Rubentes enim locustæ, satorum dira pernicies, stupendis agminibus ab oriente per Illyricum in Italiā convolarant: quo itinere Turcarum adventus portendi videretur. Tanta autem famelicis erodendi rabies inerat, ut præter absumptas segetes, prata quoque vel rigua, viriditate graminis, & magnas frondosasque arbores, ocissime toto foliorum honore spoliarent. Tremuerat etiam in Etruria, iuxta Florentiam, Mugellus ager, in radicibus Apœnini, qua Seva fluvius decurrit, cultura, amœnitate, frequentia nulli secundus. Ea subita clade, quæ noctu circa solstitium incidit, Scarpariam oppidum totum ferè prostratum, aut magnis deformatum hiatibus vidimus: quum septingenta nobiles aut rusticanæ domus in eo tractu centum stadiorum oppressis multis mortalibus miserabili ruina corruissent. Lato tamen Cosmi principis augurio, quum tot ædificijs circumquaque laceratis & haustis, una ipsius Trebia

30 villa stupente populo illæsa constiterit. Quæ de causa Paulus Pontifex cognito Cæsaris decreto, ac exploratis Solymani consilijs post indictas supplicationes Vrbe profectus, Bononiam iter extendit, vel nivoso Veris initio, atque eo maxime senibus maligno. Neque enim gradevus princeps vel in præsentī vitæ periculo committendum existimabat, ut de pace desperasse videretur. Maturata siquidem profectioe Cæsaris adventum præoccupare, atque item Tridentinis actionibus, si frequentes episcopi undique convenissent, ex propinquo venturi famam præbere cupiebat: sed arcani consilij aliæ graviores causæ suberant, quum Mediolanensis imperij dominatum affectaret, quod præsentī pecunia comparari posse videretur ab egente Cæsare, & ad Belgi-

40 cum bellum properante. Quo suscepto itinere ita Romanorum obtestationes, detrimenta vectigalium, propinquorum preces, & quorundam senatorum incommoda contempsit, ne suo peculiari officio deesset, ut alterutro eventu certam laudem petere crederetur, quum propositus esset amplissimus laborum fructus, si ipso pacificatore atque auspice reges ad concordiam redirent. Quod si illi fatali correpti morbo insanire pergerent, nihilo secius virtute & pietate æquè magnus & fœlix esset, cum sua saltem illustri conscientia; tum bonorum omnium iudicio, postquam vel obscuri vel desidis animi suspi-

tione atque onere liberatus totum quæsitæ pacis eventum Dei optimi providentiæ reliquisset. Discedente Pontifice, Rodolphus Pius Carpenſis Romæ legatus, eximiæ virtutis atque prudentiæ Cardinalis, urbanarum rerum curam suscepit. Alexandro autem Vitellio, qui præſidijs bellicisque operibus præerat, Leoninæ urbis muro cingendæ munus impositum, ut postquam Roma ad orientem Solem vasta intus & antiquis utiq; mœnibus à frequentia ædium remotis, rectè communiri non poterat, vel parvis copijs defendi, certum saltem & temporarium ad salutem perfugium in repentino periculo per Aelium pontem ad Vaticanas ædes populo pararetur. Id opus insigni iudicio sumptuque Nicolaus Quintus inter optimos Pontifices literarum amore per-¹⁹ illustris, inchoarat, intermiserat successor Pius scribendi potius, quam ædificandi laudem sequutus. Paulus quoque Martianæ suæ domus amœnitate captus, confususque longiori vitæ distulerat. Inde Sixtus invidiosè pertimuit, ne ad auctorem primum, si perficeretur, cœpti simul et consummati operis gloria rediret. Innocentiø autem defuit voluntas, quum Vaticanæ domus elegantia quam securitati studere mallet. Alexander porro inaurasse testudines, arcemq; Hadriani insigni corona nobilitasse contentus, ut vel Dñs invitis filio imperium strueret, aliò quàm oporteret, ingenium detorsit. Iulium item excelsa ac admiranda passim infans prope sumptibus inchoantem, exorta bella ab ea cogitatione revocarunt. Nec Leo extructis in Vaticano præaltis porticibus & ²⁰ portu ad Centumcellas magnificè repurgato, in ea aurea rei Romanæ tranquillitate, quæ beatus videri poterat, de imminente clade dubitavit. Ab Hadriano autem ad vitæ exitum properante urbs ipsa neque planè cognita, neque tota conspecta est, ut ipse demum Clemens appetente quidem ingenio, sed deterrente sumptu, dum fatali negligentia destinatum ad publicam salutem id opus differt, molienti Vrbi exitium Fortunæ limen aperiret. Hisdem ferme diebus, quibus Pontifex Roma discedere maturabat, Polinus Galliæ regis legatus hyemantem Hadrianopoli Solymanum, appetenteq; Vere in Pannoniam grave bellum parantem secutus, accuratis precibus impetravit, ut Ottomanica classis Hariadeno Barbarussa præfecto Malsiliam mitteretur, quæ ³⁰ inimicis litoribus infesta distraheret opes Cæsaris, valida belli mole Galliæ finibus incumbentis, interclusoq; Tyrrheno mari insularum ac Hispaniæ navigationes impediret. Ea res multis purpuratorum deliberationibus agitata graves difficultates habuerat, contradicente præsertim obstanteque eodem Solymano eunucho, qui post Lustibeium, uxoris iurgio dignitate exutum, Bassarum ordinis princeps evaserat, valebatque ingenio & ingenti auctoritate, Indicis, Parthisque bellis quæſita. Is non obscure oderat Barbarussam, obtreçtationeq; laudis omnem eius existimationē tantis laboribus mari partam, ocio navali convellere contendebat, ita ut perorando nullam aliam educendę classis causam, quàm ut imperator vel periculo publico privatis Hariadeni ⁴⁰ commodis indulgeret, se videre testaretur. Nec defuere qui eum à Cæsarianis, & Venetis pecunia inductum putarent: nam postea literas à Ferdinando Gonzaga, Siciliæ præfecto, sibi scriptas Polino tradidit, quibus ille per idoneum hominem Hispanum promissis muneribus petebat, ut eius ingenio solerti- que opera Solymanus cum Carolo Cæsare honestius amicitia legibus iungeretur, & ipse quoque Barbarussa quatuor aureorum nummum myrades ab Hieronymo Zanio legato Veneto sibi oblatas iactanter retulit, si ea æstate

minimè navigaret. Erat enim formidanda Veneto Barbarorum classis, totius maris impotenti imperio superba, quæ aflueret litoribus Christianis, & magni sumptus necessitatem adduceret, si ornanda classis foret, quæ Adriaticum sinum & insulas tueretur. Itaque Polinus, qui inter tot curarum æstus, desperata classe animum desponderat, nuncio decretæ classis exhilaratus Solymano gratias egit. Is enim, auditis & gravi iudicio repudiatis suorum sententijs, datam fidem præstare suæ dignitatis esse statuebat, vel cum discrimine tantæ rei, cuius iacturâ vel immensum auri pondus minimè refarciret. Biduo post Rostanes gener: ac ipse demum eunuchus, quod ita cordi erat Solymano, Polinum honoris causa solennibus epulis exceperunt, amicitiam & gratiam eo classis munere benignè adauctam gratulantes. Polino demum dono datæ sunt pretiosæ ex auro textili talaris togæ: bini quoque insignes equi eximie phalerati, & pocula aliquot argentea. Dignioribus verò ex eius comitatu sericæ vestes impositæ. Discessuro autem Solymanus, classem ut incolumentem præstaret atque reduceret, magnopere commendavit, eique literas in hanc sententiam conscriptas ad Franciscum regem deferendas dedit: præscriptis quidem glorioso fastu tot regnorum titulis. Classem, qualem quantamque petisti, omnibus rebus ornatissimam Polino fraternaliberalitate concessi. Imperatumque est Hariadeno maris præfecto, ut eius consilijs obtemperet, ac arbitrio demum tuo cum hostibus bellum gerat. Tum verò rectè amiceque feceris, si classis rebus sceleriter gestis Byzantium reduceretur. Cuncta autem tuis meisque votis prosperè cedent, si gravissimè caveris, ut ne iterum Carolus rex Hispaniæ æternus hostis tuus, pacis mentione decipiat. Tum enim æquissimam pacem dabit, quum regiones eius omni belli clade vastatas exusseris. At Polinus exemplo Byzantium reversus, classem ab Hariadeno, qui diu noctuque multus in navalibus fuerat, egregiè resectam instructamque remigibus reperit, tanta adhibita celeritate, ut ad quartum Calendas Martias conscenderint: petita prima Eubœa ad Caristium promontorium, quod hodie Mantelium vocant, ut inde coniunctis sibi aliquot triremibus, quæ tardius exornatæ sequebantur, ad Maleam contenderent. Superata autem Malea, tota classis, reflantibus Etesijs, in Laconicum sinum coniecta Matapanium caput, quod Tenarum antiquis erat, superare non potuit. His adversis ventis allata mora est novem dierum: sed secunda demum tempestate Hariadenus Methonem adiit, atque inde cum classe centum & decem triremium: biremium verò circiter quadraginta, quas prædones adduxerant, Ionium prætervectus ad Messanæ fretum pervenit. Conspecto Rhegio prædones descenderunt, Barbarussa ad idoneam stationem classem promovit. Rhegini deserta urbe profugerant: sed Didacus Gaetanus Hispanus arcem tenebat. Is Polino colloquium petenti, quum nihil responderet, & in subiectis collibus prædones spectarentur, tres Turcas tormentis interfecit. Eo sociorum casu accensi prædones urbem irruperunt, & quod inanes essent domus incenderunt, ægrè id ferente Polino, & Barbarussa incendiarios ad pœnam à trierarchis deposcente. Inde quoque tormenta muralia in adversum arcitulum comportata. Ea paucis ictibus ita Hispanum, lachrymante uxore, terruerunt, ut se atque omnia dedens muro demiserit. Ei Barbarussa, orante Polino, uxori quoque & liberis libertatem concessit. Reliquis autem in templo ab iniuria custoditis, arcem militi diripiendam dedit: in his fuere circiter septua-

ginta Hispani milites, & multo plures Rhegini cives, qui in servitutem abdu-
 cti sunt. Sed demum Didaci filia, eximiae venustatis virgo, in quam senex
 Barbarus procaces oculos coniecerat, ad prætoriam navem sic perducta est, ut
 eam illico Mahometanis initiatam sacris legitime uxoris loco habuerit, & Di-
 dacum patrem aliquot post menses ad portum Herculis invisentem filiam,
 tanquam socerum humaniter, liberaliterque susceperit. Hisdem ferme die-
 bus circa solstitium, quibus Barbarussa magnæ Græciæ, & citra Messanæ fre-
 tum Brutiorum oram percurrerat, Carolus Cæsar, aliquot cohortibus, & se-
 ptingentis circiter equitibus in onerarias naves distributis cum quadragin-
 ta triremibus à Barcinone Genuam pervenit, tardiore ob id navigatione, 10
 quod onerarias extra conspectum rostratæ classis minimè relinquendas exi-
 stimabat, ut si mare tranquillum, & solstitiali malacia constratum foret con-
 cidentibus omnino ventis: rostratæ demum onerarias, vel immobiles remul-
 co, ad conficiendum cursum protinus adiuverent, elusa & despecta Gallo-
 rum classe, quæ tutissimo in portu, ut errantes aut vento destitutas invade-
 ret, ad Malsilienses insulas excubabat. Exceptus est Cæsar ornatissimo Au-
 rianæ domus apparatu, præstoque ei affuere Alfonsus Davalus, & Ferdi-
 nandus Gonzaga, ipseque mox à Florentia Cosmus Medices, ac à Bononia
 missus à Pontifice Petrus Aloysius Farnesius, Octavij Cæsaris generi pater.
 Hic adolescens diu in Hispania socero comes eadem vectus prætoria navi in 20
 Italiam redierat, iturus ad uxorem, quæ Ticinum usque progressa patrem, &
 maritum expectabat. Cæterum Farnesius, qui ea de causa venerat, ut ad ex-
 plicanda maximarum rerum consilia, colloquio dies & locus diceretur, ad
 id prædurum atque difficilem Cæsarem reperiēbat. Erat enim tum Cæsar
 contracto vultu, sermoneque factus amarior, quod Hispanico simul & Bel-
 gico lacepsitus bello, nullam opem ab affine Pontifice, atque eo sapius ab se
 amicè ac liberaliter excullo, contra Gallos impetrasset. Propterea minimè,
 uti alias, familiaris, nihil sibi in Germaniam properanti colloquio opus es-
 se respondebat, ne reliquum æstatis tempus Sicambrico destinatum bello,
 inutili mora deperiret, quando recentibus iniurijs affecto nullus concilian- 30
 dæ pacis locus esset relictus: nec decorum Cæsari videri posset de concordia
 cogitare, nisi prius vindicatis iniurijs, tum demum matura & certa pax ab i-
 pso victore peteretur. In hanc quoque declinandi colloquij sententiam ab-
 ruptè filiam à Bononia literis acciverat, ut eam ex itinere apud Ticinum in-
 viferet, postquam Pontificem minimè visurus esse videretur. His cognitis
 Pontifex Cæsarem reipublicæ causa demulcendum ratus, Alexandrum Far-
 nesium Cardinalem magnis itineribus Genuam misit, brevi que eius iuvenis
 maximè illustri, solerti que ingenio, quum summa quoque ad persuadendum
 inesset auctoritas, Cæsar adductus est, ut ad Buxetum cum Pontifice iungere-
 tur: id est oppidum Palavicinæ familiæ inter Cremonam atq; Placentiam: sed 40
 ea conditione, ut triduo plus colendo, audiendoque Pontifici se daturum ne-
 garet. Fuere qui existimarent, Cæsarem ad id se invitum trahi videri voluisse,
 ne Britanniae regem, dudum non obscuro foedere contra Gallos percus-
 so sibi coniunctum offenderet. Hominem enim ingenio suspicaci repenti-
 noque eo congressu alienari posse putaverat: quoniam ex divini iuris censu-
 ra impietatis crimine damnatus Pontificium nomen immani odio persequeretur.
 Sed Cæsari arma paranti cogenda imprimis erat ingens pecunia, quæ
 expe.

expectari posset à Pontifice, si Octavius gener, ut fama ferebat, Mediolani princeps Augusta auctoritate crearetur. ea res videri poterat decora Cæsari, honesta Pontifici, & Venetis longè gratissima, quòd ille sese eo liberali facto, affectatæ summæ potentiae invidia liberaret, filiamque obiter tanto dotali munere supra Alexandri Medicis titulos ornatam, beatiorem efficeret: hic vero singulari cum laude exoptatam afflictis gentibus pacem pararet, ut inde expedita arma Turcis inferrentur, & Veneti Neapolitano foederi sincere satisfactum esse iudicarent: quum in conditionibus prolixè cavissent, ne ququam Austriani sanguinis Mediolani princeps a Cæsare diceretur. Apparebat quoque Franciscum Galliae regem, qui pari iudicio Sfortiam Mediolani principem tulisset, ac eum denique à Cæsaris iniuriâ magnis opibus defendisset, haud gravatè expectationi Veneti senatus, & voto Pontificis assensurum. Quid enim commodius Gallo quæri, vel exoptari melius posset? si attenuatis atque defessis Galliae viribus expedita requies quæreretur, quam ut Gallia Cisalpina Hispanis atque Germanis militibus exonerata, Carolus Sabaudius reliquis Subalpinis populis, ac Octavius Insubribus imperarent: quum ille dimidio exutus regno ab infirmis opibus opportunus iniuriæ fieret: nec Octavius, si fata Cæsari longiorem vitam inviderent, hostium Gallorum impetum esset laturus. Verum tantæ rei negotium magnas ad explicandum difficultates includebat: quòd præalto consilio Cæsar, si transigendum foret, suis omnino præsidij munitas arces tueri vellet: nec ipsi Pontifici, pari solertia rationes subducenti, expedire pecuniam placeret, nisi omnino libera, atque integra ditionis possessione potiretur: nec aliter quoque Venetus senatus Octavij tutelam esset suscepturus. Huic consilio unus omnium Alfonsus Davalus vehementer incumberebat, quum diversi Gonzaga, atque Auria gravissimè dissentirent. Is enim præclaro studio Cæsari simul atque Pontifici gratum factururus, eò tendebat, ut Insubres, apud quos in honore militari viginti annos fuisset, pietatis & clementiae nomine ab acerbissimis tributis ad inopiam redactos in vecta pace sublevaret. Propterea in eam spem à Cæsare missus Parmam, ad Pontificem venerat. Sed Cæsar veteri suo innixus consilio, ne Mediolano unquam excederet, in itinere cum Cosmo deredimendis arcibus opportunè transegit, ita ut supra ducenta millia aureorum nummum in bellicos sumptus solverentur, Florentinae quoque arcis, ac item eius quæ est ad Liburnum præsidia nutu & sacramento Cæsaris tenerentur. Eas inimici Cæsaris, ad cumulandam concepti dominatus invidiam, & hostes Cosmi, ad elevandam eius existimationem, Etruriæ compedes appellabant: quasi Cosmus temporario beneficio regnare videretur, & Cæsar dissimulanter, ac ideo lentis passibus ad Italiae principatum contendens, & tempus idoneum expectans, quo Etruria in provinciam redigi tuto posset, Cosmo Fortunam atque potentiam, uti aliundè ab initio partam, invideret. Ea itaque celebri liberalitate Cæsar insignem benefici moderatiquè animi laudem tulit, quum malignis suspicionibus extincta invidia inexpectatus occurrisset. Nec minore præstantis ingenij iudicio expetiti muneris beneficio Cosmus respondit: deductis enim omnibus Hispanis, qui in arcium præsidij erant, non Italis demum ut plerique crediderant: sed Germanis ac Hispanis ab se delectis custodiendas arces attribuit, ad declarandam gratissimi & maxime fidelis animi magnitudinem, ut aliquanto arctius be-

neficio nobiles animos obstringi, quàm metu contineri Cæsar agnosceret. His de causis Pontifex, cum personæ, tum Reipublicæ dignitatem domesticis commodis anteferre non dubio pudore coactus, privati eius consilij cogitationes penitus abiicit, in eamque unam omnino curam totus incubuit, ut Cæsar, repræsentando Ferdinandi fratris periculo, & propositis æquissimis de pace conditionibus ab instituto bello contra Solymanum verteretur. Pontifex prior Buxetum venit. Postero autem die, occurso totius aulae Cæsar exceptus est, complectente demum Pontifice, & honoris causa supra medium conclave summa arcis cœnacula tanto hospiti concedente, ita ut bina cohortium & equitum præsidia, sub signis pari propè numero, pari que vigilia, arcis ac oppidi portas æquata securitate custodirent. Cæterum Paulus vel tridui colloquio, quanquam singulari memoria, summaque prudentia, & pietate ea sedulo commemorasset, quæ gravi momento ad impetrandam pacem pertinerent, prædurum inveteratoque odio à Gallorum amicitia penitus abhorrentem expugnare non potuit. Totus enim Cæsar, ira turgidus in Clevensem intento ad vindictam animo ferebatur, tanta vehementis ingenij contentione, ut quum Austriam Barbarorum incendio brevi arsuram crederet, nihil se eam patrimonij misere deflagrantis flammam respecturum esse testaretur. Indignum enim esse nomine Cæsaris à subditis imperio, beneficiarijsque suis contumeliam ferre, nec ulcisci eos, qui malignitate atque perfidia inducti, nullaque provocati iniuria geminato scelere, & ab se, legitimo Augustæ potestatis imperatori, & quod nihil flagitiosius patrari posset, ad infestissimos hostes defecissent. Francisci porro regis amicitia nunquam se confisurum, quod ille toties ruptis fœderibus fidem fefellisset, quod more gentis immodicos ac aliena semper appetentes spiritus gereret, nunquam pacem pati posset, nec toties fracta, atque perdomita arma deponeret. Cæsare pacem abnuente, Pontifex postulavit, ut postquam ipse hortando nihil profecisset, senatores Cardinales de concordia reipub. Christianæ commodo diserte verba facturos audire minimè gravaretur. Pertinere enim plurimum ad elevandam, vel parum æqui, vel omnino pertinacis animi opinionem, si in senatu libera voce proferret, cur à communi concordia dissentiret. Id verò Cæsar honoris natus facile tribuit: nec multo post vocatis Cardinalibus Marinus Grimanus eius ordinis princeps, ita locutus est: Nisi longè maximū, quod Reipub. diuturnis affectu malis discrimen imminet, Auguste Cæsar, omniū animos vehementissimè commoveret, rem profecto toties actitatam, rursus agere maximè absurdum putassemus. Sic enim hic frequens senatus cum pristinae tuæ constantia, tum modestia suæ meminit, ut privatis colloquijs vigilantissimi, atque optimi Pontificis officio gravissimè satis factum intelligat. Sed dirus hostis in limine crudelia arma concutit, mareque Ionium magnis eius classibus constratum esse nunciatur, & tu tanta animi magnitudine, tantis opibus, & tanta denique fortuna summus imperator, neglecta Pannonia, deserto fratre, Italiae Siciliaeque litoribus Barbaro penè proditis, averfus in Belgas contendis, scilicet ut quū ignobili vindictæ studio rebellantem regulum debellaris, perversæ laudis famā quæras: quasi rectissima, & perillustis laus aliunde, quàm à confecta pace, susceptoque sacro bello petenda videatur. A quo igitur animo tuleris, Auguste, si decreti tui novitatē non insulsi homines admirantur. nam quū in periculo publica sit salus, occultas consilij tui rationes excutiant, omitti victoriā, pa-

rari cladem, religionem altius revelli, maximè dolent, agnatasque Cæsaribus,
 & tibi proprias virtutes requirunt, veræ scilicet gloriæ cupiditatem, dedeco-
 ris metum, & præsentis animi pietatem: quarum rerum quum tibi esses om-
 nino persimilis, præclara, non uno in loco, & quidem imitanda posteris do-
 cumenta reliquisti. Sed in te una maximè pietas refulsit erga Deum divosque
 immortales, qui te hac incedentem via, & ritè vota nuncupantem nusquam
 fefellerunt. Nosti enim quanta eventus felicitàte responderint, quum in Pan-
 nonia Solymanum tantarum virium tumentem fastu, solo propè castrorum
 tuorum fremitu profligasti, Barbarussamque acie devictum ac exutum regno
 in terra Africa depulisti. At illi tibi demum ad intestina bella, si non iniquè im-
 portunè tamen converso minus arriserunt, scilicet ut salutem tuam non victo-
 riam sibi curæ esse ostenderent, & præclare monerent, ut à Christiano sangui-
 ne temperares. Redisti siquidem è Provincia incolumis, quum tertia ferè pars
 exercitus non hostili gladio, sed tabe consumpta perierit: verum aliquanto
 certius deorum numen apparuit, quum è Germania Solymano ad occupan-
 dam Budam adventante, in Africam trajcere properasti, quum à te supplex
 frater opem imploraret, retentarent Germaniæ procures, moestique Hunga-
 ri tuo discessu se proditos quererentur: traiecisti scilicet durissimo anni tem-
 pore, ut cuncta terræ, marisque pericula, ad exiguum nec satis nomini tuo de-
 coram victoriæ spem subires. Neque enim & Eunuchus, & servus Asanagas
 cum ipso nobilissimo imperatore hoste, tum præsertim Christiana terga im-
 maniter cædente, videri poterat comparandus. Sed te, nosque tecum omnes,
 capitis tui aleam subituros, Dñi superi præclara miseratione conservarunt, us-
 que adeo clementer, ut tibi in eo calamitatum omnium concursu, incompa-
 rabile trophæum de devicta Fortuna concesserint. Ergo si tam grata, quam
 pia mente Deorum beneficio commoveris, te ipsum hodie profectò vinctes:
 quod certè magis pulchrum decorumque fuerit, quam Fortunam rerum o-
 mnium dominam admirabili constantia superasse. Hæc quidem agno-
 scis, Cæsar, & quæ tua iudicii atque memoriæ vis est, ad gloriam tuam, & se-
 culi felicitàtem pertinere confiteris: sed cum Gallo nunquam stabilem ami-
 citiam, nunquam securam pacem parari posse contendis, quod tibi ea gens
 è summis regni opibus facile infrænis, alienæ ditionis appetens, nova spe, no-
 va libidine semper inquieta videatur. Hæc certè suspicantem à communi
 concordia avertunt, avertentque semper. Nulla enim gravior pestis hu-
 mano ingenio insidet, quam altè concepta suspicio. Ea enim quum teme-
 re semel irreperit, egerimè vel maximè illustri ratione convellitur. Noli,
 generose, pieque Cæsar, ullo modo pati, ut in te vel minima suspicacis inge-
 nij nota resideat. Patere autem si quid prædurum in intimis sensibus obcal-
 luit, ut id totum Christiana pietate molliatur. Honestissimis siquidem no-
 mini que maximè decoris conditionibus, quas prudentiam & Reipublicæ a-
 mantissimorum hominum iudicio descriptas dudum perlegisti, rex Gallo-
 rum pacem petit, affinitatem, opes, copias offert, occupata restituet, ut Me-
 diolano tua liberalitate, beneficiarumque iuris nomine recuperato, communem
 hostem Barbarum coniunctis armis persequatur. Ut nihil porro vel occul-
 tæ fraudis, vel parum sinceræ fidei pertimeas, qui nihil unquam invicti ani-
 mi fretus altitudine timere didicisti, cuncti ferè principes, inita societa-
 te foederum sponsores vadesque aderunt, ut iustis armis sanctas pacis leges

iuraque omnia tueantur. Hanc à te pacis conditionem ante alios orat & exigit Carolus Allobrogum regulus, innocentia tantum sua depulsus regno, & quod longè miserrimum videtur, per septem annos ancipiti duorum propinquorum iniuria fatigatus. Hanc item Veneti, tanquam ex fœdere debitam repossunt. Eandem regna tua, perpetuis tributis enervata, tuorumque præsertim ac hostium rapinis crudelissimè divexata, suppliciter efflagitant. Valeant aliquid, obsecro Cæsar, fraterna pericula, Hungarorum supplicantium lachrymæ, senatus preces: Valeat, ipsa sacrosancti Pontificis authoritas, pijs, atque optimis nunquam sprete regibus, ut Christianus orbis, luctu, miseris, & Barbarorum metu liberatus, post impetratam tuo incomparabili munere pacem atque concordiam secundissimè reflorescat. Ad ea Cæsar, ut à vetere consilio discederet, nihil omnino, vel amplissimi viri facundia, quæ in Grimano summa censebatur, vel eius sacrati ordinis dignitate permotus, graviter respondit: Nihil à se in toto vitæ cursu, vel ad gloriam, vel amplitudinem comparandam publica pace commodius & melius concupisse, quàm ut exoptata seculi securitas, cum tranquillitate rerum omnium pararetur, nihilque demum antiquius habuisse, quàm pace potiri, ut inde adversus Barbaros arma distringeret, cuius voti ac instituti sui præclara exempla in Pannonia, Græcia, Illyrico: & tota denique Africa rebus gestis ostenderit: sed lacessitum Gallorum iniurijs, retractumque à nobili incœpto bella conficere nequisse. Ne mini enim tutam pacem, utiliorem, cariorumque videri, quàm ei, ad quem iure optimo ex sacri belli victoria, cum speciosissimi spes triumphi, tum inusitata laudis proventus obvenirent: sed Gallos semper nova odia ex antiquis simultatibus ferentes, ipsius semper, maiorumque suorum obtreasse laudibus, ac potentiae, amplitudini, & legitimis regnorum hæreditatibus invidisse, quod ritè nuptas lectissimas virgines impudentissimè repudiarint, sacramenta fœderum abiurarint, nihilque unquam sanctius habuerint, quàm quum ex commodo luberet, à fide ac amicitia defecisse: id præclare perspectum esse planeque cognitum imperatoris comitis: quibus multo auro suffragia prævertere conati ambitiosæ malignitatis, atque stultitiæ gravi sumptu ignominiam retulerint. Postremò ab ipsis concitatos Menapios atque Sicambros, ut Brabantiorum regionem incenderent, evocatumque nefaria crudelitate ad omnium perniciem Solymanum, ut Austrianae domui quàm maximè noceretur, quum nunquam antea in eam maleficio & contumelia temperassent. Ab his autem obiectari sibi inducias Rinconis atque Fregosij cæde violatas, cuius patrati facinoris ipse prorsus fuerit ignarus, & poenam denique Georgio patruo pecunia redempto nuper exoluerit. Proinde nunquam se ad animum concordiae mentionem admissurum, nisi Belgægarum suorum iniurias de rebellibus incendiarijsque latronibus vindicaret. Id enim dignum videri Cæsaris maiestate, omnia belli detrimenta æquo animo perferre: sed nullam dignitatis pati contumeliam. Sibi autem & summi Pontificis, & totius denique senatus gratiam honori, ac emolumento esse debere, non detrimento atque dedecori: quid enim in re sua potius quàm aliena sapienti, & satis superque Gallorum fidem experto, absurdius atque dementius, quàm iniqua pacis conditione, Cisalpinæ Galliae imperio spoliari, ut Francisci regis minori filio, Britanniae citerioris hæreditate penitus excluso, novum ex alieno patrimonium paretur: quo demum Gallicæ au-
geantur

geantur vires in Italia, & suæ proutinus minuantur. Ea quoque insana aut certe præpostera liberalitate, liberas navigationum, ac itinerum sibi eripi facultates, quum repetere Hispaniam & Germaniam invisere singulis propè annis necesse foret. Malle se Augustæ dignitatis penitus oblivisci, & acclamatum Cæsaris nomen ultro deponere, quàm indignanter pati, ut terra marique portus, hospitia, transitus à dubiis vel ingratis clientibus impetranda videantur. Postremo Cæsar sensim exardente facundia eadem ferè cōmemoravit, quæ superioribus annis, cum Romæ, tum Nicetiam & Lucæ, expetentibus pacem responderat, quum eam causam diserte atque accurate perorasset. Adeo enim constanti ingenio præsentis potentiae suæ iura defendebat, ut remotas etiam spes amplioris Fortunæ solerti ratione tueri, proferreque, non imperitis rerum non obscure videretur. Ita verò flagranti animo in Clevensem iracundiam intenderat, ut Solymani impetum facile contemneret, neque multum fratris periculò commoveretur: & mihi demum (quod minimè prætermittendum videtur) ipsius discedentis manum oseulanti, alacri, familiarique vultu diceret: Expedire te, inquit, Iovi, calamòs oportet, ut quæ iam gesta sunt in Historiis tempestivè perscribas. nam hoc armorum motu, magnus profecto tibi novi operis labor paratur. Cæterum Pontifex quam conciliandæ pacis consilio deiectus, rationem & studium æquitatis, veræque gloriæ decus, alioqui semper eximium in Cæsare: cæca obstinatione superari mirabatur: Ferdinandi tamen regis pericula, Reipublicæ pariter ac amicitiae causa se minimè neglecturum Cæsari confirmavit. Nec multo post Baptistam Sabellum prætorij præfectum, & Iulium Vrsinum cum triginta cohortibus tuendo Norico ad Pannoniæ fines transmisit. Quinque diebus eo colloquio frustra consumptis, & Cæsare in Germaniam contentente, Pontifex pari digressu Bononiam est reversus, ut festum diem Petro Apostolorum principi dicatum, solenni cerimonia celebraret, quo die Barbarussa à Pontijs insulis ad Tarracinensium litora delatus, Ostiam pervenit, tanto terrore hominum ab ora in montes refugientium, ut populus Romanus subito metu concitatus in fugam, Urbem omnino deserturus esse videretur, nisi à Polino literæ ad Rodolphum legatum conscriptæ, perlataeque Romam per Tarracinensium prætorem tumultum magna ex parte compressissent. in in hanc enim sententiam ille perscripserat: Clasis, quæ à Solymano ad præsidium Galliæ Barbarussa præfecto mittitur, ex præscripto mihi pareat, ut nemini, præterquam hostibus nostris noceat: itaque edicto Romanis, cæterisque Pontificiæ ditionis oram incolentibus, ut nihil hostile à nobis timeant. Nusquam enim fidem ab eorum imperatore mihi præclare datam Turcæ violabunt, & vos pro comperto habetis Franciscum Galliæ regem nihil habere antiquius quam ut rem Romanam non incolumen modo, sed maxime florentem, ac ideo ab omni impiorum iniuria defensam velit. Eadem quoque usus diligentiâ Polinus, Neptunianis ac Ostiensibus adeo animos confirmavit, ut expetentibus Turcis venale pecus, & reliqui commeatus copiam adducerent, & ex navigiis Campano venali vino onustis, quum ea in portu hæssissent, trierarhis aliquot amphoræ, in usum servorum remigum præsentī pecuniā venderentur: acciditque ut nonnulli quaternis arietibus aut binis iuencis singulos ex Brutijs captivos à prædonibus impetrarent. Sed civitas nocturno præsertim metu cōsternata, vel ipso legato ex aliena promissione propriā obstringente fidē

& vultu interrito animi securitatem in eo periculo preferente, ut quicquam de salute publica Barbaris crederet adduci non poterat, quanquam & P. Antonius prætor, cum præfecto vigilum, multis accensis funalibus ad coercendam fugam per omnes regiones discurreret, passimque abire classem nemini infestam, & nihil propterea metuendam pronunciando, timore in fugam præcipientes retentare conaretur. In Sabinum enim agrum & Tiburtinum trepidæ mulieres cum parvis liberis effundebantur, eratque eius nocturni tumultus facies, sicuti mox decedente periculo. ¹⁰ ~~Ad~~ iuventuti, ita tum omnibus fœda & miserabilis, quum matronæ, nobilesque puellæ, & sacratæ quoque virgines è claustris in publicum se proriperent, oblitæ pudoris, ab obvio quoque in tenebris, ut ad proximas portas iter monstraret, lumenque præferret luctuosis vocibus exorantes. Romani interim cives & divites inquilini concursu ad legatum facto, apud quem erat Vitellius ad ferendam opem opportunus, ut præsidia pararet acciretque ad Urbem copias, flagitabant: nulli enim erant in Vrbe ad custodiam cohortes, quum antea nihil ab ea classe hostile veritus, non temerè ad inanes metus ærario parcendum iudicaret. Sed ita demum evenit, ut quum salva Urbis dignitate præsidium negare vix sibi tutum foret, subitariæ cohortes è proximis Tuscis, & abeunte iam classe, in Urbem gravi ac inutili sumptu vocarentur. Barbarussa autem ad ostium Tiberis aquationem longè optimam nactus, triduo post inde discessit, Etruriæque oram atque Liguriæ sine maleficio prætervectus Malsiliam recta contendit. Eodem quoque tempore & ipse Solymannus ab initio maturandum sibi ratus, ne ultra Budam provecto, æstatis tempus ex natura Pannonij coeli in pluvias autumnales præceps, in cursu gerendarum rerum deficeret. Itaque Savo flumine ponte traiecto, Amurathem Dalmatam, Persamque Vlamanem, ad expugnandum Valponium præmittit: hos quoque Achomatem Europei equitatus magistrum subsequi iubet. Erat id oppidum ad Dravi fluminis ripam positum, non longè ab Exechio, fœda Austriani exercitus fuga, & Bachitij Pauli, Ludovicique Lodronij fortissimorum ducum cæde percelebri. Tuebatur autem locum præsidio ex clientibus ³⁰ imposito, Petri Pereni uxor, eadem & Alexij Tursonis soror, quæ marito ab Rege custodiæ tradito, virilem animum induerat: sed defensores quam egregiè munitum erat, vim Turcarum non tulerunt. Amurathes enim Hungaros omnes in deditionem clementi consilio accepit, servavitque, ut qui agros colerent proposita libertate in provincia relinquerentur. Inde vero ad Socles Perennianæ etiam ditionis oppidum exercitus ductus: ubi aliquandiu, & quidem acerrimè invadentibus Turcis repugnatum est, quod amplius ducenti nobiles Hungari, uti erant veri Turcarum hostes, multitudinem incolarum ad perferendos labores, contemnendaque pericula cohortando, ante alios fortissimè Turcarum audaciam propulsarent: sed ubi ⁴⁰ multis acceptis vulneribus, territaque & recedente à muro Soclensium turba, irrupentium hostium impetus sustineri non potuit, in arcem confugerunt, ut inde Valponiensium exemplo, facta deditione salutem ac libertatem impetrarent: sed his iratus Amurathes, nulla pactione, sed arbitrio se dedentes egredi passurum respondit, atque ita exeuntes porta ad unum omnes interfecit: ut ea crudelitate reliqui, qui spem in armis potius, quàm in Solymanni clementia reponerent, collata utriusque oppidi fortuna terrerentur. His cognitis

rebus

rebus Solymanus capta oppida Amurathi dono dedit, & paratis exploratisq;
 rebus omnibus, è Buda cum uniuerso terrestri naualiq; exercitu ad expugnan-
 dum Strigonium contendit. Erant in præsidio Liscanus Hispanus, arcis cu-
 stos, senioris Liscani propinquus, qui ad Cassouium, uti supra docuimus, ob
 ereptas fruges ab agrestibus fuit interfectus, uir cogendo auro aptior, quàm
 bellicis muneribus obeundis. In urbem autem missus ab rege Salamanca pa-
 riter Hispanus, non admodum peritus belli, & ante periculum uanissimus ho-
 stium contemptor. Is præter paucos Hispanos eius amicitiam familiaritatēq;
 secutos, Italicas cohortes duas effecerat ex his militibus, qui Medice præfecto
 10 classis, Alexandroq; Vitellio in Italiam redeuntibus, in Pannonia remanserāt,
 Alexij Nardoi & Vicentij Matricij signa sequētes. Ad hos accesserant uexilla
 duo Germanorum, quorum duces erant Tristanus Fortaler, & Franciscus
 Munechius, qui militum omnium numerus mille & trecentorum summā ef-
 ficiebat. Paulus autem Strigoniensis antistes, præclaræ erga Ferdinandum fi-
 dei, in pacatam regionem abierat, quod desperata uenia à Solymano certum
 cruciatum expectaret, quod eo deprecatore in gratiam Ioannis regis semel re-
 stitutus, iterum ad Ferdinandum defecisset. Strigonium in præalta ripa arcem
 habet, indeq; Danubium subterlabentem latè prospicit, ex aduerso editum ha-
 bet collem, qui portæ urbis imminet, moenibus autem extantia propugnacu-
 20 la defunt, per quæ emissis tormentis subeuntium hostium latera feriuntur. Is
 structuræ mos antiquis erat, quum nondum reperto bombardarum artificio
 arietibus & balistis ingentibus & turribus ligneis urbes caperētur. Propterea
 Vitellius & Torniellus superiore anno ad inspiciendam loci munitionumq;
 naturam à rege missi, ægerrimè defendi urbem à maximis præsertim copijs op-
 pugnatam retulerant, quod ab eo colle tormentis statuendis ab Barbaris oc-
 cupato, cuncta introrsus supernè conspecta ferirentur, & ea esset natura mœ-
 nium, ut quanto propius hostes succederent, tãto tutius protecti ab imo sub-
 ruere murum possent: quibus difficultatibus, ueteres peritiq; milites, qui Stri-
 gonij præsertim hybernarant, nouis operibus occurrebant, magnaq; alacrita-
 30 te ante periculum, ut iactabundis accidit, mirificæ uirtutis operam pollicentes
 Sy omani aduentum expectabant. Sed ubi Barbarus hostis undique prom-
 tis castris latè cãpos collesq; omnes, erectis tabernaculis occupauit, classēq;
 pariter ornatissimam aduerso flumine subeuntem prospectantibus ostendit,
 nemo erat qui non deposita animi ferocia magnopere de salute dubitaret,
 quod pauci, quãquam eximia uirtute, cum numerosissimis hostibus, atq; his
 pertinaci admodum deuoti animi proposito mortem petentib. pugnaturi ui-
 derentur. Adauxit quoque metum legatorum aduētus, Solymanus enim tres
 prætorianos è gente Christiana iam pridē ad Mahometis sacris traductos, Ita-
 lum scilicet, & Hispanum atque Germanum, cum præsidium ex his constare
 40 didicisset, ad urbem miserat, ut quisque sine interprete suæ nationis homines
 alloqueretur. Hi namq; admissi, per ampla præmia atque stipendia se dementi-
 bus ita promiserant, ut quum prolata constitutaq; iam essent tormenta, abnuē-
 tibus extrema supplicia denunciarent. Ad ea quum à signiferis præclara uoce
 responderetur, milites fide uirtuteq; præstantes, neque præmijs turpiter capi,
 neque minis ad ignominiam terreri solitos, extremas spes in armis habituros,
 Turcæ in castra redierunt, eodemq; die tormenta in collem imminem ur-
 bis summa celeritate subuecta sunt, & delectę toto ambitu ad oppugnandum

infirmiores mœnium partes, tanto quidem Barbarorum iudicio, ut neque peritius, neque opportunius quicquam ad nocendum excogitari potuerit, uel ab his, qui cuncta interius diligenter explorassent, ita ut credi par sit, non Fortunam modo Christianis hominibus, sed fidem quoque aduersus Barbaros omnino defuisse. Salamanca, diffusis suburbanis munitionibus, secus ac antea iactanter nequaquam se deserturum predicarat, in urbem se recepit, quæ hodie Castellum nomen habet, superioribus enim hybernis exteriores Strigoniæ partes antiquitus muro cinctas, usque adeo milites, naualesque socii deformarant, ut sublati ad usum ignis tabulatis & contignationibus, semicadentia tecta spectarentur. ea frequenti tractu per decliua ad flumen usque pertinebant, ubi tabernæ, & nobiles quoque domus à fortunatis Hungarorum regibus extructæ uisebantur. Cæterum Achomates, Europei equitatus magister, eam ad oppugnandum muri partem accepit, quæ episcopalibus hortis annectitur. Vlamani autem Persæ data est quassanda subruendaque ea turris, quæ portæ Budanæ imminet. Is enim ingenio solerti horumque operum maximè perito, eam merita laude famam apud milites fuerat consecutus, quum in expugnatione Castrinoui ad sinum Rizonicum cum Barbarussa, admirabilis artifex extitisset. Asappi ad opus faciundum idonei, gregatim à singulis ducibus ad perducendas fossas, attollendosque aggeres ducebantur. Incredibile dictum est, quanta ui tormenta displodi cœpta sint: continenti namque ordine nusquam cessabatur, & erant colubrinæ ingentis magnitudinis, quarum ictibus non modo superiora mœniū decussis pinnis nudabantur, sed turris ipsa, derafo iam fastigio quassata inferius ac immanibus pilis perforata, nequaquam defensores, uel adire, uel consistere ausos admittebat, adeo ut proximus extantis coronæ murus omnis cum ingenti fragore prorueret, & terribili continuoque terræ motu cuncta quati uiderentur, nec consistendi in muro propugnantibus facultas erat. Nam Ianizeri sclopetarij, aut per fossas subter summa obiecti aggeris labra dispositi, aut è superiore loco protecti equitum scutis, quum maiora tormenta cessarent, excitatusque inde fumus subsideret, certissimis ictibus apparentiū capita feriebant, & multi interius in statione perseverantes, incidentibus ab alto sagittis vulnerabantur, sed multo grauiorem cladem fragmenta lapidum nostris inferebant, dū disrupta minutim, dissipataque tormentis, euitari non possent, illisacque mœbris militum inutiles redderent quos attigissent. Quibus malis adducti milites, deserta exteriori corona, interiores munitiones celeriter erexerunt, ut minore cum periculo in defensione uersarentur. Nec animus Barbaris defuit, quin audacter subirent, ter enim instaurata pugna magno clamore edito in urbem irrumpere conati, ad congressum usque nostrorum peruenerunt, sed densissimæ phalangis frontem prælongis hispidam sarissis, Barbarus hostis leuibus hastis equestribus, & graui gladio, aut parua tantum secure armatus percurrere non potuit, locoque detrusus multis acceptis vulneribus se recepit. In ea contentione Baltaces Selimbriæ, quæ ad Pontum est, nobilis Sanzacus, quum suos ad irrumpendum uehementer urgeret, interfectus est. Subierat ad eam ripam, quam diximus, Turcarum classis, ac omnia quæ ad oppugnationem pertinebant, tormentorum instrumenta, com meatumque affatim à Buda subuehebat, nostrisque uehementer occupatis, classiarii milites & remiges ad suburbanas domos tanquam in forororum uenaliū ociose uersabantur. Id nostri ab arce despectantes impune fieri non tulerunt, conglobatisque repente, ex sua quisque cohorte, singulis ceteris,

Michael

Michael Rauaspurgus Germanus, Nardousq; Italus eruperunt. Tātus fuit eorum impetus, ut Turcæ improuiso hostiū superuentu perterriti, quum pars arma capere, pars ad classem cursu se proripere uellet, tumultuosissimo pugnae, fugaeq; genere, aut intercepti caderent, aut adnatantes rapti flumine mergerentur. Sed qui in classe erant opportunam planè profligatis & perditis opem tulerunt, sagittis enim & glandibus in nostros coniectis, ita incumbentium impetum retardabāt, ut iam admotis undiq; nauigijs, aliquanto quietius, quàm paulo antè, & tutius suos exciperent. Periere è Barbaris circiter ducēti, & ipse Zirmar natione Persa, cuius erat classis imperium, ut eius audacis facti nomen maximè celebre redderetur, quum in eo discrimine perturbatis opem ferens, & fugam increpitans prætoria birem admonuisset, glande traiectus interijt. Dum hæc fierent, & Barbari stratis mœnibus, effosisq; cuniculis, quibus turris excinderetur, ualidiore indies impetu expugnandæ urbi uires intenderent, & contra nostrorum animi cum multis acceptis incommodis, tum una maximè auxiliij desperatione frangerentur, senex Calaber è Crotone artificio tormentorum assuetus, ad Barbaros transfugit. Eius autē nefarij impijque facinoris causam prædicabat, quod plura sibi seni & inopi stipendia rex deberet, ac ideo liberalis militiæ dominus, uitato præsentis uitæ periculo, adeundus esse uideretur. Is benignè susceptus à Solymano, interrogatusq; diligenter à purpuratis, si urbe Strigonio maturè potiri uellent, Aquariam turrin omnino expugnandam esse perdocebat. Erat ea turris in extrema ripa, sub ipsa arce Strigoni, loco, ædificioq; Budanæ persimilis, quum eodem machinationis artificio aquam exorbendo è flumine haustam, uarijs siphonibus in arcem effunderet. ab ea enim Nasadæ subeuntes onustæ commeatu, directis ad aquæ libram tormentis, magno Turcarum incommodo ita petebantur, ut noctu tantum, & secundum ulteriorem amnis ripam pilarum uolitantium metu solliciti nauigarent. Hanc Habraimus Eunuchus, Asiatici equitatus magister, admotis tormentis expugnandam susceperat, sed irritò conatu cuncta moliebatur, quum ripæ margines statuendis tormentis perangustæ magnas Turcis afferrent difficultates, & milites præsidio impositi, directis ex aduerso falconibus constantissimè repugnarent. Monstrante itaq; trās fuga insulam in Danubio desertam, quæ contra frontem turri obiecta spectabatur. In eam Vlamanes noctu scaphis traiecit, erectoq; subitario aggere, conuectisq; eo tormētis, nonnullos ex defensoribus interfecit, nudauitq; eorū latera, ita ut Asiatici non apparentibus pro metu nostris murū subire auderent, & scalas expedire properarent. Interea Turcæ è maiorib. castris exteriora urbis undiq; maximis tormētis uerberare, prægrandib. uerò globis per ænea mortaria in sublime iactis, ut cū ruina tectis inciderēt, interiora deuastare, subterq; magnos cuniculorū specus, sicuti aliàs in expugnanda Rhodo perfecisse docuimus, excauare non cessabant, in quibus Barbari, corpore pariter ac animo aduersus omnes bellici laboris asperitates indomito, interdium noctuq; cibum & somnum cum multa nostrorum admiratione capiebant. Accidit autem, ut ænea crux inaurata, ob idq; percussa Solis radijs latè refulgēs, qua maximi templi fastigiū ornabatur, assiduo collimantium Barbarorū studio cōtortis in eam pilis reuulsa, atq; deiecta frangeretur, qua cadente Solymānū foelicis ictus casum, more gētis ad letū auguriū facile uertentem exclamasse ferunt, expugnatum esse Strigoniū, postquam signum inani superstitione à Christianis hostibus adoratum è tēplo de-


cidisset: neq; id omen pro uano à nostris acceptū est, defensis enim territisq; militibus, quibus nulla gleba faxeo in solo ad extruēdas munitiones suppetebat, Liscanus & Salamanca de rerum exitu timidè deliberantes, & secreto demum inter se collocti, seruare sese, & deditiōē facere decreuerunt. Erat Liscanus parum militiæ uersatus, & multo ex continua præda congesto auro prædiues, sic ut sibi planè opulento, pro inani constantiæ laude, Barbarico cædi gladio nimis miserum putaret. Idem quoq; effugiendi periculi sensus erat in Salamāca, apud quē certa salus, & bona peculi, labore ac industria castrensi parata, omni, uel maximè decora laude potiora ducebantur. Cæterum eius occulti consilij fama adeo astrictè cōtineri non potuit, quin ad milites emanaret, quorū tertia ferè pars, aut interierat, aut ægra morbis, & uulnerib. debilitata decumbebat, una tamen omnīū uox audiebatur, satis adhuc uirium superesse, ut interiora defendi posse minimè desperarent. Sed centuriones atq; signiferi, præfectis adulari soliti, si honestis conditionibus à Solymano fides præstaretur, omnīū certissimæ neci, & nihil demum Ferdinando regi profutura, deditiōem præferabant. Fortibus enim uiris, aut egregiè pugnando cadendū esse, aut postquam suprema necessitas id ferat, honestissimè paciscendum. Nec multo post noctu demissus ē muro signifer, acceptaq; per interpretem fide, Salamācam exiuit, ut is æquiore conditione de deditiōe transigeret. Nec mora occultè exiens ad Achomatem contendit, admonitis prius Aquariæ turris defensoribus, ut inde ad salutem celeriter in urbem se reciperent. sed eo nuncio territis, & cum tumultu euadentibus nostris, Turcæ intenti, animaduersa fuga protinus irruerunt, interfectis quibusdam, qui tardius elabentes efferendis sarcinis occupati inhonestè conciderant. At Salamanca ad purpuratos deductus, quū accuratè loquendo multa sibi concedi postulasset, nihil explicatius, aut mitius impetrauit, quàm, ut maturè se dedentes, cuncta quæ salutē libertatemq; respicerēt, ex liberalitate clemētissimi imperatoris expectarēt. Itaq; Hispanus acri iudicio Turcarum ingenijs diffidens, nec tamen desperans, quum redire uetaretur Liscano quæ retulerat perscribit; monetq; si saluus esse uelit, extemplo & maximè liberaliter sese atq; urbem dedat. Acceptis literis Liscanus ad milites prodies, deditiōis necessitatem, & propositam spem uitæ & libertatis cūctis exponit, nec mora ambiguo, & fremente adhuc milite, Halis aperiri sibi portam, ex deditiōe in castris facta, lato potius quàm feroci vultu postulat, eaq; statim parata à Liscano introducitur, clauēq; traduntur. Ianizeri pacato agmine ingressi munitionem, totamq; muri & aggeris coronam occupant, milites nostros secedere iubent, imberbes ex his ad unū secernunt, reliqui hastas deponere, & sclopettos in unum aceruum projicere coguntur. Nemo est omnium qui recuset, edictoq; non pareat. Improviso namque & contra spem nimis accelerato prætorianorum introitu terrefacti, se ipsos demissis pudore oculis iuuententes pristinam animorum ferociam exuerant, nihilq; nisi ualde sæuū à Barbaris expectabant. Id enim deceptis & circumuentis facilè euenit, quibus expediendi consilij ratio omnis & uirtutis usus excutitur. Intēdit quoque nostris pauorem casus insolitus, nam quum milites, uti imperatum fuerat, ipsas etiam cum sclopettis sulphurei pulueris lagenas in aceruum coniecissent, ab accenso fortè funiculo excitata repente flamma, earum rerum cumulum corripuit, usq; adeo cōsternatis ira metuq; Barbaris, ut nō temere insidias ueriti, ē nostris nō nullos interfecerint, sed deprecantibus præfectis, & nihil dolo, sed casu factum,

ctum, oris & manuum gestu significantibus, ipsoq; Hali facile persuaso, & celeriter commota claua signum dante, Ianizeri à cædibus temperarunt. Tum uero Halis, cōpresso tumultu, apud nostros per interpretes pronunciari iussit, parata fore per ampla stipēdia ac honesta militiæ loca his omnibus, qui ad Solymanum transire uellent, nec plures quàm septuaginta ex omni natione milites reperti sunt, qui conditionem acciperent. Barbororum enim perfidiam timentes, & de uita solliciti, abnuentibus parari cædem & cruciatus, propter naturæ immanitatem, existimabant. Hos Halis comiter allocutus, & cum his, quos diximus, delectos impuberes nauigijs deuehi Budam iussit, reliquos ab omni defensos iniuriâ ad repurgandam arcem, æquato cum Turcis labore delegauit. At Liscanus, qui ut aurum seruaret, admissi flagitij dedecus, subsequenterq; ob id pœnam ac ignominiam contrito pudore neglexerat, aureum torquem, quo tam auarè quàm insolenter Perenus fuerat spoliatus, dono dare cogitur, quum illum Halis alioqui per uim erepturus militari comitate, tanquam nouum apud Turcas ceruicis ornamentum expetisset. Eo namq; munere Hispanus reliquæ suæ prædæ periculum redimi posse cogitauit: sed auaro imbelliq; Fortuna nihil indulgit, nam quum insignes equos aleret, ut his arce excedens in pacatū eueheretur, signatumq; aurum in ephippijs subter puluinos accuratè condidisset, ei postremo Barbarus equos iâ ephippiatos conditumq; simul intus aurum ridendo ademit, quod nauigaturo nihil equis opus esse diceret. Atq; ita duces militesq; omnes exuti, præsertim galeis atq; thoracibus, ac ad naues deducti traiectiq; incolumes in ulteriorem Danubij ripam, Posoniū pedibus cōtenderunt. Ibi autem Salma iussu regis Liscanum & Salamancam proditiōis accusatos custodiæ tradidit, & cum his laxiore tamen custodia Matricium, Alexiumq; Nardoū, & Tristanum Germanū, ut quomodo deditio cœpta patratq; esset, in ipso de reis iudicio testarētur. Occupato Strigonio Turcæ egris nostris ac vulneratis, qui unâ proficisci nequiuierant, omnia pietatis officia usq; adeo diligenter præstiterunt, ut quū recreati demum dimissiq; ad Torniellum in Comaram peruenissent, reliqui milites tantā in Barbaris humanitatem exitisse mirarentur. At Solymanus expiato tēplo, & uti Budæ fecerat, ad sacrorum ceremonias traducto, superis gratias egit, quod eo præsertim die quo Biazetes auus Methonem cœpisset, Strigonio capto se quoq; similis uoti compotem fecissent. Erat is dies Augusti mensis decimus: diui Laurentij memorie consecratus. Nec mora accitis Buda fabris, atque omni propè genere militum ad opus coacto, admirabili structura celeritateq; urbem restituit, atque muniuit tanto quidem studio apparatusq; uti in posterum Christianis recuperande urbis spem omnem adimere uideretur: exprobrata herclè segnitie, ac imperitia Germanis & Hungaris, qui per quatuordecim possessam annos pingui semper in otio munire nesciuissent. Nec multo post Solymanus Ossaino uiro impigro Strigonij custodiæ præposito, emisissq; ad læuam Tartaris Scythis, qui ad Albam Regalē prædabundi excurrerent, ad expugnandā Tattam, quæ olim Theodata fuit, iter intendit. Id oppidum ualde exiguum, arcē dixeris, distat à Danubio introrsus, contra Comaram paucis miliaribus Hungaricis: ei Torniellus Hanibalem Tasiū Bononiensem, & Antium Germanū cum octoginta militibus præfecerat. Hi siquidē ante alios id munus sibi dari deposcentes, quod quæstui simul ac laudi futurum rebantur, omnē uim Turcarum se contēpturos affirmabant: siue quod Strigonium egregiè defensum iri crederent, siue quod

Turcas ad ignobile castellum, cum tota mole copiarū minimè deflexuros putarent. Sed capto demum Strigonio, & aduentantiū hostium cōspectis castris, & Achomate qui præcedebat, si uim experirentur, grauissimos cruciatus denunciante, quin se extemplo dederent, uti uiribus impares & uite cupidi, nullā expediendo consilio moram fecerunt. Exeuntes Solymanus, & scripto abeundi fidem accepturos, de more sericis uestibus donauit atq; omnes dimisit. Tatta uero funditus euerſa est, uetere Ottomanorū instituto: quū raris, sed ualidis omnino præſidijs partas bello prouincias, minorib. paſſim deletis arcibus, tuēdas exiſtimēt. Torniellus autem, ipſum Hannibalē frustra humani iuris equitatem pro ſalute implorantē, aliquāto ſeuerius atq; turbidius, quā ea ualde lugubris rerum cōditio poſtularēt, capitali ſupplicio affecit. Eo enim pergraui diſcipline exemplo intelligi edici que uolebat cunctis, qui muniti loci cuſtodia præſent, turpiſſimę mortis metu egregiam conſantiſſimē propugnando mortem minimē fugiendam. Antium porro, quod erat Germanus ad Ferdinandi regis arbitrium reiecit, quum præclare ſimilem de Liſcano & Salamanca, uti grauiora meritis, ſententiam ferre uideretur. Sed rex ingenio mitis ac facilis, & nunquam cruentus, de Hiſpanis leniſſimē ſtatuit & diuturni tantum carceris pœna contentus fuit, quum Antium ad parem cum Taſſio ſupplicij ſortem atroci Tornielli iudicio reliquiſſet. Aequata ſolo Tatta, Solymanus ad expugnandam Albam proſectus, circa lacum paruum, aquationi maximē opportunum, poſitis caſtris, non procul ab urbe conſedit. Ea urbs ob id Regalis cognomentum tulit, quod ibi per antiquo ſolenniꝫ gentis ritu noui reges coronentur, ac eodem in templo priſcorum regum ſepulchra cum rerum geſtarum titulis uiſantur. Caterum Buda, Strigonium, & Alba Pannonici regni nobiliſſimæ urbes, paribus ſerē interuallis inter ſe diſtantes, trianguli figuram efficiūt, cuius ambitu, diſenſiꝫ lateribus, miliaria circiter centum includuntur. Albam, reliquas duas alluente Danubio, perpetua palus undique præcingit, ſitu quidem aduerſus hoſtes ualde mirabili, niſi per æſtatem conſumptis hyemalibus aquis, decreſcentēque palude foret inſalubris. Ab urbe tres lati, præaltiꝫ aggeres (iacentis rotæ radios dixeris) ad extremam circumfuſæ paludis marginem porriguntur. Hi longorum pontium ſimilitudinē reddunt, habentꝫ ſuburbanas domos, & utrinque hortos, intercedente lata regione, qua uiatores in continentem deferuntur: ad extremam uero frontem ubi deſinit palus, ac inde exitus atque aditus in urbem datur, erecti firmi aggeres ſingulas portas comuniunt: quas Albani, ſuſpectis tantum belli temporibus, obſerare noctu ſolent. Suburbanę itaq; domus trib. his portis, ab hoſtib. ſunt tute: quū interiecta pōtib. ſpatia palus latiſſimē inundet, propter cœnoſa uada omnino inaceſſa equiti, præpedientibꝫ iuncis & calamis natanti plurimum importuna. Vrbs autem interior, muro ſatis firmo, & præalta foſſa, quæ paludem excipit, ad circinum præincta, difficilem habet oppugnationem. Quibus de cauſis, aduentante Solymano, in eam præ metu, tanquam in arcem longē tutiſſimam, magna hominum agreſtiumꝫ præſertim multitudo præ ſe actis pecorib. cōfugerat. Albanis præſidio erant uexilla duo Germanorū & ducenti fermē equites, ex eorū numero, qui in cuſtodia à Leonardo Veltio relictī fuerāt: quū Albani mutata fide à regina deſeciſſent. Ad has quoꝫ copias acceſſerāt quingēti Hūgari equites, ex his qui in pace, quū bellū deſit, latrocinijs ſe exercēt, inſamiꝫ nomine Vſarones appellātur. Sub id uero tēpus, quo Turcæ Strigoniū oppugnabāt, Torniellus cū

Italicis

Italicis cohortibus lauarinum peruenerat. Hunc Ferdinandus, de Strigonen-
 sium Fortuna sollicitus, & Albanis quoque rebus uehemēter timens, literis ac
 nuncijs hortabatur, ut tuendæ Albæ munus susciperet, ipse enim, tum cogen-
 dæ pecunię intētus, in Bohemia conuentus peragebat. Id se alacriter susceptu-
 rum pollicebatur Torniellus, sed graui, uti regijs uidebatur, adiecta conditio-
 ne. Quippe dux uetus & periculorum casuumq; militiæ cautus aestimator, ea
 præsidia postulabat, quæ opportuna forent capeffenti iter, ac imprimis ituro
 per infesta loca Tartarorum incursionibus, & demum defensuro urbē aduer-
 sus eos hostes, qui nunquam irritō conatu coeptis abscessissent. Hęc omnino
 1^o erant Germanicæ cohortes quatuor, alaq; una equitū grauis armatura, & tor-
 menta decē, atq; itē centū currus, quibus de more apertis in locis castra permu-
 niret, & ante omnia trimestrem pecuniam petebat, ne tractu lōge obsidionis,
 inter tot linguarum milites, uti plerunque accidit, tumultus efflagitatis frustra
 stipendijs oriretur. At regij togati homines, quibus ararij facultates erāt per-
 tenues, quoniam pecunia omnis superiore anno à Bohemis contributa, Pesta-
 no bello consumpta perierat, ante omnia periculum profectionis eleuare, sūt
 urbis atque munitionē extollere, incolarum & militum, qui in præsidio essent
 numerum augere, polliceriq; non defuturos diuites Albanos ciues, qui pecu-
 niam conferrent, liberaliq; studio milites inter se distributos priuatim alerent,
 2^o postremo confirmare, testariq; nō magno discrimine ab his insignem gloriam
 peti, qui clarissimam urbem omnino defendendam conseruandamq; suscipe-
 rent. Ad ea Torniellus, ut quicquā de ea re statuatur, priusquam singula explo-
 ret, adduci posse negat, mittiturq; Albam Octauianus Scrofactus Insuber, qui
 post Pestanū bellū in Pannonia remāserat. Is foelici usus profectione redituq;
 retulit Albā inexpugnabilem reddi posse, si aliqua excogitata atque antē pro-
 uisa inchoatis operib. adderentur, pleniq; imbres inclinante autumno minimē
 defuturi ad augendam paludem, replendasq; exteriores fossas opportunē de-
 ciderent. Tantam uerō cōmeatus, & maioris minorisq; copiam ē uicinis pagis
 in urbem esse conuectam, ut famem, uel tota hyeme minimē timendam puta-
 3^o ret, & eam esse præsidiū ac urbanæ multitudinis alacritatem, ut hostes iam pla-
 nē despici uiderentur. Fortē enim Albani sustulerāt animos paruo admodum
 successu, quum excurrentibus illac Tartaris in eorum postrema agmina ali-
 quot interfectis erupissent. His cognitis Torniellus, nihil temere de se consti-
 tuit, nec sibi ullo modo eundum censet, mediam tamen consilij uiam tenet, mit-
 titq; Albanis auxilio quatuor præfectos, ante omnes nauādæ operæ cupidos,
 cum singulis cohortibus. Hos cum ala equitum Barocius sequitur, apud quē
 iussu regis suprema erat militaris imperij potestas. Vbi Albam est peruētum,
 extemplo Solymanus nō procul abesse nunciatur, itaque Barocius præfectos
 cēturionesq; oēs in cōcilium uocat, unā etiā conuenit Birrous Albanorū præ-
 4^o tor, cū toto ordine decurionū. Disputatur appositē atque acriter an suburba-
 na ædificia, quę diximus, deferere atque incēdere præstet, q̄ tueri, ut tecta Bar-
 baris desint, & urbis interior paludis circumfusæ munitione tutissima, minore
 militum labore, minoreq; periculo defendatur. Conclamant repentē Albani,
 nec se passuros dicunt, ut suburbia tot tēplis & ædificijs magnitudine urbis e-
 quata, euersis subinde multorum ciuium fortunis deleantur. Quid enim tam
 deformē ac miserū cogitari posse? quā ad incitandam Barbarorum audaciā
 extremi timoris significationem dare, ac ea ultro subditis flammis excindere,

quæ forti manu, nisi animis turpissimè deficient, egregiè tueri possint? Fauebat Albanis Octavianus, uti cæteris eius urbis ac regionis, superiore anno sapius exploratæ, usu peritior, docebatq; pari conditione periculi, & urbem & suburbia defendi posse, quandoquidem pari paludis beneficio munirentur, nec etiam, si quid extra pugnantibus ab hoste durius accideret, defuturus esset tutus atque certissimus in urbem receptus, quo demum tēporis spatium, inclusi urbe, supremi consilij deliberationes expedirent. Postremo exurgēs, cum suo tū publico impulsus fato: Quod, inquit, uiri fortes, uirtutis specimen dabitis? quam uel demum nauatæ operæ laudem feretis? si tantæ claritatis urbem suburbij  quam brachijs ante periculum detruncatis deformatam ultro, & nimis celerī desperatione deuastatam defensuri estis? Nihil certè uel ad utilitatē regis, uel ad spem gloriæ profeceritis, nisi Alba, si Dñs placet, incolumiatque integra, integrum ab animi magnitudine decus petatis. Hæc eo dicente cuncti consurgunt, prudētes gnariq; militiæ imperitis atque ferocibus parent, ipseq; Barcocius, ancipiti suspensus cura, uanissimoq; aliorum iudicio planè uictus, fatali sententiæ accedit. Fit enim sapius, ut qui pericula ratione solerter expendant, ac ob id de rerum exitu timide deliberāt, & fortiores plerunque pugnantibus sententias dicant, quā alienæ temeritatis comites esse, uel ad non dubiā mortem, quā ab ignobili decreto minus fortes uideri malint. Eo modo Barcocius, nouæ uel simulatæ spei plenus, & repente factus alacer, ad milites egreditur, cur suburbia defendenda censuerint, edocet, ac hortatur, ut parem decoro cōsilio uirtutis operam præstare uelint, ipsum autē enixè curaturum, ut opportune parentur, quæ ad uictoriā pertineant, & fortissimè propugnantibus, supra perennem facti laudem, & triplicis stipendij prouentum, honesta mansuraq; ipsis ac posteris præmia persoluantur. Hæc læto ore prædicabat, ut Albanorum animos eo beneficio in seruanda fide uehementer obstringeret, tegetq; timorem nequaquam temere conceptum, utpote qui sapius Turcarum uires infœliciter expertus minime dux fortis & strenuus apud milites haberetur. Itaque promiscuo cōcursu studioq; militum ac urbanæ multitudinis suburbia muniuntur, instruunturq; idonea loca maioribus tormentis, & custodiæ diurnæ nocturnæq; diuisis spatijs certis ducibus tribuuntur. Sed Turcæ appropinquantes, Budanæ tantū portæ suburbij incubuerunt, explorato namque situ, & per speculatores Hungaros faciliè cognito, sicciore ab ea parte paludē reperiēbant, solumq; ibi ualde sabulosum, & cespiti atque aggeri faciundo penitus importunū esse didicerant, quā à reliquis duabus portis terra nequaquam arida, sed deuexę paludis humore crustosior, & latas passim glebas & solidos cespites ad opus egregiū largissimè præberet. Perspecto hostiū cōsilio Barcocius Italos Germanosq; omnes à reliquis portis ad Budanam traducit, Hungaros agrestes, qui in urbem confugerant, itemq; Albanorū iuuentutē in ducti præsidij locum succedere iubet, institutumq; antea propugnaculum educere atque perficere aggreditur. Id erat inter bina tēpla diuo Frācisco, & Deiparæ uirginī dedicata, prominebatq; exterius nota ratione, ut bina utrinq; munitionis latera, directis tormentis cōtra subeuntes Barbaros defendi possent. Hæc parante administranteq; Barcocio, quum prima Turcarū agmina in cōspectum se darent, atque procurrerent, Vsarones, & secundū eos Germani equites, adiunctis peditibus. Italici alacriter eruperunt, cōsertaq; leui pugna utriq; ad suos se receperūt, eodemq; modo ac ordine per tridū est decertatū, nullo tamen

tamen memorabili euentu. Nā duces proximam portæ regionē, certo breuīq; spatio ad procurrēdum nostris præscripserāt, & Turcæ prouolantes celeriter cedendo gyros dabāt, ut incautos, aut graues armis Germanos lōgius elicerēt. Vbi uero Solymanus aduenit, cōplexusq; latē urbem spectantes admirabili, atq; stupenda castrorum specie conterruit, nostri obstructis repente portis, omnes exitus sustulerunt. Ea res Vsarones, liberis excursionibus assuetos, tempestiuē admonuit, ut sibi cōsulerent, nec se munitionib. includi paterentur. Ita quum missionē peterent, nec tuto retineri possent, frustra deprecāte Barocio, & reiectis Albanorū precibus, nocturno syluestriq; itinere protinus abierunt.

10 Interea Turcæ, cōfectis plurib. uineis more nostro, perductisq; sinuosis fossis ad munitiones intra sagittę iactū processere, tecti namq; antē præfixis frondib. ita opus ex tuto faciebant, & summā aggeris coronam sagittis & glādibus detergebant, ut nemo iam nostrorū cōspici posset, quin binos ternosq; simul graues ictus ostensa parte corporis exciperet: & ea uis erat ingentiū tormentorū, ut totam planē munitionem pilæ perforarent, fractisq; & per aera dissipatis textentis materiæ stipitibus, uel distantes inde milites vulnerarent. Ob ea nostrorum pericula, subeuntibus Asappis tutum erat implere fossam, uti ualde siccata serena æstatis solibus, abscessuq; paludis omni penitus humore destituta. Id fiebat multis uirgultorum fascibus arena seriatim superiniecta. Per-

20 petuo enim totus exercitus labore, quum equites lignatum irent, & pedites in opere uersarentur, in omnes usus cum frondosa tum solida pariter materia suppetebat, & Dij nostris irati, expectatos imbres cœlo & nubibus suspensos pertinacissimē denegabant. Exæquata itaque fossa, Barbari audacter subeuntes propugnaculum ab imo scalpere, suffodereq; coeperunt, ut agger interior subtracto fundamento concideret, quod nequaquam ex solida constructus gleba, sed ea ualde fabulosa fluenteq; astringentibus tabulis & tignis, non ad robur sed ad inanem ferē speciem esset erectus. Verū animaduerso hostium conatu, ita à nostris pari cuniculo obuiam est itum, ut quum infœlici cœpto, atque exitu, præparatus intro ad Barbarorum exitium sulphureus puluis fortuito flāmam concepisset, multi ex nostris nemine hostium concremato fœdē

30 perierint. Post id factum Turcæ, uera uidententes, triplici acie instructa propugnaculo successerunt. Præcedebant Asappi, uti minimæ iacturæ homines, à duobus primis periculis obijci soliti: hi pro scutis planas tabulas, ostiorum ualuis similes, recentibus boum corijs protectas, ne deiectæ muro cuppæ ardentes nocerent, in capita elatas bini terniq; testudinis modo præferebant. Sequebātur ex equitū ordine scutati pedites, cū equestrib. hastis, aut districtis incuruis gladijs: ab his Ianizeri tegebātur, qui dextro genu supplicato sclopettis lōgioribus ad destinatos ictus rē gerebant. Singulis autem ordinibus suus dux adhortator, & uirtutis ac ignauiae testis aderat, sæpe ferrea claua segnes castigans, vulneratosq; subducens, & recenti milite fessam aciē reparans, & id quidem mira celeritate, cū ad circumductæ clauæ signum omnes intentis oculis obedirent. Certatum est amplius tribus horis, pari spe uirtutēque, sed

40 ad extremū Turcæ, multa iniquæ pugnae vulnera perferentes, occisis & deiectis nostris, propugnaculum coeperunt, ac expedito statim consilio tres in eo paruos falcones statuerunt: ut utrinq; è tota munitione propugnantes & discurrentes nostros deturbarent. Eodem quoque tempore bina templa ab irrumpentibus occupata sunt, eorum parietibus usque adeo quassatis & per-

foratis, ut per hiantes rimas & pilarum uī patefacta foramina ex occulto cōspe-
 ctū nostri sagittis & glandibus peterentur. Verū munitiones cohortium Ita-
 licarū mira constātia, adiuuātibz etiā focminis cucullatisq; sacerdotibus egre-
 giē eo die sunt defensæ. Is erat diuo Ioanni Baptistæ decollato dedicatus, quo
 Barbari Belgradum expugnatum, & cæsum in acie Ludouicum regem memi-
 nerant. Ob id rebantur augurijs & dierū sortibus dediti, auspīcato mēse & fœ-
 lici die, oppugnare adortis uictoriam minimē defuturā. In eo certamine, quod
 minimē prætermittendum uidetur, excelsæ staturæ Hungara mulier, cōscenso
 inter milites aggere, uirilis audaciæ facinus edidit, quum prægrandi fœnaria
 falce, scandentibus duobus Barbaris uno ictu colla secuisset. Vnus autem an-
 te alios Carolus Ruffus ē Brixia, qui cōponēdis ordinibus apud cohortes offi-
 cio fungebatur, aduersus laborē atq; pericula indefessi atq; inuicti prorsus cor-
 poris ac animi laudem tulit. Signiferi etenim plures præfectiq; ac ipse quoque
 Barocius de euntu prælii magnopere dubitantes, ut celerius in urbem se reci-
 perent, interiore in loco sub ipsa munitione constitierant. Ferunt Solymanū ad
 se in prætorium uocatos Habraimū, Achomatem & Halim grauissimis casti-
 gasse uerbis, quod propugnaculo fortiter atq; fœliciter occupato, nulla demū
 peracri facta impressiōe, & quod pudendum esset, nimis celeri receptu partē
 propē uictoriæ defuissent, iussisseq; minaci vultu, ut tridui spatio cuncta quæ
 usui forent, diligenter pararent, nec ad se nisi Alba capta reuerterentur. Ad eas
 duces nihil plus responderunt, neque enim uel culpa uacantibus excusare sese
 licet, quā ut confirmarent breuī futurum esse, ut uoto ipsius & militum uir-
 tuti Fortuna responderet. Itaque in unum supremi certaminis conatum, dele-
 ctis accensisq; militibus, postridie calendas Septembris prælii signum dede-
 runt, terribiliq; impetu ab omnibus partibus munitiones adorti, magnum ter-
 rorem stationibus nostris intulerūt. nacti enim matutinam crassiorē nebulā,
 ut palustribus accidit in locis: non prius à nostris in dubia luce conspecti sunt:
 quum nec ab usitato eorū disciplinæ silentio sentiri possent, quā ad congres-
 sum peruenerint. Pugnabatur maximo tumultu, clamoreq; edito ad diui Fran-
 cisci templum, sed uehementissimē ad eam munitionem, quæ est inter propu-
 gnaculum, ut diximus, ab hostibus occupatum, & Deiparæ uirginis eadē, quo-
 niam ualida Ianizerorū manus in eū maximē locum incubuerat, qui ad tuendū
 Germanis erat attributus. Ii densata acie, descensum Turcarū expectantes, ita
 peraciliem aggerem inclinatas hastas continebant, ut extantes earum culpi-
 des in summa munitione conspicerentur, idcirco mirabili astu Barbari, ne te-
 mere defiliendo, irruendoq; sese hastis induerent, oblōga tigna capitibus ferē-
 tes euadentesq; in summū aggerem, trāuersa ea supra hastarū seriē in subie-
 ctos Germanos prouoluerūt, casu usq; adeo repentino infestoq; ut primorum
 ordinū milites confusis manibus & brachijs hastas deferere cogerentur. Tum
 uerō Turcæ clamore sublato præcipiti agmine saltuq; proruerunt, nec quis
 quam fuit, qui ingruentium impetum sustineret, eodem quoque tempore Ita-
 licæ cohortes, multitudine hostium potius quā uirtute superatæ, deiectæq;
 toto aggere, terga uerterunt. Sed paucis festinatus ad salutem receptus pro-
 fuit, quum perangustus ad cancellum, qui exteriorē portæ aream uestibu-
 lū modo claudit, aditus pateret, & Albani nulla fugientium misericordia per-
 moti, muralis portæ pontem sustulissent: natura enim plerunque fit, ut
 præsentis periculi metus sine pudore perfidiam excuset. Per totum itaque
 suburbane

suburbanæ regionis spatium cædendo terga, sternendoq; Barbarus processit. Cecidere in ea rerum perturbatione egregiè propugnantes conantesq; retentare inclinatam in fugâ aciem, Carolus Siccus, & cum eo aliquot centuriones, atque signiferi. Octavianus quoque, qui uanitate consilij tantam cladem attulerat, trucidatus, temeritatis suæ poenas dedit: ipse uero Barcocius, quum incitato equo ad portam se proripuisset, nec ingressus per cancelli portulam equiti daretur, oraretque frustra fugientes, ut maiorem cancelli ualuam apperirêt, Ianizerorum superuentu conciditur, dextraq; ei manus multis gemmatis annulis adornata detruncatur. Dominicus etiam Torniellus, aurata casside insignis, in eadē defiliendi cunctatione ex equo deturbatus, interiit. Hūc aliquādiu defenderat signifer egregiè fortis, nomine Cecolinus, quum intorto circa hastam uelo serico, acri cuspide inermia Barbarorum pectora perfodiens, honestè cadere quàm præfectum deserere mallet. Reliqua autem multitudo, quod cancelli portulam occisorum cadaueribus obstructam, ac Albanorum malignitate sublatum pontem uidebat, ad ultimam uitæ spem, in fossam præaltis aquis profundam se coniecit. Ea fugæ facies maximè foeda & miserabilis erat, quum plerique tranantes ab imperitis natandi crurum complexu mergerentur, alij euadentes ad certos urbis aditus, capitibus ac humeris frequentes sagittas exciperent, alij uero per cœnosæ paludis uada fugam querentes, deuoratis cruribus impliciti, per ludibrium ferienda sagittis & glâdibus terg. præberent. In his fuere. C. Motta Nouariensis, & Rapizonius Vercellensis, nobiles adolescentes, qui sagittis confixi in ipso traiectu fossæ perierunt. Carolus autem Rufus, desperatis rebus ad urbem foeliciter enatauit. Erant in urbe Germanorum equitum præfectus, & Vscasales Cremonensis, qui ex vulnere domi substiterat. Hi confirmato animo reliquias militum colligentes, in muro præsidia posuerunt, tanta Albanorum trepidatione, ut nullibi publico consilio locus esset, & præpta cibaria, quibus labore metuque exanimati milites reficerentur, minimè reperirent. Iam enim conspecta nostrorum strage, Birrous prætor & senatores primarijque ciues animos desponderant, nec ab armis atque præsidio, sed ab una Solymani clementia petendam salutem existimabant. Nam multis antè diebus, prius quàm noui præsidij cohortes à larinino mitterentur, Albani quidam (priuato an publico consilio incertum) ad notos ipsius Turcas nuncium miserant, pollicentes, si Strigonio potirentur, nullam demum quin continuo se dederent, Albæ appropinquantibus moram allaturos, ob id facilem ueniam sperabant, parata excusatione, quod id præstare præsidij regij metu, nequiuissent. Hac de causa fiebat ut defensionis studium tota urbe remitteretur, Vscasaliq; omnes & Rufo, ea manu, que supererat urbem se defensuros ingenti animo pollicentibus gratias agerent, & iam nequaquam perplexè responderent, cunctis omnino de conditione deditionis esse cogitandum. Prodituri enim uidebâtur, & suam ipsorum salutem & totius uicinie fortunas, si desperatis auxilijs ab rege, apud remotas gētes occupato, exitiabili defensione superbos uictoresq; Barbaros irritassent. Itaq; Birrous de muro cum Turcis colloquitur, petit ut tuto liceat mittere legatos, qui à Solymano deditionis cōditiones accipiant: id facile concedit Achomates, quo cognito, nostri milites Rufum deligunt, qui unâ cum legatis eat, & corâ de salute, libertateq; præsidij paciscatur. Legati ad purpuratos deducti, per Hungaros interpretes postularunt, ut in fidem sese deditibus libertatis & ciuitatis iura seruaren.

tur. Sed his ea data sunt respōsa, ut non omnibus uenia dari uideretur, quod promissæ deditōnis iusiurandum fefellissent, minuebat tamē eorum metum, quod ad paucos eius rei consciōs ac aūthores pœna pertineret. Rufus porro perhumaniter susceptus, omnibus uitā ac libertatē & res incolumes, & tutum deniq; ad Viennā reditū impetrauit, eandē conditionē obtinente Germanorū præfecto, qui Rufo comes adhaſerat. Quū uerō datæ fidei diplomata scribe-
rentur, Solymanus Eunuchus purpuratorū princeps Rufum comiter inuita-
uit, ut Solymano imperatori militaret, proposito liberali stipendio, ac oblata
quingenariæ cohortis præfectura. Sed quum abnueret, quod sacramēto mili-
tari præoccupatus à rege, nondū militiæ tempus impleuisset, purpurea ueste,
aureis distincta floribus, uirtutis ergo donatus est. Notus enim erat uel ipsis
Turcis ab ænea barba, quod sæpius in aggere spectatus, longē omniū acerr-
mē dimicasset, indicantibus etiā Strigonienſibus trāsfugis, qui tū aderant Bar-
barico cultu cōspicui, atq; eū Eunuchi monitu uehementer hortabātur, ut ho-
noratioris militiæ certā spem dubijs atq; tenuibus stipendijs præferret: quid
enim forti ac egeno militi sperandum, si quum bellum uigerē desineret, stipen-
dia penitus interirent. In his erant Ioannes Neapolitanus, Vincentius Vene-
tus, & Hieronymus Fauentinus notī militiæ, potius quā domi clari, qui ad-
missi sceleris notā eo nomine protegebāt, quod nequaquā ad Mahometis sa-
cra defecissent. Legatis in urbem reuersis, ac omnia clementer & commodē im-
petrata narrantibus, ciuitas paulo antē perculsa metu ad spem salutis, & ue-
niæ, pro quibus uota susceperat, extemplo redijt. Nec multo post Achomates
per singulos linguarum interpretes, in forum præmissos, pronuciari iussit I-
talis, Germanisq; militibus, ut in crastinum diem, ea quæ profectiōni oppor-
tuna uiderentur, collectis sarcinis expedirent, diligenterq; cauere, ne quis-
quam Hungarus ipsorum agmini misceretur. Albanis uerō grauiter impera-
tur, ut limine sese contineant, donec externi milites emittantur. Exiungere ad con-
dictum Itali, Germanique, duce agminis Homare alæ equitum præfecto, qui
proficiscentes ab iniuria tueretur, & ad regios fines integra fide deduceret, nec
quicquam nostris ademptum est, præter sclopettos paruos, quos nouo more
hastati equites Germani ab ephippijs, uti mortiferum atque habile telum su-
spendunt. Hos maximē concupiebant Barbari, nouitate capti, quod ita mirū
esset artificium, ut sine succenso funiculo, quum luberet, per machinæ paruæ
rotulam, percusso pyrite lapide, ignem repenti cōciperent, & celerrimē displo-
derentur. Barcoij quoque currus, ab Homare sine tumultu retētus est, quod
interfecti ducis supellex nullos hæredes respiceret, sed ipsos tantum uictores
lege bellica sequeretur. Petijt etiam comiter Homar ab Vscasale, ut sibi non
iniqua muneris permutatione thoracem auratum plicatilem dono daret, quo
alacriter exuto traditoq; Vscasales contra spem ab Homare nobilem equum
retulit. Per totum autem id iter Tartarorum excursionibus infestum, nostros
Homar singulari fide laboreque tutatus est. Euolabant enim Tartari passim è
sylvīs, tanquam ad oblatam prædam, & in sarcinas præsertim impetum facie-
bant, & si quem tyronem imberbem, aut armigerum puerum uidissent, arre-
ptos cursim celeriter asportabant, ita ut reluctantes in equi ceruicibus colloca-
ti captræ pecudis modo raperentur. Nostris erant auxilio Turcæ equites, quū
intercurrendo, comminandoq; turbam aspectu fœdam atque terribilem abi-
gere & fugare properarent, neque enim quisquam Tartarorum sagittas expe-
diuit,

divit, aut omnino gladium eduxit: conspecto enim Turcarum præsidio, non certam & cruentam uti ab hostibus: sed à dubijs socijs, et negligentibus fortuitam prædam petebant. Sed postquam ad regios fines est perventum, Homar- que discessit, nostri in multo infestiores socios Tartaris hostibus, Hungaros inciderunt, qui iusta propè pugna conferta laceffentes multis illatis vulneribus nullam prope evadendi spem nostris reliquerant, nisi regij equites è proximis castellis maturam opem circumventis attulissent. Alia porro Albanorum conditio fuit: nam Solymanus emisiss, qui in urbem confugerant, & solitos agros colere iussis, eos, qui antea dedendæ urbis spem dederant, conqui-
10 sitos comprehendit, atque eos pariter Albanos cives, qui in magistratu fuerunt, quum civitas à reginæ, infantisque regis fide, introducto Germanorum præsidio defecisset. Ex eo numero aliqui interfecti sunt, cæteris partim Budam, partim Belgradum relegatis, quod recentis perfidiæ nota vel alieno vindice punienda censeretur. Cæterum Solymanus, Balibeio Albæ præfecto, munireque urbem iusso, satis sibi gloriæ partum ratus postquam duabus summæ claritatis urbibus in potestatem redactis Germanorum & Hungarorum animos contudisset, Byzantium redire constituit. Iam enim non dubia ingruentis hyemis signa maturandum omnino reditum indicabant. Nunciabatur quoque ab exploratoribus, Torniellum in insula Comara Danubij fini-
20 stram partem, validis sublcis in vado defixis, & cratibus intertextis subituræ classis aditum præsepisse, eo consilio, ut eius insulæ oppidum maius atq; validius, cum reliquis cohortibus tueretur: & iam Pontificiæ cohortes, quæ integræ & ornatissimæ legionis numerum implebant, Baptista Sabello, & Iulio Vrsino ducibus, Viennam pervenerant. Nec longè aberat Ferdinandus, adductis Marcomannorum & Bohemorum auxilijs, ut ascensuro hosti, & comeatum atque tormenta navibus advehenti, terra & flumine obviam iretur. Sed qui perditis iam rebus opem laturus serò advenerat: tempore demū exclusus, ut amissa recuperaret, nihil regio nomine dignum perficere potuit. Discedente autem Solymano, unus ante alios vetus imperator, & nostris maxime
30 cladibus insignis, Mahometes Iahaoglis (is à præfectura Belgradensis dicebatur) gravi iudicio delectus est, qui toti Pannoniæ cum imperio præsideret. Ab hoc prædabundis agminibus vehementer vexata est ea regio, quæ ad Iavarinum & Quinquæ Ecclesiensium fines pertinet: cui malo quum à nostris occurrî minime posset, quodam genere induciarum impetrato coactas copias rex utili consilio dimisit, & Pontificiæ cohortes in Italiam redierunt. Toto autem eo bello Georgius Varadinensis episcopus Stephani pueri regis tutor, qui summæ auctoritatis atque potentiae nomen apud Transylvanos obtinebat, nihil se commovit: quanvis eum Solymanus cum eius gentis auxilijs evocaret. Se etenim prohiberi distinerique Moldavorum incursionibus, quomi-
40 nus imperio pareret, prædicabat, quum provinciam ipso custode præsidioq; vacuam irrupturis hostibus minime relinquendam arbitraretur, & satis superque satisfecisse officio videretur, postquam ingentem comatus copiam in castra transmisisset. Ita vir ille eximie fortis & cautus, incolumi vel in speciem tantū apud subiratum Barbarum in amicitia, sese atq; provinciam Christiano nomini conservavit. Eam rem enim dissimulatione transmittendam Solymanus existimabat, ne inanibus minis illum offenderet, quem omnino amicum fide, quam patefacto odio certum hostem experiri mallet. Tanto au-
AA

tem in Pannonia accepto detrimento non defuere, qui ab insigni publicæ pacis & sacri belli studio vecordiam principum execrantes magnopere latarentur, quando nulla iam alia spes parandæ concordiae superesset, quam ut dimicantes inter se reges ab extremo ignominiae pudore ad pietatis decus revocati, territique metu tanti hostis insanire desinerent.

PAVLI IOVII NOVO

COMENSIS EPISCOPI NV

GERINI, HISTORIARVM

SVI TEMPORIS

LIBER XLIIII



EMPVS & ordo, quibus unis rerum gestarum series, ratioq; omnis totius historiae certissime constat, & scriptor explicatus perpetui operis sui fidem tuetur, nos admonent, ut unde discelsimus opportunè revertamur. Neque enim æmulatione pictorum fieri potest, ut quae diversissimis in locis uno tempore gesta sint, ea scriptor tanquam in tabulam collata, sciteque depicta, sub unum oculorū aspectum legentibus ostendat. Igitur Cæsar ab Italia Pontificeq; discedens ad Belgicū profectus bellum, ad Bonnam Vbiorū oppidum, iuxta Coloniam Agrippinam copias coegit atque recensuit. In his fuere Germanorum peditum quatuordecim millia, mercede conducta, atque item singula quaterna millia Italarum & Hispanorum. His præerant duo tribuni, Alvarus Sandæus, & Ludovicus Peretius: illis verò Camillus Columna & Antonius Auria, qui illos ex sibi notis, veteribusque militibus in Italia conscripserant. Ad hos quoq; Aurantius regulus Belgarum peditum duodecim: equitum verò armatorū duo millia ad Cæsarem perduxit. Aderāt autem partim Germanici & partim Sequanici nominis galeatorum equitum quatuor millia, & Italici, Epiroticique generis levis armaturæ equites sexcenti. Cæsar divisimuneribus, Stephanum Columnam, autoritate militari virum insignem, ut eo bello operam navaret à Cosmo Medice sibi traditum, castrorum magistrum effecerat. Tormentis autem præfecerat Iacobum Mediceni, quem bellicæ virtutis merito iam pridem dignitate Marchionem appellarat. Totius verò equestris levis armaturæ tribuerat Francisco Atestino, qui erat Ferrariensis principis germanus frater. His tamen omnibus vices Cæsaris implens, imperabat Ferdinandus Gonzaga, cuius virtuti Cæsar plurimum tribuere erat solitus. Quibus inspectis ordinatisq; copijs Cæsar cunctis agminibus sese armatum, aurataq; purpura paludatū ostendens, adhortansq; ut ad prædā & laudem ire pergerent, ad Duram oppidum tertijs castris pervenit. Id erat primū in Eburonū finibus, quod tanquā eximiae munitionis adventanti Cæsari obiectum, Guliermus opinione sua, uti mox apparuit, inexpugnabile rebatur. Id

Id lateritio muro & fossa duplici ita erat præcinctum, ut inter exteriorem, interiorēque fossam perpetuus agger ea altitudine esset erectus, qua totius ferè muri ambitus, usq; ad summam coronam protegeretur: apparerētque murum nequaquam commodè tormentis posse quati, nisi prius tanti aggeris deiecta atque proscissa munitio, tormentorum globis viam aperiret. Ea verò neque facile dirui poterat, neque sine certa invadentium pernicie conscendi, intercedentē præsertim priore fossa: quoniam toto aggere opportunis in locis propugnacula eminebant, in omnes aspectus ad usum tormentorum aptissimè fenestrata, quæ Durense tormentis instruxerant. Vir quoque Menapius, nōmine Flattes, præsidij præfectus, qui validas cohortes in oppidum adduxerat, & Durensem iuventutem armaverat, se omnium salutem, & antiquum Sicanbrorum decus adversus Cæsaris iniuriam constantissimè defensurū profitebatur. Neq; enim deerant veteris historiæ regionisq; periti, qui non longè à Dura, sub Titurio Sabino, & Caio Cotta, Iulij Cæsaris cohortes olim concissas fuisse memorarent: nec eius gentis milites tanquam astutos maximeq; pugnaces, Cæsariani contemnebant. Nam biduo antè levis armaturæ equitum alam exploratum præmissam, hostes egregia ineundæ pugnae, & mox fugę simulatione in insidias pertractam, subito provolantes è sylvis, & more Germanorum per equites sclopettarios rem gerentes, insigni illato detrimento perturbant, quum ante alios ex præfectis Vbertum nobilem Mantuanum, & Marcum Bulvanum illustris nominis Epirotam occidissent, Ioanne etiā Zucero vetere Græcorū duce intercepto. Cæsar ex propinquo, nec sine periculo loci situm contemplatus, ut repentinum hosti metum inferret, primis conatibus celeritatem adhibendam iudicavit, extemploq; confici & promoveri vineas, & tormēta produci iussit. Expugnandi autē, invadendiq; oppidi negociū, pari cōditione Hispani atq; Itali tanquā agilitate corporis, ac ingeniorum expedita vi promptiores, primaq; pericula cōtemnere soliti, desumpsēre, quū in proximo Germani gemina phalange constituta, quadratisq; totidem equitū agminibus instructis cōstitissent, ut oppugnationis successum, adventumq; exteriorum hostium, parati ad prælium expectarēt. Nam rumor increbuerat, non longè abesse Martinū Rossemium cū validissimis Menapiorū, & Sicanbrorū copijs, qui Cæsarianos in oppugnatione oppidi occupatos adoriretur. Is Belgarū populis superiore anno, Antuerpiensibusq; præsertim (ut diximus) profligato Aurantio, grave detrimentū, multo maximū terrorem intulerat. Sed eos rumores de Rossemij adventu, nequaquam importunè excitatos, victoria Cæsaris paucissimis horis extinxit. Nanq; oppugnatio quadraginta maioribus tormentis ante auroram cœpta, neque per totam ferè diem unquam intermissa, eum habuit eventum, ut deiectis ex corona defensoribus, & perfossis undique, lateque disruptis editioribus propugnaculis, milites Itali Hispanique pariter æmulatione laudis, iniussu, nulloque accepto signo certatim procurrere, prioremq; fossam, non superante umbilicum aqua transire, & in aggerem conscendere minimè dubitarent: graviter primò id ferente Gonzaga: sed mox eorum audaciam, quā imperio reprimere non poterat, bono eventui commendante. Erat enim atrox spectaculum, quum ij qui aggerem occupant, expositi ad hostiles ictus, è muro assidua glandium procella, & maioribus pilis sternerētur, necessarioq; aut in exteriorē, aut in secundam fossam deturbati prociderent. Verū qui audaciæ & temeritatis poenas dabant, ne in-

ulti caderent, incredibili animorum fortitudine in præaltam fossam sese gregatim intulerunt, hastis & plicatilibus usi scalis, quas ad murum deferebant, & acriter tumultuososq; impetu ad conscendenda moenia transfatarunt: quanquam multi gravati armorum pondere, pressiq; ab alijs incumben-
 tur, atq; itidem in transitu ab imminente paratoq; hoste vulnerarentur. Erat muro coniuncta excelsior domus, in qua Flatte cum delecta suorū manu versabatur, magnaq; inde hostium strages edebatur: nam & aggerē & fossam hostium cadaveribus cōpleverat: quo animadverso detrimento magistri tormentorum demonstrante iubenteq; Cæsare, maiores aliquot in eam domū globos statim coniecerunt: perfractisq; rectorum contignationibus, & Flattem & reliquos omnes, ingenti ruina oppresserunt. At Flatte cum promptioribus miserabiliter interfecto, Duren-
 sibus usq; adeo cōminuti sunt animi, ut iam languidius sese defenderent: atq; ita eorum pristinus ardor remitteretur, ut Cæsariani sese sublevantes, reptantesq; per ruinas, in murum vexilla efferrent, contemptisq; ignibus inanum circulo-
 rū ex resina & pice ardentium, vasorumq; huiusmodi fictilium, quæ provolvebat hostis, muro atq; urbe incredibili celeritate potirentur. Duren-
 ses ad unum omnes, & præsidij milites, sæviente victore trucidati sunt, eò acerbius, quod ex Italis ac Hispanis sexcenti ferè aut in promurali aggere occupando, aut in superanda fossa perijissent. Ex his longe promptissimos centuriones Facium Pisanum, et Sanseverinū Neapolitanum, qui ceciderant, spectato-
 r pugnæ Cæsar, virtutis nomine publicè laudavit. Quū verò muralis coronæ decus premiumq; duo ante alios signiferi peterent, alter Randolazus natione Cantaber, & alter Ligur, cui Gregorio nomen fuit: & uterque testes suos produceret, accensis utriusq; gentis ad favendum studijs, res ad iudicium Cæsaris delata est, qui Gravi consilio suspensa sententia, ut neutrum offenderet, amborum spes longissimè extraxit, ne ex ea contentione au-
 gerentur odia iam pridem multis de causis ab utrisq; concepta, quæ non semel aliàs in cruentam seditionem exarsissent. Eo modo Sicambrorum urbs Dura, ad septimum Cal. Sept. tam fortiter capta, quā sævè trucidatis civibus direpta, subditis facibus, aut spontè exortis incendijs tota conflagravit. sic ut templum cum sacra turre, insigni fastigio conspicua, penitus cremaretur. Existimabat enim Cæsar eam cladem merito rebellibus incidisse, utpote qui Duren-
 sium acerbissimo exemplo reliqua hostium oppida perterreri vellet. Nec eum opinio fefellit: nam proximæ urbes Ruremunda & Vantholium, quæ Guilermi præsidij duce Cortopia tenebantur, admoventi iam castra Cæsari continuo portas aperuerunt. Nec multo post ipse Guilermus Duren-
 siū clade perculsus, usq; adeo animum despondit, ut salutis & fortunarum suarum reliquas spes omnes in Cæsaris clementia collocandas arbitraretur, in castraque deductus à Brun-
 suicho atque Aurantio deprecatoribus supplex à Cæsare veniam petijt: eaque conditione in gratiam est receptus, ut in posterum principis nomine ab-
 stineret, præfectusque tantum authoritate Cæsaris Gheldrensis appellaretur, eiusque nomine Gheldrensis imperaret, & Gallicæ amicitia penitus oblivisceretur. Ei Cæsar ad genua provoluto, dedentique se nihil arrisit, quum infensi severiq; oris habitum cum dignitate retineret, quanquam postea ei Fer-
 dinandi fratris filiam nuptui dederit, quando iam pridem sponsalia dissolvisset, quæ cum Henrici Navarræ regis filia suo loco celebrata fuisse docuimus. His pactio-
 nis legibus cognitis Guilermi mater virilis animi mulier, concepto animi

animi dolore indignabunda excessit è vita. Cæsar quoque Martino Rosse-
 mio clementer ignovit, ac eum cum sua legione, tanquam rei bellicæ peritum
 acerrimumque ducem, militiæ suæ adscripsit, & adversus Gallos cum ingen-
 tibus copijs est profectus, inito per eos dies fœdere, cum Henrico Britanniae
 rege, ut ex composito duobus exercitibus Galliae fines invaderent. Quum
 plerique mirarentur, quòd Guilelmus adeo properè abiectis belli consilijs,
 vel pudendam pacem non indecoro dubij belli periculo prætulisset (quando
 ei cum frequentes, tum exercitatae fidorum militum copiae, peritique duces
 Longavalles, atque Rossemius superessent, quibus nuper Arescotum Belga-
 10 rum ducem castis atque tormentis exuisset, & aliquot quoque oppida, ca-
 stellaque ad sustinendam vim hostium mirificè munita dicerentur: nonnul-
 lique item amicorum Francisci regis auxilia intra paucos dies superventura
 differerent) reperiebamus duas commutati repente animi causas fuisse, qua-
 rum altera ferebatur, quòd à quibusdam eius primatibus, qui Reipub. potius,
 quam privatæ Guilelmi dignitati studerent, populares inductos affirmabant,
 qui ingruentis belli incommoda formidantes, arma deprecari & pacem expe-
 tere liberis vocibus auderent, quòd parum necessaria ipsis incolis, & valde
 importuna Gallorum amicitia putaretur, propter quam princeps graviter of-
 fenso Cæsare, ad excidium totius provinciae bellum longè gravissimum inve-
 20 heret: alteram porro fuisse Gallici auxilij irritam spem, Francisco rege scilicet
 in continendis in fide Leucorum oppidis, quæ ceperat occupato. Neque e-
 nim rex iustas copias, uti Sicambrorum pericula flagitabant, celeriter cogere
 atque summittere potuit, quum minus expedita ipsius consilia vis ardens Cæ-
 saris, mira que celeritas anteisset. Galli per vernum æstivumque tempus supe-
 rioris anni Carolo Aureliano in Leucis prosperè bellum gerente, & Vando-
 mio inferiores Belgarum fines pervastante, gravia detrimenta Cæsarianis in-
 tulerant, Landresiumque oppidum, id metu deferentibus incolis occupant.
 propinquum Cameraco, quòd est urbs libera & immunis, mediaque inter
 Gallos & Belgas: utpote quæ pari studio Belgarum principum & Galliae re-
 30 gum amicitiam colat. Camieracum antiquitus Samarobrinam, Iulij Cæsaris
 hybernis celebrem fuisse nonnulli existimant. Nos eam hodie sancti Quinti-
 ni oppidum potius esse credimus, quod Sominae fluvio adiaceat, & Samaro-
 brinae cum oppidi, tum præterlabentis amnis nomen fuisse locorum peritis
 videri possit. Landresium itaque quòd ad invadendos hostium fines ma-
 gnā opportunitatem esset habiturum, rex Franciscus ingenti studio ita mu-
 niendum existimavit, ut suis inde frequenter erupturis, & facilis egressus, &
 tutissimus receptus daretur. Regis studium proceres æmulantur, suoque sum-
 ptu singula propugnacula, conductis undique operis, erigenda suscipiunt, us-
 que adeo fervidis singulorum ingenijs, ut intra paucissimos dies perpetuam
 40 munitionem extruxerint, & sibi quisque totius impensi sumptus, absolutique
 operis nomen honestissimæ laudi cessurum duceret. Perfectis aggeribus, op-
 pidoque egregiè undique permunito, Landra præficitur, vir apprimè fortis &
 strenuus, cui collega & adiutor additur Deceius, cum expeditis equitum tur-
 mis. Landresio per hunc modum in oculis Belgarum iustis Gallorum præsi-
 dijs confirmato, proximi Cæsarianæ ditionis incolæ, utpote qui quotidianis
 Gallorum iniurijs se expositos providebant, magnis precibus à Cæsare postu-
 larunt, ut ante omnia Landresium ex hostium manibus eripere, regionemq;

gravi incommodo atque periculo liberare vellet, prius quam in anteriora Gal-
 lia pervaderet. Hoc idem vehementer expetebat Arescetus peculiari incensus
 dolore, quod Landresium eius ditionis fuisset. Indulsi-
 mis suorum precibus, quod crepta vindicare suæ dignitatis esse statuebat, co-
 actoque exercitu per Cameracensium fines ad Guisam, non longè à Landresio,
 profectus est. Subijcitur Guisa oppidum, antiquissima turre insigni, his à ter-
 go collibus, è quibus Scaldis fluvij fontes erumpere dicuntur. Non longe au-
 tem ab oppido Gonzaga positus ad Marollam castris confedit. Hæc opulen-
 ti permunitique cœnobij vicus est, unde Guisam, si ex comodo fieri posset,
 adoriri cogitabat. Sed iam eum imminentem novi præsidij adventus, & Fran-
 cisci Atestini casus facile averterunt. Petrus enim Strozza lectissimos sclopetra-
 rios numero ferè quingētos, qui ad conficiendū iter, ut integris viribus rem ge-
 rerent, singulis equis vehebantur, per opportunè in oppidum introduxit: qui
 fortè Atestinus exploratum incautius procurrisset, conspectoq; hoste & con-
 cidente equo ferè inermis & pedes esset interceptus. Amisso levis armaturæ
 equitum præfecto, nihilque tentata Guisa, Ferdinandus ad Landresium se con-
 vertit: id enim oppidum Arescetus, & Hadrianus Beurenus è Croia fami-
 lia summi Belgarum procures, Mariæque reginæ copiarum duces multis an-
 tè diebus castra posuerant. Apud eos fuere præter Belgarum copias quatuor
 millia Germanorum, & Hispanorum tria millia peditum, quæ ab Hispania
 per Oceanum advecta fuerant à Petro Toletano, cui Nocturno cognomen
 fuit. Iuxta eos, Britannorum exercitus, qui ex fœdere paulo antè in continen-
 tem traieciisset duce Galoppo, vallatis castris constiterat. Britannorum copiae
 ex sagittarijs magna ex parte constabant, quum vix quarta pars hastis nō mul-
 ti roboris, aut alabardis uteretur. Equites levis erant armaturæ, semiermes, e-
 xili lancea, aut levibus iaculis pugnantes, qui seorsum à Belgis sua castra, con-
 nexis inter se curribus, interpositisque tormentis claudebant. In ipso autem
 castrorum umbilico parvam munitionem erexerāt, in quam tormentarij pul-
 veris copiam omnem procul ab omni incendiolorum periculo contulerant. In-
 ter eorum tormēta viscebantur patuli oris mortaria, quibus interiora hostium
 ædificia, more iam pridem apud nostros exoleto, decidentibus è sublimi lapi-
 deis globis diruerent. Gonzaga iussu Cæsaris, qui valetudinis causa Canovo
 in oppido subsederat, universum exercitū Landresio admovit, ab ea parte ca-
 strametatus, qua decurrens amniculus sua castra à Belgicis atque Britannicis
 dirimebat: sicut inde tres exercitus aquarentur, & à triplici loco certatim ad-
 motis tormentis Landresiana propugnacula verberarent, maximeq; unam o-
 mnes lateritiam turrem, quæ muro prope coniuncta altius eminebat, diruere
 conarentur. Sed veteris structuræ tanta erat firmitas, ut quum media turris nō
 cava & inanis, verū solida, terrenoq; replēta esset, omnem vim tormentorum
 facile perferret, elisaq; tantū incrustatione indomita persisteret. Qua in reper-
 agenda Britanni simul, & Belgæ pertinacius hærentes irritò conatu magnam
 vim tormentarij pulveris & pilarum acerrimè sese tuentibus Gallis consum-
 pserunt, & Gonzaga studium, operamque omnem ab oppugnatione ad ob-
 fidionem, scalpēdasque subter aggerum radices vertendam censebat: quod
 Landa vir indefessus & acer rerum inopia potius, & auxiliorum desperatio-
 ne, quam vi tormentorū subigi posse videretur. Sæpius enim eruperat, noctu-
 que semel egressus, grave tormentū sopitis Belgis, et nequicquā demum exper-
 rectis

rectis ademerat, & impunè per fossam vel profunda aqua redundantem erga-
 tarum funibus extraxerat. Neq; Deceiani equites unquam cessarant, quin e-
 rumpendo pabulatores & lixas hostium interciperent niterentur. Per hunc mo-
 dum quum Belgæ, Britannique in ea pugnatione multos dies contrivissent,
 & qui ab imo fundamenta operum subtrahere conati fuerant, uti crebro tor-
 mentis istius nihil proficerent, Gonzaga fit certior, Franciscum regem, ut Lan-
 dæ opem ferat, adventare: visaque est Cæsarianis sese offerri occasio (uti maxi-
 mè cuperent) conferendæ manus. Itaque pugnae avidus, Arescorum & Beu-
 renum, atque ipsum Galopum opportunè admonet, hortaturque ut motis ca-
 10 stris, superatoque flumine sibi se coniungant: quoniam Gallis adventantibus
 is amniculus minimè erat superandus, & ipse ad excipiendū regis impetum fu-
 turus esset infirmior, nisi ad se in una castra copias traducerent, quando disun-
 ctæ singulorum vires nihil ad victoriam parandam prodesse possent. Sed viri
 ingenio pertinaces inanibus inducti argumentis, neq; animos ad salubre con-
 silium admoveere, neque ulla ratione adduci potuerunt, ne in suis veteribus ca-
 stris permanerent: sic ut Gonzaga spe sua deceptus imperitis & obstinatis pa-
 rere mallet, quam solus in dubiæ pugnae discrimen devenire: atque ita se sper-
 ni amittiq; pugnae atq; victoriæ occasionem querens, ultra fluviolum ad eos
 castra sua traduxit. Interea Franciscus sibi indecorum fore iudicans, si Landæ
 20 de se bene meriti salutem negligeret, sineretq; amitti oppidum tanto sumptu,
 tantisque laboribus permunitum, generoso consilio totius Fortune virtutisq;
 suæ supremum periculū facere constituit, nihil reformidata pugnae alea, quam
 proculdubio subiturus esse crederetur. Providebat enim summi discriminis
 esse rem, quando Cæsar omnium ferè gentium auxilijs confirmatus, numero-
 sas & ex recenti victoria præferoces copias, in aciem esset producturus. Sed an-
 tiquum Galliæ decus tot adversis amissum prælijs, ut aliquando reciperetur,
 magnanimum & ad arma promptissimum regem plurimum accendebat, eiq;
 non incertam victoriæ spem faciebant Helvetiæ legiones, quæ Germanis dis-
 ciplina pares, & æquato numero, quibusdam etiam rebus superiores forent:
 30 quando his lectissimæ etiam cohortes Italarum & Vasconum accessissent, &
 præter has nova legio Gallicæ iuventutis ex ordine nobilium, spontè gratuito-
 que nomina dantium, decora armis, plenaq; ingenuæ alacritatis insignem spe-
 ctanti regi operam præstare percuperet. Equitatus quoque ex omni Galliæ
 provincia nominatim evocatus, se domum non nisi victorem rediturum pro-
 fitebatur, cui neq; animi virtute, neq; equorum robore, neq; armorum peritia
 Cæsariani equites comparari posse vidererentur. Ab hoc animi decreto Fran-
 ciscus, uti erat egregie pius, sacris instauratis, religiosa lustratione sese & libe-
 ros ab omni criminum labe puriter expiat, & à Guisa oppido explicatis vexil-
 lis descendit, confectoq; decem miliarium spatio, acie instructa ita Landresio
 40 appropinquat, ut in conspectum hostium atq; obsessorum daretur. Primo a-
 gmini præerat Henricus Delphinus: securdo rex ipse duplici subsidiaria acie
 circumseptus. Subsequebantur carri complures & sarcinaria iumenta, quibus
 magna vis commeatus obsefsis importabatur. Claudebat agmen Hanebaldus
 dignitate Amiras. Quum rex appropinquaret, atq; hostes coniuncti in unum,
 instructisq; ordinibus parati ad pugnam nihil se cōmoverent, levem armatu-
 ram equestrem Brisacco atq; Decarso, impigris ducibus emisit, qui excitatis di-
 verso in loco levib. prælijs, hostes distinerent, universq; pugnae spem & speciẽ

præberent. Non defuere Cæsariani, qui pari pugnae studio incitati procur-
rentibus Gallis occurrerent, intercurſuque expeditorum peditum contracto
tumultuosissimo certamine præliarentur. Interim Franciscus dextro cornula-
tè extento, præmissaque peditum atque equitum valida manu, quos advexe-
rat commeatus in oppidum intromisit, præsidiumque labore atque vigilijs
confectum recenti milite renovavit, egroque & multum defesso Landæ Var-
minium suffecit, summa in his conficiendis rebus usus tranquillitate, quum
Ferdinandus, nisi laceſſeretur, nequaquam sibi universo prælio decertandum
existimaret, quod equiorem loci situm, quem ultra flumen paulo antè tenue-
rat, culpa sociorum amisisset, nec absente Cæsare collatis pedestribus copijs
dimicare vellet, quem Martini Rossemij, & Mauritij Saxonis copias expecta-
re intelligebat. Franciscus totum id quod propositi sui fuerat egregio ausu con-
secutus, ad Cambrasinum vicum, inde centum fere stadijs distantem castra ver-
tit, moratusque ibi integros dies duos, Cæsarianis committendæ pugnae po-
testatem fecit: quandoquidem Cæsar è Canovo oppido ad exercitum perve-
nerat, auctus his quas diximus Rossemij & Saxonis auxilijs, usq; adeo avidus
ineundi prælij, & in eam occasionem intentus, ut intra minoris tormentia-
ctum, castra castris hostium conferret, ipseque prodiens cum imperatorijs in-
signibus equestrem hastam experiundo corripere, & uti mox cōcursurus eam
ad femur alacriter coaptaret. Pugnabatur enim continenter omnibus horis et
locis ab levi armatura, cui sclopettariorum dispersæ manus miscebantur. Non
nulli cadebant, multi vulnerabantur, præliumque atrox & varium alternante
eventu passim edebatur, sicut neutri, aut vindictæ cupiditate, aut nimia spe vi-
ctoriæ accensi, instante nocte facile dirimi, reduciq; possent, & legiones ex
propinquo in acie constitutæ, spectantesque modo sociorum ægrè sustinen-
tium, modo hostium gnaviter urgentium alternos impetus, non diu quin gra-
dum inferrent, pugnamq; capeſſerent, contineri posse viderentur. Et tum ani-
madversa fuerat, a quibusdam ducibus non iniqua occasio invadendi regis, si
proximos collium vertices undiq; hostibus circumiectos promotis castris oc-
cuparēt, quod fieri nō poterat, nisi copie omnes amniculū, quem diximus, tra-
ducerētur, qui propter abruptas & cœnosas ripas nequaquā commodè tran-
siri posset, ob id præsertim, quod inita eius consilij ratio celeritatem exigeret.
Non deerat tamen Castalius, in locum discedentis Stephani Columnæ castro-
rum magister effectus, qui se naviculis subitariaq; materia pluribus simul in lo-
cis angusti eius amnis ripas coniuncturū, & maturè copias omnes constrato
ponte transmissurum polliceretur. Cæterū Cæsar, quod diei serum esset, & uti
hybernis et caliginosis diebus tum accidit, parum lucis superesset, in posterum
diem eius consilij rem differendam censuit: ob id quoq; libentius, quod equos
levis armaturæ, sclopettariosq; præsertim pedites, longo fessos prælio, univer-
sæ pugnae casus posceret, nimio labore fatigatos nolle: per quos illustres sæpe
victorias esset cōsecutus. Multi enim utrinq; cōsauciati fuerant: in partibus sci-
licet Gallorū Audovinus, Delphini gratia clarus eques glande traiectus occu-
buit: apud Cæsarianos vero Hieronymus Pacecus, Hispanorū tyronum, qui
nuper ab Oceano ad Belgicā oram venerat, præfectus. At Franciscus qui se eo
cōsilio venisse meminerat, ut Ladrensiū obsidione liberaret: abundè dignitati
sue satisfactū esse ratus, quod hostes pugna detrectasse videri possent, de secun-
da vigilia castra movit: nōnulla impedimēta et varij cōmeatus vasa, ignesq; de
industria

industria relinquens, ut præsentis exercitus speciem hosti præberet, nec prius quam dilucesceret, de eius discessu hostis certius cognovit. Accidit autem, quod minimè prætermittendum videtur, ut Salazarius vetus alioqui, & astutus miles, dubia sub luce speculatum missus, renunciaret hostium castra eodem loco, quo interdiu fuerant, Helvetiasque legiones in statione conspici, & maiora aliquot tormenta obversa spectari. Verum non multo post eius errorem certior dies detexit: nam eas quas putarat hostium copias Germanorum esse, & quæ tormenta apparuissent, arborum truncos fuisse compertum est: sic ut is diu apud Cæsarem ridiculus & infamis extiterit. Perspecto itaque hostium
10 discessu, Cæsar serius quam oporteret levem armaturam & expeditos pedites postremum abeuntium agmen insequi iussit. Verum Franciscus ad Guisam iter extendens, Delphinum tueri terga, & idoneo in loco inter sylvas consistere iusserat, ut hostes si persequi auderent, avideque & festinanter more suo tanquam ad paratam prædam longius à castris proveherentur, ex insidijs invaderet atque reprimeret. Nec inanis consilij res fuit: nam uti Franciscus præsenferat, quum plures hostium disjunctæ manus insequerentur, in Delphini turmas inciderunt, à quibus repente factò impetu facile cæse pulsæque sunt, iniquiore sorte Germanorum equitum, qui ex ala Brunsvici reguli fuerant: nam in eos ardentissimè res gesta est, à Græcis præsertim equitibus, quos summæ
20 peritiæ atque virtutis dux eorum Theodorus Bedenius Spartanus, ex insidijs in perterritos emiserat, eo pugnae eventu, ut nonnullis interfectis & captis, reliqui ferè omnes in facie scæda vulnera susciperent, mira Græcorum agilitate, qui in apertas subducta buccula galeas transversim graves gladios adigebant. Delphinus re bene gesta patrem est consecutus, qui iam totum iter quietissimè confecerat. Huius strenuè initi consilij, sceleriterque susceptæ expeditionis eventum, ita plerique rerum periti laudabant, ut non immerito inter præclara fortiaque Regis facta numerarent, quanquam hostes plenior em ei laudem inde obventuram fuisse dicerent, si se patrato negotio maturius explicasset, quando nequaquam cauti, bonique impratoris fuerit, sese ex bidui
30 mora, ad maximè periculosi certaminis discrimen ferocissimis & invictis gentibus obiecisse. Quid porro alienius à disciplina, quam propter inane ostentationis decus, non necessarium cum sæpe victoribus, æquato etiam virium numero, pugnae casum subijisse? Cæsar verò quod hyems iam suberat, & lethales morbi ex ventris profluvio vulgari inter corpora militum cœpissent, itineraque maximè essent lutulenta, & cælum pluvia niveque turgidum videretur, nihil ultra sibi tentandum decernens, exercitum ferè totum dimisit, & à Cambresio ad Cameracum profectus est: ubi aliquandiu peculiare aulæ suæ copias in hybernis continuit, quod ea civitas erga Gallos æquo propensior visa esset, utpote quæ se toto eo bello gravia detrimenta à Cæsari
40 anis copijs perpeti quereretur. Sed primores Senatus adventanti continuo portas aperuerunt, ab hisque factus est intempestive consternationis author, & reus urbis antistes, cui quod esset ex Croia familia, facile Cæsar ignovit: sic tamen ut levis populi, qui novū & inane neutralis (ut aiunt) studij nomen arroganter delumpserat, cervicibus munitam arcem imponderet, qua se nō dubij, sed Cæsariani iuris esse in posterum, faterentur. Nec multo post Cæsar ad cōventus peragēdos, quos Germanis indixerat, Spirā Nemetum urbē ascensurus, Ferdinandū Gonzagam, & cū eo Castalium, in Britannia ad Henricum regē misit.

ut eum adversus Gallos diu antea multis de causis, multisq; legationibus concitatum, ad trañciendum in proximam Galliae continentem, adhortando sollicitarent, & quæ usui ad bellum terra gerendum videri possent, sigillatim perdocerent. Gravissimum enim uterque bellum, antiquis atque recentibus odijs incitatus, adversus Gallos moliebatur. Ferdinandus Gonzaga ad Cæsarem reversus, Henricum regem, à quo elaborati argenti pretiosa supellectile adornamentū abaci fuerat donatus, renunciavit, suo pte ingenio adversus Gallos vehementer esse concitatum, sequentiq; æstate proculdubio cum ingentibus copijs in continentem Galliae traiecturum, ut totius Britannici regni prolatis opibus longè maximum Gallie bellum inferret. Neq; eum vel gravissimo sumptu posse deterreri, quo minus liberaliter Cæsari expetenti in stipendia militum pecuniam cōferret, sicuti antè à Maximiliano eius avo Nerviorū & Morinorum bello largissimè suppeditasset. Interim Cæsar omnibus consilijs ad Gallicum bellum intentus, operam dabat, ut quosdam Germanos proceres in fide atque amicitia contineret, qui per causam Lutheranae seditionis à veterē erga se Austriamque domum officio discessisse ferebantur. Id enim unum Cæsar sibi contendendum existimabat, ut quamplurimos è bellicosis regionibus Germanos militiae suæ adscriberet: nullos verò, quantum per leges severissimi edicti fieri posset, invitantibus, magnaq; proposita mercede conducentibus Gallis relinqueret. Transeuntibus enim in Galliam, perpetui exilij inter-
ceptis verò ultimi supplicij poena imponebatur. Sed populosissime liberaeq; gentis viri militares, tanquam uberrimis invitati præmijs, nullo poenæ metu deterreri, nullaq; custodiarum diligentia prohiberi poterāt, quin in Galliam manipulatim inusitatis præsertim tramitibus transirent: tantum enim valebat apud quosdam odium contra Austriam domum conceptum, tantaq; erat uti certissima Gallici auri spes, ut cuncta edicta facile contemneret, & quisq; ex egentissimo longè ditissimum exiguo tempore se evasurum arbitraretur, Guilielmi Fustembergi exemplo, qui nuper à rege repudiatus & exauthoratus, quod legiones prædæ habuisse, regiamq; pecuniam intervertisse accusaretur, inestimabile auri pondus domum retulisset. Eiusdem anni Augusto mense, quo Strigonium in Pannonia à Solymano captum, & Dura in Belgis à Cæsare expugnata est, Hariadenus Barbarussa ad Nicæam Provinciae classem admovit. Fremebat etiam Barbarus quod tantum maris spatium emesus, frustra venisse existimari posset cum iactura suæ dignitatis, postquam rex Gallus magno hostium suorum cōmodo, inita agitataq; toties consilij ad gerendum bellum explicare terminareq; nesciret, & totius suscipiendæ maritimæ expeditionis tempus segniter effluere pateretur. Eius siquidem ignaviae vel ineptæ cunctationis, se in primis reum Byzantij futurum: Solymanū verò, qui amicissimo regi opem ferre, eiusq; hostibus maxime nocere percuperet, egerrimè laturū, si tanto sumptu instructa, & in extremas maris oras trāsmissa classe, inanē opem socio, & tum validis hostium armis circumveto, tulisse diceretur. Ipsi verò nequaquam segniter, quū tempus ferret rerum occasione ad expedienda arma uti solito, multum existimationis & pristinae laudis deperiret, si tota iam ætas in autumnum præceps Malsilienſi in portu, ubi cunctis per ignaviam torpescerent manus, absumeretur. His de causis idem Polinus qui a Byzantio classem adduxerat, et legationis munere apud Barbarussamungebatur, ad regem contendit, expositisque ordine rebus, quæ in negotio opus forent, & Barbarussa
super-

superbo convivio flagitaret, regis decretum ad classem retulit, quo Niceam ag-
 gredi & oppugnari terra mariq; iubebantur. Iudicabat enim rex, nequaquam
 ab æquitate discedens, ea quæ suæ ditionis antea, nec omnino dubij iuris essent,
 armis repetenda. Niceam namque urbem à maioribus suis urgentis belli neces-
 sitate, pecuniæque inopia coactis, Sabaudio regulo oppigneratam fuisse con-
 stabat, quā oblata eadem, amplioreq; pecunia, iustis primò precibus, & gravi
 demum obtestatione sibi reddi frustra postulasset. Neque enim aliò Turca-
 rum arma vertenda rebatur, quod odiosum nomini suo, & infame prorsus fu-
 turum prospiceret, si immanium Barbarorum classem inexpiabiles & fune-
 10 stas allaturam clades, Christianis litoribus immitteret, quando infensi, infe-
 sti que sibi Cæsaris iniurias miserorum & nihil tale merentium populorum
 detrimenta minimè sublevarent. Prefecerat Gallicæ classi Anghianum ado-
 lescentem, è Borbonia familia regiæ stirpis, Vandomij reguli germanum fra-
 trem, ut trierarchi, & nonnulli item Galli nobiles è classe, qui Virginij Vrsini
 tanquam externi ducis imperio probè prudenterque obedire nollent, nobi-
 lissimo suæ gentis præfecto obsequentissimè parerent. Classis constabat vi-
 ginti duabus rostratis, & decem & octo navibus onerarijs, quibus imposita
 sunt octo millia peditum, præter commeatus in multos dies suffecturos. Qua-
 20 terna enim millia Polinus in Narbonensi Gallia, è Vasconibusque præsertim:
 altera verò quaterna Scrocchius, Sabaudio ex privatis odijs factus hostis & e-
 xul, ex citeriore Provincia, gentibusq; Lemano lacui & Alpibus propinquis
 conscripserant. Classis è Malsiliensi portu lambendo oram in Monæci Her-
 culis portum se intulit: biduoque post eodem cursu Barbarussa cum centum
 & quinquaginta navibus, quæ remis agerentur, subsecutus est. Primum om-
 nium Polinus, iussu regis, Genuensibus scripsit, ut nihil timerè vellent. Tur-
 carum enim classem quæ regijs auspicijs regeretur, nemini præter quàm Ni-
 censibus, ni se dederent, esse nocituram: & ut regiæ voluntatis decretiq; fidem
 faceret, nonnullos Ligures in biremibus cathenatos à Turcis impetravit, eos-
 que Genuam remissos propinquis & parentibus insigni benignitate restituit.
 30 Nicenses verò humaniter est adhortatus, ut veterem iustumque ipsorum prin-
 cipem, non minus liberalitate quàm potentia inclytum suscipere, quàm supre-
 mæ cladis discrimen subire mallèt, eius egentis perplexiq; principis gratia, qui
 quū à Cæsare, tum ab ipso rege cunctarū prope regni sui urbiū dominatu spo-
 liatus, nullum omnino alium difficultatibus suis exitum reperiret, quàm ut u-
 trique impotenter occupanti, fortunæ suæ reliquum iniquissimæ prædæ sci-
 ens & volens esse sineret. Nemo enim eo tempore principum omnium ipso
 Sabaudio miserior videri poterat, quum eius regnum paulo ante opulentum
 ultra citraque Alpes, avitæ atque antiquissimæ hæreditatis, à propinquo re-
 ge, pariter & ab affine amicoque Cæsare indignè lacerari conspiceretur. Pro-
 40 inde Nicenses nihil omnino vel in præsentia tutius atque salubrius, vel in po-
 sterum fructuosius ac honestius esse facturos, quàm si necessariæ deditio-
 nis consiliū celeriter expedirèt, quando ipsi ultro se dedentes summa beneficia pu-
 blicè & privatim expectare possent ab eo rege, qui idcirco eos expeteret, ut in-
 dulgentissimè complecteretur, & urbē Malsiliensium coloniā novis immuni-
 ratum cōmodis augeret & perornaret. Decuriones nihil se fide potius habere
 responderunt, quam tueri vellēt erga Carolū Sabaudium, quod eum putarēt
 legitimum esse principē, & æquitatis clementiæq; nomine longè optimū ex-

perirentur. Proinde literis & nuncijs cives sollicitare desinere: se enim eos omnes, qui se in conspectum darent, pro hostibus habituros. Hæc eadem oratores à senatu ad Anghianum missi detulerunt. Itaque Galli à cohortationibus ad vim consilia atque arma vertentes, expositis copijs, trinisque promotis castris, urbem oppugnare cœperunt. Nicea excello adiacet promontorio, quod initium habet ab Alpibus, perpetuoque dorso descendens in mare excurrit, Huius extremo in iugo arx posita est antiquorum Provinciæ regum opus, clarissimorum sæpe ducum carcere, & misero vitæ exitu nobilitatum. Hæc subiecta maria latè despectat, arduoque calle urbi coniungitur. Sub rupe iuxta litus salubris aque copiosissimus fons erumpit, maximarum classium aqua-¹⁰ tioni peropportunos. Mœnia urbis, uti vetusti operis, non magnopere munita sunt: sed ea paulo antè Nicenses novis propugnaculis adauxerant, docente atque administrante Paulo Simeone arcis præfecto. Is magnum habebat militiæ usum, & uti erat Rhodiæ militiæ adscriptus eques, à prædonibus olim captus, Barbarussæ aliquandiu servierat, hortabaturque cives, ut Turcarum vim constantissimis animis contemnerent. Hoc ut alacrius & pertinacius facerent, uxores eorum & liberos, imbellemque turbam in arcem receperat, & quicquid militaris instrumenti præsens periculum deposceret, studiosè suppeditabat. Polinus ab ea muri parte, quæ vergit ad septentrionem, portamque habet ad Villafrancham perducentem oppugnabat. Anghianus interceden-²⁰ te amiculo, qui torrenti similis saxoso alveo non longè à mœnibus decurrit, subductus in acclivem locum tormenta contulerat. Turcæ verò non longè à Polini castris admirabili celeritate atque peritia productis operibus, constitutisque tormentis, mœnium coronam decusserunt. Gallorum interea classis circumvecta promontorium, in urbem ita tormenta dirigebat, ut nonnumquam prætervolantes pilæ in adversa Turcæ castra deciderent. Quo animadverso periculo Turcæ ad eam partem, quam Leo Strozza iuxta Polinum verberabat, sese applicarunt. Id erat propugnaculum nequaquam durata calce confirmatum, uti paulo antè à Nicensibus ædificatum. Itaque tantum muri, tantumque eius propugnaculi à Turcis vehementissimè rem gerentibus, diru-³⁰ tum prostratumque est, ut prælatis vexillis conscendere auderent, parique audacia Etrusca Leonis cohors emulatione virtutis Barbaros æquare conaretur. Verùm Nicenses magno præsentique animo propugnantes, multis interfectis & vulneratis, Turcas simul & cohortem per ruinas depulerunt. Eo die captum est Turcarum vexillum interfecto signifero: alterum verò Leonis discerptum, quum eum tamen vulneratus vexillifer egregiè pugnans servavisset. Periere ex Turcis aut tum, aut postea ex vulneribus, paulo minus centum, ex cohorte viginti duo. Sed mox Barbarussa vim omnem conferri iussit, ad diruendam eam turrim, que portæ imminebat, maximeque emisissis inde tormentis oppugnantibus nocebat: qua non diu quassata lacerataque & prostratis non uno in loco mœnibus, Ni-⁴⁰ censes desperatis auxilijs, præsidioque suo militari, quod erat exiguum, magna ex parte sagittis cōvulnerato, de deditione è muro proloqui cœperunt, eaque conditione Anghianus eos in fidem recipit, ut iureiurando confirmaret, eos hisdem legibus sub rege futuros, quibus hæctenus sub Sabaudij imperio fuissent. Veritus aut Polinus, ne Barbari tractæ deditionis pactiones impediret, doloreque amissorum commilitonum, & spe prædæ irritati, in urbem irrumperent, ab Hariadeno impetravit, ut milites revocaret, & ad classem redigi iuberet. Qua de causa non

nō multo post Ianizeri uti fraudati sua spe, Polinum & Leonē à colloquio Barbarussæ redeuntes interficere conati sunt. Vrbe in potestatem redacta, consultatum est de expugnanda arce, cuius consilij duæ rationes à Barbarussa proponebantur: quarum altera in custodia urbis posita uidebatur, ne eam ab arce improuisus hostis inuaderet, & in tutandis suburbanis campis ne alicunde hostes in oppugnatione occupatis superuenirent. Altera erat posita in administratione tormentorum, ipsoq; quassandæ urbis negotio. Vtram mallent muneris cōditionem accipiendam Barbarussa Gallis offerebat: se paratū professus uel adoriri arcem tormentis, uel tutari campos. Visus est Polinus hære,
 10 re, quum non facile in uestigio quid sibi potius eligendum foret explicare posset. Atque ita Barbarus nostrorum ingenia tanquam ad bellicum facinus audendum minimè prompta contemnens, explorato in loco, & celerrimè suis aggeribus permunito, tormenta septem collocari iussit, in quæ fuere duo eximæ magnitudinis, quum reliqua iustam more nostro amplitudinem non excederent. His summa arcis propugnacula idoneaq; ad excubias ædificia celerrimè perfregit: sic ut propugnatorum in corona consistere auderet nemo, & imbellem turbā uel impauido Simeone magnus inuaderet pauor. Galli etiam partiti inter se munera, ab alijs uehementer oppugnabant locis, singularemq;
 20 cum summa agilitate Turcarum peritiam in producendis dirigēdisq; tormentis admirabantur. Verum tot ictibus ad tantam deuentum erat tormentarij pulueris & pilarum inopiam, ut hæc Polinus, aut mutuo, aut pretio à Barbarussa petere cōgeretur: fremente atque obiurgante Barbaro, quod in Gallia alieno apparatu indigerent: qui Mæsilix multis uini dolijs, quam rebus ad bellū necessarijs nauigia onerare maluissent. Neq; enim uir seuerus & ferox à lacendis probris abstinebat, querebaturq; se elusum spe rerum ingentiū, quas Polinus Byzantij longè amplissimas promississet: & tanta quidem iracundia ut Polino cathenas se iniecturum minaretur, qui eò ipsum à Byzantio perduxisset, ubi aut existimationis iacturam facere, aut classem consumpto tormentorum instrumento inutilem reddere necesse foret. Quibus de causis uehe-
 30 menter Gallis iratus, repente diuanium indixit, id est militaris concilij genus, ad quod erecto pro castris tribunali alloquendi cōsultandiq; causa trierarchi, præfectiq; omnes, signiferi & centuriones aduocantur. De reditu namq; ad Orientem, maturaq; profectioe se decreturum dicebat, postquam apud imperitos rerum, sæpeq; mendaces & ignauos secus ac polliciti fuerant, cuncta imperata reperisset. Qua pronuntiatione Gallis, Polinoq; præsertim nihil grauius accidere potuit: sic ut mente perculsus, ad infimas preces deprecationesq; turpissimas adulando pollicendoq; descendere minimè dubitaret: multa atque opima, non Barbarussæ modo ipsi, uerum sigillatim cunctis Ianizerorum centurionibus præmia, ex regia liberalitate pollicendo: quæ tota penitus
 40 essent peritura, si rege eluso abruptaq; amicitia importunè discederent: cuius temere facti nomen grauem omnino molestiam Solymano, ipsis uero non dubiam pœnam esset allaturū. His promissis & precibus, ipsoq; præsertim Anghiano iratum senem lenissimè demulcente, non ægrè est impetratum, ut indictæ profectioe consiliū abijceretur: nec ab instituta arcis oppugnatione discederetur. Sed uix dum pacato, & ad belli gerendi cōsilia conuerso Barbarussa, interceptæ sunt literæ Alfonsi Vastij, ad Paulū Simeonem arcis præfectum scriptæ, quibus eum prolixè hortabatur, ut tātisper hostium uim sustineret, donec

ipse præmissis iam expeditorum militum cohortibus, cum toto robore grauis armaturæ superueniret: se enim per maritimarum Alpium tramites iter facere, affuturumque biduo, ut cum Turcarum cæde, ipsum atque arcem omni periculo liberet. Ex his literis celeriter in castris euulgatum est, Vastium qui non procul abesset, cum iustis ad confligendum copiis aduentare: qua emanante fama, adeo grauis & repentinus timor Turcarum pariter & Gallorum animos incelsit, ut quum fortè ea nocte ad cōsternandos nouo incommodo milites procellosus atque densissimus imber ingruisset: cuncti munitiones atque tormenta desererent, armaque relinquentes, per arduos calles superato dorsi iugō præcipiti fuga descenderent, & ad classem confugerent. Sed dies qui mox perterritis illuxit, & nusquam conspectus hostis, & obortus inde pudor animos restituere. Nec multo post quum arx ipsa omnium propè iudicio uti excelsa in rupe posita ægerrimè tormentis quati, neque cuniculis subter rupem excauatis, nisi longo difficilique labore, atque item dubio euentu, capi posse censeretur, reduci tormenta communi consilio cœpta sunt. Ea in re administranda mirifica fuit industria Turcarum, qui non sua modo, sed Gallorum ægrè molientium quæque grauiora humeris reportabant: non obscure his increpita segnitie, qui corporibus atque animis nimis cito fatiscere uiderentur. In eo discessus decreto tum multuarioque labore, Barbari imperio contineri nequiverunt, quin in urbem celeriter irrumpentes cuncta diriperent, & in tectis sæua incendia excitarent. Discessum autem est à Nicea, quum iam Scrocchius aliquot oppida regionis, hortatu suo atque authoritate, qua multum apud eas gentes ualebat, ad deditiōnem compulisset. Atque eo modo quum Anghianus ultra flumen Varum copias reduceret, Barbarussa ad Antipolim cum uniuerfa classe concessit, ubi quum stationem haberet, ad insulam Lerinam, quam Margaritam nautæ uocant, cognitum est Vastium atque Sabaudium cum Auriana classe in Villafanchæ portum peruenisse, cuius in ingressu Vastius summum naufragij periculum adiit, quum triremis, qua ipse uehebatur, exorta repentinè turbinis procella iam sese scopulis illideret, nisi quidam miles rei naualis non imperitus, sublato statim dolone proram inflexisset. Eadem uis subitæ uehementisque procellæ quatuor triremes Aurianas, sese in apertum mare eripere conantes, in rupes exelsi promontorij transuersas egit, usque adeo uiolentis fluctibus ut seruis ad transtra cathenatis ad exuendas compedes spatium defuerit, atque ita submersi ad unum omnes interirent, & tormenta hiantes carinas grauantia profundo mergerentur. Eo hostium periculo aduentuque cognito Polinus tanquam explorata occasione delendæ hostium classis Petrum Angelium Bargaum poetam, uirum Græcæ peritum linguæ ad Barbarussam legatum misit, quod ei usque à Byzantio notus esset: qui insignem ab hoste procellaque oblatam pulcherrimi edendi facinoris occasionem demonstraret, studiosèque eum hortaretur, ut eximiæ laudis certissimique prouentus educta in hostem classe fructum percipere maturaret. Annuit consilio Barbarussa, sibi que, ubi laus spectaretur, minimè defuturum promisit: sed quo minus id audacter expeditèque tentaret, perflantes Euri prohibere uisi sunt, quibus tamen citò subfidentibus, quum fluctuosum mare mitesceret, ipsèque educta classe contra consuetudinē consideratiùs & segniùs prouerheretur, circa Antipolitani litoris uineta cursum suppressit, admirantibus primò, & mox ridentibus trierar-chis atque Sanzachis, usque adeo liberè, ut per ironiam dicerent, æquum esse
ut Ha.

ut Hariadenus Auriae tanquam fratri, & ex piratica conspiratione legēque ad mutuam salutem fœderato, nihil officeret, parque illi beneficium optima fide redderet, quod aliquot antè annis ad Hipponam liberaliter accepisset. Ex his qui eam cunctationem carpendo ad inuidiam uerterent, erat Cayeroglis, Sanzacorum facile princeps, eius Memphitici Cayerbei filius, qui prodito Campsone Sulthano, totius Aegypti præfecturam à Selymo meruerat. Eius autem omissæ rei nomen, & tum & Byzantij Hariadenus ita refellit & diluit, ut diceret multa sibi exactæ ætatis duci, uel hebetibus oculis, clarius & certius quàm iunioribus uideri, & quum de Cayerogle mentio inferretur, renidens

10 inquit ad suos conuersus: ergo non dissimili ratione magna mihi præmia ab hostibus erunt expectanda, dum eis lubenter parco, postquam pater eius ad Singam ab suo dextro cornu obiectos hostes Turcas non inuadens, cessantis operæ præmium Aegypti præfecturam ab hoste uictore tulerit. Cæterum desinente procella, mitescenēque mari, Salechus cum uiginti quinque triremibus, & cum totidem Gallicis Leo Strozza, ad portum contenderunt, potitque sunt eius naufragij reliquijs, sicut per urinatores alligata funibus tormenta è profundo ergatarum molimine extraherent. Nec diu post Barbarus sa uersus Massiliam ad Tolonis portum, qui Taurenta antiquitus fuit, est reuectus. Vastius autem cum Sabaudio Niceam inuisit, laudatoque Simeone,

20 miseros ciues consolatus est, & inspectis Turcarum operibus eorum solertiam ac artificium in construendis aggeribus sic mirabatur, ut nostros Barbarorum comparatione huiusmodi in rebus multo inferiores sibi uideri nobis hæc scribentibus fateretur. Exinde Vastius cum his copijs, quas metu Barbarussæ conscripserat, aliquot etiam additis cohortibus, ad oppugnandum Monteuiicum, quæ est amplissima ciuitas inter Subalpinas urbes, duxit. Nam in ea erant ualida Gallorum Heluetiorumque præsidia, quæ duce Carolo Drosio indigena, uiro egregiè forti, frequentia incōmoda Cæsarianis inferebant. Itaque magno sumptu magnoque labore adductis tormentis, urbs non uno in loco quassata est, usque adeo uehementer, ut muri undique collaberentur, uerum enixè & uigilanter defendente Drosio res eò reciderat, ut Vastius penè de expugnatione desperaret. Nam fortè continuis imbribus cuncta oppugnandi munia tardabantur, & uix miles aduersi coeli iniurias ferebat, quāquam ex omnibus locis cohortes murum alacriter subirent, & inter ruinas acerrimè certaretur. Sed deditio, quæ ab obstinatis hostibus ui atque tormentis exprimi non poterat, dolo quodam, quod prætermittendum non uidetur, expressa est. Implorarat sæpius opem Drosius à Buterio, qui summæ rei Gallicæ imperium apud urbem Taurinum obtinebat. Hoc ex difficultate periculoque hostium, interceptis eorum literis, Vastius didicerat. Quamobrem literas Buterij nomine Gallica conscriptas lingua effingit, quibus gemmæ eiusdem

40 sigillum apponit, exemptum ex ueteribus literis. Eæ erant in hanc sententiā, ut sibi consuleret, neque opem expectaret, quoniam rex Belgico bello occupatus, supplementa cohortium in Italiam submittēdā non putaret. Idcirco, si rebus atque opibus suis diffideret, nec defendi urbem posse his quas obtinebat militum & necessariarum rerum copijs arbitraretur, æqua atque honesta deditiois conditione accepta, cum hoste pacisceretur. Has literas Vastius resignatas, tanquam ab se interceptas, Drosio mittit, hortaturque ut pertinaciæ finem faciat, ne sese totque milites egregiè suo munere functos, & im-

bellem ciuium turbam in non dubium summæ calamitatis discrimen deuocet. Se enim deditionem extemplo facienti ea omnia integra fide, quæ honesta conditione tribui possent, concessurum, ne sibi necesse sit multo sanguine uictoriam parare, quæ iam esset explorata. Drosius perlectis literis Bute-
rij signum agnoscens, nec quicquam de earum fide subdubitans, multumque in Vastij hostis clementi ingenio reponens, uti multis rerum difficultatibus circumuentus, deiectusque spe auxiliorum deditionem facere constituit, scilicet ut urbanam multitudinem, copiasque omnes, & sese seruaret. Itaque paciscitur, ut sibi cum præsidio saluis omnium rebus, sub uexilis egredi liceat. Id unum postularat Vastius, ut castellum, quod erat in proximo Drosij præ-
sidio custoditum, sibi dederetur. In eo filium puerilis admodum ætatis Drosius habebat. Verum abeunte iam Drosio, quid se dediturum promiserat, & suas copias præeunte, quum custos castelli, idemque pueri nutricius, Cæsarianos, qui eo ascenderant, nequaquam admittere renunciaretur, utpote qui esset in colligenda supelllectile sollicitè & trepidè intentus, Vastius subito in iram exarsit, iussitque nominatim quibusdam equitibus, ut Drosium continuo persequerentur, eumque tanquam fidem fallentem retraherent. Tanta autem fuit aliorum equitum, uel simul præstandæ operæ, uel (quod credi par est) prædæ cupiditas, ut integræ turmæ tumultuario procursu, ultro se primis aggregarent, & quum Drosius pernici equo uectus, in fugam se exten-
deret, milites præsidij, ipsosque præsertim Heluetios lentius suo more iter habentes, nec tale quicquam ueritos hostiliter inuaderent, multisque occisis & vulneratis inusitata crudelitatis & avaritiæ facinus admitterent, uel reclamante Vastio, & unum tantum Drosium deposcente. Sed tanto tumultu inconsultè proruentium Hispanorum res coepta patrataque est, ut Vastius penè serò perturbatis, & direptis, malèque mulctatis opem attulerit. Id uero præter spem, & secus quam imperaret Vastij animo molestissimum incidit, tanto cum dolore pudorèque perturbatæ mentis, ut omni benignitatis officio illata detrimenta refarciri iuberet, occisorumque propinquis & vulneratis dona conferret, opportuna placandæ feritati eius gentis, quæ truculentis uocibus & minis contra ius gentium insigni se affectam detrimento querebatur. Hoc apud Vastium receptæ urbis atque uictoriæ lætitiâ minuebat, sic tamen ut nulla seueritate erga suos, qui authores cædis fuerant, uteretur, quum Heluetiorum dolorem paucis capitis supplicio punitis expiare posse uideretur. Nec multo post diuisis per municipia ueteribus cohortibus, nouisque dimissis Astam concessit, indeque instauratis copijs uicina oppida iam pridem occupata à Gallis in deditionem recipit, Ludouicum Vistarinum, qui erat Cherij, cum omnibus eius præsidij copijs egredi, & Carmagnolam adoriri iubet. Is iussa facit, deditibusque se oppidanis, arcu tormenta admo-
uet, eaque potitur. Gallis tum id erat consilij, ut deductis præsidijs uires co-
gerent in tutiorem locum, infirmioraque oppida ita defererent, ut ea muro & munitionibus nudarentur, ne Cæsarianis paulo longioris moræ ad ea receptus foret. Itaque Osumius Vasco, & Vico mercatus Insuber, equitum præfecti, & cum his Azalius sclopettariorum cohortem adducens, Carinianum uenerant, ad munitiones euertendas exportandosque commeatus, quo in opere quum essent occupati, Vastius cum globo equitum in aduersa Padi ripa se osten-

se ostendit, monuitque Vistarinum qui non procul aberat, ut equites suos Padum uado transire, abeuntēque hostes aggredi imperet. Federicus Douaria, uir impiger, adhortante Vistarino nihil dubitat, quin tranando cum turma sua in ulteriorem ripam euadat, Gallosque laceſſat, eoque audacius, quod ei Vastius maturē opem se laturum polliceretur. Eius namque equites turmatim ad ducem undique confluebant. Iam accensa erat ardentissimē inter Ossumium atque Douariam pugna, quum Vicomercatus & Azalius, qui Vastium planē cum ex ipso cultu, tum præclara uoce alloquentem cognouerant, Ossumium adhortantur, ut contentioni finem imponat & se recipiat, quod in
 10 conspectu esset Vastius, qui multitudine suorum equitum ipsos esset confestim inuasurus. Ossumius studio pugnae incensus, quum delendi Douariæ cupiditate teneretur, nihil eius consilij ad animum adhibet, & multo uehementius præliatur. Illi suo innixi consilio se expediunt, & quo iter intenderant proficiscuntur. Nec mora laboranti Douariæ auxilio superuenit Hieronymus Sylua, cum ala equitum à Vastio submissus, à quo Ossumiani equites proſligantur, ipseque equo deiectus capitur, & apud Vastium se à Vicomercato per ignauiam desertum queritur. Quibus ex uerbis superbē iratēque
 20 prolatis, delatisque ad Vicomercatum, orta est capitalis odii controuersia, usque adeo accensa similitate, ut Vicomercatus Ossumium tanquam improbē mentientem, & iniquē contumeliosum ad singulare certamen prouocaret. Sed rex multorum testimonijs comperto eius bellici incursus euentu, litem authoritate sua diremit, decusque præcipiti contumelia ereptum Ossumius Vicomercato restituit. Re bene gesta Vastius Carinianum intrauit, animaduersaque loci opportunitate, quæ erat maxima atque idonea, ad perturbandos Gallos, oppidum munire præsidioque confirmare constituit. Erat enim in umbilico medioque propè sinu eorum municipiorum quæ Gallorum præsidijs tenebantur. Probato ab omnibus consilio, restitutisque operibus, & instituta noua munitione, eius oppidi tutelam Pyrrho Stipiciano, cuius ingenio uirtutique multum confidebat, attribuit, & nonnulla inde oppida ad deditionem compulſit. Nec multo post diuisis in hyberna copijs, Mediolanum
 30 est reuersus. At Barbaruffa Tolone susceptus, quum ingenti regionum præsidium studio & totius Prouinciæ copijs largiter alaretur, inspecta classe, uiginti quinque triremes delegit, quas prædatum ad Hispaniæ oram emitteret, attribuitque eas Salecho & Affani Celebo, arcta propinquitate sibi coniuncto. Ii præteruecti Narbonensem sinum, prædabundi & Caput Illyberis oppidum, antiquæ olim urbis uestigium, in eademque ora Cadechesium, & Rhodam, quam Rosam uocant hostiliter inuaserunt, superatoque promontorio Veneris, quod Creum à nautis uocatur, circa ueteres Emporias magna præda potiti sunt, nactique onerariam nauem, & triremem unam in portu,
 40 qui dicitur Palamos. His captis Algerium, ubi imperatum erat, ad deponendam prædam, hyemandumque traiecerunt, ut primo uere ad Barbaruffam in Prouinciam redirent. Is ea hyeme quum partem classis reficeret & nonnullis armamentis renouato apparatu instrueretur, Genuensium, ipsiusque præsertim Auriæ amicitia comiter utebatur, qui quodam maritimo iure per causam redimendorum captiuorum, quæ usui forent Barbaro lubenter suppeditabat. Ligures enim omnes amicē conseruatos, & nusquam uexatos rex Fran-

ciscus præstabat, in id accepta à Barbaris fide, imperio atque authoritate Solymani confirmata. Neque enim Auria exiguis in apparatus rei naualis obsequiis importunè denegatis, hostilem animum ostendere uolebat, quanquã se Cæsaris ducem profiteretur, ne patriæ noceret, quam expositam tantæ Barbarorum classi ad omnem iniuriam conspiciebat. Hisdem fermè diebus quibus Hariadenus Barbarussa legendo Italiæ oram, ut Galliæ præsidio foret, Malsiliam est profectus, Muleasses rex Tunetanus in Siciliam traiecit, eo consilio, ut Cæsarem ab Hispania Genuam deuectum conueniret. Causa susceptæ nauigationis ferebatur, ut à Cæsare maiora præsidia aduersus Turcas impetraret. Nam Turcæ Hariadeni clientes aliquot opportunas regni urbes firmisimis uiribus obtinebant, in hisq; præsertim Constantinam, mediterraneam urbem eximiæ munitiõis, quam antiquitus Cyrtham fuisse alibi ostendimus, & in ora Leptim paruam, quam hodie Mahemediam Poeni, nostri uero Affricam appellant, atque item Adrumetum, quæ Mahometa hodie uocatur. Eo autem ordine ex Africa discessit, ut in regni tutela sibi maximè fidos atque acerrimos uiros relinqueret: Mahometem in primis qui urbi præfideret. Is tum erat in summo apud Tunetanos magistratu, qui Maniphætos uocatur, & propter oris titubantiam Temtes appellabatur. In arce quoque constituit libertum, genere Corsum, cui nomen erat Fares, quod alacrem exprimit. Copijs Amidam filium præfecit, qui suburbanos campos ab hostiũ Turcarum & Numidarum incursionibus tueretur. Afferebat autem Cæsari munera, pretiosi operis tapetes uariâq; ornamenta lectorum, atque item aliquot nobiles gemmas, & duos eximiæ proceritatis Numidicos equos. Verũ quum è Sicilia soluisset, rectâ cursum Genuam tenere non potuit, aduersisque uentis, Caietam primo, & mox Neapolim est reiectus. Ei prorex Petrus Toletanus, hospitalis munificentia munera, domumque lautissima suppellectile exornatam contulit, Neapolitanis nouum gentis cultum, uescendiq; morem, & odoramenti omnis generis exquisitam luxuriam admirantibus. Cunctis nãque dapibus insani sumptus unguenta insarciebant, constabatq; pauonem cum duobus phasianis à structore ex regia culina disciplina conditum, centum aureorum impensam excessisse. Quippe non coenaculum modo, quum in mensa concideretur, sed domum uniuersam, nouo suauissimoque nidore compleuisse ferebant, tanta inhalatione, ut à tota uicinia huius inusitata & non cito euanescentis uoluptatis odor sentiretur. Exinde terrestri itinere ad Cæsarem proficisci constituit, mare reformidans, Barbarussæ hostis classibus occupatum. Iamque Rodolphus Pius, Romæ legatus, in gratiam Cæsaris, uel alienos colentem deos, regem Barbarum, præmissis qui inuitarent, lautâque hospitia offerrent, erat suscepturus, nisi eum Neapolim subsistere Cæsar iussisset. Erat enim uehementer intentus grauissimis rerum consilijs, Buxetõque in oppido cum Paulo pontifice collocutus ad Sicambricum bellum iustis itineribus contendebat. Sed ego postea ab ipso Muleasse regno pulso, orbatõque luminibus didici, eum supra illas quas diximus susceptæ nauigationis causas, idcirco Africa libenter excessisse, ut magnum quod sibi imminabat periculum effugeret. Nam uti erat astrologiæ peritissimus, fatali astrorum influxu amittendi regni, & seue necis cladem sibi portendi diuinabat. Quum unum uero maximè Barbarussam sibi timendũ existimaret, propterea se facile

se facile credidisse eam classē quæ Byzantijs ornabatur, aduersum se omnino parari. Quid enim absurdius uideri posset, quàm Ottomannicam classē, nō excidio sicuti soleret, sed auxilio Christianis aduenturam iudicasse? Atq; ita iudicio suo potius quàm syderum monitu deceptum, in eam calamitatē fuisse precipitatū, quàm tamen & exul & inops, & utroq; captus oculo fortissimè perferret. Dum Neapoli moraretur Muleasses, intenteq; spectaret, quorsum Barbarissæ consilia euaderent, qui tanta instructus classe, irritò incepto ab oppugnatione Niceę discedisset, quid Solymanus Strigonio atq; Alba Regia clarissimis Hungarici imperij urbibus expugnatis moliretur, quo deniq; Cæsar post

10 Duram urbem in Sicambris manu captam, arma uersurus esset, certis ab Africa nuncijs didicit Amidam filium ex repentina defectione regni Tunetani sedē inualisse, interfectisq; ipsius amicis atque præfectis, & gynæceo incesta libidine profanato, arcem occupasse. Quibus cognitis rebus grauissimè perturbatus, in Africam omni postposita mora traicere, & perditis rebus uel seram opem afferre constituit, ratus se excitatæ rebellionis initia, filiumq; prius oppressurum, quàm ille collectis uiribus sese confirmaret. Illum namq; præcipiti consilio asciturum sibi Turcas in auxilium putabat, qui ex Lepti, Adrumento, Cyrthaq; facile accersiri possent, ut Hispanis apud Guletam opponerentur, si ipsius Muleassis causam tueri uellent. Itaque quanta potuit festinatione prolata pecuniā milites conscribit, probante Petro Toletano prorege, & ueniā exulibus concedente, qui nomina darent, in Africamq; traicerēt. Ad huius edicti famam, malefici, iudicijsq; damnati homines Neapolim confluxere, adeo frequentes, ut ex eo genere hominum iustus exercitus conflare posse uideretur, quum quisq; stipendia facere, exilij nomen abolere, atq; experiri dubij Martis Fortunam mallet, quàm domo profugus & nemoribus inerrans, à conquisitoribus rerum capitalium teterrimam laquei necem expectare. His ducem se præbuit è Patritiorum ordine Ioannes Baptista Lofredius ingenio acer, gloriæ militaris & certi quæstus ex præfectura impensè cupidus. Is cum Muleasse trimestre pactus stipendium, quod statim persolueretur, delectum habuit, conscriptisq; cohortibus, milites mille & octingentos nauigijs imposuit, retēta apud se magna parte pecuniæ profectus in Africam, cum rege ad Guletam applicuit. Quomodo autem Amida filius à Muleasse patre defecerit, & quis eius cruentæ rebellionis fuerit exitus, non alienum erit ab instituto operis strictim enarrare. Erant apud Amidam summæ authoritatis procures, qui iuuenem alieno consilio obnoxium facileque parentem pro libidine regebant, & ante alios Mahometes eius Bohamaris filius, qui regnāte Mahomete fuerat Maniphæres. Huic Muleasses potitus regno, defectis uirilibus contumeliosam necē intulerat, obtrectatione amatoriam incensus, q; Rhahamanam incōparabilis formæ puellam Abderomenis arcis custodis filiā, quam ipse deperiret, maturatis

40 nuptijs præripuisset. Ab hac paternæ necis iniuria Mahometes capitale in Muleassem odiū conceperat, quod ideo multis cōpressum annis fuit, ut demum ex occasione patrandæ ultionis grauius erumperet. Secundum hunc erat uetere gratia insignis alter Mahometes cognomento Adulzes, ex Granata Maurus, sclopettorum mirus artifex, quē Muleasses per cōtumeliam nequissimum seruatorū appellare solitus ab se totum alienarat. Il cum paucis coniurantes excitationis falsis rumoribus, effingunt Muleassem apud Neapolim fato concessisse, ad-

missoq; supremæ impietatis flagitio, prius quàm moreretur ad Christiana sa-
 cra defecisse. Hac uero fama repente permotum excitatumq; Amidam circun-
 sistunt, adhortanturq; ut ad paternam sedem properè aduolet, ne Mahometes
 frater, Christianis ad Guletam obses datus, studio fauoreq; Touarris, qui ex-
 peditas haberet uires, ipsi præferretur. Erat enim Mahometes duodeuiginti
 natus annos, toto ore atque ingenio auum referens, & propterea Tunetanis
 ab ea indole gratissimus. Itaq; Amida nequaquam impiger ad capessendam
 patris Fortunam, citato cursu è statuiis castris Tunetum contendit. Populus,
 qui nihil de regis morte audierat, ambiguïs vultibus eum excipit, & quum
 plerique mirarentur, cur iniussu patris ad urbem temere uenisset, prodit ipse
 Maniphætes, ut diximus cognomento Temtes: hic Amidam seuera obiurga-
 tione tanquam capitalis audaciæ facinus ausum uehementer increpitar, & ut
 in castra reuertatur suadet, restitantemq; occursum multitudinis extra urbem
 propellit. At Amida consilio deiectus, deceptusq; sua spe, ad Martiam re-
 gionem deflexit, quæ à portu Uticæ ad promontorium dirutæ Carthaginis
 pertinet, insignium ædificiorum frequentia, & regionum hortorum amœnita-
 te pernobilis. Cæterum Maniphætes reiecto Amida celerè nauigio ad Touar-
 rem se confert, ut si quid aduersi rumoris ex Sicilia allatū esset, ab eo certius ex-
 ploratusq; cognoscat, & de Amidæ temeritate, intolerandaq; audacia cōque-
 ratur. Erāt apud Touarrem dati obsides Abdalages, ipsius Maniphætes fra-
 ter, & Corsi Faræ arcis custodis filius. Cum his diu colloquutus Maniphætes,
 reuersusq; Tunetum in suspicionem uenit perfidiosi inīti cōsiliij, quum ipso au-
 thore subleuanteq; Touarre Mahometes obses paternum regnū affectare dice-
 retur. Poeni siquidem suo pte ingenio mobiles, repentini, suspicaces, incertis
 rumoribus facile seruiunt, & quæ audierint, sapissimè etiam falsa temere in-
 terpretantur, pro commodo scilicet, studioq; suarum factionum, quibus perti-
 nacissimè sese addicunt. Exoritur itaq; per urbem rumor ambiguus, & gliscen-
 te suspicionis fama non leuis populi tumultus. Nec diu post huius turbu-
 lentæ commotionis casus, causæque per quosdam ciues quibus odiosum e-
 rat Muleassis nomen, ad Amidam Martijs in hortis crebro suspirio Fortunæ
 suæ indignantem, celerrimè defertur. Is ab eo nuncio redintegrata spe, & cer-
 tis augurijs confirmatus, Bohamaris & Adulcis, suorumq; omnium hortatū,
 Fortunæ rursus non semper incertæ bonoq; euentui occurrendum ratus, Tu-
 netum reuertitur, patentiq; ingressus porta, ad Maniphætes domum decurrit,
 quo absente, propinquos eius & familiares crudeliter obtruncat, patrataq; cæ-
 de cruento cum agmine ad arcem continenti cursu protinus ascendit. Ingressu-
 rum Fares custos, cancellata exteriori ianua, prohibere conatur, comprehen-
 sisq; audacter equi habenis inuectum urgens retro auertit. Sed Fares ab Ae-
 thiope, Amidæ promptissimo satellite, adacto per latus mucrone confoditur,
 renouatoq; equi impetu Amida per expirantis prostratque Faræ corpus æ-
 quum adigit & irrumpit, repertumque Maniphætem extemplo iugulari iu-
 bet, & per hunc modum unius horæ momento urbe, arce, regnoq; potitur.
 Exinde in minores patris liberos cædibus grassatus est, usque adeo insolent-
 ter conturbatis rebus omnibus, ut patris etiam concubinas cruentus sine
 pudore constupraret. Harum rerum uti acciderant Muleasses certior factus,
 nihil differendum esse iudicans, cum tumultuarijs ut diximus copijs in spem
 recuperandi regni in Africam traiecerat. Igitur Franciscus Touarres rege
 atque

atque Lofredio appulsis, uti erat prudenti perspicaciq; ingenio uir, ideoq; solerti ratione, imminentes casus expendens, regi suadere cœpit, ne his cum copijs Tunetum ire properaret, prius quàm de Tunetanis rebus, ciuiumq; animis certius cognosceret. Suspectabat enim Punicam fidem, & uenaliū Arabum insidias. Eo autem grauius ac apertius Lofredium, ne ire pergeret admonerat, quòd in mandatis, quæ discedenti prorex dedisset, disertè perscriptum erat, ne regi auide ituro procedentiq; pareret, nisi ualida Numidarum manus auxilio uti promiserat, aduenisset. Sed regem atque Lofrediū in sua fata præcipientes uehementer incitabant aliquot Afrorum procures, qui simulatione officij egressi urbe præsto fuerant, eiq; solenni cerimonia gladijs iugulo admotis more gentis, fidei militaris sacramentum dixerant, testabaturque Amidam pudore metuque perterritum, ubi ipse in cōspectum se daret, urbe arceq; arrepta fuga protinus excessurum. Nec mora Touarre frustra obtestante prædicteque, ut à Punicis insidijs sedulo cauerent, Muleasses explicatis uexillis ad Tunetum iter intendit, subsequente alacriter Lofredio. Nec defuere nonnulli periti militiæ ex cohortium præfectis, & ante alios Cola Thomasius, & Iacobus Macedonius, qui Lofredio suadere niterentur, ne inexplorato progredi, & fallacissimæ gentis promisso incautè credere uellet, sed tantisper cunctaretur, dum promissa expectataque ab rege propinquorum Numidarum auxilia superuenirent. Ad quos superbo ore conuersus Lofredius, desinite, inquit, qui fœdo metu correpti estis, ea impudenter commemorare, quæ uiris fortibus animos comminuunt. Tantum uerò abest, ut paratæ uictoriæ deesse uelim, ut rectius me facturum arbitrer, si uos ad consternandam inani metu multitudinem, quàm ad feriendum hostem promptiores, ultimo supplicio puniendos iudicem. Ad ea Thomasius respondens, Fortuna, inquit, Lofredi, non fera unquam temeritatis ultrix, breui ut uideo, utrique nostrorum testandæ uirtutis expeditum iter aperiet. Ego certè præfecturæ honori, quem dedisti non ignobili uitæ exitu honestè satisfaciam, tu uerò uideris, an tuo munere, qui tuorum monita usque adeo superbe fastidis atque contemnis, malè consulendo inconsultèque pugnando satisfaturus sis. Antecedebat rex cum ala familiarium, uexilla regionum insignium præferens, subsequebantur compositis ordinibus cohortes: iamque ad cisternas, ubi Cæsar cū Barbarissa paucis antè annis conflixerat, tertio ab urbe lapide erat peruentum, quum magna celeritate Hispani equites à Touarre missi superuenerunt, nunciantes à Barbaris proculdubio instructas esse insidias ad oliueta, quòd multa Numidarum agmina in his condita ab exploratoribus referrentur. Sed hæc rex ipse atque Lofredius facile contempsere, quū in fata sua proruerent, & tam feruidè quàm incautè ad eam portam prouheretur, quæ naualibus portuiq; imminet. Tum uerò è mœnibus conspecto Muleasse Afrorum equitum ualida manus hostili impetu porta erumpit, & magnis clamoribus editis pugna committitur. Ala regia familiarium erumpentes egregiè sustinet. Sed Muleasses impigrè hastam quatiens, & obuios quosque saucians in fronte vulneratur. Cruenta regis facies suos magnopere conturbat, & terga uertere cogit. Nec mora ex oliuetis frequentes equitum alæ, peditumq; cohortes sese undiq; Lofredianis circumdant, in quos nostri aliquot minora tormenta curulia emittunt. Verum his semel displotis ad iterandos ictus spatium nostris deest. Tanta enim incurrentium Barbarorum uis atque celeritas fuit, ut nostris, ubi se circumuentos ac

indagine clausos uiderunt, animi conciderent, & foedè abiectis armis occupante pauore in paludem se cōijcerent, & enatando apprehendendoq; nauiculas sese à Barbarorum gladijs eripere niterentur. Eæ nauiculæ magno usui fuere profligatis, quum instructe minoribus tormentis Barbaros, admissis etiam in plaudem equis, nostros auidè consectantes displodendo perterrerent, atque ipsos adnatantes exciperent. Lofredius inopinato hostium incurfu attonito similis, equum Thraicium, natare solitum, in paludem adegit: ubi nequicquam per uoraginosâ uada eluctante equo, ut in siccum rediret litrus, ac honestius caderet, à Barbaris cōfossus atq; equo deturbatus in palude periit, & cum eo Carolus Toccus illustri Græcorum sanguine progenitus. Solus ferè omnium Cola Thomasius, uti prædixerat, constantissimè occubuit, adhortatus notos centuriones atque præfectos, ut secum impigre dimicantes, decoram pro dignitate antea actæ militiæ mortem potius oppetere, quàm turpissimè in paludis cœno perire mallent, atque ita multis Barbarorum confossis & obtruncatis inter cadauera hostium non inulti ceciderunt. In his fuere, infaustæ uirtutis laude digni, Iacobus Macedonius, Antonius Grandillus, & Laurentius Monfortius, Neapolitani honesti ciues. Reliquos hausit palus, aut hostilis gladius absumpsit, quum meliore sorte Franciscus instruendis aciei magister, cum Antonio Buccaplana, & Lucio Brutio incolumis enataisset. Muleassies suo cruore & multo puluere foedatus, quum inter turbam terga uertentium profugeret, nulla alia re magis eum hostibus prodente, quàm unguentorum odore, agnitus captusq; est. Desiderati sunt ex ea cæde supra mille & trecenti, reliquos Touarres uestiendos recreandosq; curauit, qui non multo post transportari in Siciliam, à Messanæ freto pedibus redeûtes, ab egestate squaloreq; deformes, eam cladem Neapolî miserabilem fecere. At Amida uictor nihil antiquius habuit, quàm ut patrè adempto ei oculorum lumine immaniter obcæcaret, quod fiebat candenti scalpello, proscissa utriusq; oculi pupilla. Eandem fraternæ sæuitig iniuriam tulere Nahasar & Abdalas cum Muleasse patrè capti. Francisco autem Touarri significauit apud se seruari paucos, & hos quidem imberbes captiuos. Muleassi uerò patri atrociora promerito, uti ille fratribus suis olim fecisset, oculorum se usum ademisse, reliquisse autem uitam, ut cæteris crudelissimè sæuiantibus exemplo foret, & ipse erga perfidiosum patrem à clementiæ nomine non abhoruisse testaretur. Firmauit demum certis conditionibus eandem, quæ cum patrè fuerat amicitiam: quum eam sibi magno usui, in ea præsertim noui regni perturbatione, futuram existimaret, nihil aspernante Touarre, quod præsentî commodo seruire posset. Nam percussis inducijs Amida aliquantum pecuniæ repræsentauit, quæ stipendij nomine præsidarijs Hispanis solueretur, reddiditque nonnullos captiuos, & in his è Rabatinorum ordine circiter uiginti equites Christianos, quos custodiæ antea tradidisset, tanquam in fide patris contumacissimè perseuerantes. Ad hæc quoque restituta sunt cuncta ad unum Lofredij uexilla, cadatierque eius, adempto tamen capite, ad sepulturam remissum est. Dedit etiam obsidem Schitem filium annorum nouem, quod nomen apud Pœnos benè fortunatum significat, ea tamen conditione, ut si ex his inducijs, quæ temporariæ uidebantur, pax esse non posset, atq; inde oriretur bellum, Schitè sibi Touarres incolumè continuo redderet. Impetrata quoq; sunt à Touarre Lofrediana tormenta, quorum iacturam quanquam non magnifaceret, Tunetanis tamen hostibus aliquando profuturam

turam iudicabat. Eæ induciæ quanquam non iniquæ & multis de causis necessariæ uideri poterant, ideoq; à multis probarentur, nequaquam tamen Touarres ex dignitate Cæsaris esse statuebat, quod indignum foret eū potiri regno, qui immani perfidia nefarioq; scelere, id contra Cæsaris auctoritatem occupasset. Quamobrem Touarres noua agitât consilia, quibus uel ingrati, uel auari animi ratio inclusa uideri poterat, accersendumq; legitimæ hæreditatis regem statuit, qui nutu Cæsaris Amidæ iniuria uehementer offensi, apud Tuncetum Christianis auspicijs imperaret. Erat apud Numidas Abdamelech exul ab eo tempore, quo Roscetem ad Barbarussam cōfugisse docuimus. Hunc quod
10 esset Muleassis germanus frater, ad spei regni euocat, confisum Anemsehæ Numidarum reguli opibus. Nam apud hunc, benignè exceptus hospitio, diu permanerat, quum è Biscari mediterranea urbe, occupantibus eam Turcis, ad interiora Numidiæ profugisset. Nec oblata occasione decst Abdamelech, hortante præsertim Numida, & prædicentibus iam pridem astrologis, eum proculdubio regem euasurum, & regni compotem in ipsa regia Tuneti excessurum è uita. Patrandæ autem rei peropportunum tempus aduenisse uidebatur, quod tum abesset Amida, uti compositis urbanis rebus, ad Biser-
tam profectus, ut ibi piscosilacus magnum uestigal exigeret. Itaque Touarres, ut pactiōis fidem tueatur, Schitem puerum nauigio Tunetum remittit,
20 excipiturque ab eo Abdamelech qui noctu maximè cōfectis itineribus ad Guletam peruenerat. Is celeritate speculatores preuertendos ratus, paucarum horarum quietem equis recreandis tribuit, & cum globo Numidarum ad Barbafuecam Tuneti portam peruolat, ingressusque confestim ad arcem contendit. Nec eum portæ custodes morantur, rati eum esse Amidam, qui à Biserta rediisset. Nam Abdamelech foelici dolo totam faciem linteis sudarijs inuoluerat, Pœnorum more, qui eo uelamento uti solent, ut ora à solibus puluereq; defendant. Eo cognito attoniti custodes, quum ad arma discurrerent illico trucidantur, unusque ante alios aduersari ausus primæ custodiæ præpositus Nanferhalla, natione Siculus, confoditur, atque ita Abdamelech deter-
30 ritis cæteris, & nihil præ metu se commouentibus, admissaque in arcem Tunetanorum ciuium manu, rex salutatur. Is ante omnia Schitem puerum custodiæ tradit, & in eandem formulam Touarri tributum pollicetur, qua Muleasses à Cæsare regnum accepisset, eique in partem stipendij aureorum nummum sex milia dinumerat. Nec multo post in lethalem incidit morbum, & ut diuinantium mathematicorum fidem impleret, trigessimosextò imperij die uita excedens regio funere elatus est. Potentissimi autem amicorum & Tunetani principes obnixè fauente, cohortantèque Touarre, Mahometem filium, annorum ferè duodecim regem creatunt, eique statim adhæsere qui ætatem eius regerent, muneraq; rerum publicarum ex arbitrio obirent, Abdala-
40 ges Maniphætes, qui interfecti Temtis erat frater, & qui tum erat Mesuar Abdelchirinus, quæ uox seruum exprimit liberalem. Secundum hos Scyrriffus Mahometanæ peritus legis, ex Bugæa origine Maurus, & Ioannes Perellus ex equitum Rabatinorum ordine, patria Tarentinus. His cuncta parebant, sed Abdelchirinus intempestiuæ probitatis atq; prudentiæ consilium coquens, quum diceret Tunetanæ ciuitati nequaquam puero rege esse opus, sed statæ ætatis maturique ingenij uiro, qui alienis consilijs circumduci non posset, exitium sibi citò peperit. Excogitans enim quonam modo regiæ stir-

pis regem efficeret, frustra circumspiciens, nec consilium maturè explicans, præoccupantibus collegis est interfectus ea crudelitate, ut nec propinquis eius nec clientibus parceretur. Eo sublato cæteri, quos diximus, summe potentiae ueracq; tyrannidis triumuiratum condiderunt. Sed Perellus gynæceum inuasit, quod ei tanquam professione Christiano tum licebat, & in libidinem effusus Amida concubinas ad unam omnes constuprauit, singulari cum dolore Amida, qui Tuneto exclusus, errabundusq; ad Leptim, atque inde nauigijs ad Sceccum Gyrapolitanum Moenicis peninsulæ regulum confugerat, passim ab omnibus opem implorans ad repetendum regnum, quod à nefarijs hominibus summa perfidia occupatum indignissimè uastaretur: quum regi puero impotenter atque improbè dominari, quàm ei syncera fide in administranda Republica adesse mallent. Hæc eadem uera esse Tunetani sentiebant, querebanturque de Abdelchirini morte, qui optimatum princeps, paterque patriæ, à perditissimis hominibus nefariè fuisset interfectus, neque patipoterant ciuitatem gubernari à triumuiris, qui nullum auaritiæ libidini atque scuitiæ modum imponerent: quorum dominatu, si regis pueri maturior ætas foret expectanda, crescēte indies licentia, multo durior ac acerbior euasurus crederetur. Dum eo modo Amida notos sibi adiens, & à singulis auxilia postulans, ciuitatum erga se uoluntates excuteret, multisq; pollicitationibus nouas passim sibi amicitias parare contenderet, Muleasses pedore carceris, & suæ calamitatis deformitate miserabilis, à fratris filio rege impetrauit, uti atque egredi adireq; templum sibi liceret Ameti Benaros, uiri olim sanctissimi, quod apud Afros in urbe Tuneto asyli inuiolabilis nomine augustissimū habetur. Nec diu post, quū Bernardinus Mendocius, Hispanicæ classis præfectus, ad Guletam applicuisset, experēte Touarre, è templo ad stagnum, atq; inde nauigio ad Guletam perductus est, ut consultationibus interesset, quibus arma aduersus Amidam, totiusq; eius oræ Turcas pararētur. Muleasses antea Tunetanorum sibi ualde infensorum gladios effugerat, mulierculæ inopis misericordia seruatus, quæ eū anili pietate in scrobe multis alij fertis coopertum aduersus queritantes abscondisset. Nec minore quoq; salutis sorte mortem effugit, quum opportunè ad Guletam esset aduectus, quando ei Amida uir sauius, qui mox Tunetū repetijt, uel in augusti templi asylo, uti ipse referebat, minimè esset parurus. Muleasses paulo antè filiā nomine Meluccam, quæ uox Angelam exprimit, Touarre auspice puero regi, uel improbantib. Tunetanis, despōderat. Ea res ciuium animos ita exacerbauit, ut Amidam euocare literis, nuncijsq; accersere maturarent, quibus ille confusus, ne occasione iam planè suo arridenti uoto deesset, è Gyrapoli profectus, biremibus Turcæ prædonis, cui debilitati cruoris uitium Cladi cognomen fecit, Leptim aduehitur, atque inde coacta equitum manu Tunetum peruenit: tanta celeritate, ut regi puero uix euadendi, & scapham conscendendi spatium daretur, cunctaque ei paterent, nec quisquam arma corripere, aut hiscere auderet. Primum omnium Amida Perellum è latebra erutum omnibus tormentis excruciat, abscisisq; uirilibus, uiuum in foro comburi iubet. Nec Perello animi constantia defuit, quum oblato uitæ munere adduci non posset, ut à Christiana religione deficeret. Nec multo post, quæstione habita, Maniphætē, quem Abdamelech crearat, interficit, atque item urbis prætorem, & secundum hos ex ordine Rabatinorum circiter quadraginta, quorum cadauera rex inhumanae feritatis laceranda canibus obiecerat,

obiecerat, alias solitus in vivos etiam homines mordaces molossos, diuturna-
 que fame, ut asperius saevirent, efferatos immittere. In eo quoque supra crude-
 litatem incesta libido vehementer efferbuit, quum nec sorori quidem parce-
 ret, & in omnem sexum, ubi forma ad genium responderet, improbissime de-
 baccharetur. Ceterum Muleasses non diu apud Guletam subsedit, ut ipse aie-
 bat, Dovarris avaritia graviter offensus. Querebatur enim ab initio deposi-
 tam apud eum regiam gazam nequaquam integra fide tam inique a Fortuna
 mulctato redditam fuisse, pretiosaeque supellectilis partem cum insignibus gem-
 mis, certoque auri pondere sibi misero iniquissime surreptam. Quum autem
 10 eius contumeliae notam Tovarres pluribus argumentis diluere properaret,
 eò res est perducta, ut Tovarres ab rege furti & peculatus apud Caesarem reus
 efficeretur, & uterque in Germaniam contenderet. Verum Caesar ad equitatem
 facti controversiam adducens, composita potius quam dijudicata lite eo exitu
 utrumque dimisit, ut Tovarres ex Guletæ praefectura detractus sit: Muleasses
 verò in Siciliam perduceretur, publico Siculorum sumptu alendus. Filius au-
 tem eius Mahometes, qui obses fuerat, ad ultiores Numidas Lentigesiae avig
 propinquos, ut fraterni imperii successum tutus ab insidijs expectaret, avijs i-
 tineribus confugit. Quum ex itinere Muleasses Romam venisset, exciperetur-
 que convivio ab Alexandro Farnesio Cardinale, ita se ad varias percunctatio-
 20 nes humanum facilemque praeiit, ut insigni cultus & gestus gravitate veteris
 Fortunae maiestatem tueretur. Nam ab elati ingenii more Barbaris insito, de-
 ductus ad Pontificem nequaquam maiorem honorem impendit, quam ut ei
 genu tantum oscularetur, & qui oculorum orbes lintea vitta occultatos ge-
 rens nihil intueretur: obstipa tamen & erecta cervice regiae superbiae insolenti-
 am referret. Ab eo demum narrante multa literarum memoriae digna, de re-
 centibus bellis, Punicisque rebus & institutis didicimus: & quum non inepte
 de philosophia sermones illati essent, quanquam per idiotas interpretes collo-
 queremur: perspicue tamen eum Averrois studiosum, & sectatorem disputan-
 do deprehendimus. De natalibus autem suis ita disseruit, ut Chorreae familiae
 30 nomen, ex qua ipse praesto stemmate natus est, ad Homarem, Mahometis
 pseudoprophetae consanguineum atque discipulum referret: cuius stirpis Tu-
 netani reges, nihil intercisae, aut alieno sanguine depravata serie, per noningen-
 tos supra quinquaginta quatuor annos regnarint. Propterea affirmabat Tu-
 netatum regem, augustiore cognomento, appellari Emir Mumenim, hoc
 est, in religione optime credentium principem. Memorabant autem familia-
 res eius, neminem ei virtute equestri, peritiaque armorum posse comparari;
 quum ex adulatione iactarent eum, quod ad venatoriae artis decus pertineret,
 non multis ex quo imperasset annis, ducentos amplius iubatos leones in syl-
 vis equestri lancea confixisse, quorum tergora siccata repletaque paleis, ad ima-
 40 ginem vivorum, testimoniumque virtutis, tanquam decora, proximaque mi-
 litiae honestissimae exercitationis trophaea, in peramplis hortorum portici-
 bus spectarentur. Quibus de causis Muleasses tam saevo dirae calamitatis infor-
 tunio prorsus indignus nobis etiam videri possit. Eodem hyemis initio, quo
 Muleasses ab adversa Fortuna acerbissime mulctatus est, & Barbarus Niceae
 arcu nequaquam oppugnata ad Tolonem in hyberna concessit, Franciscus
 rex a Belgico bello honesta cum laude reversus, quod Landresiano praesidio
 opem fortiter attulisset, productaque acie Caesari maximis gentium fere om-

nium aucto copijs, pugnae potestatem fecisset, nova copiarum supplementa in Italiam misit, ut amissi Montevici detrimentum Buterius novo ausu refarciret. Iam enim Hipporegiam tormentis adortus, eo praesidium Caesarianorum adduxerat, ut prostrato muro ægerrime Gallorum impetum sustineret, & ditionem brevifactorum videretur. Sed adventu Anghiani, novi ducis ex Gallia, Buterius quum ab eo cessare, opperiri que se iuberetur, cum recentibus scilicet copijs appropinquantem, ut praelio & expugnationi urbis interesset, indignabundus ita impetum represit, ut hosti ad erigendos novos aggeres, confirmandosque animos spatium daret, & partæ propè victoriæ deesse mallet, quàm eius propè confecti negotij laudem cum adolescēte imperatore communicare. Is erat regiae stirpis e Borbonia familia, quem Malsilæ Barbarusfam excepisse docuimus, cui Buterius vetus miles, & dux ingenio turbido, nihil præter honoris nomen militiae concedendum existimabat, amissæq; proinde victoriæ eventum malignè lætaretur, quā ille importuno imperio, iuveniliq; libidine interpellasse videri posset. Hoc enim ingeniorū habitu, & tum, & sæpè alias Galli duces inter diras obtrectiones bella administrare ita erant soliti, ut rempub. post privatum decus facillè haberent: neq; ob id poenam à mitissimo rege vererentur. Galli etiam per eos dies Crescentinum oppidum tormentis quassatum, & Desannam, sanctiq; Germani vicina oppida, Caesarianis ademerant, magno cum dolore Vastij, qui frustra diu postulata à quaestoribus Insubrum pecunia, ut novas conscriberet cohortes, imparatus, inferiorq; multis rebus per hyemem bellum gerere cogebatur. Processerat tamen Novariam usq; quantis potuit coactis copijs, ut provinciae praesidio foret. Nam Galli intra Montisferrati, & Sabaudiae ditionis fines se intulerant, & circumfessuri Carinianum oppidum, quod est iuxta Padum positum, videbantur. Id Vastius paulo antè occupatum (ut diximus) validis aggeribus munierat, præfeceratq; ei Pyrrhum Stipicianum summæ virtutis atq; constantiae virum. Eiautem aderant Fœlix Archius, cum Germanorum cohortibus tribus, & Michael Hispanus, cum totidem Hispanorum vexillis: congestisque omnis generis commeatu Gallorum impetum expectabat, quod summæ opportunitatis esset id oppidum ad gerendum bellum adversus Gallos, qui obiectu eius munitissimi loci magnopere tardabantur, ne ulterius proferrent vires, & liberius reliqua oppida tentarent. Gaudebat Vastius accessione eius oppidi multis de causis, eaque præcipuè quod amissi superiore anno Claraschi par detrimentum hostibus rependisset. Itaque obstinatis animis, & Vastius id tueri & Anghianus obsidere, atque recipere contendebāt, tanto studio, ut Anghianus longam obsidionem institueret, castris in conspectu hostis positis, & Vastius e Germania in auxilium duas legiones accerferet. Tota namq; utriusq; imperij, existimationisq; ratio in eius oppidi defensione, expugnationeq; posita erat: sic ut pleriq; facillè prædicarent, uti mox evenit, eam contentione universæ pugnae casum allaturam, quod antea per octo annos inter perpetuum gerentes bellum nunquā accidisset. Proinde futurum ut una insigni pugna diurno bello, intolerandisq; miserorum incolarum calamitatibus finis imponeretur. Iam plures menses Pyrrhus obsidionem atq; in ediam fortissimè sustentarat: sic ut praesidij lectissimi milites ab inopia rerum, extremaq; desperatione auxilij de eruptione cogitarent. Sed eos Pyrrhus animo corporeq; ad perferendas totius inopiae difficultates paratissimus, blandis honorificisq; alloquijs in-

officij continebat, quum nullam edendo prælio, si erumperent, occasionem ad victoriam ostendi differeret: proindeq; eum conatum felici eventu cariturum: quoniam Galli nequaquam temerè, uti alias, sese circumvallassent, multisq; tormentis atq; equitatu essent instructi, sperarentq; sine sanguine victoria potiri: quando etiam ab oppugnationis cōsilio propter mirificos aggeres, præstantisq; præsidij opinionem, non ineptè discessissent. Neq; demū de Vastij studio diligentiaq; esse dubitandū: eum enim & suæ laudi, & publicæ causæ, totq; militum obsessorum saluti magnificè atq; impigrè satisfacturum. Propterea quis animis vini desiderium tantisper ferrent, & his, quorum copia ad huc superesset, vitæ alimentis cōtenti essent: postquam viri fortes non ad fures tantū, se ad inusitati generis cibaria, pro cōmodo principum, peculiariq; sua laude aliquando descendissent. Ea quoq; erat Pyrrhi comitas externis iucunda militibus, ut vini lagenas, quas sibi expetenti Anghianus hostis humanitatis causa duo mittebat, nequaquā sibi reservaret: sed viritim præfectis atq; signiferis quadam parvi calicis libatione, quod pleno potui non sufficeret, hilariter dispartiretur, Germaniq; vel natura vini appetentes, patientes & iucundè puteali aqua sitim lenirent, & cuncta obsidionis incommoda prius se fortiter perpeffuros, quàm indignum quicquam vetere gentis constantia de dedicatione auribus admitteretur, per centuriones atq; signiferos confirmarent. Vastius quoque eorum animos per literas, quum speculatorum facultas dabatur, bonæ spei implebat, salutemque totius præsidij, & singulorum præfectorum decus summæ curæ sibi futurum pollicebatur. Eo tempore Cæsar veteribus suis innixus consilijs, ingens agitabat bellum, quo Galliam ineunte æstate invaderet, experireturque maioribus coactis viribus, an Franciscus rex elici pertrahique posset ad summam dimicationem universæ pugnæ, in spem amplissimæ victoriæ, quā sibi nuper ad Landresium propositam, è manibus elapsam fuisse iudicabat. Hoc ut assequi posset assidue dabat operā per legatos, ut Henricus Britannia rex in Galliam maturè traiceret, suo pte ingenio, & more gentis Gallico nomini infensissimæ magnopere concitatus. Cum eo namque ita

30 fœdus percussisset, ut Gallia regnum certâ conditione cum Anglis partiretur. Tantum enim Cæsaris odium valebat adversus Gallos ab avorum usq; memoria conceptum, ut gravissimarum offensionum ex repudiata adactaq; ad necem materteræ penitus oblivisceretur, nec iniquum, & fide sua indignum existimaret, ad contumeliam Pontificij nominis, cum eo rege fœdere coniungi, qui propter eversa sacra, despectamque & convulsam Romani Pontificis existimationem, Christiano iure anathemate à Romano senatu fuisset damnatus, ipso præsertim Cæsare id orante postulanteque, quum se in Britannia regis gratiam nunquam rediturum iurasset, nisi Pontificiæ dignitati Henricus satisfaceret, & ad veteres sacrorum ritus, pristinamque Romani Pontificis au-

40 thoritatem se conferret. Quod autem erat reliquum, assidue invigilabat, ne Germani milites Gallicis stipendijs allekti in Galliam transirent, propositis edictis, atrocibusque pœnis, his qui id ausi, deprehensique essent. Pari diligentia pagorum Helvetiorū principes aggrediebatur promissis atq; muneribus ut Gallorum delectus in conscribendis cohortibus impedirent, aut retardarent, quando in eius gentis auxilijs salutem Gallia positam esse prospiceret, quæ Germanicis legionibus tanquam exæquata virtutis opinione opponi possent. Ne vero Italiam negligeret, ipsumque præsertim Mediolanum novis

Anghiani copijs ad prædam expositum, Neapolitanosque Barbarussæ classis reditum extimescentes: duas Germanorum legiones in Italiam misit, quibus iniunctum est, ut Vastio operam præstarent: ac demum si ita usus posceret, mari Neapolim deveharentur. His præerant duo Scaligeri procures, Christophorus, & Brennor, qui stirpis veterum Veronensium principum esse dicebantur. Harum spe legionum confusus Vastius, quod erant ex delectu Vindeliciæ, Baioariæ, & Norici, splendentibusq; thoracibus & galeis Mediolani fuerant instructi, è Vercellis Astam se contulit, & magnum inde sarcinariorum iumentorum usq; à Mediolano, agrestiumq; carrorum numerum contrahi iussit, quibus magna vis instituti & antea parati commeatus omnis generis, Carinianum ad obsessos convehetur. Et quanquam non multi apud se essent Hispani, nec plenæ admodum essent veterum Germanorum cohortes, quas Barro Seisnechus ductabat: tamen non deterrebat quin prodiret, confirmatus præsertim Italicis cohortibus, quæ amplius sex millium militum numerum implebant, eorumq; magna ex parte sclopettariorum, qui assueti, inveteratique perpetuis Subalpini belli expeditionibus, egregiæ exercitationis opinionem fuerant consecuri. His omnibus præerat Robertus Sanseverinus, princeps Salernitanus, cui adiutor, & propè magister à Vastio fuerat attributus Cæsar Malsius, è Neapoli vetus peditum præfectus, quo nemo plura stipendia meruerat, quum per triginta annos Cæsari integra virtutis & fidei fama operam navasset. Vna tantum Vastius angebatur equitum paucitate, infirmitateque, cum vix septingenti galeati recenserentur, qui etiam levis erant armaturæ, comparatione Gallorum equitum, apud quos iusti roboris cataphractorum alas esse didicerat: quarum impetum Cæsariani apertis in campis nequaquam laturos viderentur: ob id præcipue, quod illustres aliquot iuvenes, quorum principes erant Vidamius, summo loco in Carnutibus natus, & Asseius Arvernus, Galeoti totius Galliæ tormentorum præfecti filius, pugnae studio è Gallia hortatu regis in castra venisse, secumq; adduxisse plures eximiae alacritatis equites, exploratum habebat. Quibus de causis coactus est confugere ad Cosmum Medicem, implorando ut sibi in tanto periculo, tantaq; exiguitate temporis novos conscribere milites nequeunti, ab Etruria equites submitteret. Cosmus tamen cavendum sibi ab insidijs exulum, quas adversus se separari audiebat, & tuendam à Barbarussæ impetu maritimam oram arbitraretur, quando aperto iam Vere Barbari ad navigandum idoneum tempus habere viderentur: Cæsari tamen, cui summa omnia debebat officia, & Vastio equa postulanti, communi in rerum discrimine deesse noluit, misitq; Rodolphum Baleonum, Malatestæ filium cum insigni ala veteranorum equitum: cuius accessione Vastius adeo lætatus est, ut in spem veniret confirmandi equitatus sui, experiundæq; prælii fortunæ, quum peditatu superior, aut certè par tuto configere se posse speraret. Nam eo animo hostes, duce Anghiano, apud quem erant periti atq; acerrimi duces Termeus atq; Buterius, ad villam Stalloniam castra posuerant, ut Vastium illac pertransire conantem, iusta edita pugna adoriretur. Erant nonnulli, togatiq; præsertim qui pugnae casum Cæsarianis, tanquam minus necessarium, omnino vitandum esse prædicarent, ob idque ducendum quomodo bellum, ut Gallorum fervida gentis impetus, non collatis in aciem viribus: sed uti sæpe alias, spatio & mora, levibusq; prælijs frangeretur: nec tamen adversas, quæ summæ erant in negotio, difficultates explicaret: sic ut Vastius ca

stius ea tanquam vetera, & in præsenti rerum momento parum opportuna aptè refelleret, atque eas quæ aliter evadinequirent, fortiter audendo superandas esse demonstraret. Nam præterquam quod receptus omnis, segnisq; cunctatio ignominie & durissimi exitus pericula ferrent, triplex etiam incommodum, quod immineret, cum magnopere de summæ rei eventu sollicitum reddebat, hortabaturque ut suscepti consilij propositum teneret. Primum erat pecuniæ inopia, instantibus iam stipendijs: quando per mensarios curata Genuæ vel magnis usuræ impendijs ægerrimè repræsenteretur, nec quæ erat Insubribus imperata, tanquam ab assidue expilatis, facile exigere, & comportari posset: sicut non temerè timendum foret milites posse dilabi, qui sine stipendijs, propinquo præsertim valido hoste, contineri non possent. Secundum propositum erat in salute tot fortissimarum cohortium, quæ cum Pyrrho, cui propter datam fidem deesse non poterat, extremum vitæ ac existimationis discrimen se adire, literis & varijs significationibus ostendebant. Postremum erat defecturi cito commeatus timor, nam ex continua pluvia, durisque subvectionibus per lutulenta itinera, penuria adeo creverat, ut paratus ad sublevandos obsessos commeatus in alimenta præsentis exercitus absumeretur. Porro apud Gallos cuncta erant paratiora, & rerum omnium opulentia pleniora. Nam Anghianus, quanquam adhuc imberbis imperator, veterum ducum suorum consilia secutus, Carinianum duplici fossa, perpetuaque munitione circumvallarat, binos in Pado pontes statuerat, lunatisq; aggeribus utraq; pontium capita munierat, per quos quotidiana omnis generis comeatus copia nusquam impeditus utebatur, & ad villam Stalloniam, qui est vicus ultra Padum, positis castris, atque his aggere & fossa permunitis (ut supra diximus) hostium adventum expectabat. Erat in conspectu Carinianum, intercedente Pado: ad dextram relinquebatur Carmagnola oppidum, & ad levam Montecalerium, quæ Gallicis præsidijs tenebantur, ita ut Cæsarianis inter castella præsidiaque hostium ab Asta moventibus, iter esset habendum. Interim Vastius misso ad Montemclaram Salernitano cum Italogum cohortibus, quum illac se transi-
30 turum simularet, eo non multo post revocato, ad levam per superiora versus Summaripæ oppidum exercitum duxit, eodemque die Montatam castellum, quod ex itinere occuparat, pervenit: ratus se postero die Summaripam, tertio Casalem, quod appellatur Crassum: quarto Carinianum omnino perventurum. Cuius suscepti itineris rationes disertè explicabantur, quod superioribus locis Padum vado transire, eoque itineris flexu Transpadanos hostium commeatus intercipere, & si hostes supervenirent, erumpentis præsidij certissima opè, ancipitiq; acie inclusos, aut avertère, aut profligare soluta obsidione sperabat. Verum hæc vel appositè consultata Fortuna irrisit, uti impotens bellicarum rerum pro libidine gubernatrix. Nam cælum densa nube tur-
40 gidum, tantam vim imbrium iter habenti superfudit, ut rivi agrorum dudum sine aqua in speciem amnium atque torrentium intumescerent, itinera præalto obsita cœno carrorum rotas devorarent, equi tenaci luto semihauisti ad incessum cogi nequirent, & milites amissis calcæis ægrè eluctando madefacti, iniquitatem itineris, nec desinentem cœli iniuriam deiectis animis non perferrent. Augebat tanta incommoda commeatus propè imminens desperatio. Nam assiduo imbre infusus humor, cruda pariter & cocta cibaria corrumperat, tam scedo, tristiq; incommodo, ut milites quatuor dierum cibaria secum

ferre iussi, cum publica tum privata alimentorum iactura magnopere turbarentur. Tum verò Vastius frustra indignari infestæ Fortunæ, ab Asta novi commeatus supplementum adduci iubere, consolari passim milites, ut id pluviae detrimentum constanter ferre, & non dubiam cœli serenitatem ad victoriam expectare vellent. Interim per Salernitanum Italicasque cohortes castellum Sancti Stephani expugnari iubet, gravioraque duo tormenta ibi deponit, quod ea, propter iniquitatem itineris, vel duplicatis equorum & bonum iugis perducere non possent. Cunctis difficultatibus remedia quæ ferri poterant, diligenter adhibet, & cohortando milites spe prælii atque victoriæ implet. Non deerat peritus locorum Vistarinus, qui è Cherio per Federicum¹⁰ Dovariam Vastium hortaretur, ut omissa priore via, ad se iter converteret, quod Sanctanna amnis facile vado superari, & Cherij amplissimo oppido exercitus aliquantisper recreari posset: indeque apparatus pontibus, obsessis oppem ferendi, & si hostis sese offerret æquiore conditione configendi facultatem esset habiturus. Iam designati itineris quartus effluxerat dies, quum Montata nondum excessisset, gravissimis atque inopinatis rerum casibus retardatus. At Galli de consilio itinereque hostium non inani coniectura iudicantes, è villa Stallonia, ubi aliquandiu confederant, motis castris, ut hosti propinquiore essent, ad Carmagnolam oppidum se contulerunt, intentique & cuncta explorantes, ad omnem pugnae occasionem corpora atque animos parant¹². Sequenti die Vastius, quum sol vel ambiguus cœlum serenasset, uni statuerat, iter à Montata ad Summaripam direxit. Ipse ad dextram cum manu equitum ad Stallonia castra unde hostis discesserat, & ad Carmagnolam usque lustrando loca provectus, reperit hostes contra consuetudinem ad levia certamina elici non posse, eosque tormentis tantum instructos in muro consistere. Excepit tamen duos milites fortè vagos, à quibus eadem, quæ de hostibus antea didicerat, certius cognovit: paratum scilicet esse Anghianum prælio decertare, eumque ornatissimo abundare equitatu, quo se certis rebus parem, hosti superiorem, & denique victorem evasurum confideret. Vastius interea, quod magno usui fuit, ex itinere Ceresolam vicum à præeuntibus occupari³⁰ iussit, eique Guterium Chesadam corporis custodiæ præfectum cum ducentis sclopettarijs præsidio imposuit. Et quanquam ad Summaripam, quod magnopere cupiebat, pervenire contenderet: Ceresolæ tamen necessario castra ponere coactus est, quod Germani tardius subsequerentur, propter tormenta, quæ nisi difficili magnoque conatu pertrahi non poterant, & Hispani ad postremum agmen relictî, ingruente iam nocte, redintegrataque pluvia, à reliquis longè abessent, ac Salernitanus Italos, varijs atque durissimis afflictos incommodis, extremaque lassitudine fatigatos adduxisset: quibus omnibus si Summaripam petere vellet, vallis frequentia aquarum voragine & alnis, multisque huiusmodi arbusculis impedita, per tenebras erat sumperanda, atque eo incommodius, quod nisi valde angustos & raros aditus ab agrestibus subdita materia constratos transitoris præberet. Ultra eam vallem paulo antè extraordinarij recentioresq; Itali levis armaturæ processerant, ducente Cæsare Malsio, cœptisq; & protractis levibus prælijs propinquo hosti speciem præsentis atq; instructi Cæsariani exercitus fecerant, sic ut Galli qui densa acie incumbebant, aliquandiu sustentati atq; repressi, transeundæ vallis consilium abijcerent, quâ si transissent, Cæsarianis profecto magna & certa clades

clades erat expectanda, uti postea Vastius animadverso disiuncti imparatiq;
exercitus sui periculo, confessus est. Is postero die à Ceresola discedēs cunctum
exercitum tormenta que traduxit, sic ut distincta suorum agmina adventanti
à Carmagnola hosti, patentibus in campis ostenderet, & per levem Italorum
armaturam pugnam accendi iuberet. Nec defuerunt oblatae pugnae Gallo-
rum duces, qui se alacriter ad committendam pugnam accinxerant, eam mul-
to tubarum clangore deposcentes. Iam utrinq; levis armatura disperso tumultu-
uarioq; certamine pugnaverant, quū fortē Itali tormēta duo audacius in aciem
producta Gallis ademerunt, indeq; clamor ingeminatae victorae sublatus est.

10 Tum vero Anghianus universas copias hoc ordine constitutas promovit in
media acie Valcones, & reliquos Gallici nominis veteres pedites optime ar-
mados, decoro cultu cristisque fulgentes, ita collocarat, ut eis Helvetiorum iam
pridem Subalpino bello inveteratorum, validam manum applicaret, quibus
tota frons late extensa & æquata certo subsidio firmabatur. Dextrum cornu
Helvetijs, qui nuper advenerant, insigni animorum ardore pugnam poscen-
tibus attribuit. In sinistro autem cornu constitere Grueri non multi usus, &
subagreste militum genus. Hi erant ex regionibus, quæ ad Losannam & Ge-
nevam, Lemantumq; lacum pertinent, Helvetijs Bernensibus & Sedunis fini-
timi. His admixtae erant Italicae exulumq; præcipue Insubrū & Allobrogum,

20 Subalpinorumq; aliquot cohortes, acies quidem magna multisq; vexillis con-
spicua: sed quæ ex tyronum magna ex parte diversa utentium lingua, & tumultu-
arijs delectibus conflata, nullam propè certæ virtutis, aut firmi consensus o-
pinionem præberet. Triplicem peditum aciem, triplex equitum agmen di-
stinguebat: nam intervalla, quæ relicta erant inter utrunq; cornu, & mediam
aciem, divisi per alas equites occupabant. Inter hanc & Helvetiorum phalan-
gem constiterat Thermeus, apud quem erat tota vis levis armaturæ equitum,
unius cataphractorum aë præsidio confirmata. Buterius cum reliquo equita-
tu Grueriorum apertum latus tueri iubetur. Ex adverso Vastius hostium or-
dines conspicatus integram Germanorum phalangem, quam invicti roboris

30 existimabat, mediæ hostium aciei, ipsisq; Vasconibus opposuit, eo ordine, ut
in prima fronte Aliprandum Madruccium Tridentini Cardinalis fratrem, i-
pso id ad decus deposcēte collocaret. Nam superioribus etiam diebus genero-
sus, & egregie pugnae iuvenis alacriter fuerat professus, se Helvetios, quorum
impetum nequaquā imperitè Vastius vereri videbatur, cum sua tantū legione,
quæ trium millium summā non implebat, invasurum & strenuè prostraturū.
Secundū eum Scaligeri fratres vexillis in mediam aciem collocatis suas cohorte-
tes confertis ordinibus ductabant. Cornu dextrum Gruerijs oppositum, Hi-
spanis concedit, sic ut his statariæ militiæ quinq; Germanorum cohortes duce
Seisnecho adiungeret. In sinistro Italos omnes constituit, iussitq; ut sese in tu-
mulum, qui à modica valle leniter exurgit, sensim tanquā in æquiores locum

40 erigerent, nec inde se commoverent, ne inordinati ab Helvetijs, qui erant in
adverso loco, uti disciplina impares funderentur, sed persistentes in acie Saler-
nitani & Malsij iussis obtemperarent, & uti fors prælii deposceret, per sclopet-
tarios operā præstarent. Philippus Belga, Lanoij filius, qui toti præerat equita-
tui, eo spatio, quod inter Germanos & Hispanos intererat, consistere est iussus.
Idem ut faciat Baeonius, Thermeo oppositus, iubetur. Præcipit autem Carolus
Gonzagæ, ut Buterianos contra instructos diligenter observet & invadat.

Eo modo constituta directaque utrinque acie, & dispolis utrinque tormen-
tis, signa cecinerunt, appropinquareq; acies cœperunt, inter quas magno cum
periculo volitantium undique pilarum & glandium Vastius obequitans, col-
lustrando cuncta oculis Germanos segnius quàm volebat progredi animad-
vertit, sic ut propius accederet, & præfectos ad intendendum gradum comi-
ter hortaretur, in vultu Scaligerorum fratrum deprehendit non dubia, ab in-
usitato tristicique pallore, lethalis metus indicia. Proinde conversus ad familia-
res Scalengū, Landrianumq; & Saiavedram, qui eum ad excipienda reddendaque per acies imperia sequebantur: Deus, inquit, magnus hoc omen aver-
tat, & uti maximè indigemus, hodie præsentī numine nobis adsit, postquam
in his Germanis, in quibus tota spes & ratio parandæ victoriæ posita est, quod
antea nusquam accidit, præsentē provocanteq; hoste ad dimicandum nullam
alacritatem conspiciamus. Primi omnium accepto pugnae signo, quod Vastius
suorum hortatu dederat, Thermei & Baleoni equites concurrerunt, usque a-
deo gravi impetu, ut multi utrinque sternerentur, magnoque ardore post ab-
iectas hastas clavis atq; mucronibus res gereretur. Ibi Thermeus, quum in pe-
dites Italos procurrisset, ab his repulsus, vulnerato & cadente equo, à tyrone
pedite capitur. Baleoni autem ala, quæ numero equitū erat inferior, quanquā
virtute præcelleret, cataphractorum invadentium vim sustinere non potuit,
sic ut multi in eo peracri congressu, in hisq; Iulius Actius, tyranni Tudertis fi-
lius caderent, ipseque Baleonus suffosso, & moriente equo oppressus vix eri-
pereretur, & pedes & saucius ad Italos pedites se reciperet. At in altero cornu
Fortuna ludo quodam prælii eventum alternare solita, Hispanis & veteribus
Germanis arridere visa est. Nam Raimūdo Cardonio & Seisnecho ducētibz,
exporrecta sclopettariorū ala, quam manicā vocant, tanta vi Gruerios invase-
runt, ut eorū aciem totam perturbarent, & in fugam verterēt, rusticāq; casa, ad
quā se applicarant, & aliquot tormentis potirentur, & alam Gallorū equitum
fufis subsidio missam cruenta conditione perrumperēt. Cecidēre in eo conatu
Strochius, & Carolus Drosius, qui in eo cornu summā nominis auctoritatem
obtinebant. Asseius quoq; summæ spei iuvenis servidiū irrumpēs: Germani-
cis hastis ab ephippio deiectus, ex geminato vulnere triduo post interiit. Eo
celeri quanquā incerto victoriæ provētu, Hispani accensi animis, fufos ad mul-
tum spatium persecuti, ita procurrerunt, ut cædēdo, capiendōq; ad Carmagno-
lam usq; cursum intenderent. Eodē tempore Germani, qui humi procubue-
rant, ut tormenta vitarent, imperante Vastio consurrexerunt, collectumque
pulverē, quæ est vetus & religiosa eius gentis cōsuetudo, post terga proiecerūt,
quum ea cerimonia conciliari victoriæ numen arbitrarentur, promotisq; si-
gnis hastas inclinarūt. Aliprandus qui in prima phalangis fronte constiterat,
paucis passibus extra aciem prodicens, Molem in Gallica acie ducem, insigni-
bus conspicuum, manu ad singulare certamen provocavit. Nec detrectante
Gallo ita concurrat, ut mutuis ictibus ora perfossi ambo corruerēt, Mola qui-
dem lethifera cuspide supra oculum ad oram galeæ recepta, & Aliprandus ge-
na usque ad aurem perforata. Cadentibus itaque ducibus asperum & maxi-
mè cruentum prælium à primis ordinibus confectum est, quum utrinque ro-
bora lectissimorum militum & centurionum pro dignitate nominis & pro
victoria dimicarent. Aliprandi aciem ardentius promotam, Scaligeri aliquan-
to lentius quàm oporteret, secuti sunt, propter depressi & inæqualis loci im-
pedimen-

pedimentum, quo neque hastæ æqua serie ferri, neque apte coherentes ordi-
 nes densari poterant. Eodem temporis momento, quum inter utramque me-
 diam aciem commissa pugna ardentissime certaretur, Cæsariani equites sini-
 strum hostium cornu, ubi cum suo agmine Buterius ad procurrendum para-
 tus & intentus videbatur, adorti sunt: alacri quidem, sed inani, & mox uti ap-
 paruit maxime incommodo & fædo procursu: nam provecti ad hostilem a-
 ciem, nulla facta impressione, nec inclinatis hastis sese in gyrum lunato cursu
 provolverunt, sive ut levem hostium armaturam equestrem extra cataphra-
 ctorum subsidia ad pugnam elicerent, sive quod aciem perpetuo rigentem fer-
 10 ro ipsi levius armati tentare non auderent, sive adducti incerta voce à Gorto,
 ut dicebatur, præfecto edita, qua equos flectere iuberentur, quasi non collatis
 equorum pectoribus, & conferta acie: sed per iteratos incursus & recursus, Mau-
 rorum more, cum cataphracto hoste foret dimicandum. Ea sese præter spem
 inflectentium species admirationem primo Gallis, & mox socijs non incertæ
 fugæ suspicionem præbuit: sicut repente Buteriani terga vertentium valido
 procursu insequerentur, nec Cæsariani, clamante, increpitanteque Vastio, si-
 sti possent, sed præcipiti cursu in transversam Germanorum phalangem de-
 ferrentur, eamque paululum post signa laxatam veluti adacto cuneo totam a-
 perirent atque proscinderent. Quo casu Galli hisdem vestigijs in hiatum per-
 20 ruptæ phalangis insinuati, cunctos eius postremos ordines fædè turbatos,
 quod neque galeis, neque thoracibus, uti anteriores essent muniti, parvo ne-
 gotio trucidarunt, quum latis & pregravibus gladijs, quos à venatorijs cultris
 non absimiles suspensos ab ephippijs gestabant, integros inermium artus fa-
 cile detruncarent. Tum verò Helvetij, qui Italici erant oppositi, conspecta
 Germanorum fluctuatione & cæde, neglectis omisisque Italici, ad Germanos
 infesta signa verterunt, utpote quos ab naturali odio veros propriosque ho-
 stes ducerent, nec Italos per cavum & inæqualem locum adoriri possent, &
 deletis opportunè Germanis partam fore victoriam iudicarent. Is repente
 suscepti consilij casus non dubiam salutem Italici: Germanis verò certissimam
 30 attulit cladem. Nam sicuti illi armis & numero inferiores conspecta præsertim
 suorum equitum fuga, Helvetiæ impressionis impetum nequaquam diu la-
 turi videbantur: ita Germani, qui à fronte Vascones & veteres Helvetios sum-
 ma vi certantes constantissime propellebant, invadentium ex obliquo Helve-
 tiorum recentem vim sustinere nequiverunt, sicut à socio equitatu vesana &
 miserabili irruptione perturbati, & à nemine adiuti, quum in tergo à Gallis e-
 quitibus cederentur, & in fronte urgente hostium peditatu amissis ducibus
 stratisque vexillis terga verterent, ad unum prope omnes interficerentur. Ce-
 cidere cum Scaligeris fratribus viri illustres, aut varijs militiæ honoribus clari,
 præfectique cohortium ante alios Vulcanus Fustembergi reguli filius, Mi-
 40 chael Preusinger, in regenda ductandaq; phalange Brennoris Scaligeri lega-
 tus, & Antius Vrsus multorum stipendiorum fama notus, & præter hos Hil-
 debrandus Tunnius, Balthasar Chaldesijs, Iacobus Figer, Martinus cogno-
 mento Bursa, Adamus Bralijs, & Baro Grinistenijs. Aliprandus verò Ma-
 drucius multis vulneribus susceptis, inter suorum & hostium cadavera semianimis
 repertus, in Anghiani potestate devenit. Eam verò cladē merito Germanis in-
 cidisse tanquā impijs, Lutheraneq; superstitionis piaculo damnatis, multi præ-
 dicabant, quod pridie, qui fuerat resurrectionis Dei Christi solentis dies, sa-

cris interesse noluerint, talisque sæpe, quum ad iactus levigata marmora queritarerent, in altariorum sacratis mensis lussissent, & ligneam Christi servatoris statuam diris contumelijs, & multo demum cœno conspurcassent. At Itali ubi strata phalangis vexilla, & equites iusto cursu in fugam extentos conspexere, necessario & utili, uti mox apparuit, potius quàm honesto consilio subducere se in tutum reformidato victore, & per depressum, quem diximus locum: conservatis tamen ordinibus se recipere cœperunt, nulla validiore hostium manu eos laceffente aut persequente: eoque modo ante mediam noctem Astam pervenerunt. Eò multo antè Lanoius cum suo equitatu integer applicatus: sub occasum verò Solis ipse Vastius supervenit, quum sclopetti glande per ferream ephippij frontem, supra genu vulnus accepisset, aliquotque clavarum ictibus collisa calside nequaquam hosti cognitus, gladioque se defendens, e medio adversæ pugnæ tumultu se eripuisset. Tum enim secus ac alias soleret, non imperatorijs insignibus, sed atro & mediocri sagulo, ne facile agnosci posset, usus fuisse dicebatur. Cur autem Italos Gallicus equitatus nec invaserit, nec sit persecutus, hanc fuisse causam reperiēbamus, quòd amisso Thermeo duce, sese dispersim ad opprimendum dextri hostilis cornu milites convertissent. Hispani enim Seisnechanique Germani, qui Gruerios latè profligarant, longèque fusos fuerant persecuti, quum redirent, perfusi navatæ fortiter operæ gaudio, sociorumque ignari cladis, suspensis stupentibusque animis ad conspectam stragem, in victores Gallos inciderunt, à quibus circumfuso equitatu tanquam indagine clausi, propè sine vulnere capti sunt, quòd viri fortes perditis rebus Fortunæ cedere, quàm stulta exitiali que pertinacia repugnare satius existimarent. Ante alios sese deditit Raimundus Cardonius castrorum magister, eius filius qui cum Gallis, Gastoneque duce ad Ravennam improspere confligit, & cum eo Hispani clariores cohortium præfecti, Ioannes Beamon-tius, Ludovicus Chexada, Consalvus Hernandius, atque Chevedius. Baro autem Seisnechus oblato sibi equo periculum evasit: & Carolus Gonzaga, quum pedites turpiter effugere conspexisset, ne id dedecus subiret in Gallos irrupit, deiectusque equo captus est. Pari etiam pudore, sed iniquiore honesti conatus sorte accensus Hercules Martinēgus, illustri loco Brixia natus, quum in confertam hostium aciem cum ala sua sese, uti Vastij alumnum decebat, vehementer intulisset, cum Attilio fratre interfectus est. Pugnatum est ad Ceresolam postridie Idus Apriles, quarto & quadragesimo anno supra quingentesimum atque millesimum Christianæ salutis. Occisa autem referuntur ad duodecim millia hominum, sed multò maxima ex parte Germanorum. Neque enim, quum in acie utrinque æquato ferè numero supra quadraginta millia peditum constitissent, omnino incruenta victoria Gallis obtigit, sinistro præsertim eorum cornu magnis cædis & fugæ detrimentis affecto, & aliquot ex illustri Gallica nobilitate desideratis, quorum cadavera Anghianus exquisito funeris honore prosecutus, in Galliam ad sepulchra maiorum deferri iussit. Dum Vastius acceptæ cladis dolore, & totius summæ rei periculo perculsus, servatas vel ex turpi fuga copias colligeret & inspiceret, in spem venit victores Gallos his præsidij posse sustineri, dissimulabatque non obscura quorundam delicta, eo vultu ut nemini palàm succenseret, & de una tantū Fortuna quereret: Baleonū verò eximia ornaret laude, quem ferè unū, fortissima edita opera, & Cosmo principi à quo erat missus, & paterno avitoque suo nomini egregie satisfecisse.

10 tisfecisse, attestante etiam Thermeo, differebat. Hortabatur autem Latioium,
 ut fatalis erroris notam nova virtute abolendam existimaret. Salernitani quo-
 que & Malsi consilia probabantur, qui in eo perangusto atque difficili adver-
 sa rei momento cohortes Cæsari magno usui futuras servavissent. Verum eius
 iusto prælio invicti antea ducis existimationem, præsentemque omnem mili-
 taris providentiæ diligentiam, odium (uti sepe fit) ex re male gesta repente ob-
 ortum, & plerique ex amicis obtrectatores facti vehementer obtrebant: iniqua
 hercle & planè misera imperatorum cōditione, quod saluberrime cunctationi
 periculosam pugne aleam prætulisse diceretur, quasi flagitantibus quibusdam
 20 suorum, qui hostes arroganter despicerent, dimicando obtemperare, ne pri-
 stini sui dedecoris iacturam faceret, quā bono publico prælium vitare, differ-
 reque maluerit. Sed uti postea ex eius ore accepimus, nunquam futurum puta-
 rat, quin alioqui metuendam Gallici equitatus vim per sclopettarios, sicuti ad
 Ticinum sceleriter accidisset, sustineret & funderet, ipsoque robore densatæ
 phalangis hostium peditatum egregiè superaret. Sed cuncta eo bello prælioque
 vel rectissime ordinata, unum, ut credi par esset, divinum magni ultoris nu-
 men violenter evertisse, scilicet ut elatos, virtutisque insolenter confisos, & ni-
 hil de victoriæ eventu dubitantes leniter castigaret, & Germani obiter foedo
 impietatis scelere contaminati gravissime plecterentur,

20

PAULI IOVII NOVO-

COMENSIS EPISCOPI NV-

CERINI, HISTORIARVM

SVI TEMPORIS

LIBER XLV.

30



POSTeam pugnam in subiectis Ceresolæ campis a Cæsa-
 rianis male pugnata, Anghianus victor, quanquam
 effusè lætaretur: sese tamen commovere, ultraque pro-
 gredi in Insubrum fines, & denique victoria uti non po-
 tuit, quod multis rerum difficultatibus esset circumven-
 tus. Ante omnia veteranæ cohortes, promptissimo quo-
 que militum occiso aut vulnerato, vehementer attenua-
 tæ, orbataeque multis centurionibus atque signiferis, no-

40 vo supplemento erant iustaurandæ, & cuncti pariter equites, & pedites ex ve-
 tere militari consuetudine, uti acie victores, dignum fide, & sceleritate gene-
 rosi, novique imperatoris donativum postulabant: quod tamen prolixa pol-
 licitatione, & datis vadibus differri, extrahique posse videretur: nihil tamen
 quæstorum inopiam sublevabat: quoniam Helvetijs persolvendi stipendij
 dies aderat, quibuscum nulla excusatione utendum foret. Cuius negotij dif-
 ficultates, neque facile, neque celeriter poterant explicari, propter præsen-
 tis rei nummariae defectum, quæ nequaquam commode nisi ab argentarijs

Lugdunensibus dissolvi posse censebatur, & ob id aliquanto ægrius & tardius quam temporis exiguitas, & præceps occasio postulare: quum audendi procedendiq; ratio omnis in festinatione posita putaretur. Novum quoque expediendis consilijs impedimentum attulerant Helvetij, quum inconsultis pagorum suorum magistratibus se Cæsaris fines invasuros pernegarent. Dicebant enim se ea præcipue de causa in Italiam missos fuisse, ut Subalpinæ ditionis oppida, quæ regijs præsidijs tenerentur, à Cæsarianorum vi, iniuriaque defenderent, atque obiter integra fide renovati sæpe fœderis iura tuerentur, quæ vigerent inter Helvetiam gentem, cui Grifones socij antiquitus essent annexi, & ipsas Mediolanensis imperij civitates, quibus tanquam vicinitate finium, & 10 mutuo mercaturæ commercio amicissimè coniunctis, inferre arma neque ex fœdere liceret, neque ex commodo suæ gentis expediret. Sed quanquam Helvetij precibus & severa obtestatione, aut aliquanta demum pecunia suo more flecti, in sententiamque perducì posse viderentur, illud unum præcipue progrediendi tentandæque iterum Fortunæ deliberationes suspendebat, quod relictis in tergo tot hostium præsidijs nequaquam prius in Insubres signa ex tuto verti possent, quàm Carinianæ obsidionis eventum expectarent, propter quam multo susceptam labore, & singulari perseverantia continuatam summæ rei discrimen dimicando subire, quàm inde irritò incepto abscedere maluissent. Quantum verò qualeque præsidium obsideretur, quantamq; op- 20 portunitatem id oppidum, si reciperetur, ad parandam victoriam esset habiturum, peritiores Galli facile intelligebant. Itaque Anghianus, qui mederi prius suis malis, quàm properantius quicquam audere moliri que volebat, Telsium qui pedestribus præerat copijs, ad occupanda Montisferrati oppida, cum parte copiarum misit, & Carinianum arctius obsidere constituit. Pyrrhus enim, nihil adverso Vastij successu terrefactus, hortanti comminantique Anghiano, ut dijudicatæ belli Fortunæ cederet, desineret expectare novam opem, & pertinaciæ finem imposeret, postquam virtuti, existimationique suæ tam diu perpeffus in ediam cumulatè satisfecisset, elato animo respondebat, ipsius atque omnium militum, qui essent in præsidio, unum esse decre- 30 tum, perferre cuncta obsidionis incommoda, donec extremæ alimentorum quisquiliæ superessent: his verò consumptis ad cruentam eruptionem corpora atque animos parare. Ab alia quoque parte Vistarinus è Cherio sæpe erumpendo obsidendoque itinera, magna quotidie inferebat detrimenta, sæpe raptis impedimentis, & equis iugatis, qui tormenta conveherent, interceptis: aut ad suffragines, ut operi inutiles forent, graviter vulneratis. Hoc facile Gallis accidebat, quod se victoriæ fama tutos rati, plerunque remissa diligentia inexplorato & sine præsidio, inter amica hostiliaque oppida commeando, in in prædatores inciderent. Certior etiam fiebat Anghianus Vastium integris Salernitani cohortibus, & incolumi toto ferè equitatu confirmatum, si ipse 40 progredi inciperet, continuo provehenti sese vestigijs institutum, aut adiuncto sibi Vistarino, & eductis, coactisq; in unum omnibus præsidijs, Pyrrhum obsidione liberaturum. Is tum ab Asta secundo Pado ad Ticinum urbem descenderat, ut vulnus quanquam minimè sævum, & obortam inde podagram curaret, & ex propinquo Mediolanenses præsides, reliquarumque urbium præfectos hortaretur, ut timere desinerent, confirmarentque præsidia, & studiosissime, uti semper fecissent, in stipendia pecuniam expedirent, sustinendo hosti,

hosti, si fortè vel garviter affecto, & semilacero exercitu, conari aliquid, & progredi auderet. Nec multo post Anghianus ut captivorum multitudine exoneraret castra, uberioreque annona exercitus aleretur: generoso consilio omnes dimisit, ea conditione, ut Hispani in Hispaniam, Germani in Germaniam, per Galliae fines reverterentur. His praesidium est datum, quod passim inviolatos praestaret, atq; deduceret: edicto quoq; regio cautum est, ut commeatu trans-euntibus pagatim preberetur. Ière Hispanici nominis milites sexcenti, & quadraginta tres: Germani verò supra mille: liberavitq; demū certa permutatione Raimundum Cardonium, & Carolū Gonzagam, ut Thermēum, cuius vir-
 10 tuti plurimū tribuebat, pro duobus acciperet, quibus etiam liberaliter additus est Aliprandus, Cardinale Tridentino fratre eum accuratis precibus impetrante. Interea Vastius crebris speculatorum nuncijs certior fiebat, regem Franciscum uni Iuic consilio maximè incumbere, ut Anghianum novis augeret copijs, & bellum multo priore acrius & intentius in Italia accenderet, ut Caesaris & Henrici impetum avertere aut retardare conaretur. Eos namque adversum se refricatis odijs acerbissimè concitados bellum parare didicerat. Apparebat enim Caesarem, si amittendae Cisalpinæ Galliae periculo distineretur, remissione quā statuisset virium apparatu Galliam invasurum. Quamobrem Petrum Stroz zam, qui Florentinorum exulum erat prin-
 20 ceps, regiaeque domui arcta propinquitate coniunctus, per Rheticas Alpes in Italiam misit, datis secretioribus mandatis, quibus Gallicæ factionis studiosos ad navandam operam excitaret, quibuscum communicatis consilijs, & coactis copijs, instauratoque properè bello Caesarianos adoriretur. Erat Stroz za elato, ardenti que ingenio, & optimis exculso literis: sed eo plerumque infræni, & adversus pericula prorsus indomito, quum ardua quæque atque aspera tentando, excelsæ & immodicæ laudis famam appeteret. Is navandæ operæ cupidus, totius obeundi atque implendi consilij vim omnem in una maximè celeritate positam iudicabat. Itaque quæstores Gallos nihil
 30 expectandos decernens, ex sua pecunia circiter septem millia hominum conscribit, & apud oppidum Mirandulam cogit: quibus Georgius Martinengus nobilis Brixianus cum ala equitum adiungitur. Inde Venetias pervolat ut cum Hippolyto Atestino Cardinale, apud quem instruendæ rei & consilij explicandi summa erat autoritas, colloqueretur. Is acciverat Petrum Mariam Roscium Italicis cohortibus Belgico bello præesse solitum, & Galeotum Picum Mirandulæ Comitem. Quum de tota itineris capiundi, faciundæque irruptionis ratione disputaretur, Roscius id maximè iter rectè per Æmiliam viam probabat, quò paucis antè annis Caesar Fregosius Guido Rangonus, & Caninius Gonzega ad oppugnandam Genuam contendissent. Futurum enim esse, ut prius Placentiam & Derthonam præterveherentur, quā
 40 Vastius pares numero expediret copias, quas ad præoccupandum impediendumque iter conferto agmine transitoris opponeret. Anghianum autem cognito sociorū adventu, minimè dubitaturū, quin illicò partem equitatus, quæ adventantes opportuno praesidio confirmet & excipiat, Tanarū amnem transire iubeat. Altera erat quorudam opinio, aliquanto maturior atque securior: sed quam vel tantulæ expectationis mora plurimū infirmaret. Dicebant enim eas omnino expectandas esse copias, quæ Romæ parabantur, iustisque coactis viribus, uno consensu, gravi que impetu bellum gerendum.

Quum verò ad Placentiam in una castra pervenirent, si id perterritæ gentis Insubrum fama, & imparati hostis motus deposcere viderentur, superato Pado, recta ad Ticinum urbem, & Mediolanum usque signa promoverent: excitò scilicet ad communem victoriæ spem Anghiano. Quòd si vel ille nihil se commoveret, vel urbes Insubrum opinione firmiores forent, tum secundi consilij occasionem sequerentur, & continuato itinere per Æmiliam viam contenderent, coniunctisque viribus cum ipso Anghiano imperatore gerendarum rerum consilium explicarent. Sed Strozza cui omnis tum inepta tum adversa audacibus eius consilijs tarditas erat, se suo usurum consilio & bellum gesturum dixit, illacque perducturum copias suo sumptu conductas, quæ eius suscepti belli Fortuna iter monstraret. Proinde æquo animo perferrent, si non ignarus rerum suarum ab aliena sententia dissentiret, & celeritate sibi utendū arbitraretur, quando ipse peculiari suo periculo, quòd salutem, famam, et opes respiceret, sui studij operam insignem regi esset probaturus. Hippolytus hæc Strozza deposcenti, enixeque volenti vel invitus concessit: ratus eum ex arcano consilio quod detegi nollet, nequaquam temerè: sed exploratò aliqua tentaturum, quæ subsequenter copijs Romanis, aperiendæ victoriæ initium præberet. Habebantur interim Romæ, omnibusque Pontificiæ ditionis regionibus militum delectus, pari studio Cæsarianarum & Gallicarum partium, quum utrinque factiosi proceres, Cardinalesque beneficijs obstricti per cuniam proferrent, in neutram partem inclinante Pontifice. Franciscus Vrsinus, magni Pitiliani nepos, & cum eo duo Sanseverinæ familiæ reguli, exules Neapolitani Sommeus, & Capaccius aliquot veteranas cohortes ex factiosis, Guelphoque nomini addictis, instruxerant: parique contentione Martius Columna, & Iulianus Cæsarinus veteres suos milites, partiumque studiosos ad signa vocaverant, magno armorum strepitu in Galliam Cisalpinam properantes, hi ut Vastio laboranti opem ferrent: illi verò ut Strozzeanis copijs iungerentur. Verum Cosmus Etruriæ princeps, expeditiore foelicio: reque in Cæsarem studio labantem Mediolanensium rerum statum, & Vastium asperrimis difficultatibus implicitum, opportunissimo tempore, exiit atque firmavit. Is enim post adversam Ceresolæ pugnam perspecto summæ rei discrimine, nihil antiquius habuit, quàm ex templo delectas parare copias, quibus Vastij vires, quæ erant exiguæ atque disiectæ, perturbatosque item metu Insubrum animos Etrusci auxilij nova spe confirmaret. Itaque connecto maximè consilio quid paret, ad Andream Auriam perscribit, postulatque, ut sibi classem viginti triremium ad Etruscum litus mittat, quòd ea auxilia, multo celerius ab Genua Mediolanum, quàm alio itinere, perventura iudicet. Probatur ab Auria consilium, missisque triremibus, duo millia veteranorum peditum imponuntur. Hi summa celeritate Genuam devecti, minimamque sibi ad quietem horam tribuentes, Apœnini iugum transcendant, incredibili que festinatione Pado, Gravalone & Ticino superatis, Mediolanum magna omnium alacritate perveniunt, adducente Rodolpho Baileono, qui eis obviam ierat, ut singulos ad conficiendum iter hortaretur. Præerant cohortibus Otho Montacutus, Federicusque eius frater, & Iulianus Strozza egregiè viri fortes. Hæc conspecta manus, quòd ex veteranis, notisque militibus constabat, Insubrum iuventuti, quæ iam animos, consilij & opis inops propè desponderat, pristinam spem alacritatemque restituit. Fama enim

enim erat edita in vulgus, ab his qui Gallico nomini favebant, Strozza multo maiores quam haberet, trahere copias, & Gallos occupata Novaria in Ticino pontem parare, quo paucissimis horis Mediolanum pervolarent. Quibus falsis rumoribus, in tanto tumultu metuque urbanæ res erant, ut nonnulli senatores trepidè vasa colligerent; alij cives opulenti cum liberis & uxoribus se conicerent in fugam, & Vastius ipse perterritis, omnibus egerrimè nomen imperij sustineret. Strozza enim sua usus celeritate, eductis Mirandula copijs, Padum traiecerat, ad Casale maius oppidum; indeque recreatis copijs oppidi commèatu, prætervectus Cremonæ mœnia, Abduam amnem iuxta
 10 Castellionem naviculis coniunctis ita superarat, ut in margine ulterioris ripæ erecta statim munitione, primi qui transierant, dum reliqui transveherentur, egregiè sese ab hostibus defenderent. Eo namque Hieronymus Sylva cum duabus turmis equitum, & quibusdam Cremonensium peditum vexillis advolarat, ut Strozzeanos amnis transitu prohiberet. Sed in ea contentione Sylva glande brachium traiectus, ab eo conatu sic discesserat, ut hostes quò vel-
 lent, nemine qui resisteret invento, iam adesse trepidis agricolarum nuncijs crederentur. Timebat Vastius Laudi Pompeiæ: propterea eò Caldaronem Hispanum cum turma equitum miserat, qui Laudenses in fide contineret. Verùm Mediolano multo maximè timere cogeatur, quòd cum Strozza
 20 Pallavicinus Vicecomes adventaret, qui apud Insubres tanquam ex veteri principum stirpe ortus, magnas & illustres habebat cognationes, multasque popularium clientelas, quibus inductis & concitatis, tumultus facilè posset excitari in perampla civitate, quæ assiduis ac intolerandis tributis alienata, parata credi poterat ad novandas res, ut invisum & prægrave Hispanici imperij iugum excuteret. Sed postquam Rodolphus Baleonus, ad quem antea Cosmus ad reparandam alam dono pecuniam miserat, Etruscis cohortibus obviam profectus, redire atque adducere magni roboris auxilia nunciatus est, deferbuit in populo conceptus timor & trepidatio, miraque tranquillitas urbi dudum attonitæ reddita est. Nam callidè & compositè Ba-
 30 leonus cohortes certis flexibus iterato circumductas, ut amplioris multitudinis speciem facerent, ea ordinum celeritate populo avidis oculis spectanti gratulantique ostentarat, ut tanquam conservator publicæ salutis à quibusdam primoribus appellaretur. Quibus rebus cognitis Strozza, quòd Etruscarum cohortium celeritate se victum videbat, nec sese populus, uti sperasset, commovere sentiretur, inanesque omnino Pallavicini exulis spes esse conspiceret, ad lævam deflexit, Lambrumque amnem subitario ponte iunxit, eo quidem indignantius & properantius, quòd Anghianum, secus ac eum facturum crediderat, nihil sese in earerum occasione provehere: sed Cariniano lentè obsidentem inefficacius & pertinacius quam oporteret hærerè didicif-
 40 set. Is namque paulo antè præclarè audenti, atque expedita inferenti arma literis ac nuncijs significarat, se nullam rei ex composito bene gerendæ occasionem esse prætermitturum. Interim Vastius explorato, animadversoque hostium itinere, multum diverso ab eo quod antea fuerat suspicatus, tanquam liberatis metu Insubribus, lectica sese efferri iubet, eductisque copijs Lannoium cum equitatu ad Belgioiosium oppidum præmittit: pedestres vero copias administrante Cæsare Malsio idoneis in locis, quæ hostis impetum sustineant, & motum observent, properè disponit, leviasque passim prælia ab ex-

traordinarijs committi iubet. Sperabat enim se hostem magnis inclusum fluminibus, raptoque tantum sese alentem planeque irretitum, nullo negotio delaturum. Tum vero Strozza, qui ad Orium vicum castra habebat, proviso rerum suarum periculo consilium quod necessitas afferret, repente commutat, & ad Padum soluto Lambri ponte, ne per eum hostis insequeretur, signa convertit. Id iter concepti timoris plenum, tumultuosaeque fugae simile, ac exitu perniciosum videri poterat, nisi Petrus Aloysius Farnesius e Placentia aliquot lintres ad parandum transitum peropportunè atque amicissimè suppeditasset, sicut eius matura opportunaque ope Strozza sublevatus summum quod instabat salutis discrimen evaserit, quum ex adverso Vastius oblatam delendi hostis occasionem insperato effugio sibi ereptam frustra quereretur. Erat eo tempore Farnesius alieno erga Caesarem animo, quod a patre Paulo Pontifice, Parmæ atque Placentiæ princeps & dynasta constitutus, nunquam id Pontificium munus vel in gratiam Margaritæ filiae enixè orantis Caesar Augustali auctoritate confirmare voluisset. Hæc enim gemellos pueros rara felicitate, in spem aviti principatus Octavio pepererat, durioresque in ea re concedenda patrem Caesarem fuerat experta. Sed in Farnesio irritæ petitionis dolorem mirum in modum augebant multa adversa, quæ de Caesaris animo nusquam sibi propenso nunciabantur. Nunquam enim eum vel in præscriptione literarum, vel in legatorum colloquijs honestiore titulo ducem aut principem appellare voluerat, ne vel inanis tituli præiudicio imperatorij iuris auctoritatem abrogare videretur. Qua contumelia offensus studium suum ad Gallicas partes convertisse credi poterat, non ignaro, aut dissimulante Pontifice, qui in omni actione Tridentini concilij Caesarianos præsides Pontificiæ dignitati graviter maligneq; adversos extitisse cognovisset, & Britannici foederis contumeliam subamaro animo toleraret, Caesare id totum de Paulo, Farnesioque facile suspicante, cum aliquot in rebus nequaquam levissimis, tum eo præsertim lintriumbeneficio in Strozzam collato gravissimè perstrictus, parem iniuriam Fornesio aliquando se relaturum palam dixisset. Cæterum Strozza circa Placentiam recepto, multis ex numero suorum militum dilabentibus, Pitilianus, qui erat Farnesio arcta propinquitate coniunctus, sese cum Romanis, quas adduxerat copijs Strozze coniunxit, ut secunda suscepti belli consilia, postquam eos prima fefellerent, novo consensu sequerentur. Coniunctis apud castellum sancti Ioannis in una castra copijs, Strozza ad Padum se convertit, occupatoque Rivofredo oppidulo, quod est Padanæ ripæ finitimum, traiecturi speciem præbebat, ut hostes distineret & falleret. Nam eum Vastius Pitiliani auctum copijs, confisumque Placentinorum navigijs, id ausurum non temerè suspicatus, adiuncto sibi cum equitatu Philippo Lanoio, & adducta Germanorum & Hispanorum manu ad tuendam Padi ripam, e Ticino sese contulerat (præmissa antea Salernitano cum reliquis copijs ad vicum, qui antiquitus, non procul à Clastidio, Iterobvium appellabatur: hodie vero Stratellæ nomen habet, Emiliæ viæ impositum) eo consilio, ut Salernitanus, ubi arctior est via, aditu conciso præseptoque transversam munitionem erigeret, tormentisque in ea constitutis adversarios illac perrumpere audentes deterreret, & locum hosti iniquissimum summa suorum securitate tueretur. Eius institutæ rei negotium Salernitanus ita opportunè atq; celeriter exequutus est, ut Strozzam cuncta explorantem suscipiendi eius itineris tota spe deijceret; proptereaque hostis multum

multus versaretur in simulatione trañciendi amnis, quum ad ripam semel atque iterum signa verteret, & rursus copias in castra reduceret, utpote qui per asperos montes ad lævam secundum Apœnini radices agmen ductare decrevisset, quod omnino insanum arbitraretur, vel Salernitani munitiones aggredi, vel contemnere insequuturi hostis equitatum, si per loca plana id rectum iter esset habiturus. Itaque provisus quatuor dierum cibarijs, silentio noctuque se proripuit in montes, arduumque iter Placentinis usus ducibus insigni studio & tolerantia militum per impeditissimas convalles, & confragosa collium iuga, triduo confecit, sæpe lacesitus in tergo, & in lateribus ab his qui Salerni-
 10 tani iussu abeuntium vestigijs institerant. Is enim cognita hostium profectio-
 ne, Cæsarem Malsium & Rodulphum Baleonum, qui novissimos consecra-
 rentur, Sfortiamque item sanctæ Floræ Comitem, & Sfortiam Pallavicinum,
 qui notis tramitibus, altioreq; circuitu hostes antecederent, & circa saltus de-
 morari, retardareque contenderent, cum expeditis equitibus & sclopetarijs
 præmiserat. Ipse vero, ut imperarat Vastius, recto viæ militaris itinere Vi-
 cum Iriæ & Derthonam prætervectus, ægrè raptatis atque demulsis cohorti-
 bus, quæ tot itineribus fatigatæ certa stipendij subsidia flagitabant, tertijs ca-
 stris ad Scriviam flumen pervenit. Id ex Apœnino præceptum datum, ubi Ligu-
 riæ rupes desinunt, ad Saravallē oppidum, uti per plana loca diffusius vada-
 20 bile se præbet, innominatumque antiquis scriptoribus, ab uno tantum Paulo
 Diacono Scrivia vocatur. Iam Strozzeana vexilla conspici, appropinqua-
 reque cœperant, quum Lanoius cum suo equitatu Salernitano se coniunxit,
 & ij qui per montes persequuti hostes fuerant, è iugis ad castra descenderunt.
 Nec moralevibus & tumultuarijs prælijs certari cœptum est. Quum vero
 Strozzeanæ cohortes amnis vadum superantes ad accliviam vineta metu equi-
 tum se subducerent, & lentior ad vada amnis esset pugna, Cæsarianæ aliquot
 cohortes proximum hosti collem occuparunt. Id non ferentes Strozzeani,
 eas usque adeo vehementi impetu adortisunt, ut neque consistere, neque vim
 sustinere possent, & compulsi in fugam tormenta duo amissis signis deserere
 30 cogerentur. At Strozza secundo suorum successu, tanquam orientē victoria
 maximè lætus, cohortante Matthæo Forosemproniano præfecto audaci po-
 tius quam perito se continere non potuit, quin è vinetis erumperet, ingemi-
 nataque victoriæ clamore edito Petiliani agminis præfectos admoneret &
 accerferet, ut cum phalange postrema subsequi intento passu, & cœptæ victo-
 riæ adesse vellent. Pitilianus ipse in crure, suo an alieno gladio incertum, gra-
 viter vulneratus, Placentiæ substiterat, sic ut apud eius copias non unus, sed
 plures imperij authoritatem obtinerent: nec peritioribus præfectis, sed ho-
 nore præstantibus regulis milites parerent. Quamobrem exaudito victoriæ
 clamore, quanquam Sommeus atque Capaccius densata phalange, eundem
 40 esse ad vineta præciperent, novi milites contineri nequiverunt, quin dissolu-
 tis ordinibus procurrerent, extenuatoque agmine hostium equitibus occasio-
 nem irrumpendi præberent, cui non defuit Salernitanus increpitis equiti-
 bus, qui aliquandiu infami segnitie cessatores neque equos tanquam fessos a-
 criter incitare, neque alacriter phalangem adoriri voluerant. Quando (in-
 quit) acceptam dudum ignominiam prælio Ceresolæ aliquo forti facinore
 abolendam existimabitis? si hanc fessi hostis laxatis ordinibus raram aciem
 ex transverso non invaditis? Erubuit eques, & extemplo vehementer equos

incitavit, irrupenteque ante alios Bartholomæo Græco Volaterranæ stirpis Baleoni alæ præfecto, prærupta est hostilis acies malè cohærens: invadenteque demum ex omni parte equitatu, & consequentibus cohortibus tota fœdè profligata dissipataque est, eo eventu, ut paucis occisis, integri ferme omnes caperentur, renovata memoria incruentæ patrum nostrorum militiæ: nam Italus clementer deditis parcebat, spolio contentus. Nec aderant Germani Hispanive, quorum sævas manus cædibus gaudentes, pauci effugissent. Bona quoque sorte Sanseverini proceres Sommeus atque Capaccius exules Neapolitani, qui capitis non dubium discrimen adibant, dimissi sunt, quum quicumque milites Vastio & Salernitano sanguine coniunctos, humaniter potius dimittendos, quàm severè ad necem deterrimam externo iudicio tradendos existimaret. Vnus omnium nobilissimi sanguinis, & summæ spei indolis adulescens Vlyxes Vrsinus in acie glande traiectus cecidit. Ipse Strozza cum Nicolao Pitiliani filio, Flaminioque Anguillario in fines sociorum Gallorum proximos evasit, sæpe detestatus Telsij segnitiam, non obscura malignitate coniunctam, qui uti promiserat, alam equitum è proximo Montisferrati oppido sibi obviam non misisset: eius enim equitum præsidio fama que hostes deterreri, superarique potuisse multi prædicabant. Sed Telsius neque alam summittere sine pedestri subsidio, neque idcirco è suis castellis, tanquam paratis ad defectionem, præsidia deducere volebat. Cæterum rapaci in homine, expilandisque Montisferrati populis intento, publicum commodum privati quæstus messis opima superabat, quàm adventu tot Italicarum cohortium steriliorem sibi obventuram iudicaret. Nec multo post Strozza, qui in adversis invictos spiritus gerebat, experiri iterum Fortunam inusitata, sed fœlicitemeritate constituit. Confluentibus enim ad eum ex fuga militibus, conquisitisque multis equis, & nemini communicato consilio, quod tutum sua celeritas faceret, inopinantibus hostibus rectà per Æmiliam viam Placentiam est regressus, quum rubræ crucis insigne militaribus sagis insuisset, ut passim iter habens, Cæsarianæ alæ speciem præberet. Eo modo accelerans, nec usquam conquiescens, ita obvios quosque insolita ora mirantes fefellit, ut mox non obscure à quibusdam pro hoste notatus & agnitus vix sesquihoræ spatio è manibus persequentium multo sudore fatiscentibus equis elaberetur. Is ad Placentiam receptus, milites colligere, suoque sumptu cohortes scribere cœpit, vel id consilium nequaquam probante Anghianino, qui sollicitus de Gallicibelli eventu, quando iam Cæsar & Henricus terrarumque ex composito valida inferrent arma, nihil ultra tentandum perspecto Strozzeanæ expeditionis fœdo exitu iudicaret. Sed Strozza nihilo secius pertinaci incitatus studio sublevandam novo ausu partium Fortunam ratus, inefficaciaque Gallorum ducum consilia, nec ea quidem usquam tempestivè satis explicata despiciens, collegit copias, inusitatisque tramitibus per Ligustica saxa, ad Montoculum Flischorum castellum eas perduxit, atque inde com meatu adiutus in Pulciferam se dimisit vallem, eo tutius atque facilius, quod sese Genuenses in neutram partem commoverent, pacatumque iter transeuntibus præbere montanos Ligures iuberent, graviter id ferente Figaroa Cæsaris legato, qui civitatem eos, quos Cæsar inimicos duceret, pro hostibus habituram persuasum habebat. Eo enim tempore senatus Genuensis Gallicum nomen, quod id negotiationibus, & mercaturis, ipsorum

navi.

navigantium magnopere conducere, amicè colendum esse statuebat. Itaque Strozza intra Gallica præsidia sine ullo incommodo penetravit, Albamque Pompeiam adortus eiectō Capinio Mantuano, qui urbi præerat, in potestatem redegit, amisso ibi Matthæo Forosemproniano, quem intempestivo hortatu suo victoriam corrupisse ad Scriviam supra docuimus. Hisdem diebus, quibus Strozza conscribendis cohortibus erat intentus, ut acceptum ad Scriviam detrimentum aliqua ex parte refarcire conaretur, Ioannes Vega Hispanus ad Vastium ab Vrbe pervenit, ut collegæ nomine administrandis rebus esset adiutor. Is apud Paulum Pontificem Cæsarianæ
 10 legationis munere fungebatur, vir efficax, & severe gravis, & quod Reipublicæ intererat, partium maxime studiosus. In conscribendis enim Italicis cohortibus, quas diximus, conquirendaque pecunia, enixè operam dederat, ut Vastio certa spe auxiliorum maturè confirmato Cisalpinæ Galliæ succurreretur. Discesserat demum à Pontifice alienato planè animo, quod illum à Gallica amicitia non abhorre, Cæsaris incommodo atque periculo latari, eumque gravibus diversis belli difficultatibus implicari, præmiq; percupere crederet. Eius adventus quanquam Vastio parum gratus, & Salernitano præcipue gravis non obscura honoris obrectatione videretur: tamen in
 20 unum communicatis consilijs Cæsaris causa consenserunt: Vega sese apertior rem & æquiorē præbente quàm crediderant. Præferebat enim ingenium more gentis elatum, & vultum ab Italica comitate prorsus alienum: sed qui suas partes inspiciendis præsidijs & parandis comitatibus diligenter obibat. Neque tamen Strozzam per Apœninum evadentem impedire, neque per præmissas cohortes & equites eum consequi potuit, quanquam ex Strozzeanis multos dilabi, ducemque deferere ex itinere coegisset. Convertit se demum Vega ad oppugnandum Anxianum oppidum, quod eo eventu expugnatum est, ut oppidanos ad unum omnes cum præsidio trucidari sine-
 30 ret, sævas manus ad eam cædem præbentibus Hispanis & Germanis, qui servatos ad Scriviam hostes ab Italis nequaquam eo die sanguinarijs, ægerri-
 30 mē ferebant. Vega quoque eius cruenti facti sævitiam invidiosa severitate cumulavit, quum deditos præfectum præsidijs, & signiferum cum centurione, nonnullisque militibus Insubrinominis, ad subgrundia porticus laqueo suspendi iussisset, quod aliquanto pertinacius & insolentius quàm deceret adversus Cæsarianos tanta vi oppugnantes propugnassent: victique demum extrema necessitate sese ad arbitrium victoris dedere, quàm in ipso suscepti conatus vestigio constanter interfici maluissent, sic ut Itali iniquis animis eam Hispani novi ducis acerbiter ferrent, quando nō qui sese perseverantius pug-
 40 nando cum fidei, tum militiæ decus tueri vellent, inhumano prorsus more latronum supplicio punirentur, & eo quidem indignantius, quod ipsorum cohortes post diu oppugnatum murum ex ipso cruento conatu Vega revocasset, ut succedentibus Hispanis, qui recentes & integri fuissent, expugnati oppidi laus, ipsaq; præda omnis pararetur. Sed Vega severioris eius facti inclementiam eo nomine excusabat, quod transfugas et exules apud Gallos stipendia facientes, tanquā Cæsarianæ ditionis iusta pœna damnandos iudicasset. Ab hoc etiā terrore hostibus resistere paratis illato, Vega Andesana oppidū sine vulnere recepit, ob idq; gratiæ ei actæ sunt ingentes à Carolo Sabaudio: quoniam ipsum Vercellis comorantem, propinquos urbi Gallos hostes,

& perpetuis incurſionibus infeſtus ultus, utroq; erepto oppido, in reliquum
 tempus non obſcuro metu, & ſumptuoſa cura liberaffet. Nec multo poſt his
 rebus geſtis Vega ad ſuum ſuſceptæ legationis munus Romam eſt reverſus,
 ipſo Vaſtio diſponente præſidia, & Carinianæ obſidionis ſucceſſum, Anghia-
 niq; motus obſervante. Nec multis inde diebus Pyrrhus extrema alimento-
 rum inopia compulſus, honeſta conditione Anghiano deditiorem fecit, ita
 annuentibus Germanis pariter & Hiſpanis, quos diu ſpe eruptionis ſuſtenta-
 tos, in officio continuerat. Ea autem re tranſacta Vaſtius Pyrrho vehementiſ-
 ſimè ſuccenſuit, quaſi falſo ſibi enunciata cibariorum omnium penuria ſolici-
 tus & properantius quàm neceſſitas periculoſæque prælii aleæ caſus flagita- 10
 rent, ſibi opem ferri poſtulaffet, importuno maximè tempore, cœloque plu-
 vio, quibus tantū Cæſarianis partibus incommodum eſſet acceptum. Qua-
 draginta ſiquidem amplius dies, poſtquam ad Cereſolam fuerat dimicatum,
 obſidionem tolerarat. Quo ſpatio citra periculum inedia concedo, maturius
 & apparatus opem ferre, & cum hoſte conſtigere potuiſſe Vaſtium appare-
 bat. Verum priores difficultates nova plenioris commeatus copia ſuſtulerat:
 reperta quidem in reconditis abſtruſisq; oppidanorum horreis, ſatagentium
 & cuncta ſcrutantium militum diligentia, quanquam Vaſtius ex dolore ac-
 cepti detrimenti ſuccenſus, eam Pyrrhi ſatisfactionem ægrè acciperet, eoque e- 20
 tiam gravius, quò deducta eſſe Cariano multa iumenta didiciſſet, quibus occi-
 ſis totius abſumptæ frugis defectus tolerari potuiſſe crederetur. Cuius rei opi-
 nionem præclare confirmabant obſeſſorum vultus, nequaquam uti ab inuſi-
 tatis cibis accidere ſolet, ulla macie, aut inſolito pallore deformati, quum gre-
 garij etiam milites ora ſaluberrimi coloris præferrent. His verò conditionibus
 deditio facta eſt, ut Germani in Germaniam continuo redirent: Hiſpani extra
 veteres Subalpinæ ditionis fines, quò vellent, demigrarent, neq; intra quartū
 menſem Cæſare militarem operam præſtarent. Pyrrhus ipſe ſub fide dimiſſus,
 ad Franciſcum regem in Galliam ſtatim proficiſceretur, & ab regia clementia
 libertatem peteret. Bellicus verò apparatus omnis, qui Cariniani eſſet, Gallis
 cederet. Eo modo Pyrrhus à Gallis Cherium deductus, non multo poſt ad re- 30
 gem ſe contulit, à quo ſingulari humanitate ſuſcipitur: nam Franciſcus vel in
 hoſte veræ virtutis admirator facile eum ad liberale ſtipendium invitavit, ab-
 nuentem affecit donis, & ut tranſiret ad Cæſarem, poteſtatem fecit. Sed præ-
 ſectus Hiſpanorum, cui cognomen fuit Sanctus Michael, nequaquam ſyncera
 fide conditionibus ſtare viſus eſt, quò nonnulla à Gallis ſibi violata fuiſſe di-
 ceret: atque ita connivente Vaſtio, ſecundo devectus Pado, ad Brixellum A-
 teſtinorum ditionis cohortes expoſuit, expeditisq; tormentis oppido ita po-
 titus eſt, ut præſectum oppidi cognomine Bellingambum tormentis excrucia-
 ret, & oppidani gratuito uberioreque convictu Hiſpanos alere cogerentur.
 Hoc indulgiſſe Vaſtius non invitatus credi potuit, quò eius oppidi copijs co- 40
 hortibus alendas putaret, atque odium in Cæſarem Hippolyti Ateſtini Cardina-
 lis ulciſceretur. Is namq; Gallicas profeſſus partes, omnibus rebus Strozzi ad-
 iuverat. Hiſcè ferme diebus, quibus hæc inter Cæſarianos & Gallos in Subalpi-
 na regione geſta ſunt, honeſto pioq; cōſilio rex Fraciſcus Barbaruſſa cenſuit di-
 mittendū. Barbarus namq; ſibi ſatagere, undiq; prædari, neq; oriū pati ſolitus
 querebatur, ſe nō ſine cōtumelia ſui nominis retineri, utpote qui neq; Gallo u-
 tilis, neq; Cæſari hoſti infeſtus foret, et ſibi opportunū ad navigandū tempus e-
 12bi

elabi prædicaret, quo minus flantibus Etesijs Byzantium reverti posset: ideo-
 que excludi prorsus reditu, nisi discedere maturaret. Accedebat ad hoc regij
 promissi fides, qua eodem anno ad Solymantum se rediturum fuerat pollici-
 tus. Ea porro mora Gallis inutili, sibi que damnosa emarcescere ignobili ocio
 remiges, hebetari navalem disciplinam, & sub alieno cœlo Turcas mortiferis
 morbis absumi, cōvitiosa voce dictitabat, addens si iuberetur, & rex Cæsari im-
 placabili suo hosti in Galliam irrumpenti æquo iure nocendum putaret, se pa-
 ratum fore, ut expedita & strenua excursione totius Hispaniæ oram summis
 ferro atque igne illatis detrimentis, a primo Pyrenæi promontorio, ad Gad-
 10 tanum usque fretum pervastaret. Id cōsiliū rex ab insita sua pietate prorsus
 alienum, quanquam amicissime oblatum continuo repudiavit. Cur enim
 Christiani nominis gentes nihil tale meritas, parentesque tantum imperio Cæ-
 saris, immanibus Barbaris delendas concederet? Cur in hoc tam atroci factō
 sui vetusti cognominis oblivisceretur? Cur denique usque adeo detestabilis &
 impiæ cladis invidiosam sibi, & posteris memoriam relinqueret? Admone-
 batur quoq; rex ut provinciæ incōmodis ac oneribus finem imponeret, quod
 Barbari lignatū euntes, non modò consita vastarēt: sed vagos etiam homines
 insidiosè corripere, et ad transtra cathenare dicerētur. Itaq; in supplementum
 demortuorū Turcarum cōdonavit ei rex Turcici Puniciq; nominis servos o-
 20 mnes numero ferme quadringentos, qui essent Gallicis in triremibus ad remū
 damnati, ipsoque instructe omni genere commeatus: multa que insuper mu-
 nera in ipsum Barbarussam congerente, Ottomannica classis oram solvit: te-
 nuitque rectā cursū a Leronijs insulis ad Vada Sabatia, qui est portus Savo-
 næ propinquus. Ibi ab Genuensi senatu multa tela serica, multisq; recentibus
 cibarijs benignè donatus est: indeque exiens professus se in Liguria nemini no-
 citurum, ad Iluam insulam contendit. Vbi verò appulsa est tota classis, Barba-
 russa literas ad Appianum, eius insulæ Populiniq; regulum, in hanc senten-
 tiam perscripsit. Scio apud te servire adolescentem Turcam, Sinæ præfecti tri-
 remium cognomento Iudæi filium, iam pridem Tuneti captum. Hunc velim
 30 ut amicè restitutas, quod munus ostendam mihi fuisse gratissimum. Nam hæc
 nostra ingens classis dum prætervehetur ab omni hostili iniuria & maleficio
 integra fide temperabit. Quod si mihi obsequi hac in re gravaberis: scito eam
 cladem in ora ditionis tuæ esse expectandam, quæ ab infensissimo hoste infer-
 ri possit. Ad eas literas Appianus ita respondit, ut dissimulare metum ostenta-
 tis in muri corona armatis hominibus, & munitioni loci confidere videretur,
 diceretq; se quo minus petenti obtemperaret, prohiberi religione, quod ado-
 lescentem Christianis initiatum sacris sine piaculo tradi non posse sacerdotes
 confirmarent. Cæteris autē in rebus cuncta humanitatis officia transeunti præ-
 stitutum, & iuvenem nequaquam servi, sed filij loco ab eius commendatione
 40 semper habiturum. Addidit etiam munera recētis commeatus, quibus minus
 grati responsi sui conditionem leniret. Hæc ubi à legato suo renunciata sunt,
 Barbarussa vehemēter iratus Appiano, quod cunctātus & perplexius, quam
 ipse cuperet, respondisset, occupatis cunctis insula litoribus, ut milites descen-
 siones facerent, & ad prædam discurrerent, pronunciavit. In Ilua, quæ Æthalia
 etiam dicitur, gemini sunt portus, procurrente inter ambos enormi quodam
 concisi litoris anfractu, ad latioris isthmi similitudinē, cuius dextra pars in ob-
 longā ex porrecta frontem promontorium efficit, iuxta Magnetis rupes, quod

caput Liberum incolæ vocant. Huic introrsus subiaceret portus, quantumvis magnæ classis capax, sed Vulturini & Euronoti flatibus expositus. Is propter sinus hiantis longitudinem, Longonis nomen obtinet. Alter vero in diversa insule parte, qui olim Argous fuit, & hodie Ferrarius vocatur, vergit ad septentriones, & adversam Etruriæ continentem spectat, contra Baractum antiquæ Populoniæ portum: Longone quidem tutior, atque nobilior, vel ob id, quod ad unco molliori, pelagi sinu profundissima atque optima vel octoginta triremibus statio arctis adeo faucibus includitur, ut cathena adversus omnem impetum præcingi possit. Binis quoque editis arcibus latè maria spectantibus, & portum aptissimè protegentibus, quas hodie Cosmus Medices opportuno inaccessæ utrinque rupis supercilio imposuit. Harum alteram ab ipsa radioli ædificij figura Stellam, alteram ab excelsa structura Falconem appellavit, ut portus usum Barbaris prædonibus metu imminentium tormentorum eripiat: eo etiam graviore consilio, quod magnis circumductis operibus per amplam coloniam ad tuti celebrisque emporij nomen condatur, maxime salubri in loco, piscosoque litore, ad quam incolis omnibus conspecto hoste tutissimus sit receptus. Primum omnium Barbari oppidum, Caput liberum de proximi promontorii nomine vocatum, ea celeritate aggressi sunt, ut oppidanos ferme omnes interciperent, effusique undique ad prædam incolas frustra intrupes senticosas, & nemorosa loca fugientes, venantium more consecrarentur: conversique inde ad Vulturium excelsum prærupta in caute castellum, missilibus frustra tentarunt, lateque munita loca prædati ad classem redierunt: qua suorum calamitate nunciata Appianus, ne eius insulæ, quæ sibi ferrariæ secturæ, multarumque rerum uberrimum vectigal præbet, supremum excidium lugeret, consilium mutavit, redditoque adolescente pacem redemit, non temerè iudicans se tantæ classis vim non esse laturum, si irati Barbari imperus esset expectandus, quanquam Cosmus integræ cohortis præsidium sibi præmisisset, id cum publicæ causæ faciliè tribuens, tum privatæ item amicitiae, quæ Salviata ipsius matertera in Appiani matrimonio esset. Itaque recepto adolescente Barbarussa ab reliquis insulæ oppidis & maleficijs abstinens, adolescentem, quem Salecus adduxerat, Italica insigni adornatum veste, tanquam fortissimi viri, veterisque sodalis sui filium, paterna caritate complexus est, gratiasque agens Appiano promissi fidem nusquam ei postea iniurius implevit. Hunc adolescentem honoris causa septem triremibus præfecit, sic ut postea mitteretur tanquam postliminio redditus ad patrem Sinam usque, ad Suetiam Rubri maris portum, Memphi urbi propinquissimum, qui antiquitus Arsinos fuit. Ibi enim Sinas propter navalis discipline peritiam, magnumque usum in re militari ædificandæ, adducendæque in Indiam classi adversus Lusitanos à Solymano fuerat præpositus. Verum senex inexpectatam singularemque ex recepto filio lætitiā diu sustinere non potuit, quum præ gaudio supremum animæ deliquium incurrisset. Erat Sinas, ut sæpe alibi diximus, ipsi Hariadeno opinione virtutis ferè par & ætate æqualis: prudentia verò æquitateque iudicii facile superior, vel ipso captivorum testimonio, qui eum Barbarussa, uti sæpe iracundo atque acerbissimo, mitiorem dominum experti fuissent. Interim Cosmus per Græcum speculatorem, quem opimo stipendio in ipsa Barbarussæ nave prætoria diu aluerat, de profectiōe, arcanisque etiam Barbari consilijs certior factus, sicuti Etruriæ principem deceret, frequentibus literis Sen-

nenſes admonebat de adventu Turcarum claſſis, hortabaturque ut quàm maxima poſſent præſidia per oram ipſorum ditionis accuratè diſponerent, ne aliquod repentino Barbarorum impetu detrimentum acciperetur, quòd Barbaruſſam inhiare Etruſcæ oræ portibus, & tutam ſibi ſtationem in Italia parare velle didiciſſet, Gallorum maximè hortatu, impulſuq; etiam Leonis Strozæ, quem rex Franciſcus cum aliquot triremibus Barbaruſſæ comitem dederat, una iturum cum munere legationis ad Solymanum. Propterea ad averſendam communem immanium hoſtium perniciem, quas ipſe haberet paratas peditum atque equitum copias illis offerebat, ſi eas intra fines reciperent, ut
10 eius oræ litoribus, atque hoſti quum expediret, eſſent propinquioreſ. Coſmus namque communicatis cum Stephano Columna conſilijs (hunc enim Etruſcis omnibus copijs præfecerat) in ſpem veniebat Turcas, ſi deſcenſiones facerent, ſubito atque inexpectato impetu facilè repelli ad naves, inſignique illata clade perturbatos, in mare detrudi poſſe: quoniam tormenta triremium nulli uſui futura viderentur, quæ niſi pari cum periculo in permixtos expediri, diſplodique nequirent. Sed Senenſes nuſquam ſibi tempeſtivè conſulentes, uti homines natura ſuſpicaces, verique & antiqui Florentini nominis hoſtes, ea tota conſilia atque præſidia repudiarent, quòd finitimorum valida arma intra fines recipere minus tutum putarent, ſtultaque ratione proprijs vi-
20 ribus Barbaro reſiſti poſſe confiderent. At Barbaruſſa Ilua excedens, Telamonemque delatus, expoſitis illico tormentis oppidum adoritur, iuxtaque arcem qua murus erat debilior, magna pinnarum ſtrage edita ingreſſum ſibi parat, quo periculo territi, qui exiguo præſidio præerant Hieronymus & Ambroſius cum Verdone centurione perforato muro ad adverſam oppidi partem effugere conantes, a Turcarum circumfuſorum corona capiuntur, oppidumque ita diripitur, ut Barbaruſſa in domum Bartholomæi Telamonijs igne deſæviret, ſepulchrumque eius paulo antè deſuncti violatis oſſibus diſſiceret, quòd is ſuperioribus annis Pontificiarum præfectus triremium prædabundus ad Leſbum inſulam uſque proſectus, Mitylenæum agrum, pater-
30 naſque Barbaruſſæ poſſeſſiones evaſtaſſet. Eadem vi celeritateque Barbari introrſus alitore octo millibus paſſuum diſtans, Monteanum oppidum noctu pervenire, Monteanenſesque ad unum ferè omnes miſerabili captura oppreſſere, ſic ut pauci tantum aratores & agricolæ, qui in opus exierant ſervarentur. His nuncijs territi Senenſes, quū Barbaruſſam ad Portus Herculis, oppidū imperitè invalideq; munitum, contendere ſerò providerēt, Ioannem Lunam urbis præfectum cum manu Hiſpanorum, & tumultuarijs civium cohortibus, ad mare deſcendere iuſſerunt, & quòd hæc præſidia infirmiora, quàm periculum flagitaret fore perſpicerent, ad Coſmum tandem confugere coacti ſunt, atq; ita Ambroſius Nucius legatus, mutatis ad celeritatē equis, ad Coſmū con-
40 tendit, poſtulavitq; ut rem Senenſem in ſummū adductam periculū & prope oppreſſā, celeri ope præbita ſublevaret. Coſmus etſi eos indignos putaret auxilijs, qui nuper ſecus ac oportuiſſet, tanquā ſuſpecta repudiaſſent: tamē ne reip. que religionē & Cæſaris commodū ſimul reſpiceret, deeſſet, ad dignitatē Etruſci nominis, obliſcendū ſubagreſtis contumeliæ, & opem maturè ferendam cenſuit, ſic ut ſtatim Stephanus Columna cohortes deduceret, et feſtinādī cauſa Cepinius Vitellius cum duabus turmis equitum, & expeditis ſclopettariorum cohortibus præmitteretur. Sed interim Barbari ſingulari uſi diligētia atq;

incredibili artificio eductis in præaltam rupem tormentis suppositam arcem,
 ipsumque oppidum tanta vi diverberarunt, ut Carolus Minutius Senensis, et
 Coranza Hispanus inusitato summæ cladis periculo territi, cum præsidio in
 servitutem se dederent: oppidum incenderetur à Barbaris, & Chisianæ magni-
 ficentissimæ domus delitiæ vastarentur. Chisius enim Senensium vir elegan-
 tissimus, qui summæ opulentæ erat publicanus, hoc oppidum operosis ædi-
 ficijs exornarat. Fumante autem oppido Luna serus advenit, & quum amisso
 deflagrantiq; oppido opem ferre non posset, in oppidum Orbatellum, quod
 in palude media situm est, se intulit. Is locus admonet, antiquis parum celebra-
 tus, ut regionis faciem brevi descriptione legentibus ostendam. In medio fere
 totius Etrusci litoris spatio à Tiberi ad Macram nullum omnino maius atque
 porrectius promontorium visitur ipso Herculeo, quod hodie Argentarium
 vocant. Id præcis undique cautiū lateribus ita exurgit, ut tanquam naturæ
 circino circumductus sese reflectat introrsus in geminos sinus, qui cervici ex-
 tentæ, qua continenti iungitur, aptissimè cohærent, & humani capitis affixi
 trunco, corporis figuram exprimunt, non secus ac Peloponnesus Corinthiaco
 isthmo Achaïæ connexus cernitur. In his cavis sinibus utrinque ad continen-
 tis humeros patefcunt gemini portus: ad ortum quidem Solis, qui Herculis vo-
 catur: ad occasum vero Stephanus, ab antiqua æde sancti Stephani sic voca-
 tus. In summo autem promontorio, planicies lætissimi prospectus, purgatissi-
 miq; aeris fontibus scatens, olea & palmis, lauro & myrto convestita, in
 spatium centum ferme stadiorum expanditur, condendæ prorsus magnæ &
 perbeatæ urbis sedem ostendens, si regibus nostri seculi inesset laudis amor
 & extendendæ famæ studium, uti olim id in Græcis atque Romanis, Gallisq;
 Transalpinis viguisse perspicimus. Quando duo tutissimi portus, ad omnes
 mercaturæ invectiones fructuumque exportationes commodissimi, & ager
 intus frumentarius, & uberrimæ alendo pecori pastiones, sylvæque cæduæ,
 & vitiferi colles urbi nondum conceptæ, neque unquam fortasse nascituræ,
 rerum omnium copiam, & non dubiam toto anni tempore fertilitatem re-
 promittant, & supra hæc benigno naturæ munere argentarijs fodinis ditescere
 re possit, quum etiam in tergo piscosissimo lacu inter utrumque portum dite-
 tur. In hoc lacu, qui à quibusdam olim Prilius fuisse putatur, situm est media
 in insula oppidum Orbatellum angusto ponte continenti iunctum, contra om-
 nem prædonum & hostium vim munitissimum. In id, uti diximus, Luna
 cum præsidio se contulerat, Barbarussaque invasurus credebatur, quum ab
 expugnatione oppidi Portus Herculis nihil eius peritiæ & violentiæ imper-
 vium fore constaret. Iam enim cæsa materia parabat rates, quibus maiora tor-
 menta oppido admoventur. Qua re animadversa tantus Lunæ præsidioque
 incessit timor, ut uno consensu, desperata defensione, inde perfugere cogita-
 rent, & nemo vel Senensium civium, quibus imperare poterat ex senatus
 authoritate Fantocius Senensis, consistere auderet. Sed hunc terribilem me-
 tum opportunè sustulerunt adventantes Cosmianæ copiæ, præeunte Vitellio,
 qui intravit oppidum, moxque uti erat vir impiger, in hostes in litus expo-
 sitos cum ipso Luna erupit, sicut productis equitibus & sclopettarijs hostes,
 præsertimque Strozzeanos, qui audacius in litus exierant, in mare propel-
 leret, & qui scaphatim accedebant Turcas descensione prohiberet. Quam-
 obrem Barbarussa, quod sibi ab armato equitatu, quem turmatim augeri con-
 spiciebat

spiciebat, militaribusq; cohortibus quæ sub signis in conspectum se dabant,
 non temere cauendum existimaret, & capta iam pascim multa præda satis in
 Etruria profecisset, ad Igilium se conuertit. Hæc insula suauissimo uino cele-
 bris duodecim miliaribus à portu distat. Itaque extemplo facta descensione,
 ac expugnato tormentis oppido, magnum numerum omnis sexus & ætatis
 mortalium in seruitutem abduxit. Hoc subito, ac propè inexpectato Barba-
 rorum discessu Orbatellani non præsentis tantum timore, sed grauioris etiam
 futuri incommodi suspitione liberati sunt: quod Barbarus suo pte ingenio
 peracutus, edoctusque impiè à nostris hominibus, uti quibusdam rerum peri-
 1.° tis facile ausurus credebatur, ibi sedem minime figendam iudicasset. Cur au-
 tem rei aggrediendæ perficiendæq; occasionem omiserit, has fuisse causas re-
 periebamus, quoniam Byzantium eadem æstate omnino redeundum esse sta-
 tuisset: ideoque iusto maiorem moram nusquam trahendam, ne in dubias in-
 certi autumnii tempestates incideret, quibus superioribus annis, uel nondum
 adulto autumno bis naufragium, semel ad Acroceraunios Chimere scopulos,
 iterum in Propontide ad Cherronesum, quæ Marmora uocant, multis amissis
 triremibus fecisse meminerat. Neque tum sibi satis paratos Gallos, ut oppidum
 Portus Herculis instaurare, munireque, & firmo demum præsidio teneri pos-
 se prouideret: quanquam occultiore quodam grauioreque consilio, una tem-
 2.° poris exiguitate se excludi & deterreri fateretur. Vir enim immensæ pruden-
 tiæ, ac imperii gloriæq; auidus, cogitarat (sicuti didicimus) ab ipso Stephanio
 portu fossam ad altitudinem commeantium triremium, perpetuo seruorum la-
 bore perducere ad proximam Orbatelli paludem, quàm inde non plus quàm
 ad sagitræ iactum abesse iam pridem nouerat, scilicet, ut ibi capacissimum &
 aptissimum tantæ classis portum efficeret, ad infestanda maria, inuadendum-
 que totius Italiæ imperium, ad quod non obscure Solymanum aspirare didicis-
 set. Quandoquidem nullis se inde uiribus, uti gnarus nostræ infirmitatis atque
 discordiæ depelli posse confideret. Quum præterueheretur Linariū promon-
 torium olim Pyrgæum, quod supra Cætumcellas eminet, eam urbem inuade-
 3.° re, atq; incendere uelle comminatus est, ex eadem causa qua Telamonem dele-
 uisset. Sed deprecante Leone Strozza ne tanta inde Francisco regi inuidia cō-
 flaretur, uix impotenti iracundiæ obsistens, ab iniuria temperauit: indeq; dire-
 cto cursu in Aenariam delatus odij sui ad Niceam in Alfonso Daualum con-
 cepti, omnem acerbiter effudit, quum nocturna descensione facta, undiq;
 insulam complexus, omnes propè incolas, nequicquam in altissima Abocæti
 montis culmina euadentes interceptisset: tresq; præcipuos eius insulæ pagos,
 Forinum, Pansam & Varranium euastasset. Ipsum uero oppidum Pithacu-
 sas, Dauali sedem, abrupto in colle disiunctoq; à mari positum, quum tormen-
 tis egregiè esset permunitum, aggredi non potuit. Exinde abradens Prochitā
 illato minore detrimento, quod incolæ demigrantes magna ex parte Pythecu-
 4.° sas confugissent, in Puteolanum sese intulit sinum, eo ordine ut classis à Misen-
 o ad Auernum toto Baiano littore extenderetur, tutaque esset à tormentis e-
 ius excelsæ arcis, quæ est ad Baulos antiquis Hortensij oratoris delitijs nobiles.
 Tum uero Salecum cum parte classis in aduersum littus transire, & tormentis
 à mari Puteolana moenia ferire iussit, ut si quid de expugnatione effici posset,
 explorata urbis munitione tentaret. Magnus incefferat Puteolanis timor,
 quod nullo militari præsidio confirmarentur, consciique essent ipsorum ino-

piæ, nec eis in triduum molita frumenta sufficerent. Accidit etiam importu-
 nè ad terrorem augēdum, quod Hispanus Saiauedra uir militaris, dum in mu-
 ri corona discurreret, tormento fuisset abreptus: sic ut Puteolani ingenti pe-
 riculo essent circumuenti. Sed prorex ipse Neapoli Petrus Toletanus cogni-
 to Turcarum aduentu, nullam sibi moram attulit, quin Neapolitanos circuen-
 do singulas tribus ad capienda arma splendidissimis adhortationibus excita-
 ret: statimque nihil recusantes, & pro patriæ dignitate salutēque armatos ad
 opem ferendam Puteolos adduceret. Fuere cum eo amplius mille galeati-
 equites, & secundum eos tumultuaria strenuorum peditum manus, quorum
 multitudinem descendantem è collibus conspicatus Barbarussa, descensiones
 militum suorum inhibuit: segniūque iam Puteolanos oppugnātem Salecum
 reuocauit: ne si ut acrius murum feriret tormenta maiora in littus exponere, &
 militum uim ad mouere cogeretur: inermes turbæ naualis cohortes, tot arma-
 tis equitibus proculcandas obijceret: quod erat prorsus alienum à consilio:
 utpote qui improuisis tantum, & tutis sibi expeditionibus obuia tentare, nec
 exposito milite usquam cum armato hoste congredi statuisset. Atque ita Bar-
 barus uno tantum Hispano equite cataphracto, iuxta proregis hortos interce-
 pto, quod ille audacius procurrisset, oram soluit, sub Capreis cursum diri-
 gens, quū in tergo Ioannes Auria cum rostratis uigintiquatuor è Pauonis por-
 tu, Euripōque Nisita insulæ profiliens, nouissimī agminis hostium nauigia,
 tormentis procul impeteret. Superato autem Athenæo promontorio, quod
 nautæ Campanellam uocant, ea mente in læuam deflexit, ut urbem Salernum
 inuaderet. Verū oborta tempestas, eam ab amœnissimo littore perniciem
 auertit: eo euentu ut disiecta classis inualescētis Cori flatibus ultra Palinurum
 raperetur: Brutiisque littoribus, & Carreato præsertim oppido, luciuosa in-
 ferret detrimenta. E Brutijs clemum multa onustus præda profectus Liparas
 quadraginta maiora tormenta exposuit: eiūque insulæ urbem usque adeo
 pertinaci atque terribili oppugnatione concussit, ut Nicolai primarij ciuis me-
 ticulosi hominis opera deditionem exprimeret: ipsoque uno tantum Nicolao
 conseruato: cæteros omnes Liparitas comprehensos in seruitutem abduceret,
 qui septem millium humanorum capitum summam impleuere. Hæc clades
 euerso oppido longè omnium miserrima uideri potuit, quum nefarius ciuis
 uitam & libertatem suam publicæ salutī turpissimè prætulisset. Tantam au-
 tem omnis generis mortalium prædam, qui in classe erant, fuisse retulerunt, ut
 in toto cursu ad Byzantium directæ nauigationis, plura captiuorum enecta fa-
 me, siti, mœroreque corpora, uti erant in infimis carinis inter naturæ sordes
 angustissimè constipata, omnibus propè horis in mare projicerentur: exe-
 crantibus cunctis immites Galliæ regis & Cæsaris animos, ideo studentes ue-
 teribus odijs, ut subditæ ipsorum imperio gentes nihil tale merita plecteren-
 tur: quandoquidem ex sua effræni obstinataque libidine, à communi abhor-
 rentes concordia tantis calamitatibus graui cum infamia causam præbere di-
 cerentur. Hunc annum tot diuersis clarum bellis subsequutus est quadagesi-
 mus quartus supra quingentesimum atq; millesimum à partu Virginis, post
 grauissimum bellum inexpectata pace ualde insignis: quanquā ea uti maximè
 exoptata, non ita firmis exæquatisq; legibus constituta esset, ut diu statura cre-
 deretur: utpote quam necessitate potius, quā sincera regum uoluntate expres-
 sam hi mortales iudicarent, qui rerum periti, gnariq; consiliorum & sensuum
 Cæsaris

Cæsaris atque Francisci regis nunquam fore stabilem arbitrarentur, nisi utriq;
 eorum aliquid seuera transactione demeretur, quod ab ambob. non planè con-
 ciliatis sponte præstari nō posse intelligerent. Cæsar siquidem & Henricus Bri-
 tanniæ rex, antiquis atque recentibus incitati odijs, aduersus Franciscum ita cō-
 spirarant, ut consociatis uiribus uno tempore diuersas Galliæ regiones irruptu-
 ri, exuturiq; procul dubio eum magnæ partis Galliæ regno putarentur: nam
 imperitè prorsus & segniter superiore anno ad Lãdresium bellatum fuisse me-
 minerant, existimabátque Cæsar Franciscum è manibus sibi elapsum, quum
 ille contempto ingenti conferendæ pugnae periculo, post solutam Landresij
 1. obsidionem, tumultuoso quodam receptus genere, congressum dimicaturi at-
 que insequentis hostis non temere deuitans, & obscuræ noctis tenebris utens,
 in pacatam Galliæ regionem abscessisset. Tum uerò apparebat Gallos nequa-
 quam tantas habituros copias, ut in diuersam regionem utrique disiunctim ir-
 rumpenti iusto cum exercitu obsistere possent: quum hinc Cæsar totius Ger-
 maniaæ atque Hispaniaæ robora cum bona spe uictoriae in aciem esset productu-
 rus: inde uerò Britanni olim maximæ partis Galliæ imperio potiti, qui omni-
 bus ferè prælijs superiores ingentes Gallorum aliquot exercitus eorum etiam
 rege capto, prostrauissent, vulgò Gallis essent formidabiles: quippe qui ipsam
 Parisiorum Lutetiam, ubi arcem, gloriosum uictoriae suæ monumentum, reli-
 2. quissent, repetituri dicerentur. Eo autem Henricus cæteris regibus, qui unquā
 bellū Galliæ intulissent, grauior atq; ualidior Gallos inuasurus uideri poterat,
 quoniam sublato Scotiae rege, qui Galliæ regibus antiquo iure foederatus esse
 consueffet, nulla omnino spes esset inferendi belli Britannicis finibus, quo mi-
 nus audacter Angli in Galliam trañcerent, domestico metu atque periculo re-
 tineri possent: quandoquidem Scotici regni hæreditas ad uagientem in cunis
 puellam peruenisset, nec ullus ei certus adhuc adesset primarius tutor, cuius
 auctoritas esset tanta, ut ad sumenda arma, inferendumque ultro Angliæ bel-
 lum ualitura putaretur: uiolatis præsertim inducijs, quas non temere Scoti
 in uniuersum recenti atque funesto Iacobi regis exemplo admoniti, religiosè
 3. obseruandas ducebant. Terrebat autem Gallos non mediocriter Anglus,
 auri potens, bellicosus & acer, præter opinionem multorum Cæsari conci-
 liatus, foederèque coniunctus. Quam in re Paulus Pontifex Cæsarem, ali-
 quanto iniquius quàm Christiana pietas flagitaret, & Pontificia maiestas re-
 quirere uideretur, Anglo adhæsisse in contumeliā suam assidue prædicabat:
 quòd ille hæreseos notatus, uti sacrorum expilator & euersor, & super hæc in
 infantes probitatēque cōspicuos crudeli sæuitia infamis, ob idque in gratiam
 ipsius Cæsaris à Clemente damnatus, ab authoritate Romani Pontificis di-
 scessisset. Ita ut Cæsar cum promissi sui tum religionis obliuisci, quā con-
 cepto in Gallum odio non satisfacere maluisse uideretur: prædicaretq; se æquis
 4. simo iure contra Gallum arma coëpisse: quòd ille accitis Turcarum classibus
 Europe littora peruastrāda obijceret: qua noxa omne scelus implere & supera-
 re à pijs hominibus credi posset. Cæsar è tota ferè Germania legiones quatuor
 lectissimarum cohortium conscripserat. In his plurimum eminebant duces,
 qui paulo antè hostes fuerant, Martinus Rossemius Flandrico bello clarus, &
 Guilelmus ipse Furstēbergus, qui multos annos Gallica stipendia meruerat,
 indeq; maximè diues factus, sed propter auaritiā, malignitatēque impij &
 ualde rapacis ingenij, crescente undique in eum odio, Galliæ finibus exactus,

Cæsari sese applicarat, & secundum hunc Conradus Hexius Italicis bellis illustis: Mauritius quoque Saxo nobilissimæ stirpis, cuius Pestano bello spectatam uirtutem fuisse meminimus, armatorum equitum ingentem alam adduxerat, alteramque ei parem uirtute, & numero Albertus Brandenburgus. Reliqui equites erant partim Belgæ, partim Menapij, & Burgundiones, qui uarijs præfectis parentes, unum præ ceteris Maximilianum Burrum, singularis animi regulum, obseruabant. Veteres autem equites, Italicis & Gallicis exercitati bellis, sub præfectura erant Francisci Atestini Ferrariensis, qui superiore anno ad Guisam captus, non multo post à Francisco rege in gratiam Hippolyti fratris Ferrariensis Cardinalis humaniter fuerat dimissus. Reliquæ copiæ Hispanicis cohortibus constabant, quæ septem millium peditum numerum implere dicebantur. In his duo primores duces, reliquos omnes autoritate nominis anteibant, Aluarus ipse Sandeus, disciplinæ militaris corrector acerrimus, tam bello militiæque probatus, quam Hispano militi propter suam in exigenda poena acerbicatem odiosus: secundum eum manebat egregiæ uirtutis fama penes Aloisium Peretium, & Alfonso Viuesium. Eo bello Cæsar Italico pedestri subsidio incommode caruit, quod superiore anno Italici, quia stipendijs egrè sibi persolutis, nequaquam honestè atque amanter habiti fuissent, ueluti indignantes ipsorum Romani ducis inclementiam, & subagrestes erga se contumelias, ad Gallica, Britanicaque stipendia, tanquam uberiora certioraque, se contulerant. Nam tum apud regem gratia maxime ualebant, qui Italicis obnixè studerent, Petrus Strozza Florentinus, qui ualidam Etruscorum & ciuium suorum manum circum se habebat, & Petrus Maria Roscius sancti Secundi comes, apud quem ex omni Italiæ factiosa regione Gallici nominis studiosi milites facile coibant. Penes hos fortissimo cuique notoque militi ad liberale stipendium erat locus: utpote qui non in lucro interuersis militum stipendijs, sed in laude & gloria uerum militiæ fructum reponerent. Cæsar quoque ad suas lectissimi generis copias maiorem quam unquam antea tormentorum apparatus adiunxerat. Ante omnia autem quæ sui iuris antea fuissent manu repetenda iudicans, ad Lucemburgum, uti ferunt urbem olim Leucorum, recta duxit. Eam Galli paulo antè Aureliani uirtute in potestatem redactam, magnis operibus additis, peregre munierant: & quum aliquanto post à Cæsarianis oppugnaretur, ita per Sergianum Caracciolum Melphitanum regulum, quem rex concliliato torque nobilitatis atque uirtutis causa donauerat, omnium rerum copijs, ui facta, foeliciter illatis opportunè seruauerant, ut in ea supra septuaginta mediocris maiorisque generis ænea tormenta relinquerent. Sed non satis magnum aut ualidum armatorum præsidium, quod moenia tueretur, ibi restitit, neque tantum penuarij commeatus in urbe reconditum ab initio fuerat, ut obsidio diu sustineri posset. Atque ita usu euenit, ut Cæsar celeritate usus, omnem hostium diligentiam præueniret, & inopia potius rerum premendos, quam tormentis adactis uera ui subigendos esse statueret. Præerat præsidio uir nequaquam animo fortis, ideoque aliquanto uitæ salutisque cupidior, quam egregiæ laudis. Is itaque per sesquimensem, quo spatium annona ei egregiè suffecit, incorruptus est, sed mox adeo ignobilem fecit deditionem, ut territus amplitudine castrorum hostilium, & desperatis auxilijs, tormenta Cæsari, atque arma concederet. Lucemburgo per Gonzagam in potestatem redacto, Cæsar qui

far qui in Mediomatricibus substiterat, Arduennæ sylvæ finibus egressus, & Mosa flumine superato, ad oppidum Comersium recta duxit, prolatoque toto tormentorum apparatu & constitutis uineis, grauem Gallorum oculis uti mox oppugnaturi speciem præbuit: quo terrore adducti qui erant in præsidio quatrivul spatio deditioem fecerunt. His duobus oppidis foedè amissis, magnus illico Gallis omnib. incessit timor, ob id præsertim quod Cæsar ipsorum opinione celerius coactis copijs, & confectis itineribus in Galliam perripisset. Putabant enim Cæsarianos omnem adipiscendi commeatus spè & facultatem in eius præsentis & nondum maturæ aut defectæ segetis esse posituros.

10 Sed Cæsar omni superioris anni frumento diligentissime conquisito, nō nouo, sed uetere commeatu, ideo sibi utendum censuerat, ut imparatos hostes, nec adhuc collectis aut reconditis frugibus perturbatos adoriretur. Quo admissio consilio apparebat etiam regem aliquanto tardius, quàm usus imminenti belli posceret, Heluetiarum legionum auxilia accersenda curauisse, quandoquidem penè improuisus Cæsar Lucemburgum occupasset, & Galliæ fines terribili expeditoque exercitu prius intrasset, quàm Heluetij, in quorum auxilio præsentique manu regni constaret salus, nondum erectis uexillis, ad professionem parati dicerentur: admirantibus plerisque tanta in re uel ipsius regis incuriam, uel quæstorum segnitiam, qui cunctantius pecuniam in eius gentis

20 stipendia depromendam existimassent: quæ una res non mediocri incommodum & dedecus Gallico nomini postea parasse uisa est. Gonzaga Comersio potitus, inde properè discedens, ad Ligniniū castra posuit. Id oppidum satis frequens, uetereque arce munitum rex omnino defendendum esse censuerat, quod Briennium & Rosinium, è Lucemburga familia regulos, quorum ditionis erat oppidum, nouis auxilijs confirmasset: eò scilicet intromissis duabus Etruscis cohortibus, & totidem Gallicis, duce Sceneio Tintuilla iuvene impigro. Gonzaga nihil spatij hostibus dandum ratus, Ioanne Iacobo Medice, qui tormentario negotio præerat, appositè atque celeriter administrante, à quatuor partibus tormenta mœnibus admouit. Is autem erat

30 oppidi situs, ut duobus aduersis utrinque collibus subiectum, tanquam media in ualle facillimè cum grauissimo etiam interiorum ædificiorum detrimento uerberaretur, & à planioribus item locis directus murus tanto impetu quateretur, ut ingenti ruina edita, peramplus aditus non pediti modo, sed equitum ad irrumpendum paratus esset, nequicquam laborantibus Gallis, qui nouos aggeres introrsus erigere contendebant: Nam tanta erat uis incidentium undique pilarum, ut nemo in munitione consistere auderet, quum magna ipsorum pars, tormentis discerpta periisset, aut debilitata vulneribus tueri locum nequiret. Quibus rerum difficultatibus Galli duces facile perterriti, uti ex mutuo susfurro deprehendi potuit, de deditioe cogitare cœperunt; ob

40 idque festinantijs, quod Hispanos iam ad irrumpendum paratos in acie conspiceret, quorum uim & multitudinem multis de causis se nequaquam laturos esse fatebantur: quanquam aliqui non deessent animo firmiore, qui indecorum cunctis, ipsique præsertim regi maximè detrimentosum fore testarentur, cum hoste pacisci priusquam eius uirtutis atque audaciæ periculum facerent. Cuius sententiæ princeps erat Petrus Paulus Tosingus, nobilis exul Florentinus, quanquam ei contradiceretur à Vincentio Taddeo collega, qui quanquam egregiè strenuus, in sententiam regulorum, nihil ex uano hostis

uim formidantium inclinabat. Illi namque malefana periculosaque in resis-
 tendo constantia publicam omnium salutem, suique patrimonij oppidum in sum-
 mæ calamitatis discrimen adducere nolebant. Itaque Rosinius per auersam
 portulam ad colloquium Gonzagam sub fide uocauit, demisseque se uictos
 confessus, & accuratis precibus molliores conditiones à uictore impetrare cō-
 tendens, se uero & duriore quàm putarat in ea re Gonzaga reperto, eo mo-
 do deditiōem fecit, ut cuncta præter omnium uitam, uictoris arbitrio conce-
 deret. Nec mora Gonzaga cum familiarium militum caterua in oppidi pos-
 sessionem manu ductus Briennium ipsum atque Rosinium, ipsūque Sce-
 neium iure belli captiuos fecit, & ad exprimendam grauiorem redemptio-
 nem, in castella Cæsarianæ ditionis separatim custodiendos misit. Ea in expe-
 ctata foedaque prorsus trium insignium oppidorum deditiōe Franciscus ma-
 gnopere perturbatus, intentiore cura, quæ ad sustinendum bellum oppor-
 tuna uidebantur, parare cœpit: ita ut nobiles quosque è singulis propè regni
 oppidis equites euocaret, & per eos extraordinaria usus opera, remotius con-
 uehi frumenta, & quæ nondum in agris defecta essent comburi, & proprios
 hostium commeatus obsessis itineribus intercipi iuberet. Quibus curandis
 muneribus intentum, & incautè sese offerentem Surionium è Borbonia fami-
 lia domui regiæ propinquum Cæsariani equites interceperunt. Refecliciter
 ad Ligninium per Gonzagam gesta, Cæsar singulari affectus læticia, quod
 nusquam Galli in aciem prodirent, & negligentissimè singula oppida, per
 quæ transire hostes oporteret, permunisse uidebantur, castra promoueri
 iussit ad proximum oppidum satis munitum atque opulentum, à templo san-
 cti Desiderij à Gallis Sandesirium appellatum. Id in satis magna, purgataque
 planicie situm, à Septentrionibus mediocri interiecto spatio Matrona anne-
 permunitur, reliquis partibus circumdatur densissimis syluis: murum autem
 habet nouis operibus auctum. Ibi namque Hieronymus Marinus, Bononien-
 sis architectus, opportuno in loco mœnium propugnacula fenestris lateri-
 bus accuratè perfecerat, nouasque quotidie munitiones instituebat. Præerat
 præsidio uir Gallus, singulari uigilantiâ fortitudinèque animi, nomine Lan-
 da, quem superiore anno cum insigni gloria apud Landresium binas uno tem-
 pore Cæsarianorum & Britānorum oppugnationes pertulisse memorauimus:
 Ea autem uis oppugnantium fuit, ut à meridie subiecta tormenta à spatio tre-
 centorum passuum incredibilem procidentium mœnium ruīnam ederent, &
 duo turrata propugnacula ab utroque mœnium angulo assidue colubrinis te-
 rebrata quassataque prosternerent: sicut prius quàm à Gallis interior agger
 tuto erigi posset, illac Hispani non omnino incommode in oppidum peruen-
 pere se posse dictitarent. Sed ea militum alacritas ducibus inanis & periculi
 plena uidebatur, quoniam tametsi oppidi in plano siti murus tormentis abra-
 sus erat, & solo penè æquatus, frequētiōr tamen ædificiorum pars in mollem
 tumulum, qui in medio oppidi paululum assurgebat, ita erat subducta, ut in-
 uasuris denūm ferè pedum scalis opus esse perspicerent, prius quàm ad para-
 tos in statione Gallos conserendis manibus perueniri posset. Hoc impedi-
 mento deterriti Cæsariani duces, in labro fossæ quadratum & solidum ag-
 gerem, turris instar, è cespite glebaque erigere cœperunt, in cuius superio-
 re platea aliquot maioris generis tormenta educenda constituendaque cense-
 bant: ut his superante altitudine hostes depresso in loco consistentes uer-
 berarent.

berarent. Id uero opus quum ab hostibus inchoari Galli duces animaduertissent, præmonente demonstrantēque Marino, parem ex aduerso munitiōnem ædificare cœperunt, tanto animo, tantāque industria frequentissimis tormentis propugnantes, ut multa quotidie hostibus detrimenta inferrent, nec ullam perterriti animi, aut demissæ spei significationem darent. Accidit autem Idibus Iulijs, ut Renatus Aurantius regulus, qui Belgicum adduxerat peditatum, iuuenis omnibus naturæ atque Fortung muneribus ornatissimus, ideoque Cæsari longè carissimus, tormenti mortifero ictu vulneraretur. Is enim quum fortè ad Gonzagam, ad opus faciendum milites cohortantem, 10 assidentēque in fossa munitiōnis superuenisset, ei que honoris causa ille assurgens sellam suam concessisset, paulo post in eum locum directo ab hostibus tormento ita globus ferreus aggeri incidit, ut diffracti resiliētiſque lapidis frustulo lethaliter in humero vulneraretur. Eum iacentem humaniter inuisit Cæsar, expirantēque complexus, nequaquam fictæ beneuolentiæ in ea casus acerbitate lachrymas effudit. Nec multo post Hispani milites non satis animaduerso periculo, ab incondita quadam alacritate à ducibus postulant, ut adoriendi oppidi signum dare minimè dubitarent. Ipsos enim accepta uictoriæ tessera in oppidum fortiter atque fœliciter irrupturos. Lauda- 20 uit eorum alacritatem magnitudinēque animi Gonzaga, atque ita eos periculi admonuit, ut prius locum propius explorare præmissa perniciū sclopettariōrum manu, quam murum aggredi iuberet. Sed res ita cecidit, ut quum audacissimus quidam Hispanorum nomine Chiroſa, Aloisij Brauij cohortis signifer, id munus explorandi loci deposceret, & sublato uexillo ad murum oppidi ire contenderet, reliqui ad unum signiferi omnes æmulatione laudis eum auide atque certatim subsequerentur, atque uniuerſi demum milites, eadem spe potiundi oppidi uehementer incitati, quin fossam superarent, & per ruinas erepere conarentur, nullo uetantium & deterrentium præfectorum imperio retineri possent: tametsi nullum adhuc committendæ pug- 30 næ signum à ducibus esset propositum. Qua effreni atque immoderata militum cupiditate permotus ipse castrorum magister Aluarus Sandeus, uti erat singulari animi fortitudine præditus, ne in omnem temeritatis atque Fortunæ euentum certus dux suis deesset, inuocato magna uoce uictoriæ nomine, quin procurrentibus se immisceret minimè dubitauit: hunc statim subsequente collega Aloisio Peretio, qui uirtute animi nequaquam ei inferior putabatur. Verum ubi ex eo tumultuario procurſu ad hostes appropinquatum est, inanis ea alacritas & plurimum funesta extitit, nam Landa peritissimè tormenta collibrari, & sclopettarios continuo displodere iubens, tantā in subeuntes & confertos tormentorum omnis generis procellam effudit, ut totius fossæ spatium interfectorum cadaueribus compleretur. Nam quod antea à Cæ- 40 sarianis animaduerti nequierat, hostium tormentarij magistri binas in aduersis duorum aggerum lateribus fenestellas in eius dici usum astutè constitutas, & tenui gleba contactas, repente aperuerant, è quibus directis in latera colubrinis miserabilis fortium uirorum strages edita est. Ad hæc etiam Galli fictilibus, & tubis ligneis, nota atque usitata ratione, bituminosi & sulphurei ignis flammās iacentes, quæ thoracibus & galeis adhærerēt, multum profecerant: tanta quidem propugnantium simul atque inuadentium constantia, audaciāque, ut Germani hærentes Hispanos, & planè magno cum incom-

modo repulso conspicati, insilire in fossam eisque succedere minimè recusarent. Verùm nequaquam tanta fuit apud Germanos perseuerentia, ut egregio conatu, iam reiectis Hispanis ferre niterentur: Nam ubi appropinquatum est, paria propè ac Hispani pilarum, uolitantiumque ignium vulnera susceperunt: eo exitu ut aliquanto celerius quàm pugna appetissent pedem referrent. Ea diè ex Hispanis ad quingentos, partim in fossa occisos, partim grauius affectos vulneribus, desideratos ferunt. In his perire signiferi tres, saluis tamen uexillis, Saccaratus, qui pridie inauspicato ad Mendociæ cohortis præfecturam uirtutis nomine fuerat traductus, & Romerius Solerius, atque Spínola. Ex præfectis autem Alфонsus Caruaial nobilissimo ortus genere, & Monsalius Valentinus atrocibus flammis circumuentus. Cæterum ipse Aluarus Sandeus manus atque ora deformiter ustulatus, & Aloisius Peretius femore glande trajecto, uix sese è tanta clade eripuerunt. Germanorum autem qui ceciderunt inclyti nominis, fuere Eytelfrictius Hohenzollernus & Ludouicus Curtauilla. Chirosa ipse, qui exitiosæ temeritatis author fuerat, quum omnium uoce damnaretur, poenam ueritus, neque ignarus seueritatis Cæsaris, ad Barium oppidum Gallicæ ditionis perfugit. Biduo post rescitum est Landam pari prope sorte, qua Auratius è uita sublatum est, tormento ereptum fuisse, cui cum imperio successit Sanferrius regulus iuuenis impiger, sed fortitudine animi, usuque militiæ nequaquam Landæ par, eo Sanferrio patre genitus, quem apud Mediolanum Heluetio prælio cecidisse memorauimus. Eo tam audaci atque improspere suorum conatu permotus Cæsar, usque adeo appetenter Italicam legionem desiderasse dicitur, ut se parum prouidi consilij sui poenitere fateretur, quod Italicos parcendo pecuniæ ab initio, secus ac alias fecisset, & nuper ad Duram fuisset expertus, non conduxisset. Expeditas siquidem atque promptissimas aggrediendis muris Italicorum cohortes Hispanicis admixtas proculdubio in oppidum peruasuras arbitrabatur, quod Germani armis atque corporibus graues, neque suo opte ingenio multa agilitate pollentes, quandam incessus tarditatem è disciplina campestribus prælijs requisitâ præferrent, quæ aliena prorsus à subitarijs extraordinariisque inuasionibus censebatur, quibus id oppidum proculdubio capi posse uideretur. His de rebus existimabat Cæsar huiusmodi certamina minimè instauranda repetendaue, quum in his asperrimis conatibus florem militum absumi, augeri que inde hostibus animos, tanquam ex æquissimo semper loco pugnaturis, manifestè prospiceret. Itaque ut cuniculis res ageretur ducibus præcepit, quibus supposito atque incenso tormentario puluere hostium agger superstantibus defensoribus excinderetur. Quo iam inchoato productoque opere, cognitum est hostes ex aduerso pares cuniculos, uti disciplinæ consuetudo postulabat, diligenter instituisse: sic ut ea oppugnatio ad obsidionem deducta uideretur: nec tamè Cæsarianos expugnandi oppidi totam spem abiicisse appareret: nam magno molimine machinam instituebant, instar antiquæ testudinis, quam subiectis rotis ergatarum beneficio ad murum producere cogitabant. Eius latera permunita erant crassis asseribus, ac exterius lanarum saccis conuestita, supernè autè pedalibus tignis inter se confortis ualida concameratione protegebatur. Tantæ uero erat amplitudinis, ut integram, & in ordine constitutam fortissimorum militum centuriam contineret, qui densata acie, sublati statim à fronte pluteis, quum satis promota foret

foret machina, per ruinas munitionesq; hostium peruasuri, atque inde deiectis propugnatoribus in oppidum irrupturi credebantur. Sed eius operis labor subtiliter institutus successu caruit. Nam Cæsar consilium mutare coactus est: quum certior esset factus Gallorum equitum & peditum peramplam manum ad Vitriacum oppidum, duodecim inde millibus passuum distans, Brisacco duce peruenisse. Is aliquam non omnino periculosam ferendæ opis occasionem expectans, inde ad obsessos penetrare statuebant. Propterea Cæsar, ut obsessis expectandi auxiliij spem minueret, & quantum nouus hostis in congressu ualeret statim experiretur, eum nocturno prælio adoriri constituit. Ita-
 10 que sub occasum Solis missus est Franciscus Atestinus cum Italico equitatu, cui ducenti Sequanici generis galeati equites adiuncti fuerant. Datus est etiam Franc. comes Castalius dux uetus, & secundum hos Mauritius Saxo, cum duobus millibus Germanorum equitum, cuius uestigiis hærebat Gulielmus Frustembergus cum peditum suorum legione, qua cum septem muralia tormenta trahebatur. Cōtinenti igitur agmine euntes, interfectis ex itinere Gallorū excubijs, ad secundum à Vitriaco lapidem trecentorum equitū alam, que hostiū motum præsenferat, atque equos ascenderat, acri impetu facto profligarunt, multis utique interfectis & captis. Tum uero Brisaccus ex suorum fuga cognito hostium aduentu certius agnoscendi hostis, explorandiq; suorum
 20 casus cum ualida manu prouehitur. Circiter autem duo millia peditum, quæ partim ex Gallicis partim ex Italicis cohortibus constabant, in acie consistere iubet, reliquas equitū alas præterfluentis Matronæ amnis pontē tueri, iussaq; sua operiri præcipit. Eo modo Brisaccus feruido ingenio prouectus, in Atestini equites incidit, & quum conferta statim pugna incumbentium hostium impetum sustinere non posset, ad suos refugere cœpit, ita à tergo instantibus hostibus, ut grauissimè premeretur, & nequaquā contentis habenis tumultuoso incursum peditum suorum ordinem perturbaret. Quo casu puncto tēporis tota Gallorum acies dissipata est, eo euentu ut nisi Sampetrius Corsus sclopettarios suos urgentibus Cæsarianis opposuisset, ipse Brisaccus in uado fluminis operimeretur, & permixti Gallis hostes in oppidum irrumperent. Reliqui Gallorum equites continuo fugæ se mandarunt, & bona pars peditū interfecta est,
 30 Sampetrius tamen, qui ducem seruasse uideri potuit, cum ea, quam diximus, manu infestos hostes glandibus coniectis repellens, seipsum cum cohorte tenebris tectus seruauit. Ex numero Gallorum Italicorumque peditum circiter trecenti in templum se contulerunt, quod erat iuxta oppidum, atque inde sclopettis emissis se defendere cœperunt, frustra eos Atestino atque Castalio hortantibus, ut se dederent, neque tormenta, quæ cum Germanis adducebantur, expectanda ducerent. Id uero milites egregiè fortes minimè credebant, quum hæc terrendi sui causa ab hostibus dici arbitrarentur, atque
 40 eo modo his conditionibus, quæ militare decus offenderent, repudiatis, in eodem proposito sustinendi hostis per aliquot horas perseuerarunt, donec Frustembergus superuenit. Is dum templi situm inspiceret, glande circa ceruicem ictus, ideoque crudeli ira percitus, templo suorum legione circumdato, admotisque muralibus tormentis, id immaniter quaterere cœpit: ita ut perforatis lateribus & perfractis columnis, integra propè testudo concideret, obiterque infœlicis uirtutis atque constantiæ homines, ne fornicum & totius

contignationis ruina opprimerentur, clamore sublato, ad easdem quas repudiarent deditiois condiciones recurrerunt. Sed eo tempore neque Atestini neque Castalij apud inexorabiles Germanos iustæ deprecationes ualebant, utpote qui deditis seruare uitam cuperent: atque ita patefacto templo à Germanis ad unum omnes crudelissimè trucidati sunt, oppidumque direptum. Apparuit uniuersum Brisacci equitatum, magno regis detrimento, quòd ex nobilissimis Gallicæ iuuentutis constaret, deleri potuisse: si Saxones equites iter conficere maturassent. Quo casu Germanicos equites suo graui & contento incessu tranquillius & tardius equos agitare solitos, stataria in pugna, quam in procurfationibus fortuitorum certaminum aptiores & firmiores esse perspectum est. Hæc nocturna uictoria nunciata Cæsari, & obsessis ad illudendum significata, mirum in modum eorum animos contriuit: nam uti erant auxiliorum expectatione suspensi, & ad summam multarum rerum: tormentariique præsertim pulueris inopiam redacti, de Fortuna sua conquerebantur: quandoquidem plerique eorum amissis commilitonibus, acceptisque uulneribus & perpetuis uigilijs semienecti, iamque deficientibus esculentis nequaquam abundè recreati, de deditioe cogitarent, nec pari authoritate, ac antea facere solitus esse Landa, Sanferrius desperantium animos confirmaret. Cæterum Cæsar Vitriacum suis copijs obtinendum ratus, ut hosti eriperetur, ibi in præsidio quinque cohortes Furstembergæ legionis remanere iussit, quæ demessa frumenta colligerent, & ea munia capefferent, quibus hosti maxime nocere possent. Sed Germani triduo consumptis omnibus com meatibus, quum ibi diutius subsistere nollent, concremato oppido iniussu Cæsaris in castra redierunt, ita ut subiratus Cæsar Gulielmo acerbissimè succenseret, & in locum earum cohortium, quæ oppidum deseruissent, Aliprandum Madrucium Tridentini Cardinalis fratrem cum quatuor cohortibus, & quadringentis equitibus suffecit. Per eos dies Calendis Augusti aliquot Galli equites, quum in syluis aliquandiu Cæsarianorum exploratorum oculis obuersati essent, speculantes occasionem ferendi obsessis auxiliij, ingenti ausu globo facto triginta equites ad Sandesirium percurrerunt, singulos tormentarij pulueris sacculos à tergo deferentes. Sed is eorum exitus fuit, quanquam citatissimis equis uterentur, ut non omnes, aut metu deterriti, aut intercepti à Cæsarianis, oppidum ingrederentur. Qua re ex captiuis cognita, Cæsar facile intellexit summam esse apud obsessos sulphurei pulueris inopiam, sic ut milites æquiore iam conditione murum se inuasuros, si Cæsar iuberet, pollicerentur. Read Vitriacum à Cæsarianis bene gesta, nihilo secius Galli pleni fiducia rei bene gerendæ, si hostis mœnia repeteret, uigilantissimè oppidum tuebantur, cunctaque opportuna ad defensionem ex Marini architecti præceptis solertissimè comparabant, quum repente oppido emissus tubicen postulauit, ut sub fide legatos colloquendi causa obsessis emittere liceret, factaque potestate Vicontius, Riveria & Sineus cohortis præfectus ad Gonzagam uenerunt. Summa mandatorum hæc fuit Sanferrium, quanquam ea uirtutis atque constantiæ documenta dedisset, ut sibi nullo pacto timendum arbitraretur: alienum tamen non esse à deditioe oppidi, si honestis conditionibus ageretur. Petebant Galli ut ipsis excedentibus arma, resque omnes, & cuncta tormenta concederentur, mensis unius induciæ fierent, intra quas nisi rex iusto cum exercitu obsessis opem ferret, & Cæsarem soluta obsidione depellerent, continuo oppidum

Cæsari

Cæsari traderetur, ea tamen conditione, ut reficere mœnia, & construere no-
 uas operum munitiones intra sex menses Cæsarianis non liceret. Hæc tanquã
 insolentius postulata Ferdinandus ita reiecit, ut legati faciliè intelligerent quan-
 ta speratæ uictoriæ confidentia hostis niteretur, atque eo modo redeuntes
 in oppidum, non multo post iterum atque iterum æquioribus cum mandatis
 remitterentur, atque eo die præter omnium opinionem de oppidi deditio-
 ne transigeretur, his conditionibus: duodecim dierum induciæ sunt, intra id spa-
 tium ni Franciscus rex promotò exercitu obsidionem soluat, Sanferrius oppi-
 do statim excedito, à Cæsarianis exeunti præsidij causa duo tantum tormenta
 1. concedantur: Gallis omnibus sub uexillis ad tympanorum sonitum more mi-
 litiaæ abeundi quò uelint, potestas esto, reliquum omnem tormentorum appa-
 ratum totamq; commæatus copiam Cæsari relinquendo, de hisq; rebus qua-
 tuor obsidibus caueto. Ab hac pactioe acceptis obsidibus Gonzaga in op-
 pidum intromisit Hispanum equestris ordinis nomine Contreriam, qui accu-
 rate obseruaret, ne Galli noctu uel interdium munitiones augerent. His confe-
 ctis rebus, quum id rescisset Franciscus, nec ut opem ferret ex usu esse iudica-
 set, à Sanferrio integra fide traditum est oppidum. Ferunt Sanferrium fictitijs
 Claudij Guisij primarij ducis literis deceptum, aliquanto maturius quàm ex-
 pediebat ad deditiois consilia descendisse. Hæ literæ apud Granuelium con-
 2. fictæ fuerant, & exempto ceræ sigillo ex ueteribus Guisij literis usque adeo ar-
 guta falsarij manu exarata, ut pro ueris agnoscerentur, ab his præsertim qui eo
 obsidionis periculo sollicitis & trepidis animis celeriter eximi cupiebant. His
 siquidẽ literis Guisius Sanferrio respondere fingebatur, tanquam intempestiuè
 ferri sibi opem postulanti, regem graui de causa alienũ esse à cogitatione feren-
 dæ opis, ne sese, & liberos, Fortunasque omnes regni in unius pugne non ne-
 cessarium discrimen adduceret. Proinde ipsum, qui amplius quadraginta die-
 bus insigni regis commodo summaque sua laude acerrimorum hostium uim
 sustinuerit, si urgeretur acrius & desereretur à Fortuna, nõ indecorè aut turpi-
 ter facturum, si sese atque præsidium honesta pactioe conseruandum existi-
 3. maret. Quibus literis à Gallo lixa presenti pecunia corrupto in oppidũ delatis,
 qui eas calceo insutas ad simulandam periculi diligentiam afferebat, & in co-
 rona à Sanferrio perlectis, nemo militum fuit, qui à deditioe dissentiret. Per
 hũc modum non sine risu Gallicæ simplicitatis Sandesirio potitus Cæsar, quid
 sibi agendum foret in consilijs agitabat, ualde perplexus an Catalaunum oppi-
 dum, quod Sciallonum hodie Galli appellant, in eodem ferè itineris cursu se-
 cundum Matronam amnem positum oppugnaret, an ad Lutetiã usq; progre-
 deretur. Huius explicandi consilij ratio in eo uertebatur, quòd duces ferè o-
 mnes confirmarent difficilem atque ærumnosam fore munitissimi oppidi ex-
 pugnationem. Id enim ualidis atq; recetibus copijs firmatũ auctumq; magnis
 4. operibus, & instructum magna tormentorũ copia fuisse cõstabat, uti regẽ ex
 tanto Sandesirianæ obsidionis spatio prouidisse credi fas erat: ita ut ex ea inu-
 rili propè, quanquam decora ad Sandesirium mora, adeundẽ Lutetiæ occasio-
 nem pleriq; milites prædẽ auidi amissam fuisse quererentur. Regem porro, qui
 Heluetiorũ auxilia diu expectata, dudũ in castra recepisset, aduenissentq; ei ue-
 teres nouiq; Vascones, ita esse confirmatũ periti milites dictitabant, ut quũ in
 proximo castra haberet, prælio dimicaturus esse censeretur, si non iniquo loco
 periculi faciundi facultatem nancisci posset. Erant enim multæ undique coactæ

peditum atque equitum copiae, ut refutandus potius quam laceffendus à cau-
 tis maximeque prudentibus, qui erant apud Cæsarem, crederetur; uel ob id
 praesertim quod multis ex numero Hispanorum aut interfectis aut grauiter de-
 bilitatis, & rarefcentibus Germanorum legionibus, Cæsar neque peditatu ne-
 que equitatu superior existimari posset: propterea Henricum regis filium id
 pro comperto agnoscentem, pugnaeque auidum, segnia & parum generosa pa-
 tris consilia detestari vulgo praedicarent. Sed hos sermones grauiter expen-
 dens Cæsar, in arcano pugnae cupidus ita admittebat, ut secretum tegeret, o-
 stentandique animi causa ad Catalaunum castra moueret: tanquam oppugnare
 uellet, hostibus metum iniecturus. Cæterum suo innixus consilio, repente
 motis castris ad Aspernæ oppidum destinato itinere impositum conten-
 dit, praeterque opinionem regis atque hostium eo potitus, opulenta omnis ge-
 neris commeatus copia largissime sese recreauit. Tum uero rex adiuncto sibi
 cum reliqua copiarum parte Claudio Guisio promotis castris in conspectum
 Cæsaris se dedit, intercedente Matrona amne, qui uado transiri non poterat,
 certatimque utrinque excitata per agros incendia uisebantur: quum Galli sua
 omnia, ne his potiretur hostis, ultro peruastarent, & Cæsariani Germanique
 praesertim, ut Gallis maxime nocerent, incendijs effusissime grassarentur. E-
 rat eius horrendae cladis aspectus plane miserabilis, quum fertilissima regio-
 nis incolae, neutram in partem opportuna ipsorum malis remedia reperirent.
 Ab Aspernæ Cæsar in Parisios iter habebat, quum in altera amnis ripa re-
 giorum agmina uiserentur: ideo pari instructa acie, ut si Cæsar in amne pon-
 tem faceret, aut uado transire conaretur, in margine fluminis praelio decerta-
 rent. Quod cum à Cæsare ex non iniqua conditione tentari posset, Guliel-
 mus Frustembergus, odio suo peculiari in regem incensus, quod ueteribus sti-
 pendijs cum ignominia exauthoratus fuisset, uti erat peritus regionis, noctu in
 amne tutum uadum quaeritabat, uerum incaute ripis inhærens à quibusdā ex-
 ploratoribus Gallis pro speculatore interceptus est, deductusque ad regem &
 agnitus, cunctis propè eum ad laquei necem deposcentibus, custodiae tradi-
 tus est. Eius uiri casu spe pugnae decidit Cæsar, quum in eius audacissimi ho-
 minis industria superandi amnis conferendaeque pugnae facultatem se reperi-
 re posse confidisset, & regem tumultu Lutetiano perculsum non temerè pugnae
 potestatem facturum arbitraretur. Peruaserat enim ad Parisios usque non fal-
 sus rumor, Cæsarem passim expugnatis oppidis uictorem appropinquare: tā
 ta omnium perturbatione, ut urbs totius Europae amplissima & copiosissima
 ingenti metu quateretur, atque incolae confusissima trepidatione cariores res
 suas, liberos, & coniuges nauigijs imponerent, ut per Sequanam elaberentur,
 & nemo ferè esset ex indigenis Gallis qui arma caperet, ut sese & patriam ab
 hostis iniuria tueretur: neque ipse Medonius Cardinalis, qui Lutetiae regio-
 nomine cum imperio praesidebat, tantum ualebat autoritate, ut fugam per-
 territi populi usquam sisteret. In eo tamen tumultu peregrini omnes, qui ibi
 per gymnasia liberalibus studijs operam dabant, arma sumpserunt, praeben-
 te se eis ducē Caracciolo Sergiani Melphitani reguli filio, qui Lutetiae sacerdo-
 tium inter cucullatos opulentum liberalitate regis fuerat consequutus: impi-
 gro nanque ingenio iuuenis, uti militari patre genitus, armis potius quam pijs
 ad diuos supplicationibus immanes hostes arcendos existimabat. Quae arma
 tanta studiose iuuentutis alacriter digesta in cohortes, tametsi impar susti-
 nendis

nendis hostibus uidebatur, nouo tamen & numeroſo armatorum ſubſidio populus confirmatus, quòd pari paſſu inſtructo exercitu regem aduentare didicerat, fugam repreſit. Quum eo modo nullo congreſſu, ſed crudelibus incendijs bellum gereretur, de pace per idoneos homines agi cœptum eſt: nam paulo antè per Bartouillam equitem Lignini captum dimiſſumq; per Iacobum Medicum & Franciſcum Somalium Inſubrem uirum clariſſimum, qui Cæſaris conſilijs adhibebatur, Hanebaldo Amiranti ſignificarant, Cæſarem uſque adeo diri atque exitialis belli pertæſum eo eſſe animo, ut ſi honeſtis conditionibus pacem rex peteret, ab æqua concordia minimè diſceſſurum, ipſos autem Medicem atque Somalium, ueteris ſuæ militiæ ſtipendijs & beneficio regis addi-
 ctum, profiteri fidelem operam ſuam, quam ea in re non ingratham Cæſari futuram ſcirent. His à Bertouilla nunciatis, neque ipſe Amiras, neque rex poſtea ſurdas aures præbuerunt: ita ut Bertouilla cum Bailiſſo Digionio rerum perito ſene cum mandatis remitteretur, quibus colloquio locum & diem primarijs conſtitui poſtulabant. Eius autem actionis exitus fuit, ut Granuelius atque Gonzaga cum Hanebaldo atque Nulleio uiro togato colloquuti, eo facilius de pace tranſigerent, quòd in eius rei negotium iam antea Gabriel Guſmanus Hiſpanus cucullati ordinis à regina Gallia ad fratrem Cæſarem miſſus, ſe Chriſtiani pietatis nomine inſinuafſet. Dum hæc in ſpem pacis tractarentur,
 Cæſar Antonium Peronotum ipſius Granuelij filium, iam pridè ad arcana ſcrini conſilia admiſſum, ad Henricum regem Bononiam oppugnantem miſit, ut per eum Britannus natura ſuſpicioſus de his rebus, quæ de pace actitata fuerant, ſed nondum planè conſtitutis legibus tranſacta, accuratiſſimè doceretur. Sed plerique exiſtimarunt Antonium peculiari de cauſa ad Henricum fuiſſe tranſmiſſum, ut Cæſaris difficultates, adeundæque Lutetia conſilium explicaret, peteretque ut caſtra in Pariſios mouere uellet, ut communibus uiribus Lute-
 tiam occuparent. Quòd ſi proprio occupatus bello id facere noller, ſaltem hoc ſibi indulgeret, ut incolumi ſœderis amicitia, de pace cum Franciſco tranſigere liceret. Quamobrem Henricus ſua certa ſpe expugnandæ Bononia innixus
 Antonio ita reſpondit, in poteſtate Cæſaris fore cum Gallo rege de pace paciſci, idque ſe æquo laturum animo, modo recentis inter ipſos iſti ſœderis iura nequaquam præuerteret. Pluris namque Henricus propinquam obtinendæ Bononia ſpem, quàm Lutetia poſſeſſionem exiſtimabat, quòd Morrellum quoque magnis uiribus à Talboto oppugnatum, ſibi ceſſurum confideret. Itaque Cæſar redeunte Antonio conſilia pacis explicauit: nam plerique nihil ſtultius & pernicioſius fore iudicabant, quàm ſi Cæſar in urbem Lute-
 tiam longè omnium ampliſſimam irrumperè properaret: inſtantè ualidiſſimo regis exercitu, quandoquidem irrumperentes milites ad prædam ita dilapſuri crederentur, ut non facile, quum exterior hoſtis ingrueret, cogi, aut in aciem
 produci aduerſus regiones poſſe quiſquam ducum exiſtimaret, quandoquidem certa fames obſidente ſuburbana rege uictoribus & incolis extimeſcenda cenſeretur. Quòd ſi cuncta proſperè Cæſari prouenirent: nihil tamen eum tanto periculo quæſiturum apparebat, quàm ut alieno commodo ſalutem & digni-
 tatem ſuam intempeſtiuò tempore periclitaretur: quoniam ſœderi erat adſcriptum, ut ſi parta uictoria Pariſiorum Lutetia potirentur, ea urbs, uti ſuperioribus ſeculis fuiſſet, non Cæſari ſed Britannico imperio cederet. Urgebat etià Cæſarem ad complectendam pacem pecuniarum inopia, uſq; adeo, ut quum
 FF

fremerent Germani, præteritaque iam & instantia stipendia arrogantius flagita-
 rent, ipse ingenti animo ad milites prodiret molliēdis eorum animis, sic ut pau-
 corum dierum sibi dari spatium, ut debita dissolueret, indignis propē precibus
 peteret: & se ipsum in promissæ pecunię fidem, in ipsorum manus dediturum
 esse profiteretur. Quo pudore adducti milites Germani, ad unum omnes ma-
 num sustulerunt, quod erat pacati animi signum: atque inde Cæsaris uexilla in
 Suefiones uersa sunt, apud quorum urbem perscriptę sunt distinctius pacis le-
 ges: cuius compositionis tabulæ postea, hinc atque inde modò ad Cæsarem mo-
 dò ad Regem delatę sunt, donec in hunc maximè modum consentiente utrius-
 que uoluntate, & Cæsar & Franciscus conditionibus subscripserunt: quę pari u-
 trinque lætitia susceptę fuere, quum Franciscus grauissima calamitate miseros
 Galliæ populos liberatos perspiceret, & Cæsar ipse difficili periculo soque ne-
 gotio cum dignitate se explicasset. Vnus omnium ægerrimè tulisse pacem Hen-
 ricus Delphinus traditur, qui Cæsarem raptò uiuentem, copiāsque eius multis
 affectas incommodis, sibi que impares, è manibus eripi, bellici uigoris atque
 ira turgidus, uel in coronis perstricto patre differebat. Sed Franciscus factò sæ-
 pe, & improspere quidem Fortunæ suæ periculo, quum Cæsaris genium re-
 formidare diceretur, cuncta Cæsari concedenda rebatur: modò ei uel iniqua
 conditione Galliæ Cisalpinæ imperium eriperetur: quòd quæ suæ paulo antè
 ditionis fuissent, pro dignitate Gallici nominis uel ingenti pretio redimenda
 statueret. Eo etiam sollicitius atque cupidius, quòd Cæsarem ad totius Italiæ
 imperium aspirare plerique prædicarent, uel uno argumento, postquam Pon-
 tifici, ne usquam uti publicæ libertatis defensor commouere se posset, graues
 Tridentini concilij compedes iniecisset: quæ eo nomine videbantur honestis-
 simæ, quando quidem ex eo digna sacerdotibus morum censura, & deprauatā
 Luthero Christiani dogmatis salubrior interpretatio, & constitutio quærere-
 tur. Quam rem tametsi Pontifex non obscure prouidebat: tamen ad retinendā
 syncerę pietatis existimationem, non prius producti concilij quibusdam san-
 ctionibus odiosa disputatione ad decretum relatis admonitus est, quàm se acer-
 rimè perstringi, nec iam perplexè offendi uir prudentissimus agnouit: ita ut ex
 authoritate Pontificia, quę malignitate quorundam subornatorum præsulum
 in dubium reuocari videbatur, de suspensione translationeq; concilij apud Bo-
 noniam cogitare inciperet. Itaque inter reges dissidentes totius causæ iugulum
 ab utroque grauiter petebatur. id enim unum & certum erat Mediolanensis im-
 perij expositulatio, quare impetrata, Franciscus se domui suæ peregre regiē consu-
 luisse uidebatur. Cæterum Cæsar adeo perplexa dubiaque conditione id se
 concessurum promittebat, ut neque Pontifex neque pleriq; alij ullam ob signa-
 to fœderi fidem haberent: quando ea liberali concessione reliqua Cæsaris con-
 silia euertere iudicarent: appareretq; Cæsarem ea astutè polliceri, ut aliquod ma-
 ius inde nancisceretur munus, aut aliquam non omnino indecentem uel ine-
 ptam à fœdere discedendi ex interuallo temporis causam reperiret. Summa si-
 quidem conditionum ineunda hæc erat, ut uterque ueterum contentionum
 & odiorum memoriā ex animis expelleret, & nouo affinitatis vinculo iun-
 geretur. Promittebat Cæsar se aut filiam, Philippi Hispaniæ regis designati,
 successorisque sui sororem, Carolo Aureliano nuptui daturum, cui dotali
 nomine Belgarum regna obuenirent: aut siquid hanc affinitatem impediret,
 loco filię Ferdinandi fratris Pannoniæ atque Bohemię, Austriæq; regis filiam
 eidem

eidem Aureliano in matrimonium collocaturum, quæ dotali iure Mediola-
 nensem principatum secum traheret. Qua in re deliberanda Cæsar octimestre
 spatium deposcebat: quo spatium tum ipsius Philippi filij, tum Ferdinandi fra-
 tris uoluntates certius exploraret, ut inde intra quatuor demum menses, hoc
 est post integrum annum, cum alterutra uirgine nuptiæ celebrarentur. Si au-
 tem Cæsari magis expediret fratris filiam quam suam ipsius natam Carolo de-
 sponsare, confectis statim nuptiis Mediolanensis imperij possessionem Aure-
 lianus hac lege acciperet, ut donec masculam susciperet prolem, Mediolani &
 Cremonæ arces Cæsariano præsidio custodirentur. Tum uero Carolo Sabau-
 10 dio cuncta quæ illi uel in Allobrogibus, uel in Subalpinis adempta fuissent, o-
 ptima fide restituerentur, liceretq; Gallo regi eas retinere arces tandiu Gallicis
 præsidij custodiendas, quandiu Galliæ Cisalpinæ arces, quas diximus, Cæsa-
 riano præsidio tenerentur. Reliquæ uero conditiones initæ pacis atque per-
 cussi fœderis eò pertinebant, ut de iurisdictione quorundam oppidorum Bel-
 gicæ prouinciæ præclare diffinirent, restituerenturq; ea omnia utrinque quæ mu-
 tuis armis ex usu belli occupata fuissent post inducias ad Nicæam Prouinciæ au-
 thore Paulo Pontifice confectas, relinquereturque locus his principibus no-
 minatim tanquam socijs atque amicis, si noui fœderis beneficio uti uellent. Hi
 20 fuere ipse Henricus Britannicæ, Sigismundus Sarmatiæ, Ioannes Lusitanicæ, &
 Christiernus Danimarchiæ reges: atque item singuli sacri uel prophani iuris
 Germaniæ procures, qui ad dicendum creandumque Cæsarem suffragiorum
 iura obtinent: & præter hos dabatur etiam aditus ad idem pacis & fœderis be-
 neficium Heluetiorum reipublicæ tredecim pagis, cui annexa est trium Griso-
 nij nominis gentium fœderata ciuitas: atque item in Italia, principi Veneto-
 rum: atq; item Dynastis Carolo Sabaudio Allobrogum, Cosmo Medici Flo-
 rentiæ, Herculi Atestino Ferrariæ, Guidobaldo Urbini, liberisq; ciuitatibus
 Genuensium, Senensium, atque Lucensium. Hæc confecta transactaq; sunt a-
 pud Crepinium in Suefionibus castellum, ad stipulantibus utrinq; mutuo sa-
 cramento Cæsarianis, & Regijs ei negotio prepositis. Hi fuere Nicolaus Pero-
 30 notus Granuelius Cæsariani scrinij magister, & Ferdinandus Gonzaga, pri-
 mam apud copias post Cæsarem in exercitu militaris imperij auctoritatem ob-
 tinens. Ab regis uero Hanebaldus ipse Amiras, & Nulleius senator supplicibus
 libellis præfectus. Dati autem sunt obsides in fidem concepti fœderis duo Car-
 dinales, Ioannes ipse Lotharingus, & Medonius, quem dudum Lutetiæ in eo
 propinqui belli metu, tumultuq; præfuisse diximus. Ad hos sacratos uiros acces-
 sere Valleius citerioris Britannicæ opulentissimus regulus, & Agnodeus adole-
 scens ipso Amirante Hanebaldus genitus, decimo quarto Cal. Octobris, quarto
 & quadragesimo anno supra quingentesimum atq; millesimum a partu Virgi-
 nis. Hoc confectæ pacis nomen incredibilem cunctis mortalibus letitiâ attulisse
 40 uisum est, propter speratam diu exoptati otij tranquillitatem. Sed non deerat
 qui eam successu carituram prædicarent, quod Cæsar tam graui pondere obli-
 gata fidei distentus esset, ut ægrè promisso staturus crederetur. Nam appare-
 bat eum summo cum incommodo alterutra quam uellet nuptiarum pactio-
 ne, aut patrimonio Belgico cessurum, aut Mediolanense imperium importu-
 na sibi ratione in dotem collaturum. Neque enim erat existimandum tantæ
 grauitatis tantæque religionis principem adduci posse, ut eius initi fœderis
 leges, arctèque obligatam fidem suam ulla ex parte uiolaret. Sed Fortuna,

Cæsaris uotis & commodis secundissimè semper arridens, ex arcano fatorum
 uiam inuenit, ut eum damnosæ trasactionis sollicitudine curaq; uel in alteram
 partem, si à fide data discedere uellet, probroso pudore atque dedecorosa inui-
 dia liberaret. Carolus enim Aurelianus postquam in complexum Cæsaris de-
 uenisset, in pestiferum incidit morbum, ita ut paucissimis diebus apud Firmum
 monasterium sæua morte eriperetur, iuuenis omnibus corporis atq; animi quæ
 conferri à natura possent muneribus, totius Galliæ iuuenū florentissimus, quæ
 unum præter ipsos Gallos, populi Insubres tanquam exoptatū summæ benigni-
 tatis principem maximè luxerunt, quum de fortunis suis & tranquillitate sæculi
 facile desperarent. Cæterum rex Henricus post expugnatam Bononiam, atq; ¹⁰
 eam expulso Varuenio, Obiei Marechalchi prouinciæq; Morinorum præfecti
 genero, Anglicis præsidijs confirmatam, & desperatam Motrelli oppidi dedi-
 tionem, quod Obieus defenderat, pacem cum Gallo rege facere recusauit, uel sa-
 tagente plurimum in eam rem Ioanne Bellaio Parisiensi Cardinale. Quibus
 de rebus contendente iam Cæsare ad Samarobrinam, quæ Cameracum dicitur,
 uniuersæ Gallorum copiæ duce Delphino discedentis Henrici regis & Britan-
 norum vestigijs ita institere, ut penè nouissima hostium agmina consequeren-
 tur, atque eos multis impedimentis exuerent: conuersisq; continuo signis Del-
 phinus Bononiā repentinus inuaderet, tanto impetu, ut inferiore oppidi par-
 te, multis Anglorum interfectis, atque obiter magna præda potiretur, uideriq; ²⁰
 posset graui metu hostium, superiore etiam oppido, in quod Angli confugerāt,
 uim ad mouere cum bona spe uictoriæ potuisse, nisi hæc strenuè audentem ad-
 uersæ tempestates ventorum & imbrium, quæ tolerari non poterant, impedi-
 mento fuissent. Instituta demum est à Francisco rege cum terrestris, tum naua-
 lis obsidio: nam præter copias quæ opportuno in loco castra fecerant, atque
 importari commeatus è proximis regionibus prohibebant, ad onerarias ingenti-
 tes naues, quæ passim ex Armorici Oceani portibus cogebantur, rostratæ e-
 tiam naues Malsiliensesque triremes, per fretum Gaditanum Hispaniam cir-
 cuire iussæ, onerarijs nauibus accesserant. Quarum agilitate Britannicis nauig-
 ationibus multa inferebantur ditrimenta, usque adeo ut Hanebaldus, cui a- ³⁰
 derat Petrus Strozza & Leo frater triremibus præfectus, prælio nauali cum
 Dumbleio Henrici præfecto, magna loci, & ventorum conspirantium oppor-
 tunitate prosperè certaturus crederetur. Quibus de rebus fiebat, ut Henricus
 longè maximis sumptibus fatigatus, ad consilium pacis, quod nuper reiecerat,
 reuerteretur. Ea uerò celerius opinione omnium confecta est hac lege, ut Fran-
 cisco regi Bononiam certo auri pondere redimere liceret: quod aurum resar-
 ciendi bellici sumptus octo pensionibus in singulos annos à Gallis pendere-
 tur. Sed per hunc modum Henricus & Franciscus nequaquam diu ea parta
 pace letari potuerunt. Henricus enim iam planè in seniumurgens, & multo
 succi abdomine grauis & ineres effectus, lacescente atroci febre propter sæuam ⁴⁰
 inflammationem in crure uirulenti herpetis, uitam cum morte commutauit,
 quum ætatis annum quinquagesimum septimum ageret, & ferè triginta octo
 annis regnasset, relicto regni hærede Odoardo puero ex Ioanna Semera susce-
 pto, ea conditione, ut à Thoma Semero auunculo instruendus regni administ-
 radi artibus regeretur. Post quinquagesimum autem diem ab Henrici morte, ipse
 quoq; Franciscus rex apud Rambuletum oppidum in finib. Parisiorum atroci
 cum, quatiante morbo è uita migrauit. Natum ei erat circa sedem malignum
 ulcus,

ailcus, quod serpendo ad uesicæ penetralia peruadebat, & cuncta humani ingenij remedia respuerat. Is erat duobus ferè annis Henrico ætate minor, cæteris in rebus uera æstimatione morum, & naturæ dotium plane æqualis, nisi Henricus ingrauescente ætate oblitus ueræ pietatis, nobile alioquin ingenium Lutheranis superstitionibus deuouisset. Cæterum Franciscus decumbens, quum æquissimo animo fatalem horam sibi adesse præsentiret, & Christiano ritu sese religiose & puriter à delictis expiasset, Henrico filio pietatem in omnire constantissimè colendam commendauit, & quædam ei arcana tuendo regno opportuna communicauit, & quibus maximè artibus gentium subiectarum certissimum studiū promereretur, præcepit, ut populos tributis propter immodicos alendi belli sumptus à se necessario institutis, & acerbius quàm deceret exactis subleuaret, scilicet ut hac liberalitate firmior, atque antiquis Galliæ hostibus superior euaderet. Peculiari autem nomine Hanebaldum Amiratē propter spectatam eius fidem atque uirtutem mirificè commendauit. Antecesserat parifato Franciscum regem, eodem fortè mense dieq; superioris anni Alfonso Daualus Vastius, propter admirabiles corporis atque animi uirtutes, quas eximia liberalitas aptissimè condiebat, regali Fortuna dignus, cui in imperio copiarum, Mediolanensisque dominatus præfectura Ferdinandum Gonzagam Cæsar suffecerat. Sed prius quàm horum duorum insignium regum interitus incideret, Cæsar acre bellum suscepit, perdomandæ Germaniæ causa, quæ non modo multo maxima ex parte ab institutis maiorum suorum placitisque religionis impiè descuerat: sed etiam à maiestate imperioque Cæsaris arrogantissimè rebellarat. Deficientis autem Germaniæ duo duces extiterunt, Philippus Lantgrauius Cattorum princeps, & Ioānes Fridericus Saxonum antiquissimæ stirpis regulus, qui cōtumaci animo pro tuenda libertate Germanici nominis, excitis in id bellum liberis ciuitatibus, arma sumperant. Cæterum Cæsar prodignitate sua nequaquam id sæuum bellum reformidans ita illud inchoauit, ut quum initio parum paratus arma cepisset, in Vindeliciæ agrè promptissimorum atque urgentium hostium impetum sustineret, & sese in Baioariam amicitia Gulielmi principis fretus, recipere cogeretur, donec ei Italicorum tres ornatissimæ legiones, & sex centenariæ galeatorum equitum alæ à Pontifice Paulo religionis atque amicitiae nomine trans Alpes missæ opportunissimo tempore iuxta Lanzutum oppidum Farnesio Cardinale legato, & Octauio fratre duce superuenerunt: quas Pontificias copias statim subsequutæ sunt ueteranæ Hispanorum cohortes. Quibus tantis confirmatus auxilijs Cæsar bellum quod inferebatur cōuersa Fortuna ita hostibus intulit, ut protracto bello per aliquot menses, fractoque Germanorum impetu, quum nusquam iusto prælio fuisset dimicatum, germania omnis intra Danubium, & Albim, & Rhenum incredibili foelicitate gloriæq; subacta sit, utroque etiam duce capto, eo rerum exitu, ut ipsis uinctis atque productis nobilissimum de subacta Germania triūphum, quem Romanis olim ducibus denegatum constat, instruere potuerit.

FINIS.

INDEX RERVM MEMORABILIVM QVAE IN HOC SECUNDO TOMO CONTINENTVR.



- A**
- Abdamelech** Tunc-
ti Rex moritur. 575
- Abdamelech** To-
uaro iuuate Tu-
neti oppugnat. 575
- Abdelchirinus** à Collegis interficitur. 576
- Abiatum** expugnatum à Ioanne Medi-
ce. 9
- Abilchirinus** Hariadeno respondet. 258
- Abyssinorum** regio. 382
- Achangi** qui. 215
- Achelous** amnis. 335
- Acomates** Michaloglis. 115
- Acomates** cadit. 232
- Achomates** Moldauum acerbè simulan-
ter reprehendit. 463
- Achomates** interficitur. 438
- Acroceraunij** Chimeram montem inco-
lentes suscipiunt consilium inuaden-
di regij tabernaculi Damiano quo-
dam duce. 232. 333
- Actiacum** promontorium. 354
- Adamus** Centurio Genuensis Hippo-
nem missus ut classem instaurantem
Barbarussam opprimeret, re infecta
redit. 295
- Ademanum** regem Eunuchus ad se sub
fide euocatum suspendit. 381
- Ademum** ad nobilissimum emporium se
recipit Eunuchus. 382
- Adurnius** Antonium Auriam liberabat
ut sibi apud hostes defensor existat. 67
- Adurnius** sine prole moritur. 67
- Adurnij** Genuenses exules expugnata
Genua restituuntur. 8
- Adurnij** Fregosios incaute excubantes
adoriuntur. 66
- Adurnij** & Fregosij Gibellina stirpis. 71
- Affrica** urbs antiquitus parua Leptis
fuit. 299
- Aegyptij** quidam reges adnites mare
Rubrum mediterraneo immittere ab
opere destiterunt. 327
- Aegyptum** & Syriam Selymus sibi adie-
cit. 4
- Agis** Hariadenus Rex ab Hispanis Ca-
stronouensib. tormento discerptus, 378
- Agmina** in itinere faciundo cui ductan-
da. 83
- Aiax** & Barbarussa Corcyram speculari
tur, ac Solymano inexpugnabilem
renuntiant. 333
- Alba** oppugnatur. 549
- Albae** regalis descriptio. 546
- Albam** Galli Duces sub inducijs infeli-
eiter tentant. 494
- Albam** in deditionem capit Vastius. 408
- Albam** oppugnant Caesariani Vastio du-
ce. 407. 408
- Albam** Pompeiam Strozza capit. 595
- Albam** regalem Velsius ad Ferdinandi
fidem redigit. 435
- Albani** à Solymano castigantur. 553
- Albani** milites ab Hungaris oppugnan-
tur. 553
- Albani** milites excedunt. 552
- Albani** militibus recipientibus se pon-
tem subtrahunt. 550
- Albani** quibus conditionibus se dedunt. 551. 552
- Albani** cuniculis Turcis obcuntes, se i-
psos exurunt. 549
- Albanus** regulus Perpennianum intrat. 502
- Albertus** Petra dux Heluetiorum cadit. 7
- Albertus** Slithius se recipit. 352
- Alexander** Bondelmerius. 365
- Alexander** Contarenus sua temeritate
magnam Italiae utilitatem attulit. 350
- Alexander** Farnesius Pōtifex salutatur. 235
- Alexander** Florentiae princeps Lauren-
tio Medici dicit quae ex Puccio audi-
uisset de insidijs sibi ab ipso paratis. 388
- Alexander** Florentiae Princeps adulte-
rijs deditus. 387
- Alexander** Medices describitur. 387
- Alexander** Medices arcem Florētia per-
ficere maturabat. 275
- Alexander** Medices Cesare Cosmianis
edibus excipit. 311
- Alexandro** Medices Cibous Massiliensis
episcopus necem parat. 302.
- Alexander** Medices Valerium Vrsinum
cum ala equitum Caesari addit. 314
- Alexander** Medices Florentiae dux occi-
ditur. 390
- Alexander** Medices quare Paulum Pon-
tificem ingratum appellaret. 399
- Alexander** Medices Dux Florentiae. 85
- Alexander** Vitellius cum tribus Italo-
rum milibus Germanis Viennam mit-
titur. 512
- Alexander** Vitellius de occupata arce
Florentiae, certiores Caesarem reddit. 398
- Alexander** Vitellius milites disponit ad
praesidium senatus Florent. 395
- Alexander** Vuellius quo ordine arcem
Florentinam occupat. 398
- Alexander** Vitellius. 70
- Alexander** Vitellius Neapolconem Vrsi-
num fundit, erutusq; vexillis ad Arun-
tium redit. 133
- Alexandro** mors praedicta & percussor
indicatus, & à quibus. 398
- Alexandriam** capit Lorechius. 74
- Alexem** Moldaui ab exilio uocant ac re-
gem constituunt. 471
- Alexem** principem Moldaui trucidant,
ac eius caput Petro offerunt. 472
- Alfonsus** Daualus, & Hanebaldus Lega-
ti ad Venetos. 416
- Alfonsus** Daualus Vastius quando mor-
tuus. 617
- Alfonsus** Petruccius Cardinalis foras
morte multatus. 3
- Alfonsus** Strozza. 31
- Algerium** olim Iubae regia à Romanis
Caesarea Iulia uocata. 482
- Algerij** expeditionem Caesar suscepit Hi-
spanorum precibus inductus. 450
- Algerij** situs. 452
- Algerij** uires. 481
- Algrunium** olim Iulio brigata. 5
- Almeda** cadit. 51
- Aloysius** Guicciardinus Vexillifer. 15
- Aloysius** Grittus. 125
- Aloysius** Alamannus. 132
- Aloysius** Gonzaga dictus Rodomontes. 29
- Aloysium** Praesendam Genuae natum in-
terfici iubet Barbarussa. 279
- Alpes** transcendunt supra triginta milia
sarcinariorum iumentorum. 356
- Altaburgum** Solymannus expugnat ca-
sis Bohemis omnibus. 117
- Aluarius** Gometius sibi manus infert. 299
- Aluarius** Sandeus Hispanos quos astute
ca p

INDEX.

- capit. interficit. 369
Amalphi incolæ Magnetis usum ibi re-
pertum asserunt. 47
Ambracius sinus 208
Ambracij sinus siue maris Rubri descri-
ptio. 382
Ambrosius Florentinus persuadet Lotre-
chio Romam exercitum duci oportere. 26
Americus à Dacia capite truncatur 239
Amicus Arsula interficitur. 163
Amida Mosopotamiæ ubi ab incolis Ca-
ramida. 225
Amidas quibus instinctoribus à Muleas-
se patre defecerit. 571
Amidas unus hore spatio Tuneto regno
potitur. 572
Amidas Tuneto exclusus undiq; noua au-
xilia sibi parat. 576
Amidas Muleass filius Tuneti regnum
occupat. 571
Amidas à Tunetanis euocatur. 576
Amidas Christianos Rabatinos quadra-
ginta interficit. 576
Amidas feritatis ac libidinis immensæ. 577
Amidas Maniphatem interficit. 576
Amidas patrem obcæcat. 574
Amidas patris liberos interficit ac concu-
binas stuprat. 573
Amidas Perellum Tuneti Viuum exurit. 576
Amphimaleus sinus, hodie Suda dicitur. 365
Amurathes è Sico oppido ciuis ad Ma-
bometis sacra deficiens bellis incla-
ruit. 336
Anconam Pnotificiæ diuisionis fecit Cle-
mens. 219
Andesanum Cesariani recipiunt. 595
Andreas Quirinus patritius Venetus te-
rrimo supplicio afficitur à Turcis. 271
Andræ Apostoli sepulchro Amalphi li-
quamen emanat. 47
Andræolus Nicolinus Malatestam dicit
capite truncandum, à Malatesta vul-
neratur. 168
Angelus Ranuccius. 108
Angelocastrum Corcyræorum castellū
frustra Turcæ oppugnant. 334
Anghianus Gallicæ clasīs præfectus. 563
Anghianus ad Barbarussam mittit, eum
edocens classem Aurianam deleri pos-
se. 566
Anghianus captiuos Cesarianos dimittit
ac quosdam alijs captiuis permutat. 557
Anghianus castra ad Stalloniam mouet. 580
Anghianus quare uictoria uti nequi-
uerit. 588
Anghianus classem ad Niceam exponit. 564
Anghiani acies describitur. 583
Anguillotus Pisanus infœliciter pugnas
suis cæsis capitur ac post occiditur. 140
Annam Boleniam Henricus Angliæ Rex
deperit. 216
Anna Bolenia Henrici Britannicæ Regis
uxor capitali supplicio affecta. 325. 326
Anneus Memoratius totius Galliæ equi-
tum magister. 320
Anneus Memorantius ab officio amouetur. 493
Aunci Memorantij fides suspecta. 292
Annibal Nouellarius cadit. 403
Annus 1527. omnium Italiæ pestilentis-
simus. 64
Antipolis à Cesare capta ac direpta. 313
Antistites Hungari non satis firma fide. 187
Antius Macer Saxo Germanis equitibus
præfectus. 339
Antius Macer fortiter pugnando cadit. 351
Antius supplicio affectus. 546
Antonius Surianus Legatus Venetus
ad Florentinos. 34
Antonius Auria Genuam ad patriæ opẽ
ferendam mittitur. 318
Antonius Barbadicus & Hermolaus Bar-
barus Venetæ clasīs præfecti Alexan-
driæ custodiæ traduntur. 328
Antonius Cunicula scomma in Leuam in
corona dicit. 81
M. Antonius Columna tormento maiore
mortuus. 7
Antonius Fonseca. 9
Antonius & Hieronymus Adurnij ab
exilio Genuæ principes constituti. 8
Antonius Franciscus Albicius arcem in
deditione Pisana capit. 23
Antonius Franciscus Norius Medicarū
partium fautor. 19
Antonius Leua Ticinum cum Germa-
nis defendit. 10
Antonius Leua reprimat Gallos. 300
Antonius Leua in secreto suaserat Cæsa-
ri ut Galliam inuaderet. 312
Antonius Musetella Neapolinus Cæsaris
Legatus Clementi Cæsarem reconci-
liare maturat. 84
Antonius Nerlius factiosus sacerdos ad
sonandas campanas confugit. 16
Antonius Perenotus Atrebatum antistes. 525
Antonius Perenotus ad Henricum Bri-
tanniæ regem mittitur. 609
Antonius Polinus legatus Francisci ad
Solymanum cum donis proficiscitur. 504
Antonius Polinus ad Solymanum admit-
titur. 509
Antonius Polinus apud Solymanum de
mittenda classe sollicitat. 532
Antonius Polinus ex Barbarussæ classe
ad Rodolphum legatum scribit. 539
Antonius Polinus Genuensib. scribit, Bar-
barussæ classem nemini nocituram
præterquam Nicensibus. 563
Antonius Polinus Venetijs & Byzantijs
nil proficit. 507
Antonius Rincus legatus Bizantio fugit. 423
Antonio Polino Barbarussa cathenas mi-
nitatur. 565
Antonio Polino Byzantijs ex decreto So-
lymani respondetur. 507. 508
Antonio Polino Venetijs Senatus datur,
ac regis causas dicit. 506
Antonium Polinum, & Leonem Stroz-
zam Turcæ ad Niceam interficere
conantur. 565
Antonium Polinum Franciscus Rex Bi-
zantium mittit. 505
Antonium Carasullam morionem in car-
cerem Stincum Florentini coniiciunt. 139
Antropophagi qui Canibales appellan-
tur. 305
Antuerpia Ambuaritorum Colonia. 498
Antuerpiæ Lucius Vrsulus & Nicolaus
Schermmerius Consules egregie fortes. 499
Antuerpiani Consules Rossemij Araldo
respondent. 500
Antuerpianos quibus conditionibus Ros-
semij in deditionem petit. 506
Anxianum oppidum Germani & Hispa-
ni Vega duce expugnant. 595
Appianus Iudæi Sina filium restituit. 598
Appianus ad literas Barbarussæ respon-
det. 597
Appullus Culcella tormentorum magi-
ster cadit. 256
Aque Calide ad Budam. 434
Aque infectæ suspicio quæ magnos con-
tagiososq; morbos Gallorum exerci-
tui intulit. 251
Arabicus sinus à Lusitanis interclusus. 327
Archintus legatus à Granuclio asperè
castigatur. 363
Aretini portas aperiant. 114
Argous portus. 598
Arrianū oppidū Cesariani deripiunt. 40

INDEX.

Aromata, ceteraq; Indica mercimonia in Hispaniam, inde ad Belgas distrahuntur, quæ ante Venetias aduchi solebant. 326. 327
Arpinas Cæturio cognomine *Tullius* Cicerone in cisternam iniicitur. 292
Arx naualis Veneta. 355
Asanagas ad *Cæsaris* mandata respondet. 481
Asanagas eruptionem facit. 485
Asanes *Hariadeni* filius cum *Agimo* *Algerio* præficiuntur. 245
Ascanius *Columna* et *Vastius* navali prælio commisso capiuntur. 45
Asinaria olim *Diabata* *Herculis* insula dicta. 69
Asparotus captus. 5
Aspernecum *Cæsar* capit. 612
Asturbe in Italia *Gallis* nullum antiquius patrimonium 300
Aternus annis. 35
Athenæum promontorium hodie *Campanella* dicitur. 43
Augusta in Sicilia *Megara* fuit. 368
Augustæ portus populatur à *Lando*. 67
Augustus mensis *Solymano* et *Selymo* patri felicissimus. 453
Auerardus *Serristorius* *Cosmi* legatus quid à *Cæsare* impetrauerit. 402
Aulone citius constitit *Solymanus* cum 200. milibus armatorum, quam nostri *Bizantio* discessisse crederent. 329
Arius et *Miranda* capiuntur. 52
Aurantius et *Gonzaga* *Gallos* fundunt impediuntq; exiunt. 57
Aurantius proscriptis rebellium bonis ingens edit in milites donativum. 75
Aurantius speculatur urbis *Florentiæ* situm. 115
Aurantius quo ordine *Ferrucio* obviam proficiscitur. 160
Aurati certior factus de *Ferracii* aduentu quid dixerit. ibid.
Aurantius fugit. 499
Aurantius in limine victoriæ cecidit. 163
Aurantius vulneratur ac moritur. 162
Aurantiani *Ferruccianos* aggrediuntur. 162
Aurantiorum castrorum situs. 132
Aureliana et *Septimiana* porta vetustate collapsa Romæ. 14
Auria classem adaptat. 276
Auria ad *Cæsarem* in Hispaniâ trajicit. 278
Auria *Hippomanum* expugnat ac *Cæsar* arcem euerit iubet. 298
Auria classem in *Tolone* portum induxerat, ac urbem capit. 319

Auria à *Capellio*, quod hostes insequi nollet, increpatur. 377
Auria ad *Preuesam* nullus imperator existit. 375
Auria duodecim *Turcarum* triremes cruentissimo prælio delet. 381
Auria, quare *Preuesa* non esset secundum *Gonzagæ* consilium oppugnanda, docet. 371. 372
Auria se *Messanam* abductis aliquot hostium triremibus recipit. 333
Auria *Turcarum* aliquot sciriatas capit ac incendit. 331
Auria *Genuam* obsidere iussus. 64
Auria ubi et quo die studiū à *Gallis* mutavit. 64
Auria *Venetâ* classē insequitur aliosq; capit. 63
Auria inducitur à *Vastio* ut *Cæsaris* auspiciis sequatur. 70
Auria ad *Delpbini* portum *Genuenses* superat. 64
Auria torquem conchyliatum Regi remittit. 70
Auria persequendo *Gallos* *Genuam* studet libertati donari suis auspiciis. 70. 71
Auria exploratum mittit scaphas ad *Mollem*. 71
Auria donat *Sarnensem* et *Saluiatum* singulis ingentia tormenta. 216
Auria *Lecheium* *Sycionis* olim, hodie *Basilicam* et *Creusæ*, litora uastat. 216
Auria *Christophorum* *Pallauicinum* una triremi per mediam hostium classē *Coronem* mittit. 220
Auria dum classē *Turcarum* ampliorē intelligit cōstitit ac *Christophorum* *Auriam* exploratum mittit. 221
Auria quo ordine *Coronem* oppugnare constituit. 212
Auria *Patras* expugnat ac arcem in deditionem capit. 213
Auria milites qui auderent deditos *Turcas* attingere, aut sceminis ornamenta detrahare exemplo suspendi, aut ingulari iubet. 213
Auria *Cercellum* oppidum portumq; capit. 99
Auria quadringentos milites ad *Cercellum* desiderat. 100
Auria duas *Gallorum* triremes capit, et item duas. 72
Auria renuit oblatum *Genuense* dominium. 73
Auria et *Capellius* edunt spectaculum classici prælij. 209
Auria torquem conchyliatum Regi remittit. 70
Auria ueterem exercitum *Coronæ* au-

hit, ac *Maciacum* cum suis imponit. 223
Aurie iniungit *Cæsar* ut classē in *Græciam* trajiciat. 65
Aurie renunciatur urbem in potestate esse. 72
Aurie statua *Colossæ* magnitudinis ex marmore dicitur. 73
Aurie insidiæ à *S. Pauli* *Regulo* instructæ ac eius domus direpta. 79
Auriane classis ordo ad *Acritem* promontorium. 121
Auriane tres triremes à *Sina* cognomine *Iudeo* circumueniuntur. 123.
Auriani *Molycretum* expugnant. 215
Auriani milites seditiosi ad *Rhium* castellum in *Achaia*. 214
Auriani ad *Molycretum* *Aetoliæ*. 214
Aurianos *Turcæ* ex tota *Peloponneso* inuadunt. 215
Austriana copias fugam parant. 450
Austriani milites *Pestum* deserunt. 451
Authores in historijs scribendis pictores haudquaquam imitari queunt. 554
Axi annis, nunc *Varadaris* appellatus. 330
Azalius cunctis risui. 405
Azalius in turpi latebra capitur. 405
Azalius satis cōmode *Cherij* munitiones extruxerat, si industria animus respondisset. 405

B

B *Abbianus* tirones *Hispanos* ad *Leuam* ducit. 61
Babyloniæ urbis descriptio. 222
Babylonij *Solymanum* recipiunt ac ibi hyemare constituunt. 221
Babylon urbis *Romæ* magnitudinē exuperat. 222
Badoerius inuidia deflagrat donec *Cabatii* perfidia detegitur. 421
Badoerius *Venetus* legatus cum pudore redargutus, quod *Solymanus* certior esset factus de *Senatus* uoluntate 421
Badoerius *Venetus* legatus pacem cum *Solymano* accelerat. 425
Baiardus cadit. 9
Baiana arx olim *Hortensij* oratoris uilla. 67
Baiane arcis situs. 68
Baleonus *Florentinis* suadebat longe ab urbe bellum gerendum. 111
Baleonus fortissime ad *Cerisoliā* pugnat. 586
Baleonus turmas replet. 591
Balibeus *Albæ* præficitur. 553
Balthasar *Carduccius* signifer populi *Florentini*. 30
Balthasar *Paphilus* *Hungarorum* procerum

INDEX.

cerum dux dicit.	345	Baiardus irritè Cremonam oppugnat.	9	Bohemi maximè tulerūt calamitatē.	352
Balthasar Pamphilius iniussu Velsij Budam ingreditur, quare castris excedere iubetur.	435	Baro Sisnechus Germanorum dux.	580	Bohemorum militum descriptio.	200
Baptista Archintus legatus Mediolanē. ad Casarem.	362	Barolum munitur à Cerete.	77	Boetius Hispanus Ramada, idest abiuratus à Christianismo tormentum subuehit.	257
Baptista Cibous Massiliensis episcopus Alexandro Medici necem parat.	302	Basilus Mathematicus Cosmo ex horoscopo opimam hereditatem prædixerat.	393	Bonnae Caesar copias recenset, ac militū numerus quis.	554
Barbarussa Aenariam deuastat.	601	Battianus & Docia Hungari Gritū ad maiora aspirare instigant.	277. 278	Bononiam Caesar quibus apparatib. uenerit.	200
Barbarussa classem in Aurie conspectū educit.	373	Baucius Caualcantes.	132	Boloniam quam obsidione recuperandam putauit Rex Franciscus.	615. 616
Barbarussa classem reficit, ac Mahonā extruit.	377	Bebio & Cechinus Bibbona Laurentiū Medicem interficiunt.	396	Bonus ciuis existimatus nullus, nisi qui Mediceo nomini ex professo aduersus	30
Barbarussæ classis ad Præuesam descriptio	377	Becchia urbs unius diei itinere à Tuneto distans.	253	Borbonius glande ictus moritur.	15
Barbarussa Cretam insulam inuadit	365	Belgæ ad arma consternati expilationes à Carolo Ceurio nolentes ferre.	5	Bornemissa Budam traditurus fallitur opinione.	443. 444
Barbarussa cum præda Bizantium trajicit.	602	Belgæ ad triremes missi, quibus uita concessa in eum usum erat.	278	Bosum oppidum capit Lotrechius.	24
Barbarussa Didaci filiam captam in uxorem ducit.	534	Belgæ cum Gallis tumultuarie præliantur ad Teroannam.	324	Bosphorana Selymi uxor unicum habuit filium Solymannum.	4
Barbarussa duabus de causis mature ab Italia discedere statuebat.	601	Belgarum ars auleorum sericorum texendorum.	225	Braxouium	466
Barbarussa Gallos increpat quod naues uiuo magis, quam tormentario puluere implere maluissent.	565	Belgradum antiquitus Taurunum.	338	Brancadora factio.	35
Barbarussa Hostiam peruenit cum summo Romani populi terrore.	539	Belgradum expugnatum.	6	Breda.	498
Barbarussa instinctu Gallorū aliquē tutū portū sibi in Italia querebat.	599	Bellum nouum in Apulia Veneti mouent.	76	Briscotum.	498
Barbarussa Massiliam peruenit	540	Belli origo & causa inter Othomanicos & Sophios.	260	Brixellum Cesariani capiunt.	596
Barbarussa Polino duas conditiones de oppugnanda Nicæ arce proponit.	565	Belli noui inter Casarem & Gallum uarij rumores & coniectura.	274	Brugnam Cesariani capiunt ac diripiunt Gallis cæsis aut captis.	316
Barbarussa Prouocabūdus ad Paxū.	565	Belmares equitum alam in Matalonio oppido expugnata Gallorum statione delet.	55	Brundisini Lando portas aperiant.	47
Barbarussa quid de Anria ad Præuesam se recipiente diceret.	375	Beltrandus Russius Parmensis nobilis cadit.	37	Brutiorum duæ Centuriæ à Marmaldo deficiunt ad Ferruccium.	152
Barbarussa instinctu Gallorum aliquem tutum portū sibi in Italia querebat.	599	Beluederia uilla.	49	Buccanigra Hispanus, & Iosias Firmannus cadunt.	376
Barbarussa quare Hariadenus uocari uoluit.	98	Bernardus Baldinus gemmarum aestimator.	147	Buccerus.	439
Barbarussa Lesbos patria ortus.	98	Bethlis oppidum in finibus Persici imperij.	225	Buccerus, Philippus Melancthon, atque Pistorius Protestantium Theologi.	439
Barbarussa cum præda Bizantium trajicit.	602	Blandratus qui Casalem Gallis tradiderat ictus cadit.	510	Buda discedere Regina cum proceribus iubetur.	458
Barbarussa Rhegiū capit ac incēdit.	533	Ad Bicoccam Lotrechius prælio commisso cum Gallis funditur.	7	Buda per fraudem à Solymanno occupatur.	455
Barbarussa Telamonium expugnat.	599	Bichius faleone ictus cadit.	141	Buda semicapta inimici fortiter expelluntur.	444
Barbarussa uiginti quinque triremes ex Telona portu in Hispaniam prædatum mittit.	569	Biordus Agnesius Neapolitanus ad Gallos à Cesarianis fugit edocens classis statum.	43	Buda situs, ac immutatio describitur.	440. 441
Barbarussa uisa classe ad Præuesam extimuit.	372	Bisamnem fluuium Genue olim Feritorum appellabant.	318	Budam Solymannus capit.	13
Barbarussam dimittendū censuit Gallus	596	Biserta situs.	255	Budam uacuum capit Solymannus.	126
Barbesius Aurie insidias intendit.	70	Bisertani audito nomine Roscettis Turcas oppido recipiunt.	255	Budenses fame premuntur.	443
Barbesius nouus Gallicæ classis præfectus Lando se coniungit.	52	Boelo nulla libertate promissa adduci poterat ut Ioanni Regi iuramentum dictum uiolaret.	122	Budensibus Turcæ arma deponere imperant.	455
Barbatus Græcorum fortissimus hortatur Maccicam & Hispanos ad suscipiendam expeditionem.	230	Boelo in carcere moritur.	ibid.	Burgū sancti Sepulchri occupare irritō parant Stozzei.	401
Barchinone oram soluit Caesar.	278	Bodrogum amnem Cazxianer trajicit ad pontem succindit.	346	Burria capitur ac Mediolanū mittitur.	387
Bargiam Galli expugnant.	403	Boemus Rex in pronuntiando Casare qua præeminentia polleat.	200	Burria Casali recipitur ac arcem obsidere parat.	385. 386
Baronam uillam Valorius inuifit.	410	Bohemi impauide repugnantes cadunt.	452	Butretum à Barbarussa direptum, ac ciues in seruitutem ducti oppidum denique deletum.	335
Baiardus Gallorum dux.	4			Buziam, olim Vxicarham Caesar appellat.	490
				Byzantium potuisse capi ac Græcos ad	

INDEX.

rebellionem adigi potuisse.	210	Cesar cur cum Francisco Gallie regē pa-	610	fortissime pugnacissimeq; inuadit.	290
C Abellonē Franciscus Rex conten-		cem post expugnatum Sandesirium		Cesar ipse promotu aliquot cohortibus	
dit ac castrametatur.	320	consecerit.	610	Numidas inuadit.	290
Cacciadiabolo Portuadum cedit		Cesar cum Francisco Gallie rege ad Fos-	361	Cesar ipse exploratim it.	281
ac classem capit.	98	sas Marianas colloquitur.		Cesar in Italiam spretis dicacium dictis	
Cesar Algerio castra mouet.	488	Cesar Franciscum Gallie Regem ad		contendit.	474
Cesar Algerium peruenit.	480	singulare certamen prouocat.	310	Cesar in Italiam uenit.	207
Cesar sua persona Andream Pötium cir-		Cesar ad Franciscum Regem cum man-		Cesar inuictus et intrepidus suos ad re-	
cumuentum à Numidis seruat.	290	datis Pelusium mittit.	423	sistendum stricto gladio cōpellit.	486
Cesar ad Asanagam Algerium mittit		Cesar Franciscum Gallorum Regem		Cesar Lazarum Coroncum stricto gla-	
urbem in deditionem expetens.	380	multis de causis uidere non sustinuit.	10	dio insequitur.	290
Cesar armatus ad tumultum accurit in		Cesar perhūmaniter Frāciscum Regem		Cesar ad legatos Germaniæ de Solyma-	
crepans, qui stationis locum deseruif		captiuum reficit.	10	no resistendo.	184
sent.	283	Cesar Fregosius Genuam obsidet.	65	Cesar letis omnibus in Europam navi-	
Cesar Balistariorū alā desiderabat.	290	Cesar dum in Gallia esset nihil de pace		gandum dicit.	438
Cesar in Batoariam se recepit declinans		egit.	421	Cesar mauult regnū dare quā accipe-	
primū Germanorum impetum.	618	Cesar Gallum sibi suisq; uictorijs inui-		re.	104
Cesar in Barchini Magonis portū clas-		dere dicit.	478	Cesar Medelinum et Guassrem effrim-	
sem inducit.	499	Cesar Genuæ ab Auria hospitio exci-	219	gēdi ergastuli auctores pecunia et	
Cesar Bononiæ à Pontifice excipitur.	100	pitur,		ueste donat.	297
Cesar Bononiam uenit.	100. 101	Cesar Genuā applicat, Hispaniq; pro-		Cesar Mediolanum uenit.	219
Cesar in Britannia.	5	prijs Genuensium penatibus suscepti.	93	Cesar morientem Auranium comple-	607
Cesar Carolus V. per Oceanum Hispaniam deuectus.	4	Cesar Gōzagam de Hispanis seditiosis		Cesar Muleassi respondet ac tentorium	
Cesar castrametatur inter duas turres		quoddā supplicium sumpsisset laudat,		tēdi, et cetera necessaria tradi iubet.	288 289
Aquariam et Salinariam.	281	ac muneratur.	369	Cesar Muleassem in Sicilia alendum de-	
Cesar castra metatur ad Aquas Sexias		Cesar Guletanis summam uim intendē-		cernit.	577
supra Masiliam.	317	dcm decernit.	285	Cesar Muleassem admittit.	287
Cesar cauet ne qui ueterani e suis statio-		Cesar potitus Guletta et Hariadeni clas-		Cesar Muleassem quibus conditionibus	
nibus ad noui belli spem nomina det.	276	sem occupat.	286	Tuneti regno restituit.	293
Cesar cognito Solymani recessu in Ita-		Cesar Heluetios quando belli spectato-		Cesar multis donationibus Italia Prin-	
liam redire constituit.	202	res esse cupit.	304	cipes sibi astringit.	118
Cesar constanti animo in Africam traj-		Cesar Henricum Angliæ regem sibi con-		Cesar nulli modis induci potuit ut con-	
cere uelle explicat.	475	iungit, quo facto Pontifex suggillari		stantiam de pace mutaret.	97
Cesar constitutis rebus in Insucribus fœ-		uidebatur.	528	Cesar nihil sibi colloquio Pontifici esse	
liciter in Hispaniam nauigat.	384	Cesar Hispanos, Italos, Germanos uete-		opus dicebat.	552
Cesar coronatur.	106. 107. 108	ranos ad se euocat.	185	Cesar nullo modo ad pacem induci po-	
Cesar cum paucis simulata persona Ro-		Cesar ex Hispania in Herculis Moneci		test.	516
man uisit.	309	portum aduchitur.	359	Cesar oram Barchinonæ soluit.	278
Cesar disponit quo ordine in Italiā pro-		Cesar ex Hispania per mediam Galliā		Cesar pecunias cogit.	308
fici sci uoluit.	306	in Belgium profectus.	416	Cesar peralacriter Ionium hortatur ca-	
Cesar duobus exercitibus in Galliā pro-		Cesar in Hispaniam Auriana classe ue-		lamos ad futura perscribenda para-	
rumpendum statuit.	305	hitur.	219	re.	538
Cesar edicto cauet ne quis scortum aut		Cesar hortatur Alexand. Med. ut proli-		Cesar Philippum filium Hispaniæ re-	
puerum classi imponat.	278	bis studeat ad seipsum in primis ab		gem constituit.	529
Cesar edocetur à Muleasse quibus Bar-		insidijs caueat.	311	Cesar et Pontifex ad Buxetum triduo	
barussa uiribus constet.	288	Cesar hortabundus singulos ordines per-		colloquuntur.	516
Cesar expedito ingenio anteuertendū		currit.	292	Cesar et Pontifex Luce recipiuntur.	477
Gallos (si uellent.) arma parat.	275	Cesar sui Imperatorij iuris memor Pon-		Cesar præferēs gregarios milites nobi-	
Cesar Federicius Gonzagam Montis-		tifici iurat.	95	lissi. equis, omnes equos interfici iu-	
ferrati imperium adiudicat.	383. 384	Cesar increpat eos qui suadebant ma-		bet.	489
Cesar Fosdus percutit cum Venetis ac		turē Africa discedendum.	291. 292	Cesar pugna audis castra ad Catalan-	
Pontifice contra Barbaros.	355	Cesar quo ordine castra ad Tunetum		num mouet.	612
Cesar Ferdinando concedit omnes Ita-		mouet.	ibid.	Cesar quare Bononia coronari decre-	
licas cohortes.	202	Cesar initio Lantgrauij impetum ferre		uerat.	105
Cesar Feremusca Cāpanus Romam ue-		uix potuit.	618	Cesar queritur sue liberalitatis decus ab	
nit Caesaris literas afferens.	314	Cesar Iouio iniungit ut Clementi cau-		Aurantio occupatum.	76
Cesar ad Forum Iulij copias inspiciat.	314	sam apprehensionis Hippolyti tran-		Cesar quid de Caiana uilla Mediceorū.	
		scribat.	206. 207		
		Cesar ipse in acie constitutus Numidas	311		

INDEX.

<i>Cæsar quid de Caiana uilla Mediceo.</i>	311	<i>Cæsaris respoſa ad legatos Florentinos.</i>	93. 94	<i>rebant, eſſent deſtituti.</i>	351
<i>Cæſar quid ad Pontificem genu flexo dixerit.</i>	107	<i>Cæſaris uis ingenij.</i>	27	<i>Caierbens.</i>	4
<i>Cæſar Romam uenit.</i>	309	<i>Cæſari bellum machinatur Gallus.</i>	226	<i>Calaber Crotoneatus ad Solymantum tranſſugit, ac ipſum edocet unde Strigonium facile capi poſſit.</i>	543
<i>Cæſar Romæ cõcionatur omnium principum legatis propè præſentibus.</i>	310	<i>Cæſari Caſoni criſta datur.</i>	197	<i>Calcemitus Heluctiorum dux cum uiginti milibus Helue. Gallis ſuccurrit.</i>	319
<i>Cæſar Ratiſponæ conuentum diſſoluit, ac quid ibi egerit.</i>	472	<i>Cæſari ad Landreſium ampliſſima uictoria è manibus elapſa.</i>	579	<i>Cameracum olim Samarobrina</i>	615
<i>Cæſar in Senatu coram Pontifice ad Grimani orationem reſpondet.</i>	530	<i>Cæſaris regionum inuentarum deſcriptio.</i>	306. 307. 308. 309	<i>Cameraci Cæſar arcem ponit.</i>	562
<i>Cæſar ſeptem procereſ equeſtri ordini aſcripſit.</i>	111	<i>Cæſari in Sardinia Africam petenti bi-ceps uitulus dono oblatus.</i>	479	<i>Camerana inſula Ambracij ſinus.</i>	382
<i>Cæſar ſeruos liberos dicit, pecuniam nauigia & commeatum donat.</i>	296	<i>Cæſarum Carolus V. potentiſſimus.</i>	3	<i>Camillus Columna, & Cæſar Maſſius Neapol. oppugnantur à Gallis.</i>	357
<i>Cæſar in Siciliam ac inde in Italiam traiecit.</i>	299	<i>Cæſarianus exercitus regionatim Neapoli per idonea loca diſtribuitur.</i>	41	<i>Campanella olim Athenæum promontorium dictum.</i>	43
<i>Cæſar ſignum ad oppugnandam Gulettam militib. exhortabundus dat.</i>	286	<i>Cæſariani ad aquas cifternas currentes uel ab ipſo Cæſare uix reprimi poterant.</i>	292	<i>Campegius ſignifer captus.</i>	39
<i>Cæſar ſororem matrimonio Regi Gallorum coniungit.</i>	10	<i>Cæſariani arcem Romanam capiunt.</i>	11	<i>Cāpſo Mēphiticus Sultā ingēti claſſe Luſitanos India arcere ſtuduerat.</i>	326
<i>Cæſar ſtudebat Paulum Pontificem in ſuas partes traducere.</i>	526	<i>Cæſariani Caſali acerrimè Gallis depugnantib. proſligant, ac Burriam capiunt.</i>	387	<i>Cādalius regius iuuenis iſtus capitur.</i>	52
<i>Cæſar ſumma benignitate clementiaq; Franciſcum Sfortiam reſtituit paternæ hereditati.</i>	103	<i>Cæſariani claſſem conſcendunt.</i>	479	<i>Caneā urbem, quæ olim Cydonia fuit, Barbaruſſa oppugnat.</i>	365
<i>Cæſar Ticinum uenit ut locū oculis intueatur ſua uictoria Gallorumq; caſu nobilem.</i>	219	<i>Cæſariani equites ad Ceriſolā in Germanorum phalangē incurrunt.</i>	585	<i>Caninius cum Fregoſto ſimultatē init.</i>	483
<i>Cæſar totus deſcribitur.</i>	101. 102	<i>Cæſariani Florentinos cādunt.</i>	140	<i>Canifſianus ineptus & ſutilis Senator.</i>	394
<i>Cæſar tres nationes per tria caſtra diſtinguit.</i>	482	<i>Cæſariani Gallos inſequuntur ad Landreſium.</i>	561	<i>Capellius ad Auria prætoriā ſcapthæ uentus, offert ſe promptiſſimum ad prælium inuendum.</i>	373
<i>Cæſar triginta milia nummum ex arcis cifterna Vaſtio donat.</i>	295	<i>Cæſariani Gallos ad Ticinum capto Fraciſco eorum Rege proſligant.</i>	10	<i>Capelli & Auria ad Zacynthum mutuæ claſſicæ ſalutationes.</i>	209
<i>Cæſar apud Vangiones comitia indicit.</i>	423	<i>Cæſariani Gallos ad Vitriacum proſligant.</i>	609	<i>Caponius abſolutus ſummo omnium comitatu ad ſuas ædes deductus.</i>	89. 90
<i>Cæſar Venetos ſibi aſciſit.</i>	303. 304	<i>Cæſariani Ianizeros & Numidas in Gulettam compellunt.</i>	284	<i>Caponius cum tribus alijs ad Cæſarem Legati mittuntur.</i>	93
<i>Cæſar Viennam claſſe deuectus ſingula caſtra inſpicit.</i>	199. 200	<i>Cæſariani Leua duce Borbonium capiunt exercitumq; ſundunt.</i>	82. 83	<i>Caponius ſuam cauſam dicit.</i>	86. 87
<i>Cæſ. aciei ad Viennā deſcriptio.</i>	201. 202	<i>Cæſariani in littus deſcendunt.</i>	477	<i>Caponius moritur.</i>	94
<i>Cæſaris apparatus & naualium & terreſtrium copię inimicos in pace continuit.</i>	276	<i>Cæſariani à Neapoli diſcedentes uexillis tormentis impedimētisq; exeunt.</i>	58	<i>Caponio dictatura auferitur, ac Franciſco Carduccio delatur.</i>	86
<i>Cæſaris Caſtra ad Algerium.</i>	482	<i>Cæſariani Numidas oppugnant.</i>	483	<i>Caponio à plebeio dictū tam falſe quam inſolenter.</i>	31
<i>Cæſaris conſtantia omnes ad Algerium egregiè ſuſtentabat.</i>	487. 488	<i>Cæſariani Numidas in urbem compellunt.</i>	484	<i>Caponius Venetus dux uocatus à Florentinis.</i>	32
<i>Cæſaris copię quantæ, quiq; duces.</i>	603. 604	<i>Cæſariani poſteriora agmina Gallorum inuaduunt.</i>	404	<i>Captiuatius Strozza captus redimitur.</i>	164.
<i>Cæſaris dicta, dum ſigna canere iubet ad Tuncetum.</i>	293	<i>Cæſariani poſt aduerſam naualem pugnam nihil ſe animis remittunt.</i>	47	<i>Captiuorum mortuorumq; nomina in nauuli prælio hominum memoria cruentiſſimo ad Vrſi caput commiſſum.</i>	46
<i>Cæſaris diploma recipiunt Florentini ac illud obſeruatuſ ſe iurant.</i>	178	<i>Cæſariani quas urbes tuendas, aut Galluli uiciſſim putabant.</i>	493	<i>Capuani Gallis introitum negant.</i>	57
<i>Cæſaris diplomata ad Florentinos deferuntur, quib. Alexandrū Medicē ducem Florentiæ conſtituit.</i>	177. 178	<i>Cæſariani ſeditioſi deſignant hebdomadatim prælectos, quos Electos appellabant.</i>	364	<i>Caput Liberū Barbaruſſa capit.</i>	598
<i>Cæſaris exercitus ad Maſilie fame morboq; laborat.</i>	317	<i>Cæſariani Strozza inſequuntur.</i>	593	<i>Capita ſeptem Procerum Solymano oblata renidenti ore illudit.</i>	118
<i>Cæſ. exercitus numerus ad Viennā.</i>	201	<i>Cæſariani Strozzeanos ſundunt ac proſligant.</i>	594	<i>Caradinus Turca Muleaſi firmum præſidium.</i>	29
<i>Cæſaris exercitus numerus.</i>	314	<i>Cæſariani ad Troiam perueniunt.</i>	37	<i>Caradinus Turca tormenta mittit.</i>	254
<i>Cæſaris fortunā ſequi ſtatuit Clemēs.</i>	35	<i>Cæſariani tumultuoſiſſima pugna comiſſa ſerè Gallorum ſtipendia auferunt.</i>	52	<i>Carapule olim promōtorū hodie Battalium Poeni Gyra Flumar appellat.</i>	99
<i>Cæſaris natura.</i>	207	<i>Cæſariani uarijs rebus moti ad Gulettæ expugnationem.</i>	285	<i>Carducci dictatura ſe abdicat, ſufficitur Raphael Hieronymus.</i>	69
<i>Cæſaris prætoria graui cum periculo uado hæſit.</i>	279	<i>Cæſarianorum ad Ceriſolam cæſorum nomina.</i>	585	<i>Carduccius litteras publicas mandati tranſmiſſurus mentitur.</i>	91
		<i>Cadentium fortiter pugnando nomina, cum à ſocijs, qui fuga ſibi ſalutē qua-</i>		<i>Carduccius monaſteriorū xenodochio-</i>	

INDEX.

rumq; bona uendenda censet.	91	Casohus à Solymano pradatū mittitur.		Nicolatum Sadrinum abducere conat-	
Carduccius mutata persona mutatur & studio.	90	Casohus à prada rediens arbitratu Solymanū Guintij inuenire fallitur.	196	tur, ab eodem interficitur.	354
Carduccius nil remittit quod ad munitionem urbis belliq; apparatus pertinere uidetur.	95	Casohus cadit.	197	Cazzianer signorum castrorumq; desertor impius.	353
Carduccius nunquam tranquillum Reipub. statum nisi manibus pedibusq; Mediceorum sanguine ablutis futurum asserit.	31	Castagninus Tanarius Pāciaticis fauēs.	409	Cazzianer turpissimè fugit.	350
Carduccius Scimitarra uocatus	31	Catharina Ciboa omnibus ornamentis spoliata.	35	Cazzianeri aliud consilium.	349-350
Carduccius solerti ingenio.	86	Catharina in Galliam uehitur.	224	Cazzianeriani singulis horis in cōsilijs.	342
Carduccij studium in eis quæ muniendæ urbi necessaria uiderentur.	91, 92	Catharina neptis Clementis ad Vestales à Florentinis inclusa.	30, 31	Cazzianeri præscribunt legibus ne qui miles sub capitis pœna Turcam uiuū capiat.	342
Carduccio aurbore iuuetus Florē. armorum gestadorū licentiā impetrat.	31	Catharinā iuniorē Larent. Medice genitam Henr. Frā. Regis filius ducit.	223	Cazzianeri iterū consultant.	346, 347
Carduccio egregium scomma Antonius Albertus in corona impingit.	91	Castellum Sancti Angeli Laudēsi uia Leua expugnat.	96	Cazzianeris leuita prælia consere cum Turcis inibetur.	343
Carinianum Anghianus obsidet.	578	Castellum Genuense oppidum à Venetis oppugnat.	68	Ceciliam oppidulū ab incolis desertum succendit Barbarussa.	365
Carinianum deditur.	596	Castellimaris Stabiæ olim.	55	Cecottus Tosingus ad Dictatorem.	170
Carinianum honesta deditione Gallis traditum.	596	Castelli in uilla Cosmiana, eo die quo principatum adiit, omnis generis flores extemplo erumpunt.	398	Centum & quinquaginta hominum milia aut cæsa, aut in seruitutem à Solymano abducta.	119
Carinianum Vastius munit.	569	Castelletum expugnat.	8	Cencius Strabo de scripto Ducum nomine respondit.	168, 169
Cariniani Casariani fortissime Anghiano respondent.	588	Castelleri arx euertitur.	73	Cepelia occupant Turcæ ac muniunt.	447
Cariniani Cas. fortiter obsidionē ferūt, ac de eruptione cogitāt.	578, 579	Castrenses à deditione in seruitutem deductos, ac direptos, postquam Solymanus didicit, criminis aushores puniunt, ac Castrenses liberos dimittit.	335	Cerisole pugna.	594
Cariniano & Carmagnola potitur Guido Rangonius.	319	Castrenses à deditione in seruitutem deductos, ac direptos, postquam Solymanus didicit, criminis aushores puniunt, ac Castrenses liberos dimittit.	335	Cerisolem occupari iubet Vastius.	582
Carmagnola Casarianis deditur, ac arx expugnat.	568	Castro nouū à Tur. expugnat.	378, 379	Cetriscus Regis Cadauer indicat.	13
Carmagnolam expugnat Vastius.	403	Castro nouum obsident Turcæ.	378	Cherium oppidum expugnare Vastius statuerat.	384
Carolus Aurelianus moritur.	615	Castro nouum quomodo Turcæ oppugnare constituunt.	378	Cherium Vastius oppugnat.	405
Carolus Borbonius.	9	Castro oppidum Salentinorū Turcæ in deditionem capiunt, ac post diripiūt, ac ciues in seruitutem deducunt.	330	Christierna Francisco Sfortia nubit.	229
Carolus Cesar Imperij competitorē habuit Franciscum Gallie Regem.	3	Castro in Sicilia frustra à seditiosis Hispanis oppugnat.	366	Christianus Dacie & Noruegia rex sedus cum Cliuensi habuit.	496
Carolus V. Cesarum potentissimus.	3	Castrocci Lucensis Montem Murlum Florentinis ademit.	410	Christiani Rebatti oppidulo extra Tunetum habitantes templi & familiam habentes.	254
Carolus Ceurius Belgas expilat.	5	Catalaunum oppidum olim, hodie Sciallonum.	611	Christiani Casari signum dant occupate arcis Tunetanæ.	295
Carolus Francisci filius qualis	495	Catianer alacritate quadam inanis & peruicax.	18	Christiani serui Tunetanam arcem capiunt.	395
Carolus Gonzaga, cum pedites turpiter effugere uideret, in hostes se fortiter confert.	586	Catianer Turcas fundit.	198	Christianorum ala equitum prætoriana pro Mulcasse.	254
Carol. Lanoius Belga Franc. Gallorum Regē in Hisp. captum perducit.	10	Caucasus pater montium.	265	Christophorus ad Franciscum Regem Gallie confugit.	227
Carolus Lanoius cum Garmanis & Hispanis in Italiam triicit.	13	Causæ cur An. Auria à Rege desciiuit.	69-70	Christoph. Pallauicinus per mediā Turcarum classem una triremi ad Coronenses obfessos confirmandos.	229
Carolus Lanoius obfes.	14	Causæ cur Florentini promptiores Gallis quàm Casari sauerint.	34	Christophorus Vladerici filius petierat aliquot oppida paternæ hereditatis sibi donari.	327
Carolus Lanoius Belga & Piscarius copiarum Casarianarū Imperatores.	9	Causa quare prima fronte Casaria, cum Lotrechio & Gallis Venetisq; ad Troiam non cōslixerint.	38	Cicchius Butet à Roscio trāsoditur.	140
Carolo Aureliano Frā. F. Cas. suam, aut fratris Ferd. filiam promittit, & quodote.	612	Cazzianer ad Caprunzā oppidū.	340	Ciconio Vastius iratus quod commeatus non ex præscripto distribisset.	357
Caruenna urbs Numidie.	250, 251	Cazzianer ad Veruezæ arcē peruenit.	340	Ciuierius interficitur. capitur Ioannes Portundi filius.	98
Caruennæ Africæ situs.	259	Cazzianer cum Viennam causam suam purgaret, ac sub honesta custodia teneretur, effregit ac fugit.	354, 355	Ciurlius Machiauellus statuæ Leonis dextrum oculū spiculo perfodit.	13
Casalenses ad Gallos deficiunt.	385, 386	Cazzianer deliberat de castris mouendis.	343, 344	Clarasum inter inducias Galli noctu occupant.	494
Casalenses rebelles ad suscipiendum Gōzagam Principem.	385	Cazzianer de trāsugio cum Mahomete certis legib. pepigerat, ac cum secum		Clarasum Vastius oppugnat, ac in deditionem accipit.	406, 407
Casohus Austrianā classem inuadit.	451			Clarice Medices Philippo Strozze nupta Syluiū urbe discedere iubet.	22
Casohus quatuor Hispanorum & Italarum cohortes fundit.	196				Clarice
Casohus quatuor milia captiuorum ad unum omnes interficit.	197				

INDEX

Clarice odij causa 22
 classis Caesaris quot nauibus & triremibus constabat 279
 classis caesariana oppugnatur 23
 cum Hariadeno Galliae regi mittitur 533. Turcarum prius in Ionio quam Veneti maris praefectum creassent 329
 Classen exornant Caesariani quinquaginta hominum milibus 365
 Classes Venetorum Gallorum & Auriarum separantur 69
 Classium Caesaris, Venetiae, ac Pontificis imperatores qui 355
 Claudius Guisus de Lutheranis nobili uictoria clarus 495
 Claudius Velleius Legatus Galliarum Regis ad Florent. 34
 Clissa oppidum admodum opportunum ad sustinendum Turcas 336
 Clissani Turcarum munitiones adorti in fugam uertuntur, ac profligantur 336
 Clissani uiso capite Croficij fugientes uacuum oppidum Turcis relinquunt. 337
 Clemens Anconam quam nuper suae ditionis fecerat, proficiscitur 219
 Clemensangebatur quod Caesar Rhegium & Mutinam Alfonso Atestino adiudicasset 218
 Clemens ex 30. Cardinalibus quos asciuerat neminem laudabat 234
 Clemens Caesaris fortunam sequi statuit. 35
 Clemens Caesarem Bononiae excipit. 100
 Clemens clades Christianis praedicebat postquam Hispani Coronem deseruissent 263
 Clemens immodicae parcimoniae obnoxius 234
 Clemens cum Iouio de Florentinis ingratiss & familiae decore 35
 Clemens Lotrechiano foedere offensus 84
 Clemens Massiliam proficiscitur cum Rege collocuturus 224
 Clemens magnopere letatus ex Vgonis Moncae & Caesaris Feramuscae nece 47
 Clemens moritur 234
 Clemens neminem oderat, cum neminem amaret, praeter eos quos ab occultiore causa conciliarat. 234
 Capucia tegumenta capitum 43
 Clemens pontifex certiore Regem reddit de Atria nutante 70
 Clemens Pontifex & Veneti arma in

Caesarianos conuertunt. 11
 Clemens quatuor uiros Gallos Massiliae in Senatum assumit 226
 Clemens quid Massiliae apud Fraciscum egisse existimabatur 247
 Clemens quid saepius de Florentinis ingratiss dixerit 31
 Clemens reddita Corone inducias decennales a Turca redimi cupiebat. 263
 Clementis gestus de Mutinae, & Rhegij Caesaris sententia conquerentis. 225
 Clementis & Leonis statu in templo Deiparae transfixae a Florentinis 33
 Clementis laus non modica ab Italis, quod Caesaris exercitum dissipasset 218, 219
 Clementis mortis causa Curtius medicus 235
 Clementis sententia de Henrici Regis Britanniae repudio 217
 Clementis studium in restituendo Sfortia 96
 Clementi nequaquam studio fuit Florentiae excidium sed incolumi patria opus habebat 158
 Clupea promontorium, hodie Calibia dicitur 299
 Clupea promontorio antiquitus Mercurij pulchri 281
 Coelae alpes 356
 Coim oppidum in Armenia maiori. 264
 Columbariae ad Ebuscum classe Portundus pugnat, & cadit 97
 Columbus Ligur 305
 Columbus apud Hyspalim defunctus. 305
 Columniae familiae oppida a pontificijs militibus incenduntur 13
 Columneum promotorium quod olim Lacinium dictum fuit 209
 Comersum Caesar capit 605
 Communitiae, olim Regius fons 332
 Concilium apud Vangiones Germanis proceribus Caesar indicit 6
 Concordiae ineundae conditiones inter Caesarem & Franciscum regem. 612
 Conditiones inter Florentinos & Gallos in percutiendo foedere 34
 Conditiones quibus Cosmus a Senatu Reipublicae caput constituitur. 395
 Coniuratio Petruciana 3
 Conradus Hessius uetus Germanorum dux felix aleator 158
 Consalvus Baractae Lusitanus cucullatus concionatur ad Caesarianos classem in Gallos ducentes 43

Constantina urbs olim Cyrrha fuit. 258
 Copias Feltrij submouent Germani. 14
 Corbana regio 338
 Corcyrae obsidionem, susceptae expeditionis peritus, Solymanus soluit. 334
 Corcyra suburbana excinditur, ac in bellis multitudo extruditur summo luctu 334
 Corcyram oppugnare constituit Soliman. 333
 Corcyraei pagani in seruitutem abducti 333
 Corcyrae uno bello supra sexdecim milia utriusque sexus in seruitutem abducta 335
 Coronatio Caesaris quibus ordinibus constabat 106, 107
 Corone deditur a Turcis 212
 Corone descriptio 211, 212
 Corone oppugnatur 212, 213
 Corone reddita poterat redimi induciarum decem annorum tempus. 322
 Coronem obtulerat Caesar Christianis principibus 263
 Coronem pestis inuadit ac Hispani nauis nauigia ablatis tormentis una & ciuib. urbem uacuum relinquunt 232
 Coronei Hispani ad Andrussam cum Turcis pugnant 231
 Coronei Hispani in hostes educi postulant 229, 230
 Coronei Hispani se recipiunt 231, 232
 Coronei media laborant 229.
 Cortona oppugnatur ab Aurrantio & Vastio 113, 114
 Cortona deditionem facit 114
 Cosmus aduentantes Cardinales sibi ex affinitate propinquos miratur 399
 certior de inimicorum consilio factus, quo ordine eos oppugnare parat 411. factus certior de exulibus aduentantibus exercitum conscribit 399. duo milia ueteranorum militum Vastio mittit 590. eodem tempore, quo Strozzeanas copias deuicit, duplici uictoria gaudens 413.
 eundem horoscopum habet quem Augustus habuit 413. exules in patriam reducit 396. de exulibus aduentantibus certior factus, quantum possit pecuniae cogit ab amicis mutuo 409
 Cosmo Florentiae & Liburni arces a Caesare donantur 535
 Cosmus Florentiae princeps a Caesare uxorem postulans, Eleonoram, petri Neapolitani Proregis filiam ducit

INDEX.

ducit	362	Gallie	163	domus gratulatum uenientie	30
Cosmus Reipu. Florentine caput con-		Crescentinum oppidū Galli tormētis		Deffostis Rascie patrimoniū subegit	
stituitur	395	oppugnant	533	Belgradi præfatus	338
Cosmus Hispanorū et Germanorū co-		Cretenses supra mille Turcas interfi-		Deffannā & S. Germani oppida Gal-	
hortes in Fesulanū agrū euocat	399	ciunt	365	li capiunt	578
Cosmus à matre obtestatur ne cuperet,		Croatia	338	Didator Caponius Remp. Florentian	
aut aggredereetur dominatū	393	Cucchius Cesari breui abunde comea-		administrat	84
Cosmus Medices Florentie princeps		tum affore promittit	491	Didacus Abyla signifer uexillum in	
Margaritæ Austriæ nuptias expe-		Cumerum promontorium extremum		hostili aggere defigere conatus ca-	
tebat	362	Indie	265	dit	284
Cosmus Medices Florentiā aduolat ex		Cuniaties fortiter Gallis resistunt	509	Didacus filiam Barbarussæ uxore in-	
Trebia uilla, ut certior fieret quid		Cuniatib. Daualus subsidium mittit	510	uisit	534
perpetratum esset	391	Cunij oppidi situs	509	Didacus Samenta cadit	356
Cosmus Medices Matrī quid respon-		Cusanus Burgundus fortissime dimi-		Didacus Touares cadit	331
derit	393	cans cadit	379.380	Didacus Verra exercitum amittit	3
Cosmus Medices Stellā & Falconem		Cursula antiquitus Corcyra nigra fuit		Dimidia pars classis Venetorum ex	
arces in Ilua extruit	598	333		morbis contractis in Iuridinia mo-	
Cosmus Medices Vastio Rodolphum		Cuselbasæ & Cacepe qui	260	ritur	69
Baleonē mittit cū ala equitū	580	Curcius Medicus causa mortis Clemē-		Dinanium indixit Barbarussa ad Ni-	
Cosmus omnia humaniter impleuit à		tis	235	team Gallis trahit	565
Cardinali sibi iniuncta	395.396	Cyamum promontorium hodie Spate		Dionysius ex ordine Seruorū cuculla-	
Cosmus Philippum Strozzi a uita dona-		dicitur	365	torū Cardinalis quid de Gallie re-	
re decreuerat	415	Cymbri in Chersoneso, Holsatij &		ge fieri in senatu contendebat	526
Cosmus Pistoriū in præsidium mittit Fe-		Dani sunt	496	Direpta Genus	8
dericum Montacutum	409	Cytheū olim hodie urbs Candia	365	Docia discerpitur	247
Cosmus Pratum duas equitum turmas		D		Dominicus Cuppius Romanus Galli-	
Poëtio duce mittit	411	Dammartinus regulus	323	cas partes in senatu tuetur	516.527
Cosmus à quibusdā priuatis amicis in-		Danthes Castellio ex Strozzi comita-		Domus lignea plicatilis instar Regie	
crepatur quod tardior in appetendo		tu Hippolytum Medicem transire		5	
dominatu uideretur	392	parat	10	Doraces Muleasis mater	250
Cosmus in Senatum ueniens salutans à		Danybius à Romanis temporibus nū-		Dorax alit honeste Muleassem usque	
Cardinale egredi iussus	393	quam plures milites tulit Cesaria-		ad aduentum Cesaris	258
Cosmus uenientes ad se Cardinales cū		nis	189	Dorbinus moritur	112
inermi comitatu excipit	400	Dardanelli duo castella in Naupacti fi-		Dorbinus Salsedo ueterano militi in	
Cosmus uiriliter Salutato ut abdicaret		nus angustijis unum Achiacum alte-		Vastij præsentia disciunt brachium	
principatū suadēti respondit	400	rum Aetolicum	213	40	
Cosmus per Vitellium Cardinales ur-		Dariena Paria, Perura, Cuscha regna		Dorbinus & Hesius Guasconum mi-	
be egredi iubet	401	Cesari inuenta describuntur	306.	nitiones oppugnant	58
Cosmi domus ex letitia à plebeis &		& deinceps		Dracula in Valacchiā regnauit	464.
militibus diripitur	395	Daualus sæpius ad Cesarē scribit Gal-		Draguthes	373
Cosmi impertum et Alexandri cadem		los Hispanie finibus cauendos	501	Drepanum promontorium olim Ma-	
qui prædixerint	397	Daualus duodecim oppida Gallis eri-		lachum uocant	365
Cosmum quid Cardinalis in eum suble-		pit	494	Drosius Montenicum quibus conditio-	
uando rogaret	395	Daualus & Hancbal legati in collegi-		nibus dedit	563
Cosmi titulum ex sepulchro eradunt		Venetis uocantur	418	Drosiani inuaduntur	568
Florentini	33	Daualus in comitijs uenetis orat.	418	Ducum fugacissimorum nomina ac ca-	
Cosmo Medices dicatur historia	2	Decimionono libro historiarum quid		strorū descriptors ad Exechiū	253
Cosmianæ copię Montem Murlū ex-		contineatur	3	Ducum nomina qui Castrohoni aut ca-	
pugnant	412	Decuriones noui Florentie	173	pti aut cæsi sunt	380
Cosmianæ copię quo ordine Prato		Deditur Arx Mediolanensis Cesaria-		Dura capta omnibus interfectis ac in-	
discedunt	411	nis nauante opera Antonio Leua		censa	556
Couonus Florentinus Pretor Volater-		Alfonsoq; Vastio	11	Duræ situs	554.555
ranus cū quatuor cohortib. Volater-		Delacia insula Arabici finis	382	Dura oppugnatur	555
ra expellitur	147	Delimethes è Caramania cognomine		Durense alam equitū in insidias per-	
Crassus fluuius	341	Delis id est insanus	266	trahunt	555
Cremona potitur Lotrechius	7	Delphinus Henrici Regis discedentis		E	
Cremona recipitur dedente eam Lescu-		uestigijs instituit	613	EBersteinius octo milia Germanorū	
to	ibidem	Demetrius Spartanus Græculus Tau-		in Lunensem agrum perducit, &	
Cremona à Gallis irritè oppugnatur	9	rum incantat pestilentie sedande		naues conscendunt	277
Crepinij in Suefionib. tractate in-		causa	8	Eburones Rossemio commeatum, &	
ducie inter Cesarē & Regem		Descriptio Florentinorū ad Mediceas		iter negant	497

INDEX

Eccius, Iulius Pluggius atq; Gropperius Catholicus Theologi 439
Egrotans Clemens inter cetera neptē quam Florentini inter Vestales incluserant repetit 32
Ennius Philonardus Heluetios sollicitat 510
Empolium oppugnatur à Caesarianis 152
Empolium expugnatur 253
Empolium Ferruccio præto subsidium mittitur 149
Enuosium deditur 495
Enuosium fortiter à Germanis defenditur 495
Episcopi ad hastam uenales producti 22.23
Epitome quorundam librorum surreptorū quare scripsit 2
Equestris pugna apud Lignarium uicini inter Caesarianos & Florentinos 141
Equos Gallis capiant Hispani 50
Ercocchus portus Abyssinæ regionis 382
Erythrææ angustie 327
Etruria tremit multaq; nobilia ædificia corrunt 531
Etrusco belli Clemens quantum expensisse ferebatur 189
Eunuchus Ademanum regem sub fide ad se euocatum suspendit 381
Eunuchus maiora tormenta deserit 381
Eunuchus Strymani ianitor Barbarus se comes datus Barbarussam cunctationis increpat 272
Duo fluuii duo nauigia militum deuicta merguntur 369
Euripus Nisite insula 602
Exechianæ stragis incommodum feda gulis temeritate, & culpa accidisse 352
Exechium in Possessa communiuit Ma hometes 338
Exechij Christianis à Turcis finestissimum, ac fædisimum detrimentum illatum est 334
Exercitus ad Exechium in ædia laborat 345
Exules Florentini tertio expeditionē in Etruriam parant 409

F

Fabritius Maramaldus Volaterram obsidet 151.152
Factiosi quidā ciues astutē à Caponio in legationes mittuntur 33
Fares Tureti arcis præfectus ab Amida interficitur 572
Farnesius legatos omnium que apud Casarem agebatur ignarus, ac ir-

atus quod se nescio legatorum contentus Hagano esse inditus 425
Federicus Carrasa cadit 78
Federicus Carectus Regulus glande traicitur 281
Federicus Gonzaga Ticinum defendit 7
Federicus Gonzaga Casali recipitur, ac princeps acclamatur 387
Federicus Guerreria familiæ princeps Caesarianus 35
Federicus Montacutus Pistorij præficitur 409
Federicus Frustembergus Casari, Guilielmus uerò frater Gallo militat 336.358
Federicus Frustembergus duas legiones Germanorum in Italiam ducit 404
Federicus Frustembergus fratrem Gallo militantem uix salutatur 358
Federicus Riccius capite uulneratur à Iacobo Alamanno 16
Federicus Saxonie & Philippus Lan- grauius ueteres hostes Austrie domus 182.183
Francisco S. Fortia in subsidium mittitur 9
Feltrini in Mincij ripis pugnantē superant Germani 14
Felrij Leue Vastijq; de Bonbonij Guidonijq; Rangonis à militia disciplinam d secessisse pari errore sententia 82
Ferdinandus aule sue principibus immodicè credens 513
Ferdinandus ad Albā regale Rex acclamatur ac coronatur 122
Ferdinandus Buda potitur 121
Ferdinandus Caroli Imperatoris frater Caesar constituitur 181
Ferdinandus classem Danubio Strigonium mittit 433
Ferdinandus ad Clissam duo milia Germanorum mittit 336
Ferdinandus Cortesius ad Mexicana regna terrestri itinere cōiēdit, The- mistitana urbe potitur 306
Ferdinandus deprecatur Casarem ut cum copiis iam paratis Ioannē Regem inuaderet 202
Ferdinandus Gonzaga in Angliā mittitur 561.562
Ferdinandus Gonzaga cum duobus galeariorū equitū milibus 189
Ferdinandus Gonzaga cum Germanis & Hispanis erumpit Puteolana uia per cryptam ducens 48
Ferdinandus Gonzaga primū omnium hostem ad Tunetum transfixit 293
Ferdinandus Gonzaga successit Vastio

in Mediolanensis dominatus præfactura 617
Ferdinandus imperat omnib. Stiria Carinibiq; populis, ut nemini Italoparcent 205
Ferdinandus intellecta Ioannis morte arma parat, & quibus Hungaris suadentibus 430.431
Ferdinandus rex inducias cum Turcis abruptis 338.339
Ferdinandus rex quare se Turcis non obijciat 339
Ferdinandus quid de Georgio Varadiensi antistite diceret 430
Ferdinandus semper adulatoribus ornatus 513
Ferdinandus ad Solymantum Legatos mittit 284
Ferdinandus ad Solymantum Legatos mittit sed nil proficit 124
Ferdinandus Solymano Legatos mittit cū donis pacē expetētes 459.460
Ferdinandus Tolctanus Albæ regulus 278
Ferdinandus Ttransylvaniam in dedicationem capit 122
Ferdinandus Sanseuerinus Salernitanus princeps 313
Ferdinandus uerā, testatq; de familiabus minime credit, & falsa de alienis libentissimè 523
Ferdinandi exercitus, qui ad Exechiā mittebatur descriptio 339
Ferdinandi legati quid à Solymano peterent 460
Ferdinando quibus rationibus dissuadebatur bellū cum Solymano inire 338.339
Ferdinādo Regi pax datur 234
Ferdinando, Bodo & reliqui capitui cum uexillis mittuntur 122
Ferenius Bodo capitur 122
Ferruccius copias suas Pisif & uicit suasq; alloquitur 337.159
Ferruccius à Corsis seditionis prope interfectus 152
Ferruccius contra militie decus timpanistam suspendit 152
Ferruccius Volaterrā expugnat 150
Ferruccius interficitur 163
Ferruccius S. Marcellum oppidū paucis caesis capit 161
Ferruccius subsidium postulat, mittiturq; ei quinque militū uexilla quib. Ferdinandus Gonzaga confli- git 149
Ferruccius Pisanos muris modis ad pecunias dandis cogit 159
Ferruccius quatuordecim Hispanos in carcere fame necat, ac demū mortuos ad pinnas arcis suspendit 150
Ferruccius Volaterra ex Senatus

I N D E X.

conscripto euocatur ac quid faciat
edocetur 158
 Ferruccijs mirè in Volaterranos se-
nit 150
 Ferruccijs Volaterranis ecclesijs da-
maria detrahit 152
 Ferruccijs Volaterra erumpunt 154
 Ferruccianos Auratius oppugnat 162
 Fessani Regni potentia 151
 Picerium 330
 Figaroa cum filio captus 374
 Flattes Durenfibus praefectus 555
 Flattes occisus tormento 556
 Flisca & Grimaldia familiae Guelphae
factionis 71
 Flisci peculiare Fregosiorum hostes 8
 Fuscorum edibus ad Violatæ Genuæ
Pontifex excipitur 361
 Florentiae in curia tumultus inges ex-
citatur 85
 Florentiae qui capitali supplicio affici-
untur 173
 Florentiae quotidianae cōciones in Me-
dicos 182
 Florentina iuuetus potius obsidere quā
obseruare curiae limē uidebatur 31
 Florentina iuuetus eubrat gladios ad
deterredos Decuriones 15
 Florentina iuuetus Praetorium occupat
Petro Saluiato duce 15
 Florentinae pacis exemplar 171
 Florentini capitali supplicio eos affi-
ciebant qui uel de pace aut de eius
Reip. statu loquerentur, & qui ea
causa mortui 138
 Florentini ciues coniurationis conscij
capite plectuntur 9
 Florentini donaria templis dicata uen-
dunt 147
 Florentini duces magistratui de scripto
respondent 168
 Florentini erumpunt in Germana ca-
stra 156. 157
 Florentini exules conatur Alexandrū
omnibus spoliare 301. 302
 Florentini exules captiui ad Cosmum
ducuntur 413
 Florentini exules ad Montē Murli ca-
pti secure percussi, aut laqueo ene-
cti 413. 414
 Florentini exules ad Montem Murliū
capiuntur 413
 Florentini exules Romae consiliū de-
recuperanda libertate ineunt 399
 Florentini eruptionē faciūt 115. 116
 Florentini iterū erumpunt cōmittiturq;
atrox pugna 145. 146. 147
 Florentini iterū atq; iterū eruptionē
solicitant 166
 Florentini è tribus portis eruptionem
faciunt 134. 135

Florentini Ferruccijs casu nil sese ani-
mis remittunt 154
 Florentini ad mediam perducti 157
 Florentini ingrati ciues nunquā recon-
ciliandos putabant Caesarē & Cle-
mentem 84. 85
 Florentini Legati ad Caesarem admit-
tuntur 93
 Florentini iterū de Legatis Caesari &
Pontifici mittendis deliberant 14
 Florentini Magistratus Caesaris diplo-
ma recipiunt ac iurant se obserua-
turos 177. 178
 Florentini in Malatestā inuasuri ni Ce-
cotus Tosingus auertisset 170
 Florentini mortuo Alexandro promi-
ad appetendā libertatem 392
 Florentini numerum militum in socia-
le bellum constituunt 19
 Florentini nunquā ingenio pacati sem-
per maligni 21
 Florentini operam dant maioribus co-
pijs comparandis 133
 Florentini pacis cōditiones respuūt 168
 Florentini Pratum deserunt 139
 Florentini praelata Gallorum societate
Caesaris amicitiam importunē con-
tempserunt 34
 Florenti per publicas literas à Lucen-
sibus Mediceos repetunt 22
 Florentini quatuor Legatos ad castra
de pace petenda mittunt 171
 Florentini redintegrata perfidia con-
stanter animos erigunt 21
 Florentini soli in Italia letantur 15
 Florentinorum ciuium decapitatorum
causa 173. 174
 Florentinorum exulum copiae ad Fabri-
cam uicū lentius perueniunt 410
 Florentinorum iurantium uultus 178
 Florentinorum uultus simulati 20
 Florentinis ingratiss quid Clemens im-
poneret 31
 Foedus inter Caesarem & Clementem
quibus legibus 85
 Foedus percussum inter Clementē &
Angliae Regem Venetosq; 10. 11
 Foedus percussum in Vaticano à Pau-
lo, Caesare, & Venetis 355
 Foedus Reipublicae dirū percussur 14
 Fogaras Ioannes rex obsidet 428
 Forestius Galliae legatus ad Auellonem
moritur 330
 Fortuna Caesarianis rebus secundissi-
mè adesse consueuit 55
 Fossanum ab Antonio Leua expugna-
tum 312
 Frabata Bassa Gazellem ad Damascū
cedit 4
 Franciscus amoto Memorantio o-
mnium literarum inspector 498

Franciscus Barbarusse omnes Tur-
cas & Mauros donat 597
 Franciscus belli munia filijs distribuit,
alteri Hispanos Vexandos praebet,
alteri Belgas designat 494
 Franciscus Caesaris foelicitati inuidet
273
 Franciscus Delphinus subito morbo
oppressus moritur 217
 Franciscus Galliae Rex cum Henrico
Angliae Rege colloquitur 5
 Franciscus Galliae Rex competitor im-
perij cum Carolo Caesare fuit 3
 Franciscus Galliae Rex Henricum Io-
annis Regis filium parat regno re-
stituere 5
 Franciscus Rex Gallorum in Hispani-
am captus deducitur à Carolo La-
noio Belga 10
 Franciscus Galliae Rex in Italiam de-
scendit 10
 Franciscus Galliae Rex à Caesare ad An-
gularē certamen prouocatur 20
 Franciscus Galliae rex à Solymano fra-
ter appellatur 507
 Franciscus Galliae rex Caesarē ad Jof-
sas Marinas excipit 501
 Franciscus Galliarum rex moritur
616. 617
 Franciscus Genuam recipit 227
 Franciscus & Henricus Reges arma
parant 22
 Franciscus Henricus excipit 504
 Franciscus nouum exercitum ad Mi-
randulam cōseribi finit, & ducum
nomina 335
 Franciscus Rex Acromontū ad Cle-
mentem 217
 Franciscus rex Antonium Polinum ad
euocandum Solymanum terrā, ma-
riq; mittitur, quod facturum se So-
lymanus fidem dat 505
 Franciscus rex Barbarusse Niceā ex-
pugnandam decreuit 516. 517
 Franciscus Rex Gallorum capitur ex-
citu profligato 23
 Franciscus Rex Gallorum capitur ex-
ercitu profligatio 10
 Franciscus Rex in grauem morbū in-
cidit 10
 Franciscus rex insignis memoriae
556
 Franciscus Rex Mediolano positus
10
 Franciscus rex mollissimis uoluptatib;
occupatus 556
 Franciscus rex moriens quae nā praece-
pta dederit Henrico filio 617
 Franciscus rex qualis accepto nuncio
de suorum in Subalpinis periculo
354. 355

I N D E X.

Franciscus rex quid responderit de Cæsaris oblatione 424
 Franciscus rex Vastum humaniter in suis castris ad Carmagnolam excipit 358
 Franciscus Solymannū sollicitat, ut Venetis imperet, ut cum Gallis in Cæsarem foedus percutiat 505
 Franciscus secundis uigilijs ad Cambresium castra mouet 560. 561
 Franciscus Angelius cucullatus Franciscanus Romam mittitur 27
 Franciscus Bardus captus cum sua cohorte 140
 Franciscus Boticella pro statua ad Lotrechium 24. 25
 Franciscus Campana & Innocentius Cardinalis egregie dissimulat quid de principe suspicarentur, ac Alexandrum Vitellium, & Rodolphum Baleonem accersunt 390
 Franciscus Cantelmus dux 36
 Franciscus Carducciū dictator capite truncatur 172
 Franciscus Cecchingus Germanorum militum dux 4
 Franciscus Feltrius Vrbianus Veneti exercitus dux, & Michael Salasius Federicusq; Gonzaga cognomento Bozulus Gallorum duces Florentiam intrant 16
 Franciscus Habraus Gatescus & Battus Rospillus principes Guelphæ factionis 409
 Franciscus Landrianus Albam defendit, ab insidijs à Gallis adortus 494
 Franciscus Maria Feltrius Vrbianus regulus 3
 Franciscus Medelino Hispaniæ oppido Christianos seruos hortatur ad libertatem arripiendam 394
 Franciscus Niger malignè pecunias apud Laurentium Strozam deposuit, ac deinde auecta 22
 Franciscus Portinarius post multas disceptationes ad Pontificem à Florentinis legatus mittitur 93
 Franciscus Sangallius architectus 92
 Franciscus Sarmentus cum quatuor milibus ueteranorum Castronouo præficitur 376
 Franciscus Sfondratus ad Allobroges legatus 300
 Franciscus Sfortia in arce laborās graui morbo obsidetur 11
 Franciscus Sfortia Christiānam ducit 227
 Franciscus Sfortia euocatur ad Cæsarem 103
 Franciscus Victorius & Nicolaus Caponius Bozzolo respondent 19

Francisci clemētia in matronas, ac Germanos captos 504
 Francisci Regis liberalitas in Cardinales 225
 Francisci Regis tres filij quales 225
 Francisco Carduccio Caponij dictatura delatur 86
 Francisci Sfortiæ mors Cæsari nuntiatur, quæ multorum bellorum causa fuit 299
 Francisco Sfortiæ inuidēt Antonius Leua & Piscarius 11
 Fregosii cæsis & captis Spinulis & cæsis Hispanis Genuam intrant 66
 Fugacissimorum ducum nomina 353
 Fugientes Cazzianeri copię 350
 Fulmine ala equitum percutitur cæsis equis tantum 55
 Funduntur Florentinæ copię quæ Lastræ in subsidium mittebantur 135
 Furstembergus capitur 606
 Frusinonem oppugnant Pompeius, Vespasianus Ascaniusq; Columnij 14

G

 Gabriel Gusmanus Hispanus ad Cæsarem mittitur 609
 Gabriel Ripeus præfectus suis cohortibus cæsis equum conscendit, ac fugit, ac demum à Pisauo capite plectitur 336
 Galeonē oppugnant Turcæ 373. 374
 Galeritæ castra seditiosorum militum 562
 Galeritæ oppidi situs 362
 Galletus Barga Liburni arcē tradit 23
 Gallipodi Turcarum clasīs ad obsidendam Coronem educitur 219
 Gallia pernauigabilis 356
 Gallie regis animus in pace ferenda 242
 Gallie reges nunquam ictorum foederū legibus steterunt 310
 Gallicæ Venetæq; copię sine uulnere cæse 7
 Gallus Cæsari bellum machinatur 226
 Gallus Mediolanum pro Carolo repetit 478
 Gallus quam causam præferebat Subaudio bellum inferendi 299
 Gallus Turcis potius ad commune excidium uias struit, quàm Cæsarē suam uictoria uti sinat 478
 Galli cum Belgis ad Terauannam tumultuariè pugnant 324
 Galli cæduntur aut capiuntur, Brugno lacq; diripitur 316
 Galli Cæsarem non putabant tam cito copias expediturum 605
 Galli à Cæsarianis deleti 9. Casali profliguntur ac Casale recipitur 387
 Galli ad Carmagnolam castra mo-

uent 562
 Galli Cunium oppugnare desistunt 510
 Galli exercitus numerus 356
 Galli foedè dolia uini confringunt ac frumenta exurunt 316
 Galli funduntur à Cæsarianis à Neapoli castra mouentes 58
 Galli in insidijs pertrahuntur 48
 Galli Lotrechio duce ad Bicoccā infœliciter pugnant 7
 Galli Neapolim obsident 41
 Galli ad Niceam Barbarussam obnixè deprecantur, turpissimeq; adulatur 565
 Galli ad Nicea non ad classem relictis tormentis fugiunt 566
 Galli Sabaudum exiunt inermem suis oppidis 300
 Galli superantur ad Algrunium 5
 Galli capiunt Taurinum, Fossanū, Penarolum, & Cherium 300
 Galli ad Ticinum cæduntur ac Franciscus Galliarum Rex capitur 10
 Galli tormenta amittunt 9
 Galli tormentis impedimentisq; grauioribus relictis fugiunt Auer sam 58
 Galli uarios rumores Mediolani spargunt 150
 Galli Veneti Sfortianiq; Ticinum expugnant 579
 Galli ad Vitriacum à Germanis interficiuntur 619
 Gallorum castra ad Carinianum 581
 Gallorum ducum in Subalpinis nominata 384
 Gallorū ducum nobilissimi interfecti 10
 Gallorū exercitus morbis agitur 54
 præsidia à Vastio expugnatur 355
 Gallorum quinq; nobilissimi & fortissimi duces ægrotant 55
 Gallis ad Cerisolanā uictoria non multa cessit 586
 Gallis quantum intererat ad bellum gerendum Cæsaris ueteranos milites dissipari 218. 219
 Gallindus Hispanus cohortis præfectus cadit 37
 Gandauum Cæsar contendit præmissa Germanorum legione 421
 Gandauenses grauius quare à Cæsare multati 422
 Gandauensibus iugum seruitutis impositum 422
 Gandauensibus pœnitebat quod Cæsari portas non occlusissent. 421
 Garlasum expugnatur 9
 Gaspar Franispermus moritur 318
 Garzia Lasius lapide ictus moritur. 321

I N D E X.

Gazelles copijs Damasco eductis cum
Frabate Bassa fortiter cecidit 4
Gazelles Syrie præpositus rebellat.
4
Genua à Cesarianis expugnatur 8
genua direpta 8
genua à Guidone Rangono cum Gal-
lis admotis scalis oppugnabatur.
318
genua in multas partes discissa 71
genua Decemviralis ordo instituitur.
72
Genua incumbere Guidonem Rago-
nium in Cesarianis castris nūcium
fertur 318
genuense Prætorium nullo negotio à
Cesarianis capitur 8
genuenses conditiones pacis à Lotre-
chio datas respuunt 66
genuenses Ferrarium & Lomellinum
ad regem Gallie destinant 66
genuensis libertatis nomē, excusso Gal-
lico iugo arripiunt 72
genuensis senensesq; Legati Cesaris
mandato Templo expelluntur 108
genuenses in uerba regis sacramentum
faciunt 67
Georgius Franisbergus 11
Georgius Pallavicinus à Mauris capi-
tur 100
Georgius stabula regia incendit quod
Austrianis magno fuit detrimento.
451
Georgius Varadiensis antistes describi
tur 430
Georgij responsum ad Rochandulphi
præcones 441
Germania serè tota à Cesare subacta
618
germaniam cur perdomadam suscepe-
rit Cesar 618
germanie liberæ ciuitates Cesaris se-
ueritatem damnant, qua in Gandauē
ses usus est 422
germanus miles false in Lodronium di-
cit 351
germani Budensi arce dedita ad unum
omnes cæduntur 126
germani & Hispani Roma decedunt
37
germani fortiter Cariniani obsidionē
ferunt 579
germani Feltrio transitum prohiben-
te Mincium superant 14
germani & Hispani Genuā duce Pro-
spéro Columna & Piscario expu-
gnant 8
germani & Hispani Romā expugnāt
14. & Hispani ad diripiendā ur-
bem contendunt. ibid.
germani Hungaris succurrendum de-

cernunt ac duces exercitumq; insti-
tuunt 511.512
germani insulam ad Budā Turcis pro-
fligatis recuperant 278
germani Maximilianum exoptant,
Hungari Matthæum Coruinum.
521
germani quo ordine exercitum in Pa-
noniam ducerent 513
germani strati à socio equitatu fortissi-
me pugnantes cadunt 585
Germanorum constantia Hispanorūq;
alacritas in defendenda Neapoli.
54
germanorum militum habitus descri-
ptio 200
germanorum mira barbaries & Tru-
culentia 28
Giaffre Ianizerorum præfectus cadit.
284
Giahenna obsonia interfixa uerubus
ex Gallorum tabernaculis in urbem
desert 51
Gladij capulus Cesari excidit unde ua-
ria omnia præominabantur 111
Gofferijs ad Sefithem amnem fundi-
tur 9
Gefferius ab obsidione Mediolani dis-
cedit ibid.
Gomenitius portus 371
Gonzaga alam cataphractorū oppri-
mit 55
Gonzaga infelicitè Gallis insidias te-
dit 49.50
Gonzaga seuit in eos qui Hispanis se-
ditiosis præfuerant 370
Gonzaga singulos duces adit ac pro
honore Christiani nominis sollicitat
375.
Gonzaga suadet Preuesam expugnan-
dam, Auria uerò quominus id tentan-
dum, dicit 371.372
Gonzaga tardius manum erigens à Le-
gato Hispanorum seditioforum in-
crepatur 368
Gordi 260
Gratia, Lintium, Vienna triangulari
situ à se inuicem discant 199
gratiam urbem Cesariani in deditionē
capiunt. 314
Gratianopolis urbs 556
Græcorum nomina qui pro Venetis
Gallis admixtis in Cesarianos bellū
gerunt 77
Grimanus frustra Preuesam oppugnat
370
Granuellus Nurenbergam profiscisci-
tur 527
Gritus ad oppidum Braxouium.
238
Gritus capitis tegumentum detrahit

& dilatando dicit 238
Gritus capitur ac capite truncatur.
24
Gritus exhortatur à Docia 238
Gritus gemmarū cognitione insignis
37
Gritus Ioannis Regis questor 237
Gritus Habraymo uillam suburbanā
dono dat 237
Gritus oppugnatur 240
Gritus in Pannoniam mittitur 264.
Gritus cum Solymano colloquitur
quod nemini Christiano ante licuit.
237
Gritus Strigonium obsidet 18
Gritti filius Agriensi sacerdote ditā-
tus 237
Gritti insignis ars in Barbarorum ani-
mis sibi conciliandis 237
Gritti truncum spoliando carnifex in-
uenit loculum gemmarum ualore
40 myriadum auri 242
Gritto Beogli nomen à Turcis inditū.
ibid.
Gritto innatus Turcicus fastus 238
Grittiani cæduntur 241
Guicciardinus præses Parmam desen-
dit 7
Guicciardinus quid de Laurentio Me-
dice diceret 397
Guido Rangonius admotis Genuæ sca-
lis coronam obtinere contendit.
318
Guido Rangonius dux Gallici exerci-
tus conscripti ad Mirandulam.
315
Guido Rangonius in Galliam reuer-
titur 403
Guidoniani Genua re infecta discedū
ac in itinere Carinianum in deditionē
nem capit 319
Guilermus Cliuensis ad Gallie regem
se confert ac sædus percutit 496
Guilermus Cliuensis Legatis Regine
respondet, copias à Rossenio con-
scriptas in Turcas duci 497
Guilermus Cliuensis regulus hostis
declaratus 472
Guilielmus supplex ad Cesaris clemen-
tiam ueniam deprecatur 556
Guilielmus Gofferijs dictus Ammiras
in Italiam descendit 9
Guelphi Ghibelliniq; nominis ad unū
omnes Casali poenas dant 387
Guerreria familia 35
Guerrerijs interficitur. ibid.
Guinium oppidū oppugnatur ab Ha-
braimo Bassa 189.190
Guinij duo propugnacula extruit A-
braimus atq; inde propugnat Nico-
lizzam 192
Guleta

INDEX.

Guleta oppugnandi ordo. 285
 Guleta situs. 280
 Guletani amicè respondent & graui-
 ter. 255
 Guletani expugnata munitione se in
 fugam dant. 28
 Guletani tertio erumpunt. 284
 H
 Habraymus Bassa Visir, id est purpu-
 ratorum princeps. 124. 26.
 Habraymus iugulatur. 272
 Habraymus mirifice Christianis faue-
 bat. 262.
 Habraymus seruus tanquam Solymano
 dono datus. 261
 Habraymus ad Solymanum flexis ge-
 nibus exorare non potuit. 272
 Habraymi bona omnia fere in fiscu as-
 portantur domusq; sua deforma-
 tur. 272
 Habraymi fides suspecta quod diceba-
 tur Christianos fouere. 271
 Habraymi hortatio ad bellu Parthicu
 ac Germanici belli dissuasio secreto
 ad Solymanum 261. 262
 Habraymi odij & subtractionis cau-
 sa. 271
 Hadrianus Beurenus & Philipus Are-
 scotus Tarnaannam obsident. 324
 Hadrianus Florentius Belga Cardina-
 lis 8
 Hadrianus Pontifex Romæ nauigat 8
 Hadrianus Pontifex moritur. 29
 Hadrianus Sextus Belga Pontifex 7
 Halileuanus Hispanus ad Mahomeis
 sacra defecit 378
 Hadriani Beureni ala equitum proflig-
 atur 495
 Haganoa in Tribocis b. 423
 Haidinus Smyrnæus archipirata Por-
 tundum debellat 97
 Halicola Corfus Sinæ allenus 98. 99
 Halicotus Christianos remiges in sub-
 terraneos carceres detrudit 99
 Halicotus prædo è Cilicia 99
 Halyacmones, hodie Asambaba 330
 Halis Hispanus eruptionem cum Ha-
 riadenis facit 257
 Halis Leuanus è Malacha Batica di-
 lapsus è Christianismo, suadet Ha-
 riadeno ad eruptionem 257
 Halis Strigoniensibus stipendia offert
 qui Solymano militare uellent, &
 quot conditione acceptarint 545
 Halis Strigonienses liberè dimittit
 545
 Hanebaldus Amiras cōmendatur à Frā-
 cisco rege Henrico filio 617
 Hanibaldus in Italiam per niuosas al-
 pes traicit 505
 Hariadenus Asanagam eunuchum sur-

dum & Halim Leuanum mittit ad
 recipiendas Africæ urbes 259
 Hariadenus ancipiti deliberatione ste-
 tisse utrum bellum classe an terra
 gereret 286
 Hariadenus Barbarussa aciem in con-
 spectum Casarianoru ducit 292.
 293
 Hariadeno Caruenna sola aliquandiu
 resistit 259
 Hariadenus Citarij classē quæ ibi æ-
 discabatur exurit 248
 Hariadenus displois tormentis Gule-
 tanos salutat 255
 Hariadenus fratri in regno succedit
 244
 Hariadenus in fugam uertitur 293
 294
 Hariadenus Fundos capit 239
 Hariadenus ad gerendum bellum se cō-
 uertit ac ad suos dicit 280
 Hariadenus ad Habrainnu qui ad Ale-
 pum hyemabat mittitur 245. 246
 Hariadenus Hipponam, hodie Bonam
 confugit 295
 Hariadenus Ligusticas naues expu-
 gnat & Delisufum interimisse fer-
 tur 245
 Hariadenus S. Lucidij oppidum quod
 olim Tempa dicebatur
 Hariadenus S. Lucidij oppidum quod
 olim Tempa dicebatur expugnat
 248
 Hariadenus Magonis portum dolose
 expugnat 302. 303
 Hariadenus non credebatur Cesarē un-
 quam se mari commissurum 279
 Hariadenus Pontia profectus ad Biser-
 tam appulit 255
 Hariadenus Prochita capit 248
 Hariadenus nisi Sinas diffasset oēs
 Christianos seruos puluere tormē-
 tario incenso occidisset 294
 Hariadenus singulos hortatur à Gule-
 ta capta 287
 Hariadenus ad Solymanum dicit
 256
 Hariadenus ab Solymano excipitur et
 de suis detractoribus 245
 Hariadenus spelūcam capit 299
 Hariadenus Rium capit 245
 Hariadenus Terracinam capit 249
 Hariadenus cum Tunetanis pacem
 258
 Hariadeno increpanti ouinium no-
 mine Sinas respondit 287
 Hariadeno respondet Achirinus
 258
 Hariadeno traduntur octies centena
 milia aureorum in sumptus belli-
 cos 248

Haydinus Smyrnæus moritur 297
 Haydones qui ab Hungaris dicantur,
 & ab Illyricis Huscochi, à Turcis
 Martellofij 340
 Hebrus fluuius, hodie Mariza, non lon-
 ge ab Amphipoli clarissima olim
 urbe Seres hodie dicta 329. 330
 Hedinum Franciscus expugnat 323
 Helna, olim Ebura 504
 Heluctij Cesaris fines se intraturos per-
 negant 588
 Heluctij domitores imperitorū princi-
 pum à Pontifice appellati 24
 Heluctij de more pecunia flectuntur.
 588
 Heluctiorum non obscure Gallo fa-
 uent 319. 320
 Heluctios Cesar, ne Gallis opituleretur,
 sollicitat 579
 Heluctios Cesar spectatores belli cu-
 pit 304
 Heluctiorum cohortem trucidant Ce-
 sariani Gozaga duce 55
 Heluctiorum prætoria cohors pellitur
 Genua 72
 Heraclea sentica 330
 Heredia atq; Carantius capiuntur, ac
 multis cum socijs suspenduntur 369
 Heredia ad seditiosos Hispanos cōcio
 natur 368
 Heredia qui quondā cucullatus mona-
 chus fuerat à seditiosis hispanis dux
 creatur 366
 Hercules Alfonsi Ferrariensis princi-
 pis filius copijs Florentinis præfi-
 citur 34
 Hercules Rangonius cum ualida equi-
 tum & peditum manu ab Alfonsi
 Atesino Florentinis mittitur 136
 Hercules insula olim Diabata dicta hō-
 die Asinaria 68
 Hercules Moneci portus, Villa franca
 dictus 359
 Herculei promontorij situs. 600
 Henricus Amiras cum Indico Velasco
 seditiosos delent 5
 Henricus Angliæ, & Franciscus Gal-
 liæ Reges colloquuntur 5
 Henricus Angliæ rex moritur 616
 Henricus Britannie rex quid Cesari
 per Antonium Peronotum respon-
 derit 609
 Henricus Brunswicensis in Italiam e-
 uocatur 74
 Henricus Brunswicus ad Laudem Pō-
 peiam oppugnandam cū Lena pro-
 greditur 74
 Henricus Brunswicus de Lena conquē-
 ritur 73
 Henricus Brunswicus in Germaniam
 redit. ibid.
 GG 4 Henricus

I N D E X

Henricus Delphinus egrè tulit pacem
factam inter Cæsarem, & Francis-
cum patrem 612

Henricus Angl. expugnata Bononia pa-
cè cū Gallo rege facere recusauit 115

Henricus ad Salas castellū, olim Sal-
sulas, in Pyrenæis peruenit 502

Henricus regis filius, & Memorancius
Cæsare Masium, & Camillum Co-
lumnā oppugnant 357

Henricus Francisci Regis filius Catha-
rinam iuniorē Laurentio Medice
genitam ducit 223

Henricus & Franciscus Reges arma
parant. 23

Henricus Francisci filius 495

Henricus Helueticorum legiones expe-
dit 501. 502

Henricus inuadendæ Hispaniæ onus
susceperat sub spe uenturæ Turciæ
classis 504

Henricus re infecta perpenniano di-
scedit 504

Henrici Britannicæ lis de repudio finita
216

Henrici Francisci filij ad perpennianæ
duces 503

Henrici Regis filij nuptiæ cum Catha-
rina Medice celebrantur 225

Hormandum castrum Cazzianer ex-
pugnat, ac ibi pontē reficit 346

Hermolaus Barbarus & Antonius
Barbadiæ clavis Venetæ præfe-
cti Alexandriæ custodiæ traduntur
328

Hiberorum alæ Tammaso succurrunt
268

Hidrintinum caput, olim Iapygium
promontorium 330

Hierassus amnis 465

Hieronimus Canalis Venetus Morū
quasi classe exiit & capit 223

Hieronimus Laschus Ioannem Sepu-
sum excipit fugientem 122

Hieronimus Laschus pro Ferdinando
omnia quæ inter Ioannem, & Fer-
dinandum agebantur de pace Soly-
mano detexit 426

Hieronimus Leua seditionis author
iugulatur 195

Hieronimus Pepulus mire fauebat
Florentinis exulibus 409

Hieronimus Sylus ad Castellionem
Strozianos cohibere conatur 591

Hieronimus Vasionensis antistes ad
Cæsarem Legatus quibus Legibus
fœdus percutit 85

Himbrachor Petrum Moldauum re-
ducit 472

Hipporegiam Galli oppugnant 578

Hismacel Rex Persarum grauiter à So-

lymo confusus 4

Hispanus auaritia cadauer Lotrechij
in uinariam cellam condit 61

Hispanus Prætor Verticillū qui Cæsa-
rianis magno fuit subsidio Capuæ
suspendit 48

Hispani Castronoueses plus mille Tur-
cas tormentis interficiunt 378

Hispani contra militiæ iusurandū Fel-
trium destituerunt 3

Hispani duo abrupta sacramenti fide
primi à Muleasse desciunt 265. 257

Hispani è militibus immanissimi latro-
nes effecti 362

Hispani frustra Laudem Pompeiam
oppugnant 74

Hispani Gallicas & Venetas copias si-
ne uulnere fundunt 7

Hispani & Germani in Prouinciā pro-
fiscuntur 10

Hispani & Germani Roma cōtra Gal-
los iter Latina uia faciunt 37

Hispani & Germani ad deripiendam
Romam contendunt 14

Hispani & Germani Romam expu-
gnant 14. 15

Hispani irritè eruptionē ad expugna-
dā Gallorū munitionē faciunt 50. 51

Hispani parū gauisi de Italorū fortu-
nio cum eandem ignominiam à Ta-
bacchete ferrent 283

Hispani Sandesirium oppugnat 607

Hispani seditiosi ad Athesim 188

Hispani seditiosi Auerfam occuparāt
& inde classe Auriana Coronem
uehuntur 220

Hispani seditiosi Castrū oppugnat 366

Hispani seditiosi frustra, postquā dissi-
pati essent, naues ad traieciendum
querentes, hinc illinc aut suspendū
tur, aut necantur 369

Hispani seditiosi ad Guletā in Siciliā
transfuchuntur, ac ibi depreddari in-
cipiunt 366

Hispani seditiosi ad Nolā stipendia ef-
flagitant 40

Hispani seditiosi Siculos profligāt 366

Hispani alacritas Germanorūq; cōstā-
tia in defendenda Neapoli 54

Hispanicæ duæ naues militib. plenæ in-
litis deuectæ ad Asanagam perue-
niunt 489. 490

Hispanorū seditiosorū legati cū Fer-
dinando Gonzaga iurant 368

Hispanorū tironū descriptio 80

Hispellū Auratio deditur 11

Hispellum peculiare Baleoni oppidū
112

Holsatij, et Dani, Cymbri sunt 396

Horatius Baleonus Præfectus Etruscæ
legionis 38

Horatius Balonus interficitur 50

Horucius Hariadenus Didacum Verā
fundit & paulo post Vgonem Mō-
catam 243

Horucius Hariadenus Tremisenij Re-
gem expulit 244

Horucius Hariadenus interficitur ibid

Horucius Hariadenus Bugeā inuadēs
alteram manum amittit 243

Horucius Hariadenus Algerio & Cir-
cillo potitur 245

Hastasius Rhauennas primus

Ticini muros superat 24

Hostatū in deditionem Rossemus ca-
pit 497

Hotrechius Belga 108

Humerius inglorius in Galliam reuen-
titur 409

Humerius nouus dux Gallus in Subal-
pinis uenit 403

Humerius parum bellicosus contra o-
minium opinionem 403. 404

Humerius in Subalpinis præsidia di-
spōnit 404. 405

Hunganotus Stirie præfectus cū de-
cem milibus equitum Germanicis
copijs se adiungit 512

Hungara mulier duos Turcas obtrun-
cat 550

Hungarus Solymanus, qui ad Maho-
metis sacra descenderat, Buda præfi-
citur 462

Hungarici Regni imperiū quibus ob-
uenire poterat 120

Hungari insolenter cadunt 13

Hungari hinc atq; illinc transfuge 87

Hungari Turcas cadunt 198

Hungari & Turcæ utriusq; quingenti
concurrunt 528

Hungarorum insania ipsorum regiū
ad Turcas deuenit 430

Hugo Moncata naufragiū ad Algeriā
cum Hispanis facit 3

Huscochi prædones Dalmatiæ 333

Hippolytus et Alexander Medicei de-
creto Senatus Reip. hostes declarati
16

Hippolytus capitur custodiriq; iube-
tur 206

Hipolytus Clarice respondet 22

Hippolitus exules sibi asciuerat ut
per eos Alexandro insidias para-
ret 301

Hippoxtus bis in Germanorū mani-
bus fugiens periclitatur 207

Hippolitus liberatur ac denum fugit
207

Hippolytus Medices Cardinalis Lega-
tus in bellum Solymanicum desi-
gnatur 185

Hippolytus Medices de Clemente con-
queri-

INDEX.

queritur quod Alexandrū sibi præ- tulisset 275	Ioannes Sepusius Hungaris quid sua- deat 119	burni portum 69
Hippolytus Medices ductus poeniten- tia à Cesare pacis condiciones peti- titurus 302	Ioannes Rex Solymano obuiā profi- ciscitur 125	Labrum amicum Strozzeani transcere putantes ab opere desistunt 592
Hippolytus Medices moritur 302	Iosias Firmanus cadit 376	Ladislaus rex ad Varnam ab Amira- the superatus interijt 465
Hippolytus ordinem Caesaris abrum- pit 206	Iouium Caesar hortatur ad calamos pa- randos, ut futura conscribat 339	Ladislaus Scalcanius sedē auaritiæ ex- probratur à Solymano mortuus 118
Hippolyto & Alexandro Mediceis in fidia structa 22	Isabella Caesaris uxor Ferdinandū pa- rit 104	Ladislai Scalcanij Strigonien. episco- pus Tomorei, Francisci Pereni Va- radinensis antistitis Georgij Sepusij capita ad Solymannum delata 118
Hippolyto & Alexandro Mediceis comes ex Senatus consulto Philip- pus Strozza deputatur 22	Isabella Regina Salma respōdet 433	Landa moritur 698
I	Isabella Regina uoluit Salmam ad se admittit 432	Landa Sandiferij præfectus 606
Iacobus Alamannus Federicum Ricci- um in capite uulnerauit 16	Isabella Regine cōmuni Procerū stu- dio ius regni delatum 430	Landresium comitatum inducit Fran- ciscus 560
Iacobus Alamannus capite trūcatur 32	Isabellam Sigismundi Sarmatarū regis filiā Ioannis rex ducit 426	Landresium à Gallis munitur 557
Iacobus Gerardus tumultū perturba- tionemq; Florentiæ in curia exci- tat 85	Isle urbs Pythacuse olim & insule situs descriptio 63	Landresiensibus Franciscus succurre- re parat 559
Iacobus Medices à Cesare relictus ad Taurinū obsidendum 315	Italum nomen tuetur Iouius 2	Ladus Veneto nomine Dauale ac Hā- nibaldo legatis respondet 418
Iacobus Medices tormetorū præfectus 554	Itali ad Cerisulam se recipiunt 586	Langeus Lepide Regi quid Vastio, ac Ciconio dicat 357
Iacobū Medice et Baptistā eius fratrem falsō accusatos comprehendit Va- stius 387	Itali duces conscribunt & eorum no- mina 277	Langeus moritur 511
Ianettinus Auria Caesaris imperio sal- uatus 487	Itali duce Vastio ad Cesare præfecto- rumq; nomina 189	Langeus Taurini Gallicis copijs præ- fectus ad rem bene gerendum inten- tus 493
Ianus Docia describitur 242	Itali Hungariq; duces conqueruntur apud Ferdinandum tēpus rei bene gerende eripi 513	Lanouis in Etruriam mittitur 14
Iapygium promontorium, hodie Hi- druntinum caput 330	Itali negant se in Pannoniā tueros nisi aut Vastio, aut Leua, aut ipso deniq; Ferdinando duce 202	Lanouis Borbonio occurrat 24
Iliæ situs 597. 598	Itali seditiosi Auriani præstare dice- bāt cum Turcis pacisci ac militare pro eis quā ad castra redire 215	Lantgrauis ironice in Caesarem inue- hit 473
Iliam, Aethaliam aliās, depopulatur Barbarussa 597	Itali seditiosi ad Tiliauentum se disso- luunt 207	Lantgrauis profitebatur se uel Cesa- re inuito Vldericum in patriam re- ducturum 226
Igiliū Barbarussa expugnat 601	Itali seditiosi Tribunos militares creat quorum nomina 295	Laschus Byzantium in legationem 123
Innocentius Cibous 16	Itali seditioem incipiunt 203	Laschus Bizantium mittitur 439
Ioachini Serralij literarū copiae, qua- rū causa tumultus in curia excitatus erat 86	Italorum cladem nō iniquis oculis cō- spexisse Hispanos suspicio erat 202	Laschus Ioanni consulit ab uno Solyma- no opem expetendam 122
Ioannes Baptista Sabellus 116	Italianus Caesarinus 108	Laschus moritur 462
Ioannes Bupæ Rex constituitur à Soly- mano 13	Iulius Medices mittitur ad exercitiū 6	Laschus morbo diligentiam subtrahente medico Ptolemæum Ariminen- sem medicū ad purpuratos premit- tit 436
Ioānes Lotharingæ Cardinalis ad Ce- sare Legatus Philippū retradat 300	Iulius Medices subrogatur Pontifex 9	Laschus muneribus Barbarorum ani- mos deuincit 123
Ioānes Medices Abiatū expugnat 9	Iulius Vrsinus Albæ præpositus 405	Laschus quid in concilio Bizantijs Soly- mano per occlusam fenestellam au- scultanti dixerit 123. 124
Ioānes Medices cadit ad Mincium 14	Iulius Vrsinus Albam Caesariensis de- dit 498	Laschus Sarmata Ferdinando bellum dissuadet, ac summa eius consilij 431
Ioannes Medices Pontifici subsidium mittit 14	Iunio Ferruccijs successor ualde op- pidum Empolium cōmendat 149	Laschum Sigismundus diplomatibus iuuat 123
Ioannes Menricus Belga 193	Innusbeius supremæ authoritatis inter pres à Turcis Dragomanos dictus cum duobus tiremibus à Venetis captus 331	Lastram Germani cum Hispanis ex- pugnant 135
Ioannes Padilia Ioannes Brauius & Maldonatus duces seditiose multius dinis cum suis caesi 5	Iurant Florentini præter socios nun- quam cum Caesaris iniuri 19	Laudi Pompeiæ timet Vastius 591
Ioannes Sepusius ad Hieronymū Las- chum profugit 122	Iuancham Cazarianer pariter & ho- sies perueniunt 347	Laudē Pompeiam capit Prosper præ- eunte Piscario 7
Ioannes Sepusius Budæ consistere ut nouū regnū defendat nō audet 121	L	Laurentius Medices Alexandro princi- cipi
Ioannes Sepusius Rex acclamatus & coronatus 120	Labronem Cicironis fuisse constat Li	
Ioannes Sepusius nō obscure letatus de Ludoniei Regis morte 119		

INDEX

cipi respondet	388	Lescutus parum prospere pugnat	7	him obsidendum	41
Laurentius Medices Alexandrū Prim		Lescutus prior Pontifici bellū infert	6	Lotrechius deliberat utrum Leua Me-	
cipem interficit	390	Leua astu persuadit Germanos Italia		diolano pellendus, an Roman exer-	
Laurētius Medices describitur	387.	excedere	71	citus ducendus	16.27
388		Leua Gallos reprimis	300	Lotrechius & Lescutus fratres supera-	6
Laurentius Medices hostis patrie ac		Leua moritur	320	bi	
parricida ex Senatusconsulto indi-		Leua S. Pauli Regulū cū exercitu fun-		Lotrechius moritur ac tumultatur in	
catus	395	dit capitq;	83	eadem uilla Aragonij Montalei ubi	
Laurētius Medices inique nato prin-		Leua S. Pauli Regulum acie fundit &		prætorium fixerat	56
cipatu haud diu gauisus	3	capit	79	Lotrechius nullo persequente hoste se	
Laurētius Medices quibus modis post		Leua summū decus consecutus ex Gal-		in fugam coniecit	7
patratum scelus aufugerit	390	lis profligatis	83	Lotrechius pecunie inopia laborat	52
Laurētius quomodo principem inter-		Leua Ticinum recuperat	96	Lotrech. & Veneti ad Ticinū	24
ficere parat	389	Leua uestigial intollerabile excogitat		Lotrechij nullus amicus cōparuit qui	
Laurentius Segnius Caponium saluat	85	81		sepulturā auro Hispano solueret	
Laurentius Segnius et Iacobus Morel-		Leua existimatio apud Caesaris aulam		61.62	
lius	89	95.96		Lotrechij uita describitur	53
Laurentius Venetijs cum auunculo So-		Leua succollantibus baiulis in acie ar-		Lotrechij Ventorumq; exercitus nu-	
dermo in gratiam Cosmi trucidatur	506	matus	82	muneris	36
Laurentianum templum ingressi Florē		Liberatis repetēda audi Florētini	15	Louanium olim Grudiorum clarissima	
tini Cosmi titulum scalpellis exci-		Liburni portum Ciceronis Labronem		urbs	501
dunt	33	fuisse constat	69	Louanienses forū ter latronum incur-	
Lecheus portus olim nunc Diui Deme-		Ligninium Caesar capit	605	sus tulerunt	501
trij sub ipsa Corintho	216	Ligninij situs	605	Lubecum	496
Legati ad Casarianos Florentini mit-		Linariū promōtorij olim Pyrgēū	601	Lucanie & Apulie pleraque oppida	
tunt	168	Lipparas Barbarussa oppugnat ac in		Gallis se dedunt	49
Legati Flor. missi ad Pontificem pacem		deditionem capit, ac omnes in ser-		Lucā Caesar uenit ac quid de urbe Pro-	
petentes ob insignem auaritiā à Ce-		uitutem auerit	602	ceres sentirent	311
sare & Pōtifice explosi potius quā		Liscanus anrū quod saluū sperarat de-		Luca Caesar, & Pontifex recipiuntur	
remissi	143	ditione Strigonij amittit	545	477	
Legati Mediolanenses ad Casarem de		Liscanus & Salamanca à Ferdinando		Lucenses ex decreto publico Mediceos	
seditionis militibus cōquerētes	362.	capiuntur	545	amicissime excipiunt	22
363		Liscanus & Salamanca inter se collo-		Luces negant Florētini Mediceos	22
Legati à Pontifice ad Casarem & ad		quā tur, ac se saluare student	544	Lucemburgū Casariani recipit	504
Gallum	321	Liuius Liuiani filius tormento ictus		Lucembugum Leucorum olim urbs	
Legati Veneti ad Casarē et Pontificem		cadit	406	495	
de expeditione aduersus Turcas	361	Locustæ per Illiricū in Italiam	531	Lucemburgensium oppida se dedunt	
Legionem, hodie Leodium, Rossenius		Lodronius captus occiditur	353	Carolo Aureliano	495
contendit	497	Lodronius equum interficit ut pedes		Lucius Vrsulus & Nicolaus Scherma-	
S. Lei castellū inexpugnabile	29	pugnet	351	rius Consules Antuerpiæ, egregie	
Leonis & Clementis statuæ lāceis trās-		Ladronius frustra se proditum queri-		fortes	499
fodiuntur in templo à Florentinis	33	tur	351	Ludi equestres Bononiæ	104
Leo Ppofifex toxico extinctus	7	Lodronius milites qui fugæ comites es-		Ludonicus Balbianus	24
Leo Pontifex cum Casare Fædus per-		se nolissent hortatur fortissimè	351	Ludonicus Lodronius peditum præfe-	
cutit	6	Lodronius priuatis amicis agris aut		ctus ad Exechium	399
Leo Strozza triremib. præfectus	616	uulneratis equos dat	351	Lndonicus Lodronius Germanorum	
Leonis Ppntificis dolor ex re male ge-		Lodronius Turcas fundit	97.98	præfectus	24
sta	3	Lofrediani ad Cisternas funduntur à		Ludonicus Lusitania Regis frater	278
Leonardus Bartolinus sacrarij arma-		Numidis	573	Ludonicus Martellius & iohannes Ban-	
ria perfringit	147	Lofredius fugiens submergitur	574	dinus, ascitis singuli socijs singulare	
Leonardus Giorius inuaditur à Iaco-		Lofredius superbe eos increpat qui eū		certamen ineunt	143
bo Aleman no	23	cunctari suaderent	573	Ludouicus Rex Hungaria latusculo in-	
Leonardus Velsius Austrianijs copijs		Lotrechius in Alexandrium agrū ex-		gurgite suffocatus moritur	12
præfectus	433	ercitum ducit	24	Ludouicus Rex Hungariæ	12
Leopoldij Palatinus Casonum cū Tur-		Lotrechius per Aemiliam atque Flami-		Ludouicus. XII. ex Guilermi magna	
cis cedit	197	niam ducit	35	Lues tertā mortaliū partē absumpsit	
Lerones insulæ antiquitus hodie Le-		Lotrechius in Apuliā cū Venetis	36	se ferebatur in Italia	75
res	314	Lotrechius Bononiā hyemarat	75.35	Lustibeius & Ajax Solymano suadent	
		Lotrechius coactis in unum ducibus cō-		arma in Christianos cōuertere	323
		siliū inuit	53	Lustibeius Basā	123
		Lotrechius cum exercitu ad Neapoli-		Lustibeius ad Coronē obsidendam mit-	

INDEX

titur 264
 Lufthibeus et Morus quas duas Auri-
 nas onerarias acceperat Auriare-
 cipit interfectis trecentis Ianizeris
 222
 Lufthibeus præmittitur in Italiã ad ex-
 plorandũ Salentinorũ animos 330
 Lufthania urbes terræmotu conquas-
 sate ibidem
 Lufthani Arabicum sinum classe inter-
 cludunt 326
 Lufthani ad apertos locos exstructis ta-
 bernaculis in urbes fugiunt 101
 Lufthania Oceani inundatione detri-
 mentum paritur 179
 Luftham sclopetaryj tormentorumq;
 magistri pro Tammafo militant
 326
 Lufthanos India peltare studet Soly-
 manus 326
 in Lufthiam urbem qua de causa Cæ-
 far irrumpendum non putauerit
 609

M

Maccicus cadit 231
 Macinium Mongatam capite truncat
 Barbaruffa 380
 Macchiucca tormenta ad Perpenianũ
 ferreis stilis obturat 503
 Magonianus præfectus ædit urbem se
 & uxore cum liberis saluis 303
 Magonis portum dolo expugnat Bar-
 barbaruffa 302
 Mahometes Christianos ab aquatione
 arcet 343
 Mahometes potius uictoria militibus
 donatium præbet 352, 353
 Mahometes quo ordine nostrorũ pro-
 fectionem retardaret 347
 Mahometes in regnum surrogatur Tu-
 ueti 575
 Mahomedes singulis horis de Christiã
 horum consilijs certus 350
 Mahometes Tuneti Rex ducentas cõ-
 cubinas aluerat ex quibus totidem
 proles gignerat 252
 Mahometes ad ultiores Numidas cõ-
 fugit 577
 Mahomet Iahiaoglis Despotis Rasciæ
 patrimonium subegit 338
 Mahometes Iahiaoglis Belgradi præ-
 338
 Mahometus Sâtrapa cognomine Cani
 Babylonie præfectus 265
 Mahometis apparatus ad obuiandos
 Christianos qui Exechiũ contendebant
 340
 Mahometis Belgradensis ad Solyma-
 num sententia 456
 Malacha promontorium olim Drepa-
 num 365

Malatesta in ciues tormenta conuerti
 iubet 69
 Malatesta eruptionis difficultatẽ peri-
 culũq; in scripto aperit. 164 &
 deinceps.
 Malatestæ fides Florentinis suspecta
 167
 Malatesta Florentinorũ constantiã nõ
 ex fortitudine, sed rabie proficisci
 dicebat 167
 Malatesta Legatos Florentinos ad se
 missos uulnerat 69
 Malatesta moenia munit 215
 Malatesta nimis longè & importunè
 cessationis à Flor. increpatur 144
 Malatesta Baleon. ex autoritate Re-
 gis Florētini ducẽ creant 92
 Malatesta capite plectendum dicit An-
 dreolus Nicolinus 168
 Maldonatus Hispanus unã cum com-
 plicibus interfectus 3
 Malea 338
 Manfredonia Cæsarianis defendentib.
 obsident Veneti 76 (git 172
 Manphetes Amida lueto discedere co-
 Manphetes iugulatur 572
 Manphetes suspectus Numidis 572
 Manphetes propinqui, & amici ab
 Amida obtruncantur 572
 Manuum sublatio Germanis pacati a-
 nimi signum 610
 Maramaldus Capuam occupat 59
 Maramaldus falso ac insidiosè traditio-
 nis accusatur 54
 Marcus Foscarius Rempub. Venetam
 multitudinem suffragiorum prodi-
 cebat 420
 Maramaldus Italarum dux constitui-
 tur 202
 Marcus Nerius & T Soderinus Florẽ
 rini Legati moriuntur Neapoli 61
 Marcus Nicolaus Venetus mercator
 iugulatur 227
 Mare tranquillũ conturbatũ exiui tor-
 mentorum oppugnantium Guletã
 285
 Marechalchi officium 322
 Margarita Austria ex Cæsare celibe-
 nata 85
 Maria Cæsaris soror ad Cliuentem le-
 gatos mittit, quare copias conscri-
 beret sciscitatuos 497
 Maria Pacecca seditiosorum ductrix
 536
 Marinus Grimanus in Senatu ad Cæ-
 sarem orat 311
 Marius Bandinus Cæsare hospitio Se-
 nis excipit 137
 Marius Vrsinus & Georgius Sancta
 crucius colubrinæ ictu discerpun-
 tur 437
 Martello sij qui 437

Martia regio ubi 279
 Martia regio circa antiquæ Carthagi-
 nis ruinas Tuneti usq; miserrimò
 spectaculo exurit 254
 Martiam ad regionem adplicat Cæsar
 279
 Martis lucum oppidum seditiosi Itali
 diripiunt 205
 Martinus Columna captus 38
 Martinus Lutherus quare iudicauit
 Christiano licere à Romanis Pontif-
 ficibus deficere 6
 Martinus Rossemius in Brabantia bel-
 lum excitat 496
 Marus & Tibiscus amnes 464
 Maseria oppidũ à Cecchingo tormen-
 tis irritè quassatum 4
 Masilia à Cæsarianis obsidetur 10
 Masilia à Cæsare obsidetur 317
 Matapanium caput, Tenarũ antiquis
 fuit 533
 Mattheus Bembus Catharum defendit
 380
 Mathias rex Hungarorum ultimus &
 uirtute & gloria 434
 Matrõna amnis 606
 Maximilianus Burra 604
 Maximilianus Cæsar hausio pharma-
 co contra imminem morbum,
 moritur 2
 Maximilianus Iselstenius Belga equi-
 tes adduxit 314
 Maxius carros excogitat ad Taurinũ
 dolo capiendum 510
 Maylatus & Balassus Trãsylvanos ad
 seditionẽ adiuvant 428
 Maylatus Valentinus, ac Perenus, pa-
 ribus propè insidijs, uirtutis inuidia
 circumuenti 524
 Maylatum quomodo Moldauus tradit
 cit 463
 Mecha urbs 381, 382
 Medicei Florentia extrubantur 22
 Medicei Tyranni appellati 16
 Mediceorum bona fisco addicta 16
 Mediceorum domum decreto publico
 diruendam dicit Carducci 31
 Medicos imitatus Iouius in conscribẽ-
 da historia 5
 Mediolanum obsidere Galli constitu-
 unt 9
 Mediolani oppugnandi Veneti, &
 Galli cogitationem abijciunt
 81
 Mediolanensi, Brixienfiq; ex agro Cæ-
 saris copie in Etruriam ducuntur
 164
 Mediolanenses prouinciales quid opta-
 rent 364
 Medina Campi nundinis clara fortitui-
 to igni exusta 5
 Mel-

I N D E X.

Melficta urbs à Lando expugnatur		duo, Gonzaga, & Salassus lite con-		Muleasses quibus modis se aduersus	
78		testata simul singuli petunt	383	Rosettem Mescinemq; parat	253
Melphim expugnant Galli	40	Montis Murlij situs	410	Muleassem Hispani duo, abrupta sacra	
Memorantius deditos suspendit	357	Mortalium memoria nunquam nume-		menti fide omnium primi deserunt	255
Memphiticus populus	4	rosior in una urbe numerus homi-			
Mendanius glande ictus moritur	78	num quam Bononiæ	107	Muleasses Tuneto profugit adeo tur-	
Mendescius interficitur	283	Morus archipirata Alexandrinus	220	turbata mente, ut aurum regaliaq;	
Mendocius Perpennianum tormēta ac		Morus cum Hieronymo Canali in scēli		ornamenta relinqueret	255
magnam copiam sulphurei pulue-		citer pugnat	223	Muleasses ad Tunetum funditur	
ris infert	502	Moscos ad Starodubam Tharnonius		573	
Mendocius præfectum rerum capita-		superat	467	Muleasses ad uarias percunctationes	
lium uulnerat	530	Mulearabem Damascenum sacrarum		se perhumanum præbuit	577
Mendocius Tendilij filius Hispanorum		literarum abditissimarum cognitor		Muleasses uxorem unam ex carissimis	
leuis armaturæ equitibus præfectus		Solymano insinuat	263	duobus aureis redemit	296
278		Muleasses Auerois studiosus	577	Muleassis imperium Pœnorumq; mo-	
Medocius Turcarū castra diripit	222	Muleasses ex Africa in Italiam traicit,		res	250
Merleia insula quæ	331	ut Cæsarem conueniat	570	Muleassis oratio ad Cæsarem	287
Mesopotamie urbes Turcarū præsi-		Muleasses capitur	574	Mura amnis antiquitus Sauaria	202
um accipiunt	267	Muleasses per castra ductus admiratur		Myriadibus ducentis redimuntur ob-	
Mesuar cadit	257	apparatum forum militumq; tran-		sides Regis filij	73
Mesuar Tunetanos ad arma contra		quillitatem	288	Marcus Foscarus à Consilijs exclusi-	
Turcas uocat	256	Muleasses ad Cæsarem in castra uenit		tur	420
Merhoni dolo cœperat Saluiatus Rho-		ac Cæsaris dextram osculatus	287	Margaritæ insula paulo supra Budā	
diarū triremiū magister	210	Muleasses coqueritur depositā pecu-		classe occupatur	515 516
Michael Landus	69	niā apud Touarem minime integra			
Misinenis portus antiquitus hodie		fide restituta	577	N	
Baianus portus	68	Muleasses cum aliquot alijs exocula-		Nadastus Budensis arcis præfectus	
Mola Gallus dux cadit	584	tur	574	uir fortis capitur ac dimittitur libe-	
Moldauia Valacchia	465	Muleasses desperatis rebus profugit		raliter	116
Moldauus Bizantium mittitur	470	258		Nadinum castellum Iaderensis agri	
Moldauus fugit	468	Muleasses in direptione arcis tria de-		quo pro specula Christiani uteban-	
Moldauus Maylatum capit	463	plorat	297	tur Amurathes proditione capio	
Moldauus Alexem principem trucidant		Muleassem alit Dorax usque ad Cæsa-		337	
ac caput Petro offerunt	472	ris aduentum	258	Nasade Austriana Comaram fugiunt	
Moldauus Legati petentes Alexem regē		Muleasses duodeuiginti fratres per in-		451	
constitui	471	sidias interfecit	247	Nasade quid	187
Moldauus Legatos ad Ferdinandum mit-		Muleasses equitandi peritia nemini se-		Nassous ualido Belgarum exercitu	
tunt	471	cundus	577	Galliam inuadit	319
Moldauio à Ioanne gratie aguntur q;		Muleasses fratres occidit	252	Nassous Peronam obsidet & oppu-	
Austrianos debellasset	466	Muleasses Romæ excipitur	577	gnat	322
Molucche insule	306	Muleasses sui filij nuptias suorūq; ani-		Nassous soluta obsidione in Flandriam	
Molycretum Aetolie castellum Sarnē		mos deuincit sibi	253	redit	323
sis obsidere parat	214	Muleasses in foro ciues orare cœpit		Nauis una ante alias miserrime ad Ala-	
Molycretenses Turcæ puluere tormen-		255		gerium quassata	496
tario insigni constantia incenso se		Muleasses Mescinē profligat	253	Nauale prælium inter Cæsarianos &	
castellumq; penē euertunt	215	Muleassi militat ala equitū prætoriana		Gallos	44
Moncastrum	465	Christianorum	254	Nauale prælium trecentis inter se	
Mondraco Cantaber rebus capitalibus		Muleasses à muliercula seruatur	576	nauijs noctu depugnantibus	
ab Hispanis seditiosis præficunt		Muleasses de natalibus differit	577	451	
366.367		Muleasses Neapolis excipitur Neapo-		Nauarrus capitur	58
Mompelerium, Volcarum urbs olim		litanis luxum in dapibus admiran-		Nauarrus suffocatus in culcitra repe-	
fuit	504	tibus	570	ritur	61
Moninius Gallie regis legatus Rimco-		Muleasses quid Neapolis expectaret		Naufragium ad Algerium	486
niū reddi à Cæsare postulat	477	571		Nauplio, Epidauro, Nadio, atque La-	
Monopolim frustra Vastius oppugnat		Muleasses Neapolis milites conscribit		brana, Veneti à Solymano pacem	
78		571		redimunt	421
Monteanum Turcæ capiunt	599	Muleassei aduersus Numidas prælian-		Neapolio Cæsarianos quos in urbe	
Montecaleriū occupat Galli Ciconio		tur	254	aut alibi deprehendit interficit	
deferente	357	Muleasses cum piratis foedus percussit		56	
Monteuicum oppugnat Vastius	567	ut omnium prædarum quintam ha-		Neapoleonem Vrsinum aduocatum	
Mōis ferrati ditionis imperiū Sabau-		beret partem	253	cum copijs Alexander Vitellius	
				fundit	133
				Neapo-	

INDEX.

Neapoli Caesar hyemarat. 301
 Neapolitani multi mutata fide ad Gal-
 los deficiunt, quapropter postea pos-
 nas dederunt. 42
 Neapolitani Proceres multi in suis op-
 pidis defiscentes Gallica vexilla su-
 stulerunt. 41
 Nicea Massiliensium Colonia. 563
 Nicea quomodo obsessa ac oppugnata.
 564
 Nicea obsidionem solunt Galli, & Tur-
 ca post deditionem urbem deripien-
 tes, ac incendentes. 566
 Nicea situs. 564
 Niceenses de deditione ex muro loqui in-
 ciunt. 564
 Nicolaus Bracciolinus Gibellina factio-
 nis Mediceis addictus. 409
 Nicolaus Caponius. 21
 Nicolaus Caponius vexillifer. 22
 Nicolaus Caponius Reip. clauum tenes
 optimus ciuis. 39
 Nicolaus Crisia Epirota cadit. 145
 Nicolaus Ridulphus. 16
 Nicolaus Ridulphus Cardinalis. 20
 Nicolaus Salma ad Reginam egre ad-
 mittitur. 432
 Nicolaus Salma ad Reginam cum man-
 datis, quibus eam regno excedere iu-
 bet, mittitur. 432
 Nicol. Saxoferratus cadit. 149
 Nicolaus Strozza, & Morettus Signo-
 rinus interficiuntur. 402
 Nicolaus Turrianus cum duobus mili-
 bus Germanorum Clissam mittitur.
 336
 Nicolizza Guintianis introrsus muni-
 menta exiit. 190
 Nicolizza sub fide publica ad Turcas e-
 uocatur. 192. 193
 Nicolizza egregie se ab obsidione libe-
 rat. 192. 193
 Nilotica aqua ad cisternas usq; Arsinoes.
 327
 Nouariam Caesar Petro Aloiso Farnesio
 dono dat. 361. 362
 Nobilium captorum ad Cerisolan no-
 mina. 586
 Nomina multorum nobilium Gallica
 factionis morbo morientes. 60. 61
 Noricum prealtum militem nano ludi-
 bri causa occidendum tradit Solyma-
 nus. 453. 454
 Norici montes describuntur. 196
 Norius ante magistratus exactum tem-
 pus se abdicat. 22
 Nubes quae Caesarianis ac Regijs maxi-
 mum tumultum ad Villastracham ex-
 citauit. 360
 Numida dicti Arabes quousque eorum
 regnum extendatur. 251
 Numida cohortes tres in statione inua-

dunt. 483
 Numida equites hyeme, & aestate pelli-
 cea ueste utuntur. 251
 Numida ad extremam perueniunt sene-
 ctam ac latissimi euanescent. 251
 Numida qui cum Meschine aduersus
 Muleassem bellum gerebant. 253
 Numida Proceres in Muleassem expedi-
 tionem parant. 253
 Numida Roscetti suadent ut fugeret Al-
 gerium ad Barbarussam, 255
 Numida sclopetis terrentur. 243
 Numida tenuissimo uictu ualitudinem
 tuentur. 251
 Numidarum bellicum iuramentum ad
 Muleassem, 573
 Numidarum feritas ac agilitas. 281
 Numidarum mira agilitas. 482
 Numidarum aduersus Muleassem pra-
 lium. 254
 Numidarum patrimonij census in per-
 nici equo. 251
 Numidarum uxores humillime uiris an-
 cillantur. ibid.
 Nuptialibus ornamentis Matronae Flo-
 rentinae spoliata. 91

O

Obsides dantur à Pontifice. 28
 Obsides duos dat natu maiores
 liberos Caesari Gallorum Rex.
 246
 Obsides quinque à Pontifice dantur ac
 Neapolim ducuntur. 29
 Obsides Romae dati fugiunt. 28
 Obsidione lenta lataq; Mediolani obsi-
 dendos Caesarianos Galli Venetiq; de-
 cernunt. 81
 Obroactiū recuperant Veneti ac diru-
 unt. 337
 Oceani inundatio. 178
 Octavianus Medices, cum socijs incon-
 cussi. 21. 22
 Octavius Farnesius Caesaris filiam uiduā
 ducit. 362
 Octavius Farnesius apud Caesarem ad
 ponendum militie fundamentum. 479
 Octavianus Fregosius capitur. 8
 Octauio Fregosio duce, Gallico nomi-
 ni addicto Genua expugnatur. 8
 Octouiralis Magistratus Florētie insti-
 tuitur. 73
 Odoardus Giachinotus capite trunca-
 tus. 173
 Oltha fluuius antiquitus Alutas. 465
 Oppida & urbes quae & quibus donec
 Auranus. 75
 Oratio Archinti legati Mediolanensis ad
 Caesarem de seditiosis conquerentis.
 362. 363
 Oratio Balthasaris Pamphili Hungaro-
 rum ducis. 345
 Oratio Barbarussae ad suos. 280

Oratio Caponij. 86
 Oratio Ferdinandi Dauali ad Venetos.
 418
 Oratio Hariadeni ad Solymannum.
 246. 247
 Oratio Mahometis qua Solymannus in-
 ducitur Hungariae regnum sibi occu-
 pare. 456
 Oratio Marini Grimani ad Caesarem
 Buxeti. 536
 Oratio Muleasis ad Caesarem. 287. 288
 Oratio Philippi ad classē. 43
 Oratio Philippi Melioris ad Senatum
 Florentinum de legatis Caesari mittē-
 dis. 142
 Oratio Titi Marconij Volaterrani ad
 seditiosos Italos. 203. 204
 Oratio Vastij ad praefectos. 283. 284
 Orbatellum deserere Luna prope decre-
 uerat. 600
 Orbatelli situs. 600
 Orbitum oppidum Tusciae munitissimū
 fugit Clemens Pont. 29
 Orpheus Anfidius dux caesus. 35
 Oricellarius cognomento Cardinalis.
 170

Ostrouizzam expugnant Veneti, ac so-
 lo aquant. 337
 Osumius, & Vicomercatus se inuicem
 ad singulare certamen prouocant.
 569
 Othomanica lex cauet Imperatorem
 nusquam muris confidere. 217. 218
 Othomani omnes gentes quibus cum col-
 latis signis sunt cōgressi praeter unos
 Scythas deuicerunt. 184
 Othomanorum principum mos ex bel-
 lis bella serere. 184
 Othoin carcerem iniicitur. 136
 Ottho Montacutus Montis Murli por-
 tas incēdit ac per flammās irrupit.
 412
 Otthonis Hechij cohortes fortiter pu-
 gnantes cadunt. 452
 Othoni Montacuto imperatur, ut Ma-
 riam Saluiatam, & Cosmum puerum
 Medicum comprehendat. 135

P

Paccionus Pistoriensis nullo acce-
 pto premio arcem dedit. 23
 Poccionus Pistoriensis arcem Pisa-
 nam Florentinis dedit. 23
 Pax Bononiae facta. 104
 Pax inter Caesarem & Franciscum Re-
 gem mulierum arbitratu exclusis cō-
 federatis conficitur. 78
 Pacis conditiones inter Florentinos in
 Curia obfessos & obsidentes. 19
 Pacis leges apud Suefiones inter Caesa-
 rem, & Franciscum Regem Galliae.
 610
 Paetilianae rebellio. 530

INDEX.

<i>Pallas</i> Oricellarius, & <i>Canisianus</i> quid in Senatu dicerent. 394	<i>Paulo</i> Strigoniensi, & <i>Petro</i> Pereſio ut parcat <i>Ioannes</i> Rex rogat <i>Solyman</i> nus. 131	contendit. 561
<i>Palatinus</i> <i>Ferdinandi</i> Regis exercitus dux. 233	<i>Paulus</i> tertius <i>Papa</i> coronatur. 236	<i>Perpennianenses</i> tormenta <i>Gallorum</i> ferreis stilis obturant. 503
<i>Palatin.</i> vulneratur & exercitus <i>Regius</i> in fugā uertitur. 233	<i>Paulus</i> tertius <i>Pontifex</i> <i>Gallum</i> non potuit exorare ut se <i>Casari</i> aduersus <i>Turcas</i> iungeret. 237	<i>Persæ</i> <i>Solymani</i> posteriora agmina inuadunt. 268
<i>Panis</i> difficultate laborant <i>Cæsariani</i> <i>Neapoli</i> obſeſi. 42	<i>Pecorea</i> locus infamis latrocinij apud <i>Neapolim</i> . 49	<i>Persarum</i> ditio à <i>Solymanico</i> exercitu inuaditur. 264
<i>Pannonia</i> noui belli cauſas à morte <i>Ioannis</i> regis altius repetit <i>Iouius</i> . 425. 426	<i>Pecunia</i> diuenditus <i>Galeris</i> militibus datur. 29	<i>Persuasio</i> nes quibus <i>Solyman</i> inductus fuit <i>Italiae</i> bellum inferre. 329
<i>Pannonij</i> belli cauſas altius reſumit <i>Iouius</i> . ibid.	<i>Peligni</i> <i>Sulmonenses</i> <i>Precutinique</i> in potestatem <i>Valerij</i> . 36	<i>Pestum</i> aduersus <i>Turcas</i> fortiter defenditur. 438
<i>Paria</i> , <i>Dariona</i> , <i>Perura</i> , & <i>Cuscharigna</i> immenſo auro reſertiſſima. 117	<i>Peligni</i> uallis natura, & ſitus deſcriptio. ibid.	<i>Pestum</i> expugnant <i>Turca</i> . 451
<i>Parma</i> altera parte capta <i>Proſper</i> columna exercitum ad <i>Niceam</i> amnem reducit. 6	<i>Pellicardum</i> uendunt. <i>Vlodericus</i> , <i>Chriſtophorus</i> <i>Gallie</i> Regi. 227	<i>Pestum</i> oppugnatur. 519
<i>Parmam</i> <i>Galli</i> oppugnant. 7	<i>Peloponneſi</i> <i>Aetolie</i> <i>Naupacti</i> diſtant. 213	<i>Pesti</i> mire in <i>Chriſtianos</i> ſeuit <i>Caffon</i> . 452
<i>Patras</i> oppugnat & capit <i>Auria</i> . 213	<i>Pelufium</i> . 327	<i>Pestus</i> ſitus. 516
<i>Patrarum</i> arcem in deditionem capit <i>Auria</i> . 213	<i>Pelufium</i> mittit <i>Cæſar</i> ad <i>Gallum</i> cum pacis conditionibus. 423	<i>Pestani</i> <i>Turca</i> eruptionem ſaciunt. 516
<i>Patricios</i> <i>Florentinos</i> recuperata libertatis poenitet. 23	<i>Pera</i> <i>Ligurum</i> colonia apud <i>Bizantia</i> . 471	<i>Pestis</i> in <i>Urbe</i> exorta. 8
<i>Pauci</i> <i>Gallorum</i> qui ad obſidendam <i>Neapolim</i> uenerant in <i>Galliam</i> reuertuntur. 61	<i>Percuſſores</i> <i>Parati</i> in eadem <i>Iulij</i> <i>Medices</i> . 9	<i>Petilianus</i> cum <i>Romanis</i> copijs ſe <i>Stroz</i> ze coniungit. 592
<i>Paulus</i> <i>Bachitius</i> cadit. 348	<i>Perenus</i> ad <i>Ferdinandum</i> tranſit. 434	<i>Petrus</i> <i>Aloſij</i> <i>Strozzeanis</i> lintres ad <i>Padum</i> traiciendum ſubmittit. 592
<i>Paulus</i> <i>Bachitius</i> , & <i>Ludouicus</i> <i>Pechri</i> <i>Hungarorum</i> duces. 339	<i>Perenus</i> docet nil eſſe cunſtandum, ſed audacter <i>Budam</i> inuadendam. 515	<i>Petrus</i> <i>Augurius</i> <i>Brixianus</i> . 36
<i>Paulus</i> <i>Bachitius</i> , exploratum mittitur ad <i>Zopiam</i> arcem, quam <i>Turca</i> fugientes incendunt. 341	<i>Perenus</i> in gratiam <i>Ioannis</i> regis rogante <i>Solymano</i> receptus. 523	<i>Petrus</i> <i>Croſſicius</i> capitur à <i>Turcis</i> , ac truncatur cepite. 337
<i>Paulus</i> <i>Cæsari</i> ſacerdotiorum decumas concedit in belli ſumptus. 275	<i>Perellus</i> <i>Petrus</i> in arce <i>Strigoni</i> ab <i>Hiſpano</i> capitur, ac rapaciſſimè torque & ueſte exuitur. 522	<i>Petrus</i> <i>Croſſicius</i> <i>Cliffa</i> regulus. 336
<i>Paulus</i> <i>Ceres</i> captus redimitur. 164	<i>Perenus</i> quæ audiuerat libere <i>Rochadulpho</i> dicit, ac ſibi <i>Hungariſq;</i> ſe proſpecturum aſſerit. 459	<i>Petrus</i> <i>Landus</i> <i>Venetus</i> claſſis præſectus <i>Molam</i> , <i>Polygnatum</i> atque <i>Monopolim</i> in deditionem rebellantibus ab <i>Hiſpanis</i> capit. 47
<i>Paulus</i> <i>Pontifex</i> <i>Auria</i> gladium ſacrum mittit. 276	<i>Perenus</i> ſuſpicionem de ſe inuadendiregni <i>Pannonia</i> ſatis ediderat. 523	<i>Petrus</i> <i>Landus</i> quantum poteſta <i>Cæsarianis</i> comineatus arcet <i>Neapoli</i> obſeſis. ibid.
<i>Paulus</i> <i>Pontifex</i> <i>Bononiam</i> uenit <i>Cæsarem</i> expectaturus. 531	<i>Perenus</i> , <i>Valentinus</i> , & <i>Maylatus</i> <i>Hungari</i> proceres paribus propè inſidijs, uirtutis inuidia circumuenti. 524	<i>Petrus</i> <i>Moldauus</i> uiginti ſecuri percuti iubet. 472
<i>Paulus</i> <i>Pontifex</i> <i>Florentinos</i> exules incitat ad recuperandam libertatem. 399	<i>Perenus</i> <i>Viennam</i> intrans ad uiros fortes de ſua ſorte conqueritur. 523	<i>Petrus</i> <i>Moldauus</i> <i>Valachorū</i> princeps <i>Muſtapha</i> triginta equorum milia mittit. 445
<i>Paulus</i> <i>Pontifex</i> <i>Hippolyti</i> <i>Cardinalis</i> ſuppellectilem ad baſtam uendit, cupiente <i>Alexandro</i> redimere. 399	<i>Pereni</i> ingens faſtus. 523	<i>Petrus</i> <i>Nauarrus</i> capitur. 8
<i>Paulus</i> <i>Pontifex</i> <i>Medice</i> domus ruinas æquo animo laturus. 302	<i>Perenifilius</i> ex aula <i>Solymani</i> à <i>Raſciano</i> ſeruo ſalici aſtu educitur. 523	<i>Petrus</i> <i>Philippus</i> <i>Pandulphinus</i> in conſecratione <i>Laurentianum</i> <i>Cosmi</i> templi diruendum dicit. 132
<i>Paulus</i> <i>Pontifex</i> mirus artifex in introſpiciendo interiores hominū ſenſus. 527	<i>Perenum</i> diadema olere obſectatores dicebant. 523	<i>Petrus</i> <i>Strozza</i> ad <i>Motem</i> <i>Murlium</i> caſtra metatur. 410
<i>Paulus</i> <i>Pōtifex</i> operam dat, ut <i>Cæſar</i> & <i>Gallus</i> mutuo colloquantur, & locum præſigat. 389	<i>Perona</i> ad <i>Somorobrinam</i> amnem oppidum. 319. 321. 322	<i>Petrus</i> <i>Strozza</i> cum exilib. ſunduntur, & capiuntur. 413
<i>Paulus</i> <i>Pontifex</i> <i>Petrū</i> <i>Croſſiciū</i> cohortibus ac tormentis inuat. 336	<i>Peronortus</i> <i>Granuellius</i> in <i>Vangiomib.</i> legatorum conuentui præpoſitus, in quo de religione diſputatum eſt. 438	<i>Petrus</i> <i>Strozza</i> inuerecundè patrem obiurgat, ac ad <i>Etruriam</i> expeditionem compellit. 409
<i>S. Pauli</i> <i>Regules</i> acie à <i>Leua</i> ſunditur & capitur. 79	<i>Perpennianum</i> à <i>Marco</i> <i>perpenna</i> conditum. 501	<i>Petri</i> <i>Aloſij</i> <i>Farnesij</i> alienati à <i>Cæsare</i> animi cauſa. 592
<i>Paulus</i> <i>Sfortia</i> fortiter <i>Laudem</i> <i>Pompeiam</i> defendit. 74	<i>Perpennianum</i> <i>Aragonijſ</i> parum honeſta conditione ademptum. 501	<i>Petro</i> <i>Aloſio</i> <i>Farnesio</i> <i>Nouariam</i> urbem <i>Cæſar</i> dono dat. 361. 362
<i>Paulus</i> <i>Simō</i> <i>Nicae</i> arcis præſectus. 564	<i>Perpennianum</i> <i>Henricus</i> caſtra mouet. 502	<i>Petruciana</i> coniuratio. 3
	<i>Perpennianum</i> <i>Henricus</i> <i>Fræciſci</i> filius	<i>Peuces</i> inſula, hodie <i>Barillana</i> dicitur. 465
		<i>Philippus</i> <i>Amiras</i> egre <i>Lotharingi</i> conſilium admittebat. 300
		<i>Philippus</i> <i>Auria</i> claſſem inſtituit ad oppugnandos <i>Cæſa</i> . ad ſe aduenientes. 43
		<i>Philippus</i>

INDEX.

HH 2

INDEX.

Sangrim

I N D E X.

<i>Sangrius arcem Clarascchi dedit.</i>	494	<i>Senenses subsidium contra Barbaros ipsis à Cosmo Medices oblatum respuit.</i>	569	<i>Solum Belgradum reuertitur.</i>	202
<i>Sanzaci prouinciarum praefecti.</i>	125	<i>Sergianus Carracciolus fidem mutat ac Gallis se addicit.</i>	42	<i>Solymanus Budam intrat, ac Regiam cum puero discedere iubet.</i>	458
<i>Sanzachos quos Turcae uocant.</i>	459	<i>Sergianus constantissime pugnans capitur.</i>	40	<i>Solymanus Budam, ac Pestum ceteris relictis defendenda constituit.</i>	516
<i>Sardi insidijs à Rétio adorti funduntur.</i>	68	<i>Sestinianum frustra Strozzi oppugnant.</i>	402	<i>Solymanus Byzantium iter instituit.</i>	170
<i>Sarmentus quare Castronoui angeretur.</i>	379	<i>Sexdecim annos continuos Florentini cum Pisanis bellum gresserunt.</i>	88	<i>Solymanus captiuos nuntiatum in urbem remittit quare Viennam oppugnat.</i>	130
<i>Sarmentus cadit.</i>	380	<i>Sfortiae Magni interitus miserabilis ad amnem Aternum.</i>	35	<i>Solymanus captos ad Execchium & Byzantium ductos cedi uolebat, sed Iannizeris deprecantibus seruati.</i>	353
<i>Sarnensis Regulus ab erumpente Saleto circumuentus cadit.</i>	282	<i>Sfortiani Galli Venetique Ticinum expugnant.</i>	79	<i>Solymano capita trium ducum ex Execchiana clade argenteis peluibus oblata.</i>	353
<i>Satnensis Theodoro Spinula egre Turcas sustinente succurrit.</i>	212	<i>Sibinicum oppidum, antiquitus Sicum fuit.</i>	505	<i>Solymanus Cassimo Bassa imperat, ut Nauplio, & Epidaurio in Peloponneso Venetorum Urbibus bellum inferat.</i>	338
<i>Sarra Columna.</i>	35	<i>Siculi profligantur à seditiosis Hispanis.</i>	366	<i>Solymanus castra mouet in Assyriam suadente Vlamane.</i>	265
<i>Saxerim occupat Rentius.</i>	69	<i>Signiferi sexdecim Florentini constituti.</i>	33	<i>Solymanus Christianorum armatis tres exercitus in Pannoniam ducit.</i>	445
<i>Saxo insula.</i>	333	<i>Sigismundus Laschum diplomatibus iuuat.</i>	123	<i>Solymanus commutato consilio Venetis bellum infert.</i>	332
<i>Sarzanium.</i>	71	<i>Sigismundus ad Solymanum legatos mittit, ut salua Solymani amicitia liceat Moldauos inuadere.</i>	468	<i>Solymanus ex cruce deiecta ex summi templi pinnaculo, Strigonium capitum omniatur.</i>	544
<i>Scaligeri procures Christophorus & Brenor duabus Germanorum legionibus in Italiam mittuntur.</i>	580	<i>Simon Zagobriensis Episcopus qui ad multam uilitatem castris frumentum suppeditaturum se promiserat.</i>	340	<i>Solymanus ultra Euphratem.</i>	242
<i>Scander Bassa quis.</i>	261	<i>Simulati Florentinorum vultus.</i>	20	<i>Solymanus Eunuchus Epirota Aegypti praefectus.</i>	427
<i>Scardi montes qui & quorum sint.</i>	529	<i>Sina mons.</i>	327	<i>Solymanus exercitum in Asiam ducturus ad Niceam congregationem facit.</i>	264
<i>Scardoniam Veneti capiunt ac diripiunt.</i>	315	<i>Sinas auertit quo minus Christiani serui ad unum omnes interimantur.</i>	294	<i>Solymanus expiato templo Strigoniam sacra facit.</i>	545
<i>Scarparia corrui.</i>	512	<i>Sinas pra gaudio recepti filij moritur.</i>	598	<i>Solymanus Francisco Galliarum fratris & amico classem duplo maiorem in Caesarem quam petierat promittit.</i>	509
<i>Scialonum oppidum, olim Catalaunum fuit.</i>	611	<i>Sinas commilitonum nomine Hariadeno respondet.</i>	287	<i>Solymanus Gallum fratrem appellat.</i>	507
<i>Scimitarra uocatus Carducci.</i>	31	<i>Sinas cum suis ducibus Tunetum profugit.</i>	286	<i>Solum Hariadeno uexillum sceptrum gladiumque de manu tradit.</i>	248
<i>Scipio Columna Reatinus episcopus colatis signis ad Manlianum pugnat.</i>	56	<i>Sinas Smyrnaeus Guleta à Barbarissa praeficitur & suorum nomina.</i>	280	<i>Solymanus ingratis Galliae Regi, quod pacem maturaret dicit.</i>	423
<i>Sclauoniam Drausus alluit.</i>	341	<i>Sinas Smyrnaeus cognomento Iudeus archipirata.</i>	98	<i>Solymano ad Iconium obuij Hariadenus Barbarissa, & Sinas cognomento Iudeus.</i>	226
<i>Scopia.</i>	330	<i>Soderinus auri tenax & uite prodigus.</i>	61	<i>Solymanus iratus quid de Ferdinando, & Ioanne regibus dixerit.</i>	426
<i>Scythae soli ab Othomannis inuicti.</i>	184	<i>Soderino cincto quindecim annis Patria praesuerunt Medices.</i>	21	<i>Solymanus Italia bellum inferre decernit.</i>	329
<i>Syllius cum adolescentibus Mediceis exturbatur.</i>	22	<i>Soderini consuetudo Florentiae reuocatur.</i>	22	<i>Solymanus Legatos ad Hariadenum.</i>	245
<i>Sebastianus Montecuculus discerpitur quod ueneno Franciscum Delphium interemisse dicebatur.</i>	317	<i>Soclos Amurathes capit, ac ad unum omnes interficit.</i>	540	<i>Solymanus literas ad Caesarem mittit, & eorum tenor.</i>	191
<i>Sebastiana uia.</i>	357	<i>Solum hasta cuspidem uerrere ignominiosum militia.</i>	148	<i>Solymanus Lusitanos India pellere studet.</i>	326
<i>Seditio militaris Viennae exorta.</i>	194	<i>Solymanus ad Albem conspectum.</i>	549	<i>Solymanus contra Moldauum expeditionem facit.</i>	468
<i>Seditio inter milites Florentinis ualde periculosa.</i>	172	<i>Solymanus arma expedit, ut Regiae succurrat, ac Regi puero dona mittit.</i>	437		
<i>Seditionem mouet Hispani ad Lintium.</i>	194	<i>Solymanus astronomiae, ac cosmographiae peritus.</i>	460		
<i>Sediuosorum capita inuolutis saccis submergit Vastus.</i>	277	<i>Solymanus Babylonia exercitum educit.</i>	263		
<i>Selandia & Hollandia Oceani inundatione uastantur.</i>	179	<i>Solymanus à Babylonijs recipitur ac ibi hyemare constituit.</i>	266		
<i>Selymus Turcarum Imperator ulcere apud renes contracto moritur.</i>	4	<i>Solymanus Belgradum peruenit.</i>	189		
<i>Selymi praesides superato Euphrate circa Byrtham incursiones faciunt.</i>	260				
<i>Senatus Florentinus non decreuerat principem eligere, sed uexilliferatum erigere.</i>	393				
<i>Senatus unum & triginta uirorum à Pontifice institutus.</i>	3				
<i>Senenses foeminae inter Italicas spectatissime formae.</i>	311				
<i>Senenses intrantem Caesarem eorum fines ac demum urbem liberaliter excipiunt.</i>	311				
<i>Senenses subsidium à Cosmo impetrant.</i>	199				

INDEX.

Solymanus Moldauos in filiē recipit, ac Stephanum regem constituit. 469	septa aula admittere non consuevit. 123	coronatur. 429
Solymanus octingentos captiuos in frusta conddi iubet. 453	Solymanus uisus Ludonici Regis & Mariae Reginae imaginibus quid dixerit. 118.	Stephanus Petrum sibi tradi contendit. 476
Solymanus obsidionē Viennae soluit. 131	Solymanus unicuique Selymi ex Bosphora nauuxore filius. 74	Stephanus Petri frater Moldauia rex constituitur. 469
Solymanus Pannoniae bellū infert. 11	Solymanus uuo tempore multis bellis occurrit. 445	Stephenus Rascianus, & Frāsciscus Francapanes à Regina deficiunt. 434
Solymanus ad Pannonicam expeditionem proficiscitur. 125	Solymanici exercitus numeris & disciplina. 191	Stephanus Verbetius suadet regem Ludouicum Budamē castris abire. 12
Solymanus in Persarum ditiones peruenit. 264	Solymani literae ad Franciscū cum classe missae. 533	Straphanus portus Etruriae. 14
Solymanus pari odio & Christianos & Persas prosequatur. 260	Solymani matris Orientis bellum dissuadet. 263	Strigonium describitur. 541
Solymanus pertesus expeditionis susceptae Corcyrae obsidionem soluit. 335	Solymani ordo in ducendo agmine. 268. 269	Strigonium oppugnandum distribuit Solymanus. 542
Solymanus Polino per Eunuchū grauissima oratione respondet. 507. 508	Solymani promissa Viennensibus. 131	Strigonium oppugnatur. 542
Solymanus potitur Buda. 13	Solymani responsa ad Ferdinandi Legatum. 124	Strigonium Solymanus reficit, ac munat. 545
Solymanus Regem puerū suis liberis amplectandum tradit. 454	Solymanica castra media estate summa tempestate niuium & imbriū in Persia afficiuntur. 265	Strigonium tres praetorianos Solymanus mittit. 541
Solymanus puerum ad Reginam remittit proceribus retentis. 455	Solymanica castra describuntur. 461	Strigonij eruptionem faciunt. 543
Solymanus quare non recta Quintio Viennam profectus fuerit. 193	Solymanica classis quanta in mari rubro. 328	Strigonij portus aperiuntur. 544
Solymanus per quatuor dies de Hungarico regno consultat. 455	Solymanica ac Veneta classes mutuo se amice saluant. 330	Strigoniensibus imperatur arma dimittere. 544
Solymanus Regi puero, & Hungaris proceribus dona mittit. 354	Solymanici exercitus numerus & disciplina. 400. 401	Strimones amnis Marmarinus dicitur. 330
Solymanus Reginam cum puero in castra euocat. 454	Solymanici improbitas à Persis opprimuntur. 270. 271	Strozza cum Florentinis quæstoribus se dedit. 50
Solymanus Rhodum expugnat. 8	Soncini oppidi ditionem Stape Mediolanensis arcis praefecto Caesar donat. 384	Strozza ad Sarauallē oppidū pugnat. 593
Solymanus per Rostanē Ferdinandi legatis respondet, & quibus conditionibus Solymanus Ferdinando pacem concere uellet explicat. 461	Sophus Hismael Tammassum natu quatuor fratrum maximum heredem instituit. 259	Strozza apud Mirandulam milites conscribit. 589
Solymanus per simulationem uiscende urbis Buda portas occupari iubet. 455	Sophi Hismaelis filiorum hereditates ac praefecturae quae. 259	Strozza Pitilianus se coniungit. 592
Solymanus se proprium Romani Imperij successorem asserit. 183	Spalatenenses incolae uisuri expugnationem Maleuicini castelli à Turcis capiuntur. 337	Strozza Hippolytus Cardinalem Atestinum cōsultat de itinere faciundo. 589
Solymanus septem Procerum capita sibi allata irridet. 118	in Sphragiae insulae portum classem deducit Auria quem nostri Sapientiam uocat. 210	Strozza mentita rubra cruce feliciter elabitur. 594
Solymanus suos duces ad se uocatos increpat, ac eos nisi Alba expugnata redire iubet. 550	Spinula & Auria familiae Gibellinae factionis. 71	Strozza noctu se proripit. 593
Solymanus suos increpat quod à limine uictoriae sese retulissent. 130	Spinulam Fregosij capiunt. 66	Strozza obuiam proficiscitur Vastus. 592
Solymanus Tauristum capit ac diripit. 268	Spinula Genuam reuocatur. 65	Strozza omnes moras abruptendas dicit. 590
Solymanus in Thraciā redit, ac Laschū dimittit. 462	Spinula Ligur à Numidis capite truncatur. 281	Strozza per Liguriam in Galliam cum cohortibus traiecit. 594
Solymanus in Thraciā reuertitur. 131	Stabiae olim nunc Castellum maris. 55	Strozza plures dicebatur ducere copias quam faceret. 591
Solymanus tres statuas Buda Byzantiū auehit cum aliquot tormentis columnisq. 118	Stechadae insulae portum Massiliae efficiunt. 219	Strozza simulat Padum trajicere, ut hostes fallat. 592. 593
Solymanus triremium classem instituit, ut Lusitanos India pellat. 327	Stephanus Balia Mutinensis à Vastio suspenditur. 403	Strozza suis copiis Padum trajicit 590
Solymanus Viennam peruenit. 117	Stephanus Bator praeses Pannoniae designatur Prorex. 122	Strozzeani profligantur. 594
Solymanus uirum Christianum intra	Stephanus Columna apud Caesarem castrorum magister factus. 554	Strozzeani exutis tormentis uexillisq. in fugam uertuntur. 412
	Stephanus Ioannis filius à baptismo	Stuarda familia Scotiae. 518
		Stuarda familia quinq. Iacobos Scotiae reges non inter ceteros stirpis serie tulit. 518
		Studium Florentinorum noua libertati tuenda causa. 29
		Sublaqueanum. 29
		Sueui Vldericum Vitembergeni dirione exuunt. 226
		Suetia portus olim Arsinoes. 317
		Sulmoneses Praecutini Peligniq. sine uoluntate in potestate redigii Valerius. 36
		Sultani Reges duo à Selymo deuicti atque

INDEX.

que interfecti. 4
Sultaniam olim Persarum regiam Soly
manus ad statua contendit. 264
Summa oppidū à Cesarianis noctu iter
facientibus capitur. 55
Surrionius capitur. 606
Sursum oppidum in Sardinia occupat
Rentius. 68
Synodus diuersa Reipub. magnam tran
quillitatem attulisse. 478
Syracusanus portus hodie Bonifacius.
479

T

T Agius in medio sui alvei sicca ua
da ostendit. 179
Talismanes Sacerdos Solymano
dicit dormientes haud uiuos censeri.
172
Tammās à Cesare tormentis iuuatur &
socius appellatur. 272
Tammās in Coraxenos abscesserat.
265
Tammās Solymani uestigijs insistit.
269
Tammās iterum in Coraxenos se reci
pit. 267
Tammās magni Hismaelis filius. 142
Tammās Regia diripitur. 268
Tammās regiam urbem Solymanus in
trat. 264
Tammās sententiam de bello gerendo
perdisit Vlamenes. 264
Tamerlancs Scytharū dux clarissimus.
264
Taruanna à Belgis obsidetur. 324
Tattam in deditionem Solymanus ca
pit, ac euertit. 546
Taurileum dolo capere Cesariani parāt.
510
Taurinum urbem Galli defendere spe
rant. 356
Taurinenses media laborantes à Gallis
succurruntur. 357
Taurisium à Solymano diripitur. 268
Taurisium Tammās regia urbs. 264
Taurus incantatus sedanda pestis causa.
8
Teias Agillarius equitum praefectus ca
dit. 39
Telamonū Barbarussa expugnat. 599
Ternouizia regia Valachia. 465
Tertiam partem mortalium lues in Ita
lia absumpsisse ferebatur. 75
Tessius ad Montisferrati oppida occupā
da mittitur. 588
Testegis Habraymi citharædus militibus
praeficitur. 378
Tharnouius dux peritissim⁹ Moscos su
perat. 467
Tharnouius Moldauum fundit, ac tor
mentis exurit. 468
Thermaicus sinus. 330

Themestitana urbe Venetia urbis instar
potitur Ferdinandus Cortesius. 306
Theodorus Triuultius Venetorum impe
rator captus. 7
Theodorus Triuultius arcem Genuen
sem dedit. 72
Theodorus Spinula egre Zadarē susti
nuisset ni Sarnensis succurrisset. 212
Theodosia quæ Cassa dicitur. 465
Thessalonica. 330
Thermus. 583
Thermus capitur. 584
Tocatae praelium. 121, 122
Thomas Eboracensis Cardinalis author
reputat inter Regem Henricum &
Catharinam Caesaris materteram.
216
Thomas Volscius Cardinalis supplicio
affectus. 325
Thomas Volscius Cardinalis Eboracen
sis Anglia regno pestilentissimus. 325
T. Zephio funesti cubiculi clauis dat
Laurentius Medices fugiens, honoris
immemor. 390
Ticium capitur ac diripitur. 23
Ticinum expugnatur à Gallis, Sfortia
tians Venetisq. 79
Ticinum obsidet Veneti cum Lotrechio.
24
Ticinum à Rege menses quatuor obside
tur. 10
Ticinenses statuam Antonini Caesaris au
ferri non patiuntur. 23, 24
Tinctus Batifolius cadit. 152, 153
Titus Marconius Vastū praefectosq. cæ
teros Italici sanguinis proditores ap
pellat occidendūq. decernit. 205
Titus Marconius Volaterranus ad sedi
tiosos Italos loquitur. 203
Tocaum castrum. 121
Tolonis portus antiquitus Taurēta fuit.
567
Tolonæ portus, antiquitus Tauranta.
315
Tormenta relinquuntur, puluis cum cæ
teris belli apparatus exurit. 347, 349
Tormenta quot Buda capta in castris
& Pestis. 452
Tormentis Galli exuuntur. 9
Tornicellus Albā proficisci retractat. 547
Tornicellus Hannibalem capitali suppli
cio afficit. 546
Touares cum Amida quibus conditioni
bus sedus percutit. 574
Touares apud Casarem furti reus factus
à Muleasse. 577
Touares Guletae praefectus suadet Mu
leassi ne tam exiguis copijs Tunetum
proficiscatur. 573
Toxanoriam regionem inuadis Rosse
mius. 497

Traiani pontis uestigia uisuntur ad Se
urinum oppidum. 469
Tranium occupat. Camillus Vrsinus. 77
Transalpina Valachia. 469
Transylvanicae populos in deditionem
Ferdinandus capit. 122
Transylvani ad arma ad Americi anti
stis mortem uindicandam. 240
Transylvani quare à Ioanne rege rebel
lant. 427
Trecenti milites à niue in peligni ualle
extincti. 36
Tribus de causis constituerat Caesar Gal
liam inuadere. 313
Tridenti concilium indicitur. 525
Tridentini concilij translationem apud
Bononiam cur instituit Paulus III.
Pontifex. 611
Tripartitum diuisi Cesariani iter facien
tes uno quasi tempore Neapolim ue
niunt. 40
Tirremes plicatiles. 327
Tirremes quatuor Adriaticae merguntur.
566
Troia situs. 37
Troilus Pignatellus Neapolitanus trā
fuga ad Solymanum inter Mutsara
cas ascribitur. 329
Tumultuaria pugna Cesariani cum Gal
lis pugnant. 42
Tumultuariam pugnam Cesariani exci
tant in Gallos perficienda munitione
ad Pogium intenti. 50
Tunetum diripitur. 296
Tunetum Turcarum colonia uidebatur.
571
Tunetum uersus Caesar castra mouet.
291
Tuneti Christiani cohortis praetorianae
in praesidio. 254
Tuneti reliquiae Gallorum à Poenis supe
ratorum inuenta. 297
Tunetana arce serui Christiani potun
tur. 298
Tunetani regni amplitudo. 251
Tunetani conglobantur cum Roschet
tem non uenientem intelligunt. 265
Tunetani cum Hariadeno pacem.
258
Tunetenses ad Casarem cum clauibus.
295
Tunetanos Mesuar ad arma suscipien
da Turcasq. obsidendos hortatur.
256
Turca insignis Dux Vitellium sibi osten
di petit, ac amplectitur. 521
Turca sub auroram Rochadulphi castra
duobus in locis oppugnant. 448.
449
Turca Austriana castra inuadunt.
450, 451

INDEX.

- Turca Barbaruffam cum Auria colludere dicebant.* 567
- Turca ducenti equites ab Hungaris caduntur.* 150
- Turca & Germani leuiorib. praelijs aliquot diebus pugnant, quod cum fieri Rochandulphus uetat, nostrorum animos minuit, Turcarum auget.* 447
- Turca loco depelluntur ad Execchium.* 343
- Turca nullum extraneum ad Tyrannum admittunt, ni primo de occultis armis inuestigarint.* 460
- Turca Pestum oppugnare desinunt, & re infecta Danubium traiciunt.* 438
- Turcarum capita Viennam deferuntur.* 191
- Turcarum agmina in Coronesium subsidium uenientia.* 212
- Turcarum castra ad Budam.* 446
- Turcarum praefecti suos ad Viennam oppugnandam vulneribus & uerberibus adigunt.* 130
- Turcarum praefecti qui, & numerus eorum exercitus.* 516
- Turcarum cum Venetis pacis abrupta occasio.* 331. 332
- Turcas cedunt Hungari.* 198
- Turcas fundit Catianer.* 198
- Turcas fundit Lodronius.* 198
- Turcica classis magno cum detrimento in Danubio congelata.* 437
- Turisanus ad Caragium oppidum a Caesarianis deuictus.* 385
- V
- Vacciam in potestate redigit Velusius.* 434
- Vacciam expugnant Turca.* 483
- Vagnissa amnis, olim Aenantem uocabant.* 332
- Valacchia describitur.* 464
- Valacchia in duas partes dimiditur.* 365
- Valacchia a Flacco praefide Romano originem ducit.* 464
- Valacchi Deum Christum colunt Graecorum more.* 364
- Veldemontius legitimus haeres Andegauensum.* 36
- Valdemontius ad Neapoles portas.* 13
- Vallemontonium expugnant Germani, & Hispani.* 27
- Vandanesius Comi praesidio impositus.* 7
- Valentinus & Maylatus ueri Hunnici sanguinis fraude a Barbaris capiuntur.* 464
- Valentinus Maylatus, ac Perennius paribus prope insidijs uirtutis inuidia circumuenti.* 524
- Valentinus solus ex proceribus a Solymano retinetur.* 458
- Valentinus Thurac & Bachubius Paulus ambo instabilis fidei.* 186
- Valentino libertate Regina impetrat.* 458
- Valerius Ursinus se dedit posteaque dimittitur.* 62
- Valerius circumuentis Gallis periclitantibusque subuenit.* 37
- Valorio mortem interminatur Cosmus.* 401
- Valponium arx.* 342
- Valponium Solymanus in deditioem capit.* 540
- Varanius Spurius.* 35
- Varania familiae reguli ueteri dominio depulsi.* 35
- Vascones ultra moenia fugientes a Germanis occiduntur.* 405
- Vastius ex Aenaria a Cesare euocatur.* 279
- Vastius efflictos Italos oratione consolatur.* 283
- Vastius in Arelatensem usque agrum excurrit.* 317
- Vastius, & Ascanius Columna ab Auria in Aenariam exponuntur.* 61
- Vastius, & Ascanius Columna in nauali praelio capiuntur.* 45
- Vastius ad Caesarem de seipso paucissima loquebatur.* 219
- Vastius Caesaris copias in Florentia conspectum ducit.* 104
- Vastius dum studet retentare seditionum agmen periclitatur.* 205
- Vastius ad expeditionem Coronensem uenire noluit.* 220
- Vastius & Gonzaga refragantur Leuae consilio.* 312. 313
- Vastius inducit Auriam, ut Caesaris auspicia sequatur.* 70
- Vastius Italos honoris memores esse hortatur iam ad seditionem procinctos.* 203
- Vastius post inducias Regia castra ad Carmagnolam inuist.* 358
- Vastius preparat se ad Strozzeanos excipiendos. 562. quare de inducijs inter Caesarem, & Gallos percussis gauderet.* 358
- Vastius quare Gallos leuioribus praelijs uexandos censeret.* 357
- Vastius scalis in arcem cum militibus. Casa recipitur.* 386. 387
- Vastius scitiosis filium obsidem offert quoad pecunia exoluatur. 364. seditiones ad officium reuocare studet.* ibid.
- Vastius sibi Lanoium adiungit, ac Strozzeo obuiam proficiscitur. 564. summum naufragij periculum addit. 566*
- Vastius tribus de causis Gallos oppugnandos censerat.* 581
- Vastius ad praefectos Hispanos dicit.* 283
- Vastius ad Carinianum Azalium & Vi comercatum fundit & capit.* 589.
- ad Carinianum succurrendum se parat.* 580
- Vastius ad recipiendum Casale promptissime se itinere committit. 386. ad Stalouiam castra mouet. 582. egrotus Regem inuisere nequit, at nobiles Insuabres ad Regem mittit. 360*
- Vastius a Fortuna interceptus, quo minus suscepta ad Carinianum succederent. 582. castra Carinianum uersus mouet.* ibid.
- Vastius Cherium expugnat.* 405
- Vastius duas legiones Germanorum a Ferdinando rege ad se euocat. 404. egregio dolo Monteuicium in deditioem capit.* 567. 568
- Vastius & Auria Caesari Africa expeditionem dissuadent.* 475
- Vastius fortissimam Sarmenti legionem deplorat, Insuabresque laetantur. 381. Gallorum praesidia in subalpina Gallia expugnat.* 352
- Vastius Hispanos castigat, quod pro cono parua uexilla galeis imposuissent. 407. in hostium conspectum se dat.* 583
- Vastius intra uiginti octo dies supra Casale receptum Cherium Clarasum, atque Albam fortissime expugnat.* 408
- Vastius male apud Cerisola ominatur.* 584
- Vastius summergit seditiones.* 277
- Vastius ad arcem Tuneti a Christianis excipitur.* 256
- Vastij acies ad Cerisolam describuntur.* 183
- Vastij amuli detulerunt non parem decreto numerum militum conscriptum.* 194. 195
- Vastij literae ad Simeonem missae a Gallis interceptantur.* 368
- Vaticanum diripitur.* 11
- Vbertus Gambara apud Britannos legatus.* 23
- Vestigal dira cladis Leua excogitat.* 81
- Vega ad Caesarios deficit.* 595
- Vega Anxianum expugnat.* 595
- Vega deditos suspendit.* 595
- Velasus, & Henricus Gallos superant.* 5
- Velsius Budam obsessurus ad Aquas Calidas castra metatur.* 434
- Velsius castra ad Srigonium reducit quod Hungari, & Germani quotidianis rixis inuicem inuaderent.* 435
- Velsius Vicegradum altamque arcem expugnat.* 435
- Velsius

INDEX.

- Velsius Pestum occupat. 434
 Venetus exercitus in Peligni ualle à ni-
 uibus affectus. 36
 Venetus Senatus Antonio Polino Re-
 gis Galliarum legato respondet. 507
 Venetus Senatus legationem Dauali,
 & Hanebaldi suspectam habebat. 419
 Veneti in Apuliam cum Lotrechio. 30
 Veneti Caesar & Pontifex foedus in Tur-
 cas percutiunt. 355
 Veneti in partes Caesaris trāseunt. 303.
 304.
 Veneti ad excidium Sfortiani imperij
 cum Gallis coniurauerunt. 261
 Veneti fame laborantes à Solymano li-
 beraliter adiuti. 417
 Veneti Galli Sfortianiq; Ticinum expu-
 gnant. 79
 Veneti nullo alio Gallia regi foedere alli-
 gari uolebant. 217
 Veneti legatos mittunt ad Casarem,
 Gallum, & Solymantum. 420
 Veneti legatos amplissimos ad Casarem
 mittunt. 105
 Veneti Obroatium recipiunt, ac di-
 ruunt. 337. pacem à Turcis redi-
 munt tradito Nauplio, & Epidauro
 urbibus. 417
 Veneti ad oppugnandum Obroatium
 profecti à Turcis profligantur.
 335. 336 consilia sua commodo
 metientes. 505. Camillum Vrsi-
 num in Dalmatiam mittunt. 337.
 Ostrouizsam expugnant, ac euer-
 tunt. 337
 Veneti quare se à foedere Caesaris abrum-
 perunt. 376
 Veneti Solymantum monuisse fereban-
 tur ne integris copijs ad Viennam
 cum Casare confligeret. 218
 Veneti superbe Hispanorum præsi-
 dium ad Preuesam refutarunt. 375
 Veneti suspecti quod Himeralē Ambra-
 cio sinu ob Aurie metum excedere
 iussissent. 209
 Veneti Turcico bello ualde afflictī. 417
 Veneti uela iuncis ad antennas colliga-
 tis fugam ad Preuesam uidebātur pa-
 rare. 375
 Venetorum, & Lotrechij exercitus nu-
 merus. 36
 Venetorum Imperator captus. 7
 Venetis Turcarum arma à ducentis an-
 nis semper funesta. 417
 Venetis Solymanus bellum infert. 332
 Venetijs detecti qui Reip. arcana pro-
 palarent seuerissimè dannati. 420
 Venetijs ordo rogatorum ad quinquā-
 ginta reductus. 420
 Veneta & Gallica classes ad Auriam op-
 pugnandum re infecta decedunt. 63
 Veneta, & Gallica classis à Sardinia
 magnis detrimentis acceptis soluunt. 69
 Veneta triremes quæ Alexandriam
 nauigant à Barbaris uectori-
 bus, & nautis spoliatur 328
 Veneta cum Turcis abrupta pacis occa-
 sio. 341
 Venusini Galli deditionem faciunt. 40
 Verreius cadit. 41
 Verticillus famosus latro Casarianos
 Neapoli obsessos mirifice adiunat. 48
 Verticillus ab Hispano Pratore spo-
 lijs suis inbante suspenditur. 48
 Vestricium Moldauus occupat. 466
 Vexillifer Nicolaus Caponius, & qui-
 bus conditionib. 22
 Vexillum à Florentinis expetitur qui-
 bus conditionibus à Caponio concef-
 sum. 32
 Vexilliferorum nomina qui primi Al-
 ba moenia superassent. 407.
 408
 Vgo Moncata mortuus ad Amalphin
 urbem tumultatur. 46
 Vgo Moncata cum Pōtifce pacem init. 11
 Vgo Moncata, cum Pompeio Columna
 in urbem irrupit. 11
 Vgo Pepulus moritur. 59
 Vgo Pepulus Etruscæ legioni præficatur
 à Lotrechio. 50
 Vicegradus situs. 434
 Vicontius Turenus à Francisco ad Cle-
 mentem missus. 35
 Vicus antiquitus Clastidio Iterobuium,
 hodie Sratella nomen habet. 592
 Vidamius. 580
 Vienna oppugnatur. 130
 Vienna obsidet Solymanus. 117
 Vienna moenia cuniculis à Turcis ape-
 riuntur, & oppugnantur. 129
 Vienna moenia prorsus immunita. 129
 Villacum olim Vacorium usque Tribu-
 ni militares præuenerunt. 207
 Vuillermus Boioaria regulus. 183
 Villermus Cliuensis regulus hares à
 Carolo Geldrio institutus. 421
 Villermus Cliuensis sub fide publica ad
 Casarem. 422
 Villermus susceptum titulum armis de-
 fendere censebat. 423
 Villicus exustis fabarum paleis nubent
 excitans, credebatur signum Turcie
 classis aduentantis Casarianis, ac
 Regijs dedisse. 366.
 361
 Vincinius Cerrasa Montis sacra
 arcis regulus ad Gallos deficit. 42
 Vincinius Catareus Dalmata Christia-
 nos seruos ad libertatem arripiendā
 hortatur. 29
 Vincinius Capellius Veneta classis præ-
 fectus. 365
 Vincio qui Anguillotto suppetias latu-
 rus ierat redituro Malatesta laqueū
 parauit. 140
 Virginius Vrsinus Pontificiarum tire-
 mium præfectus uexillum à Pontifice
 recipit. 277
 Vistarinus Gallos magnis incommodis
 afficit. 588
 Vistarinus Vastium hortatur, ut reli-
 cto primo itinere ad se Cherio iter fa-
 ceret. 582
 Vitellius egregiè Pestanis insidias
 struit. 517
 Vitellius Pestum expugnari in consilio
 asserit. 520
 Vitellius Turcas erumpentes Pestum im-
 pellit. 517
 Vitellus ad Vacciam mittitur explora-
 turus hostium insidias. 508
 Vitellio à Ferdinando aurea pocula do-
 nantur. 528
 Vitelliani tumultum excitant ex quo Se-
 natores maturius decernebant. 395
 Vitricum iniussu Caesaris incenditur à
 Germanis. 610
 Vlamanes Persa præfectus Illyrico quos
 milites paret. 377.
 378
 Vlamanes Persa ad Solymantum transse-
 git. 2630
 264
 Vldericus Vuirtebergicus exul à Sueuis
 expulsus. 226
 Vldericus ingenio turbido, crudeli, fu-
 rioso. 227
 Vldericus ab omnibus ferè suis oppidis
 recipitur. 233
 Vldericus Reilingum obsederat cepe-
 ratq;. 226
 Vldericus à Sueuis Virmembergenfi di-
 tione spoliatur. 227
 Vldericus patrimonium emit Caesar. 227
 Vlyxes Vrsinus cadit. 594

INDEX.

Volaterra Romanorum Colonia Syllanarum partium. 17
 Volaterra descriptio, & situs. 153
 Volaterrani arcem obsident, ac Pontifici legatos mittunt. 149
 Volaterra oppugnatur. 151. 156
 Volaterrani Florentiam mittunt alium Praetorem postulantes. 147
 Volaterrani prius secundo quàm priore Praetore mutantur. 149
 Volaterranus ager inuaditur ab Alexandro Vitellio. 147
 Volfangus Hoder ad Possonium subeuntem Turcarum classem magno incommodo efficit. 128
 Volfangus vexillifer capitur ac à Solymano ueste donatus ad suos dimittitur. 128
 Vmbrico bello ab Aurantio quibus conditionibus finis impositus. 113

Vno tempore Solymanus pluribus bellis satisfacit. 381
 Vrbinum à Medice receptum manibus nudatur. 3
 Vsarones duo ad Valentinum transfuga de Austrianis fugam meditantib. Turcas edocent. 450
 Vsarones Hungari leui armaturæ equites. 13
 Vrsinus eruptionem facit. 115
 Vtica. 255
 Vtica portum Africæ Caesar applicat. 279
 Vulcanus immoderate fortitudinis iuuenis cadit. 406

Z

Z Acyntus insula. 213
 Zadares cum septingentis equi-

tibus Turcis Coronem properat. 212
 Zadares interficitur. 212
 Zafrianum promontorium olim Apollinis. 181
 Zanolius Bartolinus aliena semper à Rep. coquens. 114
 Zanolius Bartolinus, & Raphael per urbem uolitant. 116
 Zapolia familia. 427
 Zeila insula Indiæ nobilissimum emporium. 269
 Zida percelebris portus 382
 Zidam urbem Eunuchus dolo & immaniter capit. 381
 Zirmar Persa classis præfectus ad Strigonium occiditur. 343
 Zopiam arcem fugientes Turcæ incendunt, 342
 Zuccania. 469

FINIS.

38487

B A S I L E Æ
INDVSTRIA ET OPERA
PETRI PERNAE
SVMP TIBVS VERO HENRI-
CO PETRI ET SIBI
COMMVNIBV

Cum Gratia & Priuilegio Cesareæ Maiestatis.

ANNO CIO IO LXXVIII.
 Calendis Martijs.